






Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.111









Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.111





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.111







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.7.111

1. 7. 111












712  
VIII

217


SCHOOCK  
Dipen. Var.

Ex selectissima Bibliotheca  
Equitis Antonij Francisci  
Marini Supremi Bibliothecarii  
Serenissimi Magni Ducis  
Etruriae











Ex legato D: Equitis Antonij Francisci  
de Marmis




MARTINI SCHOOCKII  
**EXERCITATIONES**  
V A R I Æ,  
D E  
**DIVERSIS MATERIIS.**

*Quæ hac Editione Nova  
Tum auctæ, tum locupletatæ & vindicatæ.  
Acceſſerunt Indices neceſſarii.*



**TRAJECTI ad RHENUM**  
Ex Officinâ G I S B E R T I Æ Z Y L L, Bibliopolæ  
**ANNO M DC LXXIII.**









## P R Æ F A T I O.

L. S.

**A**liis libris ferme præmitti solet Dedicatio, cui grandia nomina sunt præscripta, cauda ut plurimum definiente in locupletatione loci communis de Adulatione, quæ Græculum non minus in cœlum subvehit, quam oculos bene sperare jubet: qui tamen minus auspicato sæpe hiant, atque cochleæ, quæ, dum hoc agunt juxta experientiam, haut fallacem per omnia, censentur pluviam prænunciare. Mihi aliud placet. non, quod institutum pervetustum, quo, viris in eminentia constitutis monumenta literaria consecrari solent, prorsus improbem: (ipse aliàs idem facere soleo) verum ut ab hoc libro avertam non solum *male verbera lingue*, sed & styli; quæ prævideo non modo mihi, sed illis quoque, quorum patrocinium imploravero, parata fore ab iis, quorum fucata sanctimonia, simpliciter sanctimonia ex sensu perverso cenferi debet, quod propositi sui sit tenacissima. Cum tamen dictum sit ab Apostolo Jacobo: *Ne estote multi doctores, fratres mei, scientes fore, ut gravius iudicium auferamus*, Jacob. 3. 1. & à Paulo Phil. 2. 3. *Nilil gerite per contentionem, aut per inanem gloriam, sed ex animi submissione alii alios existimate sibi præcellere.*

II. Adeoque securus Dedicatoriæ Epistolæ, ad scribendum Prologum me compono. atque ne repetam illa, quæ fusius deduxi in Præfatione, præfixa Priori Editioni harum Exercita-

[ a 2 ]

tio-



# P R A E F A T I O.

tionum, de paucis solummodo agam, concernentibus præfens institutum, simul averruncaturus illa, quæ forte offendiculum præbere possent infirmioribus. Initio quidem non sine ratione aliquis cogitet illud Apostoli Gal. 5. 15. *Quod si alii alios mordetis & exeditis, videte ne vicissim alii ab aliis consumamini.* Quem locum paraphrastice explicans Basilius Magnus lib. de Sp. Sancto cap. 30. ita per Interpretem loquitur: *Dum alii in alios vicissim impetum facimus, alii ab aliis subvertimur.* (ὅτι ἀλλήλων ἀνατρεπέμεθα) *Et, si te prior non percusserit hostis, is, qui auxiliatur, vulnerat: quod si ille ceciderit ictus, commilito tuus insurgit.* καὶν πέση βληθεὶς, ὁ συνασπίτης ἐπαυέβη. Sed ejusmodi Cenforibus in memoriam revoco factum Pauli ipsius, qui cum Apostolum Petrum aliquid facere vidisset, quod præjudicium erat Christianæ libertati, quam Dominus Jesus Christus nobis asseruit, *in os ei obstitit, eo quod condemnandus esset,* Galat. 2. vers. 11. & *recto pede non incederet,* vers. 14. Occasio scriptionis meæ oblata est ab illis, qui in grande præjudicium Christianæ libertatis, circa Adiaphora, per singulares suas opiniones (pro quibus haud aliter atque pro aris & focis digladiantur) laqueos conscientiis injiciunt. Quibus ut non minus candide, nihilque affingendo, quam serio & animose restiti; ita apud genuinos Evangelicæ religionis & libertatis fautores, confido me æque securum fore, atque Paulum Apostolum, qui licet non velit Galatas, ἀλλήλους δάμνειν, *se invicem mordere,* profitetur tamen se Petro, in Collegio Apostolorum seniori, restitisse κατὰ πρόσωπον. Non is, qui patrocinatur Christianæ libertati, atque in alterius sententiam modestè inquiri, censendus est fratrem suum mordere; sed, qui clam ei detrahit, affictisque opinionibus impiis (ad quas ipse exhorrescit) viris bonis, & quibus non vacat, aut non licet per ignorantiam linguæ Latinæ scripta illius, qui læditur, legere, persuadet, indignum Scriptorem esse, qui agnoscatur Ecclesiæ



P R A E F A T I O.

Ecclesiæ Reformatæ membrum. Hoc vero mihi contigisse, & Sycophanticis moribus Theologorum quorundam Pseudo-zelotarum parum quin discerptum fuisse, constat plurimis non modo in Belgio, verum etiam extra illud: optime vero novit Judex Universæ terræ, καὶ διογνώσῃς Deus, cui ultimo judicii die sistar cum adversariis illis, quorum odium, plus quam Vatinianum, nulla ratione hætenus placare potui. *Quantum ad me, ex animo illis ignosco, & Deum supplex veneror, ne in peccatum iis statuatur illa, quæ hætenus amarus & immodestus zelus dictavit.*

III. Ex quo librum de bonis Pseudo-Ecclesiasticis evulgavi, commovi usque adeo hos (de quibus conqueror) homines, ut *circumdederint me tanquam apes*, Psal. 118. vers. 12. laborarintque non tantum per semetipsos, sed per discipulos quoque, (qui maledicam linguam, exacutam ad cotem Præcisi-tatis, ad me lædendum in curribus & navibus circumferre solent) imo per ipsos Venerandos Synodi hujus Provinciæ Deputatos (quibus cæteroquin nihil detractum cupio) omnibus modis perdere. Intumuit bilis, editis Exercitationibus Sacris, astuavit vero usque ad furorem, adjuncto libello de Præcisi-tate, quem ut proclamarunt execrandum esse, ita non modo Carnifici destinarent, qui eum Vulcano offerret, sed mihi Authori, si non laqueum, saltem exilium perpetuum extra Belgium pro sua misericordia voverant. Atque *nisi Jehovah adfuisset mihi, cum hi homines contra me insurgerent, virum absorbuissent: at, Benedictus Jehovah, qui non exposuit me prædentibus eorum* Psal. 124. v. 2. 3. 6. Is IPSE, indignissimo suo servo, ac destituto omnium hominum præsidio, adfuit à dextra, & mirabiliter servavit: adeo ut quidam ex primipilis horum Zelotarum, *me transeunte, inciderint in retia jacula sua*, Psal. 141. vers. 10. Quum vero *libertatem loquendi habeamus apud Deum, si cor nostrum* (quod alias *ut fraudulentum* Jer. 17. spectro)



P R A E F A T I O.

ſpecto) *nos non condemnet* : gratia Dei me, miſerum cetero-  
quin peccatorem, mirabiliter corroborante, verum eſſe per  
propriam experientiam didici, quod dicitur Jeſ. 54. v. 17. *Nul-  
lum instrumentum formatum contra te proſperabitur, & omnem  
linguam inſurgentem contra te in jus condemnabis: hæc eſt poſſeſſio  
ſervorum Jehovæ, quorum juſtitia eſt ex me, dictum Jehovæ.*

IV. Prævideo homines noſtros, juxta ſuum ingenium, fan-  
nis hæc excepturos, atque me traducturos, ut graphicum hy-  
pocritam, novisque convitiis apud ſuos amicos oneratu-  
ros eſſe. At à *rumore malo non timet, erecto animo ſuo conſiſus Je-  
hovæ*, Pſal. 112. verſ. 7. Ipſorum vero judicio, charitatis ex-  
perti, ronchis, itemque canticis omnibus, duntaxat oppo-  
no illud Pauli 1. Corint. 4. verſ. 3. *Mihi pro minimo eſt quod à  
vobis dijudicer, aut ab humano judicio.* item illud Lactantii ex  
Epit. Divin. Inſtitut. *Nihil ad nos adinet, quid judicent ſulti;  
quid homunculi ſentiant.* Nos judicium Dei exſpectare debemus:  
*ut eos poſtmodum, qui de nobis judicaverint, judicemus.*

V. Fateor me ex profeſſo Theologiam non docere; non  
tamen propterea mereor contemni ab iis, quos Doctura &  
Profeſſio Theologiæ ſupinant. Pro me ſuffragium dicit ipſe  
D. Doctor Voetius, in Oratione Inaugurali, quam habuit cum  
in Gymnaſio Ultrajectino Profeſſionem Theologicam auſpi-  
caretur. Fero, ut à talibus cenſoribus traducar, tanquam ho-  
mo *ſtūdioris*, & obſcurus. Etenim ab animo, odio excæcato,  
ſantum non poteſt proficiſci judicium. Ego interim *contentus  
ſum lucubrationum mearum opinione: de qua mihi jampridem in  
portu judicii publici, poſt lividorum latratuum Scyllas enavi-  
gas, ſufficientis gloriæ anchora ſedit.* ut pauca commodato ac-  
cipiam à Sidonio Apollinare lib. 1. ep. 1. Atque ſi pecco ex  
ignorantia Theologiæ Practicæ (ut quidam publice perſua-  
ſum eſſe vellent) cur mihi tam inclementer dicitur? utique  
docendus eſſem, & *reconcinnandus cum ſpiritu lenitatis*, ut  
Pau-



# P R A E F A T I O.

Paulus monet Galat. 6. v. 1. Dionysius Epist. ad Demophilum: διδάσκειν καὶ τιμωρεῖσθαι καὶ τοὺς ἀγνοῦντας, ὡς περ καὶ τυφλοὺς ἢ πλῆθους ἡγοῦμεν, αἰνὰ καὶ χειρὶ ἡγεγώμεν. *Ignorantia laborantes docendi sunt, non puniendi; non enim cecos punire solemus, sed manu ducimus, errantesque in viam dirigimus.*

VI. Sed, quoniam hi homines existimant, per me aliquid decessisse suae existimationi, apud coecos suos admiratores, adeo ut prudentes suspectare incipiant tripodem, è quo promanare antehac solent quorumcunque casuum conscientiae decisiones, iis *factus sum ostento*, Zach. 3. v. 8. atque non modo in libellis ex professo contra me scriptis, verum etiam in Praefationibus & chartis alterius argumenti traducor ut homo profanus, & discinctus natta, qui (ut loquar cum Petro Damiani, Opusc. 49. cap. 4.) *aliis jejulantibus, tanto livoris atque invidia felle torquar, ut, illorum salutem mihimet in perniciem vertam, & ut ita loquar, per alieni profectus scalam ipse in precipitium ruam: sive, ut clarius loquar, qui ex pietate & praecisa probitate, eorum, qui gloriae sibi ducunt, quod Praecisistae vocentur, magis dissolutus & improbius fiam: ideoque fingunt quoque se misericordia erga me affici, quod ad Atheismum non tam ferar, quam ruam. Quid faciam? Ut haecenus in silentio & spe mea fuit potentia*, Es. 30. v. 15. ita factum non muto. Licet saepius ingemuerim ad Deum, quod nactus sim ex ordine Reformatorum Theologorum tales adversarios, quibus ex rei veritate applicare possum haec Augustini verba ex Comment. in Psal. 25. *Nodosas calumnias mihi proponunt, nodum in scirpo, fissuram in plano, angulum in circulo querentes.* Fateor, Ecclesiae Reformatae gratius fuisset, si rediissem cum hisce hominibus in gratiam? Sed hoc, tentatum licet saepius fuerit, (me offerente omnia, quae salva conscientia & existimatione concedere aliquis posset) impetrari non potuit ab iis, in quos quadrat illud Sidonii Apollinaris lib. 5. Epist. 7. *Adignoscendum*



P R A E F A T I O.

*dum ferrei; ad amicitias pardi.* Tacere proinde non potui, adeo inique & Sycophantice traductus in publicis scriptis: quæ ut ab omnibus leguntur, ita dignus videri possem illis convitiis, quæ plena manu in me profunduntur; atque posteritas judicaret (cujus rationem vir sapiens habere debet) adversarios judicii calculum recte collocasse, cum me accensent hominibus profanis hujus seculi, *tanquam forem alter Samson, qui effossis oculis, non frontis, sed cordis, aurarum secularium molam volverem*, ut loquar cum scriptore non de trivio, Petro Damiani Ep. 9.

VI. Non tamen, inter respondendum, cum iis *ἵσα μετρώ* egi, nec me similem convitiantibus reddidi. Occurrit siquidem illud Ambrosii lib. 1. Off. cap. 5. *Peccator est, (inquit) qui nos provocat, qui injuriam facit: & nos sui similes fieri desiderat. Si referas contumeliam; dicetur: ambo conviciati sunt. Uterque condemnatur; nemo absolvitur. Ergo illius est studium: ut irritet; ut similia illi loquar; similia agam. Fusti autem est, dissimulare: nihil loqui; tenere bonum fructum conscientie; plus committere bonorum judicio, quam criminantis insolentia; contentum esse gravitate morum suorum.* Absit tamen ut diffitear me hominem esse. Subinde me continere non potui, stylumque felle imbui, verum innoxio: tum potissimum, cum in præjudicium Scriptorum egregiorum aliquod testimonium urgeretur Sycophantice, & fide minus bona; quod fieri non potest absque mendacio. Juxta vero Lactantium, qui loquitur cum Scriptura, ex Epitoma Divinarum Institutionum cap. 6. *Nunquam mentiendum est: quia mendacium semper aut fallit, aut nocet.*

VII. Quod grandibus calumniis, intermixtis convitiis, sum gravatus in publicis scriptis, cogitare aliquis posset, testimoniis (prout ab aliis hoc seculo fieri solet) me tueri & bonum nomen asserere debere. Sed levius semper duxi hæc chartacea mun-

mun  
conf  
hom  
rein  
men  
sole  
qua  
vam  
quo  
Apo  
adpl  
num  
gat.  
lectu  
Mer  
mer  
dolo  
men  
nun  
spec  
mor  
dere  
rer,  
ad la  
pot  
grat  
diur  
avar  
rum  
agu  
larg  
sem  
cap.



P R A E F A T I O.

munimenta, quibus tuto ut carere possunt, quotquot, mentem  
consciam recti, pro muro ahenco agnoscunt; ita iidem, securi  
hominum calumniatorum & malevolorum, malunt acquiesce-  
re in testimonio Dei, quam mortalium, qui ad unum omnes sunt  
mendaces, & qui, quotiescunque favent, testimonium perhibere  
solent magis ex gratia, quam ex rei veritate. Tantum abest ut un-  
quam sollicitus fuerim de talibus testimoniis; veritus malā scæ-  
vam, fautoribus & amicis, qui per literas ingenii nostri scruta æ-  
quo impensius estimare videbantur, sæpius opposui illud Sidonii  
Apollinaris lib. 8. ep. 10. *Ingentes praeconiorum titulos moribus meis  
adplicas. Sed si pudoris nostri fecisses utcunq; rationem: Simmachia-  
num illud te cogitare, par fuerat: ut vera laus ornat; ita falsa casti-  
gat.* Securus vero admodum sum objectæ avaritiæ, quasi scil. pel-  
lectus spe honorarii, Dominis Canonicis, iisque qui per Belgium  
Mensam exercent, mercenarium stylum cōmodaverim. Novi in  
me nihil boni habitare, & à diabolo ad varia peccata (quibus pro  
dolor! contigit & succumbere) pellectum esse, coram Deo ta-  
men cum Lutherò dicere possum: Ad avaritiā me extimulatum  
nunquam. Quotquot in hac provincia vivunt, atq; me norunt,  
speciatim Nobilissimi & Amplissimi Domini Curatores testi-  
monium mihi hoc perhibere debebunt, non consuevisse obtun-  
dere quemquam pro stipendii augmento, nec, ut hoc conseque-  
rer, finxisse novam vocationem: quanquam modeste me obtuli  
ad labores majores in ornamentum Academię subeundos. Cum  
potuissem, non petii unquam pro filiis, quos quinque per Dei  
gratiam habeo, omnes studiis consecratos, annuum subsi-  
dium è publico: quod injurios in tenuiores esse putem, atque  
avaritiæ nota insigniendos, qui, cum de suo commodè filio-  
rum studia promovere possint, noctes tamen atque dies hoc  
agunt, quò in suam domum publicæ liberalitatis rivus, quam  
largos, derivent. Absque gemitu, fateor me pertinere ad clas-  
sem illorum, de quibus dicit Ambrosius lib. 2. de Officiis  
cap. 15. *Sunt plerique viri boni, tenuis censu, contenti quidem*

[ b ]

exiguo



P R A E F A T I O.

*exiguo ad sui usum: sed non idonei ad subsidium levandæ paupertatis alienæ. Quanquam Deo meo summas adhuc debeo gratias, quod hætenus ita largiter dimenso meo benedixerit, ut pro ratione vocationis suffecerim confirmandæ manui pauperis. Quod tamen non ex iactantia, sed, ad unius Dei gloriam hic profiteor: cum noverim illud ejusdem Ambrosii lib. 1. de Off. cap. 30. Non illa perfecta est liberalitas: si iactantiæ causa magis, quàm misericordiæ, largiaris. Adfectus tuus nomen imponit operi tuo. Mihi à prima ætate semper placuit illud Achillis apud Philostratum: ἐμὸν πλέον τῶν ἔργων ἔσω; χρήμασι πλεονεκέϊτω ὁ βαλόμενος. Mihi laboris plurimum cedat: pecuniâ affluat, quicunque voluerit. Quicquid alii judicent, submoveri tribu literaria deberent, quos sola propagandæ rei familiaris urtica sollicitat, ut loquitur Sidonius Apollinaris lib. 8. ep. 8. Digni quoque non sunt, ut in illa tolerentur, quotquot, ut dicit Parterculus lib. 2. cap. 102. magnæ fortunæ comites esse amant, edoctique secundas agere, eos, à quibus aliquid sperant, exquisitis laudibus non tantum in os laudare, sed in scriptis quoque sustinent: quibus nisi præscriptus esset titulus Dedicationis, jures te legere Orationem parentalem esurientis Græculi. Vellem in ipso ordine sano tales non notarentur: de quibus, his verbis, suo jam seculo, questus est Petrus Damiani, Episcopus Ostiensis (vixit circa annum Christi M L X.) in Prolog. Opus. 22. Nonnulli, (inquit) dum honores Ecclesiasticos, Aethnæis vaporibus aestuantes, ambiunt; in clientelam potentium, tanquam servos dedititios, obscane se substernunt. Ad me quod, confusus moribus meis, provocare sustineo ad illos, inter quos vivo, & à quibus quotidie observor. Speciatim vero, ut amoliar illud, quod mussitant æmuli, de donariis Ultrajectinorum Canonicorum, tantum abest, ut suffecerint incremento rei familiaris, illud, quod pertinaci diligentia quorundam amicorum (quibus cæteroquin gratias debeo) impetratum est, magna ex parte non potuit.*



P R A E F A T I O.

potuit sufficere dispungendis sumptibus, quos feci in evulgationem libri *de bonis vulgo Ecclesiasticis*. Nec tamen hoc nomine unquam apud ullum hominem querulus fui. Qui mihi nihil destinaram, non potui non gratissimo animo exotculari liberalitatem, praesentaneæ difficultati succurrentem. Multa offendo in variis libellis, quæ me non tangunt. Quisque pro se respondere debet. Vetus fuit querela Virgilii:

*Sic vos non vobis mellificatis apes.*

Scripta mea de bonis Pseudo-sacris publice leguntur: patior, ut aliquis ex illis proficiat. Professor quidam non incelebris in Academia Norica, quæ est Altorphii, nominis mei facta mentione, ante aliquot annos integram ex iis Disputationem concinnavit. Causam ordinis honorati egi sincere, & quæ minus per conscientiam poteram admittere, intacta reliqui. De Trapezitis postea dicam, ad confusionem omnium, qui laborant me publice exosum reddere.

IX. Habeor præterea dissolutus homo & lusus Casuista, qui doceam alios profanare Sabbatum, patrociner lascivis saltationibus, pectoris foeminei turpi denudationi, simul infamibus aleonibus, imo vitiis omnibus. Adhuc gravis sum libertati Ecclesiæ Reformatae, patrocinando juri Patronatus. Hæc de me jactant ipsi Theologi, hæc persuadentur ipsis meis propinquis, apud quos, cum sint viri pii, parum quin sinistram opinionem incurri. At, si hæc ita se habeant, fateor me dignum non modo esse, qui feriar fulmine majoris Excommunicationis, publiceque habear velut Ethnicus & Publicanus, sed & indignum cum quo ullus vir honestus conversetur. At, quod deplorandum, & de quo toties apud Deum ingemui, hæc omnia meræ sunt calumniæ, quibus me differunt *viri lingue*. Psal. 140. 12. qui utinam saperent! & has Dissertationes non secundum præjudicium, & odium, quo contra me effascinati sunt, discuterent, sed secundum charitatem judiciosam!



# P R A E F A T I O.

Tantum abest, ut viam sternam ad profanationem Dominici dici, illius moralitatem perpetuam judicant multi solidius à me propugnatam esse, quàm ab ullo alio: minime illum, in partes quoque sollicitato magistratu, (cujus officium est per leges prospicere) profanandum esse, adductis variis rationibus ostendo. Fateor me obloqui illis, qui rigidius & portatu difficilius onus conscientiae Reformatorum imponunt, quàm juxta traditiones antiquorum Judæi sibi accersiverunt: at nihil dico, quod non dictum sit à τῷ πρίν D. Walæo, aliisque Theologis seriis. Saltationes molles, & motus Ionicos detestor, nec patior, ut quisquam è familia mea iis vacet. Solummodo ostendo, mimicum & lascivum illud à saltationibus abesse posse, & consequenter, mox inclementer non dicendum esse aliis nationibus, in quibus inculpati chori recepti sunt. Legislatorum gravissimus, Lycurgus habetur, *assuescit tamen* (ut testis est Plutarchus in Vita) *juxta puellas atque adultos nudo in publico versari, certisque solemnibus saltare & cantare, assistentibus atque spectantibus juvenibus.* Tantum abest, ut faveam petulantiae foeminarum, pectus fucatum denudantium ut in se convertant oculos impudicorum: impudentiam hanc extremam execror. Quanquam simpliciter arguendos non esse existimo, illos populos, cum Celeberrimo Theologo & Philosopho Alstedio, qui juxta coelum suum & consuetudinem majorum, meliori parte corporis nudi incedere solent. Aleam per omnem vitam non tractavi, nec faveo ulla ratione aleonibus, qui non minus fortunarum suarum, quam temporis prodigi sunt. Licet putem honestae recreationi (modo opportuno tempore instituat) aleam aequè servire posse, atque ludum Schacciorum. Jus Patronatus agnosco esse ἱερωσύνη Ecclesiae, optaremque in Foederato Belgio ne quidem ratione nominis cognosci: sed, cum illud tolerandum esse judicaverit ipsa Synodus Dordracena, irritò successu contra illud non esse.



P R A E F A T I O

esse disputandum, contendo. Altera hac Editione ago amplius de ludis Scenicis, quos summa cum cautela ut admitto, ita ostendo me neutiquam favere illorum. Magistratum instituto, in quorum civitatibus perpetuum notatur Theatrum, sustentandis pauperibus destinatum. Omnia discutiantur ab iis, qui Orthodoxi non minus, quàm ingenui, agnoscerentur, & nihil in omnibus his Exercitationibus offendetur, quòd non Scripturæ sacrae pariter, atque rationi, sit consentaneum. Nec tamen me satisfacturum praevideo illis, qui me prosequuntur odio Vatiniano, nullam aliam ob causam, quam quod peculiare ipsorum sententias ausus fuerim ad examen vocare; quum ipsi omnium aliorum libros censoria virgula notare ausint, nulliusque mortalium scriptis parcant. Quid faciam? aliud non possum, quàm exclamare cum Jeremia cap. II. vers. 20. *O Jehova exercituum, iudex justissime, probator renum & cordis, visurus sum ultionem tuam de eis, nam tibi revelavi causam meam!* Tu, Deus mihi à juventute, sperantem in te nunquam deseras! plura si rogare audeam: hoc tantum velim, pro tua potentia & gratia, immutes corda illorum, qui me immeritò oderunt.

X. Venio ad illos, quorum stylis Dissertationes non tantum Sacras, sed & nomen meum lacerari atque confodi contigit. Utque nihil dicam de Paulo Voet, qui hoc incidenter egit in variis libellis, quos, compingendos cum Volufii annalibus, multiplicat: ex professo contra Dissertationes insurrexit quidam levis armaturæ miles, discipulus Dn. Gisberti Voetii, quem cum puderet proprii sui nominis, finxit se vocari ARNOLDUM REYNESSIUM; atque, ut amant similes labra lactucas habere, invenit personatum quendam ROEBANDUM PERITONIUM, qui cribrum supponeret, dum ipse hircum mulgeret. Quinam sint hi homines *οὐκ ἰδῶτες*, non



# P R A E F A T I O.

inquirō studiose, ne apud posteritatem consequantur illud, quod per summum flagitium Erostratus affectabat. Dicitur Reynēsius à D. Voetio, ex obscuro pago, ubi verbi Divini minister agnoscebatur, subvectus fuisse ad Ecclesiam Heusdanam: cum tuto enim istic subsistere non posset, quod à Mensariis, quibus pro conscientia Theologica maledixerat, vocatus esset ad Curiam Provinciam Ultrajectinam, ut causam diceret, aliò ablegari debuit, ne fronti forte infame Kappa inureretur, quò ex eo internosci posset Theologus Calumniator. Quamquam dubitare non licet, hunc Domini Voetii armigerum, ab eo ipso instructum fuisse; tam stolide tamen & imperite hoc agit, ut dignus sit misericordia. Ne enim dicam de multiplici injuria, quam passim Orbilio infert, &, quam vindicare possunt pueri, qui nondum manum ferulæ subdixerunt; tota ipsius Disputatio, quæ Sycophantica est, (passim enim mihi illa affingit, quæ non agnosco) cum Augustino lib. 3. contra Academi. cap. 4. vocari potest *Thuscum jurgium*: securus enim rationum mearum, aëra ferit, mihiq; afficta aliqua sententia, eam undiquaque conquistis argumentis confirmare laborat, ratus, mea placita eversum iri, si ipse cerebri sui commentum in arce collocaverit. Tam ineptum vero se exhibet, ut, juxta Bernardum Serm. de Davide, liceat *Goliath* *Goliae gladio perimere*, & hominem propriis argumentis convincere. In conviciando duntaxat, supra quemcunque, virum probat se exercitatum esse, laborans subinde jocos admiscere, sed qui aut sordidi aut scurriles sunt, ut credere possis hominem (si non prodierit è lupanari) hos lepōrum flosculos collegisse in foro piscario & olitorio. Simulac prodisset sacer libellus, quidam ex discipulis (qui hoc tempore, suo merito, venerandus Divini verbi minister agnoscitur) crucas ipsius stylo confodere aggressus fuit: jamque duo folia typis exscripta erant, cum Typographus Ultrajectinus offerret suam ope-



# P R A E F A T I O.

operam in recudendis Exercitationibus sacris; ne progredere-  
tur amicus; Author fui. Ita enim tacitus mecum: *Quorsum  
officina libraria repleantur libellis, destinatis detectioni ineptia-  
rum hominis male-sani? quales seculo sunt dehonestamento: &  
quorum in scribendo impudentiam ne Stoica quidem, aut Sparta-  
na, tolerantia patientissimus quisque perferat: qui tamen (ut cum  
Bernhardo loquar) insanissime sibi tanquam sanis exsultant:  
& aliis vanissime, trabem portantes, de festucis insultant.* An  
sufficienter responderim tumido huic Disputatori, nec absimi-  
li Plauti militi glorioso, judicent, quibus datum est habere  
nasum. Reliquorum, qui praëjudiciis adversus me exæcati sunt,  
securus sum, quum in eos quadret illud Salomonis Proverb. 27.  
vers. 22. *Si contunderes stultum in mortario, cum mola pistillo,  
non recederet ab eo stultitia.* Excepi vero hominem immode-  
stissimum, præter sua merita, modeste, quanquam non diffi-  
teor, insolentissimam sycophantiam subinde asperius verbum  
extorsisse.

XI. Præter Reynessium Rev. D. Essenius ex obliquo me  
pungere voluit. Non potuit enim absolvere Defensionem Con-  
siliî Theologici, de bonis vulgo Ecclesiasticis, quin pag. 255.  
hæc infarciret: *D. Schoockii, quem ante annos viginti circiter  
novi, miseret me ex animo, quoties conditionem ejus, quam in  
nuperis scriptis ipse prodit misere, mecum considero.* Quod dare-  
tur occasio in Disquisitione circa Decalogum pag. 64. & 65.  
obiter sinistro huic judicio occurri, ostendendo, virum Rever.  
multo magis misericordia dignum esse, quod secundum De-  
calogi præceptum contenderet pertinere ad jus Divinum positivum.  
Cujus censuræ, homo scil. minime ambitiosus, impatiens, in  
Præfat. quam præmisit secundo Tomo System. Theol. non  
dubitat ita in me insurgere: *Qua scientia, qua conscientia, ille  
mihi tribuit, ista verba, distincto caractere expressa, secun-  
dum præceptum pertinere ad jus Divinum positivum? & qui-  
dem*



# P R A E F A T I O.

dem sic, quasi ego idololatria Papana patrocinauer, aut mea foret sententia, Vasqueziana exceptioni similis, cultum imaginum non nisi Furi Posituro adversari: atque ut probet me sibi similem, five, Sycophantam esse, provocat ad sua verba, quæ ita habeant: *Actus autem cultus instituti* (N.B.) *quos secundum Præceptum spectat, & tempus aliquod definitum, quo isti potissimum essent præstandi, aliaque plura, ad Jus Divinum positivum pertinent.* Simul ut liqueat, esse habendum ἀναμάχηλον, ex quæst. 96. Catechesios probare laborat, affirmativum præcepti ex ejus negativo eliciendum esse. Sed hæc me non gravant, aut crudæ ipsius locutioni patrocinantur. Ut ego verba ipsius intellexi, alii magni Theologi mecum intellexerunt. Actus in Præcepto secundo Catechesis duplices notat l. d. quosdam licitos, quosdam illicitos. Illiciti κατὰ τὸ ἑνὸν in ipsa formula præcepti negative notantur. Nec est, quod κρησφύγετον quærat in verbis *cultus instituti*: debuisset enim dixisse aut *instituti à Deo*, aut *instituti & liciti*. Nam homines quoque καὶ ἑθελοθρήσκων cultum imaginum instituerunt. Eoque, si vir candidus haberi velit, agnoscat se obscurius locutum fuisse, & me, (qui Davus sum non Oedipus) absolvat à crimine Sycophantiæ; quod qua conscientia mihi obijcere potuerit, judicent qui extra partes sunt. At, nunquam hoc faciet. Ex quo enim Cathedram Academicam obtinuit, ut placere queat illi, à quo promotus est, non dubitavit inter primarias suas virtutes adoptare pertinaciam, & opinionem infallibilitatis. Quò vero mihi (à quo merito reprehensum fuisse, quòd obscure & periculose locutus fuisset, liquere jam confido) ægre facere possit, Præfationem his verbis obsignat: *Quid autem sit* (inquit) *de Exercitationibus sacris, & tractatu de Præcisiōe, similibusque scriptis istius Auctoris, judicent Lectores, quibus cordi est ἀντιθεῖν καὶ δοῦναι.* Sic ille, dum fingere voluit, cujus ergo ipsum mei non solum misereret, sed & puderet, magis etiam se miseran-



# P R A E F A T I O.

*miserandum praeiuit. Sed misereatur eius Dominus, detque ei resipiscentiam, ad agnitionem veritatis, & sanctificationem in ea.*  
 Resp. 1. Viderit primo Deus, & dein scripta haec exigantur ad Lydium lapidem Scripturae sacrae, ab illis, quibus ita cura est ἀληθεία ἢ καὶ δοξολογία, ut pariter cognorint, quousque se extendat Christiana libertas circa τὴ ἀναστροφή, & quantumtribuendum sit charitati, quae nec agit perperam, nec inflatur, nec acerbatur, 1. Cor. 13. ὕ. 4. 5. Resp. 2. Quod voveat mihi Deum misericordem, & resipiscentiam, eo nomine gratias ago. Profecto, me dissimilem esse Catharis perfectistis, ad quos accedunt proxime Domini Praecisistae, qui iactabant jam olim, se non habere peccatum, 1. Joh. 1. 8. cor suum mundum esse, Prov. 20. 9. eoque nec resipiscentia indigere, Luc. 15. 7. Judicet de me Doctor Essenius pro petulantia iudicii sui, ut voluerit: cum Deus mandarit per iuge sacrificium, mane & vesperi oblatum, quotidie renovari, uti peccati memoriam, sic resipiscentiae exercitium, Levit. 6. Num. 28. Luc. 1. Hebr. 10. 3. Ego, qui vivo sub Evangelio, per Dei gratiam conscius quotidianorum meorum lapsuum, quotidie quoque illius misericordiam implorabo, & ex mandato Christi orabo pro remissione peccatorum, Matth. 6. 12. Luc. 11. 4. simul exemplo Davidis, *Vespere, & mane, atque meridie meditabor, & perstrepat, donec audiverit vocem meam*, Psal. 55. 18. Parum vero mihi est, quod ab ipso iuxta modestiam, quam hausit è sua Theologia Casuistica, *vocer δ Δεῖνα Philosophus & Antiquarius*. Cum puer ferme adhuc essem (quod viderer non inutilis esse) à Doctore Voetio commendabar ab insigni cognitione Theologiae; in quo studii genere quid praestare valeam, docent mea scripta, & si placuerit Deo vitam prorogare, constabit ex pluribus scriptis Didacticis, Polemicis, Exegeticis, Practicis, suo tempore evulgandis. Hic δ Δεῖνα, extra Belgium quoque clarior est, quam vellent Doctores Praecisiani, qui (quod putent sibi aliquid per me discessisse)

[ c ]

scessisse)



# P R A E F A T I O.

scelisse) juxta charitatis, non Christianæ, sed suæ praxin, spiritum ipsum invident: quanquam Deus novit, me mea nunquā ad pompam, aut seculi typhum composuisse. Contentus quoque hactenus sum Professione Philosophica, quod Deo meo, à quo totus pendeo, non placeat me hactenus promovere ad Cathedram Theologicam: interim quam diu ipse vitæ hujus usuram concesserit, patrocinabor gloriæ nominis Divini, & praxi veræ pietatis, cujus an inimicus sum, propediē *ἐν ᾧ* docebit Tractatus de Zelo.

XII. Præter D. Essenium, insurrexit amplius publico in me cœtus quidam Zelotes ex Academia Hardervicensi, nomine *Paulus Colomius*, homo pistillo obtusior, licet audiat Doctor Theologiæ, & Midæ aures asininae dilucide prominuerint per priorem editionem Disputationis Inauguralis. Is in sua *ἐπιμνηστικῇ* de re Trapezitica p. 221. ita profatur: *Schoockius quis sit, colligere potui ex ejus Exercitationibus sacris, de quibus recte judicavit Vir aliquis eruditissimus, illis Exercitationibus verè applicandum esse id, quod Amestius de Grevinchovio ferebat, judicium; Ludos ille Taurios nobis edidisse videtur. Cui ex animo assipulor.* An ita de Grevinchovio censuerit Rev. D. Amestius, præceptor jucundæ recordationis, ambigo. Vir eruditissimus (cujus mentio fit) nominari debuisset, quò ei me purgare possem, simulque liquere, an mereatur hoc elogium. Certè, si vere ita censuerit de meis Exercitationibus, referri debet ad eandem Classẽm eruditorum, ad quam pertinent noster Paulus & similia eruditorum carcinomata atque propudia. Uterque si examinaretur, neuter dicere posset, quales ludi Tauri, aut *ταύροι* fuerint. Nomen equidem non habent à Tauro, cornu ferire solito, ut forte sibi persuadet Paulus: sed *ἀπὸ τῶν ταύρων*: quomodo apud Ephesios, teste Hesychio, vocabantur pueri, qui vinum ministrant. Edebantur vero hi ludi Ephesi (teste Athenæo lib. 10.) in honorem Neptuni, & adolescentes, *ταῦροι* dicti, vinum ministrabant. Quæ vero affinitas inter meas Exercitationes, & ludos



# P R A E F A T I O.

ludos *ταυγεας*, seu *ταυγεα*? Festum vocant Eustathius & Hesychius. Nisi forte rationem dicti sui homines inficeti accersere voluerint à vino, quod in ludis his ministrabatur: & innuere voluerint, Exercitationes meas fibulam conscientiae laxare, & recreandis combibonibus servire. Sed calumnie huic contundendae ipsae Exercitationes abunde serviunt, quas legi solummodo exopto. Occurri quoque in antecessum in Praefatione, quam priori Editioni praemisera, & ob causas fonticas recudi curavi. Non contentus Paulus noster iudicium suum protulisse de Exercitationibus sacris, amplius adeste laborat lepidio Reynessio. Ita lego pag. 224. *Schoockium quod attinet, in casibus conscientiae, nisi respondeat sufficienter ad iudicium D. Renesse, mihi est, & erit, Ardelio.* Itane? Sed iam occurri Reynessii bullaris nugis, & frivolis exceptionibus: num sufficienter? non hic Paulus, aut Roelandus, sed alii iudicent, quibus datum est sapere & fari. Et, si Paulus modo ausit, aggrediatur vel solam Exercitationem de Usura Trapezitica, (hanc materiam videtur quadantenus intelligere) & experiri poterit, an sua machara propulsanda nostra vernina sufficiat. Interea auctor sum, pedibus suis vice talarium crura ardeae aptet, quod venerabile illud caput inter similis furfuris Doctores emineat.

XIII. Denique Celeberrimus D. Gronovius concoquere non potuit, suam sententiam de foenore Unciario à me examinatam esse: cui Examini cum praeter suam consuetudinem chartas dentatas opposuisset, è vestigio scriprum adornavi, ferme praeter animi sententiam, haud edentulum. Huic ut vir doctissimus responderet, ultra sesquiannum expectavi. Cur Responsum amicis scriptam, quam universo orbi literario typis expressam exhibere malit, fateor rationes me ignorare. Quò uno volumine omnia cõplecti possem, haecenus pressi Vindicias Ad. Junii, haut ridiculi Batavi, sed viri docti, opponendas eidem D. Gronovio, cum iterata Defensione sententiae meae de foenore Unciario.

XIV. Ut aliquid etiam dicam de Trapezitis, qui ubiq; à Magi-



# P R A E F A T I O.

fratribus in Belgio hoc tempore non modo viri honesti agnoscuntur, verum absque scrupulo quoque ad mensam Domini admittuntur, iis nullo modo (ut alicubi muslitatum est) obstrictus teneor. Qui jactant, me illis mercenariam operam dedisse, habendi sunt Calumniatores. Parocinatus sum, quantum licuit per conscientiam, soli causae, quod dolerem eam minus convenienter discussam esse. Quomodo unusquisque in hac vocatione se gerat, ipse viderit, certus, se Deo suae administrationis aliquando rationem redditurum esse. Favere neutiquam illis possum, qui, cum de suo aut commode agitare possint, aut alia ratione, se, suamque familiam, honeste sustentare, Mensae trapeziticae nullam aliam ob causam admoveri gestiunt, quam ut sordidae suae avaritiae satisfaciant, praetextentes se liberorum curam gerere debere; cum interim securi sint pauperum. Si Deus largiter alicui Trapezitae benedicat, ipsius officium est, Divinae liberalitatis rivus derivare in pauperes. Qui hic deprehenduntur negligentes, non modo Deo displicent, sed hominibus quoque exosi sunt. In nullius hominis gratiam, ringente conscientia, quae veritati, prout mihi cognita, fasces semper submittit, unquam aliquid institui scribere. Quare & eventus docuit, me minus placuisse illis, quibus alias videri possem praecipue operam dedisse. At hoc parum curo: quum summo hoc mihi sit solatio, quod, conscio Deo meo, dicere possim cum Paulo: *Nunquam sermone assentatorio usus sum, nec avaritiae causae quicquam praetexui*, 1. Theff. 2. 5.

XV. Et haec sunt illa, de quibus in hac Praefatione, Benivole Lector, te monere volui. Aliis scrupulis, in Praefatione, priori Editioni praemissa, occurri, quam proinde recudi quoque volui. Exercitationes, quas hic offendes, superadditas iis, quas ante sexennium evulgavi, tales esse confido, ut non sit necessum pro illis aliquid dicere. Deceveram agere de Sortibus, & vindicare illibatam existimationem undiquaque Doctifimi



# P R A E F A T I O.

fimi Theologi D. Gatakeri, cui defuncto, securus per tot annos acrioris censuræ, scriptum rhapsodicum opponere D. Gilbertus Voetius sustinuit: Sed quod Responsum, nondum coronide munitum, in maiorem molem jam excrevisset, visum fuit satius, illud ad tempus seponere, & interea convertere in justum Tractatum de Sorte, complectentem varia, eaque in vulgus minus nota, ex penetralibus non minus Græcæ, quàm Latinae literaturæ. Voluissent quidam, saltem per Indicem indicassent trecentas illas vitiosas citationes, (mendaciis accensendas) quas in D. Voetii Consilio Theologico notari posse, aliàs indicaveram. Sed causas habeo, cur illud facere noluerim. Satis diu contentionis ferra inter me & virum illum celeberrimum agitata fuit: tempus est, tandem receptui canatur. Quantum citationibus ipsius tribuendum sit, vel ex solis his Exercitationibus liquere potest. Utinam Deus viri illius cor aliquando componeret ad seriam reconciliationem! ut dicere mihi liceret cum Salomone, Prov. 16. 7. *Quum benevolentia prosequitur Jehova vias alicujus, etiam inimicos ejus pacatos reddit ei.* Quod si Deo hoc non placuerit, spero nos citra iram, & disceptationem, simul in regno Cœlorum accubituros esse, atque, interea in hoc mundo, Deum hanc gratiam mihi præstiturum, ut nihil, quacunque etiam ratione contingerit me provocari, designem, quod conscientiam lædere possit. Hoc largire indignissimo tuo servo, æterne & clementissime Deus, cui ut Patri, Filio, & Sp. Sancto, sit laus & gloria in sempiterna secula, Amen.





# P R Æ F A T I O

A D

## L E C T O R E M,

Priori Editioni præmissa.

**B**Enivole Lector, quoniam præsidium duntaxat quæro in tuo candore & libero judicio, in vestibulo hujus libri, & liberius & uberius tecum agam, concessis Dedicationibus, & grandibus nominibus, hisce vulgo præscribi solitis, illis, qui ad adulationem, & colligendos favores atque pecuniæ thesauros, magis facti sunt quam ego, qui de eo uno possum gloriari, quod Deus cor ἀντιπαινές mihi concesserit. Agam vero tecum distincte, atque absq; omnibus ampullis, le-nociniisq; orationis, (quam alias per Dei gratiam pectere quoq; scio) quo non minus à te probe intelligar, quam tu etiam judicium commodius intendas.

I. Incipere vero à persona mea compellor, siquidem prævideo, varios ex illis, qui, & titulo, & professione, & supercilio agnosci volunt Theologi, nares corrugaturos esse, quod neglectus ego Philosophus, qui cum mortali-um paucissimis amicitiam & familiaritatem colo, sustineam evulgare Ex-ercitationes Sacras, & liberius ea discutere, quæ ad suum duntaxat Tribunal pertinere contendunt. Quod horum autem autoritas apud multos habeatur iustum Dictatorium, despiciendum omnino mihi est, non qua ratione tam gravium Censorum fidem atterere possim, (æque imprudenter Bidental contrectarim!) sed solummodo avertere tantisper, quam, quæ scribo & evul-go, mente libera, à te, mi Lector, fuerint examinata. At, illud ipsum quod voveo, &, à te, Lector, exigo, quomodo impetrem? δὲ χάρις μοι ὦ θεέ. Quod jam suo seculo scripsit Salvianus epist. ad Salon. hoc nostro nimis quam ve-rum est. *Tam imbecilla, dicebat, judicia hujus temporis, ac pæne tam nulla, ut, ii qui legunt, non tam considerent, quid legant, quam cujus legant, nec tam dictionis vim, atque virtutem, quam dictatoris cogitent auctoritatem.* Et tamen aliquid dicere debeo, quum à tot viris Theologis, in Belgio hoc nostro, se-gerenti-

gerent  
pore ag  
giæ ha  
præter  
Theol  
fidus r  
Refor  
tum fu  
plurib  
men d  
sa mih  
Ecclef  
calum  
ostent  
centur  
Angel  
ta adm  
Porro  
ullo al  
pro T  
juxta  
ire sum  
dita est  
esse in  
illustr  
illud,  
præfra  
buisse  
II.  
vitio r  
pronu  
jam d  
amicti  
destia  
ἡ τῶν  
λοιοτε  
CMT. at



P R A E F A T I O.

gerentibus pro Dictatoribus, (Romani unum duntaxat eodem tempore agnoscere consueverant) vix lixa aut calo habear. Nihil autem apologiae habeo, seu ore, seu stylo, depromendum ad mei commendationem, præter hoc ipsum, quod legendum offero: aut illud Authorem censuræ Theologicae eximere poterit, aut nulla quoque verba sufficient. Si idem me fidus regeret, quod Nobil. P. Voet, (videatur ejus Præf. præmissa Philos. Reform.) dicerem, non quidem aliquando stimulum ab amicis mihi additum fuisse, ut capefferem Professionem Theologicam, alicubi oblatam, sed à pluribus jam annis multoties per variorum æmulum artes varias (non tamen dictatas à Sp. Sancto) submotum fuisse ab ejusmodi professione, suffusa mihi largiter frigida apud illos, qui existimabant me forte non inutilem Ecclesiæ fore. Istis si voluissim me exhibere similem, jam diu maledicæ & calumnariæ eorum Epistolæ, ad sui commatis homines datæ, publice offensæ fuissent. At ego in Dei mei consilio acquiesco, & viris tantis, quo centuplo magis, non quidem apud homines, sed Deum & sanctos ejusdem Angelos, Reverendi haberi mereantur. *ax animo precor, deinceps, juxta admonitionem Pauli, sua non querant, sed, quæ Christi Iesu, Phil. 2. 21.* Porro, quantum ad me mortuum canem, non gero me in hoc scripto, aut ullo alio, quod unquam, me conscio, sub meo nomine fuit evulgatum, pro Theologo Professione: sufficit, esse Theologum Confessione, atque juxta Apostoli Judæ admonitionem, directam ad omnes illos, qui à Deo Patre sunt sanctificati, & Iesu Christo asservantur, decertare pro fide, quæ semel tradita est sanctis, Jud. vers. 1. & 3. Ubi evicerint Doctores nostri, aut, se solos esse infallibiles, aut, fas non esse cuilibet Christiano, ad cælestis veritatis illustrationem, sui fratri emendationem, convertere quantulumcunque illud, quod, per Spiritus Sancti gratiam, consecuti sunt, non modo tacebo præfractæ, sed fatebor quoque, me, ut ἀμύητον, eminus quoque, non debuisse ad Sanctuarium accedere.

II. Ad ea, quæ hoc libro discuto, ut accedam, video initio, à plurimis vitio mihi datum iri, quod instituerim τὰ ἀκίνητα, quasi κινεῖν; atque aliter pronunciare de quibusdam Conscientiæ casibus, atque illis visum fuit, qui jam diu sustinent, absque suffragio populi (non tunicati, sed stola justitiæ amicti) dictaturam gerere. Quibus ut satisfaciam, quanquam vix mea modestia permittit, primo objicio illud, quod habet Justinus Exhort. ad Græc. ἡ τῶν πραγμάτων ἀνελεῖς ἐξέτασις, καὶ τὰ δόξαντα καλῶς ἔχειν, πολλάκις ἀλλοιοῖ περὶ δέκνουν, ἀνελεῖς ἐπεὶ πείρεται ἀληθὲς βασιλεύσασα. Hoc est: *Accurata rerum inquisitio, persape ea, quæ recta judicata sunt, exactiore veritatis*  
examine



P R A E F A T I O.

*examine adhibito, longe aliter se habere ostendit.* Deinde dico, paucorum, imo multorum quoque Theologorum sententiam privatam, non esse eodem loco habendam, cum sententia Ecclesiae Catholicae, nedum rerum imperitis obtrudendam esse pro dictamine ipsius Spiritus Sancti. Orthodoxorum constans est sententia, non modo errare posse Synodos Particulares, verum etiam Oecumenicas, imo utrasque quoque de facto (prout in Scholis loquuntur) saepius errasse. Quis ergo non multo magis hoc persuasum habeat de Doctoribus particularibus? Imo, quis vitio, aut mihi, aut cuicumque alii vertat, si instituerit modeste inquirere in privatam sententiam quorundam, qui & homines sunt, & à quibus nihil humani alienum est? Si alicubi fallar, argui, & erudiri rogo. Non ego sacramentum dixi Academiae, cujus, secundum Ciceronem lib. 1. de Orat. *patrius mos erat, adversari semper omnibus in disputando;* sed uni veritati, pro qua ut paratus quoque sum vadimonium deferere, ita, edoctus ab Apostolo 2. Cor. 13. 8. *nihil omnino possum adversus veritatem, sed pro veritate.*

III. Eoque, quicquid alii quoque existiment, digitum non vertero, si à quibusdam arguar mutatae circa quaedam dogmata sententiae: cum conscientia mihi dicet, me nunquam hoc fecisse, nisi expugnatum antea à veritate. *Nullus pudor est ad meliora transire,* jam olim ipse Ambrosius scripsit Valentiniano Imper. Ep. 31. Atque aureum illud Solonis dictum, *μηδὲ δὶ δακνόμενον*, pro se non modo adducit Plato in Lachete, & lib. 7. Polit. verum etiam ipse Cato apud Ciceronem lib. de Senect. fatetur, *se senescere in dies multa addiscentem.* Plaudant sibi alii, quod sententiam, quam semel imbibierunt, haud aliter retineant, atque claudi pilam solent; semper mihi placebit, per Dei gratiam, Augustini modestia, qui in Epistola ad Auxentium proficitur, *se senem licet, a juvene, Episcopum tot annorum, à collega necdum anniculo, edoceri paratum esse:* quod adeo placuit Gratiano, Juris Canonici primo auspici, ut illud exhibuerit c. 23. q. 8.

IV. Etenim, si viri egregii, iiique Celebres Theologi, quos aliquando arguere videor, abrepti non fuissent torrente singularitatis, atque institissent vestigiis primorum Reformatorum, utique multae Theologicae Controversiae, non minus Theoreticae, quam Practicae, quae Ecclesias Reformatas mirum quam hoc ipso quoque tempore concutiant, jamdiu aut submotae, aut penitus extinctae fuissent. Utinam! utinam! observatum fuisset, quod suo Timotheo olim inculcavit Gentium Doctor Paulus, *Mane in iis, quae didicisti, & quae tibi concredita sunt, sciens à quo didiceris,* 2. Tim. 3. 14. Sed, dum viri Eximii, sive, per novam Methodum docendi Theologiam, sive,

per



P R A E F A T I O.

per singulares opiniones, five etiam, per novas loquendi formulas, tum nominis celebritatem venantur, tum etiam applausum Academicæ juventutis captant, pro dolor! impletum est vaticinium pientissimi D. Philippi Melanchthonis, ita loquentis Præf. Comment. in Epist. ad Romanos: *Videō, inquit, & nunc exoriri multa ingenia, quæ, vel propter curiositatem, vel propter ambitionem, ea quæ nunc in Ecclesiis nostris recte traduntur, & optima fide ac simpliciter explicata sunt, novis præstigiis conturbare & obruere studebunt. Quare propter Christum oro & obtestor omnes pios, qui in studiis versantur, ut simplicem veritatem patefactam in Ecclesiis nostris ament ac tueantur.* Huic simplici veritati, quantum licuit per qualemcunque meam tenuitatem, sincere & absque omni fūco patrocinari laboravi, ostendendo, viros doctos frustra valde esse, quando, sub prætextu perfectioris & strictioris quasi Reformationis, non minus infirmorum fratrum conscientias, quam pacem quoque Ecclesiæ turbare instituunt.

V. Quam graves vero Ecclesiæ sint, intempestivæ hominum horum contentiones de rebus mere indifferentibus, pro me dicat δ πένυ D. Prideauxius, qui in Præfatione ad Lectorem, præmissa Orationibus, ita loquitur: *Haut scio (inquit) an quicquam contigerit molestius mulieri ex Eremita reduci, quam Filiorum suorum de Adiaphoris Rixæ non necessaria; quæ præcipue inter Tales recrudescunt, qui pium esse & pacificum, vix commode coherere autumant. Nec piorum minus retardant molimina, & retundunt conatus, Ardelionum quorundam parati ungues; qui lancinant plerumque quod non intelligunt, & sapere didicerunt, non ex aliqua prævia Institutione aut praxi, sed ex Titulo, vel ab eo, quod conscendunt, subsellio. Huc usq; ille.*

VI. Sed tamen ejusmodi admonitio parum admodum curari solet à modernis Reformatibus, qui cum existiment non minus *intensive*, quam *extensive* Ecclesiam esse Reformatandam, πικρόν ζήλον & pertinaciam sociant opinioni, quam semel imbiberunt, atque atrocibus non minus dictionibus, quam maledicis libellis, velut homines mere carnales & Spiritus Dei expertes, incessunt illos, qui vel hiscere sustinent adversus perfectionem, quam existimant consistere in sua, circa certa quædam adiaphora, determinatione: quum ipsi, de his & similibus intempestive rixantes, manifesto ostendant, se destitutos esse Spiritu Sancto: si enim ab eo, & non potius à spiritu carnis, imo diaboli agitantur, dicerent idem, quod in simili casu dictum est à Paulo, *Quod si quis videtur contentiosus esse, nos ejusmodi consuetudinem non habemus, neque Ecclesiæ Dei*, 1. Corint. 11. vers. 16. Audiant vero severi hi Reformatores, atque Cathari redivivi, quid moneat gravis atque veteranus Theologus,

[ d ]

idem



P R A E F A T I O.

idemque Οἱ ὁδοῦντες. D. Pareus, Theologus Heidelbergensis Celeberrimus in Commen. ad cap. 13. Matthæi: *Debent* (inquit) *pastores reprehendere, vitia prohibere, & cavere scandala, eradicare Zizania pro virili, ut quotidie Ecclesia reddatur purior: sed ita, ne officii limites transgrediantur. Ergo cavendus nimius rigor, ne noceatur bonis censura malorum. Desideranda quidem omnis eradicatio: sed cum fieri non possit, aliqua toleranda. Separatio omnimoda expectanda, consoletur se, qui triticum sunt, futura gloria, cui nihil nocebum Zizania. In reformatione Ecclesiarum observanda doctrina, ne nimiam auctori-  
betur sectantes, plus noceant quam prosint Ecclesia.*

VII. Scio, mi Lector, te jam expectare, ut aliquos ex hisce, qui soliti sunt cum Zizaniis evellere frugiferas in agro Domini herbas, nominatenus tibi prodam, sed, hoc nunquam faciam; siquidem cogito, quantum intersit publice, eos non prodi. Non solum ducenti Hierosolomytani, ut olim Absalonem rebellem, eos sequuntur, *euntes simplici corde, & causam penitus ignorantes*, 2. Sam. 15. vers. 11. verum ampla virorum turba, atque amplior adhuc muliercularum & puerorum, quorum quoniam habere de-  
beo rationem, *Sacerdotes & Clerum meum non discuto, quia Domini mei ministerio reverentiam servo*: ut pauca à Salviano Massiliensi commodato accipiam. Hoc solum in genere dico, mihi videri hos ipsos tales esse, quos jam olim Hieronymus, ipse Clericus, imo Presbyter, tetigit quum lib. de Norma vivendi sic scriberet: *Nulla crudelior in mundo bestia est, quam Clericus vel sacerdos malus: nam corrigi non patitur, nec veritatem audire vult. Imo, si debeam respicere libros, qui, aut ab ipsis, aut pro ipsis antehac scripti fuerunt, non inconvenienter, si à mortuis iterum resurgeret, censeret Incomparabilis Casaubonus, sibi non videri honesti viri esse, delectari lectione eorum, quos ebria & insana scholarum juvenus hodie Theologos vocat.*

VIII. At, nimis multa jam dixi, meque porro contineo: quæ enim amplius dicenda & scribenda forent, iis merentur applicari verba Augustini Epist. 121. *Plerumque hoc negotium* (inquit) *plus gemitibus, quam sermonibus agitur; plus fletu, quam assatu.*

IX. Scio, adversarios habere Divam certam, qua, velut machina aliqua, simplicium hominum animos, non tam expugnant, quam effascinant, aut, varius, quæ idem patronis suis officium exhibet, quod aliquando Phryne meretrix Pisistrato, quum Athenis tyrannidem occuparet: vocatur illa *Precisitas*, atque mollius curatur à suis fautoribus, quam Regi Antiocho oculi solent. At, bonum factum! quod fuci illius jam publice pateant. Certe superiori anno Synodus Zuyd-Hollandica, quæ habita fuit Dordraci, mafcu-



P R A E F A T I O

masculum eidem se opposuit, personam huic Thaidi detrahendo. Ex actis, quæ sequuntur, hæc mihi communicata sunt: *Is geresolbeert/ dat geen nieuwigheden ende Precifiteyten, nopende de solemnele Jaer-feeften / ende den 12. Sabbath ingeboert worden / ende dat men sich strictelijck sal houden na d'ordne Synodi Nationalis Dordracenæ desen aengaende: ende om het contrarie te vermijden / salmen in Examinibus daer opletten / ende Candidatis af-vragen t'gevoelen van het Ceremoniael ende het Morael præcepti Sabbathi; als oock dat visitatores in Classibus sullen letten / dat niemant in zijn conscientie/ desen aengaende/ beswaert worde.* Quæ sic vertere licet: *Decretum est ne ullæ novitates & PRÆCISITATES ratione solemniū & annuorum Festorum, atque Sancti Sabbathi introducantur, quisquis autem componet se ad ordinem, circa hæc à Synodo Nationali Dordracena definitum: Ut vero contrarium evitetur, in Examinibus horum habebitur ratio, quereturque ex Candidatis, quidnam Ceremoniale & Morale sit præcepti de Sabbatho; visitatores quoque Classium operam dabunt, ne quis in conscientia sua gravetur.* Nobilis Paulus Voet Rever. sui Parentis Præcisi-tatem non putat quicquam distare à B. Pauli τῆ ἀνεπίβου, (Eph. 5. vers. 15.) persuasum siquidem vult credulo Lectori in Præf. nuperi libri (qui inscribitur Philosophia Reformata) *Precisitas ex sensu Paulino ἀνεπίβου sectari: sed inspexit solummodo Versiōnem Belgicam, quæ in loco Paulino, modo adducto, verbum ἀνεπίβου, reddidit prudenter, seu boozsichtelijck.* Quid vero existimandum sit de lepida *Precisitate*, prout speciali Disputatione à Rev. D. Voetio est delineata, propediem, mi Lector, discere poteris ex justo meo Tractatu, adversus illam vulgando. Vitio dubio procul quoque mihi à variis vertetur, quod pluribus Exercitationibus Rever. & Celebrerrimum D. Doct. Gisbertum Voetium, ad partes vocaverim: sed, quomodo aliter facere potui, quum illius sententia, circa illa, quæ controvertebantur, potissimum debuirit examinari? Cæteroquin placet mihi (prout innuo quoque in Exercitationum vestibulo) illud Strabonis, qui sic sub initium Geographiæ per interpretem loquitur: *Neque enim propositum est adversus omnes dicere, sed plerosque missos facere, quos sequi non decet: illos vero judicare (ἀγυρᾶν) quos in plerisque cum laude egisse novimus.* Interea scio, multis modis præjudicatum mihi iri per favorem publicum, quo tantus hic vir gaudet. Sed, licet libentissime secundum Plautinum Epidicum Act. 3. scen. 4. *Me minoris facio præ illo: per Dei gratiam tamen exploratissimum habeo, quod sæpe*

*Prævo favore labi mortales solent,*  
atque Aristophanem apud Vitruvium in Præf. lib. 7. Archit. cum in ludis,  
[ d 2 ] quos



P R A E F A T I O.

quos *Mysis* & *Apollini* reges Attalici dedicarant, jussisse primum pronuntiari, qui minime populo placuisset: nam talibus ut plurimum palmam deberi, (quæ tamen fato hujus seculi illis non obtingit) non minus ingeniose quam graphice ostendit Rusticus digrunnicus adversus scurram, apud Phædrum lib. 5. Fab. 86.

XI. Quoniam vero Rev. D. Voetii mentionem facere ceppi, obtestor Reverentiam ipsius, unum sibi dici patiatur. Similem se in omnibus suis scriptis exhibet Patribus Jesuitis, quorum gloriatio in hoc præ aliis consistit, quod integra plaustra Authorum (quorum plerosque tamen ne quidem inspexerunt) in suis libris exhibeant, atque ut dicit *ὁ πᾶσι* D. Prideauxius, Orat. 3. c. 2. iis solenne est, aliorum sententiis latas paginas implere, ut ad tam multiplicem lectionem imperitiores stupeant. quum tamen (ut idem loquitur Lect. 4.) tam candide agant in authoribus citandis, ut sublesta ipsorum fides incipiat jam tandem suis symmetris vilescere. Quod examullum suæ quoque Reverentiæ convenire, prolixè possem docere, nisi ratio habenda foret Ecclesiæ, & pauca, quæ hinc inde in hisce Exercitationibus exhibeo specimina, instar omnium esse possent. Persuasum vero habeo, virum cæteroquin doctum & diligentem, non tam peccare hac in parte destinato animi consilio, quam potius per imprudentiam; siquidem authores, quos solitus est ad suffragium vocare, ab initio ad finem non est solitus perlegere, sed duntaxat quasi per indicem, ut loquitur Imp. in fine Instituit. Certè, quotquot hoc faciunt, non possunt plene Authorum mentem assequi. Rogaverat aliquando Lucilius Senecam, ut sententias quasdam ex Epicuro, Heraclito, & aliis opiniosis Philosophis per epistolam mitteret, sed rescriptit Stoicus Romanus ep. 33. *Depone istam spem, te posse summam degestare ingenia maximorum hominum, tota tibi inspicenda sunt, tota tractanda res geritur, & per lineamenta sui ingenii opus necitur, ex quo nihil subduci sine ruina potest.* Cæterum demiror, virum Rev. adeo pertinaciter adhærere illis, quæ ex suis Authoribus, (sæpe contra eorundem mentem) sibi collegisse videtur, & pro iis non aliter digladiari (etiamsi ab authoribus solummodo pro indifferentibus habita fuerint) atque pro necessariis ad salutem dogmatibus. Non est hæc constantia, sed pertinacia, imo superba φιλονεικία, omnibus hominibus, maxime vero Theologis, indigna. Ut enim pauca iterum commodato accipiam à Seneca lib. 4. de Benef. c. 38. *Non est levis à cognito & damnato errore discedere, & ingenue fatendum est, aliud putavi, deceptus sum: hæc vero superba stultitiæ perseverantia est, quod semel dixi, qualecunque est, fixum ratumque sit.* Vir mihi hac in parte, ex Gentilibus, Posidonius Stoicus Philosophus, qui teste Galeno in lib. quod mores animi seq. temper. *Seclam deferere maluit,*



P R A E F A T I O.

maluit, quam veritatem: atque ex Christianis Doctoribus Hieronymus, qui postquam in Comm. ad xvi. caput Ezechielis, diu se fatigasset circa explicationem loci difficillimi, tandem sequentia subijcit: *Si quis vel meliorem, vel alterum sensum poterit reperire, qui contrariorum inter se testimoniorum scandalum tollat, illius magis acquiescendum sententiae est.*

XII. Ego vero omnibus authoribus (exceptos cupio amanuenses Spiritus Sancti) sic uti frui didici, ut sciam eos homines fuisse, multiplicibus erroribus obnoxios, quos liceat saepe, non minus pro affirmativa, quam negativa alicujus dogmatis assertionem adducere. Quantum jam olim non fuit inter Græcos nomen Homeri? At jam olim (prout discere est ex Strab. lib. 9. Geograph.) Megareses & Athenienses contententes de insula Salamina, ambo jus suum Homericis versibus probare nitebantur: quomodo & pluribus Icc. notatum fuit, non minus Sabinianos quam Proculianos in controversia de Venditione, pro se adduxisse Homeri auctoritatem. Alias verum est illud Tullii lib. 2. de Orat. *Diogenes ait, Antipater negat.* Eoque plus apud me valet ratio, quam hominum, quorumcunque quoque, Testimonia; quæ si alicubi adducam, (facio vero hoc semper fide optima) aliud mihi non est propositum, quam ut me munire possim adversus illos, à quibus libere dissentio, quibus accusationis materia in mundo occurrere videtur, si illi, quos ut adversarios acerrime insectantur, suæ sententiæ celebre nomen prætexere non queant. In reliquis, certum mihi, perpetuo cogitare illud ejusdem Ciceronis lib. 1. de Nat. Deorum: *Non tam auctoris in disputando, quam rationis momenta querenda sunt.*

XIII. Porro, ut persuasissimum habeo, verum illud esse, quod Phœbadius lib. contra Arrianos dicit, nempe: *Destructioni veritatem non subjacere, sed, ut est semper, incorruptam durare:* ita, ob oculos perpetuo habui Augustini aureum monitum, qui lib. 1. contra Epistol. Petiliani fratres suos seriis hisce verbis affatur: *Diligite homines, interficite errores, sine superbia de veritate presumite, sine severitia pro veritate certate. Orate pro eis, quos redarguitis & convincitis.* Idem stipulor ab iis, qui hæc mea ἐβελίζουσιν voluerint; ut enim pro veritate scribo, ita hæcenus me hominem esse fateor, atque forte in iis ipsis, quæ mihi liquida & vera videntur, graviter potuisse falli. Eoque, non minus te, mi Lector, rogo, quam eos, qui hæc qualiacunque voluerint examinare, perpetuo cogitent codro digna Oecumenii verba, qui commentans ad cap. 5. Epistol. 2. ad Corinth. ita scribit: *ἀμὲν ἐν ἀπόβροχῶν τῆς ἀληθείης γνώσεως ἐχ-*



P R A E F A T I O.

πεν νεν, καὶ ὡς ἀπὸ ἡλίου παμφαῖς ἀνγὴν ἀμυδρόν. Nunc habemus ob-  
scurum defluxum vere cognitionis, & veluti à sole lucidissimo obscurum splen-  
dorem. & simul ea, quæ habet Augustinus adversus Epistol. Fundam. cap. 2.  
Illi (inquit) in vos sevant, qui nesciunt cum quo labore verum inveniantur,  
& quam difficile caveantur errores.

XIV. Quoniam vero unius veritatis habui rationem, nec sermo meus  
est συνταγμένον & πρὸς ἐπίδοξιν, (ut loquar cum Gregor. Nysseno) nec  
multorum more, verbis humidis & lapsantibus, ut ille ait, diffluo: satis mi-  
hi fuit rerum momenta jejuno stylo utcunque exæquasse. Quid enim est  
tam furiosum, quam verborum vel optimorum atque ornatissimorum sonitus  
inanis, nulla subiecta sententia nec scientia? inquit Cicero. Forte interim non  
inconveniens fuisset, alicubi, circa illa, quæ censuram merentur, orationem,  
paræneos purpura splendentem, convertisse ad superiores potestates, at, fa-  
teor hac in parte me leporem esse, & quam dissimilem illis,

— Qui dare jura leonibus audent,

Conanturque truces sine vi frenare potentes.

more hoc seculo recepto mea ad pompam non compono, nec in parte felici-  
tatis colloco, in omnibus bibliopoliis legi, & per ingenii foetus fatigare quot-  
quot in ampla urbe sunt præla. Cum Callimacho hymno Apoll.

ὅτι ἄγαμυ τὸν αἰσδόν, ὅσοι πέντ' αἰεὶ δῖ.

Ad hoc scio, scribacitatem garrulitate longe turpiorem esse, cum ista in  
auras evanescat, illa distendat bibliopolia, & ad exenteranda sæpius marsu-  
pia, quam ad erudiendos alios sit accommodatior. Denique, Christus me  
docuit omnes illos Phariseorum exemplo Matth. 6. vers. 2. perceptam habe-  
re mercedem suam, qui libris scribendis, nullum alium in finem vacant, quam  
ut aut possint amplam sui famam excitare apud homines; aut placere superio-  
ribus, aliisve; à quorum causa defensa, five honores five præmia expectant;  
aut etiam in pretio haberi ab improvida juventute, cui sæpe, magno profe-  
ctuum dispendio, excutiuntur meliores authores per illos, qui omnia suæ  
professionis capita, contra quoscunque etiam adversarios, suismet scriptis  
complexi allaborant.

XV. Forte quis dicere posset, me in his ipsis Exercitationibus, alicubi,  
præter veritatis patrocinium, affectasse aliquam gloriolam, quod institue-  
rim, quædam distinctius explicare, quam ab aliis factum fuit. Sed, non  
huic opponenti, verum tibi, (mi Lector) provocando pariter ad ipsam  
rem præsentem, dico, me hoc quam parce egisse, simulque reliquisse  
aliis materiam uberius tractationis, & ut, (secundum Varronem in lege  
Mania)

Mania;  
aliquid  
seger ad

XVI

beo, qu  
ut mox  
habeant  
tibus sui  
stinorur  
rim, om  
huc esse.  
Nescio a  
Nobilis  
me ad ag  
quo cona  
evadere,

atque qu  
centia m  
testate su  
latorum  
tionis me  
veritatis  
quales ho  
aliter atq  
ritati cor  
luerint ju  
diendo c  
Myconi  
veni: vi  
tio expis  
ex eorum  
mino scr  
bus, &  
testimon  
riam, su  
co dicto



P R A E F A T I O.

Mænia) in bona segete neque nullum est spicum nequam, neque in mala non aliquod bonum, ita (teste eodem lib. 6. de LL.) nemo est reprehensus, qui è segete ad spicilegium reliquit stipulam.

XVI. Ad quædam specialia Exercitationum capita me convertere debeo, quod ratione illorum, plurimi, (quos tamen calumniatoribus absit! ut mox accenseam) genuinos suos non minus exacutos, quam accinctos habeant, ut innoxium Authorem non modo mordere, verum etiam dentibus suis dilaniare queant. Incipio vero à causa Canonorum Ultrajectinorum, quam, variis Exercitationibus sic ago, ut tamen nunquam dixerim, omnia circa Capitula in Urbe patria usque adeo castigata & exacta adhuc esse, ut nihil occurrat, quod ulteriorem emendationem non efflagitet. Nescio autem an gratulari mihi debeat, quod D. Gisberti Voetii filius, Nobilis scil. ille Paulus Voet, in Præf. nupero suo libro præmissa, testetur, me ad agendam hanc causam, *nec munere à manu, nec à lingua, nec ab obsequio conductum fuisse*; siquidem cogito forte, dum hæc scribo, sæpe verum evadere, quod Menander dicit:

ἡ γλῶσσ' ἀμαρτάνουσι τ' ἀληθὲς λέγει;

atque quod in scripto publico adversariorum Vatinius patrocinium innocentiae meae præstet, uni Deo καρδιωγῶσιν acceptum refero, qui ut in potestate sua habet linguas & stylos ipsorum Bileamorum, Caipharum, & Pilatorum; ita novit, me ordini honorato (cui tamen sub initium Reformationis mei majores, etiam cum invitarentur, renuerunt ascribi) amore solius veritatis quaecunque patrocinium parasse, atque patriæ voluisse ostendere, quales homines in præjudicium suorum civium (qui à novis inquilinis haud aliter atq; Lycaonis fratribus excipiuntur) in sinu suo foveat. simul ut posteritati constaret, seculo hoc, intemeratæ fidei viros adhuc superfuisset, qui maluerint justitiæ & veritati magno rei suæ incommodo patrocinari, quam blandiendo dominantibus, sublimiores cathedras occupare. Nec tamen more Myconiorum (videatur Athenæus lib. 1. Dipnosoph.) non invitatus interveni: vivunt per Dei gratiam adhuc nonnulli, viri vere eximii, qui, ut initio expiscati sunt quaecunque meum judicium, circa bona Capitularia, ita ex eorundem consilio premo justæ molis librum Belgicum, oppositum gemino scripto ejusdem idiomatis D. Gisberti Voetii, sane ex falsis narrationibus, & ἀπεσοδιονύσις citationibus, non modo Scripturæ, verum etiam testimoniorum humanorum confuto. An alius quis, contra legem Talariam, suppresso nomine, ex meo prolixiori scripto (ut narrantem audio loquendo dicto Nob. P. Voet) brevius stylo floridiori (cui tamen in tractatione rei

seriæ:



P R A E F A T I O.

seriæ seriùs veritatis ruspator nunquam studet) concinnarit, digitum non verto. Si luberet omnia proponere, quæ circa Canonicorum causam habeo digesta, justæ molis volumen in Folio, ut loquuntur, exhibere possem. Testis mihi conscientia, solidiora duntaxat sectatum fuisse, atque sexcenta, partim statuta, partim decreta (quorum major pars distractionem Præbendarum concernit) seposuisse, quod, omnibus ad vivum excussis, non queant iusta ratione, causæ controversæ patrocinari. Propositum mihi perpetuo est, nullo, in quacunque etiâ controversia, argumento uti, quod, cum ex parte solum faveat, alia parte reconditum habeat telum, quo feriat authorem suum. Alias, cum Marone lib. 7. *Æneid.* dicere possum:

*Nunquam acies, nunquam arma libens in prælia movi.*

Nec, post majus volumen, duobus libellis eidem causæ patrocinatus fuisset, nisi intolerandum in modum, usque ad *Heterodoxi* convivium, non modo traductus fuisset à Gisberti Voetii filio & ejusdem discipulis, verum etiâ à quodam Reverendo & Celeberrimo viro, à quo sane aliud quid expectassem. Quo vero successu, causæ (ad quam excutiendam animo sincero atque veritatis amore accessi) patrocinatus fuerim, judicent illi, qui ad legendum & judicandum illud adferre possunt, quod à te, mi Lector, stipulor. Mihi perpetuo placebit illud Martialis lib. 9. Epigr. 38.

— *Cœna fercula nostra*

*Malim convivis, quam placuisse cocis.*

Coqui siquidem, instar figulorum & fabrorum apud Hesiodum, amant sibi invicem detrahere, atque propemodum unusquisque eorum, pro se dicit, quod ille ex gente Magirica apud Plautum Pseud. 2. 2. *Non item cœnam condio, ut alii coqui; atque, alter gentilis prioris, apud Alexidem: Δαίμας δὲν ἐμὸν ἔχει πᾶν.* Quandiu orbis stabit, verum quoque erit illud Arbitri:

— *Non omnibus unum est*

*Quod placet: hic spinas colligit, ille rosas.*

Interea non miror modo, verum ex animo quoque deploro, Rev. D. Gisbertum Voetium usque adeo depuduisse, (si non simul & scotomate fuerit percussus, & conscientia suæ vim fecerit) quod vix integra pag. (sive pag. 161.) partis posterioris Consilii Theologici, continuato filo connectat XII. subsequentiâ mendacia. Nam 1. horrendum est mendacium quod anno 1649. Ultrajecti fuerit *dispersus* (Belg. *gestropt*) libellus Belgicus adversus sententiam Senatus Ultrajectini: quum publice constet, hunc libellum, more aliorum librorum, ad Bibliopolas missum & ab iis

distra-

distra-  
calum  
viris d  
utar lo  
poter  
placet  
feculi  
& vol  
evulg  
ego lil  
casion  
tegen  
Dema  
hic ca  
persue  
nem p  
Theo  
bus la  
rum,  
dicant  
locis,  
Dissen  
deter  
quene  
cessita  
(cui  
Alba  
castig  
Papæ  
itidem  
nem p  
quod  
bona  
possit  
ca urg  
dicum  
necess



P R A E F A T I O.

distractū fuisse. 2. Æque falsū, quod hic ipse Voetius & D. de Maets eo libello calumniis graventur, (Belg. *woorden gepasquilleert*) quum nihil de his Duum-  
 viris dicatur, quod non *tam clarum sit, ut solis radio posset scriptum videri*, ut  
 utar locutione Tertulliani ex libell. de Resurr. Carnis cap. 47. prout liquere  
 poterit, si singula distincte excutiantur. 3. Pariter per crassum mendacium  
 placetur Patri mendaciorum diabolo, quando dicitur, quod anno L. hujus  
 seculi, liber meus *de Bonis vulgo Ecclesiasticis*, evulgatus sit contra decretum  
 & voluntatem Synodi, (Damnonensis scil.) quum quinque mensibus ab  
 evulgato libro Synodus demum coierit. 4. Similiter falsissimum est, quod  
 ego librum illum evulgarim, nullum alium in finem, quam ut possem oc-  
 casionem excitare, contradicendi, traducendi, atque subsannandi (Belg.  
*tegenspreken / schenden / lasteren / ende bespotten*) hunc ipsum Voetium,  
 Dematium, aliosque eorundem Collegas. 5. Eiusdem notæ est, quod vir  
 hic candidus, pro solito scil. suo candore, dicit, & simplicibus hominibus  
 persuasum cupit, me toto illo libro aberrasse à limine, nec attigisse quæstio-  
 nem propositam. 6. Sycphantice, & simul mendaciter agit hic ipse Rev.  
 Theologus, quando de argumento libri mei majoris, vult judicari ex dua-  
 bus laciniiis libellorum Apologeticorum, subsequētibz annis evulgato-  
 rum, quum iis duntaxat quædam propter adversariorum digressionem  
 dicantur occasione causæ principalis, non vero ea principaliter iis  
 locis, prout alibi fit, tangatur. 7. Falsissimum in specie, me pag. 158.  
 Dissertationis Politico-Historicæ de Bonis vulgo Ecclesiasticis dictis,  
 determinare causam principalem, quum duntaxat Exegetice elucidem  
 quendam Ambrosii locum de usu Bonorum Pseudo-sacrorum tempore ne-  
 cessitatis. 8. Falsissimum itidē in specie est, quod in Epistola ad D. Hoornbeek  
 (cui tantus quasi Theologus hætenus non sustinuit respondere) Aggai  
 Albade iudicium laudem, tanquam quod quæstionē terminare possit, quum  
 castigatis antea modeste iis, quæ D. Hoornbeek *à negotiovens* ad Bullam  
 Papæ commentatus erat, innuam me tale iudicium vulgaturum esse. 9. Falsum  
 itidem, me verbis, ex consilio Albade excerptis, concludere Disputatio-  
 nem principalem, pugillo quasi comprehensam. 10. Falso dicitur quoque,  
 quod Consilium Theologicum non adversetur iudicio Albade; nam si  
 bona Pseudo-sacra debeant haberi *patrimonium Christi*, quod violari non  
 possit, nec aliis usibus quam sacris (nisi forte extrema aliqua necessitas publi-  
 ca urgeat) destinari, (huc vergunt omnia, quæ in Consilio Theologico  
 dicuntur) quomodo Magistratus poterit privatis familiarum illustriorum  
 necessitatibus ex talibus bonis consulere, ut credulo suo Lectori persuasum  
 [ e ] vellet



P R A E F A T I O.

vellet verax sc. *D. Voetius*, tantum ut meum scriptum in sinistram suspensionem adducere possit. 11. Falsum est, unquam DD. Canonicos (quibus intempestive *D. Voetius* adulatur, quum alias eos habere consueverit pro Achanis sociis) declarasse, nolle sibi quid negotii esse cum grandiori meo libro. 12. Multo magis falsum est, & impudentissimum mendacium, eo nomine me conqueri in Dissert. Historico-Politica pag. 97. 98. & 147. nisi forte ea, quæ refero per paucos è Canonicis (Deus novit an non artibus Voetianis) accidisse Typographo, imputari debeant toti ordini Canoniorum Ultrajectinorum, cui qualemcumque meum conatum hæcenus quam acceptum esse, certo novi, & mecum plures alii. Arbitrari (obtestor te) mi Lector, pro tuo candore, quid existimandum sit de hoc homine, eodemque Theologo, qui aperto capite unâ pagina in scripto publico duodecies mentiri audent? Imo arbitrari, quid existimandum sit de Voetiis omnibus, patre scil. Gisberto, ejusdemque filiis. Anno 1651. Ultrajecti ex officinâ *Joannis à Wæsbærgæ* prodit libellus, inscriptus *Martinus Schoockius Α' θεολόγος*, cujus Author licet voluerit latere sub literis S. C. alius tamen non debet haberi quam Nobilis Paulus Voet, ille scil. Sacerrimus Calumniator: prout patet ex chartis manum illius referentibus, è Typographia ad me delatis, & testimoniis virorum Reverendorum, qui quum studiorum gratia Ultrajecti eo tempore morarentur, chartas Paulinas manu Gisbertina interpolatas notarunt in Typographia, quam quotidie frequentabant. Hi ipsi vero DNN. SS. CC. sive venerandi Voetii, tanquam insigne mendacium pag. 24. lin. 22. mihi obijciunt, quod dixissem *Vonium* (Rever. scil. Gisbertum) solum, Manuscriptum consecisse, h. e. Theologicum Consilium, (*Theologisch Advijs*) quod eo tempore duntaxat Ms. circumferebatur; quum tamen parte secunda *van het Theologisch Advijs* pag. 151. hoc expresse de seipso testetur ipse pater Voetius, sive Venerabilis Dn. *Gisbertus Voetius*, addendo, se, ut hoc scriptum adornaret, mandatum accepisse à quatuor suis fratribus, nempe *De Maets / Heycopio, Spruyt, & de Wuyt*. Amplius iidem DNN. SS. CC. pag. 25. lin. 8. dicti libelli, mihi exprobrant velut mendacium, quod dixerim, *Theologos Ultrajectinos contra abusum bonorum Ecclesiasticorum, nubes humana auctoritatis non verbum Dei adducere*; quum tamen ipse pater Voetius tali titulo insignierit alteram partem Theologici sui Consilii. Verba inscriptionis, quæ Belgica, ita habent: *Welcke der Gerupgen / ofte / het tweede deel van het Theologisch Advijs*. Atque cum oportuisset primo loco collocari Scripturæ Testimonia, nulla omnino distincte, sed duntaxat incidenter anno.



P R A E F A T I O.

annotantur, atque initium fit à testimonio Lutheri, à quo ut homine, nihil humani alienum fuit. Interim vir Rever. sibi usque adeo plaudit circa hunc suum centonem (consilium Theologicum innuo) simulque ei, qui eundem examinare voluerit, hanc legem praescribit, ut illud à capite ad calcem ordine agat: sed quæ iniquitas, si hæc non est? Cur eadem ratione non est examinatus meus liber de Bonis Pseudo-sacris? Aut, cur à Rev. Voetio instigatus Cl. D. Hoornbeeck, contra meam mentem, imò (scapham scapham vocare debeo) contra officium boniviri, nedum tantum Theologi, totum librum ad quatuor redegit Hypotheses, sive totidem Chimæras? quas ante quadriennium ad non Entium classem per modestissimum scriptum à me redactas, ab eo tempore tam amplæ famæ vir in integrum restituere haut quivit. Aut, cur ipse D. Voetius, ut modo ostendi, tam injuste & inique mecum agit, ut ex paucis scriptorum meorum lacinis, aut aliena, aut *παρεργα* concernentibus, velit ab ipsis Idiotis judicari de mea sententia circa Bona Pseudo-sacra, & Canonicos, speciatim Ultrajectinos? Quasi vero è regula judicari possit de domus elegantia, licet eam insulsius quis, & barba tenus Philosophus (teste Carystio) Corinthi aliquando circumgestaverit, quum emptores ædium suarum quærerent. Et tamen hic ipse D. Voetius obtestatur omnes, aliter ne agant, nisi conscientia suæ simul vim inferre voluerint. Judica, mi Lector, an non *frons* hujus hominis (juxta Prophetam Jesaiam cap. 48. 4.) *fit chalybea*? At age, mi D. Voeti, (siquidem compellor te alloqui) conditionem quam toties offers, accipio, & à primo folio ad ultimum, scriptum tuum *ἀπεσδιόρνω* citra ulla dicteria examinabo; verum ea lege, ut tu simul spondeas, te à capite ad calcem examinaturum esse, duntaxat tres ex hisce meis Exercitationibus, eas scil. (optionem relinquo) quas putaveris maxime præjudiciosas esse præconceptis tuis opinionibus. Interim coram toto orbe pronuncio, quum altera pars Consilii Theologici constet paginis ducentis & octuaginta quatuor, me paratum esse, sive coram Amplissimo Urbis patriæ Senatu, sive Venerando ejusdem Urbis consistorio, ostendere, te amplius quam trecenties æque certo mendacium simplici Lectori propinasse, atque in una, eademque vix integra pagina modo duodecim notavi: ex quibus, si, vel unum, aut tu, aut filii ad arcem veritatis, per Sophisticam, solitasque vestras artes deducere conati fueritis, prædico, felicius hoc vobis non esse succellurum, atque cum filius tuus natu maximus, Nobilis scil. ille Paulus Voet, niteretur veritatis plumis exornare quoddam tuum mendacium, ipsis Thesisibus insertum, contra amicum Constantis Alethini. Ad



P R A E F A T I O.

te redeo, (mi Lector) quem rogo, quum publice interfit, inquiras in mo-  
 limina viri, ad quem coactus fui orationem convertere. Jam anno 1651. in  
 quodam illius libello, evulgato per filium ejusdem primogenitum, con-  
 stante duntaxat pagellis centum & quadraginta quatuor, notavi trecenta  
 mendacia & calumnias, æque manifesta, atque quondam in Plauti Comœ-  
 dia mœchus fuit: ab eo vero tempore ne quidem unum instituit diluere,  
 quia nullum potest; nihilominus apud suos tuitus est existimationem, &  
 forte tuebitur post hac quoque. Ne vero, tu pariter, qui salutis æternæ stu-  
 diosus es, circumveniaris, cogites, te mecum incidisse in illa tempora, de qui-  
 bus Propheta Jesaïas dixit cap. 59. 14. quod *corrumpat in platea veritas, & æquitas*  
*non possit incedere;* atque, secundum eundem Prophetam (cap. 28. 14. 15.)  
*fuisse dominatores Ierusalaimis, qui disposuerant fallaciam receptum suum, &*  
*in mendacio absconderant se.* Eoque, ne pudore quidem afficior, quod per  
 hosce homines in patria urbe apud cives, atque amicos & fautores antiquos,  
 imo ipsos quoque propinquos, mei odium jam diu fuerit procuratum, quo-  
 niam abunde solatii invenio in Jehovah sacrario, quod sæpe ingredior, ipso  
 Spiritu Sancto edicente per Salomonem cap. 19. 5. *Tēstis falsitatum non im-*  
*punitus erit, & conflator mendaciorum non propiciet se.* Doleo vero vicem eorum,  
 qui videri possent (Deus scrutator cordium omnia novit, suoque tempore  
 patefaciet) uti opera Architecti consilii Theologici, contra Capitula & ordi-  
 nem Reformationum Ultrajecti Canonicorum. certe longe alia, eaque veriora  
 atque utiliora, ex ipsis penetralibus juris Capitularis suggeri potuissent. Ut  
 perpetuo præsupposui, circa Capitula Ultrajectina, prout hoc tempore sunt  
 ordinata, varia occurrere, quæ admittere possint ulteriorem limam, cum  
 bona venia Dominorum Capitularium, ducendam per supremas Provinciae  
 patriæ potestates; ita mihi in proclivi, ostendere modum, quo salvis Capi-  
 tulis eorumque juribus, tum Provinciae Ultrajectinae annuatim decies mil-  
 leni floreni, tum singulis Canonicis, (etiāsi amplius quam centum sint)  
 præter honestum & spectabile munus florenorum centuria quoque pariter  
 anno procurari queat, civitati vero Ultrajectinae talia & tanta ornamenta,  
 qualia hætenus in nulla urbe, ubi sonat Reformata Religio, notata fue-  
 runt. Nec praxis hujus consilii futura difficilis, modo antea in ordinem re-  
 digantur πολυπρόγμους Theologi, qui solent perpetuo satagere circa a-  
 liorum conscientias, (quas exemplo Pseudo-Apostolorum tantum pos-  
 sunt πείσσειν Gal. 1. vers. 7. & 5. vers. 10.) ne propriæ morsus & velli-  
 cationes persentiscant. Non sunt hæ speculationes Utopicæ, nec ego aut  
 natus sum gente sumivendulorum, aut similis Architecto Consilii Theo-  
 logici.



P R A E F A T I O.

logici, qui ordinem honoratissimum duntaxat territare potuit larva falsarum hypothesium, citationum, & narrationum, suppetias advocato vulgo (ideo Consilium Belgice prodiit) quod pessimus iudex veri est, nec ultra corticem, ad interiora rerum penetralia pertingere potest. Si modo iusserint, quorum aut interest, aut quibus obsequii gloriam debeo, quæ amplius quam unius anni spatio perpendi & percoxi, lubens communicabo, totique orbi tum constabit, hominem, propter peregrinos & malefatos quosdam homines, in patria per plures annos nulla sua culpa neglectissimum, plus subsidii & solatii ejusdem civibus procurasse, atque à quatuor Academiis, Tripode licet gaudentibus, sperari queat.

XVII. Indignabuntur & plurimi, quod Trapezitis, (qui jam diu præter omnem suam culpam incurrerunt odium publicum) patrocinium præstiterim. Sed, velim iidem cogitent, me neque primum pro iis dicere instituisse, neque solum quoque. Si quis alius, ordini eorum, ut scripta mea quoque docent, aliquando infestissimus fui, quod omnia distincte nondum expendissem. At postquam veni Daventriam, familiariter conferre ceppi cum τῷ πρῶτῳ D. Nicolao Vedelio, Theologo Orthodoxo accuratissimo, qui sæpius testatus mihi fuit, se, ex quo Geneva in Belgium venisset, & in hanc controversiam inquisivisset penitus, judicasse, præjudicii innoxios Trapezitas gravatos fuisse. Prodierunt deinde tria justa volumina virorum summi D. Salmasii, quæ cum initio oscitantius legissem, occasione certa distinctissime legere & pro qualicunque meo judicio examinare institui. Cum enim vir quidam Amplissimus, rerumque usu instructissimus, idemque Consularis reip. Ultrajectinæ meritissimus, anno 1643. ab Illustrissimo Ordd. Generalium Confessu (cui adhuc hodie per Dei gratiam ornamento est) in hanc urbem, ad componendos provinciæ motus, cum aliis delegatus esset, ipseque in familiari Colloquio (ad quod me admiserat) forte dixisset, optare se, quæ Salmasius diffusius de causâ Trapezitica disseruisset, ab aliquo in compendium redigi; suscepi hanc in me operam, & mox tria illa volumina Salmasiana non modo pervolutare incepti, verum etiam (plurimis occupationibus licet distraherer) intra medium annum accuratum concinnavi compendium, quod & viro illi vere Eximio (quem grato animo perpetuo prædicabo, promotorem unicum conatuum meorum ferme puerilium) obtulissem, nisi paulo post incidissem in rixas cum Celeberrimo D. Voetio, atque hujus stomachus cedere nescius, non modo hunc virum Amplissimum, verum plures alios quoque in patria à me alienissimos reddidisset. Interea gratulatus mihi ipsi sum, quod erroris profundo fuerim eductus.



P R A E F A T I O.

ctus, atque, de hac controversia dilucidius, praeunte Salmasio, possim judicare: simul, argumenta nova excogitavi, & quaedam Salmasiana partim elucidare, partim interpolare institui. Quo successu, judica ipse, mi Lector, atque ad Exercitationis Undevicesimae lectionem adfero animum ab omni praedicio liberrimum.

XVIII. Porro, ut spero me veniam facile impetraturum esse, quod communem Theologorum sententiam propugnem circa statos dies festos, ita, non putem, me censuram quoque promeritum esse circa Sanctificationem diei Dominici: cujus occasione, licet considerem cauponas, eo die patientes, ex animo tamen optarem (modo fieri posset) earum quoque nomen obliterari posse. Nolui vero tangere ea, quae à rigidioribus quibusdam Theologis, antehac Ultrajecti pro ipsa concione sunt dicta, nec expendere illa, quae ipsi Ampliff. illius Urbis Magistratui sunt suggesta. Qui dominatum in Ecclesia obtinent, dominari quoque videntur auribus suorum auditorum, adeo, ut hi credere debeant se non audivisse illa, quae alias bibulis & purgatis auribus excepisse videbantur, quod ita videatur iis, qui Reverendi audiunt. Satis mihi fuit, quasdam Theses D. Voetii, ejusdemque Lacrymas, à Crocodilo fusas, ad censuram vocasse. Tanti autem Theologi Praefinitas circa observationem quarti Praecepti, jam olim non placuit ipsis Synodis Belgicis. Ut ostendi posset adducto decreto Synodi Hestadianae, in quo quoniam praeter Dn. Voetium alii quoque nominatim notantur, hoc quidem tempore illud adhuc premendum videretur; sufficeretque supra digitum intendisse in decretum Synodi recentioris, Dordracenae scilicet: Sed, cum illi ipsi, qui videri volunt Doctores per omnia infallibiles, dicantur eo usque processisse, ut persuasum cupiant, nihil in dicta Synodo adversus se definitum esse, rogo, inspiciantur Acta Synodi Suyt-hollandicae anno 1626. habitae Hestadii, atque ea, quae decreta sunt circa Art. 32. concernentem gravamen Classis Schilandianae. Certe ego nihil aut tango, aut intelligo, aut dicto articulo notati sunt illi, qui, circa observationem diei Dominici, praesumebant nimis esse praefini; simulque injunctum fuit D. Teelingio, Spiliardo, & Voetio, ut, suam sententiam de sanctificatione diei Dominicae pressius declararent.

XIX. Scio, & vitio mihi versum iri, quod aliarum Ecclesiarum regimen Ecclesiasticum tolerabile pro tempore statuam. A quo ut me purgem, dico, me statuere, Presbyteriale Ecclesiae regimen, Scripturae & antiquitati Ecclesiasticae quam maxime consentaneum esse, atque Hierarchiam omnem ab Ecclesia Christi proscribendam; item Magistratus debere quidem aestimari

nutricios



# P R A E F A T I O.

nutricios Ecclesiæ, nec tamen iis deferendam circa sacramentalem potestatem, quæ præjudiciosa sit libertati Ecclesiæ. Interim perpetuo cogitandum, Ecclesiam militantem multum distare ab Ecclesia Triumphante, atque, in illa multos navos esse tolerandos; cumque Ecclesia militans se submittere debeat ut plurimum Politicæ, ratione illius quædam circa regimen Ecclesiasticum sæpe aut dissimulanda, aut admittenda esse, quæ alias abesse præstaret. Quisquis tamen hæc intempestive, sive tollere, sive traducere instituit, quid aliud facit, quam ut prodatur suam imprudentiam, signumque det ad concitationem variarum turbarum, dum instituit τὸ ἀκίνητον κινεῖν. Ob conditionem peculiarem militantis Ecclesiæ, mihi admodum probatur talis verbi Divini minister, qui non modo ratione regiminis Ecclesiastici & rituum, verum etiam naturæ hominum, inter quos vivit, potest esse (quod Plato ex Æschylo bis citat & commendat) ἀλλος πρὸς ἄλλην πόλιν πεταγμένος: ad quod, ut requiritur prudentia, quæ raro in feroces juvenes cadit, ita, qui ea pollet, non mox futurus aut laxus Casuista, aut Proteus, ut à multis jactari audio. Quorum hominum principia si quis attenderit, sanandis Ecclesiæ ulceribus nunquam oportuerit admove *μαλαντὴν χεῖρα*, ut Pindarus loquitur; sed perpetuo cauterium & scalpellum: graviterque peccavit Paulus, quod *Judeis non modo factus fuerit Judeus, exlegibus exlex, verum etiam omnibus omnia, ut saltem aliquos lucrificaret*, 1. Cor. 9.

XX. Quando ago de Patronatus jure, perpetuo præsuppono esse quoddam ἡθῆμα, & nævum qualemcunque Ecclesiæ, quem quoniam per Belgium Synodus Dordracena se desperabat abstergendam esse, præter rationem, existimo illius turpitudinem exaggerari. Nam, cum constet, plurimos per Belgium Pastores, secundum juris quasi Patronatus formulam, ad pascendum Christi gregem vocari, quid aliud faciunt illi, qui in hoc jure exagitando toti sunt, quam ut suorum Symmistarum conscientias non modo terrent, verum etiam eorum ministerium inutile reddant? ipsis adversariis Ecclesiæ ostendendo hosce, quod legitime non sint vocati, haut mereri haberi genuinos Christi ministros. Mihi solum propositum fuit ostendere, argumenta, quæ plenius pelvibus vulgo adversus hoc ipsum jus profundi solent, adeo valida non esse, atque à quibusdam jactantur. Quando, occasione hujus juris, excurro circa Diaconos nostros, sane nihil omnino iis detractum cupio, quum eorum duntaxat mentionem fecerim, ut ostenderem, multa recepta esse in Ecclesia jure Ecclesiastico, innitente regulis generalibus Spiritus Sancti in Scriptura loquentis, quæ neque κατὰ τὸ ἐν τὸν invenire liceat in verbo Dei scripto, aut observata fuerint à primitiva Ecclesia. Alias, aspirante Dei

Opt.



P R A E F A T I O.

Opt. Max. gratia, meam sententiam de regimine non minus Ecclesiæ, quam de Vocatione Ministrorum publici juris faciam, speroque me, qui laboravi ipsos fontes excutere, omnibus æquis iudicibus probaturum, forte non indignum esse, qui collocer proxime eos, qui cum aliud non possint quam compilare scrinia Centuriatorum Magdeburgensium, Chemnitii, Plessæi, Hospiniani, Plessæi, Rainoldi, Molinæi, Elondelli, Aubertini, & Dallæi, (quos authores utinam bene legerent!) & quorundam Pontificiorum Doctorum, speciatim Adversaria la Cerda, ejusdemque notas in Tertullianum, Petavii Animadversiones in Epiphanium, Opuscula Filescæi, Albaspinæi notas ad Opratum Milevitanum, &c. salutantur tamen publice promi condi Antiquitatis Ecclesiasticæ. Ego aliis applausum seculi non invideo: cujusque opus Deus & tempus probabunt.

XXI. Non nemo mihi inclementer quoque dicit, quod videar carnifibulam laxare, propugnando tripudia, pocula salutis, denudationem corporis, vestium mutationem, &c. Alii vitio vertent, quod videar propugnare tolerantiam excelsorum Idololatricorum, &c. At, omnes hos & singulos coram Domino obtestor, dignentur tantisper judicium suspendere, quam Exercitationes, quibus hoc ago, integras legerint. Si secundum Icc. incivile habetur, judicare, nisi tota lege perspecta; nã injustum quoque haberi debet, ex una alterave periodo judicare de alicujus Authoris mente, quæ non possit colligi nisi ex comparatione antecedentium cum subsequenter. Et tamen hoc antehac sæpius mihi accidit, atque solemne est multis, Reverentiæ licet titulo conspicuis, qui, si judicent librum aliquem suis præconceptis opinionibus non favere, mox paratos habent discipulos & amicos, qui integras Centurias non modo errorum, sed, si Deo placet, Hæresium quoque excerpunt. Certe, quotiescunque ad horum ingenium attendo, compellor meminisse dicti Theophrasti: Ουμὸς μεθ' ὧν φιλονομίας ὡς ἐτυχὲ ὁρμαῖς χεῖται. Ad me quod, scio, *legem spiritualem* esse, ut monet Apostolus Rom. 7. vers. 14. atque, ut recte ad eum locum observat D. Pareus, *angelicam & divinam integritatem hominibus prescribere*, ad hoc, ne minimo quidem peccato conscientiam gravandam, Psalm 19. vers. 12. 13. Non tamen perpeti illos possum, qui insidiantur libertati nostræ, per Christum partæ, atque sic laborant in effurcilandis adiaphoris, ut putent esse grandia peccata, quæ Lex Dei, per Prophetas & Apostolos convenientissime explicata, nullibi notat. Specimen in his Exercitationibus dedi, atque, si Deo placuerit vitam prorogare, alio tempore plenam exhibebo messem.

XXII. Quum



P R A E F A T I O.

XXII. Quum Sectione superiori Speciminis, Benivole Lector, mentionem fecerim, ignorare te nolo, me hanc Exercitationum telam abruptisse, quod liber jam ad aliquam molem pervenisset, & minus favente gauderem prælo. Deceveram alias, de quinque materiis adhuc agere, ex quibus tamen quintam seu postremam postea abdicavi. Egissem de Organis, sed, dum examino Disputationes D. Voetii de iis habitas, atque ex antiquitatis Ecclesiastica penetralibus rationem cantus Sacri examino, liber prodit. Deinde, rationem Spectaculorum expendissem; verum liber Prinnii citationibus *ἀπεργασίου* faburratus, ( qui dicitur *ναὶ ἐπιπλοῦ* ) Belgice exhibitus esse à Rev. D. Hoornbeeck ) amplius quam libelli materiam suppeditavit. Tertio, rationem Catechizationum examinasset, simulque sub censuram vocasset, quæ pro illustranda quasi antiquitate Ecclesiastica, ex aliis conscribillavit jam nominatus D. Hoornbeeck: at ubi ad medium vix pervenisset, jam justus Tractatus materia collecta erat. Quarto, destinaram non ex recentioribus quidem Authoribus, ( ex iis amplius quam quadraginta vidi, eadem omnes chorda oberrantes ) sed, ex Patribus atque primis Reformatoribus, rationem legitime concionandi delineare, atque ostendere, Theologos Anglos, cum suis admiratoribus & imitatoribus, dum ex quibilibet locis Scripturæ ad modum Textuum arreptis, quidlibet colligere instituunt, recta viam sternere ad Enthusiasum, qui pro dolor! in insula ( heu quondam beata! ) videtur meditari Thronum erigere; at postea vidi, me publice magis profuturum, si hoc seorsum justo volumine *ἐν ᾧ* aliquando præstitero. Interim noli mirari, Lector, quod semel atque iterum oblique in hos Tractatus, adinstar Exercitationum quasi exhibendos, digitum intendam. Principio destinaram quoque, monstrosas revera Disputationibus D. Voetii de Falso, quosdam casus à tam diligenti Theologo eodemque Casuista omisos superaddere, ( quis enim videt mantica, quod in tergo est? ) atque ostendere, indignum esse viro bonam fidem professio, nedum Theologo, falsis citationibus integras paginas replere. At, quod hinc inde in subsequentibus Exercitationibus compelleret gustum hujusrei exhibere, destitui, contentus hic adduxisse solummodo D. Amesum, ita loquentem lib. 5. de Conscient, cap. 33. Th. 5. *Si quis falsum refertur in eis, qua scire & potest, & tenetur, & etiam scire se profuturum, quamvis verum esse putet, ille per interpretationem habetur pro non putante, & eo nomine in Scripturis dicitur mentiri, sicut in falsis doctoribus apparet: qui omnes in Scriptura passim dicuntur mentiri, quamvis inter illos non pauci sint, quibus Deus, ( ex justo suo judicio )*

[ f ]



P R A E F A T I O.

*Asio*) immisit efficaciam erroris, ut credant mendacio. 2. *Thessal.* 2. *vers.* 11.

XXIII. Dum myrmecino gradu prorepit verius, quam procedit, Præfationis hujus editio, per Bibliopolam mittitur libellus Belgicus à prælo recens, cui præfixus est hic titulus, *Canonicus Ultrajectinus A. V. O. N. A. T. I. N. E. S. T.* (Belg. *Den Overtuyghden Canonick*) qui licet à me possit negligi, quod is, cui opponitur, sufficiat patrocinio, & ad me nulla ratione pertineat, quum ex talibus fundamentis, nullo invitante præmio aut spe lucri, laborarim antehac, etiam in ipsis Exercitationibus ordini Canonorum Ultrajectinorum patrocinari, quæ per conscientiam putabam substerni posse, & tam solida esse video, ut omnes λόγοι D. Voetii in secunda parte Conf. Theol. ea ne quidem labefactare queant, licet popello, latine nescio, aliud passim persuadeatur, eiq; per fumi mercatū & insulsarū fabellarū narrationē, placeatur ab histrionibus in scena hujus mundi, in qua, quotquot Deum ex animo non timent, tuto personam circumferre possunt. Author hujus libelli gerit se pro Verbi Divini Ministro [siquidē ita videor colligere ex tribus literis in frontispicio apparentibus V. D. M.] magnoque zelo, sed qualem Sp. Sanctus in Jehu notavit, non minus contra Canonicos, quam pro D. Voetio æstare videtur. Quod nomen illi sit nescio, nec divinare possum, quid sibi velint hæc literæ S. P. quas, qui diligentius dictum Tractatum legerit, posset interpretari vel per *Sinul-tum Pastorem*, vel per *Sacerrimum Pastorem*. Nam revera quædam occurrunt, quæ arguunt hominem non modo laborare *τῷς Μακροῖς ἀποστάσι*, sed, nisi tempestive fuerit curatus, media vena pertusa, propediem esse commendandum non modo agnatis & gentilibus, verum per eos quoque Curatoribus Academiæ, quæ Ultrajecti notatur ad finem plateæ novæ prope Cœmeterium S. Nicolai: nisi forte Pontifex omnium stultorum, quem Magistratus Ultrajectinus, quod amplius intolerabilis esset, proscribere debuit (alias hic pro Voetiis carmen Latinum & Belgicum evulgavit contra Necessariam Defensionem) huic homini Iselstadio solemnem suum habitum mittere voluerit. Nam cum non norit, quid aut dicat, aut scribat, nec alias responsiones adferre queat, quam illas, quæ à me aliquoties solidissime sunt retusæ, vice asyli sibi proposito Consilio Theologico (audet hoc vocare pro sua sapientia Præf. alt. ad Lect. *een heerlick, onbesproken Theologisch advijs*) quotiescunque tenetur, audet nihilominus non modo sperare triumphum, verum etiam plane se similem reddit fatuo Horatiano, de quo ita Poëta lib. 2. epist. 2.

*Fuit haud ignobilis Argis,  
Qui se credebatur miros audire tragædos,  
In vacuo letus sessor, plausorque, theatro.*

Ho.

Eod  
suaf  
bras  
men  
mac  
ding  
ontr  
drift  
indii  
certa  
cum  
misi  
detu  
adhi  
huc  
mi l  
cum  
exti  
beni  
veni  
moc  
bit.  
Sace  
fide  
LeG  
prio  
scrip  
pag.  
mot  
enin  
den.  
Que  
scil.  
Conj  
ratio  
de l  
etiar



P R A E F A T I O.

Eodem refero, quod usque adeo amore D. Voetii sit excæcatus, ut persuasum habeat, alios secum credituros esse, meridie diei profundas tenebras esse. Licet enim sub finem Præf. prioris, occurrat horrendum carmen, hisce Belgicis verbis conceptum: *Voorts betuyge, ick, voor den Almachtigen, die levendigen en doden oordelen sal, en oock my, voor wien alle dingen naeck en bloot zijn, oock mijn gedachten, en besonder bedrijf in en ontrent dit schryven, dat ick hebbe geschreven, proprio motu, door eygen drift, en aenporringe, sonder van yemand in de werelt daer toe, direct. of indirect. in 't alderminste beweeght of aengestelt te zijn.* Novi tamen, tam certo, quam scio per Dei gratiam me vivere, D. Voetium eodem modo, cum hoc sui admiratore egisse, quam mecum agere solet; nempe si non submisisse chartas per tertium, quartumve, saltem libellum, cui quasi responderetur, marginalibus notis castigatum. Si necessum sit, duos tresve libellos adhuc exhibebo, manu D. Voetii sic interpolatos, quo tempore oppido adhuc juvenis, loco illius imperum Remonstrantium sustinebam. Eoque nota, mi Lector, hunc hominem non dicere, se omni subsidio fuisse destitutum cum ad scribendum animum appelleret, sed non fuisse incitatum ab alio aut extimulatum: siquidem D. Voetius pro simplicitate sua, neminem ad scribendum extimulat, quando aut chartas, aut libellos, quos notavi, patitur venire in manus suorum Hyperaspistarum. Novi magno meo male, quomodo mecum antehac fuerit actum. At Deus suo tempore omnia manifestabit. Viceversa cogitet aliquis, nec sine ratione, hominem hunc, censeri posse *Sacerrimum Pastorem*, atque ordinis sui propudium, utut protestetur, Dei fidem inclamet, atque abutatur Scriptura, quam toties citat. Nam vide, Lector, quo Genio impellente ad scribendum animum appulerit. In priori Præfatione protestatur, obtestando Deum *τὸν καὶ ἀπολογιστὴν*, quod scripserit absque odio, aut, ut loquitur, *buuten personeele haet*; & tamen pag. 3. queritur, quod in sua Ecclesia [ad quam forte per Canonicos promotus fuit] minus commode per ipsos Canonicos fuerit habitus: sic enim de illis l. d. loquitur: *Iae ick hebbe wel ghehoort, en oock bezonden, in onse eyghen kerck, datse het al nemen, of van andere laten doen.* Quo candore vero agat, hinc discite, Lector, quod Lectorem suum, (ut scilicet tempestive discat serio odisse Canonicos) ableget ad *Theologicum Consilium, Hoornbeeckij Examen Bullæ Papæ Innocentij, & S. C. dissertationem de bonis Ecclesiasticis*; profunde dissimulando, me prolixo libro de bonis vulgo Ecclesiasticis dictis, totum Consilium Theologicum, etiam antequam typis exscriptum esset, examinasse; Dissertationi S. C.

[ f 2 ]

hoc



P R A E F A T I O.

hoc est, Nobilis Pauli Voet opposuisse Dissertationem Politico-Historicam de bonis iisdem; atque D. Hoornbeeckio exiguo libello sic respondisse, ut haecenus tantus Theologus taceat, certo per Dei gratiam habiturus responsum, si suis Hypothesibus adversus meas responsiones destinarit patrocinium. Utut sit, hominem hunc missum facio cum cæcis suis admiratoribus, siquidem indignus est, cui respondeatur, quod ineptiendo seipsum evertat, atque ad summum cum D. Voetio [ sic agit hic Theologus altera parte Consilii Theologici, quando quam speciosissime argutari verius, quam argumentari videtur ] nihil aliud notare possit, quam quosdam abusus in ordine Canonorum Ultrajectinorum, de quorum veritate ubi constiterit [ haecenus enim adhuc dubia est ] omnes pacifici Theologi serio consilia inire deberent, de iisdem, salvo ipso ordine, tollendis. Ego supra Rev. D. Voetio conditionem obtuli, atque, si nolit me admittere, ad exhibitionem amplius quam trecentorum partim mendaciorum, partim falsitatum, partim sublestarum citationum, occurrentium altera parte Consilii Theologici, profiteatur publice se per semetipsum responsurum esse brevi examini, sed secundum lineas instituto, quod tum propediem per gratiam Omnipotentis publice lecturus est; ita tamen ut in antecessum eundem moneam, dignetur inter scribendum memor esse admonitionis Ciceronis, ita loquentis Orat. pro Cælio: *Illud te, (si quis es) Arratine, esse admonitum volo: primum qualis es, talem te esse existimes: ut quantum à rerum turpitudine abes, tantum te à verborum libertate sejungas: deinde, ut ea in alterum ne dicas, quæ tibi falsò responsa sint, erubescas.*

XXIV. Redeundo ad lineas hujus Præfationis, quæ per intervenientem, sed vere ἀπερὸς διόλου libellum τῶ Δόκτω aliquatenus turbata est, aliquid monere debeo, de quæstionibus Theologico-Præcticis, quas hîc Excitationibus plenius discutio. Atque, cum constat, plerasque earum moveri, de rebus, quæ si absolute in se considerentur, haberi debeant Adia-phoræ, iis, quos noto, non aliter sum infestus, quam quatenus circa illas talem faciunt determinationem, ut conscientis laqueum injiciant, eripiendo iisdem libertatem. Novi apprime, Dei admonitionem de observanda lege sua, etiam Christianos spectare, atque, sub ipsis temporibus N. T. audiendum esse Deum, sic loquentem Exod. 23. 13. *In omnibus, quæ edixero vobis, custodite vos.* Interim tamen hoc quoque novi, ex eodem Dei verbo, utut commendetur Præcisitas, toto cælo distans à Paulina ἀνεκβεία, inter ἀναφύοις, & illa, quæ expresse à Deo aut sunt præcepta, aut prohibita, primum interesse, atque, perconquisitas consequentias verius quam rationes, Adia-phora



P R A E F A T I O.

phora sic non esse determinanda, five pro concione, five in Catechizationibus publico-privatis, five in lectionibus Academicis, multo minus in publicis scriptis, ut condemnentur illi, five expresse, five per consequentiam, quibus certum fuerit sua libertate uti. Quis enim non exhorrescat ad hoc Pauli monitum Rom. 14. 4: *Tu quis es, qui condemnas alienum famulum? proprio Domino perstat, aut cadit.* Interim viceversa, absit, ut condemnem simul eos, qui hic sunt infirmi, & hypocritas mox vocem, qui V. C. nolint aut Santeas bibere, aut barbam detondere, aut promissos capillos alere, &c. Dei verbum me docuit, de conscientia alterius, per neminem mortalium posse iudicium ferri, antequam à Spiritu Sancto detegatur. Quo sensu à Paulo dictum est, 1. Cor. 4. 5: *Ne ante praesitutum tempus quisquam iudicet, id est, usquedum venerit Dominus.* Eoque huiusmodi homines similes putaverim esse viro illi, cui propter infirmitatem iudicii consilium datur, *ut oleribus vescatur*, Rom. 14. 2. quod praestupiditate capere non posset, per adventum Christi in carnem, legem Cæremonialem de differentia ciborum sublatam esse; quales nullatenus humano iudicio condemnandos aut vexandos esse, idem ipse Apostolus innuit, quando Comm. proximo sic loquitur: *Qui edit, non edentem ne pro nihilo habeto, & qui non edit, non edentem ne condemnato.* Atque, ut de meipso pauca interferam, quanquam puto in ordine Canonorum Ultrajectinorum nihil occurrere vitii, ut toties docui & probavi, nunquam tamen per Dei gratiam permittam, ut, me vivo, aliquis ex filiis ei ascribatur, pluribusque constet, me proletarium licet, jam bis recusasse admittere Vicariatum, pro continuandis quasi horum studiis, ne viderer patrocinio bonorum Pseudo-Sacrorum stylium antehac commodasse, ut quid ex illis, in usus meorum redundare posset. Ego, per Dei gratiam, didici parvo contentus esse, nec aliis divitias invidéo, vovendo solum, ne plurimi illi, quos pro iis cogendis noctes atque dies, aliis omnibus relictis, laborare video, accenseri debeant illis, de quibus David dicebat Ps. 17. 14. *Ab hominibus eripe manu tua, Iehova, ab hominibus è mundo, quorum portio est in hac vita, quorum ventrem imple recondito thesauro tuo.* Licet ergo infirmos hos non condemnarim, ita nihilominus condemnare per conscientiam possum, doctrinam minus Orthodoxam de usu Adiaphororum, quæ scil. infirmos illos non modo confirmat, verum etiam aliis laqueos injicit. Nam, licet Paulus Apostolus Corinthios, ut modo ostendi, noluerit personæ suæ iudices esse, ad eorum iudicium tamen de doctrina, in eadem Epistola provocat, quando dicit, *intelligentibus loquor: iudicate vos, quod ajo*, 1. Cor. 10. 15, & Thesaloni-

[ f 3 ]

centes.



P R A E F A T I O.

centes jubet eodem pacto, *omnia probare, quod bonum est, retinere*, I. Theff. 5. 21. Fateor quidem, multos bonos ringi, in Ecclesia Orthodoxa notari hæc certamina inter ipsos Orthodoxos Doctores, & Theologos; atque optandum esse, ut *perstantes in uno Spiritu, possemus uno animo concertare per fidem Evangelii*, Phil. 1. 27. At, hoc voveri magis potest ab Ecclesia militante, quam impetrari. Cum hac, ex admiranda Dei dispensatione, atque, ut vere pii æstuent vehementiori desiderio suæ patriæ, ferme eodem modo agitur, atque Melanthius apud Plutarch. lib. de aud. Poëtis, dicebat agi cum Atheniensium civitate, quam existimabat *conservari oratorum dissidiis atque turbis, quod in dissidio quid esset quod revelleret à damnosa parte urbem, adeo ut universi non inclinarent in unum parietem*. Atque, ut pauca à Nazianzeno commodato accipiam ex prima illius Oratione de Concordia: *ἡρεσσαν ἐμπὰς θεὸς ὁμοῦνός ἐστιν ἐν τοῖς βέλαις διάστασις*: *Melius est pro pietate dissidium, concordia fucata*. Et postea sic per interpretem: *Nemo arbitretur me dicere, omnem pacem acceptandam esse. Novi enim, ut dissensionem quandam optimam ita & perniciosissimam concordiam: sed ea demum bona est, quæ bono, & ipsi Deo, nos conjungit*.

XXV. Postremo, & antequam te missum faciam, æquissime Lector, verbo de quadam mea causâ tecum agere debeo. Nosti [ ut persuasum habeo ] quam duriter à plurimis annis mecum agant Dnn. Voetii, præ cæteris Celeberrimus Doctor Gisbertus: & quidem nullam aliam ob causam, quam quod conscientiam & veritatis professionem privatæ amicitiae prætulerim, atque, in causâ Cartesii quædam professus fuerim, quæ neque lædere poterant tanti Theologi existimationem, neque ulla ratione eidem præjudiciosa esse. Ob hæc vero promerui, non modo violento detineri Arrecto in ipsâ patria urbe, & liti molestissimæ pariter atque sumptuosissimæ ultra duodecim annos implicari, verum, quod caput, per hos ipsos, eorumque discipulos, velut perjurus traduci: quæ omnia ut testatiora essent, atque non minus per totum terrarum orbem de me crederentur, quam ad seram posteritatem quoque propagarentur, instituit Nob. Paulus, ἀπεσδιώκων per omnia, sententiam quandam mirifice & contra ordinarias Juris formulas modificatam ( novit Deus qua ratione ea fuerit impetrata ) inferere Rhapsodico libro suo, qui inscribitur *Naturalis Theologia Reformata*, eamque ita interpretari, quasi parens suus de me, tanquam perjuratorum maximo, jam triumphasset; quum tamen mox à sententia illa lata, appellationem instituerim ad Curiam Provinciæ Ultrajectinæ, & jam à triennio, atque, quod excurrit, suscepto quoque itinere gravi, ac mihi prole-

tario

tario  
Præfi  
minar  
tam n  
scruta  
simul  
dicto  
exarr  
mus, fi  
oppot  
fatu  
dente  
tium f  
pus, a  
vehem  
tegros  
menti  
que e  
5. 19.  
Sancti  
nium,  
fomni  
ret; co  
ultimo  
magis  
Eoque  
stigiis  
quand  
lis; ne  
ratas h  
scanda  
scienti  
ipsum  
vi, no  
tamen  
per sua  
zier, I.



P R A E F A T I O.

tario admodum molesto, sapius apud Curiam illam, compellato quoque  
Præside pro tempore, institerim, causa mea per definitivam sententiam ter-  
minari queat. Antehac, sive sub initium hujus litis, libello Latino, eoque  
tam modesto, ut provocare ipsam Modestiam videretur, coram oculis Dei  
scrutatoris cordium innocentiam meam asserui; dein, quum inexpectata, sed  
simul modificata sententia lata esset, libello Belgico tam modeste, & (absit  
dicto invidia!) tam solide, determinationes Politicas magis quam Juridicas  
exarmavi, ut scribaces Voetii nihil opponere sustinuerint, nisi suos *nonnullos*  
*us*, sic adornatos, ut extra Belgium provolare possent. Quid hisce debeam  
opponere, ambigo. Hoc ferreo seculo vivunt quidam homines, nescio quo  
fatio igne accensi, qui si modo calcantur pedibus pediculatorum, quos constat  
dentes non habere, non modo ejulant, sed Quiritium quoque & Summa-  
tium fidem (adeo sunt sensibiles) non aliter inclamant, atque si jugulum lu-  
pus, aut leo peteret: quid eos moveat nescio. Hoc scio, nullius feræ morsum  
vehementiorem esse quam conscientiae & sycophantæ. Inde video, præter in-  
tegrus libellos, volumina quoque convitiatorum, diæteriorum, aliorumque  
mentis minus compositæ excrementorum plaustris onerari, & avidos quo-  
que emptores invenire; quod *totus mundus in illo improbo jaceat*, 1. Joh:  
5. 19. simulque, authores eorum, usque adeo (non tamen ex instinctu Spi-  
Sancti, sed mundi, imo diaboli) sibi plaudere, atque illam apud Petro-  
nium, quæ, quod vitulum sustulisset, bovem quoque se sublaturam esse  
somniabat: quum tamen his, præ omnibus aliis, exploratissimum esse debe-  
ret, *convitiatores regni Dei hereditatem non possessuros*, 1. Cor. 6. 9. 10. atque  
ultimo judicii die, qui vere decretorius erit, Sophisticas distinctiones haut  
magis profuturas esse, quam ficulna folia tegere primos parentes potuerunt.  
Eoque coram Deo, & omnibus hominibus, profiteor, me nolle horum ve-  
stigiis insistere, exemploque muliercularum in foro olitorio & piscario,  
quando ungues præcisi sunt, pugnare luto, fimo, & famæ incertæ rumuscu-  
lis; nec veras narrationes (quas in ipsa mea solitudine magno numero explo-  
ratas habeo) velut hastas amentare, quod vix expectandum iis sit, qui  
scandalum dederint: sed, secundum Dei testimonium, quocum con-  
scientia conspirare debet, ea dicere, quorum non pudeat coram hujus  
ipsius tribunali. Professione Philosophus sum, atque per Dei gratiam no-  
vi, non esse sapientis recalcitrare; si ab asino calcibus petatur. At, magis  
tamen memini me Christianum esse, & Christum servatorem meum me  
per suam Apostolum docuisse, ne, *si convitiis affectus fuero, vicissim convi-  
tier*, 1. Pet. 2. 23. Ergo, quod aliquid in gratiam liberorum & posterita-

tis.



P R A E F A T I O.

tis sit dicendum, dico initio cum Flacco Horatio lib. 2. Od. 17. *Non ego perfidum dixi sacramentum.* Porro cogito illud Imperatorum l. 10. Cod. de his, quib. ut ind. hared. auf. *Si fiduciam innocentia geris, adversus omnem calumniam maximam habes securitatem.* Aut verius dictum Prophetæ Jesaiæ cap. 51. 7. *Ne timetote probrum mortalis, & præ contumeliis istorum ne consternamini.* Nam, dicant & scribant homines de nobis quicquid modo caro & diabolus suggerere potuerint, *se cor nostrum nos non condemnet, libertatem loquendi habemus apud Deum,* 1. Joh. 3. 21. Homines, si libertatem loquendi in hoc seculo nobis adimant atque invidiant, parum est. Fateor lubens, me, qui mortuus habeor canis, longe inferiorem esse meis adversariis, atque eos singularibus artibus instructos esse, quibus in suam sententiam pertrahere queant eos ipsos, qui alias de causa nostra haut male sentire visi sunt; non tamen animum despondeo. *Omni tempore officium meum penes Iehovam erit, & opus meum penes Deum meum,* Jes. 49. vers. 4. Is ipse haftenus dedit desesso virtutem, & desecto viribus copiose robur suppeditavit, Jes. 40. vers. 26. Eoque, quia *Dominus Iehovi auxiliatur mihi, non ideo afficior ignominia,* Jes. 50. 7. Diu est, quod sciam Celebr. D. Gisbertum Voetium cum suis hoc agere, ut quando amicorum suorum numerus in Curia Provinciali Ultrajectina completus fuerit, surreptitium adversus me sententiam obtineat, eamque pro singulari sua charitate divulget. At, pulchrum ducam tali ratione succubuisse, bonaque cum venia DD. Judicum (modo vitam prorogaverit illitis arbiter) omnia examinabo præliis, atque adhuc liquidius, quam antehac feci, diducam, additis summorum Ecc. testimoniis, de causa mea consultis. Domino Adversario non invideo ejusmodi triumphum, licet ex animo ingemiscam, quod usque adeo pendeat à testimonio hominum, (qui tamen *omnes sunt mendaces,* Rom. 3. 4.) maxime à metricis encomiis Virginis, sexu suo augustioris quam spero aliquando, si Augustini libros Retractionum legerit, poenitentia ductum iri, quod homini tam exquisitas laudes copiosasque præsumperit deferre, temere judicando de illis, quæ uni Deo, cordium & renum scrutatori nota sunt. Quicquid dicatur, aut scribatur, imo quicquid somnietur quoque, aut ab hoc homine, aut pro illo, haftenus, prout ex scriptis suis agnoscere potest, meretur accenseri iis, qui apud Jesaiam cap. 28. v. 15. dicunt: *Disponimus fallaciam receptum nostrum, & in mendacio abscondimus nos.* Quod an vere à me dicatur, rogo te, mi Lector, extra hunc librum non labores inquirere. Cui in hac ipsa Præf. observaveris ex una pagina objecta fuisse duodecim mendacia, eum (si sapias) non celebrabis tanquam *virum virtutis* imagi-

imagine  
se purg  
suos D  
lecto fe  
ram su  
Exemp  
Agoniz  
rere, c  
mundo  
morian  
coram  
diam in  
ris aut  
satisfac  
dis, si i  
bus adv  
interim  
nostri c  
Demat  
edidi,  
rarim,  
do, cu  
collude  
cum h  
omnibi  
quid at  
fricare  
occurr  
Voetiu  
nihil o  
tempu  
næ ex  
Conf.  
decretu  
me qu  
pendat  
storica



P R A E F A T I O

*imaginem*. Sed tantisper (modo homo sis) fidem eidem denegabis, quam se purgaverit, & veritati litasse testatum fecerit. Hic ipse aliquando per suos Dn. Jacobo Ravensbergero ( nunc *ἐν τοῖς ἀγίοις* ) author fuit, ut, & lecto ferali, suae innocentiae in quadam causa (quam hic non discuto) coram sufficientibus testibus ederet testimonium, Typis postea exscriptum. Exemplum sequar, & cum sciam me quoque, momento nullo, distare ab Agonizante, atque lateri huic ubique locorum lethalem arundinem adhærere, operam *ἐν Θεῷ* dabo, ut simili Testamento & meam innocentiam mundo (Deo alias testatissimam) probern, & irreconciliabilis adversarii memoriam ad posteritatem propagem. Fateor ex intimis animi mei visceribus coram Deo, me omnium peccatorum maximum esse, & ipsius misericordiam infinitam licet, non posse mihi veniam concedere, nisi per infiniti valoris *λύτρον*, à Salvatore meo Christo solutum, ipsius Justitiae, quae & infinita, satisfactum fuisset; imo centum Infernos non sufficere peccatis meis castigandis, si in me ipso considerer, quia & opere, & ore, & corde innumeris vicibus adversus infinitum Deum, creatorem & conservatorem meum peccavi: interim *Αὐτότερος* hic, qui solus novit omnia, & perlustrat interiores fallacias nostri cordis recessus, novit me causae Cartesianae ratione nihil Voetio aut Dematio affinxisse in declaratione, quam coram Senatu hujus Academiae edidi, licet simul fatear, imo calidis lacrymis centies in solitudine deplorarim, quod initio, partim ambigue loquendo, partim veritatem reticendo, cum hisce hominibus, quorum stationem in Ecclesia respiciebam, colludere instituerim. Plura pro me hoc tempore non addam. Sed finiam, cum hac tamen protestatione, quod Voetiis, qua patri, qua filiis, imo omnibus fautoribus, & adjutoribus, eorum, ex animo condonem quicquid aut injuriarum mihi intulerunt, aut probrorum sive ore sive stylo affricare laborarunt, Deum rogando, ut propediem possimus nobis invicem occurrere & gratulari in regno caelorum. At, quoniam Doctor Gisbertus Voetius nimis fatagere mihi videtur pro conscientia aliena, existimando, nihil occurrere quod circa suam examinet, rogo & obtestor eum, dum tempus est, adhuc semel, & quidem serio, sese ratione causae Cartesianae excutere dignetur, atque ( ut aliis scivit inculcare pag. 192. part. 2. Conf. Theol. ) *excutiat se, iterumque excutiat, quum nondum exequitur decretum*, Tzeph. 2. 1. 2. nam *noster Deus non irridetur*, Gal. 6. 7. Ad me quod, quicquid vitae superest, aspirante Dei Opt. Max. gratia, impendam erigenda & astruenda veritati Theologicae, Philosophicae, Historicae, & Philologicae; sic tamen ut perpetuo memor sim futurus aurei

[ g ]

moniti



P R A E F A T I O.

moniti Augustini lib. i. contra Epist. Petil. cap. 29. jam antea exhibit. Atque hæc sunt, Benivole Lector, quæ hoc tempore tibi proponere debui. Quod reliquum (ut initio quoque stipulatus sum) de omnibus candide, & ἀπερσυνήπτως, judica, simulque Vale.



ELEN-

E

Prima

II.

III.

IV.

V.

VI.

VII.

VIII

IX.

X.

XI.

XII.

XIII

XIV.

XV.

XVI.

XVII

XVII

XIX

XX.

XXI.



# ELENCHUS EXERCITATIONUM, quæ in hoc opere continentur.

Prima	<b>E</b> xercitatio de Adiaphoris, sive indifferentibus.	Fol. 1.
II.	De Scandalis.	28.
III.	De Bonis Pseudo-Sacris.	39.
IV.	An cum Pontificiis colludant, qui agnoscuntur è titulis in Papatu receptis?	54.
V.	Cura collusionem cum Papatu, reformatus aliquis designare potest templum secundum nomen, quod in Dedicatione accepit.	64.
VI.	Num Minister verbi, in eo summam suam gloriationem hoc tempore collocare debeat, quod sit annunciator Legis?	69.
VII.	An Circes Heterodoxi, ceteroquin Poluice honesti, licite recipiantur in eorum Collegia, privilegiis suis gaudentia, cum illis, qui Reformatam profitentur religionem, & agnoscuntur membra Ecclesie?	80.
VIII.	An illud quod ex bonis Pseudo-Sacris superesse videtur, impendendum sit conversioni Gentilium?	89.
IX.	Quando incipiat sanctificatio Diei Dominici? à quibus operibus sit abstinentendum? Item, an liceat illo die vacare honestis recreationibus spectatim etiam interesse Convivio?	98.
X.	An die Dominico omnes Caupones claudi debeant?	123.
XI.	An dies Festi omnes, speciatim quinque solemnes, debeant abrogari, nec fas sit iis cœnam Dominicam administrare?	132.
XII.	De Ritu in Precibus.	165.
XIII.	Non est insurgendum in Ecclesias Orthodoxas, si alio, quam Presbyteriali, Regimine gaudeant.	169.
XIV.	Quinam sint Asiarchæ apud Lucam, Actor. xix.	183.
XV.	De Excelsis.	190.
XVI.	De Encensis.	202.
XVII.	Qua queritur, an liceat Martinalibus anserem comedere?	205.
XVIII.	De Iure Patronatus.	208.
XIX.	An ministri Ecclesie, salvo munere suo, vacare queant aut exercitio Mechanicæ, aut agricultura, aut etiam medicine?	267.
XX.	An Pastor Ecclesia possit interesse convivii?	273.
XXI.	De poculis votivis, vulgo santeis dictis.	285.



## E L E N C H U S

XXII. <i>Quomodo verè fidelis circa licita, quibus aliquod peccatum sepe adiungi solet, se gerere debeat?</i>	307.
XXIII. <i>De Choreis, &amp; Tripudiis.</i>	317.
XXIV. <i>De modo alendi comam, &amp; barbam, simul de fucis.</i>	332.
XXV. <i>De vestibus, &amp; Luxu circa illas.</i>	372.
XXVI. <i>De Denudatione colli, partiumque vicinarum.</i>	389.
XXVII. <i>De Poena simplicis furti.</i>	402.
XXVIII. <i>De Usura Trapezuica.</i>	430.
XXIX. <i>De Comicis &amp; tragicis spectaculis.</i>	499.
XXX. <i>De Musica organica in Templis.</i>	515.
XXXI. <i>De Reformatione quasi Intensiva.</i>	540.
XXXII. <i>Qua disquiritur, an Homini jus Naturale dicter sacrificandum esse?</i>	549.
XXXIII. <i>Ejus carnum quando à Deo fuerit concessus?</i>	567.



EXER.




EXERCITATIO PRIMA.  
DE  
ADIAPHORIS.  
SIVE  
INDIFFERENTIBUS.

1. **V**ox ἀδιαφοῦς Stoicos autores agnoscens, καὶ τὸ ἐπὶ οὐκ ὀφείλει in Scriptura.
2. Quid nolet vox ἀδιαφοῦς? Cuius & multiplex distinctio proponitur.
3. De Adiaphoris ex mente Stoicorum.
4. Probatur dari Adiaphora: & fusius docetur, quomodo actiones humana, secundum speciem considerata, Adiaphoræ sint.
5. Distincte docetur, quomodo actiones secundum speciem indifferentes, secundum individuationem vel bona, vel male, evadant.
6. An dentur aliqua actiones, usque adeo adiaphora, ut neque bonæ neque malæ queant evadere. Disputatur contra D. Amesium.
7. Quæ in Ecclesia habeantur ut Adiaphora? Distinguitur inter cultum & ceremoniam.
8. Quanam actiones secundum Theologos Adiaphora censeantur.
9. Proponuntur tres distinctiones diligenter observandæ circa usum Adiaphororum in Ecclesia.
10. Traduntur due Regula, concernentes leges Ecclesiasticas & Politicas de Adiaphoris: simul varia notantur Consecratoria.
11. Quantum deferendum sit legibus Magistratus Politici, & quatenus conscientiam obligent.
12. Non convenit hic distinguere inter leges Ecclesiasticas & Politicas: quarum consensus ita indicatur, ut aliquod tamen discrimen noletur.
13. Statutis Ecclesiasticis, & Politicis, de Adiaphoris obsequendum est.
14. Duæ Regula observanda circa Cæremonias.
15. Proponuntur distincti Canones de usu Adiaphororum.

A

Quod



I  Uod recudendæ essent Exercitationes, populo Reformato, qui idem agnosci debet populus Dei, antehac exhibitæ, variosque Tractatus Ecclesiæ profuturos, paratos haberem; operæ pretium me facturum existimavi, si, pro commodiori usu recudendarum Exercitationum, quosdam ex illis in Exercitationes converterem, atque novas Exercitationes destinarem illustrationi præcedentium. Omnibus vero in timore Domini excussis, visum fuit, Exercitationi de Adiaphoris primum locum concedere: quod enim, quaque propemodum Exercitatione, Adiaphorum mentio fiat, atque de illis instituat quæstio; quod ordini constaret ratio, atque subsequencia ex antecedentibus illustrari possent, non potuit non Iterata Exercitationum Editio, in ipso vestibulo exhibere doctrinam περὶ ἀδιαφορέων, sive, de Indifferentibus. quæ, ut legitime procedat, à nomine incipiendum est, quod ipsa sacra pagina non agnoscit. Apud Scriptorem Apocryphum libri Ecclesiastici, sive is sit Philo Judæus, sive alius aliquis, cap. 2.7. vers. 1. sic legas: Χάρεν ἀδιαφορέα πολλοὶ ἡμαῖσιν. Scriptura nihilominus, prout postea liquebit, rem agnoscit, licet ignoret, vocem, quæ à Stoicis videtur inventa esse. Cic. Lucullo: Huic (loquitur de Aristone) summum bonum est, in rebus neutram in partem moveri: quæ ἀδιαφορία ab ipso dicitur. Fuit vero hic Aristo Zenonis (qui Stoicæ familiæ ductor) auditor. Laërt. in vita Zen. Ἀρίστων δὲ τὸν ἀδιαφορίαν εἰσκησάμενον. Sic enim videtur cum Casaubono legendum esse. Qualia vero hæc ipsa τὰ ἀδιαφορέα ex sensu Stoicorum fuerint, docet idem Laërtius loco dicto, ita per Interpretem loquens: Eorum quæ sunt, alia bona, alia mala, alia neutra. (ὁ δὲ τερεῖ) Bona quidem, virtutes esse, prudentiam, justitiam, fortitudinem, temperantiam, & cætera id genus: mala vero, his opposita vitia, imprudentiam, injustitiam, & cætera: neutra vero, quæ neque profunt neque obfunt, (ὁ δὲ τερεῖ δὲ, ὅσα μὴτε ὠφελεῖ, μὴτε βλάπτει) ut est vita, sanitas, pulchritudo, voluptas, vires, opes, gloria, nobilitas, & quæ eis opposita sunt: mors, agritudo, dolor, turpitudine, infirmitas, inopia, obscuritas atque ignobilitas, & his similia, &c. Non enim ista esse bona, ἀλλ' ἀδιαφορέα καὶ εἰδ' ὅτι προσηγμένα, sed indifferentia, per speciem producta. Similiter Aulus Gellius lib. 2. Noct. att. c. 7. Quæ vero in medio sunt, & à Græcis tum ἀδιαφορέα tum μέσση appellatur, ut in militiam ire, rus colere, honores capeffere, causas defendere, uxorem ducere,



ducere, uti iustum proficisci, uti accersitum venire; quoniam & hac & his similia per sese ipsa neque honesta sunt, neque turpia, sed, proinde ut à nobis aguntur; ita ipsis actionibus aut probanda sunt, aut reprehendenda. Quæ ut distinctius intelligantur, cuncta aliquanto pressius expendenda veniunt.

Ergo priusquam expendimus, quomodo ex usu Theologico τὰ ἀδιάφορα. I. Φόρος accipiantur, vis ipsius vocis ante omnia est expendenda. Apud Helychium ἀδιάφορον redditur per ἀμελέησιν. In Glossario vero quantitativis pretii, ἀδιάφορος est promiscuus; & ἀδιάφορος indifferenter. quomodo & Cicero in Explicatione Dogmatum Stoicorum, indifferens & ἀδιάφορον Synonyma sunt. Nomen autem non minus τὸ ἀδιάφορος, quam indifferens, refertur vel ad iudicium, vel ad illa ipsa, circa quæ iudicium exercetur. Illo modo si menti ἡ ἀδιάφορος offeratur, eam quasi in iudicio practico suspendit, adeo ut circa illa, ad quæ eligendo fertur, neque rationem boni morales, neque mali distinctè attendat. Unde ita Basil. Comm. in Psal. 37. ἐν ἀδιαφορίᾳ ἐπὶ τῶν πεπεσγμένων μοι. Non ut animo indifferens ob ea, quæ admisi. Similiter Oppius apud Suetonium lib. 1. cap. 53. testatur Julium Cæsarem circa victum indifferenter fuisse, quod non attenderet, aut parum observaret, quidnam comederet. Basilii quoque, loco jam citato sub finem, oppido quam eleganter, dicit de iis qui vivebant ἀδιάφορος: οἱ μὲν γὰρ πολλοὶ λήθην πεινῶν τῶν πεπωτέρων ἀμαρτημάτων, ἀδιάφοροὺς ἐπὶ ἀλλοῖς καὶ ἀφρονέοντες. Multi enim priorum peccatorum oblivione capiuntur, nullam eorum rationem habentes, imo & contemnentes. qui homines ut Atheismo quam propinqui erant, ita ad eorum blasphemias quam proxime illi accedebant, quorum occasione, Valentinianorum Clemens Alexandrinus meminit, lib. 3. Strom. cap. 6. ubi ita loquitur: ἐπεὶ δὲ οἱ τῶν ἀδιαφορίων εἰσέγοντες, βιαζόμενοι πῶς ἐλίγας γρηφάς, συνηγορεῖν ἀνθρώπων τῇ ἡδονῇ οὐκ οὐκ οὐκ. Quæ ita reddidit doctissimus interpres: Quoniam autem qui introducunt indifferentiam, paucas quasdam Scripturas detorquentes, titillanti suæ voluptati eas suffragari existimant. Atque, ut deinde proxime eorum rationes examinat; ita ostendit hos ipsos Adia-phoristicos, Hæreticos, parum quam diversos fuisse, ab iis, qui nomen Antinomorum superiori jam seculo ferre solent. In ipso quoque ut Theoretico, hæc ἀδιάφορος notari potest, atque tum parum, aut nihil distat à decantata illa Scepticorum ἐποχή. Sextus Empiricus lib. 3. Pyrrhon. Hypoth. cap. 22. enumerans tres τοῦ ἀδιαφορίας significatio- nes, primò illud dicit esse ἀδιάφορον, ὅπως ὁ μήτε ἐρεμῇ, μήτε ἀφορμῇ



γίνεται. Quod sic reddidit Henricus Stephanus: *Ad quod neque appetitus, neque animi inappetentia fertur*, quum verò pro exemplis adducat *numeros stellarum, aut pilorum capitis*; abunde ostendit hæc ipsa referenda esse non ad mentem practicè se habentem, sed ut ipsa est θεωρητός. Similiter Suidas in voce ἀδιαφορία per interpretationem dicit: *Quod neque appetitionis, neque declinationis movendæ vim habet, ut est, pares vel impares habere capitulis pilos*. Altero modo, sive objectivè, si spectetur illud, quod est ἀδιαφορον, bifariam rursus considerari potest, vel enim indifferenter se duntaxat habet πρὸς θεωρίαν, vel pariter quoque secundum Praxin. De prioris ordinis indifferenti Sextus l. d. agens ita loquitur: καὶ ἐπὶ τὸν πρὸς τὸ ὄρεσθαι ἢ ἀφορεσθαι γίνεται· ἢ μᾶλλον ἢ πρὸς τὰς τέδας, ἢ τὰς δέ. Alio modo (Adiaphororum scil.) *ad quod ὄρεσθαι quidem, aut ἀφορεσθαι fit, sed non magis ad hoc, quam ad illud*. Quod exemplo duorum numerorum tetradrachmorum illustrat, ex quibus cum unum solum sit eligendum, ὄρεσθαι quidem fertur ad unum illorum, cæterum non magis ad hoc, quam ad illud. Quod secundum Praxin ἀδιαφορον est, illud secundum eundem Sextum est συμβαλλόμενον μήτε πρὸς εὐδαιμονίαν, μήτε πρὸς κακοδαιμονίαν, neque vergit ad felicitatem, neque ad infelicitatem: ut sanitas, divitiæ, &c. Sive, ut dicit Suidas loco dicto de iisdem: τὰ μήτε πρὸς εὐδαιμονίαν, μήτε πρὸς κακοδαιμονίαν ἐστὶ συνεργήσια: *Neque ad felicitatem, neque ad infelicitatem homines deducendi vim habent*. quæ licet gaudeant non minus bonitate Metaphysica, quam Physica, moraliter tamen considerata, neque in bonis neque in malis possunt censerī: sed sunt indifferentia ad utrumque, ut postea liquebit: unde etiam usitatè à Græcis τὰ μέσα vocantur; aut, ut pulchre Nazianzenus loquitur Orat. 23. τὰ ἐν μέσῳ κείμενα: à Stoicis quoque, ut antea vidimus, δέτερες. Nec inconvenienter Suidas, loco aliquoties citato, ἀδιαφορίαν explicat per τὴν ἀμέλειαν: quod circa ea, quæ indifferentia sunt, non consueverit curari bonitas aut malitia moralis. Atque est receptior τοῦ ἀδιαφορεῖς notatio, quæ & instituto nostro præsentī maxime convenit.

III. Porro hæc ἀδιαφορία in communi hæcenus considerata (de speciali ratione Adiaphorum in Ecclesia, postea agemus) attendi potest, vel circa res, vel circa hominis actiones. Illo modo si consideretur, vera est illa distinctio rerum, (moraliter scil. consideratarum) seu divisio eorum, quæ in hac vita occurrunt, quæ jam olim placuit Gebeti in Tabula, in qua Sphinx ἀνίσταται τέδες, τί αγαθόν, τί κακόν, τί ἔτε αγαθόν, ἔτε κακόν ἐστὶν ἐν τῷ βίῳ, Enigma tale proponebat: *Quid bonum? Quid malum? Quid id, quod*  
neque

neque  
Qua  
loqu  
ἀνίστα  
frequ  
arbit  
more  
admo  
Diff.  
men  
viat.  
ἀδία  
να, i  
cat S  
cunt,  
θερη  
l. d. in  
tatem  
quale  
θερη  
lib. 3.  
atque  
δύαρε  
sum qu  
in aliqu  
fic in v  
Inhære  
ter Ad  
quæ in  
gitima  
sum ce  
animi  
Physic  
do, sen  
gloria,  
dori m  
cis bon



DE ADIAPHORIS.

neque bonum est, neque malum? Ita, verbi causa, ἀδιάφορα sunt divitiæ. Quare de illis agens Chrysostomus hom. 29. in 1. Epist. ad Corinth. sic loquitur: Ἀλλὰ τοῦτο καὶ αἰποῦμαι ἐγὼ τίσεις, ὅτι τὰ μὲν ἀδιάφορα ἀλλοφύρου ἀλλοῖς νομίζουσιν, καὶ πολλοὶ τῶν ἡ ἀλλοφύρων ἰδένα ποιῶνται λόγον. Propterea frequentes hæc interrogationes, quod quæ indifferentia sunt, pertinere sibi multi arbitrantur, non ut animo propriorum nullam faciunt rationem. Stoici hic morosè subtiles, τὰ ἀδιάφορα huius ordinis variè distinxerunt, quemadmodum videre est apud Lipsium lib. 2. Manud. ad Philos. Stoicam Diss. 23. circa quæ, licet censura cum ratione exerceri posset, illud tamen hoc tempore facere non lubet; quod parum instituto nostro serviat. Hoc solum notamus ex Stoicorum divisionibus, quod quædam ἀδιάφορα sint προηγμένα, alia ἀποπροηγμένα, alia vero neque προηγμένα, neque ἀποπροηγμένα. Quod ita per Interpretem suum explicat Sextus lib. 3. Pyrrh. Hypoth. cap. 24. τὰ προηγμένα εἶναι εἶναι εἶναι, quæ sufficientem habent dignitatem, ut sanitatem, divitias. ἀποπροηγμένα autem quæ non habent sufficientem dignitatem, (Lipsius l. d. in Græco ut substituit τὴν ἀναξίαν ita vertendum fuerit, indignitatem) ut paupertatem, morbum. Neque προηγμένα, neque ἀποπροηγμένα, quale est extendere aut contrahere digitum. Laërtius in vita Zenonis, προηγμένα dicit esse, τὰ ἀξίαν ἔχοντα. ἀποπροηγμένα, τὰ ἀναξίαν. Cicero lib. 3. de Finib. verbum προηγμένον vertit, productum esse ad dignitatem, atque ἀποπροηγμένα ipsi sunt rejecta, quæ alias à Stoicis vocari solent δόγματα. Verba Ciceronis sunt: Nemo dicit (inquit) in Regia Regem ipsum quasi productum esse ad dignitatem (id enim est προηγμένον) sed eos, qui in aliquo honore sunt, quorum ordo accedit proxime ad Regium Principatum: sic in vita, non quæ primario loco sunt, sed quæ secundo, προηγμένα vocantur. Inherentes Stoicorum vestigiis, forte pro usu nostro, non inconvenienter ἀδιάφορα distinxerimus in προηγμένα, & ἀποπροηγμένα. Illa sunt, quæ in se aliquid splendoris & dignitatis continent, & per quorum legitimam usurpationem felicitas augustior redditur. Atque hæc rursum censi possunt triplicia, ratione triplicis boni. Nam V. C. in bonis animi ejusmodi ἀδιάφορον, est ingenium acutum, bona indoles, scil. Physicè considerata, &c. In bonis corporis V. C. robur, prospera valetudo, sensuum integritas &c. 3. In bonis externis, V. C. divitiæ, honor, gloria, &c. τὰ ἀποπροηγμένα ut discedunt à felicitate, ita ejusdem splendori maculam quandoq; aspergunt. Hæc pariter sunt triplicia, pro triplicis boni respectu, Nam 1. V. C. talia sunt in bonis animi, stupor, inertia, &c.



&c. 2. In bonis corporis, V. C. imbecillitas, morbus, &c. 3. In bonis externis V. C. paupertas, neglectus, amicorum inopia, &c. Hæc posteriora Seneca respiciens, dicit ep. 92. *Sumpturum me, si detur electio, sanitatem & vires.* & de vita Beata cap. 25. *Beatus* (inquit) *totum fortune regnum despiciet, sed, ex illo tamen si dabitur electio, molliora sumet.* Quod vero res hæc censeantur adiaphoræ, sive, indifferentes, accidit pro diversa hominis consideratione. Si homo censeatur secundum illud quod ei ut homini convenit, sive, quatenus *λογικὸς*, seu, rationalis est, hæc res *indifferentes* sunt. Non vero quatenus aut corpore constat, aut, in societate politica degit. Illo enim modo si spectetur, sanitas ei magis congrua est, quam morbus: hoc vero modo honor præ ignominia ei convenit. Idem Stoici docuerunt (& quidem non inconvenienter) *τὰ ἀδιάφορα*, sive *προηγμένα*, sive *ἀποπροηγμένα*, proprie neque eligi, aut appeti, neque etiam rejici. Quum enim bona tantum, nostram appetitionem seu amorem; & tantum mala, nostram averfationem seu odium, mereantur; accuratè loquendo, indifferentia nec appetere, nec averfari, possumus. Illorum applicationi pro majori commoditate, aut incommoditate, actus remissiores (ita loqui fas sit) sufficiunt: scil. *ἢ* legere sive sumere, *ἢ* secernere. Atq; ita indifferentium habetur delectus, absq; illorum vel formali appetitione vel averfatione: & producta rejectis præferuntur, simul necessaria ad vitam corporalem, eamque politicè commodius transigendam, quaruntur legendo seu sumendo, non vero appetendo: similiter rejecta secernendo, non vero averfando, quotiescunq; optio contingit.

IV. Sed missis Stoicis, consideremus distinctè *ἀδιάφορα* sive indifferentiam, prout humanis actionibus, iisdemque liberis accidit. Nonnulli, fidem faciente Piccolominæo lib. 4. Philos. Moral. cap. 31. jam olim instituerunt negare, dari ullas actiones humanas, indifferentes, seu neutras. Per quos convenit intelligere Scotum cum suis asseclis, siquidem ille expresse in 2. sentent. dist. 7. qu. nu. art. 1. defendit nullum posse esse actum moralem indifferentem vel secundum speciem. Idem vitio datum est (dubito an verè) Johanni Hus, constantissimo Christi Martyri, siquidem articulus decimus quintus à Concilio Constantiensi condemnatus, ita habet: *Nulla sunt opera indifferentia.* Interim admittendas esse aliquas actiones indifferentes, ex subsequentibus liquerebit clarissime. Quò vero omnia pateant, primitus ex Thoma Aquinate notandum est, actiones humanas diversimode ut bonas considerari posse. Nam (ut idem loquitur 2. 2. qu. 18. art. 4. *In actione humana* boni-



bonitas quadruplex considerari potest. Una quidem secundum genus, prout scilicet est actio, quia quantum habet de actione & entitate, tantum habet de bonitate. Alia vero secundum speciem, quæ accipitur secundum objectum convenienter. Tertia secundum circumstantias, quasi secundum accidentia quadam. Quarta autem secundum finem, quasi secundum habitudinem ad bonitatis causam. Quæ omnia ut distinctius pateant, notamus actionem humanam dupliciter considerari posse, vel in genere entis (ut loquuntur) vel in genere moris. In genere entis omnis actio bona est. Nam ut omne ens est bonum bonitate transcendentali, sive Metaphysica; sic non potest non quoque omnis actio hominis, quæ & libera est, bona esse bonitate transcendentali: quod adeo verum est, ut actio quoque Physica, quatenus ex accidenti est subiectum mali moralis, privativè se habentis ad bonum morale, quatenus Ens manet, hac ipsa bonitate gaudere debeat. Nam ita malum semper conjunctum est cum bono (non eo quidem, cui opponitur, sed cum bono alterius generis) ut ne quidem absque illo esse possit. Atque mirum est Piccolominiæ l. d. contendere actiones quasdam dari, penitus malas, & quibus nihil boni sit conjunctum: nam hoc idem est, atque si quis diceret, dari posse aliquod accidens, quod per omnia, nempe secundum suum esse atque existere, sit independens à substantia, tanquam suo subiecto inhesionis. Cum vero homo sit pariter Ens Physicum, non possunt non quoque illius actiones, licet liberae, (secundum generalem considerationem & naturalis) censerì naturales, & pariter illis præter bonitatem Metaphysicam, deferri bonitas Physica, sive, naturalis, quæ ratione actionis humanæ, ut consideratæ hoc respectu, resultat ex aggregatione eorum omnium, quæ requiruntur ad perfectionem actus secundum suam speciem, à certa persona editi. At, seposita, circa actiones humanas, bonitate qua Metaphysica qua Physica; in iis attendi debet bonitas Ethica sive moralis, quam cum Thomas l. d. contendat nihil aliud esse, quam plenitudinem essendi ipsius actus: non inconueniens censerì potest hæc descriptio Scoti, secundum quem in 2. dist. 40. qu. 1. hæc bonitas consistit in aggregatione eorum omnium, quæ conveniunt actui non absolute ex natura ipsius actus, sed secundum rectam rationem. Solet vero hominis recta ratio, in statu quoque nature considerata, respectu actuum suorum ut bonorum, attendere ad quatuor. 1. Objectum. 2. Finem extrinsecum. 3. Circumstantias. 4. Legem se ordinantem. Actibus hisce, qua talibus, opponitur actio moraliter mala, quæ una voce Græcè dicitur ἀμαρτία, ἢ ἀμαρτήρια; Latine



Latine *peccatum*. Habita vero in actionibus humanis ratione tum boni, tum mali moralis; statendum est eas bifariam rursus considerari posse, vel in actu signato, sive secundum speciem; vel in actu exercito, sive secundum rationem individuum. Hoc modo (ut postea fufius liquabitur) *adiaphora* quod ad actiones humanas neutiquam admittenda est, illo vero modo omnino admitti debet, modo attendantur requisita proximè explicanda. Et, quod secundum actum signatum in humanis actionibus, quædam *adiaphora* debeat admitti, convenienter probat Thomas Aquinas, quando l. d. art. 18. ita argumentatur: Tales sunt actus secundum suam speciem, quales permittuntur à suo objecto. Atque, nonnulli actus sunt indifferentes quod ad suum objectum. Ergo, hi ipsi tales quoque admitti debent secundum suam speciem. De Majori propositione non licet ambigere; siquidem re verà actionum humanarum specificatio ab ipso objecto desumitur. Minor vero inde patet, quod quorundam actionum objecta ejusmodi sint, ut neglecto ultimo hominis fine, sive beatitudine, nullum ordinem ad legem Divinam, sive naturalem, quæ eidem respondet, habeant, quo minus aut repugnent, aut adversentur. Gnarum fuit Hieronymo, sic scribenti in Epist. quadam ad Augustinum, quæ xi. est inter Augustini Epistolas: *Bonum (inquit) est continentia, malum luxuria. Inter utrumque indifferens ambulare. Capitis purgamenta naribus projicere; spuitis rheumata jacere. Hoc nec bonum nec malum est. Sive enim feceris, sive non feceris, nec justitiam habebis, nec injustitiam.* Argumentis autem, quibus Scotus nititur, tantum pondus non inest, ut aliquem cum ratione movere possint. Si enim sequentia solum notentur, quæ *Adiaphororum* horum ulteriori explicationi servantur, omnia quam expedita erunt. Ergo notandum, quod quando actionem humanam hic consideramus ut indifferentem secundum esse morale, illud dextrè esse intelligendum. Siquidem esse illud morale bifariam considerari potest. 1. Secundum rationem communissimam, quatenus omne illud morale censetur, quod habet respectum ad hominem, ut secundum rationem liberè agentem. 2. Strictè magis accipitur, ut morale illud dicatur, quod non modo respectum habet ad hominem in agendo intellectu atque voluntate utentem; sed amplius quoque ad legem sive Dei, sive naturæ; habita simul ratione ultimi finis, sive beatitudinis supremæ ab ipso Deo propositæ. Atque ut morale posterius hic considerari debet, ita non modo quæ tale concurrat ad specificationem actionis vel ut bonæ vel ut malæ; verum etiam hoc

hoc  
la, q  
hom  
obje  
de A  
indit  
esum  
se in  
quan  
voca  
gend  
in Sc  
nega  
nega  
Lege  
ipfa  
sider  
per le  
plus  
equa  
cense  
trem  
que i  
di po  
ampl  
tione  
actus  
deter  
action  
At, (i  
muni  
ration  
mus r  
vader  
18. a  
art. 4  
Cajet



hoc respectu aestimari debet *ἡ ἀδιαφορία*, sive indifferentia. Unde illa, quæ *τὴν ἀδιαφορίαν* censetur, neque respectum habent ad ultimum hominis finem, sive ejusdem beatitudinem, neque etiam, qua talia, sunt objectum sive legis Divinæ, sive naturalis. Intelligendum vero hoc de Adiaphoris, qua talibus: siquidem fieri potest, ut de re, seu actione indifferenti, Lex Divina ex accidenti aliquid præcipiat, ut patet circa esum carnis suillæ, lege Dei positiva prohibitum Judæis, qui tamen in se indifferens erat. Sed de hac re infra pluribus agendum fuerit. Præterea quando res, seu humana actio, quæ hac ratione est indifferens, media vocatur, aut *τὸ μέσον* rationem habere censetur, illud dextre est intelligendum. Medium participationis, aut communitatis extremorum (ut in Scholis vulgo loquuntur) hic locum habere non potest: sed medium negationis, seu medium per negationem utriusque extremi, hoc est, per negationem conformitatis & difformitatis, aestimandæ tum secundum Legem Dei, tum legem naturæ, quæ & ipsa Lex Dei est, quatenus hæc ipsa non est mere positiva, licet hoc respectu ipsa Dei lex hic etiam considerari debeat. Nam si pro altero extremorum, sive per legem Dei, sive per legem naturæ aliquid definitum fuerit, *ἡ ἀδιαφορία* non habet amplius locum. Deniq; medium negationis ratione extremorum se quoq; equaliter habere debet, adeo ut illud, quod Adiaphorum, seu indifferens censetur, æqualiter ab utroq; extremorum recedat. Nam si ad unum extremorum magis inclinaverit, quam ad alterum, hæc ipsa *ἀδιαφορία* neque in ipsis rebus, neque in actionibus humanis convenienter attendi poterit. Non tamen omnia, quæ hæcenus dicta sunt, sufficiunt: nam amplius, ipsa Adiaphora considerata secundum medium negationis ratione actus signati, habere debent non repugnantiam, ad hoc, ut ratione actus exerciti, & pro ratione circumstantiarum, atq; finis, itemq; pro varia determinatione Legis Dei positivæ, recipere possint formalitatem rei, actionisque, sive bonæ, sive malæ, prout hoc infra fusiùs declarabitur.

At, si actiones humanæ considerentur in actu exercito, recte statuitur communis Schola Thomistarum, omnem actum humanum, qui à deliberata ratione procedit, consideratum ratione finis & circumstantiarum (addimus nos, ratione legis Divinæ positivæ) in individuo consideratum, evadere bonum vel malum: prout expresse ipse Thomas asserit 2. 2. qu. 18. art. 9. cui ex Scholasticis accedunt Albertus in 2. sent. Dist. 40. art. 4. Ægid. ib. qu. 2. Richard. ib. qu. 3. Durandus in ead. Dist. art. 1. Cajetanus ad d. Thomæ locum. Quibus & communiter astipulantur

B

omnes



omnes Pontificii Doctores, speciatim Bellarminus lib. 4. de Grat. & lib. arb. cap. 1. Eustach. de S. Paulo Tract. de act. homin. 2. qu. 51. Eadem sententia est Amesii lib. 3. de Conscient. cap. 18. Authoris Altaris Damasceni pag. 496. & seqq. item Burnathi lib. 1. Eth. cap. 16. Præverat Hieronymus in Jes. cap. 55. quando dicit: *Indifferentia sunt nec bona, nec mala, & pro utentium qualitate variantur.* Quæ ut distinctè innotescant, distinctè quoque hæc tria membra considerabimus. Atque, quod habita ratione finis (is aliàs ad circumstantias refertur) actus in specie in se indifferens, individualiter evadat vel bonus vel malus; inde manifestum, quod omne non modò agens rationale, verum etiam naturale, perpetuò agat propter finem, qui licet ratione agentis non possit non perpetuo esse bonus, actionem tamen non determinat bonam moraliter, nisi in se pariter bonus fuerit. Quum ipsa actio evadat mala, si finis ratione agentis, speciem solummodo boni præ se ferens, in se res mala fuerit. Nam, quamvis id, propter quod agitur, possit esse malum moraliter, si materialiter consideretur; quatenus tamen formaliter consideratur sub ratione finis, atque, ut appetitur ab agente tanquam finis, omnino boni rationem habere debet. Eoque actio humana in se secundum speciem indifferens, evadet moraliter bona, si agens finem in se bonum intenderit; mala vero si intenderit finem, apparenter licet bonum, in se tamen malum. V. C. Edere atque bibere actiones omnino indifferentes sunt; quæ tamen moraliter bonæ redduntur, si edens atque bibens edendo & bibendo intenderit satisfacere legibus sobrietatis: malæ vero vice evadent, si in actione edendi atque bibendi, gulæ duntaxat oblectamentum intendatur. Quoniam vero Deus nos non vult esse velut *equum & mulum*, Ps. 32. 7. *nec ut bruta animalia, quæ non intelligunt*, Ps. 73. 22. sed, *intelligentes suæ voluntatis*, Rom. 12. 2. ideo idem Apostolus omnibus Christi discipulis 1 Cor. 10. 31. hanc regulam proponit: *Sive editis, sive bibitis, sive quid facitis, omnia in Dei gloriam facite.* Atque, simul consequens est, hominem Christianum, eundemque Scripturæ filium, ratione finis, ipsas actiones naturales taliter debere instituire, ut, licet moraliter secundum speciem indifferentes sint, individualiter tamen, atq; exercitii ratione, non nisi moraliter bonæ evadant, & consequenter, ut *omnis planta Iehovæ ei gloriosa evadat.* Es. 61. 3. Prout infra distinctius patebit. Ex iis quæ hæctenus ratione finis dicta sunt, quibus, qui in sacris Philosophicis non est peregrinus, facile perspicere potest, hic non esse considerandum finem internum actuum humanorum, sed



sed externum duntaxat. siquidem ut tironibus quoque; Metaphysicæ & Ethicæ notum est, hic solum est finis agentis; quum finis internus censeretur consueverit finis ipsius operis. Nam, si finis internus hic foret attendendus, nulla differentia & varietas occurrerent, quod ille sub deliberationem, & consequenter prudentiæ regulas non cudat: quum finis externus, siue finis ipsius agentis, sit arbitrarius & mutabilis, ac proinde secundum rectam rationem sit ordinandus secundum prudentiæ regulas, ad hoc ut bonus evadat. *Secundo* loco occurrunt circumstantiæ ipsarum actionum humanarum, quas Aristoteles quoque attendi vult circa easdem, ad hoc, ut siue bonæ, siue malæ censeantur, lib. 3. Eth. Nicom. cap. 1. quibus licet ipse finis accenseri consueverit, juxta versiculum in Scholis receptum:

*Quis? Quid? ubi? quibus auxiliis? cur? quomodo? quando?* malum tamen cum distincte attendere, quemadmodum antea quoque seorsum consideravimus objectum ipsi versiculo inclusum. Eoque per circumstantias hic intelligimus. 1. Personas. 2. Modum actionis. 3. Locum. 4. Instrumenta, ad quæ quoque referre convenit socias in actione causas. 5. Tempus. Per hæc omnia enim, non modo conjunctim & simul, verum divisim quoque & sejunctim considerata, actio vel bona vel mala redditur: usque adeo, ut minima quoque ex his circumstantiis non modo actiones variare possit; verum etiam, si ea ipsa indifferens fuerit, malum reddere. Ut enim bona sit, omnes circumstantiæ concurrere in bonum debent: cum bonum (ut loquuntur Scholastici) non oriatur nisi ex integra causa, malum autem ex minimo quoque defectu, ut vel ex hoc uno exemplo liquere potest. Bibere vinum, tanquam actionem naturalem circa objectum naturale in se indifferentem esse, cui non est notum? & tamen malum evadit, ratione singularum harum circumstantiarum, prout ex ipsa Scriptura liquere potest, quæ ratione primæ circumstantiæ actionem hanc indifferentem determinando Prov. 31. 4. sic sancit: *Abstine regibus, abstine regibus bibere vinum* (scilicet usque ad animi exhilarationem majorem, quod alias simpliciter non illicitum) & *dominantibus desiderium potus inebriantis*. Ratione secundæ circumstantiæ omnes illi arguuntur, qui *multo vino fuerint addicti*, 1 Tim. 3. 8. & *quos superat vinum*, Jerm. 23. 9. Ratione tertiæ circumstantiæ notantur, qui vinum bibunt in templo idolorum, Amos. 2. 8. Ratione quartæ circumstantiæ non modo peccavit, sed Deum quoque in se concitavit Rex Belschazar, quod biberet ex aureis & argenteis vasis, subductis domui Jehovah, Dan. 5. 2. Similiter Apostolus Rom. 14. 21. ut laudat



illos, qui vino abstinere, ne fratri scandalum præbeant; ita illos oblique notat, qui illud bibendo, eum offendunt. Ratione quoque temporis, seu, quintæ circumstantiæ, observatu digna est hæc Salomonis admonitio: *O te beatam regionem, cuius Rex natus est clarissimis; & cuius principes suo tempore comedunt, ad robur, non autem ad compositionem; Ecclesiast. 10. vers. 14. Item illud Esaïæ, cap. 5. vers. 11. Va surgentibus summo mane, ut potum inebriantem sectentur, prorogantibus ad crepusculum usque, ut vinum incendat illos.* Hic nobis non convenit cum τὸ πρῶτον D. Amesio, qui l. d. Th. 13. sic scribit: *Circumstantia una aut altera actionis alicujus potest esse indifferens, ut si studiosus unus cum alio sermonem conferat, indifferens est saepe numero utrum vernaculo utatur sermone, an Latino, &c. Ratio est quia determinatio actionis non dependet ab una circumstantia seorsim, sed ab omnibus conjunctim.* Nam quamvis hoc verum sit, ut jam antea vidimus, ratione actionis indifferentis, ad hoc ut mala evadat, oppositi tamen ratione idem non obtinet. Nec contrarium suadere potest exemplum quod adfertur. Præterquam enim quod adjunctam non habet rationem circumstantiæ propriæ dictæ; minime vero alicujus ex circumstantiis, antea consideratis: Amplius hoc dici potest, studiosum, quia studiosum, teneri potius uti lingua eruditorum, sive Latina, quam alia; si res ei sit cum condiscipulo, aut cum præceptore. Siquidem, ut hoc alicubi exigunt ipsæ leges Scholasticæ; ita idem quoque suadet τὸ δεύτερον studiosi, qua talis. *Tertio* & postremo, post circumstantias considerari debet Lex Dei positiva, per quam τὰ ἀγαθὰ redduntur sive bona, sive mala. Prout evincunt vel solæ leges Politicæ & Cæremoniales populo Israëlítico latæ. Alia ne adferam exempla, solummodo attendantur Dei interdicta, de non comedendis quibusdam animalibus, Lev. 11. quibus cum licite, tanquam rebus in se indifferentibus, aliæ gentes vesci potuerint, iis tamen Israëlitis abstinere debuerunt, ob speciale Dei præceptum, qui agnoscendus supremus Legislator. Quum vero Magistratus, Dei sit vicarius, Rom. 13. vers. 1. illiusque leges non quidem directe, sed indirecte, obligent conscientiam hominis Christiani, è Scriptura edocti, se propter Dominum subjectum esse debere cuius humana ordinationi, 1 Petr. 2. vers. 13. etenim attendi quoque debent leges ipsius circa τὰ ἀγαθὰ, modo non configant cum ipsis Dei legibus. Atque hoc ipsum docet Theodorus Beza, Theologus



gus summus, Epistol. 24. ubi hæc interalia habet: Res alioqui per se mediæ mutant quodammodo naturam, quum aliquo legitimo mandato vel præcipiuntur, vel prohibentur: quia neque contra justum præceptum omitti possunt, si præcipiuntur, neque contra interdictum fieri, si prohibeantur, sicut ex lege Cæremoniali apparet, &c. In specie vero coercetur earum rerum usus ex constitutione vel Politica, vel Ecclesiastica: Etsi enim conscientias proprie solus Deus ligat, tamen quatenus vel Magistratus, qui Dei minister est, indicat interesse Reipubl. ut quippiam per se licitum non fiat; vel Ecclesia ordinis & decori, adeoque ædificationis rationem habens, leges aliquas de rebus mediis rite condit: ejusmodi leges piis omnino sunt observandæ, & eatenus conscientias ligant, ut nemo sciens & prudens, rebellandi animo, possit absque peccato, vel facere quæ ita prohibentur, vel omittere quæ sic præcipiuntur: Hæc Beza. Et sic jam liquet, quomodo sive res, sive actiones, secundum speciem indifferentes, in actu exercito, sive secundum individuationem vel bonæ, vel malæ reddantur.

Cæterum hic dubium emergit, an scil. quædam actiones humanæ VI. occurrant, usque adeo indifferentes, ut ne quidem ratione circumstantiarum sint determinabiles? Statuere hoc videtur D. Amesius l. d. Th. 10. sic loquens: Actiones quædam ita sunt hominis, ut non sint proprie humanæ, illæ scil. quæ procedunt ab imaginatione nuda, & non à ratione deliberata; ut fricare manus, aut barbam, scalpere caput, levare festucam, &c. dum aliud aliquid cogitamus. Hujusmodi actiones non sunt moraliter bonæ aut malæ: quia non sunt in genere moris constitutæ, dum omni consilio destituuntur. Quamvis enim istis etiam possit quis peccare, ut si tempore precum vagari sineret imaginationem suam, & hujusmodi nugis indulgeret: ipsæ tamen actiones per se neque bonæ sunt, neque malæ. Subjiciuntur quidem ejusmodi motus imperio arbitrii humani: sed ita subjiciuntur, ut possint exerceri nullo rationis actu præeunte: neque ulterius illas ratione prævenire tenemur, quam ut officiis non obsint. Sicut in oculorum palpebris movendis, moderandi potestatem habet ratio & voluntas: sed non est operæ pretium observare, quoties connivemus, si modo caveamus, ne præter decorum, aut officium, aliquid in istis admittatur. Hactenus D. Amesius.



Cui adversatur Author Altaris Damasceni pag. 499. *sic disputans*: Respondetur, imperio rationis & voluntatis subesse motus istos locales membrorum exteriorum, quos pravenire debebat ratio, &c. Certe si ratio tenetur esse pervigil, ne transgrediatur labia nostra verbum otiosum, quia de eo rationem reddituri sumus in die iudicii, vigilare etiam debet ne prodatur actus aliquis otiosus. Rigidum jus legis Divinae mihi minuire videntur, qui ista negant, &c. Dico igitur nullum actum a deliberativa ratione procedentem esse in individuo indifferentem; sed, vel esse vestitum omnibus debitis circumstantiis, maxime finis; vel non esse: si prius, erit actus bonus; si posterius, malus, &c. Usus rerum indifferentium determinandus est regulis sobrietatis, charitatis, & pietatis, &c. *Hac ille*: cujus sane sententia non potest non mihi magis probari, licet contra opinionem ipsius D. Præceptoris, jucundissimæ alias recordationis. Ne enim jam dicam de argumento, delumpto ex loco Matth. 12. secundum locum Comparatorum hic vulgo negari solito; amplius ratio habeatur solius hominis, considerandi vel in statu naturæ corruptæ, vel in statu gratiæ. Utriusque ratione quid statuendum sit, docet Apostolus, quando Tit. 1. vers. 15. dicit: *Omnia quidem munda mundis: pollutis autem & incredulis nihil est mundum*. Etenim, ut reprobis, idemque irregenitis, Deo secundum se totum displicet; ita non possunt non quoque Deo displicere ejusdem actiones, quæ duntaxat naturæ sunt, nec moderamen rationis definitum præsupponunt. Contrarium autem statuendum de Electis & regenitis; quorum actiones non possunt non, secundum rationem oppositorum, Deo placere, ut bonæ: unde & David dicit Ps. 1. 3. de homine hujus notæ: *Quicquid faciet, prosperabitur*. Fide siquidem ut corda purificantur, Act. 15. 9. Ita non possunt non quoque actiones horum, adiaphoræ alias secundum speciem, Deo iustissimo iudici atque æstimatori placere: atque vice versa, omnes actiones impiorum, licet in se alias indifferentes, Deo ut malæ displicere. Nam ut loquitur Theophylactus ad dictum Pauli locum: *Mens sordida perperam de his cogitans & iudicans, sibi hac coinquinat, qua tamen natura hant sunt ejusmodi*. Præterea, quum in homine, actiones quoque quæ ab imaginatione in belluis pendent, moderamini rationis subsint; nã pariter consequens est, hominem tanquam ζῷον λογικόν, easdem non posse non edere, secundum dictamen rationis, attendentis ad finem & circumstantias. Nec tamen idem dixerim de actionibus naturalibus, in quas homo nullum imperium exercere potest:

test:  
displi  
Pr  
mode  
agnol  
tibus  
nere  
ordin  
nihil  
Deus  
na au  
præce  
seant  
no si  
mend  
Quoc  
temp  
stinct  
deber  
Dei c  
quem  
& fac  
cit ve  
bitur  
Es. 2  
Theo  
niæ h  
Chris  
mam  
enim  
niæ, a  
V. C.  
Euch  
tere fi  
Dei,  
ti, ut  
stitui



test : licet hæ ipsæ quoque non possint non in homine irrogenito Deo displicere, quod totus is Deo displiceat.

Præmissis his hæcenus in genere, dispiciendum dein ulterius quo. VII, modo Adiaphoris Ecclesia Christi uti debeat. Quæ vero ab ea ut talia agnoscuntur, sunt cæremoniæ, res, actiones, opera & negotia, certis ritibus administrari & peragi solita: quatenus scil. Ecclesia eadem dispo- nere atque ordinare potest ad sui conservationem, utilitatem, decus, ordinem, & disciplinam, præsupposito quod Deus in suo verbo de iis nihil præceperit: neutiquam enim Adiaphora haberi possunt, de quibus Deus certi quid præcepit: multo minus talia haberi debent, quæ Divi- na autoritate sunt prohibita. Qualia sunt peccata contra singula Dei præcepta, licet homines profani plurima ex illis inter Adiaphora recen- IV seant, speciatim blasphemiam, ebrietatem, lucrum cum proximi dam- no singulari quæsitum, fraudes mercatorias, deceptiones politicas, mendacia officiosa, Simoniam, luxum, licentiam, & id genus alia. Quod vero in censu Adiaphorum veniant Cæremoniæ, atque omni tempore de iis fuerit contentio, operæ pretium erit, de iis aliquanto dis- tinctius egisse. Atque initio, in genere quoque si considerentur, non debent, prout à multis per errorem factum fuit, confundi cum ipso Dei cultu (vero scil. falsi siquidem hic nulla habenda ratio est) per quem intelligo omne opus, internum vel externum, mandatum à Deo, & factum in fide, hoc principali fine, ut Deus glorificetur. Non suffi- cit vero ad cultum Dei, opus aliquod non esse malum, vel non prohi- bitum, sed oportet quoque à Deo præceptum esse, 1. Sam. 15. 22. El. 29. 13. Ezech. 20. 19. Matth. 15. 9. eoque quædam, à magnis Theologis quoque ad Cæremonias referri solita, simpliciter Cæremoniæ haberi non possunt, sed censei pars cultus Dei: ut V. C. ritus à Christo sic in Baptismo & Cæna adhibiti, ut simul pertineant ad for- mam alterutrius sacramenti. Hoc postremum enim est necessarium, si enim non pertineant ad formalitatem sacramenti, simplices Cæremoniæ, aut, ut alii loquuntur, non necessariæ Cæremoniæ haberi debent. V. C. sedendo, aut stando, indifferenter percipere licet Sacramentum XI Eucharistiæ, non æquè vero pro arbitrato, aut adhibere aut intermit- tere fractionem ipsius panis. Cæremoniæ vero, hic diligenter à cultu Dei, secernendæ, sunt ritus in publicis Ecclesiæ congressibus sic usita- ti, ut cum non nitantur definito præcepto aut institutione Christi, in- stitui, retineri, aut etiam abrogari possint, pro Ecclesiarum, Gentium, loco.



locorum, adversariorum, & aliarum circumstantiarum varietate. Ob-  
servat vero Ecclesia hosce ritus solummodo *divinæ* gratia, (ideo eos à  
cultu Dei jam antea distinximus) & ut Ecclesiæ membra convenien-  
tem Pædagogiam habeant. Prout graphice ostendit Epiphanius, di-  
sputans contra Encratitas, qui fingeant (ut hodie Papani) humanas  
observationes esse cultum Dei, & iustitiam, propter quam non modo  
Deo accepti essent; sed etiam Dei iram placarent. Hanc opinionem  
serio improbat Epiphanius, & alios fines esse caeremoniarum ostendit;  
dicit enim observari *Ἀλλὰ τὴν ἐγκράτειαν, ἢ Ἀλλὰ τὴν πολιτείαν*: hoc est,  
aut ad coercendam carnem propter disciplinam rudium, aut propter  
Politicum ordinem.

VIII. De rebus ipsis secundum usum Ecclesiasticum ut Adiaphoris, non  
est necessum aliquid distincte moneam, cum, quæ in antecedentibus  
proposui, hic usum quoque habeant. Actiones vero, quæ ut mediæ,  
seu Adiaphoræ, hic attenduntur, sunt illæ, quæ à Deo neque præcipiun-  
tur neque prohibentur, atque illo ipso, per se nec bonæ, nec malæ sunt,  
sed liberæ; ita, ut illas absque peccato possis vel facere, vel omittere,  
modo attendantur illa, quæ deinceps circa usum Adiaphororum di-  
stincte annotabuntur. Interim qua in cæremoniis, qua in rebus, qua  
in actionibus Adiaphoris tres gradus dantur, qui quam diligenter  
hic sunt distinguendi. Nam, secundum Scholasticos, quædam eo-  
rum in bonum sonant: quædam in malum: quædam inter utrumque  
quasi nutant. Quæ distinctio quamvis in Praxi summum usum ha-  
beat, natura tamen ipsius Adiaphori perpetuo obversari debet, scilicet,  
illud neque præceptum, neque prohibitum esse à Deo, sed, liberum re-  
lictum; vel ab hominibus, absque ullius legis Divinæ violatione, ordi-  
nis & decori causa introductum. Quod Deus enim iussit, illud neces-  
sario est faciendum; ac vice versa, quod prohibuit, necessario est omit-  
tendum: quod autem secus se habet, facere, vel omittere licet; adeo ut  
si illud facias, vel non facias, te Deo neque charum, neque exosum red-  
dat, juxta illud, quod Paulus dicit I. Cor. 8. *ἡ ἀπορία τοῦ νόμου οὐκ ἐστὶν ἐν τοῖς ἐλευθέροις*

IX. Ut dein pateat, quomodo Christianus se gerere debeat circa usum  
Adiaphororum, tria ulterius à nobis videntur præstanda esse. I. Di-  
stinctiones quædam sunt notandæ. 2. Regula generalis tradenda.  
3. Usus Adiaphororum secundum leges certas veniet definiendus.  
Quod ad Distinctiones, tres potissimum occurrunt, ex quibus hæc pri-  
ma; Genus quorumcunque Adiaphororum, aut est à Deo præceptum: aut  
omnino

omni  
actio  
genu  
lum  
fueri  
fueri  
nulla  
est, n  
gener  
neuti  
diaph  
sunt  
Apos  
Care  
alias  
Chri  
Deo  
rentia  
causa  
paula  
plum  
fum C  
ad Hi  
atque  
esse de  
2. Si  
V. C.  
7. 36.  
25. C  
quæ in  
stincti  
sunt re  
quæ ill  
Adiap  
Deo, t  
ex per  
ne nin



omnino à Deo prohibitum. Si *Præceptum* sit genus, tum species, opusres, actio, sive factum ipsum recte censetur à Deo esse. Exemplo sit Hoc genus, *Ordo aut decorum in Ecclesia servandum*, præcipitur à Deo, per Paulum 1. Cor. 14. 40. Ergo, omnes hujus generis species, qualescunque fuerint, sunt liberae & indifferentes, modo juxta hanc regulam ordinatae fuerint. Quod si vero genus fuerit *prohibitum*, quod sub eo continetur, nulla ratione medium seu indifferens censeri potest. V. C. Prohibitum est, nequis Deum colat mandatis hominum. Ergo Missa, & aliae hujus generis idemodogenitae species, quod sub vetito genere contineantur, neutiquam Adiaphoris accenseri possunt. *Secunda distinctio* sit hæc: *Adiaphora* quaedam *certo solum tempore* sunt libera: Quaedam vero *semper* sunt talia. *Certi solum temporis* Adiaphora fuerunt in primitiva Ecclesia Apostolica, Festorum Mosaicorum observatio, Circumcisio, & similia Cæremonialia Mosis: nam ut licebat infirmioribus hæc observare; ita alias liberum erat eadem negligere. Cæterum non erant hæc ipsa ante Christi adventum indifferentia; sed necessaria pars cultus Dei, quod à Deo præcepta essent. At tempore Apostolorum, abrogata licet, indifferentia tamen facta sunt, adeo ut si quis ad tempus illa observaret, pacis causa, non peccaret. Fuit siquidem hæc Dei voluntas, ut non statim sed paulatim Cæremoniæ Mosaicæ tollerentur: quod quamdiu staret Templum, non potuerit carere Cæremoniis. Quo diruto, omnes in universum Cæremonias sepeliri voluit. Atque hoc est, quod Augustinus scripsit ad Hieronymum: *Deducendam fuisse Synagogam cum pompa ad tumulum, atque cum honore sepeliendam*. Eoque mox Ecclesia confirmata, Adiaphora esse desierunt: prout adhuc hodie prohibita sunt, Paulo edicante Gal. 5. 2. *Si circumcidamini, Christus vobis nihil proderit*. Semper Adiaphora sunt V. C. hæc: matrimonium contrahere vel in cœlibatu manere, 1. Cor. 7. 36. & 1. Cor. 9. quocunque cibo vesti, 1. Cor. 8. 8. 1. Cor. 10. 25. Col. 2. 16. & sexcenta alia, quæ enumerare longum foret, & circa quæ in sequentibus Exercitationibus distincte inquiretur. *Tertia distinctio* hæc sit: *Adiaphora* dupliciter considerantur: *Primo in se*, & ut sunt res mediæ, absque relatione ad personas. *Secundo ex ratione personarum*, quæ illis utuntur. In se considerata, & secundum naturam suam, omnia Adiaphora sunt libera, & talia, quæ neque placeant neque displiceant Deo, ut quæ nec sub præceptum, nec sub interdictum ipsius cadant. At, si ex personis considerantur, tum possunt esse vel *licita*, vel *illicita*, pro ratione nimirum personarum aut hominum illis utentium. Sunt vero homi-



nes duplicis generis. Alii enim *Renati* sunt, alii adhuc *Irregenerati*. Renatorum iterum alii in fide *firmi* sunt, alii *infirmi*. Si *Renati* Adiaphoris utentes, in fide *firmi* sint, hoc est, si de fide, non autem dubitante conscientia, (quæ scrupulum injiciat, utrum illa re eis uti liceat; aut hoc illudve agere bona conscientia, vel non?) aliquid agant, aut utantur: tum licita sunt illis omnia, & Deo placet eorum in Adiaphoris obedientia. Ex Dei enim verbo persuasum habere debemus, quid nobis permissum, quid præceptum, quid prohibitum sit, juxta illud Rom. 14. 5. *ἐκαστος ἐν τῷ ἰδίῳ νοὶ πληροφροσίνῃ*. Et vers. 14. *Nihil est impurum per se: sed ei, qui existimat aliquid esse impurum, ei impurum est*. Et vers. 22. & 23. *Beatus, qui non condemnat seipsum in eo, quod approbat, &c.* Nec obstat, quod Paulus dicat Rom. 14. vers. ult. *Quicquid non sit ex fide, peccatum est*: siquidem Adiaphora non carent omni verbo; sed habent verbum, quod attinet genus facti, quare, si accesserit fides; ipsum quoque opus æstimatur à Deo, 1. Cor. 14. vers. 37. Ezechias non habuit expressum verbum de tollendo æneo serpente, & tamen hoc placuit Deo: quod genus facti mandatum sit, nimirum tollere omnia instrumenta Idololatricæ, illiusque occasiones. Quod si vero *Renati* in fide adhuc *infirmi* fuerint, hoc est, si cum scandalo Adiaphoris utantur, & conscientia fluctuante, tum illis evadunt *illicita*, ut ex præcedentibus liquet. Denique si utentes Adiaphoris, adhuc fuerint *irregenerati*, & *infideles*, his omnino omnia (ut supra quoque animadvertēbamus) sunt *illicita*: nam polluta sunt mens & conscientia illorum, Tit. 1. vers. 15. atque hic demum valet illud Apostoli: *Quicquid non sit ex fide, peccatum est*: hoc est, pollutum, impurum, atque maledictum coram Deo.

- X. Post tres has distinctiones, notari debet gemina regula respiciens leges & constitutiones sive Ecclesiasticas, sive Politicas, de rebus Adiaphoris: *prior* regula agit de illis, sicut secundum Constitutiones Ecclesiasticas pro usu Ecclesiæ usurpandis. Est vero hæc: Omnes hæc Constitutiones duo complecti debent: *primo* debent habere fundamentum in Dei verbo: *secundo* debent ordinatæ esse ad promovendam pietatem, & Ecclesiæ ædificationem. Quod dupliciter probari potest. 1. Ex generali regula, quam Apostolus de iis rebus præscribit, 1. Cor. 14. *Omnia ad ædificationem fiant*. Item: *Omnia decenter & secundum ordinem fiant*. 2. Idem patet ex particulari locorum inductione, in quibus Scriptura agit de Constitutionibus Apostolorum. Duo exempla sint instar omnium. 1. Cor. 11. Instituit Apostolus, ut mulieres in Ecclesia Corinthiaca



rinthiaca orent capite tecto, viri detecto. Fundamentum licet non probet ex Scriptura Apostolus, non tamen Scriptura constitutioni huic adversatur, quod hactenus sufficere potest. *Secundo*, finis hujus constitutionis est honestas, & decorum in Ecclesia servandum, eoque edificatio Ecclesiæ; hoc est, ut externus cultus majori cum honestate & decoro exerceatur. Item, ut quisque ea cæremonia moneatur sui officii, hoc est, ut agnoscat vir se caput esse mulieris: mulier vero memor sit suæ subjectionis, qua viro subiecta est. Præterea 1. Cor. 14. idem Apostolus sancit, quomodo Corinthii uti debeant linguis: nimirum, ut non loquantur linguis sine explicatione & interpretatione. Atque 1. fundamentum hujus Constitutionis è Scriptura probat: Nam post varia adducta, affert quoque Scripturam, dicendo: *In lege scriptum est, variis linguis, & labiis variis loquar populo huic ( infideli) & ne sic quidem audient me.* Quasi dicat Apostolus: Ne finatis hujusmodi homines loqui in Ecclesia, qui exoticis linguis loquuntur absque explicatione: Hoc siquidem argueret, Deum vos non amare, quod tales soleat mittere Prophetas populo infideli, quem non vult veritatem intelligere. 2. Finem hujus institutionis manifesto dicit esse ædificationem Ecclesiæ, ut scil. Corinthii habeant consolationem, exhortationem, &c. Plura exempla adferre liceret, sed hæc duo sint instar omnium. Ex his, quæ hactenus diximus, hæc Consecratoria elici necessario debent: I. Constitutiones Ecclesiasticæ, quæ sua natura pugnant cum verbo & mandato Dei, vel, quæ absque peccato observari non possunt, neutiquam inter Adiaphora numerari debent, quod sint res sua natura impiæ. II. Quando etiam constitutiones factæ sunt de rebus sua natura Adiaphoris, ex accidenti fiunt impiæ, & doctrina Dæmoniorum, si accesserit opinio 1. Meriti, quasi earum observatio promereatur remissionem peccatorum. 2. Cultus, jam antea à Cæremonia distincti: quasi Deus iis coli velit, contra expressum dictum Christi, Matth. 15. vers. *Frustra me colunt mandatis hominum.* 3. Perfectionis, quasi earundem observatio nos perfectos redderet. 4. Necessitatis absolutæ, quasi simpliciter necessarium foret eas, quæ tales, observare propter conscientiam. III. Gestus ridiculi & scenici, otiosæ & inutiles Cæremoniæ, quæ nec disciplinæ nec ordini serviunt, sed Ethnicam vanitatem præ se ferunt, simul Religionem ludibrio exponunt, doctrinam obscurant, superstitionum Papisticarum imitamenta sunt, & homines profanos reddunt, V. C. Ridiculæ gestificationes, circuitus cœmiterii, cir-



cum gestationes statuarum & reliquiarum, depositio crucis in sepulchrum, ludus ascensionis Christi, & similes ineptiæ sine numero, neutiquam condecorari merentur vocabulo rerum Adiaphorarum, prout Ecclesia de illis loquitur. Convenienter Calvinus lib. 4. Instit. cap. 10. §. 14. *An non hoc dignum infectione vitium est, quod non intellectas caeremonias, velut histrionicam scenam aut magicam incantationem (Pontificii) ostendant? Certum enim est, Caeremonias omnes corruptas esse & noxias, nisi per eas homines ad Christum dirigantur: Qua autem in usu sunt Ceremonia sub Papatu, à doctrina separantur, ut homines in signis omni significatione carentibus retineant.* I V. Caeremoniæ, quæ sunt vel scaturigo superstitionis, vel absque specie superstitionis usurpari non possunt, (ut ut de iis late sint variæ leges Ecclesiasticæ) neutiquam rebus Adiaphoris accenseri debent. Ut vero superstitio (Græcis est *ἑτεροδωξία*, seu *ὑπερστροφία*) describi potest, quod sit cultus Dei fictitius, cum opinione necessitatis, perfectionis, & meriti; Ita non inconvenienter distinguitur, in superstitionem *Theoreticam*, (quam alii *Theologicam* vocant) & *Practicam*. Superstitio *Theoretica*, seu, *Speculativa* est, cum quis aliter sentit aut de cultu divinitus instituto, aut de constitutionibus Ecclesiasticis, quam sentite debeat, iis affingendo aliquam virtutem aut perfectionem, quæ iis non competit. Ut V. C. si quis aut putet signa sacramentalia habere vim iustificandi; aut plus energię spiritualis in se redundaturum esse, si ad mensam sedens Eucharistiam acceperit. *Practica* superstitio est, si quis Deum aut alio modo colit quam voluit, aut constitutiones Ecclesiasticas ad alium finem dirigat, quam ab Ecclesia sunt constitutæ. V. C. Si quis aut in abstinentia à carnibus cultum Dei collocet, aut putet, placere se Deo magis, si rigide se componat ad observationem Constitutionum Ecclesiasticarum. Utraque Superstitio ut hic debet intelligi, ita utraque varios quoque gradus admittit. V. Neque illi ritus convenienter ad Adiaphora referuntur, quorum observatione hostes veræ doctrinæ confirmantur, imbecilliores autem offenduntur & languescunt. Convenit enim Caeremonias esse adminicula, incitamenta & vincula veræ pietatis, ædificationis, charitatis, officiorum, ordinis atque decori.

- XI. Quum vero circa ipsa Adiaphora sæpe notentur leges Magistratus politicæ, quantum Christianus, sive fidelis, iis deferre debeat, hoc loco distincte inquirendum est. Atque initio quidem præsupponendum est, Civiles & Ecclesiasticas administrationes distinctas & diversas esse,



esse, quas cum mirificie diabolus in Papatu confuderit, invigilandum nobis est, ut inconfusæ maneant. Nec tamen omnis Ecclesiæ cura Magistratui denegari potest: siquidem in rebus Ecclesiasticis triplex ejusdem officium notari potest. *Primum*, ut puræ doctrinæ & cultus exercitium in toto ipsius territorio floreat, adeoque Ecclesiæ per legitimas personas constituentur, prout Davidem fecisse legimus, 1. Paral. 16. 37. & seq. *Secundum*, ut ordo à Deo in hunc finem constitutus, publica Magistratus autoritate sanciat & constituatur. Quemadmodum pius Josaphatus excelsa & lucos de Juda abstulit, & principes suos cum Levitis atque Sacerdotibus cum libro Legis, qui cum ipsis fuit, misit, ut per universas civitates Judæ circumirent, & docerent populum, 2. Paral. 17. 6. Pariter Ezechias per universum Israël legatos & literas misit, ut Hierosolymam venirent in domum Jehovah, ad faciendum Pascha Jehovah Deo Israël. Similiter Nehemias librum legis in auribus populi legi curat, & simul juxta illius præscriptum omnes alienigenas mulieres, quas Israëlitarum uxores duxerant, separat ab Israël, Nehem. 13. 1. & seqq. *Tertio*, licet quæ Dei sunt, & hominum conscientias concernunt, per Ecclesiæ duntaxat ministros administrantur: eorundem tamen administratio muniri debet Magistratus præsentia, consilio, patrocinio, & auctoritate; ita tamen ut non confusio, sed conjunctio utriusque ordinis hinc proveniat. Vnde David 1. Chron. 28. 21. filium Salomonem ad templi structuram, & cultus Divini curam seriā exhortans, dicit: *Turma Sacerdotum & Levitarum aderunt tibi in omni ministerio domus Dei.* In summa, Magistratus civilis custos est Legis, quod attinet ad externam disciplinam, ad hoc ut conservetur discrimen inter *Ministerium Evangelii*, & *Magistratum*. Ministri Evangelii proponunt Evangelium, per quod Spiritus Sanctus est efficax in credentibus, unde Paulus dicit 2. Cor. 3. 6. *Fecit nos ministros Novi Testamenti.* Interea tamen Magistratus non debet deesse officio suo externo, ne scandala proveniant, quem in finem varias leges fert, sæpe etiam de usu rerum, alias in se indifferentium, quæ an & quatenus conscientiam obligent, inquiritur & anxie disputatur. Ut vero, quod sentio, libere & ingenuè proponam, ac simul breviter omnibus defungar, salvo meliori judicio, omnino mihi videtur hic distinguendum esse inter regimen hominis *spirituale* aut internum, & regimen *politicum* aut externum: quorum illo conscientia ad pietatem & cultum Dei informatur; hoc vero ad humanitatis & civilis



vita officia instituitur. Qua distinctione supposita, dico omnes Christianos, secundum regimen externum & politicum, subijci humanis legibus, (modo justis, nec adversantibus Dei legibus) sive à Magistratu civili, sive ab Ecclesia latis: quum interim secundum spirituale & internum regimen, coram Deo, legibus illis Christianorum conscientie solutæ sint. Nam ea solum lex conscientiam obstringere dicitur, quæ hominem simpliciter obligat, absque respectu aut intuitu circumstantiarum aut hominum, seu, non habita ulla horum omnium ratione. Quomodo & Divinis legibus simpliciter obsequendum est, sine ulla aut hominum, aut temporum, aut locorum, aut circumstantiarum ratione & discrimine. At humanis legibus, (qua talibus scilicet secus enim statuendum est, si Magistratus leges Divinas V. C. de Sabbato sanctificando, & non temerando Dei nomine, poenis specialibus adjectis, suis subditis inculcet) duntaxat obsequium præstandum est, quia ad colendam pacem & tranquillitatem publicam sunt necessaria; eoque, non simpliciter, sed quatenus circumstantiæ suadent. Veluti si Belga in Belgio vivat, legibus Belgici magistratus, cui subest, obedire debet; at si in Angliam commigret & ibi sedes suas statuatur, non obstringitur ulterius observare leges Belgicas. Certo indicio Belge illius conscientiam non fuisse alligatam legibus Magistratus Belgici; alias enim & in Anglia & ubivis locorum leges (quibus in Belgio subiectus fuit) observare deberet. Nec contrarium colligi cum ratione potest, ex loco Apostoli Rom. 13. 5. quo vult omnem animam potestatibus supereminentibus esse subiectam, *non solum propter iram, verum etiam propter conscientiam*. Siquidem hoc solum Apostolus vult innuere, quod qui iusta & licita Magistratus statuta atque leges negligit, vel illorum potestati & imperio, cuius ipse Deus author est, resistit, is ledat suam conscientiam. Adeo, ut iis (nimirum officio suo legitime fungentibus) resisti non queat, aut imperium ipsorum negligi, quin simul Deo ipsi resistatur, ac mandatum ipsius, quo Magistratui obsequium præstandum esse sancivit, violetur. Sensus hic (quicquid tandem aliis videatur) manifestus est ex Antithesi, quæ occurrit in Textu Paulino: *Non tantum propter iram, verum etiam propter conscientiam*. Quod idem esset, ac si dixisset Apostolus, non tantum parendum esse Magistratibus, ad vitandam poenam, quam infligere possunt, quod gladio armati sint; (ut dicitur versu præcedenti) verum etiam ad vitandum peccatum in Deum, quod solum conscientiam ledere potest. Est enim Dei præceptum, (vi-

deatur



deatur versus 1. hujus capitis XIII. ad Rom.) ut Magistratui nosmet ipsos subjiciamus, & hoc Dei præceptum conscientiam concernit. Eoque Magistratui, quod ad genus, parendum est, *propter conscientiam*: quod generali præcepto jubeamur Magistratui parere; quum particulares Magistratuum leges in conscientiam nullum omnino dominatum habeant. Paulum explicat & illustrat Petrus 1. ep. 2. 19. ubi postquam servus præceptum dedisset, ut non tantum dominis bonis & æquis, verum etiam pravis se subicerent, hanc præcepti sui rationem reddit: *Hoc enim cedit gratia, si quis, propter conscientiam Dei, suffert molestias, injuste afflictus.* Quo loco per *conscientiam Dei* aliud non potest intelligi, quam divinæ voluntatis conscientia, ad quam fidelis respiciens, hominum iniquitatem patienti animo fert, quod novit Deum hoc ita ordinasse in suo verbo, ut hoc sibi gratum sit. Eoque, ut ad Adiaphora redeamus, quando Magistratus de iis leges fert, omnino illæ à piis observari debent, & quæquam conscientiam, qua tales leges agnoscuntur, non obligant; nemo tamen absque peccato, (& quod Magistratui secundum genus sit obsequendum) sciens & volens eas aut omitendo, aut committendo, (quemadmodum in scholis loquuntur) violare potest.

Nec tamen sufficit, sic definitivè circa leges à Magistratu latas; si XII. quidem Papani Doctores (quos, utinam multi ex Reformatis non sequerentur!) plurimum interesse volunt inter leges Politicas Magistratus, & leges Ecclesiasticas. Quum tamen hæ ipsæ, haud magis atque leges Politicæ, fidelium conscientias premere & urgere possint, & ab omnibus Ecclesiæ filiis, aliter secundum libertatem Christianam, non observentur, quam quatenus Ecclesiæ paci, ordini, honestati, decoro, atque edificationi inserviunt. Hic enim distingui non oportere inter leges Magistratus Politicas, atque Ecclesiasticas, patebit, si modo conferantur dicta *περίκληρα*, de Magistratu Ecclesiastico, & Civili, in Scriptura occurrentia. De Ecclesiastico quidem suffecerit ex N. T. duntaxat hæc dicta notasse: Matth. 18. 17. *Si Ecclesiam non audierit, sit tibi velut Ethnicus & Publicanus.* Luc. 10. 16. *Qui vos audit, me audit: qui vos spernit, me spernit.* 1. Thess. 4. vers. 2. & 8. *Nostis qua mandata dedimus vobis per Dominum Iesum.* Proinde qui hæc rejicit, non rejicit hominem, sed Deum, qui etiam dedit nobis Spiritum suum Sanctum. & Hebr. 13. 17. *Obedite præpositis vestris, & obsecundate;* (*καὶ ὑπακούετε*, quod proprie idem est, atque subjacete) *excubant enim ipsi pro animabus vestris, tanquam*

ratio-



rationem reddituri. De Civili vero Magistratu hæc dicta extant: Rom. 13.

1. 2. *Omnis anima potestatibus supereminentibus subiecta esto, non enim est potestas, nisi à Deo, &c. Itaque quisquis obstitit potestati, Dei ordinationi obstitit.* Tit. 3. 1. *Suggerere ipsis, ut sese subiciant principatibus ac potestatibus.* Similia occurrunt Eph. 6. 1. Col. 3. 22. 23. Ex quibus dictis, inter se comparatis, quis non colligat, quod ad Leges, eandem potestatem esse Politici atque Ecclesiastici Magistratus? Quomodo & duæ hæc potestates dici possunt, quadantenus secundum materiam objectam, seu objectum, consentire. Ut enim civilis potestatis materia, sive objectum, est societas hominum, illiusque conservatio, ad corporalem hanc vitam transigendam, sub uno eodemque Magistratu: Ita etiam Ecclesiasticæ potestatis objectum est Ecclesia, sive, cætus hominum Christianorum, quatenus à Deo sunt vocati, & per hanc vocationem consecrati ad vitam transigendam in sincera Dei obedientia. Quid quod idem finis, qui hic communis est, suadeat? Ecclesiæ Antistitem directus finis est, ut civium Ecclesiæ conscientias ædificent, regant, atque sic informant ex Dei verbo, ut in hoc ipso mundi exilio, se gerant tanquam cælorum municipes, Eph. 1. 18. Phil. 3. 20. Col. 3. 2. 3. Similiter Magistratus finis est, ut humanam societatem tueatur, legibus bonis informet, & tueatur tum vitam tum fortunas civium suorum, adversus quoscunque, qui ledere voluerint, Rom. 13. 1. & seqq. Hoc solum ratione executionis interest, quod cum Magistratus civilis gestet gladium, suas leges aut gladio aut multa pecuniaria vindicare possit, si violentur; quum Magistratus Ecclesiasticus, ultra admonitiones & censuras Ecclesiasticas, propter scandalum datum, progredi non possit.

XIII. Ut ergo, propter generale Dei præceptum, Magistratui Politico circa Adiaphora leges ferenti obsequium præstari debet; ita pariter obsequium præstandum est Magistratui Ecclesiastico, hæc ipsa tanquam ordinanti legitime, & citra præiudicium Divinarum legum; cum quibus si statuta Ecclesiastica confligant, observari debet illud Thomæ Aquinatis quæst. disput. de conscient. qu. 4. *Inferiori potestati non est obediendum, contra præceptum superioris.* In confesso vero est apud omnes, qui homines sunt, Magistratum Civilem Deo inferiorem esse. Interim nemo, (nisi contentiosus velit haberi) temere illis resistere potest, quæ si ve hæc illave Ecclesia particularis, in qua vivit, sive plures Ecclesiæ ejusdem confessionis, circa Adiaphora, decori, *ut Cæsar*, & pacis ergo constituerunt. Nec monitum Gersonis, de relig. part. 3. in super haberi



beri debet: In *Adiaphoris* (inquit) *superioris iudicio maxime credendum*, quoniam ille vice Dei tibi dicit, quid expedit, & quid decet. Et quisquis prudens ac pacis studiosus est, quod ad Cæremonias, & similes ritus ab Ecclesia definitos, libenter amplectetur regulam Augustini, Ep. 118. ad Januarium, cap. 22. In his (inquit) nulla melior disciplina prudenti Christiano, quam ut eo modo agat, quo agit Ecclesia, ad quamcumque devenerit: quod enim nec contra fidem, nec bonos mores injungitur, indifferenter habendum est. Præclare quoque Calvinus lib. 4. Inst. c. 10. §. 30. Quia in externa (dicit) Ecclesia disciplina & cæremoniis, non voluit Deus singillatim præscribere quid sequi debeamus (quod istud pendere à temporum conditione prævideret, neq; iudicavis unam sæculi omnibus formam convenire) confugere hic oportet ad generales quas dedit regulas, ut ad eas exigantur, quæcunque ad ordinem & decorum præcipi, necessitas Ecclesiæ postulabit. Ideo nihil expressum tradidit, quia nec ad salutem hac necessaria sunt; & pro moribus uniuscuiusq; gentis ac sæculi varie accommodari debent ad Ecclesiæ adificationem, prout Ecclesiæ utilitas requireret, tam usitatas mutare & abrogare, quam novas instituire conveniet. Eoq; non probatur mihi, qui (ut serviant præconceptæ suæ opinioni, V. C. de Festis omnibus abolendis, &c.) ita temere violare præsumunt decreta Ecclesiæ, in se nihil complexentia, quod Dei verbo adversetur. Fateor lubens, transgressionem decretorum Ecclesiasticorum circa indifferentia, statim peccatum non implicare; interim dum quis ea præfractio & obstinato animo, (tantum ut singularis videatur) violat, simul in regulam pacis, charitatis, honestatis, & adificationis, à Deo generalibus præceptis injunctam, impingit. Amplector quidem utraq; manu illud D. Piscatoris in *Observat. ad Galat. 2. 3.* Quum *adiaphora* obruduntur Ecclesiæ, tanquam *observata necessaria ad salutem*: minister Verbi constanter istiusmodi doctoribus resistere debet, exemplo Pauli. At quomodo ex his collegeris, statuta Ecclesiæ, antiquæ quoque, de Festis anniversariis, Synodo Dodracena confirmata, impune violare licere? prout D. Voetius suum *Reynesium* docuit, pag. 71.

Velim tamen circa Cæremonias & ritus Ecclesiasticos, duas necessarias XIV cautiones quam diligenter attendi. I. Cavendum sedulo, ne statuta Ecclesiæ de ritibus, aliisq; rebus sua natura *Adiaphoris*, aut ea intentione sanciantur à superioribus, aut etiã ab inferioribus (quibus obsequii gloria relicta est) recipiãtur, quasi pariter conscientiam obligarent, atq; leges Divinæ: id est, quasi reatus Gehennæ incurratur, ex illorum quacumq; violatione, licet id accidat aut absq; contemptu præcipientium, aut scandalo aliorum. Prudenter & verè Gerson. l. d. *Abusum suæ potestatis, qui voluit suas omnes ordinationes*

D

robur



robore habere, per obligationem ad pœnam aeternam. II. Cavendum quoque Ecclesiæ Antistitibus, ne cumulentur nimis Cæremoniæ, prout factum est in Papatu. Quod cum displiceret ipsi Gersoni part. 1. de nupt. Christi & Ecclesiæ, erupit in hæc verba: *Quid vult constitutum talis multiplicatio, Euangelio nec cognito, nec observato? Sciatur in primis, & servetur Euangelium.* Et de vita Spirituali Coroll. 14. part. 3. *Tanta est huiusmodi constitutionum multitudo, ut, si tenerentur in suo rigore, maxima pars Ecclesiæ damnaretur.* Modus ergo servetur, quem prudenter definit Calvinus l. d. §. 14. *Modus (inquit) in Cæremoniis tria spectat. 1. In numero paucitatem. 2. In observatione facilitatem. 3. In significatione dignitatem, quæ etiam claritate consistit.* Secundum quas regulas si Cæremoniæ Ecclesiasticæ exactæ fuerint, ne quidem ipse Calvinus atro carbone eas notare sustinet. Sic enim loquitur in Tract. de optimo Ecclesiæ Reformandi genere, cap. 6. *Verum ne quis calumniatur, nos in rebus externis nimium esse morosos, qui adeo præcise tollamus omnem libertatem: hic testatum velim piis Lectoribus, me non de Cæremoniis litigare, quæ decoro tantum & ordini serviunt, vel etiam symbola sunt & incitamenta ejus, quam Deo deferimus, reverentiæ.*

XV. Reliquum est, ut definiamus secundum certa præcepta, quomodo unusquisque tum ratione sui, tum aliorum, se gerere debeat in legitimo Adiaphororum usu. Eoque veris Adiaphoris quivis Christianus fidelis (nisi forte Magistratui aut Politico aut Civili aliter statuere placuerit) quovis tempore & loco, pro ratione sui commodi aut uti, aut etiam abstinere potest. Quare Apostolus edicit Col. 2. 16. *Ne quis vos iudicet in cibo & potu.* & 1. Tim. 4. de ciborum indifferente usu, ita loquitur: *Omnis creatura Dei bona est, & nihil rejiciendum quod cum gratiarum actione sumitur. Sanctificatur enim per verbum Dei, & per orationem.* Cum vero duplex humanæ vitæ conditio sit, una  $\psi\upsilon\chi\iota\kappa\eta$ , quæ concernit præsens seculum, & altera  $\pi\epsilon\omicron\mu\alpha\tau\iota\kappa\eta$ , quæ futurum respicit: Ad animalem illam vitam pertinet cibus, potus, amictus (ut & quodlibet aliud externum, &  $\alpha\lambda\epsilon\gamma\phi\omicron\gamma\omicron\nu$ ) neque illius usurpatio cum spirituali vita confundi debet. *Esca* (inquit Paulus 1. Cor. 6. 13.) *ventri & venter escis conditus est.* & 1. Cor. 8. 7. *Esca non commendat nos Deo. Neque enim si manducaverimus, quicquam amplius habebimus, neque si non manducaverimus, quicquam minus.* Unde occurrunt hæc verba Pauli 1. Cor. 10. 25. de  $\epsilon\chi\epsilon\sigma\iota\varsigma$  & libertate Christiana, opposita Judaicis traditionibus: *Quicquid in macello venditur, edite, nihil interrogantes propter conscientiam. Domini enim est terra, & plenitudo ejus.* Omnium vero



vero clarissimus est locus Pauli, de usu τῶν ἀδιαφορῶν, ad Rom. c. 14. ubi tribus regulis, omnia, quæ hic observanda sint, complectitur. 1. Infirmos in fide non esse rejiciendos. 2. Conscientias non esse turbandas. 3. Ex rebus adiaphoris & mere externis non esse judicandum de doctrina & fide aliorum. Magnus ille Chamierus, comparando hunc locum cum aliis locis περὶ ἀλλοις, apud eundem Paulum occurrentibus, tom. 3. lib. 17. cap. 7. Adiaphora dicit regulari duobus præceptis, quorum prius ex Rom. 14. 14. appellat *regulam conscientiae*: posterius, adducto loco 1. Cor. 6. 10. & 10. 23. vocat, *regulam prudentiae*. Alii attendi hic volunt tres regulas. 1. *Regulam fidei*, Deum respicientem, ut certo scilicet constet, hoc illudve esse rem indifferentem. 2. *Regulam charitatis*, quæ concernit nos ipsos, ne scilicet scandalum demus. & 3. *Regulam prudentiae*, quæ concernit proximum, ut scilicet habeatur ratio circumstantiarum. Quo omnia tamen distinctius atque explicatius cognoscantur, subsequentes regulæ distincte proponendæ videntur. I. Perpetuo fidei causa præferri debet charitati. Et consequenter Deus aliquid præcipiens definite, æstimari debet præ hominibus determinationem facientibus circa Indifferentia. Peremptoria siquidem (fas fuerit ita loqui) hæc Dei Lex est, ab Apostolis hoc verborum compendio comprehensa, Act. 4. 19. *Oportet Deo magis obedire, quam hominibus*. II. Necessaria fieri debent: In non necessariis, quæ tamen licita sunt, ea moderatio observari debet, ne aut exempla nostra aliorum conscientias ledant, aut publicæ concordie officiant. Mihi hic semper Jurisconsultorum regula arrisit: *Quod tibi non nocet, & alteri prodest, hoc præstari debet*. III. Adiaphora per accidens fiunt observatu necessaria, quando de iis aliquid definit sive Ecclesia, (exemplum occurrit Act. 15. 28.) sive Magistratus. IV. Interim, quæ ita definita sunt, sive à Senatu Ecclesiastico, sive Politico, in casu necessitatis intermitteri possunt. Vnde & Christus de lege Divina dispensavit, quum discipuli illius spicas vellent, Matt. 12. 1. atque tum de legibus Ecclesiasticis, tum Politicis circa Adiaphora (propter varia pericula, quæ sepe oboriuntur) dispensari posse, videtur colligi posse ex hoc Pauli dicto 2. Cor. 13. 10. *Data est nobis potestas in ædificationem, non in destructionem*. V. Contradicti constanter debet adversariis, quotiescunque ita præfracte urgent traditionum suarum observationem, ut putent hoc conducere salutem æternam. Hoc in casu insidiatoribus libertatis nostræ nihil est largiendum, quo Christiana libertas incolumis sit. Quum ipsi discipuli Christo



Matth. 15. 12. non sine stomacho objicerent: *Nosti Phariseos, audito isto sermone, offensos fuisse?* Christus respondit: *Omnis planta, quam non plantavit Pater ille meus cœlestis, eradicabitur. Omittite illos, duces sunt cœci cœcorum, &c.* Quo pertinet & illud Pauli factum, quod noluerit circumcidere Titum, iudæis hoc efflagitantibus, velut rem necessariam. VI. At, si quis fuerit apud infirmos, quos erudire & eosdem traducendo ad meliorem sensum lucrificare possit; suam libertatem asserendo, eam, (quicumque etiam obloqui voluerint) sibi sartam atque tectam præstare debet, eo usque quoque, ut alios ausit reprehendere, qui se-eus fecerint. Sic Paulus Petrum reprehendit, quod infirmorum, qui ex Gentibus accesserant, conscientiam vacillantem suo exemplo non confirmasset Gal. 2. 11. VII. Quod si ejusmodi infirmi occurrerint, qui facile erudiri non queant, ac habeant conscientiam teneriorem, faciendum est Charitatis officium, & inserviendum eorundem opinioni. Observavit hoc Paulus, cum venisset Hierosolymam. Nam cum in tanta multitudine, pauci aut nulli essent, qui sufficienter edocti forent de libertate Evangelica, plurium opinioni accessit, atque cum iis una rarus fuit, Act. 21. Hinc & idem Paulus hanc fert legem, Rom. 14. 1. *Infirmum fide assume.* Et hæc sunt, quæ, ad modum regularum, putavimus ulterius circa Adiaphora annotanda esse, quæ si libuerit alicui componere cum præcedentibus, speciatim cum illis, quæ proposuimus sect. 9. hujus Exercitationis primæ, nihil à nobis præteritum esse videbit. Omnia vero subjecta sunt judicio Ecclesiæ Orthodoxæ, & filiorum Prophetarum, quorum labia hæcenus sapientiam censentur custodire, quam ipsi non recedant ab ipso Dei verbo.

## EXERCITATIO II.

D E

## S C A N D A L I S.

1. **D**E voce Scandali, & de varia illius distinctione.
2. Scandalum hic considerandum definitur, illiusq; requisita notantur.
3. Scandalum dividitur in datum & acceptum. Speciatim agitur de Scandalo, occasione rei male dato.
4. Agitur de Scandalo, dato occasione rei indifferentis.

5. Quid



5. Quid sit scandalum acceptum; simul arguitur Reynessius, distinguens inter Scandalum acceptum & arreptum.
6. De subdivisione Scandali accepti. Speciatim de eo, quod humanum dicitur, & de variis illius differentiis.
7. De scandalo accepto piorum.
8. De scandalo diabolico, quod potius ad datum scandalum referendum esse ostenditur.
9. Responderetur ad duas quaestiones Scandalum concernentes.
10. Divisio scandali in publicum & privatum.
11. Divisio Scandali ratione personarum.
12. Quam scrupulose cavendum sit, ne cui finis scandalum.

**P**ost Homerum Iliada scripturus videar, quod, post accu-  
 ratam maximi Calvini, incomparabilis Gomari, (egit  
 hoc in appendice, ad cap. 14. ad Romanos) subtilissimi-  
 que Cameronis de Scandalo Diatribam, meas qualescum-  
 que commentationes, ad modum Exercitationis, de ea-  
 dem materia proponere sustineam. Sed, quod in subsequentibus  
 Exercitationibus, sæpiissime recurrit distinctio in Scandalum datum  
 & acceptum, atque personatus Reynessius, à suo Doctore (qui eum  
 subornavit) novarum distinctionum pulverem spargere edoctus sit,  
 necessitas quadantenus imposita fuit, hoc agendi. De vocis Ety-  
 mologia nihil addimus, quod omnia, quæ hic dici possent, com-  
 plexus sit ὁ πένυ D. Gomarus. Vox, origine Græca, Latina quoque  
 civitate donata est. Sic enim legas in Glossario quantivis pretii: Σκάν-  
 δαλον, Scandalum. In eodem Glossario, vox Synonyma πείσομμα  
 redditur offendiculum. Proprie vero σκάνδαλον notat lapidem aut si-  
 mile quid, ad quod aliquis offendendo pedem, possit impingere. Quo-  
 modo legitur de Iudæis in libro Iudith cap. 5. vers. 1. quod ἐθηκαν ἐν τοῖς  
 πεδίοις σκάνδαλα. Quibusdam placet distinguere inter scandalum cor-  
 poris, & scandalum animi. Ad scandalum corporis, quod fuerit offen-  
 diculum corpori objectum, quo minus functionibus suis sufficere  
 queat, vulgo referunt illud, quod dicitur Levit. 19. 14. Ante cæcum ne  
 ponito offendiculum. At tale offendiculum, hic non respicitur. Scandalum  
 animi est, quando intellectus ex apprehensione alicujus rei, quam ma-  
 lam esse putat, sic dejicitur & infirmatur, obveniente quoque inferiori-  
 bus facultatibus tristitia, ut voluntas aut prona feratur ad imitan-  
 dum



dum illud, ob quod intellectus turbatur: aut etiam ad averfandum illud, quod aliàs argui non meretur. Scandalum hoc, ita late hætenus confideratum, non inconvenienter distingui potest in *internum* & *externum*. Scandalum *internum* est, quando vetus homo offendiculum præbet novo homini, eique obstaculo est, quo minus obsequi possit Spiritui regeneranti. Huc facit Christi dictum Matt. 5. 29. *Si oculus dexter te scandalizat.* (σκάνδαλίζει) Et, quãta inde tristitia sæpe oboriatur, patet ex querela Pauli, Rom. 7. 24. *Ærummosus ego homo, quis me eripiet ex isto corpore mortis?*

II. At *internum* scandalum hic non respicitur, verum *externum*, quod foris quasi accidit, & est omne illud, quod alicui præbere potest, si non causam, saltem occasionem ruinæ. In iis, quæ sub titulo 'Ασκητικῶν Basilio ascribuntur, (judicio quorundam, ut refert Sozomenus lib. 3. cap. 14. Author illorum fuerit Eustathius Sebastenus) Scandalum sic definitur: Σκάνδαλόν ἐστιν ὡς ἐγὼ λογίζομαι ἐκ τῶν γεγραμμένων ὁδηγούμενον; πᾶν τὸ, ἢ τοι εἰς ἀπειθείαν πινά τῆς κατ' ὁσέθειαν ἀληθείας ἄγον, ἢ πρὸς ἀλλοτρίαν τῆς πλάνης ἐμποιοῦν, ἢ ὁκοδομῆν εἰς ἀσέθειαν, ἢ καθόλου πᾶν τὸ καλὸν τῇ ἐνβολῇ τοῦ Θεοῦ ὑπεκκείν, μέχρι καὶ αὐτὰ τὰ θανάτου. Scandalum est, quemadmodum ego ratiocinor secundum ductum Scripturarum: Quicquid vel ad defectionem, à veritate pietatis abducit, vel efficit ut error alliciat, vel adjuvat impietatis edificationem, vel omnino quicquid impedimentum infert, & prohibet, quo minus obediatur mandato Dei, etiamsi ipsa mors oppetenda sit. Ex Hieronymo tom. 9. five in cap. 15. Matthæi, alia definitio colligi potest, quando ibid. sic loquitur: *Quia crebro teritur in Ecclesiasticis Scripturus, scandalum: breviter dicamus quid significet σκολιὸν & scandalum nos offendiculum, vel ruinam & impactionem pedis possumus dicere.* Quando ergo legimus, de minimis istis scandalizaverit quempiam, hoc intelligimus, qui dicto facto occasione ruina cuiquam dederit. Brevi nostræ descriptioni, paucissimis verbis comprehensæ, nihil hætenus superaddo. & recte observavit D. Gomar, vulgarem descriptionem, quæ vulgo colligitur ex verbis Hieronymi, æquo angustiolem esse, quum silentium & perperissio, scandali quoque materiam exhibere queant. quæ ulteriori declarationi serviunt, in subsequentiis convenienter exhibebuntur. In scandalo autem quatuor occurrunt, distincte consideranda pro perfecta illius cognitione. 1. Principium fundamentale. 2. Res, seu materiale, in quo occurrit scandalum. 3. Formale ejusdem. Et 4. consequens. Quod ad principium fundamentale, est Dei Lex, cui si quid adverfetur, datur scandalum; quod accipi quoque potest, ratione

tionem  
aut p  
appli  
habea  
telt, q  
à Leg  
gi ad  
scit. l  
dicit  
2. Sa  
dalof  
Non  
tione  
Matt  
tame  
scand  
rant.  
scand  
mate  
Dei e  
le, ef  
niat  
grav  
re se  
sunt  
dati,  
Se  
nien  
passi  
ipfiu  
fam  
si sec  
est,  
Indi  
tis le  
hoc  
agit



tionem facti, aut dicti, Legi Dei alias non adversantis, ratione illius, qui aut principium fundamentale non bene intelligit, aut non legitime applicat. Quum vero principium hoc fundamentale invariabiliter se habeat, & sit perpetua regula eorum, quæ agimus: aliter fieri non potest, quin æque à parte Dei, ut iudicis, scandalum deus, quando aliquid à Lege recedens, ab hominibus non cognoscitur, aut saltem ut Dei Legi adversans non cognoscitur; atque cum homo illud, quæ tale cognoscit. Nam, ut de Davide, qui clam peccaverat, Deus per Nathanem edicit, quod *occasionem dederit irritandi contemptum Iehovam inimicis ejus*, 2. Sam. 12. 13. 14. ita illa quoque res, velut Dei Legi adversans, scandalosa iudicatur, quæ alios offendere potest, licet actu non offendat. Non enim Deus tam rei eventum, quam agentis voluntatem, intentionem, & operis à sua Lege deviationem respicit. Quomodo Christus Matth. 16. 23. Petro dicit: *Vade post me Satan, scandalum es mihi*. Nec tamen ipse Christus actu à Petro scandalizari poterat: propterea tamen scandalum dixit, quod talia diceret Petrus, quæ aliis scandalo esse poterant. Et juxta Paulum 1. Cor. 8. 13. Esca vitanda esse dicitur, quæ scandalo esse potest, licet semper actu scandalo non sit. 2. Res, seu materiale in quo scandalum occurrit, est omne illud, quod aut Legi Dei est consentaneum, aut ei adversarium, aut indifferens. 3. Formale, est iudicium alterius de ejusmodi re, ratione cuius si mox non obveniat inclinatio ad imitandum, oboritur tamen offensio, sæpe quam gravis, atque conjuncta cum indignatione. Hoc iudicium cum errore semper conjunctum esse, dein liquebit. 4. Consequentia scandali sunt varia & multiplicia: cæterum pro distincta ratione scandali, *vel dati, vel accepti*, distincte postea consideranda venient.

Scandalum in genere hætenus consideratum, vulgo, nec inconve-III.  
nienter distingui solet in scandalum *datum seu activum*, & *acceptum seu passivum*. *Activum*, sive *datum* scandalum est, cuius culpa provenit à rei ipsius Authore. Sive, est illud cum aliquis alteri si non efficacem causam lapsus præbet; offerat saltem expeditam labendi occasionem. Hoc si secundum materiale spectetur, aut oritur ex eo, quod per se malum est, hoc est, diserte Lege Dei prohibitum: aut ex eo, quod cum in se Indifferens sit, intempestive tamen vel fit, vel omittitur, contra charitatis legem. Qui scandalum dat priori modo, is vel destinato consilio hoc agit, vel destinatum consilium non habet. Illo modo si agat, hoc agit, ut, quod ipse agit, perperam alii imitentur; quemadmodum factum fuit



fuit à Bileamo, de quo dicitur Apoc. 2. 14. quod docuerit Balacum ob-  
ficere offendiculum coram filiis Israël, ut ederent ex iis, quæ simulacris erant  
immolata, & ut scortarentur. Non destinato vero consilio eorum, qui  
delinquant, scandali materia evadunt omnes hereses, omnia flagitia,  
omnes actiones aut omissiones pugnantibus cum lege Dei; & ut uno ver-  
bo multa complectar, quicquid adversatur dilectioni Dei aut proximi.  
Sive vero hoc, sive illo modo scandalum detur, applicare licet duram  
illam & tremendam Christi sententiam Matth. 18. 6. *Quisquis of-  
fendiculo fuerit uni ex parvis istis, qui in me credunt, præstiterit ei, ut suspen-  
datur mola asinaria in collo ejus, ac demergatur in profundo maris.* At de-  
veniendo ad formale scandali hoc modo dati, quicumque malum per-  
petratum, aut ea destinatione ut cedat in scandalum, aut absque tali  
destinatione, ad modum remore & impedimenti sibi esse deputant,  
quo minus alacriter propositum sibi stadium per observationem Divi-  
norum præceptorum decurrant judicio se vacillare ostendunt. Nam qui  
confirmatiores sunt, talibus non moventur. Patet in Pinees, qui tot  
millibus Israelitarum pellectis ad scortationem, non modo immotus  
persticit, Num. 25. Verum etiam *judicium* in alios exercuit, Psal. 106.  
30. Atque cum omnes spectet admonitio Pauli Rom. 12. 2. *Ne vos  
configurate seculo isti.* vereque fideles, quotidie cum Davide dicant, *Ne  
finas inclinari animum meum ad rem malam, ad agitandum actiones per im-  
probitatem cum strenuis operam dantibus iniquitati: etiam ne inescer rebus  
amœnis eorum.* Psal. 141. 4. necessum est ut illi ex fidelibus quoque, qui  
pervertuntur, (Deo quasi manum suam subducente) judicio antea va-  
cillent, quam exemplo aliorum ad peccata se accingant: quod in irre-  
genitis nemo mirari potest, quum juxta Apostolum, *ambulent in vanita-  
te mentis suæ, tenebris obscuratam mentem habentes,* Eph. 4. 16. 17. quare  
& præcipites ad Infernum tendunt, quod eò promiscuam multitudi-  
nem ruere videant. Scandali vero hac ratione secundum suum mate-  
riale & formale definiti, quæ non sunt consecraria, si illa dentur ab iis,  
qui censentur esse in communione Ecclesiæ? Bifariam illa possunt at-  
tendi, vel ratione eorum, qui sunt *ἐξω*, sive *foris*; vel ratione eorum,  
qui sunt *ἐσω*, sive *intus*, prout Apostolus distinguit, 1. Cor. 5. 12:  
Quod ad illos, qui *extra* seu *foris* sunt (quales non agnoscuntur in catu  
fidelium) illis offertur occasio traducendi doctrinam ipsius Ecclesiæ,  
dum metiuntur eam ex moribus illorum, qui eandem profitentur.  
Quare Apostolus dicit Judæis, qui degeneres erant, Rom. 2. 13. *Dei*  
nomen



nomen propter vos blasphematur inter gentes. Quo spectat quoque hæc ejusdem admonitio, 1. Tim. 6. 1. Quicumque sub jugo sunt servi, suos dominos omni honore dignos ducunt, ne Dei nomen & doctrina blasphemetur. & Tit. 2. 5. Anus vult esse temperantes, castas, domi manentes, bonas, qua sese subiciant suis viris: ne sermo Dei blasphemetur. Qui vero sunt in ipso cætu fidelium, si modo genuini Christiani nominis professores fuerint, serio contristantur, usque adeo ut dicant cum Davide, simul ac video perfide agentes, fastidio me ipsum torqueo; quod sermonem tuum non observent, Psal. 119. 158. Qui active hic sese habent, siue fuerint scandalosi in doctrina, siue in moribus, si admoniti ab Ecclesia, non resipiscant, tollendi sunt è medio, 1. Cor. 5. 2. 11. atque castigandi, ne probro amplius sint Ecclesiæ. Quod, quomodo & quo ordine fieri debeat, hic non definio, aliquando, si annuerit iustissimus & certissimus omnium scandalorum vindex, ex professo hoc acturus.

Ratione rei, quæ in se est Adiaphora, Scandalum quoque datur, IV. quotiescunq; circa usum illius aliquis abutitur sua libertate per Christum parta. Cujus Scandali materiale si consideretur, sane illud in se neque malum, neque peccatum est; sed consideratum ratione animi & intentionis illius, qui eo utitur, illudque sibi mancipat, peccatum evadit: & ut ad formale quoque accedamus, illud ipsum Scandali faciem induit, ratione illorum, qui de usu talis rei sufficienter non sunt eruditi. Hic enim notari debent tria distincta hominum genera. I. Quidam sunt docti Christianam libertatem, eoque firmi & validi censentur. His Scandalo neutiquam est factum Adiaphorum, sed potius gaudio & consolationi. II. Quidam sunt obstinati atque indociles, de quibus observari debet hæc Christi regula: *Omittite eos, quia cæci sunt, & duces cæcorum*; quod licet Christus Matt. 15. 14. de Phariseis dixerit, convenienter tamen omnibus hujus ordinis applicari potest. III. Quidam sunt infirmi & veluti pusilli in Schola Christi. Horum ratio habenda est accurata in usu τῶν ἀδιαφορῶν. Quisquis enim, cum Scandalo talium, utitur Adiaphoris, charitatis legem violat simulque Christi fidem abnegat. Hoc Scandalum vulgo vocatur *Scandalum infirmorum*, atque de eo accurate disputat Paulus Rom. 14. & 1. Cor. 8.

Succedit *Scandalum passivum*, siue *Scandalum acceptum*, sic vocari solitum, V. quod homines illud sibi accipiant, vel ex aliorum recte factis, dictis,

E

consiliis;



consiliis; vel ex doctrina recta & externa Ecclesiæ forma; vel in genere, ex aliis rebus quibuscunque. In specie vero, est dictum aliquod nostrum, consilium, aut factum pium, justum, aut per se honestum, aut saltem non improbe aut importune admissum, propter quod tamen quispiam male de nobis, sed tamen immerito, vel ex quadam perversitate, aut sinistra quadam animi malignitate, aut errore judicat, simulq; in offensionis occasionem rapit. Chrysippus noster Reynessius, forte à D. Voetio edoctus, videtur hic idem invenisse, quod pueri in faba solent: sic enim pag. 171. philosophatur: *Distingui (inquit) debet, dare scandalum, & pati scandalum; quemadmodum saepe scandalum accipitur, ubi non datur, ita saepe datur, ubi non accipitur; datur quoties quis imprudentia aut impudentia sua alteri labendi occasionem obicit, accipitur quoties quis ad oblatam occasionem offenditur: Quod enim vulgo acceptum dicitur, id arreptum potius quam acceptum dicendum. Atque ita scandalum distinguere posset: quod aliud esset datum; aliud acceptum cum datur; aliud arreptum cum ne datur quidem.* Sed, mira hæc subtilitas! quis negavit unquam scandalum datum materialiter committi posse, ut tamen formale, seu offensio, à parte proximi non accedat? Supra nos hoc docuimus *Distinct.* 2. ex Matt. 16. *Acceptio illa scandali, unde homo noster fabricatur tertiam, sed intermediam quasi, scandali speciem, provenit ex natura ipsius dicti vel facti, quod, si non adverteretur legi Dei, atque Adiaphorum agnosci queat, saltem non habet circa se omnes requisitas circumstantias: & tale seu dictum, seu factum, in se scandalosum est, etiamsi ad offensionem actualem alterius (in hoc consistit scandali completi quasi formalitas) non pertingat. Accidit vero hoc vel ex conditione personæ, quæ non offenditur, vel ex singulari gratia, quæ divinitus alicui concessa fuerit. Prioris exemplum habemus in Christo, Petri scandalum (omnino ad scandalum datum pertinens, eo sensu, quem antea proposuimus) retundente, Matt. 16. 23. Posterioris exempla in multis fidelibus occurrunt. Hinc dicitur Psal. 119. 165. *Pacem multam esse diligentibus legem tuam, neque esse eis offendiculum.* Pulchre Macarius Homil. 25. οἱς ἐνυπάρχει ὁ θεὸς νόμος ἐκ ἐν μέλει καὶ γραμμασὶν ἐγγεγραμμένον, ἀλλ' ἐν καρδίαις σαρκεναῖς ἐμπεφυτμένον, ὅσοι τὰς τῆς ἀρενίας ὀφθαλμοὺς φωτισθέντες, καὶ αἱ ὀρεγόμενοι, ἔτις αἰδομένη καὶ βλέπομένη ἐλπίδον, ἀλλὰ τῆς ἀρενίας καὶ νοητῆς περιεργίης τῶν τῆς πονηρῆς σκανδαλίων ἰσχύουσιν, ἀλλ' ἐκ τῆς ἀληθείας δυνάμεως. Quibus inest divina lex, non atramento, aut literis scripta, sed in cordibus plantata,*



plantata, hi oculis intellectus illuminati, perpetuoque desiderio capti non sensibilibus, aut visibili spei, sed invisibilis & intellectualis, superare nequissimi scandala possunt, per invictam tamen virtutem. Neque enim est cuiusvis, sed in quo occurrit plenitudo Sp. Sancti, non offendi in re quaquam. Interim nulla est ratio cur hoc contingens, superveniens scandalo dato, constituat distinctam ab eo speciem, & quod in Scholis vulgo acceptum scandalum dicitur, arreptum vocetur. Convenientius ab aliis Scandalum per accidens vocatur, quum non secundum naturam suam peccatum efficiat, sed, duntaxat vitio alterius, rei, in se haut malæ, peccatum accedat. Materiale huius Scandali est res in se bona: formale vero consistit in erroneo iudicio, sinistre apprehendente quod bonum est.

Passivum hoc, seu acceptum Scandalum vulgo rursus distingui solet in VI. Scandalum humanum, & Scandalum diabolicum. Illud iterum est duplex, vel impiorum, vel piorum infirmorum. Impii vel sunt extra Ecclesiam, vel in externo Ecclesie cœtu: his ut genuinis hypocritis si scandalum detur, scandalum hoc Pharisæicum dicitur, quod Pharisæis fuerit familiare. Sic Pharisæi audito sermone Christi de vanitate humanarum traditionum, offensi sunt, Matth. 15. 12. & temporarii, orta persecutione propter sermonem Dei, statim offenduntur, Matt. 13. 21. Contingit vero utrosque offendi 1. vel infima specie, humilitate, & cruce Christi in assumpta carne, 1. Cor. 1. 23. Vel 2. Evangelii absurditate imprudenter concepta, novitatis suspicione, simplicitate doctrinæ Evangelii, gratiæ prædicatione, prædestinationis articulo, veteris hominis mortificatione, Matth. 15. 12. Vel 3. externa Ecclesiæ forma. 4. Vel priorum vita & actionibus, quibus sentiunt se redargui libero Adia phorum usu. Vel 5. cruce & persecutionibus, quæ professionem Evangelii comitantur. Vel alia quoque ratione. Sed unde quoque hoc scandalum oriatur, pii nihili illud facere debent, exemplo Christi, cujus hæc vox est, Matth. 15. 14. Omittite illos: duces sunt cæci cæcorum. & Prophetarum, speciatim Eliæ, 1. Reg. 18. 17. 18. & Amosi, Amos. 7. 10. & seqq. similiter fidelium, Act. 17. 6. Hic locum habet illud Tertulliani de veland. virgin. cap. 3. Scandalum nisi fallor, non bona rei, sed mala rei exemplum est, edificans ad delictum. Bona res neminem scandalizant, nisi malam mentem. Item illud Gregorii Magni hom. 7. in Ezech. quod insertum quoque est regulis lib. 5. Decret. In quantum (inquit) sine peccato possumus, vitare proximorum scandalum debemus: si autem de veritate scandalum sumitur, utilius permittitur nasci scandalum, quam veritas relinquatur. Quod ipsū respiciens Bernardus epist. 78.

E 2

dicit:



dicit: *Nec cautiior sum in verbo, nec circumspectior in sensu, illo qui ait: Melius est, ut scandalum oriatur, quam veritas relinquantur.*

VII. Scandalum acceptum piorum est, quod ab infirmis adhuc in Ecclesia, aut minime malis, accipitur; invigilantibus tamen ad hoc malignioribus, qui occasione huius scandali, Evangelii doctrinam rudioribus incertam reddere student. Ei ratione piorum occasionem præbent 1. vel Ecclesiæ persecutio, oppressio, & innocentium supplicia. Vel 2. hæreses & dissensiones in Ecclesia. Vel 3. Adversariorum Ecclesiæ multitudo, potentia, & auctoritas. Vel 4. florens impiorum fortuna, & prosper rerum successus, Ps. 73. 2. Hoc vero scandalum rursus pii superant, confirmante eos Sp. Sancto: atque, ut hic multum eos juvare possunt preces; ita diligenter attendere convenit, ad conditionem regni Christi, ad regimen Dei circa suos & impios, quod & Alaph attendit d. Psalm. vers. 20. ad Dei occulta iudicia, & immutabile decretum; speciatim Dei imperscrutabilem sapientiam, liberam voluntatem, & sanctissimam iustitiam. Nos homines duntaxat æconomi sumus, Deus est Paterfamilias, cujus sumptu omnia fiunt. Si quam ergo offensionem arripiamus ex impiorum in aspernando Evangelio indignissima perversitate, eam referamus ad rectissimam & liberrimam Dei voluntatem: si horum iniustitia nos offendat, recreet nos iustitiæ Dei memoria: si horum inconculcandis margaritis stultitia nos ad impatientiam irritet, eandem placet sapientiæ Dei cogitatio, quæ id sapienter faciendum decernit, quod illi præ stultitia faciunt: si quorundam levitas nos vellicet, quod illud fastidiose & subito respuant, quod primum avide arripuerunt, medeatur constans & immutabile Dei decretum, quod ita fieri ab æterno constituit. In summa tanto magis nos consolemur & erigamus, quanto Dei iustitia, sapientia, & constantia, hominum flagitiosissimâ iniustitiâ major & excelsior est.

VIII. Scandalum diabolicum sic communiter describunt Theologi, quod sit illud, cum proterve homines carnales sanctorum lapsus & vitia captant ad peccandi licentiam; eum in finem, ut possint impune præcipites proruere in quæcunq; flagitia; addunt Diabolicum vocari, non à subiecto, sed à qualitate, quod malitiose non tam in dedecus Sanctorum, quam in contumeliam Dei velut velamen malitiæ apprehendatur. Sed, quod pace eorum dictum sit, male hoc scandalum refertur ad scandalum acceptum. Nam, si Sanctorum lapsus (non fuerunt unquam ulli illorum, in hoc mundo plene sanctificati) vere fuerint lapsus, quod legi Dei ad-

ver.



versarentur; etenim à parte peccantium habuerunt rationem scandali a-  
ctivi, sive dati. Quomodo eque Noach inebriatus Gen. 9. 22. Loth ince-  
stuosus, Gen. 19. 30. 31. & David adulter, 2. Sam. 11. 2. 3. 15. dederunt scan-  
dalū, atq; Petrus, abnegando suum Dominum Iesum Christū, Matt. 26.  
quod vero per artes diaboli, secundum stupendum iudicium Dei, quidā  
in peccando obfirmati, lapsus, Sanctorum alias virorum, velut pulvinar  
apprehendant, quò securius ex suo sensu peccata perpetrare possint, hoc  
non magis eos potest excusare, atque scandali dati indolem pervertere.

Possimus videri omnibus esse defuncti, nisi ratione scandali qua da- IX,  
ti qua accepti, simulque utriusque ratione, & quædam dubia essent  
solvenda, & quædam communes distinctiones elucidandæ. Dubia duo  
potissimum sunt, qua datum qua acceptum scandalum respiciētia I. Ut  
ratione illegitimi usus circa *adiaphora*, prout antea patuit, scandalum da-  
ri potest, atq; illud etiam accipi; quæritur, quod si occurrant ratione u-  
sus *Adiaphororum* & validi & invalidi, an validorum præ invalidis ha-  
benda sit ratio? Si soli invalidi occurrant, quin illi debeant respici nul-  
lum dubium est: Sed, si permixti fuerint, validorum potior ratio esse  
debet: ut patet ex reprehensione Petri Apostoli per Paulum, Gal. 2. 14.  
quum enim Petrus potiozem haberet rationem Iudaizantium fratrum  
per errorem, quam Gentilium, & probe edoctorum, & de Christiana  
libertate probe sentientium, Paulus in os recte ei restitit. Nam qui ve-  
ræ doctrinæ jam initiati sunt, potiores censeri debent iis, qui erro-  
neæ opinioni nondum renunciarunt. Interim hi ipsi validi, (prout  
superiori Exercitatione attendimus) suo modo ut infirmi considera-  
ri possunt. Eoque volumus hæc comparative intelligi. II. An is, qui  
proponit aliquid in Ecclesia, quod Scripturæ est consentaneum, i-  
temque Orthodoxæ religionis formulis, censeri potest scandalum da-  
re? Dubitare non licet, V. C. si quis Catechumenis, & infirmis  
fratribus, intempestive ea Christianæ religionis mysteria proponat,  
quæ capere non queant, & per quorum meditationem sic turbentur  
eorum conscientiæ, ut simul minus attendant ad illa, quæ ad salu-  
tem magis necessaria sunt. Observatu dignum est, quod Paulus  
scribit ad Corinthios ep. 1. cap. 3. vers. 2. *Lactis potu vos alui,*  
& non seca: nondum enim poteratis id ferre. Valde quoque mihi pro-  
bantur hæc Cameronis: Unde (inquit) deprehendere possumus qui  
sint schismatici, qui minus: non enim schismaticus eo agnoscitur, quod  
fovet perversum dogma; immo contingit aliquando ut sententia hominis  
schisma-



schismatici verissima sit, tamen quia eam neque loco, neque tempore, nullaq; necessitate urget, schismaticus est, & scandalum objicit Dei populo. Cum enim non agatur salus Ecclesie, ostendis se non adductum studio gloria Dei, sed sua potius existimationis, Ecclesiam turbasse.

X. Divisiones qua dato qua accepto scandalo communes, duæ sunt. Utrumque est vel publicum, vel privatum. Illud si detur maxime in publico loco, non modo publice innotescit, sed plures quoque offendit: accipi vero dicitur quando ex concione, quæ publice habetur, aut ex alio actu publico, à pluribus per erroneum iudicium, accipitur. Privatum scandalum dari censetur, si aliquid in occulto fiat, quod Dei legi adversetur: quod si neminem quoque offenderit, propter illa tamen, quæ antea notata fuerunt, scandalum censeretur debet; & quoniam privatum vocatur, eo ipso etiam quando innotescit, pauciores offendit, quoniam paucioribus notum est.

XI. Ratione quoque personarum, qua datum, qua acceptum scandalum variat. Nam, si datur à persona, quæ versatur in mundi illustri theatro, & in aliqua dignitate est constituta, magis nocet exemplum, & pluribus ruinam procurat, quam si privatam vitam ageret, aut aliqui obscura esset persona. Ut enim quo majus fuerit saxum, quod ab alta turri ruit, eo quoque in plurima fragmenta diffilit: ita quo dignior fuerit persona, & in excelsiori dignitatis culmine constituta, eo plures quoque, si cadat, secum in lapsum trahit, atque majorem quoque pœnam meretur. Si is quoque qui alios docet, & sensus exercitatos habet ad discretionem boni & mali, ex doctrina aut orthodoxa, aut re bona scandalum accipiat, argui magis meretur, atque quivis de trivio Christianus.

XII. Et tantum quoque de Scandalis. Faxit Deus, ut nullam ulla in re praebeamus impingendi causam, 2. Cor. 6. 3. & perpetuo simus sine offendiculo Ecclesie Dei. 1. Cor. 10. 32. Egregie Nazianzenus Orat. 1. καλὸν ὅδ' μήτε ἀμαρτανολοῖα, μήτε ὑπονοούμενον, ἕως ἀν' ὁποῦν τε ἡ, ἢ ὁ λόγος αἰεὶ, πένειν πρὸς ὅσους τοῖς πολλοῖς ἡ σκάνδαλον. Pulchrum est enim, nec peccando, nec suspicionem subeundo, quamdiu fieri potest, ac ratio dominatur, offendiculum aut scandalum multis ponere. Attendi hoc quoque debet ratione ipsius scandali accepti, quod quanquam, ut antea vidimus, imputatur ipsi σκανδαλιζόμενος: quisquis tamen Deum ex animo timet, quoad fieri potest, ex Christiana charitate, etiam in his infirmorum rationem habere debet, in iis maxime, quorum omissio nec



nec officium violat, nec conscientiam lædit. Ita Christus ipse Matth. 17. 27. etiamsi omni jure, puta Rex cœli & terræ, tributum immunitatem vindicare sibi potuisset: Noluit tamen ea uti, ne alii scandalum inde accipere possent, (ipse dicit, Petro *ὅτι μὴ σκανδαλίσωμεν διῶτες*, Ne simus offendiculo eis). Ita & Paulus, etiamsi idolothytorum esum certo modo concessum esse, dixit; se tamen eo abstinere velle innuit, propter infirmos, qui non recte informati inde scandalum accipere possent, 1. Cor. 8. 13. *Quapropter si esca offendiculo est fratri, non edam carnes in æternum, ne sim offendiculo fratri meo.* & Rom. 14. 21. *Bonum est non edere carnes, neque bibere vinum, neque quicquam facere in quo frater tuus impingit, vel offenditur, vel infirmus est.* Non enim omnia, quæ licent, etiam profunt, 1. Cor. 6. 12. nec omnia, quæ licent, ædificant, 1. Cor. 10. 23.

## EXERCITATIO III.

DE


## BONIS PSEUDO-SACRIS.

1. **A** Vthorum multitudini, sæpe preferendus unus, si cum iudicio tractaverit materiam, circa quam occupatus fuit.
2. Nulli probro ducendum, si fateatur se scribendo proficere, etiam usque ad sententia mutationem.
3. Ecclesiæ N. T. Christus non est stipulatus divitias, & possessiones, nedum bona immobilia.
4. Ecclesia V. T. *ἡ τῆς* non possedit immobilia, sed *χρήσι*.
5. Usque ad Constantinum Magnum Ecclesia N. T. caruit bonis immobilibus.
6. Bona sanorum Paganicorum non dedit Constantinus M. Ecclesiæ, sed fisco vindicavit.
7. Constantini exemplo sequentes Imp. Christiani templa ipsa locarunt.
8. Ut concedente Constantino M. Ecclesiastici per legata ditari cœperunt, ita bona hæc omnia sunt carnalia, & possidentur jure humano. Simul vindicatur locus Matth. 23. 17.
9. Ecclesias brevi corruperunt divitiis, debuitque per Imp. prohiberi, ne aut Ecclesiis, aut Ecclesiasticis, aliquid legaretur.

10. Mo-



10. Monachorum insatiabilis avaritia in occupandis fundis.
11. Exoriente jam Antichristo, atque à seculo VI. quicquid legatum est Ecclesia, ad usum idololatricum legatum est.
12. Omnia hæc bona ad curam solius Magistratus pertinent.
13. Inique traducuntur Canonici Ultrajectini, ut mala fidei possessores.
14. Nec fas est eorum conscientias sub quocunque prætextu turbare.
15. In rebus huiusmodi mediis habenda est ratio charitatis.
16. Helfricus Vlricus Hunnius, miser & famelicus Apostata, instruxit architectos Consilii Theologici.
17. Qui ex verbi Divini ministris Ultrajecti Canoniconum conscientias turbant, ultro pacis ergo potius secedere deberent.
18. Suprema Potestates in Diœcesi Ultrajectina probarunt meam sententiam, cui & acceperunt quatuor ex Reverendis Ecclesia Ultrajectina Ministris.

I.  Uæ hac exercitatione discussurus sum, si non tam secundum auctoritatem legitimam, quam dissidentium numerum expendenda forent, desperarem de successu, paratulus foret triumphus iis, qui copias suas secundum unum numerum censere sciunt. Sed, quod in vestibulo Geographiæ Strabo dicit, pro me in antecessum laudo: *ὁ γὰρ περὶ πάντων ἀντιλέγειν, ἀλλὰ τὰς μὲν πολλὰς εἶναι, οἷς μὴδὲ ἀνελθεῖν ἄξιον ἐκείνους δὲ ἀγνοεῖν, ὅς ἐν τοῖς πλείστοις καλορθώκτας ἴσμεν ἐπεὶ εἰδὲ περὶ πάντας φιλοσοφεῖν ἄξιον.* Neque enim propositum est adversus omnes dicere, sed plerosque missos facere, quos sequi non decet: illos vero indicare, quos in plerisque cum laude egisse novimus. Quicumque ad lectionem authorum vagam, exaltatum iudicium non adferunt, atque phantasiâ magis hærent circa paginas in præsidium memoriæ, quam mente circa rationes, apud sui similes, nullo ferme negotio, vastæ, & tumultuariæ eruditionis opinionem concitare possunt, haut pariter vero sapientiæ, apud illos, qui suo merito censeri merentur, corcula. Unus scriptor plurium instar sæpe habendus est, si maturo iudicio, præmeditato consilio, & citra ullius respectum ea tractarit, à quibus, brevi licet libello comprehensis, maluit apud judiciosam posteritatem agnosci & commendari, quam ex libris Elephantinis, vix per indicem ipsius Criticorum filiis notis. Qui gloriam ex librorum multitudine venantur, cum sint homines, per oblivionem ea sæpe jugulant,



gulant, quibus astruendis alibi operose vacarunt. Quod sæpissime Chrysippo Stoico contigisse, observat Plutarch. in lib. περὶ Στοιχ. ἐναντιωμ. & Diogenes Laërtius in Chrysippo: item Didymo Grammatico, teste Athen. lib. 4. Δείπνοσφ. Qui tam multa scripserat, (tria milia librorum & quingentos) ut suorum librorum esset immemor, qui & ideo βιβλιολάθας dicebatur. Iudicio ergo singulari opus est, non minus in discutiendis opinionibus, ubi earum delectus occurrit, quam seligendis Authoribus, qui hic duces esse solent: nec pluribus libris in materia certa indiget, qui in optimum incidit. Non inconvenienter Gregorius Nazianzen. de Basilio, Oration. 20. ἤρκεσε γὰρ εἰς ἀντὶ πάντων τοῖς σπουδαιοτέροις εἰς πένδεσσιν: Sufficit unus omnium loco studiosis ad eruditionem. Quod deinceps ulterius ostendit, quando ait, cum eruditissimum haberi, qui Basilii libros intelligat, quique eos possit explicare. Atque, si dicere debeamus, quod res est, pleræque in Theologia hæreses originem trahunt ab hominibus ingeniosis, & lectionis inexhaustæ: quos cum inanis gloriæ sidus temperaret, vellentque videri non frustra nocturnis chartis impalluisse, ingenium intenderunt, ut novi aliquid invenire possent; atque cum hanc suam Helenam nimis impense diligerent, iudicio haut quamquam ingenio respondente, errorum periculorum deprehensi sunt fautores.

Eo hæc præmitto, quo possim viam mihi sternere ad illa, quæ præsentis Exercitatione astruere laboro, de bonis Pseudo-sacris, per abusum vulgo Ecclesiasticis dictis: de quibus licet egerim iusto opere, suis irrefragabilibus vindictis munito; quod tamen reliquæ quædam illius doctrinæ adhuc superessent, visum fuit eas præsentis Exercitatione apponere veritatis studioso Lectori; qui, si notaverit forte, in quibusdam me sententiam mutasse, observet velim, me adversariis quam dissimillimum esse, & in laude ponere, quod accenseri merear illis, qui scribendo proficiunt, quibus perpetuo, ne cum turba errent, obversantur illa Fabii Quintiliani lib. 10. Orator. Institut. cap. 1. Neque id statim legenti persuasum sit, omnia quæ magni authores dixerint, utique esse perfectæ: nam & labuntur aliquando, & oneri cedunt, & indulgent ingeniorum suorum voluptati, nec semper intendunt animum; cum Ciceroni dormire interdum Demosthenes, Horatio vero etiam Homerus ipse videatur. Summi enim sunt, homines tamen. Acciditque iis, qui quicquid apud illos repererunt, dicendi legem putant, ut deteriora imitentur, (id enim



*enim est facilius) ac se abunde similes putent, si vitia magnorum consequantur. Sed hoc agamus.*

III. Ut ergo cuncta ab ovo, & simul quam succincte, accersam, in toto N. T. ne *γὰρ* quidem occurrit, ex quo colligi possit, Ecclesie, tempore ejusdem colligendæ, deberi bona hujus seculi, speciatim fundos, ac ea, quæ immobilia bona vulgo habentur; cum contrarium potius non inconvenienter ex scriptis Apostolorum & Evangelistarum erui queat. Nam cum, teste Propheta Davide Ps. 45. 14. *tota filia Regis*, genuini Salomonis sponsæ, *gloria ab intus esse debeat*; næ pariter, divitiarum splendor, & possessionum terrenarum inanis fiducia, ab ea quam procul esse debent, quum ad thalamum illius propius pauperes, quam divites pertineant: Christo, Matth. 11. 5. edicente, quod *pauperibus Evangelizetur*; & Paulo expresse monente, 1. Cor. 1. 26. eos, qui vocandi essent ad communionem Ecclesiæ, *non esse multos sapientes secundum carnem, non multos nobiles*. Unde expresse quoque, post ipsam Christi resurrectionem Petrus dicit Act. 3. 6. *Argentum & aurum non est mihi*. Fateor quidem, Glossam ordinariam, hanc affingere mentem Apostoli verbis, quasi diceret: *Non habeo hic*. At longe circumspectius Chrysostomus: *Non dixit, non habeo hic, qualia nos dicimus: sed prorsus non habeo*. David in Psalmo Mystico ne nobis faveat, adducta D. Riveti Glossa, laborat ostendere larvatus D. Voetii Hyperaspistes: at fide Voetiana. Sic enim Rivetus ad comma 14. dicti Psal. pag. 465. *commentatur*: Nolim recedere à communi interpretum sensu, id referentium ad ornatum interiorem sponsæ præcipuum illum quidem, etsi exterius etiam appareat aliquid, quod eam commendet, sed exiguum id & pretii plane nullius, si cum internis ornamentis comparetur, aut sine illis compareat. Hanc intelligentiam suggerunt omnes fere veteres interpretes, & recentiores, quam sic expresse venerabilis Beza in Paraphrasi Poëtica:

*Nec modo tu speciosa foris, pars maxima longe  
Intus opum, decorisque tui.*

Quasi diceret; præcipua ornamenta spiritualia sunt interna, in corde requirenda. *Hac Rivetus*, quæ nobis sufficiunt. Nec inconvenienter adductus locus Matt. 11. 5. Nam quamvis plerique interpretes intelligent pauperes Spiritu, Theophylactus tamen intelligit pauperes re ipsa Apostolos. Quod & suadere videntur antecedentia. Verum quidem est, Apostolos sub N. T. quoque docere, ministris Evangelii deberi τὸ πρῶτον τὸ βίον: interim quam modestissime docent, Domini Jesu Christi



Christi institutum esse, (1. Cor. 9. 14.) ut qui Evangelium annunciat, de Evangelio vivat; idque, non ut principi tributum pendi, sed ut (ibid. vers. 7.) militi stipendium reddi volunt; quamvis ne ipsi quidem (ibid. vers. 15.) hoc exigant summo jure. Tantum gregibus demonstrant, quid æquitas, quid gratitudo ab ipsis hoc loco requirat; ut ii, sponte, proprioque judicio impuls, magis quam jussi, suas partes exsequantur; nedum ut anxie, ac morose, primitias, decimas, fundos, aliaque quæ ultimis tabulis legari solent, à subditis sigillatim sibi aut offerenda, aut pendenda indicant. Contrarium non evincunt pauci illi divites, qui ab Apostolis vocati sunt ad communionem Ecclesiæ, quorum fit mentio Matth. 27. 57. Luc. 19. 2. Act. 8. 27. & 1. Tim. 6. 17. quosque objicit Reinessius, siquidem vocati sunt ut essent membra Ecclesiæ, non vero illius antecessores & pastores. Præterea hi divites & potentes adeo pauci fuerunt, ut Ioh. 7. 48. Pharisei ex suis discipulis quærant: Num quis ex primoribus (ἐκ τῶν ἀρχόντων) credidit in eum?

Nec est, quod aliquis existimet, deteriorem hac ratione constitui IV. statum Ecclesiæ N. T. præ conditione Ecclesiæ V. T. Siquidem ne quidem hæc ipsa (quicquid clamitent nonnulli) unquam immobilia bona nexu mancipioque possedit, prout recte judicat Theologorum Orthodoxorum aquila Franc. Junius, alibi à nobis ad suffragium super hac re vocatus, ante quem, quod idem statuisset Nicolaus Liranus, Junius vindicando Liranum à Bellarmini detorsionibus, ad lib. 1. Animadv. Bellarm. cap. 26. sic loquitur: Non fallitur Liranus; sed sermone non adeo distincte expressit, quod Bellarminus intelligeret. Sic ergo distinguamus. Chanaanæ fuit Dei, dominio proprietario: fuit Israëlitarum dominio emphyteutico, & quasi proprietario: quod autem Sacerdotibus in eo fuit attributum, id Sacerdotum Levitarumque fuit lege usus & habitationis (ut Iurecons. solent distinguere) atque usufructus. Hoc non intellecto, quod sibi Liranus voluit, Bellarminus bellas narrat fabulas. Hebronem Caleb proprietate tenuit, Sacerdotes usu & habitatione. Hæc Junius. quæ si quis composita mente expendat, videbit plus quam πᾶσι Stentores illos, qui plenis buccis identidem clamant, bona immobilia Ecclesiæ N. T. vindicanda, atque in solidum asserenda esse, tanquam bona mancipi. Quæ contra Junium cornicatur Reinessius, pilinon sunt facienda, & à nobis jam anno 1651. castigata fuerunt in Nob. Paulo Voet (qui cum sub literis S. C. videri vellet *severus castigatior*, prodidit se esse *Scolestum Calumniatorem*) Dissert.



Polit. Hist. de Bonis Ecclesiast. Sect. 3. cap. 1. §. 5. quod dissimulare non debuisset Reinesius. Nec contrarium suadent Urbes, quas Levitæ possederunt Jos. 21. siquidem earum usum solum habuerunt. Contrarium quoque non erueris ex Levitic. 27. vers. 15. 16. 21. Nam non negandum agros & domos potuisse Jehovah sanctificari, sed ut pari jure, hoc est, usufructuario à Levitis possiderentur. Unde recte dicit Junius in Anal. ad vers. 21. agrum votivum post Jubilæum, si non fuerit redemptus, *sanctum fore Domino, & utilem sacerdoti possessionem ejus*. De Emphyteusi quæ ineptit ex Icc. quasi, hominis imperitiam arguunt: quum rusticis notum sit, multum interesse inter Emphyteutam, & dominum proprietarium, atque inter Emphyteusin & bona mancipi. Quomodo & Thesauri sub V. T. commemorati 1. Chron. 26. & 28. pertinuerunt solum ad bona mobilia, non vero immobilia, de quibus est Quæstio. Porro ipsi Pontificii magis ingenui sunt circa originem bonorum Pseudo-sacrorum, quam D. Voetius cum suis admiratoribus. Certe apud Servinum in Vindiciis Ecclesiæ Gallicanæ, hæc inter alia legas: *Olim (inquit) Levita in terra Sancta pradia non possidebant, saltem hereditario jure, ut ex Deuter. 10. & 18. & Levit. 25. capitib. discimus. Sic neque teste Plinio Druidæ in Galliis. Clericis vero & Monachis Christianis, sub veteribus Principibus prohibitum fuit, ne quid ex donatione, sive ex testamento caperent.*

- V. Nec æternum à quoquam probabitur, ante tempora Constantini Magni, Ecclesiam fundos, similiaque bona possedisse. Imo his omnibus eam caruisse abunde patet ex Cod. Theodos. lib. xi. de Episc. leg. 11. quæ ita incipit atque post excessum quoque Constantini lata est à Constantio & Constante: *Iam pridem sanximus ut Catholica legis antistes, & clerici, qui in totum nihil possident, ac patrimonio inutiles sunt, ad munera curialia minime devocentur. Etenim si universus Clerus, patrimonio primum inutilis fuit, & in totum nihil possidens, quis, nisi amens, aut præ febris delirans, somnare ausit Christi Ecclesiam ante tempora Constantini Magni dotatam fuisse, atque bona immobilia possedisse? maxime quum Imp. Christiani quoque, testentur eam etiam post mortem Constantini Magni nihil possedisse? Quod ut probet Bellarminus (hic, quod detestandum, circa præsentem controversiam agnosci debet Doctor quorundam Theologorum Reformatorum)*

alia



alia non potest adducere documenta, quam ex scriptis, quæ, iudicio ipsorum Doctorum Pontificiorum, habentur Apocrypha.

Nec tamen Constantinus Magnus possessiones, sacratas fanis Gentilium, Clericis possidendas dedit. Fateor, me antehac in eadem fuisse sententia: sed decepit me, qui & plures alios, Cedrenus, qui solus in sua Historia p. m. 234. perhibet Constantinum iussisse, τὰς τῶν ναῶν προσέδωκεν ἐκκλησίαις διαρπείσθαι. At hoc non testantur aut Socrates & Sozomenus, aut incertus Author, qui vitam Constantini descripsit: nec obliti fuissent objicere Constantino Libanius, Zosimus, Eunapius, & alii à Gentilibus. Hoc certum, Constantinum donaria, redditusque, templis detraxisse, ut testatur author, additus *Notitia Imperii*. 2. eaque, maxime simulacra, convertisse ad ornatum Urbis, à se denominata, prout referunt *Socrat. lib. 1. cap. 12. Sozom. lib. 2. cap. 4. & auctor vita Constantini lib. 3. cap. 52.* atque hanc ob causam potissimum obnoxium fuisse calumniæ apud Gentiles, ut patet ex *Zosimo lib. 2. Libanio Orat. de Templis, ac de Divitiis, & Eunapio in Edesio.*

Constantini exemplum imitati fuerunt subsequentes Imp. Chri. VII. stiani, qui, reclamante nullo, ipsa Gentilium templa, velut ad fiscum suum pertinentia, in alios usus, quam sacros converterunt, prout discere est ex Augustini *epist. ad Maximum Madaurensem.* imo, eadem elocarunt, prout manifesto colligere licet *ex leg. 4. & 5. Cod. Theod. de locat. fund. juris emphyt. & templ.*

Ecclesiæ vero, earumque antistites, usque à tempore Constan. VIII. tini M. cœperunt ditari, quod Imp. (hoc alias, notavimus) anno à Christo Nato 321. d. Julii 7. licentiam dedisset Clericis aliquid legandi, quum antea ex testamento nihil possent percipere. Sed, ut, per concessionem Imperatoriam, Ecclesiæ ab hoc tempore, bona immobilia possederunt; ita, quicquid sive ab Ecclesiis, personisque ad eas pertinentibus, imo ab aliis quoque possidetur, non nisi jure humano possidetur, prout recte docet Augustinus in Joan. Tract. 6. ubi sequentia offendo: Unde quisque possidet, quod possidet? nonne jure humano? nam jure divino *Dominus est terra & plenitudo ejus*: Pauperes & divites Deus de uno limo fecit, & pauperes & divites una terra supportat; jure tamen humano dicit;



*hæc villa mea est, hæc domus mea, hic servus meus est:* jure ergo humano, Iure Imperatorum. Quare? quia ipsa jura humana, per Imperatores & Reges seculi, Deus diltribuit generi humano, &c. Sed dicis, Quid mihi & Imperatori? Secundum jus ipsius possides terrena. Tolle jura Imperatorum, & quis audet dicere, mea est illa villa, aut meus est ille servus, aut domus hæc mea est? *Hæc Augustinus*, quæ si quis paulo attentius expendat, non poterit non mirari, quod Theologi, ii que Reformati, non solum in suis concionibus, verum etiam in libris editis, illa, quæ ab Idololatriis per errorem summum Ecclesiis donata sunt, ausint vocare, non solum *Ecclesiastica*: verum etiam *spiritualia*, imo ipsum *Christi patrimonium*. Quasi vero, circa ea, quando Ecclesiæ destinantur, occurrat aliquis Judæus, *urceos baptizans, & calices (quasi & insensibilia vel culpam recipere possint, vel gratiam)* prout false loquitur *Ambrosius de iis, qui myst. inist. cap. 4.* Quicunque ex Pontificiis unquam judicio modo sano gavisi fuerunt, sequius existimarunt, atque pro dolor! in ruborem dant illos, qui prosperorum successuum typho elati, jaçant se solos habere clavem scientiæ. Alios alibi adduxi. Hic solum notari velim ea, quæ habet P. Paulus Servita in Hist. Concil. Trident. lib. 6. Edit. Lat. pag. 552. quæ, ut mei cives possint legere, *bona fide hic exhibeo*: Ab eo longe diversum sentiebat *Gabriel le Veneur* Gallus, Episcopus Vivariensis, affirmans patrimonium Clericorum esse quid seculare, de quo Ecclesiasticus nulla lege possit statuere. Multa quidem posse intervenire, propter quæ lex, aut Magistratus legitime imperare possit, ut illud alienetur. *Hæc ibi Imo*, quis, qui modo Scripturæ autoritatem agnoscit, aliter ausit statuere? cum Apostolus Paulus bona hujus ordinis, bona quoque intentione & legitime Ecclesiæ consecrata, duobus in locis *corporea*, sive carnalia vocet, Rom. 15. 27. & 1. Cor. 9. 11. Henricus Andreas Cranius IC. & Professor Helmstadiensis, in consilio evulgato per Apostatam Hunnium (de hoc vide Num. 16.) contrarium probare nititur ex dicto Christi, Matth. 23. vers. 17. *Dicentis templum sanctificare aurum*: unde & ipse per largam consequentiam colligit, ea quæ quocunque modo Deo semel consecrata sunt, semper sacra debere censer. Sed *ἀγία* in eo loco nihil aliud est, quam sacro usui destinare: prout recte Beza observavit, qui hæc in Notis habet: *Templum facit ut aurum pro re sancta habeatur, divinis nimirum usibus consecratum*. Si valeret Cranii argumentatio, pari ratione concludere liceret, omnes illas speculas & domos, fuisse perpetuo habendas pro rebus sacris, in quibus Christiani



Christiani tempore persecutionis sacra sua peragere solent, quoad tempus usui sacro consecratę fuerint. At quis ita ineptiat? Quę usui sacro destinantur, ratione illius usus sic sacra sunt, ut subjective tamen nullam sanctimoniam recipiant, atque ad suam naturam extra illum usum redeant: quomodo panis, reliquus post administratam Domini cęnam, à pane communi nihil distat. Longe infelicior Disputator est D. Voetius, sub pelle Reinessii delitescens, quando pag. 21. ideo hęc bona vult haberi sacra, quod *de iis vota essent*, Lev. 27. sed votum, quod ut legitimum, censetur ex concessione adimpletum esse, usum solummodo sacrum evincit, de quo non est quęstio. Mirum vero mihi ab impudentissimo Reinessio, qui ne quidem statum controversię intellexit, objici iterum S. C. sive Paulum Voet, usque ad *ἐξεμυθίσαν* jam à seipso per me castigatum. Sed ita agunt hi homines.

Ex quo sacrorum Antistites divitiarum dulcedinem degustarunt, IX. mirum est, quam loto illa inebriati fuerint, estuarintque insatiabili desiderio, sub quocunque etiam prętextu adaugendi Thesaurum sacrum. Infulati vero Tantali socii, tanti extiterunt captatores, & pro tam impudentibus vulturibus se gesserunt, ut non multis annis post, primo Imp. Christiani Valentinianus, Valens, & Gratianus; atq; postea quoque Arcadius Imp. specialibus Constitutionibus (alibi eas exhibuimus) prohibere debuerint, ne quid personis Ecclesiasticis legaretur: quas constitutiones respiciens Hieronymus, A. D. 393. *ita scribebat ad Nepotianum*: Pudet dicere, Sacerdotes Idolorum, mimi, & aurigę, & scorta hæreditates capiunt; solum Clericis & Monachis hoc lege prohibetur, & prohibetur non à persecutoribus, sed à Principibus: nec de lege conqueror; sed doleo cur meruerimus hanc legem, cauterium bonum est, sed quo mihi vulnus, ut indigeam cauterio? provida severaq; legis cautio, & tamen nec sic refręnatur avaritia: per fideicommissa legibus illudimus; & (quasi majora sint Imperatorum scita, quam Christi leges) timemus, Evangelia contemnimus. *Hactenus Hieronymus*, alio loco etiam ante hac à nobis exhibitus.

Prę cęteris autem Monachorum habendi libido se exernit, qui tem- X. plorum ruralium diruendorum obtentu specieque, sua rusticis ereptum ibant, atque in ipsas eorum possessiones involarunt, quasi Dis sacratas. Non dissimulat Libanius Sophista Gentilis, qui Orat. de Templis, scripta ad Theodosium M. Imperatorem Christianum, *interprete Cl. V. Iacobo Gothofredo, sic loquitur*: Ita ad maxima procedunt ea, quę per lasciviam



viam horum in agris patrantur: qui quidem ajunt, *se Templis bellum inferre*; at enim bellum istud, proventus est eorum qui populis incumbunt, miserisque sua raptum eunt, quæ ipsis repozita sunt è fructibus terræ, atque alimenta: sicut aggressores eorum, quos expugnarunt, bona auferentes discedunt. His vero neque hæc sufficiunt, verum & terram intervertunt, hujus aut illius, *sacram eam esse*, dicentes, multiq; adeo paternis spoliati sunt sub falsi nominis obtentu. Hi vero alienis malis luxuriant, qui, ut quidem ajunt, *jejunii Deum colunt*. Hæc Libanius. Quæ si quis confideret, judicabit haut frustra fuisse, Marcellinum & Faustinum Ecclesiæ ipsius Romanæ Presbyteros, & Ambrosii cœtaneos cum in libello precum A. D. 384. Imp. oblato, sic loquerentur: *Ideo nominis istius (Episcopalis) etiam cum omni dedecore quærebatur auctoritas, ne illis possessiones Ecclesiæ tollerentur; quas utinam nunquam (NB.) possedisset Ecclesiæ, ut Apostolico more vivens fidem integram inviolabiliter possideret.*

XI. At à quo tempore cœpit peragi grande illud Iniquitatis Mysterium, succrevitque Antichristus, invalescente simul errore de Purgatorio, atque Eleemosynarum meritis, ingentes opes non solum accesserunt Episcopo Romano, verum etiam passim Clericis & Monachis per orbem Christianum: at omnes hæ donationes, à *seculo sexto* quoque, nituntur non modo fundamento erroneo, Deique gloriæ multis modis præjudicioso, verum etiam factæ sunt in ulum Idololatricum, ut ingenue & aperte fatentur Theologi summi, *Calvinus, Danaus, Rivetus, & Triglandius*, alibi à nobis ad suffragium vocati: quibus sane plus deferendum est, quam paucis *republicis* Ministris, communi pede se metientibus. Nec contrarium suadere potest Perkinus, à Reineffio pag. 17. ex Problem. adductus, quod *vox meriti per mille annos à nato Christo in Ecclesiâ non fuerit recepta*; licet enim hæc vox in sensu Papistico in Ecclesiâ per plura secula non fuerit agnita, interim à seculo sexto omnes Ecclesiasticæ donationes factæ fuerunt, nullum alium in finem, quam ut *essent satisfactio, pro peccato, & meritoria majoris gratiæ & gloriæ*: Ut jam anno 1653. in vinctis argumentis probavi in epist. ad D. Hoornbeeck pag. 7. & seqq. contra quartanum Theologus hæcenus non sustinet hilcere.

XII. Ergo consequens est, hæc bona Idololatrica, (ne quidem, si legitime oblata forent, ab Ecclesiâ velut bona sacra possidenda) ad unius Magi-



Magistratus curam & ordinationem pertinere. Nam I. si Magistratus, tanquam Dei vicarius, (prout supra docuit Augustinus) solus arbiter est eorum, quæ à quoque possidenda sunt, ne pariter hic intervenire debet ejusdem arbitrium. II. Quum à pluribus seculis, (prout alibi ostendimus) viri Principes & Magistratus per omnia ferme regna & Provincias Europæ, legibus specialibus, iisque severis admodum, prohibuerint Donationes sacras, velut reip. mirum quam prejudiciosas, eorumque iussa nihilominus violata fuerint, omnino jus successoribus eorum competit, bona ejusmodi fisco suo adjudicandi. In hunc sensum loquuntur trium-viri Imp. Christiani, in quos supra digitum intendi, in leg. 20. Cod. Theod. de Episc. & Cler. *Quin etiam si forte post admonitionem legis nostræ, aliquid ex semina vel donatione, vel extremo judicio, putaverint relinquendum, id fisco usurpet.* III. Quis non existimet, tum optimos reges fuisse Asam & Ezechiam, tum donaria ab ipso Deo assignata Levitis & cultui sacro V. T. multo majorem speciem sanctimonie præ se tulisse, atque falso affingitur bonis Idololatricis per omnia, hodie occurrentibus sub N. T. & tamen *Asa omne argentum & aurum, quæ reliqua erant in thesauris leboæ, etiam thesauros domus regie tradidit Benhadado Regi Syriæ,* 1. Reg. 15. 18. Ezechias vero, *confractas Domini templi valvas, quasque ipse affixerat auri laminas, detraxit, ut eas traderet Assyriorum Regi,* 2. Reg. 18. v. 16. Fateor quidem, utriq; Regi hoc suasisse necessitatem; sed, ut neuter in hoc calu consuluit Sacerdotes & Levitas, quod nosset, quæ sui juris essent, ita hinc manifesto patet, penes Israëlitos Reges, non minus potestatem fuisse arbitrandi de ejusmodi necessitatis articulo, quam libere per se statuendi de bonis quasi sacris. Nec eos, quianunquam hoc nomine arguuntur, peccasse magis probaveris, quam Davidem (exemplum hoc imprudenter adducit Reinessius pag. 22.) vescentem panibus propositionis, Matth. 12. 4. Nam nec Davidem, nec sacerdotem Abimelechum, panes sacratos concedentem, peccasse, (ut alios jam non adducam) solide in comm. probat Paræus, addita hac ratione, *quod caremonialia debeant cedere moralibus. Moralis autem lex jubebat esurientes pascere.* IV. Quare & Ambrosius fatetur, Imperatori jus esse vindicandi agros quasi Ecclesiasticos Serm. adversus Auxentium: *Si tributum (inquit) petit, non negamus; agri Ecclesiæ solvunt tributum; si agros desiderat Imperator, potestatem habet vindicandorum; nemo nostrum intervenit; potest pauperibus collatio populi redundare: non faciant de agris invidiam, tollant eos, si lubitum est.*

G

XIII. Quæ



XIII. Quæ omnia si notentur, omnibus non minus veritatis, quam æquitatis studiosis liquebit, quam inique, imo injuste, quidam ab aliquot annis instituerint debacchari non minus pro suggestu sacro, quam in variis libellis, contra Canonicos Ultrajectinos, eorumque Collegia, quibus, ut loquitur D. Voetius in Confrat. Marian. pag. 445. *implicita est suprema & prima auctoritas ac potestas politica, Theologis etiam sacra atque inviolabilis.* Nam, si teste eodem D. Voetio ibid. pag. 445. & 446. *Canonici in mutatione Reip. & vindicatione communis libertatis contra tyrannidem Hispanicam, non tanquam subditi, aut optimates, sed tanquam domini supremi (pro sua parte) & tanquam pars magna, imo potior, ac prima regiminis ac confessus Illustr. Ord. Provincia Ultrajectinae, talis status sui cum redditibus perpetuationem & stipulati sunt pariter, ut pars contrahens, & autocratorice approbarunt, simul pro parte sua, ut primum membrum Ordinum, qui magnam, imo maximam partem pradiorum & dominiorum in Provincia prædicta possident: Ne, certissimum est, per summam injuriam eos inquietari circa bonorum Capitularium possessionem.* Si enim, ut modo nos docuit è Dei verbo Augustinus, possessionum distributio & distinctio pendet à beneplacito Magistratus, atque secundum l. c. l. 11. *D. de acq. vel amitt. possess. & l. 137. ff. de reg. iur.* qui auctore Prætoris possidet, iuste possidet; nullus (Sycophantas excludere fas est) ambigere potest, quin legitimo & iusto titulo bona sua Canonici Ultrajectini possideant, quum ab Ill. Ordd. Provinciæ, postquam abunde ministerio & Scholis provinciæ illius prospectum esset, ordo eorum cum bonorum omnium appendice, speciatim libera eorundem possessione & administratione, multoties approbatus fuerit. Ineptissimum vero se exhibet Reinesius, quando pag. 22. sic loquitur: *An non si fur Patrimonii Schoockii, furto quondam ablati, heredem S. C. scribat, an non inquam S. C. illud bona fide possideret? Qui enim iusto titulo (ut est hereditatis) possidet, is bonæ fidei possessor est.* Siquidem in fure nondum purgatum est furtum, atque sic recte l. c. docent in heredem furis non quidem dari actionem furti, sed rei furtivæ, quæ non sit pœnalis, sed rei persecutoria l. 1. & 9. ff. de cond. furt. l. 1. ff. de Privat. del. Sed pone hunc casum; per iudicium Magistratus, alicui tanquam Majestatis reo ablata esse bona, & donata Titio, certe heres Titii ea legitime possidebit. Bona vero, de quibus contendimus, fisco ut idololatrica sunt addicta, & iudicio supremarum Potestatum aliquibus Collegiis ad possessionem concessa.

Sed



Sed dicunt viri boni, se velut magistros conscientiarum (dicere vo-XIV. sui medicos) debere consulere salutis sui gregis, atque operam dare, ne quid alicui imponat sub specie boni. Hæc quidem speciose dicuntur: & nuper Ultrajecti ad modum ἀπεργασίας repeti audiui coram promiscuis concionis sacræ auditoribus. At, num ut eximantur scrupuli conscientiarum, eos admodum laqueorum antea injicere oportet? Idem jactabant & prætexebant illi Pseudo-zelotæ, qui ab ipso Spiritu Sancto Act. 15. 24. notantur velut ἀνασκαδίζοντες τὰς ψυχὰς, labefactantes animas, Quales secundum Paulum Gal. 1. 7. sciunt duntaxat τὰ ἐγείρειν, seu turbare conscientias. Conscientias tranquillare potest solum Dei verbum, & Christus, secundum illud legitime iis turbatis applicatus: at cedo Dei verbum liquidum, quod tum arguat Canonicos malæ fidei possessores esse, tum jubeat valedicere huic vitæ generi? Si hi spirituales aliptæ suos excuterent, invenirent forte non neminem qui ædes, loco quondam sacro positas, à pluribus annis sibi citra scrupulum ullum conscientiæ comparare potuerit: Qui quando iis minimum favet, qui inquietandis Canonicorum conscientis incumbunt, viderit quomodo notam hypocritæ effugiat. Ut enim pro sua possessione, velut bonæ fidei, aliud prætexere non potest, quam quod legitimus Magistratus alias consenserit in talium locorum distractionem: sic, æque secure Canonici aquiescere possunt in possessione suorum bonorum, quod ea sæpius consensu Illustr. Ordinum Ultrajectinorum, quorum ipsi primum membrum constituunt, approbata fuerit. Si Canonici vero propterea Possessores malæ fidei haberi debeant, quod hoc illi dicant, qui perperam sibi applicant illud Malachiæ cap. 2. 7. *labia Sacerdotis observabunt scientiam*: pari ratione ab iisdem inquietari possent, quotquot aliquid possident, quum circa titulum, quo illud possident, multa notari queant, quam injustitiam redolentia. At μέγ' ὀνείδωρ occurrit circa Canonicos, danturque speciales rationes, at profunde reticendæ, cur eos pro aliis oporteat δεῦρο ἵκεσθαι.

Qui zelum suum ad genuini usque fractionem exercent in Canonici XV. cos, gloriantur de eo, quod publice habeantur Præcisi: sed, si qua in re Scriptura nos vult esse Præcisos, omnino charitas est, Apostolo Petro edicante Ep. 1. cap. 4. vers. 8. *Ante omnia charitatem alii in alios (ἐν ἀλλήλοις) intensam habentes*. Charitas vero cum maxime se prodere debet in rebus mediis, ad quas quis neget referenda esse illa, de quibus tam fervide contenditur? Præclare Calvinus in Comment. ad cap. 15.



ACT. Si aliud quicquam, (inquit) hoc certe ex Dei verbo esse fatebimur, ut in rebus mediis dominetur inter nos Charitas: hoc est, ut earum rerum, quæ per se liberae sunt, externus usus ad charitatis regulam flectatur. In summa, si charitas est perfectionis vinculum & finis Legis, si Dei mandatum est, ut mutuae unitati studerent fideles, & quisque proximis serviat in edificationem: nemo tam rudis est, qui hoc Dei verbo contineri non prospiciat.

XVI. At, frustra viris hisce hanc de charitate cantilenam occino. Antequam Theſin suam miſſam faciant, potius perreptabunt Babylonicum illud Augiæ ſtabulum, ſive, ſterquilinium Canonistarum, in quo cum non industria alicujus galli, verum ſcarabæi, inventa fuerit benediſta illa gemma, ſeu Theologicum conſilium, ſic iteratò noto, pellucentem illum centonem, magnam partem conſarcinatum eſſe ex duodecim conſiliis Lutheranorum, (ſapientium ex formula unius Juris Canonici, publice à Luthero concremati) ſimul editis per Helfricum Ulricum Hunnium, J.C. filium Ægidii Hunnii, celebris quondam Theologiæ Doctòris & Profeſſoris in Academia Wittebergenſi, qui pelleſtus offa Antichriſtiana, cum turpiſſime defeciſſet ad Pontificios, atque ſecundum fatum Apoſtatarum, negligetur ab iis, qui exemplo diaboli Matth. 4.9. plurimos ſectatores ſibi colligere ſolent, per myſticam illam vocem: *Hæc tibi dabo*: Colonię Agrippinę anno 1633. evulgavit duodecim illa Reſponſa, ſeu, ut ipſe pariter vocat, *Præjudicia*, inſcripta Abbati Fuldenſi, eum in finem, ut evinci poſſet, Lutheranos (per errorem ſummum iis conjungit Calviniſtas, quum neq; Matthæus Weſenbecius, neque Hieronymus Treutlerus, prout fingit Hunnius, unquam vixerint in communione eorum, qui Calviniſtæ audiunt) eſſe *divorſioneſ*, atq; dictante propria conſcientia, debere reſtituere bona Eccleſiaſtica, à ſe *invafa*, *occupata*, *direpta*, *ac prophanata*, ut loquitur famelicus Apoſtata in titulo. Verum eſſe quod dico, quivis cognoscet, ſi inſtituerit Conſilium Theologicum comparare cum hiſce Reſponſis; ubi aut Hunnius, aut ejus Typographus erravit in citandis authoribus, maxime juris Canonici textibus, pariter (reſpicio primam editionem) errant Architeſti hujus, *Kal' avliφερον*, Conſilii Theologici; quod adeo impudens, ut pag. 25. ſpeciatiim in hunc Hunnii tractatum digittum intendat.

XVII. Etenim mecum plurimi, qui ſunt pacis ſtudioſi, dolent concitatos ab anno 1645. in Provincia & Eccleſia Ultrajectina ſuper hac re fluctus, nondum, quæcunque etiam tentata fuerint, compoſitos eſſe. Si docerent



docerent ibi Clementes, Nazianzeni, & Augustini, brevi remedium adhiberetur. Ex re est singulos audire. Ita ergo Clemens Romanus Pontifex per suum interpretem loquitur in Epist. ad Corinthios, scripta circa A. D. Lxx. Quis (inquit) inter vos generosus? quis per misericordiam moveri facilis? quis charitate confidentior factus? dicat, si propter me seditio, contentio, & schismata: secedo, abeo, quocunque volueritis, quæque à multitudine præscripta fueri. & facio, ovile solum Christi pace cum constitutis presbyteris fruatur. De Gregorio Nazianzeno vero hæc habet incertus vitæ Author, similiter per interpretem hic exhibendus: Si quomodocunque vobis dissidii causa sum, Jona Propheta venerabilior non sum; in mare me projicite, & tumultum procella vobis relictis ponet; ut ut à culpa immunis sim, concordia vestra causa, quicquid volueritis pati elegerim; throno deturbate, urbe expellite, veritatem duntaxat pacemque (prout Zacharias dicit) amate. Hæc ille. Denique de Augustino Possidius Calamensis Ecclesiæ antistes in vita illius cap. 23. Dum forte (inquit) de possessionibus ipsis invidia Clericis fieret, alloquebatur plebem Dei, malle se ex collationibus plebis Dei vivere, quam illarum possessionum curam vel gubernationem pati, & paratum se esse illis cedere, ut eo modo omnes Dei servi, & ministri viverent, quo in Veteri testamento leguntur altari deservientes, de eodem comparticipati; sed nunquam id laici suscipere voluerunt. Huc usque Possidius de Augustino. Sed cur his immoror, ac pergo surdis fabulam narrare? Finio ergo hanc Excitationem, quam superaddi velim illis, quæ alias de hac eadem re sum commentatus.

Quam admirandus vero Deus est! ut est ipsa Veritas, tandem XVIII. triumphum quoque veritati, ut ut oppressæ diu, concedit. Primus bona conscientia, & amore solius veritatis, oppugnare institui Consilium Theologicum: sed ob difficilia tempora Ill. & Potentes Ultrajectinæ Provinciæ Ordines anno 1650. renuerunt admittere grandius meum volumen, de Bonis vulgo Ecclesiasticis dictis, quod iis inscriperam: & simul cornua tanta non modo D. Voetio, architecto illius Consilii, verum etiam ejus affectis addiderunt, ut non modo instituerint hoc nomine publice mihi insultare, verum ipsis supremis quoque Potestatibus. quibus cum non cessarent inclementer dicere, fatigata tandem fuit Earundem patientia, adeo ut mense Julio anni 1660. proscriptis duobus ex his



Tribunis plebis, perpetuo Edicto caverint, ne cui ex Ministris, Evangelium in Dicecesi Ultrajectina annunciantibus, fas sit aut publice aut privatim Canonicorum ordinem traducere. Quum quatuor Reverendi verbi Divini Ministri in Ecclesia Ultrajectina, nempe *D. Arnoldus Teckmannus*, *D. Iohannes Flaman*, *D. Daniel van Hengel*, & *D. Iohannes van Heimenbergh*, suam sententiam, meæ per omnia consentaneam, paucis mensibus ante, Amplissimo Magistratui Ultrajectino communicassent. Ita mirabilis est Dominus, qui dat salutem rectis corde.

## EXERCITATIO IV.

An cum Pontificiis colludant, qui agnoscuntur è titulis, in Papatu receptis?

1. **L**icet Reformato nihil commercii intercedere debeat, cum ritibus Idololatriæ Pontificiorum:
2. Mox tamen communionis cum Papanis non sunt infimulandi, qui titulo in Papatu recepto, distinguuntur: Quando *Sp. Sanctus* non abhorruit à voce τὸ μυστικόν.
3. Impp. Christiani salutati sunt à Christianis Pontifices.
4. Moses à Paulo vocatur *ἡγεμών*.
5. A talibus Titulis frustra periculum timetur.
6. Frequentari potest vox, gaudens significatione, aliena à prima & propria sua significatione; ut ostendit vox Baptismi.
7. Sæpe vox ratione prima significationis rem abominandam signat, qua degenerat dein ad usum honestum.
8. Canonici Ultrajectini cum ratione retinent titulos, hodie adhuc receptos in Reformatis eorum Capitulis.
9. Exemplo Apostoli Pauli, & Patrum in Primitiva Ecclesia progressi sunt Illust. Ordd. Ultrajectini in reformandis Canonicorum capitulis.
10. In Capitulis illis nihil occurrit, quod Papisimum redoleat, nec Canonici similes sunt Dendrophoriis.
11. Illustratur locus Act. 14. 12. & Act. 17. 28. Canonici recte ferunt usurata sua nomina, etiam si non fungantur officio Papisfico.

I. Quan-



**Q**uanquam libenter agnoscimus sic esse exeundum è Baby- I.  
lone, ut nunquam aut facies cum uxore Lothi ad pestife-  
rum illius aëris convertatur, aut communio idololatræ  
cum Antichristi satellitibus colatur, prout Patres primiti-  
vos Christianos ratione Gentilismi recte monebant, ex  
quibus Tertullianus dehortando Christianos ab observando ritu so-  
lemnium Paganorum, inter alia lib. de Idololatr. cap. 17. dicit:  
*O melior fides nationum in sectam suam, quæ nullam solemnitatem Christia-  
norum sibi vendicat, non Dominicum diem, non Pentecosten! Etiam si no-  
visset, nobiscum non communicasset: timerent enim ne Christiani videren-  
tur: nos ne Ethnici pronunciemur, non veremur?* & Augustin. Serm. 6. de  
verbis Domini: *Si queritis, unde vincantur Pagani, unde illuminentur,  
unde ad salutem adducantur? Deferite omnes solemnitates ipsorum, dese-  
rite nugas eorum, & si non consentiant veritati nostra, saltem pudeat pra-  
vitas sua.*

Mox tamen cenferi non debet μετοχήν, seu communionem cum Pa- II.  
pismo colere, quisquis in Collegio aliquo Politice ordinato, atque ab  
omni fermento Papano defæcato, nomen fert, quod alias in Papatu  
ferre solent, sacrorum Idololatricorum, aut ministri, aut antistites.  
Nam si Paulus Apostolus, qui de eo gloriatur, quod *omnibus omnia fa-  
ctus fuerit*, 1. Cor. 9. 22. non solum (ut recte & vere observavit Hie-  
ronymus ep. ad Algasiam,) multis verbis, *juxta morem Urbis & Provin-  
ciae suae Tarfi & Ciliciae*, familiarius usus fuit; actus ab ipso Spiritu San-  
cto, adorandum illud arcanum, atque ne quidem ipsis angelis penetra-  
bile, Incarnationem scil. Filii Dei, 1. Timoth. 3. 16. explicuit ter-  
minis, propriis Eleusiniæ Cereris abominandis sacris, prout erudite ob-  
servavit *ὁ ἐν ἀρχαῖς Ιακὼβ. Gothefredus* in longe accuratissima Exercitatio-  
ne super illo loco; placuitque Spiritu Sancto vicies septies in N. T.  
uti voce *μυστήριον* in se abominanda, peculiarique ratione ac proprie  
conveniente Eleusiniis sacris, in terra Attica celebrari solitis, significa-  
tiones longe sublimiores, rebusque sacris servientes eidem aptando;  
(ut de aliis, similibus plane vocabulis, alibi exhibitis, jam non dicam)  
quis cui modo constat ratio, pariter non statuatur posse quempiam  
titulum functionis Papanæ ferre, ordinis Politici ergo, atque nihil eo-  
rum tamen facere, quæ in Papatu fieri solent? Noat Gregorius Ma-  
gnus, siquidem lib. 9. Moral. cap. 6. circa illud *qui facit Arcturum, &*  
*Orionas,*



Orionas, & hyadas, & interiora Austri, tradit eo loco, Scripturam, nomina illa, plane fabulosa usurpasse, non ex mente Hesiodi, Arati, aliorum. que Poëtarum, sed, ut res quas insinuare appetit, notitia usitatae appellationis exprimantur. Nam si Astra que vellet, per ignota nobis nomina diceret; homo pro quo hæc eadem Scriptura facta est, nesciret procul dubio quid audiret. Sic igitur in sacro eloquio, sapientes Dei sermonem trahunt à sapientibus seculi: sicut in eo pro utilitate hominis, vocem in se humana passionis ipse sumit. Quod si vero Deus per locutiones à se ipso desumptas, nec tamen sibi convenientes, succurrat humanæ imbecillitati, cur non magis succurrat eidem, per adæquata scruta? scruta, inquam, humana & hominem imperfectum arguentia. Usitatum amplius est Sp. Sancto, ut antehac prolixo exhibito Catalogo evici, nomina ratione aut primæ suæ originis, aut ordinarii usus, quam abominanda, transferre ad usum sacrum, iisque ejusmodi attribuere significationem, quæ plane recedat à primigenio, & ordinario significato. Nam, ut dicit ter maximus Casaubonus Exerc. 16. sect. 43. advers. Cas. Baronium, postquam prolixè considerasset *μυστήρια* vocem: Ex iis, quæ diximus, utcumque potest cognosci, quas opiniones de suis mysteriis Pagani haberent; quos ritus in illis servarent: de quibus plurima asserre cum possemus, ea duntaxat hoc loco attigimus, quæ aliquam cum sanctissimis Christianæ pietatis institutis, speciem affinitatis habere videbantur. Quod pii Patres quum intelligerent, quo facilius ad veritatis amorem corruptas superstitione mentes traducerent; & verba sacrorum illorum quam plurima, in suos usus transtulerunt; & cum doctrinæ veræ capita aliquot sic tractarunt, tum ritus etiam nonnullos ejusmodi instituerunt, ut videantur cum Paulo dicere Gentibus voluisse, *ἀ ἀγνοῦντες ἐνσεβασθε, ταῦτα καὶ ἀγγέλλομεν ὑμῖν*: quæ creditis, & facitis, ut pii sitis, ea quæ possint ac debeant vere credi fieri, ut sitis revera pii, vos docere volumus. Hinc igitur est, quod sacramenta Patres appellarunt *Mysteria*, *μυστήρια*, *τελεῖαι*, *τελεῶσις*, *ἐπιτεῖαι*, sive *ἐπιτεῖαι*, *τελετήρια*; item *τελετήρια*, aut *τελεῖαι καὶ μυστήρια*, *τελεῖαι καὶ θεῶσις*, *ιεραρχικὰς τελεῖαι*: interdum etiam *ἄργια*, sed rarius; & *συμβολικὰ θεολογία*, sive *ιεραρχία*, peculiariter vero Eucharistiam *τελεῶν τελεῖν*, &c. *Hadenus Casaubonus*: quæ si quis diligenter attendat, patebit, quam longe præzeli inconsiderati temerario impetu, à prudentia tum Apostolica, tum Patrum in primitiva Ecclesia, illi recedant, qui hic à nobis dissentiant. Nec quicquam huic meo argumento decedit per stolidam Reinessii cornica-



cornicationem pag. 24. contendens vocem τῆς μυστηρίου, origine quasi Ebraicam esse. Hoc docuerat jam antea Calaubonus lib. 1. de Sat. cap. 2. contendens, à voce *Myster*, seu *Mistur*, quæ Ebraicis est locus, seu res abscondita, descendere Mysterium. Sed quomodo hinc argumentum nostrum potest infirmari? Quum vox remote Ebræa, secundum profanationes Idololatrias inter Græcos admisit aliquid, quod ipso Casaubono teste Spiritus Sanctus καὶ ἀποδοσιν voluerit arcanis Euangelicis applicare. Licet vox originalis, in Ebræa lingua quasi inventa, Ebraicis fuerit nota, vox derivativa tamen μυστηρίου prius nota fuit Ecclesiæ Paganicæ, quæ Synagoga Sathanæ, quam verè Christi Ecclesiæ; licet secundum Apostolorum singularem prudentiam, usibus verè Ecclesiæ mancipata fuerit.

Porro, nolim quidem contendere cum Baronio, aliisque viris III. doctis, Imp. ipsos Christianos, speciatim post Gratianum, exemplo Imp. Gentilium sibi arrogasse titulum Pontificis Maximi: (contrarium siquidem solide videtur probasse ὁ πᾶν D. Iacob. Gothofredus in accurata Dissertatione de non colenda communione cum Gentilibus) interim hoc inficias ire non licet, ipsos Christianos Doctores, citra censuram omnem iis tribuisse titulum Pontificis Maximi. Ne dicam Ausonium, virum Politicum, in Gratianum actione cap. 11. Gratianum vocare *Pontificem religionis*, eumque capite proximo sic alloqui: *Tributa ista quod in urbe Sirmio geruntur, an ut quod in procinctu, centuriata dicuntur: an ut quondam, Pontificalia vocabuntur, sine arbitrio multitudinis, sacerdotum tractata collegio? Sic potius, sic vocentur, quæ tu Pontifex maximus, Deo participatus, habuisti.* In ipsa Synodo Chalcedonensi, Martino Imp. acclamatum fuit, à Patribus, qui erant Theologi, *Pontifici Imperatori*, ut patet ex act. 5. sub finem. Testis quoque est Gregorius Magnus lib. 2. epist. 2. ad Leonem 111, Constantinum, Theodosium, Valentinianum, fuisse & *Pontifices & Imperatores*. Quem titulum, licet Principes Romani, iidemque Christiani, videantur indepti fuisse, quod velut nutritii, Ecclesiæ curam gererent: si valeat tamen ratio quorundam recentiorum, eundem sine conscientie scrupulo admittere non potuerunt, quod ne antiquam ad munus eorum pertinere, sacra per se, veluti Pontifices, administrare; distinctum quippe manere debet munus Pontificis (hoc est, Sacrorum Antistitis) & Imperatoris. Unde Fulgentius in lib. Prædestinationis & gloriæ: *Quantum pertinet*  
H  
ad huius



ad hujus temporis viram, in Ecclesia nemo Pontifice potior, & in seculo, Christiano Imperatore nemo celsior invenitur. Extremam vero in Ecclesiastica non minus, quam in Romana Antiquitate imperitiam prodit Reynessius, quando existimat Impp. Christianos à primitiva Ecclesia salutatōs fuisse Pontifices Maximos, ut alias dici solent Augusti: siquidem Pontificis Maximi nomen, tanquam definiti officii titulum tulerunt, in ordine ad Ecclesiam, cujus honoratissima membra censebantur. Nec uni alicui, velut Gnathoni, aut adulatori Palatino (ut noster Reynessius vult) imputari potest, quod à tota Synodo est factum.

IV. Sic & alibi notavi, quod Moses ab Apostolo Heb. 3. v. 3. vocetur Θεράπων; cum tamen, ut ibidem ostendi, nomen illud ferre solerent proprie, qui inter Gentiles occupati erant ἐν ταῖς Θεραπείαις, sive in sacris, quæ proprie fiebant Semideis. Quo nomine omnino abstinere debuisset Paulus, si audiamus hosce homines, quibus nihil placet, nisi quod ipsi, si non primitus excogitarint, saltem legerint, tanquam palato suo conveniens, apud hunc illumve suæ farinæ improvidum Scriptorem.

V. Audio quidem primo prætexi periculum, quasi occasione titulorum, idololatriam redolentium, facilius ipsa idololatria revocari queat: sed quare non liceat verbi Divini ministris securis esse à nominibus, si ipsi omnes idololatriæ radices non minus doctrina, quam exemplo extirpatum eant, præ ceteris vero avaritiam, quæ expresse ab Apostolo vocatur εἰδωλολατρεία, Col. 3. 5. Turbat conscientias, quisquis in hoc casu præ Spiritu Sancto vult esse rigidus. Si enim inani huic metui locus dandus esset; omnino Paulus toties in Epistola, ad Hebræos, Christum non debuisset vocasse ἀρχιερέα, hoc siquidem verbum nexu mancipioq; Gentilibus proprium, munus Paganicum significat, quod ut Græcis est ἀρχιερωσύνη, ita in Glossario vertitur: Pontificatus. debebat & ipse autem ἀρχιερεύς, sive, Pontifex apud Gentiles ἀρχὴν ἱερῶν ἀπάντων, ἢ ἀπὸνέμειν τὸ πᾶσι ἐκάστω, prout liquet ex Epist. 49. & 63. Juliani τῶ πατριάρχῃ. Imo non debuisset Sp. Sanctus uti voce τῶ ἀγγέλου. Nam & hic anguis in herba latitat: siquidem Gentiles ἀγγέλους vocare solent, qui renuntiabant & testabantur sibi visos esse Deos. Qui alias κήρυκες dicebantur. Hesych. in Lex. κήρυκες, οἱ ἄγγελοι, εἰ Δεῖκνοι, οἱ τὰς ὑπερήλικας ἐπιελάντες περὶ ξένους. Idem κήρυξ, ἄγγελος, Δεῖκνον. Et in voce κηρύκιον: ὅς ἐστι τῆς Ἐφέου, ἐφ' ᾧ μυθολογοῦσι τὸν Ἐρμῆα κηρύττειν τὰς γυναικας Ἀρετέμιδι.

VI. Dein



Dein clamatur nefas esse, si non scelus morte piandum, si nomen non VI.  
habita ratione suæ primæ significationis, atque usus primogenii trans-  
feratur ad significandam ejusmodi rem, quæ recesserit à prima illa si-  
gnificatione. At miror, quod hi rigidi Censores adhuc uti audent voce  
*Baptismi*. Nam præterquam, quod & Phariseis fuerint sui βαπτισμοί,  
Marc. 7. 8. imo Gentilibus, juxta illud Tertulliani de Baptif. cap. 5.  
*Diabolus, res Dei amulans, Baptismum in suis exercet.* amplius ipsa vox  
proprie considerata, non notat ἐκκλυσμὸν, seu asperisionem, sed, *immersio-*  
*nem*, hodie neque apud Orthodoxos, neque apud Pontificios receptam:  
unde & βαπτίζειν in Glossario, quod Cyrillo tribuitur, edito à Bon.  
Vulcanio, redditur *mergere*.

Voces, quæ secundum vulgatum dictum, cum nummis conferri so- VII.  
lent, ratione usus æstimari debent. Sæpe accidit, ut vox ratione suæ  
propriæ significationis, rem sive turpem, sive illicitam significet, cui  
tamen usus deinceps significationem longe commodiorem conciliarit.  
Ex infinitis exemplis, quæ occurrunt, & circa quæ non minus erudi-  
tionis opinionem mihi conciliare possem, quam variis authorum locis  
hactenus aut intactis, aut ab aliis infelicitè tentatis, mederi; instar  
omnium habeatur vox θύσσω, quæ teste Athæneo lib. 8. Dipnol. cap.  
16. proprie notat *turbam Bacchicos choros agitantem*; Synecdochice &  
ut videtur, secundum receptum quoque usum, apud Xenophontem,  
atque Philonem Judæum accipitur pro quocunque conventu, ut & a-  
pud ipsum Athenæum lib. 5. cap. 6. pro *convivio*: quam significatio-  
nem adoptasse quoque videntur Lxx. Interpretes Amos. 6. vers. 7. licet  
Francofurtensis Editio, quæ tamen reliquis vulgò melior haberi solet,  
corrupte legat θύσσω.

Ut vero Theologi, non minus Orthodoxi, quam Pontificii, ratione VIII.  
Baptismi, ne sibi vox recepta pereat, confugere solent, ad secundam si-  
gnificationem, qua *ablutionem* quoque notat: ita æquum omnino est,  
ratione similium vocabulorum, eandem ἐπιείκεια concedere, nec scir-  
pos in nodo quærere, nullum alium in finem, quam ut conscientiæ ho-  
nestorum virorum turbentur, atque fenestra ad turbas aperiatur. Cui  
ἐπιείκεια, si qua in re unquam locus concessus fuit, omnino sua ratio  
constare debet circa Capitula, & Canonicos Ultrajectinos, quos, cum  
quidam desperarent convinci per se posse possessionis malæ fidei, arro-  
dere cæperunt titulos Capitulares, quasi redolentes fermentum Papa-  
num: quum tamen nomina Canonicorum, Decanorum & Scholasti-  
corum,



corum, quæ ibi adhuc in usu sunt, ipsis Romanis nota, per abulum in Papatu frequentari consueverint, atque in Capitulis Reformatis hodie gaudeant significatione longe propiori primigeniæ suæ notationi, sub tenebris Papatus parum quin oblitteratæ. Certe Canonici Ultrajectini, alique inter reformatos, iis similes, quod ex agris annuos suos proventus accipiant, convenientissime à *canone* nomen ferunt. Canon siquidem, ipsa florente Romana republ. notavit pensionem, quæ ex Emphyteuticariis prædiis redigitur. Asconius in 4. Act. in Verrem: *Omne genus præstationis in hoc capite positum est, canonis, oblationis, indictionis.* Inde in Cod. Theod. leg. 35. de canone frumentar. commemoratur *canon sacratissima urbis*, qui & *canon urbicarius* vocatur leg. 3. eodem titulo. Similiter in leg. 2. Cod. Theod. de militari veste, mentio fit in similem sensum *canonis vestium*, quando Imp. sic loquuntur: *Omne canonem vestium ex Kal. Septemb. ad Kal. April. nostris largitionibus tradi præcipimus.* Qui hosce canones exigebant, *canonicarii* dicebantur, ut liquet ex leg. 1. Cod. de advocat. divers. judic. quemadmodum hodie *canonici* sunt, qui canones tales autoritate publica (ac proinde honesto titulo) percipiunt. Sarcaſmi Reynessii neutiquam curandi, atque oppido vereor ne in Sardonium risum definant. Quid hoc enim? *An omnes dicendi Canonici, qui ex agris vivunt? Pastores ergo qui decimas, Domini qui pensiones annuas habent, Canonici agnosci debent, & Canonicorum collegio interesse?* Quænam hujus nominis origo sit, ostendi Lib. de Bonis Eccles. sect. 2. cap. 1. & 2. quæ non exscribo. Nomen hoc in se generale, factum est speciale olim, & tale adhuc hodie agnosci debet, quod, cum olim Canonici, tanquam clerici sportulantes ferrent tum ratione regulæ vivendi, tum canonis annuarii, quem autoritate Episcopi accipiebant; ita, posterioris significationis ratione habita, hodie nomen hoc ferunt, quod eum canonem publica autoritate accipiant, quem Capitulum assignarit. Nec curanda quæ p. 27. habet Reynessius, quasi hinc sequatur, *Canonicos Reformatos esse habendos personas Ecclesiasticas.* Distingue tempora, & intelligentur Scripturæ. Olim nomen hoc ferebant cum respectu ad officium Ecclesiasticum; nunc solummodo cum respectu ad Canonem annuarium, cujus ratione, ulteriori distinctioni in ordine Canonicorum nomina Decani, Scholastici, Præpositi, &c. serviunt. Quæritur an convenienter? Ego affirmo simulque meam sententiam probo è Scriptura, atque per praxin Ecclesiæ antiquæ. Nec Reynessius



sius cum suo Voetio, argumenta, arrosa licet dente Sycophantico, haftenus infringere potest. Nam grande est mendacium, quod, ut dicit Reyneffius, pag. 26. *Præbyter, Decanus, Præbyter animæ, fungatur officio ad modum in Papatu observari solitum.* Siquidem nomina illa nullum alium in finem retinentur, quam pro distinctione Canonis Annonarii: ut jam ante in Capitulis Ultrajectinis ostendi Sycophantæ.

Scio amplius adversantes clamare, præstare Capitula, cum Canoni-IX. cis obliterari: At dum ea reformatæ sunt, expurgato omni fermento Papano, ad modulum Politicum, mihi videntur supremæ Potestates, quibus solis jus hoc competit, imitatæ fuisse prudentiam Apostoli Pauli, & venerandæ antiquitatis. Quod ne videar sine teste dicere, rogo, audiat incomparabilis Casaubonus, loco hac Exercit. Num. 2. *laudato sic loquens*: Quod videmus fecisse Athenis Paulum, ductorem Christiani exercitus, sicut appellatur Hieronymo, ut inscriptionem fortuitam arte torqueret in argumentum fidei, &, ex ara, Ignoto Deo inscripta, occasionem sumeret verum Deum Atheniensibus annunciandi; id pios doctores in convertendis Gentibus magno cum fructu sæpe fecisse res arguit, & quæ hic sumus observaturi manifestissime ostendent. Constat nihil magis olim paganos avertisse à fide in Christum, quam opinionem novitatis. Fit enim naturæ quodam instinctu & indicio: (recto sane, si illo recte utamur;) ut in religionis negotio nova omnia sint suspecta & fere exosa: traditas à majoribus opiniones mordicus retineamus: ita ut hac potissimum in parte verum sit, quod antea dicebamus, *res est difficillima, contrarium aliquid docere ejus, quod prius fuit creditum.* Paulus igitur, quo facilius doctrina sua admitteretur, amota suspitione novitatis, ingenioso quodam, ut sic dicam, stratagemate, aræ illius occasionem arripit, & Atheniensibus eum Deum se dicit prædicare, quem ipsi jam dudum colebant. Insignia Apostoli verba sunt: *quem ergo ignorantes pie colitis, hunc ego vobis annuntio.* Nimirum ut vere scribit B. Augustinus de unico baptismo contra Petil. cap. 5. *noluit Apostolus destruire verum, quod invenit in lapide Paganorum.* Vide eundem plura in eandem sententiam differentem libro sexto extremo, de baptismo contra Donatistas. Hanc Pauli sanctam prudentiam Antistites primos religionis Christianæ sæpe esse imitatos, facile est intelligere qui antiquissimos pietatis nostræ ritus cum iis comparabunt, qui prius fuerunt apud Paganos.



Multa nomina antiquæ superstitionis, multi ritus & cæremoniæ retentæ: sed pia adhibita interpretatione omnia in melius versa, planeque ut alicubi ait Beda, *pertinaci paganismi mutatione subventum est, quum rei in totum sublatio potius irritasset.* Hactenus Casaubonus. Pari per omnia ratione supremæ Ultrajectinæ Provinciæ potestates, cum viderent Canonicorum, (qui à pluribus seculis primum locum in Comitibus obtinuerant) potentiam adultam esse, indigerentq; eorundem opera (eam, summa quoque fide, variis experimentis probarunt) in excutiendo regis Hispaniarum iugo; sic cum iis transegerunt, ut integrum quidem manserit Capitulare regimen, ipsis vero Capitulis exterminatæ fuerint omnes reliquæ, minime quoque & in speciem tolerabiles, fermenti Pontificii; usque adeo, ut à pluribus annis nemo potuerit in ordinem Canonicorum recipi, nisi qui profiteretur Reformatam religionem: prout alibi prolixè, adductis ipsis Diplomatis & transactionibus, ostendi.

- X. Lubens darem, haut absque conscientia scrupulo, aliquem nomen posse dare Capitulis, hac ratione Reformatis; si in illis quædam fierent, quæ sapiunt Idololatriam, & Papanam superstitionem: at, tale quid ne ipse Argus quidem animadverterit, nisi ignorantis vulgi iudicium, & erratum Secretarii, inherentis per incogitantiam formulæ alicujus Instrumenti sub Papatu etiamnum conditi (hoc loco Apodictici argumenti adducitur in Consilio Theologico) debeat instar testis classici haberi. Approbamus toto animo, quod Impp. Valentinianus, Theodosius, & Arcadius occasione superstitionis gentilitiæ dicunt, in leg. 12. Cod. Theod. de Decurionib. *Indecorum est, imo, ut verius dicamus illicitum, ad eorum curam templa & templorum solemnia pertinere, quorum conscientiam veneratio (ita legendum) divina religionis imbuerit, & quos ipsos decebat, tale munus, etiamsi non prohiberentur, effugere:* sed, ut hæc lex lata fuit A.D. 386. ita teste Zosimo lib. 4. & Idacio in Chron. sacrificia Gentilium, demum per Theodosium M. prohibita fuerunt An. Do. 388. admissa fumigatione & thurificatione in templis orationis tempore usque ad A.D. 391. ut patet ex leg. 11. & 12. Cod. Theod. de Sacrif. Pagan. Eoque hæc lex, ut plane dissimilis, ad rem non facit, siquidem in templis quorum curam gerunt Canonici Ultrajectini, eorundemque Conventibus publicis, nihil sit, quod ab homine fani iudicii dici queat sive Paganismum, sive Papismum redolere. Spirans illa, dum viveret, Bibliotheca, ὁ μακαρίτης D. David Blondellus, lecto libro meo de bonis quasi



quasi Ecclesiasticis, prolixè assensum suum testatus est, solummodo addendo, *se dubitare, an non Canonici Ultrajectini possint forte componi cum Dendrophori*, quorum mentio fit l. 20. Cod. Theod. de Pagan. & de quibus, ut & de *centenariis*, agit speciatim titulus octavus. lib. 14. Cod. Theod. quorumque nomina d. l. 20. Honorius & Theodosius AA. abolverunt ut *errore submoto compendia domus sublevarent*. (Vel hinc patet, hoc quoque tempore, bona Paganici cultus servivisse sublevando Principum Christianorum Fisco, ut præc. Exerc. evictum) At cum hic *Dendrophori* una cum *Fredianis*, in d. l. 23. expresse & indistincte vocentur *nomina & professiones Gentilitiæ*, dicanturque *loca ad superstitionem pertinentia tenuisse epholis vel sumptibus deputata, errore Gentilitio*: patet manifeste, quod Canonici Ultrajectinis nihil commercii cum iis intercedat. Videntur vero *Dendrophori* nomen tulisse, quod cum ascripti essent, Dei, Deæve collegio, arboris alicujus folium, vice characteris impressum haberent. quomodo constat liberi Patris sodalibus hederæ folium impressum fuisse. Auctor Etymologici Magni: Γάλλοι δὲ Φιλοπαύτων πολέμοι. Ὅτι τὰ φύλλα κισσῶ καλεσίνθηαι, ὡς οἱ Γάλλοι. Horum crebra fit mentio in Inscriptionibus Gruterianis, paginis XIV. CLXXV. CCLXI. CCCL. CCCXXXVIII. CCCXCIV. notatique fuerunt Carthagine, Romæ, Comæ, Veronæ, & alibi.

Reynessius, ne præcedentia valeant, porro insurgit, & pag. 27. sic XI. loquitur: *Nemo sub titulis Ecclesiastici officii, Paulo auctore, beneficia istius officio, quatenus Ecclesiasticum est, annexa, arripuit, qui officium nollet: quod nostri faciunt Canonici. Quin imo Paulus dici Mercurius non voluit, cum Mercurius non esset, neque ea sibi offerri, qua Mercurio solebant, homines sumus, inquit Act. 14. 12. 14. Hi ergo, cur, quod non sunt, dici desiderant?* Resp. I. Sed an non Paulus, ut supra vidimus, nomina officiorum Gentilium, ipsius quoque Christi ratione, analogice considerat & accipit? Pariter analogice ratione solius Canonis Annonarii antiqua nomina in Capitulis Reformatorum Canonicorum hodie adhuc frequentantur: cum in Papatu usurpari amplius solerent ratione officii. II. Peccarent Canonici Reformati, si facerent idem quod Canonici in Papatu: at hoc nunquam probabitur? III. Locus ex Actibus Apostolorum admodum ἀπεγοδιονύσως adducitur. Nam non legitur indignatus esse Paulus, quod ipse Mercurio, & Barnabas Jovi assimilaretur; sed quod Sacerdos Jovis, vittas tauris jam imponeret, iisdem more Gentilitio sacrificaturus. Totus contextus hoc docet. Et proinde Apostoli indignantes



gnantes sibi destinari victimas, vers. 15. dicunt: *Viri cur ista facitis?* Respicientes scil. victimas. Quum ad nomina illa tacuissent, quæ æque servire potuissent occasionaliter convertendis Gentilibus, atque ara Athenis *Θεῶ ἀγνώστοι* inscripta, Paulo occasionem exhibuit Atheniensibus annunciandi Deum verum, Act. 17. 23. & seqq. Certe ipse Paulus in illa sua concione oblique licet, concedit Deum verum vocari posse *Δία*, seu Jovem. Quod ne videar primus excogitasse, eoque nomine apud vulgus traducar, authorem meum laudabo, eumque virum Orthodoxum & scriptis celeberrimum, Is est Seldenus, qui Syntagmate de Diis Syris II. cap. 1. pag. 203. sic loquitur: Certe Jovis sive *Διὸς* vocabulo ipsum Deum Opt. Max. designari pie posse, videtur; & D. Pauli etiam exemplo. Is Act. xvii. com. 28. *ὡς ἔγωγε*, inquit Atheniensibus, *πνεῦς τῶν κατ' ὑμᾶς ποιητῶν εἰρήκασι*, τὸ δὲ *ἔγωγε* *ἑσμέν*: id est, *uti & quidam apud vos poeta dixerunt*, *EJUS ENIM ET GENUS SUMUS*. Deum verum innuit. cæterum idem est ac si dixisset, *Διὸς γένος ἑσμέν*, id est, *Jovis genus sumus*. Poëta enim de quo ill e, Aratus est: qui Phænomena sua, pro more poetarum, à Jove ita est auspicatus, *ἐκ Διὸς ἀρχόμεθα*, id est, *Ab love principium*, paucis que interjectis, τὸ δὲ, inquit, *ἔγωγε* *ἑσμέν*, id est, *ejus enim & genus sumus*. Quod Aratus igitur scripsit, & Apostolus citavit, est *Jovis genus* (id est τὸ *Jehovæ*) *sumus*. Nil apertius dici potuit. *Hactenus doctissimus Seldenus*, cujus verbis, quod abunde causam nostram & Canonicorum egerit, ipse dum viveret Canonicus in Anglia, nihil addimus

## EXERCITATIO V.

**Citra collusionem cum Papatu, Re-**  
formatus aliquis designare potest templum  
secundum nomen, quod in Dedi-  
catione accepit.

1. **L**icet Pontificii, per intolerandum errorem templa Sanctis dedicarint; præstat tamen dicere V. G. Templum. S. Petri, quam Petri: Licet utrumque sit vitiosum.
2. Communis loquendi usus rationem quoque haberi vult Tertullianus, licet rigidus in aliis sit.

3. Nec



3. *Nec dissentit D. Voetius.*
  4. *Qui aliter loquuntur, fenestram aperiunt ad sinistras suspiciones.*
  5. *Præstat talia nomina retineri, ut pateat quam errarint olim majores nostri;*
  6. *Et quantam gratiam nobis Deus præstiterit, quod meliora nos docuerit.*
- Vbi & agitur de Cophinis Iudeorum.*

**I**nficias ire non licet, Pontificios (qui hac in parte Gentiles I. imitantur) non modo idololatriam crassam committere, quando templa Sanctis demortuis dedicant, verum etiam inter dedicandum tales ritus adhibere, qui magiam sapiunt; item optandum esse, nomina illa aboleri possent. Sed cum consuetudo, quotidianæ loquendi rationi imperans, non tam imperium, quam tyrannidem exerceat, eique libenter hac in parte omnes cedant, quibus sapere datum est: non video cur quidam ex Theologis doceant suos auditores, quando templum aut fanum aliquod designandum est, potius V. C. illud vocare templum Petri, Jacobi, Nicolai, Cathari- III næ, &c. Nam præterquam quod nomina illa, sic castigata, nihilominus arguant superstitionem dedicantium; sic non video, cur potius non sit dicendum templum Sancti Petri, quam simpliciter templum Petri: nam, ut utraque loquendi ratio, arguit, per superstitionem, hominibus quondam sub Papatus tenebris, templa dedicata fuisse; ita posterior, non minus injuria est in Pontificios, quam superstitionem eorundem nova superstitione deturpat. Quis enim non statuatur, longe turpius, & superstitiosius esse, fana dedicare hominibus nihili, scil. Titio, Mevio, Sejo, &c. quam iis, qui, dum in terra adhuc degerent, agnoscebantur templa Spiritus Sancti? cumque illud, ne per somnium quidem, Pontificiis, ut ut profundæ idololatriæ immergis, in mentem venerit, quis pariter non videt, Pontificiis per hanc ridiculam reformationem, insignem injuriam fieri? Quid, quod illi qui audiunt novas hæc loquendi formulas, cogitare possunt illum sive Petrum, sive Jo- annem, sive Jacobum, à quo hoc illudve templum denominatur, fuisse forte cruciarium, flagrionem, vappam, aliumve Caci fraterculum, à quo templum illud æque nomen suum traxerit, atque notissimum antrum à Caco.

Rigidus minutiarum harum, similiumque censor extitit Tertullia- II. nus, Hæretici Montani in his atque aliis lector, prout alibi probamus; interim eo rigoris, ratione fanorum Paganicorum, ut nomine suo I. desi-



designandorum, non processit, atque hi, cum quibus nobis est negotium: siquidem, attendendo, quanta consuetudinis vis sit, & quæ non eidem, tyrannice imperanti, deferri debeant, *libell. de Idololat. cap. 20. sic loquitur*: Deos nationum nominari lex prohibet, non utique ne nomina eorum pronunciemus, quæ nobis, ut dicamus, conversatio extorquet. Nam id plerumque dicendum est, in templo Æsculapii illum habes, & in vico Iſidis habito, & sacerdos Jovis factus est, & multa alia in hunc modum, quando & hominibus hoc genus nomina inducuntur. Neque enim Saturnum honoro, si ita vocavero eum suo nomine, tam non honoro quam Marcum, si vocavero Marcum. *Huc usque Tertullianus*. Sic in Codice Theodosiano plurima occurrunt loca, ubi templa Gentilium ab ipsis Imp. Christianis, propriis suis nominibus designantur. Speciatim aliquoties ibi commemorantur Pantheon, & templum Minervæ, ubi & proponi solent Principum Christianorum constitutiones, ob frequentem populi eò concursum.

- III. Nec alia mens est ipsius D. Voetii, (cujus autoritas falso, atque per ignorantiam prætexitur à plurimis è vulgo) siquidem in ipsius Disput. 2. de Templ. Th. 8. Probl. 10. *sequentia occurrunt*: An à sanctis templa sint denominanda? Respond. In prima impositione Negat. quomodo determinant nostri de nominibus personarum. Ubi usu nomina illa obtinuerint, agendum, ut mutentur per eos qui debent & possunt, Pl. 16. 4. Hof. 2. v. 16. 17. Zach. 13. v. 2. si non est in potestate Ecclesiæ & Magistratus, aut usus & consuetudinis tyrannis vicerit (quod plerumque fit, ubi idololatæ rerum potiuntur) nostri, ut intelligantur, utuntur appellationibus usu receptis, exemplo Sanctorum, qui à nominibus idola referentibus, eo in casu non abstinuerunt. *Huc usque D. Voetius*: pro quo licet forte aliquis, sed in ipsius præjudicium, posset hanc rimam invenire, quod ejusdem assertio duntaxat valeat iis in locis, ubi idololatæ rerum potiuntur; neutiquam vero inter Orthodoxos, minime inter eos, habentes magistratum ejusdem professionis: hoc duntaxat vice responsi regeram; me non tam attendere ad assertionem D. Voetii, (multoties sibi soliti contradicere) quam ad ejusdem rationem, quæ hæc est; quod consuetudo, veluti tyrannus, non tam impetret, quam dominetur (si non violentiam quoque exerceat) iis ipsis in locis quoque, ubi Magistratus, Ecclesiæ alias Orthodoxæ nutritus & defensor, omnia posse videtur. Valeret hæc exceptio, nisi notum foret illud Ciceronis: *Non utendum verbis iis, quibus consuetudo nostra non utitur*:



utitur: cui consuetudini, legum & virgæ licitoris nesciē, quisquis obni-  
tatur, tantundem facit, atque qui contra torrentem nititur. Inter con-  
suetudinem vivendi, & loquendi, multum interest: utque à peccato  
excusari non potest, qui actioni, adversanti Dei legi, utpote à vulgo per-  
petrari solitæ, vacat; ita non æque peccati insimulari potest, qui cum  
vulgo, ut intelligatur, loquitur; licet forte limatius eruditiusque, imo  
minus ambigue quoque, loqui possit.

Qui non est hospes in antiquitatibus Ecclesiasticis, audiendo V. C. IV.  
loco S. Petri, aut S. Jacobi, substitui simpliciter aut Petrum, aut Jaco-  
bum, posset cogitare, eos, quondam inquilinos, sive conductores, fuisse  
eorundem sanorum, simileque illis, qui sub tempora primorum Impp.  
Christianorum, templa per eosdem locari solita, usq; ad publicas Gen-  
tilium calumnias conducere solent. Certe, Libanius templa homini-  
bus privatis à Constantio Imp. instar rerum vilissimarum, si non reji-  
cularum, ex indulgentia imperatoria cessisse, testatur *Orat. de Templ.* qui  
& *Orat. in Iuliani necem*, haut citra Christianorum opprobrium, testatur,  
eadem templa à Constantio concessa fuisse meretricibus: quod & ea-  
dem Oratione videtur innuere de redditibus, donariisque templorum,  
quando, habita ratione temporum Constantii, scribit τὸν τῶν ἱερῶν πλῆ-  
τον εἰς τὰς ἀσκλητάδας μεμελισμένον. Atque, nequis existimet, hominem  
Gentilem, præ odio Christiani nominis, minus veritatis meminisse, ipsi  
Impp. Valentinianus & Valens sic loquuntur l. 8. Cod. Theod. de Jure  
Filii: *Universa loca vel pradia, quæ nunc in jure templorum sunt, quæque à  
diversis principibus vendita vel donata sunt, retracta, ei patrimonio, quod  
privatum nostrum est, placuit adgregari.* quæ lex, præter illud quod inten-  
dimus, amplius ostendit (quod jam antea quoque duabus præcedenti-  
bus assertionibus sufficienter probavimus) Impp. Christianos, templa  
non minus Paganica, quam reliqua eorundem donaria, consuevisse suo  
fisco, seu privato patrimonio, vindicare atque addicere.

Etenim, quum templorum Papanorum dedicatio Idololatrica, plane V.  
(ut initio quoque concessimus) abominanda atque execranda sit, omni-  
busque Reformatis, hoc ad detestationem usque perpetim exploratum  
esse debet. Nomina siquidem usitata, ut arguunt Papanorum vesanam  
superstitionem, sic quoties audiuntur, non possunt non quoque eos, qui  
Babylone exiverunt, concitare non minus ad detestationem talis idolo-  
latricæ, quam commonefacere verborum Apostoli, *Eramus quondam &  
nos amantes, Tit. 3. 3. atque iterum, & hæc eratis quidam, 1. Cor. 6. 11.*



unde & expresse idem Apostolus Galatis in memoriam revocat statum idololatricum ( sub eo licet pauci nostrum in Belgio Reformato vixerint, vixerunt saltem sub profundis illius tenebris nostri majores ) quando dicit, *Ignorantes Deum, serviebatis iis, qui natura non sunt Dii*, Gal. 4. 8. Ob quam causam quosdam etiam ex ipsis antiquis Patribus, cum diruerentur templa Paganica, censuisse in unaquaque Provincia minimum unum templum esse relinquendum, veluti monumentum prioris cæcitatæ, alibi ex Socrate, Ecclesiastico Historico notamus. Quod tamen neutiquam probamus, licet personatus Reyneffius odiole & Sycophantice hoc nobis exprobratum eat pag. 31. Historice idem solum retuli, quod idem scopo meo servire adhuc credam. Pariter hætenus meo Lectori liquere confido, ( quanquam Reyneffius aliud persuasum cupiat ) me ideo solum vulgarem formulam probare, quod citra Papanorum injuriam, serviat magis detegendo eorundem errori. Nam licet illud *Sancti* omittatur, templum tamen de homine denominatur: nec nostra hætenus refert, an quidam *σινδων* vol occurrant inter illos, quos Pontificii Sanctorum choro amant ascribere.

VI. Hæc omnia si attenta mente considerentur, patebit, per hæc ipsa nomina, arguentia Papanorum superstitionem, non posse non, pias quasque mentes excitari ad seriam gratiarum actionem, atque hæc in solidum accepta referre *uni benignitati & amoris Dei*, Tit. 3. 3. simulque operam dare, ut per se in omnibus, possit glorificari *Deus per Iesum Christum, cui debetur gloria & robur in secula seculorum*, 1. Petr. 4. 11. Atque sub hac consideratione, hæc nomina nobis eundem exhibebunt usum, quem olim cophim Judæis solent, quos Apellæ secum gestabant, quocunque ferme ibant, in memoriam servitutis Ægyptiacæ, qua durante, cophinis lutum, fænum, lapides, atque similia bajulare solent. quod non videtur solum colligi posse ex Historia Evangelica, nominatim Math. 14. 21. ib. 16. 7. Marci, 8. 14. Joan. 6. 13. Verum etiam ex profanis patet authoribus, ex quibus sic Juven. Sat. 3.

*Nunc sacri fontis nemus, & delubra locantur  
Judæis, quorum cophinus, fænumque supellex.  
& iterum Sat. 6.*

*— cophino, fænoque relicto,  
Arcanam Iudæa tremens mendicat in aurem.*

*Inde cyssifer, Martiali idem est qui Judæus, lib. 5. ep. 17.*

*Dum*



*Dum te posse negas nisi lato, Gellia, clavo  
Nubere; nupisti, Gellia, cistifero.*

## EXERCITATIO VI.

**Num minister Verbi, in eo summam suam gloriationem hoc tempore collocare debeat, quod sit annunciator Legis?**

1. **O**ccasio huius questionis.
2. Quos usus Lex moralis, seu Decalogus, sub Euangelio habeat.
3. Nec tamen ministri Verbi se gerere debent, tam pro ministris Legis, quam Euangelii.
4. Quod ulterius confirmatur.
5. Prædicatio Euangelii efficax est ad insillandam proximæ sanctificationis.
6. Quamvis in ecclesia multi occurrant hypocritæ, potiore tamen rationem fidelium Minister habere debet: & quomodo hos oporteat increpare.
7. Praxis consolationis præcipua pars Ministerii.
8. Nec aliud suadet ferreum hoc seculum.
9. Respondentur ad locum Ezech. 3. 11.
10. Quem in finem quidam ex verbi Divini Ministris se instituant gerere pro Legis præconibus: redditur prior ratio.
11. Hac editione secunda, proponitur altera ratio: quæ postea Authori innotuit. Consideratur Locus 2. Cor. 2. vers. 6. & seqq.

**Q**Uom Lex, quæ paedagogus ad Christum est, Gal. 3. 24. I.  
ab Euangelio, tanquam superiori, per Christum, potissimum ut exhibitum, domino, sit exarmata ratione omnis maledictionis & observationis caeremoniarum, juxta dictum Apostoli, eodem loco comm. xxv. *At postquam venit fides, non amplius sub paedagogo sumus; quæ situm ex me nuper fuit à popularibus, (cum essem Ultrajecti ut seni patri officium *πῦς ἀντίστα- λαργίως* exhiberem) an recte faciant quidam ex V. D. ministris; quod, per modum quasi occupationis, dicant identidem, sese eo nomine sibi gratulari, quod habeantur legis præcones? Speciatim, an quis ex eodem ordine occasione mandati, à Deo dati Prophetæ Ezechiel cap. 3. 11.*



protestari potuerit, sese reliquum vitæ, cum Ezechiele Propheta, pro Christi quasi gloria, impensurum esse arguendis hominum peccatis, quod in hoc potissimum consistat officium fidelis Christi ministri.

- II. Desiderium amicorum non minus honestorum, quam salutis æternæ seriò studioforum, ut excitavit me ad quæstionis hujus penitiorem considerationem, ita initio protestor, me alienissimum esse ab opinione eorum, qui, quod sub Evangelio existimarent esse otiosam Legis doctrinam, non sine ratione, velut hæretici *Antinomi* notati fuerunt. Lubens do, ad hoc, ut Evangelium (ad quod proprie concio pœnitentiæ pertinet) finem suum assequatur, indigere omnino adminiculo Legis: Lege enim oportet nos humiliari, ut Evangelio exaltemur. Similiter concedo, ultimo hoc tempore, si unquam alias, à quo colligi cæpit Ecclesia, propter hypocritarum frequentiam, & mundi, plus quam ferrei corruptionem extremam, eos, qui Ministerio V.D. funguntur, quo illi plene & rite satisfaciant, & quam plurimos Sathanæ laqueis eripiant, totis viribus comminationes legales intonare debere, atque horrendum illum Domini (ultimo judicii die comparituri) terrorem (quem tangit Apostolus 2. Cor. 5. 10. 11.) convenienter obicere, quo, si fieri possit, illi, qui in facibus peccatorum suorum congelati sunt, ad aliquem peccati sensum, quem penitus alias exuisse videntur, adducantur.

- III. Interim nulla ratione, is, qui minister agnoscitur Jesu Christi, in Ecclesia N. T. se gerere potest pro *ministro Legis*, multo minus de hoc ipso titulo gloriari. Certe, perpetuo verum manere debet illud S. Pauli Apostoli (neq; enim putarim, hujus seculi ministros, minime *νεοφύτους*, eo sapientiores agnoscendos esse) qui pro se, & *συνέγγυοις* loquens, fatetur 2. Cor. 3. 6. *se non factum esse ministrum veteris pæcti, sed novi, non literæ sed Spiritus; non condemnationis & mortis, sed vitæ atque justitiæ*. Non diffiteor, ut me docere voluit Reynessius, hic legem Evangelio opponi: sed eo ipso magis hic locus stringit, quatenus oppositive ad V. T. minister N. T. Paulus vocari voluit. Hinc etiam omnes illi expresse *ministri Evangelii* vocantur Eph. 3. 7. & Coloss. 1. 23. qui verbum salutis annunciant. Nam etiam si Ministri N. T. ut modo concessi, legem etiam moralem, sive Decalogum explicare debeant, & quidem ex officio, neutiquam tamen hoc alio intuitu facere debent, quam quatenus, aut legis doctrina, excitando in nobis peccati & miseriæ naturalis agnitionem & sensum, nos deducit ad Evangelium, illiusque objectum Christum, qui *finis est Legis, ad justitiam cuius credenti*, Rom. 10. 4. aut, quatenus ea continet, exactissi-

meque

meque  
respi  
dinis  
Reyn  
quod  
cum f  
sed E  
non v  
respi  
atque  
Profe  
defer  
Respi  
tation  
verit  
catio  
cati,  
succu  
tus in  
& M  
catior  
const  
gellii  
suoru  
rem r  
plect  
fit me  
alia n  
vox p  
propo  
facien  
ritus  
tit ho  
se alie  
ba Sy  
specia  
gelicu



meque explicat vitæ Christianæ officia, quæ tanquam fructus genuinos resipiscentiæ, & nostræ erga Deum Christumque Servatorem gratitudinis indicia atque testimonia, Evangelium præcipit. Nec est quod Reynessius pag. 34. me arguat, tanquam minus accurate loquentem, quod hic dicam Evangelium præcipere fructus resipiscentiæ. Amplius cum summis Theologis dico; Resipiscentiam non esse fructum legis, sed Evangelii. Scio, quosdam ex ipsis Theologis Reformatis (in partes non vere, sed secundum apparentiam quasi veniente Catechesi qu. 115.) resipiscentiam instrumentaliter partim Legi, partim Evangelio deferre, atque Dn. Walæum Theologum alias accuratum, non modo in Synopsi Professorum Theologorum Leidenſium Disp. 32. Th. 10. has partes deferre Legi & Evangelio, verum etiam in locis Communibus loco de Resipiscentia, media ad eam assequendam conducentia, statuere meditationem Divinæ Legis & Evangelii. Sed, cum *occafio* haberi consueverit causa sine qua non, quæ vere non est causa, & Lex, ejusq; Prædicatio, hic solummodo velut occasio agnosci debeat, pro agnitione peccati, quæ, ut in Juda videre est, terminari potest in desperationem, non succurrente Evangelio; mihi admodum aridet, quod habet Cartvvrchtus in Harmonia Evangelica pag. 616. occasione Textuum Luc. 9. 6. & Marc. 6. vers. 12. 13. *verba sic habent*: Quod Lucas appellat prædicationem Evangelii, Marcus prædicationem resipiscentiæ appellat; unde constat, resipiscentiam non esse effectum medicationis legis, sed Evangelii. Est enim resipiscentia ex dolore animi, ob Deum mandatorum suorum violatione offensum, vitæ malè actæ emendatio. Hunc dolorem nemo admittit, nisi qui Deum ex gratiæ persuasionem, amore complectitur. Fieri potest ut quis fide vacuus angatur ex violata lege; sed hoc fit metu pœnæ, &c. *Hæc ille*. Vere & convenienter plane Scripturæ. Nec alia mens Polani lib. 6. Syntagm. cap. 37. sic scribentis: *Evangelii autem vox propria est, non nota rationi ex lege, quæ jubet peccatores reverſi ad Deum proposita nobis spereditus in promissam gratiam per Christum, pro ipsis satisfaciendem legi; & docet modum resipiscendi, ac proinde est instrumentum Spiritus Sancti, quo* (NB) *proprie ad efficiendam conversionem utitur*. Conſentit honorandus & celeberrimus D. Collega Mareſius, quem frustra à me se alienaturum esse sperabant Reynessii amici. Hæc siquidem illius verba Systemat. loc. 13. Th. 26. *Frustra sunt Pontificii in assignando Legis speciali mandato, quo pœnitentia mandetur, cum officium hoc sit magis Evangelicum, quam Legale*. Evangelii ergo præ lege potiores hic sunt partes.

IV. Vero



IV. Ut vero semper à potiori parte fieri solet denominato, ita, ratione presentis quesiti, omnino prevalere debet titulus Ministerii Evangelici, titulo Ministri legis, atque ceteroquin agnosci illud Hieronymi lib. 1. contra Pelagianos: *Aliud est, inquit, damnare Legem, quod Manichæus facit, aliud Legi præferre Evangelium, quæ Apostolica doctrina est: In illa enim servus, in hoc præsens Dominus loquitur: Ibi promittitur, hic impletur: Ibi initia, hic perfectio est: In illa operum fundamenta jaciuntur, hic fidei & gratiæ culmen imponitur.*

V. Omnino certissimum est, non posse aliquem sibi vere applicare promissa Evangelica, nisi corde, ad legem & secundum legem prius contrito, serio animi proposito præsumperit, omnes non solum actiones, verum etiam verba & cogitationes suas, componere ad Decalogum, ceu perfectissimam normam pietatis, iustitiæ, & sobrietatis: interim illi, qui agnoscitur ut Ecclesiæ membrum, multo efficacius secundum praxin Apostolicam pro renovatione pœnitentiæ, hoc suaderi potest per argumenta Evangelica, quam Legalia. Nam præterquam, quod doctrina Evangelii, ab Apostolo 2. Cor. 3. 18. vocatur *speculum transformationis, ad imaginem Domini*, quia est ministerium Spiritus, *ibid. vers. 8.* qui expresse vocatur *Spiritus sanctificationis*, Rom. 1. 4. amplius *Evangelizatum est mortuis* (hoc est illis, qui tempore Apostoli Petri jam mortui erant, audiverantque Prophetas Veteris Testamenti Evangelium obscurius annunciantes, ad hoc obtulerant quoque hostias, Christum, qui in Evangelio annunciat, typice repræsentantes) *ut damnarentur quidem secundum homines, id est, carne, viverent autem secundum Deum, id est, Spiritu: cumque Evangelium lux sit, valere debet illud Apostoli Pauli Rom. 13. vers. 12. 13. 14. Nox processit, dies autem propinquat: Abjiciamus igitur opera tenebrarum, & induamur habitu, qui luci conveniat. Ut interdiu composte ambulemus: non in comessationibus & ebrietatibus: non cubilibus ac lasciviis, non lite & invidia. Sed induimini Iesu Christo, & carnis curam ne habete ad explendas cupiditates: cum quo componi velim ejusdem Apostoli locum Eph. 4. vers. 22. 23. 24. Nec modo Evangelium est causa inchoans sanctificationis, verum etiam conservans & consummans: unde non solum vocatur *semen regenerationis incorruptibile*, 1. Petr. 1. 23. verum etiam *lascivum*, 1. Petr. 2. 2. & *solidus cibus*, Heb. 5. 13. Adeo, ut Ecclesiæ filii, non possint efficacioribus stimulis, quam rationibus Evangelicis (quæ hic fuscè per quatuor causarum genera deduci possent nisi omnibus Scripturæ filiis notæ forent) ad vitæ sanctimoniam compelli: quomodo iidem,*



dem, nunquam securius vitam suam instituunt, quam si vivant vitam Evangelii, seu fidei: Juxta illud Hab. 2. 4. *justus ex fide vivet*: quod toties Apostolus inculcat. Quantus vero sit Theologus, ostendit Reyneffius, quando me arguit, ut *ἀνύμω* loquentem, eo, quod dixerim, Evangelium consummantem non minus, quam inchoantem causam sanctificationis: eo quod (ut loquitur pag. 34.) *Evangelium quidem Spiritum subministret*, Gal. 3. 5. *Lex tamen ne extinguamus præcipiat*, 1. Theff. 5. 19. *sed rectas pedibus faciamus orbitas*, ut quod *claudum est sanetur*, Heb. 12. 23. Sed hoc Lex non magis effective facit, atque exemplar, ad quod puer scribit, influit in scripturam, aut speculum in faciem, quæ ex eo dignoscitur. Lex quidem est regula castigatissima morum perfecte instituendorum, eos tamen efficienter nec ordinat, nec corrigit. Sed ut est norma, quæ hæctenus passivè se habet, ita data est ad hoc, ut *ad eam explorentur* (*δοκιμάζεν τὰ Δεφέγοντα*) quæ discrepant.

Fatendum quidem, Ecclesiam hanc visibilem similem esse aræ, VII. in qua palea tritico immixta est; atque hypocritas, qui sæpe aut irrepunt, aut irrumpunt, subinde legis terribilibus fulminibus prosterrendos esse; interim tamen potior haberi debet fidelium ratio, atque Minister, qui non est *καρδιογνώστης*, ex lege charitatis meliora quæque de auditoribus suis augurari debet, exemplo magni illius Apostoli Gentium, B. Pauli, qui post severam illam reproborum reprehensionem, occurrentem in Epist. ad Hebr. 6. vers. 4. hæc subjicit: *Sed nobis persuasimus de vobis, dilecti, quæ meliora sunt, & saluti adhaerentia, etiamsi ita loquamur*. Ex illa concione Pauli reprobos revera respiciente, comparata cum verbis modo adductis, rectè quidem D. Gomarus hanc observationem colligit: *Comminationes proponenda sunt, non solum reprobis, sed etiam electis: ut repressa carne in Dei timore, & officiis pietatis, retineantur, ac proficiant*. Nihilominus observari quoque debet, quod Calvinus prudenter monet ad hunc eundem locum: *Certe quisquis docendo prodesse cupit, sic tractare debet suos discipulos, ut animum illis semper addat potius, quam diminuat. Nihil enim est quod nos magis alienet à doctrina audienda, quam cum videmus nos haberi pro desperatis*. Ratione autem redargutionum, dignissima est Patris admonitio, occurrens in ejusdem Commentario ad præsentem locum: *Prudentis præceptoris, concionatoris, parentis & magistratus est, increpationes asperiores sic temperare lenioribus dictis, ut nec boni*



inde offendantur, nec mali obstinatiores fiant. In cœtu enim magno varia sunt ingenia, quorum alia duci, alia trahi volunt; plus autem valet mansuetudo quam rigor & acerbitas. Nam etiam boni asperitate nimia offenduntur: mali vero in malitia plerumque indurantur potius, quam molliuntur: semper autem blandior oratio est gravior, & malos emollit.

VIII. Si fas mihi Semi-Pagano foret sublimes hos Theologos erudire, varia adferre possem; at, non audeo hosce aut sollicitare, aut eorundem supercilium provocare. Moneo interim eos, per occasionem divertant ad Axiomata concionandi, summi Theologi Practici, Abrahami Sculteti, qui Axiom. LXI. hæc habet: *Praxis consolationis ut frequentissima esse debet, ita si recte instituitur, non solum totam concionem, sed mentes etiam ipsas auditorum illustrat.* Nec alia mens est viri summi D. Bisterveldii siquidem lib. I. cap. 2. Artis concionandi Th. 42. hæc lego: *Ufus para-cleticus seu consolatio est, quo homines infirmi & afflicti eriguntur, ipsorumque dolor & metus vel tollitur, vel saltem minuitur. Hic usus sit omnium frequentissimus, vivacissimus, ac efficacissimus.* Circa cujus illustrationem, licet multa adferri possent, ita hæc pauca solum è Scriptura adjicio. Proprium esse Evangelio illiusque ministris, consolari animas abjectas, prout ostendit ipse Deus, quando per Evangelistam veteris Testamenti Jesaiam cap. 40. vers. 1. proclamat: *Consolamini, consolamini populum meum dicit Deus vester.* Ad quæ verba hæc inter alia observat Calvinus: *Ex hoc loco, quid maxime quarendum sit in Prophetis colligimus, nempe ut propofita gratia Dei dulcedine, ad spem animent pias mentes, ne sub malorum onere deficiant, sed intrepide persistant in Dei invocatione.* Similiter Christus proclamat Jes. 61. vers. 1. 2. *Spiritus Domini Iehovi est super me: eo quod unxit Iehova me ad evangelizandum mansueti, misit me ad obligandum fractos animo, ad proclamandum annum acceptum Iehova, & diem ultionis Dei nostri: ad consolandum omnes lugentes: ad consolationem adhibendam lugentibus Tzionis.* Atque hinc ipse Paulus optat videre oppressos per persecutionem Romanos, ad communem consolationem (verbum *παρηγορησθαι* quod hic usurpatur, licet à pluribus de exhortatione accipitur, convenientius tamen hoc loco ad consolationem transfertur, prout & accipitur Rom. 15. 14.) percipiendam per mutuam fidem, Rom. 1. 12. ac Tychicum mittere voluit ad Colossenses, ut corda eorundem consolaretur, Col. 4. 8. qui & de semetipso, velut Ministro V. T. testatur, quod fideles Thessalonicensis, tanquam pater suos liberos, non modo fuerit hortatus, sed potissimum consolatus, 1. Thess. 2. 1.

IX. Ut



Ut nihil possum contra veritatem, sed omnia pro veritate; sic pariter IX. non diffiteor, hisce ultimis temporibus compleri Prophetiam Apostoli, atque occurrere homines sui amantes, avaros, gloriosos, maledicos, parentibus non obsequentes, ingratos, prophanos, charitatis expertes, implacabiles, calumniatores, intemperantes, immites, minime amantes bonorum, precipites, inflatos, voluptatum amantes potius, quam amantes Dei, atque habentes formam pietatis, sed qui vim ejus abnegaverint 2. Tim. 3. vers. 2. & seqq. At quis majorem horum partem existimet complere numerum eorum, qui pertinent ad particulares Ecclesias? Rationes, quas in contrarium adducit Reyneffius, tales non sunt, ut aliquis iis moveri aut possit, aut debeat: numerantur quidem tres, at una instar omnium esse potuisset. Sequemur tamen hominem. Ergo pag. 35. sic loquitur: *Quod consolatione egeant duntaxat abjecta anima. Adhortatione ad officium & lege omnes, plures quoque sint immobiles, quam abjecti.* Resp. 1. Inter nos convenit, conciones legales non per omnia esse inutiles, & quaestio solum est, an non Consolatoriae in Ecclesia debeant esse frequentiores. Hoc ego omnino statuo; nec ratio hæc quicquam ad rem facit. 2. Auditores concionum vel sunt membra Ecclesiae, vel non sunt. Ut vero illorum præ his est habenda ratio, ita consolationibus frequentius erigi debent. Nam promissiones Evangelicæ, ut præsumuntur iis præ aliis competere, sic per modum quoque consolationis potissimum, debent applicari. Unde & N. T. Pastor eorum quoque, exemplo Pauli, præ cæteris rationem habet, dicendo cum illo: *Quid mea interest etiam de extraneis judicare?* 1. Cor. 5. 12. Non potest vero commodiorem rationem eorumdem habere, quam quando illud iis applicat, quod est scopus universæ Prophetiæ, atqui hoc est consolatio, Rom. 15. 4. ubi ita Apostolus: *Quæ ante scripta sunt, ad nostram doctrinam ante scripta sunt: ut per tolerantiam & consolationem Scripturarum spem habeamus.* Si delinquant gravius membra Ecclesiae, observetur praxis, quam indicavit Christus Matt. 18. Quod vero ad illos, qui extra Ecclesiam adhuc sunt, & faci peccatorum suorum indormiunt, plurimum V. D. M. ex Dei benedictione apud eos poterit, si ipse inculpatam vitam in oculis eorum agendo, secutus fuerit Pauli consilium, & non modo (privatim potius, quam publice) cum lenitate eos erudierit 2. Tim. 2. 25. verum etiam arguendo & objugando eos, tempestive & intempestive, 2. Tim. 4. 2. laborarit ex laqueo diaboli eripere. Publicæ invektivæ ex lege (ut experientia docet) eos magis sæpe alienant, licet ratione eorum, qui ad ipsam Ecclesiam pertinent, sæpe sint



sint necessariae. Huc enim pertinet illud Pauli 1. Tim. 5. 20. *Eos, qui peccant, in conspectu omnium argue, ut & reliqui metuant.* Quod ut prae ceteris concernit ipsos Seniores & pastores, contextu hoc docente, ita intelligendum est de publicis & manifestis peccatis. *Secunda ratio est hæc: Quod natura soleamus nobis blandiri, & fausta polliceri, nunquam humiliari, rarissime arguere, &c.* Fateor, subinde obtingere veterum, & sensum humiliationis in optimis Ecclesie membris extingui, sic, ut quando ad se redeunt, dicant cum Davide: *Retundat me iustus, benignitas erit* Ps. 141. 5. interim tamen, dum consolando, cordi, quod attritum esse deberet, succurritur, artificiose simul suaderi potest humiliatio, si forte torpidior fuerit illius sensus. Nam ut solus *Deus, qui dilexit nos, dedit consolationem aeternam*, 2. Thess. 2. 16. sic hæc *Dei dilectio nos pariter constringit, ut non nobis vivamus, sed simus nova creatura*, 1. Cor. 5. simulq; ingenerat humillimum de nobis sensum, ut non possimus non exclamare *ô Deus, quid est mortalis, ut memor sis ejus* Ps. 8. 5. Simule evanescit *tertia ratio: Quod consolatio qua talis tantum apta sit tollere malum triste.* Admonitio malum turpe, quod tolli magis necessarium est. Nam consolatione servire quoq; sublationi mali tristis, ex antecedentibus jam liquet. Præterea ut nulla consolatio extra Christum haberi potest, ita nemo, qui Christi mandata negligit, eadem frui potest. Quomodo ad Col. 2. 2. Apostolus testis est, illorum duntaxat *corda consolationem percipere, qui compacti sunt charitate.* Quæ hæcenus doceo, speciatim concernunt Ecclesiam Ultrajectinam, ubi tanta sollicitudo videtur adhiberi in admittendis Ecclesie membris (hæcenus hoc probo, quod sufficienti præparatione per Gatechizationem privato-publicam ab Ultrajectinis ministris illi præparentur, qui recipiuntur inter membra Ecclesie) nisi *hypocrita cum simulatoribus colludant*, ut alibi Salvianus loquitur. Fateor lubens, extra Ecclesiam plurimos pro dolor! occurrere, in quos Pauli dictum 2. Tim. 3. 2. nimis quam vere quadret: at, quisnam sibi persuadeat, in Ecclesia probe constituta, plures hujus ordinis inveniri, aut si forte reperiantur, tolerandos non esse, sed post legitimam admonitionem, ex ordine, à Christo definito, factam, ejiciendos esse, usquedum resipiscant? Dolent interim multi mecum, disciplinam in Ecclesiis Reformatis, speciatim Belgicis, adeo negligenter administrari. Sed simul haut pauci sunt, qui pariter mecum ingemiscunt, quando vident per summam *περὸς πολλήν*, hoc seculo in ipsis Ecclesiis Reformatis, nimis quam verum alicubi deprehendi, quod habet Hieronymus in cap. 8. Ecclel. *Nemo, inquit, peccantibus Episcopis audet contradicere.*

Potesta-



Potestate licet accepta scandalizarent magis, quos docere & ad meliora invitare deberent. Nemo quippe audet accusare majorem. Propterea quasi sancti aut beati, & in Domini praeceptis ambulantes, augent peccata peccatis. Difficilis in Episcopum accusatio. Lapsus enim non creditur, & convictus non punitur. Verum ad lineas. Ex iis quæ dixi, omnino consequens, neq; Prophetiam Pauli de ultimis temporibus obstare, quo minus fideles verbi Divini ministri, se gerere debeant in annunciatione verbi corā Ecclesia, magis pro præconibus Evangelii, quam pro præconibus & annunciatoribus legis.

Neq; fidiculis contrarium extorseris ex loco Ezechielis: nam quando X. Deus, jure merito rebelles atq; pertinaci suo populo iratus, dicit: *Linguam tuā agglutinaturus sum palato tuo, ut obmutescas, ac non agas reprehēdere apud illos: quia domus rebellis: ne utiquā vult innuere, eos solūmodo esse agnoscendos pro fidelibus verbi ministris, qui sunt viri objurgantes*, (ut habet hic Versio vulgata) aut potiores præconis Ecclesiastici partes esse, arguēdo & objurgando promovere regnum Christi: sed indicium esse certissimum, Deum quam maxime exasperatū esse, atq; certo decrevisse, immorigerū suū populū quam gravissime punire, quando nullos mittit, qui arguāt clamantia populi peccata: nam uti recte docet Chrysostomus in Jes. c. 6. hom. 4. *Prophetarum silentium signum est iræ divinæ*. Alias per hunc ipsum Prophetam Deus viscera suæ misericordiæ, in Christo potissimum manifestatæ recludit, quando per eundem dicit: *An ullo pacto delector morte improbi: an non quū revertitur de viis suis, ut vivat?* Ezech. 18. Contrariū quoq; non suadet & πέν Junius ad hunc Ezechielis locum, (ut persuasū cuperet Reynessius) siquidē solum docet, *nunquam officium reprehendendi à servis Dei abesse debere*. Quod & nos libenter concedimus. Sed an ideo non possunt ut & debent consolationes frequentiores esse? Quod ut omnibus pateat, quid amplius adhuc dico, quod hoc doceatur in ipso Dei verbo. Nempe, quando Minister quam fervidissime quoq; peccata redarguit, eadem manu, qua per flagellum legis conscientiam vulneravit, applicare debet lenæ & consolatorium Evangelii balsamum. Præit eruditus ille animarum medicus, Apostolus Paulus, qui cum 1. Cor. 6. 9. 10. dixisset; *Ne errate, neque scortatores, neque idololatra, neque mæchi, neque molles, neque qui concumbunt cum masculis, neq; fures, neq; avari, neque ebriosi, neque conviviatores, neque rapaces regni Dei hereditatem possidebunt*. commate proximo, sive x. 1. hæc subjicit immediate: *Et hæc eratis quidam; sed abluti estis, sed sanctificati estis, sed justificati estis, in nomine Domini Iesu & per Spiritum Dei nostri*. Similiter Hebr. 6. 9. idem Apostolus sic loquitur,



etur, postquam concionatus esset de peccato in Sp. Sanctum: *Nobis persuasimus de vobis, dilecti, quæ meliora sunt, & saluti adherentia, etiam si ita loquamur.* Atque idem observarunt, quotquot unquam in Dei domo fideles agniti fuerunt. Nathan, quo momento fulmine legis Davidem prostraverat, eum consolando iterum erexit, atque non modo (2. Sam. 12. 13.) Dei nomine ei significavit, quod *peccatum illius translatum esset*; verum etiam vers. 25. ei annuntiavit, quod ex Berscheba ei nasciturus esset filius, cujus nomen foret Jedid-Jah, sive *Amatus Domini*. Similiter postquam Deus usus esset ministerio Prophetæ Jesaïæ, ad humiliandum Ezechiam, Jesh. 38. 13. eodem quoque tempore ejusdem ministerio usus est, ad pium regem consolandum, vers. 4. 5. Denique unus & idem Apostolus Petrus, qui tria ista millia virorum, *corde compunxit*, Act. 2. 37. sanavit quoque per consolationem Evangelicam, vers. 38. sive proximo. Adeo, ut certissimum illud maneat, quod dixi.

XI. Sed ideo forte hi homines (quibuscum nobis est negotium) pro legis annunciatoribus se gerere debent, quod pariter incumbant operi Reformationis *intensive* ex suo (ut loquuntur) judicio promovendo, atque adia phoris ad suum sensum (ringentibus licet vicinis Ecclesiis) determinandis, injiciendo pariter laqueos servitii illis, quos Christus voluit esse liberos. Certe, dum attendo ad eorum molimina, sæpe cogito illud Augustini ex Epist. 119. ad Januar. cap. 10. *Hoc nimis doleo, quia multa, quæ in divinis literis saluberrima præcepta sunt, minus curantur, & tam multis presumptionibus plena sunt omnia, ut gravius corripiatur, qui per octavas suas, terram nudo pede tetigerit, quam qui mentem vinolentia sepeliverit.* At, hæc exempla fideles Verbi ministros parum, aut nihil movere debent, quum sciant se perpetuò sic debere esse intentos *lectioni & doctrina*, ut simul speciatim vacent *παρακλήσει*, sive *consolationi*, 1. Tim. 4. 13.

XII. Ut dies diem docet, ita post priorem Exercitationum harum Editionem, plura de singulari praxi DD. Præcisianorum didici, in annuncian- da lege præ Euangelio. Scilicet ordinarium iis est, non modo quando vocantur ad ægros, verum etiam pro concione hoc agere, ut possint homines, nullo habito delectu, reddere desperatos. Imo mihi relatum est à pluribus viris Reverendis, quod suis auribus audiverint, quosdam qui Ultrajecti studuerant, & jam ministerio in majoribus quoque urbibus funguntur, aliquoties pro concione ad suos Auditores dicentes: *Utinam jam possem vos omnes desperatos reddere!* Quomodo solitum iis est, si ad ægros vocentur conscientias tam diu per legem terrere, quam omnem ferme



ferme aditum spei, per Euangelium introducendę, precluserint. Ne jam dicam, de frequentia hominum ad desperationem ferme in conscientia afflictorum, iis in locis, ubi hi viri (quos noto) dominantur; qui existimant se tum demum singulares fore medicos animarum, atque his oculos restitutos esse, quando fulmine legis non tam hos dejecerint & pręstrinxerint, quam plane effoderint. Certe hi homines pręsumunt sapientiores esse Paulo Apostolo. Hic, quod Ecclesia Corinthiaca male audiret propter incestuosum, per quem diabolus moliebatur Ecclesię florenti labem affricare, voluit eum *Sathana tradi, ad exitum carnis, ut spiritus saluus esset die illo Domini Iesu*, 1. Cor. 5. 5. Sed, cum ille compungeretur corde, & serio secundum Deum doleret, diabolus autem laboraret Ecclesię persuadere eum non esse recipiendum, quo posset tum Ecclesię Corinthiacę, nimię severitatis notam inurere, tum ipsum excommunicatum ad desperationem adaectum perdere, tempestive Apostolus, machinationum diaboli quam gnarus, occurrit 2. Cor. 2. vers. 6. 7. 8. & 11. *Sufficit* (inquit) *istiusmodi homini ista increpatio, à plurimis profecta: Ut è contrario potius vos ei condoneris, eumque consolemini, neque modo redundante* (NB) *tristitia absorbeatur vir huiusmodi. Quapropter precor vos, ut ratam faciatis in illum charitatem, &c. Ut ne superemur à Sathana. Non enim illius machinationes ignoramus.* Pro quorum (argumentum siquidem est dilucidum) applicatione ad pręsens institutum, pauca solum ex Musculi, Theologi gravis commentario adduco. Ubi hæc inter alia lego: Locus hic de immodica tristitia, diligenter observandus est omnibus, pręsertim illis, quibus commissa est cura aliorum. Credi non potest, quantum hinc sit periculi, conscientis maxime, sensu peccatorum, quasi importabili quadam mole, oppressis. Qui huiusmodi sunt, salutandi sunt amanter, afflatuque blando & amico frequenter erigendi, fundendę sunt pro illis preces ad Dominum, & si quo pacto fieri potest, onus, quo premuntur vel tollendum universum, vel aliquotusque diminuendum. Et hæc faciendę sunt, priusquam per immodicam tristitiam absorbeantur. Etenim ubi fuerint absorpti, nihil vel certe parum profuerit quicquid tentetur, nisi singularis quędam gratia absorptos è barathro desperationis extrahat. Hęc Musculus, & aliquanto post: *Utinam Episcopi & pastores Ecclesiarum jam olim videret Sathana in angelum lucis transformati intellexissent, vel hodie saltem intelligerent!* Hoc ex animo voveo iis, contra quos pro salute Ecclesię hæc Exercitatio dirigi debuit. Qui si pergant, ut jam video eos facere, doctrinam



Trinam Evangelii propter Præcisiorem legalem collutulare, alias  
 ὡς Θεῶν machinas admovebo.

## EXERCITATIO VII.

An cives Heterodoxi, cæteroquin  
 politice honesti, licite recipiantur in eadem Col-  
 legia, privilegiis suis gaudentia, cum illis qui  
 Reformatam profitentur religionem, &  
 agnoscuntur membra Ecclesiæ?

1. *Statutus questionis.*
2. *Consideratio à parte subjecti.*
3. *Concluditur sub conditione affirmative, & argumentum adfertur ex 1. Cor. 5. & 1. Cor. 10.*
4. *Argumentum petitur ex dicto Christi, Luc. 18.*
5. *Argumentum à pari, seu federibus, quæ fideles percusserunt cum infidelibus.*
6. *Idem probatur ab exemplo Theodosii M.*
7. *Iterum ab exemplo Valentiniani.*
8. *Ab exemplis hujus ævi.*
9. *A commodo, quod speratur.*
10. *Ab incommodo, quod metuendum, si secus fiat.*
11. *Occurritur priori adversariorum rationi, quod Heterodoxis nimium concedatur.*
12. *Occurritur argumento posteriori, quod Heterodoxi sic confirmantur.*
13. *Extenditur affirmativa sententia ad Magistratum ministros.*
14. *Item ad eos, cum quibus tum contrahendum, tum eos, quorum opera indigemus.*
15. *Respondetur ad locum Gal. 6. 10.*

I.

**N**E incurram censuram apud illos, qui, instar Mani Horatiani, nulli sciunt parcere, præterquam sibi, in antecessum circumspicere mihi agendum est. Nolo ergo suadere τὸ ἐπεὶ ζῶντων, seu collusionem cum Hereticis aut Heterodoxis memor illius Paulini dicti. Ne impari iugo cum infidelibus copulemini, quæ enim communio luci cum tenebris? &c. 2. Cor. 6. 14. quod speciatim extendendum cenfeo non modo ad pacta matrimonialia, ve-



rum etiam ad honores Politicos in regimine seu Aristocratico, seu Democratico, seu mixto quoque; modo illi, quibus ejusmodi dignitates obtinent, ac jurisdictionem exercent, prioris tabule custodes & vindices agnoscantur, suamque potentiam exercere consueverint circa sacrorum defensionem. Nefas siquidem est, illis, qui execrantur Orthodoxam religionem, deferre arbitrium definiendi aut ordinem circa illam, aut verbi Divini ministris leges prescribendi. Questio solummodo est de Collegiis jurisdictione destitutis, ceterum aliis privilegiis munitis: V. C. Collegiis Curatorum aggerum, Curatorum Eleemosynariorum, Gerotrophiorum, Nosocomiorum, Orphanotrophiorum, &c. item de tribubus Mechanicorum, V. C. Pistorum, Sartorum, Fabrorum, &c. An scilicet in hac sive Collegia, sive tribus admitti per Reformatum Magistratum liceat queant illi, qui cum sint cetera cives modesti, aliam tamen religionem à Reformatam profiteantur? Nolo equidem contedere, hosce de quibus loquimur, ibi in hac Collegia recipiendos esse in Reformatorum præjudicium, ubi antea recipi non consueverint; quum ea duntaxat loca respiciam, in quibus cum recipi ante hac consueverint, per decreta quædam excludendi esse videantur, quibus non aliter suam stationem pacifice relinquendam & continuandam esse existimo, quam ut pariter in hujus ordinis collegiis & tribubus potior membrorum pars agnoscat Reformatam religionem publice profiteri. Statu controversiæ sic à me, secundum tertias lineas definito, nolo eas, ut factum à graphico Sycophanta Reynessio, sive extendi, sive coarctari.

Ut, quemadmodum jam definitum, statuam, sequentes rationes suadeere videntur, quas priusquam propono unum amplius præmittere convenit. Sic enim censendum, hosce Heterodoxos cives non posse adoptari in Collegia, aut tribus easdem cum Reformatis, nisi prius à Magistratu agniti fuerint pro bonis civibus, talesque se fore, solemni juramento (ordinariò alias à civibus præstari solito) promiserint. Si enim non possit Ecclesia eum eligere Ministrum, quem Magistratus, ob rationes sibi notas, nolit agnoscere pro cive: nam pariter consequens est, non posse eum, in aliquam sive tribum, sive Collegium recipi, qui non habetur bonus civis, quales censendi omnes illi, (ut ut gloriantur quoque super professione Reformatæ religionis) qui nova veteribus præferunt, pronique sunt ad turbanda omnia, modo aut fasces occupare, aut suos clientes promovere, aut dominationem seculi artibus quæ sitam firmare queant.

L

III. Hisce



- III. Hisce sic prælibatis pro averruncanda calumnia, I. argumentum petere licet ex 1. Cor. 10. 27. ubi expresse Apostolus permittit fidelibus, ut accedant ad convivia Gentilium: *Quod (inquit) si quis infidelium vos vocat (hoc est, ad sumendum cibum invitat) & vultis ire, (sive hoc gratum animo vestro videatur) quicquid apponitur vobis edite, nihil interrogantes propter conscientiam.* Quod omnino nequitiam Apostolus permittit, si simpliciter illicitum foret, infideles aut Heterodoxos agnoscere contribules: quin imo correctionem, vel restrictionem hanc expresse habet ejusdem Epistolæ cap. 5. vers. 9. & seqq. *Scripti inquit, vobis in Epistola, ne commisceamini cum scortatoribus. At non omnino cum scortatoribus mundi hujus, aut avaris, aut rapacibus, aut idololatri: alioquin debetis scilicet mundo exire.* Nunc autem scripsi vobis, *ne commisceamini, id est, si quis quum frater nominetur, sit scortator, aut alieni avidus, aut idololatra, aut concubinator, aut ebriosus, aut rapax, cum ejusmodi, inquam, ne edatis quidem.* Quo loco ut expresse Apostolus hanc prohibitionem restringit ad eos, qui *fratres nominantur*, hoc est, eos qui nomine ac professione Christiani sunt, cum ceteroquin vitiis pluribus deformant nomen pretiosissimum; ita manifesto permittit Christianis, civiliter conversari cum iis, qui non minus extra locietatem Ecclesiæ vivunt, quam vitiis pluribus laborant. Certo iterum documento, ( quicquid in adversum multi proclamant, qui longe sapientiores videri volunt ipso Apostolo ) non gravaturum Christianum conscientiam, si ex ratione vocationis suæ, aut familiaritatem civilem coluerit cum infidelibus aut ad expediunda negotia hujus sæculi, ejusdem sive Collegii, sive Tribus, cum iisdem fuerit membrum. Argumentum hoc nequaquam infirmat, qui arrodere fuit ausus Reynessius. Nam I. Apostolum de conviviis agere certum; ita ut ab illis, velut à pari liceat argumentando progredi. II. Convivæ heterodoxi adnitebantur ab Orthodoxis, eo quod hi ad illos accederent: nec dubium est, quin qui accedebant alteros, sive heterodoxos, ad fovendam civilem amicitiam, iterum invitarint. Eoque secunda Reynessii responsio ad hunc locum, est per omnia diluta. III. Ineptior adhuc tertia responsio: nam quamvis sæpe communem habeamus mensam cum iis, qui juramentum fidelitatis non præstiterunt; recte tamen ex hoc loco argumentamur secundum hypothesin nostram. Nam si communem mensam habere possumus cum illis, qui juramentum fidelitatis non præstiterunt, quanto magis cum illis, qui & sacramentum dixerunt.
- IV. Haut præter rationem monitum est à Christo, ( licet occasione proximæ



eximia iniustitiæ facinus præbuerit) Luc. 16. 8. *Certe filii huius seculi prudentiores sunt filiis lucis in suo genere.* At cum in collegiis, & tribubus, de quibus loquimur, præsupponantur tractari tantum negotia huius seculi, citra respectum ad religionem, cur eorum administratio non committatur peritissimis, quales (innuente Christo) agnoscuntur ut plurimum homines, ab Ecclesia & regno cœlorum quam remoti? Nec tamen ratione eorum, quæ seculum corruptum sapiunt, pios atque fideles impiis & infidelibus ad æquandos contendimus: prout cornicatur Reynessius. Pii memores erunt perpetuo hujus admonitionis Paulinæ Rom. 12. 2. *Ne vos configurate seculo isti, sed transformate vos per renovationem mentis vestra.* Certe Deus, qui ex medio Israëlitarum pro adornando & instruendo tabernaculo, iisque, quæ ad illud pertinent exulcavit Betzalelem, & Aholiabum, implendo eos *Spiritu suo*, Exod. 35. 31. Salomoni occupato in extruendo templo Hierosolymitano adjunxit Hiramum virum Tyrium, cujus mater licet fuerit è tribu Naphthali, nullum alium in finem tamen à Sp. Sancto 1. Reg. 7. 14. & 2. Chron. 2. 14. adeo accurate ratione tum patris, tum patriæ suæ, describi videtur, quam ut innuatur, cum Tyrium quoque religione, siue idololatram fuisse. Sic mihi quidem videtur, nec ut sententiam mutem, suadere hæc tenet Reynessii ratio. Lego quidem hæc apud illum: *Qui quod patre Tyrio genitus dicatur, non magis probatur fuisse idololatra quam Timotheus aut Titus, Græci cum dicantur*, Act. 16. 3. ad Gal. 2. Nam Act. 16. 18. quando non ipse Timotheus, sed pater ipsius Græcus vocatur, per Græcum convenit intelligere idololatram: siquidem pater Timothei Græcus expresse opponitur matri ejusdem Judeæ. Similiter Titum fuisse origine Græcum & idololatram, manifestum est ex Gal. 2. 3. patetque ex deliberatione Pauli de eodem circumcidendo. Porro ars Mechanica ab Hiram exercita constituit omnes illos ex Præcisis, qui alicubi Magistratui authores fuerunt, de non admittendis aliis ad exercitium artis, quam qui membra forent Ecclesiæ.

III. Si certis casibus licitum fuit ipsis fidelibus percutere scœdera cum infidelibus, speciatim Abrahamo cum Mamre, Escol, & Anere, Gen. 14. 13. item eidem atque Isaaco cum regibus Gerar, Gen. 21. 32. & 26. 31. itemque Salomoni cum Hiram, Tyri Rege. 1. Reg. 5. atque per ejusmodi federa coaluerit arctior amicitia inter fideles & infideles, usque adeo, ut idem Hiram, cum quo & Davidi videtur fedus intercessisse, expresse vocetur *Davidis amicus*, 1. Reg. 5. 1. cur non æque,



aut ratione federum, aut longæ consuetudinis, quæ in legem transire solet, fimbriæ amicitia, quæ intercedit Reformato cum Heterodoxo, eo usque queant extendi, ut boni publici causâ (hoc perpetuo subesse putandum) Heterodoxi pariter recipiantur in ejusmodi sive collegia, sive tribus?

- VI. I V. Hic occurrit exemplum Theodosii Magni, Imperatoris Christiani laudatissimi, qui Paganos ad dignitates quoque politicas subvexit. Unde Prudentius Poëta Christianus lib. Priore adv. Symmachum circa finem sic scribit:

*Sacricolis summos impertit honores*

*Dux bonus, & certare sinit cum laude suorum:*

*Nec pago implicitos per debita culmina mundi*

*Ire viros prohibet, &c.*

Quod ut colligi quoque potest ex leg. 11. Cod. Theod. de Paganis, quæ hunc ipsum authorem agnoscit, ita eo nomine hic Imp. admodum commendatur à Libanio Orat de Templ. edita à D. Jacobo Gothofredo, atque superius quoque ad suffragium vocata, ubi disertissimus Græcorum Oratorum per doctissimum suum interpretem sic loquitur: *sed neque tales (Gentiles scil.) ab honoribus submovisti, quin & Magistratus contulisti, & convivias fecisti. Idque & multoties antea fecisti, & nunc prater alios tibi sociastis (conducere id imperio censens) virum per Deos jurantem, tum apud alios, tum apud te quoque, neque succenses, neque injuria officii hujusmodi jurejurando putas, neque malum esse, meliores spes in Diis habentem.*

- VII. V. Sic & Valentinianus Imperator Christianus, iisdem forte efflagitantibus eximi collegio Pistorum, in quo plurimi erant Gentiles, missionem denegavit, ut patet ex leg. 8. Cod. Theod. De Pistorib. quæ sic habet: *In speculis erit officii sinceritatis tua, ne cui, qui semel pistorum corpori fuerit deputatus, abscedendi qualibet ratione copia facultasque tribuatur: etiam si ab solutione ejus pistorum omnium labor & ad sensus confessus convenisse videatur.* Nam quavis Romæ obnoxium valde esset Collegium pistorum, innoxium tamen erat, prout & statuimus esse collegia atque tribus, de quibus loquimur.

- VIII. VI. Si plane illicitum foret Reformato eidem collegio Politico interesse cum Heterodoxis, speciatim Pontificiis, ne in Galliis peccaretur à fratribus ejusdem nobiscum confessionis, quando ex singulari Christianissimorum Regum indulgentia, censentur sub titulo Senatorum membra Parlamentorum, quorum pars longe major constituitur per Pontificios. Nec potuissent, citra læsionem conscientia, hæcenus Barones, &

Nobiles



Nobiles Reformati comparere in Comitibus Polonicis, constantibus majori ex parte sic Papanis, ut pariter iisdem immixti antehac fuerint quidam Sociniani, hisce longe pejores.

VII. Hac ratione offertur singularis occasio convertendi non minus IX. verbo, quam inculpatę vitę exemplo eos, qui præjudiciis præpediti alias alieniores videtur ab audiendis Orthodoxorum concionibus, quomodo & ex Evangelio constat, ipsum benedictum nostrum Salvatorem Christum, cum peccatoribus & Publicanis gratiose conversatum fuisse, nec eos ad se venientes, ab alloquio suo rejecisse, usq; adeo ut ob familiariorē convictum cum illis publice traduceretur *homo edax & vini potor, publicanorum amicus & peccatorum*, Matth. 11. 19. Cumq; Pontificii, eo maxime avertantur à nostra religione, quod hæc videatur inutilis esse ad bona opera, quibus neq; ipsi Reformati ex suo judicio vacent; per familiariorē hanc conversationem, à Reformatis, scrupulose in cõmunibus negotiis pietati, justitię, & sobrietati litantibus, contrarium evinci poterit, atque secundum Petrum 1. Epist. cap. 2. vers. 12. *Heterodoxi, ex bonis operibus (Reformatorum) quę spectarint, glorificabunt Deum in die visitationis.*

VIII. Quod si vero ex judicio eorum, qui rigidiores videri volunt X. Reformatores, procedatur hic rigidius, atque omnes Heterodoxi Collegiis & tribubus jam antea definitis, excludantur; forte multi ex illis transibunt quidem ad visibilem Ecclesiam, sed, ut ipsi magis hominibus, quam Deo placeant, atque ad eorum ingressum in Ecclesiam subfelia templi arctiora per hypocritas reddantur. Simile quid (patet ex Thuano) circa ipsos Reformatos, pro dolor! in Gallia observari potuit tempore Henrici III. qui cum nullos, vel ad aulę ministeria abjectiora promoveret, nisi qui Papanam religionem profiterentur, plures ex iis reduxit ad Ecclesiam Romanam hujus seculi, quam cum in bello atrociori eosdem persequeretur. Ita plerique, quod deplorandum summo pere, *diligunt gloriam hominum potius, quam Deum*, Joan. 12. 43.

Asserta breviter sententię nostrę veritate, despiciendum quęnam XI. ab adversarię sententię patronis in contrarium objici & urgeri consueverint. Multa quidem crepant, (solemne nostris hominibus argumenta potius numerare, quam ponderare) ceterum duo duntaxat occurrunt argumenta alicujus momenti. I. Dicunt, *nos per hanc tolerantiam nimium gratificari Heterodoxis. speciatim Pontificiis: nostris nulli sub imperio Papanorum magistratuum tantum favoris pręstari.* Sed, annos, qui docemus Reformatam religionem præ cæteris exacte urgere



officia pietatis, Charitatis, & iustitiæ, pro exemplari nobis proponemus Pontificios, hic præ errore & singulari animi malevolentia, officii sui obliviscentes? Nos docemur à Christo per Paulum, *Nemini malum pro malo vicissim reddere: Sed procurare honesta in omnium conspectu: atque, si fieri potest, quantum in nobis est, cum omnibus hominibus in pace vivere*, Rom. 12. 17. 18. Sane, si hac in parte, seposita Scriptura, & conscientia eidem subiecta, cum Pontificiis, reliquisque Heterodoxis *ἵνα μέτρον* debeamus agere, ne quidem eos in patria ut cives tolerare concedendo conscientia libertatem, posthac poterimus. Quum tamen supremi Reip. nostræ moderatores, perpetuo hæcenus probaverint illud, quod dicit Cassiodorus, pro Theodorico Ostrogothorum Rege lib. 2. ep. 27. *Religionem imperare non possumus, quia nemo cogitur, ut credat invitus*. Nam, secundum Bernardum Serm. 66. super Cantica: *fides suadenda est, non imponenda*. Quibus volupe videtur, Chios imitentur, qui privilegio gaudebant ad hoc, ut turpiter impune possent agere: qui vero meminerunt, se Domini servos esse, nunquam obliviscentur, se debere esse mansuetos erga omnes, aptos ad docendum, tolerantes malos, cum lenitate erudientes eos qui ex adverso consistunt, num aliquando Deus eis *resipiscentiam ad veritatis agnitionem daturus sit*, 2. Tim. 2. 24.

XII. Nec validior est alter aries, licet sæpe contra nostram sententiam admoveatur. Scilicet, dicunt viri Zelotæ: *Hiscæ beneficiis in sua heterodoxia confirmari, & parum quin deteriores reddi religionis hostes: speciatim Pontificios; usque adeo, ut ausint in Collegiis quoque, ad quæ in modum beneficii promoventur, suos errores disseminare*. Non diffiteor ipsam quoque Dei longanimitatem, quæ peccatores ad *resipiscentiam deberet deducere* Rom. 2. 4. aliquando quibusdam pro dolor! animum ad peccandum addere; atque haut paucos inveniri, quos deteriores beneficia reddant: speciatim, ut paulo ante didicimus ex Libanio, Gentiles cristas pro suo Gentilismo erexisse, cum tam clementer haberentur à Theodosio. Sed, an ea, quæ hic per accidens fiunt, imputabimus Christo, quasi vitiosa præcepta in Evangelio suo nobis proposuerit? Absit. Si nostra humanitate & benevolentia abutantur inimici Ecclesiæ nostræ, nihilominus, *si esuriant, eos cibabimus; si sitiant, potum dabimus*, Rom. 12. 20. nam nostrum officium est, cum omni animi submissione & lenitate, cum ira cohibitione sufferre alii alios per charitatem, Eph. 4. 2. Quod additur, per Heterodoxos forte perversum iri Orthodoxos gratis dicitur atque jam antea huic difficultati occurrere, dum Heterodoxis nullas omnino partes reliqui



reliqui in iis, quæ religionem concernunt. Sane si hoc instituerint agere, *idololatricæ* erunt submovendi. Atque sic omnia tuta & secura fuerint, neque, succurrente præ ceteris Dei gratia, Orthodoxi *nefariorum errore abducti à propria stabilitate excident.* 2. Petr. 2. 17. modo ipsi *semet sanctissima suæ fidei per Spiritum Sanctum superstruxerint,* Jud. v. 20. fiantque lucerna, *qua universis, qui in domo sunt, splendeant,* Matth. 5. 15. Nam si sic eorum lux splenduerit, Heterodoxi non modo *Patrem, qui in cælis est, glorificabunt,* ibid. vers. 16. verum etiam ipsi Orthodoxi, qui censentur ejusdem collegii membra, *similes erunt domui supra petram adificatæ,* Matth. 7. 25. imo si serio incubuerint collegarum conversioni, neutiquam, cooperante potenter Deo, *aërem cadent* 1. Cor. 9. 26.

Veritate sic vindicata convenit eandem ulterius extendere. Eoque XIII. existimamus hic ultra collegia & tribus licite nos posse progredi; atque cum parium consueverit esse par ratio, recte nos posse statuere, inter accensos atque ministros supremarum Potestatum, qua superiores, qua inferiores licite posse admitti heterodoxos, modo ex Orthodoxis non occurrant, qui apti sint ejusmodi functioni; quum alias hisce prærogativa omnino debeatur. Mirum vero, ratione hujus casus, alicubi citra ullam limitationem, omnibus hujus ordinis ministris hanc legem dici, ut membra Reformatæ Ecclesiæ sint: quasi vero inter Reformatos semper occurrant, qui convenienter officio carnificum & licitorum defungi aut possint, aut velint. Singulari Dei providentiæ imputandum, quod inter Israëlitas vixerint Gibbonitæ, (de iis vide Jos. cap. 9.) qui abjectissima munera obirent non minus pro cœtu Israëlitarum, quam altari, quos pariter circumcisos fuisse, & factos profelytos, nunquam liquido probabitur. Verum quidem est, celsisse civitatem eorum, nomine *Gibbonem* tribui Benjamiticæ, Jos. 18. 21. atque deinde speciatim in possessionem datam fuisse filiis Aharonis, Jos. 21. 17. Interim primi civitatis inquilini, pertinentes ad Hevæos, Jos. 11. dispersi fuerunt per totum Israël, ut servilem hanc operam præstarent iis, quibus facta fuerant promissa, sive Israëlitis: unde expresse dicitur 2. Sam. 21. 2. *Gibbonitæ non è filiis Israëlitis erant, sed è residuo Emoræi.* Ad quem locum convenienter quoque observant Interpretes Belgici, quod Gibbonitæ fuerint *reliquia Paganica*, quas, ut ad obeunda viliora munia in Israël, superesse voluit sapientissimus Deus; sic hinc colligere possumus, quid in similibus fieri oporteat. Præterea si in omnibus judiciis fæderati Belgii admittantur advocati Heterodoxi, speciatim Pontificii, quibus

Theologi



Theologi Reformati, in contrarium nitentes, causas suas, cæteroquin minus iustas aliquando etiam commendant; cur non pariter ejusdem professionis caudidici, secretarii, apparitores &c. admittantur? Modo inter Orthodoxos non occurrant, qui æque convenienter & prompte hîlce muneribus expediendis sufficiant.

XIV. Amplius, quod jam antea asserui, existimarim, salvo meliori judicio extendendum esse ad illos cum quibus aut contrahimus, aut quorum operam redimimus. Persuasum multis, in contractibus & redemptione eorum, quibus in hac vita indigemus, rationem ab Orthodoxo solum habendam esse membrorum Ecclesiæ: quod equidem concedo, modo mihi æque quod ad τὸν βιωτικὸν queat satisfieri. At cur V. C. emam panem à pistore, qui se venditet pro membro Ecclesiæ, si ipse & male eum subigat coquatque, ac simul defraudet pondus; quum & probe coctum & iusti ponderis panem, sive apud Pistorem Pontificium, sive Anabaptisticum habere queam? Aut, cur utar opera Medici Reformati, si per mortes grassetur ad famam; & non potius consulam vel medicum Judæum, artis suæ magis peritum, vel Pontificium, memorem magis, secundum suæ sectæ principia, juramenti Hippocratici? Certe (ut jam antea ostēsum) Salomon, quo domus Dei extrueretur commodius, Hiramum religione Tyrium accersivit Tyro, Idem censuerim de ancillis & famulis. Paulus non rejecit servitium Onesimi, servi licet fugitivi, adhuc furis, & infidelis, sed de eo gloriatur, quod eum in vinculis genuerit, & ad Christum adduxerit, *epist. ad Philem. vers. 10.* Plurimi, pro dolor! ex iis qui neminem in familiam suam recipere volunt, nisi membrum Ecclesiæ fuerit, haut multum distant à Jacobo Reyngouts (de hoc homine videatur Apologia Barneveldii pag. 6. & 7.) qui cum favore Comitum Licestrensis supremam in federato Belgio quæsturam consecutus esset, quo populo placeret, nullum sive famulum, sive famulam in aedes suas recipere voluit, nisi nomen Ecclesiæ dedisset: at postquam Licestrius in Angliam revocatus, ac ipse munere motus esset, transiit in partes Regis Hispaniarum, atque in Brabantia mortuus est Pontificius. Si inter Reformatos, vix idonei famuli, famulæve occurrant, atque necessitas nos adigat eos quærere sive inter Pontificios, sive Anabaptistas; simul nobis offertur occasio eos non modo doctrina, verum etiam vitæ exemplo convertendi ad veritatem. Atque utinam hic omnes cogitemus Dei promissa apud Danielem cap. 12. 3. *Erudientes splendebunt quasi splendore expansi, & justificantes multos, ut stella, in sempiternum*

26784



terna secula. Item illud Apostoli Jacobi: *Fratres, si quis inter vos aberraverit à veritate, & converterit eum quisquam, sciat, eum, qui averteris peccatorem ab errore viæ suæ, servaturum animam à morte, & obiecturum multitudinem peccatorum* Jacob. 5. 19. 10.

Nec contrarium patet ex notissimo loco Gal. 6. 10. *Simus benefici* XV. *erga omnes, maxime vero erga domesticos fidei.* siquidem, ut recte observant Interpretes Belgici, Apostolus respicit liberalitatem exercendam in egenos, quæ magis derivari debet ad domesticos fidei, quam eos, qui à fide in Christum alieni sunt. Et hæc quidem hæctenus: quæ quamvis nonnemo forte voluerit arrodere, antequam tamen genuinum suum exacuat, velim expendat, quæ cautelæ & limitationes ubique à me adhibeantur. Nec ego magis Censuram hic sum promeritus, quam ipse D. Voetius, qui in his & similibus alias tam præcisus vult videri: siquidem vir Celeberrimus Disput. 2. de Gentilismo, sive Tom. 2. Selectarum Disputationum, pag. 615. & 616. ea, quæ sequuntur, habet: An, si rationes Reipubl. aliter non ferant, Magistratus gentiles & fanaticos hæreticos supra memoratos, non tantum in Republica tolerare possit, sed etiam exercitia & conventus iis permittere? *Resp. Aff.* Cum omnibus quod sciamus, Caluistis tum Pontificiis, tum nostris. *Hæc Voetius.* Atque ut nos, scrupulose ad omnia attendendo, speciatim hic habuimus rationem status Reipublicæ; ita non videmus, ob ea quæ diximus, cur in gratiam paucorum Pseudo-Zelotarum Magistratus ea mutare debeat, quæ in repub. salubriter sunt recepta, & amice cum eadem non minus, quam cum Dei verbo, conspirant.

## EXERCITATIO VIII.

An illud, quod ex bonis Pseudo-facris superesse videtur, impendendum sit conversioni Gentilium?

1. **O**ccasio questionis, & adversariorum sententia.
2. Concluditur negative, quod Evangelistæ nihil minus, quam terrena curare debeant.
3. Nec reditus Ecclesiastici, iique ampli requiruntur, ad hoc ut possint præparari aliqui ad hanc legationem.

M.

4. Multo



4. Multo minus existimandum est, bona Pseudo-sacra olim à majoribus donata fuisse ad conversionem Gentium.
5. Quomodo Pastor domui suæ prospicere debeat? simul examinatur locus I. Tim. 5. 8.

- I. **B**onorum Pseudo-sacrorum naturam alibi diligentius expendimus, simulque scrupulose examinavimus eorundem usus veluti legitimos: quæstio duntaxat unica superest, agitari solita ab illis, qui eadem magis considerant secundum improvidi zeli impetum, quam secundum infallibilem Scripturæ Sacræ amussim, & judicium sanæ rationis, Scripturæ perpetuo sese submittentis. Scilicet viri hi Reverendi contendunt, omne illud, quod videtur superesse ex bonis hujus ordinis, quæ ipsi habere solent pro patrimonio Christi, impendendum esse conversioni Gentium: nam si fidem velimus adhibere D. Voetio in Disput. de Plantatorib. Ecclesiarum, quæ comparet in parte 2. Disput. Theolog. pag. 562. inter reliquas causas, quod conversio Gentium per Belgas, in utraque India, minus feliciter procedat & promoveatur, hæc agnoscitur debet: *Quod reditus Ecclesiastici non suppetant Ecclesiis ad nutum: cum custodia & dispensatio eorum sit penes alios; sine quorum nutu & prompto animo nihil aut parum hic effici potest.* Ex qua assertionem, quis non colligat, hujus viri sententiam esse, quod bona, vulgo dicta Ecclesiastica, debeant pariter administrari ab Ecclesiæ Ministris, contra praxin non modo primitive Ecclesiæ, verum etiam contra expressum mandatum Apostoli Pauli, qui disertè dicit 2. Tim. 2. 4. *Nemo qui militat, implicatur hujus vitæ negotiis, ut ei placeat, à quo electus est miles.*
- II. Sed, ut ad rem ipsam accedamus, initio notamus, eos, qui opus Evangelicæ peragent, & conversioni Gentium, in alterutra India, seu Africa vacabunt, nihil minus curare debere, quam pecuniam, & lucrum. Certe aliud docet Christus, quando Luc. cap. 22. 35. discipulos suos revocat ad praxin doctrinæ, quam sæpius iis inculcaverat, blandeque ex illis quærit: *Quando misi vos sine sacculo, & pera, & calceamentis, nunquid defuit vobis? Ipsi vero dixerunt: Nihil.* Ad quem versum, comparando eundem cum proximo, rectè sic *περὶ φερέει* incomparabilis Calvinus: *Si absque annona, quum res pacatæ ipsos sibi prospicere sinerent, ad munus suum egressis nihil defuit: nunc multo magis in tumultu & fervore, deposita victus cura, properare convenit, quo vocat necessitas.* Etenim ut hoc omnibus Ministris documento



documento proponitur, qui speciali ratione in Deo acquiescere debent, nec hujus seculi curis se conficere, tametsi in inhumanos & immemores homines incidant, sic ut omni spe, quæ ad vitam tuendam pertinet, destitui videantur: ita potissimum pertinet ad eos, quibus propositum est Christi regnum propagare, annunciando Euangelium inter Gentes; hi enim nihil minus curare debent, quam terrena. Alios ad suffragium ne vocem, instar omnium sit, vir vere pius & sincerus Justus Heurnius, magni illius Medici, Johannis Heurnii filius, qui non minus per plures annos inculcate in Orientali India opere Evangelistæ defunctus fuit, quam quodnam munus sit Evangelistæ ex verbo Dei docet in pia sua *Admonitione de Evangelica Legatione ad Indos capeffenda*. Is ergo pag. 27. & seqq. sic loquitur: Utque neminem huc adhibita violentia compelli decet, ita nequaquam actum avaritia vel boni terreni ductum appetitu oportet accedere: faceffat procul à pio hoc animo, terrenisq; ut desideramus cupiditatibus vacuo, perniciofa divitiarum sitis, qua semel concepta, multos Ecclesia è sinu suo, ubi inter stellas versabantur, in mundum devolutos, cum angue terram vorare vidit: nam ut munera excæcant judicem, judiciumque mentis in ipso pervertunt, ita divitiarum sapor ubi semel animo arriserit, cœlestis alimenti gustum in posterum vitare solet. Quocirca sufficiat huic operario, qui se itineri Evangelico accingit, spes retributionis quæ in sequenti seculo dabitur: ubi vero messuerit jam agrum Domini, se satis lucratum putet, quod spiritalis segetis manipulos aliquot in horreum Ecclesiæ contulerit. Si quæ restent ex illa messe terreni boni aristæ, pauperi illas & peregrino relinquet: ut enim regnum Regis nostri ex hoc mundo non est, ita nec nobis hic nostra facienda fortuna, qui cœlestium bonorum nos hæredes profitemur. Habentes quibus tegamur & nutriamur, sacrilegium putamus, quicquid ad fastum & luxuriam corraditur. Hæc omnium malorum radix, in animo Ecclesiasticis si pullulet, mirum quam ferax futura sit omnis iniquitatis, quam apta diabolo ad inferendas quasvis impietatis species: odium ex interverso lucro nascetur, seditio ob ejus spem movebitur, quæque rigore summo institui debet animarum cura, in adulationem & applausum degenerabit. *Hactenus Heurnius, qui pag. 214. iterum inculcat ea, quæ sequuntur*: Durum fortasse videbitur, se omnibus his, quæ bona dicuntur, spoliatum, omnimodis incommoditationibus exponere. Sed quid timemus? anne hoc, ne perdamus periculum, ne procul à laqueis & foveis discedamus? Vos non estis ex hoc mundo

M 2

inquit



inquit Christus, nihil ergo hic nostrum est, cujus iactura nos à servitio Dei retrahat; nisi forte in mundo nostra collocantes nos ex mundo esse perditæ fateri malimus. Relinquimus possessiones? Christus mammonæ iniquitatis non serviendum monet, eamque ob regnum Dei relinquentibus, duplum se in hoc seculo, & longe melius daturum promittit. Suavi amicorum consuetudine privamur; quibus ut demus nos destitui, quidni ille nobis multis amicis potior sit? Securis quoque ædibus relictis, in periculum cur conjici doleat? cum Christus te amissurum vitam asserat, si eam servare volueris: pax enim carnis militat adversus animam; ejusdem exultatio est spiritus afflictio; mensaq; opipara animam emaciat: hæc si perdimus, escam è hamo sublatam ne stulte doleamus, plures enim dolo, quam vi, robustus hic Venator in potestatem suam redegit. Juvet alios hunc hamum arrodere, fallacique decipulæ, suo cum periculo insidientur: nos victu, quem aperta Dei manus, creaturæ nutriendæ sufficientem largitur, contenti simus: & deliciæ nostræ in eo sint, quod verbum Dei melle & favo dulcius, animum nutriat. *Huc usque Heurnius, origine Ultrajectinus, in qua urbe multos adhuc honestos propinquos habet.*

- III. Sed audio ex D. Voetio, & aliis, non minus Candidatos ministerii ad hanc legationem esse præparandos, quam præmiis quoque invitandos. Omnino quidem statuo, operarium dignum mercede, atque Dei voluntatem esse, ut, qui annunciant Evangelium, ex Evangelio quoq; vivant: interim, singulari potius Zelo pro Dei gloria & promovendo Christi regno impelli debent, qui legationem hanc suscipient, quam ullius rei terrenæ, minime divitiarum, consideratione invitari. Qui hætenus è Ministris in utramque Indiam iverunt (utinam nimis quam verum non esset!) fere fuerunt aut obæcati eo tendentes, quod à creditoribus quotidie cum sacco adirentur, aut neglecti, propter ignorantiam artium hujus seculi, Ministerii candidati, qui (quo commodè victitare possent) ad Theologicum studium, haud aliter atque ad artem mechanicam antea se applicuerant; aut, si ad talem legationem legitime videantur fuisse præparati, de colligendis tamen opibus potissimum solliciti fuere in sua functione, prout, à morte eorundem, mercium Indicarum auctiones locupletiores, sæpius prostituerunt zelum, quem viventes & spirantes plenæ buccis alias crepare solent. Nihil mihi arrego. Deus corda tum cognoscit, tum dijudicabit. Interim doleo nimis quam verum esse illud Apostoli: *Omnes quæ sua ipsorum sunt quarunt, non quæ Christi Iesu,* Phil. 2.



Phil. 2. 21. Cui non exploratum, per Belgium hoc nostrum, occurrere amplam segetem candidatorum ministerii, inter quos multos eruditos inveniri, non diffitendum. Eos, abunde præparatos & instructos esse, ad hoc munus exequendum, evincit vel solum examen, quod subierunt, velut præparatorium: adeo, ut ratione eorundem velut studio suo defunctorum, ulteriori præparatione, grandiores quasi sumptus exigente, non sit opus: cumque videantur in patria parum quin negligi, nec hæcenus placeat Deo (cujus primæ partes in vocandis suæ vineæ operariis agnosci debent) illis ipsis in particulari aliqua Ecclesia stationem assignare, videntur quasi compelli ad hanc subeundam provinciam, ratione unius studii cui se consecrarunt, modo (abominor hoc) ab initio illud non fuerint intuiti velut τὸ ἔργον mercenarii. Forte in pientissimis, & optime ex hoc ordine dispositis, multa desiderari possent, sed perpetuo à fideli V. D. ministro, præsertim à legato in hac causa, sane haut tralatitia, cogitandum illud Apostoli 2. Cor. 3. 5. 6. *Non idonei sumus ex nobis ipsis, sed sufficientia nostra ex Deo est, qui fecit nos idoneos ministros, &c.* Cujus sufficientiæ habita ratione, non indiget futurus Evangelista, aut amplo viatico, aut navi oneraria libris repleta, aut famulatio numeroso, sed gratia duntaxat singulari Sp. Sancti, quæ jubeat eum perpetuo mentem convertere ad illum Deum, cui cum diceret Moses; *impedito ora & impedita lingua sum*, audivit ex eo *Ipsa*, Quis statuit os homini? Nonne ego qui sum Iehova? Nunc itaque & ego ad oro tuo, & docebo te, quæ loqui te convenit Exod. 4. 10. & seqq. à qua sola gratia si pependerit, dicere poterit cum Paulo: *πέντη ἰσχύς ἐν τῷ ἐνδυναμῶντί με χεῖρ*, Phil. 4. 13. & iterum cum eodem, *gratia ejus, quæ in me collata est, non fuit inanis*, 1 Cor. 15. 10. Nec Evangelista quoque propter convertendos, indiget amplis thesauris, & opimis ecclesiæ redivitis, siquidem infideles aggredi debet *indutus virtute ex alto*, Luc. 24. 39. *potens in Scripturis, & fervens Spiritu, loquendo & docendo diligenter ea, quæ sunt Domini*, Act. 18. 24. & seq. Si vero exemplo Jesuitarum composuerit se ad methodum diaboli (Matth. 4. 9.) non modo *faciet filios Gehennæ*, Matth. 23. 15. sed illi ipsi quoque, quos hac arte Christo videbitur lucratus esse, cum pendeant *ab hominum alea*, Eph. 4. 14. si plene sibi non satisfiat in iis, quæ sperabant ab Evangelio, *ut canis revertentur ad suum vomitum, & velut sus lota ad volutabrum cæni* 2. Petr. 2. 22.

At, forte quis dicet, in Diplomatis donationum sæpe mentionem IV. fieri Gentilium, atque videri majores nostros ante plura secula, varia

M 3

donasse



donasse ad conversionem Gentilium : sed quinam per eos Gentiles debeant intelligi, & quidnam existimare oporteat de hujus ordinis Diplommatibus, alibi abunde ostendi, speciatim in Epist. ad Rev. D. Hoornbeeck, quibus hactenus nemo respondere ausus fuit. Scil. ex quo principes hujus seculi laborarunt Papæ Romani potentiam stabilire & ampliare, omnes (ut solide loco dicto probavi) qui ex Christianis eum nolebant agnoscere ut Episcopum Occumenicum, habiti fuerunt Gentiles, atque plures suas opes eorum conversioni destinarunt, non quidem peragendæ per prædicationem Evangelii, sed per immisos exercitus. Ad hoc errantes majores nostri, existimabant conversioni quasi horum Gentilium amplas opes consecrandas esse, quod non posset Evangelium fructus inter eos ferre, nisi constructis pluribus templis, & constitutis Monasteriis. Quomodo Sulpicius Severus, jam olim testatus est de Martino Turonensi. Sic enim lego cap. 10. ipsius vitæ : *Ubi sana destruxerat, statim ibi aut Ecclesias, aut monasteria construebat.* Imitatus illud postea est Bonifacius, qui per errorem habetur Germaniæ Apostolus. Eoque, dato etiam, majores nostros bona sua destinasse conversioni eorum, qui vere Gentiles aut Pagani agnosci poterant, neutiquam tamen sequetur, illa bona illi usui destinanda esse: siquidem hæc ipsa conversio non indiget horum bonorum choragio, quemadmodum ostendimus. Atque tum illibata maxime à variis erroribus Christiana religio erat, cum Minutio Felici Octavius, Paganus adhuc, objiceret : *Cur (Christiani) nullas aras habent, templa nulla, nulla nota simulacra?* Si Evangelistæ, pro quibus ditandis à viris quibusdam Reverendis certatur, suo munere probe defuncti fuerint, certò non modo Deus benedicet eorum labori, verum etiam initio, ad habendos conventus sacros, iis sufficet domus privata. quomodo juxta August. contra Donatist. *Domum privatam Christianis congregandis præstitam constitit tempore persecutionis.*

- V. Sed, dicet quis, æquum interim esse, ut Pastores domui suæ prospiciant, cumq; in peregrinatione ad Indos, aliosq; Gentiles, pericula multa subeant, propterea aliquid redundare debere in emolumentum domus, & justitiam quasi dictare, ut peregrinante in hac legatione Apostolica marito, domi forte uxor & liberi relictæ, emolumenti aliquid percipiant, simulque augeantur in futurum familiæ reditus. Hoc somniavit quoque Dn. Voetii Hyperaspistes Reynessius, eoque, cum aliud non posset, occasione Exercitationis sextæ pag. 42. Judicii sui, hisce verbis me quasi compellat : *Sint sua sorte (Ministri scil.) contenti. Non tamen*



tamen opinor id voluit vir doctus, eos domus sua curam non debere gerere, ac sibi & suis, ut habeant, unde vivant prospicere 1. Tim. 5. 8. Quod vulgatum testimonium, quandoquidem præter mentem Apostoli, non modo à Reyneffio, verum plurimis quoque aliis, minus convenienter adducitur, operæ pretium fuerit aliquanto distinctius expendisse. Integer locus ita habet in textu originali Græco: *εἰ δέ τις τῶν ἰδίων ἐμάλιστα τῶν οἰκείων ἐπενοεῖ, τὸ πᾶν ἡγνήται, ἢ ἐς τὴν ἀπίστην χείρων.* Ut vero Apostolus à comm. 3. cæperat agere de viduis, dubium inter Interpretes est, an non illud *εἰ δέ τις* ad Viduas debeat referri prout voluerunt Græca Scholia, Ambrosius, Erasmus, Hyperius, Drusius, & alii. Quamquam etiam generalis potest esse sententia, nam, ut non inconvenienter loquitur *ὁ πᾶν* Calvinus ad hunc locum: *Solet Paulus, etiam cum aliquod particulare argumentum tractat, probationes ex generalibus principiis adferre; & rursus elicere ex particularibus sententiis universalem doctrinam.* Quæ tamen Pauli sententia sic, hoc loco, generalis erit agnoscenda, ut tamen speciatim applicari debeat viduis, de quarum liberis & nepotibus, (à quibus scil. curari debeant) fuerat jam locutus comm. 4. Cum quo commate hunc versum 8. Tossanus & Piscator haud immerito comparandum putant. Convenientissime vero mentem Apostoli, quod ad specialem applicationem, mihi Beza videtur expressisse, ad d. vers. 8. sic commentans: *Vult allegi viduas ab Ecclesia alendas, quæ suorum cognatorum præsidio sint prorsus destituta: & ideo cognatos viduarum admonendos officii, ut illas ad Ecclesiam non amendant.* At, admittenda sententia generali, citra specialem applicationem ipsius Apostoli, ex ea neutiquam, vel fidei culis exprimi poterit, quod cum multis intendit Reyneffius. Nam Apostolus non meminit *οἴκῳ*, sive domus; sed *τῶν οἰκείων*, domesticorum. Atque ut *ἐμάλιστα*, maxime, & præ illis, quos vocat *τὰς ἰδίας*, illorum vult curâ geri, cur non per *τὰς οἰκείας* intelligamus *οἰκείας τῆς πίστεως*? cum Apostolo Gal. 6. 10. qui & vocantur *οἰκείοι τῷ Θεῷ*, Eph. 2. 19. atque cur non hic locus intelligatur de cura rerum spiritualium? cum verbum *ἐπενοεῖν*, quo utitur hic Apostolus, nullibi in Scriptura, ad res terrenas solas restringatur. Non velim quidem excludi res terrenas, vergente huc Apostoli scopo; sed tamen contenderim primo rationem habendam esse rerum spiritualium: suadente hoc comm. 4. Unde ita Hyperius ad hunc versum octavum: *Providenda familiaribus sunt, non tantum ea, quæ victui sunt necessaria, quæque externa vita conducunt, sed multo magis, quæ ad veram attinent pietatem: quæ ratione ante dictum est, (versu scil. 4.)*



scil. 4.) viduam debere domum *ἐν ᾧ* pie tractare, id est, in iis quæ pertinent ad religionem & veram pietatem debere instituere. Atque inde ex hoc loco jam olim hoc collegit Chrysostomus: *Quam enim turpe est, te extraneos docere, & tuos in errore relinquere.* Ambrosii hæc est observatio: *Hanc viduam quæ negligens fuit circa suos affectos, ut educaret eos in disciplinam & correctionem Domini, in honorandam.* Apud Theophylactum similiter legas: *Cum domestici omnes, hoc est, fideles curandi sint, & hi præcipue qui genere nobis proximi sunt & consanguinitate conjuncti.* Qui propinqui, cū confiderentur à Theophylacto, non alia ratione, quam fideles, facile patet, eos potissimum ut fideles, atq; pro fidei incremento, curandos esse. Dato interim generalem Apostoli locum duntaxat respicere illa, quæ *τὸς τοῦ βίου* ex eo tamē non poterit aliud colligi, quam familiaris procuranda esse necessaria, ne scil. ratione illius, forte objiciatur Patri familias notum Salomonis dictum Prov. 31. 17. *Tarbat carnem suam crudelis.* ad quem locum, ex re est consulere Doctissimū Mercerum. Lubens concedo, si ferat ratio, parentum officium esse, secundū Apostolum 2. Cor. 12. 14. *ὅπως ἐλθὲν τοῖς τέκνοις;* at, quomodo quis fidelis pater familias ratione illius, quod ex cōsuetudine seculi verum solummodo statuit esse Apostolus, omnes suas cogitationes eo poterit convertere, ut in liberorū gratiā, noctes atq; dies totus sit (reliquorum interea securus) in colligendis bonis hujus seculi, maxime, si cogitet, illa sibi quoq; dicta esse, quæ David Ps. 49. habet. Ego, hæc quidem ibi offendo: *Animus fuit illis, domos suas in seculum habitacula sua in quamq; generationē statui, quā ea vocarent de nominibus suis per terras.* Neq; tamē homo, qui in honore est, commoraturus est, similis fit jumentis, quæ intereunt. Novi multas distinctiones hic invenire carnem, atque eos à quibus alia forent expectanda, præsentī Apostoli loco in suorum loculorum commodum admodum abuti. At eosdē rogo, patiantur sibi pauca ob oculos poni. Scio ex iis aliquot ringi, & femur ferire, quotiescumq; quoq; invitantur, ut hoc modo se examinent, nec ulla admonitiones, studio habēdi frenando, quo ipsi ut plurimū exstuant, sufficere: interea tamen, quum illis à Christo & Apostolo Paulo non divitiæ assignentur, sed solummodo ut operariis Jesu Christi *τρεφῆναι*, alimentum Matth. 10. 11. *μισθός*, merces Luc. 10. 7. & 1. Tim. 5. 18. eosque, cum & jubeantur esse *φιλόξενοι*, seu *hospitales* 1. Tim. 3. 2. præ cæteris concernat admonitio Apostoli 1. Tim. 6. 8. *Habentes alimenta, & quibus tegamur, hæc nobis satis erunt:* etenim non video, quomodo quis (scio hæc plurimos egre laturos esse, at Deus erit vindex veritatis, eorumq; qui illam propugnant) ex ordine



ordine Ministrorum Ecclesiæ (nisi Deus singularem, ἀπὸ μηχανῆς quasi, occasionem obtulerit) cogitationes solas eò possit convertere, ut velit præ fracte suis liberis thesauros colligere. Scio dici, quid ergo fiet conjugii & liberis nostris ab excessu nostro? Hanc temerariam esse quæstionem agnosco lubens. Sed quum Minister Ecclesiæ aliis bono exemplo præire debeat, suos quoque magis in Dei timore, & filiali ejusdem fiducia, qua toti à Deo solo pendeant, confirmare debet, quam noctes atque dies se fatigare in seponendis opibus. Ut pauca à Cypriano commodato accipiam ex ejusdem Serm. 6. *Neque enim deesse quotidianus cibus potest iusto, cum scriptum sit: Non occidit Dominus fame animam iusti. Et iterum: Junior sui, senis & non vidi iustum derelictum, neque semen ejus quærens panem. Item Dominus promittat & dicat: Nolite cogitare dicentes, quid edemus, aut quid bibemus, aut quo vestiemur? hac enim nationes quarunt. Scit autem Pater vester, quia horum omnium indigetis. Quarite primum regnum & justitiam Dei, & hac omnia apponentur vobis. Nam cum sint Dei omnia, habenti Dominum nihil deerit, si Deo ipse non desit. Sic Danieli in leonum lacu, iussu regis incluso, prandium divinitus procuratur. Sic alitur Elias in fuga & solitudine corvis ministrantibus. Fateor sub horam mortis, intima viscera viri pii uxor & liberi commovere solent, maxime, si à suo excessu cum paupertate his luctandum esse prævideat. Sed, si suo ceteroquin officio satisfecerit, iisque circa spiritualia potissimum prospicere laborarit, cur admodum commoveatur? Verbum Moïsis est Deut. 10. 18. *Dominus Deus vester ipse est Deus Deorum, Dominus Dominantium, facit iudicium pupilla & viduæ, amat peregrinum & dat ei victum atque vestitum.* Unde & David Psal. 14. 6. 9. *Iehova servat peregrinos, pupillum & viduam statuminat, viam vero improborum subvertit.* Imo, ipse Deus sic proloquitur, apud Jeremiam Prophetam cap. 49. 11. *Relinque pupillos tuos, ego in vita conservabo, & viduas tuas, mihi confidite.* Quum hæc sit Dei ipsius promissio, atque eadem Verbi Divini Minister alios erigere debeat, nã quam probrosum ipsi est, si eidem diffidere deprehendatur, & τὸ πρὸς ἑαυτὸν Apostoli, solummodo interpretetur de carnalibus, curam quoque & animi sui sollicitudinem potissimum ad illa dimittendo. Alia sententia sedit Prophetis & Apostolis, Doctoribusque in primitiva Ecclesia, pro ut obiter ostendi Tract. de bonis vulgo Ecclesiæ dictis sect. 1. cap. 5. imò, primis quoque Reformatoribus.*



## EXERCITATIO IX.

Quando incipiat sanctificatio diei Dominici? à quibus operibus sit abstinendum? item an liceat illo die vacare honestis recreationibus, speciatim etiam interesse convivio?

1. **D**E nomine hujus diei non est contendendum.
2. Contentiones, à pluribus annis, in federato Belgio ferbuerunt circa sanctificationem diei Dominici.
3. Quando dies hic incipiat? recensentur tres sententiæ.
4. In primitiva Ecclesia metu persecutionis nocturni habebantur conventus.
5. Qui, si Deus Ecclesia sua pacem concedit, non sunt necessarii.
6. Refutatur sententia, quæ Sanctificationem hujus diei accersit à vespere.
7. Item ea, quæ à media nocte.
8. Probatur tertia sententia, quæ ab aurora.
9. A qualibus operibus sit feriandum.
10. Opera ordinaria vocationis quando possint exerceri hoc die.
11. Speciatim opus rusticum exerceri certis casibus potest.
12. Honestæ recreationi post peracta sacra potest vacari.
13. Illa concedenda hoc die famulis & ancillis.
14. Sic publica curanda sunt sacra, ut non neglegantur privata meditationes & preces.
15. Licitum est hoc die prodeambulare.
16. Item honesto atque moderato convivio interesse.
17. Qualia concessa sint itinera?
18. An heterodoxi, à Magistratu possint cogi, ut die Dominico interfint sacris Orthodoxorum?

I. **D**E ratione qua sanctificari debeat dies Dominica, lubet modestè hac Exercitatione agere, atque initio protestor, me memorem Christianæ libertatis, nolle scrupulosum esse circa nomen, quo dies hic tum designari, tum ab aliis quoque diebus distingui debeat. Cujus libertatis tenaces quoque fuerunt non minus antiquæ Ecclesiæ Doctores, quam primi quoque Impi. Christiani. Certe hi diem hunc expresse diem solū nuncupaverunt

leg. I.



leg. 1. & 2. Cod. Theodos. de Feriis. leg. 1. & 3. eod. Cod. de exaction. leg. 2. de Spectac. etsi subinde quibusdam additis, unde apparet, hanc sibi appellationem non probari per omnia: ita, *Solis die quem Dominicum dixere majores*. At absolute Imp. Theodosius Junior in leg. ult. Cod. Theod. de Spectac. dicere maluit *diem Dominicum*.

Quibus breviter prælibatis, omiſſis pluribus questionibus, quas, hanc II. exiguo cum fructu, forte accuratius, quam à pluribus hætenus factum est, liceret excutere, iis duntaxat immorabor, de quibus in Belgio federato, pro dolor! hodie contendit audio: quæ velitationes jam ab anno vigesimo secundo, harum regionum Ecclesias exercuerunt, videnturque, nisi tempestive obviam eatur, iterum exercituræ esse. Superiorum annorum Historiam breviter complexus est is, qui descripsit vitam τῆς μακαρίτης D. Antonii Walæi, quam lubet Authoris verbis hic exhibere. *Ita vero loquitur*: Agitabantur circa hoc tempus (five circa annum Christi c10 10 cxxi 1.) Ecclesiæ Zelandiæ Telingii Bursiique contentionibus, Telingius pietatem studebat promovere, quare quo vitia emendaret in adversam partem arctius strinxit: ut solent illi qui curva ligna ad rectitudinem agunt. Ita Sabbathi profanationem edito tractatu conatus est emendare. Hanc occasionem arripuit Bursii filius, Threnumque edidit Plangentis Ecclesiæ, quasi vis ejus libertati inferretur. Conatusque est Telingium de observatione diei septimi, Institutioneque diei Dominicæ refutare. Et eam in rem Gomarus, Bursiis satis addictus, suppeditaverat Argumenta. Hoc ægrius qui Telingio favebant tulere, periculumque erat ne in adversa scripta erumperent, & Ecclesia in partes secaretur. Voetius juvenile opposuerat scriptum Lachrymas crocodili, quo adversarium magis pungere, minus Ecclesiam videbatur ædificare. Quare Walæus, quæ alias publice prælegerat, resumit, & in fusiorem de Sabbatho extendit tractatum, ac in publicum edidit. Magno Ecclesiarum gaudio, quæ ut eruditionem Walæi æstimabant, ita & hic prudentiam admirabantur: unde & in linguam vernaculam à Silvio Pastore Amstelodamensi est translatus. *Hæc ille*.

Ut vero ad rem ipsam me convertam, protestor ex animo, mihi ad III. modum dolere, quod in pluribus harum Provinciarum locis, dies Deo dicandus pro animæ spirituali ornatu, adeo profanetur, optaremque ubique à Magistratu, (præsentibus variarum Hollandiæ, Zelandiæ, vicinarumque urbium rectoribus, hoc nomine præ cæteris commendandis) non solum leges ferri, verum strictè quoque executioni mandari, quibus



quibus improvidi populi negligentia atque securitas in ordinem convenienter redigi possint: interim tamen non video, cur Christianis, per Christi mortem in libertatem assertis, jugum imponi debeat durius, quam sub priori Federe ipsi Judæi tulerunt. Præ cæteris vero, hic excutere ante omnia convenit questionem fundamentalem quasi, qua quaeritur, quando incipiat diei Dominicæ sanctificatio? Hic occurrunt tres sententiæ: prima statuit initium diei hujus esse accersendum à vespere diei præcedentis; alia à media nocte, tertia ab aurora.

- IV. Ut autem ordine & tamen distincte progrediar, omnino existimo ante omnia distinguendum esse inter diversa non modo tempora, in quæ incidit Ecclesia, verum etiam loca, in quibus ea ipsa notatur. Primævi Christiani conveniebant tempore nocturno, metu persecutionis. Quo facit notus ille Plinii Junioris locus in Epist. ad Trajan. *Affirmabant (Christiani) summam culpæ suæ, quod essent soliti statim die ante lucem convenire, carmenque Christo, quasi Deo, dicere secum invicem.* Tertullianus in Apolog. nocturnas preces appellat. Idem lib. de Fuga (quem scripsit effascinated Montani deliriis) jubet noctu convenire, & lucere luce Christi luminosi, si interdiu colligere non licet. Hinc natæ nocturnæ preces, quæ deinde remanserunt in Ecclesia, & ratio ritui quaeri cœpta ex illis Christi verbis Matth. 24. *γρηγορεῖτε ὅτι ὁ κύριος οὐκ ὀφθαλμοῖς ὁρᾷ, ἀλλὰ τῷ καρδίᾳ.* Lactant. lib. 7. cap. 19. Euseb. lib. 6. Hist. Eccles. Greg. Nyssen. orat. de festo Paschæ. Facit huc illud Tertulliani lib. 2. ad Uxorem: *Cum etiam per noctem exurgis oratum.* item illud Ammiani Marcellini Scriptoris gentilis sub finem lib. 28. *Festo die in Ecclesia Christiani ritus pernoctabant.* Inde & Hieronymus Vigilantium accusat, quod vigilias & pernoctationes in Basilicis Martyrum negligendas existimarit, ne Pascha sæpius celebrari videretur. Nam antiquissimum atque præcipuum Christianorum pervigilium fuit, quod in Paschali festo celebrabant, ipsorum Apostolorum scitu institutum, ut autumant, qui Clementis Romani fidem (videatur lib. 5. Constit. Apostol. cap. 20.) non per omnia putant fercillandam. Quam pernoctationem licet initio suaserit (ut antea recte videmur notasse) metus, proveniens à tyrannis, Christianorum hostibus; postea tamen, cum latiora quoque tempora Ecclesiæ obtigissent, in festo maxime Paschatis, ut initio dictum est, sub nomine Pervigilii, ipsis Ethnicis non ignoto, continuari cœpit. Adeo ut Hieronymus excogitarit plausibilem quoque rationem, quæ occurrit lib. 4. Comm. in Mat. cap. 25. ubi leguntur sequentia: *Traditio*



ditio Judæorum est, Christum media nocte venturum in similitudinem Ægyptii temporis, quando Pascha celebratum est, & terminator venit, & Dominus super tabernacula transiit, & sanguine agni postes nostrarū frontium consecrati sunt. Unde reor & traditionem Apostolicam permansisse, ut in die vigiliarum Paschæ, ante noctis dimidium, populos dimittere non liceat, expectantes adventum Christi. Et postquam illud tempus transierit, securitate præsumpta, festum cunctos agere diem. Unde & Psalmista dicebat: Media nocte surgebam, ad confitendum tibi super judicia justificationis tuæ. *Hæc Hieronymus.*

Interim, licet ex ipsis quoque Actibus liqueat, nocturnos conventus V. sacros celebratos fuisse à piis, propter metum persecutionum, Act. 12. 12. ne utique tamen Deus legitur vel Israelitico populo præscripsisse sacra nocturna publica; adeo, ut videantur ea intermittenda esse, simulac Dei populo quies aliqua obtigerit. Nam, ut nox accommoda est fraudi, rebusque turpibus, juxta illud Prudentii in Hymno Matutino:

*Versuta fraus & callida,*

*Amat tenebris obtegi,*

*Aptamque noctem turpibus*

*Adulter occultus fovet.*

itemque juxta Hilarium, sic loquentem Comm. Plal. 118. *Quis furari (inquit) sub teste non metuit? Quis ad scelus nisi secretum elegit? Quis ad adulterium, non aut solitudinem, aut noctem optavit?* ita Christiani in primitiva Ecclesia, nulla re æque offenderunt Gentiles, quam quod nocturna agitentur sacra. Inde Octavius Minutius dicit: *Nescio an falso, certe occultis ac nocturnis sacris apposta suspicio.* ea siquidem Romanis legibus erant vetita: cautum enim XI I. Tab. ne nocturni coetus in urbe agerentur. Cic. lib. 2. de legib. *Omnia (sacra) nocturna ne nos forte duriores videamur,* Diogenes Thebanus sustulit. Zosimus lib. 4. de Valentiniano: *τὸς νυκτερινὰς ἐκώλυε θυσίας.* Adeo, ut (in antecessum hæc moneo) non existimarim, sanctificationem Dominici diei esse alligandam sacris quoque nocturnis publice peragendis. Privata & domestica sanctificationis diversa ratio est. Nobisque constat, quam graviter in Papatu peccetur occasione nocturnorum conventuum, & matutinarum precum: atque utinam ab omni suspitione mali alienæ censerentur antelucanæ conciones, alicubi brumali tempore apud Reformatos receptæ.

Sed quando tandem dies Dominicus, ad hoc, ut sanctificari queat, VI. incipit? Novimus equidem diem Judæos inchoasse à vespere, eoque à



vespera quoque, eisdem inchoasse Sabbathum probabiliter colligere licet ex cap. 23. Levit. vers. 32. quamvis non desint quidam, qui locum hunc speciatim interpretentur de festo expiationum, quod Sabbathi nomine insignitum fuerit propterea, quoniam voluerit Deus, quod ad reliqua, illud instar Sabbathi observari. Alias à vespera suum Sabbathum Judæos inchoasse, inde patere quibusdam quoque videtur, quod Josephus Arimathæensis in sepeliendo Christo occupatus, jam imminente vespera, quæ Sabbatho initium erat procuratura, intermiserit unctionem corporis Christi. Interim hæc observatio, consentiens politiz Judaicæ, solummodo referri debet ad Sabbathum, prout Judæis fuit proprium, neutiquam vero ad nostrum diem Dominicum, prout fatetur quoque ipse Amesius in Medulla lib. 2. cap. 15. th. 36. ubi hæc occurrunt: *Sabbathi veteris initium fuit à vespere: quia & creatio incipiebat à vespere, quoniam massa communis creata fuit ante lucem: & cessatio ab opere creationis incipiebat etiam à vespere.* Sed hæc ordinatio Judaica relinquatur Judæis.

VII. Non audio quoque eos, qui volunt Diem Dominicum nos debere auspicari à media nocte, quod ordinario ab ea soleamus nos accersere initium diei civilis. Nam, si considerentur modo fines præcepti quarti, speciatim finis politicus, expresse in ipsa mandati formula propositus, quam aliena à ratione sit hæc sententia, mox liquebit. Voluit siquidem sapientissimus Legislator, cum statuta sua Israëlitis daret, ut hoc die, non modo refocillarentur ipsi Israëlitis posterii à corporis laboribus, verum etiam eorundem servi ancillæque, imo & jumenta. Unde speciatim dicitur Exod. 23. 12. *Respiret filius ancille tue. & Deuter. 5. 14. Ut quiescat servus tuus & ancilla tua, sicut & tu. Memineris quod & ipse servus fueris in Egypto.* At, si debeat media nocte à nobis sub N. T. inchoari sanctificatio diei Dominici, atque ad mediam noctem continuari, ut alicubi declamatur, quomodo illi, qui sex dierum labore fracti sunt, convenienter poterunt recreari? Ut enim somnus, laborando defatigatos, præ cæteris recreare atque restaurare solet: ita pariter verum est illud Apostoli: *Qui dormiunt, noctu dormiunt* 1. Thess. 5. 7. Fateor lubentissime, nos fugacia momenta brevis nostræ vitæ melius collocare non posse, quam si eadem jugiter consecremus exercitiis sacris, nec facile nobis quid hic indulgere debere; interea tamen quamdiu corporis exuvias ex Dei beneplacito circumferimus, Deus animi propensionem magis respicit, quam fucatam intensionem, omnia, ad minima quoque, in oculis



in oculis satagentem, quum hic valere debeat illud Christi: *Spiritus quidem promptus est, sed caro infirma*, Marc. 14. 38. Ad quem locum hæc observat Calvinus: *Hæc admonitio proprie ad fideles spectat, qui Spiritu Dei regeneriti, cupiunt recte sub carnis tamen infirmitate adhuc laborant. Nam etsi viget in ipsis Spiritus gratia, secundum carnem infirmi sunt.* Quod cum pariter nosset Deus noster, Pater ille clementissimus, ratione ipsius sui populi Israëliti, in observatione Sabbathi progredi eum noluit ultra minus vespertinum, & sacrificium duplicatum, respectu reliquorum dierum Num. 28. 9. 10.

Eoque, pariter hac sententia rejecta, tertia videtur longe convenientior, quæ statuit diei Dominici, verum Sabbathum exhibentis, sanctificationem esse inchoandam ab aurora: prout placuit quoque Perkinsio, ejusque discipulo D. Amesio, cujus & discipulum me fuisse, grato animo sæpius recolo, Nolim vero ad hoc probandum, cum Perkinsio argumentum petere à Psalmo xcii. quamvis enim ille, ut inscriptio quoque ostendit, sit *Psalms cantici in diem Sabbathi*; neutiquam tamen huc derivari potest comma ejusdem Psalmi secundum, quo jubemur, *annunciare* Jehovah misericordiam mane, & veritatem illius in noctibus: siquidem verba illa nihil definiunt ratione temporis, quo dies hic, Deo sacratus, definiri & circumscribi debeat, sed duntaxat, secundum phrasologiam, linguæ sanctæ peculiarem, arguunt, nos quamdiu vivimus toto animi affectu & proposito, debere prædicare Dei misericordiam atque veritatem. Eoque, meo judicio, ab aliis convenientius hoc probatur, per argumentum, desumptum à circumstantia temporis, quo Christus resurrexit. Unde D. Amesius l. d. sic loquitur: *Diei Dominica initium incipere videtur ab illius diei mane, quia resurrectio Christi fuit in primo mane.* Marc. 16. 9. Joh. 20. 1. Quæ sic exegetice explicat Perkinsius lib. 2. de Cal. Consc. Nam Christus (inquit) sicut antiquitas existimavit, Sabbathum consecravit, eo, quod à mortuis summo mane resurrexerit, quum luceſceret in primum diem hebdomadis: ideoque consentaneum est, ut Sabbathum tum inciperet, quum ille jam surrexisset, quoniam in illius resurrectionis memoriam celebratur. Eadem fuit Apostolorum consuetudo. Etenim Act. 20. 7. primo die hebdomadis Judæi coacti sunt Troade mane, ibi Paulus protulit sermonem usque in mediam noctem, abiturus postridie, cum ibi egisset septem dies, ut patet ex versu quinto. Primum, quod nox ibi commemorata, esset pars illius septimi diei, quo Paulus egerat Troade. Nam nisi res ita se haberet, tum certe ad minimum, nocte una diutius permansisset, & proinde plusquam



quam dies septem, quoniam per alterius partem ibi commoratus erat. Eadem ferme occurrunt apud τὸν πρεβύ D. Usserium in *Corpore Divina doctrina*, pag. 260. & seq. edit. belg. Atque convenienter iisdem, jam olim quoque locutus fuit Gregor. Turonens. lib. 10. Hist. cap. 29. Sanctus (ait) hic dies, qui in principio lucem conditam primus vidit, ac dominicæ resurrectionis testis factus emicuit. Ideoque omni fide observari debet, ne fiat in eo omne opus publicum. Quibus & consentanea inveniuntur apud Bedam, in libello de ordinatione feriarum Paschalium per Theophilum Episcopum Cæsariensem, ac reliquos Episcopos ad Synodum facta. Quæ tamen jam olim admodum displicuerunt D. Voetio, quo tempore scilicet pro concitanda fama, occupabatur in effundendis lacrymis Crocodili, supra obiter notatis. Ita enim scribit pag. 138. & seq. Unde probetur diei Dominico impressum esse characterem resurrectionis Christi. Et si solide probetur, quomodo tum differat iste dies memorialis à festo anniversario Resurrectionis sic dicto. Et talis Characterizatio non sapiat festa Judaica? Velim ergo D. Voetius (qui quum hæc scriberet, agnoscebatur duntaxat Theologus bonæ spei) post tot annorum decursum, & ultiores profectus, nos doceat, quænam causa sit, quod hæc ἀγία ἡμέρα (sic loquitur Dionys. Corinthi Episcopus apud Euseb. lib. 4. Hist. Eccles. cap. 27.) ab ipso Spiritu Sancto vocetur ἡμέρα νερανῆ Apoc. 1. 10. Nam quamvis forte dici possit, eam eadem ratione vocari νερανῆ, ut mentio fit τῷ δειπνῶ νερανῆ 1. Cor. 11. 20. quod à Domino, ipsi Domino (Christo scilicet qui ordinario in N. T. nomen fert τῷ κυρίῳ) sacrata sit: tamen hoc perpetuo recurret, ideo Domino hanc ipsam diem dedicatam esse, quod eam voluerit condecorare gloriosa corporis sui resurrectione, simulque probandum fuerit, Christum ipsum in propria persona autorem fuisse translationis Sabbathi, in diem proximum. Quod licet vero simile putet D. Amesius l. d. Th. 30. non tamen certo hoc evincunt ix. illæ rationes, quas eodem loco adducit, contrariumque solide probatum videtur à quatuor viris summis hujus seculi, nempe à D. Gomaro in tract. de Orig. Sabbati, à D. Valeo in locis Communib. D. Riveto ad Decal. & D. Prideaux in peculiari Oratione. Eoque existimarim, diem hunc à Christianis primitivis, forte præeuntibus ipsis quoque Apostolis, in locum Sabbati substitutum fuisse, quod eo resurrexisset Salvator noster, atque hanc etiam esse rationem hujus nominis, usurpati quoque à Johanne, qui suam Apocalypsin scripsit jam mortuis reliquis Apostolis. Certe hanc rationem reddunt plerique ex antiquis Patribus, nominatim Ignatius episc. ad Magnes. Iustinus Martyr

ad finem



ad finem. Apolog. sec. Augustin. in Epist. 119. ad Ianuar. & in lib. 2. de Peccat. Origin. contra Pelag. Maximus Episcop. serm. de Pentecoste, qui inter Ambrosianos sermones est Lx1. quos sequitur Isidor. lib. 6. Etymol. cap. 18. & lib. 1. de Eccles. Off. cap. 23. imo ut testis est Euseb. lib. 3. Hist. Eccles. cap. 27. Ebionæ, licet Judaicæ legi in plerisque adhererent, Christianis tamen consenserunt in observantia Dominicorum dierum, *εἰς μνήμην* (ut ille loquitur) *τοῦ σωτῆρος ἀναστάσεως*. Nec tamen propterea hic dies confunditur cum festo anniversario resurrectionis; nam sic nomen habet à Christo feria prima resurgente, ut annuatim tamen, exemplo omnium Christianorum, à tempore Apostolorum usque, solemnior recurrat recordatio hujusce resurrectionis, cujus alias Christiani non possunt non satis meminisse, juxta illud Apostoli, *Memento Iesum Christum suscitatum fuisse à mortuis*, 1. Tim. 2. 8. Ut vero ad lineas redeamus: ob ea, quæ dicta sunt, existimamus hujusce diei sanctificationem omnino à matutino tempore, sive ab aurora, accersendam. Si enim ullo die, certe hoc ipso anima fidelis, semet excitando, dicere debet: *O Deus, Deus fortis meus es, mane requiro te: siciens est tui anima mea, arescit ad te spectans caro mea, in terra sicca & fessa sine aquis: ad videndum robur tuum, & gloriam tuam, sicut in loco sancto videbam te*, Psal. 63. 2. 3. Siquidem, *bonum est celebrare Iehovam, & annunciare unoquoque mane benignitatem illius*, Psal. 93. 2. 3. Atque ille demum ostendit seipsum habere in verbo Iehovæ, qui in ipso crepusculo vociferatur, Psal. 119. 147. Quantum autem ad sanctificationem legitimam hujusce diei, ea continuari debet usque ad primam noctem, qua nos, recolendo antea beneficia eo die nobis præstita, simulque deplorando illa, quæ à nobis neglecta sunt, ad placidum somnum, respondentem diei præteriti actionibus & meditationibus, componere debemus. Nec ullibi Deus præcepit, ut totam noctem usque ad proximam auroram meditationibus Sabbathicis insomnes impendamus. Nam, quamvis ex Dei præscripto, Judæi Sabbathum suum celebrare debuerint à vespere usque in vespem, nocte tamen non fuerunt vocati ad sacra publica, nec à Deo iis pervigilium fuit præscriptum: imo, ut sex illi dies, quibus in quarto præcepto laborem nobis injunxit Deus, incipiunt ab aurora, & desinunt in vespere; (juxta illud Davidis Psal. 104. 22. 23. *Exorto sole prodire homo ad opus suum, & ad culturam suam usque in vespem*) sic existimandum est, exercitia Sabbathica sacrum laborem efflagitare duntaxat usque ad vespem.

Initio & fine diei Dominicæ definito, expendamus pariter, in quo IX. consistat

O

confistat



consistat legitima illius observatio. Posset quis existimare me hic debere inquire in rationem quarti Præcepti: sed hoc sufficienter egi in peculiari de Sabbatho Diatriba, qua cum sufficienter quoque omnes Reinessii nugæ protriverim, rem actam agere nolo. Utque, vel pueri catechumeni hanc analysin sciunt instituere, quarto præcepto duo præcipi, I. Ut feriemur ab omni opere, & II. Ut amplius hunc diem Deo sanctificemus; sic breviter dispiciendum antea, à qualibus operibus sit feriandum? Certum est, verbum, quod occurrit in Originali textu, notare opus servile, unde & Levit. 23. 7. vocatur *melecheth Habodah*, seu, *opus servitutis*: quod patior ut explicetur de operibus ordinariæ nostræ vocationis, occupatæ circa res seculares, conjunctas ut plurimum cum labore & molestia. Alias, nunquam Sacerdotes magis defatigabantur ratione suæ vocationis, quam tempore Sabbathi, ob duplicatas oblationes. Sed, ut labor ille impendebatur Dei cultui; ita censendum est, eum magis imperatum fuisse, quam prohibitum. Patior quidem, ut dicatur, quietem hanc non esse partem sanctificationis Sabbatho debitæ, sed duntaxat medium quoddam, serviens eidem promovendæ, ut bene ratione Jejunii colligi vulgo solet ex Apostolo, 1. Cor. 8. 8. interim tamen quies hæc imperatur quoque propter finem politicum, ut recte observant Professores Leidenses, quando in Synopsi Disp. 21. Th. 18. *figloquuntur*: Assignatur & Politicus finis, refocillatio seu recreatio corporis à laboribus; etiam ejus qui sub alterius est potestate, servi, ancillæque, imo & jumentorum. Exod. 23. 12. & respiret filius ancillæ tuæ. Deut. 5. 15. *Ut requiescat servus tuus & ancilla tua sicut & tu. Memineris quod & ipse servus fueris in Ægypto.* Scilicet ne continuis laboribus fatigantur & conficiantur, sed eorum remissione fessa membra leventur, vires reficiantur. Hæc illi. Porro, non æque hæc quies concernit Christianos sub N. T. quam Judæos sub V. T. quicquid quidam clamitent. Nam cum quies hæc, plerisque Theologis fatentibus, ratione Judæorum fuerit pariter quid cæremoniale ac typicum, consequens est, eos arctiori quoque obedientiæ vinculo ad observandam hanc ipsam quietem astrictos fuisse. Quod adeo verum est, ut neque diffiteri audeat ipse D. Amicus l. d. Th. 24. Nihil tamen (inquit) ex Scriptura adferri potest, quod unquam fuit circa strictam Sabbathi observationem Judæis imperatum, & non eadem ratione pertinet ad omnes Christianos, præter accensionem ignis, Exod. 35. 3. & cibi communis apparatus, Eod. 16. 14. Qui licet hæc duo duntaxat excipiat, hæc tamen nobis sufficiunt eo usque, ut possimus inferre hic libertatem



libertatem competere Christianis præ Judæis, atque usurpare verba summi Theologi, D. Antonii Walæi, ex lib. de Sabbatho cap. 6. ubi ita loquitur Θεοσέφωv *hujus seculi circumspiciamus*: Ad minutula aut leviora, quibus nec corpus fatigatur, nec mens à Dei cultu avocatur, hic ita non videtur attendendum; quia illa anxietatem potius servilem, quam libertatem filialem respiciunt, & ad jugum illud omnino pertinent, quod nos, nec patres nostri ferre potuerunt, ut loquitur Apostolus, Act. 15. vers. 10. Ab illa autem servili anxietate nos, per adoptionem filiorum in Christo, liberatos esse, docet ex professo Apostolus, Galat. cap. 4. & 5. modo libertatem illam non vertamus in licentiam carnis, ut idem Apostolus monet ad Gal. 5. vers. 13. *Haftenus à πένον VValeus*. Similiter idem D. Amesius, alias licet rigidior, à veritate expugnatus, concedere cogitur, Sabbathi non esse violatorem, qui mente ad Deum erecta, per modicum tempus occupatur circa res temporales, quando lib. 4. de Conscient. cap. 33. sic loquitur: Exigua & brevis aliqua occupatio, qua quis circa res temporales ex occasione versatur, ita potest dirigi, & meditatione pia temperari, ut religionis officia non impediatur, sed potius juvet. Et quidem talis occupatio, cum tali modo, non abstrahit animum à cultu divino. *Hec ille*. Quæ omnia, si aliquis aliquanto diligentius expendere, simul facili negotio dijudicare poterit, sitne circa quæ sita hujus ordinis, quæ velut laquei conscientia infirmiorum hodie injici solent, plus tribuendum Theologo veterano, atque prudentia nomine, ab ipsis suis hostibus, nunquam non omni tempore, commendato; quam quibusdam imberbibus Theologastris, qui ob Sabbathi sanctificationem, non minus suos pugnos, quam pluteum identidem calefaciunt, quod sperent ab externa hac sanctificatione se impetraturos esse, (nempe amplam apud plebem famam, atque favorem) quod desperant de interiori cordis sanctimonia, non hominibus, sed uni Deo probanda.

At, ut nihil hic relinquamus intactum, pariter est expendendum, quibus in casibus, die Dominico aliquis salva conscientia vacare possit operibus ordinaria vocationis. Illi, qui ex sua formula hic nimis quam præcisi sunt, existimant eorum exercitium permixtum esse, si hoc exigat sive *necessitas*, sive *charitas*, sive *religio*; quod Christus, optimus, & consequenter sapientissimus legis suæ interpret, ita interpretatus esse, & limitasse videatur, Præceptum 14. Matth. 12. Marc. 2. & 3. itemque Luc. 6. Interim tamen, quæ in Thesi non difficulter videntur concedere, in Hypothesi iterum eripiunt. Neque enim sartoribus, sutoribus, & fabris,



& fabris, &c. hic quicquam concedunt, imo ne quidem bajulis, vectori-  
bus, rhedariis, &c. ut videre est apud authorem Lachrymarum Croco-  
dili pag. 68. Sed, quid si ergo Pastoris femoralia, die Dominico induen-  
da, ita rumpantur, ut pro colligatione non admittant ligulam, & hoc  
die Dominico demum Rev. D. Pastor animadvertat, utrum præstabit,  
eum domi manere, atque cum grandi jactura Ecclesiæ, *concionem*, ad  
quam se præparavit, differre, an vero præsentem operam sartoris implo-  
rare? Item, si quis hujus ordinis calceos non possit aptare pedibus, an  
non pariter, Dominicus licet dies sit, potius advocabit sutorem, quò  
præsentaneum remedium adferat, quam ut concione abstineat? Quid,  
si idem vir Rever. amissa sui musæi clave, non possit vacare præparationi  
ad concionandum, utrum præstabit, advocare fabrum, qui dictum  
musæum recludat, an domi manere, an vero crudos conceptus evome-  
re? Scio, dici posse, hæc omnia pridie cogitanda, præmeditanda, atque  
præparanda esse. Sed, quam multa non cadunt inter calicem, supre-  
maque labra? Pro certo mihi relatum est, in quodam Hollandiæ mu-  
nicipio, quendam Ecclesiæ Seniore, sapius indignatum fuisse, quod  
chirurgi (qui apud nos in Belgio, fere quoque barbi-tonsores sunt) die  
Dominico vacarent demetendis & comendis crinibus, accidisse vero,  
ut uxor hujus hominis, Tanaquili non absimilis, dum ipse pro more  
die Dominico mane surgeret, inciderit cum marito in rixam, atque quos  
floccos barbæ, (quam exemplo cujusdam Pastoris, sibi amici, promissam  
alebant) evulserit: cum vero homo meus videret, se deformatum esse,  
exemplo legatorum Davidis (2. Sam. 10.) ab hac sua Ammonitide, &  
tamen desideraret concioni interesse, vocat vicinum chirurgum, qui  
renuit operam impendere restituendæ barbæ, quod & metuat censuram  
Consistorii, & si secus faciat, mulctam tribui debeat. Advocatur mox  
alter, sed tyro, qui è cognatione hominis misere deformati erat, à quo  
vix precibus impetrari potuit, ut præsentis necessitati remedium affer-  
ret. Eo hæc refero, ut pateat, quinam fluctus in simpulo per homines  
improvidos consueverint concitari. Quantum vero ad bajulos, rheda-  
rios, similesque; quamdiu Magistratus permittit (per totam hoc sit  
Hollandiam, etiam Ultrajecti) ut die Dominico statis horis scaphæ de  
civitate in civitatem commeent, eodem quoque die ordinario magis re-  
quiritur opera horum hominum, quam fabricorum, sartorum, &c. si qui-  
dem inserviunt iis, qui iter faciunt. Non simpliciter quidem probave-  
rim, quod scaphæ Dominico die vectores recipiant: sed hoc solum an-  
noto,



noto, ut pateat in quas difficultates Semi-Judaizantes se conijciant, dum  
 Sabbathinam requiem non minus ad edicta Magistratum, quam Scri-  
 pturam ipsam exigunt, prout fufius doceo Diatriba de Sabbatho vulga-  
 ta. Quid vero ex rei veritate existimandum fit de itineribus Sabbathicis,  
 sub finem hujus Exercitationis expendam. Author Crocodilinus litera-  
 tis hominibus haut magis propitius est, hac in parte, quam iis, qui artes  
 fellularias exercent, neq; enim existimat pag. 84. & seq. eos, qui die Do-  
 minico intenti sunt Medicationi ac praxi Medica, Pragmatica seu forensi, item  
 studiis Philologicis & quidem secreto in Museis suis, ubi nullorum oculis scanda-  
 lum obijciunt, commodius piis exercitiis posse negotiari salutem suam, quam sar-  
 tores, sartrices, textores, viatores, &c. quod nemo non concesserit, si hi Mu-  
 sagetæ, neglectis exercitiis publicis, privatisq; precibus, & meditationi-  
 bus, totum diem Dominicum consecraverint sui studii contemplatio-  
 nibus. Sed, an non V.C. Medico, cui die Dominico oblatum sit casus rarus,  
 presentaneum remedium efflagitans, licebit aliquas horas vacare colla-  
 tioni authorum, circa casum insolitum inter se dissidentium? Aut, quid exi-  
 stimandum erit de Theologis nonnullis, conciones suas, ut populo placeat  
 irrigare solitis rore profanorum Scriptorum: eruntne habendi pro proph-  
 natoribus Sabbathi, propterea, quod lectioni Plutarchi, Laërtii, Apos-  
 thegmatum Erasmi, Baudartii, & sæpe quoq; nostratis Heermans, me-  
 dium quoq; diem Dominicum consecrent, tantum pro vespertina con-  
 cione, ut cultius, & eruditius, & ad persuadendum aptius dicere videantur?  
 Velim quoq; quis me doceat, cur non æque liceat Advocato, aut Jurium  
 Doctori, in gratiam oppressæ viduæ, libellum supplicem bene premedi-  
 tatum conscribere die Dominico, eo quod necessario offerendus sit die  
 Lunę summo mane, atque licet Pharmacopœo, ex formula Doctoris Me-  
 dici, eodem die adornare medicamentum catharticum, postridiani diei  
 primo diluculo sumendum? Certe Imp. Constantinus hoc die emanci-  
 pandi & manumittendi licentiam concessit, ut patet ex leg. 1. de Feriis in  
 Cod. Theod. quæ lex hac formula est concepta: *Sicut indignissimum vide-  
 batur diem Solis veneratione sua celebrem, altercantibus jurgis & noxiis par-  
 tium contentione occupari, ita & gratum & jucundum est, eo die, qua sunt  
 maxime votiva, cõpleri. Atq; ideo emancipandi & manumittendi die festo cuncti  
 licentiam habeant, & super his rebus acta non prohibeantur.* Constantini hanc  
 constitutionem approbavit Theodosius, ut ex leg. 2. de Feriis apparet.  
 Sed, quid porro existimandum de opere rustico, potestne illud ob cer-  
 tas causas hoc die exerceri? Non audeo negare ipse Author lacrymarum  
 O 3 Crocodili



Crocodili pag. 72. sic loquens: *Segetes hostium potestati, incendio, inundationi eripere, est opus presentis necessitatis; sed non audeat definire, an arare, serere, messem inferre in horrea, censeatur opus licitum ac debitum, propter instantem aut praesumptam aeris mutationem.* Atque ne contraria sententia forte alicui videatur probabilis, decem suo more movet problemata, quibus, cum putrido non valeant pyro, oppono ea, quae habet D. Walæus, d. tr. de Sabbatho cap. 7. ubi ita loquitur *Theologus incomparabilis*: Non audemus improbare, quod post concilium Arelatense, *Constantinus* in suis constitutionibus, tempore pluvio, aut alio necessitatis casu, permittit, ut messem aut vindemiae etiam die Dominico colligantur; quia si ad famis propriae solatium, licuit discipulis Sabbatho aristas vellere, non video causam, cur non liceat in tali casu ad pulsionem & preventionem famis communis, terram conferere, messem aut vindemiam salvare. Si etiam licuit &c. Sabbatho educere pecudem, aut asinam e puteo ne periret, quomodo, non magis integras messem, aut vindemias servare, ne homini inutiles fiant? & sane huc omnino facit, &c. *Homo non est propter Sabbathum, sed Sabbathum propter hominem*, Marc. 2. 27. Quod vero adversus hoc objicitur, Deum in lege sua, Exod. 34. vers. 14. id expresse vetuisse; vel extra hunc necessitatis casum, quem Christus exponit, intelligendum est, vel potius ad peculiarem statum Judaici populi, & singulares promissiones iisdem factas, referendum videtur: quibus Deus promisit se pluviam serotinam & matutinam daturum iis, qui ipsius praecepta observarent. Quemadmodum in collectione Manne, Exod. 16. promisit, se daturum pridie Sabbathi, quod sufficeret in biduum: & de quiete anni septimi, Levit. 25. vers. 21. pollicetur se amandaturum illis benedictionem suam anno sexto, ita ut proferat in ternos annos fructus suos. Quemadmodum etiam eodem cap. 34. Exod. vers. 24. promittit proficiscentibus ad festa illa anniversaria, se curam habiturum terrae ipsorum, ne ex ea profectioe damnum patiantur, &c. Interim tamen, & eos magistratus, easque Ecclesias recte facere omnino statuo, qui non cuivis privato, ex suo arbitrio, eam licentiam eo die concedunt, sed de pluviae aut tempestatis inidoneae constitutione, in ejusmodi casu, judicium publicum hic expectandum decernunt; sicuti in *Palatinatu*, ac in *Reformatis Helvetiae* rebus publicis, laudabiliter observatum nobis constat. *Huc usque VValæus.* Constantini constitutio, cujus meminit vir eximius, prout colligere licet ex l. 3. Cod. de Feriis, ita concepta fuit: *Omnes iudices, urbanaeque plebes,*  
& quon-



& cunctarum officia venerabili die Solis quiescant. Ruri tamen positi, agrorum cultura libere licenterque inserviant, quoniam frequenter evenit, ut non alio die frumenta sulcis, aut vineæ scrobibus mandentur, ne occasione momenti pereat commoditas cælesti provisione concessa. Nec alia videtur fuisse mens Patrum venerabilium Concilii Laodicensi, siquidem sic seiscunt can. **xxix.** quod non oportet Christianos judaizare, & in sabbatho ociari: sed ipsos eo die operari. Diem autem dominicum præferentes, ociari si modo possint, ut Christianos. Quod si inventi fuerint judaizare, Anathema sint à Christo. In quem canonem ita πατριάρχης Theodorus Balsamo: Patres die Dominico non operari, non necessario mandarunt, sed adjecerunt, si possint fideles: si enim propter inopiam, vel aliquam aliam necessitatem, etiam die Dominico fuerit aliquis operatus, præiudicium ei non afferetur. Verum quidem est, Leonem Imp. postea lege lata prohibuisse *ἡ ἀνάγκη καὶ τὸ πρῶτον κενὸν καὶ τὸ δεύτερον γεωργίας*; sed, vi majori occurrente, urgenteque presentanea messis necessitate, quis dubitet eos fuisse eximios quod ad poenam? Nec hisce ulla ratione officiant, quæ habet D. Voetius lachrym. Crocod. pag. 74. **D. Bursium sic exagitant:** Cur de Sabbathis tempore serenitatis in messe nihil definis? Scis, nihil esse incertius & mutabilius serenitate. Petent agricolæ & illo tempore, sibi Sabbathata aut Sabbathum concedi, ut mutationem aëris præveniant, & serenitatem hanc avidè observent, juxta vulgatum ipsorum proverbium: *Men moet het schoon vveder vvaer nemen.* Hactenus quidem Voetius. Ceterum hoc ipsius telum ad feriendum haut quaquam idoneum est: nam talis supponendus fuisset casus; Quando ad plures dies pluerit, tempestalve horrida messi aut vindemiæ incubuerit, atque maturis jam frugibus, aut ipso die Dominico, aut uno alterove die ante, cælum mitiorem faciem exhibuerit. Aliam hypothesin, qui à nostris stant partibus, nec agnoscunt, nec urgent.

An vero recreationi hoc die locus sit relictus, cum ratione quæritur? **XII.** Sane nullum locum concesserim recreationi inhonestæ, carnali, atque tali, quæ similis sit spinis, suffocantibus auditum Dei verbum, Mat. 13. 7. in quas quadrat illud Jesaiæ cap. 58. 13. *Si averteris à Sabbatho pedem tuum ne facias id, quo delectaris die sancto meo, & vocaveris Sabbathum delicias, sanctumque Iehova honoratum honoraverisque eum, non exercendo vias tuas, non præstando id, quo delectaris.* ad quem locum sic convenienter commentatur Calvinus: Hinc perspicimus, cur tantopere Dominus in tota Scriptura Sabbathi observationem commendat. Altius enim spectavit, quam ad externam ceremoniam, hoc est, otium & quietem, in quo Judæi sanctitatem



sanctitatem summam sitam esse putabant : quin potius Judæos abdicato carnis sensu, & affectibus valere jussis, se submittere in obsequium ; sicuti nemo potest cælestem vitam meditari, nisi mundo & sibi emortuus. Nunc cum abrogata sit illa cæremonia, manet nihilominus veritas : quia Christus mortuus est, ac resurrexit, ut perpetuum Sabbathum habeamus, hoc est, feriemur ab operibus nostris, ut Spiritus Dei potenter in nobis agat. *Hæc Calvinus.* Musculus vero *sequentia habet* : Sic vult Deus suam in Sabbatho bonitatem perpendi, ut illam suo modo & corpus sentiat, laboris molestia vacans, & necessariis suis delicatius utens (nihil tamen extra modum & decorum) unde & epulari coram se populum in magnis festivitibus volebat. An respectu sacri ejusmodi convivii voluerit, eos Sabbathum habere pro delicato, judicent alii. Eo sensu fuisse patres illos, apparet, qui diebus festis sic operam dabant Ecclesiasticis conviviis, ut quidam ex illis jejunium diei Dominicæ peccati damnarint. *Huc usque Musculus.* Qui ut existimat licitum esse, honestæ recreationi hoc die vacare, sic *ἐκείνῳ* habet D. Walæum l. d. *bunc in modum loquentem* : Recreationis quædam opera, hoc die esse licita, non ausimus negare : quia Deus inter Sabbathi fines hoc quoque refert, Exod. 23. vers. 12. *ut respitet.* (Junius vertit ut *recreetur*) *filius ancillæ tuæ* : Et Christus ipso die Sabbathi convivium adiit Luc. 14. 7. Et sane, quum dies Sabbathi fuerit festus, refert quoque letitiam cæli honesta recreatio, atque animæ ac corporis vires reficit, quemadmodum Sapiens loquitur Proverb. 17. *Animus letus bene medicinam facit ; spiritus autem fractus exsiccat ossa.* Atque ideo etiam in Ecclesia Apostolica, *Agapæ* erant institutæ, translata (ut videtur) ex conviviis sacrificiorum V. T. ad *ἀδελφίαν* mutuam testandam, & honestam recreationem usurpandam. *Huc usque VValæus* quoque. Quoniam vero Musculus provocavit ad antiquitatem primitivæ Ecclesiæ, non possumus non, paucis hoc illustrare. Eoque notandum, vel ab ipsis nascentis Ecclesiæ incunabulis, jejunium fuisse inhibitum die Dominico, utpote tristitiam omnem læti ejus diei festivitate respuente, quemadmodum *Terrull.* in lib. *de Corona militis* tradit. Verum quidem est, & ex ipsis Actibus Apostolorum liquet, Apostolos die Dominico jejunasse quoque (huc spectat illud Hieronymi Ep. 28. *Apostolus Paulus, & cum eo credentes, diebus Pentecostes, & die Dominico jejunarunt*) forte ob specialem & singularem rationem : interim tamen communis omnium Christianorum sententia fuit, die Dominico neutiquam jejunandum esse. Unde Hieronymus adversus Luciferianos :



rianos: *Die Dominico & per omnem Pentecostem nec de geniculis adorare, & jejunium solvere, multa; quæ scripta non sunt, rationabilis sibi observatio vindicavit.* Cumq; instituta ab Ecclesia jejunia Eustatius Sebastensis Episcopus reprobaret, nova; induceret, can. 16. Gangrensis Concilii sic decretum fuit: *Si quis, ob eam, quæ existimatur, pietatis exercitationem, dominico die jejunat, Anathema sit.* Et Epiphan. Hæref. 70. adversus Audianos: *Qui affligerit animam suam* (hoc est, qui jejnaverit) *Dominica die, maledictus est Deo.* Gangrensis Concilii Canonem Gratianus transcripsit in Canon. Siquis tanquam. Distinct. 10. Manichæos quoq; ob hujus diei jejunia jure damnatos fuisse pronunciat Ambrosius Epist. lib. 10. Ep. 83. Nam Christianos antiquos omnino censuisse diem Dominicum hilariter, hoc est, secundum lætitiā in Domino, transigendum esse, locupletissimus testis est Tertullianus Apolog. cap. 16. sic loquens: *Æque se diem Solis* (en! ut Tertullianus quoque hunc diem Solis vocet, quomodo & legit vetus versio Belgicorum Bibliorum Apoc. 1. vers. 10. teste non solum D. Walæo d. tract. cap. 8. sed & ipso D. Voetio in Lacrymis Crocodili pag. 55.) *lætitiā indulgemus, alia longe ratione, quam religione Solis, secundo loco ab eis sumus, qui diem Saturni orio & victui decernunt,* (hæc intelligi debent, de quibuldam Paganis, qui licet à Judaismo alieni essent, Sabbata nihilominus religiose colebant) *exorbitantes & ipsi à Iudaico more, quem ignorant.* Quo usque vero hæ recreationes debeant extendi, haut in proclivi est. D. Voetius in lacrymis, sui ingenii atque pietatis indicibus, pag. 68. vult excludi, *risus, lusus, hastiludia, venationes, aucupia, piscationes, Musica exercitia, fritillos, lusum Scacbicum, jactum lapidum, lusum globorum, pilæ, clava, certamina gymnastica, symposia honesta, &c.* quod cum per ea Sabbathum non sanctificetur, omnino putandum sit, illud ipsum, si quid horum fiat, profanari. At, si Dominico die, ut videtur jam solide probatum esse, honestæ recreationi, non minus servienti refocillationi corporis quam animi, tempestive licet vacare, cur non pariter censerī possint licita esse, quædam ex hisce, quæ enumerata sunt? D. Amesius lib. 5. de Conscient. cap. 45. exercitium jaculatorium, virtutis exercendæ causa institutum, probare videtur propter auctoritatem Sp. Sancti, commendantis per Davidem in eo nomine Saulem, quod docuerit filios Israël tractare arcum, 2. Sam. 1. 18. atque Martyr in locis Comm. Cl. 2. loc. 49. non audet damnare ludum latrunculorum, sive Schaccorum, post Hieronymum Vidam Episcopum Cremonensem, celebratum atque descriptum à Lamberto Danæo primo

P

Genevensi,



Genevensi, & postea quoque, temporibus difficillimis, Leidenſi Theol. Professore: eoque, præter ludum ipsum Schaccorum, quis hoc die non admittat, tempestive & moderate institutum, jactum lapidum, civibus Genevensibus extra portas urbis, in via publica à tempore Calvinì usque in hodiernum diem permissum, lusum globorum, clavæ, certamina gymnastica, & Symposia honesta, meditationes sacras non impediunt, multominus obruentia, sed exuscitantia? Nam, quum non minus mens nostra, quam ipsum quoque corpus indigeat, ex ipsius Dei instituto, suis feriis, atque animus à rebus feriis subinde sit revocandus, quo meditationibus ejusdem notæ aptius atque commodius serviat, quis, ipso quietis die, Christiano non concesserit eos ludos, qui eidem excitando præcæteris serviant? Ipso die Dominico licitum est edere & bibere, modo ex præscripto Apostoli fiat ad gloriam Dei, 1. Cor. 10. 31. cur non ergo quoque hic ipse dies, quod dies sit quietis & lætitiæ, tempestive pariter ludicra exercitia, eaque innoxia, atque corpori animoque refocillando servientia, sibi vindicet? modo fiant in nomine Domini Iesu Christi, Col. 3. 17. Verum siquidem perpetuo manere debet illud Augustini lib. 4. contra Julian. cap. 3. *Quicquid boni fit, & non propter hoc fit, propter quod fieri debet, etsi officio videtur bonum, ipso non recte sine peccatum est.* Mirum vero, ab hisce hominibus interdici hoc die exercitiis Musicis, quæ, si in templis ante & post concionem, ex lege quoque artis sint licita, cur non hoc ipso pariter die, post publica sacra peracta, plures Musicæ periti, collegium honestum rite & ordine habere possunt, pro exercitatione Psalmodiæ, unoquoque se per interiora affectuum penetralia excitante, atque dicente cum Regio vate: *Paratum cor meum, Deus, paratum cor meum; cantabo, Psalmum dicam Domino: Exurge psalterium, cithara, &c.* Ps. 57. 8. 9. Superflunt venationes, quæ si strepitus multum circum se habeant, atque serviant avocandæ menti ab attentione sacra, neutiquam admitti possunt; non video vero, cur pariter simpliciter omnibus interdici debeat exercitatione piscationis atque aucupii, modo tempore convenienti, atque pro honesta recreatione, institutur. Clericis, licet olim interdictum foret venari, licuit tamen non tumultuosa venatione, animi refocillandi ergo, sese oblectare; ut pluribus docet Tholoz. lib. 39. Synragm. Juris, cap. 11. num. 14. Unde & Hieronymus in Ep. ad Rustic. qua Monachum delineat, monet, ut ab eo *texantur lina capiendis piscibus*; quibus, si quis oportune hoc die usus fuerit, & corpus convenienter recreare poterit, & simul vacare meditationibus, quas præformant illi,



illi, quos Christus ex piscatoribus transformavit in Euangelii tubicines. Ut vero, ex modo commemoratis exercitiis recreationis, existimamus æstimari posse similia alia; ita nequaquam putamus eodem loco cum iis haberi posse ludos theatrales, Choreas, Saliarum cænas, &c. cum & illa duntaxat admiserimus, ut tempestiva; circa quos temporis articulos, ne quis cavilletur, usurpamus iterum verba Walæi tract. dicto, cap. 7. *Requiratur, ut recreatio aut oblectatio talis sequatur divinum cultum, non eum antecedit, interrumpat, aut impediatur: sicuti videmus Nebem. 8. postquam à luce prima, ad meridiem usque, divino cultui vacassent, Esdras eos his verbis dimisit, vers. 12. Ne lugete neque flete, abite, comedite pingua, bibite dulcia, ac mittite portiones cuicumque nihil est paratum. Nam sanctus est hic dies Domino nostro. Ne dolore afficiamini, quum gaudium Iehovæ sit robori vobis.*

At, quæstio hic superest de famulis, ancillisque; & quæritur, an illis XIII. hoc quoque die iustitium non minus à laboribus ordinariis, quam honesta recreatio concedi debeat? Prius expresse lex Dei exigit & exprimit; non eque vero circa posterius liquet, occurruntque nonnulli, qui existimant, reliquis diebus concedendum ipsis tempus esse, quo honeste se recreare possint. Sed cedo textum ex Dei verbo, qui nova hæc Saturnalia, distincta à requie diei septimi, familiæ concedat? Idem ille Deus, qui dixit: *Memento Sabbathi, ut illud sanctifices*: per rationem quoque præcepti edixit: *Sex diebus operaberis*; scil. non modo tu paterfamilias, verum etiam omnes, qui tibi subsunt, & quorum opera indiges ad hoc, ut operi tuo feliciter atque fideliter possis incumbere. Eoque, quis præsumat hic videri sapientior Deo? Definivit is ipse famulis, ancillisque, alias haut secus laboribus frangi solitis, atque Israëlitis in Ægypto contigit, diem septimum, ut quiescant, & quemadmodum, jam antea quoque vidimus, ut eodem quoque recreentur: unde sic legitur Deuter. 5. 14. *Dies septimus Sabbatum est Iehova Deo tuo; ne facias ullum opus, tu, aut filius tuus, aut filia tua, aut ancilla tua, aut bos tuus, aut asinus tuus, aut ullum iumentum tuum, aut peregrinus tuus, qui est intra portas tuas, ut quiescat servus tuus, & ancilla tua sicut tu; & memineris te servum fuisse in terra Ægypti, Iehovam vero Deum tuum eduxisse te inde manu forti, & brachio extenso.* Quo loco, Deus, argumentando ab exemplo, non modo servis quietem stipulatur, verum etiam eos die septimo, pari ratione cum dominis suis, quiescere vult, Cum vero *ἐπιεικὴς* exigat, ut servis honestæ quoque recreationes concedantur, quis non videt, eas alio die



concedi non posse, quam hoc ipso? Datur siquidem quædam recreatio, quæ est inter fines Sabbathi: scilicet quæ divinum cultum non impedit, & sacris peractis, honeste, decenter, moderate, & sine offensione & scandalo sit, ut loquuntur Profess. Leidenfes Disp. 21. Th. 58.

- XIV. Atque hætenus quidem egimus de priori parte quarti præcepti, paucis quoque agere debemus de sanctificatione Dominici diei. Concedimus autem initio lubentissime, fideles ante omnia obire debere sacra publica, nec sufficere, ut una modo concio habeatur: quum plures duabus, sæpe exigit peculiaris Ecclesiæ non modo ratio, verum etiam familiarum numerosiorum; quæ ut membra sua per vices Deo in Ecclesia sua publice sistit; sic commode hoc fieri non potest, nisi diversis horis plures conciones habeantur. Interim tamen, nemo ex fidelibus in conscientia obligatur, ut audiat omnes illas conciones, quas in majori aliqua civitate audire posset. Verum quidem est illud Psalmistæ: *Melior est dies unus in atriis Iehova, quam mille alibi.* Et quisquis modo gustavit verbi Dei dulcedinem, mavult *frequentare limen in domo Dei*, quam *habitare in tentoriis improbitatis* Pl. 84. 11. Nec præter rationem annotatum fuit de Anna filia Phanuelis, quod non *abscefferit à templo* Luc. 2. 37. sed uti illud ipsum templum, è cuius frequentatione consolationem sperabat pietissima vidua, erat typicum; sic Christiano præter hæc publica sacrorum exercitia, incumbunt varia alia privatim expedienda, maxime, si is ipse quoque sustineat personam patris familias. Atque, cum nemo dubitet eos habendos esse pro Sabbathi profanatoribus, qui illud transigunt convivando, potitando, &c. ita sequentia domi suæ pater familias expedire debet. I. Semet ipsum excutiat quantum ex auditu Dei verbo profecerit, illudque specialibus meditationibus & precibus sibi applicet. II. Debet idem exigere à sua familia, iisque, qui curæ suæ commissi sunt. Cum quibus (III) familiaria quoque colloquia instituenda sunt de iis, quæ pertinent (Luc. 24. 14.) ad regnum cælorum. IV. Suos tanquam prudens Catechista instituat, sese accommodando captui non minus parvulorum, quam adultiorum. V. Contemplationi operum & iudiciorum Dei vacare debet, ut proxima sect. ostendetur. VI. Egri sunt invisendi, & pauperes donariis recreandi, 1. Cor. 16. 2. Neh. 8. 12. VII. Minimum hoc die bis omnes suos convocet, ac coram iis aut ipse verbum Dei prælegat, aut per eum, qui in familia maxime idoneus est, prælegi curet. VIII. Sollemnes preces non modo pro se concipiat, verum cum familia quoque Deo offerat. Quæ omnia cum diei haut exiguum partem sibi vindicent, patet,



patet, quantum veri sublit iis, quæ modo proposui. Atque miror quod Telingius lib. 4. cap. 6. de Die Sabbathi pag. 101. Christianis permittat potius negligere conciones publicas, quæ habentur diebus profestis, quam concionem pomeridianam diei Dominici. Nam quamvis certissimum sit, à nobis diem Dominicum, qui Sabbatho successit, speciali ratione impendendum esse actionibus sacris, non tamen aut lex, aut ratio suadet, ut cuncti etiam senes, alique homines obliviosi, omnes conciones publicas audiant, siquidem ex iis nullum fructum percipere possunt, nisi instar animalium mundorum easdem ruminantur, atque per speciales meditationes & preces sibi applicent; experientiaq; ostendit, eos, qui ternas quaternasve conciones die Dominico soliti sunt audire, præ infirmitate (cum qua nobis, ut filiis Adami est luendum) ut plurimum *perfluere* (ut loquitur Apostolus Heb. 2. 1.) quum circa vespertam vix meminerint textuum explicatorum, multo minus sufficiant peculiaribus circa quamq; concionem meditationibus. Hæ rationes moverunt Synodum Dordracenam, habitam anno 1574. ut existimaverit non esse hoc die habendas conciones vespertinas. Ita enim habent verba Canonis L. 1. Belgico idiomate concepti: *Aengaende de opentlijcke avont Gebeden, is besloten, dat men se niet en brenge, daerse niet en sijn, ende daerse in 's gebruyck sijn, soo sichtigelijcken ende voorsichtelijcken af te schaffen, als het mogelijck is, insonderheydt om dese naervolgende oorsaken. Ten eersten, op dat men de ordentelijcke Predicatie dies te vieriger ende naerstiger besoecke. Ten tweede, dat de Huys-gebeden des avonds, die een yegelijck Huys-vader met sijn huys-gefin schuldigh is te doen, te vlytiger onderhouden vvorden. Ten derde, op dat de algemeene Gebeden op de Vast-dagen, diemen somtijds om eenighen besonderen noot ghebruyckt, te vieriger ende solemnelijcker gebonden vvorden.* Quis ergo, præunte decreto Synodico, consultius esse non existimet, ut unusquisque semetipsum hac in parte excutiat, atque die Dominico publicis concionibus audiendis ea ratione vacet, ut illud ipsum animi pabulum servire queat promovendæ suæ salutis? Dicit quidem Telingius ib. pag. 103. magis pios, & ratione morum præ aliis compositos fere esse, qui perpetuo concionibus publicis diei Dominici interfunt: sed hoc nusquam me docet verbum Dei, ex quo potius contrarium patet; nempe, eos esse ut plurimum graphicos hypocritas, qui religionem atque exercitium illius cum maxime in propatulo habent, Deo ipso sic edicante per Iesaiam cap. 1. vers. 14. *Novilunia vestra, & statas ferias vestras odit anima mea, sunt mihi laboriosa.* Ad quæ verba hæc



observat nunquam satis laudatus Calvinus: *Superstitio vel ex re ipsa, vel ex animi affectu aestimanda est, &c. Ex affectu, cum legitimos quidem ritus & probatos à Deo imitantur homines, sed externa speciei fixi inhaerent, nec in finem, aut veritatem intenti.* Quisquis enim genuinus est Judæus, talis est in occulto, non in propatulo, Rom. 2. 28. & seqq. piique, & vere conversi censentur, non illi, qui devoti solum comparent & videntur, sive Sabbatho, sive die Dominico: sed qui *de lege Iehova meditantur interdum ac noctu*, Plal. 1. 2. quibus ut parum est, quod non possint ratione iudicii publici, (perhiberi soliti à similibus frequentium concionum auditoribus) gloriari cum noto illo homine, Luc. 18. 11. ita optimi haberi debent diei Dominici observatores, quod ex formula Psalmi xciii. (qui Sabbathicus haberi solet) *annuncient unoquoque mane benignitatem* (Iehovæ) & *fidem illius quibusque noctibus*; quod faciunt, dum diei Dominico & prerogativam suam relinquunt, & aliis diebus (interim perpetuo vacando privatis suis meditationibus) quod ad auditionem sacrarum concionum, suam afferunt commoditatem.

XV. Quum modo vero meminerimus contemplationum diei Dominico convenientium, ratione non minus operum, quam iudiciorum divinarum; non possumus hoc dissimulare, nobis videri eandem convenientissimè institui posse, si, post peracta pomeridiana sacra, exercitio prodeambulationis suburbanæ (modo eam vis major non prohibeat) temporis quid tribuatur; quomodo & Isaacus Patriarcha in agrum prodire solet *ad meditando*, Gen. 24. 73. & duo ex discipulis Christi, propter meditationes cum primis sacras, contenderunt in vicum Hierosolymis proximum, Luc. 24. 13 & seq. Quod usque adeo liquidum est, ut ipse Telingius, hic alias nimis quam rigidus lib. 3. d. Tract. cap. 5. pag. 55. concedat hoc ipso die suis civibus; *Dat sy mogen buyten gaen*, (lubet propria huius hominis verba usurpare) *sich vermeyden in vriendelijcke, ende soete wandelinghe, ende aenschouwinghe van Godts gewassen, ende wonderlijcke wercken.*

XVI. Similiter ob eundem finem licitum est, hoc ipso die (quicquid in adversum clametur) interesse convivio moderato & honesto, sacrasq; meditationes magis promoventi, quam impediendi; quum & ipse Christus, optimus legis, & consequenter quarti præcepti interpret, die Sabbathi interfuerit convivio cuiusdam ex primoribus Phariseorum, Luc. 14. 1. quod Cartvrichtus, rigidus alias Sabbathi observator & propugnator, in Harmonia sua sic explicat, quasi Dominus, ipsius prandii tempore



tempore ediderit miraculum, cuius occasione illa temporis circumstantia notatur. Certe, recte observavit maximus Calvinus, historiam eo loco relatam, & cuius modo facta fuit mentio, *nihil aliud continere quam miraculum à Christo editum, quo superstitiosum Sabbathi cultum corrigeret.* quod hactenus nobis sufficit. Atque sic ipse Telingius (verba ejusdem iterum usurpabo) dicti Tract. lib. 3. cap. ult. pag. 75. permittit *dat een goeden vrient ofte twee op de portie hy een komen, oock op des Heeren dagh, om vriendelijck en sonder woel, met malkanderen Godts gaven matighlijck, en stillekens te nutten, tot op-weckinge van meerder danckbaerbeydt tot Godt, ende tot groot-makinge sijns naems.* A deo, ut in ruborem dari debeant quidam ex hominibus, quos hic præ aliis forte adversarios sumus experturi, quod recusent die Dominico, ullius quoque propinqui aut amici convivio interesse, tantum ut singulari sanctimonie opinione apud plebeculam gaudere possint.

Hactenus videri possemus, pro instituti nostri ratione, omnibus de-XVII. functi esse, nisi occurrerent duæ quæstiones, succincte ex Dei verbo expediendæ. Prior concernit itinera Sabbathica, quæ ratione certi modi & ordinis permessa esse, hinc patet, quod expresse fiat mentio *itineris Sabbathici*, Act. 1. 12. in cuius mensuram quam accurate inquisivit horum sacrorum consultissimus Seldenus lib. 3. de Jure Naturæ & Gent. cap. 9. quæ more hoc seculo recepto non compilo. Atque *initio*, ipsis quoque; & Israëlitis Sabbatho licuisse, aliquo usque longius procedere sacrorum ergo, propter divini cultus exercitium, patet ex Sunamitidis proposito 2. Reg. 4. 23. qui hac enim animi intentione iter faciebant, non suo operi, sed Domini operi vacabant. Convenienter Tertullianus lib. 2. adversus Marcionem cap. 21. *Nec Sabbathi enim inspicit legem, opera humana, non divina prohibentem. Siquidem sex diebus operaberis, & facies omnia opera tua, septimo autem die Sabbatho Domino Deo tuo, non facies in eo omne opus. Quod? Utique tuum. Consequens enim est, ut ea opera Sabbatho auferet, qua diebus supra indixerat. Tua scilicet, id est humana & quotidiana.* Cui *ὁ μὲν φησὶ* Philo Judæus, lib. περὶ νομονομίας, quarto præcepto vetari duntaxat docet, *ὅτι καὶ ζήτησιν βίης καὶ πλεσμὸν*; cum quibus nihil commune habebant itinera tali animi proposito instituta. Similiter colligere licet, ex Nehem. 8. 2. eos, qui remotius habitabant ab urbe Hierosolymorum, ipso die Sabbathi consuevisse in templum ascendere, juxta Dei præceptum Levit. 23. 3. & seq. *Præterea*, præ metu persecutorum, licuisse ipso Sabbatho quanto ocys fugere, patet exemplo Eliæ, per XL. continuos



continuos dies & noctes fugientis à facie Jefabelis, donec pervenisset usque ad montem Chorebi, 2. Reg. 4. 23. Nec contrarium docet Christus Mat. 24. 20. quando monet Judæos, ut orent, *ne fuga sua fiat hieme, aut Sabbatho*: siquidem, ut doctissimus Capellus recte observavit, Christus eo loco duntaxat respexit ad opinionem, quam tum temporis Judæi de Sabbatho habebant, qui existimabant nulla de causa licere, eo die longius iter emetiri, quam duum millium cubitorum. *Tertio*, si opera aut charitatis, aut necessitatis exigant, nullum dubium est, quin totum quoque Sabbathum itineri peragendo consecrari possit. Quomodo nullum dubium est, quin medici & chirurgi, si ad ægros, aut vulneratos evocati fuerint, toto Dominico die, sive equitare, sive curru navive vehi queant; quæ necessitas hoc casu non solum eos excusat, verum etiam omnes illos, qui in peragendo hoc necessario itinere iisdem inserviunt. *Quarto*, non video quoque, quare illi, qui iter necessarium plurium dierum sunt ingressi, provocare debeant occasionem, sæpe incommodam, si non periculofam quoque, quiescendi die Dominico; quum possint pariter, publico licet religionis exercitio destituantur, vacare lectioni Scripturæ, precibus ejaculatoriis, aliisque sacris meditationibus, exemplo Eunuchi, qui in curru suo sedens legebat Jesaiam Prophetam, Act. 8. 28. Quod ipsum Christus suo exemplo docuisse quoque videtur, qui cum discipulis suis ipso Sabbatho iter fecit, per sata, Matth. 12. & quidem longius, (quicquid quibusdam videatur) prout evincit vel sola fames, qua cum discipuli luctabantur: quum enim Dominum Sabbathi, & eum, qui ductor est in omnem veritatem, secum haberent Apostoli, securi potuerunt esse Synagogæ, eorumque, quæ ibi peragi solent. Nec est quod quis ex iis, qui rigide hic dissentiunt, clamet, interim discipulos Christi non quievisse: sic enim hi homines sua principia evertunt, quum alias velint quietem duntaxat considerari ut medium sanctificationis. Certum vero, hanc ipsam ita posse in mediis strepitibus intendi, ut hujusce medii queat esse secura. Cæterum hic occurrit mihi singularis scrupulus, an scil. Magistratus Belgii fœderati, quorum edicta circa observationem strictiorem diei Dominici hæctenus præconio digna sunt, licite possint tolerare, ut illo die, & quidem æque statis horis, atque reliquis diebus, ordinariæ scaphæ & currus commeent inter vicinas urbes; cumq; hebdomadariæ nundinæ Amstelodami (emporii toto orbe celeberrimi) habeantur die Lunæ, an possint permittere, ut sui ci-  
ves, & subditi, sæpe, mox à prandio diei Dominicæ, naves currusque  
repleant,



repleant, quo tēpestive subsequenti die mercimoniis emendis & vendēdis vacare possint? Certe, nisi quid deferatur quartæ hujus sect. observationi, non video quomodo hæc subsistere queant cum principiis eorum Theologorū, qui usq; adeo rigidi sunt circa observationē diei Dominice, (cum volunt æq; observari sub N. T. atq; sub V. T. à Judæis Sabbathum observabatur) ut multis modis injurii sint in libertatem Christianam.

Postremo quæritur, an non Magistratus Orthodoxus, omnes suos XVIII. subditos, Heterodoxos quoque, cogere debeat, ut diem Dominicum convenienter sanctificent, frequentando publica sacra? Certe hic quibusdam arrisit affirmativa sententia, tum quod IV. Præcepto mentio quoque fiat peregrini, tum etiam quod hoc suadere videatur exemplum Regis Josiæ 2. Chron. 34. 33. ac denique Christus jubeat quosdam compelli, ut ingrediantur, Luc. 14. Eoque alicubi consilia agitata sunt de mulctandis illis, qui die Dominico sacras conciones audire negligerent. At, putem salvo meliori judicio hic distinguendum esse inter quietem, & sanctificationem diei Dominici, atque, vel propter politicas rationes, ad illam omnes inquilinos à Magistratu adigendos esse, non pariter vero ad ipsam quoque sanctificationem peragendam publice. Nam nisi illud fiat, heterodoxi ab incolis orthodoxis questum avertent. Nulla vero occurrit ratio, quæ suadeat Orthodoxo Magistratui, ut hoc faciat, atque propositis minimum mulctis pecuniariis, omnes suos subditos, heterodoxos quoque, compellat hoc die publicis sacris interesse. Nam ut extortus nolentibus cultus, Deo ingratisissimus est; ita per Magistratus, gladio armati, leges extorqueri potest cultus religiosissime & devotissime quasi exerciti simulatio, neutiquam vero inspirari vera & salvifica fides, absque qua omnia externa, ut ut speciosa, nullatenus Deo placere possunt. Deus exigit tales *cultores*, qui *sponste*, sive hilari & prompto animo, non minus se, quam omnia sua sibi offerre parati sint, 1. Chron. 29. vers. 6. 9. atque, ut ipse ratione Eleemosynarum diligit *datorem hilarem*, 2. Cor. 9. 7. ita alios non agnoscit pro genuinis Ecclesiæ suæ filiis, quam qui primo *semetipsos* sibi (tanquam *Domino*) *dediderint*, deinde *verbi ministri*, & consequenter quoque Magistratibus, juxta præclarum illum textum 2. Cor. 7. 5. (jugulat hic locus Papanos sacrificulos, atque alios, iisdem non absimiles, qui existimant, se magni quid præstitisse, si promiserint suis cæcis sectatoribus, quod animas suas pro iis velint oppignerare, quum tamen ipsis non constet, qualiter illi, quos volunt per se, ut ministros, Deo quasi vindicare, se

Q

antea



antea eidem dediderint) quum populus, qui *Ipsi* acceptus est, ducatur etiam *Spiritu Dei*, Rom. 8. 14. sitque *populus spontaneus*, Pl. 110. 3. qui non minus *voluntarie Deo sacrificat*, Pl. 54. 6. quam jugiter eundem rogat, cum Davide, ut queat *spiritu spontaneo confirmari*, Pl. 51. 14. Præclare Ambros. Epist. 13. *Ecce Imperator legem tuam jam ex parte rescindit, sed minam non ex parte, sed in universum; legem enim tuam nollem esse supra Dei legem. Dei lex docuit nos quid sequamur, humane leges hac docere non possunt; extorquere solent timidis commutationem, fidem inspirare non possunt.* Nec contrarium patet ex illis locis, quibus quidam niti videntur. Minime ex ipso. 1 v. præcepto, in quo licet occurrat mentio *peregrini*, per eum tamen non potest intelligi alius, quam *περοσλυσ* sanguinis exteranei, quales multi inter Israëlitas vivebant, qui quamvis legibus Moisaicis non forent subiecti, ut colligere licet ex Deut. 4. & 13. 14. 29. die tamen Sabbathino cogebantur quiescere, (lex ipsa de quiete solum loquitur) ob causam politicam, antea annotatam. Josæ quoque zelus hic intempestive advocatur, siquidem exemplo Josæ (Jof. 24. 14. & seqq.) per validas obtestationes, quotquot in Israël erant, Deo in obsequium asseruit. Contrarium quoque Christus non docuit. Verum quidem est in Parabola Luc. 14. 23. patrem familias *servo suo precipere*, ut, *quos invenerit, cogat* (in Græco est verbum *ἀναγκάζειν*) ingredi; at, hoc neutiquam est intelligendum de coactione violenta, sed de admonitione seria, & exhortatione qua tempestiva, qua intempestiva, cui vacare debent Verbi ministri, quorum gloriatio non debet æstimari ex multitudine auditorum, (quæ plurimis, pro dolor! non modo cornua addit, sed si diffuat, malefana quoque consilia dictat) sed infusato simulque prudente Zelo, quatenus instant *tempestive & intempestive*, 2. Tim. 4. 2. quomodo dicitur Petrus gentes *ἀναγκάζειν* ad Judaismum, non vi quadam, sed exemplo, Gal. 2. 14. Sic & duo illi Emaunta euntes discipuli, Christum *παρεβιάσαντο*, ut secum maneret, cum precibus instando hoc ab eo impetrarent, Luc. 24. 29. Verum quidem est, hoc ipso testimonio Augustinum sæpe usum fuisse, contra Donatistas, ut probaret piorum quasi principum edictis, ad veri Dei cultum & fidei unitatem licite cogi præfractos atque rebelles: sed interim præter mentem Christi, atque non minus contra principia doctrinæ ejusdem, quam rationem. Audiatur unus Athanasius, cujus aurea sententia, occurrente Apolog. de fuga, prout per interpretem est reddita, hanc Exercitationem obstringabo. *Ita ergo loquitur*: Si quosdam ex Episcopis, propter hæc metu perculsos,



perculosos, transferri prorsus indecorum est, quanto indecentius iis, qui creditis à se non confidunt, conveniens fuerit, adversus eos, qui nolunt vim adhibere, eosque cogere? sic Diabolus, quandoquidem veri nihil habet, securi & ascia invadens, eorum, qui ipsum admittunt, fores perfringet: sed Salvator adeo mitis est, ut doceat, *si quis post me venire vult*; & si quis discipulus meus esse vult: accedens vero ad singulos vim non inferre, sed pultare potius, & dicere *aperi mihi soror mea sponsa*: & ad aperientes intrat, desidibus & nolentibus illis, discedit. Nec enim gladiis, aut per milites veritas predicatur, sed suada & consilio. Quæ vero suada ubi Regis metus? aut quæ consultatio, in qua qui contradicit, exitium & mortem reportat. *Hactenus Athanasius.*

## EXERCITATIO X.

## An die Dominico omnes cauponæ claudi debeant?

1. **Q**uid intelligi debeat per cauponas?
2. *Quædam ex illis simpliciter improbantur?*
3. *Aliæ conceduntur sub certis conditionibus.*
4. *Optandum quidem foret, omnes cauponas die Dominico posse claudi.*
5. *At, cum hoc in fœderata Belgica non sit possibile, sub certa limitatione admittuntur.*

**P**ervetustæ non minus sunt cauponæ, quam ipsum cauponum nomen, jam Ennii ævo receptum. Ne vero sollicitem aut varias linguas, aut gloriam Etymologicam captem, cauponas, quorum meminit ipsum jus Civile in rubr. tit. 4. ff. lib. 9. sunt illi, qui cauponam exercent, ut definiuntur d. ti. l. 1. §. 5. Paulus Festi abbreviator, ut contendit cauponam, sive coponam dictam esse à copiis; ita videtur proprie fuisse locus, in quo parabantur & distrahebantur omnia ad victum necessaria. Verba illius hæc sunt: *Copona, taberna, à copiis dicta.* Sunt vero copiar apud Latinos authores, omnis generis alimenta & annonæ; ut in leg. 4. Cod. Theod. de oper. publ. in l. 20. Eiusd. Cod. de compensationib. & passim apud Valerium Maximum, Symmachum, & Cassiodorum. Atque hinc

Q 2

Novius



Novius in Attellana dicit apud Gellium lib. 17. cap. 2. *Romani multis armis, & magno commeatu, pradaque ingenti copiantur*; subjiciente proxime ipso Gellio: *Copiarum verbum castrense est, nec facile id reperias apud civilium caussarum oratores*. Et apud Plautum Aul. 3. 5. (ut recte notavit Turneb. lib. 14. Advers. cap. 5.) caupo nomen est generale, non solum notans eum qui vinum vendit similemve liquorem, sed institutorem quarumcunque mercium: qui alias, in antiqua inscriptione Romana apud Gruterum pag. D.C. XLVI. 7. vocatur *copo*. Scaliger in Conjectan. ad Varronem existimat eundem dictum fuisse *cuponem*, atque *cupam* idem notare, quod *cauponam*, pro qua & dixerit *copam* Virgilius. Alias, speciatim apud Scriptores Romanos, notat locum, in quo aut vinum, aut cibi delicatiores, qui usitate dicuntur *cupedia*, divendi solent. atque sic *caupona* idem est quod apud Græcos *καπηλείον*. Gloss. antiquum quantivis pretii: *καπηλείον*, *Popa*, *popina*, *taberna*, *cauponium*. *καπηλ* Ⓞ, *Cauponarius*, *copo*. item *καπηλοδότης*, *Ganeo*, *tabernarius*. Similiter Glossarium Philoxeni: *Coponicula*, *καπηλίον*. Unde patet, *popinam*, *cauponam*, & *tabernam* esse Synonyma. quanquam nomen *tabernæ* alias generale est. In eadem significatione accipitur vox *diversorii*: pro quo Plautus dixit Truc. 3. 2. *diversoria taberna*. Alias *tabernæ* erant Oenopolia. Non. Marcellus: *Tabernæ* (inquit) non *vinarias* solum, ut nunc dicimus, sed omnes quæ sunt populari usus auctoritas Romana patefecit. Quid vero *ganeum* sit, vox pariter Synonyma, patet ex Donato ad Terentii Adelphos sic scribente: *Veteres ganeum meritoriam tabernam dixerunt ἀπὸ τῆς γᾶς τῆς ἐστὶ τῆς γῆς*, quod ipsa sit in terra, non ut *cenacula* superius. Hinc *ganeones* sunt homines luxuriosi & lustris dediti, nepotes, & helluones: qui à Græcis quoque *γανίται* vocantur, δάπανοι, ἀσωτοί. Eugraphius in Terentium: *Helluo est invasor. & qui plurimum consumit. Ganeo, tabernis operam dans, & conviviis turpioribus*. Pro eodem accipitur quoque *lustrum*. Utrumque vero, quæ *ganeum*, quæ *lustrum* cum *lupanari* magnam cognationem colit. Servius ad lib. 3. *Æneidos*: *Lustra, Cubilia*. Unde etiam *lupanaria lustra* dicimus, ubi habitant *lupæ*, id est, meretrices, dictæ ab obsecantibus & odoris similitudine.

- II. Hisce prælibatis breviter, existimamus, neutiquam illas sive *cauponas*, sive *diversoria* in repub. probe constituta tolerari posse, quæ respondent *ganeis*, *lustris*ve: licet enim exercitores prætexant se tantum generosiorum potum vendere, sovent tamen hominum ebriosorum *ἀσωτίαν*, imo connivent quoque ad turpiora, quæ non modo patiuntur in adibus



ædibus suis committi, verum sæpe quoque, spe lucelli, promovent. Talia quondam erant apud Romanos Thermopolia, in quibus potus calidus omnis generis vendi solet. Eorum sæpe meminit Plautus: *speciatim Curcul. 2. 3. Græculos exagitans sic loquitur: Quos semper videas bibentes in Thermopolio, ubi quid subripuere, aperto capitulo calidum bibunt. Tristes, atque ebriosi, incedunt. & Trinummo. 4. 3. Satin in Thermopolio condalium es oblitus, postquam thermopotaſti gutterem.* Ejusmodi caupona à D. Udemanno ad octavum præceptum eleganter vocantur *vuyte Mothcassen*: quæ extendere possumus, *tot de Brandevrijns-kroegen*, &, ut hic Groningæ notantur, *Corromors-huyſen, Tabacks-huyſen*, &c. Nec potest Christianus aliquis salva conscientia, ut idem recte observat, victitare tales domos exercendo, siquidem serviunt duntaxat fovendis hominum peccatis, ad hæc latibula convolantibus ebriosis, aleatoribus, & scortatoribus, imo sæpe etiam furibus (ut è Plauto cognovimus) aliisque hominibus nihili, qui non modo in multam noctem ibi desidere solent, verum etiam jurgiis, & rixis, nonnunquam etiam pugnis, omnia commiscere. Qui vero popinas hujus ordinis exercet, parum aut nihil à lepone distat, ejusque uxor communis est cum meretrice. Unde & Ebræum vocabulum *Zonach*, & meretricem, & tabernariam, seu cauponariam mulierem significat. Quomodo Ebræi, *Rahab*, de qua Jos. 21. (ut Jonathan Paraphrastes Chaldæus, & eum sequuti R. Salomo, R. Jona, R. Levi, Ben-Gerson, Rabbi David Kimchi) volunt fuisse hospitam, quam tamen Paulus Heb. 11. 31. & Apostolus Jacobus cap. 2. 25. sequuti Lxx. Interpretes, insigniunt nomine *τῆς πόρνῆς*, sive meretricis. Nec unquam vox *Zonach* in V. T. pro hospita accipitur. Suspiciari aliquis posset, cum simplex fornicatio inter Gentiles vix peccatum haberetur, & cauponariam exercuisse, & nimia (prout solet) virorum consuetudine corpore quæstum fecisse: postea verò ab exploratoribus verum Dei cultum non modo edoctam, verum etiam ad fidem conversam fuisse. Interim, ob illa, quæ dicta sunt, viri honesti, famæque & existimationis suæ studiosi, nunquam in hisce lustris vel conspiciabantur. Labet ad suffragium vocare Calaubonum, sic *commentantem ad Theophrasti Characteres Ethicos capite περὶ ἀποβολῆς*: Olim apud Græcos (*inquit*) sicut etiam hodie, ut audio, in quibusdam Italiæ locis non multo erat honestior locus *πενδοχέον*, sive taberna meritoria, quam *δίκημα*, hoc est, lenonis aut meretricis domus. Nec multo aliter apud Latinos, qui τὸ *πενδοχέον* stabulum, & τὸν *πενδοχέον* stabularium



stabularium dixerunt: meretricem autem prostibulum. Eo factum, ut viri, quibus honestas curę, æque in cauponis ædibus conspici erubescerent, ac in lenonis: quod vel ex iis patet, quę de Stratonico citharædo refert Ælianus variarum lib. 4. cap. 14. Sed & Isocrates, ἐν καπηλείῳ, ait φαγεῖν ἢ πίνειν, ἢ δεῖς ἢ δ' ἂν αἰκίτης ἐπιεικὴς ἐπὶ λήσῃ. Vide & Athenæum lib. 13. hunc ipsum Isocratis locum proferentem. *Hactenus Casaubonus.* Noti quoque sunt Hadriani Imperatoris versus, in Florum, apud Spartianum hunc in modum ludentis:

Ego nolo Florus esse,  
Ambulare per tabernas,  
Latitare per popinas,  
Culices pati rotundos.

Eoque christiani Magistratus officium est, ut antea quoque notabamus, non permittere ulla ratione, ut tales caupona in repub. exerceantur. Multo minus ipsi (pro dolor in Belgio tamen quam receptum!) in similibus domibus conspici deberent: nedum eo dirigere publicorum quoque negotiorum (utinam verum non foret!) deliberationem, tantum ut Dominis cauponibus placeant. *Quis enim potest fovere carbones in sinu suo, ut non ardeat?* (Proverb. 6. 27.) quę verba citans Ambrosius in Pl. 119. addit: *quis existimes, meretrices foveri posse in civitate, ut juvenes non scortentur?* Occinitur quidem vulgo illud Augustini ex lib. 2. de Ord. cap. 4. *Aufer meretrices de rebus humanis, turbaveris omnia libidinibus.* sed ut illa Augustinus scripsit adolescens & nondum baptizatus, fidem facientibus libris Retractionum; ita Christianus Magistratus magis attendet ad Dei legem, Deut. 23. 17. *Nulla sit meretrix, aut prostituta in Israel.* Neutiquam vero tolerabit lupanaria, specioso licet cauponarum titulo insignita, siquidem sunt *publica intemperantiæ trophæa*, juxta Clem. Alexand. lib. 3. Pædag. cap. 3. quę *diabolus constituit, ut pudorem infeliciū mulierum publicaret*, quemadmodum loquitur Lactant. lib. 6. cap. 23. atque *lascivula seditatis, & turpia loca*, prout Augustinus adultior recte censuit lib. 14. de Civ. Dei cap. 18. & lib. 18. cap. 21.

- III. Interea tamen omnia diversoria non sunt habenda eodem loco, cum hisce ganeis, pro dolor! nimis quam frequentibus in Belgii civitatibus, maxime majoribus. Nam *primo* admittenda videntur illa, quę destinata sunt excipiendis peregrinantibus, seu viatoribus, quo iis magis exhibeantur illa, quę ad necessitatem & commoditatem, quam quę ad voluptatem faciunt. Hęc enim perquam vetusta sunt, & ante ipsam legem



legem in monte Sinai datam, in usu fuerunt. Certe, fratres Iosephi, dum commeant inter Ægyptum & locum habitationis sue, defleunt ad diversorium, Gen. 42. 27. & 43. 21. Zippora Moſis uxor, propter occurrentem Angelum, circumcidit filium suum, dum cum marito Moſe in diversorio moratur, Exod. 4. 24. & (ad propiora secula ut accedamus) licet multa diversoria forent circa Bethleemum, quum Christus tamen nasceretur, non erat illi locus ἐν τῷ νοσολέγειον, Luc. 2. 7. Denique in parabola, Samaritanus dicitur, hominem à latronibus vulneratum, quem in via publica repererat, deduxisse (Luc. 10. 34.) εἰς τὸ νοσολέγειον, quod Interpres vulgatus Latinus optime reddidit *stabulum*: siquidem *stabulum* apud Scriptores Latinos primæ notæ, sæpiissime notat locum, quo recipiuntur viatores. Ordinanda tamen forent hæc ipsa diversoria à Magistratu, cuius officium est operam dare I. ut tuta sint hæc ipsa: quum ex plurimis pateat historiis, quæ antiquis, quæ recentioribus, ea sæpius transformata fuisse in speluncas latronum, licet in ipsis maioribus civitatibus notarentur. II. Desiniendum ab eodem Magistratu pretium, in quamque cœnam; ne caupones se gerant pro gryphibus, leonibus, aut aquilis, per quæ animalia rapacia, veluti symbola, tabernacula suas distinguere solent: utendo alias pro insigni Æthiopibus, Corona, aut virorum Principum sive vultibus, sive insignibus; ut, si hospites suos non possint terrere (quando plus æquo exigunt) velut suæ autoritatis larva, nigri quid signante, saltem moneant liberales esse debere instar Principum, quos ostentant. III. Interdicendum pariter per Magistratus esset, hisce exercitoribus diversoriorum, ne alios recipiant, quam quos constet non fore graves hospites: atque consultum propterea, ut, quam primum aliquem viatorem receperint, illius indicium Magistratui faciant. IV. Pariter iisdem interdicendum, ne viatoribus adventantibus sive ad portum, sive ad urbium portas insidiantur, atque astu aliquo eos in ædes suas pertrahant, qui alio defletere destinauerant. Quod artificium eorum perantiquum est. Sueton. Claudio: Quoties Ostiam Tiberi deflueret, aut Bajæ sinum præternavigaret, disposita per litora & ripas diversoria tabernacula parabantur, & insignes ganea matronarum infistorias operas imitantium, & orantium hinc inde ut appelleret. Seneca Epist. 21. Hospes hic bene manebis, &c. paratus eris istius domicilii custos, hospitalis, humanus, & te polenta excipiet. Præter hæc diversoria, secundo ratione Belgii nostri, adhuc alia quædam per Magistratum concedenda videntur. In his siquidem oris, duplicia quasi negotia publica



blica occurrunt: quædam in Curia, aliisve locis ei respondentibus peragi solent; alia in basilicis vinariis, partim nomine ipsorum Magistratuum elocari solitis, partim à privatis eundem in finem quoque ordinatis. Hæc consuetudo gentilis, cum difficulter post tot seculorum decursum abrogari possit, Magistratus minimum operam dare debet, ut illa, quæ penitus tolli non possunt, saltem legibus talibus ordinentur, quo neque religioni, neque bonis moribus ulla ratione officiant. Atque, ut jam antea notavi, si hæc ipsa loca, pro expediendis publicis negotiis negligi non debeant, neutiquam ipsi ad alia loca, modo indicata (hoc deploramus) negotiorum quasi publicorum expeditionem derivare deberent. Interea circa has cauponas, varia, quæ observentur, occurrunt. Ergo primo explorandi illi forent, quibus licentia conceditur cauponas ejusmodi exercendi: homines nauci, decoctores, ignavi ventres, atque ut plurimum quoque ebriosi, huic arti se manciant, tum ut Musice agitare queant, tum etiam, quæstum quam uberem per fas nefas facere. Ab antecessoribus ejusmodi quid expectari possit, quivis facile colligere potest. Quod si vero non nisi viris gravibus, hujus notæ, cauponæ committerentur, etenim omnia commodius secundum ordinem, à Magistratu definiendum, procederent. II. Severe cauponibus interdiciendum, ne generosiores liquores, quos vendunt, ulla ratione adulterent. hoc jam olim facere solent; usque adeo, ut apud Æschylum in proverbium abierint τὰ καπηλα τεχνήματα, & Ennius apud Ciceronem in Officiis dixerit de Romanis: *Non cauponantes bellum, sed belligerantes.* Quo respicit quoque Apostolus Paulus, quando 2. Cor. 2. 17. negat se καπηλῶν τὸν λόγον ἢ θεῶ. Mangonium hoc vinarium, valetudini quam noxium, non modo plurimum obest iis, qui soliti sunt cauponas frequentare, verum etiam pluribus aliis; quum in his Belgii locis usu receptum sit, ut non solum à vulgo, verum locupletioribus quoque minori mensura vinum è cauponis petatur. quod tamen apud Romanos summo probro ducebatur. Unde Cicerone in Pisonem velut convitium jactat: *Panis & vinum à propola, & de cupa.* III. Quo reip. oneribus, ex ærario sublevandis consulatur, à cauponibus hisce tributum exigi deberet: quod à Græcis vocari solet καπηλασίον, cujus fit mentio apud Andronicum Junio rem apud Phranzen. lib. 3. cap. 24. Qui enim citra sudorem & pulverem, non modo commode (si non Musice) visitant, imo insuper lucrum faciunt, cur non supra reliquos cives, & agrariam turbam, in publicorum onerum partes veniant? IV. Definiendum quoque à Magistratu est, qua hora, quoque die, & claudi



& claudi & aperiri debeant tabernæ: quam legem, stricte omnino obser-  
vandam, si Magistratus suo potissimum exemplo munire instituerit;  
*ἀταξία* & dissoluta vita quorundam in ordinem redigi poterit, qui alias  
toto anno Solem aut orientem aut occidentem vix conspiciere solent.  
Ita Romæ balnea, & tabernæ deliciarum, ante horam nonam patere non  
solent. Verus Interpres Persii: *Nonaria dicta meretrix, quia apud veteres  
à nona hora prostabant, ne mane omīssa exercitatione illo irent adolescentes.*  
Lampridius in Alexandro Severo: *Addidit & oleum luminibus therna-  
rum, cum ante & ad nonam paterent, & ante Solis occasum clauderentur.* Hic  
Groningæ extat constitutio quam laudabilis: optamus solum, ut cam-  
panæ huic adfit pistillus. V. Numerus quoque harum cauponarum per  
publicas Potestates definiendus foret: probrosum siquidem reip. (uti-  
nam in Belgii aliquibus civitatibus verum non foret!) tribum taberna-  
riam plura membra agnoscere, quam varias honorationum civium tri-  
bus. Ut medicorum frequentia indicat clima morbidum; ita caupona-  
rum multitudo indicina est civium corruptorum, atque Lydis haud ab-  
similium, qui (teste Herodoto lib. 1.) decoxerunt avitam virtutem &  
gloriam, quum ad exercendas cauponas animum adjecissent. VI. Loco  
pariter certo hæ ipse tabernæ forent assignandæ, neutiquam vero in ea  
regione urbis accumulandæ, ubi omnia quam siccissima esse oporteret.  
Nemo probaret illius Magistratus institutum, qui ad ecemiterium Ca-  
thedralis Ecclesiæ (prout vulgo loquuntur) omnes vinarias tabernas  
ablegaret; similiter, quis extra censuram justam deputet esse apud viros  
prudentes & religiosos, tolerantiam eorum reip. Antistitem, qui, ex-  
clusis honestis mercimoniis, patiuntur Curiam suam cauponarum cir-  
culo non tam circumdari, quam obsideri, quaque caupona sibi quæ  
Curia membra, sive nobiliora, sive indigniora, vindicante? Omnibus,  
modo sunt homines, non potest non arridere (interveniente animi  
assensu) hoc Horatii lib. 1. Ep. 19.

Forum, Putealque Libonis

Mandabo fectis. cui & consonum est geminum illud Propertii  
lib. 4. de Vertumno:

Sobrius ad lites: at cum est imposta corona,

Iurabis capiti vina subesse meo.

Postremum hoc monitum utinam ubique in Belgio placeret! ne-  
scio quo fato Curia alicubi obsesta sit à cauponis hujusce ordinis. Ad  
angulum fori si in quibusdam urbibus statueres cæcum, atque juberet  
cauponam

R

cauponam



cauponam indicare, sanè vix falli posset: si enim circa primam domum palpando aberraturus videretur, duum triumve vicinarum cauponarum odor, primi errati tentamen mox emendaret. Hæc tamen non sunt ex iis, quæ vocat Apostolus τὰ ὀφθαλμοφάνη Phil. 4. 8. Utinam Urbium laudatissimarum alias existimatio aliquando vindicetur! Interim exercitatores earum, (modo legibus à Magistratu latis plene atque per omnia satisfaciant,) inter membra Ecclesiæ non modo adoptari possunt, verum etiam, si requisita specialia concurrant, pariter adoptari in ordinem non minus Seniorum, quam Diaconorum.

IV. Quamquam vero posterioris ordinis tabernæ, prout à nobis definitæ atque ordinatæ sunt, circa se nihil omnino vitii habere videntur, optandum tamen foret, omnes illæ die Dominico claudi possent, quemadmodum iis diebus, quibus Magistratus publicas supplicationes & jejunia imperat, severe earundem exercitio interdici solet. Neque enim putandum, aliquem, æque commodè qua privatis meditationibus, qua precibus, eas ingrediendo vacare posse, atque domi suæ, ubi quicquid impedimentorum occurrit, pro imperio atque arbitrato suo facile submovet. Votum hoc meum sycophantice exagitat Reynessius, siquidem nullum medium ostendere potuit, quod voti satisfactioni servire posset: atque cur Magistratus circa dies Jejunii, raro recurrentes, decreta sua exequi queat, haud æque vero circa diem Dominicum, septimum in ordine per totum annum?

V. Enimverò, quum honestæ recreationi locus sit relictus Dominico die, atque liceat (Nehem. 8.) *bibere dulcia*, vulgus vero Belgarum consueverit liquorem generosorem non tam in valis domi reconditum habere, quam petere è tabernis, sive vinariis, sive cerevisiariis; non videntur ob hanc causam tabernæ hujus ordinis die Dominico claudendæ esse: ne forte queratur plebs, se sex diebus pro satianda suorum fame domi desiderare & tenuiter victitare, atque ne quidem eo ipso die, quem honestis recreationibus impendi Deus permittit, iis potiri posse, quæ non minus iisdem provocandis serviunt, quam excitando quoque interiori animi gaudio. Nam & ipsa Scriptura testatur, quod *vinum* non modo *faciat cor bonum*, 2. Sam. 13. 28. verum etiam illud *lætificet*, Psal. 104. 15. Quid quod in ipsis sacrificiis, (illa Sabbatho duplicata erant) vini usus esset receptus, Exod. 29. 40. Num. 15. 4. quod proinde *Deum* ipsum *lætificare* dicitur, Jud. 9. 13. Circa locum Nehemiæ (textus originalis inspiciatur) non moror Dn. Dubosii,



Dubiosi, alias amici, observationem, frustra à Reynessio adductam. Ut alibi ostendam, non constat hic viro docto ratio. Atque si constaret quoque, nobis sub conditione Politica progredientibus, obesse non potest. Optaremus omnibus Belgis Idies Dominicus letus elucesceret. Si Marci Damæ, aliorumque ex infima plebe, cellæ essent æque instructæ, atque multorum è Pastoribus, possentque vina diversæ quoque notæ exhibere, pauci ex hoc ordine, Dominico die ingrederentur cauponas suburbanas; quas adeunt, ut pretio comparare ea possint, quæ in sua penu invenire non solent, atque si peterent ægri quoque, forte à paucis Pastoribus (alias hic domi locupletibus) vix consequerentur. Quæ generosioris liquoris, bellariorum, cupediarum, & pomorum quoque videtur esse ratio, quæ non video, quare in suburbiis, hoc ipso die licite non possint vendi, si censeatur licite (mi Lector loquor ex hypothesis, quam vellem sublatam) permitti cauponarum exercitium. Interim, velim hanc licentiam (hactenus abolitam opto) legibus quibusdam circumscribi per Magistratum. 1. Ne antea pateant hæ tabernæ, quam concio pomeridiana sit finita. 2. Ne quid insoliti strepitus, quo sacræ meditationes impediri queant, in iis excitetur. Eoque, hic per omnia probamus legem Constantini Magni, seu leg. 10. Cod. de Feriis, quæ ratione diei Dominicæ sic sancit: *Nec hujus religiosi diei otia relaxantes, obsecans quemquam patimur voluptatibus detineri: nihil eodem die sibi vendicat scena theatralis, aut Circense certamen, aut ferarum lacrimosa spectacula.* 3. Nulli usque dum inebrietur, potus generosior vendatur; gravi multa non minus inebriato, quam cauponi, definita. 4. Æstivo tempore, hora ante solem occasum claudi jubeantur, atque eum in finem, citius quoque Civitatum portæ claudantur, ne cui liceat in suburbanis cauponis stabulari: hiberno vero tempore, nulli cauponi (sub majori multa) post horam vespertinam sextam, alicui liceat, domi suæ potum inebriantem præbere. Optaremus equidem, opus non foret per Belgium reformatum hisce limitationibus, atque toto die Dominico omnes cauponæ claudi possent: at, cum hoc vix fieri queat, ob illa, quæ diximus, reip. Moderatores serio meditentur, an non hac in parte debeant cogitare, quod dicit Aquinas, 2. 2. qu. 10. art. 11. *In regimine humano qui præsumunt, recte aliqua mala tolerant, ne pejora incurrant.* Quam tamen tolerantiam, ut ipsi rei communis Moderatores, quantum in se, magis atque magis circumscribant, & Lex Dei, & ratio, suadent, simul ego ex animo rogo.

NON

R 2

E X E R



# EXERCITATIO XI. An dies festi omnes, speciatim quinq; solemnes, debeant abrogari, nec fas sit iis cœnam Dominicam administrare?

1. **D**ies festi, à Dominico die distincti, institui possunt sub N. T. exempla  
Mardochai, & Iudæ Machabai.
2. Vindicatur Mardochai institutum.
3. Item Iudæ Machabai.
4. Quare, & quomodo, dies quidam Festi præter diem Dominicum sub N. T.  
celebrentur? quid statuerint quidam Orthodoxi?
5. Quid receptum sit in Ecclesiis federati Belgii?
6. Synodo Dordracenæ consonat Catechesis Palatina.
7. De Festo Paschatis, & quomodo fuerit olim agitatum?
8. De Festo Pentecostes.
9. De festo Nativitatis Christi.
10. De festo Ascensionis.
11. De festo Circumcisionis.
12. Respondetur ad locum Gal. 4. 10.
13. Item ad locum Col. 2. 16.
14. Festis N. T. non obstat quartum Præceptum.
15. Nec ratio festorum V. T.
16. Nec autoritas Christi, aut Apostolorum.
17. Nec institutum Dei.
18. Non quoque ratio adiaphororum.
19. Minime quorundam Theologorum autoritas.
20. Ministri Belgici non possunt rite laborare pro horum festorum abrogatione.
21. Quando celebrari debeat cœna Domini?
22. Hoc licite, & utiliter, sit bisce diebus Festis.

I, **Q**uanquam dies festi, sive dies solennes, celebrandis quasi  
Dei beneficiis pro propagatione *Ipsius* gloriæ servientes at-  
que destinati, velut religiose & perpetuo observandi, à solo  
Deo possunt institui, qui est unicus legislator, oditque non  
solum, sed execratur quoq; mandata hominum, Mat. 15. 9.  
tanquam *ἑλὸς ἐν κέντρῳ*, seu sponte susceptum cultum, Col. 2. 20. 23.  
nom



non tamen interdictum est Ecclesie, sive Veteris, sive Novi Testamenti, in memoriam certorum Dei beneficiorum, dies aliquos, quasi commemoratorios destinare conventibus & exercitiis sacris, libere, ordinisque gratia tantisper observandos, quam secus videatur Ecclesie, secundum eandem quasi amplitudinem considerandæ. Prout secundum filum Juris naturalis (neutiquam interim refragante Scriptura) ostendimus in Diatriba de Sabbatho. Ita quoque ab Hesthera & Mardocheo, unanimi consensu Judæorum, admirandum in modum presentaneo exitio exemptorum, institutum fuit festum *Purim*, sive sortium, Esth. 9. 23. quod & deinceps à Judæis est observatum, 2. Machab. 15. 37. atque dictum *ἡμέρα Μαρδοχαίου*. Pariter à Juda Machabæo, postquam tertia vice repurgasset templum, atque propulisset tyrannidem Antiochi, 1. Mach. 4. 59. institutum est festum *τῶν ἐγκαίνιων*, sive Encaniorum; quod quoque ipse Christus, osor alias maximus *τῆς ἐλευθερωσεως*, sua presentia cohonestavit, Joan. 10. 20. dubio procul non facturus, si festa omnia humanitus instituta, pro commemoratione Divinorum beneficiorum, existimasset esse illicita.

Laborat quidem Author *altarū Damaseni* argumentum hoc nobis II. eripere, excipiendo varia adversus utrumque Scripturæ locum: at ea tanti non sunt, ut aliquem movere debeant, quemadmodum patebit ex ipso examine. Reyneffium, antequam ulterius pergam, non possum quin ut Sycophanticum nebulonem insigniam. Quoniam utriusque Scripturæ loci hic memini, Nebulo iste sic insurgit: *Pudeat hunc hominem, quod Machabæi Apocryphum librum Estheræ parem faciat*. At mi Deus, ubi hoc à me factum? *ἐγκαίνια* à Machabæo instituta, quoniam memorat Johannes, eum cum Estheræ componendo, duum Canoniorum librorum recte memini: adeo ut Reyneffius pag. 67. promeruerit elogium, quo jam insignivi eum iusto Zelo. At, quid tandem Didoclavius? Adversus dies *purim*, à Mardocheo institutos, hæc adfert pag. 681. *Non dicitur conditum tempus eorum mogned, sed jemin, tempus determinatum vel quodvis conditum, nec etiam dicuntur Sabbathæ*. Resp. Dies *purim* eodem modo dicuntur, ac dies primitiarum, Num. 28. 26. ubi in textu Hebræo idem occurrit vocabulum. Pergit: *Quiaverunt, verum ab inimicis suis, qui erant Susi, &c. De quiete in posterum observanda nihil instituitur. &c. Præterea, utitur hic Spiritus Sanctus alia voce ad exprimendum istud quiescere, quam Schebath, quæ vox est usitata ad significandam vacationem, seu cessationem, ab opere die festo.*



Nam hic alia voce, nempe Nachu, quieverunt, utitur, cujus radix Nuach. Resp. I. Nuach, & Schabath sunt synonyma; & quamvis ab hac radice descendat Sabbathum, altera quoque cum omnibus suis derivatis transfertur ad signandam quamcunque requiem: atque speciatim, ratione quietis Sabbathi, liquet si loca Exod. 20. 11. & Gen. 2. 3. inter se conferantur. II. Diem hunc ut festum quotannis celebrasse Judæos, patet 2. Macch. 15. 37. ubi, ut modo diximus, καὶ ἑξοχλὼ vocatur ἡ μαρδοχαίου ἡμέρα. III. Quanquam non videtur Judæis prohibitum fuisse, ut hoc die ab operibus suis cessarent, Thalmudistas tamen censuisse, satius esse iis abstinere, testis est Buxtorf. cap. 24. Synag. Jud. Sic & nos distinguimus inter dies festos, qui incidunt in diem Dominicum, & eos, qui incidunt in quem alium diem; atque hisce, post frequentata publice sacra, existimamus licere ad ordinarium opus redire, modo nulli scandalum præbeatur: ut postea fusius declarabimus. IV. Si locus recte inspicatur Esth. 9. 21. 22. videtur mentio fieri quietis ab inimicis, veluti causæ, quæ movere debeat Judæos, ut quiescant velut in festo die. Ita dein Author: Nihil statuitur nisi ut celebrarent dies illos letitia ac convivio, ac hilaris, cum missu portionum alterius ad alterum, &c. dicuntur hi dies, dies boni communiter, quia dies leti & jucundi, ut dies nuptiales, alique convivales dicti sunt. Atque dein prolixè refert, quomodo Judæi hunc diem haut secus atque Bachanalia transigere soleant. Resp. I. Non attendendum quid hodie à Judæis fiat, sed quid fieri deberet. II. Idem verbum quod Esth. 9. 22. usurpatur de celebratione dierum Purim, Ezr. 6. 19. usurpatur de festo Paschatis, certo argumento, hætenus, ratione habita primæ institutionis, hoc festum fuisse adæquatam Festo Paschatis. Nec valet stulta illatio Reyneffii pag. 67. & seq. Fuit ergo ut pars cultus Divini perpetuo observandum. Certe quamdiu completum non contulit Christus, qui hujus Festi observator fuit, pariter in veneratione esse debuit. Atq; hætenus adæquatam Paschati ratione finis, non vero Institutionis, siquidem ab ipso Deo non est institutum. Porro sic argumentatur idem Altaris Author: Ab autoritate Mordechæi non sequitur, Episcopos ordinaria sua potestate idem posse facere. Nam Propheta habetur & auctor libri Esther. &c. Fuit præterea Mardocheus, ut testis est Drusus, unus è 120 qui constituerunt Synagogam magnam, inter quos erant Propheta, Zacharias, Daniel, Ezra, Malachias, &c. Resp. I. Gratis dicitur Mardocheum fuisse Prophetam, utque hoc credamus, non sufficit nobis autoritas unius Sixti Senensis. II. Mardocheus nullibi commendatur, ut Propheta, sed duntaxat ut

vir



vir primarię dignitatis, qui reversus quoque fuit ex captivitate Babylo-  
nica, Eisd. 2. 2. Nehem. 7. 7. & quicquid hic fecit, videtur fecisse fretus  
potestate politica. III. Nunquam sic deliravit Drusius, ut statuerit  
omnes illos, qui pertinebant ad magnam Synagogam, pariter fuisse pro-  
phetas, quanquam quidam ex Prophetis potuerint illius membra esse.  
IV. Atque si hodie dies solemnes in aliquo imperio Politice ordinati,  
occasione certi beneficii à Deo collati, dierum illorum memoria ad po-  
steros usque propagatur, cur non idem multo magis existimandum sit,  
circa dies solemniore ritu dedicatos? Imo circa dies totius Ecclesię  
Christianę consensu hæcenus observatos? Denique hic aries admove-  
tur: *Nota, non absque consensu populi institutos fuisse hos dies lætitię.* Resp. I.  
Hi dies sortium non aliter fuerunt dies lætitię, quam quatenus apud  
Ezram l. d. dicuntur *Judæi celebrasse festum asymorum septem diebus cum  
lætitię.* II. Consensus populi est vel tacitus, vel manifestus: ille sufficit,  
atque intervenit per secula plura circa hæc festa N. T. quæ tamen liberę  
sunt institutionis.

Adversus Encanĩa, à Juda Machabæo instituta, ne nostrę, ceu com- III.  
muni Christianorum, sententię faveant, varia quoque excipit idem Au-  
thor. Initio sic instat: *Junius observat, Christum non honorasse festum,*  
*sed ceterum piorum convenientium festo, &c. Sed nec patet ex textu, Christum*  
*honorasse ceterum convenientium præsentia sua, &c. notantur circumstantia loci*  
*& temporis.* Resp. I. At quis sibi non persuadeat, Christum dum captavit  
occasionem propagandi suum regnum tempore Festi, pariter Festum  
hæcenus honorasse? II. Convenienter Calvinus ad Joh. 10. 22. *Tunc*  
*(hoc est, tempore Encaniorum) Christus pro more apparuit, ut in frequen-*  
*ti hominum conventu uberius esset prædicationis suę fructus.* Ergo, Sp. Sancto  
propositum fuit, non modo simpliciter notare temporis circumstan-  
tiam, sed præter eam quoque singularem Christi prudentiam. Deinde  
dicit: *Non desunt (veluti Cartvrichtus) qui anniversarium illud festum*  
*non fuisse legitime institutum dicant.* Resp. I. Huc author se recipit, quod  
videret se antea nimis liberalem in concedendo fuisse, admittendo de-  
dicationem hanc fuisse factam *ex legis analogia.* Vere siquidem dictum  
à D. Gomaro: *Negatur, novum Dei cultum hisce Encaniis institutum: sed*  
*cultui divinitus imperato, circumstantia temporis licita Ecclesię, & ad gloriam*  
*Dei pertinens, addita.* II. Cur vero Judas Machabæus augustius potue-  
rit reddere hoc suum festum, quam aut Salomon, aut Ezras, verbo in-  
nuit Josephus lib. 12. cap. 11. quando docet, cur hoc festum pariter

φῶς,



φῶς, seu lumen vocaverint : quia scilicet *ex insperato illuxerit tanta felicitas*, atque, ut addit Calvinus, *ut Dei gratiam, qua finem Antiochi tyrannidi imposuerat, memoria repeterent*. Talis occasio celebrandi τὰ μεγάλα ἡ Θεῶ, neque Salomoni, neque Ezechia, neque Josia, neque Ezra oblata erat, quicquid obnuntantur, qui Damascenum altare operosa diligentia in Ecclesia erigere moliantur.

- IV. Ut progrediamur, pari inter Christianos ratione ab ipsis ferme incubulis primitivæ Ecclesiæ N. T. in memoriam singularium beneficiorum, per Christum Jesum Ecclesiæ suæ præstitorum, libere dies quidam festi observari cæperunt, non quod iis, præ aliis diebus, aliquid sanctimonix insit, sed propter ordinem, in quem ratione certorum dierum, annuatim recurrentium, pie & prudenter solemnitatibus quibusdam constitutis, consensus Ecclesia, non Papam quidem, sed primitiva, ac ferme à temporibus Apostolorum, *ne volumine temporum ingrata surreperet nobis oblivio*, prout eleganter loquitur Augustinus lib. 10. de Civ. Dei cap. 4. Novi quidem quosdam, ex Canonibus quasi Apostolicis, vulgo colligere, quædam ex Festis, distincte postea considerandis, speciatim Festum Paschatis ab ipsis Apostolis institutum fuisse; cæterum verius cum Socrate lib. 5. hist. cap. 22. putaverim, neque Christum, neque illius Apostolos, quicquam vel de festo Paschatis νομοθετήσας. Quod hætenus, ob fundamenta modo jacta, nobis non potest officere. Ut enim recte censent Professores Leidenenses Disp. 21. Theol. ult. de hisce ipsis Festis: *Dum habentur pro humanis institutis, & abest divini cultus opinio, omnisq; superstitio, necessitate eorum libertas Christiana non premitur, multitudine Ecclesia non oneratur, sed ad ordinem usumque illustrem Ecclesia tenentur, utiliter usurpari posse arbitramur*. Similiter Rivetus in Explicat. Decalogi. sub finem Præcepti IV. *Tenenda est (inquit) media quam institimus via, ut dies aliqui festi observentur, ne sit αἰτια ἡ ἡμέρα; ut pauci, ne graventur fideles; ut superstitiosa & scrupulosa necessitas tollatur, ne periclitetur Christiana libertas; ut cultus opinio refecetur, ne introducatur εὐθελοθρησκεία; habeaturque ratio ordinis, & decori in Ecclesia, in qua omnia ordine & decen-ter fieri debent*. Atque ob hanc ipsam causam, exemplo primitivæ Ecclesiæ (hoc postea distincte probabitur) illæ ipsæ Ecclesiæ, quæ divortium fecerunt à Pontificiis, atque se exonerarunt iugo inutilium cæremoniarum dierumque festorum, nihilominus quosdam dies festos, in memoriam singularium beneficiorum Christi antiquitus institutos, libere observandos esse existimarunt. Maxime quod (ut ostendi in Diatriba de Sabbatho)



de Sabbato) Festorum indefinite consideratorum institutio ad jus Naturale pertineat æque, atque horum illorumque Festorum observatio in N. T. debet imputari liberæ constitutioni Ecclesiasticæ. Interim Augustana confessio cap. ult. de Potestate Ecclesiastica sic decernit: *Certas ordinationes convenit Ecclesias, propter charitatem & tranquillitatem servare eatenus, ne alius alium offendat, ut ordine & sine tumultu omnia fiant in Ecclesiis. Verum ita, ne conscientia onerentur, ut ducant res esse necessarias ad salutem, ac judicent se peccare, cum violent eas sine aliorum offensione, sicut nemo dixerit peccare mulierem, quæ in publicum non velato capite procedit, sine offensione hominum. Talis est observatio diei Dominici, (nos tamen, ut antea paruit, diem Dominicum existimamus ordinis plane distincti esse à reliquis hisce diebus) Paschatis, Pentecostes, & similium feriarum & rituum. Hæc ibi. Helvetica Confessio cap. 24. sequentia habet: *Si Ecclesiæ, pro Christiana libertate, memoriam Dominicæ nativitatis, circumcisionis, passionis, & resurrectionis, ascensionis item in celum, & missionis Sancti Spiritus in discipulos, religiose celebrent, maximopere approbamus. Bohemica Confessio art. 15. Multi hodie apud nos veteres ritus Ecclesiastici adhuc retinentur, utpote jejunia quædam, condita ac præstituta feria, quibus, ut sacris intersit, populus conveniat. Matutina & vespertina preces. Dies Dominicus, Festi dies Christi, Nativitatis, Passionis, Resurrectionis, &c. Anglicana vero Ecclesia, non modo dies festos quinque in vulgus notos, & à Confessione Helvetica enumeratos distincte, hæcenus recepit, verum alios amplius dies, Apostolorum nomine insignitos, cæterum defæcatos ab omni idololatriæ specie, alias per calumniam eidem antehac obijci solitæ, per homines quosdam improvidos. Ut recte censet Rivetus, quando loco dicto hunc in modum loquitur: Cum protestentur Ecclesiæ Anglicanæ, & in doctrina de unius Dei cultu nobiscum conveniant, detestenturque Pontificiorum idololatriam; probare non possumus iudicium nonnullorum, qui non verentur eis Idololatriam impingere; ob eam causam, quod nonnullos dies festos adhuc celebrent, eo quo diximus modo, Apostolorum nominibus insignitos. Et si cupiamus id etiam apud eos corrigi, propter periculum Idololatriæ. Hæc Rivetus. Quanquam vero Scoti nonnulli, jam anno 1618. in Synodo Perthensi declaraverunt, suas Ecclesias ab initio Reformationis non consensisse in hæc Festa, atque hodie inter eos plane sunt abrogata, usque adeo; ut die Nativitatis Domini, quotannis Edimburgi celebrentur.**

S

nundinæ



nundinæ, moderno Angliæ regimine, non modo hanc abrogationem approbante, verum etiam eandem in ipsa Anglia urgente; nihilominus tamen certum est, floruisse Ecclesias Scoticas, quo tempore antehac statos hosce dies, solenni devotione, venerabantur.

- V. Genevenses, incertum quo impellente, (Calvinus eo nomine aliquoties se excusat in Epistolis) tempestive quidem (reliquis Ecclesiis Gallicanis eorum exemplum hac in parte non sequentibus) omnes festos dies, excepto solo die Dominico, abrogaverunt; quod licet non improbet Calvinus, (homo is fuit, nec quando hæc scribo ullo modo in eum sum injurius, ut persuasum cuperet sycophanta Reynessius, pag. 76.) non existimat tamen in aliis Ecclesiis ullo modo quid turbandum esse, pro eorum abrogatione. Unde & anno 1559. ita scribit ad *Mens. Poppium*: Optandum ut præter diem Dominicum pauci (*ergo admittit aliquos*) retineantur dies festi: nam ut tollantur è medio superstitionum reliquiæ, semper ad hoc vitium plus æquo propensi erunt homines. Hodie autem major pars feriis Papatum fovere appetit. Ut tamen obviam eatur diffidiis cavendum est, ne quisque, proprio arbitrio ferias abrogans, æmulationem accendat. Sed qui malum hoc sanatum cupiunt, studeant in eundem consensum fratres suos adducere. Hoc si impetrari non poterit, singuli, quoad circa tumultum fieri poterit, paulatim ex supervacuo numero rescindant, quas videbunt magis esse noxias, quo facilius sibi concilient populi suffragia. *Huc usque Calvinus.* Quod vero primi Ecclesiæ Belgicæ antistites, partim linguæ Belgicæ, partim linguæ Walonicæ, sive, Teuto-Gallicæ, ferventibus tumultibus Belgicis Genevam adire solerent, atque inibi fundamenta suæ Theologiæ jacere, inde per eos, qui hujusce Theologiæ principiis initiati erant, (neutiquam hoc refero, quasi aut Genevæ, aut Theologiis, qui ibi vixerunt, quid detractum cupiam, ut persuasum vellet Reynessius l. d. sed tantum ut bona fide historiam contexam) anno 1574. art. 53. omnes dies, velut solenniter sacri, abrogati sunt, excepto dumtaxat uno die Dominico: quod postea tamen anno 1578. per Synodum, eadem in urbe habitam Can. 75. dispositum est, sub ratione voti, dum hæc ipsa Synodus, sub hac conditione permittit Festorum horum solennem celebrationem, ut tamen optet illa abrogari commode posse. At, anno 1591. Synodi Hagæcomitanæ delegati can. 21. hunc in modum statuerunt: *Ende en sullen in de voorschreven Landen boven den Son-dag en geen andere ordinarij Feest-dagen gehouden vvorden, als Iacrsdag, een*



een dagh naer Paesch-dagh, Hemelvaerts-dagh, een dagh naer Pinxter-dagh, Kers-dagh ende een dagh daer naer. Lis vero plene dirempta est, quod ad Belgicas Ecclesias in Synodo Dordracena anni 1619. ubi cum examinata fuerit liturgia Ecclesiarum hujus regionis pariter canone 67. hunc in modum statutum fuit: *Ecclesia præter sanctificationem Sabbathi, Nativitatis quoque Dominica festum, Paschatis, item ac Pentecostis, cum sequenti die observent: Et quia in plurimis Belgii civitatibus ac provinciis præterea dies Circumcisionis & Ascensionis Domini sacri sunt, Ministri Ecclesiarum, quæ hujus adhuc consuetudinis expertes sunt, operam adhibeant apud Magistratum, ut sibi se cæteris conformare liceat. Quibus Canonibus quum subscribere debeant & soleant omnes, qui in fœderato Belgio occurrunt verbi Divini ministri, mirandum summopere, quod quidam eo impudentiæ ausint devenire, atque non minus in Consistorio suæ Ecclesiæ, quam etiam apud Magistratum omnem movere lapidem, quo dierum horum solennis memoria in perpetuum abrogari, & obliterari, queat: imo audere, tribunitiis suis concionibus obtundere simplices suos auditores, eorumque conscientias varia ratione inquietare, conquistis undiquaque ratiunculis, paulo post examinandis. Oggannit multa Reyneffius pag. 68. sed quæ hominem arguunt mendacii. Quæ enim est in fœderato Belgio provincia, quæ hoc tempore hisce canonibus refragetur? Ut Synodus putavit ad ædificationem Ecclesiæ spectare horum dierum observationem, sic nos contendimus, tantisper Synodo Dordracenæ rationem debere constare, quam altera Synodus ratione autoritatis æquivalens secus statuerit: conticescentibus interim illis, qui quum aliter non possint, estimari cupiunt, quod nova moliri ausint.*

Nec per Synodum modo Dordracenam Belgis præfinita fuit horum VI. Festorum observatio. Ipsa Catechesis Palatina, solenniter in Belgio recepta, atque in dicta Synodo diligenter examinata, Festorum dierum urget observationem, quando ad quæst. 103. qua quæritur, quidnam quarto Præcepto præcipiatur, sic respondet: *Primum, ut ministerium Evangelii & schola conserventur: utque ego cum aliis, tum præcipue festis diebus, studiose cætus divinos frequentem, &c.* Quo loco cum festorum dierum, in numero multitudinis, fiat mentio, verosimile est, præter diem Dominicum, dies ab eo proximos, de quibus jam agimus, respici: maxime, cum ipse *Author altaris Damasceni* pag. 666. persuasum cupiat, *Dominicum diem* proprie loquendo non esse *dium festum*. Miror vero, quod idem hic *Author* ausit in partes suas sollicitare D. Kuchlinum,



optimum Gatechesios interpretem, atque quondam solidissimum Leidenfium Theologum pag. 676. siquidem venerandus Senex in Disputatione de Festis, habita anno 1601. iis solum Festis infestus est, quæ quidam exemplo Pontificiorum, existimabant sub N. T. I. *Neceſſitatibus. II. cultus publici, ejusq; divini, III. mysterii & rei significatæ ratione servanda esse:* ut vel cæcus animadvertere potest, modo primam Thesin legerit. At, ut recte loquitur Paræus ad cap. 14. Epist. ad Roman. Dub. 4. Hypoth. 6. *Festa Christianorum tantum ratione ordinis & politia, non autem ratione mysterii observantur: nec sunt dies festi aliis sanctiores, sacratiores, aut pars cultus divini.* Scio, in antiquiori quoque versione Belgica Catechesis, loco dierum festorum, occurrere hæc verba: *op den Sabbath, dat is, op den Rustdagh.* At, qua occasione hoc acciderit, infra expendemus. Certe nobis non obest.

VII. Ut vero hætenus, non minus ex publicis Ecclesiarum Confessionibus, decretisque Synodalibus, quam ex Theologis Orthodoxis definitum, qua ratione conveniat ordinis gratia, hos ipsos dies, veluti festos observare; ita breviter quodque Festum consideraturi sumus, illius rationem & antiquitatem vindicaturi à cavillationibus illius, cujus jam aliquoties meminimus, nempe qui molitus est operosa diligentia idolum præcisitatis, velut alterum *Altare Damascenum*, in Ecclesiis reformationis erigere. Ne in ordinem autem peccemus, notari velimus, hosce de quibus agimus, dies Festos, vel incidere simul in diem Dominicum, vel in quem alium. In diem Dominicum semper incidunt Festum Paschatis, & Festum Pentecostes. Quanquam autem quidam existimant hac ratione quid derogari diei Dominico, quod deturpetur quasi *εἰδωλοθύτου*, existimamus tamen illi multum accedere, quod ordinis gratia, secundum liberam institutionem Ecclesiæ, in eo fiat solennis commemoratio resurrectionis Christi, & missionis Sp. Sancti. Nec duo hæc festa, nomine licet Judaico, ex parte abusive, secundum loquendi usum notentur, ulla ratione nobis sunt cæremonialia; sed commemorativa magnorum Dei beneficiorum, in Christo præstitorum. Quibus præmissis, initium facimus à festo Paschatis, seu, ut Patres Latini loqui quoq; amant, Paschæ. Atque ut jam antea concessimus, advocata Socratis autoritate, neq; Christum, neq; illius Apostolos hoc instituisse, ita lubentes fatemur, Socrati accedere Nicephorū Callistum lib. 12. Hist. cap. 32. Nec cupimus sollicitare epistolam Polycratis, occurrentem apud Euseb. lib. 5. Hist. cap. 22. quum nobis sufficiat, proximis seculis, à seculo



culo Apostolico, hoc ipsum Festum, in memoriam resurrectionis Jesu Christi, die Dominico celebratum fuisse. Nisi enim proxime à temporibus Apostolorum, in Paschate quasi Judaico, secundum temporis periocham, facta fuisset solennior commemoratio resurrectionis Christi, tanto animi fervore de eo non fuisset agitata controversia, inter Ecclesias Orientales & Occidentales, jam anno à N. C. 159 ut recte observat Baronius: nec Victor, Episcopus Romanus, pro legitimo illius tempore, anno ejusdem Epochæ 198. cum suo Clero processisset usque ad excommunicationem Ecclesiarum Asiaticarum; ut videre est apud Euseb. lib. 5. Hist. Eccles. cap. 24. Cum enim, qui in Asia habitant Christiani Pascha more Judaico celebrarent, Occidentales, feria prima, sive die Solis, illud agitabant: utrisque antiquitatem & traditionem Apostolicam suæ opinioni prætextentibus, ut videre est apud Socratem l. d. sive lib. 5. cap. 22. Ipsi Andianis postea, qui cum 14. Luna pergerent Pascha celebrare, cum reliquis Tesseradecaditis apud Epiphani. Hæres. 70. provocantibus ad scriptum Apostolorum testimonium. Interim prævaluit sententia Occidentalium de Paschate, primo die Dominico, post plenilunium mensis Nisan celebrando, ut patet ex Epist. Constantini Magni ad Ecclesias, quæ extat apud Euseb. in vita Constant lib. 3. cap. 18. Eo hæc duntaxat volui referre, quo constare posset de antiquitate festi Paschalis, celebrari jam olim soliti ab antiquis Christianis, qui ne traduci possent, ut Judaizantes, cavit suo ævo Hieronymus in cap. 4. ad Gal. sic scribens: *Nos non azymorum Pascha celebramus: sed resurrectionis & crucis.* Nam (ut alibi fufius ostendimus) apud veteres Christianos nomine Paschatis non modo veniebat Christi resurrectio, sed & illius mors. Quanquam vero quidam ex Patribus per errorem Pascha derivarint à Græco πάσχειν, aliis tamen exploratum fuit venire ab Ebreo, & notare transitum. Unde & ipse Nazianzenus: τὸ πένθος (ait) τὸ πρὸς τὸ μέγα καὶ σιλόμιον, τοῖς Ἑβραίοις περιπαροῦσθαι καὶ τὸ ἐκείνων φωνῶν. δηλοῖ δ' ἡ φωνὴ τὴν ἀγέθυσιν. Quod & Isidorus agnovit lib. 6. Etymol. cap. 17. & lib. 1. de Eccles. Off. cap. 32. Pariter Ambros. lib. 1. de Cain & Abel: *Pascha Domini (ait) transitus est à passionibus ad exercitia virtutis. Et ideo Pascha Domini dicitur, quoniam & tunc in typo illo agni, veritas Dominice passionis annunciabatur, & nunc ejus celebratur gratia.* Inter cætera verò solennia, quibus antiqui Christiani hoc Festum transigere solent, non erat ex postremis pervigilium. Unde Tertullianus in lib. ad Uxorem: *Quis* (inquit, loquitur vero de Gentili marito)



nocturnis convocationibus si ita oportuerit, à latere suo libenter eximi feret? Quis denique solemnibus Paschæ abnoctantem securus sustinebit? Lactant. lib. 7. Divin. Instit. cap. 19. Et hæc est nox (inquit) qua à nobis propter adventum Regis ac Dei nostri pervigilio celebratur. Ut vero pervigilii tempore, simul sacris in conventibus suis vacabant, ita nox funalibus & facibus coruscabat. Testis vel Gregorii Nysseni oratio de festo Paschæ. Inde quoque Nazianz. Orat. funebr. in Patrem sic loquitur: ὁ καιρὸς τοῦ ἀγίου πάσχα καὶ παύσεως, ἡ βασιλίσσα, τῶν ἡμερῶν ἡμετέρας, καὶ ἡ λαμπρὸς νύξ. Huc & spectant Ausonii versus elegantes, quibus Christum ita affatur:

*Ad temet properant vigilatu convenientes,*

*Nox lucem revehet funalibus anteferenda.*

*Nox lumen pariens credentibus indubitatum,*

*Nox flammis operum meditatrix syderiorum.*

Celebrabant amplius Christiani Paschæ festum magna festivitate, & primo illius die jejuni in multam noctem perdurabant. Unde Auson. in Carm. de Domin. resurrex.

*Sancta salutiferi redeunt solennia Christi,*

*Et devota pii celebrant jejunia mysta.*

Ipso vero Paschæ die jejunia fuisse dirempta, docet idem hoc versu secundi Edyllii:

*Tu mensis dirimis jejunia religiosa.*

Ideoque Pontius Paulinus Epist. ad Amantum dicit, solennitatem Paschalem revocasse dies prandiorum: siquidem olim jejunia duntaxat durabant ad meridiem, nequaquam vero ad vespeream. Alias hebdomada, quæ præcedebat diem resurrectionis, ab Epiphanio sancta dicta, jejunio consecrabatur, ut ab aliis sæpius notatum fuit.

VIII. Succedit Festum Pentecostes, quod quinquagesima nomine venit in lege notissima, Dominico, Cod. Theod. de Spectac. prout notavit quoque Isidor. lib. 6. Etymol. cap. 18. Hoc vero pluris jam suo seculo fecit Tertullianus, quam omnia Gentilium festa simul sumta: unde lib. de Idololatr. Excerpe (inquit) singulas solennitates nationum & in ordinem texe, Pentecosten implere non possunt. Maximus quoque Episcopus, serm. de Festo Pentecostes, hunc diem non minore lætitia, quam sanctum Paschæ diem celebrari, & utrobique jejunari Sabbatho, vigiliis celebrari, atque orationibus pernoctanter insisti tradit. Quomodo & Augustinus Epist. 119. ad Januarium: Pentecosten, & adventum de cælo Spiritus



Spiritus Sancti, anniversaria solennitate in toto orbe Christiano à fidelibus universis celebrari scribit. Et cur non hoc die anniversaria Spiritus Sancti, ineffabili modo cælo dimissi, memoria celebraretur, quum expresse & signanter quoque Deus hunc diem miraculosæ missioni Spiritus Sancti destinaverit? Sane per totum spatium quinquaginta dierum, à Pascha ad Pentecosten currentium, (hoc in Veterum scriptis nomen Pentecosten ferre solet) nec genua inter orandum flecti, nec jejunia agitari solent. Quo facit canon ultimus Concilii Niceni, hac formula conceptus: *Quoniam sunt quidam, qui die Dominico genua flectunt, & in diebus Pentecosten, ut omnia similiter in omni Parœcia servantur, visum est Sanctæ Synodo, stantes Deo orationes persolvere.*

Proxime considerandum Festum nativitatis Christi: quod tum re-IX. centius est reliquis duobus festis, tum etiam ordinario non incidit in diem Dominicum. Illius memoria non occurrit apud duum priorum seculorum Patres. Certe Origenes quoque lib. 8. *contra Celsum*. enumerans celebriores festivitates Christianorum, meminit duntaxat *Dominici diei, Paschæ, & Pentecosten*. Verum quidem est, utut plurimi ex antiquis & recentioribus fatigaverint suos digitos, non posse à quoquam certo dici, quo die Redemptor generis humani natus fuerit; imo inter primævos Christianos super hoc non convenisse, salva dissentiendi libertate, patere potest vel ex solo Clemente Alexandrino, qui lib. 1. *Stromat. ita loquitur per interpretem*: Natus est autem Dominus noster xxviii. anno, cum primum jusserunt censum descriptionemve fieri, tempore Augusti, &c. Sunt autem qui curiosius natali Domini non solum annum, sed etiam diem addunt, quem dicunt xxviii. anni Augusti in xxv. *πέρχων* (multorum est opinio hunc diem respondere diei xxv. mensis Maji) Basilidis autem sectatores, ejus quoque baptisimi diem celebrant, totam præcedentem noctem in lectionibus transigentes. Dicunt autem eum esse quintum decimum annum Tiberii, quintum decimum mensis Tubi. Aliqui autem eum esse undecimum ejusdem mensis. *Hactenus Clemens*. Probabiliter vero colligit Manuel Commenus in legat. ad Armenos (comparat hic Author in Bibliotheca Patrum à Binio editorum tom. 8.) ex sententia Epiphanii, undecimum diem mensis Tubi (nomen proprium est mensis Ægyptiaci) respondere diei xxv. Decembris. Qui dies, præterquam quod à plerisque antiquis Patribus definitus fuit natali Domini, placuit quoque Augustino, ex omnibus qua Græcis, qua Latinis, Patribus circumspectissimo, ut videre



videre est apud eum ipsum lib. 4. de Trinit. cap. 5. receptusque fuit in Ecclesiis Occidentalibus, Orientalibus celebrationi tanti mysterii definitis sextum Januarii diem, qui adhuc hodie nomen fert *Epiphania*. Quum vero nullus mortalium, Scriptura hic tacente, certo definire queat, quo aut anni tempore, aut die, natus sit benedictus noster Salvator, etiamsi certum videatur esse, ejus natalem non incidere in diem xxv. Decemb. alius tamen dies recolenda illius memoria, præter hunc ipsum, qui consensu quasi universali est definitus, definiri non debet: quemcunque alium enim definiveris, manebit perpetuo controversus. Atque interim æquum est Regis regum natalem solenni magis recordatione & devotione agitari, quam celebrari solent dies natales non modo virorum Principum, sed & urbium. Interim non improbo ut plebs in vestibulo concionum, hoc die haberi solitarum, probe moneatur ne existimet in illum ipsum diem, quo celebratur memoria nativitatis Christi, revera quoque incidisse ejusdem *Ευαγγελιστῶν*. Obsigno hæc verbis celeberrimi D. Spanhemii, qui postquam tom. 2. Dub. 15. prolixè inquisivisset in diem Nativitatis Christi, laboriosam illam Exercitationem sequentibus verbis obsignat: *Cum hac de re* (scil. de die, quo natus fuerit Christus Jesus) *altum apud Evangelistas sit silentium, nec Apostolica Ecclesia vel sanctionem, vel praxim legamus, causa nihil est, cur temere definiamus, quod solide definiri non potest. Quamvis ergo canitiem antiquitatis venerandam existimemus, tamen, quandoquidem nec prima antiquitas hic nobis præit, nec sequentia secula aliis præterquam infirmis fundamentis, ut demonstratum, nituntur, solennitatis quidem natalitiæ celebrationem anniversariam piissimam judicamus & utilissimam, præcisam vero & anxiam xxv. Decembris observationem ei rei destinari consuetudine potius, & diuturna Ecclesiæ praxi, quam ratione, vel necessitate. Interea, ut præcorum terminos temere non refingimus, sic nec illorum libertatem flagellandam arbitramur, qui non præcise illum ipsum diem feriatum agunt, aliquem tamen recolenda sanctæ Domini nativitati circa illa tempora destinare solent.*

- X. Quod ad diem *Ascensionis* ex ordine considerandum, prout sæpius à pluribus notatum fuit, non quidem apud antiquiores Patres commemoratur, nec in Canonibus priorum Synodorum Oecumenicarum commemoratur: interim extat sermo Cypriani (qui floruit ante Concilium Nicenum) de Ascensione Domini. Atque, ratione antiquitatis, jubet nos securos esse Augustinus Epist. 118. ad Januar. eum pari loco habens cum duobus primis diebus Festis, ad Apostolos referri



ferri solitis. Verba illius hæc sunt: *Illæ autem quæ non scriptæ, sed traditæ, custodimus, quæ quidem toto terrarum orbe observantur, dantur intelligi vel ab ipsis Apostolis, vel plenariis Conciliis, quorum est in Ecclesia saluberrima auctoritas, commendata atque statuta retineri, sicut, quod Domini passio & resurrectio, & ascensio in cælum, & adventus de cælo Spiritus Sancti, anniversaria solennitate celebrantur.*

Festum *circumcisionis* in Kal. Januarias incidens, ignotum quidem XI. antiquis fuit, ceterum supplet locum festi *Epiphaniæ*, in ipsa leg. *Dominico* sæpius laudata, commemorati: sive quod tunc celebrata fuerit memoria Christi in baptismo populo suo ostensi, sive, quod eo die commemorari consueverit sidus, quod Magis Christum in præsepi ostendit, sive, quod ex Evangelica Hystoria consueverit doceri, quomodo per primum suum miraculum in nuptiis Cananæis Christus fuerit manifestatus. Quam triplicem τὸν Θεοῦ φανεῖσθαι rationem tangit Pontius Paulinus, ita canens de Natali Felicis:

*Ut veneranda dies cunctis, qua virgine natus  
Pro cunctis hominem sumpsit Deus: utque deinde  
Qua puerum, stella duce, mystica dona ferentes,  
Dupliciter videre Magi: seu qua magis illum  
Iordanis trepidans lavit tingente Ioanne,  
Sacramentum cunctas recreandis gentibus undas.  
Sive dies eadem magis illo sit sacra signo,  
Quo primum Deus egit opus, cum flumine verso  
Permutavit aquas prædulcis nectare vini.*

Cum vero quam singularia mysteria occurrant circa Christi circumcisionem, convenienter Ecclesia illius agitat memoriam, simul, primo cuiusque anni die solenniter se Deo sistendo, ut non modo illi gratias agat pro beneficiis anni elapsi, verum etiam precibus ab eodem impetret, eorundem continuationem. Unde probat D. Gomarus tom. I. p. 252. ut Hystoria circumcisionis Christi solenni ritu, quotannis post Natalem Servatoris in Ecclesiis nostris explicetur.

Atque, ita hætenus egimus ordine de singulis diebus Festis, iis legi-XII. bus, quas jam sæpius consideravimus, in ipsis Ecclesiis Reformatis receptis. Expendenda deinceps illa, quæ ex adverso contra laudabilem hanc Ecclesiæ consuetudinem moveri solent. Atque initio quidem obijcitur locus Apostoli Gal. 4. 10. 11. *Dies observati, & menses, & præstituta tempora, & annos: Metuo de vobis, ne frustra fatigatus sim apud vos.*

T

Sed



Sed locum hunc nobis neutiquam officere, recte notavit Calvinus, quando sequentibus verbis eundem illustrat: *Qualis* (inquit) *fuit observatio, quam Paulus improbat?* Nempe *que religione obstringeret conscientias, quasi necessaria esset ad cultum Dei, & quæ diem à die discerneret, ut loquitur 14. ad Romanos.* Quando itaque diebus per se tribuitur propria sanctitas, quando discernitur dies à die religionis causa, quando seria pars divini cultus esse censetur: tum dies perperam observantur, &c. Nos hodie, cum habemus dierum discrimen, non induimus necessitatis laqueum conscientiis, non discernimus inter dies, quasi alius alio sit sanctior, non constituimus illic religionem & cultum Dei: sed tantum ordini & concordia consulimus. Ita libera est apud nos, & omni superstitione pura observatio. Præverat circa loci hujus explicationem Hieronymus, cuius locum non possumus non hic integre exhibere. Ita vero loquitur: Dicat aliquis: Si dies observare non licet, & menses & tempora & annos; nos quoque simile crimen incurrimus quartam sabbathi observantes, & parascevam, & diem dominicam, & jejunium quadragesimæ, & Paschæ festivitatem, & pentecostes lætitiā, & pro varietate regionum, diversa in honorem martyrum tempora constituta. Ad quod qui simpliciter respondebit: dicit, non eisdem Judaicæ observationis dies esse, quos nostros. Nos enim non azymorum Pascha celebramus, sed resurrectionis, & crucis. Nec septem juxta morem Israël numeramus hebdomadas in Pentecoste: sed Spiritus Sancti veneramus adventum. Et ne inordinata congregatio populi fidem minueret in Christo, propterea dies aliqui constituti sunt, ut in unum omnes pariter veniremus. Non quo celebrior sit dies illa, qua convenimus: sed quo quacunquē die conveniendum sit, ex conspectu mutuo, lætitiā major oriatur. Qui vero oppositæ quæstioni acutius respondere conatur, (ut nostri homines) illud affirmat: omnes dies æquales esse: nec per parascevam tantum Christum crucifigi, & die Dominica resurgere: sed semper sanctum resurrectionis esse diem, & semper eum carne vesci dominica. Jejunia autem & congregationes inter dies, propter eos à viris prudentibus constitutos, qui magis seculo vacant quam Deo: nec possunt imo nolunt toto in ecclesia vitæ suæ tempore congregari, & ante humanos actus, Deo orationum suarum offerre sacrificium. Quotus enim quisque est, qui saltem hæc pauca, quæ statuta sunt vel orandi tempora, vel jejunandi, semper exerceat? Itaque, sicut nobis licet vel jejunare semper vel semper orare, & diem dominicam accepto domini corpore indefinenter celebrare gaudentibus: non ita & Judæis fas est, tabernacula



macula figere : jejunare quotidie. *Huc usque Hieronymus.* Atque hæc-  
nus hæc responsio nobis hic sufficere potest : alias plenius , nova (sed si-  
mul solida ) explicatione hunc ipsum locum illustravimus in nostra  
Diatriba de Sabbatho.

Deinde , importune admodum urgetur ejusdem Apostoli locus XIII.  
Col. 2. 16. 17. *Nequis igitur vos damnet ob cibum , vel potum , aut respectu*  
*Festi , aut novilunii , aut Sabbathorum. Quæ sunt umbrarum futurarum ,*  
*at corpus est Christi.* Sed , quam parum profit hic Achilles , quem adver-  
sarii contendunt esse formidabilem , patebit , si modo adduxero notas  
Reverendorum Belgii Theologorum , ( inter eos notatus fuit , nomine  
Ecclesiæ Zelandicæ delegatus Carolus Demarius , postea Theologiæ Pro-  
fessor in Academia Ultrajectina ) qui ad hunc locum sequentia habent :  
*Hier door worden verstaen de drie jaertlijcke Feest-dagen , die Gods in het ou-*  
*de Testament hadde ingestelt , Levit. 23. 4. gelijk door de nieuw-manen de*  
*maendelijcke Feesten Num. 28. 11. ende door het woort Sabbathen , de Sab-*  
*bathen der Iaren , ende bysonderlijck de wekelijcke , voor soo veel de selve cere-*  
*moniael vyaren , Exod. 20. 11. Lev. 19. 3. vvelcke door de komste Christi*  
*sijn te niete gedaen , ten aensien van hare bysondere ende meerdere heyligheyt ,*  
*die sy door Gods instellinge hadden , als oock van vregen hare beteeckenisse*  
*ende nootvvendigheyt. Hoe vvel de Christelijcke Kercke oock sommige Feest-*  
*dagen , nae de vryheyt der Christenen , heeft goet gevonden te onderhouden , tot*  
*gedachtenisse van eenige bysondere vveldaden Christi , om God nae sijn bevel*  
*in deselve te dienen , met gehoor van sijn vvoort , gebruyck der heylige Sacra-*  
*menten , openbare ende gemeyne gebeden ende lof-sangen , ende geven van ael-*  
*moessen , &c. Aen vvelcke dagen evenvvvel de conscientie der Christenen nu niet*  
*verder en is gebonden , dan om goede orden te houden , ende om malkanderen in*  
*de Christelijcke vergaderingen , door onderlinge opvveckinge , meer ende meer*  
*te stichten ende te stercken. Het vvelck oock op andere tijden vvel mach ge-*  
*daen vvorden , vvanneer het met goede orden kan geschieden. In hac explica-*  
*tione hæcenus possumus subsistere ; aliam adferimus in dicta nostra*  
*Diatriba de Sabbatho.*

Post hæc Scripturæ loca sollicitatur ab hoc ipso Authore primo argu- XIV.  
mentum à ratione Festorum V. T. pag. 680 *quod enim Ecclesia V. T.*  
*nulla habuerit festa anniversaria aut menstrua præter Dominicum diem , & pro-*  
*bata , qua non ipsius Dei auctoritate munita essent , concludit , in Ecclesia*  
*N. T. nullum locum Festis anniversariis esse relictum. Verum jam secus*  
*patuit circa festum Sortium , & Encania. Atque observationem die-*



rum Fectorum (indefinite tamen) suadere ipsum jus Naturæ, videmur testatum fecisse in nostra Diatriba sæpius jam indicata. Quid, quod speciatim Deus Ecclesiam N. T. munivit autoritate generali, ut possit hoc facere. Ut enim loquitur ter maximus & longe celeberrimus Paræus, certe æqualis nostro huic Didoclavio, in *Comm. Epist. ad Rom. dub. 4.* Est præceptum Apostoli: *Omnia decenter, & ordine, fiant in Ecclesia.* Et: *Deus non est author confusionis, sed pacis*, 1. Cor. 14. 40. & 33. Et: *Gaudeo videns ordinem vestrum*, Coloss. 2. 5. Ordo & decorum Ecclesiæ est necessarium. At absque diebus certis feriatis nec ordo, nec decorum constabit Ecclesiæ, sed mera erit confusio in conventibus Ecclesiasticis. Aliqui igitur sunt necessarii. *Huc usque circumspiciamus Paræus.*

XV. Dein sic pergit idem Author pag. 701. *Ratio sumitur ab autoritate Christi & Apostolorum, tum negative, tum affirmative. Negative sic: Nec Christus nec Apostoli alios dies sacros sive festos, sive alios instituerunt præter diem Dominicum.* & pag. 702. *Affirmative sic argumentamur: Apostoli non modo instituerunt, observandos alios dies, sed etiam aliorum observationem damnaverunt.* Ut à posteriori argumento incipiam, jam ostendi quam infrunite vulgo arguatur Apostoli autoritas ex Epist. ad Gal, cap. 4. & ad Coloss. 2. & licet ad sanguinem sudet per complures paginas hic Noster Damascenus, non nisi verba fundendo, velitque simpliciter ab Apostolo Gal. 4. prohiberi dierum observationem, atque dum interdiccit Festis V. T. pariter eum interdicere Festis N. T. quod hæc illis sint adæquata, nihil tamen agit, prout quivis cognoscere poterit, modo voluerit ea expendere, quæ jam antea observavi. Quod ad prius autem argumentum, considerentur modo illa, quæ proxime ex Paræo, pro Orthodoxa sententia adduxi. Scio, interim declamatum iri à nostris hominibus, urgeri cæteroquin posse autoritatem Apostoli, dicentis expresse, hic intervenire observationem dierum; at simul DD. Stenoteres ablego ad suos Patriarchas, seu Manichæos, qui quum idem objicerent August. contra Adiam. cap. 16. ita iisdem respondit: *Nos, inquit, & Dominicam diem, & Pascha, solenniter celebramus, & alias dierum festivitates. Sed qui intelligimus, quo pertineant: non tempora observamus, sed quæ illis significantur temporibus.* *Hæc eo loco Augustinus.*

XVI. Provocat tertio Noster Damascenus, homine quasi superior foret, ad Dei sapientissimi & incomprehensibilis consilium, à se quasi perspe-



Etum exploratumque, atque pag. 706. sic videtur argumentari: *Si intendisset Deus, ut varia Christiana religionis mysteria variis & diversis anniversariis Festis celebrarentur, non celasset diem Nativitatis, Circumcisionis, Transfigurationis, Epiphaniarum, Presentationis in Templo, Baptismi, &c. ut opus diei in die suo celebraretur.* Quod argumentum, ut amplius valeat, quam aliquod ficulneum folium, rogo eos, qui pro meo homine voluerint respondere, probent aut ex Scriptura, aut ex antiquitate Ecclesiastica, hanc Majorem propositionem: *Recordationem devotam singularium Dei beneficiorum, exacte eo die, quo acciderint, debere celebrari.* Quod si ad modum universalis regulæ fuerit probatum, huic argumento aliquid ponderis accedere poterit. Observatio Festorum N. T. in se libera, attamen rationabilis, imo juri Naturali consentanea, ut ostensum in tractatu de Sabbatho, non restringitur præcise ad articulos temporis, rigide quasi observandos. Interim non video, cur tempus, ut definitum, quod placuit pluribus Ecclesiis, consensu doctrinæ coagulatis, debeat pro arbitrio singularis alicujus Ecclesiæ, novitiorumque Pastorum, suæ gloriæ nimium quam velificantium, in dubium vocari. Deinde, eo ipso noluit Deus definite à nobis cognosci tempus, in quod inciderint tanta mysteria, ut libera, sed simul rationabilis, eorundem institueretur commemoratio. Ideo improbamus inprovidum zelum Victoris, adeo fervide contententis pro die, quo existimabat agitandum esse Paschatis Festum.

Quarto sic argumentatur p. 706. *Ratio communis diebus festis cum aliis XVII. rebus adiaphoris. Nam &c. adiaphora superstitione & abusu inquinata ex Ecclesia exterminanda sunt & abolenda, &c. Constat Festa non modo superioribus seculis, sed etiam hodie contaminari non solum superstitione, sed etiam profanitate, ac si Baccho, non Domino, vel utrique dicata essent.* At, quis docuit hominem, adiaphora abusibus inquinata penitus exterminanda esse? Certe pro se hic adducere non potest Scripturam, nec eum quoque juvat Zanchius, mutilate citatus, prout ipse, vir scilicet bonus fatetur. Tollantur abusus, & maneat usus: atque cogitetur perpetuo ita à nobis libertatis in adiaphoris seu corrigendis, seu usurpandis, seu etiam abolendis, habendam esse rationem, ut nulla ratione offendamus fratres infirmos. Quo cum faciat aureus Calvinus locus in Institutionibus (hodie solitis postponi ab improvida juventute recentibus Theologiæ Systematibus) non possum non integre eum adducere. *Ita vero loquitur lib. 3. cap. 19. Sect. 10. Errant & in eo plerique, quod perinde, ac si sua libertas incolumis,*



ac salva non esset nisi testes haberet homines, promiscue & imprudenter ea utuntur. Qua importuna usurpatione infirmos fratres sapenu-mero offendunt. Videas hodie quosdam, quibus sua libertas non videtur consistere, nisi per esum carnium die Veneris in ejus possessionem venerint. Quod edunt non reprehendo: sed exigenda est ex animis falsa ista opinio; siquidem cogitare debebant, nihil se sua libertate novum consequi in hominum conspectu, sed apud Deum: & tam in abstinendo constitutam esse, quam in utendo. Si coram Deo nihil referre intelligunt vescantur ne carnibus an ovis, rubrisne an nigris vestibus induantur: satis superque est. Jam soluta est conscientia, cui ejus libertatis beneficium debebatur. Ergo etiam si posthac carnibus tota vita abstineant, & colorem unum perpetuo ferant, non minus liberi sunt. Imo ideo quia liberi sunt, libera conscientia abstinere. Perniciosissime vero labuntur, quod fratrum infirmitatem nullius pensi habent, quam sic sustineri à nobis decet, nequid temere admittamus cum eorum offendiculo. Verum interdum quoque interest, coram hominibus asserti nostram libertatem. Et hoc fateor: modus tamen summa cautione tenendus est: ne infirmorum curam, quos nobis tantopere Dominus commendavit, abjiciamus. *Huc usque Calvinus*, quem utinam hic audirent novitii Zelotæ! Nec hilum promovet Reynessius, pag. 71. quando ex Apostolo 1. Cor. 8. 9. huic hypothese applicat quasi hoc axioma: *Quando cum usu adiaphororum conjungitur lapsus fratrum, tum satius est ab usu abstinere*: atque hanc esse Festorum rationem inde colligit, *quod inquinentur ab usu superstitionis*. Sed distingue inter erroneam multorum circa Festa opinionem, eorundemque observationem: atque legitimum illorum usum secundum sanam Orthodoxorum Theologorum doctrinam; & omnia erunt salva. Quid vero de Adiaphoris sit existimandum, plenius explicuimus Exercitatione prima.

XIX. Non tam quidem Damascenus noster, quam D. Voetius, fervidus ille Festorum dierum oppugnator, jam anno 1638. in altera sua Disputatione de Festis, quam infra citabo, argumentatur quoque ab Auctoritate, sed ut se velut mendacem prostituat, quemadmodum, modo sciat erubescere totum orbem docebo. Atque, ut eidem lubens largior, primos in Belgio ministros, ob rationem quam supra proposui, exemplo Genevensis Ecclesie, habuisse circa celebrationem horum Festorum, atque Scotos, modernosque Anglos, pariter eosdem dies abrogasse; ita pernego, quod (hec illius verba occurrunt dictæ Disp. Thesi ultima)

*Reformationis*



*Reformationis nostrae Doctores contra Pontificios perpetuo contenderint, nos nulla habere Festa. Atque cum ad hoc probandum adducit impudenter eximium Theologum Genevensem Antonium Sadeëlem, qui hoc quasi fuerit professus in Respons. ad art. 49. Abjurat. Monach. Burdegalsium, ego provocando ad libri inspectionem coram quibuscunque arbitris, proclamo in propatulo, sanctissimum illum D. Doctorem Gislebertum Voetium esse graphicum non minus falsarium, quam injuriam facere celeberrimo Theologo, qui ita loquitur, d. l. pag. 500. Edit. Genev. in fol. anni 1615. Sabbathum ita est juris divini, ut magna ex parte ad ceremonias Legis pertineat: quarum substantia nobis in Christo remansit. Itaque temporibus Apostolicis, ille dies mutatus fuit in diem proxime sequentem, qui dies est Dominicus, ut ex eo manifestum est quod Joannes in Apocalypsi commemorat. Paulus ad Colossenses, Nequis vos damnet, inquit, ob cibum vel potum, aut respectu diei festi, aut Sabbathorum: quæ sunt umbra rerum futurarum, at corpus est Christi. Quod tamen minime prohibet, quominus, ordinis Ecclesiastici causa, certi quidam dies constituantur audiendo verbo Dei, habendis precibus, & iis denique peragendis, quæ ad religionem Christianam exercendam pertinent: dummodo nullum imponatur jugum conscientis, & à ceremoniis ac superstitione caveatur. Ex quo fit ut repudiemus multitudinem Festorum Ecclesiæ Romanæ, excogitatorum, ut ad Sanctos defunctos transferatur honos, uni Christo proprius: ne sit opus proluxa recitatione idololatriæ & luxus, quibus in suis festis celebrandis utuntur: de quibus Gerson, unus ex ipsorum Doctoribus, in sua quadam Epistola non potest quin conqueratur. Hucusque Ant. Sadeël; pro quo vindicando haut necessum plura addere. Reynessius, ut succurrat suo præceptor, multa cumulat p. 61. & largus est præter rationem in convitiis, furiosum quoque caput mihi tribuendo: interim hilum non promovet. Quæstio est, an D. Voetius recte credulo suo lectori persuaserit Sadeëlem docere, Reformatos nulla habere festa. Ego ut bona fide contra D. Voetium Sadeëlis verba adduxi; sic ὁμολογῶν habeo ipsum Reynessium, siquidem fatetur Sadeëlem solummodo dicere, ordinis Ecclesiastici causa certos dies constitui &c. ut nullum inde imponatur jugum conscientis: quæ verba ut loquuntur de Festorum dierum modificatione, sic assertioni D. Voetii neutiquam consentiunt. Et tamen hic Sycophantæ Voetii lycophanticus discipulus, hoc nomine me audet traducere p. 61. velut impudentissimum calumniatorem. O Deus ne videris!*

At



At cur non pariter Reyneffius suo præceptori succurrit circa Zanchium & Piscatorem? Nam D. Voetius parem injuriam facit Hieronymo Zanchio, quando eodem loco sic scribit: *Similiter Lutherus in l. ad Nobilitatem German. & Zanchius ad 4. præceptum, optant omnes illos dies abolitos præter Dominicum.* Certe aliam mentem Zanchii fuisse agnoscit Brochmannus, Theologus Lutheranus loc. Comm. de Lege Sect. 5. Th. 5. sic scribens: Calvinianorum Doctorum non est eadem de Festis sententia. Sunt enim inter Calvinianos, qui festa quævis præter diem Dominicum, improbent & damnent. Quam sententiam cum aliis tuetur Scharpius &c. (*at hic fuit Scotus, & fato quodam translatus est in Galliam*) Alii vero inter Calvinianos æquiores sunt in dies festos. Zanchii enim tom. 4. cap. xix. quest. 2. thes. 1. pag. 67. assertio est; quod tamen magis consentaneum sit cum prima institutione, & cum scriptis Apostolicis, ut unus in septimana dies sanctificetur: minime tamen pugnet cum Scripturis, si plures uno sanctificentur, modo omnis absit superstitio, & ad ædificationem faciant. *Hactenus Brochmannus*, qui uti fide optima (Lutheranus licet, & hactenus centuplo melior & candidior D. Voetio) adduxit Zanchii verba; ita obtestor lectorem quemcunque, an ex his, aut forte similibus verbis ejus, cum D. Voetio colligi citra calumniam & crimen falsi queat, quod optarit omnes dies, ut festos abolitos, præter diem Dominicum? Siquis, etenim Zanchius l. d. quam fusa, atque erudite, è Scriptura, ex antiquitate Ecclesiastica, & per liquidas rationes solide (colligi hoc potest ex sect. proxima) propugnat rationem Festorum sub N. T. observari solitorum. Nec venerandus ille senex, D. Piscator D. Voetio quoque admodum faveat. Lego quidem sequentia apud D. Voetium: *Eos* (scil. Calvinum & Sadeëlem, at hunc inauspicato adductum) *secutus in media Germania (ubi alioquin omnia dierum istorum vestigia abolita non sunt) candidissime Piscator in Galat. 4.* At meus homo, sanctus ille Voetius non agit candidissime cum bono D. Piscatore, cujus verba cum mutilarit, ea plene hic exhibebo, *Qua sic habent:* Quum dies festi in novo testamento abrogati sint, ut liquet ex hoc loco Pauli; sequitur improprie hodie à nonnullis appellari festum nativitatis Christi, festum Palchæ, festum Pentecostes, & si quæ similes appellationes in usu sunt. Etenim festa omnia abrogata sunt, tanquam umbræ rerum futurarum, id est, beneficiorum futurorum per Christum: ut percipitur ex verbis Apostoli Coloss. 2. vers. 16. & 17. Et festum, proprie loquendo, est publica, & solennis, ceremonia,



ceremonia, à Deo mandata, ut certo anni tempore cum singulari latitia obeatur, ad gratias agendum Deo pro certo aliquo beneficio in populum suum collato. Sicut ex inductione exemplorū, puta festi pasche, pentecostes, & tabernaculorum colligere promptum est. Atqui tale mandatum in novo Testamento nullum habemus. *Haftenus D. Piscator:* è cujus verbis quis non colligat, eum respexisse duntaxat festa V. T. ut modificata & quatenus *umbræ erant rerum futurarum, id est, beneficiorum futurorum per Christum*; atque negasse duntaxat, sub N. T. ejusmodi Festa prioris fœderis posse admitti, tum quod omnia sint completa, tum etiam quod Christus, ut Deus, & Propheta, non definiverit ea, quæ secundum certas regulas Ecclesiæ suæ definitioni liberè commiserat? Testibus paucis D. Voetii, (ex loco testimonii, citra ullum judicium ordinario infelicitè digladiari soliti, cum sit vir memoriosus non judiciosus) licet opponere ea omnia, quæ ex Confessionibus Ecclesiarum Orthodoxarum antea proposui, præter constantem praxin omnium Ecclesiarum Confessionis Augustanæ, Ecclesiæ Gallicæ (Genevensis si excipias) Polonicæ, Bohemicæ, Helveticæ, Palatinæ, Brandenburgicæ, Hassiacæ, Wetteravicæ, Bremanæ, Belgicæ, Embdanæ, & nuper adhuc (ante insaufos motus) Ecclesiæ Anglicæ, & Scoticæ; imo judicium quoque ipsius Theologi Genevensis celeberrimi, Theodori Beze, qui sic loquitur *Hom. 18. in Passionem Christi*: Ajo igitur libere quod sentio, nempe sicut dominus Paschatis diem illum ipsum solennem esse voluit Judæis quo sunt ex Ægypto educti, nulla habita ratione in quemcunque septimanæ diem incidisset: ita quum Christianorum Pascha non alium in finem institutum fuerit, quam ad memoriam Domini celebrandam, longe futurum fuisse & fore adhuc consultius, & ab omni superstitione remotius, si ab illo transferatur, sive in Dominicum, sive in alium diem incidat, sive Plenilunium sive Novilunium sit; quod in Natalis Domini festo die factum adhuc fuisse videmus, non observatis diebus, nec lunæ habita ratione. Aut sane ad multarum seriarum effugiendum concursus, quæ & superstitionis plene sunt, & publicis commodis incommode, ejusmodi festi dies in proximum quemcunque diem Dominicum rejiciantur: hac ratione nec Lunatica festa, nec Lunaticum Christianismum haberemus. Quod de reliquis etiam omnibus annuis diebus festis, quibus celebris alicujus facti Christi Domini nostri memoria retinetur, dictum velim, habita nihilominus locorum temporum & personarum, quantum ad ædificationē adhiberi par est, ratione.

V

*Haftenus*



*Haftenus Beza.* Nec nos abhorremus haftenus à voto *venerabilis Beza*, quum, circa agitationem horum Festorum, velimus libertati nostrae suam per omnia constare rationem, atque jam antea monuerimus sufficienter, nobis displicere eos ex verbi Divini ministris, qui in concionibus, quibus Festum quem Ecclesiae diem (ut definitum scilicet nam indefiniti alia ratio) videntur illustraturi esse, mox in ipso Exordio, quo majori cum applausu videantur dicturi esse, suos auditores magis ad convenientiam diei, quam ipsius mysterii, quod celebratur, memoriam revocant; interim neque communi praxi Ecclesiae audemus adversari, piaculum vero putamus, infirmis scandalum praebere.

XX. Quid cenferi debeat, de diebus quasi festis N. T. à nobis tum limitatis, tum secundum suas limitationes assertis, jam abunde liquere existimo: deinceps porro expendendum, quidnam existimandum sit de moliminibus eorum quasi Theologorum in Belgio, qui contendant omnibus modis operam dandam esse, ut abrogentur. Inter eos primipilus habendus D. Doctor *Gisbertus Voetius*, ex *Lachrymis Crocodili*, antequam etiam Cathedrali Theologicae obtinuisset in Ultrajectino Gymnasio, commendante uno D. Riveto, notus Synodis & Classibus utriusque Hollandiae; quem sequi jam ceperunt passim discipuli, è quibus unus Enchusæ omni molimine ad Erostrati laudem aspirat, alius Woerdæ, pro Diogene Theologico, producendo in Cathedrali, proxime elapso Nativitatis festo anni 1655. exuvias Gibboniticas (vide *Ios. 9. 5.*) sese gerere instituit, ne de pluribus loquar. Quod de homine Woerdano dixi (Enchusæ nosse quoque didicit Synodus Groningo-Omlandica) ex viris Reverendis audi; (qui non detrectabunt dicere testimonium) adeo, ut viderit *Reynessius* qua conscientia pag. 72. referat *me pellucidum mendacium de eo referre*. Ni forte elabendi detur occasio, quod homo meus cum scissili palliastro in Cathedrali non protulerit Gibbonitarum saccum cum fragminibus mucidi panis. Interim, quis non clamet cum Melicerta, *frontem non tam perisse de rebus*, quam de viris? Qui, quotiescunque in speciem tantum favere videantur, sive Canones Ecclesiastici, sive decreta Synodalia, pro iis haut secus digladiantur, atque pro scitis & decretis ipsius Sp. Sancti, obliviscuntur can. Eccles. 67. supra citati, quem, ut omnes verbi Ministri per Belgium solenni manuum suarum subscriptione, ut & ceteros Canones, quando ad ministerium admittuntur, comprobant; ita D. Voetius, pacificus scilicet & modestus ille Theologus, interfuit anno 1619. Synodo Dordracenae, quum ageretur de



de illius recensione. Quod ipse tamen tam parum curat, ut sub finem sequipius adducte disputationis, non verecundetur ita loqui: *De quibus* (diebus scilicet Festis, jam antea consideratis) *si in praxi aut constitutionibus Ecclesiasticis nostrorum alicubi quid occurrat, cogita id de tolerantia & limitatione eorum accipiendum esse.* Quomodo postremo Constitutiones Ecclesiasticas Belgii anno 1586. repetitis anno 1619. intelligendas esse nemo ignorat, qui modo contulerit Constitutiones anno 1574. & 1578. modo cit. & cognovit, quis fuerit sensus, quæ Theologia, quæ eruditio eorum, qui in utrisque conscribendis potissimam operam navarunt. Sed, an non hæc arguunt tum τὴν ἀγένοιαν τῶν ἀγεωλῶν, tum etiam extremam impudentiam? Expendamus omnia breviter. I. Ubi lex aliquid simpliciter decernit & definit, an hoc intelligi potest, de sola permissione sive tolerantia? Quis unquam, sive Theologus, sive I.C. imo homo quoque ita deliravit? Can. 67. ita incipit: *Ecclesia præter sanctificationem Sabbathi, Nativitatis quoque Dominicæ Festum, Paschatis item ac Pentecostes, cum sequenti die observent.* Quæ verba si quis, cum D. Gisberto Voetio, dixerit continere nudam permissionem sive licentiam, pariter meridie diei esse tenebras, ejusdem λόγος αὐτῶν discipulis annunciet. II. Synodi verba modo adducta non arguere licentiam, sed esse accipienda ad modum præcepti, & quidem definitivi, atque (prout vulgo loquuntur) peremptorii, patet ex altero membro ejusdem Canonis, quod ita habet: *Et quia in plurimis Belgii civitatibus ac provinciis præterea dies Circumcisionis, & Ascensionis Domini, sacri sunt, ministri Ecclesiarum, quæ hujus adhuc consuetudinis expertes sunt, operam adhibeant apud Magistratum, ut sibi cæteris se conformare liceat.* Etenim, quoniam Synodo visum fuit, ut illæ Ecclesiæ Belgicæ, quæ circa duos dies Festos, annuatim recurrentes, cespitabant, se componerent ad modulum reliquarum, seu, plurium Ecclesiarum, certo liquet, ea quæ sanciantur tum de hisce duobus diebus Festis, tum de tribus alteris minus controversis, accipienda esse tanquam verba præceptiva, non vero ut solummodo permissiva. III. Noster D. Voetius sedit in ipsa Synodo Dordracena anni 1619. dum ageretur de recensione hujusce Canonis, quem pro suo arbitratu suis discipulis publice audet interpretari contra ipsius Synodi mentem, eoque illum rogo satisfaciat huic Dilemmati: Aut enim tum temporis approbavit hunc canonem, aut victus est suffragiis, cum palam ei obniteretur. Si approbavit canonem, aut fecit hoc serio, aut fide & in speciem. Si serio, quæ ratio, quod quæ approbavit toto animi assensu in tam illustri Panegyri, hoc tempore,



nulla solida ratione suadente, usque ad commotionem Belgicarum Ecclesiarum instituat, contra Synodi mentem, interpretari? Si vero hoc fecerit fide, atque in speciem, rogo omnes, quibus fucatus viri zelus hactenus imponit, serio de eo ipso arbitrentur. Si dicat se fuisse superatum suffragiis, (quomodo alias nobis constat, in ipsis sæpe Synodis meliorem sententiam suffragantium numero succubuisse) liquido hoc ostendat. Certe hoc non patet ex actis ipsius Synodi. Noster bonus socius, Reynessius scil. pag. 69. ne faveat nobis Synodus Dordracena, *distinguit inter præceptum quod vi sua obligat, & statutum quo exercitium rei adiaphora, huic rerum statui conveniens, declaratur.* Sed hæc distinctio est ridicula, quam si Doctor Voetius suggererit lepidum distinctorem se probat. Quis unquam somniavit quod præcepta Synodalia absolute per se obligent? Ratione ritualium, sic obligant vi generalis regulæ, 1. Cor. 14. vers. ult. ut in specialibus determinationibus à Synodo provinciali non possit rescindi, quod decretum est à Nationali. Usque adeo, ut turbones in Ecclesia sint habendi, qui, quo videantur novi Reformatores, moliantur rescindere illa, quæ manuum suarum subscriptione solemniter approbaverunt. Hoc enim si liceat, quod & quantum Chaos non obveniet Ecclesiæ? Nec (ut vult Reynessius pag. 69.) Synodus Dordracena, dum Canonem hunc conderet, rationem solummodo habuit turbati Ecclesiæ status; quum ob hæc, & similia, Synodus non fuerit coacta. Atque, ut dimissis exteris Theologis, qui supererant Theologi Belgæ Canonum Ecclesiasticorum resumptioni vacarunt; ita existimandum est, quæ per resumptionem approbata fuerunt, tanquam perpetuo valitura approbata fuisse. Voetiana somnia, de implicita quasi intentione Synodi, quis sanus curet? IV. Fassi jam antea sumus, priores Belgii Synodos, quarum membra meliora pro Genevensium discipulis erant agnoscenda, aut voluisse, aut optasse, ut Festi hi dies abrogarentur, pro quibus penitus abolendis, scimus quoque quam fervide alicubi laboratum fuerit, ut aliquando patebit ex nostra Historia Ecclesiastica: at cum ubique occurrerent & generalia, & specialia, obstacula, Synodus prudenter, omnibus expensis & collatis, definivit ad modum decreti (in omnibus Ecclesiis Fœderati Belgii perpetuo observandi) quidnam in hoc casu faciendum foret.

XX. Sed D. Voetius, qui in sua disputatione aravit vitula Didoclavii, quædam



quædam specialia argumenta habet, ob quæ videatur cum suis satellitibus posse hoc tempore illa impugnare, quæ in Synodo probaret. Th. 10. Arg. IV. sic procedit: *Quorum finis nullus est, illa etiam nulla sunt; sed Festorum Nov. Test. (quæ prætendunt) finis nullus est, Ergo. Majoris consequentia valet, quia in talibus relationibus finis dat esset, & est quasi forma. Minor probatur. Quia finis ille esset mystica talis, aut talis, beneficii divini significatio, ac representatio, & cum peculiari gaudio, gratiarum actione, commemoratio, idque per peculiarem cultus, & officii divini, modum illi solennitati affixum.* Quibus duntaxat oppono Zanchium, quem modo, sed infelicitè, D. Voetius jactabat *quædam esse; is ita loquitur lib. 1. ad quart. præcept. quæst. 2. Thes. 2.* Si igitur propter commemorationem istorum beneficiorum faciendam, instituta erant festa apud Judæos: cur non etiam rectè Ecclesia Christi, festa, quæ commemoravimus, instituit: ut illis diebus solennis celebraretur memoria beneficiorum, quæ à Christo accepimus, operumque illustrium, quæ pro nobis præstitit, & de quibus certas habemus in Evangelistarum libris historias &c. Altera ratio est, quoniam si honestum (ut Cicero definit) illud est, quod, licet actu non laudetur, laude tamen dignum est: sequitur honestum esse illa festa celebrare, quæ & vetus Ecclesia. Quoniam laudabile est sequi antiquitatem in rebus non per se malis, sed adiaphoris: antiquitas enim non sine causa ea egisse judicanda est, quæ egit, præsertim in diebus festis constituendis. Tertia ab utili ducitur. Dici non potest, quam utile sit plebi, tales celebrare dies festos, in quibus historiæ, de rebus à Christo gestis pro salute nostra, recitantur & explicantur. Quot enim sunt, qui nihil unquam aut per se legunt, aut alios audiunt sacras literas explicantes, nisi cum ad templum accedunt? Accedit alia utilitas, quod infirmiores in fide, non ita offenduntur à nobis, quam si omnino tales dies prorsus contemnamus, quasi non curemus, quæ Christus pro nobis gessit, *Hactenus Zanchius*, venerandus ille & doctissimus senex. Persuasum quidem vellet Reyneffius pag. 73. me, quod subsistere non possem, nec elabi auderem, confugisse *ad Zanchii clypeum*: sed tanti Theologi verbis uti malui, quam meis, ut responsioni meæ, directæ adversus D. Voetii argumentum, plus ponderis accederet. Nec ego, nec Zanchius, unquam somniavimus Festa N. T. quæ Ecclesia, quæ talia, libere observat, esse *signa mysteriorum* Divinorum; sed solummodo



commemorativa specialium beneficiorum Dn. Jesu Christi: nec talia agnosci debent per accidens, sed per se; quanquam interim distinguendum est inter Festa absolute considerata (ad quæ per Jus Naturale homo astringitur) atque eadem modificata ratione certorum beneficiorum & circumstantiarum. Altero argumento, quod videtur Rev. D. Voetio esse V.I. velut per satyram omnigena convitia cumulantur, desumptumque est à *noxiiis effectis*, atque videtur directum esse adversus Bel-larminum & festa Pontificiorum, ita tamen ut indirecte eodem quoque petantur hæc ipsa Festa. Verba D. Voetii hæc sunt: *Quia plus superstitionis quam devotionis secum trahunt, syncretismum cum Gentilibus & Iudeis sapiunt, saltem speciem mali habent, onerant Ecclesiam inutilibus perplexitatibus, scrupulis, dissidiis & contentionibus, quibus exercitia & profectus spiritualis devotionis impediuntur.* Sed quinam per sua dissidia & contentiones, hoc tempore in fœderato Belgio simplicium hominum devotionem spirituales impediunt, nonne illi, qui, ut cum D. Voetio habeantur doctores singulares, obloquuntur salubribus Synodi decretis, manuum suarum subscriptione approbatis? Judicet Deus, imo arbitrentur Magistratus Dei vicarii, simulque Ecclesiæ, atque tempestive hominum horum consiliis obviam eant. Fateor lubens, circa doctrinam de Festis N.T. non modo vulgus, sed haut paucos quoque ex verbi Divini ministris erroneas fovere sententias; atque verum esse quod p. 65. ex D. Altingio in Exegel. Aug. Conf. adducit Reynessius, nempe *plus religionis ac sanctitatis istis feriis, quam diei Dominico fere tribui*: nec tamen inde colligere licet, dies festos sub N. T. peremptorio decreto proscribendos esse; sed potius populum Orthodoxum melius erudiendum esse de legitimo Festorum usu. Porro inter Festa illa pauca, quæ Ecclesiæ Reformatæ receperunt libere, ut talia & modificate, ob fines jam antea definitos, & multitudinem Festorum non minus Judæicorum (à veritatis lineis recedit more solito Voetius, quando ibid. contendit *ipsa Dei & Christi festa anniversaria* (quæ apud Reformatos non excedunt numerum quinarium) numero Iudaica longe superare) quam Papanorum plurimum interest, prout post Hemmingium, solidum Theologum Augustanæ Confessionis, in Comment. ad Gal. 4. lucincte ostendit Daniel Tossanus, Theologus Heildelbergensis, hunc in modum loquens: Apostolus non simpliciter, sed *κατὰ τὴν* verbi. decimo, reprehendit observationem dierum & temporum. Nam observandum est, quadruplicem esse temporum observationem, physicam, sive astronomi-

cam,



cam, de qua Genes. primo, *Erunt in signa*, &c. scilicet pluviarum & serenitatis, veris, æstatis, autumnii, hiemis, &c. II. Civilem & Politicam ad mercatus & res alias gerendas, quæ suum habent tempus. III. Ecclesiasticam, ad sacros conventus, ordinis non superstitionis causa, ut hodie habemus diem Dominicam, & alia quædam festa, quibus populus de præcipuis Christi beneficiis admonetur. IV. Superstitiosam: hanc solum damnat hoc loco, & Coloss. 2. quod apparet ex sequente versu: Frustra enim laborassem, inquit, scilicet in prædicanda gratia, si iustitiæ nostræ ratio in Festorum observatione consisteret, vel una dies per se alia sanctior esset. In Papatu circa hoc caput triplicem abusum videmus. I. Quod Pontifices pro arbitrio multas ferias indixerunt, & in his populum Christianum nimis occuparunt. II. quod creaturis certos dies festos consecrarunt. III. quod his affingunt cultum Dei. *Hæc eo loco Tossanus.* Denique videtur pro D. Voetii moliminibus quadantenus militare Catechesis Editionis Belgicæ, quam respiciens hic ipse l. d. sic loquitur: *In primitivis Ecclesiis reformatis Belgii nulla vel minima species eorum (Festorum scilicet) comparuit. Ab ipso nomine Festi abstinabant, cum verba Catechesos Palatinæ, qu. 103. cum præcipue festis diebus, ita verterent: Insonderheyt op den Sabbath-dagh des Heeren. Ut omnes dies, præter Dominicum, excluderent.* Sed versionem hanc fidei controversæ, adversantem textui Originali Latino, versioni Græcæ Sylburgii, & versioni Ebrææ Tremellii, ut convenit acceptam referre primis illis in Belgio Theologis, quos notavimus fuisse ex disciplina Genevensium; ita Synodus Dordracena 1619. hætenus quidem qualemcunque hanc versionem toleravit, sic tamen ut can. dicto præceperit horum dierum observationem liberam, considerandam ea ratione, ne quo modo scandalum infirmioribus exhibeatur. Præterea auctores hujus versionis abunde innuunt, sibi propositum duntaxat fuisse, dici Dominico, præ reliquis diebus Festis, prærogativam procurare, secus non dixissent; *Insonderheyt op den Sabbath-dagh des Heeren.* Quod inde quoque patet, quoniam nunquam in fœderati Belgii Ecclesiis (licet, ut antea innuimus, quidam ex Theologis, Genevensium doctrina imbuti, in Synodis obniti voluerint) omnium horum Festorum observatio neglecta fuit, paucis forte Ecclesiis negligentibus, aut festum Ascensionis, aut simul quoque festum Circumcisionis, D. Voetius, qui in hac turbulenta comœdia Choragus agnoscitur debet, quique d. Maji 24. anni 1656. in sua Academia sedecim positiones miscellaneas ad disputandum



tandum proposuit, ut posset novas turbas excitare, Th. 16. five ultima, novi quid repetit, ut persuadeat Ministris in Fœderato Belgio, laborandum esse pro horum dierum abrogatione, quando sic loquitur: *Quid de Catachrestice dictis festis (ut recte judicat Piscator in Galat. 4.) quomodo Ecclesia nostra Belgica propter auctoritatem Magistratus volentes, nolente animo, dies illos retinere debuerint, eosque ideo ad hominum ignavum otium avertendum in conciones impendi consultum duxerint, ante annos complures satis superque declaravimus.* Resp. I. Optimum senem D. Johannem Piscatorem supra vindicavimus. Qui illum noverunt familiariter Herbornæ, testes sunt, quod tempore Festorum, ab Ecclesia Reformata annuatim agitari solitorum, assiduus consueverit esse in templo, omnibusque aliis præluere singulari exemplo devotionis. Quid enim Wetteravici Theologi, speciatim Herbornenses, existimaverint de observatione horum dierum, discere est ex uno Zeppero (hic Author D. Voetio in controversia de bonis Pseudo-sacris *Classicus testis* est) qui hæc habet lib. 1. de Polit. Ecclesiæ cap. 13. *Ad verbi divini prædicationem, & totius cultus in catibus Ecclesiasticis exercitium, temporibus certis, quibus Ecclesia convocetur, opus est. Hæc tempora erunt, ordinarie quidem dies Dominicus, adeoque & Festum Paschatis & Pentecostes, quæ in dies Dominicos regulariter incidunt, Festum nativitatis, circumcisionis, passionis & sepulture, atque Ascensionis Christi.* II. Probet D. Voetius, Ecclesias Belgicas invitas & reluctantes, atque duntaxat ob auctoritatem Magistratuum suorum, hætenus consensisse in horum dierum observationem. Certe contrarium liquet ex decreto Synodi Dordracenæ, supra Sect. 5. ad suffragium vocato. III. Calumniam olet, quod innuit, ministros Belgicos, jam olim hisce diebus consuevisse conciones habere, tantum ut averterent ignavum otium hominum. Hæc si quis diligentius attenderit, & comparaverit cum iis, quæ Sect. 5. hujus assertionis diximus, videbit quam improbandi sint illi, ex neophotis Verbi ministris, qui in Belgio, æstuantes quasi Zelo Jehu, existimant se tum demum bene merituos esse de Ecclesia, si neglecta manuum suarum subscriptione, qua confirmarunt Canones Ordinis Ecclesiastici, à Synodo Dordracena examinatos & approbatos, tam diu *συνελθὼν* suis concionibus vacaverint, quam horum dierum observationem abrogaverint. Eos vero ab aliquot annis, Classibus per universum ferme Belgium obtrusit Academia Ultrajectina, cujus facultas Theologica ut gaudet titulo singularitatis, ita propriis coloribus, jam olim sua ætate, hujulce Farinæ homines graphice delineavit

Augustinus



*Augustinus episc. 118. ad Ianuarium hunc in modum scribens:* Sensi enim sæpe dolens, & gemens, multas infirmorum perturbationes fieri, per quorundam fratrum contentiosam obstinationem, vel superstitiosam timiditatem, qui in rebus huiusmodi, quæ neque Scripturæ Sanctæ auctoritate, neque universalis Ecclesiæ traditione, neque vitæ corrigendæ utilitate, ad certum possunt terminum pervenire (tantum quia subest qualiscunque ratiocinatio cogitantis, aut quia in sua patria sic ipse consuevit, aut quia ibi vidit ubi peregrinationem suam, quo remotiorem à suis, eo doctiorem factam putat) tam litigiosas excitant quæstiones, ut nisi quod ipsi faciunt, nihil rectum existiment. *Haftenus Augustinus.* Nec zelo horum suorum discipulorum patrocinatur ullo modo *D. Voetius*, quando loco postremo laudato hunc in modum *περὶ τῶν ἡμερῶν*: *Hoc in disquisitionibus de observatione istorum dierum prudenter cavendum, ne Ecclesiis nostris Belgicis in prima sua caritate & optime constitutis, Gallicis præterea Scoticis, Genevensi &c. aut præstantissimis Theologis reformatis, quidquam præiudicemus, & Pontificiis erroribus non satis valide resistamus.* Quæ verba, ut alio non spectant, quam ut infirmioribus conscientis laquei injiciantur, ita rogo *D. Voetium*, accuratius aliquanto sequentia dignetur expendere. I. Qua fronte, blandiendo Ecclesiis Belgicis priorum seculorum, dicere sustineat, eas in prima sua caritate & optime constitutas fuisse, cum ipse,volvendo Sisyphi saxum, tanquam Doctor singularis, noctes atque dies, cum omnibus adjutoribus (magnam partem improvidis juvenibus) laboret de iis intensive amplius reformandis; constetque plurima in primitivis Ecclesiis Belgii tolerata esse, quæ intolerabilia proclamat hic noster Doctor? II. Ecclesiæ Genevensis ministri (qui hic præ aliis essent suspiciendi) quam parum tanquam viri non modo prudentes, sed etiam Christiani afficiantur, quod alibi in Ecclesiis transmarinis quidam dies Festi libere observentur, supra discere potuimus ex *D. Beza*, & *D. Spanhemio*, quibus plus defero, quam centum *Didoclavii gregalibus*, qui quam præclare, per zelum improvidum meriti sint de Ecclesiis Anglicis & Scoticis, iudicabit Orthodoxa posteritas. III. Ergo, valide Pontificiis erroribus non potuerint resistere, *Chemnitius*, (videatur is parte IV. seu postrema Concilii Tridentini) *Zanchius*, *Sadeël*, (cum antea vindicavimus) *Junius*, *Rivet*, alique plures, quod legitime distinguendo inter Festa V. T. & ea quæ, ut modificata, ab Ecclesia libere sub N. T. observantur, itemque inter illa, quæ docent Reformati, & quæ, per errorem, urgent Pontificii,



Pontificii, noluerint cum hisce hominibus, pro abrogatione quasi Festorum dierum, turbas in Ecclesia dare. Orthodoxam vero sententiam, quæ pariter nostra, breviter complexus est *Tilenus* tom. 1. Disput 44. Thel. 27. sic loquens: Præter Sabbathismum, septimo quoque die recurrentem, alios dies, non ad ἑβδομαστικήν, sed ad peculiarem Dei beneficiorum commemorationem, de communi consensu, in Ecclesia Christiana, instituere non arbitramur simpliciter illicitum. Cæterum horum dierum (secundum modificationem hæc intelligenda sunt) observationem ejusmodi lege sancire, quæ absolutæ necessitatis laqueum injiciat animis, & singularem quandam sanctimoniam affingat diebus illis, superstitiosum, & Christianæ libertati inimicum, esse asserimus. Hæc *Tilenus*. A cujus opinione ut non recedimus, sic non possumus non inculcare omnibus pacis studiosis ea, quæ habet *Augustinus*, Epistola modo laudata, sive 118. ad Januarium, ubi sequentia leguntur: Illa enim quæ non scripta sed tradita custodimus, quæ quidem toto terrarum orbe observantur, dantur intelligi, vel ab ipsis Apostolis, vel plenariis Conciliis, quorum est in Ecclesia saluberrima autoritas, commendata atque statuta retineri. Sicuti quod Domini passio & resurrectio, & ascensio in cælum, & adventus de cælo Spiritus Sancti, anniversaria solennitate celebrantur. Et si quid aliud tale occurrerit, quod servatur ab universa, quacumque se diffundit Ecclesia. Huc usque iterum *Augustinus*.

XXI. Progredior expensurus, quid existimandum sit de cœna Dominica, festis majoribus celebrari solita. Atque initio quidem in primitiva Ecclesia, quotidie Christianos convenisse ad agendum sacrum hoc convivium, quidam instituunt colligere ex A. 2. com. 42. quod tamen perpetuo observatum non fuit. *Augustinus* dicta Epist. 118. de tempore celebrandæ cœnæ Dominicæ, varias recitat consuetudines in Ecclesia apud diversos populos receptas, inter alia hæc habet: Alii quotidie communicant corpori & sanguini Dominico: alii certis diebus accipiunt. Alibi nullus dies intermittitur, quo non offeratur: alibi Sabbatho tantum & die Dominico: alibi tantum Dominico. Sed (ut mox subdis) totum hoc genus rerum, liberas habet observationes. Quod enim neque contra fidem (inquit) neque contra bonos mores injungitur, indifferenter est habendum. Hæc ille. Ut vero de infrequentia suo etiam seculo conquerebatur *Chrysostomus* (quemadmodum videre est hom. 7. & 61. ad pop. Antiochenum, hom. 28. in 1. Cor. & 12. ad Hebr. & Orat. de S. Philogonio) ita non insuper haberi debet monitum *Augustini* lib.



lib. de Ecclef. Dogmat. cap. 53. hunc in modum loquentis: *Quotidie* (inquit) *Eucharistiam accipere nec laudo nec vitupero: omnibus tamen Dominicis diebus communicandum hortor: si vero non frequentius, saltem ter in anno homines communicent.* Certe cum Apostolus diserte injungat Corinthiis, ut *quotiescunque (coenæ) convenerint*, mortem Domini annuncient, 1. Cor. 11. 25. consequens est, sæpius quoque anno sacram Synaxin esse administrandam.

Convenientissime autem pio huic exercitio destinari ipsa majora XXII. Festa, recte censuit Synodus Dordracena anni 1619. quum Can. Eccl. 63. sic statueret: *Cœna Domini singulis duobus mensibus semel, si fieri potest, administretur: & erit ex usu Ecclesiæ, si ejus constitutio id patiatur, ut diebus Paschatis, Pentecostes, & Nativitatis Domini fiat.* A qua consuetudine cur recesserit Ecclesia Ultrajectina, quæ ultra Lxx. annos eam observaverat, dicere non potest D. Voetius, (licet consuetudini à Synodo approbata cum suis adversatus fuerit) eoque dicta Thesi xv 1. *more suo ineptiendo loquitur*: De definito tempore administrationis Cœnæ Domini: nihil in Scriptura definitum est: nihil ergo hic libertati Ecclesiarum præscribendum. Pontificii festo (uti vocant) paschali alligarunt: hinc factum, ut idem tempus à reformatis Ecclesiis quibusdam retineretur, sed tamen libere; idque ut neophytis & infirmis, qui tempori illi assueverant, sese accommodarent, exemplo Pauli, 1. Corint. 9. vers. 20. 24. Aliæ tamen Ecclesiæ, etiam in Belgio nostro, nec illo, nec aliis dictis festis administrant. Ita ut plane adiaphorum hoc semper habitum sit: nec quisquam in hac aut illa temporis partitione & designatione mysticum quid quæsierit. Constitutiones nostræ Ecclesiasticæ anni 1581. secundo quoque mense, siquidem fieri possit, cœnam celebrari volunt: An. 1586. additum est, futurum ad ædificationem, ut fiat diebus Paschæ, Pentecostes, Nativitatis, ubi ratio & constitutio Ecclesiarum ita fert. Hoc consilio nullæ Ecclesiæ se tanquam lege obligari putarunt. Sunt enim multæ, forte pleræque, quæ quater quotannis; pauca, quæ die pentecostes; multæ, quæ nec die Paschæ, nec nativitatis celebrant. Nostra Ecclesia Ultrajectina ante quadriennium præter propter, quaternas vices, antea inæqualiter divisas, per trimestres exacte divisit, & primum diem Dominicum tertii cujusque mensis designavit; quo factum, cum in diem Nativitatis cœnæ distributio non incideret, illum diem abrogatum, & consequente ipsum Christianismum, imperiti & malevoli nonnulli blaterarent: cum de priori in Synedrio nostro deli-



beratum non esset, multo minus conclusum. *Hæc quidem noster D. Voetius.* At quis in hac oratione pedem aut caput notet? Non quæritur, an quædam Ecclesiæ alia statuta tempora in cœna Domini administranda observent? sed, an legitime & citra infirmorum scandalum, nulla plane ratione urgente, hoc cum suis asseclis D. Voetius potuerit suadere Ecclesiæ Ultrajectinæ, quæ tot per annos observaverat illud, quod Synodus tanquam laude dignum approbat? Quoniam rationem idoneam nescit D. Voetius reddere, quum maxime tamen requireretur, certo persuasum habeo, eum nullum alium in finem (ut ut dissimulet) hanc mutationem circa hæc statuta tempora urfisse, quam ut facilius posset procurare per suos D. D. Magistratus ipsorum Fæstorum abrogationem. Quantumvis simplex videri velit, atque à seculi artibus remotus, exploratissimum tamen habet illud, quod turbidi milites disserunt apud Tacitum An. i. cap. 19. ex legibus seculi, se cetera mandatueros, ubi prima provenissent. Quæ cornicatur pro suo Præceptore Reynessius pag. 75. pili non sunt faciendæ. Lubens do, non simpliciter constringendam esse Ecclesiam, ut diebus Fæstis conveniat ad celebrandam sacram Synaxin: quum tamen Synodus Dordracena judicavit, illud fore ex usu Ecclesiæ, si constitutio illius hoc patiat: atque tot per annos, hoc factitatum fuerit in Ecclesia Ultrajectina, D. Voetius cum suis, nisi Davus alter haberi velit, liquidam rationem adferre debet, cur hoc diutius non potuerit pati constitutio Ecclesiæ Ultrajectinæ? At arcana hominis subdoli consilia jam antea prodidi.

## EXERCITATIO XII.

1. **A**N inter precandum certo gestu, & ritu, sit utendum?
2. **L**icet ritus quam maxime compositi sint adhibendi, non tamen perpetuo standum est.
3. **P**agani stantes precari solent.
4. **Q**uod tamen ratione certorum temporum, quæ Nostri Doctores observare nolunt, in primitiva Ecclesia receptum fuit, cum alias Christiani in genua procumberent.
5. **R**espondetur ad Psalm. 134. 2.
6. **S**imul satiisfuit Reynessio.

I. Qui



**Q**ui ex singularitate apud auditores suos gratiam, more Phariseorum, captant, eos docere instituerunt, inter precandum certo quo ritu, & definita corporis compositione utendum esse, speciatim convenire, ut in Ecclesia publicæ preces à stantibus fundantur: quare & sequiori sexui persuaserunt, quo tempore à verbi Ministro funduntur preces, surgere, atque stando subicere *Amen*. Imitatione & exemplo eorum Hæreticorum, quos Damascen. lib. de Hæres. vocat *Agnoclytas*, quod nollent, quoties orarent, genu flectere, sed stantes semper precarentur.

Verum quidem est, eos, qui excellum & præpotentem Deum allocuturi sunt, summa cum reverentia hoc facere debere, corpore quam decenter composito, atque imitari viros Sanctos V. & N. T., qui soliti fuerunt præcipuas corporis partes ita moderari, ut ipse gestus tum attentionem, tum reverentiam erga Divinam majestatem convenienter argueret. Interim hic sua libertate gaudet Ecclesia, modo ea non excedat terminos Christianæ modestiæ: nec ulla certa lege est definitum, quinam ritus inter precandum adhiberi debeant. Genibus incumbentes orantur Christus, *Luc. 22. 41.* Paulus, *Act. 20. 36.* Stephanus, *Act. 7. 60.* Petrus, *Act. 9. 40.* Leprosus, *Marc. 1. 40.* Salomon, *1. Reg. 8. 54.* Tyri incolæ, *Act. 21. 5.* In faciem suam prociderunt Christus, *Matth. 26. 39.* *Marc. 14. 35.* Moyses, *Deut. 9. 18.* Moyses & Aaron, *Num. 16. 22.* Josua, *Ios. 5. 14.* Viginti quatuor seniores, *Apoc. 4. 10.* Jacentes orantur, Ezechias, *Ies. 38. 2.* Jacob, *Genes. 49.* David, *2. Sam. 12. 16.* Stantes iterum precati fuerunt, Christus, *Ioh. 11. 41.* Publicanus, *Luc. 18. 13.* & Pharisei, simileque hypocritæ, *Matth. 6. 5.* Perpetuo vero hic cordi primæ partes concedi debent, atque, si licuit dicere Cypriano lib. de Orat. Dom. ratione vocis, *Est Deus non vocis, sed cordis auditor*; dicere quoque possumus, Deus non est gestuum horum illorumve, sed solius cordis serius observator.

Mirum vero Christianis per pretiosum Christi sanguinem in libertatem assertis, injungi, ut stantes precentur, quum hoc ipso corporis gestu, Gentiles Deos suos venerari consueverint. Quod patet, vel ex solo Martialis loco, lib. 12. Epigramm. ab aliis ad hoc probandum sæpius adducto:

*Multis dum precibus Iovem salutat,*

*Stans summos resupinus usque in unguis*

X 3

*Æthon.*



*Æthon.* Nec est, quod Reyneffius pag. 85. hoc nomine sibi gratuletur, quasi præter Martialis *Æthonem*, alterum proferre non potuerim, adeo ut pro sua verecundia eum, ex eodem Poëta, mihi quoque; ut *pedentem* objiciat. Solo hoc Martialis loco adducto, Gentiles Deos suos stantes veneratos fuisse, probat quoque promus condus ille Antiquitatis Brissonius lib. 1. de Form. Ne vero Reyneffius existimet, me aliorum Scriptorum autoritate destitui, en Pindarum, qui ut *Isthm. od. 6.* orantem exhibet *Herculem*, ita hæc præmittit:

Τὸν μὲν δὲ γινῶ λένον  
 Στάντα κελήσσο νεκρά γέαις  
 Σπονδαῖσιν ἄρχει καλερχέμεν  
 Ἀμφιτέρω νίδαν.

Sequuntur deinde preces, quibus conceptis:

Ὡς ἄρχει εἰπῶν αὐτίκα  
 Ἐξέπο.

Atque hunc Gentilium ritum fuisse, visumque primævis Christianis abominabilem, testis potest esse vel solus Tertullianus, qui ut lib. de Orat. cap. 12. varios precantium ritus, utpote Paganismum redolentes, notat; ita apud eum legas: *Item quod assignata oratione assidendi mos est quibusdam, &c. & paulo post: Porro quum perinde faciant nationes, adoratis sigillaribus suis residendo, &c. Solent quippe residere, postquam stantes orassent. Atque Christianos non consuevisse stantes orare, testis quoque est Augustinus, ab ipso Reyneffio pag. 89. adductus. Ut enim lib. pro cura Mort. cap. 5. varios precantium ritus notat; ita hunc omittit. Verba hæc sunt: Orantes de membris corporis sui faciunt, quod supplicanti-  
 bus convenit, cum genua figunt, cum extendunt manus, vel etiam proster-  
 nuntur solo.*

- IV. Christianis vero solenne erat, ordinario Deum genibus flexis venerari, seu, ut Tertullianus loqui amat *de geniculis adorare*. Unus Eusebius sit instar omnium testium: Is lib. 5. cap. 5. de Christianis agens, qui in legionibus Romanis sub M. Aurelio Imp. stipendia merebant, dicit eos *in procinctu, in ipsaque acie, genu flexo, in terram usque* (qui nostrarum prece-  
 tionum proprius mos est, τὸ δὲ καὶ οὐκ ἔστιν ἡμῶν τῶν εὐχαῶν ἔσθ' ὅτι) *ad supplican-  
 dum Deo fuisse conversos.* Eximii ab hoc ritu fuerunt dies Dominici, & dies Pentecostes, quibus (ut supra, alia occasione notatum fuit) Chri-  
 stiani stantes Deum venerari solent. Rationem reddit Author Quæ-  
 stionum, quæ vulgo Justino Martyri tribuuntur, siquidem sic legitur

qu. 115.



qu. 115. Quod vero die Dominico genua non flectimus, signum est & designatio resurrectionis, & paulo post: In Pentecoste genua non flectimus, quoniam pari est cum die Dominico potestate. Qui hic dissentiunt, si dicant se ad Christianæ Ecclesiæ antiquitatem primævam (alias neque præcepto Christi, neque liquida ratione ulla, suffultam respectu huiusce ritus) componere, rationem sufficientem reddant, cur Christiani debeant, die Dominico stantes, invocare Deum, neutiquam vero salva conscientia ab iis agitari possint dies Festi, tot per secula, tacito Ecclesiarum, qua Orientalium, qua Occidentalium, consensu, recepta, atque quam devote (cæterum iis conditionibus, quas suo loco proposuimus) celebrata? Nisi forte his ipsis placeat revocare in usum rationes, in primitiva Ecclesia receptas, de quibus alibi prolixius agimus.

Pro certo atque definito quasi ritu à precantibus observando, urgeri V. quidem hæc solent ex Ps. 134. 2. *Attollite manus vestras sancte, & benedicite Deo.* Sed primo sublatio manuum nihil commune habet cum statione. Deinde metonymice, sive per metonymiam adjuncti, Scriptura per sublationem manuum solet intelligere ipsam precationem, quam sæpe, non tamen semper, aut ordinario, multo minus vi certi alicujus præcepti, sublatio manuum comitari solet. Inde dicitur Psal. 88. 10. *Expando ad te manus meas.* Thren. 3. 41. *Tollamus corda nostra cum manibus ad Deum, qui est in cælis.* 1. Tim. 2. 8. *Velim igitur viros precari in quovis loco, puras manus attollentes absque ira, & disceptatione.* Ad quem locum sic commentatur Antonius Fayus, Theologus Genevensis, atque Theodori Bezae conjunctissimus Collega: Unde licet etiam animadvertere, quæ fuerit veterum quorundam præpostera cautio, qui certis temporibus nefas esse putabant, si quis orasset de geniculis. Nam geniculationem dicebant illis convenire, qui poenitentes essent: stationem illis, qui essent à peccatis absoluti: diebus Dominicis, & ab ipso Paschate ad Pentecosten, nefas putabant orare genibus flexis: Illo autem tempore stantes orabant: unde stationum nomen manavit. Nihil autem aliud erat statio, (hæc suo loco relinquimus, nos enim aliud quid existimamus de antiquorum Christianorum Stationibus, ut alibi cum Deo docebimus) quam actus corporis, quo orantes in Sacris cœtibus stabant: quod fiebat præcipue Dominica die, producta oratione nonnunquam ad vesperam usque; item quarta & sexta feria, id est, diebus Mercurii & Veneris. Atqui hæc omnia ad libertatem Christianæ ecclesiæ fuerunt examinanda & revocanda. Nam prisca fideles modo stantes orabant, ut publicanus

Luca



Lucæ 18. modo jacentes, ut Jacob, Genes. 49. modo in genua prostrati, ut Christus, Stephanus, & Apostoli. Denique in externis hujusmodi gestibus non ponebant primi Christiani ullam precationum vim. Summa autem eo redit; ut quæ ad ædificationem pertinent in publicis cæ-  
tibus procurentur honestè & decorè. *Hactenus Fayus.*

- VI. Audio quidem Reynessium dicentem, se non improbare consuetudinem eorum, qui sedentes precantur, cæterum melius esse, ut in publico, quis aut stando, aut in genua procumbendo, precetur. Sed hoc probare deberet. Act. 9. 40. & Eph. 3. 14. quæ loca in margine notantur pag. 90. solummodo genuflexionis fit mentio. Nec constringere me potest autoritas Josephi Halli, Theologi alias egregii. Certe Domini Præcisiani hic potius audire deberent Tertullianum: nam eum quoque pertinere ad Patriarchas Præcisissimi, alibi probavi. At Tertullianus l. d. sive lib. de Orat. cap. 12. pronunciat, omnia illa esse *vana, quæ fiebant sine ullius, aut Dominici, aut Apostolici præcepti autoritate.* At cedo præceptum, ubi in publico jubeamur precari vel stantes, vel genua flectentes.

## EXERCITATIO XIII.

## Non est insurgendum in Ecclesias Orthodoxas, sialio, quam Præsbyteriali, regimine gaudeant.

1. **Q**uam Theologos dedecet πολυεργασίη, maxime si ea suadeat expendere aliarum Orthodoxarum Ecclesiarum regimen.
2. Ex publicis Ecclesiarum Orthodoxarum confessionibus docetur, quod, ratione rituum diversorum, nulli molestia sint creanda.
3. Quamquam Episcopi non sunt distincti à Præsbyteris, alicubi tamen Episcopalis potestas consistere potest cum Orthodoxia.
4. Speciatim agitur de Episcopis Anglicanis. Nuperis turbis eorum potestas abrogari commode non potuit.
5. Nec culpanda illæ Ecclesia, si modo Orthodoxa, in quibus occurrunt Inspectores.
6. Nec & illa quoque in quibus notatur perpetuus Senatus Ecclesiasticus.
7. Quam D. Doctor Gisb. Voetius hac in parte modestia & veritatis fuerit oblitus.

I. Quant-



**Q**uantopere Deo displiceat ἡ πολυπεριγρηγοσύνη, maxime, si I.  
Theologus, aut verbi Divini minister, eidem instituerit  
vacare, alibi notavimus. Deo vero displicere cum maxi-  
mè, inde manifestum est, quod expresse Apostolus Petrus  
I. Ep. 4. 15. homicidis, & maleficis (τοῖς κακοποιοῖς) conjun-  
gat alienarum rerum inspectorem, seu τὸν ἀλλοτριοεπίσκοπον. Inter τὰς ἀλ-  
λοτριοεπισκόπους vero primo loco referri merentur illi, sive Pastores, sive  
Theologiæ Doctores, qui, coram promiscuis auditoribus, sub censu-  
ram, acerrimam sæpe, aliarum Ecclesiarum ( consentientium licet in  
dogmatibus fidei) Ecclesiasticum regimen, pro ratione status reip. im-  
mutabile, illud traducendo, vocare sustinent. Qui, si in Academia  
doceant, viderint quot parasangis ab earum non minus destructori-  
bus, quam publicis turbonibus distent. Si enim V. C. Professor Poli-  
tices, qui vivit sub Aristocratico regimine, apud adolescentes, à qui-  
bus auditur, identidem, atque sæpe ad ravim usque, detonet verius  
quam declamet in regimen Monarchicum, censeari debeat peregrinos  
studiosos, sub Rege viventes, tacite incitare, ut domum reversi tur-  
bas dent, laborentque regium jugum, velut libertati grave, excutere;  
multo magis (quod videatur autoritate præpollere, atque consueverit  
per Scripturam conscientias arguere) insimulandus Theologiæ Doctor,  
si V. C. sic instituerit tum pro lectionibus, tum in Disputationibus  
commendare Ecclesiarum Belgicarum regimen, ut simul carbone no-  
tet sive Ecclesiæ in Palatinatu, sive Anglicanæ, considerandæ ante  
hodiernum regimen, sive Hungaricæ, aut Transylvanicæ regimen,  
ordinatum pro politici regiminis ratione. Imo, si idem Doctor, apud  
improvidos, & quorumvis capaces, adolescentulos, eo usque progre-  
diatur, ut occasione ordinis circa vocandos Pastores in sua provincia  
recepti, insurgat in Jus Patronatus, per universam Frisiam, atque  
Ommelandiam receptum, & à Synodo Dordracena anni 1619. can. 5.  
Ecclesiast. admissum, quatenus ad adificationem usurpari potest, sine  
fraude aut dispendio Ecclesiæ Dei, atque ordinis Ecclesiastici, illudque  
condemnet, ( ut ut folia ficulna, quibus se tegat, sine numero con-  
textat ) censeari debet non modo ἀλλοτριοεπίσκοπος, verum etiam tur-  
bonum antesignanus, qui doceat suos Auditores, ( utinam experien-  
tia non foret testis! ) ἀκίνητα κινεῖν, atque, quo videantur Doctores  
singulares, & non frustra talibus Præceptoribus operam dedisse,  
Y non



non minus Ecclesiam, quam temp. turbare. Certe, sic Theologiam Genevæ non docuerunt Calvinus, Beza, Sadeël, Fajus, Turretinus, Deodatus, &c. nec Heidelbergæ, Olevianus, Boquinus, Ursinus, Zanchius, Sochnius, Kimedoncius, Reuterus, Paræus, Coppenius, Scultetus, Altingius, &c. nec Leydæ, Capellus, Figuræus, Sturmius, Danæus, Trelcatii, Junius, Gomarus, Kuchlinus, Polyander, Walæus, Rivetus, Thyfius, Triglandius, Spanhemius, &c. Interest vero non minus reipubl. Fœderati Belgii, quam Ecclesiarum in eo occurrentium in communi, hæc Theologiam docendi ratio, quieti Ecclesiæ & reip. prægravis, tempestive (ne graviora per eam excitentur incommoda) in ordinem redigatur. Quod quandiu non fit, non minus ipsi Belgæ, quam peregrini deberent moneri, temere suos Theologiæ candidatos non ablegent ad eam Palæstram, cui non minus ab hac Theologiam docendi methodo, (proxeneta interveniente stolido, & imprudente, ceterum amaro zelo, cornua affumente per favorem plebejum) captatur gloria, quam ab omnigenis litibus, ad eandem obtorto collo pertractis: quum tamen secundum D. Schotanum, illum pientissimum Ultrajectinæ Ecclesiæ atq; Academiæ Theologum, tempestive à Deo evocatum, in concione ad dictum Petri locum, præ aliis ἀποστολοεπίσκοποι haberi debeant, *qui se miscent alienis rixis & discordiis, & non accedunt, ut mitigent animos, sed tantum oleum camino addant.* Nec hos πολυεργυσύνης Doctores quicquam juvat Reynessius pag. 93. & seqq. Dato enim Ecclesiasticum regimen jure Divino definitum esse; non tamen nævi in aliis Ecclesiis, ratione regiminis Ecclesiastici duntaxat dissentientibus, acerbè sunt traducendi ab iis, qui in libero quoque Belgio vivunt. Nam concessio quoque hosce Liberos non intendere Ecclesias illas turbare, dum tamen contra earum regimen tonant, animum addunt iis, qui hoc agitant. Imo, cum inter studiosos Auditores sæpe occurrant capita anomala, & fastuosa, via iis ostenditur, qua se possint tollere humo. Certe, qui ex admonitione Apostoli Eph. 3. præsumperint ἀληθεύειν ἐν ᾧ λόγῳ, moderatiores erunt.

- II. Ne vero videar invektivam concionem meditari, omnino existimo, hanc esse rationem Ecclesiæ militantis, ut non possit ubique locorum iisdem astringi ritibus. Quemadmodum enim hac ratione temperata sunt à sapientissimo Deo hominum ingenia, ut non possint in omnibus locis admittere eundem regiminis politici modulum: ita ubique quoque in Ecclesia, ob diversum reip. statum, non potest urgeri eadem regiminis



regiminis Ecclesiastici, secundum eosdem ritus, forma. A Paulo relicta nobis fuit hæc generalis regula 1. Cor. 14. verl. ult. *Omnia decenter & ordine fiant.* Quam considerans Calvinus recte dicit: *Hinc colligimus perpetuam doctrinam, quem in finem dirigenda sit Ecclesiæ Politia. Dominus externos ritus ideo in libertate nostra reliquit, ne putaremus cultum ejus illis inclusum. Sed interea non permittit nobis vagam effrænemque licentiam; sed cancellos, ut ita loquar, circumdedit: vel certe ita moderatus est libertati, quam dabat, ut tamen asfirmare ex ejus verbo liceat, quid rectum sit.* Pro æqualitate vero universali, quoad ritus, ut inde incipiam, in omnibus Ecclesiis Reformatis obtinenda, neutiquam digladiari, multo minus apud improvidos adolescentes classicum canere convenit. Apprime probanda cenfeo quæ habent fratres Bohemi in sua Confessione cap. 15. *ubi sic loquuntur:* Docent deinceps, ne ob ceremoniarum, consuetudinum, & rituum discrimina, quæ in variis Ecclesiis inter Christianos videre est, nec reclamant aut officiunt pietati, alii in aliis offendantur, aut se vicissim contemnant, oderint & persequantur. Nec etiam, sectas aut seditiones excitantes, se ab Ecclesiæ unitate alienent & distrahant, cum nunquam in Ecclesiis eadem fuerint, nec nunc quoque sint. Quod quidem etiam & Patrum Decreta palam ostendunt, Dist. 12. capite scit. Scit Sancta Romana Ecclesia, quod nihil obsunt saluti credentium, diversæ pro loco & tempore consuetudines, si illis Canonica non obstat auctoritas. Cuique autem in Ecclesia ad pacem conscientia suffecerit, si uno omnes Christi fideles Spiritu præditi sint, hoc est, si in doctrina & fide consentiant. Qui enim Spiritum Christi non habet, ut Apostolus dicit, hic non est ejus. Qualescunque tandem ritus, ceremonias aut traditiones observet. *Hactenus confessio Bohemica.* Nec alia mens est Ecclesiarum Helveticarum, quando ita decernunt in sua Confessione cap. 27. Quod si in Ecclesiis dispares inveniuntur ritus, nemo Ecclesias existimet, ex eo esse dissidentes. Socrates, impossibile fuerit, inquit, omnes Ecclesiarum, quæ per civitates & regiones sunt, ritus conscribere. Nulla religio eosdem ritus custodit, etiamsi eandem de illis doctrinam amplectatur. Etiam si qui ejusdem sunt fidei, de ritibus inter se dissentiunt. Hæc ille. Et nos hodie ritus diversos in celebratione cœnæ Domini & in aliis nonnullis rebus habentes in nostris Ecclesiis, in doctrina tamen & fide non dissidemus, neque unitas societasque Ecclesiarum nostrarum ea re discinditur. Semper vero Ecclesiæ in hujusmodi ritibus, sicut medicis, usque sunt libertate. Id quod nos hodie quoque facimus. *Huc usque fratres*



*fratres Helvetii.* Quis vero hæc publica Ecclesiarum Orthodoxarum testimonia, non præferat iudicio unius alicujus Theologi, clamosi licet & celebris?

III. Imo ( ut accedam etiam ad regimen Ecclesiæ ) quis semur non feriat, quod quidam Theologi in Belgio, eo tempore, quo non minus Anglia, fortunata ante paucos annos insula, bello intestino concutiebatur, quam Ecclesia graviter affligebatur, instituerint scribere & detonare in regimen Episcopale? quo licet melius detur, intererat tamen Ecclesiæ ejus loci, illud antea non abrogari, quam publica auctoritate Regis & Parlamenti introductum atque stabilitum esset moderamen Præbyteriale. In ea sum, atque semper fui, sententia, secundum Scripturas Nov. Test. nullum discrimen intercedere inter Præbyterum & Episcopum, multo minus hunc illo superiorem esse, neutiquam autem huic vindicari posse aliquid secularis potestatis; adhuc existimo regimen Præbyteriale, quale in Ecclesiis Belgicis receptum est, juri Divino per omnia consentaneum esse: interea tamen non putarim, tuto insurgere posse in Episcopalem dignitatem, ob conditionem reip. receptam, si Orthodoxa religio cum eadem non modo conspiraret, sed tuto quoque subsistere queat. Concedo lubentissimo animo Reynessio, veritatem Orthodoxam non esse premendam metu barbarum: cæterum late scio distare politiam Ecclesiasticam à fundamentalibus fidei dogmatibus: Æque atque latissima differentia intercessit inter Ambrosii & Augustini Episcopatum, & modernorum Episcoporum in Papatu. Adhuc, cum secundum Salomonem *sit tempus silentii, & tempus loquendi*, Eccles. 3. 7. contendo non semper tutum esse, vitiosissimum licet, Ecclesiæ regimen reformare velle; cum sæpe simul laborare debeant Orthodoxia. Denique diverso quoque modo erronea doctrina argui potest. In Thesi multa bene docentur, quæ in Hypothesi minus convenienter proponuntur. Probo omnino, ut Orthodoxus Theologus Professor propugnet Præbyteriale regimen, & æqualitatem ministrorum: sed ut simul speciatim stylum suum dirigat adversus fratres, arguendo quasi Episcopatum Anglicanum ( hoc factum à Voetio & sequacibus ) aut regimen Ecclesiæ Palatinæ, neutiquam est consultum. Maxime si hoc fiat secundum specialissima capita, odio excitando duntaxat servientia. Quantum vero profuerint Voetii libelli, contra regimen Ecclesiæ Anglicanæ antea vulgati, dies docuit. Quod placuit Molinæo, Theologo summo, Epist. 1. ad Episcop. Winton-

nic n-



nientem, mihi non displicet. *Verba viri incomparabilis hæc sunt*: Dixi in Novo Testamento vocēs Episcopi & Præbyteri perinde accipi, led non putavi inde imminui dignitatem Episcopalem, cum locutus sim de solo nomine, non de solo munere, habeamque consentientes, præter præbyterum Hieronymum, celeberrimos Episcopos Veteris Ecclesiæ, Chrysostomum, Ambrosium, Theodoretum, qui non putaverunt sibi fraudi esse, aut per hoc de sua dignitate quicquam detrahi, si voces Episcopi & Præbyteri primitus eodem sensu usurpatas fuisse crederetur. *Hæc Molinæus*. Cui sententiæ eo libentius subscribo, quod ipse *ὁ πῆνυ* Salmasius, à veritate expugnatus, fateri cogatur, mox à temporibus Apostolorum, distingui cepisse Episcopum à Præbytero, tanquam eodem superiore. Ita enim loquitur sub nomine Walonis Messalini latitans pag. 7. Trapezitici (inquit) *Favoris scriptor*, &c. *nusquam negarunt antiqua etiam tempora discrimen illud inter Episcopos & Præbyteros agnovisse, qui sciunt rem esse antiquissimam, ut duo hi ordines in Ecclesia fuerint distincti, si excipiantur Apostolica tempora, quorum ævo nullum constat eorum ordinum fuisse discrimen*. Eoque existimo, injuriam factam esse Rev. & Celeberrimo D. Maresio, Collegæ plurimum honorando, ab illis, qui in illum subornarunt maledicum tenebrionem, ut duobus libellis (cæterum alienis exuviis indutus) in eundem debaccharetur, quod anno 1648. d. 7. Junii sub limitatione affirmative respondisset ad hanc quæstionem: *An inter Ecclesia Pastores possit dari ordo aliquis dependentiæ, quod ad externam saltem directionem, & politiam?* Pariter utroque pollice probabo sequentia ejusdem verba, *proposita Th. 4. ad dictam quæstionem*: Ut his suppositis (inquit) quæstioni propositæ satisfaciā, non animo, vel consilio, impugnandi aut improbandi eam formam regiminis, quæ obtinet in Ecclesiis Reformatis Galliæ, Scotiæ, & Belgii, quam è contrario suspicio ut simpliciorē, & firmiter munitur contra molimina Ambitionis & *τυφῆς secularis*, uti olim dicebatur à Patribus Africanis, sed excusandi, ac vindicandi ab Independentium calumniis ex Charitatis Christianæ officio alias Ecclesias Orthodoxas, per Helvetiam, Germaniam, Poloniam, Hungariam &c. collectas, quæ aliquantisper defleunt ab omnimoda illa æqualitate, & *ἰσότητι*, Pastorum, saltem quoad externam directionem & politiam, suosque habent Superintendentes, Inspectores, Seniores, Pastores, Episcopos, cæterum Ecclesiasticorum Præsides perpetuos, &c. cenſeo jure Ecclesiastico, & positivo, quod non



cum iis quæ sunt juris divini, & ad *ἐκκλησίαν*, personis, locis, temporibus magis convenientem, talem ordinem dependentiæ posse retineri citra ullam vel *ἀντιθέσιν*, vel Tyrannidis, in Ecclesiam introductæ notam, quam Angli turbones, dum Hierarchicorum suorum nimis insolentem fastum merito detestantur, tali ordini inustam vellent. Nam primo, nostri Theologi semper concesserunt Petro aliquem primatum ætatis & ordinis posse tribui, modo jurisdictione & potestate illi inferiores non essent ceteri Apostoli. Quapropter non statim evertit essentialem omnium pastorum æqualitatem, accidentalis aliqua distinctio ordinis & *ἐκκλησίας* gratia, præsertim cum natura ita fere sit comparatum, ut in uno quoque rerum genere detur aliquod excellentissimum, & primum, cui, sponte quasi sua, cætera fasces suos solent submittere. Armenta ultro robustiorem ex sese taurum sequi amant. *Hactenus ille.* Quibus verbis quum Rev. D. Collega videatur innuisse ad summum, alicubi, ubi stationem suam Ecclesia Orthodoxa habet, ea ratione ordinatam esse rem, ut non possit ipsa Ecclesia esse salva, quin inter Ministros ipsius quædam notetur inæqualitas; etenim nefas est, talibus Ecclesiis insultare, flagitiosum vero, monere adolescentes, qui aliquando Christi doctrinam in illis annuntiabant, quæ ratione debeant evertum ire illa, cum quibus harum Ecclesiarum incolumitas longo tempore conspiravit. Optarem quidem in omnibus Ecclesiis Orthodoxis æqualitas æque locum habere posset, atque in Ecclesiis Gallicis & Belgicis constantissime observatur! Quum enim jam anno 1558. Lutetiæ Parisiorum haberetur Synodus Gallicarum Ecclesiarum, inter alios canones Ecclesiastici regiminis hic stabilitus: *Ne quis Ministrorum principatum inter Collegas ullo modo usurpato.* Ad hoc, quum Phalaris alter, seu dux Albanus, in Belgicas Ecclesias, omniaque earundem membra igni ferroque grassaretur, Belgicarum Ecclesiarum ministri anno 1570. Synodum Embdæ agitarunt, in qua unanimi suffragio hic Canon constitutus fuit: *Nulla Ecclesia in alias, nullus minister in ministros, nullus senior in seniores, nullus diaconus in diaconos primatum seu dominatum obtinebit, sed potius ab omni occasione cavebit.* Quem Canonem postea probarunt Synodi Nationales, habitæ Dordraci, Hagæ-Comitum, & Medioburgi. At non placet Deo, omnibus Ecclesiis hunc perfectionis gradum largiri, quemadmodum non placuit ei hactenus, Ecclesiis Gallicis Orthodoxum Magistratum concedere. Novi quidem à Tertulliano jam olim, exhortat. ad Galtit. cap. 7. dictum esse: *Nulla necessitas excusat, quæ potest non esse necessitas: dicam.*

nos



*nos omnes Deus ita voluit esse dispositos, ut ubique sanctiones ejus obeundi sit disciplina.* Interim, multum interest inter ea, quæ concernunt officium hominis Christiani privatum, atque illa, quæ pertinent ad Ecclesiasticum ministerium, ex permissione Magistratum, publice in Ecclesia obeundum. Hoc in calu semper cogitandum, Ecclesiam esse in rep. non remp. in Ecclesia, atque nihil tentandum esse, quod Magistratum animos alieniores reddat ab Ecclesia; præterea, neutiquam Aaronem Moysi, aut regimen Ecclesiæ, legibus reip. antiquis & inveteratis, iisque in quas solenniter jurant Magistratus, adversari posse. Si enim laudanda fuit prudentia Theologorum Belgicorum (probare eam videtur ipse Dn. Voetius in Disp. Theol. Miscell. habita 24. May 1656. Th. 14.) quod in Synodo Hagæ-Comitana anni 1586. art. 34. consenserint in sessionem delegatorum Magistratus in quovis conventu Synedrii, quum inter dissensiones Licestrenses, vix alia ratione salvam præstare possent Ecclesiam; quis non probet pariter modestiam eorum Theologorum, qui malunt, pro ædificatione Ecclesiæ, potius acquiescere qualicunque regimini, quam, cum præsentī Ecclesiæ periculo, laborare pro introducendo illo regimine, quod Scripturæ tum maxime consentaneum, tum simplicissimum esse videtur? Præterea, quis non indignetur iis Theologiæ Doctoribus, qui ea instillant improvidę juventuti circa regimen Ecclesiasticum, quæ non possint ad praxin revocari citra commotionem non minus Ecclesiæ, quam Reip.? Convenienter Gerson in Discept. de Mendac. & illius propriet. apud Goldastum tom. 2. de Jurisd. Imper. pag. 1600. *Præclare (inquit) dictum est à quodam, Resp. vel Ecclesia non regitur per se: sed nec solo dictamine speculativa vel imaginaria rationis gubernatur, executio requiritur in practicatione operis, quantum res humana pro locis, temporibus, & personis, patiuntur.*

Quod in genere hæcenus dixi, speciatim velim notari de regimine IV. Episcopali, eo maxime, quod ante infelices hosce motus in Anglia fuit receptum. Regimen Præbyterianum agnosco eodem esse perfectius: non putarim tamen durius exagitandum fuisse illud regimen, (minime à Trans-marinis) quocum & ratio regni & Orthodoxia Ecclesiæ amice conspirabant, maxime quod complures Episcopi, speciatim *Cramerus, Latimerus, Ridleyus* &c. orthodoxam reformationem sanguine suo obfignassent, alique præclare meriti essent de vindicanda Orthodoxia adversus Pontificios, (inter hos præ ceteris nominandus magnus ille *Tuellus* Episcopus Sarisburiensis) omnes autem longe distarent à personatis in Papatu



Papatu Episcopis. Certe ipse Calvinus, ordinator regiminis in laudatissima Ecclesia Genevensi, anno 1554. autor fuit Regi Poloniae, ut non modo Episcopos constitueret in quavis provincia, verum etiam super illos Archiepiscopos. Verba illius, *prout occurrunt Ep. 149. hæc sunt*: Vetus quidem Ecclesia Patriarchias instituit, & singulis etiam provinciis quosdam attribuit Primatus, ut hoc concordiae vinculo melius inter se devincti manerent Episcopi. Quemadmodum si hodie illustrissimo Poloniae regno unus præesset Archiepiscopus, non qui dominaretur in reliquos, vel jus ab illis ereptum arrogaret; sed qui ordinis causa in Synodis primum teneret locum, & sanctam inter collegas suos & fratres unitatem foveret. Essent deinde vel provinciales, vel urbani Episcopi, qui peculiariter ordini conservando intenti forent. Sicuti hoc natura dicitur (N. B.) Unum ex singulis collegiis deligendum, cui precipua cura incumbat. *Hæc ille*. Persuasum quidem vellet Reynesius pag. 100. pro suo candore, locum hunc Calvini fide minus bona à me productum esse: sed provoco ad inspectionem libri, eoque ne syco-phanta quidem noster integrum Calvini locum exhibere sustinuit. Ita Calvinus arguit hierarchiam Papanam, ut simul Regem Poloniae (quorum enim cæteroquin ad eum scriberet?) doceat, qua ratione constitutis inter Ecclesiae ministros gradibus, Ecclesiam reformare possit? Calvinus ὁμολογῶν est summus illius amicus & successor Beza: qui ut Presbyteriale regimen propugnavit adversus Saraviam, ita non modo interiorem amicitiam coluit cum Edmundo Grindallo Episcopo Londinensi; verum etiam (videatur Beza Epist. octava) agens apud eum de ratione, qua superflua ceremonie Ecclesiae Anglicanae exterminari possent, tantum abest ut consilium suggererit de abroganda Episcopali dignitate, amplius commendat (habita scilicet ratione Angliæ) *tot doctissimos & religiosissimos Episcopos Ecclesiae Dei*. Similiter Abrahamus Scultetus Theologus Heidelbergensis anno 1620. non modo dedicavit suas Delicias Pragenfes Arthuro Lakesio, Episcopo Bathonio-Wallensi, verum etiam Epistolam Dedicatariam hoc voto obsignat: *Vale Praesul venerande, & tecum totus Britannicorum Episcoporum chorus*. Ne dicam de Frederico Spanhemio, qui quum Genevæ adhuc Theologiam doceret, anno 1638. tertium Tomum Dubiorum Evangelicorum dedicavit Reverendissimo Amplissimoque Praesuli Iacobo Vsserio Archiepiscopo Armachano, totius Hiberniae primati. Utq; universo orbi pateret, quid sentiret de Reformato Anglorum Episcopatu, non dubitavit in Epist. Dedicat. sic loqui:



loqui : *Sacrum stare munus illud (NB.) ad quod te Divina bonitas evexit, per se magnum est & splendidum, sed cui major à te dignitas accedit.* De Zanchio, Celeberrimo Theologo Heidelbergensi, nihil dico, quum constet, eum, quicquid nonnulli in adversum excipiant, ordini Episcopali, ut Reformato, fuisse, prout patet ex Confess. illius cap. 25, art. 21. quo eo usque etiam procedit, ut dicat se non diffiteri, *Episcopos, qui simul etiam Principes sunt, prater auctoritatem Ecclesiasticam, sua etiam habere jura politica, secularesque potestates, &c.* Fateor quidem, Orthodoxos Theologos, quos produxi, Episcopatum non facere juris Divini (nec ego quoque unquam fecero) interim tamen & hinc liquet, eos per omnia infestos non fuisse ipsi ordini Episcopali, quum tam honorifice sentiant de confortibus, qua tali. Quæ in adversum oggannit Reyneffius pag. 101. ultro in fumum abeunt. Non diffiteri volo, quosdam ex Episcopis Anglicanis, sua prærogativa fuisse abusos, atque forte ante fatales, eosque nuperos, motus, quædam designasse, quæ cum Orthodoxia minus commode conciliari potuerint. Sed, an propterea, quum non suppeteret ratio, qua Ecclesia perfectiori regimini posset committi, oportuit laborare, ut propter paucos Episcopos minus convenienter compositos, Transmarinorum quoque Theologorum arietes advocarentur, adversus Potestatem Episcopalem? Pro dolor! forte amplius quam unus in Belgio invenitur Theologus, in quo, per remissiore disciplinam, aliquid severiori quoque nota dignum observetur: neutiquam tamen putaverim, propterea Presbyteriis, & Classibus, multo minus Synodis molestias esse exhibendas. Fuerint forte aliqui in hoc regno Episcopi ex parte *ἀντι- τοι*, variisque vitiis deformati, quid tum? Plures notati fuerunt pii atque eruditi. Certe D. Spanhemius loco jam dicto, sive anno 1638. non dubitavit ita loqui: *Quamvis omnia illa regna, qua Serenissimi & Potentissimi Monarcha Vestri sceptro obnoxia sunt, abundant Præsulibus eruditissimis, & Theologis summis, &c.* Inter quos Præfules putaverim haut postremos potuisse haberi, Abbotum, Davenantium, Hallum, Mortonium, Prideauxium, atque quem primo loco nominare oportuit, *τον- πένυ* D. Usserium, nunc *ἐν τοῖς ἀγίοις*, licet de illius laudibus quid delibatum sit per Spanhemium l. d. Approbarem virorum zelo æstuantium conatum pro introducendo regimine Presbyteriali, si modo opportuno tempore hoc egissent: at, dum laborarunt de evertendis Episcopis, priusquam alterum regimen foret stabilitum, procurata fuit *ἀναρχία*,  
Z
quæ



quæ non minus noxia solet esse Ecclesiæ, quam Reip. Atque utinam ingenia eorum, qui præ aliis hoc egerunt, in vulgus nimis nota non forent! usque adeo, ut de iis iudicium ferre audeat Mercurius Batavus superioris anni 1655. pag. 25. Vult quidem Reynessius pag. 101. me consulere Honorium Reggium, docentem, quam intolerabile ante motus Anglicanos regimen Episcopale fuerit. Sed ille historicus apud me non est Authenticus: novimus e qualibus autoribus farraginem illam historicam concinnarit, & Deus novit, quorum instinctu. Tempus, quod veritatem peperit, multa detexit, & plura detegit. Interim statuo, non uno modo quosdam in Anglia Episcopos abusus fuisse sua potestate: & plurimos viros vere pios justo Zelo adversus hos abusus commotos fuisse. Utinam tamen hi observassent aureum Calvinii monitum, quod occurrit ep. 8. *Sunt quedam (inquit) vulnera, quæ actû magis recrudescunt, quiete melius & oblivione sanantur.*

- V. Ut existimo, non esse declamandum ab Academico Theologiæ Professore in regimen Episcopale, si alicubi cum Orthodoxa religione conspiraret; ita non putarim quoque eundem inclementer dicere debere Superintendentibus, ordinis gratia in Ecclesiis aliquibus Reformatis constitutis, ut invigilent conservationi & propagationi purioris doctrinæ. Illi siquidem parum, aut nihil, distant sive à Synodi Præsidentibus, sive à Synodi Deputatis. Quemadmodum hoc patet vel ex Zeppero, Theologo apud D. Voetium quantivis pretii, prout bona fide refert Parkerus lib. 1. de Polit. Eccles. cap. 28. Probaturus enim hic ipse, qui fuit acerri-mus ordinis Episcopalis adversarius, quænam foret potestas *Inspectoris*, sic loquitur: Hoc ex Gulielmo Zeppero (nempe lib. 2. de polit. Eccles. cap. 10. pag. 322. & seqq.) liquet: qui non obstante Superintendentis præsentia, nullum tamen ministrorum altero maiorem autoritate, vel in verbi & Sacramentorum ministerio, inque disciplinæ Ecclesiasticæ usu obtine-ri dicit. Addit etiam de ipso Superintendente, quod in disciplinæ ipsius ratione aliis subiectus sit: quod illius præsentie hoc tantum munus sit, quod Ecclesiæ suæ classi operam suam plus aliis ministris omnibus im-pendere teneatur: quod causas difficiliore ad Consistorii legitimam cognitionem & dijudicationem devolvere debeat: quod denique mini-istri & seniores earum Ecclesiarum, quibus præest, de eo statuere, de eo iudicare, eum punire, imo etiam, quemadmodum eligebant pri-mum, ita etiam deponere & destituere possint. *Hactenus ex mente Zepperi Parkerus.* Qui volens nolens quoque fateri cogitur, non aliam esse doctrinam



doctrinam Lutheranorum de suis Superintendentibus, *quando sic porro scribit*: Idiplum de Lutheranis Superintendentibus dicendum est: Seniores, enim agnoscit Nicolaus Hemmingius, ita Episcopo, atque Superintendenti suo, nihil aliud relinquit nisi illam in Consistorio, quam nuper descripsimus præfidentiam: id quod etiam ex ipsius verbis liquet quæ citantur à Bridgesio, ad auctoritatem Episcopalem Anglicanam confirmandam. Ita enim inter cætera habet: Qui labore & donis reliquos antecedit, is ab Ecclesia præfertur: non ut dominium super cæteros exerceat, sed ut alios regat sapientia & consilio. In testimonio vero Herbrandi, ab eodem citato, apparet istud adhuc luculentius: diferta etenim verba Herbrandi allegat, in quibus dicit, Superintendentem nullam in cæteros potestatem habere. *Hæc iterum Parkerus. Verrum* quidem est, hæc tunc Ecclesias Belgicas abhorruisse ab hisce Inspectoribus, atque cum forte in quadam Belgii Synodo mentio facta fuisset, de iis introducendis, mordaci libello Inspectorum ordinem agitasse, si non traduxisse anno 1605. Sibrandum Vomelium Pastorem Frisium. At perpetuo distinguere oportet inter Inspectores abutentes sua potestate, eosque qui munere suo inculpate ad Dei non minus gloriam, quam ad ædificationem Ecclesiæ (hoc regimen admittentis) funguntur. Deinde non sequitur, si Ecclesiæ fœderati Belgii ex Dei benedictione commode sint ordinatæ, secundum sui regiminis modulum, pariter quoque alias Ecclesias Orthodoxas ad eundem esse componendas. Solemus alienos magis, quam nostros, ne vos intueri, & raro inspicere manticam, quæ à tergo est. Si consulerentur Ecclesiæ, in quibus Superintendentes occurrunt, forte plurima in nostro non minus regimine, quam in exercitio illius notarent. Non eo vero hæc scribo, quasi optem quid mutatum circa regimen Ecclesiæ, cuius per Dei gratiam membrum sum: de eo jam antea meam sententiam proposui. Solummodo statum & conditionem Ecclesiæ militantis attendi velim. Convenienter Augustinus lib. 1. Retract. cap. 7. *Cum tota dicat Ecclesia, Dimitte nobis debita nostra, non utique hic est sine macula, & ruga, aut aliquo ejusmodi.* Eoque, licet secundum doctrinam Apostolorum Episcopi omnes fuerint æquales, mox tamen post Apostolorum tempora in Schismatis remedium factum est (quemadmodum recte docet Hieronym. ad Euagr.) ut Episcopi censerentur superiores præbyteris; atque propter honorem & usum Ecclesiæ, (sic loquitur Tertull. lib. de Baptis. cap. 17 & August. ep. 19.) unus jam olim collegio fratrum præponi cæpit. Eandem necessitatem



cessitatem (domi magis, quam inter externos notam) incumbere iis Ecclesiis putandum, in quibus hactenus, sive Episcopi, sive Superintendentes, prerogativa præ aliis ministris gaudentes, occurrunt. Certe, non convenit exagitare illud regimen, quod citra summam Ecclesiæ commotionem non videtur mutari posse. Maxime, quum Doctores multarum Ecclesiarum Reformatarum, quæ retinuerunt sive Episcopos sive Superintendentes, sententiam Pontificiorum de Hierarchia Episcopali detestentur. Quod ut pateat, non abs re fuerit unum modo *Brochmannum Theologum Lutheranum* vocasse ad suffragium, qui Loc. de Ministr. Eccles. qu. 9. sic loquitur: De discrimine Episcopi, & Presbyteri, quando quæritur, recte formandus est quæstionis status. *Primo*, non quæritur: An inter Presbyteros servanda sit *ἐνταξία*, ita ut in cætu Presbyterorum aliquem dari oporteat, qui consulendo, monendo, hortando alios præeat, suffragia in causis dubiis colligat, auctoritate sua universam actionem moderetur, & id quod decernitur, pie & prudenter exequatur? Totum enim hoc ultro damus: non ignari, velle Deum, ut omnia in Ecclesia fiant *ἐκκλησιαστικῶς καὶ κατὰ τὰς ἑκκλησιαστικὰς 1. Cor. 14. vers. 40.* Deinde, non venit in controversiam: An Patres, qui vixerunt post tempora Apostolorum, agnoverint & admiserint distinctionem inter Episcopum & Presbyterum? & an idem etiam hodie servetur, tum apud Pontificios, tum apud Lutheranos, tum etiam in Ecclesia Anglicana? Nimis enim ignaros rerum nos esse deberet, si hoc negaremus. *Tertio*, Non quæritur: an officium Episcopale, isto saltem sensu, quo in nostris obtinet Ecclesiis, in usu fuerit in Apostolica Ecclesia? Id enim qui negare volet, solide refutabitur exemplo Timothei 1. Tim. 5. vers. 19. seq. & Tit. 2. vers. 5. seq. (*mea hæc non facio, quum non putarim. locis, quæ hic citantur, solide illud probari, quod vult Brochmannus.*) His enim hæc tria imprimis munia, Episcopis nostris peculiariter, concredita fuerunt: videlicet, Pastores constituere & ordinare: in vitam Pastorum inquirere: accusationes Pastorum audire, & officii eos commonere. Verum hic Rhodus, hic saltus. An Episcopatus & Presbyterium sint jure Divino distincti ordines, ita ut non modo plurima obire possit Episcopus, quæ Presbytero administrare non sit concessum; sed etiam prætoria sit Episcopi auctoritas, ut circa sacra pro arbitrio constituere possit, excluso presbyterio? Agentem sententiam defendit, cum reliqua Schola Pontificia, *Bellarmin. lib. de Clericis cap. 14. & Hadrianus Saravia tract. de gradib.*



gradib. Ministr. Euang. cap. 20. seq. (Non censerem, Saraviam eodem loco cum Bellarmino, reliquisque Pontificiis DD. habendum esse, quod ad presentem controversiam) Nobis vero, scripturas sequutis, probatur assertio contraria. Hac Brochmannus: cui, ut suffragantes, plures alios, non modo Lutheranos, verum Anglos quoque superiorum annorum, succenturiare possem, si modo necessitas efflagitaret. Ne vero quis clamet cum Parkero, aliisque, saltem obnitendum esse incommodis, per Reip. conditionem quasi obvenientibus, atque omnia agenda, ut obtineatur pro Ecclesia perfectio Apostolica; considerari oportarim, quæ nuper, occasione horum, in Anglia acciderint. Ubi incipit grave esse unius, sed tolerabile, imperium, ferme ab extremo ad extremum declinatur, exeritque caput populare regimen, quod libertati non minus Reip. quam Ecclesiæ cum maxime videatur convenire. At hoc ipsum, ratione Ecclesiæ, nullo modo tolerabile esse, fatetur ipse Beza, quando epist. 33. ita loquitur: Illud certum est (si humano iudicio res ista æstimetur) nullum statum aut pagi, aut vici, aut urbis, aut regionis alicujus magis obnoxium esse turbis, quam Democraticum, ita comparatis rebus humanis, ut rari semper sint sapientes cum stultis collati. Hactenus ille Beza, qui tam acriter aliquando (legatur eadem Epistola) obstiterat Morellio, more dominantium Dominorum Independentium, urgenti in electione Ministrorum suffragium multitudinis. Multo minus audiendus Voetii hyperaspistes Reynessius, pag. 103. clamans, per Episcopos, & Superintendentes, infringi Dei legem, nequid frangatur unitas Ecclesiæ. Hic enim distinguere convenit inter ea, quæ sunt essentialia Dei legi, & quæ sunt accidentalaria. Illa violari neutiquam possunt: de his vero pro circumstantia loci & temporis dispensari. Ecclesiasticæ politiæ essentialia decretum est, ne unus ex ministris reliquis dominetur, 1. Petr. 5. 3. interim cum hoc decreto neutiquam confligit quæcunque Ministrorum inæqualitas, propter ordinem, & citra dominatum unius in reliquos, recepta. Certe Paulus, qui in Timotheo probat, quod ordinatus esset per impositionem manuum presbyterii 1. Tim. 4. 14. soli Tito injungit, ut per insulam Cretam oppidatim presbyteros institueret, Tit. 1. 5. Sed amplius, pag. 103. ut memet mecum committat, exprobat quod statuam, regimen Ecclesiarum Belgicarum per omnia juri Divino consentaneum esse. At quid tum? Ergo, ratione accidentalium, cujusque Ecclesiæ regimen ad illud exigendum est?



An non in ipso Belgio Synodi habent suos Præsides? An non aut iis solis aut simul cum Delegatis multa negotia Ecclesiastica committuntur? Sed an interim dominantur Clero, aut æqualibus? Non putem dicturum Reyneffium. Similiter putandum est Episcopos & Superintendentes in Ecclesiis Reformatis (potestatis abusu seposito) ratione quorundam negotiorum Ecclesiasticorum, esse velut perpetuos Synodales Præsides, quos Ecclesiæ Belgicæ (& hæcenus rectius) solummodo annuos esse volunt. Interim hic defectus potest consistere cum legis Dei essentia.

- VI. Quæ hæcenus, pro pacis vindictis, circa Episcopos Reformatos, atque Independentes proposui, eadem notanda existimarim circa Senatum Ecclesiasticum in Palatinatu receptum: qui licet perpetuus sit, consistet non minus personis Ecclesiasticis quam politicis, provideat omnibus Palatinatus Ecclesiis, atque semper ferme habeat Præsidem Politicum, ipsum Electorem repræsentantem. Neutiquam video tamen cur aut huic ordinationi regiminis Ecclesiastici sit detrahendum per Externos, aut apud improvidam juventutem pro Cathedra Theologica in Academia detonandum, *Electorem Palatinum esse Papam Germanicum*. Aliud, ratione pacis in his & similibus colendæ, existimo me edoctum esse Scriptura Sacra, atque ex Historia Ecclesiastica. Ne vero proponendo & probando meam sententiam, circa ea quæ hic controverti possent, alicui forte bilem moveam, contentus ero hoc tempore, pro vindictis regiminis in Ecclesiis Palatinis, citasse Paræum, veteranum Theologum in Academia Heidelbergensi, *bunc in modum loquentem in Pras. ad Landgr. pramissa Comment. in Hof.* Exemplis & legibus rem disceptari volunt. Moses Princeps populi religionis formam Dei jussu constituit: Aaroni præscripsit. David rex tabernaculi ministeria disposuit: ad reducendam arcam Sacerdotes convocavit: Concilium aliud senex habuit. Salomon templum dedicavit: Abiatharum deposuit: Zadocum constituit Sacerdotem. Josaphat Sacerdotibus & Præfectis suis Ecclesias visitandi, cultusque instaurandi negotium dedit: Amaziam Pontificem in templi cura negligentem castigavit. Hiskias cultum à Sacerdotibus corruptum repurgavit: Pascha restituit, &c. Neque hæc pietatis magis, quam officii opera fuerunt. Christiani vero Principes minus potestatis habebunt? minus spirituale subditorum bonum curabunt? Constantinus ergo causam Donati & Cæciliani, Melchiadi Romano Episcopo ejusque collegis audiendam commisit, literis injunxit, tandem ipse judicavit: causam quoque



quoque Felicis, quod Cæcilianus in crimine traditionis ordinarat, audivit, finivit: Ariano diffidio componendo synodum coëgit. Theodosius fidem ὁμοδοξίας legibus edixit: Episcopos Nestorianos deponi iussit: Irenæum Tyrium deiecit. *Hac Parau.* Quum ergo pro Electore Palatino tot exempla, non modo V. T. verum etiam Imperatorum Christianorum militent; non putaverim, aut eum fugillandum, aut à Belgis traducendum esse regimen Ecclesiarum Palatarum, quibus plurimum debent Ecclesiæ Belgicæ.

Optarem vero Rev. D. Voetius, (qui adeo fervide laborare solet, pro VII. introducendo ubiq; locorum regimine, quod ipse optimum esse credit) veritati litaret, quando aliarum Ecclesiarum Orthodoxarum regimen discutit. Si quem enim conveniat à mentiendi alienum esse, næ Theologus est, is maxime, qui exemplo D. Voetii pro tam rigido iusti, honesti, & veri satellite se gerit, usque ad aliorum omnium contemptum. At, quam parum tantus vir hoc reputat? Certe jam anno 1651. in publico scripto exprobrata ei fuerunt quinq; grandia mēdacia, propinata credulæ & improvidæ juventuti, in *Disp. illius prima de Temporalib. Ecclesiæ Thes. 2. probl. 4. habita in Academia Ultrajectina d. 10. Julii anno 1650.* Quamvis vero vir Rev. hæcenus hoc nomine se non purgaverit, aut etiam purgare possit; ex iudicio tamen charitatis, crediderim, eum, per imprudentiam, evertisse (hoc alias ei familiare) mentem eorum authorum, quos citat. Saltem hanc pœnam illius error & imprudentia merentur, ut ipsi, hoc modo erranti, nequaquam fides habeatur: & quidem ex mente Platonis, lib. 2. de LL. per Joannem Serranum, doctissimum interpretem, sic loquentis & scilicet: *Si quis falsi būs convictus fuerit, ad dandum testimonium lex eum in posterum minime cogito: Si ter ne ei quidem ullo modo fas esto testimonium perhibere.*

## EXERCITATIO XIV.

## Quinam sint Afiarchæ apud Lucam

*Act. XIX. Comm. 31.?*

1. DE Afiarchis quid sentiant Interpretes Belgici?
2. Quid Beza, & Piscator? Item, per quos Beza profecerit?
3. Afiarchas sacerdotio apud Gentiles sanctos fuisse, ex LL. prolixè probatur.
4. Quamvis post Constantinum M. sub Impp. Christianis potissimum spectaculis præsuerint.

5. Ex



5. Ex Afiarcharum exemplo colligere licet, aliquem cenferi posse Christianum, & tamen ferre titulum, pertinentem ad professionem, Christianam, seu Orthodoxam, religioni adversantem.
6. Quod hactenus favet Canonici Ultrajectini, quibus per imprudentiam D. Voetius patrocinatur.

I.



Actuum cap. xix. comm. 31. sic legitur in Græco textu, occasione seditionis Ephesinæ, quæ extrema Paulo Apostolo minari videbatur: *τινὲς δὲ καὶ τῶν Ἀσιαρχῶν ὄντες αὐτῷ (τῷ Παύλῳ) φίλοι, πέμψαντες πρὸς αὐτὸν, παρεκάλουν μὴ δύναι ἑαυτὸν εἰς τὸ θέναι.* Quo loco ut queritur quinam sint οἱ Ἀσιαρχαί, ita Belgici interpretes sequentia in Notis habent: *Afiarchen, vvelcke waren niet die de regeringe van Asien hadden, maer seec-kere Priesters die de Schouspelen, ter eeren harer afgoden aengesteld, besorgden; vvaer onder oock eenige schijnen van de Christelijcke religie niet vreemt ge-vreest te zyn.* Cui opinioni, & explicationi, an quid tribui debeat, non sine ratione queritur? maxime, quod eidem videatur iniquior esse ὁ ἐν τοῖς ἀγίοις D. Iacobus Gothofredus in tract. cui titulus est; *De Interdicta Christianorum cum Gentilibus communione.* Qui Tractatus, τῷ πάλιν D. Riveto dedicatus, quum discutiatur, ex antiquitate quasi Ecclesiastica, quid existimandum sit de *Fraternitate Mariana*, occasione Sylvæducensium varia ratione in fœderato Belgio examinata, pro vindiciis Annotationum quasi publicarum, libere, sed simul candide, à nobis, ratione præsentis hypotheseos, observatio viri eximii ad obrusam *veritatis* revocabitur.

II.

Atque initio testor, Glossam Belgicorum interpretum petitam esse ex Beza, ita loquente ad dictum locum: *Vulg. & Erasmi ex Asia primoribus.* quæ est hujus nominis notatio, sed nimis ambigua, & male à plerisque intellecta. Retinendum autem fuit Græcum nomen, in libris Jurisconsultorum usurpatum, ut & Syriarcharum. Sic autem dicti sunt, non qui Asiæ vel Syriæ præsent, sed Sacerdotes certi, quorum munus erat ludos Theatrales in Deorum honorem edere, quos propterea Rufinus apud Eusebium *Munerarios* interpretatur: quod ex eruditissimi Jurisconsulti Cujacii observationibus primum didici. Erant igitur nonnulli ex istis quoque; prophanis aliquatenus saltem Evangelium amplexi, ut etiam Romæ idem Paulus aliquos ex ipso Neronis prætorio Christo lucrifecerat Philip. 1. 13. *Hæc Beza*, Anglicanarum superstitionum hostis acer:

Ei



Ei applaudit Venerandus Senex D. Johannes Piscator, quando ad hunc eundem locum, in Scholiis, hæc pauca, pro significando consensu, observat: *Vide annotationes D. Beza.* Quod vero Beza dixerit se hac in parte accedere incomparabili Ic. D. Cujacio, operæ pretium fuerit indicasse quoque, viam Bezae munitam fuisse ab hoc lib. 2. Observ. cap. 13. cum quibus componi merentur, quæ idem habet ad Tit. Cod. de Peric. Success. & ad leg. 8. Cod. de muner. Patrimon. Quod vero τριμύνης D. Salmasius, hæc ipsa voluerit sub censuram vocare in Exercit. Plin. pag. 805. in omnia non minus accurate inquiremus, quam comparaturi inter se sumus quatuor summorum virorum observationes, nempe Bezae, Cujacii, Salmasii, & Gothofredi.

Initio noto, ante plura quoque secula controversum fuisse, quisnam III. in Oriente fuerit Ἀσιάρχης: siquidem Imp. Constantinus Porphyrogeneta in Them. lib. 1. cap. 3. interprete Bon. Vulcanio sic loquitur: *Quod vero nunc Tracesorum thema vocatur, olim quidem & initio Asia minor dicebatur, & qui tunc præerat Procos. (Ἀνδριανός) vocabatur Ἀσιάρχης.* Quæ observatio Imp. (ut recte D. Salmasius notavit) propterea à vero recedit, quod apud Lucam, Asiarcharum in numero multitudinis, mentio fiat. Nam quamvis negari non possit, Asiam proconsularem provinciam fuisse, non tamen nisi unus Procos. in eam mitti solet: ut vel ex Ulpiano discere est in l. 4. §. 5. ff. de Off. Procons. Atque Imperatorem quam oscitanter Lucam Euangelistam legisse, sequentia ejusdem verba ostendunt: *Ac ne externos asseram, ipsemet testis est veritatis Lucas Evangelista & Apostolus, qui in Actibus Apostolorum idem dicit, ubi mentionem faciens Alexandri, qui tunc temporis, apud Ephesios, primatum obtinebat, eum appellat Ἀσιάρχην.* Ἀσιάρχην præter Lucam, & Impp. in l. ult. Cod. Theodosiano de Impensis ludorum, postea exhibenda, quod sciam, solummodo meminerunt Strabo, & Eusebius, ex quibus ille lib. 14. Geogr. ita per interpretem suum loquitur: *Trallis urbs (inquit) est sita in trapezio quodam, quod verticem habet natura munitum, sicut & circum loca sunt satù probe munita. Civibus optimè frequentata est, ut ulla Asianarum urbium alia, opulenti, & semper aliqui eorum sunt principe in provincia loco, quos Asiarchas appellant.* Posteriora verba sic Græce sonant: *καὶ αἱ πύλεις ἐξ αὐτῶν εἰσὶν οἱ πρεσβυτέρους κατὰ τὴν ἐπαρχίαν, ὡς Ἀσιάρχαι καλεῖσιν.* Ad quæ verba hæc commentatur incomparabilis Casaubonus: *Vocat ἐπαρχίαν, quæ verius ἱεραρχία, seu ἱεροσύνη diceretur.* De Asiarchis vide quæ scripsit Cujacius. Eusebii locus occurrit lib. 4. Hist. Eccles. cap. 14.



ubi hæc lego: ἡρώτων τὸν Ἀσιάρχην Φίλιππον ἵνα ἐπαφῇ τῷ Πολυκαρπῷ  
 λέοντι. Et rogant Philippam munerarium, (ita reddit Rufinus hoc loco)  
 ut leonem, qui Polycarpum discerneret, emitteret. Ut vero Casaubonus, ci-  
 tatus modo, Cujacio quoque astipulatur, ita nullum dubium est, quin  
 Syriarchæ, Asiarchæ, Lyciarchæ, &c. nomina provincialium sacerdo-  
 tum fuerint. Quod adeo verum est, ut ipse D. Gothofredus, à veritate  
 expugnatus, l. d. fateri cogatur, quando sic loquitur: *Verum nihilomi-  
 nus est, provincialium sacerdotia hac fuisse, atque ita diserte vocari ἐθνῶν ἱερο-  
 σύνας l. 6. §. 14. ff. de excus. tut. Imo in Constantini M. adhuc l. 1. Cod. de  
 Natur. lib. 8. à Firmico lib. 4. cap. 16. Nam hoc colligi potest vel ex  
 solis legibus juris Romani. In dicta leg. 1. Cod. de Natur. lib. sic sancit  
 primus Imperatorum Christianorum: Senatores seu præfectos, vel quos  
 in civitatibus duumvirilitas, vel sacerdotii, id est, Phœniciarchia, vel Syriar-  
 chia ornamenta condecorant, placet maculam subire infamiae & alienos à Ro-  
 manis legibus fieri, si ex ancilla, vel ancilla filia, vel liberta, vel libertæ filia,  
 vel tabernaria, vel tabernaria filia, vel humili, vel abjecta persona, vel lenonis,  
 aut arenarii filia, vel qua mercimoniis publice præfuit, susceptos filios in nu-  
 mero legitimorum habere voluerint, aut proprio judicio aut nostri prærogativa  
 rescripti. Hanc Constantini M. legem tangit Imp. Justinianus, quando  
 Nov. 89. cap. ult. hunc in modum loquitur. Unde certa à Constantino pia  
 memoria in constitutione ad Gregorium scripta, quædam de talibus dicta sunt  
 filiis, sed hanc non recipimus: quoniam & non utendo perempta est. Phœniciar-  
 chorum enim, & Syriarchorum, & Magistratum & insignium meminit, &  
 Clarissimorum: & neque naturales esse vult ex his procedentes: amovens eis  
 etiam imperialis munificentiae mansuetudinem. Quam videlicet constitutionem  
 omnino perimimus. Idem manifestum patet ex d. l. 6. §. 14. ff. de Excus.  
 Tutor. ubi secundum Pandectem Florentinum hunc in modum lo-  
 quitur Ulpianus l. c. Athletæ habent à tutela excusationem, qui sacris cer-  
 taminibus coronati sunt. Ἐθνῶν ἱεροσύνη, εἴτε Ἀσιαρχία, Βυθυναρχία,  
 περιέχουσι ἐλευθερίαν ἀπὸ ἐπιτροπῶν, τὰτ' ἐστὶν ὡς ἀν' ἀρχῆς. h. c. Pro-  
 vincia sacerdotium ut Asiarchia, Bythyniarchia, Cappadociarchia præbet à tu-  
 tela immunitatem, dum ei muneri quis præest. Ex quibus duabus LL. ut lu-  
 ce meridiana clarius patet, Asiarchas sacerdotio conspicuos, ordini Sa-  
 cerdotali accensos fuisse; ita ex Tertulliani libello de Idololatr. cap. 18.  
 haud obscure colligere licet, eos amplius propria sua insignia habuisse.  
 Verba scriptoris Afri hæc sunt: Purpura illa & aurum cervicis ornamen-  
 tum, eodem more apud Egyptios & Babylonios insignia erant dignitatis, quo  
 more*



more nunc sunt prætecta, vel trabæ, vel palmata, & coronæ aurea sacerdotum Provincialium, sed non eadem conditione. Qui enim hoc munere fungebantur, dicebantur suscepisse Sacerdotium Provincia. Verba Papiniani sunt in l. 8. ff. de vacat. & excul. munerum: In Asia Sacerdotium Provincia suscipere non coguntur numero liberorum quinque subnixi. Nec à vero plane abludit Chassanæus, quando post Cujacium, ad rescripta Imp. Severi, censet hoc munus Sacerdotii provincialis fuisse tum familiare, tum hereditarium. Certe huc facere videtur lex 8. Cod. de Muner. patrimon. lib. 10. Nec sacerdotii munus corporale est, sed tantum patrimonii esse, non ambigitur. Et distinctius eod. lib. leg. un. de peric. success. parent. Si de proprio suo patrimonio muneris editionem tuo nomine pater tuus repro-misit, ideoque etiam Sacerdotem te creari impetravit, &c. Quod munus patrimoniale, cum & onerosum foret, videntur illubentes hoc ipsum suscepisse. Quo facit L. 103. Cod. Theod. de Decur. qua Imp. Gratianus, Valentinianus, & Theodosius ita sciunt: Voluntate propria unusquisque Syriarchia munus suscipere debet, non necessitate imposita.

Interea non diffiteor, post tempora Constantini M. sub Christianis IV. Principibus, hos ipsos, sive Asiarchas, sive Syriarchas, sive similes, fere occupatos duntaxat fuisse circa spectacula provincialia, ab his ipsis sic edi solita, ut tamen superioris Magistratus moderamini subessent: quemadmodum manifesto colligi potest, ex leg. unica Cod. de Off. Comit. Orient. Quum enim essent munera familiaria & hereditaria, prout modo annotatum fuit, vix aliter fieri potuit. Atque hanc eandem ob causam, per hos ipsos, spectacula propriis sumptibus exhiberi debuerunt; Impp. Theodosio, Arcadio, & Honorio sic decernentibus Leg. 1. Cod. Theod. de prædiis Senatorum: Si quid Syriarchia à senatoriis possessionibus annua collatione confertur, jubemus aboleri. Quo facit quoque lex ult. Cod. Theod. de Expens. Lud. qua Impp. Christiani hunc in modum decernunt: Cunctos judices admonemus, ut ludorum quidem, quibus moris est, intersint festivitati, & oblectamenti favorem eliciant populorum. Verum expensarum non excedant duorum solidorum librata impendia, nec inconsulta plausorum infania curialium vires, fortunas civium principalium domus possessorum, opes reipublicæ robur evellant: exceptis Alytarchis, Syriarchis, agonothetis, itemque Asiarchis, & cæteris, quorum nomen votiva festivitatis solemnitas dedicabit. Huc usque Imperatores. Quæ omnia hæcenus nobis sufficiunt adversus D. Gothofredum.



V. Nam fuerint Afiarchæ *munerarii* solum; (quomodo Rufin. apud Euseb. lib. 4. cap. 14. Ἀσάρχων (ut dictum, interpretatur) Impp. Christiani Sacerdotii provincialis onere eodem liberaverint; nihilominus hoc certum, viros spectabiles, eosque Christianos, etiam usque ad tempora Justiniani, Christiani principis, tum nomen tulisse sacerdotum gentilium, tum etiam præfuisse spectaculis, Gentilium Diis Deabusque consecrari solitis: quod hætenus nobis sufficit. Maxime, quod hi ipsi fere pertinerent ad spectabilem confessum, sive Concilium suæ provinciæ, uti, post D. Salmasium, ex Strab. ostendit ipse D. Gothofredus, ita loquens: *Ex Strabone, lib. 14. pag. 457. ubi de Lyciarcha agens, exerte eos concilii totius provinciæ primates fuisse testatur*: ad rem neutiquam facientibus ejusdem D. Gothofredi cavillationibus, circa moderamē, quod Theodosius Magnus spectaculis definivit. Fuerit enim hoc vel moderatissimum, interim illud remanet, Christianos provinciarum antistites, sub ipso Theodosio M. edidisse spectacula sub elogio Sacerdotum gentilium. Miror vero D. Gothofredum ambigere, an Afiarchæ, qui dicuntur Paulo adfuisse, Christiani extiterint? Quasi verosimile sit, aut Paulum, in urbe profundē idololatriæ immersa, alios præter Christianos amicos habuisse, aut, alios præter Christianos voluisse Paulū consilio suo juvare. Ego etenim iudicium Interpretum Belgicorum prætulerim privatæ opinioni D. Gothofredi. Insignitam vero injuriam mihi facit Reyneffius pag. 105. quando persuasum vult, me inde solum probasse Afiarchas Christianos fuisse, quod vocentur *Pauli amici*. Attendantur modo præcedentia mea verba, & hominis Sycphantia pellucescet. Quoniam ut amici Paulum consilio, cum maxime laboraret, voluerunt adjuvare, Christi veneratores se esse prodiderunt. Ne tamen agnoscantur Christiani, & tamen idololatriæ titulo notabiles, idem hic homo sua audet proponere somnia. I. *Non probari quod unquam Sacerdotes fuerint, cum potuerint civilem spectaculorum curam gerere*. Cur ergo præcedentes rationes non enervavit noster homo? Hoc enim oportuit, siquidem contrarium per illas evictum videtur. II. *Si inquit sacerdotes fuissent, potuerunt & principes fuisse*. Interim hætenus sufficit sacerdotes fuisse, & Christiani licet essent, idololatriæ cum titulum tulisse. Præterea à posse ad esse non valet consequentia. III. *Si & Sacerdotes & Christiani fuissent, non probatur tamen, quod ipsi non voluntate vulgi potius, ac sua, ea nomina tulissent*. Sed hæ sunt meræ conjecturæ. Dnn. Mei alias infesti admodum sunt illis (& quidem merito) qui contendunt Sp. Sanctum in Scriptura loqui ex iudicio errantis vulgi: viderint



derint vero an hic iis non profint. Sufficit haecenus sic loqui ipsum Sp. Sanctum per Lucam. Si Voetius censeat aliter, digitum non vertero: ut neque curo ejus Rhapsodica farfari folia de Asiarchis, occurrentia in tractatu de Fraternitate Mariana: meam, & simul communem Theologorum Orthodoxorum, opinionem sufficienter assertam esse confido contra viros summates quoque, Dn. Salmasium, & Dn. Gothofredum.

Atque, si, ut haecenus evictum, conscio, & dubio procul, consensiente ipso Paulo Apostolo, quidam ex Christianis potuerint retinere titulum sacerdotii Paganici, plures, quadringentis quoque annis post eodem insigniti fuerint, sub ipsis Christianis Impp. etenim quis incle-  
 menter dicat, ut ab aliquot annis factum, Reformatis inter Ultrajectinos Canonicis? Titulus, quem ferunt, haut magis eos arguit esse personas Ecclesiasticas, in Ecclesia Reformata, atque Asiarchæ Pauli Apostoli amici debebant agnosci sacerdotes Ephesinæ Dianæ. Mirum vero, quam ipse D. Voetius, seu Magister ille *Contradictionis*, circa hos ipsos Canonicos secum configat. In Disp. de Vocat. Ministr. Eccles. Thes. 9. pag. 29. sic loquitur: Quid autem de reddituum Ecclesiasticorum usu & Possessione, de titulo tenus Ecclesiarum rectoribus seu Curatis, de dominis Politicis, sed titulo Ecclesiasticis Episcopis, de Abbatibus & similibus regalibus (ut vocant) sacerdotiis ex verbo Dei & antiquo jure Ecclesiastico credendum aut non credendum sit, hic non est dicendi locus. Si essent modo reditus (qui curam animarum præcise annexam non habent) una cum muneribus, dignitatibus, & privilegiis politicis, & abessent tituli ac fictiones illæ ministeriorum spiritualium seu Ecclesiasticorum (quæ inferunt verbi prædicationem & regimen Ecclesiæ ac curam) utique nihil fere Theologice, atque Ecclesiastice, disquirendum restaret de talibus electionibus aut presentationibus. Haecenus D. Voetius, quem rogo, ut aliquando liquido nos doceat, quomodo titulis Capitularibus aut cura animarum adhæreat, aut quare non æque aliquis ex proceribus Ultrajectinæ Provinciæ, secundum publicæ Reformationis formulam, audire possit sive Decanus, sive Canonicus, sive Vicarius, &c. atque tempore Constantini, Theodosii, & Honorii, Asiarchæ, Syriarchæ, &c. notabantur? Certe, vel ex hac Exercitatione (digitum ne intendam in præcedentes) liquere abunde potest, titulum sive Paganici, sive Papistici, cultus, citra piaculum & conscientiæ vulnus circumferri posse, modo nudus titulus maneat. Quemadmodum pro Confraternitate Mariana, reformata Sylva-ducum, ab Asiarcharum exemplo



recte argumentatus fuit Rev. D. Mareſius; ſic iudicante quoque Conſultiſſ. D. Wiſſenbachio, qui poſtquam Diſp. 4 ſubjecta Collegio Diſputationum *ad Inſt.* qua agit de vi ac ſignificatione quarundam dictio- num, Th. 3. docuiſſet ex Cujacio, quid ſit *Aſiarchia*, hæc ſubjicit: *Hinc adeo magnum cauſſa ſua momentum concinnare videtur vir eximius Sam. Mareſius.*

## EXERCITATIO XV. DE EXCELSIS.

1. **D**E Occaſione hujus Exercitationis.
2. Montes videntur è reliquis terra partibus Deo placere.
3. In iis quam Dei veri cultores olim ſacra fecerint, exemplum eorundem imitati ſunt Gentiles, imo ipſi Iudæi Gentilium amuli.
4. In montibus ara fuerunt collocatæ: item quid fuerint *Excelsa*?
5. Duplicita *Excelsa* in Iſraële fuerunt nota.
6. Qua ratione & potuerint, & debuerint, *Excelsa* excindi?
7. Deſtructio eorundem quam parum iis faveat, qui hæc ut excindenda perpetuo in ore habent?

I. **Q**Uotquot propemodum ex Theologiſ Zeſotis gloriam captant è Reformationis opere, intenſive magis quam extenſive, per ſe quaſi promovendo, in eo toti ſunt, ut idololatriæ ſive Paganicæ, ſive Papanæ reliquiæ, ex ſuo quaſi ſenſu ſuperſtites, cum pulviſculo, non tam extirpari quam everri queant. Utque hoc perſuadeant, paſſim in ore habent *Excelsa*, à pientiffimis Regibus prioris ſœderis quaſi deſtructa. At, ſi ſemel modo inſpexiſſent illa, quæ Rivetus commentatur ad *Os.* cap. 4. verſ. 13. & Cornelius à Lapide ad lib. 1. Reg. cap. 3. verſ. 11. imo quæ habet Ravanellus in Bibliotheca ſacra, moderatius dubio procul agerent. Nos, ut triumvirum horum (more nobis conſueto) in veſtibulo hujus Diſſertationis mentionem facimus, quod lubentes fateamur, nos iis aliquid debere; ita cuncta non minus ſuccincte proponemus, quam ab ovo quoque (prout hæcenus fecimus) accerſemus. Reyneſſius pag. 107, more ſuo *ὡς φανερὸν*, adducto Junio, Theologo ſummo, me proſtituere laborat: at quam auſpicatò, ſpeciali Sectione infra expendemus.

Quamvis



Quamvis verum sit, quod dicit Regius vates Psal. 24. 1. *Iehova est* II. terra & plenitudo ejus; nullusque angulus ἐν ὅλῃ τῇ οἰκουμένην occurrat, qui non proclamet Dei Majestatem, speciali tamen ratione, montibus & collibus, hæc alligata videtur. In causas inquisiverunt multi. Sed, quamvis dici queat, montana loca reliquis fere, sive salubriora sive jucundiora, sive munitiora ac tutiora esse; illud tamen præ ceteris observatu dignum occurrit, quod Deo placuerit, ex quo cæpit Ecclesiam suam adornare, loca elatiora eligere aut pro manifestanda sua Ecclesia, aut pro exercitio sui cultus: forte ut nos homines, hoc quasi visibili signo, non modo doceret, sed & invitaret, ad corda nostra supra terram, cælum versus sublevanda. Nam, ut inde incipiam, pater omnium fidelium Abraham, jussus est filium suum immolare in monte Moria, Gen. 22. 3. In monte Sinai, qui videtur idem fuisse cum monte Horeb, non modo Deus primum apparuit Mosi, Exod. 3. 1. & Act. 7. 30. sed etiam lex data fuit Exod. 9. 20. In monte Sionis tum Urbs ædificata fuit Jerusalem, tum ipsum pariter quoque templum, quod proinde mons sanctus dicitur Jes. 27. 13. & Jer. 31. 23. Utque deveniamus ad Christum, is gloriam suam in monte manifestavit, Matth. 17. crucifixus est in colle Golgotha Joh. 19. 13. ascendit in cælum ex monte Oliveti, Act. 1. Hanc ob causam quoque, non solum Scholæ Prophetarum olim in collibus erant, ut colligere est ex 1. Sam. 10. 5. verum etiam viri pii in montibus & collibus sepeliri voluerunt, ut de Eleazaro liquet, ex Jos. 24. 33. Quo respiciens Hieronymus in Epitaph. Paulæ sic loquitur: Sepulchra quoque in monte Ephraim, Iesu filii Nave, Eleazari filii Aaron Sacerdotis è regione venerata est, quorum alter conditus est in Thamnathfare, à Septentrionali parte montis Gaas, alter in Gabaa filii sui Phinees; sati/sq; mirata est, quod distributor possessionum, sibi montana & aspera legisset. Nec contrarium colligere licet, ex eo quod Syris dicitur 1. Reg. 20. 28. quem locum quum Reynessius pag. 108. mutilatum proposuerit, ingenium suum prodit. Integer locus ita habet: Sic ait Iehova, eo quod dixerunt Syri, Deum montium Iehovam, ac non convallium esse: ideo sum traditurus totam multitudinem maximam istam in manum tuam, ut cognoscatis me esse Iehovam. Nam quum Syri Deo Israëlitis maledicerent, quasi in montibus duntaxat potentiam suam prodere posset, Deus ad erigendum populum suum, Prophetam sic edicere iussit. Sed quid hoc οὐκ ἐστὶν ὁ θεός? Extreme vero impudens est Reynessius, quando non modo dicta pag. sustinet scribere, Deum speciali mandato prohibuisse montana sacrificia,



ficia, verum etiam hoc dici Deut. 12. 13. & 14. 23. At ubi frons? Prior locus ita habet: *Cave tibi ne offeras holocausta tua, in omni loco qui videbitur tibi: Sed in eo loco, quem elegerit Iehova.* Posterio vero hæc verba notare est: *Et comedes coram Iehova Deo tuo, in loco quem elegerit, ad collocandum nomen suum ibi.* At Deus elegit speciatim loca montana, prout patet ex præcedentibus: ergo necessum est Reyneffius cum suis adjutoribus æternum maneat confusus.

III. Ut vero diabolus, ab origine mundi, solitus fuit se gerere pro Dei simio, ut quadantenus Dei cultum, in locis excelsis exerceri solitum, prostitueret, illos quoque in quos sortitus erat imperium, docuit non modo sacra facere in montibus, verum etiam aut montes transformare in Deos, aut iisdem peculiaria Numina præficere. Notæ ex poetis Nymphae Oreades, & Sylvani Monticolæ, de quibus Ovid. lib. 1. Fast.

*Dii sumus agrestes, & qui dominamur in altis*

*Montibus: Imperium est in sua tellus Iovi.*

Atque Jupiter Xenius peculiarem stationem habuit in promontorio Genetæo, ubi & colebatur. Unde Val. Flaccus lib. 5. Argonaut. 18.

*Inde Genetæi rupem Iovis, hinc Tibarenum*

*Dant virides post terga lacus.*

Similiter Augustinus lib. 4. de Civit. Dei cap. 8. meminit Jugatini & Collinæ. Verba illius hæc sunt: *Nec agrorum munus uni alicui deo committendum arbitrati sunt, sed tura, deæ Fusinæ; juga montium deo Jugatino: collibus, deam Collitinam; vallibus Valloniam præfecerunt.* Cappadocibus vero, præter montem, alius non erat Deus. Sic quippe per Interpretem Maximus Tyrius Dissert. 38. *Mons Cappadocibus & Deus, & iusjurandum est, & statua.* Persæ præterea non nisi in montibus altissimis Jovi sacra facere solent. Ita enim Herodotus de illis lib. 1. cap. 131. *νομίζουσιν Διὶ μὲν ἐπὶ τῇ ὑψηλότατῃ τῶν ἑρέων ἀναβαίνοντες, θυσιάσας ἔρδειν. Solent, editissimis montium conscensis, Iovi hostias immolare.* Et Strabo lib. 15. de iisdem: *Θύσας δὲ ἐν ὑψηλῷ πτόφῳ, τὸν ἑρῶν ἡγούμενοι Δία.* Similia habet Xenophon lib. 8. de Instit. Cyri. Moris hujus vestigia apud Americanos remansisse videntur, testis siquidem est Acosta, illos, ipsos montes, & quicquid communem naturæ ordinem egreditur, consuevisse venerari. Atque in Peru hodie adhuc inveniri ludos, qui quemcunque montem, si paulo sublimior & speciosior sit, Deum esse existiment, scribit Corn. à Lapide in Comment. ad cap. 2. Jerem.

U



Ut de Romanis aliquid delibem, qui olim omnium populorum politicissimi habebantur, constat apud eos, montem Capitolinum, cui Capitolium Jovi sacrum inædificatum fuit, in summa veneratione fuisse. Testis unus Virgil. lib. 8.

*Æneid. Hinc ad Tarpejam sedem & Capitolia ducit,*

*Aurea nunc, olim sylvestribus horrida dumis.*

*Iam tum religio pavidos terrebat agrestes*

*Dira locis: jam tum sylvam, saxumque tremebant.*

*Hoc nemus, hunc, inquit, frondoso vertice collem*

*(Quis Deus incertum est) habitat Deus: Arcades ipsum*

*Credunt se vidisse Deum.*

Huc facit & illud Vitruvii lib. 1. de Architec. cap. ult. *Ædibus vero sacris, quorum Deorum maxime in tutela civitatis videtur esse, & Iovi, & Iunoni, & Minerva, in excelsissimo loco, unde manium maxima pars conspiciatur, aræ distribuuntur.* Gentes imitati sunt Judæi (populus hic ad quamcunque idololatriam projectissimus erat) atque, contra expressum Dei mandatum, instituerunt sacra Idololatrica in montibus facere. Quemadmodum hoc colligere licet ex sequentibus Scripturæ locis, quæ longum foret sigillatim examinare, nempe Deut. 12. 2. Verba cum observatione digna sint, exhiberi debent. Ita ergo Moses: *Omnino perdisce omnia illa loca, ubi gentes, quas hereditario jure possessuri estis, coluerunt Deos suos: in singulis montibus excelsis, & in singulis collibus, & sub quacunque arbore virenti.* E quibus sane verbis nemo sanus homo collegerit prohiberi omnia sacrificia in montibus & excelsis, sed ea solummodo quæ erant conjuncta cum idololatria. Addere licet sequentia loca, è quibus tantundem elici potest, 1. Reg. 11. 7. 8. & 14. 23. 2. Reg. 16. 4. & 17. 10. 2. Chron. 28. 4. Es. 65. 7. Jer. 2. 20. & 3. 7. 6. & 13. 27. & 17. 2. Ezech. 6. 3. 4. & 20. 28. 29. Oz. 4. 13.

Speciatim vero in montibus collocari solent aræ à Gentilibus, ut su. IV. per illas idolis suis sacrificarent. Quomodo, non solum Solinus refert cap. 8. *Hirpos sacrificium annuum ad montem Soractem Apollini facere solitos fuisse, &c.* verum etiam cap. 14. testatur, in cacumine montis Olympi aram fuisse Iovi dicatam. & cap. 17. scribit, *Athou montem aras cacumine sustinuisse.* Imitati & hoc fuerunt Israëlitarum, si non exemplum Gentilibus dederint: nam in montibus excelsa, hoc est, ædículas cum aris, aut aras sine ædículis extruxerunt. Scio equidem, Petrum Martyrem, Theologum Orthodoxum quantivis pretii, quem quidam sequuntur, ita scribere ad 1. Reg. 3. vers. 2. *Excelsa vocantur montes vel colles,*

Bb

ubi



ubi populus rem Divinam faciebat. Cæterum inter montes collesque, atque excelsa, differentiam intercessisse, inde primo manifestissimum est, quod 2. Chron. 21. 11. expresse Joram dicatur *fecisse excelsa in montibus*: deinde quod *excelsa* potuerint funditus subverti atque extirpari. Quod quamvis dici queat de illis rebus, quæ montibus collibusve superstructæ sunt, neutiquam tamen ipsis montibus applicari potest: quum constet Dantiscanos, tot licet sumptibus profusis, ne quidem hætenus submovere potuisse montem, urbi suæ incubantem, licet hic ipse excelsioribus accenferi non mereatur. Unde neque inconvenienter viri docti existimant Græcorum *βωμὸν*, sive *aram*, nomen habere ab Ebræorum voce *bom*, sive *bamah*, quæ tum *excelsum* notat, tum etiam in numero multitudinis, designandis his ipsis excelsis applicatur.

- V. Porro, hæc ipsa *Excelsa* duplicia occurrunt in libris V. T. in quibusdam verus Deus colebatur, in aliis idola. Atque illa permissa fuisse pro tempore, sive, donec templum ædificatum esset in eo loco, quem Deus sibi elegerat, testantur non modo Rabbin, verum etiam fatentur Theologi Orthodoxi. Rabbinorum mentem expressit vir in sacris his exercitissimus Joan. Drusius in Comm. ad Difficil. loca Deuter. cap. 78. ubi *sequentia occurrunt*: Licita fuerunt Judæis excelsa post destructam Silo, cum arca esset in Nob & in Gabaon &c. usque ad extructum templum Salomonis, quæ vocatur domus æterna & domus electa. Hoc significat R. Salomo per hæc verba Deut. 12. Ex quo destructa fuit Silo & venissent in Nob; & destructa fuit Nob & venissent in Gabaon, excelsa licita & permissa fuerunt, usquedum venissent Jerosolymam: nam aliquanto post, conditum fuit à Salomone templum, de quo & pater ejus cogitaverat antea. Ab eo tempore illicita fuerunt. Prius etiam vetita erant cum arca in Silo, & Israëlita in deserto. *Hætenus ille*. Ex Orthodoxis suffecerit, unum Petrum Martyrem adduxisse, qui ita loco jam antea citato: Ethnici ad suos colendos Deos amena loca, montes colles, saltus, & lucos deligeabant. Hebræi vero captabant ea loca, ubi eorum Patres immolassent, atque hoc tolerabatur ad tempus, donec templum ædificaretur in eo loco, quem Deus elegisset. Statuerat enim ne alibi sacrificaretur, quam ubi ipse monstrasset. Cumque illo tempore Arca, nec non tabernaculum fixum locum non haberent, licuit passim in excelsis sacrificare. *Huc usque Martyr*. Quæ tamen Martyris & Rabbinorum sententia erit limitanda per illa, quæ proxime sequuntur. Fateor quippe lubens, quam controversum esse, an in Excelsis, quæ Deus ad



ad tempus toleravit, non fuerit pro ratione temporis, quo tolerabantur, sive tabernaculum, sive arca, sive utrumque, adeo ut hæ montanæ domunculæ exhibuerint vicem quasi templi Hierosolymitani, a Salomone demum extructi. At, licet hoc statui possit, *de excelsis Gabaon*, in quo non modo David sacrificavit, 1. Chron. 16. 39. 40. & 21. 29. 30. verum etiam populus cum Rege Salomone 1. Reg. 3. 2. & seqq. quod tabernaculum ibidem pro eo tempore fuisse pateat ex 1. Chronic. 16. 39. & 21. 29. item 2. Chron. 1. 3. nihilominus tamen D. Rivetus l. d. contra Augustin. *qu. 36. in lib. Iud.* haut præter rationem objicit, præter factum Gedeonis Jud. 6. 19. sub quercu Angelo, qui erat Jehova, immolantis, historiam Samuelis, quod videatur (1 Sam. 10. 9.) sacrificasse in *Excelsis* extra Silo, ubi tum erat arca Domini. Ad quæ duo posteriora loca priusquam respondeam, hoc velim notari, Deum Opt. Max. qui est superior cogitatione & ratiocinio non modo hominum, sed ipsorum quoque angelorum, tolerasse Excelsa & sacrificia in illis, ipso quoque templo Salomonis stabilito. Nam quamvis (ut jam antea notatum fuit) eodem erecto, oportuerit aboleri omnia Excelsa, partim tamen propter populum cervicis duræ, partim etiam propter conditionem status politici, cui hunc suum populum subiectum volebat, connivit ad hæc ipsa Excelsa, pro avertendis gravioribus peccatis, haut secus atque connivebat ad ipsum divortium. In adversum strepentem Reynessium pag. 108. quis moretur? Ut temere divertentes sub priori fœdere peccabant, gratiosum tamen (si ceteroquin Deum timerent) Dominum habuerunt. Non excuso adolentes in Excelsis Deo dicatis, quum daretur Templi copia: Deum tamen speciali tolerantia, proveniente ex affectu singulari erga posteritatem Abrahami, hoc ad tempus dissimulasse (non concessisse ut per calumniam pag. 109. Reynessius affingit) pertendo. Quare enim putabimus, Eliam Prophetam sese profudisse in hanc querulam vocem 1. Reg. 19. 10. *Zelo affectus sum pro Iehova Deo exercituum, eo, quod dereliquerunt fœdus tuum Israëlita, altaria tua destruxerunt, & prophetas tuos occiderunt gladio; nisi quod putaverit, non fuisse destruenda altaria in Excelsis extructa, servientiaq; usibus Israëlitarum, politico regimine, à tempore Jeroboam usque divilorum à Judæis, quibus tutum magis erat Hierosolymam adire. Alias, videri possent Achab & Jesabel recte fecisse, quod obsequium quasi hac in parte præstiterint præcepto Dei, Deuter. 12. 5. & seqq.* Frustra vero est Reynessius dicta pag. 109. quando Theologos Belgas, authores Annotationum in Biblia,

B b 2

adversum



adversum me adducit: neque enim aut dicunt humani quid in hac, præpostera quasi, Elijæ querela observari debere; aut etiam altaria fuisse alibi, quam in Excelsis collocata: Sed largiter concedunt quoque ea potuisse per specialem Dei instinctum à Prophetis quibuldam extructa esse. Quod hæcenus nobis sufficit: siquidem inde evincitur, extante quoque templo Hierosolymitano, Excelsa quædam Deo displicere non potuisse, utpote quæ erecta essent suo instinctu. Homo vero Noster solitam suam dexteritatem in explicanda Scriptura prodit, quando contendit, Elijam, conquerentem de confractis Altaribus, respicere illud, quod ipse crexerat, 1. Reg. 18. vers. 23. Nam, ut sacrificium Elijæ, quod Prophetarum Baaliticorum sacrificio dijudicando serviebat, modo singulari & extraordinario adornatum fuit; ita neutiquam in Textu dicitur, quod ad illud pro gloria Dei indicanda, duraturum Altare Elijæ extruxerit. Sed, quod duodecim conportatis lapidibus, secundum duodecim tribus Israëlitas, Altare pro præfenti usu extruxerit, quod deinde cum ipso holocausto, & omnibus, quæ in propinquo erant, totum destructum fuit. Sic enim exserte dicitur com. 38. *Tunc ignis Iehovæ decidens consumpsit holocaustum, & ligna, & lapides, & pulverem ipsum, etiam aquam, quæ erat in aqua ductu elinxit.* Absumptis vero lapidibus necessum erat Altare destrui. Adeo ut fatuum sit, cum homine nostro fingere hoc ipsum Altare, igni cœlesti absumptum, ab Achabo destructum fuisse. Longe ineptius, Elijam stomachatum fuisse hoc nomine: quum Altaris hujus destructio Dei gloriam asseruerit. Reliquum ergo, altaria & Excelsa ob quæ Elijæ indignatus fuit, Deo Israëlitis consecrata fuisse, eumque merito indignatum fuisse, quod destructa essent à Baalita. Hæc si noventur, non necessum fuerit, admodum ambigere circa Samuelis factum, multominus fingere cum Franc. Junio, Theologo alias longe doctissimo, Samueli sacrificaturo adductam fuisse arcam; alias eadem debuerit illi adduci sacrificanti in Misphath, 1. Sam. 7. 8. Gedeonis vero, Spiritus instinctu peculiari præditi, factum æque singulare censeri debet, atque Davidis, immolantis in area Ornani Jebusæ, 1. Chron. 21.

- VI. Ne vero recedam ab Excelsis, ea, quæ idolis erant statuta, nullo modo tolerari potuerunt: atque pii Reges in iis exscindendis zelum suum perpetuo probaverunt; quemadmodum de Ala expresse annotatur, 2. Chron. 14. 3. 5. de Josaphato, 2. Chron. 17. 6. & de



de Josia, 2. Chronic. 34. 3. Neutiquam vero pari ratione hunc suum  
 zelum exercere potuerunt circa Excelsa, in casu quasi necessitatis,  
 Deo vero statuta. Novi quidem, eximium Theologum Geneven-  
 sem, Antonium Fayum, Comment. in Psal. 87. sic scribere: Nefas  
 erat extra urbem, templumve Deo consecratum, offerre sacrificia:  
 quæque alibi fiebant, non erant Deo grata. Propterea loca excelsa,  
 scriptis Prophetis, passim damnantur, licet dicerent omnes se sacra  
 facere Deo vero, quem Abrahamus, Isaacus, & Jacobus venerati erant.  
 Nam tales, qui in locis excelsis adorabant, Idololatæ erant, quia non  
 adorabant in loco quem Deus illis constituerat. *Haftenus Fayus.* Non  
 tamen pro idololatræ simpliciter habuero illos, qui in Excelsis, Deo  
 vero statutis, immolabant: licet eos hætenus peccasse putarim cum  
 patribus Vet. Test. polygamis, inter quos tamen, & adulteros, quid  
 interest. Certe ipse Spiritus Sanctus in Scriptura de Asa Rege sic lo-  
 quitur, 1. Reg. 15. 14. *Excelsa quidem non amota sunt;* (intelligi de-  
 bent Excelsa posterioris ordinis, nam altera, quæ idolis erecta erant,  
 Asa, ut modo fuit ostensum, amovit) *sed animus Asæ fuit integer erga*  
*Jehovam omnibus diebus ejus.* Atque de eodem, 2. Chronic. 15. 17. *Ex-*  
*celsa quidem non amota sunt ex Israël; sed animus Asæ fuit integer omnibus*  
*diebus ejus.* Similiter de Josaphato hunc in modum loquitur Spiritus  
 Sanctus 1. Reg. 22. 43. & seq. *Et ambulavit prorsus in via Asæ Patris sui,*  
*non recessit ab ea; faciendo quod rectum videtur in oculis Iehovæ. Verumtamen*  
*excelsa non desistebant, adhuc populus sacrificabat & adolebat in excelsis.*  
 Novi equidem, haut paucos ex Theologis non minus Orthodoxis, quam  
 Pontificiis, existimare, hætenus holce pios Reges aliquid humani-  
 tus passos fuisse, atque deliquisse, quod non amoverint hæc ipsa excelsa:  
 at non video, qua ratione pariter Sp. Sanctus circa mentionem quasi  
 hujus neglectus, potuerit commendare integritatem animi, qua erga  
 Jehovam fuerint affecti, si hæc ipsa omisso in crimine debuerit censer-  
 i. Iple Rivetus, à veritate expugnatus l. d. hoc de iis testimonium perhi-  
 bet: *Qua in re tamen utrumque possunt excusari, quod quamvis votum non de-*  
*fuerit ea tollendi, facultate fortasse fuerunt destituti.* Quæ garrit Reynessius  
 pag. 110. de Davide, nulli conveniunt æque, atque illi ipsi. Scilicet,  
 David non recesserat ab omnibus, quæ praeceperat illi Iehova, omnibus diebus  
 vitæ suæ, præterquam in re Uriæ Chitthai, 1. Reg. 15. 5. Ergo conclu-  
 das Josaphati & Asæ, ratione non destructorum excelsorum, eandem ra-  
 tionem fuisse, quæ adulterii Davidis. Sed, sic commendatur integritas

B b 3

Davidis,



Davidis ut ab ea, per modum exceptionis, removeatur ejusdem adulterium: quum Sp. S. non excipiendo, sed componendo, perduratiorem excelsorum Aſæ & Joſaphati integritati ſociet. Eoque hæc nihil *πῶς ἐν*. Licet interim agnoſcam à parte Regum, alias pientiffimorum, quod *ἡμεῖς*. Peculiare vero privilegium ex Dei ſingulari, & ſapientiffimo, moderamine uni Ezechia obtigit, qui ſolus utraque Excelfa amovit. Nam ut de excelfis idolis erectis intelligi debet Sp. Sanctus 2. Reg. 18. 4. 22. 2. Chron. 31. 1. hiſce locis comparatis cum 2. Reg. 21. 3. & 2. Chron. 33. 3. ita altera quoque ab eodem funditus deleta & exciſa fuiſſe, patere videtur ex 2. Chron. 32. 12. ubi legati Zancheribi ſic proloquuntur: *An non ipſe Iechizkia abſtulit excelfa ejus* (Jehovæ ſcil. aut quæ Jehovah erant conſecrata) *& altaria ejus?* (quæ ſcil. in Excelfis ſacellis erant erecta) *Edixitq; Iehudæ & Ierufthalaimis dicendo, coram altari unico incurvatores vos, & in eo adoletores?* D. Rivetus l. d. in Ezechia ſocietatem invitât regem Joſaphat, argumentando ex loco 2. Chron. 17. 6. At ſolidus alias Theologus, purgamentum tum calcaverat, quum ſic ſcriberet: ſiquidem, ut modo oſtenſum fuit, hic ipſe locus intelligi debet de Excelfis, idolis ſacris, quæ ut ſuſtulit Joſaphat, ita altera ab eodem neutiquam ſublata fuiſſe, jam antea evicimus ex 1. Reg. 22. inter quæ duo loca neutiquam conſictus intercedere poteſt. Eoque mens mea hæc eſt, Ezechiam potuiſſe pariter excindere Excelfa cum altaribus ipſi Jehovah dicatis, quæ Aſa, & Joſaphat, pluresque Reges pii tolerare debuerint propter ſpecialem temporis & regni ſui rationem. Ut ſic ſtatuum prævit mihi ſolidiſſimus Theologus Joannes Oecolampadius, qui ad Eſ. 36. 7. ſic commentatur: *Et erant quidem excelfa in honorem Dei erecta, ſed non ex præcepto, & propterea abominabilia oculis ejus, tamen populis gratiſſima, & ſummo honore digna viſa ſunt. Et auſerre Regum nullus antea poterat* (NB.) *etiam qui juſtiſſimi erant, ut Aſa, Joſaphat, Ioas, Amaſias, Ioatham. Unus autem Ezechias diſſipavit excelfa, contrivit ſtatuas, ſuccidit lucos, conſregit ſerpentem æneum, cui etiam filii Iſraël contra mandatum Dei incenſum adolere cœperant. Nec movere me poteſt Reynesſius, ut Aſam & Joſaphatum Ezechia adæquem. Hæc quidem apud eum p. 111. lego: Aſa Excelfa qua erant in locis publicis, Joſaphat vero ea, qua erant in locis privatis amoverunt: ſic tamen ut ex hiſ aliqua ipſum ſugerint, &c. Adeo ut Rex nullis ſciens pepercerit, populus aliqua clam habuerit, de populo enim dicitur 2. Chron. 20. 33. Excelfa non ſunt amota: Populus enim animum ſuum non comparaverat ad Deum. Quicquid ſit certum eſt, omnia*



omnia aboleri debuisse, utpote ἰδολοθησείας inventa, At, simul video hæc omnia ἀπεσδιόνυσσα esse. Nam I. æque à me conceditur omnia abolenda fuisse. Sed questio est, an à Regibus alias à Zelo & singulari pietate in Scriptura commendatis, ratione habita circumstantiarum reip. aboleri quoque potuerint? Locus qui adducitur, plane pro mea sententia militat. Nam ut ille pertinet ad imperium Josaphati; ita hoc innuerit tantam fuisse pro illo tempore pervicaciam populi, ut Excelsa posterioris ordinis non fuerit tutum remove. II. Distinctio in Excelsa publici & privati usus, licet Ravanellum habere videatur Authorem (in cujus verba non juravi) inconueniens plane est. Nam ut Excelsa collocata erant in montibus ad jus publicum pertinentibus, ita non potuerunt non quoque publici juris esse.

Quod sub initium hujus Exercitationis promissimus, bona fide hic VII. præstare debemus. Noster Reynessius, ut me constringat autoritate summi Theologi Franc. Junii pag. 170. sic loquitur: *Junius, inquit, ad Deut. 12. inter Idololatrarum superstitiones numerat, quod apud ipsos præalti montes nescio quid dignius ad cælestium observationem habere videbantur.* Sed ubi fides! Sycophanta integrum locum adferre debuisset. Verba Junii ad vers. 2. cap. 12. Deuter. ita habent: *Moses dicit super montes excelsos, super colles, & sub omni arbore virente. Nam his tribus modis idololatra plurimum captabant auctoritatem superstitionibus suis: quia apud ipsos præalti montes nescio quid dignius ad commoditatem auguriorum, cælestiumque observationem habere videbantur.* Quæso arbitrare, (mi Lector) fueritne hominis ingenui, omittere hæc verba, *ad commoditatem auguriorum*? Sed familiare est Theologis præcisistis, exemplo Patris Voetii, à patre mendaciorum diabolo, per fraudes, & infidas citationes incautis & ignaris fucum facere. Quid vero dicit Junius? Gentes propter commoditatem auguriorum delegisse montes. Sed, an non ergo potuit Deus, licet improbet ac detestetur Auguria, in montibus licet capta, montes aliis usibus, iisque sacris, destinare?

Explicata Excellorum ratione, facile liquere potest, quam bene vul- VIII. go ab iis argumententur multi hoc seculo, qui cum (ut aliquoties notavi) studeant reformationi, ex suo judicio, intensive procurandæ, quo laureolam in mustaceo invenient, omnia quæ aut in Papatu fuerunt recepta, aut ab eo ad nos derivata sunt, Excelsa esse, ac proinde extirpanda clamant. Quum tamen neque serviant usui Idololatrico, neque extet præceptum Dei de iisdem abolendis. Etenim, ut jam antea liquido evictum



evictum fuit, Excelsa (hoc plebi improvidæ persuadetur) non erant fugacia quasi idololatriæ vestigia; sed, sive aræ, sive ædiculæ, in quibus, aut in propatulo sacra Idololatriæ exercebantur, aut, si Deo vero fieret, fiebat hoc in præjudicium templi Hierosolymitani, atque contra expressum Dei mandatum. Si idem evinci queat de illis, quibus Excelsorum ratio applicatur, eadem funditus extirpanda esse, lubens concessero. Utque abolenda penitus putarim, omnia Papanorum idola, dies festos in honorem Sanctorum institutos, Bacchanalia, Martinalia, &c. quod non modo arguant communionem cum idololatria, partim Paganica, partim Pontificia, (contra expressam admonitionem Apostoli 1. Cor. 10. 14.) verum etiam eorundem occasione, eadem fere fiant, quæ idololatricæ facere solent: Ita non video, cur idem statuendum sit de Reformatis sive Fraternitatibus, sive Canonicorum Capitulis; itemque de nominibus Sanctorum, Deorumve Gentilium, quæ, citra ullam omnino superstitionem, pro usu sive Politico, sive Historico, serviunt tum designandis, tum distinguendis certis locis, temporis differentiis, Collegiis, aliisque rebus. Si indifferenter hoc argumentum, ab *Excelsis* desumptum, valeret, ante omnia extirpanda forent templa à Pontificiis nobis relicta, quod dedicata sint partim more Pagano, partim more Pontificio. Quæ tamen legitime tolerari, exemplo Reformatorum in Anglia & Belgio, contra Separatistas Anglos, adductis variis rationibus, probare nititur ipse D. Doctor *Voetius Disp. alt. de Templis, Th. 6. Probl. 1.* Idem statuendum esset de Campanis, ab iisdem Pontificiis nobis relictis, siquidem non modo superstitiosum in modum sunt baptizata, verum etiam ridiculum in modum die quasi lustrico proprium nomen acceperunt. At, adversus has non insurgunt illi, quibus (tu, ô Deus, interiores animi recessus perspectos habes!) Ultrajecti Reformatæ Canonicorum Capitula sudes sunt in oculis. Dicit quidem noster *Reynessius pag. 112. Hæc etenim non Papatui ut tali, sed religioni in communi subserviunt.* Interim subserviunt cum velamine Papano Idololatrico: quod cum tolli non possit, nisi his ipsis destructis, quid statuendum sit, liquet. Præterea cum Ecclesia his ipsis carere queat (prout caruit primitiva Ecclesia) secundum hominum horum principia non foret fovendus qualiscunque syncretismus cum Papatu. Porro, pro intentionum hominum nugamentis, audio quidem hæc amplius objici ex *Ps. 16. com. 4. Non sum libaturus libamina istorum ex sanguine, neque assumpturus nomina eorum in labiis meis.* item *Os. 2. 17. Amovebo nomina Bahali-*

Bahali-



*Babalimorum ab ore ejus, ut non commemorentur amplius nomine suo.* Sed, quum ipsa Scriptura tot in locis mentionem faciat variorum idolorum, (speciatim ipse Paulus Rom. 11. 4. recitative nomen Baalis commemoret) consequens est, aliter per Spiritum Sanctum non prohiberi mentionem & usum horum ipsorum, quam quatenus is, qui ore ea frequentat, pariter animi reverentia ad eadem inclinatur. De qua distinctione consulendus vir longe doctissimus & accuratissimus, *Martinus Chemnitius part. 4. Exam. Concil. Trident. loc. 2.* cujus scrinia cum non modo multi Augustanæ Confessionis Theologi, verum etiam ex nostris, quo videantur sui similibus in antiquitate Ecclesiastica probe versati esse, consueverint compilare, rarissime tamen nomen illius laudatur. Porro, non improbaverim simpliciter, si turris cacumini, seu campanili, imponatur Gallus æneus, qui auræ quasi ventorumque index sit, licet hoc valde displiceat nostris Dominis Zelotis, usque adeo, ut sciam in vicino nobis pago, Pastorem hujus ordinis acerrime contendisse cum Patronis suis, nec ante quievisse, quam, submoto Gallo æneo, substituta foret stella inaurata. Quod enim fingunt, Pontificios, Gallos hosce pro hoc usu frequentasse, ut forent quasi præcones resipiscentiæ, quod Petro Apostolo usum hunc Galli cantus exhibuerit, admodum dilutum est: Nec saniores ex Pontificiis Doctoribus hoc unquam docuerunt; licet forte negandum non sit, unum forte aut alterum delirum & superstitiosum caput, sic insanire potuisse. Beza quoque frustra hic sollicitatur ex Hom. 15. in Hist. Pass. Verba quippe Theologi egregii hæc sunt: *Nunquid enim abhinc annis circiter septuaginta, non aves quid suus notet cantus ignara, non etiam ferrei ancive Galli, quales in campanilibus ac templorum summitatibus conspiciuntur, miserorum illorum superstitiosorum, quorum diuturnus est futurus somnus, si suorum Gallorum cantum expectent, sed insignes viri sunt excitati?* Quibus non innuit sane, Pontificiorum hanc doctrinam esse, ut Galli in templis sint quasi typici resipiscentiæ præcones, sed hoc superstitiosis quibusdam (è vulgo scil.) forte persuasum esse. Præterea, qui legit vel solam Bezæ Confessionem, ignorare non potest, eum in exagitanda Papanorum superstitione nimis quam vehementem esse. Scio Dñm. Præcisistas hic quidem obtendere autoritatem Dñi. Bezæ, sed fide sibi consueta. Alias conjecturam quoque suam & inanem suspicionem solum Sibyllæ haberi cupiunt. Quare sic etiam cornicatur Reynessius pag. 112. *Gallum in summitate turris quod attinet, ponitur*

Cc



ponitur in procul dubio ut conversionis praeo, ad exemplum ejus, ad cujus cantum flevit amarè Petrus. Sarcasum vero hominis non moror, quando eadem pag. sic me pungit: *Author essem Pastori illi, ut loco galli posthac imaginem Schoockii ibi collocet: qui multo melius peccata cantare & exaggerare novit, quam gallus æneus: sed tamen aliena magis, quam sua.* Quis in oculis meis sim, novit Deus: qui cujusque opus dijudicabit. Si ludere voluisset, gallo substituisset imaginem sui Voetii, siquidem, teste decima Musa, *Viva est virtutis imago.* Porro, putarim ob Physicam potius rationem Gallos turrium cacuminibus solere imponi: hoc siquidem animal ut sanguine calidiori & spiritibus subtilioribus gaudet, ita mox levissimam aëris & auræ mutationem percipit. Pegasi, stellæ, equi, & similia plura, quæ gallorum vicem in turribus & templis sæpe subire solent, æque facile ad originem idololatricam referri queant. Sane nulla est ratio, cur, contra mentem saniorum Pontificiorum, Galli, velut idolomania stultæ instrumenta, æquo vehementius exagitantur.

## EXERCITATIO XVI. DE ENCÆNIIS.

**Q**UOD multi ex Zelotis, argumento ab Excelis petito, consueverint oppugnare per Belgium, annuas nundinas, ideo, quod nomen earundem Missarum Papanam quasi redoleat, quæque audiant *Kermissen* quasi *Kerckmissen*: operæ pretium fuerit de his breviter proxime agere. Initio existimo haut quaquam falsam esse nostram Catechesin, quando qu. lxxx. censet ipsum Missæ fundamentum nihil aliud esse, quam abnegationem unici illius sacrificii & passionis Iesu Christi, & execrandam idololatriam: interim, non censuerim omnia æque execranda esse, quibus nomen Missæ tribuitur. Nam quicquid compilatorum Alpha Hospinianus quoque judicet, apud Belgas, Germanosque, nomen Missæ in communi notat quamcunque solemnitatem; prout observavit quoque doctissimus Lindenbergius in accuratissimo Glossario, subjecto Codici LL. Antiquarum. Adeo, ut quilibet dies Festi, ob solemnitatem sibi peculiarem missæ nomen ferant: quo & Corn. Kilianus, vir ad miraculum linguæ Belgicæ peritus (ringatur licet Reynessius pag. 113. æque Belgici idiomatis atque



que Latini peritus) hasce voces refert; *Kerstmisse*, *Iansmisse*, *Baefmisse*, &c. adeo, ut nomen hoc, quod generale antiquitus fuit, hactenus censeri queat defæcatum esse à sordibus Papanis. Ratione vero nundinarum, quæ & vulgo à *Missa* designantur, (*Missa* Francofurtenſes & Lipsienſes per Germaniam sunt celebratiſſimæ) jam olim in mentem venit, admiſſa quoq; propria & execranda vocis *Misse* ſignificatione, dici poſſe, ex accidenti duntaxat nundinis nomē *Misse* adhæſere. Nam quum nundinæ, ut plurimum annuatim conſueverint recurrere circa diem certum, huic illive Sancto in Papatu ſacratum, atque poſt adultam Papanam ſuperſtitionem, in honorem illius quaſi Sancti *miſſa* celebrari ſolita fuerit, factum fuit, ut & ipſæ nundinæ, *Misse*, dici conſueverint. Nec officiit quicquam Rhenanus, à Reyneſſio licet pag. 114. cum Chemnitio adductus. Neque enim dicit *Miſſas* annuas ordinariſſe annuas nundinas; ſed has, *Miſſa* quoque abrogata, etiamnum ab ea, velut appendice, nomen ſuum retinere. Quam conjecturam meam licet poſtea probatam invenerim à *Dreſſero de Urbibus German. fol. 415.* in alia tamen omnia diſceſſi. Quum enim nundinarum plerarumque tempus (excutiantur Archiva, itemque diplomata quæ in illis cuſtodiantur) non conſpiret cum tempore, quo in loco, ubi agitantur, templum (minimum Cathedralē, uti loquuntur) primitus dedicatum initiatumve fuerit; nec etiam ſemper eadem cohæreant diei Feſto, cujus quaſi Patronus nundinis *miſſam* conciliet, in eam deveni ſententiam, noſtrum *Ker-miſſe*, non dici quaſi *Kerck-miſſe*, ſed quaſi *Merck-miſſe*, atque ita revera pronunciandum eſſe; ita ut vox illa componatur ex duabus vocibus medii ævi, nempe ex voce *Mercada*, (videatur Lindenbrogius loco dicto) quæ ſignificat mercatum, & ex voce *miſſatico* (conſulatur præter Lindenbrogium jam citatum *Vofſius lib. 3. de Vitiis ſerm. Latini*) quæ notat certam regionem ſive tractum, cui præerat *miſſus* à Principe, atque *Merck-miſſe*, ſeu corrupte *Kermiſſe*, nihil aliud ſit, quam mercatus ſolemnis, ſeu annuus certi alicujus tractus, aut regionis. Cum qua Etymologia conſpirare videtur locutio per Friſiam, ſpecialim hic Groningæ, recepta: noſtrates ſiquidem, rogantes ſibi dari munus enceniale, dicere ſolent corrupte, *Geest my een merrimiſſe*; quum dicere debeant, *Geest my een Merck-miſſe*. Quomodo, ſimili ferme ratione, pueri apud Romanos parentes ſuos *Sacram viam* rogare ſolent. Notum illud Ovid. lib. 1. Amor. eleg. 8.

*Munera præcipue videat, qua miſerit alter,*

*Si tibi nil dederit, Sacra roganda via eſt.*

Cc 2

Idem



Idem inde quoque patet, quod conventus, qui quotannis bis Francofurti ad Mœnum, tanquam in proprio missi loco fiunt, olim ex decreto Imperatorum, alibi, tanquam indefinito Imperii missio agitari consueverint. Quomodo Goldast. ad tom. 3. constit. Imper. annotat, conventum annuum, olim à Constantino M. in urbe Arelatensi institutum, à Carolo M. Moguntiam translatum, inde à Friderico II. Francofurtiam. Cæterum à Carolo IV. easdem nundinas autumnales Moguntiam revocatas, iisdem à Gunthero Cæsare Tridbergenses vernaes substitutas, sed utraq; à Carolo IV. Francofurtiæ restitutas & confirmatas. Quæ adversus hæc ineptit Reyneffius pag. 114. & seq. ne legi quidem, nedum examinari merentur. Sed dato, legitimam esse Etymologiam nostræ vocis *Kermisse*, an propter nomen (quod hic retineri posse, antea patuit) aboleri debeat res, seu annuus mercatus? Aut, an Magistratus Orthodocus, cui salus populi semper suprema lex esse debet, magis curabit Stentoreos quorundam Theologorum clamores, falso contententium, encænica Mercurialia pertinere ad mundi excelsa, quam civium suorum emolumentum & commodum respiciet? Haud equidem putaverim. Encæniorum promercalium occasione, si cives helluationibus, intempestivis epulis, ebrietati, atque *deorum* indulgeant, (hos abusus, quum aliud non posset, exaggerare, per solitam loquentiam, instituit Reyneffius pag. 115.) existimandum est, per accidens duntaxat hoc fieri. Utque hisce vitiis jure merito per sua edicta, severiora quoque, Magistratus obviam it; ita nulla est ratio, cur idem Magistratus, ob nudum nomen, in totum aut rejiciat encænica Mercurialia, aut transferat in tale anni tempus, quod non minus civibus, quam extraneis mercatoribus, hospitibusque annuatim amicos suos invisere solitis, incommodissimum sit. Sane nundinæ, maxime si oportuno tempore, & loco, celebrentur, *civitates impinguant*, ut ait Gl. in leg. un Cod. de nund. Miror vero quosdam ex Theologis Ultrajectinis, infestos posse esse Encænias; tot per annos, mense Julio in hac urbe patria ante hæc celebratis. Nam, cum credantur secundum hos homines repræsentasse memoriam dedicationis primi templi, quod construxit, teste Joan. Beka, Willebrordus, in fundo Basilica sancti Thomæ, isque, teste D. Voerio Disp. de Plantatorib. Ecclesiarum, tom. 2. Disput. pag. 571. neutiquam formaliter Papista fuerit; etenim non potest liquida reddi ratio, cur non licite potuerit celebrari memoria constructi primi templi, destinati scilicet cultui



cultui veri Dei, ab eo, qui teste *D. Voetio* ibid pag. 572. dici debeat *Noster, non vero Papista?* Notum est illud Nazianzeni: *Ἐγκαίνια τιμῶμεν παλαιὸς νόμος, καὶ καλῶς ἔχων: Honorare Encenia vetus mos est, & bene se habens.* At Zelum horum intensivorum Reformatorum eventus prostituit, Licet enim homines mei, nundinis relatis ad Festum Pentecostes, hoc primo, & dein alia quoque festa, exemplo Scotorum (ita Edinburgi loco festi Natalitii ipsa bruma mercatus celebratur) abrogare moliti sint, prudens tamen Magistratus Ultrajectinus, ut ostenderet se non esse Theologorum peregrinorum mancipium, variis suadentibus rationibus, anniversarias nundinas mensi Julio restituit.

## EXERCITATIO XVII.

## Qua quæritur, an liceat Martinalibus anserem comedere?

**I** Dololatriæ reliquias (tales modo agnosci possint & debeant) funditus extirandas esse, lubens do, nec de eo unquam mihi fuit in superioribus cum quoquam contentio. Patrocinium quoque non paraverim Bacchanalibus, impurum Ethnico-Papismum redolentibus, jureque summo accurato Tractatu explosis per eximium Theologum Gerardum Hyperium. Censuerim quoque syncretismum cum Pontificiis fovere, qui cum iis, aut liberis suis Festo S. Nicolai dant munuscula, aut regalia agitant in memoriam trium quasi Regum, aut die Jovis, qui proxime festum Paschatis præcedit, cum iisdem largiuscule sese invitant, &c. Quibus Papismi reliquiis an accenseri debeat anser, sive *ganza* Martinalibus comedi solita, non sine ratione aliquis quærat? Atque à me quasi hunc conscientiae calum proponi, nemo mirabitur, si consideraverit in provinciali Academia nostræ contubernio, in quo magnam partem vivunt studiosi Theologiæ, Oeconomum ex consuetudine obstringi in vigilia Martini (ut loquuntur) cuique mensæ anserem assatum exhibere. De Martino Turonensi, atque de ipsis Martinalibus memini me quædam annotasse in *Tract. de bonis quasi Eccles.*



*Sect. 3. cap. 2.* Quibus addo, ob causam ibidem annotatam, Martinum hunc (velut Sanctum) in summa veneratione fuisse non minus apud Gallos, quam Belgas: usque adeo, ut apud Gulielmum Hedam occurrat sequens epigramma Rabdodi xlv. Episcopi Ultrajectini:

*Sis pius, oro, mihi Martine, habitator Olympi,*

*Solamen misero, sis pius oro mihi.*

*Porrige queso manum, ne me trahat ecce profundum*

*Portus naufragiam, porrige queso Manum.*

*Imminet umbra necis, nunc tu mihi proximus adsis,*

*Res nimium tristis, imminet umbra necis.*

*Eripe me tenebris, & diris subtrahere flammis,*

*Dilector lucis, eripe me tenebris.*

*Me quoque redde polo, regnum quo permanet agno,*

*Qui fruieris caelo, me quoque redde polo.*

Quod carmen, si modo referri debeat ad ævum Rabdodi, omnino blasphemum est, atque multis modis prejudicium pretiosis meritis Christi Salvatoris nostri unici. Antiquitus vero, inter Germanos non minus quam Gallos, receptum fuit, non modo in vigilia S. Martini, comestationibus indulgere, verum speciatim anseribus velci. Quanquam vero anseres, ipso Galeno teste lib. 3. de facult. aliment. carne gaudent excrementitia & concoctu difficillima, adeoque fere negliguntur in mensis delicatioribus, juniores tamen si fuerint, & probe saginati, omnino negligi non possunt. Certe, Diodoro Siculo teste, in mensis Regum Ægyptiorum anser flos cœnæ habebatur: atque apud Romanos plurima erant *χρησσοκεῖα*, de quibus consuli possunt Varro lib. 3. de R. R. cap. 10. & Columella lib. 8. cap. 14. Similia anserum palcua, in Belgio non minus quam in Germania, occurrunt plurima, quæ cum circa illud tempus, in quod incidere solet festum S. Martini, anseres obesos & bene habitos, fere exhibeant, receptum fuit sub Papatu, uno aut altero die ante Martinalia, non modo in majoribus urbibus anserum mercatum instituere, verum etiam in honorem quasi S. Martini, non minus anserem comedere, quam multum bibere. Quod quicumque ex Reformatis faciunt, saltem in memoriam S. Martini, veluti Sancti, non video quomodo ab indirecta idololatria excusari queant, lubensque accedo illis Theologis, qui existimant tales censuram promereri. Cæterum, quum Martinalia, usum politicum quoque habeant, atque circa illa, ex consuetudine, alicubi non modo anseres, verum boves & porci quoque vendi consueverint



consueverint: etenim licite patresfamilias circa illud tempus æque anseres in usum mensæ suæ coëmere possunt, atque aut porcos, aut boves emunt. Quos anseres, si urgente ratione Oeconomiae, forte comedant Martinalibus, sive pridie eorundem, aut postridie, non magis peccant atque illi, qui ex Reformatis die Veneris piscibus vescuntur, non quidem vi præcepti & propter conscientiam, ut à Pontificiis fieri solet, sed, quod die illo fere occasio occurrat, piscium viliori pretio comparandorum. ( Videatur Calvini locus supra adductus ) Nam ex consuetudine politica, circa Martini Festum, publice prostant venales anseres, æque atque diebus Veneris venales pisces. Quæ vero fiunt Festo Nicolai, trium Regum, &c. nullum respectum politicum habent alium, quam quod quidam velint Papistis se conformare: quod ut possent non facere, ita non est in potestate alicujus privati, obniti consuetudini, qua Martinalibus anseres, & diebus Veneris frequentiores pisces venduntur. Adeo, ut Reyneffius pag. 116. in cassum labore mihi contradictiones affingere. Diluta quoque ejusdem est contemplatio circa diem Veneris, quasi ratione illius occurrat solum præceptum Papanum negativum, ne scilicet comedantur carnes; ( intelligendæ scilicet sensu Papistico ) quum sic abstinetur carnibus, ut simul pisces, ova, legumina, &c. meliora, si non sanctiora, pariter haberi consueverint. Interim in reformatis familiis, noluerim anserinas lautitias definite astringi aut ad ipsa Martinalia, aut ad vesperam S. Martini. Ubi vero inter Reformatos, in contuberniis publicis, ex lege quasi Oeconomica, sive ipsis Martinalibus, sive in vespera S. Martini, anser mensæ infertur, non putandum mox est, hoc fieri sive in honorem, sive in memoriam S. Martini; sed quod Oeconomi, qui annuatim suis convictoribus præpinguem anserem exhibere tenentur, ob annum anserum mercatum, delitias hasce, tum meliores, tum etiam commodiori pretio nancisci queant. Sed dixerit aliquis, Pontificios ad maledicendum hac ratione invitari, & Reformatos insectari, quasi Martinalia libentius agitent, quam secum jejunia observent. Sed pari ratione, die Veneris nunquam comederis pisces; ne Pontificius fortassis calumnietur, te hac in parte *non* <sup>quæ</sup> <sub>quæ</sub>. Propter usum politicum eadem fieri possunt, quæ propter superstitionem fiunt à Pontificiis; quemadmodum hujus rei exemplum Anglia exhibet, ubi, propter usum mere politicum, per Quadragesimam carnibus abstinetur.

EXERCI-



## EXERCITATIO XVIII. DE JURE PATRONATUS.

1. **M**inus convenienter Papa Romanus Author constituitur Iuris Patronatus.
2. *Quenam ejusdem sint incunabula?*
3. *Quomodo cum jure Patronatus ceperit presentatio Ministri conjungi?*
4. *Ius Patronatus potest in Ecclesiis Reformatis tolerari.*
5. *Ut recte definitum in Synodo Dordracena, qua vindicatur.*
6. *Occurritur Objectionibus D. Voetii contra jus Patronatus.*
7. *Interim jus Patronatus habendum pro novo Ecclesia.*
8. *Expenditur qua declamando contra Ius Patronatus adduxit D. Matthaus.*
9. *Qui tamē non tū deformis, ut patronus Reformatus eo se debeat abdicare.*
10. *Imo Reformatus usurpare potest.*
11. *An Diaconis potestas Ecclesiastica conveniat? inquiritur.*
12. *Occurritur objectionibus Reynesii circa Diaconos.*
13. *Qualis fuerit Acronius, & quid præstiterit contra jus Patronatus?*
14. *Tres notantur illius per Belgium abusus.*
15. *Quam Pastores dedeant avaritia, cujus, ratione illorum, quidam Casus proponuntur.*
16. *Author rationem reddit sui instituti, simul improbat promiscuam Iuris Patronatus venditionem.*

I. **H**Ac exercitatione, cum bono Deo, breviter agere decretum est de jure Patronatus. Quod cum alicubi in Ecclesiis Reformatis adhuc sit receptum, atque toleretur in fœderato Belgio, secundum constitutionem Ecclesiasticam à Synodo Dordracena recensam & approbatam, iniquum in modum tamen sugillatur à D. Voetio, qui anno 1639. non dubitavit prolixum centonem contra illud adornare: in quo licet Th. 4. non verecundetur sic scribere: *Propria origo & genuinum hujus prætensi juris fundamentum alibi non est querendum, quam in jure Antichristiano Papali. Illi enim sive errore, sive ignavo timore (quia conscientia ipsos multiplicis usurpationis arguebat) sive assentandi studio, sive ut privatis rebus suis consulere, sive ut præstantissimis fundis, & prædiis, spolia Clericorum tanto facilius auferent, equum*



equum hunc Trojanum & Ecclesia, & posterorum, malo, etiam ad suam non minimam vexationem introduxerunt, juxta illud: Malum consilium consultori pessimum. Certum tamen est Papam cum suo satellitio, huic juri, tanquam suæ hierarchiæ gravi, quam infestum esse; prout ipse D. Voetius, Andabatis non absimilis, cognoscere potuisset, si modo attendisset ad institutum Ioannis Filesi Theologi Parisiensis, ex quo tam multa compilavit, qui commentarium suum de sacra Episcoporum auctoritate nullum alium in finem conscripsit, quam ut Clericos eximere posset jurisdictioni seculari, speciatim evertere jus Patronatus, Papæ illiusque Hyperaspistis quam molestum. Unde & libellum scripsit Anno 1614. ad Dionysium Argenterium Abbatem Claræ-Vallensem, cui ipse hunc titulum voluit præfigi: *De sacrilegio Laico commentarius, seu, Veteris Ecclesiæ Gallicanæ querela*. Imo Papas Romanos non favere juri Patronatus, patet ex Bullis ab Innocentio VIII. Hadriano VI. & Pio IV. adversus illud evulgatis, quas D. Voetius eadem Thesi adversus se adducit. Sed sapit hic Doctor cum Sibrando Lubberti, ejusque armigero, viro cæteroquin docto, Gothofredo Sopingio, (alias tantis Theologis, nunc ex *nois* *ἀγίους*, nihil volo detractum) quorum scrinia cum usque ad pulvilculum compilaverit, non potuit non quoque statuere jus Patronatus originem trahere à Papa Romano.

Quo vero in hac controversia omnia sint liquida, originem juris Patronatus aliquanto altius accersam. Atque initio Deum testor, me hoc ipsum Jus agnoscere quod *ἡ ἑκκλησία* & nævum Ecclesiæ, nec alia ratione illud velle propugnare: quod ut facerem, nec odium nec amor suasit; utriusque enim causas (ut ut tumultuetur Reynessius pag. 117. & seqq. in antecessum D. Voetii argumenta solitæ loquentiæ plumis ornata proponendo) quam procul habeo. Ad asserendam existimationem Dordracenæ Synodi, quæ prudenter malum quasi necessarium certis legum limitibus coercuit, stylum arripui. Sed hoc jam agere oportuit, atque hujus juris incunabula pandere. Ergo censeo verisimile, tribus persecutionum seculis prioribus post Christum natum, vix nomen hujus juris fuisse cognitum, cum nondum ejus causa, quæ Ecclesiarum fundatio, & dotatio, existeret. Tempora siquidem, sive basilicas laborantis Ecclesiæ seculis habere, Persecutorum crudelitas non patiebatur. Pro templo erat cœmeterium, sepulturæ Martyrum destinatum. Theodor. lib. 2. cap. 19. Pro basilica domus privata, in qua Christiani ritus Cultores stato die ante lucem conveniebant, Christo secum invicem carmen dicentes,

D d

seque



seque sacramento non in scelus aliquod obstringentes, sed ne furti, ne adulteria committerent, nec fidem fallerent, deposita appellati non abnegarent, ut ad M. Ulpianum Trajan. Imperatorem initio seculi II. scripsit Plinius junior, Bithyniæ tum Procons. referente eo ipso libr. 10. Epist. 101. Quod ipsum & Tertullian. ejusdem ætatis Scriptor, testatur. Et quamvis quidem circa medium seculi III. Imperat. Gallienus, qui initio summa benignitate Christianos amplectebatur, Oratoria & tēpla iisdem permiserit extruere; momentanea tamen fuerunt illa Christianorum Halcyonia. Quippe immanis ille Diocletianus, persecutorum principum antesignanus, palam propositis edictis, imperavit Provinciarum rectoribus, ut Oratoria & templa Christianorum in toto imperio diruerent, & solo æquarent, Codices etiam eorum in igne abolerent, ut Euseb. tradit libr. 8. c. 5. Ex quibus videre licet, dictis illis seculis tribus prioribus, in usu non fuisse Jus Patronatus, nec esse potuisse, cum ipso actu nondum extiterit ejus causa, postea demum enata. At tandem cum Constantino M. primo Christiano Imperatore, circa initium seculi IV. post tot persecutionum tenebras, amica tranquillitatis lux emicaret, multa Oratoria magnifica ubivis locorum extrui cæperunt, & quidem ex Imperatoria lege atque licentia, de qua Melchades Papa, c. futurum 15. caus. 12. q. 1. cujus de fide tamen jure merito dubitat Marc. Anton. de Dominis de Republ. Eccles. libr. 9. c. 3. n. 4. At, ut illud sit, de voluntate Constantini M. hic dubitandum non est, cum præter Melchadem, sive verum, sive falsum, de ea etiam testetur Euseb. libr. 2. de vita Constantin. Ex quo Scriptore hoc etiam constat, quod Byzantii duo magnifica templa, & unum in loco sepulturæ Dominicæ, lascivæ Veneris fano ante conspurcato, erexerit, cujus vestigia etiam pressit Mater, & alii quam plurimi. Justinianus deinde Imperator incomparabile illud Sophiæ templum, & multa alia condidit, ut de eo Zonar. tom. 3. testatur: aliis, ex privatis quoque, Imperatores æmulantibus, atque nomen quaecunque captantibus ex structura templorum, Christianæ religionis propagationi destinatorum, prout liquet manifesto ex Novell. 5. cap. 1. & Novell. 67. cap. 1. & 2. Qui, ut sui Zeli quaecunque præmium ferrent, usque à temporibus Justiniani Imp. hoc ipso pro plenitudine potestatis Imperatoriæ, approbante, inconsulto plane Pontifice Romano, cujus potestas tum adhuc valde exigua erat, per Ecclesiæ consensum admittere cæperunt jus illud, quod postea à Canonistis, jus patronatus fuit vocatum; ut clare liquet ex Novell. 57. cap. 2. maxime ex Novell. 123. cap. 18.



cap. 18. Contra quam quando D. Voetius sic cornicatur, ut dicto Tract. th. 8. sub finem inferat, Justinianum hanc concessionem acceptam referre non Imperatoribus, sed Ecclesia, nobis faveat: nam existimamus, patronis jus præsentandi initio ab Ecclesia fuisse delatum. Præterea Impp. Christiani, quæ aut in Codice Justin. aut Theodosiano circa sacra pro plenitudine quoque potestatis suæ decernunt, videri volunt hoc facere ex consilio & arbitrio ipsius Ecclesiæ, quod ipsi, laudabili exemplo, in talibus illius antistites solerent consulere. At viderit bonus vir, an non hæc exceptio sibi & suis quam officiat? Si enim *jus patronatus* pendet à *concessione Ecclesiastica*; atque Ecclesia Justinianæ, Orientalis maxime, non possit cum ratione Antichristiana vocari; nã semetipsum, more solito, suo gladio D. Voetius jugulat, qui jam antea, in suo rhapsodico libello, *juris patronatus* prima incunabula invenisse videbatur in regno Antichristiano. Si diligenter excussisset Authorem Altaris Damasceni pag. 591. cognoscere potuisset, Chassanæum Ic. Pontificium in eadem nobiscum sententia esse, licet juri Patronatus videatur infestior fuisse ob eandem causam, quæ quoque movit (ut antea vidimus) *Filefacum*. Nec præceptori suo succurrit discipulus Reyneffius pag. 121. dicendo, *Episcopos, & promotores Mysterii iniquitatis*, ac consequenter *præcursores Antichristi*, promovisse incunabula Juris Patronatus. Gratis enim hoc dicitur, & sine teste. Quis unquam enim (nisi forte πύσος Voetius hoc doceat) ex consultis historiæ Ecclesiasticæ docuit, Episcopos in Græcia tempore Imperatoris Justiniani promovisse Hierarchiam Papæ Romani? Item ad illum exaltandum fundamenta jecisse Juris Patronatus? Somnia hæc sunt, vaniora iis, quæ videt febricitans anus.

Ut vero liqueat, qua ratione cum jure Patronatus, cujus toties fit III. mentio in Jure Canonico, ceperit connecti præsentatio ministri Ecclesiæ: non quidem dixerim, per expressam Christi & Apostolorum ejusdem constitutionem, jus hoc præsentandi personis ab Ecclesia remotis concessum esse, diserta sive lege, sive definito N. T. exemplo; tale tamen esse confido, quod non possit censerî adversarium *dis Ἀγ. πασῶν* scriptis N. T. Fateor lubens cum veneranda antiquitate, (documenta plurium Patrum adferre possem, modo necessum foret) Apostolorum temporibus, Ecclesiastica munera Spiritus Sancti judicio potissimum (licet videantur quoque intervenisse causæ inferiores) collata fuisse. Atque licet iidem jam demortuis, eadem popularibus suffragiis delata quoque fuerint, hic tamen popularis modus paulatim in defuetudinem abiit. Usque



adeo, ut Canone xlii. Concilii Laodicensi, quod celebratum fuit seculo iv. sic fuerit statutum: *Quod non sit permittendum turbis* (τοῖς ὄχλοις) *Electioes eorum facere, qui in sacerdotio constituendi sunt.* Progressu vero temporis, atque antequam Potestates quoque Christianismus profiterentur, Episcopi plerumque videntur Presbyteros elegisse: cæterum ea ratione, ut eorum nomina proponerent, hortantes populum, ut si quis quid haberet criminis, probaret manifestis verbis. Colligere hoc est ex Scriptore Gentili, sive Ælio Lampridio, qui de Alexandro Severo Imp. hæc habet: *Ubi aliquos voluisset vel rectores provinciis dare, vel prepositos facere, vel procuratores, id est rationales ordinare, nomina eorum proponebat, hortans populum ut si quis quid haberet criminis, probaret manifestis rebus; si non probasset, subiret penam capitis: dicebatque, grave esse, quum id Christiani & Iudæi facerent in predicandis sacerdotibus qui ordinandi sunt, non fieri in provinciarum rectoribus, quibus & fortune hominum committerentur & capita.* Ad quam consuetudinem uti sæpe in suis scriptis respicit Cyprianus; ita eandem manifesto tangit Epist. 33. quando ita loquitur: *In ordinationibus clericorum, fratres charissimi, solemus vos ante consulere, & mores ac merita singulorum communi consilio ponderare.* Porro absit, ut cum quibusdam (Theologis quoque) contendam, electiones & ordinationes ministrorum Ecclesiæ pertinere ad Magistratum. Interim tamen Marsilius Patavinus, qui Apologiam scripsit pro Ludovico Bavaro, (eam sub Titulo *Defensoris Pacis* evulgavit, notisque marginalibus egregiis illustravit anno 1592. ὁ πένυ D. Gomarus) ausus fuit tutari hanc Thesin: *Quod lege Divina non sit prohibitus Legislator, aut Princeps ab officiorum Ecclesiasticorum institutione, Collatione, seu distributione:* quam licet non velim absolute meam facere; certum tamen est, per plura secula jus hoc usurpasse Magistratus Politicos, atque (ut jam antea ostensum fuit) usque à tempore Justiniani Imp. receptum fuisse in Ecclesia jus Patronatus. Quod cum secundum Lancelottum, *Sit potestas præsentandi Episcopo instituendum ad munus Ecclesiasticum, aliudve beneficium vacans, Patrono certis ex causis competens*, formaliter consistit, iudicio Canonistarum (quorum hæc vox est) in *præsentatione*, quæ Justiniano videtur esse *denominatio*: nam sic lego Novell. 123. cap. 18. & aliquos *denominant*. Græci vocant προσέσλω. Scriptura videtur uti verbo *vocationis*. Hebr. 5.4. *Nemo sumat sibi honorem, nisi vocatus à Deo, ut Aaron.* Quod cur displiceat Reyneffio, pag. 121. non video. Causam dicere debuisset. Nam quomodo quæso Aaron à Deo vocatus est? nisi per *præsentationem*,



nem, quæ & inauguratio erat ad speciale ministerium. 1. Chron. 23. 12. sic expresse legitur: *Separatus fuit Aharon ad sanctificandum rem sanctam sanctarum ipse & filii ejus in seculum.* Quod clarius patebit si conferatur cap. 28. Exod. ubi is, qui à Deo separatus erat ad sacrum ministerium, eidem per Moïsem quoque inauguratur. Non inconvenienter Jacobus Capellus ad dictum Pauli locum: *Quinta Pontificatus dignitas est, inauguratio Divina, vocationis legitimæ comes individua.* Sycophanta tamen Reynessius, eo, quod cum ratione ostendi denominationem ad ministerium, in Scriptura quoque dici vocationem, pro suo ingenio passim mihi affingit, quasi patronis vocationem proprie & formaliter ita dictam attribuat. Qui jus hoc usurpant, in jure Canonico varia nomina ferunt. Ordinario audiunt I. Patroni *c. perlatum 1. extr. de jure patron.* ad similitudinem Patris: quia sicut hic filium, ita ille Ecclesiam deducit à non esse ad esse, juxta Rochum de Curte, *de jure Patron. in Proleg. n. 5.* II. Advocati *c. cum autem. 24. extr. h. t. & c. in quibusdam 12. extr. d. pen.* quia patronus Ecclesiam defendere tenetur. Licet quidam instituerint distinguere inter advocatum & patronum Ecclesiæ. Quos refutat Hostiensis ad *c. praterea h. t.* III. Vicedomini, sed lata significatione *d. c. in quibusdam.* IV. Similiter Presentatores *c. cum vos. 4. Extr. d. Offic. Iudic.* V. Appellantur quoque Fundatores *c. quoniam 3. extr. h. t.* VI. Constructores *c. monasterium 33. Causs. 16. q. 7.* VII. Conditores *c. noverint 6. Causs. 10. q. 1.* VIII. à Justiniano *Novell. 67. cap. 2.* Fabricatores Ecclesiarum. IX. Hodie usitate Collatores, sed satis improprie: stricta enim & propria significatione Episcopus dicitur Collator *c. transmissa 21. extr. h. t.* Postremo in Ecclesiis Orientalibus, quæ hodierno adhuc tempore ingemiscunt sub jugo Turcico, vocantur *κτίτορες* à voce *κτίειν*, hoc est, extruendo: siquidem Ecclesias, olim à majoribus erectas & dotatas, si vacent, Presbyteris conferunt.

Licet vero optandum sit ex animo, ut Ecclesia plene in hoc mun- IV. do suis privilegiis fruatur, atque in ea ejusmodi obtineat libertas, quæ illius ædificationi maxime serviat; talis tamen quum voveri magis queat, quam obtineri, à prudente atque pacis studioso Theologo multa tolerari debent, quod non sit in illius potestate, salva Ecclesia, (quæ volens nolens semper ferme cogitur ad regimen politicum, gladio munitum, sese componere) eadem corrigere. Ad illa omnino referri debet jus Patronatus, quod eo magis tolerabilius est, quod libertati Ecclesiæ, plebisve Ecclesiasticæ, non plane præjudicet.

Dd 3

Nam



Nam hæcenus Patronatus jus factum rectumque præstat jus populi, quod nominatus à Patrono verbi Divini minister toti Ecclesiæ ter proponatur, possitque vel ab ea approbari, vel rejici quoque. Nihil vero amplius populo deberi, cognoscere est ex ipso Calvino lib. 4. Christ. Instit. cap. 3. sect. 15. *ita loquente*: Bene ergo Cyprianus, dum contendit ex divina autoritate descendere, ut sacerdos plebe præsentē sub omnium oculis deligatur, & dignus atque idoneus publico iudicio ac testimonio comprobetur. Siquidem hoc videmus iussu Domini in sacerdotibus Leviticis fuisse observatum, ut ante consecrationem in conspectum populi producerentur. Non aliter ascribitur Matthias Apostolorum collegio, nec aliter septem Diaconi creantur quam populo vidente & approbante. Hæc exempla, inquit Cyprianus, ostendunt sacerdotis ordinationem nonnisi sub populi assistentis conscientia fieri oportere: ut sit ordinatio iusta & legitima, quæ omnium testimonio fuerit examinata. Habemus ergo, esse hanc ex verbo Dei legitimam ministri vocationem, ubi ex populi consensu & approbatione creantur, qui visi fuerint idonei. *Huc usque Calvinus.* Δόγμ. Reynessii, his pag. 122. oppositi, de circumscripto quasi Presbyterio per Jus quasi Patronatus, nulli æque conveniunt, atque ei ipsi. Neque enim Patrono, presbyterium quasi exhibenti, exprobrari jure merito à quoquam potest, quod velut sacrilegus eripiat Ecclesiæ repræsentativæ suum jus circa vocationem Ministri: nam, uti in Ecclesiis Belgicis, hunc (priusquam suæ Ecclesiæ proponatur) Classi exhibere non solum debet, sed amplius eundem ejusdem Censuræ subijcere; ita in Ecclesiis Augustanæ Confessionis (videatur *Rittershus.* ad *Novell. part. 1. cap. 7. num. 36. & 37.*) priusquam accedatur ad Ordinationem, præcedere solet *Præsentatio*, qua Patronus nominatum & vocatum, vel solus, vel pro cuiusque loci consuetudine una cum Superintendente ad Consistorium mittit, ut ibidem, accurato adhibito examine, eruditio & mores ejus explorentur. Qua vero ratione Minister, secundum jus Patronatus vocatus, certus in conscientia esse possit, se divinitus vocatum esse ad sublime hoc munus, malo docere verbis Tossani, Theologi Heidelbergensis, quam meis, qui ita loquitur in *Pastore Evangelico cap. 3. pag. 32. & seqq.* Ut vero non temere conqueruntur nonnulli pii Theologi de iis Magistratibus, qui excussa Papæ tyrannide, jus & libertatem Ecclesiasticam in ordinationibus Ministrorum restitui non curant, nec populum de suo jure edoceri, sic (ut sunt hodie homines in plerisque Germaniæ locis) tolerabilior videtur hæc ratio,



ratio, qua utuntur Principes, & Respublicæ Evangelicæ, quam si populo minus instituto aut idoneo ad Electiones omnis electio simpliciter committeretur. Nam cum aliquid juris & suffragii populo commissum fuit in veteri Ecclesia, hoc præsupponebatur, quod scribit Cyprian. epist. 4. lib. 1. *Plebem illam esse obsequentem Dominicis præceptis, & Deum metuentem.* Deinde quando principes ad illas Electiones selectos viros cum ministris adhibent, talesque, qui hujusmodi deliberationibus Ecclesiasticis omnino vacant, non confunditur Ecclesiastica gubernatio cum politica: & extat constitutio Justiniani 123. quæ in ipso decreto Gratiani distinct. 23. probatur, ut quoties opus fuerit ordinari Episcopum, *cœant in unum clerici & primores civitatis, jurentque se electuros, qui fidei & vitæ sit probata.* Deniq; non omnis libertas populo admittitur: quia cum à Superintendentibus vel Inspectoribus præsentantur ordinati alicui Ecclesiæ, id fit hac lege, ut liberum sit toti Ecclesiæ quotiescunque volet, inprimis autem in visitationibus annuis, suam de ministris sententiam dicere, & censuram tum in doctrinam tum in mores instituire. Verum hoc inprimis ordinatos sub principibus in sua vocatione confirmare debet, quod essentialia vocationis Canonice retinentur, videlicet preces, electio personæ idoneæ, examen doctrinæ & morum, & aptitudinis ad docendum saltem mediocris, & solennis præsentatio ad Ecclesiam, cum hac conditione, ut liceat ei probare spiritus, an ex Deo sint, & consentientia scripturæ & Symbolis tradant. Quapropter qui ita ordinantur, bonam habent conscientiam, licet non plane eodem modo ordinati sint, qui rebus melius constitutis requireretur. Si tamen in suo ministerio ita se gerant, ut populus, licet initio propter imperitiam vel præjudicia reluctetur, tandem comperiat & intelligat, eos esse fidos Pastores, & pro talibus eos agnoscat. *Hac Daniel Tossanus.*

Atque ut hæcenus patet ex iis, quæ edisserui, qua ratione sic tolerari V. queat jus Patronatus, ut pariter Ecclesiæ ministris secundum forum conscientia sua constet integritas; ita hæcenus nobis favet Synodus Dordracena. Quæ cum recte censuerit, Patronis Ecclesiæ (quicquid hic multi cornicentur) re vera nihil aliud competere quam *jus Præsentationis*, pariter (videatur Canon. Ecclesiast. v.) quæcunque præcipit, circa ordinarium modum vocandorum Ministrorum Ecclesiæ, aliter non vult attendi, aut ad praxin deduci, quam *salvo cuique legitimo jure Præsentationis, five Patronatus, aut alio quocunque jure vel privilegio, quatenus illud ad adificationem usurpari potest, sine fraude aut dispendio Ecclesiæ Dei,* atque



atque ordinis Ecclesiastici. Pro interprete horum verborum, (dicto Canone occurrentium) sustinuit se gerere D. Voetius, ratione occasionis (quæ suavit quasi Synodo hanc moderationem) itemque respectu verborum modo adductorum, ita loquens in iterata (anni 1639.) Edit. Tract. de Iure Patronatus pag. 61. & seqq. De Synodo Dordracena sic se res habet. Approbat illa absolute constitutiones Ecclesiasticas conscriptas in Synodo Hagæ-Comitana anno 1586. & decernebat ab Illustr. ac Præpot. DD. Ordinibus confirmationem Politicam earum petendam. Sed interpellabant DD. Delegati Illustr. Ordd. monentes res suas & tempora tunc minime ferre, ut plane Jus illud tolleretur: præsertim cum alicubi in Provinciis aliquot illius usus adhuc vigeret; immo Nobiles certæ Provinciæ nulla ratione talem communem Ordinem Ecclesiasticum probaturi essent: quippe qui in convocationem Synodi Nationalis non consenserant, nisi sub hac cautione: Ne quid in præjudicium hujus juris istic ageretur: cogitaret ergo Synodus potius de ejus reformatione & limitatione. Quid faceret Synodus? Volens nolens post omnes admonitiones, & obtestationes, tandem toleravit clausulam illam capiti de electionibus adscribi: *salvo cuique jure patronatus, &c.* Quia aliter non poterat, & quia certa spe jam devorabat tam necessariam confirmationem Ill. DD. Ord. totius Belgij. Quia etiam credebatur, nonnullas tantum Provincias hoc incommodo alicubi laboraturas; putabat itaque præstare ut omnes Provinciæ ordinem aliquem Electionum publica auctoritate stabilitum haberent, quam ut propter paucas Ecclesias Patronatas, reliquæ non patronatæ solenniter autorizato ordine & communi toti Belgio una cum patronatis perpetuo carerent. Nec clausulam illam ita nude (Noret Lector hujus Historici fidem,) passa est intrudi, sed cum istis limitationibus, de quarum receptione minime dubitabat. Dictas limitationes lectori hic exhibeo:

I. Ut nemini permittatur Jus Patronatus, nisi ubi liquido probaverit Ill. DD. Ordd. se debito ejus usu & possessione gaudere: ne Ecclesia servitutibus, non necessariis, oneretur.

II. Ne patronis aliud jus tribuatur, quam præsentandi personam habilem: quandoquidem in ipso Papatu aliud jus non habuerint.

III. Ut patroni ministris prospiciant de debito stipendio; quanto scil. alii ministri fruuntur: nec cum aliquo transigant, & pactum quasi locationis ineant, atque ita præsentent eos, qui minima mercede aut salario ministerium obire velint.

IV. Ut



IV. Ut presentatio fiat ad summum intra duos aut tres menses post Ecclesie vacationem: secus si fecerint, ut illa vice presentationis jure excidant & priventur.

V. Ut patroni teneantur presentare talem, qui sit extra omnem suspicionem heterodoxie, adhuc vita inculpatus, ac talibus donis instructus, ut Ecclesia queat esse acceptus, eique satisfacere.

VI. Ut Ecclesia retineant jus presentatum repudiandi, siquidem dona aut ingenium ac mores ejus ipsi minime placeant: ne invitis ministri obtrudantur.

VII. Ut presentatus ab Ecclesia receptus, ejusque receptionis documenta exhibito, juxta communem ordinem Ecclesiasticum à Classe examinetur, Ecclesia proponatur, & in ministerio confirmetur.

VIII. Ut controversia, si qua inter patronos & Ecclesias super presentatione exoriantur, decendantur & terminentur, à Classe aut Synodo particulari.

IX. Ne patrono ascribatur potestas ministrum à se presentatum & legitime in ministerio institutum sua solius auctoritate absque judicio Classis aut Synodi exauctorandi. Hæc eo loco D. Voetius. Quibus verbis, ut vir scilicet prudens, saltem concedere videtur, sub LL. & conditionibus (quas somniat universæ Synodo, atque singulis illius membris observatas fuisse) quadantenus in Belgio tolerabile esse exercitiū Juris Patronatus; ita huic (parum alias sui memor solet esse) longe infestior se exhibet in Disput. Anno 1655. mense Majo habita, quando Th. 14. ejusdem, hunc in modum, non modo contra Synodum, verum seipsum quoque furit: Vocatio & electio ministrorum Ecclesiastica est, eiq; repugnat vulgo jactatum jus Patronatus. Quod perperam ex additamento anno 1619. in Synodo Dordracena Canonibus regiminis Ecclesiastici defensum eunt. Cum ex historia constet illud additamentum à Synodalibus non propositum, nec inventum, nec probatum, nec adjectum; sed à Provinciæ unius atque alterius delegatis Politicis. Synodales plerique à se quamvis invitis & frustra obnitentibus ἤθημα hoc debere tolerari judicarunt; siquidem communi omnium provinciarum auctoritate ordinem suum Ecclesiasticum comprobatum ac munitum vellent. Sed hæc tolerantia ac συγκατάθεσις eos longe fefellit, &c. Atque deinceps: Nec valet hic regula, Per quam potestatem & formalitatem quid constitutum est, per eam tantum abrogari aut mutari debet. Quia hæc à Synodis citatis nec inventa, nec consultata, nec suggesta sunt, nequidem sponte admissa; nedum ut ex mandatis aut postulatis classium & Synodorum Provincialium

E c

talia



taliam tractare & determinare debuerint: sed solummodo tolerata, cum tollere non possent à vi majori imposita, ad maiora mala vitanda. Si quæ ergo Ecclesia particularis hæcenus immunis fuit ab his, aliisque, per potentes, aut per violentam consuetudinem, impositis; aut si quæ subjugis liberationem & libertatem suam molitur sive reali executione sive verbali instructione: illi hoc fraudi esse non debet, nec ea à vicinis Ecclesiis ad defectum hunc retrahi, & vel ad momentum, in eo retineri debet. Idem dicimus de correspondentia in vocatione ministrorum, cuius ibidem meminit ordo Ecclesiasticus anno 1619. artic. 4. quæ in præjudicium liberæ electionis instar nasi cerei passim ad quidvis flebitur. Et hanc distinctionem inter Canones seu eorum partes, decreta, nos consilia, & conatus Synodorum provincialium, classium, synedrionum abunde docuerunt. Quid contra jus Patronatus tentatum sit statim post Synodum Nationalem anno 1619. in Synodo Holland. Leidenf, discere ex actis, & egregia remonstrantia, Ill. & Præpot. Hollandiæ Ordinibus tunc exhibitâ. Ut sequentes Hollandicas, aliarumque Provinciarum, Synodos, Classes, Ecclesias nunc præteream, quæ quamcunque occasionem aut captare aut observare non destiterunt. *Hæcenus iterum D. Voetius.* Quibus velitationibus *D. Voetii*, Academicæ duntaxat juventuti, eique credulæ rerumque meliorum imperitiæ, propinatis, sequentes solummodo stricturas, vice prolixiorum responsionum, oppono. *Primo*, quis, cui modo mens sana in corpore sano superest, crediderit, Synodum Nationalem Canonibus Ecclesiasticis, sive decretive, sive exceptive, sive limitative aliquid voluisse inferi, quod, à se præter animi quasi sententiam statutum, spectaverit Provincialium, earumque particularium, Synodorum abrogationem? *Secundo*, dato, ratione certæ alicujus Provinciæ, per vehementiorem quoque instantiam, Synodum eo usque quasi inquietatam fuisse (quod hæcenus *D. Voetius* non probat, quem scio nunquam ausurum Provinciæ illius indicium facere) ut debuerit per limitationem tolerantiam (hoc, ut dicitur, ita ad summum concedi potest) admittere Jus Patronatus; existimandum nihilominus est, eandem in hanc quasi tolerantiam consensisse, quod existimaret, jus ipsum Patronatus directe non adversari Scripturæ Sacræ: cui si illud ipsum hac ratione non adversetur, iudicio ipsius Synodi (quis enim ausit suspicari, tam venerabilem confesum, aliquid Scripturæ eo modo adversarium, voluisse vel tolerare) hæcenus, illa ratione, quam nos definivimus ex ipso *D. Voetio*, ob statum militantis Ecclesiæ



Ecclesiæ, tolerabile censi potest. Quæ adversus hæc & præcedentia cornicatur Reynessius pag. 122. & seqq. hilum Voetium juvare non possunt. Quid si enim concedamus non ipsum jus Patronatus, sed abusus, per certas cautelas præcavere voluisse Synodum, hætenus evictum fuerit, eam consensisse in ejusdem tolerantiam, (vellem nomen ipsius alias ignorari) modo præcaveantur abusus. Vovisse eam ejusdem abrogationem, omnino credo: sed quoniam præfracte non institit (quod alias facere potuisset) pro ejusdem abrogatione; cum ratione concludere licet, venerabilem consensum censuisse ex re magis esse, jus hoc in Fœderato Belgio tolerari, quam ἀξιωνται κινεῖσθαι. Nec hætenus aut Voetius, aut Reynessius probavit, licet voveret, Synodum laborasse jus hoc plane tollere. Imo, ne quidem extrema tentavit, quod cum periculo conjunctum foret. *Tertio*, Chimæricæ distinctiones *D. Voetii*, circa decreta venerabilis Synodi Dordracenæ, ab eodem fictæ & excogitatæ, si ex ipsis Actis ejusdem Synodi, aut consensu Mss. plurium, (eorum scilicet qui interfuerunt Synodo) probatæ fuerint, pondus aliquod apud nos, omnesque, qui modo sapiunt, habere poterunt: quum hætenus, velut particulares conjecturæ singularis Doctoris, duntaxat serviant infirmandæ authoritati consensu, ulque adeo venerabilis. *Quarto*, nullus Theologus in Fœderato Belgio unquam urserit, ex Canonibus Ecclesiasticis, Juris Patronatus introductionem, ubi illud non obtinuerit: at jure merito ejusdem continuationem, ubi legitime modo receptum fuerit, ex iisdem defenderit, simulque, propter illius abrogationem, turbas dandas non esse convenienter intulerit. *Quinto*, audio quidem dici à viro Reverendo: Per Synodum Dordracenam solummodo Jus Patronatus tolerari; sed voluissim definite exposuisset, quid existimet statuendum esse de ejusmodi tolerantia. Quædam ab Ecclesia tolerantur ut imperfecta, alia ut mala: atque si his extirpandis quantum in se operam non det, applicari ei potest, quod Apoc. 2. 20. dicitur Angelo Ecclesiæ Thyatyrensis: *Habeo adversus te pauca: quod permittis mulierem Iezabel, quæ se dicit Prophetissam, docere, &c.* Verum longe alia ratio est illorum, quæ propter temporis & loci circumstantiam, duntaxat tolerantur ut imperfecta. Circumcisio in quibusdam, Christo etiam in cælum subvecto, ab Ecclesia, imo ab ipsis Apostolis, Ecclesiæ columnis, tolerata fuit, velut quoddam ἡττημα illius temporis: quæ ut ratione certarum circumstantiarum tum temporis non erat mala, sed arguebat potius quandam Ecclesiæ nondum adultæ imperfectionem; ita hoc tempore nullo modo



potest administrari. Similiter, jus Patronatus, ubi est receptum, nā vum quendam Ecclesiā arguit, oletque imperfectionem verius, imputandam loco & tēpori, quam vitium, quod exprobrari quasi possit Pastori, tanquam minus legitime vocato. Sed dicit noster Reyneffius pag. 124. & seq. *Jus hoc tolerari ut malum à parte patronorum, ut imperfectum à parte Ecclesiarum.* At quæro, an in aliquo suo membro Ecclesia tolerare aliquid possit, quod formaliter malum sit, citra censuram Ecclesiasticam? Si sit formaliter malum à parte patronorum, ne peccatur gravissime, si privatim saltem à verbi Ministris non moneantur illi, qui jus patronatus usurpant, & exercent. Verum, ringatur licet Reyneffius, si debito modo patronus aliquis exerceat jus Patronatus, censurę immunem esse debere contendo; siquidem illud jus exercet, quod autoritate Nationalis Synodi toleratur: quod dum legitime amplius exercet, ostendit, se Deū, qui est Deus ordinis, magis revereri, atq; multi è lociis Diotrepheis, qui prętexendo auctoritatem Presbyterii, in quo dominantur, eos duntaxat ad ministerium promoveri laborant, per quos auctoritatis suę incrementum exspectant. *Sexto*, frustra valde est vir Celebris & Reverendus, quando persuasum cupit, jus Patronatus per Synodum Nationalem toleratum, per Synodum Provinciale, ratione certę Provincię Belgicę abrogari posse. Quasi vero, si Synodo Provinciali, in Nationale, quod ad ritualia & agenda Ecclesiastica, jus concedatur, pariter quoq; eadē Provincialis Synodus jus sibi arrogare non possit quod ad Dogmatica. Salte, licebit impune Synodo Provinciali, pro suo arbitratu (si *D. Voetio* credimus) novum regimen Ecclesiasticum condere. Nam, si Synodus Provincialis impune unū, ex Canonibus Ecclesiasticis Nationalis Synodi, aut rejicere, aut pro sua singularitate interpretari queat; cur non pariter quoq; reliquis Canonibus suam singularē, seu specialem glossam aptare possit? Quid vero ad hæc noster Reyneffius? p. 125. ita è Tripode suo profatur: *Synodo nunquā in mentē venit, ligare nos, ut id amplius toleremus, quando eo liberari possumus.* Quod lubens admitto, modo liberari Ecclesia hoc *ἡσυχία* possit rite atq; ordine, & citra motus. Sed nunquam Synodus cōsensit, ut *ἐκκλησία* aut conciones, aut disputationes habeantur, adversus illa, quę penitus tolli posse, hætenus desperant prudentissimi quique ex ordine qua Ecclesiastico, qua Politico. *Septimo*, quę admiscet vir Rev. de *Correspondentia*, viderint Magistratus Politici quo spectent. Quid ad virum Rev. vero, si extra suam Ecclesiam quid fiat, quod eum non concernat? Aut, quid ad Synodum Dordracenam ejusque Patres, si



si quidam ἀλλοτρεωτικῶς plus æquo tribuant in regimine Ecclesiastico Politico Magistratui, quam revera eidem debeat? Synodus urget duntaxat circa Pastorum vocationem, cum Magistratu *bonam* (hoc est, legitimam, atque Dei verbo consentaneam) *correspondentiam*. Nam sic can. 4. (integre verba debuisset adducere *D. Voetius*) Synodus ipsa Nationalis loquitur: *Legitima vocatio illorum, qui Ministerio hactenus nondum functi erunt, iam in Civitatibus, quam in Pagis consistit primo in Electione, quæ premisso jejunio & oratione fieri debet, per Senatum Ecclesiasticum & Diaconos, non sine bona correspondētia cum Christiano Magistratu ejus loci, Classe etiam conscia, vel suadente, ubi id hactenus in usu fuit.* Denique, sive *Octavo*, quid refert, particularis sive classis, sive Synodi Remonstrantiam, adversus jus Patronatus, jam anno 1619. & forte quoque alias, exhibitam fuisse Synodo Zuyt-Hollandicæ, quæ Leidæ aut etiam alibi agitabatur? Notum nobis abunde est, quæ ratione sæpe Classicalia gravamina & Remonstrantiæ coëant. Eo ipso vero, quod hæc Remonstrantia & similes aliæ sint rejectæ, atq; quod Synodi Provinciales hactenus nihil statuere voluerint contra decretum Synodi Nationalis, facile colligere licet, nunquam mentem fuisse provincialium Synodorum in Belgio, quoad jus Patronatus aliquid decernere, quod ulla ratione vergere possit in præjudicium Synodi Nationalis. Quod hactenus non minus nobis, quam modesto Synodi Dordracenæ patrociniis sufficit contra *D. Voetium*, qui, ubi ad se redierit, viderit quæ Thesis ille verit.

Sed, non satisfecerimus Lectori, ad cujus judicium liberum in tota VI. hac Dissertatione provocamus, nisi etiam diluerimus *D. Voetii* argumenta, quibus praxin Ecclesiæ à Synodo Dordracena confirmatam, circa Jus Patronatus (quod hactenus ut nævum quem habemus) laborat proflituere. Illa vero usque adeo multa sunt, ut quis ad solum eorum numerum exhorrescere posset: urget siquidem in Tract. de Jure Patronatus quindecim rationes velut palmarias, quibus succenturiat, tanquam velites, septem alia argumenta, quæ condecorat titulo argumentorum quod ad hominem. Interim terribiles has numero copias non exhorresco, cogitando illud Augustini, qui aliquando Petiliano Donatistæ (*lib. scil. 2. advers. Petilian. cap. 38.*) dicebat: *Non invenirem quomodo te resellerem, nisi ut, aut jocantem viderem, aut insanientem dolerem, sed, quia te jocari non credo, vides quid restat.* Ceterum ne videamur tergiversari, hoc agamus. Primum ergo *D. Voetii* argumentum, occurrens pag. 29. & seq. hoc est: *Quia in Scriptura non comparat, (Jus scil. Patronatus)*



nec ulla ratione probari potest esse illud juris Divini, ut Electiones Ecclesiastica in unum aliquod Ecclesiam membrum transferantur, quotiescunque dotatione, aut fundatione lapidei & externi templi, visum fuerit alicui jus illud acquirere: nedum ut juris divini sit successio & devolutio earum electionum ad haeredes & mercatores fundi seu pradii, cui adnexum est jus Patronatus; adeo ut perpetuo ab Ecclesia abalienatae maneat. Atqui in rebus sacris & quidem tanti momenti, à quibus salus & exitum Ecclesia Magistri Iesu Christi, sine juris Divini tabulis nihil tentandum. Resp. I. Argumentum est negativum, cui quantum tribuendum sit, Theologiae tyronibus notum est. Sed dicit Reynessius pag. 125. interim ex admonitione Apostoli ad Heb. 5. 4. nemo Ecclesiasticam potestatem, sibi jure divino non datam rapere potest. Sed hoc est *κατάπραπτον*, an rapinam Ecclesiasticæ Potestatis illi exercent, qui interveniente Patroni præsentatione, eandem consequuntur? Eoque inania hæc verba nequicquam exarant solidam nostram responsionem. II. Admissa majori propositione, non video, quomodo Diaconi concurrere possint, cum Pastoribus & Presbyteris, in vocatione ministrorum Ecclesiæ. Cum enim Scriptura N. T. hoc jus nequaquam iis tribuat, nec eos velit esse *διδασκους* instar Pastorum, sed duntaxat *retinere mysterium fidei*, 1. Tim. 3. 2. & 9. secundum principium hujus argumenti deberent excludi: quum tamen Synodus Dordracena d. can. 4. expresse, pro instituenda electione, eos lociet *Senatui Ecclesiastico*. De Diaconis licet infra sit agendum, lubet tamen expendere, quæ pro convellenda hac responsione, acumen nostri Reynessii exco- gitavit. Pag. 125. hæc primo lego: *Funguntur Diaconi etiam publico in Ecclesia officio, & peragunt aliquam partem officii, qua alioqui Ministris pera- genda incumberet*. Sed interim collectio & distributio Eleëmofynarum si in solidum quoque solis Ministris relinquatur, non tamen arguet partem officii Ecclesiastici: quod utrumque quoque fieri queat ab infidelibus. Ministri Pagani apud nos alicubi quoque sunt *Æditumi*, atque & campanam movent, & ostium templi recludunt: ergo concludas utrumque hoc munus, quia Minister iis defungitur, esse Ecclesiasticum. Progreditur secundo subtilis noster Disputator: *Admittuntur (Diaconi scil. ad Electionem Ministrorum) ut major appareat Ecclesia in vocandis Ministris libertas, ut alibi ab omnibus membris vocationem peragi notum est*. Ergo secundum hunc hominem Diaconi duntaxat ad pompam adhibentur, & nihil, eo ipso fatente, juris amplius habent in *Senatu Ecclesiastico*, quam quilibet e plebe, modo agnoscat membrum Ecclesiæ.



clesiæ. At hoc nobis sufficit, & nihil amplius desideramus. III. Minus convenienter & candide, ea, quæ ex permissione ipsius Synodi Nationalis, limitate duntaxat conveniunt Patronis, absolute iis competere finguntur. Neque enim electio vere dici potest iis competere, quibus duntaxat competit Nominatio & Præsentatio ministri Ecclesiæ. Undecim qui post Christi ascensionem in cælum supererant Apostoli, nominarunt & præsentarunt quasi ad Apostolatam Matthiam & Barnabam, elegit vero ipse Deus ex iis Matthiam, ut patet ex precum formula: *Tu Domine, qui corda omnium nosti, ostende utrum elegeris ex his duobus*: certissimo indicio, præsentationem, quam nos, cum Synodo, solummodo Patronis concedimus, plane ab electione distinctam esse. Nec hæc infirmari possunt per *Instantiam D. Voetii* pag. 33. sic loquentis: *Hoc moneo, Essentiale vocationis esse liberam electionem: accidentalem vero esse modum electionis sive per suffragia singulorum ad hoc evocatorum; sive per scrutinium; sive per expressum aut tacitum assensum; sive per compromissum.* &c. Dicendum itaque, jus electionis Ecclesiasticæ in Presbyterio conservari & per illud principaliter exerceri, non verò à populo tolli & in Presbyterium transferri. Quod enim quis per alium facit, per seipsum facere putandus est. Cum enim Ecclesia constet & antecessoribus & populo (tanquam partibus integrantibus) dicimus radicaliter potestatem eligendi residere in antecessoribus, adæquate autem in tota Ecclesia, qua constat ex antecessoribus & populo. Resp. Ego homo simplex, (si fallar opto erudiri) hæcenus persuasum habui, tum perfecte & plene aliquid fieri, quando illud fit adæquate, seu, debito modo, concurrentibus omnibus causis eodem pertinentibus. Sed quando Minister à Patrono præsentatus sive populo soli, sive presbyterio simul, (modo in loco occurrat) exhibetur, sive præsentatur, an non eo ipso populo & presbyterio, hoc est, adæquate toti Ecclesiæ defertur illius præsentatæ personæ Electio, quum sit in potestate hujus totius Ecclesiæ, ejusmodi personam sive admittere, sive rejicere? Æque, atque proclamatur Minister à presbyterio designatus, nullum alium in finem, quam ut saltem censeatur electus esse per tacitum consentientis populi suffragium: qui populus si forte attulerit sufficientes rationes, adversus designatum à Presbyterio ministrum, etenim designatio Presbyterii non poterit definere in electionem, nisi publica personæ designatæ propositio debeat haberi pro histrionia, & schemate ludicro. Attendantur modo illa, quæ supra ex Calvino adduxi, quæ uti ostendunt, tum demum *habendam esse ex verbo Dei legiti-*

MATTH



*nam ministri vocationem, ubi ex populi consensu & approbatione visus fuerit idoneus; (ex antiquitate Ecclesiastica, si luberet hoc agere, quæ dico, post tot alios sic illustrare possem, ut simul confidam me plures laureolas in hoc mustaceo esse offensurum) ita contendo, pro vindiciis Synodi Nationalis, hunc consensum, atque hanc approbationem, à parte populi, ibi quoque intervenire, ubi nomine Patroni, post diligens Classis examen (hoc amplius intervenit) aliquis Minister præsentatur. Reynessii ineptiæ prolixè dilatæ per pag. 126. & seq. & de v. v. v. complectuntur. Quinta earundem essentia est hæc, quod nemo possit dici eligere præsentatum ministrum, nisi plures ei præsentati fuerint. Sed, eo ipso quod quis jus habet, præsentatum Ministrum rejiciendi, revera eligit, quod in illo, qui proponitur, plures virtualiter proponantur, & rejecto forte tam diu alii substitui debeant, quam talis offeratur, quem approbando Ecclesia eligat. Quod patroni sæpe nimis quàm pervicaces sint, atque pro primo, indignissimo sæpe sed per se præsentato, cælum & terram moveant, quod ab Ecclesia recipi possit, nos cum Reynessio serio deploramus, atque referimus ad abusus Juris Patronatus, quibus absit, ut ulla ratione patrocinari velim. Pro altera Instantia, adversus illa, quæ, citra omnes ambages & digressiones, modo adduxi, forte haberi queant D. Voetii verba sequentia, occurrentia pag. 56. Patrono saltem (inquit) non competit electio (cuiusque demum competat) nec jure divino, nec antiquo Ecclesiastico, nec canonico seu Papali, nec nostro reformato. Relinquitur ergo competere illud aut Magistratibus, aut Ecclesiis, & presbyteriis parochialibus. Sed illis, nec jure divino, nec antiquo Ecclesiastico, nec canonico seu papali competit, &c. Ergo competit cuique Ecclesia & Presbyterio, &c. Nisi ea nobis hætenus, ut ostensum fuit, faverent. Quum enim plurimum interfit inter Præsentationem, quam solummodo Patrono concedimus, & Electionem (nomen vocationis, quod, forte cum multis, antea Patrono detulimus, generalius est) formaliter ita dictam, atque hæc, ut est probatum, admisso Jure Patronatus per Synodum limitato, Ecclesiæ competit, nulla est causa, cur leviter quoque commoveamur. Excussio breviter hac ratione primo D. Voetii argumento, subsequenti, ut ut prolixè ab Authore deducta, paucis verbis exarmari poterunt. Ergo secundum argumentum, per plures paginas distractum, atque in forma demum propositum pag. 35. hoc est, suspiciendum hætenus, quia Author palmarium esse pronunciat: Est vero hoc desumptum à jure Electionis, quod Ecclesiis jure divino & antiquo Ecclesiastico competere probavimus. ex scriptura & anti-*



& antiquitatis consensu, &c. Resp. At, uti jam antea patuit, per jus Patronatus hæcenus nihil derogatur juri Ecclesiæ, quæ Ministrum præsentatum à Patrono, si velit, rejicere potest. Si vir Rev. quid se dignum præstare velit, ostendat è Scriptura esse de essentia Electionis, veluti liberæ, ut Presbyterium per se atque quasi principaliter, antequam populi consensus fuerit imploratus, possit dici Ministrum adæquate elegisse: quod ut solide atque plene probare possit, eundem moneo, simul ex verbo Dei ostendat, in has Electionis partes ipsos Diaconos secundum Scripturam esse admittendos. Contra hæc noster bucco pag. 127. hæc solummodo effutire potuit: *Dici potest, eligi à presbyterio ministrum tacite consentiente populo, tum proponi populo ut consensus sit publicus.* Sed pueris quoque notum est inter nos eodem fine ter proponi nomina Ministrorum, quo Presbyterorum & Diaconorum solent: quibus propositis moneri solet Ecclesia, ut si quæ adversus aliquem habeat gravamina, convenienti loco & tempore proponat. Quæ ut currente termino populus proponere potest, ita antea nec censetur tacite probare electionem Presbyterii, nisi terminus prius effluerit. *Tertium* Voetii argumentum his verbis proponit idem vir Rev. p. 37. *Quia hujus juris fundamentum est malum, ergo & ipsum est malum. Est autem fundamentum ejus, contractus innominatus, Do ut des; patrono enim donanti olim & hoc urgenti aut vi majori quasi extorquenti vicissim quid dedit five indulgit Episcopus cum, &c. Atqui talis contractus in sacris est illicitus, quippe implicans simoniam, sacrilegium, & eleemosynæ profanationem, &c.* Resp. I. Nicolaus le Maître complens Thesin 3. viri Rev. (in hanc & ipse digitum intendit) fuit Doctor Sorbonicus, qui veluti Papæ addictissimus cliens, infestissimus fuit juri Patronatus (Papis, ut antea evicimus, adversanti) ab iisque per jus Canonicum admissio, quod refragari non possent vi majori politicorum potentium: eoque, licet à viro Rev. sit adductus, parum tamen aut nihil fidei meretur. II. Moraliter, atque secundum ea, quæ docet Scriptura, non potest subsistere hoc viri Rev. axioma, *quorum fundamentum (hoc est, principium, alia quippe significatio ne quidem hic fingi potest) est malum, ea in se sunt mala.* Una contentus ero *evangelio*: Benedictio Isaaci terminata in Jacobum, fundamenti, seu principii rationem habet Rebeckæ mendacium: Ergo & illa benedictio, à Deo ab æterno decreta, fuit mala. Quis dixerit? Cornicationes Reynesii, occurrentes pag. 128. sunt plane ineptæ. Do lubens, in toto hoc actu benedictionis Isaaci supra Jacobum, ante omnia adorandam esse



esse Dei providentiam ; sed ut hic agitur de executione hujus , & benedictio ut peracta respici debeat , aliud illius , hoc modo considerata , non est principium , quam mendacium Jacobi , ipso Isaaco , postquam fraudem cognovisset , ad Elavum dicendo : *Veni frater tuus per fraudem , & abstulit benedictionem tuam* , Gen. 27. 37. Quæ porro declamat homo furiosus in fundamentum Juris Patronatus æternum quasi malum , arguunt eum ratione destitui , & Voetium præceptorem habuisse , qui scit solummodo conscientias *ταπεινωσεν*. III. Falsissimum est , Patronos , per modum innominati contractus , jus Præsentationis , onerosum magis quam lucrosum , obtinuisse. Si liberet hoc jam agere , ostendere infinitis exemplis possem , jus hoc Patronis obvenisse eo , quod templo suis sumptibus statuto , laborarint in certis locis Ecclesiam colligere , quæ ut colligi posset , opus fuit Sacrorum ministro , quem cum ipsi Patroni nulla occurrente Ecclesia primitus constituerint , Ecclesia collecta quoque , in gratiarum actionem , tacite jus hoc illis detulit , quibus post Deum potissimum debebat , ut unquam quoque potuerit colligi. IV. Si valeant hæc viri Rev. verba , Simoniam olerè debebunt preces Christo oblatae pro Centurione à Senioribus Judæorum ; siquidem , ut Christum moverent ad commiserationem , apud Lucam cap. 7. vers. 5. hoc argumento utuntur : *Diligit enim gentem nostram , & Synagogam ædificavit nobis*. Ne locus hic mihi ulla ratione faveat , omnem lapidem Reynessius movet , quam sarcastice ( sed pueriliter ) mihi insultando , quasi invenisset , quod pueri in fabis solent. Fateor inter donum à Christo datum , & jus Patronatus , variam differentiam intercedere , sed quid hoc ad rem ? Quum Seniores Judæorum ad modum Argumenti , quo Christum movere possent , prætexuerint *Synagoga ædificationem* : quæ , ut quid Ecclesiastici , ex sensu D. Voetii , complectitur , ita considerata tanquam merx , ex ejusdem principiiis , ( neque enim aliter possum progredi , nisi cum ipso ineptire velim ) arguit Simoniam , quod veluti res sacra offeratur pro consequendo beneficio. Ut enim emptio & venditio se habent reciproce ; ita quotiescunq; in commercium veniunt res sacræ , Simonia committi censetur. Argumentum quartum D. Voetii his verbis pag. 39. est conceptum : *Quia pari , imo majori ratione oblata seu donationes ditiorum fundare possent jus eligendi ad Diaconiam*. Resp. I. Falsum præsupponit vir Rev. scil. nudam donationem , seu ædificationem templi fundare jus Patronatus. Si accurate vir Rev. legisset Zepperum lib. 2. c. 13. offendisset ( alias causas licet fingat Jus Canonicum ) potissimum ipsius Ecclesiæ ,



Ecclesiæ, ut gratæ in benefactorem, consensum Jus Patronatus fundasse. II. Novi equidem, secundum Canonistas, duplices statui modos acquirendi jus Patronatus, quosdam regulares, quosdam irregulares. Regulares habentur hi quatuor: Fundatio, dotatio, ditatio, & reedificatio. Irregulares duo: Prescriptio, & Privilegium. At non est curandum, quomodo ordinaverit seculis sequioribus jus Patronatus Papa, sed quomodo, refragante ipso Papa, initio illud in Ecclesia agnosci cæperit. Præterea, distinguendum est, inter accidentarios modos constituendi hoc jus, in jure Canonico expressos, & modum acquirendi proprium, seu essentialem, qui nobis non est alius, quam consensus Ecclesiæ, seu expressus, seu tacitus: quum putemus, legitime ibi jus Patronatus nunquam potuisse coalescere, ubi Ecclesia eidem refragata fuit. Quod innuitur quoque in ipso Jure Canonico *c. quoniam 2. extr. de Jure Patron. in verbis: Ecclesia huc usque sustinuit.* ubi & consuli ex ipsis Canonistis possunt Hostiensis atque Petrus de Ancharano. III. Ut nuda donatio non fundat, secundum nos, jus Patronatus; ita neque donationes ditiorum fundant jus eligendi ad Diaconiam. Quanquam interim, si concurrant reliquæ conditiones, ditiores illi capaces sunt Diaconiae, atque alicubi in ipsis Ecclesiis Reformatis, hereditaria per posteros offenditur administratio bonorum in usum pium à majoribus legatorum. IV. Præterea aliud est Jus Patronatus consistens in præsentatione Pastoris, aliud jus ad Pastorum, Presbyteriatum, seu Diaconiam. V. Ut valere posset argumentum à pari, pro jure Electionis ad Diaconiam, substitui deberet jus præsentandi idoneum ad Diaconiam. *Δέγοι* Reynelsii Sycophantæ pag. 129. 130. adversus has nostras responsiones, quum nihil completantur, quod examen mereatur, ne quid in summam contrahi debent. Quinto ead. pag. sic vir Rev. argumentatur: *Pari jure ditioribus vendi potuisset destitutio & remotio ministrorum; & patroni eodem fundamento illam usurpabunt aliquando.* Resp. I. Hoc posset metui, si Patronis competeret jus absolutum constituendi Ministrum; sed per Synodum iisdem permittitur sola præsentatio. II. Ministri constituti, licet primitus à Patrono fuerint præsentati, secundum praxin Ecclesiarum Belgicarum, non sub sunt judicio sui Patroni, sed clasis, & Synodi. Cumque *D. Voetius* fateatur Pastorum securitati ipsum jus Canonicum succurrisse, atque multo magis iisdem cautum sit per constitutiones Ecclesiasticas Synodi Dordracenæ, metum suum vanum atque inanem esse abunde ostendit. Ut hæc, quæ confido solidissima esse, aliquatenus luxare queat Reynelsius



pag. 130. sic profatur: *Non quid agant patroni, sed quid convenienter suis principis agere possint, disputamus.* At mi homo, quis jus Patronatus, quod toties professus sum esse ἡθικῶς, aliter defendit, quam ut legum cancellis est circumscriptum? Eoque tu, cum tuis adiutoribus omnibus, dum hoc modo progredieris, oppido falleris. Sed progrediamur ad Sextum D. Voetii argumentum: *Hac ratione electiones ministrorum ad catechumenos, pueros, faminas, Atheos, libertinos, apostatas, hereticos, idololatrias, breviter quoscunque religionis & Ecclesia juratos hostes transferuntur.* Resp. I. Miror R. V. eadem chorda oberrare, atque confundere electionem cum presentatione, quum hæc solummodo Patronis conveniat. II. Pueri, quos Canonistæ excludunt à presentatione, si fuerint infantie proximi, non possunt presentare ministrum nisi per tutores. Non placent hæc Reyneffio cum suis adiutoribus, eoque large cornicatur pag. 131. sed simul aëra ferit. Tutor quando pro pupillo exercet jus Patronatus, non facit hoc fide pupilli, sed sua, æque atque pro eo administrare potest Feudum, atque si legitime progrediat, non peccat. Audio quidem nostrum sic ineptire: *Cum Christus curarit, ne unquam Ecclesia tutoribus indigeat, quasi sapiens nullus sit in ea. An non turpe est ministrum ejus vocari per tutorem?* Concedo, si tutor fuerit fatuus. Sed, an omnes in promiscua plebe, quibus noster cum suo Voetio jus vocandi ministros vindicari vellet, sapientes haberi mereantur? Si, quæ acta Ultrajecti tantum fuerunt, expendantur, patebit eos, qui hic tacite commendantur, ut pueros parvulis suis pastoribus, ut tutoribus. III. Verum quidem est, arceri scēminam à docendo in Ecclesia 1. Tim. 2. 12. sed, quis inde concluderit, eam non posse præsentare Ministrum, sive aliquem commendare ad ministerium? maxime cum primitiva Ecclesia agnoverit & diaconissas, quæ creabantur, ut publico Ecclesia ministerio erga pauperes desungerentur, ut loquitur Calvinus lib. 4. Instit. cap. 13. sect. 19. atque ab Apostolo Rom. 16. 1. commendetur Phœbe ministra Ecclesia Cenchreenfis. Fateor lubens, dictis locis non dici, quod scēminæ hæc vocarint Pastores: sed quis commendare non potuisse, neget? Cum Paulus ipsum suum Timotheum commendet ab educatione aviæ & matris 2. Tim. 1. 5. Patronus, abusus si tollas, solummodo commendat. Atque suo more pag. 132. Reyneffius mentitur, quando dicit, me ei vocationem concessisse. IV. Mirum est, V. Rev. contendere, secundum jus quasi Canonicum, jus Patronatus exerceri posse ab Atheis, Libertinis, apostatis, hereticis, &c. Quum tum diserte



diserte ipsum jus Canonicum, tum illius Interpretes Canonistæ, ante omnes alios ab illius exercitio velint exclusos, quos religio notat; inter quos signanter cēsetur infidelis, sive qui fidem Christianam non habet *c. pia mēti 26. caus. 16. q. 7. in verbis: omni Christiano*. Fundamentum enim Juris Patronatus est, ut fundantes Ecclesiam, vel dotantes, sint fideles h. e. Christiani. Paul. de Citadinis *part. 3. artic. 1. n. 14. h. t.* Unde Juris Patronatus capaces non sunt I. Judæi, Saraceni, Mahumedani, & reliqui infideles *Argum. c. Frigenti 27. caus. 16. q. 7. & ibi Gloss. sub. lit. C. junct.* Johann. de Anania *ad c. nobis 25. n. 4. extr. h. t.* II. Propter infidelitatem vel Hæresin excommunicatus: quod per excommunicationem pereant omnes actus atque privilegia, pro hoc similive jure à lege introducta, *arg. c. 1. Nov. 109.* & quidem quoad actum ipsum præsentandi sive ut loquuntur, exercitium. Licet enim excommunicatus Ecclesiam ædificare, aut dotare possit, ante absolutionem tamen, Præsentationis jus ipso actu non habebit; Rochus de Curte *prædict. c. compitens. n. 20. h. t.* & Henr. Boich. *ad c. nobis 25. n. 3. eod.* III. Hæreticus, propterea quod bona ejus ipso jure sint confiscata, *per text. in c. cum secundum. 19. vers. bona hæreticorum, de hæret. in sexto.* Et ideo si ædificet Ecclesiam, dotetve, Fisco quærat; Petr. de Anchorano *ad dict. c. nobis 25. extr. h. t. n. 3.* Quæ quum hætenus ita sint recepta secundum ipsum Jus Canonicum, oppido miror, quod Reformati Magistratus, nulla tamen reip. circumstantia contrarium suadente, promiscue ad juris hujus exercitium, non minus Pontificios, multiplicium hæresium reos, quam alios quoq; Heterodoxos, ipsi Reformatæ religioni alias perquam graves, admittant. Nec moror Rev. D. Voetium, qui p. 64. existimat gravius delinquere Reformatum, si exerceat jus Patronatus, quam Pontificium: quum hoc perpetuo præsupponat (quod tamen jam confutavimus) jus Patronatus esse proprium *Evangelii* Papæ Romani, quatenus est Antichristus. Septimo sic argumentatur vir Reverendus: Quia jus illud comparatum est, ut patronorum necessarii, consanguinei, clientes, beneficiarii, supplices, obnoxii, aulici Gnathones, partem emolumentorum sive Patronis, sive aliis ad eorum nutum, cedentes, quamvis indignissimi Ecclesiis invitis obtrudantur, digniores arceantur. Resp. Quum hoc fiat per accidens, atque per abusum, nec secundum propriam rationem juris Patronatus, Nationalis vero Synodus adversus hæc & similia abunde providerit, putrido pyro hoc argumentum valere non potest. Reynessii verba p. 132. & seq. sunt verba & λόγος: probare debuisset, contra



hunc abusum à Synodo non fuisse provifum. Pergit vir Rev. oſtavo ſic loquens pag. 40. *Quamvis in ſe non eſſet malus hic Patronatus, tamen quia ſaltem in eo ſpecies mali eſt & colluſio cum Monarchia Papali & Oligarchia pseudo-clericali, quia etiam ſunt mera Excelsa Antichriſti & pons redu-cendo Papatui ac libertiniſmo ( quibus Patroni non pauci adhaerent ) maxime idoneus, utique arbor illa radicatus exſcindenda eſſet ab iis, qui pietatem amant.* Reſp. I. Quid ſibi velit Apoſtolus, quando 1. Theſſ. 5. vult nos abſtinere ab omni mali ſpecie ( quod hoc loco multi abuti conſueve-rint ) fuſe docuimus Tract. de *Præſtitate*. II. Papam invitum ordinariſſe jus Patronatus, ſæpius oſtendimus, & infra pluribus vindicabimus. III. Non putamus ( quamvis pro dolor ! de facto, ut loquuntur, contingat, & tolerari per neceſſitatem politicam ſæpe debeat ) Pontificios in Re-formatis Eccleſiis jus Patronatus legitime uſurpare poſſe. IV. Negamus per Preſentationem, quæ fit à Patrono, viam expeditam ſterni ad Pa-patum : eoque omnia hæc τοῖς λόγους καὶ λόγοις ſolummodo accenſeri merentur. Ejusdem furfuris ſunt, quæ pro aſſerendo hoc Voetii argu-mento garrit Reynſius p. 133. Nec quicquam ſuum Voetium juvat, quod dicat miſceri regimen Politicum, & Eccleſiaſticum. Pari jure cum ſuis adiutoribus, maxime D. Voetio, qui hoc diu agitavit, Magiſtratum plane arceat ab Eccleſiæ politia, & nihil ei juris concedat cir-ca vocationem miniſtrorum. Si Patroni, ut vult noſter, debeant ha-beri Epifcopi, nã majori jure tales habeantur, qui in Conſiſtoriis do-minantur. Nono ſic inſurgit pag. 41. vir Reverendus : *Quia illud jus ne-ceſſario annexum & implicitum eſt τοῖς βιωτικῶς, id eſt, negotiis hujus vite ſeu ſecularibus ; quorum tranſlatio & poſſeſſio millenis fori viſiſſigationibus obnoxia eſt.* Reſp. I. Ex accidenti Patroni inter ſe litigant, atque uti-nam in conſiſtoriis, quando agitur de vocando verbi miniſtro, nun-quam litigantur ! II. Poſſet objici : ſed donari & vendi ſæpe jus Patro-natus. At ſi hoc fiat ( interim fieri non optarem ) in præjudicium Ec-cleſiæ, atque ad turbandum ordinem per Canones Eccleſiaſticos defi-nitum, admitti non deberet. III. Certe, quamvis ſecundum jus Cano-nicum, per venditionem transferri poſſit jus Patronatus, hoc tamen aliter non conceditur, quam ſi vaneat univerſitas, ſive omnes res τῶν εὐσίων, tam corporales, quam incorporales, veluti urbs, pagus, caltrum, villa, prædium, per text. in c. ex literis 7. c. cum ſeculum. 13. c. præſentato. 23. Alias, ſecundum idem Jus Canonicum, Jus Patronatus per ſe & ſua natura, quod ſacro ſeu religioſo ſit annexum, ſingulariter vendi non



non potest c. de Iure 16. & c. quia Clerici 6. Extr. de Iure Patronat. Atque miror summopere, inter ipsos Reformatos inveniri posse, qui suadeant Ordd. Provinciarum, alicubi jus Patronatus obtinentibus, ut illius nupdinationem in ararii quasi subsidium instituunt, admisis inter emptores ipsis Pontificiis. Sed de venditione juris patronatus aliquando pluribus. Quæ habet Reynessius pag. 134. nos ferire nulla ratione possunt: quæcunque enim objicit, pertinent ad abusus, quos, tantum abest ut probemus, & nos serio detestamur. Porro decimo sic præliatur idem vir Reverendus: *Quia Deus ut ordini à se constituto benedicit, sic huic invento humano semper maledixit. Minus vigent & florent Ecclesia doctrina, moribus, pace, ordine, & disciplina, ubi obtinent hac & similia circa vocationes Ecclesiasticas ἡθρηματίζε, quod non obscure fatetur Tossanus in Pastore Evangelico cap. 3. Resp. I. Minus iterum Theologicum hoc effectum: Deus ordini à se constituto benedicit, scil. semper quod ad externa, nam eo vergit viri Reverendi discursus. Conjugium est ordo à Deo legitime constitutus: & tamen pii conjuges plurimis afflictionibus domesticis sæpe obnoxii sunt, ut evincunt vel sola exempla patriarcharum atque Davidis. Nec tamen afflictiones has semper maledictiones dixerim, ut sinistre noster Sycophanta pag. 134. interpretatur. Quomodo neque Voetius, qui Dei sacrarium non est ingressus, quascunque Patronorum afflictiones, maledictiones censere potest, quum inter illos plurimi sincere pii occurrant. II. Quid Rev. vir, contra variam experientiam, aliud facit, quam ut detrahat existimationi tot ministrorum in Fœderato Belgio? qui per Jus Patronatus admissi ad pascendam Dei Ecclesiam, ita sese multoties in vinea Domini probaverunt, ut iudicio non solum Classium, sed Provincialium quoque Synodorum, digni fuerint habiti, qui ad frequentiores, & quidem urbicas, Ecclesias pascendas promoverentur. III. Vir Rev. injurius est non minus in veritatem, quam etiam in τὸν ἐν ἀγίοις Tossanum, quando illi hoc affingit, quod ne quidem Argus offenderit in ejusdem scripto. Supra fide optima verba illius adduxi, atque cæteroquin coram quibuscunque arbitris provoco ad inspectionem ipsius libri. Undecimum argumentum subsequentibus verbis pag. 42. proponitur: *Quia hac ratione & Presbyteri & quicumque Ecclesia cives, si tenuioris fortuna sint, ab Electionibus & jure presentandi in perpetuum excluduntur: nunquam enim illud acquirunt, utut meritis in Ecclesiam & spiritualibus donis atque exercitiis reliquos omnes superent, quia desunt ipsis nummi.* Resp. I. Huic argumento, ne videatur ridiculum*



ridiculum omnino esse, hoc præstrui debet, in parte miseræ esse putandum, si quis non admittatur ad electionem Ministri Ecclesiæ: atque, pari jure contra Scripturam, imo contra judicium saniorum ex Ethnicis, concluderis pauperes propterea miseros esse habendos, ideo, quod ipsis præclusus sit aditus ad Remp. II. Imo pauperes quoque, modo membra sint Ecclesiæ (ut sæpius jam dictum fuit) Electoribus possunt accenseri, quod præsentatum à Patrono, ne procedat circa eum Electio, rejicere queant. Pueriles Reynessii ineptiæ, Sycophanticum solum Scriptoris ingenium produnt, nobis vero nequaquam adversantur. Nam, eo ipso quod pauperes, modo fuerint membra Ecclesiæ, ad hoc ut præsentatum miniltrum rejicere queant, admittimus, pariter iisdem plurimum quoque deferimus circa vocationem Ministri Ecclesiæ. Ut Reynessius pag. 135, se duntaxat Sycophantam esse prodit, quando quæ dicta sunt de pauperibus, ut arceri solitis à repub. fingit à nobis extendi usque ad seclusionem eorundem ab Ecclesia. O fidem Præcissiticam! III. At, quod tacite hic negatur, jus Patronatus potest quoque extingui. Canonistæ quinque habent modos; (videatur vel unus *Lancelottus in Instit. Juris Canonici*) ex quibus *Primus* est: Si Patronus vel ipse, vel per alium, Rectorem Ecclesiæ, aut alium Clericum, ausu nefando occidere aut mutilare præsumserit. *Secundus* est, si Patronus in Hæresin inciderit. *Tertius* est *Cessio*, quando scil. quis jus Patronatus, quod habet, Ecclesiæ cedit. *Quartus* est, quando Patronus patitur, ut sua Patronata Ecclesia, collegiata fiat. *Quintus*, seu ultimus secundum Lancelottum amittendi modus est: Si templum, Ecclesiæ usibus serviens, aut incendio fuerit consumptum, vel etiam terræ motu, aut temporis tractu corruerit. Quibus quinque modis à Lancelotto enumeratis, secundum Lambertinum, aliosque qui de Jure Patronatus egerunt, annumerari potest modus *sextus*, sive *Præscriptio*. Quando enim aliquis jure suo, quod in Ecclesiam habet, non utitur, cum tamen uti posset, per neglectum usus, amittit jus Patronatus, prout egregie docet Panormit. 2. *Volum. cons.* 106. ubi & notabilis casus proponitur. Hæc ut ignorare non debuisset Rev. D. Voetius; ita si eadem expendisset, erubuisse scribere, *in perpetuum*, per jus Patronatus, à præsentando Presbyteros excludi. Sequitur *duodecimum* argumentum, eadem pag. occurrens: *Quia plane monstruosum est, potestatem aliquam Ecclesiasticam electivam scil. hereditario jure succedere, multo magis monstruosum eam pretio vendi. Nam quod distinguitur non potestatem vendi, sed prædium, cui potestas annexa, id multo*

turpius



turpius est. Quis unquam vel fando audivit in N. T. aut in V. T. (ubi tamen hereditaria quasi successio sacerdotii) potestatem spiritualem & Ecclesiasticam prædium aut toparchia tanquam umbram corpori suo conjunctam esse, adeo ut subiectum seu vehiculum potestatis sit prædium? Resp. I. Ut prædiis adherere beneficia & privilegia politica, ita iisdem Ecclesiastica jura adherere monstrosum non est. Nec sic, aut caput Ecclesiæ redditur corporale & cauda spiritualis, aut cum gleba terra venduntur claves cæli, ut pueriliter ineptiens declamat Reyneffius pag. 136. Rationalis idemque spiritualis Ecclesiæ cultus non arguitur à modo, secundum quem vocantur ministri, sed à doctrina, quam hi proponunt. II. Quomodo per venditionem, secundum jus Canonicum, alienari queat jus Patronatus, supra ex ipsis Canonibus ostendimus. Interim optandum foret, illius venditio, (à Papa concessa, ut ejus subsidio Patronatus jus circumscribi, & ad Clericos pecunia instructissimos transferri posset) penitus interdicta foret. Eoque reliqua, quæ addit vir Rev. quam leviter nos afficiunt. III. Porro velim vir Rev. hoc observet, multos eximios Theologos colligere ex cap. 38. Jeremiæ, Levitarum prædia vendi quoque potuisse: quod ut merito videatur absolum, eo, quod Deus, tanquam suam possessionem seu hereditatem (Num. 18. 20.) ea Levitis assignasset; ita inde quis argumentari posset, ad venditionem Juris Patronatus, nisi eandem serio improbaremus. Fateor, non omnes Theologos idem existimare de venditione prædiorum ad Levitas pertinentium: sed nostram sententiam evertere debuisset Reyneffius, non vero pag. 136. solum Theologorum disensum opponere. Argumentum vero nostrum comparative procedit: Nam, si potuerint vendi prædia Levitarum ab ipso Deo iis assignata; nã & Jus Patronatus (agnoscimus libenter esse ἱερεῖα Ecclesiæ) vendi magis potest ex sensu Patronorum, quos optaremus tamen hic sapere. Baculus (cujus noster Flagrio meminit) capiti ipsius Syco-phantico comminuendo servire deberet. Succedit decimum tertium argumentum, in hisce verbis occurrens: *Quia David, Salomon, Ezra, Nehemias, centurio Luc. 7. 5. alique populi primores, quos in Scripturis fundasse aut dotasse legimus, nullum tale jus hereditarium sibi stipulati sunt, nec unquam vindicarunt tanquam dotatione illa quæsitum.* Resp. I. Dici posset in genere, non esse attendendum, quid sibi stipulati fuerint hi, qui hoc loco enumerantur, sed quid sibi stipulari potuerint. Paulus Apostolus, ob speciales rationes, à variis, quas

G g

plantaverat,



plantaverat, Ecclesiis, stipendium accipere renuit, quod alias licite quoque potuisset exigere. II. Jam ante ostendimus (quamvis Papa forte ratas habuerit ejusmodi stipulationes) per consensum Ecclesiæ jus hoc coaluisse. III. David, Salomon, Ezras, & Nehemias, circa moderamen negotiorum Ecclesiasticorum, plus juris sibi usurparunt, quam unquam patroni arrogare voluerunt. Speciatim de Salomone sic censent Professores Leidenenses Disp. 50. Th. 54. *Si Pastor sit seditiosus ac manifestus pacis publicæ violator, summus Magistratus eum, interveniente subordinatorum procerum consilio, potest eodem jure exauthorare, quo Rex Salomon Abiatharum deposuit.* Opponit quidem Reynessius pag. 137. quod deponere formaliter, nisi ut Prophetæ, Reges non potuerint. Sed hoc non somniarunt Leidenenses. Legitime Salomon Abiatharum deposuerit saltem ut suum subditum, suffecerit Leidenensibus & nobis, eum hæcenus non potuisse defungi officio Ecclesiastico; qui enim à Magistratu habetur inidoneus civis, is non potest agnosci idoneus minister sacrorum in templo. Sed tantum ne concedatur patronis, jam antea deprecantem audivimus D. Voetium. Argumentum quantum decimum sic habet: *Quia novum est hoc Jus Patronatus, sequioribus Ecclesia seculis decrecente fide ac pietate introductum, tandem ab Episcopis & Papis admissum, certis legibus roboratum, & Iuri Canonico insertum.* Resp. I. At, ex quo tempore Ecclesia Christianos magistratus accepit, simulque ratione purioris doctrinæ varia ratione defecit, in regimine Ecclesiastico quædam observata fuerunt, quorum nec vola, nec vestigium seculo Apostolico notabatur. II. Si, attendendo statum Ecclesiæ militantis, omne illud rejici mereatur, quod est novum, hoc est, quod tribus primis seculis non fuit cognitum, velim edoceatur, quo seculo Diaconis, quorum munus est gerere curam pauperum, potestas fuerit facta, una cum Ecclesiastico Senatu, eligendi Pastores. III. Papæ non nisi inviti consenserunt in Jus Patronatus, atque quæcunque de illo in Jure Canonico traduntur, alio non spectant, quam ut Patroni, prægraves Papanæ Hierarchiæ, quadantenus in ordinem redigi queant. Nec me movere possunt illa, quæ D. Voetius habet pag. 43. *Papatum non esse authorem hujus juris, quod semper fere illi obstiterit: id argumentum nostrum non tollit. Ut enim prædonis de injusta præda postmodum orta & reciprocata contentio cum illo, cui prius partem illius præde volens nolens concesserat, non negat originem istius concessionis: sic nec oppositio Clericorum Papalium adversus patronatum laicalem (seu potius hunc vel illum ejus usum) non negat primam ejus institutionem*



nem à Papatu. Resp. I. Sed ex Justiniani Novellis, maxime ex Novell. 57. cap. 2. jam antea patuit, cum nulla extarent adhuc statuta Papalia de jure patronatus, quosdam ideo, quod aut Ecclesiam ædificassent, aut Clericis alimenta decrevisent, jus habuisse presentandi Ministros. Ne quis ambigat, hæc sunt dicti capitis verba: *Illud quoque ad honorem & cultum sedis tuæ decernimus, si quis adificans Ecclesiam, aut etiam aliter expendens in ea ministrantibus alimenta, voluerit aliquos Clericos statuere: non esse ei fiduciam ullam, quos vult per potestatem deducere tuæ reverentiæ ad ordinandos eos; sed examinari à tua sanctitate: sententiaque tua, & qui pontificalem sedem rexerit, semper hos suscipere ordinationem, qui tua beatitudini, & qui postea oportuni videbuntur existere, & Dei ministerio digni: ut non profanentur sancta Dei, (hoc videlicet quod sacris sancitur eloquiis) sed intacta hac & ineffabilia tremendaque constituta, sanctè, & Deo amabiliter, & venerandè tractari.* Forte Juri Canonico hoc deferri posset, quod nomen juris Patronatus adinvenit; sed, quid hoc ad rem, quum res ipsa diu ante illud jus nota fuerit? III. Si D. Voetii similitudini aliquid deferendum fuerit, ipse probet, jam Justiniani quoque aliquem ex Papis nomen dedisse in societatem illorum, quos ipse per contemptum latrones vocat. Hoc est τὸ λαρόνμενον, atque expectamus, ut hac in parte nos erudiat. Contra hæc solidissime deducta, cum nihil adferre posset Reynessius, fingit pag. 138. se in contrarium multas historias posse coacervare, cæterum supercedere labore, ne suo Lectori, & sibi, ab immensa hac exercitatione nausea creetur. Credo historias has corradendas fuisse ex ineptorum Scriptorum foricis, ut Author propterea sibi metuat à nausea. Quod vero refert, quod antea scripserim, *inconsulto Papa* jus Patronatus constitutum fuisse: an propterea mihi contradico, ut insulsus noster Scriptor p. 137. contendit? Inconsulto Papa primitus est constitutum, ac postea invito eodem coaluit. Superest quintum decimum argumentum D. Voetii, subsequentibus verbis pag. 44. conceptum: *Quia siquidem antiquitus per errorem & male jus quaecumque stabilitum fuisset, tamen hodierni patroni maximam partem eo excidissent: non enim præstiterunt condiciones, nec onera subierunt à prædecessoribus suis in acquisitione Patronatus suscepta.* Resp. I. Sed, cum nobis lis sit de jure, quorsum in præjudicium illius, ea adducuntur, quæ meri facti sunt? Valde difficile foret D. Voetio, indefinite hic loquenti, per liquida documenta atque testimonia probare, ple-rosque patronos detrectare ea, quæ velut onera, jus Canonicum quoque ab iisdem exigit. II. Certe Jus Canonicum, Papæ locupletando



à prima pagina ad ultimam serviens, usque adeo circumscriptit quod ad τὰ βιώματα patronos, ut ne quidem illis permittat potestatem administrandi res in Ecclesiam collatas. Notabilis est textus in c. *noverint*. 6. *Caus.* 10. q. 1. ubi sequentia occurrunt: *Noverint conditores basilicarum, in rebus, quas iisdem Ecclesiis conferunt, nullam se potestatem habere: sed juxta Canonum instituta, sicut Ecclesiam, ita & dotem ejus ad ordinationem Episcopi pertinere.* Quibus consentanea habet Franc. Duarenus lib. 5. de sacr. Eccles. ministr. ac benef. cap. 4. ita loquens: *Nec vero rerum Ecclesia administrandarum ullam facultatem Patroni habent, sed si male versari ministros deprehenderit, non solum admonere eos & increpare, verum etiam deferre, tam apud magistratum ac Principem, quam apud Episcopum poterunt: siquidem cum & Ordinatio eorum ad Episcopum, & qui Episcopalia jura habet, pertinet.* Reynessius pag. 138. ad hæc profundit solum loquentiæ ληρύδες. Delinquentes patronos neutiquam excuso. Et optandum foret, publice plecterentur. Eximii quod per publicam conniventiam habeantur, per me non stat, nec quisquam, nisi forte noster Sycophanta, hoc ex meis scriptis collegerit. Gratulari nobis possemus, viso portu, nisi vir Rev. (illius argumenta ut plurimum *plus habent in extensione quam intensione*, ut Gerlon loqui solet) urgeret adhuc septem alia argumenta, quæ, ut *ad homines* vocat, ita librare eadem oportet, ne quis proclamet, nos haud ausos fuisse eadem attingere. Ergo I. pag. 44. & seq. sic iterum vir Rev. insurgit: *Quia repugnat illud jus libertati & potestati ministeriali singulis Ecclesiis in Belgio concessa.* Ex Reformatorum apud nos communi fide, professione, ac praxi, servitus omnis Episcopalis, cathedralis, &c. ablata, & cuilibet Ecclesia potestas regiminis ac Iurisdictionis (cujus administratio & executio penes Synedrium seu presbyterium) restituta est. Resp. I. Merus est νοκκὺς Quos: læpius jam fuit ostensum, quomodo jus Patronatus possit consistere cum libertate Ecclesiastica. Libertas gradus admittit, & si nimia fuerit, desinit in licentiam. II. Verba multa quidem profundit V. R. sed quæ nihil ad rem faciant, aut à quoquam curari debeant. III. Si Ecclesiæ quoad Electionem suorum ministrorum summa libertas competat, presbyteriorum autoritas abroganda erit: siquidem summa, quæ fingitur, libertas cum illa (nam multitudo, quæ Ecclesiam constituit, pendet ab arbitrio Presbyterii, Pastorem amplius quam presentantis) vix conciliari potest. Verba Reynessii, profusa pag. 139. neutiquam hæc ipsa evertere possunt. Fruantur Ecclesiæ Gallicæ, Anabaptistæ & Judaicæ, jure suos ministros eligendi, citra respectum



respectum politicorum ; jus Patronatus tamen manebit *ἡ τῆς* Ecclesie Belgicæ. Quod quoniam aboleri noluerunt supremi Patriæ moderatores, atque tolerandum esse statuit ipsa Synodus Dordracena; Voetius cum suo Reyneffio habendus est seditiosus, quod ad irritationem usque Magistratum ea abrogare nitatur, quæ Synodus Dordracena judicavit toleranda esse. II. Ita declamare pergit V. Reverendus: *Cassante causa cessat effectus, sublato fundamento tollitur relatio ; sed causa & fundamentum juris Patronatus apud Reformatos cessat, Hierarchia scil. seu potestas Papalis & Papæ Episcopalis, cum omnibus servitutibus & subjectionibus Ecclesiarum, cum dependentia unius ab alia, &c.* Resp. I. Quod est *κενόμενον*, quodq; nunquam à viro Rev. adhuc est probatum, velut certum & probatum supponitur, nempe Juris Patronatus parentem, educatorem, atque tutorem esse unum Papam Romanum. II. Miror, cur tam liberaliter V. R. ausit loqui, atque denegare omnem Ecclesiarum subjectionem, quum secundum ipsos Canones Ecclesiasticos Synodi Dordracenæ, datur subjectio ordinis. Ita quippe sancitur Can. 36. *Eadem auctoritas Classi esto in Senatum Ecclesiasticum, quæ Synodo particulari in Classem, & Generali in particularem.* Quæ dependentia, respiciens non minus Ecclesias ipsas, quam earum regimen, si audiamus D. Voetium, nimis liberaliter hic loquentem, non erit ulterius toleranda, quod oleat aliquid Papani, & analogice dici possit respondere ordini, qui inter minores clericos, Episcopos, & Episcoporum quasi Principem Papam intercedere solet. Nec responsiones nostræ ideo infirmantur, quod Reyneffius pag. 140. contendat, proscripto Papa, proscribendum quoq; esse Fœderato Belgio jus Patronatus. Ego pariter optarem proscriptum. Sed huic rationi nullum pondus inest: quia Patroni jus suum exercent absque ullo respectu sive ad Papam, sive ad quem alium Episcopum. III. Argumentum hoc est: *A majori ad minus. Patronatus Clericalis apud nos sublatus est, qui tamen majori juris specie pretenditur ; quidni ergo laicalis auferatur?* &c. Resp. I. Per Clericalem Patronatum introductus Minister, non posset rejici, ut minus idoneus ; qui, si idoneus non deprehendatur, licet à Patrono Politico præsentatus, commodè atque convenienter rejici potest, secundum ipsum ordinem Nationalis Synodi, ut patet ex antecedentibus. II. Pari ratione liceret inferre, ( quod alias hic noster D. Voetius vellet, ut evincit ejusdem Disputatio *de Temporalibus Ecclesiis*, habita Ultrajecti d. 10. Julii anno 1650. ) à vocatione Ministrorum plane submoventum esse Magistratum Reformatum, quod submota approbatione Papæ,



circa Episcopum interveniente, non requiratur amplius Magistratus approbatio, tanquam gravis Ecclesiæ. Dicit quidem Reynessius p. 141. *Magistratus eodem loco habendus non est, quo Patroni.* Sed hoc adversatur suo Voetio, qui dicta Disputatione hæcenus putat nævum esse Ecclesiæ, si Magistratus in illa qualecunq; jus usurpet, & exerceat. *Instantia* ab Abbate Trudonensi, pro probatione quasi antecedentis in hoc argumento, vitiosa non valet nuce. Nam, ut recte hæcenus per supremas Potestates Hollandiæ, Abbas ille ab usurpatione juris Patronatus, velut heterodoxus (hoc jam antea improbavimus) fuit submotus; ita certum est, propter jus Patronatus, florentibus rebus Palatinatus, Electorem Moguntinum in ipso Palatinatu repræsentasse quasi Reformatos Pastores, sed examinandos à Senatu Ecclesiastico. Nec refert, quod ut plurimum illi, qui à Patronis proponuntur, à Classe probentur, examinentur, confirmantur, ut innuit Reynessius pag. 140. Nam si sint idonei, cur rejicerentur? Si non sint idonei, aut quod ad doctrinam, aut quod ad mores, cur Classis se non opponit? At diu observatum est, multos ex ipsis Reverendis viris, Patronis nimium quam placere studuisse. IV. Sic argumentatur pag. 47. hic idem vir Reverendus: *Quia sequeretur hoc absurdum, Ecclesiis patronatus minus libertatis ac potestatis relictum esse, quam Anglicis, Gallicis, imo quàm cæteribus Anabaptisticis, aliisque sectariis, addo & ipsis Iudeis in Belgio. Illis enim permittitur suos sibi eligere Pastores, absque patronatu.* Resp. I. Sed ipse Author Altaris Damasceni, qui solitus est D. Voetium instruere, infectatur pag. 591. Jus Patronatus, usurpari licet solitum antehac in Anglia ab Episcopis Orthodoxis. II. Alias Gallicis Ecclesiis d. Disp. de Temporalib. Ecclesiæ, vir Rev. gratulatus est, quod possint totum regimen suum & disciplinam exercere, absque ullo alterius & aliena potestatis interventu. Quibus verbis tacite innuit, quod alias tota Disp. aperte satis docet, nævum esse Ecclesiarum, quod speciatim in electione Ministri conferre cum Magistratu debeant. Ita, viro novarum rerum, instar vulgi avido, perpetuo præsentia displicent. III. Semper eadem chorda hic homo oberrat, ac piget omnino iterum inculcare, hic fallum præsupponi. Ut toties diximus, & solide probavimus, præsentatio Patroni nulla ratione præjudicat liberæ Ecclesiæ electioni. Si viro Rev. quæ causæ fiducia, inherendo lineis, nec more solito divagando & aliud agendo, contrarium è Scriptura probet, promitto illi non defore responsum. V. Pag. 47. ita arguari more solito vir Rev. instituit: *Quia ut Patronatus omnibus Reformatis debebat esse*



esse suspectus, quippe ex lacunis Antichristi ad nos derivatus: sic hodiernus, qui prætenditur, imprimis debebat esse abominabilis, quia papalem dupliciter pejori papalitate auget. Ibi erat limitatus, hic absolutus; ibi dependens & quidem ab Ecclesiasticis, eorumque moderamini & arbitrio subjectus, hic quasi independens & supremus, imo plane independens, quotiescunq; cum jure Majestatis in eadem persona residet; ibi poterat Episcopus (qui Ecclesia & Presbyterii potestatem possidebat) præsentatum rejicere, adhuc multis in casibus absque omni præsentatione immo & contra præsentationem parochum instituere, hic vero Ecclesia & presbyterio nihil tale conceditur; ibi tantum erat præsentatio, commendatio, &c. Hic electio, constitutio; ibi erat præambulum vocationis, ut loquitur Pavormitanus, hic est ipsa vocatio; ibi amitti poterat per hæresin, templi conflagrationem, &c. Hic nihil tale obtinet, siue enim templum perierit, & ab ipsa Ecclesia novum ædificatum sit, siue patroni sint orthodoxi, siue idololatra, aut hæretici nobis & nos vicissim illis (quod imprimis verum est in Romano-Curialibus Papis, qui post detectum Antichristum etiamnum ejus pedes osculantur) prætendunt nihilominus suum patronatum; ibi tenebatur onera subire, nempe in ædificando templo, in procurandis stipendiis, hic solo honore, aliquando etiam emolumento contentus est; ibi debebat fundari jus illud in fundatione, constructione, & dotatione simul, hic plus satis est si unum ex tribus compareat; ibi non poterat transferri absque consensu Episcopi, hic nulli consuluntur in quos potestas Ecclesiastica (tunc in Episcopo residens) distributa est; Denique ibi nemo fruebatur hoc jure, nisi illud sibi concessum probaret vel authentico documento & aliis jure requisitis, vel ex multiplicatis præsentationibus per antiquissimum temporis cursum, qui hominum memoriam excedat, ut loquitur Concil. Tridentin. sess. 25. cap. 9. hic vero non pauci patroni ex sua solum affirmatione jus illud sibi vindicant. Resp. I. Si Rhetoricum hoc argumentum, indignum ingenio Disputatore, valere debeat, res optimæ instar bidentalibus erunt fugiendæ, quod circa illas multiplex abusus contingat, atque constitutiones omni laude dignæ fuerint intermittendæ, quod aut integræ illibateque non observentur, aut circa illas non habeatur ratio earum limitationum, secundum quas aut conceduntur, aut tolerantur. II. Iterum falsum præsupponitur: Jus Patronatus scilicet descendere à lacunis Antichristianis, quæ talibus. III. Falsissimum est, in Belgio tolerari exercitium juris Patronatus absque limitatione. IV. Pariter falsum est, citra respectum ad Presbyterium & Ecclesiam, in Belgio legitime posse exerceri jus Patronatus, quum sit in potestate Ecclesiæ, si legiti-

mas



mas modo caussas offenderit, eum, qui à Patrono presentatur, rejicere. V. Interim ut ambabus manibus amplectimur, quod D. Voetius ex Patnormitano concedit, presentationem non esse ipsam vocationem, sed solummodo *quid præambulum* illius; (mentitur Reyneffius more suo, quando p. 141. persuasum cupit, nos alibi presentationem, ut hic considerandam, confudisse cum *vocatione* formaliter tali) ita negamus, secundum Canones Ecclesiasticos, quos hactenus defendimus, Patronū præter presentationem amplius quid posse usurpare. Præterea nos non tangit, si quidam ut ἀποτελοῦν ἐπιχειροῦν præsumant usurpare Jus Patronatus, sibi non competens; quum secundum leges, & ea, quæ hactenus diximus, alii illud exercere non debeant, quam qui simul ostendere possint titulum, cujus ratione censeretur tales qui jure hoc legitime gaudeant. Sane pro dolor! per abusum & minus legitimum agendi modum, sæpe circa vocationes Ministrorum Ecclesiæ, ab ipsis Presbyteriis varia designantur, quæ neque verbo Dei, neque Canonibus Ecclesiasticis consentanea sunt: absit tamen, ut aliquis, qui pro viro candido haberi vult, inde contendat æstimandum esse illud ipsum jus, quod legitime Presbyteriis competit. VI. Argumentum ita habet: *Quia jus & auctoritatem ministros constituendi & consequenter presentandi eripiunt supremis potestatibus, ex. gr. Illustr. Ordd. Provinciar. Belgic. atqui illis solis potestatem illam & electionem tribuendam asserit Grotius in Piet. Ordd. Resp. I.* Quid Grotius, & alii cum illo, statuerint de jure Magistratus in negotiis Ecclesiasticis, neque nos tangit, neque Synodum Dordracenā, cui patrocinamur. Per Dei Gratiam, novimus sic Cæsari dare quæ Cæsaris sunt, ut pariter Deo relinquamus, quæ Dei sunt. II. Velim vero vir Rever. expendat, quum sit voluntas supremarum Potestatum, ut ab aliquibus secundum certas limitationes jus Patronatus exerceatur, an per conscientiam suam, quam adeo teneram prætexit, suis Superioribus hac in parte possit refragari: siquidem nunquam probare poterit, jus Patronatus, quatenus secundum Synodicos Canones censetur tolerabile, directe Dei verbo adversari. Nec juvo Voetium, quod non putem Jus Patronatus legitime exerceri ab heterodoxis. Nam si ab his exerceatur, convenienter non satisfat illis conditionibus, sub quibus est admissum. Quod tamen per publicam tolerantiam alibi heterodoxi illud exerceant doleo; nec tamen turbas eo nomine do, eo, quod mutari hoc tempore illud posse desperem. Cum bono Deo devenimus ad postremum, sive VII. argumentum, quod uti ejusdem est furfuris, ita pag. 49. his ver-  
bis



bis concipitur: Quia Patroni, & advocati eorum (si sint Papistici) hac ratione conscientiae suae à Papismo informata & Pontifici subjecta vim inferunt: sategunt enim praesentare & promovere quantum in se est, ad curam Ecclesiarum tales, quos censent esse haereticos, seductores, Apostatas. Resp. hoc argumentum neutiquam contra nos militat, quum jam antea professi fuerimus, in Ecclesiis Reformatis exercitium juris Patronatus non esse permit-tendum Heterodoxis, nullatenus vero Pontificiis. II. Ego, ne me si-milem viro Rever. exhibeam, potius cum Paulo dixerò: *Quid mea in-terest de extraneis judicare, de quibus Deus judicat?* 1. Cor. 5. 12. 13. Atque ita respondimus ad viri Celeberrimi argumenta, quæ nullum alium in finem libuit examinare, quam ut constare posset, esse *κατὰ βέλη*, & talia, quæ adversarium, qui Canonibus Ecclesiasticis (quorum vin-dictis parata tota hæc Exercitatio) existimarit standum esse, ferire non queant.

Dn. Antonius Matthæus Fil. dum viveret, Juris Professor Primarius VIII. in Academia Ultrajectina, objici proxime hic posset velut terribilis larva, prout innui quoque in priori Exercitationum editione pag. 269. nisi cuivis exploratum foret, quantum intersit inter declamationem Academicam, atque serium & accuratum Examen. Si quæstionis hujus Decisio accersi debeat usq; ab Orationibus D. Matthæi, etenim ratione & D. Matthæi & D. Voetii ante omnia attendi deberet illius Oratio sexta: in ea siquidem per ipsum D. Matthæum vapulat uterque & qui-dem quam sarcastice, tacite licet, quod Theses citationum cumulo sa-burrarint. Palmarium interim viri egregii argumentum est, ulterius non posse deduci juris hujus incunabula, quam à tempore Justiniani Imperatoris. Sed quis hoc negat? Eoque, ut *ἡ τῆς ἐκκλησίας* Ecclesiarum, in quibus obtinet, agnosci volumus. Sed quod Jus hoc à Papa (qui dun-taxat interpolavit, ne nimium suæ præsumptæ authoritati obesset) derivat, in eo æque frustra est atque D. Voetius. Abusus notat mul-tos, sed, quos nos quoque & agnoscimus, & detestamur. Ut vero abusus præjudicare non possunt legitimo usui; ita cuivis patet, quod ar-gumento tali parum ponderis insit.

Licet vero hæcenus abunde evicerimus, quicquid jactet D. Voetius, IX. quidquid & peroravit D. Antonius Matthæus, ita tolerabilem eo us-que esse constitutionem Synodi Dordracenæ circa jus Patronatus, ut fas non sit cuiquam, ratione habita Status reip. Fœderati Belgii, eidem constitutioni, ut limitata est, obniti, turbasque sive in Synodis pro-vincialibus,

H h

vincialibus,



vincialibus, sive coram supremis Belgii potestatibus pro ejusdem abrogatione dare; interim tamen (quod sæpe innuimus) lubentes fatemur hætenus, debere haberi velut *ἡθῆμα* aliquod seu nævum Ecclesiæ, qui ut tolli quam commode posset, optandum foret, modo permetteret ratio Reipublicæ, &, ex viris Politicis in ejusdem sublationem consentire vellent, qui videntur & plurimum in Fœderato Belgio posse, & quam acerrime pro ejusdem usurpatione digladiari. Nam quamvis, ut probatum fuit, non directo adversetur aut juri divino, aut libertati Ecclesiæ, vix tamē exerceri potest, quin varia oboriantur incommoda, quæ, ut ut omnia ferme aguntur, vix præcaveri possunt, maxime, quod hætenus in patria nostra usurpatio hujusce juris permittatur ipsis Pontificiis, aliisque Heterodoxis. Quis tamen hic præsumperit contra torrentem niti, & malum bene positum cum Ecclesiæ periculo movere? Imo, quis præsumperit inquietare conscientias eorum ministrorum, qui licet non potuerint aliter ad Pastorum promovendi, quam per jus Patronatus, integra tamen conscientia in ministerio versantur omnesque numeros pastores, ad unguem facti, sufficienter complent. Convenienter Danæus lib. 1. de Eccles. cap. 13. *Diligenter distinguendum ac notandum est, non ob quemlibet errorem, nec ob quodvis vitium ab eo cætu, in quo vera alioquin doctrina viget, recedendum esse. Nam vitia vitia, imo etiam leves errores ibi tolerari debent, ubi retinetur vera fidei substantia, ac sacramentorum usus. Errant enim Donatistæ, qui Angelicos hominum cætus in hoc mundo quarunt, aut Ecclesias nulla omnino labe maculatas volunt. Quod est quidem optandum, sed si non est, toleranda etiam sunt ea vitia aliorum, sine quibus in visibili ulla Ecclesia esse nemo potest: aut sine quorum patientia schisma privatum facias necesse est. Quale Schisma cum, ratione Ecclesiarum Belgicarum, ob certas Provincias (quæ teste ipso Domino Voetio nolint jus Patronatus missum facere) omnino metuendum sit, laudanda non minus est prudentia Synodi Dordracenæ, quam earum Synodorum Provincialium, quæ, ut hætenus intempestiva & imprudentia quarundam Classium gravamina adversus jus Patronatus in thesi consideratum (aliud putandum est de ejus usu in hypothesi spectato, de quo pro dolor! juxta sæpe instituuntur querelæ) prudenter rejecerunt, sic, fat scio, nullam ex Provincialibus Belgii Synodis approbaturam esse Rhapsodicum D. Voetii libellum de jure Patronatus. Pudeat vero Reynessium quod p. 144. Lectori suo persuasum cupiat, Synodum Dordracenā rotum monstrum Juris Patronatus desiderasse sublatum, eo quod plane ex malis elementis confectum*



confectum crederet. Nam si ita existimavit veneranda Synodus, quæ ini-  
quitas quod illud iustituerit tolerare, atque tempestive & intempestive  
non insisterit ut abrogaretur?

Sed an aliquis ex Patronis, qui Reformatam religionem profitetur, X.  
secundum conscientiam jus Patronatus usurpare potest? Negat D. Voe-  
tius, qui in dicto Tract. pag. 64. cum quævisset: *Quid faciendum patro-  
nis, ut animam suam liberent?* Resp. *Ius male questum, male traditum, male  
usurpatum à majoribus ipsorum in tenebris Papatus, non σφoῖς φαρμάκoις cu-  
rent, multo minus pervicaciam luci Scripturarum opponant, sed Ecclesiis resti-  
tuant.* &c. Resp. I. Iterum R. V. κοινὸν? præsupponendo tanquam pro-  
batum, quod est τὸ κενόμεινον: scil. jus Patronatus, quæ tale, esse inven-  
tum Antichristianum. II. Quum certum sit, & ipse vir Rev. agnoscat, in  
medio Papatu fuisse multos gementes, inficias ire non licet, quin multi  
tales fuerint inter ipsos procures, occurrente alibi Obadia, qui exer-  
cendo jus Patronatus, velut per Ecclesiæ delationem, à suis majoribus  
ad se devolutum, Pastorem constituerit & foverit Papismo minus æ-  
quum. Rogo virum Rev. modo attendat ad ea, quæ à Paulo Merula  
referuntur in vita Angeli Merulæ, qui constantissimus Martyr ut ad  
Curionatum Heenvlitum, à Generoso Domino Jodoco Cruningio,  
loci toparcha fuit promotus, ita tanto Patrono superstiti secure satis  
opus Reformationis promovit. Cui exemplo, si luberet historiæ cogni-  
tionem ostentare, plurima alia succenturiare possem, exhibenda ἐν  
Θεῷ aliquando in nostra Historia Ecclesiastica Belgii. III. Quum ipsa  
Synodus, sub certis conditionibus, admittat usurpationem juris Patro-  
natus, non video cur adhibitis omnibus debitis restrictionibus, id usur-  
pare non queant, qui in conscientia sua certi sunt, iusto titulo illud ad se  
devolutum esse; qui ut pariter conscientia suæ ratione, securiores red-  
dantur, quando vocandus est Ecclesiæ Minister, antequam aliquem præ-  
sentet, consultant antea cum Ecclesiæ Presbyterio, aut si non occurrat,  
loco illius cum Classe. Apagesis vero Reynellium quod p. 144. & 145.  
persuasum cupiat, ex meis principiis sequi, *peccatum pie exerceri posse;*  
eo quod ante dixerim, malum bene positum movendum non esse. Sed  
unde collegerit me intellexisse *malum turpe?* Quod ἀνάσσογον est, ra-  
tione Reip. & Ecclesiæ malum est, si cum ἐν τῇ ἐκκλῆσιᾳ & præsentī tempore  
minus conveniat. Adiaphorum est media nocte habere conciones, non  
tamen conveniens in Belgio; si tamen hoc receptum esset, & abrogari  
non posset, vocari posset malum bene positum. Quod si applicatum fue-  
rit



rit ad Jus Patronatus, quisquis ingenuus est, detestabitur Reyneffium ut Sycophantam. Quanquam ne quidem Jus Patronatus in se *αὐτοφάγον* dixero. Quod, licet sit nāvus Ecclesiæ, absque peccato tamen legitime exerceri potest. Atque ut carnifex non peccat, si homini in se infonti, jubente Magistratu, cujus urnam non scrutatur, caput amputet; ita hæc Patronus, præcise se componendo ad decreta Synodalia, nec invitæ Ecclesiæ aliquem obtrudendo, non potest præsumi peccare. Si quidem hoc modo æque Ecclesiæ de idoneo ministro prospicere potest, atque ipsa plebs. IV. Unde probabitur, Diaconos, in vocatione Ministrorum Ecclesiæ, pari suffragio cum Presbyteris debere gaudere? quis propterea tamen præsumat inquietare eorundem conscientias?

- XI. Quod ex re esse videatur, lubet circa Diaconos digredi, & quædam singularia de iis annotare. Ergo eorum munus est, duntaxat curam gerere pauperum: cumque olim iis liceret quoque, præfente Episcopo preces in Ecclesia fundere, ut scribit Socrat. lib. 2. cap. 11. hoc tamen nunc cessat. Atque, si Diaconi cum Presbyteris legitime concurrant, cur non pariter quoque admittantur alii pauperum curatores? Nam & hi olim Diaconis accensi fuerunt. Convenienter *Danaus lib. 2. de Ecclesiâ cap. 11.* Diaconorum autem duplex fuit genus in Ecclesia. Alii enim constituti erant, ut pauperum bona & redditus procurarent ac colligerent, velut ærarii Ecclesiastici quæstiores. Alii vero, ut pauperum mensis ministrarent, & dietim necessitatibus subvenirent suo ministerio. Hoc duplex genus videtur à Paulo notatum, Rom. 12. vers. 7. Primum genus plane virile est, & hi videntur esse Diaconi, qui postea pauperum procuratores sunt appellati. Sozom. lib. 8. cap. 12. Oeconomi quoque Chalcedonensi concil. cap. 25. & 26. Horum vero postea fuit multiplex genus pro varia ratione rerum & pauperum, quibus deputabantur. Alii igitur Nosotrophi, alii Orphanotrophi, alii Gerontotrophi, alii Oeconomi vocati sunt, ut apparet ex titulo de sacrolanctis Ecclesiis, & de Episcopis & Clericis lib. 1. Codicis Justiniani. *Huc usque Danaus.* An ipsa Scriptura, ut vult Danæus, duplices hosce Diaconos agnoscat, & an commode ad hoc probandum sollicitetur Apostoli Autoritas Rom. 12. 7. hoc loco & tempore scrupulosius non inquisiverim. Hoc certum, nostros Diaconos, qui admittuntur cum Senatu Ecclesiastico ad electionem Ministrorum Ecclesiæ, secundum Canones Ecclesiasticos, haut magis pro se ratione hujus juris adducere posse Scripturam & antiquitatem Ecclesiasticam, quam illos, qui ex membris Ecclesiæ



Ecclesiæ constituuntur Curatores Orphanotrophiorum, Gerontocomiorum, Nosocomiorum, quos, ut cognatos Diaconorum prioris ordinis, ipsa Dordracena Synodus considerat, quando Canone Eccl. 26. sic loquitur: *Diaconi, cum Prochorophis aliisque eleemosynariis, (si alicubi distincti à se fuerint muneribus) bonam correspondentiam servare annitantur, &c.* Lepidus Reynessius, *duxviri*, atque citra jactum pulveris, hæc & alia mea argumenta se protritutum confidit, adigendo me quasi ad contradictionem: quod Exerc. 11. *professus fuerim, regimen Ecclesiarum nostrarum per omnia juri Divino & antiquitati Ecclesiastica consentaneum esse; Diaconi vero ab Ecclesia eligi consueverint.* At, mi funge, an ergo Diaconi pertinent ad Senatum Ecclesiasticum, cui soli conveniunt partes regiminis? Disce ex folis Canonibus Ecclesiasticis: Can. 5. & 10. ubi agitur de ipsa ministrorum electione, aperte Senatus Ecclesiasticus à Diaconis distinguitur. Interim alii, Reynessio doctiores, differentiam hic invenire videntur inter Diaconos, & alios pauperum curatores, quod illi consueverint eligi ab Ecclesia, hi vero à Magistratu Politico, aut saltem, non ab Ecclesia. At, si hæc responsio (non dum melior mihi à quoquam dari potuit) sufficere debeat, velim hic scrupulus mihi eximatur: Genevæ, ubi censetur Ecclesiasticum regimen quam convenientissime ordinatum esse, secundum articulum 24. Constit. Ecclesiast. Genev. (sequor hic fidem *Ἐπαρχίας* Dn. Blondelli, qui procuravit anno 1648. alteram Edit. lib. Hugonis Grotii de Potestate summarum potestatum circa Sacra, nec Reynessius, à suo D. Voetio instructus, contrarium evincere potuit pag. 147.) *ex Senatorio ordine & quidem ab ipso Senatu eliguntur Ecclesia presbyteri, Pastores ad hanc rem admittis, tantummodo deliberandi causa.* Si vero hisce Presbyteris non obstat hujusmodi modus Electionis, quo minus exequantur ea, quæ jus Divinum iisdem concedit; cur similis modus officiat posterioris ordinis Diaconis, prioribus per omnia æqualibus? Nisi prioribus forte prærogativa, per Consistorii frequentationem, & Eleemosynarum collectionem in templo (alias alteri hoc ostiatim facere solent) concedi debeat. In aliquibus Hollandiæ urbibus, Orphanotrophiorum curatores, dum habetur concio, pro pauperibus curæ suæ commissis, pariter circumcunt, colligendo non minus Eleemosynas ab Ecclesiæ membris, quam ipsi Ecclesiæ Reformatae membra sunt; qui hætenus iterum pares agnoscendi erunt, si valere debeat qualiscunque hæc responsio. Dicit iterum aliquis

Hh 3

cum



cum D. Fayo in Comment. ad 1. Epist. Tim. cap. 3. pag. 134. ad Diaconos, ab Ecclesia electos, pertinere quoque publicæ disciplina observationem, ac proinde recte accenseri Presbyteris. Sed, si ex Scriptura doceri possit, hoc legitime iis competere, aliquod pondus argumento inesse fatebor. Liturgia Ecclesiæ Belgicæ, respiciens Diaconorum confirmationem, iisdem tantum non defert, nullibi autem ipsa Scriptura Sacra, quæ hic Cynosura habenda. Nec obesse quoque possunt Patres primitivæ Ecclesiæ, ne quidem ipse Cyprianus, recte explicatus, ratione locorum, quæ videntur contrarium suadere, à viro doctissimo, melioriq; fato dignissimo Joh. Forbesio Instruct. Histor. Theolog. lib. 16. cap. 1. §. 14. & 15. Non stringit quoque argumentum, quo quidam utuntur, quasi Diaconi aliquando in Scriptura sacra comprehendantur vocabulo τῶν πρεσβυτέρων, sive πρεσβυτέρων, speciatim in notissimo illo textu 1. Tim. 5. 17. cui objectioni præter verba Gersomi Buceri, viri vere eximii, nihil quod opponam habeo. Is differt. de Gubern. Eccles. pag. 148. ita loquitur: *Aliquod Scriptura testimonium produci velim, quo Diaconi simpliciter publice præesse memorantur. Scio hoc injungi ipsis, ut liberis propriisque domibus recte præsent, 1. Tim. 3. 12. sed quid hoc ad publicam πρεσβυτέρων, qua inspectionem totius Ecclesiæ complectitur? Quid? quod Apostolus scribens ad Romanos cap. 12. 8. utramque Diaconorum speciem, ab iis qui præsent, & alio loco Diaconos ab Episcopis circa Ecclesiæ inspectionem occupatis (Phil. 1. 1.) manifeste discriminat? Contrarium quoque non patet ex Act. 14. 23. ubi quando dicitur cum creassent per singulas Ecclesias presbyteros; Beza sic commentatur: Id est, Pastores, Diaconos, & alios Ecclesiæ gubernationi præfectos. Hic enim, ut alibi sæpe, generaliter accipitur presbyteri nomen. At, quod pace tam eximii viri dictum sit, nomen Presbyteri eo loco strictè debet accipi. Nec ullus locus ex N. T. adferri poterit, ex quo certo & dilucide pateat, nomine Presbyteri comprehendere debere Diaconos. Quomodo neque ex ullo loco N. T. probabitur, ad eos æque, atque ad Presbyteros, pertinere Electionem ministrorum Ecclesiæ. Quid quod ipsa Synodus Nicæna (quæ prima Oecumenica) cap. 18. expresse eos à presbyteris distinguit, iisque inferiores esse pronunciat. Verba ita Latine sonant: Diaconi intra propriam mensuram maneat, scientes quod ministri sunt Episcoporum, & Presbyteris inferiores existant. Accipiant autem suo ordine Eucharistiam post presbyteros, vel Episcopo dante, vel presbytero; sed nec sedere in medio Presbyterorum liceat, id enim sit præter Canonem & ordinem. Presbyteri siquidem pertinebant ad senatum Eccle-*



Ecclesiasticum, quo Diaconi exclusi erant, idem Ecclesiarum Belgicarum Canonibus, ut patuit antea, suadentibus. Ignat. epist. ad Trallianos: *Quid vero est presbyterium, nisi cæterus sacer, consilarii & confessores Episcopi?* & Hieronym. epist. ad Rust. *Ecclesia habet Senatum, cæterum Presbyterorum.* Ac licet Diaconi consecrarentur quoque ab Episcopo, non tamen pari ratione cum Presbyteris, in quorum ordinatione Presbyteri cum Episcopo, ordinandi capiti manus imponere soliti erant, ut patet ex can. 3. Concilii 4. Carthaginensis. Nec sine ratione: nam Diaconi duntaxat ordinabantur ad ministerium, de cuius ratione infra pauca venient annotanda. Quod dico manifestum est ex can. 4. ejusdem Concilii, qui ita habet: *Diaconus ordinatur, solus Episcopus, qui eum benedicit, manum super caput illius ponat: quia non ad sacerdotium, sed ad ministerium consecratur.* Nec contrarium ex eo liquere potest, quod quidam, qui & Theologi haberi volunt, (sed ex suo sensu tanti, quanti ex eodem sensu Historiographi) conjecerint, ab ipso Christo institutum fuisse ordinem Diaconorum, quibus cura pauperum commissa esset; contra expressam Lucæ Act. 6. narrationem; atque contra Liturgiam Belgicam, (cui hæcenus, quotquot sapiunt, qua antiqui, qua recentiores Theologi, accedunt) quæ, capite de Diaconorum confirmatione, ita incipit: *Quantum ad Diaconos, originem ipsorum ac institutionem legere licet Act. cap. 6. Ubi reperire est, principio ad ipsosmet Apostolos curam pauperum pertinuisse, &c.* Amplius dato ordinem Diaconorum ab ipso Christo institutum esse, aliter tamen de eo censendum non fuerit, quam in Dei verbo docetur. Pro Diaconis porro, ut videantur tum à Christo constituti esse, tum ad Senatum Ecclesiasticum, proprie ita dictum, pertinere, quidam sollicitant auctoritatem Pauli Apostoli: qui cum ita loquitur, 1. Cor. 12. 28. *Et alios quidem constituit Deus in Ecclesia, primum Apostolos, deinde Prophetas, tertio Doctores: deinde dona sanationum, opitulationes, gubernationes, genera linguarum; & ὁμιλίαις, seu opitulationes, cum Beza interpretantur, Diaconorum & viduarum ministeria, pauperibus & ægrotis sublevandis destinatorum.* Sed, quis iis dixit, Diaconos solos pauperibus & ægris hoc in casu extraordinariam opem tulisse? Nam Apostolum potissimum hic occupari in enumeratione Ordinum Ecclesiasticorum, apud Corinthios receptorum, (quorum plerique extraordinarii erant) totus contextus docet. Eoque, interpretes Belgici, ut vocem Græcam reddiderunt, *Behulpfels*, ita super ea hunc in modum παρὰ φερέσσι: *Die de arme en krancke besorgen en helpen.* Paucis (cæte-

rum



rum salvo meliori iudicio) hunc locum expendam. Ergo ἡ ἀντίληψις descendit à verbo ἀντιλαμβάνω, aut ἀντιλαμβάνεσθαι. Quod proprie idem notat, atque fulcire, seu sustentare illud, quod ruinam minatur, aut lapsurum esse videtur. Quomodo Herodianus dicit lib. 2. ἐκλιπαρῆντες (Nigrum intelligit) τῶν περὶ γυμνάτων ἀντιλαμβάνεσθαι. Similiter Demosthenes Olynth. 1. ἕως ἐς καιρὸς ἀντιλάβεσθε τῶν περὶ γυμνάτων. Atque ita videtur accipi, Luc. 1. vers. 54. ut recte observatum fuit à Grotio. Alias, idem est quod auxiliari, opitulari, subsidio esse. Helych. ἀντιλαμβάνεται, βοηθεῖ, ἢ κωλύει. Plutarchus in Symposiaciis dixit, saltem τῶν ἐπὶ τῷ φόρῳ φερομένων ἀντιλαμβάνεσθαι. Ita accipitur Act. 20. vers. 35. ubi Paulus in concione Ephesi habita dicit: ἔγω καὶ οἱ ἄλλοι δεῖ ἀντιλαμβάνεσθαι τῶν ἀδελφῶν: pro quo videtur dicere 1. Thess. 5. vers. 14. τῶν ἀδελφῶν ἀντιχεσθαι. Similem ferme significationem habet verbum συναντιλαμβάνεσθαι, quo utitur Apostolus Rom. 8. vers. 26. Nomen ἀντίληψις, hinc descendens, licet secundum Suidam idem sit, quod ἐπίληψις, sepe tamen notat adminiculum, & opitulationem, speciatim apud Xenophontem in libello de re Equestri, ubi sic de coma Equina lego: ὅπως τῷ ἀνατολῇ ὡς ἀφθονωτάτη ἀντίληψις ἦ. Atque hæc significatio hoc loco plerisque Interpretibus placuit, modo notetur metonymia, atque per opitulationes intelligantur opitulatores, qui alias vocantur, ἀντιλήπται (sic legas in glossario Philoxeni, Ἀντιλήπται, Susceptor, Adjutor: & apud Helych: ἀντιλήπται, ὑπερακισῆς, βοηθός.) Nec tamen necessum fuerit, interpretari hunc locum de Diaconorum, viduarumque, ministeriis. Nam quamvis (ut notatum est à τῷ πᾶν Heinso) 2. Macchab. 11. vers. 26. ἀντίληψις τῶν ἰδίων vocetur cura, quam pro suis quisque rebus suscipit; possunt nihilominus intelligi alterius generis opitulationes, & adjutores. Non quidem dixerim cum Lyrano, hic esse intelligendos ejusmodi opitulatores, qui opem ferunt majoribus Prelatis, velut Decanos, & Archidiaconos; siquidem, ut considerantur vulgo in Papatu, nihil conferunt ad ædificandam Dei domum. Interim, cur non licuerit loco Diaconorum nostrorum substituere, cum Doctissimo Mulculo, quosdam, (in primitiva quasi Ecclesia notos) qui fuerint specialiter ad hæc deputati, ut causas fratrum in se susciperent, & pro singulari prudentia, ac dextertate, qua dono Spiritus pollebant, agerent & expedirent? aut dicere cum Victorino Strigelio? ab Apostolo Paulo, inter specialia χαρίσματα Sp. Sancti,



Sancti, ratione primitivæ Ecclesiæ consideranda, recenseri *auxilia*, & *liberationes ex magnis periculis*, ut, cum Paulus liberaret simul navigantes. At, ut dicam quod sentio, mihi placet Chrysostomi sententia, qui ita Homil. 32. in 1. Cor. 12. πῶς ἐστὶ ἀντὶ τῶν ἀδελφῶν ἀντὶ τῆς ἐκκλησίας. Quibus verbis, ut Paulum ex Paulo illustrare laborat, ita ostendit pariter, locum, de quo agimus, esse intelligendum de Presbyteris, eos, qui in fide infirmi erant, singulari & extraordinaria ratione sublevantibus per fomenta Spiritus Sancti, tempestive atque prudenter adhibita. Nam, cum Apostolus sermonem Ephesū habuerit apud Presbyteros, à se convocatos, (Act. 20. 17.) com. 35. ejusdem capituli, eisdem alloquitur ut κατεργάζεσθαι. Quod verbum cum iisdem iterum applicet 1. Tim. 5. 17. atque d. com. 35. eos velit sustentare ἀδελφοί, (quod alias iis præcipitur Jacob. 5. 14.) consequens est, locum controversum circa opitulationes, minus convenienter applicari Diaconis, convenientissime vero Presbyteris; quorum officium erat in primitiva Ecclesia, ex speciali gratia, quam consecuti erant, sublevare eos, qui afflictionibus interioribus, sola Spiritus Sancti malagmata expectantibus, erant obnoxii: quum Diaconi ex officii sui primigenii formula, duntaxat corporeæ necessitati succurrere qua tales consueverint. Novi quidē, verbum ἀδελφοί, apud Apostolū Jacobum l. d. aliter accipi, sed quum illum locum ὁ μὲν καὶ εἰς Seldenus lib. 2. de Syned. præter communem Interpretum opinionem explicare cœperit (quæ omnia tamen non probo hæcenus) non video, cur non possint apud Jacobum per ἀδελφούς intelligi illi, quorum συνέθεσις ἀδελφῶν erat, ut loquitur Apostolus 1. Cor. 8. 12. Iis siquidem, per Presbyteros prærogativa singulari pro illo tempore gaudentes, peculiariter unctio destinari poterat, ut propediē ξὺν Θεῷ alibi probabimus. Sufficiat hæcenus ἀντὶ τῶν ἀδελφῶν submovisse à Diaconis primæ institutionis. Deniq; contra nos, pro admittendis Diaconis in Ecclesiasticum Senatum, proprie & formaliter ita dictum, è Scriptura quasi & antiquitate Ecclesiastica minus convenienter hoc adducitur, quod jam olim consueverint inservire cœnæ Dominicæ administrationi. Nec nos multum movere possunt illa, quæ habet D. Beza Theologus alias summus, & maxime apud nos authoritatis, qui hunc in modum loquitur in Tractatu (si D. Voetius eum habuisset, prolixum syrma ex p. 35. & seqq. emendicare potuisset nuperis suis *Nubibus ἀνυδροῖς*) de Ministrorum Gradibus contra Saraviam p. 32. Quod (inquit) Diaconi dicuntur mensarum ministerio vacasse, declarat expressius quo spectavit illa colligendarum & distribuenda-



distribuendarū τῶν ἁγίων & τῆς κοινῆς cura, ex quibus Agapa instruebantur, ita ut totius etiam ordinis in toto illo sanctissimo consensu conservandi sollicitudo istis fuerit imposita: sicut sub lege Levita in tota sacrificiorum administratione subserviebant, quibuscum merito propterea isti Diaconi à veteribus Scriptoribus comparantur. Ista autem Agape (sicut manifesto liquet Act. 20. 7.) partim in sumendo communi cibo, 1. Cor. 11. 20. & quidem in primis in Cene Domini celebratione, partim in sacris deinceps sermonibus erant posita, 1. Cor. 14. 26. quod copiose inter ceteros Iustinus Apologetico posteriore & Tertullianus declarant. Ad quæ, pace tanti viri, nos breviter ita respondemus. I. Damas lubentissime, Diaconos jam olim, ipsis primis Ecclesiæ seculis, panem & calicem populo ministrasse; quo pertinet illud Iustini (in quem vir venerandus digitum intendit) ex Apologet. II. Qui apud nos Diaconi dicuntur, dant unicuique eorum, qui adsunt, percipiendum panem & vinum & aquam, qua cum gratiarum actione consecrata sunt, & ad eos, qui absunt, perferunt. At interim non sequitur, eos, qua Diaconos, pariter aut accenseri potuisse Presbyteris, aut Evangelium annunciasse. Nobis perplacent ea, quæ ipse ὁ πᾶν ibidem habet pag. 35. Qui (inquit) tum ex veteribus, tum ex recentioribus Scriptoribus existimant, Diaconis etiam impositum fuisse docendi in Ecclesia verbi Divini munus, decepti sunt ambigua significatione verbi κηρύττειν: quod Pastoribus attributum, idem declarat atque εὐαγγελίζεσθαι; in Diaconis vero declarat illa Diaconorum edicta, quibus, dato Orarii signo, actionum sacrarum ritus & ordinem moderabantur. Erat vero orarium, proprium indumentum Diaconorum, ut recte observat eruditissimus Justellus in Notis ad Canones Ecclesiæ Universæ pag. 206. & seq. Quod non absimile fuisse faciæ de collo pendulæ, & lævo Diaconi humero imponi solitæ, docet incomparabilis Cafaubonus ad Vopiscum pag. 236. Nomen vero inde habuisse, quod ora vestis ad sui foleret, observatum à viro, Cafaubono haut minori, nempe τῷ ἐν ὀνόματι D. Salmasio ad eundem Scriptorem pag. 409. Clamoris autem, seu ἡ κηρύγματα & Diaconorum, edi soliti tempore quo Eucharistia administrabatur, dilucide meminit Chrysostomus Hom. 17. ad Cap. 9. Epist. ad Hebr. ubi ita per interpretem: Diaconus (inquit) in altiori loco stans, magna voce, terribili clamore veluti quidam præco, manus sustollens in altum, alios quidem vocat, alios autem prohibet, alios excludit, alios introducit. II. Quamvis lubens dederim, initio Diaconos eum in finem per Apostolos fuisse constitutos, ut possent ἀναγγεῖν τοῖς λαοῖς; (Act. 6. 2.) non putaverim tamen, hoc mensuratum



mensarum ministerium quid commune habuisse cum Agapis, post cœnam Dominicam celebratam agitari solitis, quamvis hoc Venerandus D. Beza videatur innuere. Hęc enim mea sententia: Agaparum agitationem non manasse ab instituto ipsorum Apostolorum; sed à Corinthiis, aliisque, qui à Gentilismo ad Christianismum conversi erant. Ut enim Ecclesia Corinthiaca videtur primitus introduxisse morem Prophetandi ab Apostolo Paulo 1. Cor. 14. ordinatum; ita ipsorum Apostolorum tempore, variæ appendices in diversis Ecclesiis, pro diverso ingenio ipsorum hominum, Christi simplicissimæ institutioni superaddi cæperunt, speciatim in *Græcia & Africa* (sunt verba Parei in comment. ad 1. Cor. 11. 21.) ubi *peractis sacris ad convivium ex collectis frugaliter instructum divites promiscue & pauperes confidebant, piis colloquiis atque hymnis sese recreantes, &c.* Has epulas vocabant *ἀγάπαις* dilectiones, quasi dilectionis Christianæ symbola & vincula. Probabile est, eos ad Christi exemplum respexisse, qui Eucharistiam inter cœnandum instituit. Nescio an non etiam Iudaorum & gentilium imitatione id fecerint. Constat enim Christianos gentilium & Iudaorum consuetudines, quantum potuerunt similitudine aliqua secutos esse: qua de re Theodoretus sermo octavus ad Græcos sub finem & epistola multæ Gregorii legi possunt: præcipue epistola septuagesima prima, libri noni. Iudæi sacrificia sua epulis finiebant. Gentiles etiam in idoleis convivia luxuriosa plerumque agitabant. Christiani rem sibi alio titulo sequendam, vitia & luxum vitandum existimantes, ipsi quoque sacris peractis, eo, quo dictum est, modo celebrabant. Nam *ἀγάπαις* non promanare ab institutione Christi, dilucide innuit ipse Paulus Apostolus, quando 1. Cor. 11. vers. 23. Corinthios revocat ad primam cœnæ institutionem, postquam eosdem corripuisset propter *ἀγέλιαν*, quæ circa Agapas à se excogitatas, jam tum in eorundem Ecclesia invaluerat. Atque notandum quod signanter dicat Apostolus Judas comm. 12. *Hi sunt in Agapis vestris* (*οἱ τὰς ἀγάπαις ὄντες*), quoniam scilicet à vobis sunt institutæ & ordinatæ) *macula*. Contrarium vero colligi non potest ex loco Petri Apostoli 2. Pet. 2. 13. nam ibi non convenit legere *ἀγάπαις* cum Veteri Interprete, & Erasmo, sed *ἀπώτταις*: licet contrarium velit Grocius, qui nescio cur contra fidem omnium Codd. Mss. fide Arabis Interpretis, existimet auferendam voculam *τῶν αὐτῶν*, additam alias sive *τὰς ἀγάπαις*, sive *τὰς ἀπώτταις*. Eoque, si omnia ad primam suam originem revocari debeant, patebit, *τὴν Ἀγνορίαν τῶν τετραπλῶν* nihil commune habere cum Agapis, quas jam sua ætate Clemens Alexandrinus,



drinus, ob abusus multiplices per Carpocratianos introductos, lib. 2. Prædag. elegantissime vocavit, *δαιτναελάτνια*, *κνί(Cons) καὶ ζυμὴν ὀπο- πνέοντα*, conviola quadam, quæ nidorem & juscula redolent: & consequenter, hinc non posse colligi, quasi, Diaconorum, velut alterorum Presbyterorum, quædam partes fuerint in administratione Sacræ Synaxios. Quod & ipse D. Beza vidit, quando ad controversum locum ex Actibus, sic commentatur in quarta editione Notarum suarum anni 1588. τῶν τετραπέζων, id est, conviviis, aut in conviviis, de quibus dictum est supra 2. 46. Quamquam συνεδουχικῶς cetera etiam munera intelliguntur quæ cum isto erant conjuncta, atque adeo in primis quæ ad pauperum curam & Ecclesiastica pecunia distributionem pertinebant: sic tamen ut omnia rite & ordine fierent, & Diaconi Presbyterio subessent. Neque enim hæc significatio aliena est à voce τετραπέζης: quum eadem vox quoque accipitur in significatione haut multum ab simili in ipso N. T. siquidem in celebri illo textu 1. Cor. 10. 21. aliud notare non potest, quam cibum, qui mensis infertur. III. Nec putaverim quoque Diaconos, quibus cura pauperum commissa fuit, respondisse Levitis, quos constat sacris curandis præfectos fuisse. Hoc enim Ministerium (Diaconorum scilicet) in Synagogis nunquam fuit usitatum, in quibus mense non erant communes, ut inter primos Christianos, ut recte loquitur ὁ πένυ D. Rivetus Discuss. Ἀγλ. Grot. p. 475. An vero Ἀζανίται inter Judæos, ut censet Epiphanius. Hæres. de Ebion. (eum sequitur vir longe doctissimus Hammondus Dissert. 4. de Episcop. Jur. pag. 248. & seqq.) responderint ἐν παρακλήσει nostris Diaconis, hoc tempore inquirere non lubet, quod ad lineas, à quibus jam diu aberravi, tandem redeundum sit. Non eo vero hæc circa Diaconos hæcenus notavi, quod eorundem ordini ulla ratione quid velim detractum, sed tantum, ut ostenderem ex Scriptura & antiquitate Ecclesiastica probari non posse, ad illos spectare jus vocandi verbi Ministros, nec eosdem proprie pertinere ad Senatum Ecclesiasticum, qui, ut recte censet Synodus Dordracena can. Eccl. 2. & 5. constat ministris & Senioribus, licet Diaconi in illis locis, ubi Seniorum numerus valde exiguus est, in supplementum veniant, Senatuique Ecclesiastico adjungantur, ut loquitur dicta Synod. can. Eccl. 38. Atque licet totus Diaconatus sit Oeconomicus, (sunt verba Bezæ l. d. pag. 38. & seq.) non tamen ut in privatis familiis, neque ut in politica mere civili, sed ut in sacra Domini Domo. Eoque Diaconi, ex universo Ecclesiæ cœtu legitime delecti ad distribuendas eleëmofynas, sunt prima quasi cœtus Ecclesiastici membra, atque speciatim ad illos non



non minus, quam ad *Episcopos*, Apostolus Phil. 1. 1. dirigit suam salutationem; ( licet quidam verbum *Ἀρχιεπίσκοπον* ibi generaliter accipiant, ut Matt. 20. 26. Rom. 13. 4. Ego vero sequor Interpretes Belgicos ) quam ob causam quoque Synodus d. c. 2. eos admittit ad Electionem Ministrorum. Sed, ut tandem finiam hanc sectionem, rationem liquidam reddat *D. Voetius*, cur audiamus & sequamur libenter Synodum Dordracenam quod ad Diaconos, atque non pariter eam audiamus absque murmure, ratione juris Patronatus, quatenus illud ad edificationem usurpari potest, sine fraude aut dispendio Ecclesie Dei, atque ordinis Ecclesiastici? Denique rogo eundem *D. Voetium*, satisfaciat huic scrupulo: Quum ipse existimet, non posse exerceri jus Patronatus, ideo quod de illo nihil Scriptura præceperit, quomodo Minister aliquis tranquillare conscientiam possit, atque certus esse suæ vocationis ut legitimæ, si reclamante majori parte Pastorum & Seniorum, per Diaconos, numero in majoribus urbibus prævalere solitos, moderante eos aliquo Diotrephitis socio (utinam notari non possent exempla!) qui anhelat habere adiutores ad opprimendos fratres, fremente vero genuino Senatu Ecclesiastico, ministerio fuerit admotus? Obtestor virum Rever. huic difficultati ex verbo Dei plene satisfaciat. Interea obfigno hanc sectionem verbis pientissimi Angliæ Primatis, Georgii Abbati, sed commodato acceptis à summo Theologo Zanchio, quibus terminat secundam quæstionem pag. 106. Edit. Oxon. anni 1598. Illius (inquit) sum animi, cujus est doctissimus Hieronymus Zanchius, &c. ( in Observationibus super cap. 25. Confess. ) Multum nempe consensui doctorum, & piorum, tribuendum esse, neque à recepta ab antiquioribus temporibus sententia recedendum esse; nisi ubi Sacre literæ aut diserte, aut aperta & necessaria collectione, contrarium doceant.

Despiciendum porro, antequam ad lineas, à quibus defleximus, XII. redeamus, qua arte & quibus rationibus noster Reynoldsius probare nitatur, Diaconos pertinere ad ordinem Ecclesiasticum. Ut hoc persuadeat, sollicitat ipsum Apostolum Paulum, quo successu inquiramus. Pag. 146. sic loquitur: Neque enim Politicis annumerari possunt Diaconi, cum in Ecclesia publico munere fungantur. Quod cacus videat docere Apostolum, 1. Tim. 3. Non enim I. tantummodo conjungit eos cum Episcopis, ut viros Ecclesiastico officio fungentes, Diaconos similiter verl. 8. Sed & II. curam & examen committit Ecclesie, ut ea probet eos, priusquam ad munus hoc admittat verl. 10. explorentur prius, dein ministrent.



Atque III. eos, ad alia officia Ecclesiastica sibi, ministerio suo, gradum parare dicis: quod scilicet nunc ut publice Probati loqui queant vers. 13. Tandem IV. se hac scripsisse addit, ut edoceret quomodo regi debeat Ecclesia, vers. 15. Ut noris quomodo oporteat in domo Dei versari. Quæ omnia satis evincunt, Paulum Diaconos ut publico officio in Ecclesia fungentes, introduxisse. Bellum equidem, & per quam lepidum Scripturæ interpretem! Si juxta hanc Analysin licuerit Sacrum Codicem interpretari, quid non ex eo colligi poterit? Insistam hominis vestigiis, ut, cum suo Doctore Voetio, si modo frontem retinuerit, erubescat. I. Colligit ideo Diaconos haberi debere personas Ecclesiasticas, quod Paulus eos Episcopis conjungat. At, quomodo procedit hæc argutatio? nisi, quod eodem capite de Episcopis & Diaconis egerit Paulus. Pari ratione concludas, Diaconorum uxores ministerio quoque Ecclesiastico defungi, atque formaliter esse personas Ecclesiasticas (hoc enim est τὸ κληρονομεῖν, ut proxime liquebit) quod Paulus hoc ipso quoque cap. 3. vers. 11. iis præcepta det. II. Explorari prius debent Diaconi; Ergo, secundum fungum Reynessium, sunt Personæ Ecclesiasticæ? Pari ratione concludas, Lectores, Phonnascos, & Canonicos haberi quoque debere personas Ecclesiasticas, quod præcedat (aliqualis saltem) exploratio, antequam muneri suo inaugurentur. III. Inde argutatur, quod Paulus vers. 13. innuat eos, si bene administraverint, gradum sibi parare ad officia Ecclesiastica. Belle admodum! Mihi homo, scribendo tot cacatos libellos gradum tibi struis ad Professionem Theologicam; (ex tuo & Voetii tui sensu) sed an jam salutare potes Theologiæ Professor? Quæstio est, an Diaconi actu officio Ecclesiastico fungantur? & tu duntaxat concludis, eos sibi gradum struere ad officium Ecclesiasticum. Quid potest hoc nobis obesse, qui negamus eos esse personas Ecclesiasticas, aut pertinere ad Senatum Ecclesiasticum? IV. Quid prodest quoque quod Paulus suo Timotheo dicat vers. 15. hujus capitis, ut noris quomodo oporteat in domo Dei versari. Sed, an ex generali illa admonitione, alius quis præter nostrum hominem collegerit, Diaconos esse personas formaliter Ecclesiasticas? Hæc admonitio concernit quoque singula membra Ecclesiæ, quæ ut pertinent quoque ad domum Dei, ita verbi Minister providere debet, ut non nisi probati, & qui deprehensi fuerint idonei, ad sacram Synaxin admittantur; quis tamen inde intulerit, eos formaliter esse personas Ecclesiasticas? Ut Ecclesiæ contingant non nisi idonei & probati Diaconi, provident, exemplo Apostolorum, verbi Divini ministri, non tamen



men ut, per hanc de iis sollicitudinem, personæ reddantur formaliter Ecclesiasticæ. Sed Reynessius subtilius adhuc progreditur, atque me vult confundere, arguendo quasi contradictionem. Sic vero loquitur pag. 147. *Supra pag. 252. laudavit Calvinum, quod Diaconissas publico Ecclesiæ ministerio defungi assereret. Atque hic ne Diaconis quidem publicum Ministerium concedit.* Sed, ut solummodo adduxi verba Calvini, hypothetice ex iis argumentando, ita meam nondum exposui sententiam. Verum admitta Calvini sententia, non omnis qui Ecclesiæ ministerio fungitur formaliter quoque censeri potest minister Ecclesiæ, & consequenter persona Ecclesiastica. Lectores, ostiarii, silentiarii, funguntur quoque ministerio Ecclesiæ, sive ministerio, quod ad Ecclesiā pertinet, quis tamen illos personas Ecclesiasticas esse censuerit?

Atque hæcenus liquere exultimo, me non *ἀπὸς* *Διονύσιος*, aut insu-XIII. bide per omnia, argumentatum fuisse à Diaconis, pastores quoque in Belgio vocare solitis, ad jus Patronatus, circa quod tamen perpetuo nævum notari volo. Iis vero, quæ de Jure Patronatus verecunde disputavi adversus D. Voetium, nimis quam inverecondum Synodi Dordracenæ contemptorem, nequaquam officere possunt, quæ pag. 142. ex Johanne Acronio adducit Reynessius. Is Acronius fuit homo, Heshusio haud abfimilis, de quo hoc circumfertur Distichon:

*Quaritur, Heshusi, quarta cur pulsus ab urbe?*

*In promptu causa est; seditiosus eras.*

Nam cum Ecclesiam Vesaliensem tempore periculosissimo deseruisset; Daventriæ probasset se non fore idoneum civem, si factus fuisset Ecclesiæ minister; atque Groningæ minus honestè valedixisset; Franekeræ denique affectatam Theologiæ Professionem per ignorantiam prostituisse; devenit Harlemum, ubi in memoria adhuc est apud senes quosdam, quibus nondum excidit, quomodo in ministerio se gesserit. Theodorus Screvelius in Historia Harlemensi pag. 332. sic eum commendat: *In de vvelcke te sien vvas de strafheyt van Cato, die alles verichte, en berispte, een man die diep geleert vvas, maer ongerust.* Quis vero tali homini, varias ex Jure Canonico farragines (his constat opusculum Belgicum Acronii) consuenti, & turbatorum affectuum vitrea bile condienti, fidem habeat? Nutarint quoque plures viri, vere in Belgio eximii, circa exercitium Juris Patronatus; hæcenus, quantum ad se securi esse possint, si religiose satisfacere præsumperint legibus, à Synodo Dordracena requisitis.

XIV. Hæc-



XIV. Hactenus licet sufficienter sententiam nostram de Jure Patronatus vindicavimus, non tamen consentire possum circa Exercitium illius in Fœderato Belgio, nisi tria sequentia scrupulose præcaveantur. *Primo*, ut non nisi idonei à Collatoribus offerantur Ecclesiis, nec hi ægre ferant, si forte per Classes rejiciantur illi, quos nunquam representassent, nisi (ut sæpe fit) plus æquo tribuissent commendationibus, non minus gravium virorum, quam muliercularum; quæ, ut aliquem è suis promoveant, pro dolor! imitari solent matrem filiorum Zebedæi, atque non tam ipsos Collatores, quam eorum uxores & familiam magis fatigare, atque vidua Evangelica, quæ per suam importunam impudentiam, judicem, qui nec Deum, nec homines reverebatur, expugnare potuit. Convenienter serius Theologus Martinus Bucer de ordin. legit. Ministr. Eccles. pag. 254. *Cum per legitimos ordinandorum examinatores indigni à sacris Ecclesia Ministeriis arcentur, nulla sit omnino injuria iis, qui jus sibi vendicant, tales præsentandi, sive id jus sit Patronatus, quod vocant, sive quodvis aliud. In Ecclesiam enim Christi, quæ sponsa Christi est, nemo vel angelorum vel hominum potestatem ullam habere potest, nisi ad ejus ædificationem. Tum & in Canonibus, & legibus, nominatim de patronis cautum est, ut quos illi Ecclesiis offerunt ad sacra ministeria, examinentur, & nisi ad id muneris, ad quod præsentantur, idonei deprehendantur, ab eo rejiciantur. Speciatim viderint Patroni, ne nimis præcipites sint in promovendis* *veoφύμις*, contra expressam admonitionē Apostoli, (1. Tim. 3.) qualibus inspectio liberorum, & cura pædagogica, Patroni favorem, in præjudicium doctiorum & meliorum, sæpe deprehenduntur procurare. Solent vero tales (verba sunt pientissimi Hyperii ad dictum Apostoli locum) subito ad dignitatem evecti, inflari, & confidentes esse, sibi plus justo tribuere, ad res novas movendas propensi: quasi ipsi soli in tanta multitudine idonei invenirentur, & ipsi præ cæteris longo tempore exercitarius omnia forent mysteria consecuti: unde alios incipiunt contemnere, suo arbitrio omnia velle statuere, de quibusvis rebus statim velle desinire: quo fit ut in errorem subinde incidant. Lubens quidem fateor, dona Dei non definiri annorum vel dierum spatiis, sed eum, qui linguas creavit, ipsas linguas infantium posse reddere disertas, ut in illis disponat laudem suam, Pl. 8. 3. de tribus illis pueris Anania, Azaria, & Mizaële dici, quod Deus illis dederit notitiam & intelligentiam in omnibus literis & sapientia, Dan. 1. 17. Samueli natu inferiori apparuisse Dominum, eumque justum fuisse arguere summum sacerdotem Heli, ferme nonagenarium, 1. Sam. 3. Hierere-



Hieremiam audivisse ex ipso Deo: *Noli dicere, quia ego puer sum: ad omnia, ad quæ mittam te, ibis*, Hier. i. Imo ipsius Apostoli verbum esse ad Timotheum: *Nemo tuam juventutem despiciat*. Interim hæc aliis applicari non merentur, quam qui cum Timotheo sunt *exempla fidelium, in sermone, in conversatione, in charitate, in spiritu, in fide, in castitate*, 1. Tim. 4. 14. Quibus ut superiori seculo accenseri jure summo meruerunt Philippus Melanthon, Nobilissimus Antonius Sadeël, Baro Chandæanus, qui non modo, vixdum viginti annos egressus, cooptatus est in ordinem Pastorum Parisiensium, verum paulo post quoque præfuit primæ Synodo Ecclesiarum Gallicarum, Johannes Bollius prima ætate Minister Orthodoxus Ecclesiæ Gandavenfis (videatur de hoc Danæus in Epist. Ded. præf. Expl. Orat. Domin.) & Wernerus Helmichius ante primam barbam pastor Ultrajectinus, cujus & juventutē admirata fuit Serenissima Angliæ Regina Elizabetha, cum anno 1587. una cum aliis Ministris ab Ecclesiis Belgicis ad Ipsam foret delegatus. Sed, hæc pauca exempla τῶν ἀετῶν ἐν ταῖς νεφέλαις nentiquam patrocinari possunt temerariis adolescentibus, qui, manu vixdum ferulæ subducta, atque omnimodo neglectis studiis τῆς θεωρίας, Theologis dant operam, quo (si fors fuit!) ante vigesimum ætatis annum, subsidio Postillæ, obtinere queant Parochiam cum Puella, nec tam Christi gregem, quam semetipfos delicate reliquo vitæ tempore pascere. Imo, quis à se impetret ut credat, octo aut novem ministros, ad pascendam majoris Urbis Ecclesiam, ante vigesimum quintum ætatis annum à Diotrephe aliquo promotos, omnes æquales censi debere Timotheo, quem unum, ut juvenem, ex Novi Testamenti ministris, Paulus Apostolus commendavit; & non potius cogitandum esse, ejusmodi Diotrephe (ut ut nebula pietatis atque zeli, pellucente in oculis Jehovæ, ambitiosum atque avarum animum velare laboret) se similem exhibere suo socio Catilinæ, qui *juventutem illexerat*, teste Sallust. in Conjur. Catil. cap. 16. Ministros, præter alias virtutes, commendare quoque debet σεμνότης, seu *gravitas*, teste Apostolo Tit. 2. 7. quæ certe rarissime relucet in juvenibus, minime in illis, qui cum sic vixerint in Academicis, ut videantur diabolo magis quam Christo militasse, simulac tamen quacunque arte suggestum obtinuerint, Catonianum vultum menti puerili aptant, qui ut convenientis personæ videatur habere rationem, Phariseorum in morem tumultuantur contra leviora quædam peccata, quo plebeculæ suas rugas, & fucatos gemitus probent,



bent, quum ipsi nunquam præsumpturi sint valedicere peccatis, in oculis Jehovæ execrandis, minime hypocrisi; quam si æque Deo (qui eam extreme detestatur) probare possent, atque hominibus vice scuti suæ existimationis objiciunt, certo non minus cælum obtinerent, quam thronos in eo occuparent, Apostolicis proximos. At, quo provehor! Attendite ad tales mei Patroni, imo non modo ad tales, sed illos quoque, qui ex ordine Ecclesiastico, vobis, hujus commatis adolescentes, ob privatas magis considerationes, quam pro Christi gloria promovenda, & ore & scripto, non minus de nocte quam interdiu, obnixissime commendare solent. Utinam vero tu, qui zelo infucato suadente, Ecclesiæ ministerio te consecrasti, audias Bernardum, serm. 18. in Cant. sic elegantissime loquentem: *Si sapias, conchas te exhibebis, & non canalem. Hic siquidem pene simul recipit & refundit. Illa vero donec impleatur, expectat, & sic, quod abundat, sine suo damno communicat. Verum canales multos hodie habemus in Ecclesia, conchas vero perpaucas. Tantæ charitatis sunt, per quos nobis fluentia cælestia emanant, ut ante effundere quam infundi velint; loqui quam audire paratiores, & prompti docere, quod non didicerunt, & alii præesse gesientes, qui seipsos regere nesciunt. Præterea, quo Patroni eos, qui minus habendi donei, non temere promoveant, provideant sedulo, ne præcipiti consilio illos ad Cathedras Ecclesiasticas subvectos velint, qui vittis ruptis, è claustris Monachalibus, in quibus ut plurimum antea tesseram confregerant, profugerunt. Haud absque causa, Magnus ille Lutherus in operum limine Lectorem obtestatur, meminisse dignetur, se aliquando Monachum fuisse. Experientiaque docet (interim bonis nihil detractum cupio) plurimos ex hoc hominum grege, utut singularem zelum pro Orthodoxa religione jactent, tædio cælibatus magis, quam amore veritatis, vitæ solitariæ nuncium mittere. Non posse nos hic satis circumspectos esse, monet ipsa Synodus Dordracena, quando Can. 9. Eccl. ita sancit: *Neophyti, Missifici, Monachi, aut alias sectæ alicujus desertores, non admittantur ad Ministerium Ecclesiasticum, nisi summa cum sollicitudine, & providentia, postquam plusculo tempore accurate fuerint probati.* Atque, ut quam circumspecte & caute hic procedamus, ipsi Pontificii aurem vellunt, quando circa probationem eorum, qui, quod ex nobis non essent, ad se transeunt, extremam adhiberi volunt captelam. Verba sunt Johannis Molani, quondam Theologiæ Professoris in Academia Lovanienfi lib. 2. de Canonicis cap. 10. *Quia Calvinista, inquit, alique**

*Hæretici*



*Hæretici mentiri & pejerare non reformidant, nulli ad docendum admittendi sunt, quantumvis promptissimi sint ad fidem Catholica Romanæ religionis proficiendam, nisi aut cogniti sint, aut à viris gravibus bonum habeant testimonium. Postquam etiam admissi fuerint, & ipsi, & discipuli, eorumque libri, mores & studia, frequenter erunt visitanda. Secundo optandum, Patroni non injicerent compedes iis, quos ad ministerium promovere laborant, obtrudendo illis, aut demortuorum Pastorum viduas, aut filias. Quod tamen pro dolor nimis quam frequenter in hoc ipso Fœderato Belgio contingit. Non diffiteor, Apostoli Jacobi cap. 1. vers. 27. verbum esse, ad religiosum cultum pertinere, invisere orphanos, & viduas, in afflictione ipsorum: interim, nullibi libertas æque necessaria, atque circa matrimonium; ac grande piaculum, spe successurarum nuptiarum, alicui spem facere obtinendæ cathedræ. Ut non probo illius patris institutum, (videatur Plutarch. in Demetr.) qui ut persuadere posset filio, vetulam locupletem uxorem ducere, ex Euripidis Phænis occinebat: *Ubi lucrum suadet, reluctetur licet natura uxorem ducatis*: ita neque consultum pastori, ut respectu unius misericordiæ, pauperem uxorem domum ducat. Nam licet poëta Græcus existimet, *sponsam sine dote non habere loquendi libertatem*: talis tamen sæpe deprehenditur procacissima esse, atque marito suo quam immorigera; imo nec absimilis Ageriæ Paulæ, quam (testis est Hieronym. lib. 1. in Jovin.) cum Censorius Cato thoro suo sociasset, velut obsequentiore futuram, utpote humili loco natam, pauperem, & indotatam, eandem tamen vinolentam, impotentem, superbam expertus est. Quo Pastor hoc seculo omnes muneris sui partes explere possit, honesta & pacifica dos ex benedictione Dei (per media agere soliti) non minus ejus matrimonium exornare, quam familiam sustentare apta est: quæ tamen ne officiat quieti ejusdem domesticæ, ipse non modo ut vir prudens, verum etiam ut Christi in sua Ecclesia minister providebit. Quum alias certum sit, eam ut plurimum turbari, quando sive ab ipsa Ecclesia, sive à Patrono, futuro ministro hæc conditio, velut necessario explenda, proponitur, ut, aut defuncti pastoris viduam, aut filiam ducat. Si quærat aliquis, an nunquam ergo alicui Ministerium Ecclesiasticum, sub hac conditione, offerri debeat? Ne rem actam agam more hoc seculo recepto, pro me adoptabo verba Balduini, qui lib. 4. de Casib. Consc. cap. 8. cal. 9. hunc in modum ad questionem hanc responder: Matrimonium Pastorum Ecclesiæ nemo piorum improbat, quin & Paulus inter requisita Episcopi ponit, bene prospicere*



*domui sua, & liberos habere subditos, cum omni reverentia* 1. Tim. 2. v. 4. Iniquum ergo non est, liberis suis bene educatis ut & reliquæ post mortem conjugii, de honesto prospicere matrimonio. Si quis ergo ad officium satis aptus, & toti Ecclesiæ acceptus fuerit, & in tale conjugium non invitatus consenserit, non peccat Ecclesia, si ei hac cum conditione functionem aliquam promittat, ut vel viduam, vel filiam, defuncti sui pastoris ducat. Est enim species gratitudinis erga bene meritum pastorem, liberorum suorum habere rationem, quod hoc modo, ubi dignitas perlonge, quæ Ecclesiæ præficienda est, non negligitur, optime fieri potest. Sed quando jam conclusum est, vel à patrono, vel ab Ecclesiæ ministro, nemini committere Ecclesiam, quam, qui reliquam viduam aut filiam pastoris duxerit, etiam si ei conjugium hoc non arriserit, nec ipse ad functionem illam satis aptus sit, hoc minime probari potest. Ita enim Ecclesiæ sepe numero obtruditur indignus, in cuius vocationem ordines Ecclesiæ omnes minime consenserunt, prætereuntur alii digniores, difficultates conjugii augentur rixis & jurgiis, interdum etiam cædibus conjugum occasio præbetur, id quod maxime scandalosum est, & nullo modo excusari potest. In talem ergo vocationem nemo consentire debet, ne per ipsum & Ecclesia decipiatur, & ipse conjugii plane imparis jugo implicetur. *Huc usque Balduinus.* Postremo provideant sedulo Patroni, ne patiantur se muneribus induci, ut hujus præ illo in demandando munere Ecclesiastico rationem habeant: nulla quoque ratione audiant eos, qui oblata certa annuorum proventuum parte, parati sint secum transigere de vacante loco. Multa hic dici possent, optaremque ex animo, sordes has, per Belgium Fœderatum, ubi jus Patronatus alicubi obtinet, plane ignotas esse: quæ, quam abominandæ sint, eleganter ostendunt Imperatores Leo & Anthemius, quando *in leg. Si quemq;* 3 1. *Cod. de Episcop. & Clericis, ita loquuntur:* Nemo gradum Sacerdotii pretii venalitate mercetur, quantum quisque mereatur, non quantum dare sufficiat, æstimetur. Nec pretio, sed precibus ordinetur Antistes. Tantum ab ambitu debet esse sepositus, ut quærat cogens, rogatus recedat, invitatus effugiat: sola illi suffragetur necessitas excusandi. Profecto enim indignus est sacerdotio, nisi fuerit ordinatus invitatus. Cum sane, si quis hanc sanctam & venerandam Antistitis sedem pecuniæ interventu subiisse, aut si quis, ut alterum ordinaret, vel eligeret, aliquid accepisse detegitur, adinstar publici criminis & læsæ Majestatis accusatione proposita, à gradu sacerdotii retrahatur. Nec hoc



hoc solum honore privari, sed deinceps perpetua quoque infamia damnari decernimus; ut eos, quos par facinus coinquinat & æquat, utrosque similis pœna comitetur. *Hactenus Impp.*

Ut tandem coronidem huic Exercitationi, quæ nimium quam ex-XV. crevit, imponam, non possum non unum amplius notare, nempe, pro dolor! non minus exercitium Juris Patronatus (quod lubens ut aliquod Ecclesiæ ἱερωσύνη agnosco) quam Ecclesiæ vocationes, quæ alias magis legitime videntur, turbari per duas immanes belluas, avaritiam scilicet & ambitionem, quarum alterutram dum quidam ex illis, qui Christo consecrati sunt, mollius curant, quam regis Antiochi oculi solent, plurima *ἀντιπας* in Dei domo peraguntur. Quam vellem, nullis, qui vivunt, imo qui docent, in Ecclesiis Reformatis, aptari possent verba viri sanctissimi & disertissimi Isidori Pelusiote, qui jam olim, (verba illius, prout reddita sunt ab Interprete, exhibeo) sua tempora respiciens Epist. 235. sic locutus fuit: Res quædam honorifica, & magni momenti, & præclara, unde factum est, ut Apostolici conventus, tanquam lumina fulgerent ubique terrarum, ea per incuriam nunc omissa, confusione, & perturbatione replevit Ecclesias. Quidnam est hoc rei? Liberè dicam, neque enim alio modo possem. Eo tempore promovebantur ad res sacras administrandas qui virtuti studerent, modo qui pecuniæ. Tunc qui detrectabant provinciam propter ipsius molem, nunc qui ultro se inferunt, atque intrudunt propter ubertatem deliciarum. Tunc qui gloriabantur eo nomine, quod nihil possiderent, ita volentes, nunc qui eo, quod habent, plus adhuc habere volunt, & pecuniis congerendis dant omnem operam. Tunc qui præ oculis habebant divinum iudicium, nunc autem qui ne cogitationem quidem ejus rei suscipiunt. Tunc qui verbera ferre, modo qui inferre, sunt parati: & quid attinet plura dicere? De cætero videtur ipsa dignitas à rerum sacrarum administratione ad tyrannidem conversa, à demissione ad superbiam, ab inedia patientia ad affluentiam deliciarum, à dispensatione ad damnationem. Non enim ut dispensatores administrare sat habent, sed tanquam Domini volunt sibi vindicare. Hæc autem non contra omnes dicta sunt, sed contra illos, qui obnoxii sunt his criminibus. Sunt enim, qui juxta formam Apostolicam vivunt, sed vocem mittere non audent, quo fit, ut reprehendendi non parum sint, propterea quod veriti multitudinem eorum, qui intemperanter se gerunt, quatenus saltem illos attingit, negligunt eam curam, ut mala tanta corrigantur,

K k 3

atque



atque emendentur. *Hæc Isidorus Pelusiota*, & quidem ille Isidorus, qui propter insignem vitæ morumque sanctitatem dictus fuit jam olim *Isidorus*. Jungo illi Sulpitium Severum, sic loquentem lib. 1. *Sacr. Hist.* Levitis, inquit, in Sacerdotium assumptis nulla portio data, quo libentius servirent Deo. Equidem hoc exemplum non tacitus præterierim, legendumque ministris Ecclesiarum libenter ingesserim. Etenim præcepti hujus non solum immemores, sed etiam ignari mihi videntur: tanta hoc tempore animos eorum habendi cupido, veluti tabes incessit; inhiant possessionibus, prædia excolunt, auro incubant, emunt, vendue, quæstui per omnia student. At si qui melioris propositi videntur neque possidentes, neque negotiantes, quod est multo turpius, sedentes munera expectant, atque omne vitæ decus mercede corruptum habent, dum quasi venalem præferunt sanctitatem. *Huc usque Severus Sulpicius* de temporibus suis: quid autem diceret, si hoc tempore viveret? Profecto exclamaret cum Hieremia: *A majori usque ad minorem omnes avaritia student, & à Propheta usque ad Sacerdotem cuncti faciunt dolum.* Atque, utinam hæc querelæ duntaxat locum haberent circa eos, qui in Papatu audiunt Clerici, quos, cum omnia, Papæ sui exemplo, venalia habeant, uni quæstui studere, mirum non est. Haut pauci, ex illis ipsis, qui agnoscuntur Antecessores in Orthodoxa Ecclesia (quod sine lachrymis vix meminisse possum) secundum Apostoli verbum, *quæ sua ipsorum sunt, quarunt, non quæ Christi Iesu*, Phil. 2. 21. Cumque avaritia, quæ est idololatria, Col. 3. 5. maxime dedecet verbi Ministrum, cui nulla ratione licet *turpem quæstum facere*, cum debeat *alienus esse ab avaritia*, 1. Tim. 3. 3. rarissime tamen, imo fere nunquam, censura notantur illi, quos ex ipsis Ecclesiæ & quidem Orthodoxæ pastoribus, constat ad sordes usque avaros esse. Continere me non possum, quin notem hic aliquos casus, Ministrorum animum habendi studiosum arguentes, quoniam pro dedecus! eo res rediit, ut ipsi viri Politici observarint eos ipsos, qui à sua Præcisiuitate commendari cupiunt, quam jejunos & steriles esse circa præceptum octavum, atque dormire prope modum, quando, occasione illius, fibræ τῆς φιλαργυρίας veniunt excutendæ. Ad eos vero referendum esse τὸν παῖν D. *Vilhelmum Teelingium*, quem usque adeo commendat D. *Voetius* in Præf. quam præfixit Comment. ejusdem postumo ad 7. cap ad Rom. nunquam credidissim, nisi vir quis amplissimus me manu duxisset ad egregium alias illius librum, qui inscribitur *Nootwendigh Vertooch*, atque jussisset (me interim erubescen-  
te)



bescente) inspicere pag. 265. & seq. Edit. anni 1627. Ne vero solus ego videar casus ejusmodi proponere, atque forte per quosdam iterum vapulem, (qui semur antehac percusserunt, quod digito solummodo incepissem attingere quorundam Ministrorum τῶ πολυπεγγμοσύλω) præmittam illos casus, quos non minus eximius, quam pientissimus, Theologus Andreas Hyperius notavit, in aureolo libello, jam antea laudato de probatione sui ipsius, qui, ratione Ministri, ad octavum præceptum pag. 423. Edit. jam antea indicatæ, sequentia habet:

Minister Ecclesiæ. Num ipse erectus fuerit ad functionem sacram, vel alios promoverit, dativæ muneribus, aut iis omnino perfectis, quæ munerum, pretiivæ, loco censerentur. Quod crimen ob Simonem Magum, cupientem sibi pretio comparare facultatem conferendi, per impositionem manuum, Spiritum Sanctum (Act. 8.) hodie vocatur Simonia.

Num pro exhibito officio in dispensatione Sacramentorum, atque eorum quæ his conjuncta sunt, mercedem postularit vel acceperit.

Num propter commodum & mercedem potius, quam aliam ob causam, se ad munus Ecclesiasticum contulerit.

Num ab una Ecclesia ad aliam commigrarit spe opimioris stipendii, vel pacto aliquo de accessione amplioris commodi interveniente.

Num passus fuerit Ecclesiæ facultates ita diminui, ut propter eam diminutionem decedat ministrorum vel pauperum, qui ab Ecclesia illa aluntur, usibus necessariis.

Num diversarum Ecclesiarum proventus sine justa & necessaria causa recipiat. Justam & necessariam causam intellige, cum aut ex alterius Ecclesiæ proventibus non potest minister se alere, aut ad illud tempus inveniri nequit, qui alterius Ecclesiæ gubernandæ labores suscipiat.

Num Ecclesiæ, cui præest, facultates curarit in eos usus rite impendi, in quos debent: nimirum ad alendos ministros, studiosos adolescentes pauperes, ætate confectos, viduas, pupillos, &c.

Num in dispensandis facultatib. Ecclesiarum iis plus dederit, qui minus egebant aliis, quam decebat, neglectis interim iis, quorum inopiam sublevari justissimum erat.

Num quæ accepit ab Ecclesia, ad necessarios tantum honestosque usus converterit, alens nimirum honestam & bene moratam familiam, impartiens egenis, non consumens in luxu, in conviviis, in vestitu, item cum scortis, &c.

Num



Num ad se pertraxerit vel receperit aliquid, quasi annexum suæ Ecclesiæ, quod tamen annexum ei non est.

Num stipendium ab Ecclesia quapiam receperit, cui tamen ipse nullam impendere dignatur suam operam.

Num ex iis quæ pertinent ad Ecclesiam, aliquid ad alios usus quam conveniebat, transfulerit, vel iis utendum permisit, qui Ecclesiæ non commodant. *Hactenus Hyperius.*

Hisce Hyperii casibus, interrogative propositis, triginta subsequentes subijcio. Ergo posset per modum explorationis ex verbi Ministro quæri: An non securior fuerit Oeconomice, Ecclesiastice vero negligentior, oblato opimiori Pastoratu? An non dotem magis respexerit, quam mores, cum quæsiturus sibi esset conditionem? An non valedixerit piæ & modestæ alias puellæ, atque ex parte quoque sibi desponsatæ, cum spes de dote decollasset? An non finxerit novas quasdam muneris sui appendiculas, tantum ut auctarium stipendii nancisci posset? An pariter eundem in finē non prætexuerit se pauperiorem esse, quam revera erat? An non sectatus fuerit quosdam, iidem etiam blandiendo, spe solummodo compendii? An non neglectis pauperibus, ad consolationem spirituales anhelantibus, tales suos fautores adierit? An ex superfluo stipendii sui convenienter prospexerit pauperibus, reputando hoc iis magis deberi, quam suis liberis? An non imploraverit subsidium pro studiis filiorum suorum, quos tamen ipse sustentare poterat? An non libros scripserit magis ob consequendum ex Dedicatōne honorarium, quam ut Ecclesiæ ædificandæ iidem servire possent? An non alacrior sit in exigendis suis redditibus, quam in visitandis agris, itemque viduis pauperibus? An, si aluerit convictores, eosdem, fingendo varia, quæstui non habuerit? An non jactarit novas vocationes, tantum ut stipendii auctarium consequi posset? An, cum esset delegatus sive Synodi, sive Classis, tempus non protelarit, tantum, ut plurimum dierum dimensum consequi posset? An in edendis talium commissionum rationibus non egerit fraudulenter? An non in rationes illas retulerit quid in hospitio expensum, quo tempore ipse apud amicum diverterat? An non mercatoribus aliquibus, à quibus merces petere debebat, objecerit pastorem auctoritatem, solummodo ut viliori pretio merces illas comparare posset? An non quibusdam peccatoribus in propatulo pepercerit, ne excideret honorariis ab iis accipere solitis? An non neglectis pauperum casibus, spe strenæ, sub novi anni auspicio,



spicium, quosdam, sive Nobiles, sive opulentos, adierit, bona verba dicturus? An non calibum, viduarumque improlium testamentis fuerit insidiatus, laboraritque pro consequendo legato? An non usuras mutuae suae pecuniae adauxerit, eo quod videret creditorem pauperiorem esse, nec hypothecam posse offerre? An non hoc tempore à suis debitoribus pro mutua pecunia senos in centuriam florenos exigat, cum ordinario quini solum in Belgio solvi consueverint? An non agros, ad Pastorum suum pertinentes æquo carius elocet? An non acerbissime à pauperioribus quoque usuras exigat? An non quæstori, à quo solitus est stipendium accipere, etiam quando eo non indiget, in præjudicium aliorum, quibus prius solvi deberet, quam importunus sit, ut ex hac pecunia quæstum queat facere? An non detraxerit suis Collegis proletariis, eo, quod plus stipendii perciperent, quam ipse, qui aut celebs, aut improlis est? An non curarit negari se domi esse, tantum ut officium hospitalitatis declinare posset? An non lites acerbè sectetur, solum ut lucrum consequi possit? An non filios suos moneat, dotatas sectentur puellas, levi Religionis, pietatis, & morum mentione injecta? Triginta hæc quæstiones, ad modum superpondii, Hyperii quæstionibus superadditæ, hoc tempore sufficiant, quas cum proposuerim simplici animo, utque tempestive se convertant, quorum conscientia ad avaritiam videtur occalluisse; ita ne quis forte ringatur, subjicio amplius verba Theologi in Belgio non incelebris Wilhelmi Teelingii, qui in libro Belgico, (modo in eum digitum intendi) qui inscribitur *Nootvrendich Vertooch*, postquam non minus libere quam acerrime quorundam ministrorum vitia arguisset, tandem pag. 102. col. 2. hæc superaddit: *Nu dit en heeft sich niemant an te trekken, dan die daer aen mochte schuldich sijn; Godt de Heere, de kender der herten, vreet met vvat bescheet ende gemoet, vvy onse dingen doen.*

Et sic quidem hætenus tuitus fui Ecclesiarum Belgicarum Praxin, XVI. ab ipsa Synodo Dordracena determinatam & approbatam. Absit vero, ut, quemadmodum sæpius jam professus fui, ulla ratione multiplicibus abusibus (qui circa exercitium hujus juris notantur) patrocinari velim: Absit maxime, ut promiscuam Juris illius venditionem, circa quam inter Orthodoxos & Heterodoxos non discernitur, approbem. Scio pro dolor! eam alicubi, in hoc Fœderato Belgio, ante annos non ita multos, hasta quoque posita, peractam fuisse. Viderint vero, qui ex Politicis hoc consilium suggererunt; viderint quo fine hoc fecerint, &



an Ecclesiæ, an Reipublicæ, an vero suum emolumentum intenderint; viderint deniq; Ecclesiarum moderatores à Synodis particularibus constitui soliti, seseque excutiant, an obviam quoque iverint talibus consiliis, erudiendo illos, qui vulgo Politici audiunt, quod ejusmodi venditiones juxta ipsum Jus Canonicum illicitæ sint. Certe *c. de Jure 16. & , cap. quia Clerici. 6. extra de jure Patron.* sancitur, quod illud per se & sua natura, ac singulariter vendi non possit, quod sacro, seu religioso est annexum. Nec Canonistæ, qui occasione Textus in *c. ex literis. 7. c. cum seculum. 13. eod. tit.* aliquam venditionem admittunt, in eam consentiunt, nisi ut veneat universitas, h. e. omnes res *τῆς ἐκκλησίας*, tam corporales, quam incorporales, veluti urbs, pagus, castrum, villa, prædium, &c. Adeo ut detestandum sit, & deplorandum maxime, quod alicubi Reformati Magistratus in Belgio, solum jus Collationis absque prædiis publice vendere præsumpserint quibusvis, tam Pontificiis scil. & Anabaptistis, quam Reformatis, illis jus hoc addicendo, qui præ aliis largius ausi fuissent licitari. Fieri non potest, quin, qui hoc jus publica autoritate emerunt, iterum vendant, nulla habita ratione indigenarum præ alienigenis, quum tamen illorum, quod ad promotionem Ecclesiasticam, præ aliis rationem haberi velit tum Jus Civile, tum etiam Canonicum. Quod ad Jus Civile, illud sic sancit, leg. in *Ecclesiis. 11. Cod. de Episc. & Cleric. Clerici non ex alia possessione, vel vi- co, sed ex eo, ubi Ecclesiam esse constiterit, ordinantur.* In Jure Canonico vero ita lego *c. hortamur. 8. distinct. 71. Hortamur, ut in Ecclesiis à vobis fundatis, aliunde veniens Presbyter non suscipiatur, &c.* Quis speret quoque, tales Patronos, qui uni suo commodo student, Ecclesiæ ministris sufficienter de necessariis prospecturos esse, atque operam daturus, ut omnia, quæ templum concernunt, facta testaque sint? Ut supra ostendimus, secundum Jus Canonicum, Patronus jure suo excidit, si in Hæresin prolapsus fuerit; prout late illud deducit *Paulus de Civadinis de jure Patronatus part. ult.* Quam non deplorandum ergo, non modo autoritate Magistratus jus hoc vendi Pontificiis, Anabaptistis, &c. si non & Atheis: verum ipsos quoque Magistratus nomine quasi publico hoc facit, & quidem absque prædiis, quibus annexum est? Quicquid quidam sibi persuadeant, pudebit (ut spero) aliquando posteros suorum Majorum. Subjicerem syllabum multiplicium abusuum circa hoc jus, in ipso hoc Fœderato Belgio committi solitorum tum ab ipsis Collatoribus, tum ab iis, qui ab ipsis ad Ministerium destinantur, nisi hoc alibi faciendum foret.

EXER-



## EXERCITATIO. XIX.

## An Ministri Ecclesiæ, salvo munere

suo, vacare queant aut exercitio artis Mechanicæ, aut Agriculturæ, aut etiam Medicinæ?

1. **Q**uatenus verbi Divini ministri exercitio artis Mechanicæ vacare possint?
2. An praxin Medicam exercere possint?
3. Occurrunt Reyn-ssu objectionibus.

**Q**Uum præcedenti Exercitatione, occasione juris Patronatus, delapsus sim ad φιλαργυσίαν, pro dedecus! quibusdam ex ordine Eccl. sialtico nimis quam familiarem; non possum non tres cognatas quæstiones attingere. Experientia siquidem constat, quosdam ex hoc ordine, cum æstuent infano habendi studio, ac nolint attingi sua ulcera, insectari tamen papulas alienas, atque existimare, propterea, impune sibi licere esse avaris, quod hoc suum vitium non prodant aut exercendo artem mechanicam, aut agriculturam, aut Medicinam. Incipiam ab artibus Mechanicis, expendamque, an & quatenus earum exercitium Ministro Ecclesiæ possit concedi? Quamvis Plato lib. 5. de LL. omnes artes secularias fordidas esse judicaverit, & Lacedæmonii eas exercere noluerint, quod crederent corpus ab iis effeminari, secundum Plutarch. in Agefil. & Ælian. lib. 6. Var. Hist. cap. 6. eorumque exemplo, urbe & rep. suæ eas exterminaverit Romulus, teste Dionys. Halicarn. lib. 2. Nihilominus Christiani in Primitiva Ecclesia, ne sibi invicem oneri essent, gnauiter artibus hisce, plerisque gentiliū invis, vacaverunt, memores dicti Apostoli, 2. Thess. 3. vers. 10. εἰ τις ὃ θέλει ἐργάζεσθαι, μηδὲ ἰδοίτω: Si quis noluerit laborare, etiam non edat. Sectati verò fuerunt magni illius Pauli exemplum, qui teste Luca Act. 18. v. 3. σκηνοποιὸς τῷ πένελω fuit: & quidem ex præscripto paternarum traditionum, quarum se æmulatorem ante conversionem fuisse testatur Gal. 1. 14. Schemaja enim & Althalia Rabbini antiqui & celebres meminerunt

Ll 2 in



in Cabala hist. & in 1. lect. 1. hebd. Azymorum, vetustæ cujusdam legis, qua præscribatur Judæis, qui sacras literas profiteri vellent, ut addiscerent manuale aliquod opificium, quo victum sibi pararent. Inde & dicitur Judia. 47. 1. & 2. *Plerique sapientes alicujus artificii erant, ne utilitatem caperent ab aliis.* Nec Paulus ad Christum conversus in exercenda, quam juvenis didicerat, arte, segnis unquam fuit. Sic enim de se ipso loquitur, 1. Thess. 2. v. 9. *Nocte ac die operando, ne cui vestrum oneri essemus, prædicavimus apud vos Evangelium Dei.* De Christianis in primitiva Ecclesia, idem testatur Epiphan. hæres. xxc. contra Messalianos, ita loquens per Interpretem: *Omnibus Dei servis, propriis manibus laborantibus ad justitiam, ut possint sufficere indigentibus.* Irrisi propterea fuerunt à cæca gentilitate. Justin. Apol. 1. *Manuum opifices, & omnino idiota, & gloria, metus, mortisque contemptores.* Minucius Octavio: *Itaque indignandum omnibus, imo indolendum est, audere quosdam, & hos studiorum rudes, literarum profanos, expertes artium, nisi sordidarum, certum aliquid de summa rerum ac majestate decernere.* Sic gentilium turba Christianos apud Theodor. ferm. 8. per contemptum vocat: σκυπίας, καὶ ὑφάντας, καὶ χαλκοτύπας, καὶ τὰς ἄλλας, ὅσαι τὰς τέχνας μεταχειρίζονται: *Cerdones, & textores, ararios fabros, & quotquot manualia exercent artes.* Respexit huc Juvenal. sat. 4. *bulli ibant, & onctui mullæ*

*Atque utinam his potius nugis tota illa dedisset*

*Tempora sævitia, claras queis abstulit urbi*

*Illustresque animas.*

*Sed periiit, postquam cerdonibus esse timendus*

*Ceperat.*

Vult enim innuere, calvum Neronem Domitianum, è medio fuisse sublatum, cum tyrannidem in Christianos exercere inciperet. Nec vulgus solum Christianorum, manualia qua arte se sustentavit, sed ipsi etiam Doctores Ecclesiæ. Sic Origenes lib. 3. contra Cellum observat eos fuisse ἐργεργὰς, σκυτοτόμους, καὶ κναιφῆς: *Lanarios, Sutores, & Fullones.* Præclarum hoc institutum postea dimanavit ad monasteria & monachos. Epiphan. l. proxime laudato, immediate hæc verba subjicit: *Quemadmodum & in singulis monasteriis in regione Egypti, aliisque omnibus regionibus sic laborant ad justitiam.* Hieronym. Epist. 4 ad Rusticum Monachum: *Facito aliquid operis, ut te semper diabolus inveniat occupatum. Si Apostoli, habentes potestatem de Evangelio vivere, laborabant manibus suis, ne quem gravarent, & aliis tribuebant refrigeria, quorum pro*  
spiritua-



spiritualibus debebant metere carnalia, cur tu in usus tuos cessura non praepares? vel fiscellam texe junco, vel canistrum lentis plecte viminibus: Sarriatur humus, areola aquo limite dividantur: in quibus cum olerum iacta fuerint semina, vel planta per ordinem posita, aqua ducantur irriguae, ut pulcherrimorum versuum spectator asistas, &c. Inserantur fructuose arbores, vel gemmis, vel surculis: ut parvo post tempore, laboris tui dulcia poma decerpas. Apum fabricare alvearia, ad quas te mittant Salomonis proverbia, & monasteriorum ordinem, ac regiam disciplinam, in parvis disce corporibus. Texantur & lina capiendis piscibus: scribantur libri, ut, & manus operetur cibum, & animus lectione saturetur. In desideriis est omnis otiosus. Aegyptiorum monasteria hunc morem tenent, ut nullum absque operis labore suscipiant, non tam propter victus necessitatem, quam propter animae salutem. Isidor. Pelusiota lib. 1. Ep. 470. ad Theodorum Scholasticum Monachum, per Interpretem: Tu quidem opus omne, quod manibus elaboratur, turpe ac probrosum esse existimas, cum aliqui utile sit, atque ad tuendam vitam conducatur. At Mityleneus Pittacus, quamvis Rex esset, pistrinum tamen manibus suis extruebat, simulque & actuose se exercebat, & cibum operabatur. Fallitur vero Bellarminus lib. 2. de Monachis cap. 42. (quem sequitur Lorini. Comment. in cap. 18. A. &.) quando docet, olim pro arbitrio Monachos vel laborasse, vel otio litasse. Contrarium evincitur ex Epiphano. item ex Augusti. qui ita lib. de opere Monachi cap. 17. Quid agant, qui operari corporaliter nolunt, cui rei vacent, scire desidero. Orationibus, inquit, & Psalmis, & lectioni, & verbo Dei. Sancta plane vita, & in Christi suavitatem laudabilis: sed si ab his avocandi non sumus, nec manducandum est, nec ipsa esca quotidie preparanda, ut possint apponi, & assumi. Si autem ad ista vocare servos Dei certis intervallis temporis, ipsius infirmitatis humana necessitas cogit, cur non & Apostolicis praeceptis observandis aliquas partes temporum deputamus? Citius enim exauditur una obedientis oratio, quam decem millia contemptoris. Neque verba illa Afri Doctoris intelligi debent de iis tantum, qui ante ingressum in monasterium, ex labore manuum vixerunt: sed de ipsis (ut loquitur Cardinalis) contemplativis, qui omnia sua inter pauperes distribuerunt. Clare colligitur ex cap. 25. ejusd. operis: Quamobrem etiam illi, relicta, vel distributa, sive ampla, sive qualicumque opulenta facultate inter pauperes Christi pia & salubri humilitate numerari voluerunt, si corpore ita valent, & ab Ecclesiasticis occupationibus vacant; quanquam eis tam magnum animi sui documentum asserentibus, vicem sustentandae vitae eorum.



res ipsa communis & fraterna charitas debeat: tamen si & ipsi aliquid manibus operentur, ut pigris ex vita humilior & ab hoc exercitatore venientibus auferant excusationem, multo misericordius agunt, quam cum omnia sua indigentibus dividerunt: quod quidem si nolunt, quis audeat exigere? Sed, missis Monachis, ad quos invitante tam commoda occasione divertimus, manuariæ artis peritia tantum abest ut dedecori Theologi, aut verbi Divini ministri cedat, amplius tempore persecutionis, ad quam genuinus Christianus perpetuo sese componere debet, (quod iudicium incipiat à domo Dei 1. Petr. 4. 17.) summum usum habet, suggeritque, ut vel ex Pauli Apostoli exemplo liquet, commodum vitam absque alicujus onere transigendi remedium. Quod suo exemplo comprobat Theologus quantivis pretii, Wolfgangus Musculus, (refert filius Abrahamus Musculus in vita Patris) qui, postquam deserto Monasterio, uxorem duxisset, quo commode agitare posset, & nulli unquam gravis esse, uxore Argentorati famulari iussa, in disciplinam se dedit textori, à quo, utpote Anabaptista, cum dimitteretur, non dubitavit operam suam fodiendis fossis locare. Atque, hanc ob causam, Theologus pientissimus Caspar Olevianus Theologiæ studiosis author solet esse, ut horis succisivis addiscerent ejusmodi artem mechanicam, quæ non turbaret studia, suo autem tempore summo usui esse posset. Atque hoc olim observatum fuisse ab Ungaris Theologiæ candidatis, notissimum est. Quod vero Minister honestè quoque domui suæ prospicere debeat, si ruri vivat, atque minus onerum Ecclesiasticorum sustineat, postquam ea, quæ ad munus suum pertinent, expedit, legitime Agricultura vacare potest, aratrumque non minus tractare, quam cum pecoribus in Dei timore degere. Observatione dignissimum est, quod Patriarchæ, qui sua ætate fuerunt Ecclesiæ capita, atque in ea supremi Doctores, vitam non minus rusticam vixerint, quam mutorum quorundam animalium, quorum naturam exploratissimam habebant, pastores extiterint; quodque Eliazus Propheta à stiva & bobus vocatus fuerit ad munus Propheticum, 1. Reg. 19. 19. Interim primas partes perpetuo sibi vindicare decet ipsum munus Ecclesiasticum, alias totum hominem occupare aptum, quum non fuerit frustra dictum ab Apostolo, *Nemo qui militat, implicatur hujus vitæ negotiis, quo ei placeat, à quo delectus est miles*, 2. Tim. 2. 4.

- II. Sed, an pariter exercitio artis Medicæ verbi Divini minister convenienter vacare queat? sæpius quesitum memini, atque amplius quam semel



semel in Synodis particularibus Belgii Fœderati hoc discussum fuit. Multi ex Pontificiis DD. in negativam sententiam inclinare videntur, quorum plures ad suffragium vocat quidam *Ioannes Quimbeduus, de Benef. Ecclesiasticis*, ubi contendit, Medicum sacerdotem abstinere debere à medendo, quod ars Medica non possit exerceri nisi cum periculo hominis vitæ. Sed cum dona sanationum, (1. Cor. 12. 9.) sive immediate sive mediate exercentur, semper sint dona Dei, non videtur Minister, si illa impendat, citra præjudicium sui muneris, salutis proximi sui, eam potissimum intendendo, culpandus esse. Certe Spiritus Sanctus ipse annotat Col. 4. 14. Lucam Evangelistam fuisse Medicum. Certumq; est, in primitiva Ecclesia, multos pios & doctos Episcopos notatos fuisse, qui ministerio Ecclesiastico sociarunt exercitium Medicinæ. Præ aliis hoc nomine quendam Theodorum Episcopum laudat Eusebius lib. 7. Hist. Eccl. cap. 3. quod singulari artis Medicæ cognitione instructus, plurimis ægris feliciter mederetur. Atque de Monacho medico duæ extant Bernardi Epistolæ ad Monachos Flaviacenses, nempe Epist. 67. & 68. quibus sub certa lege, iis quoque, qui vitam Monasticam amplexi erant, medicinæ exercitium permittit. Ne dicam, à tempore Reformationis usque, hauri paucos Theologos & verbi Divini ministros, singulari cum fructu praxi non minus Medicæ vacasse, quam *Φαρμακὸν τε καὶ χειρουργικὸν* exercuisse. Nec ipsum jus Canonicum simpliciter Clericis interdicere exercitio artis Medicæ, sed duntaxat eo in casu, si conscientia eos remordeat. Huc enim pertinet rescriptum Clementis Tertii ad Cremonensem, quod extat lib. 1. Decret. tit. 14. de Ætate. Verba sic habent: *Ad aures nostras, te significante, pervenit, quod cum in arte Physica eruditus sis, pluribus juxta ipsius artis traditionem exhibuisti cum diligentia medicinam, licet pluribus in contrarium successeris, & quibus putabas adhibere medellam, medicina preceptis, mortis periculum incurrerunt. Verum quia ad sacros ordines desideras promoveri, super eo nos consulere voluisti. Tibi breviter respondeo, quod si super præmissis conscientia tua te remordeat, ad majores ordines de nostro consilio non ascendas. Interim verbi Minister praxin Medicam inter *πύργους* ducat, minime vero, ut (pro dolor!) aliquibus mos, ad eam provolet solo lucro invitante; exploret amplius suam peritiam, aut potius se explorandum peritioribus exhibeat, ne, quod multis mos est, pro Æsculapio sese venditare ausit, quando vixdum ad cortinam nobilissimæ artis est admissus; denique cogitet,*



cogitet, se, arte sanandi morbos corporis, à Deo sic donatum esse, ut multo magis sollicitus esse debeat de curandis animabus. Plura qui voluerit, adeat Danæum Theologum Orthodoxum, de vita Christiana cap. 4. qui cum verbi Ministro permittat Medicinæ exercitium, simul nobis patrocinetur, qui sub iustis limitationibus hoc duntaxat concedimus.

- III. Sed, cum Reynessius noster nulla ratione admittat ad exercitium aut manuarum artis, aut Medicinæ, Verbi Divini ministros, despiciendum est, quibus argumentis moveatur. Illa proponuntur pag. 150. & seqq. Atque, sic quidem (1) insurgit: *Ecclesiæ nunc tot sunt bella cum civibus & hostibus, ut nisi Pastores se quotidie hoc armorum genere exercuerint, facile ea ab insidiis casura sit.* At, quid hoc nobis obesse potest, qui Ecclesiæ ministris non permittimus artis selluarie exercitium, nisi tempore persecutionis: quod cum hoc modo se sustentare exemplo Pauli possint, Ecclesiæ non sint oneri. 2. *Semper (dicit) præsto esse debet, si quis forte ejus auxilio, aut consolatione, in Ecclesia egeat. Tempestive & intempestive: De nocte & die.* Nec hoc ferit, neque enim adversatur Thesi, quatenus à nobis proposita est. Ubi Ecclesiæ est inserviendum, se totum fidelis Pastor ei mancipare debet: sed, tempore persecutionis, quando Ecclesia dissipata est, sæpe fidelissimus Pastor non offendit occasionem dona sua Christi membris impertiendi. 3. *Pastores artes exercentes monopolia sere erigant, & omnes emptores ad se trahunt, membra enim Ecclesiæ, sive amore, sive metu, apud eos quarunt, quibus opus habent.* At, quod accidit per avaritiam alicujus *Δεῖνα*, non debet imputari rei in se licitæ, ad hoc ut evadat illicita. Pro dolor! plurimi ex mercantium ordine, pro quam devotis Ecclesiæ membris se gerunt, ad hoc ut plures emptores invitare possint, quibus si imponant aut per adulteratas merces, aut per mensuras injustas, censuram mereri non credunt. Quis tamen hinc inferre ausit, Mercaturam esse minus legitimam acquirendi dominii modum? 4. *Species hac mali foret, & viderentur sua magis quam Ecclesia querere.* Quid existimandum sit de mali specie, cujus meminit Apostolus 1. Thess. 5. fuisse expendi in Tractatu de Præcisitate. Attendatur ad Thesin, quatenus à me limitata est, atque restricta ad tempus Persecutionis, & nihil occurreret, quod cum ratione arguatur. 5. Pergit, & contendit, artium harum exercitio Pastores non debere vacare, quod liberaliter satis sustententur, aut, si minori, quam indigent, stipendio fruuntur, spes sit, non



non adeo duras fore supremas potestates, &c. Velim exposuisset, unde, tempore persecutionis, stipendium verbi Ministri sperare debeant? Si adeo liberales sunt supremæ Potestates in Belgio, cur toties de stipendio, oppidò quam tenui (certe ratione pastorum agrariorum negari non potest) ante hac conquesti fuerunt? 6. & postremo sic cornicatur Noster: *Artes, illi non nisi magno cum dispendio temporis, honoris, eruditionis, & damno Ecclesiæ exercerent.* Sed, tempore persecutionis, læpe pro dolor! nulla Pastori offertur occasio, in usum membrorum Christi depromendi illa dona, quibus divinitus est insignitus. Miror vero, quod homo ambitiosus, metuat honori Ministerii, ab exercitio harum artium. Quasi vero B. Paulus vocationem suam profutuerit, quod esset σκηνωπιός? Et hæ sunt rationes hominis nostri, aut verius λόγου, & geræ germanæ.

## EXERCITATIO. XX.

## An Pastor Ecclesiæ possit interesse convivii?

1. **O**ccasio questionis. Quidam ex Pastoribus hic in defectu, alii in excessu, peccant.
2. Pastores convivii possunt interesse.
3. De conviviorum differentia.
4. De vicinorum conviviiis.
5. Quomodo se Pastor in convivio gerere debeat?
6. Expenduntur Reynesii rationes, ob quas Pastores convivii interesse non debeant.
7. Respondetur ejusdem argumentis adversus convivia Vicinorum.

**E**res rediit hoc seculo, ut quidam ex junioribus etiam Verbi Divini ministris, quo vulgò Collegarum sanctiores videantur, præfractè reculent ulli convivio interesse. Quod ne lateat eos, apud quos gestiunt præ cæteris astimari, non minus pro concione, quam in Gatechizatione, captant occasionem, illud plenis buccis exponendi, exemplo

M m

illius



illius hominis, qui in Euangelio inter precandum alta voce dicebat : *Ieiuno bis hebdomade, decimo quacunq[ue] possideo*, Luc. 18. 10. Ut certum, Deum, qui solus est scrutator cordium, horum hominum corda, sæpe quam fallacia, posse perspicere; ita experientia docuit, quosdam ex hoc ordine noluisse ulli invitanti condicere sui præsentiam ad amicam mensam, quod desperarent, se foras apud amicos lautius coenaturos esse, quam quotidie domi solent; alios, suæ infirmitatis conscios, omnibus negasse, quod percepto flore Liberi Patris, instar anus identidem ad armillum suum redeuntis, sibi temperare non possent, quin eo ad aures usque se paterentur non tam aspergi, quam perfundi; nonnullos vero hac abstinentiæ & sobrietatis simulatione, consuevisse, à suis amicis accipere integra artocreata, gallos indicos, agnos, capones, traagemata omnis generis, &c. nec non grandiores lagenas, vino generosissimo repletas, atque loco unius neglecti convivii, quater aut quinque cum universa familia, hilaria alieno sumptu agitare. Ut vero quidam hic in defectu peccant, ita nonnulli ex sacratissimo ordine, pro dolor! in excessu; siquidem similes se reddunt illis hominibus ex gente Parasitica, quos Plaut. Pcen. 3. 3. eleganter *muscas* vocat, quod semper ederent alienum cibum: qui cum videantur aut offendi nidore suæ culinæ, aut odisse illius sordes, si non invitentur ad convivium, singulari arte sciunt se insinuare apud eos sub specie Christianæ visitationis, quibus ordinario lautiora apparantur fercula. Utinam vero! præter hos non occurrerent quidam, qui, quod de Agapis jam suo ævo conquestus fuit Apostolus Judas, in ipsis Classicalibus & Synodalibus conviviiis notarentur *αυλαδες*, sive *maculæ*, Jud. 12. Imo, utinam! quidam censura usque ad suspensionem non debuissent notari, quod in sacris conventibus, donis Dei, ad frugalitatem cum gratiarum actione fruendis, ad luxum abuti solerent. Ut præteream Tabacofugas, &c. qui quam tempestive se solent munire adversus grandiora pocula, aliquando in conviviiis haurienda, qui licet tribus aliis debellandis in Bacchico prælio sufficiant, ut tamen Sanctuli videantur, malunt convivialia sacra conturbare, quam in Salutem alicujus vel guttulam bibere. At subsisto, nam ohe jam satis! Ut hos nominatim prodam, urget Reyneffius pag. 153. modo notam calumniæ evitare velim. Sed quid opus est? Quæ dico in vulgus nimium quam nota sunt, atque ab hostibus Ecclesiæ, qui hic sunt Lyncei, in opprobrium Orthodoxæ Ecclesiæ, nimis quam frequenter eidem fuerunt objecta. Pii, probi, & prudentes Verbi Divini



Divini ministri, quod bene sibi conscii sint, haud ægre ferunt, hæc referri. Atque publice interest, hæc discuti, quo & hypocritis persona detrahatur, & vitam emendare discant, qui in propatulo delinquere non erubescunt.

Ut ergo me ad rem ipsam, ulteriori proloquio omisso, convertam, II. initio præsuppono, quod Deus, qui omnis boni largitor est, nobis minime invidet opiparas atque hilares convivationes, modo id fiat cum debita gratiarum actione, atque vitetur non minus omnis donorum ipsius abusus, quam inutilis profusio. Ipse quippe est, qui vinum producit de terra, *ut latifcet cor hominis, quique nitidam efficit faciem oleo*, Psal. 104. 15. Unde & ipse Spiritus Sanctus expresse annotare voluit, quod Abraham, pater fidelium, *fecerit convivium magnum, quo die pellebatur à lacte Isaac*, Gen. 21. 8. Quod vero Abraham simul esset primus Antecessor in Ecclesia, quæ Deo tum collecta erat, manifesto colligere licet, nequiquam probro esse vertendum verbi Divini Ministro, seu Ecclesiæ Pastori, si condicat ad convivium, opipare licet instructum. Maxime, quum placuerit Spiritui Sancto annotare, quod idem Abraham, cum ei in specie viri cum duobus aliis Filius Dei appareret, lautius solito mensam instruxerit. Quem apparatus unctiorem ut pro illo tempore tantus hospes approbavit, Gen. 18. 21. ita, postquam in plenitudine temporis assumpta è virgine carne, inter nos conversatus fuit, sæpius sui copiam fecit in conviviis, splendidioribus quoque. Ne dicam de nuptiis Cananæis, à quibus Christus auspicatus fuit sua miracula, Joh. 2. se ipsum convivam obtulit Zachæo, Luc. 19. 5. nec aspernatus est magnum illud convivium, quod expresse *ei fecisse* dicitur Matthæus, qui & Levi, Luc. 5. 29. Imo ipso Sabbathi die comparuit in convivio, quod quidam è Phariseis adornaverat, Luc. 14. 1. Christi exemplum ne quem moveat, non erubescit pag. 157. sic scribere Reynessius: *Christus talia convivia non vidit unquam, Iudæis se familiarem præbuit, ut filiis Ecclesiæ; tale vero comperatorum chaos, dubitare licet an tunc notum fuerit.* Ergo, si homini nostro credimus, hodie omnia convivia haberi debent *comperatorum chaos*, saltem ordinario agitari solita. Sed quis fidem habeat huic homini? Pergo. Quid, quod ipse Deus expressa lege (vide Deut. 14. 29.) caverit, ut Levitæ, conviviis ex decimis tertii cujusque anni adornatis, interessent, atque, tempore Pædagogicæ, sacrificiis conjuncta fuerint convivia, quibus Sacerdotes Levitæque non minus interfuisse, quam benedixisse, manifesto colligere licet ex

M m 2

1. Sam.



1. Sam. 9. 12. 13. Ne dicam, benedictum Salvatorem nostrum, mortis suæ memoriam sacramento conviviali obsignasse, illudque nomen ferre *δείπνον κυριακόν*, quod Ministri Ecclesiæ, una cum fidelium ceterum, ceterum eidem præsidentes, spirituale convivium agitent. Convenienter Isidorus lib. 26. Origin. cap. 2. *Cæna vocatur à communione vescantium.* *αἰνών* quippe *Græci commune dicunt.* Unde & *communicantes*, quod communiter, id est, pariter convenient. Apagesis proinde illos Præcisiſtas, imo Timones, qui, quod Reverendi audiant, omnibus conviviis se subducunt: imo, apagesis illos hypocritas, qui hoc nullam aliam ob causam faciunt, quam ut pastoraſem authoritatem sibi apud plebeculam promoveant, exemploque Phariseorum, Christum arguentium in simili casu Luc. 19. 7. impune traducere queant suos *συνέγους*, pro hominibus sese gerentes, atque attendentes ad omnem occasionem, qua Christi regnum promovere queant. Certe, ut secundum Salomonem, *Rex in solio suo insidens in oculis suis ventilat omne malum*, Prov. 20. 8. ita pius & gravis Verbi Divini Minister, si conviviis interfuerit, discutere potest varia, alias Christianorum convivia dehonestare solita, suaque authoritate fibulam moribus incompſitis imponere.

III. Nec tamen promiscue Pastor interesse debet omnibus conviviis, ad quæ vocatur: videre debet, quid locus, tempus, & aliæ circumſtantiæ moneant. Quod cum accurate sit definitum à Nicolao Hemmingio in Pastore Evangelico, malo hoc illius verbis, quàm meis referre. *Ita ergo ille:* In conviviis itaq; (*inquit*) spectentur hæc: Locus, tempus, convivii genus, convivia, colloquia, edendi bibendique modus, hilaritatis moderatio, & morandi tempus. Ad hæc membra referamus præcepta de disciplina pastoris, quam servandam esse in conviviis judicamus. Locus convivii si fuerit obscurus, aut infamis, fugiendus est pastori. Nullo enim pacto decet, ut pastor in tabernis, aut lupanari, aut in hominum infamium domo convivam agat. Nam hac ratione non solum suæ personæ, verum etiam ministerio inureret infamiæ notam, ac ita suam famam periclitari permetteret, & ministerium probro afficeret. *Et.* Tempus convivii sit oportunitum. Opportunitum dico, quod nec noctu sit, nec tempore sacrorum in templis, nec tempore communis luctus. Nocturna convivia semper fuerunt infamia. Videntur enim potius turpitudinis gratia instituta, quam honestæ hilaritatis. Sacrorum tempore celebrata convivia, in contumeliam cedunt ministerio. Illis ergo interesse debent nulli pii, nedum pastores Ecclesiastici. Tempore communis luctus conviviis



viviis operam dare, signum est malignæ naturæ, quæ calamitatibus publicis non afficitur. Hoc enim tempore, melius est ire ad domum luctus, quam ad domum convivii, juxta Ecclesiastę sententiam, cap. 7. Convivorum genera sunt duo: Honestæ & Inhonestæ. Honestæ dico, quæ vel amicitie ineundæ confirmandæve causa, vel honestæ hilaritatis gratia, vel gratulationis ergo, vel moris gentis servandi causa instituta sunt. Hæc tantisper honestæ voco, donec locus & tempus servantur debita, & non justę hilaritatis modum convivę transgrediuntur. Convivia amicitie causa instituta, à Græcis dicuntur *ἀγάται*, propterea, quod in eis mutua fovebatur charitas. Hoc nomine etiam dicuntur convivia, quæ pauperibus refocillandis instituuntur, &c. Hunc morem commendabit pastor, & invitabit convivatores ad humanitatem erga pauperes, commendans ipsis præceptum Domini, qui ait: Cum facis convivium, voca claudos, pauperes, cæcos: & beatus eris, quia non possunt vicem rependere tibi. Retribuetur enim tibi in resurrectione justorum. Hac sententia multa continentur. Primum, probantur à Christo honestæ & pia convivia. Deinde, monemur, ut cum hilares esse velimus, cum amicis & familiaribus non negligamus pauperes, sed eos quoque in nostrum recipiamus convivium. Tertio, promittitur merces à Deo, quia pauperes non possunt vicem rependere: Eamque mercedem dicit reddendam esse in resurrectione justorum. &c. Hilaritatis honestæ causa instituta convivia, non improbantur: sed inter honesta numero, quæ potissimum exhibere solent homines, post aliquem laborem honeste peractum. Idque potissimum reficiendarum virum causa, per honestam & moderatam hilaritatem. Gratulatoria convivia, qualia sunt nuptiarum & puerperiorum, commendantur exemplis sanctorum patrum: illi enim solebant gratulationis ergo, amicos convivii excipere. Laban nuptiarum solenni more dies celebravit. Abraham in die ablactationis filii Isaac, grande convivium fecit. Solent etiam convivia fieri ex consuetudine gentis, certo anni tempore, qualia nos in nostra patria vocamus fraternitates. Hæc convivia, modo absit superstitio, & insana ebrietas, culpari non possunt. Verum in hujusmodi conviviiis modum servari suadebit pius pastor. Ad hoc genus refero ea convivia, quæ in Synodis agitari solent à pastoribus, finitis consultationibus, & sacris, de quorum modo, probo sententiam D. Petri Palladii pię memorię, qui in suis synodalibus de illis præcepta conscripsit. Hactenus de honestis conviviiis. Inhonestæ convivia voco, quæ

M m 3

libidinis



libidinis & ingurgitationis causa instituuntur, quæ potius porcis Epicuri conveniunt, quam Christi ovibus. Ab his dehortatur Salomon Proverb. 23. Noli, inquit, esse in conviviis potatorum, neque in commensationibus eorum. Commessiones autem dicuntur, nocturna post cenam instituta convivia, & alia quævis intempestiva & inhonesta, &c. Huc usque Hemmingius.

- IV. Occasione conviviorum, quæ licita esse censet Hemmingius, agendum obiter est de conviviis, quæ collatis symbolis inter se quotannis, aut singulis bienniis, trienniisve vicini per plerasque Belgii Fœderati urbes agitare solent: quibus miror adeo infestis esse alicubi Reformatos verbi Divini ministros, quum tamen Ultrajecti, ubi strictior hoc tempore disciplina recepta esse videtur, iis se non subducant ipsa Ecclesiæ membra, quibus præcisitas in delitiis est. Luxum, ebrietatem, lasciviam, & abusum Donorum Dei, velut peccata Sodomitica (Ezech. 16. 49.) detestamur ex animo, atque, si à vicinis in conviviis agitentur, præter disciplinam Ecclesiasticam, existimamus accedere debere correctionem Magistratus. Sed, talibus sordibus alia quoque convivia deformantur: quis tamen inde inferat, omnia convivia penitus abroganda esse? Abusus proscribendus est, quo legitimo usui sua constet ratio. Vicini ab amicis nobis proximi sunt, atque judicio Salomonis Prov. 27. 10. *Melior est vicinus propinquus fratre longinquo.* Ad hoc, ut loquitur Cartvrichtus, celebris Theologus Anglus, idemque rigidioris disciplinæ antistes severus, in Harmonia Evangelica pag. 35. *Vicinitas fortuita non est, sed Dei providentia, atque adeo instituto gubernata: cujus singularis inter homines usus est, & eximium solatium. Eoque hac societas & conjunctio sancte colenda est, dandaque opera, ut illis quam proximè benevolentia accedamus, à quibus nos Deus tam prope abesse voluit.* At legum omnium divinarum & humanarum hic scopus, quem Cartvrichtus in viciniis notat. Porro vicini sunt alteri propinqui, atque tum mutuis calamitatibus condolent, Jerem. 48. 17. tum quæ obtigerit felicitas, eandem prono affectu gratulantur, Luc. 15. 9. parati pariter sibi invicem laborantibus succurrere, Eisd. 1. 6. Quæ benevolentia ut foveri queat, æque requiruntur convivia, atque eadem inter amicos frequentari solent, argumento Luc. 14. 12. Dici vero non potest, quam multa commoda ex statibus vicinorum conviviis in publicum redundant, si status reip. popularis fuerit: avertuntur dissidia, atque quæ exortæ sunt lites, convenientissime non minus quam commodissime, componuntur.



nuntur. Id exploratum quoque fuit Bodino lib. 3. de Repub. cap. 7. pag. 515. *sic loquenti*: At legum omnium divinarum & humanarum hic scopus, hic finis est, ut hominum societatem & concordiam inter ipsos, & adversus Deum pietatem, tueantur: id autem omnium maxime fieri potest, si una fuerit omnium civium in amicitia, quæ sine virtutibus esse nulla potest, conspirantium fides ac voluntas. Quamobrem Cretenses (*Arist. in Politicis*) olim omnis ætatis, ordinis, ac sexus, simul publicis in locis epulabantur, ut illam quam dixi caritatem, ac mutuam inter ipsos benevolentiam foverent: sed postea sexus & ætates suis quibusdam ordinibus ad perturbationem civium vitandam, placuit describi. Nec aliam ob causam legibus divinis (*Num. 9. Levit. 23.*) convivia sacra statis temporibus summa lætitia coli jubentur, quam ut religione erga Deum, & amicitia inter se cives conciliarentur. Quæ convivia principio nascentis Ecclesiæ Christianæ, quod mutuis amplexibus & osculis terminarentur, ἀγάπαι appellata sunt. Ac tametsi multa vetustate pridem extabuerunt, imago tamen veterum conviviorum sacris epulis etiamnum adumbratur. At Veneti non ficta, sed vera convivia, sæpius etiam Helvetii, ordinibus civium & opificum in collegia descriptis, summa cura prosequuntur: si vero lis oborta fuerit in sodalitia, communi consensu dirimitur; sententia non chartis, sed tabulis, non atramento, sed creta descripta. *Hactenus Bodinus.* Non diffiteor, occasione horum conviviorum, quosdam aliquando nimium quam suo indulgere Genio, atque helluando se proluere, adeo, ut publicum scandalum præbeant. At, facile hæc & similia averruncabuntur, si Magistratus tum tempus hisce conviviis definiat, determinetque, tum etiam formulam, in convictu potuque severe servandam, præscribat. Quibus conviviis si dein quidam ex Ecclesiæ pastoribus interfuerint, ab iis, qui ad Pastorum suorum nutus quoque animadvertere solent, facta testata Magistratuum edicta (quæ pro dolor! alias, antequam in æs incisa fuerint, in desuetudinem abeunt) præstabitur. Nec hoc magis probrosum Pastori censi potest, quam cum Samuel ascenderet Tzuphum, ut interesset solenni convivio ejus urbis civium, qui & piaculū duxerunt, cibum antea attingere quam vir Dei eidem benedixisset, 1. Sam. 9. 12. 13. Quibus vero placet posthac contra hæc convivia simul & obstinatum animum, & zelum *πικρὸν καὶ ἄλογον* in ipso suggestu publice testatum facere, viderint, qua conscientia hoc faciant, cogitentque, an sibi magis fas sit, more convivarum è medio vulgo, intra annum amplius quam quinquagies,



quingages, ad cenam Saliarem condicere; atque civibus tenuibus, collata symbola ( exemplo fidelium in primitiva Ecclesia 1. Cor. 11. 21.) ad prandium cœnamve modicam per biduum, triduumve, quoque anno, cum vicinis suis convenire? Amplius expendant, an quingages, si non amplius, singulis annis foras cœnando, vel unam animam Christo lucentur? quum vicinorum convivia (in quibus præter Reformatos, Pontificii, Anabaptistæ, aliique Heterodoxi comparere solent) longe amplissimam messem suppeditare consueverint: atque hanc ob causam, Christus non negaverit quoque Phariseo, Luc. 11. 37. Quæ diximus de vicinorum conviviis, applicata volumus conviviis, quæ tribus, seu Mechanicorum collegia, alicubi, sive ex multis, sive ex suis proventibus statim tempore agitare solent.

- V. Ex ordine considerandum, quomodo Pastor, in convivio, cui per conscientiam interesse potest, sese gerere debeat. Atque initio in convivio, cui interest, non exhibebit se nimis morosum, multo minus infidiabitur singulorum convivarum ori, quo inveniat segetem in eos debacchandi, aut pro suggestu, aut apud plebeculam, sed cum aliis honesto gaudio, & quidem in Domino, animum relaxabit. Nam quando Deus, pro singulari sua benignitate, dona sua tam affatim nobis largitur, ut inde convivium quoque adornare queamus, usque ad singularem lætitiā & exterminationem meroris, quo ut David pectus suum exonerare posset, post excessum filii, convivium solito lautius, adhibitis etiam unguentis, sibi apparari iussit, 2. Sam. 12. 20. Atque notum est illud Salomonis Prov. 31. 6. *Da vinum afflictis*. Imo ipsum Christum, paulo ante mortem, deflexisse Bethaniam, atque interfuisse opiparæ cœnæ, ut se adversus ingruentem mortis tempestatem confirmaret, seque consuetudine eorum, quos maxime charos habebat, recrearet, observatum quoque est à Cartwrighto in Harm. Euang. pag. 75 2. Adeo verum est, quod Deus impleat cibo & delectatione corda nostra, Act. 14. 17. Præterea, ut alia omittam, à piis in convivio observanda (quæ distincte proponit. D. Teelingius in libro Belgico, qui inscribitur *Nootvvendich Vertoock* lib. 5. cap. 10.) speciatim tria videntur curanda esse Pastori. I. Ut avertat sua præsentia omnem non minus *ἀνταγισμὸν*, quam *ἀνταρσίσμῳ*, libere simul arguendo illos, qui hac in parte delinquant, atque imitando non minus Pastorum principem Jesum Christum, Luc. 14. 7. 8. quam admonitioni miscendo selamum. Deplorandum vero cum maxime, quod quidam, qui pro suggestu contra conviviorum abusus sunt nolæ, in iis

ipsis



ipsis tamen *Coi* deprehendantur, ut utar antiquo verbo. II. Quum ipsorum sit cibo benedicere, eoque sumpto, Deo gratias agere, utantur tam emphatica formula, quæ afficiat omnes accumbentes, maxime eos, qui ex illis heterodoxi fuerint. Certe, cum Pontificii nesciant rationem Deum vere invocandi, haut semel varii ex illis singulariter affecti fuerunt, audiendo Reformatos precantes, usque adeo ut cæperint quoque melius sentire de illorum religione. III. Occasione ciborum terrenorum, quos Deus largitur, occasionem capient disserendi de rebus spiritualibus, Mysteriisque Theologiæ, sic tamen, ut sermones suos simul sale & gratia condiant, Col. 4. 6. IV. Christianus, qui per Dei gratiam conversus est, omnes occasiones captare debet, ut convertere eos quoque possit, qui alieni adhuc sunt à regno cælorum, eosque, diaboli laqueis exemptos, Christo lucrificare. Sed, Pontificii in ædibus suis ægre audiunt illos, qui se à præsumpta religione antiqua laborant avertere. Adeoque obvultunt tergum Pastoribus, quotiescunque fere solemnitè ab iis visitantur. Qui commodè cum illis, occasione talium conviviorum, agere possunt de illis, quæ ad salutem æternam pertinent. Ob quam causam quoque pastorum princeps, Dominus Jesus Christus, non detrectavit interesse convivio Matthæi publicani, Matth. 9. 10. solitus alias quoque cum publicanis & peccatoribus comedere.

Noster Reynessius, ne aut Pastores ad convivia accedant, aut VI. vicinorum convivia ulla ratione statuatur licita, varias conquisivit rationes: sed, quæ omnes pluma leviores sunt. Expendam tamen illas contra ventum, quo turgent; quod pondus sufficiens opponi neque possit, neque etiam mereatur opponi iis, quæ omni pondere destituuntur. Pastores ut ab omnibus conviviis arceantur, primo sic argutatur pag. 153. *Quia multum temporis, ut plurimum, conviviis datur, & multo plus quam necesse est cæna, &c.* pag. 154. & *Redimere nos quidem tempus jussit Apostolus, non ut conviviis, sed ut pietati & cognitioni adaugenda detur.* Sed, an non possunt quoque convivia arctiori temporis termino circumscribi? Atque, si protrahantur, & ut veteres loquebantur, tempestiva fiant, fas equidem fuerit Dnn. Pastoribus, ut moneant, discedendum esse; aut, si reliqui conviva manere præsumperint, ipsi saltem discedendo aliis viam monstrent. Mirum vero, Reynessium, cum suis, usque adeo

Nn

par-



parcum esse temporis, (labens do, nullam parsimoniam esse honestiorem) quum per totum Belgium constet, quantum temporis alias vindicare sibi consueverint discursationes pro regno Præcisistico. *Secundo* Thales noster Ciceronianus ita proloquitur: *Rarissime etiam quid boni* (conviviis scil.) *creatur, sapissime quid mali; lascivus iste, ebrius ille, impurus alius.* Sed, dato quoque in omnibus conviviis hoc accidere, (quod tamen falsum, D. Reyneffius, pro nobilitatis avitæ conditione, aliis, quam sartoriis & rusticanis, conviviis non videtur interfuisse) certe per Dn. Pastorum præsentiam hoc magnam partem præcaveri posset. Si Seneca enim sapius hoc inculcare potuerit: *Ita vivas, tanquam spe-  
ret Epicurus.* Quis non existimet, obtutui piorum Pastorum plus delatum iri, quam Epicuri, aut alicujus ei similis? Difficultates quas prætexit Noster, nullæ deprehendentur, modo Pastor statæ ætati mores compositos & infucatos sociarit. At cum domini Præcisiani ante primam barbam, quam infelicitè sæpe, circa hæc & similia Censuram exercere instituerint, existimat Reyneffius, si cornicula Æsopica ægnum in sublime tollere non potuerit, ne quidem Aquilam hoc præstaturam esse. *Tertio* dicit, *homines persuadent sibi, ministros iis aliquid debere, si laute eos excipiant, atque sua peccata clausis ferme oculis prætereunda esse.* Fortè existimarint sic gentiles Reyneffii, qui si in gratiam Dn. Pastoris armum ovillum asarint, & gallinam occiderint, etiam quod interversum putari posset, reprehendendum non censuerint. Non vero idem sensus erat Lydiæ, quum Paulum & Timotheum hospitio exciperet, A. 16. nec alia mens quam Lydiæ agnosceretur omnium, qui verè resipuerunt. *Quarto* sic pergit: *Docet & experientia, plurimum minui* *παρρησίαν & libertatem Ministri magnatum conviviis.* Sed, næ! illi ex ordine Pastorum miseri habendi sunt, qui bolo in os injecto patiuntur sibi *παρρησίαν* eripi. Pastor erit prudens conviva, atque inter ipsa hilaria apud Magnates *cibum fallacem* (Prov. 23. 3.) suspectabit. *Quinto* ita insurgit: *Si huic invitanti te addicas, illi neges, acceptor personarum, contemtor aliorum audis; si quibusvis, non tempus modo perdis, sed & mundo & commensatoribus te facile similem fises.* Eadem ratione inferas, *δεσποτὶς ἄνθρωπος* jure haberi posse, qui renuit cum omnibus conversari. Si tempus, si ratio ferat, Pastor non subducet se conviviis hominum piorum, etiamsi minus locupletes fuerint, si ad ea vocari contingat.

VII. Pergimus cum Reyneffio, qui proxime p. 155. vicinorum stata convivia invadit, decem adversus illa argumenta adducendo, ut numero vincere



cere possit. 1. Sic intonat: *Cujusvis nota homines admittuntur: Hæretici, excommunicati, Iudæi, profani, &c. de quibus scriptum est, ne quid edamus cum illis.* Convivia hæc ut admittimus solummodo sub certis conditionibus, (prout ex præcedentibus liquet) ita, si tales in iis occurrant, cum quibus Scriptura vetet nos cibum capere, quilibet pius domi se potius continebit, quàm ut cum talibus cibum capiat. Velim vero è Scriptura doceri, licitum non esse cibum capere, cum omnibus illis, qui audiunt heterodoxi. Cum antea probaverim, Christum interfuisse quoque convivio Pharisæi, contrarium potius intuleris. Quæ Reynessius pag. 156. & seq. excipit contra Christi, exemplum, diluta & inepta sunt. Etiam si is solus posset *corda flectere* exemplum tamen ipsius non definit esse regula vitæ nostræ. Potest aliquis (quando tempus & ratio permittunt) honesto interesse convivio, & in eo ipso ex admonitione Christi vigilare & sobrius esse. 2. Ita cornicari pergit: *Madida pleraque sunt hac convivia, in quibus non nisi bibitur.* Ergo nec à nobis probantur. 3. *Ramis arborum ades & fenestra replentur, &c.* Quis hoc simpliciter improbandum esse dixerit? Censuram vero incurrit, si hac ratione convivantes thyrsigeris Bacchi asseclis se similes reddant. 4. *Sumtus & partem hic etiam illi faciunt, quibus aliàs egere licet.* Sed improbari hoc debet. Opulentiores pauperioribus succurrere deberent, atque imitari (Nehem. 8. 11.) pium Nehemiam. 5. *Plurimi illic flore Liberi patris tantum non merguntur, &c.* Ergo merentur argui, urpote quum sint *macula* in honestis conviviis, Jud. vers. 12. Ebrietati neutiquam patrocinamur. 6. *Clamant, cantant, vociferantur, &c.* Fateor, quod ipse clamor ab Apostolo Eph. 4. 31. improbetur: sed, quis dixerit, perpetuò vicinorum convivia inconditis clamoribus personare? Cantus an in conviviis simpliciter improbari debeat, non facile dixerim. Gravissimus Romanorum Cato in Originibus, *morum apud majores hoc exemplar fuisse* dicit, ut qui accubarent, ad tibiam canerent majorum laudes atque virtutes, ut legere est apud Ciceronem lib. 4. Tusc. Quæst. Atque in conviviis quoque ipsum populum Dei consuevisse se cantu oblectare, quidam non de trivio Theologi colligunt ex Ps. 137. 3. 4. Certe Syracides eum maximi facit, sic enim loquitur Ecclesiast. cap. 32. 7. 8. *Sigillum carbunculi impositum ornamento aureo, est concentus musicorum in vinoso convivio. Sigillum smaragdi in aureo instrumento est musicorum melos ad vinum suave.* 7. Neque raro ad rixas & pugnas descendunt. Sed hoc est de raro contingentibus, & pertinet ad ἀταξία horum convivio.



viviorum, cui per gravis Pastoris presentiam obviam iri posset. In Curia aliquando quoque ipsi Patres conscripti pugnoscuerunt; concludas ergo fas non esse, ut vir honestus eam ingrediatur. 8. *Horrendis juramentis resonant parietes.* Quando rationes has expendo, aliter in animum inducere non possum, quam hominem hunc Ultrajecti educatum fuisse aut in platea incendiaria, aut illa, quæ nomen habet à claudis; ita nescit distinguere inter convivia honestiorum civium, & infimæ plebeculæ. 9. *Ridentur, exsibilantur, monitores & reprehensores omnes.* Si forte hoc semel acciderit juniori Pastori ex ordine Præcisianorum, intempestive legitimum usum Sanctearum arguenti, existimat noster homo hoc semper eventurum esse.

*Intererit multum Davusne loquatur, an berus,*

*Maturusve senex.*

10. Ita argutatur: *Annua sunt hæc computationes, cum Deus tamen sæpe, ab ipso anni initio, ad cineres & saccum vocet.* At jam antea stipulati fuimus, opportuno tempore convivia hæc debere institui, ipsumque Magistratum, ut arbitretur, rogavimus. Et hæc quoque sunt machinæ, quibus lepidus Reyneffius meam sententiam, de vicinorum conviviiis, proterere est aggressus.

## EXERCITATIO XXI.

DE

POCULIS VOTIVIS, VULGO  
SANTEIS DICTIS.

1. **O**ccasio, cur agatur de his poculis, quorum abusus Author detestatur.
2. Ritus, propinandi in alicujus salutem, antiquus est apud multas gentes, ignotus tamen Scripturæ.
3. Statu Controversia probe constituto, & sequestrato abusu, per varias rationes, & adducta variorum Authoritate, ostenditur licitum esse in alicujus salutem bibere.
4. Occurritur D. Voetii argumentis.
5. Quam feliciter idem hic argumentetur ab Authoritate.
6. Quantum tribui debeat ejusdem obtestationi.
7. Expenduntur altera D. Voetii rationes, occurrentes in Disputatione de Sortis abusu.

I. Quod



**Q**uod plurimi ex Pastoribus, superiori Exercitatione notatis prætexant, propterea se per conscientiam, conviviis interesse non posse, quod non queant declinare pocula San-  
 titatis, quæ, ut ut omnia agant, delibare saltem debeant, si modo commodi convivæ haberi velint: operæ pretium fuerit de illis egisse. Enimvero, Deus novit, quam infestus sim horum poculorum abusu atque ebrietati, quæ committitur per illum, & quidem sub specie amicitia & charitatis, contra legem non minus iustitiæ, quam dictamen ipsius naturæ, cujus, pro dolor! præ multis hominibus observantiores sunt mutæ pecudes, quas ne verberibus quidem adigere possis, ut plus sive edant, sive bibant, quam naturæ modulus exigit. Quod & ipsi viri Principes, iique Germani, quibus unquam modo ratio constitit, censuerunt. Labet adoptare verba celebris Theologi, nempe Rev. D. Joannis Crocii, *sic loquentis in Comm. ad cap. 2. Tit.* Apud nos ordine obambulant in conviviis pocula, quæ si non exaurias eque ac ceteri, mox audis contemptor humanitatis & amicitia. Si quis horum censu comprehendere velit quæ fraternitati, quæ apud multos solo tuislandi officio constat, destinari consueverunt, non repugno. Sed & hoc poculorum genus à Pauli lege alienum, nullam ætatem, omnium minime senilem decet: quippe quod fere ab ebriis tractari solet, quemadmodum apud Plautum Pseudolus ebrius laudat morem manu candida propinandi cantharum dulciferum amicissimam amicitiam. Soteria voco, quæ in regis & aliorum salutem bibuntur, more à gentilibus Græcis desumpto, apud quos, teste Athenæo lib. 10. in Deorum Regisque honorem bibitum est. Non abs re dixeris, sic appellari καὶ ἀντιφροσύνη. Minime enim sunt Soteria, cum nec prosint iis quorum saluti destinantur, & sæpe obsint bibentibus plurimum: id quod Illustrissimus ac Literatissimus, beatissimæ memoriæ Princeps, Dominus MAURITIUS, Hassiæ Landgravius, Dominus meus Clementissimus, alter seculi nostri Nestor, in aula Stucgardiana, cum in aliorum salutem biberetur, memorabili versu docebat, *vestra*, inquit, valetudo corpora nostra necat. At postriedie in itinere de malo aularum more graviter conquestus, laboris illius præmium sequente versu exponebat: *Qui vult alterius cyathis haurire salutem, Tale luctum referet, perdat ut ipse suam.* Hactenus Dn. Crocius.

Nn 3

Interca



- II. Interea tamen non video, cur simpliciter improbari debeat ritus, juxta quem jam olim poculum ( stipulor cuiq; perpetuo sartam teſtam ſuam libertatem, quam ratione potus circumscribi neutiquam patior ) amicorum memoriae consecrari conſuevit. Mos ille antiquus eſt, nec Græcis ignotus, notante Aſconio Pediano ad Verrinam Actionem tertiam, ubi ſequentia offendas: *Eſt autem Græcus mos ( ut Græci dicunt ) συμπεῖν κυβίχομενος, cum merum cyathis libant, ſalutantes primo Deos, deinde amicos ſuos nominatim: nam toties merum bibunt, quoties & Deos & caros ſuos nominatim vocant.* Idem patet ex Græcorum proverbio: τὸ τρίτον σωτήρ, *Tertium ſervatori*; à more libandi tertii poculi Jovi ſervatori, de quo Plato in Charmide, & lib. 3. de L. L. Apud Latinos idem receptum fuit. Quomodo legas apud Plautum Stich. 3. 2. verſ. 16. *Propino tibi ſalutem plenis faucibus.* formula extat in eadem Comœdia act. 5. ſc. 4. verſ. 27. de quo ritu conſulendus Lipſius lib. 3. Antiq. Lect. Ad Septentrionem populos, à multis ſeculis hunc ritum quoque obſervaffe, ab aliis obſervatum eſt. Nec tamen dederim, hujus ſolemnitatis Scripturam meminiffe. Atque falluntur, qui tale fuiſſe Joſephi poculum arbitrantur, cujus mentio fit, Genef. 44. 5. Neque enim in Textu dicitur, quod Joſephus eo ſolitus fuerit libare memoriae Pharaonis; ſed ipſe Joſephus de eo teſtatur, *quod experimento didicerit per illum ſcyphum, quales eſſent ſui fratres:* quæ ſunt diſſimulantis verba, alios tentandi cauſa prolata. Nehemias quoque poculum, quod Regi Artaxerxi ut pincerna (Nehem. 2. verſ. 1. 3.) porrigere ſolitus erat, ad rem non facit. Neque enim ipſe Nehemias poculum ebibit, ſed duntaxat præguſtavit, pro more adhuc hodie in aulis recepto. Speciatim conſtat ex Xenophonte lib. 2. Cyripæd. eos, qui Perſarum Regi à poculis erant, conſueviſſe parum vini ex cyatho in ſiniſtram manum inſuſi, præcavendi veneni cauſa abſorbere.
- III. At ut libenter largimur, ritum hunc, quatenus jam olim receptus fuit, in Scriptura neque commemorari, neq; κατὰ τὸ ἐν λόγῳ præcipi; imo execrandum eſſe ſi ſerviat promovendæ ebrietati, ut olim apud Græcos, (eorum in bibendo intemperantiam præ cæteris antiqui Patres notant) atq; hodie in aulis male compositis, & homines hujus ſeculi; ita nulla occurrat ratio cur non liceat, in timore Dei, poculo addere votum, ſive perſonam certam, ſive rem aliquam reſpiciens. Teelingius, loco dicto, fatetur convivia agitanda eſſe, ut Chriſtiana charitas non minus foveatur, quam exſcitetur; ſed ratione abſentium amicorum ea quoque pro-



promovetur, quando eorum non modo meminimus, quam, simul addito voto prosperitatis, alios monemus, eorundum pariter meminisse velint. Reynessius pag. 162. statum controversiæ pervertit, quando fingit votum addi, ut poculum evacuetur. Nam stipulamur per totum hunc discursum, ut cuiq; facta tecta maneat sua libertas. Addit: *evacuatio mea an saluti sit absenti?* Erit signum singularis affectus, quale quæque solet esse salutatio civilis. Quærit amplius, mihi, pag. 163. assatum anserem destinando: *Cur cibo votum non additur?* Uno verbo: quia consuetudine non est receptum, cui in talibus adiaphoris alias paret libenter, quisquis est prudens. *Secundo*, si licet absentium amicorum meminisse & inquirere in prosperitatem eorundem, Gen. 45. 3. cur non liceat inter bibendum fausta ac felicia iisdem, simul bona verba dicendo, apprecari? Deo tacite invocato, velit iis prosperam valetudinem, corporisque non minus quam animæ bona clementer largiri: maxime, cum admonitio sit Apostoli, 1. Cor. 10. 31. *Sive editis, sive bibitis, sive quid facitis, omnia ad gloriam Dei facite.* Quam Dei gloriam, ut promoveat, quicumque ejusdem mandata servant; ita mandatum Dei est, ut *iis ipsis benedicamus, qui nos insectantur*, & consequenter multo magis benedicamus illis, qui nobis sunt amici, cum eodem loco (Rom. 12. 14.) repetatur illud *benedicti*. Cedo vero, quid formulæ, quæ circa hæc pocula vulgo frequentantur, aliud sunt quam formulæ benedictoriæ? Quæ oggannit *modouavij* Reynessius hominis arguunt ingenium. Jures eum foricarii filium esse, & in latrina educatum: nam modo os impurum, me cacare, modo cacare & mingere jubet in alicujus salutem. Summa summarum vero hæc est, quod *possis poculo votum addi, ut san-tea non sit*, pag. 163. & quod sit aliud *poculum memoria*, aliud *sanitatis*. Ergo sumus pares: & hætenus Chrysippus ille D. Voetius, post bonum Prinnium, tantum chartæ conscribillavit, circa simplicem voculam. Ipse ut invenit vocem Santege, sic ipsa nobis est suum poculum memoriæ, inter quod & poculum Sanitatis non plus interest ex nostro, & omnium piorum sensu, quam inter uxorem D. Voetii, & conjugem D. Gilberti, primi Theologiæ Professoris in Academia Ultrajectina. Bibant ebrii sive Santeas, sive pocula Sanitatis, sive pocula memoriæ, sobrii non obliviscantur suæ libertatis, & quaecunque fuerit poculum, cui addunt votum, volent ut Deus illud ratum habeat. Verba nostri hominis ut olent amomum latrinale, ita amplius neque valent. *Tertio*, si liceat ex idiotismo Ebrææ linguæ sive pacem, sive Deum propitium



tium (hoc est omnia prospera) apprecari laborantibus, Ruth. 2. 4. cur non licebit quoque, pari ratione similia precari bibituris? *Quarto* David, 1. Sam. 25. 6. per suos legatos eadem apprecatus est Nabali, quem tamen ut virum sui nominis eversum volebat Deus: cur non in honesto convivio quoque, ad quod pii convenerunt, Deo *elargiente poculum exuperans*, Psal. 23. 5. convivæ accumbentes, dum sibi invicem propinant, se invicem pariter *ἐφ' ἡμῶν* exultent, prospere dicendo sive Patriæ, sive Magistratui, sive Ecclesiæ, sive alteri alicui rei, cujus secundus expectatur eventus, speciatim ratione Ecclesiæ, ad mutuam cohortationem dicendo ex Ps. 122. 6. 7. *Expedite pacem Ierusalaimorum, dicentes, tranquilli sint amantes tui: Sit pax in pramunitione tua, tranquillitas in palatio tuo?* Atque, ut hæc convenientissime fieri possunt, imo fiunt quotidie à gravissimis & optimis viris, iisq; Reformatis, sic, ut & sobrietati, & iustitiæ in bibendo (quatenus unicuique integrum est, tantum bibere, quantum naturæ suæ ratio exigit) litetur; ita patet, eos ex Theologis omnino frustra esse, qui contendunt, ut postea videbimus, *Santeas Reformatas* (utor virorum celeberrimorum voce) non posse inveniri nisi in Utopia. Ipse D. Crocius sub hac limitatione favere videtur hisce poculis, quando loco dicto ita loquitur: *Mos forte per se non omnino damnandus, si cuique pro viribus & appetitu ordinato, aut quantum ad honestam hilaritatem sufficit, bibere concedatur; at cum ebrietas intenditur, aut ultra vires, aut etiam ad immodicos haustus urgentur hospites, pugnat manifesto cum Pauli lege.* Quam expresse vero patrocinator Nicolaus Hemmingius in libello à nostris quoque æstimato, qui inscribitur Pastor Euangelicus, quem, in gratiam studiosorum Theologiæ, aliquando meditati sunt hic Groningæ prælo subijcere Theologi celeberrimi, D. Henricus Alting & D. Samuel Maresius, Collegæ plurimum honorandi. Verba Hemmingii, loco supra citato occurrētia, hæc sunt: *Quid ergo (inquit) de philotesis, & symperiphoris sentiendum? Philotesias, quæ sunt cum in amicitia signum præbimus alicui, ac deinde poculum porrigimus, laudo: modo ad exbauriendum nemo cogatur. Neque symperiphoras, cum ordine dicitur, canitur, bibitur, in honesto convivio reprehendendas judico: modo conviva maneat intra modestia terminos. Nec alia mens saniorum moralis Philosophiæ Doctorum. Instar omnium sint duo sequentes. Prior est Reverendus & Cl. Dn. Matthias Pasor, non minus Theologus consummatissimus, quam Philosophus *πρῶτος ἀνδραγαθὸς ἀνδρῶν*, simulque vir optimus, & Collega dilectissimus, qui in Disput. de Ebrie-*



Ebrietate, proposita anno 1653. sequentia habet: *Etsi omnem amicorum recordationem inter pocula improbare nolumus, detestamur tamen κυκλοπο-  
ciav illam, qua in aliorum, imprimis Magnatum, sanitatem singuli ordine  
scyphos majores coronatos evacuare coguntur. &c. Rectius longe Angli faciunt,  
qui, cum in sanitatem amicorum communium absentium alteri prabibunt, illi,  
an quid, & quantum vicissim bibere velit, liberum relinquunt.* Alter est Dn.  
Senguerdus, Celeberrimus Philosophus in Gymnasio Amsteloda-  
mensium, & quondam Collega in Academia Ultrajectina, qui in Col-  
legio Ethico Disp. de Temperantia, Respondente filio vigilantissimi  
in Orthodoxa Amstelodamensium Ecclesia verbi ministri D. Witte-  
vrongel, proposuit hanc Thesin, qua ordine 18. Ex hac temperamento-  
rum diversitate facile judicari potest, quam iniquum sit, & à ratione a-  
lienum, totum collegium, omnes & singulos convivas, cogere ad æ-  
quales haustus, majores quam multorum natura permittit; quod sæpe  
fit prætextu sanitatis, sive poculi in sanitatem hujus vel illius: quo fa-  
cto, nomine sanitatem bibentes, revera morbos animi & corporis bi-  
bunt. Non quidem in universum omnia omnino pocula sanitatis dam-  
no: nam non puto peccare eum, qui in alicujus salutem bibit, modo  
non plus infundat in corpus, quam alias licitum est. Sed hoc tantum  
volo, quod talia frequenter præbeant peccandi occasionem: tempe-  
rantis itaque esse, in tali casu se prudenter & caute gerere. *Hac ille.*  
Testimoniis his, bona fide productis, quod opponeret, non invenit  
Reynessius, nisi quod cornicetur perpetuo de voce Santeæ, quasi ea  
non possit evadere suum poculum memoriæ, quæ oppido quam diluta  
sint, quivis perspicit.

At tandem despiciamus, quid Celeberrimus D. Voetius *Santeis*, hac IV.  
ratione limitatis & circumscriptis opponat: Quum jam anno 1636. per  
biduum unâ eandemq; Disputationem de Ebrietate proponeret, insti-  
tuit quoq; per modum appendicis quasi, de Sanitatibus, seu poculis boni  
omnis agere, ut tum loquebatur, atq; implicando usum cum abusu, u-  
trumq; proscrit, sic tamen ut videri posset qualicumq; ratione adhuc  
favere legitimo usui. Cæterum mentem suam ulterius detexit Disp. 8.  
de selectis quibusdam Problematis, proposita anno 1648. die 2.  
Decemb. atque Th. 40. sic Rev. D. Maresum alloquitur: *Sciat me pri-  
mum aut solum non fuisse, qui ad occasiones ebrietatis, nominatim inter Bel-  
gas nostros & Germanos, retinendæ aut promovendæ pocula illa retulerim,  
& propterea ab iis abstinere velim. Quamvis enim non videat quis ea in se,*  
per



per se, intrinsece & formaliter peccata esse, negare tamen nequit, quin tutius ab usu eorum & multo magis à commendatione Christiani, imprimis professione Theologi, abstineant, &c. Ideales ejusmodi Santeas in Republica Platonica Germanorum & Belgarum quasi per somnium substituta aut substituenda, occasione prolapsus in malas santeas, ab autoribus illis condemnatas, minime tollunt. &c. De Affectu enim declarare per haustus, institutus ac promulgatis conditionibus, obligatorios & per annexam divini nominis invocationem subinde magis implicitam, subinde magis explicitam, merito disquiri debet, an non sit factum odiosum, indecorum, periculosum, intemperantia præcludium, aut proclivis occasio ebrietatis, in Belgarum conviviis honestum (uti videtur) retinaculum, & honorarius ingurgitandi prætextus, insuper irreverentia aliquid erga sanctissimum Dei nomen implicans, aut saltem ejus speciem, & consequenter scandalosum. Nos in sententiam affirmantem inclinare malumus, &c. Verba hæc viri Reverendi hoc loco integre exhibere volui, ne videar me voluisse ei similem reddere, atque affingere consequentias, quemadmodum ipse occasione controversiæ de Bonis Pseudo-sacris plena manu eas mihi admetitur. Bonus noster socius Reyneffius, qui hic cum suo Magistro in pice hæret, p. 167. ne manus cogatur veritati porrigere, eo recurrit, suum Chrysippum interim oppugnasse Santeas, quæ limitari non queant. Sed hoc revera est λογισμαχεν, aut potius ineptire. Quicquid dicatur, scribatur, aut fingatur, ex præcedentibus patet, quod revera vir Rever. existimet, inter præbibendum non licere votum addere, aut meminisse alicujus salutis. Eoque despiciamus, quomodo id probet: cumulat vero more solito in utraque Disputatione rationes & testimonia, utraque usque adeo confundendo, ut vix caput, aut cauda inveniri queat. Laborabo tamen rationes distinguere, & dein ad Authoritates me convertam. In Disputatione priori hæc videor notare argumenta, proprie ad rem pertinentia, reliqua enim concernunt pocula adversantia justitiæ, quæ nos pariter cum viro Rev. detestamur. I. Hic bibendi mos usum liberum creaturarum Dei Christianis adimit, eosque tyrannica servitute premit, contra primitivum Christianismum, &c. Resp. I. Sed jam antea præsupposuimus, nullius libertati hac in parte struendas esse insidias, sed cuique permittendum esse tantum bibere, quantum naturæ modulus exigit. Sed dicit Reyneffius, pag. 167. cur non liceat abstinere? Nec prohibemus, modo non fiat eadem intentione atque ipsum anethum & mentham decimabant Pharisei. II. Summæ vero incivilitatis est, quando Deus in convivio



vivio corda hilaritate replet, nolle poculum honestæ memoriæ alicujus rei destinatum, vel delibare saltem. Ubi Reynessius vero probaverit incivilem rusticitatem, & Pharisaicam culicum cribrationem in Scriptura probari, hæ delibationes speciem mali (hoc contendit pag. 168.) attrahent. III. Ut certum est, Josephum Patriarcham fuisse non minus virum Politicum, quam Doctorem tum in Ecclesia, tum inter ipsos Ægyptios: (Ps. 105. 22.) ita signanter de eo annotare placuit Spiritui Sancto, quod cum ex fratribus suis cognovisset de prosperitate sui Patris, voluerit eos secum *convivari & assatim bibere*, Gen. cap. 43. vers. 27. 28. juncto versu, 34. Nec refert, quod amicorum suorum forte mentionem non fecerit Josephus, (ut garrit Reynessius) quum sufficiat eum assatim cum fratribus bibisse: quod cum circa nostras *Santeas* seu *Salutis pocula* extreme D. Votius inlectetur, dubito admodum an non permittat circa *sua pocula memoria*. II. *Quia ut plurimum & ex sua natura occasio & causa est ebrietatis, & abusus creaturarum Dei. Pari ergo ratione, qua hodierna chorea, comædia, simileque peccatorum illecebra à Theologis ex methodo explicationis Decalogi ad VI. VII. VIII. præceptum explodi solent, ritus hic exterminandus est.* Resp. I. Pari ratione omnes vires cum Mahumedanis excindas, atque vinum conviviis proscribas, quod Manichei jam olim, non solum illud, teste Augustino de Hæres. cap. 46. vocarint *fel principis tenebrarum*: sed, quod incommoda illius, speciatim contentiones, loquacitatem, vulnera, & rubentes oculos, velut quotidiana & ordinaria, pathetice exaggeraverit ipse Θεῶν δὲ Σολομὼν Proverb. 23. 29. Abusum conveniens abrogatio non potest quicquam derogare legitime limitatis usibus rei adiaphoræ. II. Falsum est, Theologis, quibus modo mens sana reliqua fuit, choreas, & comedias, simpliciter damnas. Eos, qui ἀγένηται Ἀγνοίας sæpe deprehenduntur laborare, curare fas non est. Reynessii ineptæ replicæ, occurrentes pag. 169. de non morando inter ebriosos, arguunt hominis τὸν πωγῖον. Quæcunque arguit, ad Thefin & rem non faciunt. III. *Quia scandalosus est, seducens imprudentiores, & tristitia afficiens non paucos.* Resp. Concedo, scandalum præberi, si neglecta justitia, omnes cogantur ad æquales haustus, usque dum inebrientur: At scandalum duntaxat acceptum notandum est circa præsentem nostrum casum. Tentet vir Reverendus, an contrarium eruere possit è Scriptura; promitto me fore docilem, si adferat solidas rationes, paucas licet, non vero, more solito, inania verba, & syrma sublestarum maleque cohærentium citationum.



tionum. Inft. Nunc applica huc analogice illud 1. Cor. 8. 12. 13. Resp. Verba illius loci ita habent: *Quapropter si efca offendiculo est fratri meo, non edam carnes in aeternum, ne fim offendiculo fratri meo.* Resp. Concedo lubens, quod monet Paulus, ratione rerum Adiaphorarum esse faciendum; sed, ut hoc faciendum est, in præjudicium quasi Cbristianæ libertatis, & in gratiam fratrum infirmorum, de libertate sua non probe edoctorum (hos enim solos in hyperbolica hac locutione Paulus respicit) ita neutiquam infirmis hisce fratribus accensuerim D. Voetium, & quotquot cum eo idem sentiunt: certe videntur quam illuminati esse. Plures ex omni hominum ordine existimant licere poculo Salutis in honesto consortio satisfacere, atque offenduntur gravissime, quod quidam ex DD. Præcistis, hic velint singulares esse, quum tamen constet aliquot ex iis, si non ad hydropem ulque, ferme quotidie, fortiori potu se ingurgitent, in summis tamen delitiis habere fumariam illam Infernalem. Cedo vero, quinam hic mereantur haberi infirmi fratres, Dnn. Præcistæ, five D. Voetius cum suis cæcis admiratoribus, an vero tot sinceri, devoti, integerrimique Christi Professores qui contrarium facere soliti sunt? Dnn. vero Præcistis ea solum inculco, quæ habet D. Calvinus ad dictum Pauli locum: *Vii- nam, inquit, hoc bene perpenderent, qui omnia sic referunt in suum commodum, ut ne pilum quidem cedere de suo jure (an non hoc fiat ab illis, ad quos mea directæ oratio, tu ô Lector, judica?) fratrum causa sustineant: nec quid Paulus doceat solum attenderent, sed quid exemplo suo præscribat.* Simul moneo eosdem, attendant ad illa, quæ Belgæ Interpretes habeant ad præsentem Pauli locum. Ego quidem videor frequentia invenisse: *Ende stelt hier den Apostel eenen ghemenen regel, waer nae de conscientie aller ghelovigen moet ghereguleert worden, ten aensien vande middelmatige dingen, ende vande svacke, maer niet ten aensien vande halfsterrige ende mortvillige.* Si adversarii per hunc locum triumphare velint, ostendant, se, cum sint singulares Doctores, secundum obfirmatæ superbix spiritum, agnoscendos nihilominus esse pro infirmis in fide fratribus. Ad hæc quum respondere non posset, cum suo Doctore nostro Reynessius, pag. 169. 170. 171. excurrit in locum communem de Scandalo: quid vero de illo sit existimandum, patet ex peculiari nostra de eo exercitatione, ubi D. Voetii nugatorias Distinctiones plene discussimus. III. *Quia nomina eorum profanantur, in quorum salutem bibitur.* Resp. Concederem, si, ad ebrietatem



tem usque, pocula hæc bibenda forent in memoriam absentium, atque pro iis, quasi ebriositati deditis, hæc ratione honorandis, insaniendum esset. Sed jam antea præsupposuimus, nullius libertati hic esse insidiandum aut præjudicandum. Atque, ut affectum nostrum probamus, vergentem in honorem absentium, quando de prosperitate eorundem sciscitamus; ita manifestamus, quanti eosdem faciamus, si inter pocula Christianæ lætitiæ, cum voto prosperitatis, eorundem memoriam recolimus. Noster homo, cum nihil inveniret, quod cum ratione opponeret, fingit se ignorare, ad cæremonias civilitatis pertinere ut bibatur in alicujus memoriam, atque profusis multis otiosis verbis, vult pag. 172. ut sibi hoc probem e Scriptura; quod faciam, ubi mihi probaverit ex eadem, ad testandam civilitatem, pro aliquo licere aperire caput. Hæc & similia, in se indifferentia, æstimari debent pro more cujusque gentis. Secus si censeant morosi aut Pharisaici Demæ, per me quidem, quod sapere nolint, suo sensu fruuntur, dum desierint inter homines morari. IV. *Quia nimis ambiguos & vulgares reddit serios, & religiosos illos gestus: Et nugacem, vilemque notat devotionem ac præcelsitatem eorum, qui cum sanitati libenter assurgant, genuflectant, caput nudent, vix in publicis exercitiis pietatis tale quid præstarent.* Resp. Ut distingui solet inter ordinationem civilem atque religiosam, ita pariter differunt gestus utriusque proprii. Morum civilitas in honesto convivio neutiquam improbanda, nec culpandi, qui eidem student. Si qui circa pocula salutis in se non illicita, insaniant, atque religiosius magisque devotis gestibus eos honorent, quorum memoriæ consecrata sunt, quam Deum ipsum venerari consueverint, eos pro jejunis Dei cultoribus habemus, nec ea, quæ merito sunt improbanda, pertinentque ad abusum, patrocinio, sed censura digna esse censemus. Nec tamen propterea triumphus paratus D. Voetio, ut somniat Reyneffius pag. 173. quasi ego invitatus compellar concedere, quod ipse urget. Neque enim putem, ad Santearum essentiam spectare (sicut ipse vult) ut tales gestus adhibeantur, quos ego ad abusus refero. V. In disputatione Problematica, videor sequens quoque argumentum notare, propositum hisce verbis Authoris: *Theologi in particularibus secundum factorum circumstantias determinationibus, nonnunquam sequuntur quod magis probabile & magis tutum, &c. Imo etiam ad abundantem cautelam ab iis abstinere suadent, quæ alioquin in se & per se licita sunt, nec ipsi diffiteri possunt.* Sic exempli gratiâ,



antiqui Christiani, eorumque Doctores abstinebant ab appellatione templi (de quo in disp. de Templis,) ab arte statuaria communiter abhorrebant, & primæ Synodi Belgica aboleri volebant conciones vespertinas & funebres. Resp. I. Egregium Caluistam, qui conscientis laqueos injicit per decreta quorundam Theologorum Utopiorum, quos neque nominare potuit, neque ausus fuit. II. Cedo illos Theologos, qui simpliciter suaserint, ad abundantem quasi cautelam, abstinendum esse rebus in se & per se licitis. Si qui hoc suaserint & docuerint, adversati fuerunt Paulo, cujus locum 1. Cor. 8. modo examinatum forte tales D. Voetii patroni pro se adducere possent. Non nisi in casu scandali, atque ut infirmiore fratrem lucrifacere posset, in perpetuum carniū elum per propositionem hypotheticam, quæ nihil in esse ponit, ejurare voluit Gentium Apostolus. III. Exhiberi velim illos ex antiquis Ecclesiæ Doctoribus, qui tradiderint, antiquos Christianos, voce templi abstinuissē: nec unum qui hoc doceat, citatum invenio à viro Rever. in duabus de templis Disputationibus, quæ mihi ad manum sunt. Atque, si Christiani primitivæ Ecclesiæ ipsa voce templi abstinendum esse statuerint, næ ipse D. Voetius Disp. altera de Templis Th. 8. insigniter illis adversatur, quando ita loquitur: An à Sanctis templa sint denominanda? Respon. In prima Impositione Neg. quomodo determinant nostri de nominibus personarum. Ubi usu illa nomina obtinuerint, agendum ut mutantur per eos qui debent & possunt: &c. Si non est in potestate Ecclesiæ & Magistratus, aut usus & consuetudinis tyrannis vicerit, &c. nostri, ut intelligantur, utentur appellationibus usu receptis exemplo sanctorum, qui à nominibus idola referentibus eo in casu non abstinerunt. IV. Concedo lubens, statuariam & pictoriam artem Christianos primævos non exercuisse, ne in Idolis adornandis operam suam Gentilibus locare adigerentur. At, unde vir Rever. probabit, ab ipsa arte, quæ donum Dei est, pariter abhorruisse Christianos in primitiva Ecclesia? V. Fateor, per constitutiones Synodales proscriptas esse toto ferme Belgio Reformato (unam forte nobis vicinam Drenthiam si excipias) conciones funebres: at, haut fore piaculum, easdem restituere, prout adhuc receptæ sunt in Ecclesiis Palatinis, multorum, eorumque haut obscurorum in Ecclesiis Belgicis Theologorum judicium est. VI. Non diffiteor pariter, in primis Belgii Synodis, videri conciones vespertinas minus probatas fuisse: at, eas ab aliqua Synodo, saltem pro certo aliquo tempore, improbatas fuisse, plane nego. Synodus Medioburgensis Anni 1581. art. 47. ita duntaxat sancivit: De

Kercken



Kerken in dervelcken 't ghebruyck der Avont-Ghebeden is, sullen deselve moghen houden, maer daerse noch niet ingheselt sijn, salmense niet in laten, ten vrare in tijden van ghemeynen noot: doch daermense begeert vrech te nemen, sal 't selve niet sonder oordeel des Classis, mitsgaders der Overbeyt de Gereformeerde Religie toegedaen sijnde, geschieden. VII. Si quis hæc contenderit cum iis, quæ dicta sunt à tam Celebri Theologo, quomodo se continere poterit, quin salva ipsius Reverentia, cum Flacco exclamet: *Man festa Phrenitis*. Quum Theologi Belgæ, congregati in Synodo Medioburgensi, adiaphorum voluerint esse usum concionum vespertinarum, nec alicui Ecclesiæ decretorium in modum quicquam præcipere, concludo secundum *D. Voetium*, argumentando à pari, adiaphorum pariter censendum esse usum poculorum salutis, nec contra eorum usum publice scribendum, aut disputandum fuisse. VI. Ex eadem Disp. *D. Voetii* eruo hoc argumentum: *Nondum video, quomodo patroni chorearum, comediarum, loteriarum, alearum, omniumque sortium ludicrarum, similiter videre non possint Theologos nostros*. Paulo ante vero dixerat: *Exceptiones, quæ contra adferri solent, aut possunt, diluere studuimus in Disp. de Sortis &c. abusibus*. Resp. I. Clamet *Melicerta* perisse *Frontem de rebus*! quod vir Rev. ausit provocare ad suam Disputationem de Sortibus, quam jam anno 1638. adeo nervose, & solide (strictè licet) excepit vir longe doctissimus, idemque Theologus non minus judiciosissimus, quam plurimis scriptis, cedro dignissimis, tam de Ecclesia, quam Philologia Græca & Hebræa meritiissimus, *D. Thomas Gatakerus*, Theologus Londinensis, ut ab eo tempore ne hiscere quidem sustinuerit Theologus Ultrajectinus: cumque *Gataker*o velut larvam objecisset *D. Balmfordin*, cui tamen jam tum responsum fuerat à *Gataker*o, hic pag. 46. *tunc in modum respondit*: Quod si *D. Voetio* animus fuerit, vel *D. Balmfordi* *ὑπεραγιστῆν* agere, vel, si illo sælicius rem gesturum sese confidit, vires proprias poterit experiri, in *Gatakeri* Tractatu illo opugnando; quod haud difficile fuerit homini, qui tam numerosum agmen antiquitatis totius, Pontificum, Principum, Theologorum, Politicorum in aciem producere, horumque omnium armis instructus, ad pugnam procedere potuerit: intelliget forsan, quod infelix olim Rex ille, nondum omnium dierum Soles occidisse, nec tanto strepitu fremituque ita nos exanimatos, quin tueri nostra & velimus, & forsan etiam valeamus. *Hucusque Gatakerus*. Cur *Gataker*o huic à tot annis Rev. *D. Voetius* non responderit, aliam causam comminisci non possum,



sum, quam quod vir astutus dissimulare hæc omnia voluerit, ne imitando adversarium longe doctiorem & in scribendo accuratiorem, cui se parem fore desperabat, exultationem omnem decoqueret, eidemque adversario suo occasionem commodam præberet, malam fidem, à se in citandis authoribus commissam, ulterius detegendi. Certe, filius viri Rev. ille *Nobilissimus & Amplissimus Paulus Voet*, qui tum temporis in Anglia vivebat, addita manus suæ inscriptione, dictum libellum per literas mihi dono misit, amplius obtestando per literas, succurrere velim suo parenti, non minus quam τῷ πατρί *D. Amesio*, antiquo meo præceptori, quem Doctissimus *D. Gatakerus*, una fidelia duos parietes dealbans, pariter tetigerat. Hæc complectebatur prima Editio Exercitationum Sacrarum. Postea recusus est *Gatakeri* libellus, alias inventurarius, atque noster homo anno 1660. ei respondere vice Voetii sustinuit; sed usque adeo misere, ut misereat me non tam *D. Voetii*, quam *D. Amesii*, quod talem Hyperaspisten nacti fuerint: ut deinceps patebit. II. De Comœdiis postea ex professo agam, atque de Choreis proxima Exercitatione infra. Hic duntaxat noto, *D. Voetium* more solito fumos vendere, quando persuasum cupit, omnino abstinendum esse lusu alex, & consequenter quoque *usu poculorum salutis*. Rigidus ille disciplinæ vindex, magnumque columen Ecclesiarum Gallicarum τοῖς μέγιστος *D. Calvinus*, hac in parte, ratione lusus alex longe moderatior, quando Epist. 374. ita loquitur: Alex enim & quas chartas fuerint instrumenra, multum quoque damni & malorum passim intulerunt. Ac, quod ad istiusmodi lusus attinet, non ita prorsus à nobis damnantur, si in eorum usu, quod licet, locum haberet. Sed ubinam extat illa sobrietas? Primum, non est aliud uspiam, quod ita homines quasi visco impediatur, adeo ut totos eorum sensus occupet, non secus ac fascino correptos. Sed, quemadmodum qui illis assueverunt, non ita possunt valedicere: ita etiam qui pedem aliquantum retulerit, illa omnia fastidiet. Porro, qui sese ita iis rebus dedunt, atque ita insanire pergunt, incidunt in multas molestias. Notum est, vix unquam lusus effluere sine blasphemis, fraudibus, atque exandescencia. Quot etiam familiæ inde accisæ? Nemo enim tenet modum, quin se exhauriat, aut sensim ipse consumat. Maxime ubi de lucrando agitur, fieri vix potest, quin Deus ipse lædatur aliquo modo. Quare magnopere expedit ab illis esse alienos, quantum fieri potest. Optimum



num vero abstinere prorsus. *Huc usque eo loco Calvinus* : quem locum & integrum volui ascribere , ne me parem exhiberem Rev. D. Voetio. Fateor lubens D. Calvinum censere optimum esse, in totum abstinere lusu aleæ, quod desperaret lusu, quem prorsus non poterat damnare, ad leges honestatis atque justitiæ posse redigi. At, quum hic ipse Epist. 361. ad Vatelum anno 1562. hunc in modum scripserit : *Quod ad lusu spectat, cupio moderationem tenere. Primum ne quaestus inde fiat, vel lucrandi illecebra stultos homines implicet. Ad hæc ne modum excedant, vel sumptu, vel assiduitate. Leges ergo ferendæ essent, &c. quæ vitia, quantum fieri posset, coercerent. Ne lucrû quis reportet: ne quod in convivium destinatur, gravet lusores. Ne sapius id fiat, & quæ prudenter legeslatores cavenda prospicient.* Hæ ipsæ cautiones, ad modum legum, utut antea desperantem quasi, hunc ipsum D. Calvinum audiverimus, cum circa lusu aleæ & chartarum, prorsus non damnabilem secundum Calvinum, locum habere possint, consequens est, utrumq; quoque, velut justitiæ ac honestati consentaneum, admittendum esse, si ad ejusmodi modo leges exactus fuerit. Atque, ne quis lusi aleæ, & chartarum, aliquid horrendi magis subesse opinetur, componimus cum utroque lusu Schaccorum, multis Theologis Reformatis familiarè, atque, post Hieronymum Vidam Cremonensem Episcopum, non tralatitio Commentario celebratum à Lamberto Danæo, quondam Theologiæ Professore in Academia Lugduno-Batava, (de me licet per conscientiam testari queam, quod non minus ab illo ipso, quam omni lusu genere à prima usque ætate abhorream) simulque sociamus præcedentibus verba Eximii D. Gatakeri, in eodem Tract. pag. 36. sic loquentis : *In Scaccorum, quem appellant ludo, quod multum temporis teratur, quod vexari & intemperis agitari ladentium animi soleant, ubi frustrari consilia sua animadverterint, ab ipsa ludi natura ex parte provenit. Quem tamen ludum eo nomine tanquam illicitum prorsus, à quoquam unquam damnatum mihi est hæcenus inauditum.* Sed de his infra copiosius fuerit agendum in Dissertatione peculiari de usu Aleæ.

Postea, ab autoritate humana argumentari more suo Rev. D. Voetius V. incipit, quam argumentorum classem licet tuto præterire queamus, utpote curandam nullatenus à Theologo, lubet tamen hoc tempore eandem lustrare. Quod priusquam ago, iterum digitum intendo in Gatakerum dicto Tractatu pag. 53. hunc in modum loquentem : *Cæterum malæ Fidei Thesum harum autor non uno nomine istuc manifestus tenetur. I. Quod Cypriani, scriptoris, siquis alius, gravissimi pariter ac elegantissimi*

Pp

nomi-



nomine, morionis ineptissimi fabellas futilissimas, nēnias putidissimas, barbare conscriptas obtrudit. Vide Tract. de Sort. cap. 8. §. 10. pag. 254. 255. II. Quod Augustinum & Chrysostomum laudat tanquam causę suę patrocinantēs, apud quos locis citatis de Ludis hisce, ne verbum quidem reperitur. Augustinus Epist. 119. cap. 10. cuius verba & in Canonem translata habentur apud Gratianum caus. 26. quę de eis tantum loquitur, qui de paginis Evangelicis (num chartę & alea sunt paginę Evangelicę?) sortes (consultorias scil. uti mox explicat) legunt. Chrysostomus in Matth. orat. 6. (quod & jam olim monuimus in Tract. de Sort. cap. 8. §. 11. pag. 260.) Ludum & risum à Diabolo datum contendit & in ludos Theatrales subinde invehitur. Hac iterum ille. Ut vero D. Gatakerus candide scapham scapham vocando, ratione citationum, non dubitavit D. Voetii malam fidem publice notare, quod interesset de ea publice constare; ita neque nobis vitio verti poterit, si ostenderimus Voetium, tantum natu esse Voetium, atque integro decennio post, nondum mutatum esse. Initium facio à Teelingio, in quo D. Voetium, si quem alium oporteret esse versatissimum. At vocet licet eum summum inter Belgas Præticum, ac digitum intendat in illius librum, qui inscribitur Necessaria Demonstratio: nunquam tamen D. Voetius evicerit, Santeas, quatenus à nobis limitatę sunt, ibidem traduci. Earum verbo, non meminit lib. 5. cap. 9. inter peccata v111. Præcep. & quanquam lib. 5. cap. 6. ubi agit de convivio Christiano, eas taxat, non tamen definit: imo pag. 238. *disputata* Satanę aliter non deprehendit, quam quatenus usurpantur ab iis, qui intendunt suos convivas inebriare, atque hac in parte nullam rationem habent iustitię. Accedo ad Amesium, qui lib. 3. cap. 16. parum quoque favet viro Reverendo, Th. ult. hæc duntaxat habet: *Abstinendum igitur &c. ab illis ritibus quibus solet ebrietas artificiose promoveri. Cujus generis sunt adjurationes aliorum, per nomina magna, vel chara, ad pocula evacuanda: circummissio poculorum, ut ab omnibus & singulis pariter exhauriantur: &c.* quę omnia & nos libentissime concedimus. Adducitur dein Taffinus, sed minus quoque auspicato: nam quamvis lib. 2. de Emend. Vitę cap. 36. art. 2. perstringat calices sine pedamentis, & id genus pocula ludicra; alia ratione hoc tamen non facit, quam quatenus serviunt promovendę ebriitati, atque, per ejusmodi Bacchica instrumenta, non urgente quoque siti, accumbentes bibere coguntur. Fallum vero, quod addit D. Voetius, argui pariter ab hoc morem prębibendi ac pocula tradendi apud Belgas recep-



tum: quasi vero vir egregius usque adeo insanierit, ut existimarit non licere convivis in moderata cœna sibi invicē propinare. Quum D. Voetii fidem, circa citationes horum Authorum, in integrum restituere non posset noster Reynellius, pag. 176. contentus fuit scribere: *Quos ego ut multis vindicem necesse non est.* Atque ut aliquid tamen videatur dicere, post profusa plurima verba, probare laborat hosce Authores, speciatim Teelingium & Taffinum, eodem modo considerasse ac definivisse Santeas, prout illas definiivit D. Voetius: sed ut ne hoc quidem liquido ex iis ipsis probat; ita si probaret quoque, nobis nequicquam posset officere, quum nihil ad rem faciat. Succedit Boltonus in lib. qui inscribitur *Noachi ambulatio cum Deo*, qui in Belgicum idioma translatus, excusus est Ultrajecti, simulque compositus ad modulum Theologorum, qui gloriantur, quod Præcisitæ habeantur. Pagina siquidem 599. cum in margine Author annotasset locum Ephes. 5. 15. ex textu Originali, qui habet ἀνεβώς περιπατεῖτε, Editor reddidit, *vvandelt preyselijck*: quum tamen Belgæ Interpretes habeant, *vvandeldt voorsichtighlyck*; ea-que Interpretatio serio à nobis vindicetur in Tract. *de vera Præcisitate*. Porro hic Boltonus à pag. 242. serio & pathetice quidem ebrietatem arguit, variisque citatis Authoribus à D. Voetio quoque; annotatis, invehitur in illos qui contra justitiæ legem pocula Salutis propinant (vide pag. 251.) non tamen ex professo & diserte arguit innoxiam formulam, de qua nobis quæstio. Licet nolim inficias ire, cum præ aliis hic videri rigidiorum esse. Provocat quidem post Boltonum D. Voetius ad auctoritatem Ambrosii, quando dicta Disp. 8. sic loquitur: *Accedente ad cumulum auctoritate Ambrosii de Elia & Iejunio cap. 17.* sed uterque culpandus, si Ambrosium ita interpretetur, quasi aliter poculis his infestus fuerit, quam ut frequentantur ab ebriolis. In Tract. jam dicto, Ambrosius totus est in delineanda ebrietatis turpitudine, capitisque 13. hæc est Inscripção: *De conviviis praliatorum & fortissimorum adolescentum, & de potu ad aequales calices.* Postea cap. 16. indicante lemmate, agitur *de magna ebrietatis detestatione.* Ac dein cap. 17. *De obtestationibus & sacramentis potantium.* In ipso vero textu hæc occurrunt: *Quid autem obtestationes potantium loquar? Quid memorem sacramenta, qua violare nefas arbitrantur? Bibamus, inquiunt, pro salute Imperatoris & qui non biberit, sit reus in devotione. Videtur enim non amare Imperatorem, qui pro ejus salute non biberit. O pie devotionis obsequium. Bibamus pro salute exercituum, pro comitum virtute, pro filiorum sanitate. Et hac vota ad Deum pervenire judi-*



cant, sicut illi, qui calices ad sepulchra martyrum deferunt, atque illic in vesperam bibunt, & aliter se exaudiri posse non credunt. O stultitiam hominum, qui ebrietatem sacrificium putant, qui asstant illos ebrietate placari, qui jejuniō passionē sustinere didicerunt. Quis non videt, ab Ambrosio solummodo damnari illas delibationes votivās, quæ ab ebriosis ad alios inebriandos frequentari solent? Ex more seculi Ambrosiani, quemadmodum alibi in alio Tractatu prolixè docebimus, celebrabantur epulæ, quæ erant legata illorum qui in fide mortui erant, quibus interesse probro Christianis non erat, si modo temperantiæ limites non transirent. Atque, ut merito notabantur, qui in feralibus illis conviviis sese inebriabant; ita Ambrosius, loco modo citato vult innuere eos solummodo censuram mereri, qui poculis votivis ad insanam ebrietatem usque indulserint. Post Ambrosium Duumviri hi, Boltonus scilicet & D. Voetius, sollicitant quoque Hieronymum; verum pari fide successuque, atque antea Ambrosium allegarunt. Ille quidem adducit locum ex Commentario Hieronymi in cap. 1. Epist. Pauli ad Titum, cæterum mutilum. Integer locus ita habet: Longum est ire per singula, & insanias, quas ebrietas suggerit, explicare. Videas alios pocula in tela verentes, scyphum in faciem jacere conviva: alios scissis vestibus in vulnera aliena proruerē, alios clamare, alios dormire. qui plus biberit, fortior computatur. accusationis occasio est, adjuratum per regem frequentius non bibisse. Sed, an idem est, poculum consecrare alicujus memoriæ, atque accumbentes convivas adjurare per regem, ut frequentius bibant? Hoc nos cum Hieronymo non modo improbamus, verum etiam execramur. D. Voetius in jam dicta Disp. vii. i. digitum intendit in Comm. Hieronymi ad cap. 7. Ozeæ. Verum cur ipsa verba non adduxit? Ipse Argus ibid. sequentia solummodo in venerit: Non ebriantur vino, ne leve putetur esse peccatum: sed insaniunt ex vino, de quo Moyses scripsit in cantico Deuteronomii: Furor draconum vinum eorum, & furor aspidum insanabilis: hi enim comedunt cibos pietatis, & vino iniquitatis inebriantur. Dicit & Apostolus: Nolite inebriari vino, in quo est luxuria. Et in Proverbiis legimus: Principes vinum non bibant, ne obliviscantur sapientia, & recta judicare non possint. Quid hæc & similia vero ad rem faciunt? Porro D. Voetius Boltonum propitium sibi per omnia esse, forte clamabit, quod apud eum pag. 345. Vir quidā spectabilis dixerit, quum sibi propinaretur in salutem regis: Bibam ego in salutē meam, atque pro Rege & imperatoribus precabor. Quasi vero curari debeat à Christiano Deū reverente, quid o Deū dixerit, aut fecerit, atque



atque forte hic in Utopia censor (cujus nomen Boltonus prodere non sustinuit) vocem, quæ Boltono cedro digna visa fuit, demum ediderit, quum urgeretur ad evacuandos coronatos grandioresque calices: quod inde & colligi posse videtur, quia metuit suæ valetudini. Interea tamen Boltonus (cujus fidē obiter hæcenus cū D. Voetii fide, probata multoties, ad examen vocavimus) aperte ausus non fuit illud dicere, quod in propatulo suos discipulos D. Voetius docere sustinet. Deveni ad Canonerium qui, lib. 3. de Admir. vini virtut. cap. 7. art. 44. & seq. pag. 532. ad suffragium vocando Mathenesium (quem & D. Voetius fingit sibi esse *ἐμψυχόν*) duntaxat infectatur *abusus bibendi super sanitate Principum*, atque dum vel *potando in mutuas sanitates savitur, vel transitur in societatem peccati, per immoderatum usum*. Sed, hæc ad rem non faciunt, nec serviunt presenti instituto. Succedunt ex Jesuitis Johannes David, Antonius Balingen, & Chavassius: sed, cum dicti Authores ad manum non sint, nec mihi proletario, qui modico tantū stipendio gaudeo, & *εἰς* scire nescio, integrum sit, exemplo D. Voetii, omnigenas libellorum quisquilias cōemere, dicere non possum, an in iis citandis D. Posidonius bonam fidem probaverit. Quamvis ex parte credam, D. Voetio similibusque Præcistis hic astipulari Lojolæ socios, quo utrique probent, se imitari Patriarchas suos Phariseos, qui, docente Christo Matth. 23. *purgabant exteriorem poculi patinaque partem, intus vero pleni erant rapina & insemperantia*. Mirum vero, crudum hunc librorum helluonem, sustinuisse pro se adducere ex Ethicis Wendelinum & Liebenthal, quum à veritate expugnatus, fateri cogatur, utrumque admittere *Santeas* ex modulo nostro *Reformatas*. Ridiculum vero, quod loco jam dicto scribat: *Notavi in scedula locum Musculi in Matth. 4. fol. 45. Sed nunc liber ad manum non est, ut denuo conferre possim*. Quasi scilicet, religiosus hic Scriptor, qui authores ab aliis ante se citatos solitus est solummodo indicare, non consueverit alicujus testimonium sollicitare, nisi inspecto antea Codice, in quo hoc invenitur. Atque, si verum sit, quod de semet, gloriando etiam videtur innuere, nā falsariorum impudentissimus haberi debet; ut, vel hac sectione, me, post τὸν πρῶτον D. Gatakerum, abunde ostendisse confido. Non vero necessum erat, hanc scedulam à D. Voetio tam religiose custodiri, siquidem, apud Musculum, toto illo capite, nequidem verbum occurrit ad *Santeas* pertinens. Musculum vero ad manum non fuisse D. Voetio, illi portentosa, non minus, quam locupletissima Bibliothecæ possessori, haud equidem



mirum mihi accidit: bono viro, secundum admirabile suum iudicium Criticum, jam diu forduerunt primorum Reformatorum scripta, præ libris Jesuitarum, eorumque authorum, qui, vice rationum, integras paginas citationibus authorum replent, quod hi apud improvidos adolescentes tutari queant titulum *belluonis librorum*, pro quo Celebrerrimus D. Theologus paratus esset vadimonium deferere. Unus, ac forte Achilles, ex his testibus superest, qui pro D. Voetio totum negotium confecerit. Is est, qui augusto elogio ab eodem condecoratur in *Disp. de Ebrietate*, & quidem secundum hanc formulam: *Diffuse eruditionis Iuriconsultus Gul. Prynne, cum generis nobilitate tum rara pietate conspicuus, in Tract. Anglico, adversus Salutes conscripto*. Liber hic Prynnei (de quo viro ante aliquot annos tam amplus rumor per Britanniam & Belgium fuit) si respondeat ejusdem Tractatui de Spectaculis, (nam hunc solum vidi) dixerim, diffusam eruditionem Authoris (licet hic ipse à D. Voetio ostentetur ut *nobilis*) respondere scopis dissolutis, atque servire confirmando dicto vulgato, quod eam solam vim fortem esse agnoscit, quæ fuerit *unita*. Fueritne vero Prynnius pius, solus Deus novit, quum D. Voetius quando favet, nimis quam liberalis sit in titulo illo concedendo. Certe, hoc non possum cognoscere ex ejusdem libro de Spectaculis, nisi pariter Pharisei pii fuerint agnoscendi, eo, quod *cuminum & anethum decimarent*. Atque hæcenus, occasione Santeorum, locum Testimoniorum excussimus, quem tuto alias negligere potuissimus, (ob rationes in Præfatione prioris Editionis allatas) nisi ipse D. Voetius more solito se recepisset ad sacram anchoram, atque destitutus solidis rationibus, eos in partes suas sollicitasset, quos parum eidem profuisse modo patuit.

- VI. Unum adhuc superest, seria scilicet D. Voetii in hac causa obtestatio, in Disput. Octava, sæpius jam citata, quæ directa ad Rev. D. Maresum, ita habet: *Ego interim fruor sensu meo, absque ipsius sententia infectione, & tantisper à conditionatis, votivis, & ad haustus sive majores sive minores, toties obligatoriis Belgarum poculis pro libertate Christiana & Belgica abstinebo per Dei gratiam, donec ille scrupulum omnem conscientie mee solida ac pia instructione exemerit*. An non dissentientes in hac ipsa causa D. Voetius infectetur, arbitretur ipse Lector, considerando ejusdem verba, fide optima supra adducta. Teneram vero ejus conscientiam, more consueto erudiri nesciam, sollicitare in re tantilla nolo. Concedo illi lubentissime, ut vivat (Scriptura ipsa non dissentiente) secundum vulgarem



vulgarem Thalmudistarum formulam, qui in Pirke Aboth hoc dictum, velut Gamalielis, jactare solent: *Abstineas à re dubia*. Quum & ipse Plinius Junior, Scriptor longe elegantissimus, lib. 1. ep. 18. hoc præceptum dederit: *Quod dubites, ne feceris*. Interim tamen non video, quomodo hic culice levior censeretur camelus. Vir Rev. per conscientiam non audet levissime quoque delibare poculum votivum: & tamen religio illi non est, falsis testimoniis patrocinari causæ suæ. Hac in parte scandalum mihi datum esse, profiteor: atque à falso testimonio allegando per Dei gratiam scrupulosius mihi cavebo, quam ut Phariseos imiter, atque in honesto convivarum consortio, poculum ob votum, duntaxat relationis notionalis rationem habens, admittere re-  
nuam.

Hiscæ priori Editione jam absolutis, atque ad Typographum dela-VII. tis, incido in D. Voetii Disputationem de Sortis abusibus, Ultrajecti propositam die 24. Decemb. anno 1636. quam dum lustro, offendo appendicem, cui præfixa est hæc inscriptio: *De verbis & factis otiosis*. Simulque disco, Thesi tertia Theologorum scilicet *ἀναβέβαιον*, disputare adversus pocula votiva castigata, atque ita alloqui illos, qui emendationi in hac re adiaphora aliquid tribuunt: *Interim ipsi strenue pravari-  
cantur cum terminos mutant, & pro salutibus hodiernis (quæ oppugnan-  
tur) alias quasdam edolatas aut dedolatas substituunt, quæ non magis sunt in  
usu aut in rerum natura, quam idea Platonica. Si quis modo dubitet, certe à  
facto aut saltem à seria rei tam otiosa tamque inutilis, imo & plerisque tam  
periculosa apologia supersedere cogitur. Ex quibus verbis, quum vel cæco  
appareat, Celeberrimum D. Voetium, etiam tum, innoxia formulæ,  
pro teneritudine singulari suæ conscientie infestum fuisse, pariter col-  
ligi potest, eundem omnibus modis ab eo tempore scrupulos instituisse  
movere viris optimis, quo se similem exhiberet illis, quos duntaxat  
posse *negotiorum*, in simili ferme causâ Apostolus dicit, Gal. 5. 10. Sed  
cum postea ex Reyneffio nostro didicerim, ipsum D. Voetium non ab-  
horrire à poculis memoria ebibendis, rogo nos liquido doceat quan-  
tum inter illa intercedat, atque *Santeas*, ex nostro sensu reformatas.  
Interim videamus, quas rationes D. Voetius adferat in Disputationis  
dictæ Appendice. Primo, (inquit) quia implicat abusum nominis divini,  
non minus quam ludus sortium in genere. Probat, tum quia indecore &  
prepostere videntur substitui precibus pro salute principum, &c. tum quia in-  
vocatio Dei, aut apertiis verbis, aut saltem implicite poculo illi præmittitur ac  
substern-*



*sublevernitur.* Resp. I. Argumentum à pari solide diluit D. Gatakerus, tuam de Sortibus sententiam vindicando à cavillationibus D. Voetii, cui ipse debuisset respondere. II. Bonum factum, quod usus sit verbo *videri*, quod familiare esse solet Pyrrhonis familiæ. III. Quis dixerit per votiva hæc pocula, ex minima quoque parte aboleri solennes preces pro Magistratibus, iisque qui nobis proximi sunt? IV. Quis statuerit quoque, nefas esse, poculo, in honesto convivio alteri propinato, per modum consecrationis, adicere precationem, in qua speciatim mentio fiat certæ personæ? Monitum est Apostoli 1. Cor. 10. 13. *Sive editis, sive bibitis, sive quid facitis, omnia ad gloriam Dei facite.* V. Notus & textus Ps. 116. 13. *Calicem salutem accipiam, & nomen Iehova invocabo.* Quo loco ne D. Voetius dicat (hæc enim benedicendi formula ei familiaris esse solet) me blasphemæ abuti, affcribam illa, quæ in Notis habet Bartholomæus Coppenius, quondam Theologus Celeberrimus in Academia Heidelbergensi: *Rabbi David ait, meliorem esse interpretationem literalem, quam sic refert. Cum rebus latioribus insitutum convivium, sumam poculum in conspectu multorum & commemorabo salutem, quam Deus mihi præstavit. Et hoc poculum vocari salutem, quia rebus salvæ sit sumptum & usurpatum in Dei honorem & præteritæ liberationis recordationem; quia illo elevato & veluti libamine factò, commemorantur salutis Dei.* Ab hac non abludit Calvinus, cum scribit Davidem alluisse ad morem usitatum sub lege. Nam cum solennes agerent Deo gratias, adhibebatur etiam epulum, ubi fiebat, in signum latitiæ, sacra libatio. Applicentur hæc iis, quæ D. Voetius habet, imo ipsis quoque Santeis. Pergit Vir. Rever. ita deinceps disputans: *Secundo, quidquid limitent salutes, manet tamen otiosa & inutilis observatio, qua tot myriadas animarum perdidit: manent Bacchi excelsa, qua non reformanda sed tollenda, ne ulli in posterum ad ebrietatem iis abutantur.* Resp. Pari ratione inferre posset, non esse alicui propinandum, nec invitandum quenquam humaniter ad bibendum; quod tamen ratione lugentium propinando illis poculum consolationis, per conscientiam Christianus facere debet. Vere & apposite Cartvrichtus ad cap. 31. Proverb. vers. 6. *Consuetudo suis laudabilis in Dei populo, ut defunctorum amici ab aliis invitarentur ad symposium, ut calix consolationis illis præberetur* Jerem. 16. vers. 7. *longe secus quam apud nos in usu est, ubi vidua morte conjugum graviter afflictæ mensam vicinis & cognatis instruunt.* Certe dum propinatur, & dum poculum consolationis morientibus offertur, hi sæpe non modo vino incaluerunt, sed inebriati quoque fuerunt.



fuerunt. Ergo, cum viro Rev. concludas, contra ipsius Dei iudicium, poculum consolationis pertinere ad Bacchi Excelsa. Non diffiteor, Calvinum ad dictum Jeremiæ locum sic commentari: *Propheta hic non differit, quid rectum sit, sed mutuatur ex communi loquendi usu has formulas.* Sed, quæ ratio ut ex casura cutis & calvitio, quorum Propheta meminit vers. 6. præcedenti, à Deo expresse prohibitis Levit. 21. 5. æstimetur poculum consolationis? quum Prov. 31. 6. hoc expressum mandatum occurrat: *Date potum inebriantem perituro, & vinum amarum animo.* Ut fucum faciat suo Lectori Reynessius, pag. 181, credulo Lectori persuasum vellet, me loco Jeremiæ, quem commodè me exposuisse confido, parum fidere. Simul locum Salomonis Proverb. 31. vers. 6. nova ratione explicare instituit, & dicit: *Quanquam, verum fatear, male ironiam concessionem pro mandato recipiat. Quod enim mandatum non sit, ex hoc uno perspicitur: Regi vetat, id quod misero concedit vers. 4. 6. At modicum vini usum si intelligas, is Regi non denegandus est: Immodicus, si eum innuiputes, ne miseris quidem concedendus.* At, mi homuncio, quando aliquid è tuo sincipite proferre videris, misericordia dignus es. Quid opus hic ironiam fingere? Afflicto potus inebrians ad exhilarationem, ne utiquam autem ad ebrietatem dandus; quum Regi fas non sit eo abuti ad ebrietatem: hoc enim vult locutio, quæ vers. 4. occurrit. Bibere vinum enim, secundum Rylum Scripturæ, idem est atque avide & præter mensuram bibere, Luc. 7. 34. quo sensu *bibentes sechâr*, notantur Psal. 69. 13. Atque vicissim Matth. 11. 19. *non manducare & bibere*, est non communi more modoque victitare. Quod si cogitasset noster homo, non somniasset de Ironia. Ibidem, subsequens quoque argumentum occurrit, hisce verbis conceptum: *Tertio limitationes illæ speciem mali non tollunt, & symbolizationem seu collusionem ab ebriosorum devotione in hauriendis salutibus, aut cum Gentilium & Barbarorum moribus.* Resp. Ad locum Apostoli, quo jubemur ab omni specie mali abstinere, in Tract. de Præcisit. prolixè respondi: non debuisset vero vir Reverend. digitum in hunc ipsum locum intendere, quin simul illam speciem malam, sive illud, quod ut malum hic occurrit, indicaret. Quod hætenus ab eo non fit. 2. Pari ratione iterum possis urgere, fas non esse, alicui poculum propinare, quod hac ratione colludatur cum ebriosis. 3. Non omnia, quæ à Gentibus fuerunt facta, pariter censuram merentur: quum constet, ab iis multa facta fuisse, secundum lumen naturæ, materialiter hætenus



hactenus bona, nec Dei legi hac ratione adversantia. Quod extendi tamen haut velim ad cultum religiosum gentilium, quum illa quoque, quæ adiphora videri possent, cum implicita superstitione minimum conjuncta sint. Quæ si ex mente mea, sincere expendisset Reynessius, pag. 182. sycophantice mihi non affinxisset contradictiones. 4. Ipsos quoque Apostolos sese in multis composuisse ad ritus Gentilium, quo plures ex illis lucrarentur, supra ex Incomparabili Casaubono me docuisse memini. 5. Vir Rev. statum quæstionis pervertit, quando *hauriendarum salutarum* meminit: neque enim hoc est *καταμέμνον*, an salutes immoderate sint hauriendæ; sed, an poculo votum salutis licite addatur? Alias, nequis calumniatur, lubentissime adopto verba D. Riveti, ita ad cap. 7. Oz. loquentis: *Vinam apud Evangelicos, nihil tum inordinate ageretur, apud quos pocula sanitatis, ut vocant, ingentia exhauriuntur, quæ potatorum sanitatem imminuunt, aliorum non augent.* Quum solenne sit Rev. D. Voetio, exemplo Menonis Platonici, lectori suo plures etiam rationes obtrudere, quam initio pollicitus fuerit; postquam hæc tria argumenta proposuisset, amplius fingit sibi quasdam Chimæras, seu adversarias rationes, quibus ita respondet, ut pariter secundum solitam suam in Disputando *ἀνέχεται*, novum argumentum discipulis suis suggerat, ita loquendo: *Illi gestus communi hominum usu & instituto civiliter signant amicitiam, aut etiam fidem ac ratihabitionem in contractibus. Sed edere & bibere sunt actiones non humanæ qua hominis, sed animales directe tendentes ad nutritionem, obnoxie imprimis *ἀπὸ κατὰ φύσιν* peccatis; qua nullo jure Gentium, nulla morum civilitate, promiscue à nobis adhiberi possunt, saltem non in ordine ad exercitia pietatis, nisi in solo usu cœnæ Dominicæ. Itaque vile & indecorum nimis, communibus illis actionibus animalibus declarare devotionem suam erga Deum & coram Deo, erga proximum & coram eo. Repugnat enim tum rei natura & Dei instituto, tum civilitati morum: quis enim ferat se adjurari & constringi per nomen Regum, Principum, Ecclesiæ, patriæ, &c. ad comestionem libræ carnis, aut casei, aut panis? Resp. I. *Δόγοι*, si æquivalerent argumentis, viro Rev. paratus foret triumphus. II. *Ἀνὸς ἐφ' αὐτῷ* Pythagoricum, primaria argumentorum classis suæ Rev. cui foret difficile distincte probare illa, quæ hic suis Auditoribus propinavit. III. Dato, edere & bibere esse actiones animales, nihilominus extra usum ipsius quoque cœnæ Dominicæ, à nobis & dirigi possunt, imo debent ad exercitia pietatis: quid enim aliud est Apostolo 1. Cor. 10. *edere & bibere ad gloriam Dei*? Quod tum demum ab aliquo fit, si*

CUM



*cum gratiarum actione, si temperanter, si ad edificationem una comedentium, adhibitis sermonibus pietatis edat & bibat, & membra Christi egena & esurientia mensæ suæ adhibeat, ut Musculus ad dictum locum loquitur. Sed, quis dixerit, Deo gratias implicate non agi, aut eum super salute proximi invocari, quando poculo votum additur; nec tamen cuiquam præscribitur, quantum bibere debeat? IV. Velim vir Rev. mecum ex Ps. 116. consideret calicem salvationum, & clare edisserat, an non idem hoc die extra usum cœnæ Dominicæ frequentari possit? Hunc autem bibebant à tribulationibus liberati, cum vota sua Domino redderent, & sacrificium laudis offerrent, ut dicit Musculus ad eum Psalmi locum. V. D. Voetius more solito iterum à lineis aberrat, nec illud agit, quod agere deberet: quum libra carnis, casei, aut panis, nihil omnino commune habeat cum nostris poculis, quæ neque libertati ullius, neque justitiæ ulla ratione præjudiciosa esse volumus.*

## EXERCITATIO XXII.

**Quomodo verè fidelis circa licita,**  
quibus aliquod peccatum sæpe adjungi  
solet, se gerere debeat?

1. **L**icita sæpe in illicita convertimus, eoque hic opus est singulari prudentia.
2. Duobus modis res licite, illicitæ sunt, aut ratione personarum, aut consuetudinis.
3. A quibus actionibus, alias licitis, sit abstinendum?
4. Secundum præcedentia examinatur votum, poculo superaddi solitum.
5. Indicio facto Rev. D. Gatakeri, expenditur lex convivii Abassueri.
6. Cum quibus personis liceat conversari, & qualium conversatione sit abstinendum?

**Q**uicunque nihil rectum esse putant, nisi quod ipsi aut se-  
gerint, aut faciendum esse monuerint, quid non crepant  
de prudentia Christianorum, circa ea, quæ licita quoque  
sunt, se mulctante potius eorum usu, quàm ut diabolo,  
prono peccandi occasionem offerre, quicquam largiatur?  
Reynessius Noster, ut per vim tutari queat sui Voetii sententiam de  
Santeis,



Santeis, pag. 174. ita proloquitur: *Neque alia mens Celeberrimi D. Voetii, quam suadere nonnunquam Practicos, ut etiam rebus per se licitis abstinemus, cum aut vulgus iis abuti solet, aut nonnunquam periculum inde oritur. At voluisssem, homo meus digitum intendisset in illos Practicos Doctores, qui Voetio illi librorum helluoni hic præierint? neque enim quenguam sani sincipitis putem indicari posse, qui talia docuerit, qualia hic noster homo exhibet. Fateor lubens, verbum esse ipsius Apostoli Pauli 1. Corinth. 6. vers. 12. Omnia mihi licent, at non omnia conducunt. & iterum 1. Corinth. 10. vers. 23. Omnia mihi licent, at non omnia edificant. Nec præter rationem dixisse Bernardum epist. 4. 25. Sicut non omne quod libet, licet: sic non omne quod licet, statim etiam expedit. Cumque jubeamur per angustam viam & portam incedere, atque sic eniti ad regnum cælorum, quoque momento expositi sumus præcipitio; & dum circa ea quæ licita quoque sunt, occupamur, nisi Deus singulariter per suam gratiam nos sustentet, per imprudentiam ea in illicita convertimus. Unde non inconvenienter Augustinus de verb. Apostol. serm. 28. *Fac te ambulare*, (inquit) *ubi à dextra spatiofa est terra, nec angustias pateris: à lava locus est præceps: ubi eligas incedere? super finem terra in præcipitii labro, an longe inde? Puto, quia longe inde.* Concedo quoque, ipsos dilectos Dei filios, usu sæpe deprehendere, quod res licitæ sibi cedant titubationi & offensionis animi, ut in alio sensu dicebat Abigaël ad Davidem 1. Samuel. 25. vers. 31. Ac proinde oculos ipsos, (qui sunt fenestras animi) claudendos sæpe, si non obserandos esse, ne videant ea, quæ si curiosius animadvertantur, desideria prava excitare solent. Si enim hoc accidit, ut ex Historia tristissimi lapsus constat, ipsi Evæ, communi omnium nostrum matri; quid nobis, quamdiu in hoc mundi exilio degimus, non metuamus? Unde occurrit hæc descriptio genuini civis cælestis Hierosolymæ, Isai. 33. vers. 15. *Qui ambulat iustissime, & qui loquitur rectissime: qui spernit lucrum ex fraudibus, qui excutit manus suas ne teneat munus, qui occludit aurem suam ne audiat cades, & obstipat oculos suos, ne videant malum.* Quomodo & Jobus de se testatur, cap. 31. 1. *quod pepigerit fœdus cum oculis suis.* Nam, ut dicit Hieronymus lib. 2. adv. Jovian. *Inutile est, crebro videre, per quæ aliquando captus sis.* Interim hic distinguendum est. Præsumat enim aliquis abstinere omnibus illis, quæ peccandi occasionem aliquando exhibuerint, & non conversari cum impiis & infidelibus, *debebit mundo exire*, ut Paulus dicit*

cit



cit 1. Cor. 5. 10. atque, ut pulchrè loquitur Chrysostomus ad hunc locum, *novum mundum querere*. Ut vero liquido sententiam meam exponere possim, distincte prius agam de rebus, postea de actionibus, & denique de personis.

Quod ad res, illæ licet agnosci debeant *κλίσμα Θεῷ καλὸν*, 1. Tim. 11. 4. & in se qua tales adiaphoræ, simul ratione nostri evadere bonæ possint; sæpe tamen ex accidenti redduntur illicitæ. Quod iterum contingit aut ratione personarum utentium, aut ratione consuetudinis, cui vix Hercules aliquis Evangelicus obnitatur. Ut prius membrum prioris loco considerem, solummodo vinum ad modum exempli attendatur. Illud donum Dei est, *ab eo datum, ut lasificet cor hominis*, Psal. 104. 15. Illius usus ad modum medicamenti aliquando necessarius est, Paulo ipso dicente ad discipulorum dilectissimum Timotheum, *Ne amplius esto abstemius: sed vino pauculo utere, propter stomachum tuum, & crebras tuas infirmitates*, 1. Tim. 5. 23. Et tamen hoc Dei donum, omnibus promiscue, extra usum medicamenti, non est vel concedendum, vel etiam offerendum. Sed, an proinde vinum potus diaboli censeretur debet? Quid Encratitæ statuerint, quorum sectatores Mahumedani sunt, haud mihi ignotum est. Legi quoque, quod Nazianzenus Orat. 20. testetur se & Basilium Magnum contraxisse morbos plurimos ex abstinentia nimia, cum ad panem & salem nihil ferme adderent, præter fontis aquam; ipsumque Basilium continuo hepatis morbo laborasse. At, ut horum præfracta abstinentia probari nequitiam potest; ita in exhibendo vino ratio haberi debet & personarum, & modi. Quod ad personas, quædam *primò* à vino arceri debent ratione temperamentis. Ut, secundum Platonem lib. 2. de Legibus, pueri. Applaudit ei Clemens Alexandrinus lib. 2. Pedagog. cap. 2. ubi hoc lego: *φυσικὴν καὶ νηφάλιον ποτὸν, ἀναγκαῖον διδῶσιν ἐστὶν ὑδωρ*. Cum pueris componi merentur quidam quoque viri, quibus modicus vini haustus non tam vesaniam quam furorem procurat. Qui se ipsos non modo nosse deberent, sese in perpetuum usu vini mulctando; sed quibus alii quoque ex propinquis & familiaribus parcere deberent. Certe non putarim, iis vel propinandum esse vinum. Quæ vini, eadem ratio est fortioris cervisie, spiritus vini, ac similis potus inebriantis. Sed quid de fœminis statuendum est? Massiliensium & Romanorum Lex nota est ex Æliano lib. 2. cap. 38. Athenæo lib. 10. cap. 11. & Plutarcho in Quæst. Roman. qu. 57. At, severa hæc nimis videtur. Medicinæ non modo ad instar vini



seuiori sexui esse patior, verum putem honestæ quoque ejusdem recreationi servire posse. Christus in nuptiis Cananensis ex aqua generosissimum vinum fecit, ad quod bibendum, dubio procul, illius quoque Mater (quæ ibi præsens erat) admissa fuit. Sed fœmina, in hac loto degustanda, circumspicienda esse debet, quam mas. Neque enim frustra dictum est à Valerio Maximo lib. 6. cap. 3. *Quæcunque fœmina vini usum immoderate appetit, omnibus & virtutibus janua claudit, & delictis aperit.* Secundò, ex voto olim vino abstinere debebant Naziræi, & quidem juxta Dei præceptum, Num. 6. 3. Ex mandato Jonadab, (qui videtur Spiritu Prophetico præditus fuisse) Rechabites, Jerem. 35. cum quibus frustra Monachi (qui ad vomitum usque mero sese ingurgitare solent) se componere laborant. Tertiò, Levitæ, ingressuri tabernaculum conventus, vino quoque abstinere debebant, Levit. 10. 9. quod interdictum tamen non fuit perpetuum. Convenienter Theodoretus in Resp. ad quæst. 10. *ὅτι παντάπασιν ἀπηγορεύετο, ἀλλὰ κατὰ τῆς λειτουργίας καίρῳ.* Quartò, Daniel cum sociis suis renuit bibere vinum in aula Regis Nebucadnezaris, Dan. 1. 8. non, quod decrevisset abstinere, sed ne forte biberet vinum, quod Rex idololatra suis Diis libasset: hoc enim Israëlitis vetitum erat, Deut. 32. 8. Atque, ne ejusmodi vinum à gentibus propinaretur, Doctores in universum interdixerunt, ne biberent vinum gentium, sive quod gentes attigissent. Sed, cum cultus Leviticus per Christi adventum sit abrogatus, atque vota Christianorum sint libera à specialibus præceptis; permixtus quoque sit usus Idolothytorum, hæc Christianos amplius non spectare in confesso est. Sed, quæret quis, an non ergo aliquis Bibere in perpetuum usum vini sibi interdicare possit? Salvo meliori judicio, non putarim tale votum esse probandum: nam præterquam quod temere solet nuncupari; (postquam præcessit grandius peccatum, fere vini fastidium oboriri solet) fas non est, abjurare usum alicujus creaturæ, quam Deus nobis sumere concedit cum gratiarum actione. De Regibus & Magistratibus (quasi iis interdictum esset vinum bibere) hic nihil monemus: supra, disputando cum Reyneffio, expendimus, quomodo Salomonis locus explicari debeat. Proxime nos convertimus ad modum, quo vinum bibere conveniat. Hic vero meditari convenit illud Hippocratis, *μέτρεον πίνοντα*. Naturæ est inimicum, quicquid est nimium. Nec tamen certa mensura præscribi potest, juxta quam omnes qui vinum bibunt, haustus suos exigant. Quisque seipsum consulat, ne pec-



peccet, & à munere, atque ordinariis vocationis suæ officii avocetur. Ipsius aquæ potest esse abusus: ut, V. C. in aqua Choaspia videre est apud Clementem loco dicto, & Herodotum. Illa ex India in Persi-  
dem usque deportari solet, in usum regum & satraparum; quod Cho-  
aspis fluvii Indici aqua omnium optima censeretur. Atqui aqua illa  
divites in delitiis suis miseros reddebat, ut loquitur idem Clemens. At,  
hic dubium emergit, utrum gravius peccent illi, qui potentes sunt ad  
bibendum, & grandiores calices evacuare possunt citra ebrietatis in-  
commodum, an illi quibus modici quoque haustus obsunt? Scriptu-  
ram si consulamus, ea omnem in universum ebrietatem, quocunque  
loco, quocunque tempore accersitam detestatur. Verbum Christi est,  
exceptionem nullam admittens Luc. 21. 34. *Cavete vobis, ne quando  
graventur corda vestra crapula & ebrietate.* Scriptura hæc ipsa, Noachi  
quoque ebrietatem, ut turpem & probrosam notat, Gen. 9. Quanquam  
non inconveniens mihi videtur esse observatio Theodoretii, Quæst.  
65. in Genes. ita loquentis: *Ab inexperientia (inquit) profecta est ebie-  
tas Noë; non ab intemperantia.* Nam ille primus hominum, compressis uvis,  
ignorans non solum quantum esset bibendum, sed etiam quomodo, nempe aquâ  
temperatum, incidit in ebrietatem. Eadem non parcit quoque illis, qui  
ad bibendum sunt potentes. Notum illud Jelaïæ cap. 5. 22. *Va valen-  
tibus potare vinum, & strenuis ad miscendum potum inebriantem.* Interim  
tamen gravius peccant, qui conscii suæ infirmitatis, omnibus modis  
non laborant præcavere, ne modicis quoque haustibus obruantur. E-  
brietas, quam sibi accersunt, nullo modo excusari potest; atque ipsi,  
ideo gravius argui merentur, quod quasi sancto timore perculsi, excu-  
bias non agant contra tam abominandum peccatum, à quo, attenden-  
do suum temperamentum, sibi cavere deberent tanquam serpente no-  
centissimo. Nam, ut juxta Paterc. lib. 2. *Nemo celerius opprimitur,  
quàm qui nihil timet:* ita, Salomone teste Prov. 14. 16. *sapiens timet, at-  
que recedit à malo:* quum, secundum eundem Prov. 16. 6. *Reverentiâ Je-  
hova recedatur à malo.* Res hæcenus consideravimus secundum perso-  
nas quæ iis utuntur: porro ratione consuetudinis attendi quoque pos-  
sunt. Ea vel est paucorum, eorumque peiorum, vel publica. Consue-  
tudo circa rei alicujus usum publica, si mala sit, à Magistratu severis  
legibus castigari deberet, ut V. C. luxur & petulantia circa vestitum:  
atque, si magistratus hic officium suum non faciat, pius quivis inge-  
miscere debet, atque Deum rogare, se contra torrentem hunc munire  
velit,



velit, ne eo abripiatur. Sed publica ut plurimum censetur consuetudo, quæ est paucorum, eorumque corruptorum: qui quamvis meliores quoque sæpe corrumpant suo exemplo, nulla est ratio tamen cur talis res censeatur illicita in se esse, eo quod pauci ea abutendo, illicitam sibi reddant: modo re illa non utantur secundum consuetudinem seculi ut corrupti. V. C. Gentibus quibusdam consuetum est casariam promittere; quam si Juvenes lascive quoque & in gradus fractam alant, vir pius neutiquam hos quidem sectabitur: comam tamen more seculi promittet, ne videatur solus vir esse ex annalium memoria. Sed, ut Christiani est attendere, *an quid sit boni nominis*, Phil. 4. 8. sæpe refragabitur consuetudini, quod, licet in se non complectatur singularem turpitudinem, apud pios tamen male audire consueverit. V. C. quamquam quædam cauponæ improbari non possint, & ex promiscuè ab ipsis Magistratibus citra censuram frequententur: genuinus tamen Christianus operam dabit, ut in iis, aut nunquam aut quam rarenter conspiciatur. Rationes supra in Diatriba de Cauponis diximus.

- III. Ex ordine jam antea definito, converto me ad actiones, à quibus ut licitis quoque abstinendum est, si ob seculum corruptum, & illos, cum quibus iis vacamus, exerceri non possint absque peccato. Ridere licet, licet pariter se oblectare honesto lusu. Unde Dei populo ad modum benedictionis promittitur, quod *platea ipsius replenda sint pueris in eis ludentibus*, Zach. 8. 5. quodque, *quisque amicum suum vocaturus sit sub ficum & vitem*, Zach. 3. 10. Et tamen pro dolor! suo ego jam dixit Salvianus lib. 6. de Provid. *Nobis ridere* (inquit) *& gaudere non sufficit, nisi cum peccato atque insania gaudeamus; nisi risus noster impuritatibus, nisi flagitiis misceatur. nunquid latari & ridere non possumus, nisi risum nostrum, atque latitiam scelus faciamus?* Sed, quis hinc inferat, nunquam his & similibus actionibus vacandum esse? Quod Apostolus dicit occasione iræ, quo affectu alter vehementior non datur, Eph. 4. 26. *Ira scimini, & ne peccate*, hic attendi debet. Atque, ut iræ frænnum est injiciendum ne inordinate feratur; sic etiam risui, & oblectationi: quæ probe ordinata futura sunt, si observentur regulæ, ab ipso Apostolo Paulo præscriptæ Eph. 5. 3. 4. *Ne nominetur quidem inter vos obscenitas, & stultiloquium, & scurrilitas.* Coloss. 4. 6. *Sermo vestester semper cum gratia sit sale conditus, ut sciatis quomodo oporteat unicuique respondere.* 1. Cor. 10. 31. 32. *Sive editis, sive bibitis, sive quid facitis, omnia ad gloriam Dei facite. Estote sine offendiculo & Iudæis, & Græcis, & Ecclesia Dei.* Salvianus l. d.



I. d. Rideamus, lateatur, quantum libet jugiter, dammodo innocenter. De scandalo nihil hic iterum moneo, quod omnia quam sufficienter jam antea excussa fuerint.

Si cui placuerit ea, quæ proxime sunt dicta, ad votum, quod poculo IV. accedit, applicare, quam ineptum se dederit Reynessius, patebit. Votum ut nihil continet, quod reprehendi mereatur; ita quæstio est, an semper provocet & promoveat ebrietatem? Vellent quidem nostri homines, verum ratio eos destituit. De gaudio in communi, Salvianus quidem loco aliquoties adducto dicit: *Quæ vecordia est & amentia, ut non putemus risum & gaudium tanti esse, nisi Dei in se habeat injuriam?* & paulo post: *An forte infructuosum putamus gaudium simplex, nec delectat ridere sine crimine?* Quis sanus tamen hinc instituerit colligere, neminem gaudio indulgere posse, nisi pariter conscientiam suam gravet? Fateor quidem, nos nimis circumspectos hic non posse esse, cum verum sit illud Senecæ epist. 7. *Per voluptatem facilius vitia surrepunt.* Atque Hiobum non sine ratione Deo holocausta obtulisse, cum filii ejus convivium fecissent, Hiob, 1. 5. metuebat siquidem, ne fortasse peccassent, & apud animum suum Deo maledixissent. At, si illi qui poculo votum addunt, in antecessum caverint, ne quis ad bibendum constringatur; imo ebrietatem, præter animi quoque sententiam alicui minus provido obrepentem, extreme detestentur: sane non video, cur aliquis hic velit esse eximius, atque, ad testandam plusquam præcristicam singularitatem, Christianum & sobrium convivium intempestivis controversiis turbare. Fateor, de cibo & potu delicatiori, ut plurimum usurpari posse illud Senecæ Epist. 8. *Viscata sunt hæc, insidia sunt.* Verum, si convenerit inter accumbentes, ut adversus hunc insidiosum cibum & potum excubias agant, atque potui addita votiva formula quemque suæ libertatis commonefacere instituerint; non est putandum, tantum periculi subesse ex Dei gratia, quantum homines nostri proclamant, qui soliti sunt sub quolibet lapide scorpium invenire. Ipsi vero viderint, ne, dum aliorum libertati insidiantur, ad profunda hypocrisis non tam ferantur, quam ruant. Vere dictum est ab Hieronymo, Epistol. ad Heliodor. *Tunc maxime oppugnaris, si oppugnari te nescis.* Addere licet, eos insidiosè à Sathana oppugnari, qui præfractè libertatem aliorum oppugnant. Et, ut per scissile Diogenis palliastrum ipsius factus, & animus, nimis quam elatus, patebant; ita per fucatam hominum

R r horum



horum sanctimoniam, acerba pervicacia, & inanis contentionis studium, patefcunt.

Quod multi viri boni, ebrietati quam infesti, votivorum poculorum usum se concedere dicant, si modo observetur lex, quæ præscripta erat ab Asuero convivantibus, Esth. 1. 8. operæ pretium fuerit in legem illam paucis inquirere: singularem enim jam diu opinionem fovi à vulgo interpretum & homilistarum, legem illam aliàs urgere solito- rum, admodum diversam. Quam ut à multis annis pro re nata variis ex amicis probavi; ita haut necessum est, eam multis astruere: quum, quod diu ante in mentem mihi venerat, plenissime astruxerit vir longe doctissimus Thomas Gatakerus Cinni Sacri lib. 2. cap. 5. ubi solidissime probat in hoc convivio, instructo ad ostentandam Persici regni potentiam, ex Regis mandato nullam fuisse cujusquam restrictionem, cohibitionem, aut coercitionem; quum Rex ministris omnino præcepisset, ut quodcumque peterent, quotiescunque aut quantumcunque poscerent, convivarum cuique liberrime simul ac liberalissime concederetur. Falluntur enim, quicumque existimant Persas (qui etiamnum hodie in omnem *ασωλλαν* & omnis generis voluptates projecti sunt) olim præ aliis gentibus continentiarum & sobrietati litasse. Quemadmodum multis ostendi posset, nisi *δ' πρὶν* Gatakerus (in quem modo digitum intendi) præoccupasset. Antequam vero eruditissimas ipsius chartas, omnigena eruditione referas, excussissem; idem ipsum in mentem venerat, quod tanto (dum viveret) Theologo placuisse quoque, ex animo mihi gratulor.

VI. Sed ad lineas redeundum est, à quibus fere recessissem. Et proxime quidem despiciendum, quatenus abstinendum sit conversatione cum certis personis, aliàs licita. Quivis videt, hic nos præsupponere, conversationem cum hominibus esse licitam. Nec putem, Dominos nostros, qui alias Monachis & Anachoretis quam infesti sunt, suadere solitudinem, velut convenientem præ cæteris exercitio Præcisitatis. Et si suaderent quoque, audiri tamen magis deberet Salomo, cujus hoc verbum est, Eccl. 4. 5. 6. *Meliores sunt duo, quam unus: quia est ipsis primum bonum ex labore suo. Nam si cadant, eorum unus erigit socium suum; & autem illi, unico illi qui ceciderit, quum non adsit secundus ad erigendum illum.* Ipsa solitudo, quæ promittere videtur, neque præstat neque præstare potest: prout experti sunt illi ipsi, qui acti zelo, sed non secundum scientiam, eandem pro exercenda pietate delegerunt, atque sectati quam diligenter fuerunt. Unum Bernardum adduxisse suffecerit.



rit. Qui cum epist. 115. hanc questionem movisset: *Nonne est sapere, ut opulentiam, ita orbis frequentiam fugere? an non mea mihi pudicitia in eremo tutior erit, ubi in pace cum paucis, aut sola conversans, soli placeam, cui me probavi?* Ita respondet: *Nequaquam: nam volenti perperam agere, & desertum abundantiam habet, & nemus umbram, & silentium solitudo. Malum quippe, quod nemo videt, nemo arguit. Ubi autem non timetur reprehensor, securius accedit tentator, licentius perpetratur iniquitas. In conventu vero malum si facere vis, non licet. Mox enim à pluribus comperitur, arguitur, emendatur. & paulo post: Denique, aut de fatuis virginibus una es, aut de prudentibus: si de fatuis, congregatio tibi necessaria est; si de prudentibus, tu congregationi. Ipsa conversatio cum piis, promovendis non modo pietatis exercitiis conducit, verum etiam avertendis illis, quæ illam impedire solent. Unde non dubitat idem Bernardus sic loqui lib. 4. de Consider. ad Eugenium: Quid beatius, (inquit) quid securius, quàm ejusmodi custodes simul & vita testes habere? quibus me totum refundam quasi alteri mihi: qui deviare non sinant, frangent precipitem, dormitantem excitent. Atque & inde vult Apostolus Hebr. 10. 24. *Ut observemus alii alios, & sic nos acuamus ad charitatem & bona opera.* Et Philipp. 2. 4. non tantum jubet, ut quisque *quæ sua sunt spectet, sed etiam quæ aliorum.* Rationem reddit Salomon Proverb. 27. vers. 17. *Ut ferrum ferro acuit vir, ita virum acuit facies amici sui.* Quod vero hic maxime controvertitur, est illud: An vere fidelis abstinere per omnia debeat conversatione cum infidelibus, & irrogenitis? Etiam hodie inveniuntur, qui similes sunt illis hypocritis, qui apud Jesaiam cap. 65. vers. 5. dicebant: *Ne attingite nos, quia sanctiores sumus vobis; quique grandi piaculo se inquinatos esse existimant, si forte fuerint in consortio infidelium: quum tamen ipse Christus, familiariter cum ipsis Phariseis, graphicis illis hypocritis, conversatus fuerit. Tales homines mundo exire deberent, atque extremè immisericordes habendi, quod non meminerint se tales quondam quoque fuisse, Tit. 3. 3. Licet cum infidelibus, & irrogenitis, quibuscum membra ejusdem reip. & civitatis censetur, civilem amicitiam colere; imo charitatis quoque officia (ut aliàs docuimus) iis impartiri debemus. Atque, si ipse sit eos eximi posse laqueis diaboli, familiariter non modo cum iis conversari licet: verum etiam officium nostrum est infirmitates imbecilliorum portare, Rom. 15. 1. atque infirmum in fide assumere, Rom. 14. 1. & quantum in nobis, operam dare ut sanetur, Hebr. 12. 13. Si qui ve-**



ro occurrant, quibus character Elavi inuri mereatur, quem Spiritus Sanctus Hebr. 12. vers. 16. βέβηλον, *ceu profanum* vocat; aut, qui se similes reddant Ismaëli, qui in Scriptura, ut *irrisor* notatur, Genes. 21. vers. 9. atque hoc publice constet, attendi debet Apostoli admonitio 2. Timoth. 3. vers. 5. *istos aversare.* & talibus cum Davide Psal. 119. vers. 115. dicendum est: *Recedite à me malefici, ut custodiam praecepta Dei mei.* Oblunt siquidem piis, quo minus sacris exercitiis vacare queant. Imo corrumpe iisdem ex parte sufficiunt. Neque enim frustra dictum est à Salomone Proverb. 22. vers. 24. 25. *Ne colas amicitiam cum iracundo, & cum furibundo ne congregiaris: ut non discas itinera ejus, & asumas tendiculam tibi ipsi.* Unde in descriptione viri sincerè pii sic placuit Spiritui Sancto per Davidem loqui, Psal. 1. *Qui non ambulat in consilio improborum, & via peccatorum non insistit, ac in confesso devorum non desidet.* Sed hic iterum cautela opus est, nec genuinus Christianus æquo præcipitior esse debet in condemnando suo proximo, ut mos est hypocritis, atque utinam non iis quoque, qui à singularitate, aut (ut ipsi loqui amant) Præcisiute commendari volunt! Vere dictum est à Calvino ad dictum Esaia locum: *Nunquam hypocrisis moroso fastidio & superbia vacat. Ne miremur ergo eos, qui hoc vitio laborant, insolenter sese efferre, ac jactare virtutem & sanctitatem suam, aliisque omnibus sese præferre.* Qui à regno cælorum quam remoti videntur, sæpe sunt proximi. Æquitatem & mansuetudinem erga proximum exercere debemus, nec eum condemnare, quem Deus non condemnat. Admonitio est Apostoli 1. Cor. 4. vers. 5. *Ne judicate ante præstitutum tempus.* Sub ipsam mortis horam Deus quem convertere potest: & quis novit, quam tenui filo peccatorem æterno exitio extrahere possit?

EXER-



## EXERCITATIO XXIII.

DE

## CHOREIS &amp; TRIPUDIIS.

1. **O**ccasio, quare hic agatur de choreis. Adducitur testimonium summi non minus in Rep. viri, quam Theologi accuratissimi, D. Marnixii de iisdem.
2. Simpliciter improbari chorea non possunt, quanquam Magistratus illis aliquando recte interdicit.
3. Quid significet vox *χοῦρος* & *ἀσσελγέας*. Explicatur Concilium Laodicenum.
4. Choreæ pro ratione loci possunt esse licita, ipsis Christianis quoque.
5. Prohibentur dumtaxat molles choreæ, in quibus multum artis. Cum choreis comparantur promiscua oscula.

**Q**uod Rev. D. Voetius chorearum fecerit mentionem, atque pertenderit Santeis abstinendum esse, eo quod abstineri debeat choreis, non possumus non hanc Exercitationem consecrare Chorearum considerationi. Scio vero hic aures arrecturos hauri paucos ex iis, qui soli Theologi haberi volunt, atque inclementissime mihi dicturos esse, quod videar pro choreis quid dicere velle. Quo vero cum pace horum virorum, quorum iniquiores censuras antehac expertus fui, veritati tutius patrocinari, atque quod res est, explicare queam, premitam armigerum, eundemque virum incomparabilem, qui non minus præclare de libertate patriæ nostræ, quam Ecclesia meritus est, scilicet prænobilem virum Philippum Marnixium Aldegondia Dominum, qui anno 1577. (hæc Epistola numero LI. legitur secundo tomo Epist. Illustr. Belgarum) hunc in modum scribebat Casparo Verheiden, celebri inter Belgas ministro verbi Dei. Apud nostros hic nobis creber fuit de saltationibus & choreis sermo: obijciētibz iis quos ad cœtus nostros invitabamus, haud se posse ferre importunitatem eorū, qui quod Dominus non vetarit, pro sua auctoritate interdiciant. Et cum responderemus, longe illos falli, qui existimarent à nostris quicquā haberi nefas, quod lege Dei minime esset vetitū, saltationes & choreas pro teste producebant. In quo semper & verbo

Rr 3

affir-



affirmavi, & exemplo testatus sum, haud me posse choreas ac ludos modestos averfari, damnareve: neque propterea ullam mihi infamiae esse notam apud nostros subeundam. Idem olim in celebri corona in consobrini mei Castrii nuptiis in Hollandia, & sermone & exemplo, confirmavi ante decennium, & exinde tam in Germania quam hisce locis, quoties se obtulit occasio, neque cujusquam propterea subii reprehensionem. Et sane non possum videre, quid in illis choreis, quibus, sincerus animi exhilarati candor, & quaedam hymenaeorum congratulatio declaratur, insit mali, si cum honestis matronis ac virginibus ad citharæ modulos vel ambulatur, vel in gyrum curritur, saltaturve. Scio quid adferant Rhetores in scholis: Neminem saltare nisi vel ebrium vel insanum: & intempestivi convivii ac multarum deliciarum comitem esse extremam saltationem. Sed ego rationum momenta, non inanum verborum calamistratos cincinnos intueor; & omnino contra censeo, neque insanum quenquam, neque ebrium rite posse saltare; & non modo intempestivi convivii (quod hisce certe regionibus non saltatione, sed poculis potius geritur) sed etiam tempestivi ac sancti, imo vero studiorum atque institutorum optimorum comitem esse posse saltationem. Equidem & Davidem video religionis sacra mysteria testato choreis gaudio celebrasse. Quod nemo mihi persuaserit illi populo fuisse insolens, apud quem Scriptura universa testatur, nullum fuisse lætitiæ vel publicæ vel domesticæ insigne, quod non saltatione ac choreis, quasi quodam suo ornatu, honestaretur: ita ut calamitatem publicam vaticinantes Prophetæ, chorearum abstinentiam persæpe ponant ob oculos. Imo vero his locis sanctas duxerim choreas, quæ post epulas ad sistenda ebriosorum pocula, inhibendosve aleatorum ludos, agitantur cum fructu. Ipse tu fateris propemodum, (nec enim, si quod res est dicere voles, diffiteri plane poteris) rem esse mediam. Cur igitur legis novæ compedes injiciuntur in eo, quod medium est ac licitum? Nam quod tu ais, non omnia quæ liceant continuo ædificare, equidem libenter fateor. Sed è diverso statuo, hanc libertatem, sine scelere & flagitio, ad eorum mores, qui cum non sint impii, ejusmodi tamen remora destinantur, accommodatam potius esse ædificationi. Et possum revera id testari, & hoc tempore meæ saltationis, & superiori temporis antea acti exemplo, multos hac occasione aurem præbuisse, qui nos alioqui penitus averfarentur. Imo vero plane censeo, non modo nullam esse in hac importuna morositate, & revocata



cata ad humanæ opinionis placitum censura, ædificationem, sed incredibile etiam scandalum. Ut enim omittam reliqua, vix dici potest, quantopere ipse Princeps offensus fuerit, ubi audivit, non potuisse honestis choreis nuptias sine reprehensione & virgula censoria decorari: cum constet, & Lutherum, & Melanthonem, & infinitos alios viros pios ac bonos haud refugisse saltationem. Frater certe meus Tholosius compluries me castigavit, quod essem hac in parte, non aliis (neminem enim hoc nomine potui vel damnare vel reprehendere) sed mihi ipsi difficilius; quum tamen sciret me peculiari quadam causa id potius facere. Ais tamen, haud probari posse saltationes hujus regionis, ab exemplo veterum prorsus dissimiles. Ego vero contra censeo, nostras saltationes, veterum saltationibus longe moderatiores graviioresque, propter formam & finem piæ ac licite usurpari. Quantum enim ex historiarum monumentis, vel ex scripturarum testimoniis possum elicere, video longe magis illos ad histrionicam, quam nos accessisse. Et cur David ab uxore Michal carptus fuerit haud est obscurum. Et constat, Romanis nonnullo tempore infames habitas fuisse saltationes, propterea quod infames essent mimi & histriones, quorum opera & studio agebantur. Alioqui video omnibus ætatibus, atque omnibus prope nationibus, honestos virorum ac matronarum virginumque choros fuisse celebratos: & sicubi viri saltarent soli, quod certe solenne haud fuisse mihi persuadeo, id gentis Zelotypiæ potius tribuendum duxerim. Et cujusque nationis morem, modo absit turpitudine ac flagitium, in rebus adiaphoris, sine crimine usurpari posse arbitror. Sed ais meæ gravitati saltationes haud convenire. Sane gravitati officit honesta saltatio: levius feram levitatis mihi nomen objici, ut qui à saltatione nunquam abhorruerim, neque prorsus unquam abstinuerim; imo sæpe in coronæ astantis gratiam, & certè ut maxime valetudinis recreandæ, reficiendique animi causa, ea fuerim usus. Existimationis certe (quam tu mihi apud pios omnes amissam hoc facto esse autumas) rationem, ego nunquam in rerum externarum umbris, sed in ipsis rebus positam esse statui. Vera enim pietas, fides, probitas, & candor animi, dignitatem existimationi creant, non averfatio chorearum, aut ludicarum exercitationum, si minus sint intempestivæ. Et sane, testatio hilaritatis, etsi fortasse immodica, tempore quidem nuptiarum, (modo absit, ut ante dixi, scelus omne atque flagitium) vix potest, meo judicio, intempestivæ censeri. Nisi forte mihi, vel natura  
ad risum



ad risum atque hilaritatem ficto, vel natione ad jocos ac festivitatem Brabantinam nato, aliena atque insolens, aut indecora potest existimari in amicorum hymenæis ludicris, & vero, etiam si voles, ridicula saltatio, quum videam regem Alphonsum, qui unus vel omnium maxime choreas exhorruit, tamen hoc se à calumnia post saltationem coram Imperatore actam, tutatum esse elogio, quod stultitiam simulare in loco sit summa prudentia. Ego certe in omni vita rationes meas ita composui, ut cum daretur vel à studiis, vel à labore otium, nunquam sim veritus, vel saltu, vel cursu, vel ludicris ac ridiculis gestulationibus, vel si adessent cytharæ, etiam saltationibus, corporis vires exercere, & animum fatigatum exhilarare: in eo si peccatum est, dabo operam, quoad fieri poterit, ut corrigatur, etsi difficile sit, aliam inducere personam ab ea, quam ad hanc usque ætatem sustinuerim, præsertim nondum convicto ullius in eo criminis. Sed tamen dabo operam quoad potero. Tu, quæso, meam libertatem boni consulas, inprimis præcipientes istos censores, (qui festuca in fratris oculo sibi objecta suam non cernunt trabem,) pro merito coarguas, & mihi credas, si qua fide dignum unquam judicasti, multo gravius & majus scandalum illorum præposteram gravitatem sanctitatemque, non longe à Pharisaicis moribus dissidentem, adferre, quam omnes omnino, quæ agitentur, choreas saltationesve. Etsi fateor politicis legibus laudate posse interdici saltationum omni genere, præsertim in iis provinciis, quibus multorum flagitiorum ansam præbeant: inter quas certe Burgundia, si quæ alia, merito censeri debet. Ut ego Genevates merito laudandos censeam, qui turpissima dedecora, quæ quotidie sine fronte committebantur, hoc uno interdicto, quasi Tenedia bipenni, resecurerint. Sed illis erat usitatissimum, quod & hodie est multo frequentissimum, apud Burgundos, Sabaudos, atque omnes Allobroges, & multos etiam Gallos, puellas virgines intempestiva nocte, sine ullo custode, ad choreas, quocunque vellent abducere, & quamdiu vellent in fœdissimis atque obscenissimis gestulationibus, quovis anni tempore, sine ulla prope intermissione, prætextu choreatum, usque ad nauseam fatigare. Quos ego mores vel inspectare, nedum exemplo comprobare, nefas esse duxerim. Sed longe profecto ab illa hæc nostra abest saltandi ratio, quæ tamen & ipsa, si veteretur, non reprehendam. Sed religionis prætextu reprehendi ac traduci eos qui eo, quod liberum atque adiaphorum est, non nisi ad honestam

muli. 52

animi



animi relaxationem utantur, nescio an sit Christianæ charitati consensaneum. *Hactenus eo loco Marnixius.*

Quum nihil dicturi deinceps simus, quod non pariter à Marnixio II. viro summo, atque interiori amico τοῦ μεγίστου D. Beza, dictum sit, veniam circa choreas nobis concessum iri existimo: quam omnino præfari debeo, veritus δεινὰν χαλὰν, quæ καθήκει ἐν εἰνὶ τινῶν τῶν Θεολόγων. Qui, si æque fervide à pluribus jam annis detonuissent in adulterium, (quod, pro dolor! per totum Belgium pecuniaria duntaxat multa expiatur) ex Dei benedictione, dubio procul, jam diu à suis Superioribus consecuti fuissent, quod ex voto obtigit, ante annos ferme triginta, Theologis Augustanæ Confessionis, Argentine Evangelicam doctrinam annunciantibus: qui, licet non subdlexerunt Auditoribus suis temperatas in nuptiis choreas, à Magistratu tamen impetrarunt gladium adulterii vindicem. Sed, ad rem: neque enim tutum mihi, qui sum homo obscurus & neglectus apud eos, (quibus contigit in hoc seculo beatis esse,) ulterius in hoc prologo pergere. Protestationi hoc unum amplius adjicio, mihi, circa choreas, nequicquam sive feri sive meti; quum de earum exercitio ne per somnium quidem cogitaverim tota vita, quam exemplo *agni illius curionis* apud Plautum, ex Dei mei voluntate, in qua libenter acquiesco, transigo inter catenatas molestias & curas: unde & ferre possum Magistratum Edicta, chorearum abolitionem perpetuam urgentia. Interim non video, quare illa, quæ ob politicas rationes abrogata sunt, simul censeri debeant per Scripturam abrogata esse. Per leges militares capitale est, ordinem delevisse, dum meat exercitus: nec mitior pœna illis irrogari solet, qui muros civitatis nocturno maxime tempore transfilerint. Quam severitatem licet efflagitet ratio boni publici, non tamen Theologus pariter eandem è Scriptura aliter probaverit, quam quatenus hæc docet, Magistratibus tantisper esse obsequium præstandum, quam mandata eorundem non configunt cum legibus Dei. Do lubens, aliis Magistratibus incubuisse eandem necessitatem, quam in Genevatibus modo Marnixius notavit, adeo ut debuerint edicto perpetuo, omnes choreas abrogare: at, quis inde colligat, ubique locorum, & quidem ex judicio ipsius Spiritus Sancti, eas pariter proscribendas esse? Verba sunt τοῦ ἐν ἀρχαῖς D. Riveti in Comment. ad Psal. 68. pag. 547. Edit. in Quarto: *Aliis temporibus, & locis, alii mores, & ritus, conveniunt. Olim tympana pulsare moris*

ss

fuit



fuit mulieribus, quod hodie absurdum apud nos foret. Applicentur hæc choreis. Olim viri & fœminæ Principes, ut patet in Miriam & Davide, Exod. 15. & 2. Sam. 6. non dubitarunt ad Dei gloriam, in propatulo quoque, tota multitudine inspectante, choreas non modo ducere, sed pro choragis quoque se gerere. Quod si quis hodie in hoc nostro Belgio faceret, censeretur *κορυβαντίας*, atque haberetur siue Phreneticus, siue æger ex morbo, quem vulgo à S. Vito denominant. Eoque, circa τὰ ἀνὰ φρενας (ad hæc pertinent saltationes in se considerata) quæ Scriptura ipsa pro ratione loci & temporis diversimode se habere docet, non potest ferri certa lex, quæ laqueum conscientis injiciat. Audio quidem dici, interim hodiernas saltationes nullatenus eodem loco habendas esse cum veterum choris, quod apud nos viri fœminis inmixti tripudiare consueverint. Fateor hoc vulgo credi, quod Scriptura nullibi videatur meminisse mixtarum chorearum. At, interim miror, hæcenus neminem aliquanto diligentius attendisse ad illa, quæ Psalmo LXXVIII. occurrunt. In quo Psalmo Eucharistico ut Regius Propheta David, non minus Prophetice mysteria N. T. quam historice admiranda V. T. decantat; ita speciatim magnam illam liberationem, quæ quondam Dei populo ad mare rubrum contigit, celebrat vers. 23. & 24. simulque vers. 25. & 26. describit pompam triumphalem, quæ duxit Miriam ad Dei gloriam (Exod. 15. 20.) speciose instituta fuit. Versu autem xxvi. sic legitur juxta versionem Junii: *Præcedebant cantores, post tibicines; inter puellas tympana pulsantes.* In Ebræo occurrit vox *alamot*, quæ, ut alibi infra notabitur, accipi solet de virginibus solitis domi abscondi, quales *ἀκατάκλειστοι* Græcis sunt: nullum vero dubium est, respici chorum, quem duxisse dicitur Miriam. Sed, si puellæ tripudiantes mediæ fuerunt inter cantores & tibicines, pertinentes ad eundem chorum, qui & triumphalis pompa fuit, næ certum est, chorum hunc mixtum fuisse ex viris & fœminis. Quæ fœminæ, imo puellæ teneræ, si considerentur, ut tympana pulsarunt, simulque componantur hæc omnia ad modernos patriæ nostræ mores, næ, in actu hoc, sacro licet, videri possent fœminæ (concitæ per Miriam, quæ soror fuit Moysi & Prophetissa) se immodestissime atque contra omnem sexus sui verecundiam gessisse. Unde, ad versum jam dictum sic commentatur Coppenius Theologus ὁ Θεὸς δὲ ὤτατ' ὅτι: Bene, inquit, Calvinus monet, quod tunc fuit laudi, nunc esse fraudi: absurdum esset, si hodie mulieres tympana pulsarent, putarentur esse corybantes vel Gurea de quibus



*bus Horatius: Non acuta sic geminant Corybantes ara, tristes ut ira.* Habere-  
rentur turba furiosa, ebriosa, quasi debaccharentur. Sic aliis tempo-  
ribus & locis, alii mores & ritus conveniunt. *Hactenus Coppenius.* Quæ,  
si quis diligentius attendere voluerit, videbit, quam frustra esse viros,  
licet egregios, quando contendunt, chorum, ejus ductrix fuit Miriam,  
compositum magis fuisse ad gravitatis & modestiæ leges. Vel tympana  
hoc evincere possent, de quibus ita Justinus lib. 30. cap. 1. *Adduntur,*  
inquit, *instrumenta luxuriæ, tympana & tripudia.* Quæ, ut à Justino ra-  
tione certarum circumstantiarum dicuntur; ita non pertenderim, cul-  
pandas fuisse Israëlidas tympana pulsantes, cum alias gentes alii mo-  
res deceant: sed potius intulerim, considerandum semper esse, quid  
gentis, loci, & temporis ratio exigat. Arroderet hæc sustinet Reynes-  
sius pag. 192. & seqq. postquam multum chartæ conscribillasset, & ni-  
hil aliud probasset, (quod nos per omnia probamus) quam saltationes,  
quas constat molles & lascivas esse, proscribi debere. At quid tandem  
excipit ad locum adductum è Psalmo 68? 1. dicit: *Mulieres sola fecerunt*  
*medium agmen, &c. mixti ergo inter puellas non cursitarunt viri.* At quid  
tum? Viri, ut clare in Textu innuitur, pertinuerunt ad eundem cho-  
rum, qui proinde convenienter dici potest mixtus fuisse ex viris & mu-  
lieribus. 2. *Mulieres non leguntur saltasse, sed cum tympanis & fistulis post*  
*Miriam egressæ, &c.* Sed, ut hoc simpliciter sic refertur à Mose Exod.  
15. 20. ita explicari debet ex hoc Psalmo 68. ubi dicuntur *puella tym-*  
*pana pulsasse.* Quod utique fieri non solet, nisi & ipsæ pariter pedes tri-  
pudiando agitent: tympana siquidem sociabantur Choreis, prout  
manifestum est ex 1. Sam. 18. vers. 7. item Hiob. 21. vers. 11. 12.  
Addit Reynessius (3.) *hoc factum fuisse spectante Mose.* Verum ideo  
magis fuerit probandum, quod ipse Choros hos promiscuos non im-  
probarit. 4. Additur, *hac facta esse extra ordinem.* Quod si etiam con-  
cedatur, triumphabimus quoque, quod Deus, ne quidem extra or-  
dinem, malum culpæ, ut licitum, probare consueverit. Expende  
hæc Lector. Nam chori mixti è viris & fœminis, solide probantur ex  
Psal. 68.

Quo choreas penitus è Dei populo (ut dicunt) exterminet, qui-III.  
dam urgere solent vocem *ὁν καὶ μὴν*, qua Spiritus Sanctus ter utitur in  
N.T. nempe Rom. 12. 13. Gal. 5. 21. & 1. Petr. 4. 3. Sed, ad vim &  
significationem illius vocis aliquanto distinctius attendere debuissent.  
Significat autem multa. Suidas: *καὶ μὴν, ἢ μέν, καὶ ὁ ἀρχηγός.* Quando  
Sf 2 autem



autem ad Orchestram refertur, tum saltationem, tum cantum ad illam institui solitam notat, ut viri docti ex Athenæo lib. 14. & Eustath. ad Iliad. φ. jam diu observarunt: nec quamcunque saltationem, sed quæ est ἀβρεχθὲς ὀρχησις καὶ τὸ σῶμα ἐξυγερθίνασα, ut describitur à Julio Polluce lib. 4. Onomast. cap. 14. atque, si credimus Hesychio in Lex. speciatim fuerit εἰδὼς ὀρχήσεως ποιμὲν πνὸς; secundum quem quoque κωμαδεῖν, idem fuerit, quod ὀρχεῖσθαι. Quæ si observentur, patebit dictis Scripturæ locis, aliter non improbari choreas, quam quatenus serviunt animo & corpori effaminando. Nec aliud quoque collegeris ex voce ἀσέλγεια, à qua nonnulli quoque ad evertendas choreas argumentari solent. Recte enim observatum est à Grotio ad cap. 7. Marci, vocem hanc ut plurimum conjungi τῇ ἀκαθαρσίᾳ, speciatim in Nov. Test. 2. Corinth. 12. vers. 21. Galat. 5. vers. 19. Eph. 4. vers. 19. atque notare obscenitatem in dictis factisque. Si vero Suida credimus, ἡ ἀσέλγεια descenderit à Selge Pisidiæ oppido, condito secundum Strab. lib. 12. à Lacedæmoniis, cujus incolæ cum forent temperantes atque frugales, ἡ ἀσέλγεια cœpit opponi τῇ σωφροσύνῃ καὶ εὐτελείᾳ. Aliam Etymologiam adfert Basil. in Ascetic. quæst. 67. vult enim dici ἀσελγῆ, quasi ἀσελγῆ, eum, qui præ luxu & mollitie ferre nequeat ἀλγὺν ἀσκητικὸν, id est, labores vitæ asceticæ. Scripturæ lociari solet canon 13. Concil. Laodicensi, tanquam proximus autoritate à Testimonio Scripturæ. At, ne jam dicam, ab illo Concilio varia esse decreta, quæ nemo dixerit à Christiano simpliciter, & per omnia, observanda esse; amplius Canon hic talibus verbis est conceptus: ὅτι οὐδεὶς χριστιανὸς εἰς γάμους ἀπερχομένης, βαλίζειν ἢ ὀρχεῖσθαι, ἀλλὰ σεμνῶς, ἢ ἀεὶ τῶν, ὡς πρέπει χριστιανότης. Quæ ut intelligantur, convenit distinctius considerare vim verbi βαλίζειν & ὀρχεῖσθαι. Notat vero βαλίζειν, (Barth. lib. 1. Adv. cap. 8. perperam restituit βατταρίζειν) non simpliciter saltare: sed, ut à Suida observatum fuit, τὸ κύμβαλα κλυπεῖν, καὶ κατὰ τὸν ἐκείνων ἥχον ὀρχεῖσθαι. Nec abhorret Athenæus lib. 8. Consultum quoque fuerit, pro ulteriori Explicatione, consulere Casaubonum in Lectionibus Athenæi, ubi explicat quid sit βαλλισμός. Nec alia notatio τοῦ ὀρχεῖσθαι. Hesych. Ὀρχεῖται, ἀγασσέται, βακχεύει. Idem: βακχεύει, μαινέται, τρεγνύει. Item, βακχεύοντες, μαινόμενοι, στείμενοι. Unde neque falluntur Grammatici, quando ὀρχησιν accerfunt ἀπὸ τῶν ὀρχων sive à Bacchi Orgiis, hoc est, vindemiorum ordinibus, in quibus vinde-



vindemiantes saltando Baccho primitias offerre solent. De quibus, ut & omnigeno eorundem apparatu, execrando sane, consulendi ex Patribus Clem. Alexandr. in Protrept. Arnob. lib. 5. advers. Gent. Tertullian. de Spectac. Euseb. lib. 2. de Præp. Euangel. cap. 5. & Augustin. lib. 6. de Civit. Dei cap. 9. Atque ad Bacchantes pertinebant illæ mulierculæ, quarum inverecundas saltationes his verbis Ambros. lib. de Elia & Jejunii cap. 8. insectatur: Illa, inquit, in plateis inverecundos viris, sub conspectu adolescentulorum intemperantium, choros ducunt, jactantes comam, trahentes tunicas, scissa amictus, nuda lacertos, plaudentes manibus, saltantes pedibus, personantes vocibus, invitantes in se juvenum libidines, motu histrionico, petulantiori oculo, dedecoroso ludibrio. Hi enim gestus Bacchantibus familiares erant. Apul. Miles. 8. de simili scemina: *Amens & vecordia percita, cursuque bacchata furibundo, per plateas populosas &c. fertur.* Eoque, è Scriptura & Laodiceo Concilio aliud non erueris, quam abstinendum esse saltationibus mollibus, lascivis, atque furiosis, quæ proprie vocantur *ὀρχήσεις*. Cujus rei exemplum quoque occurrit in tripudio Herodiadis Matth. 14. vers. 6. ubi usurpatur verbum *ὀρχήσατο*. Non inconvenienter Cartvrichtus in Harmon. ad eum locum, *saltatio*, inquit, *fuit immodesta, ut vox ipsa declarat, tripudii & gestulationibus plena.* Licet interim non sit negandum nomen *ὀρχήσεως* latius quoque accipi: quomodo Lxx. Interpretes Eccles. 3. vers. 4. (ubi Salomon refert, quid in hac vita fieri solet) sic transtulerunt: καὶ καὶ τὸν ὀρχήσαντον.

Ab his vero saltationibus plurimum distant χοροί, sive chori. Servius IV. ad lib. 1. Georg. *Chorus proprie est coarorum cantus atque saltatio.* Isidoro vero lib. 1. de Divin. Offic. cap. 3. *Chorus est concinentium hominum, & in coronam orbemve lætitia exultantium agmen.* Quomodo & Ammonio, χορός est σύστημα πίδων ἀδόντων: quod ita intelligendum, ut pariter ad tripudia, modulis cantus accommodari solita, applicetur. Alias secundum Eusthat. ad Homer. Odyss. 3. χορός notat, πῶς τῆς χορείας καὶ ὀρχήσεως. Lxx. Interpretes, Ebraeorum Mahol sæpissime quoque reddiderunt χορόν: exempla occurrunt Exod. 15. vers. 20. Jud. 11. vers. 34. 1. Reg. 29. 5. Psal. 19. vers. 3. Cant. 7. 1. Thren. 5. vers. 15. Atque hinc Spiritui Sancto, in parabola, exhibente gaudium, quod Angelis oboritur super seria



resipiscentia unius quoque peccatoris, placuit mentionem facere τῆς συμφορῆς καὶ χορῶν, Luc. 15. 25. Alias, in Dei populo receptum fuit, ut victoribus appropinquantibus, amici gratulabundi, cum choris cantantium tripudiantiumque occurrerent: prout videre est non modo Jud. 11. 34. verum etiam colligi potest ex locutione, qua placuit uti Spiritui Sancto Jerem. 31. 4. Quomodo etiam edicit Admetus Rex apud Euripid. in Alcest. Αἱ σοὶς ὅ παῖσι τ' ἐννέπω τετραρχαῖς, χορὸς ἐπ' ἐοδαῖς συμφοραῖσιν ἰσθναί. Huc etiam pertinet illud, quod legitur in libro Apocrypho Judit. cap. 15. vers. 14. & seq. Tum concurrens unaquaque mulier Israëlitis ad videndum eam, benedixerunt ei, & exhibuerunt ei choream ἐκ numero suo. (in Græco legitur: καὶ ἐποίησαν αὐτῇ χορόν) Quamque illa accipiens thyrsos in manus suas dedisset quoque mulieribus, quæ comitabantur ipsam, vicissim coronam oleæ imposuerunt ipsi, & ipsius comiti. Ita processit coram toto populo in chorea dux omnium mulierum, & sequuti sunt omnes Israëlita armati cum coronis, & hymnis ore ipsorum decantatis. Quæ omnia cum æstimari debeant secundum ritus in unaquaque gente receptos, mirari sæpe subiit, quam ob causam graves & judiciosi quoque Theologi, ad hæc non attenderint, indiscriminatim, ratione omnium populorum notando saltationes, quæ modo ἀναδασαίαν aliquam arguere videantur. Certe, moderni Judæi, qui quam stricte se laborant componere ad legis literam, non abhorrent à tripudiis, atque dum nuptias agitant, motus Jonicos viri scæminis mixti exhibent, saltem tales, qui nequicquam cedunt iis, quos nos, velut extremam molliem redolentes, proscripturi essemus. Occurrit hac occasione, quod Cornelius Nepos, Scriptor elegantissimus, habet in Præfat. Non dubito fore, (inquit) plerosque, Attice, qui hoc genus scriptura, leve, & non satis dignum sumorum virorum personis judicent, cum relatum legent, quis Musicam docuerit Epaminondam, aut in ejus virtutibus commemorari, saltasse eum commode, scienterque tibiis cantasse. Sed hi erunt fere, qui expertes litterarum Græcarum, nihil rectum, nisi quod moribus convenias, putabunt. Hi si didicerint non eadem omnibus esse honesta atque turpia, sed omnia majorum institutis judicari, non admirabuntur nos in Græcorum virtutibus exponendis mores eorum secutos. Atque, hanc ob causam, in publicis solemnitatibus, antiqui quoque Patres permiserunt Christianis saltationes moderatas & graves. Greg. Nazianz. Orat. 4. Quod si etiam te, ut lata celebratis & festorum amantem saltare oportet, saltato quidem, sed non inhonestæ illius Herodiadis saltationem, quæ Baptiste necem attulit: verum Davidis, ob arcæ requiem,



requiem, qua quidem Deo gratam incesionem, agilitate præditam & versatilem mystice designari existimo. Consentit ex Orthodoxis Theologis Dancæus lib. 2. Eth. Christ. cap. 14. pag. 222. Non omnis quidem saltatio damnata est, ut docet disputatque copiose P. Martyr. in lib. Iosua: sed saltatio ea, qua est chorea, & qua sit libidinis augenda, proritandaque gratia. Non distinguit inter saltationes homogeneas & heterogeneas, simplices & mixtas, socias & solitarias: adeo ut ad tedium in distinguendo prolixus Reynessius, nequicquam nobis officere possit. Nec juvat eum decretum Synodi Dordracenæ Anno 1578. cum Choreas, quas taxat, præsupponat esse leves, & incentiva ad libidinem. Nolo porro (quod necessum non sit) pro me sollicitare Augustanæ Confessionis Theologos, ex quibus plures ἐμὸς φίλος possent vocari ad suffragium.

Nulla ratione tamen patrocinarì volo tripudiis modernis, à Bathylli V. modis non abhorrentibus, atque convenientibus magis Pathico, sive cinèdo, quam homini Christiano. Eoque probò illa Riveti in explicat. Decalogi pag. 337. Constat certe, inquit, hoc tempore omnes fere Græcorum turpes, obscenas, lascivas, atque petulantes saltationes, velut postliminio, in orbem Christianum etiam inter eos, qui Reformationem profitentur, introductas esse. Imò contendo, tales choreas neutiquam frequentandas. Absit tamen, ut hujus ordinis esse statuam omnes illas, quæ in nuptiis à Germanis, fidei ejusdem nobiscum consortibus, frequentantur. Etenim vernacula genti gravitas, ut ita judicare debeam, laudet, simulque Christiana charitas jubet, oculos ad accipiendum scandalum proclives compescere. Nec mixti, è viris & fœminis chori, sententiam mutare cogunt: eos in ipso Israëlítico populo, cui Deus concedere solet, ut modo notatum ex Ecclef. 3. καὶ ὅν τὸ ἐκχλυσάμεν, observatos fuisse, solidè supra probasse videor ex Psal. 68. Atque si mixti saltantium chori, nos ratione Germanorum offendant, nã eos multo magis offenderint promiscui juvenum & virginum accubitus in nuptiis, maxime oscula ex more gentis Belgicæ, præ ceteris Hollandicæ, frequentari solita. Obtestor eos, quorum zelus contra choreas forte improbari non posset, si à scientia convenienter dirigeretur, an non multo majus scandalum promiscua & quotidiana hæc oscula (ita loquitur Sueton. lib. 3. cap. 34.) præbeant Sarmatis, Cimbris, & Germanis, quam nobis (si gentilitios mores distinguere noluerimus) præberi possint à nuptialibus eorundem tripudiis? Sane, si à Scriptura incipiamus, à Salomone Proverb. 7. vers. 13. describitur mulier, quæ

adole-



adolefcentem apprehendens, eum osculata fuerit. Unde ex Christianis Doctoribus Clemens Alexandrinus lib. 3. Pædag. consilium dat maritis, ut ne quidem osculentur uxores, coram familia, duabus de causis: primo quod id alienum sit ab honestate matrimonii; & deinde quod sit vitanda nimia familiaritas cum famulis, ne eadem abutantur. Quomodo & ab Apostolicis viris statutum esse creditur, (videatur Clemens Romanus lib. 2. Constit. Apostolic. cap. 11.) ne ita indistincte viri fœminas & fœminæ viros, sese mutuo impartito osculo salutarent; sed viri seorsim à mulieribus, & mulieres seorsim à viris hoc agerent. Alias, secundum Senecam lib. 1. Contr. 2. sacerdotium petentis virginis, impudicitia exinde, quod alicujus osculo & amplexu contrectata fuerit, arguitur. Et si credimus Augustino lib. 21. de Civ. Dei cap. 11. olim aliena fœmina osculum figere, verbere dignum habitum est. Sic & Cardinalis Dominicus Tuschus tom. 5. Pract. Conclus. Iuris, concl. 207. refert, pœnam deosculantis virginem ætate maturam cum amplexu, contra ejus voluntatem in strata publica, juxta Concilium Regium Neapolitanum esse relegationem, à loco delicti, per triginta miliaria, & pœnam pecuniariam arbitrariam. Et Bossus in praxi tit. de Extraord. Crim. num. 3. testatur, quendam in Gallia securi fuisse percussum, quod nuptam mulierem per vim fuisset osculatus. Quis enim non novit vulgatum illum versiculum? citatum ab ipso Accursio in leg. quod ait. 23. ff. ad Legem Iul. de adulter.

*Visus, & alloquium, tactus, post oscula factum.*

Cui & consonat magnus ille artis amatorix Doctor, Ovidius lib. 3. de arte amandi vers. 671.

*Oscula qui sumpsit, si non & cetera sumpsit,*

*Hac quoque, quæ data sunt, perdere dignus erat.*

Quam *οὐκ ἔστιν* pro suis Batavis excogitaverit hic rigidus Theologus, idemque juratus adversarius non minus omnigenarum chorearum, quam votorum innoxiorum propinato poculo additorum? Maxime, si Cimber, aut Sarmata viderit uxorem illius, convivas suos ad ostium osculo excipientem & dimittentem. Næ, peregrinus hic conviva, cum Clemente Alexand. lib. 3. Pædag. ejusmodi osculum, à gravissimi licet Pastoris uxore ex usu gentis frequentatum, vocaverit *osculum incestum, veneno plenum, sanctitatem simulans, & osculum impuditiæ*: ex Ambrosio vero in cap. ult. 2. ad Corinth. *affectus libidinosi indicium*. Nec est, quod adversarius dicat hoc judicium, seu Cimbri, seu Sarmatæ, charitatis



tatis expers esse, quum ipse longe inclementius iudicet de saltationibus, quas proclamat esse proxima incentiva libidinis, interim non cogitando, per oscula multo expeditius ingredi libidinem; atque Cimbro, seu Sarmatæ, videri prostitutæ famæ, & pudicitia, fœminas esse, quæ præsumperint hospites osculo excipere. Si quis mihi non credat, audiat Cartvrichtum, rigidioris alias disciplinæ Theologum, qui sic commentatur ad cap. 7. Proverb. vers. 12. *Mulieris verecundia postulat, ut vel uxor à viro osculum præstetur potius, quam ut accipiat. Porrigere igitur osculum juveni insignis impudentia est. Quod si periculum sit in manuum contactu, nedum in osculo, cum virum labiis, tanquam plagis, in foream trahat.* Nolter homo, scilicet ille Reynessius, toties ad partes vocatus, hæc oscula vellet componi, cum osculis sanctis, eoque pag. 193. in margine tot citationes accumulatur: at, quis, qui modo micam sapientiæ habet, existimarit, osculum in ipso conventu sacro commutatum reverenter & publice, (sic omnino existimandum pro more gentis, de hoc osculo sacro) eodem loco habendum esse cum nostris promiscuis osculis? Interim, quæ ratione osculi dicta sunt, applicari possunt deambulationibus, quas uxores Anglorum, cum alienis viris instituere solent, quæ & inter primariæ dignitatis Belgas hoc tempore frequentari incipiunt. Certe offenderint hæc matronas Christianas ad Septentrionem degentes; quæ mirabuntur admodum, hæc & similia citra censuram tolerari posse ab illis Theologis, quorum zelus quotidie occupari solet circa saltationes & pocula votiva. Nos vero, citra pulveris jactum, ex omnibus hisce difficultatibus expedire constanter possumus, quando docemus, in talibus gentium mores & consuetudines ante omnia inspicere debere quorum ratione, ut rigidiores quoque Præcisiæ Hollando suæ: concedunt suavia, Anglicanis matronis prodeambulationes cum maritis non suis; ita aliis gentibus mox invidere non deberent suas saltationes, modo ab iis absit mollities, & illud *rex videt*, ad accendendam libidinem ab otiosis nepotibus excogitatum. Romani, qui præ omnibus aliis gentibus voluerunt videri gravitatis studiosi, atque alieni ab iis, quæ animi levitatem arguebant, etiam tum, cum verba eorum adhuc allium olerent, saltationibus dediti fuerunt: nec, aut Cicero, aut Sallustius, arguit unquam aliquem ut saltantem, sed ut tripudiantem ex legibus artis, cum temporis dispendio nimis scrupulose excultæ; prout luculenter docet Macrobius lib. 3. Saturn. cap. 14. ubi pro explicatione Sallustii hæc offendo:

T t

Taceo



Taceo quod matrona etiam saltationem non inhonestam putabant, sed inter probas quoque earum erat saltandi cura, dummodo non curiosa usque ad artis perfectionem. Quid enim, ait Sallustius, Psallere, saltare elegantius quam necesse est probæ? Adeo & ipse Semproniam reprehendit, non quod saltare, sed optime scierit. Ars enim tripudiatória animum totum in se convertere solet, multumque curæ & molestiæ efflagitabat. Testis est Nazianzenus, quando ita loquitur Orat. 1. per Interpretem: *Saltationis, & cantus tiliarum, doctrina quedam est & disciplina, ad idque & diuturno tempore, & plurimis laboribus ac sudoribus, opus est.* Hæc si observasset Stuckius, vir alias diligens, lib. 3. Antiq. Conviv. cap. 23. ubi prolixè contra saltationes disputat, non laborasset credulo lectori persuadere, in partes quoque suas obtorto collo pertracto Marquardo Frehero IC. summo lib. 3. de Infam. saltatores apud Romanos fuisse infames: cum inter eos qui securi artis tripudiatóriæ ad indicandum gaudium simplici animo saltant, & molles pantomimos chironomosque latissima differentia intercedat. Ut concludam, ita gentilitiorum morum (dicerem, forte Latine magis, gentilium, nisi hæc vox foret ex parte ambigua) contendo rationem esse habendam, ut sepe quoque attendatur ipsius personæ conditio. Unde, non existimarim, convenienter posse Pastorem Ecclesiæ, aut antecessorem in Rep. eumque senem, ubi etiam ex more gentis saltationes sunt receptæ, choro juvenum se immiscere. His enim applicari debet admonitio Apostoli ad senes directæ Tit. 2. 2. operamque dare debent ut sint *σεμνοὶ καὶ σώφρονες*: quæ *σεμνότης* speciali ratione à verbi Divini ministro exigitur ib. vers. 7. Hanc cum affectaret, Philosophico supercilio elatus, Julianus *ὁ πνευματικός*, infestissimum se saltationibus præbuit, ut patet ex illius Misopogone. Et hæc quidem hæcenus: quæ si forte non placeant alicui, qui recens fuerit aut à Stuckio, aut Aretio, aut viro Nobili Joanne Munstero à Vortlage, (qui omnes saltationes cupiunt explosas) eum rogo, tam diu iudicium suum suspendat, quam argumentorum momenta citra præjudicium examinaverit. Noltri Reynessii longe sum securior, eque ac sui Voetii, hominum scil. Pharisaicè ineptientium. Quicunque modo Latine sciunt, videre possunt, me sic tripudiis, ut adiaphoris in se, patrocinatum fuisse, ut carni tamen nequaquam fibulam laxem. Non præcise respexi, aut etiam respicere debui choreas, quæ inter nos receptæ hoc tempore, sed in communi: atque ut ipse Reynessius non sustinet condemnare omnes illas, quæ inter Germanos, jam olim



olim à gravitatè morum commendari solitos, frequentantur; ita, quis dubitet, quin Belgæ nostri præsumere possent, se, quod ad tripudia, componere ad gravitatem Germanorum. Sed an æque tum forent arguendi? Non putatur.

## EXERCITATIO XXIV.

DE

# Modo alendi comam, & Barbam: simul de fucis.

1. *Status conversæ, circa comam virilem definitur.*
2. *Eam plurimas gentes promississe ostenditur.*
3. *Idem ostenditur de ipso Dei populo, seu, populo Israëlítico.*
4. *Inter Gentiles sapientissimi, idem faciebant, forte exemplo Naziræorum.*
5. *Syllogismo, cujus Major probatur, quod hætenus deductum fuit, includitur.*
6. *Respondetur ad locum I. Cor. II.*
7. *Speciatim ad versum ejusdem capitis decimum quartum.*
8. *Quis censeri debeat immoderatus capillorum usus?*
9. *An viri capillos pro velamento acceperint?*
10. *Fas non est ex alienis capillis tutulum conficere, aut viris, aut feminis.*
11. *Quid Φύσις & ἀτιμία significant in Pauli loco.*
12. *Christo vulgò, ut Naziræo, promissa casareis tribuitur.*
13. *Quid juxta Apostolum sit statuendum de viris, velato capite precantibus?*
14. *De coma Absolomi.*
15. *Respondetur ad locum Ps. 68. 22.*
16. *An procedat argumentum à prolixioribus unguibus, ad prolixiores capillos?*
17. *Qualiter Christiani barbam alere debeant, quam promittendam esse, & immunem à novacula esse debere, frustra quidam contendunt.*
18. *Fuci, corpori ornando destinati, quam sint probrosi Christi Professori?*
19. *Acceditur ad sucos capillares, & primo considerantur crines colorati.*
20. *Expenduntur capilli alieni.*
21. *Quam graviter in utrosque capillos antiqui Patres detonuerint, ostenditur.*

T t 2

I. Quan-



I. **Q**uanquam contra *τειχομαχας* causam Comatorum strenue egit ὁ πρῶτος Dn. Salmasius, & feliciter cum Dn. Udemanno, & Dn. Dematio, Doctissimus Dn. Revius congressus est; haut quaquam tamen vitio nobis datum iri speramus, si ea, quæ aliàs Epistola (impressa est cum Tract. de Bonis vulgo Ecclesiasticis dictis, & Præfationi inserta) complexi sumus, ad modum Exercitationis hic exhibuerimus. Atque ut pleraque, quæ Theologice circa capillos, & barbam, sunt controversa, hac Exercitatione cum Deo excussuri sumus: Ita incipimus à mensura Capillorum virilium, quos, cum quidam quam curtos & ad pectinem detonsos esse velint; non convenit tamen inter viros egregios, quinam virorum capilli censoriam notam incurere debeant. Quidam restringunt controversiam ad *vvilds bayren*: sed hi mentem suam distinctius explicare deberent. Certe apud Belgas vibrissæ, seu crines, qui in naribus notantur, nomen ferunt *van vvilt bayr*. Unde Joannes Sartorius Belgici Idiomatis peritissimus, in Explicatione Adagiorum Erasmi Chil. prima Cent. 2. Adag. 23. Horatianum illud explicans, *sanum habet in cornu*, Belgice sic interpretatur: *Hy heeft een vvilt bayr in zjn naes*; additque hanc interpretationem: *Bubus enim cornupetis olim sænum in cornibus alligari solet, quo sibi caverent, qui forte occurrissent. Nos nescio quomodo ad vibrissas, hoc est, narium pilos id referimus: fortassis quod hispida membra, ut Satyricus ait, & duræ per brachia seta, promittunt ferocem animum.* Etenim, si hæc crinium verius imitamenta, quam crines præscindere oporteat, ex re forte foret, initium facere à quibusdam viris Reverendis; neque enim omnium nares ferociam spirant. Alii subjectum quæstionis commodius se definire existimant, si capillos aut effusos, aut sparsos, vocent, sive, ut Belgice loqui amant, *vliëgende bayr, troffen, of ashangende bayr-locken*. At unde colligent omnes effusos capillos, censuram mereri? Parthi perpetuo, & quidem more patrio, eum effundere solent. Seneca ep. 124. *Quid capillum ingenti diligentia comis? cum vel effuderis modo Parthorum, vel Germanorum modo vinxeris, vel ut Scythia solent, sparseris, &c.* Recte vero Romanus Philosophus effusos capillos à sparsis distinguit. Neque enim omnes capilli, qui effusi, pariter etiam sparsi. Spargebantur enim cum cura aliqua accederet. Seneca cothurnatus, in Hercule Furiente v. 471.

Non



*Non erubescit Bacchus effusus tener  
Sparsisse crines.*

atque iterum in Oedipo v. 416.

*Spargere effusus sine lege crines,  
Rursus adducto revocare nodo.*

Inde Parthos effudisse tantummodo capillos, cum ratione notat Philosophus modo citatus. Quod de Liguribus testatur quoque Lucanus lib. 1. Pharf. his versibus:

*Et nunc tonse Ligur, quondam per colla decora  
Crinibus effusis toti praelate Comaræ.*

Tribus vero modis, crinis sparsus esse censebatur. Ex quibus duos solummodo hic notabo: quod tertius faciat ad declarationem loci Apostoli, quem quidam, Græcæ linguæ minus gnari, adeo torquere instituerunt. Primo, sparsi capilli sunt illi, qui ad tellurem usque dimittuntur, quod fieri assuevit à supplicibus Lucanus lib. 7.

*Credite grandævum vetitumque ætate Senatum  
Arma sequi, sacros pedibus dispargere canos.*

Sic enim legit antiquus meus Codex, & invenit in MS. Hortensius Statius lib. 6. Theb. pro eodem sternere dixit:

*Sternit crineis, iteratque precando.*

Huc traxerim illud ejusdem Poëtæ lib. 3. Theb.

*Caniciem impexam diva tellure volutans.*

Secundo, lugentes, (ut alibi distinctius notamus) cum dimitterent capillos, eisdem spargere dicebantur. Claud. de IV, Conf. Honorii:

*Flavam sparsere Sigambri  
Cæsarium.*

At redeundo ad lineas, quidam declaraturi subiectum questionis, quam περὶ τῶν ἀνδρῶν adeo intricatam reddiderunt, substituerunt capillos latronum, sive *moordenaers locken*. Fateor equidem, latronibus intonsam & asperam comam tribui: inde enim Heliodorus, lib. 2. Æthiop. ὡς ἡ ἡμέραν αὐτῶν οἶδε, πρῶτα μὲν ἐκτέμνει τῆς κόμης τὸ περιττότερον, καὶ ὅσον αὐτῆς εἰς τὸ λησπικώτερον εἶδος αὐτῇ τοῖς βεκόλοις ἤσκητο, τὸ μὴ ἀποτροπῆος εἶναι τοῖς ἐν-  
T t 3 τυγχά-



τυγχάνουσι. Βυκίοι γὰρ ἄλλα τε περὶ τὸ φοβερώτερον φαίνεσθαι, καὶ δὲ καὶ τὴν  
κόμην εἰς ὄφρυν ἔλκυσσι, καὶ σοβᾷ τῶν ὤμων ἐπιβαίνεσσαν, ἐν τῷτο εἰδότες, ὡς  
κόμη τὰς μὲν ἐρωτικὰς ἰλαρωτέρως, τὰς δὲ ληστρικὰς φοβερωτέρως ἀποδείκνυσσι.  
Alluisse vero politissimum Scriptorem existimo ad locū Plutarchi, qui  
in vitis Parallelis ita de Lycurgo: εἰθισε τὰς πολίτας κομᾶν, λέγων ὅτι τὰς  
μὲν καλὰς ἢ κόμην ὑπερεπείερας ποιεῖ, τὰς δὲ ἀίχρως φοβερωτέρως. Interim  
neque omnes latrones capillos promittere solent, neque omnes illi la-  
trones sunt habendi, qui promissum gerunt capillitium. Arabes non  
olim tantum, sed & hodie latrociniiis celebres sunt, & tamen tonden-  
tur: sic enim de iis Herodotus lib. 3. καίρονται ὑποτρόχαλα, πελεῦνται  
ταύτας κροτάφους. Cujus rei rationem prolixius proponis Plutarchus in  
Theseo. Si ego statum quaestionis determinare debuerim: ut contro-  
versia maxime exorta est occasione loci Apostoli Pauli 1. Cor. 11. ita  
existimarim, statum controversiae definiendum esse ratione virorum de  
iis capillis, qui videntur ut otiosa quaedam saburra, aut per humeros  
diffusi esse, aut frontem pariter obnubilare.

- II. Ut vero qualemunque symbolam post viros, quos initio nomina-  
vi, ad quaestionis hujus explicationem conferam, non video quomodo  
simpliciter, caesaries, seu comae virilis, ex more gentis aliquanto pro-  
lixius praeter necessitatem valetudinis ali solitae, naturae adversaria dici  
queat. Ut inde enim incipiam Heroës Homerici à poetarum antiquis-  
simo, passim à caesarie promissa, illiusque gratia commendantur.  
Quemadmodum distincte à Synesio Orat. de Calvitio observatur circa  
Achillem, Hectorem, Euphorbum, & Ulyssēm, imo Jovem quoque  
ipsum. Atque Graeci in communi considerati, passim vocantur καὶ  
κομῶντες. Speciatim vero Ἀχαιοί. Rationem reddit Eustath. ad lib. 2.  
Iliad. εἰς τὸ ἦν αὐτοῖς κόμην περιφέρειν μόνον ἐς κάλλος, ἀλλὰ καὶ διὰ φοβερόν.  
Studium hoc fuit maxime hominum liberorum, nam servis coma in-  
terdicta. Unde Arist. in Avib.

ἐπεὶ δὴ ταῦτα δέλεον ὧν κόμην ἔχεις;

Rationem si quis quaerat, cognoscere poterit ex Nicandro, qui apud  
Plutarchum in Apophtheg. Lacon. interrogatus, cur Spartani comam  
ferrent, respondit: ὅτι πάντων κάλλιστον, καὶ ἀδαπανώτατον ἀνδρὶ ὃ  
ἰδίῳ κόσμος. Quomodo & Lycurgum ad eandem quaestionem apud  
Plutarch. in Lycurgo, eodem ferme modo respondisse, jam notavimus.  
Quod Domitianus pariter hoc ipsum agnosceret, in libello suo de cura  
capillorum apud Suetonium hunc in modum loquitur de coma sua.

ἔχ



ἔχ' ὁρῶνς οἱ καὶ καλὸς τε μετὰς τε; Non vides qualis ego sim pulcher, & magnus? eadem tamen ne manent capillorum fata, & forti animo fero comam in adolescentia senescentem. Scias nec gravior quidquam decore, nec brevius. Speciatim Lacedæmonii, quos ad omnem honestatem rigidus ille Legislator Lycurgus composuit, ex illius ipsius instituto cæfariem alebant. Hoc ipsum suo suffragio probat Xenophon lib. de Repub. Lacedæm. atque præ aliis distincte Philostr. lib. 8. de vita Apollon. Tyan. cap. 3. authorem Græcum quod in Bibliotheca non habeam, eum per interpretem exhibeo sic loquentem: Comarum nutritio à Lacedæmoniis eo tempore orta est, quando habitus sunt bellicosissimi. Spartanorum Rex Leonidas fortitudinis causa comam gestabat, quod amicis venerabilem, hostibus vero terribiliorem, propter ipsum comam, se videri arbitrabatur. Hinc & Spartani omnes nutrire comam cœpere, quod non minus hunc Regem, quam Lycurgum, aut Iphitum venerarentur. Idcirco à sapientis viri coma procul aberis ferrum. Amplius comæ curam maximam gesserunt Mauri, sive Maurusii. De quibus sic Strabo lib. 17. Geogr. Hi comas cincinnis (ἐμπλοκῇ) exornant, & barbam comunt, aurumque gestant, dentes tergent, unguium incrementa rescant, ac raro videas inter se contingentes, quin capillorum ornatum tangant. Indi capillum potissimum promittere solent: sic enim de iis Solinus cap. 65. Indis omnibus promissa cæsaries, non sine fuco cærulei aut crocei coloris. Quæ & calculo suo probat Curt. lib. 8. cap. 9. & Diod. Siculus lib. 4. Unde Ovid. lib. 3. Fast. v. 465.

Interea Liber depexis criminibus Indos

Vincit.

Sic & Strabo lib. 3. scribit: Lusitanos, qui in montibus horridam & incultam vitam, humi ferarum ritu strati degebant, longas instar seminarum inferius comas diffundere solitos esse. Perle quoque comam non tondebant, ut colligere est ex Herod. lib. 6. Unde & speciatim Amm. Marcellinus lib. 23. tradidit, eos longis capillis hirsutos fuisse. Ipsorum vero Reges capillatos fuisse, indicio est Vespasiani dictærium, quo Comatam, qui suis temporibus apparuit, elusit dicens ad Persarum Regem pertinere, cui capillus effusor: quod Sueton. in Vespas. cap. 23. & Sex. Aur. Victor commemorant. Nec minus comati fuerunt Britanni antiqui, de quibus ita Cæsar lib. 5. de B. Gal. cap. 14. Capillo sunt promisso, atque omni parte corporis rasi, præter caput, & labrum superius. Germanis quoque gentile fuit comam alere, comamque non nisi probata virtute deponere. De Cattis speciatim testatur Tacitus libello de Morib. Germ.



Germ. cap. 39. *Cattos, inquit, in consensum vertis, ut primum adole-  
scetes adoleverint, crinem barbamque submittere, nec nisi hoste caso, exuere vo-  
sivum obligatumque virtuti oris habitum. Et de Sigambriis Martialis in  
Amphith. Cæsareo ep. 3.*

*Crinibus in nodum tortis veneris Sigambri,*

*Atque aliter tortis crinibus Ethiopes.*

De universis Germanis Juvenalis Sat. 13.

*Carula quis stupuit Germani lumina, flavam*

*Casariem, & madido torquentem cornua cirro?*

Inde Germanorum reges respiciens Claud. de laud. Stil. eos vocat *Crinigeros  
flaventes vertice reges*. De Gallis fidē facere potest vel sola Comata Gal-  
lia. Jam antea adduxi Lucanum, cui jungi possunt Plin. lib. 4. Nat. hist.  
cap. 17. & Cic. Phil. 8. Atque inde Claud. lib. 2. in Ruffin.

*Inde truces flavo comitantur vertice Galli,*

*Quos Rhodanus velox, Araris quos tardior ambit.*

Nec aliud observatum à Francis, qui Gallorum fines invaserunt, qui  
pariter capillitium ad frontem deducere solent. Testis Sidonius Apol-  
linaris Carm. 7. ubi ita de illis:

*Hic quoque monstra domat, rutili quibus arte cerebri*

*Ad frontem coma tracta jacer, nudataque cervix*

*Setarum per damna nitet.*

Ne plura adferam, pertinet huc jus capillitii regii, de quo late Hottom.  
cap. 9. Francog. Utque omnis orbis ad regis exemplum se componere  
gestit, si monachos & sacerdotes excipias, tota Gallia comam promif-  
sam aluit, usque ad Franciscum I. qui accepto in capite vulnere medicis  
suadentibus comam deposuit. Tantum vero ibi delatum comę, ut ea  
fontes mulctari soleant. Ne plura quę ad manum sunt exhibeam, li-  
quet ex capitulis Caroli Magni, in quibus lib. 3. art. 9. de Conspira-  
toribus sic legitur: *Quicumque facere pręsumserunt, & sacramento quam-  
cunque conspirationem firmaverunt, triplici ratione jadicentur. Primo, ubi-  
cunque aliquod malum per hoc perpetratum fuit, auctores facti interficiantur:*  
*Adjutores vero eorum singuli alter ab altero flagellentur, & naves sibi invicem*  
*procidant; ubi vero nihil mali perpetratum, similiter quidem inter se flagel-*  
*lentur, & capillos sibi invicem tondant.* Multi interpretantur de detru-  
sione in monasterium: at per errorem summum; ut ipsę enim Franco-  
rum leges servos monachatu arcent, ita tonsura hęc circa servos pari-  
ter exercita. Quomodo legas lib. 4. cap. Carol. art. 17. *Si servus fuerit,*  
*nudus*



nudus ad palum vapulet, & caput ei tondeatur. Quod ad Romanos, politissimos præ aliis populis, summaque morum elegantia præditos, illi ad cccc lxxv. annos, usquedum Publius Ticius tonsores è Sicilia adduceret, intonsi fuerunt; ut discere est ex Plin. lib. 7. Nat. Hist. cap. 59. A. Gellio lib. 3. Noct. Att. cap. 4. necnon togatorum doctissimo M. Varrone lib. 2. de Re rustica cap. ult. Inde Ovidius lib. 2. Fast.

Denique quodcunque est, quo corpora nostra piantur,

Hoc apud intonsos nomen habebat avos.

& Horat. lib. 2. od. 15. de Catone, rigido illo honesti cenfore:

Non ita Romuli

Præscriptum, intonsi Catonis

Auspiciis, veterumque norma.

De eodem Lucanus lib. 2.

Ille nec horrificam sancto dimovis ab ore

Casariem, duroque admisit gaudia vultu.

Ut primum tolli feralia viderat arma,

Intonsos rigidam in frontem descendere canos

Passus erat, mæstamque genis increfcere barbam.

Atque inde apud eoldem, recepta jam tonsura, in pœnam sceleratis adhibita fuit abrasio. Unde Cicero Orat. pro Rosc. Comædo petens hominem aliquem levem, qui sibi caput raserat, sic linguæ suæ telum vibrat: Nonne ipsum caput, & cilia illa penitus abrafa, (notent quidam πολέμοτελχες) olere malitiam, clamare calliditatem videntur? paulo post: Qui idcirco capite & superciliis semper est rasus, ne unum pilum boni viri habere dicatur. Ideo Iannionum princeps Lucianus, in suo convivio, delineans hominem nequam & deformem, fingit eum fuisse derafo capite, & pauculos capillos in vertice crista in morem erectos gestasse. Eandem ob causam Apollonium Tyanæum (ut ex Philostrato lib. 8. constat) radi, atque inter sceleratos vinciri, curavit Domitianus. Gentibus, quas jam commemoravi, plurimas alias adicere liceret, universusque Oriens, imo tota ora Africana, nec non novus orbis, ab Americo Vesputio nomen habens, per singulas provincias considerandus esset, si omnes illæ nationes, quibus adhuc hodie gentile est comam alere, distincte considerandæ essent.

Sed cur circa gentes, quæ à Dei federe alienæ videri possent, hæremus, III. cum ipse Dei populus (Israëlitæ innuo) ordinario comam alere consueverit, eamque non nisi luctus tempore ponere? Colligere licet Es. 15.

V u

v. 2.



vers. 2. & 22. vers. 12. Jerem. 7. vers. 19. & 16. vers. 6. Ezech. 24. vers. 17. & vers. 23. Mich. 1. vers. 16. Cumque Legislator sapientissimus minutissima quæque circa populi sui vestes quoque ordinaverit, non injunxit ei, ut aut capillos deponeret, aut etiam aleret; quod cuique integra debeat esse sua libertas: sed si tonderentur, præcepit solummodo, ne ad angulos detonsum verticem componerent, ut videre est Levit. 19. vers. 27. Qualis tondendi forma ideo interdicta videtur Judæis, quod ea recepta esset apud Ægyptios aliasque gentes, quæ Jehovah abominationi erant, ut cognoscere est, Jer. 9. vers. 26. & 25. vers. 23. & 49. vers. 32. Alii aliter loca hæc accipiunt: cæterum conveniens admodum videtur esse Hieronymi sententia, qui respici existimat legē Dei. Quamvis interim difficile sit definire proprium tonsuræ modum, à Deo prohibitum. Speciatim quidem aliquid de Sacerdotum tonsura, capillisque prolixioribus definitur apud Ezechielem cap. 44. vers. 20. Quem locum incomparabilis Salmasius (ut laborat omnia ex suis penetralibus singulari mentis acumine eruere) diligentissime excussit. Interim præceptum Leviticis sacerdotibus sub lege cæremoniali datum, nequicquam sub temporibus N. T. derogat libertati eorum, quos Christus suo sanguine redemit: nec admittenda sequela à præcepto Cæremoniali, pro certa temporis circumstantia in certum tempus valituro, ad illud quod perpetui juris est. Ut enim apud Prophetam eodem capite vers. 17. Sacerdotibus, speciatim ulu vestium lanearum interdicatur, quando sacrarium ingressuri sunt (quibus tamen hodie illi, qui sacris operantur, legitime utuntur) ita idem existimandum omnino est de modo tonsuræ, iisdem definitæ.

- IV. Quo progrediar, præter ipsum Dei populum, cui licitum fuit capillum promittere, (Deo scil. hoc non prohibente) & tot alias nationes, quæ adhuc hodie hac in parte sua libertate utuntur, inter Gentiles illi, qui præ omnibus aliis sapientia, atque per merita quæ sita opinione gaudebant, nequicquam ab alenda coma abhorruerunt. Innuo plurimos ex Philosophis, de quibus ita Seneca ep. 5. *Asperum, incultum, & intonsum caput, & negligentiore barbam, indictumque argento odium, & cubile humi positum, & quicquid aliud ambitionem perversa via sequitur, evita. Satis ipsum nomen Philosophiæ, etiamsi modeste tractetur, invidiosum est.* Loquitur quidem hoc loco de mangonibus Philosophiæ Romanus sapiens: interim eo ipso, quod imitarentur intonsum Philosophorum caput, patet quosdam ex genuinis Philosophiæ sectatoribus

non



non consuevisse aut caput tondere, aut circa tonsuram diligentiam & curam adhibere. Unde Horatius de Damafippo qui è mercatore Stoicus Philosophus erat lib. 2. Sat. 3.

— DI te, Damafippe, Deaque

Verum ad consilium donent tonsore.

De Apollonio Tyanæo jam antea ex Philostrato audivimus. Empedocli Agrigentino speciatim Laërtius, nitens autoritate Phavorini, βαρβαρίαν νόμον tribuit. Et, quod quis miretur, qui in populo Israëlítico ab aliis, veluti sanctimoniae præ cæteris studiosi, separati erant, & proinde Naziræi dicebantur, capillos alebant, tonsuræque non minus quam rasuræ, durante voto suo, plane securi erant, incursum alias pœnam, si alterutrum admisissent, Num. cap. 6. Nolo multa ab aliis observata repetere, sed solum propono distinctionem Rabbini notam, in Naziræum seculi, & Naziræum dierum; simulque Simsonem, de quo tamen disputatur, ad utram Naziræorum classem pertinuerit: quamvis interim certissimum sit, eum, nisi illo tempore quo à Delila dolo circumveniebatur, novaculam non admisisse, Jud. 16.

Ex omnibus, quæ per satiram hæcenus retuli, sic argumen-  
tor:

*Quicquid plerisque non solum gentibus, sed politionibus inter gentes usitatum fuit, imo quod Dei populo, quo tempore jugum ceremonialis legis ferebat, maxime iis ipsis qui sanctimonia gratia ab aliis se separaverant, ex speciali Dei mandato injunctum fuit; illud non putandum est adversari legi naturæ: Sed ut viri capillos promissos, & ultra eum modulum, quem recentiores τευχόμαχοι definire solent, alerent, hisce omnibus permixtum & mandatum fuit:*

Ergo.

Ut Philosophice agam, consequentiam majoris adeo certam esse existimo, ut non putem, recentiores quosdam si excipias, ullum hominem, cui modo ratio constiterit, inventum iri, qui possit de illius certitudine ambigere. Ipsa vero assumptio ex præcedentibus liquet. Sed, ut progrediar, quis ambiget, comam promissorem simpliciter non esse vetitam, si consideraverit Christum Jesum pulcherrimum inter filios hominum, suæque Ecclesiæ sponsum, in mystico Salomonis cantico, ubi illius decus atque gratia figuratis locutionibus exhibentur, describi à venustate atque splendore diffusæ comæ? Ne aut textum originalem, aut observationes Rabbiorum ad eum, aut etiam etymologias distinctorum vocabulorum sollicitem, considerent modo τευχόμαχοι

V u 2

ca,



ea, quæ habentur in versione Belgica (ad quã alias non minus quam ad Canones Synodi Dordracenæ provocare solent) Cant. cap. 5. v. 11. ubi sic legitur: *Sijne hayr-locken sijn gekrult, swart als een rave*. Nemo Belgici idiomatis adeo imperitus, qui nesciat *een locke* dici quasi *een vlocke*, atq; notare cirrum, elegantissime à Cl. Salmasio descriptum. Quis vero existimet Christo Jesu, in cujus ore ne quidem dolus inventus, aliquid attribui, quod adversetur juri naturæ? Circa vocem Belgicam si difficultatem moveant, ac contendant *hayr-locken* differre ab iis cirrhis, quos ipsi vocant *wilde af-hangende en vliegende hayr-locken*, ad ipsum Textum Ebræum eosdem provocabo, jubeboq; attendere quæ ratio sit quare cincinni alti vocentur: quod Epitheton considerans Rabbi Solomoh, attestante Mercero, de suspensis sive pendulis capillis interpretatur. Deinde crispî, densique capilli, an non eque otiosi censeri debent, si attendantur principia eorum, qui à nobis recedunt, atque capilli per humeros sparsi, aut frontem ex parte velantes? Secus si existiment Adversarii, velim etenim rationem reddant, cur contrarium statuendum esse existiment.

VII. Sed dicunt se moveri loco Apostoli ex Epist. priori ad Corinthios capite undecimo. atque hoc illud ipsum est. Ut in antecessum hoc premitam, quis dederit, illo loco Paulum voluisse docere omnes capillos prolixiores in vitio non solum censendos esse, sed & adversari ipsi naturæ legi? quandoquidem sic imponeret ipsis Corinthiis jugum intolerabile magis, quam portaverant patres sub priori federe; possetque iterum Petrus resurgere, & dicere: *Quid tentatis Deum, ad imponendum jugum cervici discipulorum, quod neque patres nostri, neque nos portare volumus?* Qui enim in lege Cæremoniali, quæ tam diu valuit quam in Ecclesia pædagogicum duravit moderamen, minutissima quæque ordinaverat, ordinando quoque locum, ubi corporis excrementa deponerentur, vulgo Judæorum (sacerdotes enim excipere fas est) solummodo certo tondendi modo, quod is inter Gentiles receptus esset, interdixit, præcipiendo amplius Naziræis, qui speciali ratione sibi sanctificati erant, ne tonderentur. Quid quod ipse Paulus, qui hoc præceptum, de quo tantopere contenditur, proponit, caput diu intonsum habuit, & consequenter alere debuit prolixiores capillos. Legitur enim Cenchreis, qui locus Corintho proximus erat teste Origine, quod votum habuisset, una cum Priscilla & Aquila caput suum totondisse, Act. 18. v. 18. Ut vero propius accedam ad locum controversum, quo Apostolus tonsuram ordinare videtur, ex antecedentibus constat, occa-  
sione



fione ordinis, quem Apostolus inter precandū Corinthiis præscribit, pa-  
 riter, licet diversimode, de capillis agere. Ne ea repetam, quæ ὁ πένυ Sal-  
 matus observavit, Apostolo propositū est (ut recte doctissimus Capel-  
 lus in Spicilegio suo mihi observasse videtur) Corinthiis, in quorū Ec-  
 clesia multa ὁρτυκτοῦ erant, præscribere canonem quem inter precandum  
 observare debeant; non quod ille haberi debeat canon universalis, sed  
 quod serviat τῇ ὁρτυκτοῦ Ecclesiæ Corinthiacæ: quos inter precandū eum  
 vult servare habitum, quo solent homines suā reverentiam atq; cultum  
 erga eos, qui in honore sunt, testari. Quis vero adeo rerū imperitus, qui  
 ignoret hoc ipsum ἁγία pro locorū & temporum varietate admodū di-  
 versum esse? Valde mihi appositus videtur esse locus, quē idem Capellus  
 ex Maimonide Misnæ tract. 1. l. 2. tract. de Orat. cap. 5. §. 2. ad illustran-  
 dum Pauli locum adduxit. Qui hunc in modum, ex interpretatione viri  
 Orientalium linguarum peritissimi loquitur: *Non orabit cum bulga, neque  
 relecto capite, neq; nudis pedibus.* & paulo post: *Nisi forte mos loci illius sit, ut  
 quis stet coram Magnatibus nudis pedibus.* Nam (uti recte tū ab Illustri Sal-  
 masio, tum Rev. D. Capello observatum fuit) Apostolus nequaquā Co-  
 rinthiis præscripsit morem apud Judæos receptū in sacris, sed, solummo-  
 do voluit ut Deū eo modo inter precandum honorarent, quo viros prin-  
 cipes, aliosq; in illustri fastigio constitutos honorare solent. Nam apud  
 Judæos jā olim receptum fuisse, ut in sacris caput à viris tegetetur, con-  
 tra vero cum in publicum prodirent, aperiretur, antiquitatum Judaica-  
 rum peritissimus Drusius lib. 6. Præteritorum ex libro Musar. notavit,  
 ubi cap. 4. ex ejus interpretatione sic legitur: *Debet homo tegere caput qua  
 hora precatur propter Deum, ante quem ipse orat, & stat cum tremore ac metu.*  
 &c. iterum cap. 6. *Cur vir quum exit caput apertum habet, & mulier tectum?*  
*Qui aliquid scdum commisit pudet eum: ideo regis caput suum. Sic mulier qua  
 prima peccavit, & propter eam peccatū Ada, è quo prorsus per universum mun-  
 dum: ideo exit capite recto.* Consuetudinem Judæorum, sacra operto capite  
 facientium, Diisque suis sanctificantū, multi ex Gentilibus imitati fue-  
 runt. Unde Servius ad lib. 3. Æneid. Sane, ait, sciendum est, sacrificantes  
 Diis omnibus, capita velare consuetos ob hoc, ne se inter religionē vagis aliquid  
 offerret obtutibus, excepto tantum Saturno. Multorū mentionem feci, quia,  
 quāvis Illustris Salmatus sub iis comprehendere quoque videatur Gre-  
 cos, illos tamen aperto capite Diis sacra fecisse docet me Macrobius  
 lib. 3. Annal. cap. 6. sic loquens: *Cornelius Gallus ἐξ ἑλληνικῶν libro octa-  
 vo decimo ait apud aram maximam observatum ne lectiſternium fiat. Custodi-*



tur in eodem loco ut omnes aperto capite sacra faciant, hoc fit ne quis in Deo habitum ejus imitetur. nam ipse ibi aperto est capite. Varro ait Græcum hunc esse morem: quia sive qui ab eo relicti aram maximam statuerunt, Græco ritu sacrificarunt. Et iterum lib. 1. Saturn. cap. 8. agens de æde Saturni, quem Deum jam antea exceperat Servius, sic loquitur: Illie Græco ritu capite aperto (sic legunt omnes Codd. MSS.) res divina fit: quia primo à Pelasgis, post ab Hercule ita eam à principio sacritatam putant. Quum vero hoc in Græcia passim observaretur, ut in Deorum, qui tamen natura Dii non erant, honorem capita detegerentur, atque Corinthii ne quidem vero Deo eum honorem exhiberent, quem Gentiles, inter quos vivebant, suis idolis exhibebant, aliter fieri non potuit, quin averterent eos à professione veritatis, quos Christo & veritati lucrifacere debebant: ut non sine ratione Apostolus ad viros dicat vers. 4. πᾶς ἀνὴρ περιεσφύζμενος ἢ περιφιδύων κατὰ κεφαλῆς ἔχων, καὶ αἰσχύνει τὴν κεφαλὴν αὐτοῦ. Observari velim, Apostolum uti verbo καὶ αἰσχύνειν, quod iterum utitur hoc eodem capite vers. 22. καὶ αἰσχύνετε τοὺς μὴ ἔχοντας. Ut vero hoc posteriori loco innuit ab opulentioribus è Corinthiis, pudorem incussum fuisse pauperioribus, qui nihil ad agapas conferre poterant; sic, ut quasi infamia laborarent, quando dicit, viros, qui τὸ κεφαλήν αὐτοῦ καὶ αἰσχύνειν τὴν κεφαλὴν αὐτοῦ, innuit eos prostituisse suum caput, quod circa illud ne tantam quidem adherent reverentiam, quantam capite, illud detegendo, ipsi Gentiles inter Græcos exhibebant suis Diis, sive idolis. Nam ut Apostolus vers. 22. innuit, ignominia quasi publicæ expositos fuisse, qui ad agapas symbolam adferre non poterant, ita ratione Corinthiorum Gentilium, viri illi caput suum publicæ quasi ignominia & infamia exponebant, qui inter precandum illud non detegebant. Significatio hæc verbi καὶ αἰσχύνειν, ideo hoc loco, velut probabilis admittenda, quod non infrequens fit, αἰσχύνειν pro ignominia accipi. Sic enim Herod. lib. 3. τοῦτο μεγάλην αἰσχύνην φέρει: Hoc magnam adfert infamiam. Ut vero viri Corinthii caput suum non detegentes, inter precandum, illud quasi infame reddebant: ita pariter mulieres illud non velando. Nam scēminas Corinthiacas, ante hanc Pauli admonitionem, caput suum non velasse, testis est Tertull. libel. de Veland. Virgin. cap. 9. Hodie, inquit, virgines suas Corinthii velant, quid docuerint Apostoli, quid didicerint, adprobant. Illud vero dum agerent, non solum Judaicis scēminis se dissimiles exhibebant, de quibus sic Tertullianus libel. de Corona Milit. cap. 4. Ἀπὸ τῶν Ἰουδαίων,



*Iadaos, ait, tam solemne est fœminis eorum velamen capitis, ut inde noscantur; verum etiam à consuetudine plerarumque aliarum gentium recedebant, apud quas receptum erat, ut fœminæ nunquam in publicum nisi velatæ prodirent. Testis est Plutarchus in Quæst. Rom. cap. 11. συνήτερον ἢ καὶ τοῖς μὲν γυναῖξιν ἐγκεκλυμέναις, τοῖς δ' ἀνδράσιν ἀκάλυπτοις εἰς τὸ δημόσιον περιέναι. Usitatus est mulieres tectis, mares nudis capitis in publicum progredi. Cui consuetudini cum non obsequeretur Corinthii, Apostolus vers. 6. dicit æque turpe esse mulieri non velari, quam aut tonderi, aut radi. Rasuram vero fœminis adhibitam, infamiæ loco cenferi solere, atque summo dedecori versam fuisse, vel ex Apulejo lib. 2. Metamorph. colligi potest: At vero, quod nefas est dicere (ne quod sit ullum huius rei tam durum exemplum) si cujuslibet eximiaque pulcherrimaque fœminæ caput capillo spoliaveris, & faciem nativa specie nudaveris, licet de cœlo ejecta, mari edita, fluctibus educata, licet, inquam, Venus ipsa fuerit, licet omni gratiarum choro stipata, & toto cupidinum populo comitata, & balteo suo cincta, cinnama fragrans, & balsama rorans, si calva processerit, placere non poteris, ne Vulcano quidem suo. Postea varias quidem rationes adfert Apostolus, ut probet suam admonitionem iustam esse, nec tamen cum ratione aliquis inde collegerit, privatam admonitionem respicientē Corinthios (qui recesserunt à communi Græcorum more, atque ut ex antecedentibus liquet scandalum præbebant Gentilibus, qui signo subjectionis communi Deos suos venerabantur) debere cenferi pro universali regula. Ut enim antea est ostensum, apud Judæos ipsos in sacris erat receptum, ut caput suum viri velarent: imo Levitici cap. 16. vers. 4. Aaroni sacrarium ingressuro iungitur, ut inter ceteras vestes sacras cidari linea (capitis velamen fuisse liquet ex Exodi cap. 29. vers. 6.) cingatur: atque idem existimandum esse de Aaronis filiis patet ex Exod. 28. vers. 40. & 42. ubi eadem vestimentorum genera iisdem adaptantur, nisi quod pilei eorum (de quibus videndus Kimchius) alia nomina ferant. Nec simpliciter improbandum esse, ut fœminæ non sint velatæ, quando exercitiis sacris vacant, ostendere videtur exemplum Mariæ, quæ cum se dimisisset ad pedes Salvatoris nostri Christi, unxit non solum pedes ipsius, sed etiam eosdem exterxit capillis suis, Joannis 12. vers. 3. Quod & fecit peccatrix illa apud Lucam cap. 7. vers. 38. ipso Christo hoc admodum approbante, vers. 44. Quod considerans Hieronymus Epist. ad Furiam de Viduitate servanda sic loquitur: Meretrix illa in Evangelio baptizata lacrymis suis,*

&



*Et crine, quo multos ante deceperat, pedes Domini tergens, salvata est. Non habuit crispantes mitras, nec stridentes calceolos, nec orbes stibio fulginatos. Adeo ut mihi valde arrideat venerabilis D. Bezae sententia, qui ad v. 4. sic scribit: Ceterum hanc Pauli legem ad ὀραζίαν pertinere, ac proinde non sine distinctione locorum & temporum accipiendam, vel ex eo intelligi potest, quod hodie contraria prorsus ratione, capite aperto in curia loqui, signum est auctoritatis: aperto vero, subjectionis testimonium. Corinthios vero à communi Græciæ consuetudine recessisse, ad quam Apostolus eos revocat, nemo mirabitur, si cogitaverit mores eorundem corruptissimos, de quibus ita Strabo lib. 8. Fanum Veneris Corinthi ita fuit locuples, ut plures quam mille habuerit sacrorum famulas meretrices, quas Dea viri mulieresque dedicarent. Ob hac igitur & magna hominum multitudo in ea urbe & divitiæ fuerunt: naucleri sua facile prodigebant. Unde adagio locus: Non est Corinthum adire cuius integrum. Item Suidas verbo Κοτῆς: Κοτῆς δæmon apud Corinthios colitur præses effæminatorum & impudicorum, sive illi ob turpem quaestum, sive ob sædam libidinem aliave de causa pudicitiam prostituant, cuiusmodi sunt Clisibenes & Timarchi.*

VII. At tempus est, me convertam ad comma quartum decimum hujus undecimi Capituli, quod ita habet: ἡ δὲ αὐτὴ ἡ φύσις διδάσκει ὑμᾶς, ὅτι ἀνὴρ ἐὰν κομᾷ ἀπειθαίρει ἐστίν. In quo versu tria in considerationem veniunt: quid nempe primo significet ἡ φύσις, secundo quid κομᾷ, & tertio quid ἀπειθαίρει. Ita ego existimo (de versu proximo, ubi de mulieribus est sermo, modo videbimus) ante omnia considerandam esse genuinam significationem verbi κομᾷ, nec non scopum Apostoli. Jam antea vero dixi, Apostolum loqui de Corinthiis, quos ad Achaëos referendos esse, patet ex Plin. lib. 7. cap. 59. & Chryl. Præf. in Epist. ad Corinth. Quicquid aliis ergo visum fuerit, contendo πρὸ κομᾷ, quod in Paulino loco occurrit, usurpandum de virili capillo, ornato instar capillorum muliebrium, ordinario cultum admittere solitorum. Ut ita statuam, præter alia suadet ordinaria significatio vocis κομᾷ. Lubens dederò κομᾷ apud Græcos scriptores usitatissime significare comatum esse; interim hæc significatio, quam contendo recipiendam esse, æque usitata est. Suidas varias significationes verbi κομᾷ referens, distincte notat, κομᾷ idem esse atque τελεχᾷν ὑπερβολῇ κοσμεῖται. Paulus Festi abbreviator: Comptus, Afranius pro ornatu & cultu posuit. Comptus, id est, ornatus à Græco descendit, apud quos κομᾷ dicitur comere: quare apud nos comis, & comere dicuntur capilli cum aliqua cura compositi. Vulgo pro κομᾷ



μαῖν in editis exemplaribus legitur κομῶν : sed κομῶν legendum esse probatur ratio derivatorum, quorum Festus meminit, tum Codex antiquus MS. quem inspexisse se testatur Vincentius Richardus in Comm. ad Procli Episcopi Antiocheni analecta Orat. xii. Addere licet Glossarium Stephani, in quo κομῶ redditur per verbum como: quod potius censeretur tertie quam primæ conjugationis, quod hoc fit rarius, confluere itaque glossographus verbis usitatis uti. Atque sic jam olim locum hunc Pauli intellexisse Hieronymum, clare colligo ex ejusdem Epistola ad Eustochium de custodia Virginitatis, ubi sic lego: *Sed ne tantum videar disputare de feminis, viros quoque fuge, quos videris catenatos, quibus feminei contra Apostolum crines, hircorum barba, nigrum pallium, & nudi in patientia frigoris pedes. Hac omnia argumenta sunt diaboli.* Femineos crines circa viros ab Apostolo reprehensos dicit Hieronymus: at cum Paulus solus ex omnibus Apostolis, & quidem hoc loco arguerit capillos viriles, consequens est Hieronymum existimasse non aliter eos notari, quam quatenus incipiant feminei esse. Tales vero initio censeretur illi debent, qui nunquam detondentur. Namque τὸ κομῶν, τὸ κείρεσθαι ordinario opponitur. Plutarch. in Quæst. Romanis cap. 12. πᾶς ἔλασιν ὅταν δυστυχία τις γένηται, κείρονται μὲν αἱ γυναῖκες, κομῶσι δὲ οἱ ἄνδρες ὅτι ποῖς μὲν τὸ κείρεσθαι τοῖς ἡ τὸ κομῶν σύνηδες εἰσιν. *Apud Græcos si qua calamitas incidit, tondentur mulieres, viri comam alunt: cum alioquin hi tonderi, illa crines gestare soleant.* Quid æq; apposite adduci posset? Hinc enim liquet admonitionem Apostoli ideo cum ratione ad Corinthios dirigi, quod viderentur, ut in aliis, præ molliæ à communi Græcorum consuetudine recessisse, & neglecta tonsura in feminas transformari. Recteq; Illustris D. Salmasius in Epist. pag. 358. ad hoc probandum adducit Epigramma Martialis lib. 10. Epig. 65. de Carmenione Corinthio, de quo ita Poëta:

*Tu flexa nitidus coma vagaris:*

*Hispanis ego contumax capillis.*

Sed quo aliquis hanc interpretationem, pro qua adduxi Hieronymum ipsum, evertat, præ cæteris subsequentem adducet versum, ubi τὸ κομῶν mulieribus commendatur; cumq; κομῶν ibi videatur significare comam alere, contendet quando de viris sermo est, pariter κομῶν in eadem notatione accipiendum esse. At ob quam rationem non licebit, quando de mulieribus sermo est, τὸ κομῶν pariter accipere de coma muliebri cōstricta, quæq; velaminis rationem habeat, quam modeste cultam & ornatā esse quis negare instituat? Maxime quod Apostolus ipse dicat talē Comam mulieri

X x

mulieri



mulieri δόξαν esse. Quod sane statui non potest de Coma muliebri, nullo modo substricta. Clemens Alexandrinus lib. 3. Paedag. cap. 11. γυναιξί ἡ δόξα καλὰ σφιν τὰς τρίχας, καὶ ἀναιδεῖσθαι τὴν κόμην διτελεῖν περὶ τινὲς λιτῆς, καὶ τὸν ἀνδρῶνα, ἀφελοῖ τερεπείας, συνανέχουσιν εἰς καλὴν γνήσιον τὴν σώφροναν κόμην. *Mulieribus crines mollire sufficit, & tenui aliqua fibula comam alligare frugaliter: simplici cultura pudicas comas in veram & germanam pulchritudinem alentibus.* Ut vero hic ornatus gloria mulieribus est, ita quemadmodum postea liquebit, dedecori viris existit cura morosior comæ, quocunque modo degenerantis à virili gravitate. Speciatim huc pertinent laxi sive sparsi crines, ( ut jam antea obiter innui ) sed muliebriter nutriti, de quibus Julius Firmicus de Prof. relig. *Exornant muliebriter nutritos crines, delicatis amicti vestibus, vix caput laxa cervice sustentant.* Cicero in Pisonem: *Erant illi compositi capilli & madentes cincinnorum simbria & fluentes.* Apulejus de suo capillitio in priori Apologia: *Capillus ipse, quem isti aperto mendacio ad lenocinium decoris promissum dixerunt.* Et Arbiter in carmine seculari, ubi vitia suæ ætatis notat:

*Scorta placent, fractique enervi corpore gressus,  
Et laxi crines, & tot nova nomina vestis,  
Quaque virum querunt.*

Nolo referre omnes modos, quibus viri muliebriter capillos suos ornare solent, atque post maximum Salmasium rem actam agere: sufficit annotasse, quod cum circa capillos curiosiores consueverint esse delicatuli, illique, quibus elatius erat supercilium, factum fuit ut passim apud Græcos authores κομᾶν accipiatur ἀντὶ τοῦ σεμνύνεσθαι. Suidas: τὸ ἰδ κομᾶν ἐλεγεῖν ἐπὶ τοῦ τρυφᾶν, καὶ χαλεπεῖσθαι, καὶ μέγα φρονεῖν. Et Author Etymol. Magni: κομᾶν σημαῖν σημαίνει ὑπερβολικῶς φρονεῖν. Significatio hæc occurrit apud Aristophanem Pluto:

*Μέγας ὁ βασιλεὺς ἐστὶ διὰ τὸ τοῦτον κομᾶν.*

Ad quem verbum sic Scholiastes: τὰ τέστι, σεμνύνεται τῇ περιεσφίᾳ τῆς ἀρχῆς. ἀπὸ τῶν μέγα φρονέων ἐπὶ τῇ κόμῃ. Allusit elegantissime Chrylasmus in Com. in 1. Ep. ad Cor. ὅτι ἡ ἐργασία ἐκείνων ἀγαθῶς. Speciatim observatum est ab Aristophanis Scholiaste ad Nebulas, equites comam alere. Non omnis vero, sed immoderatus solum capillorum usus, sequiori sexui prohibitus.

VIII. Quisnam vero immoderatus sit habendus, operæ pretium fuerit paucis expendere. *Primo* hic sese offert ipsa Scriptura, quæ reprehendit



τὰ πλέγματ' (1. Tim. 2. v. 9.) five ἐμπλοκάς τελεχών, (1. Petr. 3. v. 3.) quas ἐμπλοκάς in Maurusis quoque notat Strabo loco jam antea citato. Sic vero indignantur capilli arte quadam contorti: quibus superbire olim solent meretrices. Ita quippe Clemens loco dicto: αἱ πεμπλοκαὶ τῶν τελεχῶν αἱ ἐταίρικαί: Meretricii sunt pilorum plexus. Cogitare quis posset, quod quemadmodum Deus populo suo peculiarem tondendi modum prohibuit, quod is à Gentibus usurparetur; Apostoli pariter hoc modo ornandi capillos interdixerint sceminis, quod in sacris suis eundem Gentes frequentarent. Sic enim Hesychius: ἐμπλοκία, ἐορτὴ πλεξῆς Ἀθηναίοις, ὡς πρὸς τὰς θεὰς πλεκόμενον γυναιξίν. Huc referri quoque potest Dei comminatio Es. 3. v. 17. 2. Notantur à Patribus capilli alieni, aptati capiti scemineo. Pathetice Clemens loco dicto per suum interpretem: Alienorum capillorum appositiones sunt omnino rejiciendae, & externas comas capiti adhibere est maxime impium, quae mortuis pili cranium induunt. Cui enim manum imponit presbyter? Cui autem benedicit? Non mulieri quae est ornata, sed alienis capillis, & per ipsos alii capiti. 3. Reprehensi jam olim sunt pili colorati. Ita Clemens loco eodem: εἰδὲ βαπτεῖν τοὺς τελεχῶν, εἰδὲ μὴν τοὺς πολλοὺς μεταχρῶσθαι. Hieronymus Epist. ad Latam: Nec capillum irrufes, & ei aliquid de gehennae ignibus auspicaris. Cyprianus lib. de habitu Virginum: Audaci, inquit, conatu & sacrilego contemptu crines tuos inficis, malo praesagio futurorum capillos jam tibi flammeos auspicaris. 4. Censuram quoque incurrerunt capilli in frontes dimissi. Inde Hieronymus in Epistola ad Demetriadem de Servanda Virginitate: Fuge lasciviam puellarum, quae ornant capita, crines à fronte demittunt, cutem poliunt, utuntur pigmentis, strictas habent manicas, vestimenta sine ruga, soccosque crispantes: ut sub nomine virginali, vendibilis pereant. In his quatuor modis, ut se prodere jam olim solet lascivia feminea, ita jure merito, vel ob hoc reprehendi gravissime debet, quod quaecunque è sexu muliebri uni quoque ex iis impensus student, tot bonas horas circa rem nihili dilapident. Ut non sine ratione Thomas Morus, quum incidisset in nobilem puellam, quae aliis rebus relictis, cum labore atque dolore crines complicabat, dixerit: Nisi Deus pro hoc tuo tanto labore tibi infernum reddat, magnam profecto tibi faciet injuriam. Quemadmodum vero haec in feminis sunt maxime detestanda, quanto non magis in viris? At quis tamen hinc collegerit castum, sobriumque, capillorum cultum pariter sceminis vitio vertendum?



IX. Sed alii forte progredientur, ac dicent: si viris fas est capillum ex more gentis moderate promittere, modo ad femineam molliem eum non componant, pariter verum erit eos capillum pro velamento accepisse, quod tamen negat Apostolus, quando speciatim de femina dicit: ἡ κόμη ἀντὶ περιβολαίς δέδοται αὐτῇ. Quid περιβόλαιον sit, cujus meminit Apostolus, docet Glossarium antiquum Stephani, in quo ita legitur: περιβόλαιον, *Amictorium, amictus, opertorium*. Capillos capitis si quis in se, atque ratione finis sui censeat, omnes in universum περιβολαίς rationem habent. Nam ut caput, quod Palladis arcem vetustas vocare solet, immune ab injuriis sit, naturæ architectus Deus pilis illud cooperuit, cujus tegminis quantus usus sit ad arcendas aëris injurias, experiuntur calvi; qui cum iis denudati sunt, minimas quoque aëris mutationes sentiunt, varietque ab ipsis afficiuntur; ac propterea hunc naturæ defectum arte suppleant, galericium sibi aptantes. Eoque præter naturalem hunc usum, alium aliquem in capillis considerare opus, quo ratione feminae περιβόλαιον sit: siquidem dici non potest hunc usum notari in illius crinibus quatenus eos à natura accepit. Ut enim recte ὁ πᾶν Salmasius notavit, effusi & sparsi femine crines, cum dependant, nequaquam τὸ περιβολαίς rationem habere possunt. Eoque eidem assentior, quando existimat, tum demum περιβολαίς usum exhibere, quando convoluti sunt. Solent quippe ordinario matronæ capitis crines componere, ut velaminis rationem haberent. Tangit Juvenalis sat. 6.

*Tot premit ordinibus, tot adhuc compagibus altum  
Ædificat caput.*

& Statius in Violantillæ Epithalamio:

*— Celsa procul aspice frontis honores,  
Suggestumque comæ.*

Capilli tali modo dispositi vocabantur tutuli, teste Varrone lib. 6. de L.L. & Sex. Pompejo. Aliquis cogitare posset inde descendere nostram Belgicam vocem *Tuten*, quæ circa capillitium femineum usurpari solet. De tutulis his loquens Tertullianus lib. de Pallio cap. 4. sic loquitur: *Tunc certissime supra omnes exuvias angusta vestit, superque omnes apices ac tutulos sacer suggestus deducit oculos*. Tutulis siquidem in sacris quoque utebantur Sacerdotes, quod pilei quidam referrent tutulos muliebres.

X. Quamvis autem, ut antea ex Clemente audivimus, mulieribus fas fuerit tenui aliqua fascia frugaliter comam alligare pro tutulo, non tamen



men pariter iis fas fuit, hunc tutulum ex alienis conficere capillis. Inde Hieronymus Epist. ad Demetriadem: *Quando eras in seculo, ea quæ erant seculi, diligebas, polire faciem purpurisso, & cerussa ora depingere, ornare crinem & alienis capillis turratum verticem struere.* Idem epist. ad Marcel- lam: *Qua capillis alienis verticem struunt.* Alias nimius quoque ornatus & varietas tutuli, licet ex propriis capillis confecti, vitio, & quidem merito, vertebatur. Hieronymus ibid. *Tunc crines ancillula dispone- bant, & mitellis crispantibus vertex arctabatur innoxius.* Pathetice Ter- tullianus libel. de Cultu famin. *Affigitis præterea nescio quas enormita- tes sutilium atque textilium capillamentorum, nunc in galeri modum quasi vaginam capitis & operculum verticis, nunc in cervicem retro suggestum.* Mirum quod contra Domini præcepta contenditur. Ad mensuram neminem sibi adjicere pronunciatum est. Vos plane adjicitis ad pondus. Respexit huc Prudentius in Psychomachia, ubi ita:

*Turratum tortis caput accumularat crinibus.*

Quo loco cum scemina lasciva atque superba turratum caput tribuit, idem vult innuere, quod Synesius, qui Orat. de Calvitio, agens de si- mili muliere, dicit eam esse *πυργόφρον καθάπερ κυβέλην, turratam sicuti Cybelen*: cui Virg. Romam assimilat lib. 6. Æneid.

*Qualis Bercynthia mater*

*Invehitur curru Phrygiæ turrata per urbes.*

Hæc capilli dispositio *λαμπάδιον* vocatur apud Pollucem lib. 4. Ono- mast. cap. 19. ubi ita: *λαμπάδιον ἰδέαν τελεῶν ἔχει πλέγματ'·, eis ὅξυ δ' ἀπλήγοντ'·, ἀφ' ἧς κέκληται.* Verum ad lineas.

Quum ergo *περιβόλαιον* apud Paulum intelligi debeat de scemineo XI. capillitio substricto, atque citra operosam culturam complicato circa verticem, patet ab eo distingui debere *καλυπτήριον* illud, de quo idem ipse versibus præcedentibus locutus erat. Quod cum Illustris Salmasius distincte satis explicuerit, verbo de eo agere nolo, sed converto ulterius me ad considerationē vocis *φύσις*. Quæ quamvis varias habeat nota- tiones, existimo tamen, comparato hoc versu cum præcedenti, conve- nientissime eam accipi de iudicio rationis naturalis. Nam ut Apostolus proxime præcedenti commate provocando ad ipsos Corinthios dixerat, *ἐν ὑμῖν αὐτοῖς κρινάτε* &c. ita hoc, quem præ manibus habemus, versu, ad eos ipsos iterum appellando, dicit *ἡ δὲ αὐτὴ ἡ φύσις διδάσκει ὑμᾶς*, &c. Utque eos ipsos testes non solū, sed & iudices laudat eorum, quæ propo- siturus erat; ita hoc vult dicere, an non ratio, & illius iudiciū vos docent



ἀντιμίαν εἶναι si vir comam ornatu feminis ordinario instruere occipiat? Acceptio hæc vocis φύσεως ideo mihi conveniens videtur, tum quod eidem faveat ordinaria notatio hujus vocis, tum etiam usus Scripturæ. Quod ad ordinariam notationem ea ex Glossis Stephani nota, in quibus ita: φύσις, *sexus, natura, ingenium*; nec insolens antiquis Scripto-ribus. Herodotus lib. 4. φύσει γεγονότες οἱ ἄνδρες. *Viri egregio ingenio præditi.* Præ cæteris vero illustris est textus Jac. 3. v. 7. πᾶσι γὰρ φύσις θεῶν τε καὶ πετεινῶν, τε καὶ ἐναλίων, δαμάσεται καὶ δεδούρασαι τῇ φύσει τῇ ἀνθρώπινῃ. Quo loco ut manifestum est τὴν φύσιν ἀνθρώπων aliud non posse notare quam ingenium humanum, ita convenienter eodem tra-hitur locus Pauli Rom. 2. v. 14. Cum quo ut recte doctissimus Strige-lius comparat præsentem hunc locum, ita existimarem (ut jam dixi) Apostolum hic provocare ad Corinthiorum ingenium, sive naturale rationis judicium, quemadmodum jam præcedenti verlu egerat. Quam convenienter vero hoc faciat, liquebit, si consideraverimus vocem ἀντιμίας; quæ ut hic præ cæteris molestias exhibet, ita pro ejusdem ex-plicatione initio iterum adduco easdem Glossas, in quibus sic legitur: Ἀντιμίζω, *Contumelior, dehonesto.* Ἀντιμύω, *famosus, ignominiosus, infamis.* Ἀντιμία, *Ignominia, infamia, contumelia, famositas, ignobilitas, dehonesta-mentum, dehonestatio.* Nolo jam rigorose inquirere in vim cujusque vocis Latinæ, per quam Ἀντιμία à Glossographo redditur; sed hoc so-lum dico, mihi convenientissimam videri illam notationem, qua pro dehonestamento accipitur, sive pro eo, quod morum gravitati adver-satur. Quamvis vero lubens concedam, non omne quod ἀντιμύω est, mox pariter peccatum implicare; (contrarium quippe liquere videtur ex Matt. 13. v. 57.) interim tamen non putem ἀντιμίαν hoc loco ex-tra peccatum habendam: siquidem Apostolus hic, provocando ad ipsos Corinthios, quærit ex iis ipsis, an non existiment se ἀντιμίαν in-currere, quando comam instar mulierum ornarent? Lubens quidem fateor aliquem incurrere posse, ratione hujus seculi, infamiam quasi publicam (quæ sæpe ex consuetudine æstimatur, locus notabilis est 1. Cor. 4. v. 10.) citra rationem peccati: interim videre me non fa-teor, quo modo admissis iis, quæ jam dixi, hoc præsentī loco aptari possit. Nam primo in genere ut agamus, quicumque ex virorum ordine se ad mollietiem muliebrem componit (quicquid tandem fecerit) se dehonestat, suamque prostituit gravitatem. Dederim lubens posse ve-stes, & alia ornamenta communia esse ex consuetudine utriusque sexui: interim



interim quicumque quod fæminis proprium est, facit, atque circa corporis cultum observat, gravitati virili derogat. Egregie atque plane ex mente nostra Isidorus lib. 1. ep. 461. Scribens Theano, sic incipit: ἡ φιλοκοσμία, καὶ ἡ τῶν λίθων ἀνθή, καὶ τοῦ χροσίου ἡ πρὸς τῶν ἀνάγκων, καὶ πλόκαμων ἐλκτοί, καὶ ὁ φθαλμῶν ὑπερχροαί, καὶ κάλλος σφικμός, καὶ αἱ περὶ τοῦ καυοτεχνίου ὡς φροντίζειν ἀπαγγέλλουσιν ἅπαντες τὴν μὲν σμενότητα τῆς χροίας ἐνυβρίζουσι παθῶν δὲ λυτῶν σημαίνουσιν. *Ornatus studium, ac lapillorum flores, aurique cum iis connexio, atque intorti crines, & oculorum pigmenta, & pulchritudinis effictio, pravaque circa res huiusmodi artificia, quæ tibi cura esse omnes referunt, necessarij usus honestati & gravitati contumeliam inferunt, vitiosarum autem affectionum tabiem significant.* Ut enim hæc omnia fæminis, iisque errantibus, peccatisque immerfis conveniunt, ita viros summo opere dedecent. Imo viri serii, eos sui sexus homines, quos vident talibus vacare, detestantur. Notum illud Ovidii:

*Sint procul à nobis juvenes, ut famina, compti.*

Nec præter rationem Arbaëtus apud Justinum lib. 1. cap. 3. Negat se ei parere posse, qui se fæminam malit esse, quam virum. Quamque tales exosi sint, & rideantur ab aliis, quos sexus sui cepit oblivio, discere est ex sat. 2. Juvenalis, quam legendam esse pro hoc quoque loco intelligendo jure summo sapius monet in sua Epistola ὁ πανμᾶστι Salmastius. At cum ex eadem satira constet, quod jam olim quoque viri ad muliebria se composuerint, patet Apostolum jure summo discretionem apud Corinthios, præ aliis examinatos, urfisse. Adde so-lummodo eximium, & unice huc facientem, Salviani locum lib. 7. de Gubern. Dei, quod ex eo colligi possit, quale fuerit seculum, quo Epistolam suam Apostolus scripsit: Viri, inquit, in semetipsis fæminas profitebantur, & hoc sine pudoris umbraculo, sine ullo verecundia amictu: ac quasi parum piaculi esset, si malo illo malorum tantum inquinarent autorem, per publicam sceleris professionem fiebat etiam scelus integra civitatis: videbat quippe hæc universa urbs, & patiebatur: videbant iudices, & acquiescebant: populus videbat & applaudebat: ac sic diffuso per totam urbem dedecoris scelerisque consortio, & si hoc commune omnibus non faciebant actus, commune omnibus faciebat assensus. Ut progrediar, secundo Apostolus jure merito dehonestamentum esse censet, si quis ex viris instar lascivarum muliercularum comam suam exornet, eique studium suum impendat. Pathetice Basilii Magnus Orat. πρὸς νεῆς: *Comarum autem ac vestium*



ac vestium extra necessitatem curam gerere, vel infelicitum est, ut ait Diogenes, vel iniustorum: ὡς καὶ καὶ πρὶν εἶναι καὶ ὀνομάζεσθαι, ὁμοίως αἰχρὸν ἡγεῖσθαι φησὶ δὲν τὰς τοιαύτας, ὡς τὸ ἐταρεῖν ἢ ἀποτρεῖν τοῖς γαμοῖς ἐπιβυλάειν, nam cincinnatum & comptum esse atque appellari, aque turpe censendum assero, atque impudicum esse, aut alienis nuptiis insidiari. Atque inde multi ex ipsis Gentilibus, eos, qui hac in parte sui obliviscebantur, graviter notare instituerunt. Cicero in Pisonem dum fertur, hoc inter alia eidem objicit: Erant illi compti capilli, & madentes cincinnorum. fimbria. Atque de eodem in Oratione habita post reditum in Senatu: Primum processit qua autoritate viri? vini, somni, stupri plenus, madente coma, composito capillo. Idem Orat. pro Publ. Sestio: Consul unguentis dilibutus, calami strata coma. Sed tertio, in quo consistit præcipue ratio ἀντιθέσει, inter τὸ κομᾶν viris prohibitum, atque τὸ κομᾶν fœminis permissum? Ipsi Gentiles notarunt illos viros, qui instar fœminarum sic suas comas vittis constringebant, ut velaminis speciem præ se ferrent. Noti sunt Phocilidis versus:

Μὴ μὲν ἐπ' ἄρσενι παιδί τρέφαν' ὠλοκαμήϊδα χαίτην,

Μὴ κορυφῶν πλέξῃς, μήδ' ἀμμάλα λοξὰ κορὺμβων

Hoc est, interprete Cl. Adriano Junio cap. 8. de Coma:

Casariem ne mas crispas producat in orbes,

Vincula neve plicent crines contrita corymbis.

Et Juven. Sat. 2. v. 96. mollem atque effæminatum describens dicit:

Reticulumque comis auratum ingentibus implet.

Quid vero reticulum sit, docet Nonius: Reticulum, inquit, tegmen capitis muliebre. Varro lib. 4. de L. L. Reticulum à reti dictum, quod capillos contineret, rete autem à raritudine. & Isidor. lib. 19. Reticulum est, quod colligit comas, dictum ab eo, quod retinet crines, ne effundantur. Post Apostolum in sexu digniori has substrictas comas speciatim notat Salvianus lib. 7. de Gub. Dei. sic loquens: Cum enim muliebrem habitum viri sumerent, & magis muliebrem gradum fingerent, cum indicia quædam sibi monstrosa impuritatis innecterent, & fœmineis tegminum illigamentis capita velarent, atque hoc publice in civitate Romana, urbe illic summa & celeberrima: quid aliud quam Romani Imp. dedecus erat, ut in medio Reip. sinu execrandissimum nefas palam liceret admitti? Atque hoc illud est, quod proprie in viris reprehendere atque ἀντιθέσει habere Apostolum existimo. Nam ut hoc Romæ erat frequens, ita non dubium est, quin in Græcia quoque, unde plurima mala in Italiam delata fuerunt.



fuerunt. Observat de Atheniensibus Illust. Scaliger ad Catalecta Virgiliana pag. 355. hæc notans: *Prima notio τῆ κορύμνης ἐστὶν in capite veterum Atticorum tutulus, seu meta suggestus capillorum:* qui licet ex affuto capillamento factus fuerit, constrictione indiguit. Nec quicquam ad rem facere existimo, quod vir summus ex Theophrasti Characteribus cap. περὶ ἀρεσκείας, observat politiores, & elegantiores inter Græcos consuevisse πλειστάκις διακρίεσθαι, καὶ τὰς λευκοὺς ἰδόντας ἔχθην. Præterquam enim quod ibi non exprimitur modus tonsuræ, hoc dici potest, ἀρεσκον Theophrasti, sive Atticum Cortisanum non omnes suos capillos deposuisse, sed quo coma molliter riteq; composita foret, eam leviter circumtondere consuevisse. Quomodo de Arabibus, ut jam antea notavimus, Herodotus in Thalia: κείρονται ὑποτόχαλα, περιξυρύντες τὰς προτάφας. Proprie hoc erat περικείρεσθαι: receptumque erat in Græcia ut eo solum modo pueri, qui in delitiis erant, circumtonderentur. Clare Dion Chrysostomus de Regno Orat. 2. μόνες αὐτὰς τῶν Ἑλλήνων περιέκειραν, αἰχμα κομᾶν ὅπισθεν ἀφείκ, ὥσπερ οἱ νῦν τὰς παῖδας τὰς ἀπαλὰς. Ac præter pueros meretrices, testis Hefychius: σκάφιον, εἶδος κεφαλῆς ἢ κείρεσθαι, φασὶ τὰς ἐπαυριόχους εἶναι ἢ περιτόχαλον. Hinc apud Senecam Epist. 115. oratio circumtonsa & fucata, de effœminata atque molli accipitur. Atque inde Varro in Fragm. Alii sunt circumtonsi, & torti atque mutili, ut mangonis videantur esse servi. Ἀρεσκον ergo Theophrasti pertinebat ad illos, de quibus Seneca loco dicto: Nosti complures juvenes, barba & coma nitidos, de capsula totos. Sed postremo quando Apostolus non vult viros eodem modo κομᾶν, atque fœminas, quibus coma pro velamine concessa erat, admonitio ipsius nititur generali illo principio, cuius jam antea mentionem fecerat v. 7. siquidem eo ipso vir quasi inferiorem se mulieri ostendit, quod mulier, quæ hac ratione κομᾶν consueverit, fuerit nupta. Neque enim virgines ulla ratione velari solent, ne quidem comam pro velamine habentes, unde & capitis nuditas iisdem tribuitur. Tertull. in lib. de Virgin. velandis: Quid singula persequar? solemnem manifesta paratura totam circumferunt mulieritatem. Sed virgini volunt sola capitis nuditate, uno habitu negantes, quod toto suggestu proficiantur. Atque ex his observatis ad vexatum Apostoli locum, liquere existimo, qua ratione ἀτιμία incurratur, si contingat virum κομᾶν. Quis enim dicere audeat, eos omnes mox legi naturæ adversari, & ἀτιμίας reos esse, quibus natura citra morosum cultum prolixius capillamentum concessit? Consuetudini gentium, in-



ter quas vivitur, in his atque similibus sic obsequi convenit, ut tamen publice non præbeatur scandalum: atque ut decore & modeste compta à muliere coma eidem vitio verti non debet, ita neque viro simpliciter promissa cæsaries. Notum est illud Ambrosii lib. 6. Hexam. *Coma in senibus reverenda, in sacerdotibus veneranda, in bellatoribus terribilis, decorata in adolescentibus, compta in mulieribus, dulcis in pueris.*

- XII. Non dixi adhuc constantem traditionem esse Christum comam aluisse. Scio quantum tribuendum sit Nicephoro, nec ei perpetuo constat ratio. Interim apud Mallonium ad cap. 3. Paleoti Archiepiscopi, citatur Lentulus vir Romanus, & Judaici populi Præses, ita Christum exornans: *Capillos habens colore naxis avellane præmatura, & planos fere usque ad aures, ab auribus vero concinnos, crispas, aliquantulum cavuleos, & fulgentiores, ab oculis ventilantes, discrimen habens in medio capitis juxta morem Naziræorum.* Quamvis vero haut citra hæsitantiam aliquam recipiendam esse existimem hanc de benedictio nostro Salvatore historiam, interim hoc certum Naziræos, (eos typum Christi tulisse, convenienter colligi posse videtur ex loco Heb. 7. vers. 26.) quos LXX. Interpretes ἡγιασμένοις reddunt Amos 2. vers. 12. comam promissam aluisse. Quod & speciatim de Elia, qui videtur Naziræus fuisse, colligunt multi Theologi ex 2. Reg. 1. vers. 8. Ipseque Clemens Alexandrinus, qui comæ in viris promissæ minus est addictus, eandem non aliter improbat, quam quatenus ad scæmineum modulum componitur. Ita enim statuit lib. 3. Pædag. cap. 11. *φιλή μὲν ἡ τῶν ἀνδρῶν κεφαλὴ πλὴν εἰ μὴ ἔλας ἔχῃ τοὺς τριχὰς λάσιον, ἢ τὸ γένειον αἰ ἢ συνεσσεμμένοι τῶν τριχῶν ἀπὸ τῆς κεφαλῆς μὴ καὶ διέθωσαν ἄραν, εἰς πλοκάμους καὶ ἀλιθαίνεσαι γυναικέας.* Virorum quidem sit rasum caput, nisi forte pilos habeat crispas: mentum autem hirsutum. Intorti autem capilli ne à capite nimium demittantur, in comam muliebrem dilabentes. Nam eo ipso quod non vult ἄραν sive nimium dependere comam, statuit comam dependere posse, nec aliter eam velut promissam culpari, nisi quatenus degenerat in comam muliebrem. Interim qui hic in alia omnia discunt, videant quomodo cum hoc ipso Clemente in gratiam redeant ratione barbæ suæ, quam circumtondent; ita quippe deinceps per suum Interpretem loquitur: *Viris barba sufficit. Quod si quis etiam barba nonnihil tondeat, ea tamen non est omnino denudanda, est enim turpe spectaculum. &c. Barbæ pili, qui nihil molestia afferunt, non sunt vexandi, ut qui vultui gravitatem afferant, & pæternum quandam terrorem incutiant.*

In-



Interim ut recedam ab Apostolo, existimarim non pari loco haberi. XIII. dam esse comam virilem muliebriter cultam, cum viri capite inter precandum velato: nam coma illa plane adversatur, qua muliebris est, rationi, atque vir *ἀνδρικός* incurrit si se compoluerit hac in parte cum foemina. Quamvis enim ex consuetudine gentium variarum, virorum ac foeminarum communes possint esse vestes, aliaque ornamenta: tamen ratio omnes ferme gentes, saltem politiores docet, modicum ornandi studiū foeminæ circa comam permittum, viro probrosum esse, maxime si comam pro velamine habere instituerit. Unde recte Theophylactus (ab Illustri quoque Salmasio citatus) ad præsentem locum: *Cur ignominia viro si comam habeat? Quia mulieris habitum assumit, & qui imperare debet, subjectionis insigne accipit.* Quatenus scilicet comam componit tanquam velamen, quod subjectionis indicium facit. Vice versa, precationis *ἱκετικὴ* secundum cujusque gentis consuetudinem estimandum. Supra ostendimus apud Judæos viguisse ritum diversum ab eo, quem hoc loco urget Apostolus, atque ex lib. 2. Sam. 15. 30. necnon 19. 4. & Jer. 14. 2. liquet eos, qui in luctu apud Judæos erant, seseque flentes coram Deo humiliabant, totum caput obvolvisse. Atque ideo in primitiva Ecclesia (ut alias prolixè docebo) nunquam præceptum Apostolicum exacte fuit observatum, simulque recepti quidam ritus, qui hodie ut plane insolentes & indecori notarentur. Quomodo (ut unum solum exemplum proponam) usitatum fuit in precibus pedes attollere. Testis est Clemens Alexandrinus lib. 7. Strom. *Pedes, inquit, attollimus in extrema orationis acclamatione, prompte animo & alacritate insequi cupientes beatam illam naturam, qua mente & intelligentia percipitur, & una cum verbo corpus à terra abducere conantes, erectam animam & desiderii pennis elevatam cogimus in sancta progredi.* Atque hoc est, quod de piis hominibus dixit Gregorius Nyssenus Orat. 3. de Orat. *ἀνὰ τὸν πόδι τῆς γῆς ἐνιψάμεν, terram eos summo tantum pede attingere.* Quo & respicere videtur Ambrosius lib. 6. Hexam. cap. 9. ut alibi observo.

Apostoli locus nos deducit ad capillos Absalonis, quem ideo urget XIV. *τρίχους*, quod ejusmodi capillus causam neci regio filio præbuerit. Ne inconsequentiam hic notem, prolixè proditam ab Illustri Salmasio pag. 36. & seq. dico simpliciter neque in textu Ebræo, neque apud Chaldaeorum Paraphrastem, neque in versione Lxx. Interpretum, neque in Vulgata quoque Latina, imo ne quidem in versione Belgica lib. 2. Sam. 18. vers. 9. ullam omnino mentionem fieri capillorum; sed hoc so-



lum dici, quod prehensum fuerit Absalonis caput ad quercum. Atque sic intellexit Theodoretus, quando qu. 34. in lib. 2. Samuel. sic loquitur: *De illo scelerato Dominus iustas sumpsit pœnas. Effecit enim ut in querceto equitans veniret sub arborem, qua ramos haberet inclinatos, ut qui oblique germinarent, non multum inter se distantes. Illuc cum venisset mulus, inter ramos quidem foliorum strepitus. Ille autem mansit suspensus, jucundissimum spectaculum viris piis, & omnia administrantis providentiæ iustam ostendens sententiam.* Nec aliter locum hunc accepit Chrysostomus, aut quisquis est author Homiliæ de Abialone. Imo nullus facile ex antiquis Patribus adduci poterit, qui existimaverit e capillis pendisse Absalonem. Iis, qui contrarium statuunt, prævisse videtur Josephus lib. 7. Antiq. Judaic. cap. 9. Cui subscribit præter Rab. Salom. author Chronici Alexandrini, quos sequi voluerunt complures ex recentioribus. Fateor quidem, Interpretes Belgicos in suis notis mentionem facere capillorum ramis arborum implexorū; sed, quod pace viro- rum summorū dictum sit, non video cur Glossa illud, quod in textu non est, superaddere potuerit: quum enim constet ex cap. 14. lib. 2. Sam. 26. detondere comam suam consuevisse Absalonem, quis dicere aufit eum, cum morti per Joabum traderetur, non potuisse recentem esse à forfice?

- XV. Postremum argumentum, & ut putant Achillæum, *τερχομάχου* suggerit Psal. 68. vers. 22. cum enim eo loco minari videatur Deus se velle confringere *verticem comatum*, colligunt neminem posse alere tales crines, qui videntur referre comam alicujus latronis: maxime quod huic interpretationi favere videantur iidem Interpretes Belgici in notis suis, quibus plurimum alias deferendum esse existimo. Ne multa, quæ hic dici possent, coacervem, hoc solum dico, si attendamus scopū Psalmistæ, ex eo solummodo colligi posse, Deum velle fastū hostiū suorum prostituere, luctum iisdem procurando. Quum vero capillorum deraasio, atque affectatum calvitium, luctum majorem arguere consueverint, cur non hæc locutio sic intelligatur, quod ordinario Scriptura eo modo loqui consueverit? Conferatur Es. cap. 3. Jerem. cap. 47. & 48. Ezech. cap. 7. & 27. itemque cap. 8. Amosi. Adducunt dicti Interpretes locum Jobi cap. 5. vers. 5. post Venerandum D. Piscatorem, quasi eo loco prædo vocetur *tsammim*, hoc est, comatus. Haud negaverim Chaldeum Paraphrastem, Pagninum, aliosque, qui hic utuntur voce latronis, sive prædonis, vocem dictam deducere à *tsamam*, quomodo cæsaries sive capillus vocatur: atque apud R. David in lib. Radicum



cum sic legi: *Latro more ferino capillos nutrit, ut mos est in terra Ismaël: cum enim deserta loca incolant, nudi incedunt, & capillis, quos crescere sinunt, nudum corpus contegunt.* At, ut ingenue, quod res est fatear, non video, quomodo cum ratione applicari hæc possint Pl. 68. admissa quippe interpretatione hac apud Iobum, tanquam concinna, aut saltem ut non inconueniente, tamen ex toto contextu Psalmi 68. speciatim versibus 22. 23. & 24. constat regium Prophetam intelligere hostes publicos, cum quibus nequaquam latrones, prædonesve, componere fas est. At dato, Deum Opt. Max. verticem comatum, qua talem, eumque proprie intellectum prostitueri, quis inde concludere ausit, illum simpliciter huic Ipsi abominationi esse? Consilium quoque Achitophelis prostituit Jehova 2. Sam. 27. 14. quis tamen inde concludat omne consilium prudens atq; tempestive adhibitum, Deum execrari? Quæ in se atq; secundum suam naturam ἀνθρώποις & indifferentia sunt, propter speciales circumstantias, aut bona, aut mala evadunt. Quod circa mensuram capillorum, atque alia ejusdem notæ, quis non admittendum esse statuat?

Denique nonnulli ex τριχομάχους instituunt ab unguibus ad capillos XVI. argumentari, atque inferre, ideo capillos non multum extra cutem protendi debere, quod alias, si protendantur, idem fiat, atque si quis gloriam captare velit ex unguibus suis, ad quadrantem ulnæ extensos. At quis inferre ausit, eos in legem naturæ peccare, qui consueverint tales circumferre ungues? De Philosophis Tatian. Orat. contra Græcos: *Quid magni Philosophi vestri faciunt? Incedunt, altero ex humeris neglecto, capillitium demittunt copiosum, barbam alunt, ὄνυχας θηρίων περιφέροντες, ungues ferinos gerunt.* Miror autem τριχομάχους existimare, nullum omnino usum hominem percipere posse, ex longioribus unguibus, quum tamen ex iisdem, & quidem acuminatis, in pollicibus manuum se prodentibus, Judæi æstimare consueverint circumcissores: quemadmodum prolixè docet Buxtorf. Synag. Jud. cap. 2. atq; hodie Afri, Guinæ incolæ, cum reliquo corpore nigri sint, ungues non minus prolixos nutrire, quam ab omni immunditie integros servare consueverint, iisdem vice cochlearis utendo, ad corripiendas minimas auri ramentas, quas ad certū pondus mercatoribus nostratibus pro aliis mercibus offerunt.

A promissioribus capillis converto me ad barbam, quam an licite XVII viri (hoc tempore ita observatur) in Belgio non tam præcidant, quam abradant, proxime quæritur? Certe Artemidorus tantum ornamentum filios parentibus afferre dixit, quantum decoris ori barba addit.



Cynicus quoque apud Lucianum, tam deforme putavit ornatum barbæ viris subducere, quam leoni jubas. Theseum amplius perhibet Plutarchus, nunquam barbam voluisse radere, ut ipse virtutem suam eo indicio profiteretur. Atque, ne plura hic cumulem à viris doctis, (speciatim ab Hortensio Lando lib. de Persecut. barbarum) pro barbæ commendatione jam diu commemorata, aut excutiam lepidissimum libellum Juliani Apostatæ, qui *μυροπώγων* inscribitur, non dubitat noster Adrianus Junius, postquam pro barbæ commendatione multa adduxisset, cap. 2. libelli de Coma, sic perorare: *Abunde igitur ostensum puto, barbam ferro subjici, radere non debere, refragante divine scripturæ immutabili auctoritate, reclamante natura lege: quin & decorum virorum & gentium consensus ubique repugnat, qui virum gravem, constantem, justitiam tenacem, & probitate morum atque sapientia præstantem decere barbam uno ore loquuntur omnes. Aaronem principem sacerdotem propea barba venerabilem facit sacra historia. &c.* Sed hæc simileve declamationes me non movent, tantum abest, ut de sententia, Scripturæ & rationum præsidio suffulta, dimovere possint. Atque, ut à Scriptura incipiam, ipsos Israëlitas ferrum barbæ consuevisse admovere, ejusque qualdam saltem partes detondere, patet ex Mephibosethi exemplo, de quo Spiritus Sanctus expresse voluit annotare 2. Sam. 19. 24. quod *mystracem suum non curaverit*, eum scilicet detondendo, toto illo tempore, quo David occupatus in persequendo Absalone, Hierosolymis aberat. Tempore luctus enim Israëlitarum barbam negligebant, eam non attondendo, ut ex præsentis loco patet. Alias, quando ingentem luctum Sp. Sanctus Dei populo denunciat, minatur pariter barbæ rasuram; ut videre licet Jes. 15. 18. Job. 1. 29. Ezech. 27. 31. Mich. 1. 16. & Amos. 8. 10. Quod tamen ita non interpretor, cum multis, quasi Israëlitarum, dolore extraordinario oppressi, consueverint barbam radere: sed, quod iis illa evenitura essent, quæ plurimæ ex gentibus, Israël maxime vicinioribus, facere solent; quas solitas fuisse, ad testandum dolorem, barbam totam deradere, distincte, multis quoque testimoniis prolatis, docet Adrianus Junius libelli de Coma cap. 12. Nam barbæ rasuram Deus populo suo prohibuerat, Lev. 19. 27. speciatim sacerdotibus, Lev. 21. 5. non quod ejusmodi rasura in se mala sit; sed quod minus conveniret Dei populo, qui non debebat se similem exhibere aut sacerdotibus Gentilium, qui soliti erant, tum capite, tum barba rasa sacrificare idolis suis, ut patet ex Epistola Jeremiæ apud Baruch. 6. 30, aut etiam vicinis populis,



pulis, profundę idololatrię immerfis. Convenienter admodum Franciscus Junius & Tremellius in Notis ad Lev. cap. 29. vers. 27. *Non enim omni luctu (inquiunt) interdicitur, sed immoderato luctu. Hoc autem genus tondendi, (Herodoto & Diodoro testibus) Arabum & aliorum fuit, qui ad Iudęam habitabant.* Quod enim ipsa rasura, in se simpliciter considerata, non possit improbari, vel ex eo liquet, quoniam Deus pręcepit Ezechieli, quem constat Sacerdotem fuisse, novacula & caput & barbam abradere, Ezech. 5. 1. Quomodo & Naziręi, finitis diebus Naziręatus, ex ipsius Dei pręcepto, caput radebant, Num. 6. 5. Consentit Hieronymus ad locum Ezech. 44. 29. sic commentans: *Quod autem sequitur: Caput autem suum non radent neque comam nutriant, sed tondentes attondebunt capita sua: perspicue demonstratur, nec rasis capitibus sicut sacerdotes cultoresque Isis atque Serapis esse debere: nec rursum comam demittere, quod proprie luxuriosorum est barbarorumque & militantium, sed ut honestus habitus sacerdotum facie demonstraretur.* Ergo secundum Hieronymum, cui accedit Ambros. Ep. 36. ipsi Israhelitici Sacerdotes radere poterant & caput & barbam, modo in utrumque novacula non grassarentur, ut sacerdotes Aegyptii, qui Isidi, & Serapi faciebant: quod & distincte ipse Deus ordinavit, non interdicens omni rasura barbę, sed ea duntaxat, quę atterebat *barba latus*, sive angulos, Lev. 19. 27. quum Isiaci sacerdotes omnes capitis pilos, usque ad illos, qui supercilia muniunt, abraderent: ut non immerito Juven. Sat. 6. eos *calvum gregem* vocaverit. LXX. Interpretes dicto loco habent ὁ τὸ πώγων, quo nomine venit barba qua mentum velatur, ut notavit quoque Salmasius lib. de coma pag. 601. Quę si observasset Adrianus Junius, vir ceteroquin doctissimus, non voluisset persuasum, per Dei legem interdictum fuisse omni barbę rasura. Imo, si dederimus quoque, Deum citra ullam omnino limitationem hoc populo suo pręcepisse, debet duntaxat agnosci legis cęremonialis pręceptum, pro certa temporis cęconomia solum populum Israheliticum respiciens, qualia multa alia eidem populo, quandiu sub pędagogia fuit, pręscripta sunt. Nec favet quoque barba Aaronis, siquidem ex Ps. 133. vers. 2. duntaxat collegeris, eum barbam habuisse, quum sacro oleo inungere-  
tur, Levit. 8. atque secundum phrasiologiam, qua eo loco Sp. Sanctus utitur, oleum in hanc & illam barbę partem defluxisse, quod alias barbę circumtonsę quoq; accidere potest. Ne jam dicam, Thalmudistas apud Muis in Commentario locū pręsentem explicare *de duabus tantum guttis,*



guttis, speciem margaritarum, de barba suspensarum, exhibentibus. Ad Ecclesiam N. T. si accedamus, patebit, Christianos libertatis suæ confcios, barbam suam componere consuevisse ad morem regionis illius, in qua vivebant. Eoque aliud frequentabatur in Ecclesia Orientali, aliud in Occidentali: atque propterea Orientales nequidem Monachi vel Clerici, unquam aut caput, aut barbam rasere; quod à majoribus suis acceptum institutum hodierno adhuc tempore non negligunt. Quæ & videtur esse causa, quod Clemens Alexandrinus sapiens, Theodoretus de Provident. Orat. 4. alique, qui in communione Græcarum Ecclesiarum fuerunt, usq; adeo luxurient circa barbæ encomium, quam, Philosophorum more, promissam & asperam scilicet, nutrirî à Christianis vult Clemens Alexandrinus, vix concedendo lib. 3. Pædag. cap. 11. ut pili, qui in superiori labri parte inter comedendum inquinantur, circumradantur. Quod tamen ne in Oriente quidem ab omnibus Christianis observatum fuisse videtur; quum Gentiles, qui (ut patet ex Tertulliano) Christianorum pallio inclementer admodum dixerunt, illud varia ratione exagitando, nusquam legantur eorundem barbam vellicasse. Licet hoc quoque dici posset de Clemente Alexandrino, eum in Pædagogo tertio totum esse in ordinanda vita Ascetica, laborare, que cultores illius componere ad habitum Cynicorum & Stoicorum, quos *occurſu suo consuevisse vitia suffundere*, Tertullianus testis est: hos autem barbam promississe notius est, quam ut probari debeat. In Occidente autem observabatur à Christianis mos Romanorum, quibus solemne erat, teste Gell. lib. 3. cap. 4. maturiori ætate, tanquam quoddam nobilitatis insigne barbam rasam exhibere. Inde & ipsi Galliarum Episcopi, barba sive rasa, sive circumtonsa, fuerunt. Patet ex Sidonio Apollinari, qui lib. 4. ep. 13. Germanicum Episcopum Cantillanensem sic describit, ut ejus fuerit *vestis astricta, tonsus coturnus, crinis in rota speciem accisus, barba intra rugarum latebras merſis ad aurem secta forficibus*. Fateor quidem, verum esse, quod monet ὁ πείων D. Salmasius pag. 593. Primum Adrianum ex Imperatoribus Romanis inſtituisse barbam alere. Interim eidem non dederim (ut contendit pag. 609.) eum deinceps alios sequutos esse Casares, & ad eorum exemplum populum Romanum. Certe Ammianus Marcell. lib. 21. notat Constantium Imp. fuisse molli capillo, *rasis assidue genis lucentibus ad decorem*: atque Theodosium consuevisse *vellere steriles genas*, observatum fuit ab Aurelio Victore. Alias, ad modulum gentium, quibus Principes placere volebant, barbam



bam quoque suam componere solent. Atque cum Syri & Antiochen-  
 tes subsannarent eos, qui barbam alebant, (ut discere est vel ex unius  
 Juliani Misopogone) Verus Imp. qui solitus erat, teste Capitolino,  
*barbam prope barbarice demittere, fertur ad amica vulgaris arbitrium in*  
*Syria posuisse barbam.* Quomodo & Dio Cassius de Caracallo: ἐν Ἀντι-  
 οχείᾳ ἐτρώφα, ὥστε καὶ τὸ γένειον πᾶν ψιλίκεσσι. Marius vero vulgus,  
 per univrsū fere Imperium Romanum, barbæ & attondendæ & ra-  
 dendæ vacasse, ignorare nos non sinit Tertullianus, qui ita libel. de  
 cultu fœmin. ratione lexus dignioris: *Propriaque præsfigias forma, & hic*  
*sexus sibi agnoscit, barbam acius cedere, intervellere, circumdare capillum,*  
*disponere, etiam colorare canitiem, primam quamque subducere totius corpo-*  
*ris lanuginem.* Fateor quidem, lib. 1. Constit. Apost. cap. 3. occurre-  
 re hunc Canonem: *Præterea non oportet pilos barba disperdere, atque for-*  
*mam hominis contra naturam perdere. Non depilabitis, lex ait, barbas ve-*  
*stras.* Hoc enim mulieribus honestum, qui eas condidit Deus, esse voluit, viris  
 autem indecorum sanxit. Sed præterquam, quod is referri debet ad Pseu-  
 do-Clementem, sufficienter exceptum à viro undique Doctissimo  
 D. Dallæo; amplius hoc dici debet, si qui, ex Christianis in primitiva  
 Ecclesia, instituerint barbam nutrire, hoc fecisse, ut tali quasi habitu  
 pœnitentiam profiterentur: ut observatum quoque est à D. Salmasio  
 l. d. pag. 549. ex Isidoro lib. 2. de Off. Eccles. cap. 16. *Hi vero, inquit,*  
*qui pœnitentiam agunt, proinde capillos & barbam nutriunt, ut demonstrent*  
*abundantiam criminum, quibus caput peccatoris gravatur.* Sed, hac ratione  
 Christiani se conformarunt ad normam variorum Gentilium, qui  
 tali ritu luctum, animique dolorem, testatum facere solent: ut præter  
 Cujacium lib. 6. Observ. cap. 5. jam diu observavit Forn. lib. 4. rer.  
 Quotid. cap. 5. Justin. sub finem lib. 36. de Attalo: *Post hanc scelestam*  
*violentiæ rabiem, squalidam vestem sumit: barbam, capillumque, in modum*  
*reorum summittit.* Hoc est Tertulliano lib. de Anima, cap. 39. *caput*  
*reatui vovere.* Promiscue vero Christianos barbam promisisse, non col-  
 legeris ex ullo probatæ notæ Scriptore antiquo, cum consueverint hac  
 in parte se componere ad mores cujusque regionis. Pallium Christiani,  
 qua viri, qua fœminæ à Philosophis acceperunt, non æque tamen bar-  
 bam. (Nam à pallio ipsas matronas Christianas non abhorruisse,  
 constat ex Paulino, qui ita Epist. 10. ad Severum, de habitu Mela-  
 niæ: *Crassam illam & velut spartei flaminis tunicam, & vile palliolum,*  
*gaudebat manu tangere.*) Quid, quod non dubitarint Julianum hi  
 ipsi



ipsi traducere, cum more Philosophorum hircinam barbam aleret. In-  
de legas de illo apud Amm. Marcell. lib. 17. *In odium venit cum victoriis  
suis capella, non homo.* Atque, si qui ex Patribus barbæ defalcationi in-  
festi fuerunt, non tam simplicem tonsuram & rasuram, quam eos infe-  
ctantur, qui *deemptis pilis corpus suum in fœminei corporis imaginem trans-  
ferunt*, ut loquitur Julius Firmicus lib. 8. Mathel. cap. 7. Quo & facit  
Tertulliani locus, superius adductus, qui iterum in libel. de Pallio cap. 4.  
Vnde (inquit) *apud hirtos & hirsutos tam rapax ab ala resina, tam furax à  
mento volfella?* Et copiosius Clemens Alexandrinus, (ejus, quod alias  
de barba fuerit, judicium modo tetigimus) lib. 2. Pædag. cap. 3. ubi  
notat τὰς μισότριχας, ἀτριχας, τὸ ἀνθ' ὃ τὸ ἀνδρικὸν μυσσάτομένους: *Pilis  
infestos, glabros, florem virilem abhorrentes.* Et statim: *Ἀλλὰ τέτρες γέν  
πλήρεις αἱ πόλεις πιτρίων, ξηρῶν, ἀφαιτιλόντων τὰς θηλυδίας τέτρες.*  
*Propter hos plene sunt civitates his qui effeminatos hos picant, radunt, vel-  
lunt.* Sed, quis secundum excessum culpabilem barbæ rasuram, eodem  
loco habeat, cum illa, quæ inter debitos modestiæ terminos consistit?  
Ut in vitio prius est putandum, ita non æque posterius reprehensio-  
nem meretur. Et ne sibi amplius plaudant illi, quibus est *hircorum bar-  
ba & nigrum pallium*, ut loquitur Hieronym. ad Eustoch. de Virgin. ip-  
se Christus curtam barbam habuit, ut ex constanti traditione narrat  
Nicephorus lib. 1. cap. 40. τὴν μέντοι τρίχα τῶ πώγων & ξανθὴν τινα  
εἶχα, καὶ οὕτως εἰς πολὺ καθεμένην. *Pilos barbæ flavos habuit, nec multum  
demissos.* Post seculum demum quartum, cum Clerici, præ illis, qui  
audiunt Laici, vellent haberi singulares, atque in vulgus venerabiles,  
qua capillo qua barbæ præscripta fuit lex, sed καὶ ἐπελοδρήσκον, & uti  
recte observatum est à D. Salmasio l. d. *multi canones facti, qui comam  
nutrire Clericis interdicerent, quia laici nutriebant, & barbam radere, quia  
laici radebant.* Huc facit Canon. 44. Concil. Carthag. iv. *Clericus  
neque comam nutriat, neque barbam radat.* Hanc enim esse genuinam  
lectionem hujus Canonis, argumentis infallibilibus evictum est à viro  
infinitæ lectionis Joanne Savarone ad ep. 24. lib. 4. Sidonii Apollina-  
ris, quum illud *radat* jam olim quis maleferiatus eraserit. Ne pro asse-  
renda hac ipsa lectione follicitem quoque virum πολυμαθέστατον Joan-  
Gerardum Vossium in Epist. subjecta Salmasii Tract. de Coma, in qua  
tamen, ut plerumque in scriptis suis arat vitula Incomparabilis Theo-  
logi D. Francisci Junii, ut cuius patebit, si voluerit modo inspicere  
hujus animadversiones ad cap. 40. Bellarm. lib. 2. de Monach. Qui  
canon



canon cum solos Clericos respiciat, tacite innuit Laicis licuisse comam nutrire, & barbam radere. Nec tamen hæc juvant rasuram in Papanis ordinibus receptam, quum sit novitia admodum, & ante seculum sextum in Ecclesia ignota, ut, à veritate expugnatus, loco dicto fateri cogitur ipse Bellarminus. Sed, ut finiam hanc de barba *Ἀφροσύνη*, nulum aut Dei præceptum aut ratio urget, ut viri eam nutrant, hoc est, sic promittant, ut ad longum quoque tempus illi neque forficem neque novaculam admoveant. Hoc enim sensu tum apud Græcos, tum apud Latinos Authores, coma, barbave, sive ali, sive nutriri dicitur. Inde apud profanos Authores, proprie Diis crinem pascere dicebantur, qui aliquo tempore, (plerumque autem ex voto) in honorem Deorum comam circumferebant. Virgil. 7. *Aeneid.*

---- *sacrum tibi pascere crinem.*

Hoc est Euripidi in Bacchis, *πλόκαμον τρέφειν*: Homero *Ἰλιάδ.* *ψ. χαίτω τρέφειν*: Pausaniæ in Arcadicis *τρέφειν κόμην*. Nutrire comas dixit Val. Flacc. lib. 6. Argon. *Alere capillum* Plin. lib. 14. cap. 15. Atque 1. Cor. 11. 14. pro eo, quod in Græcis est, *ἀνὴρ ἐὰν κομᾷ*, Vulgatus habet: *Vir si comam nutriat*. Simili locutione Hor. 1. 2. Sat. 3.

---- *sapientem pascere barbam.*

Alludit ex Christianis Scriptoribus Paulinus, quando Epist. ad Severum 1v. sic loquitur: *Vitamque nostram, quasi Nazaraum crinem pascentes, Deo in castitate & parsimonia consecremus*. Sed hæc *ὡς ἐν παρόδῳ*. Porro circa ea, quæ sive comam, sive barbam concernunt, pro temporum & locorum diversitate variari possunt, ut utraque manu nobis loco jam citato Bellarminus largitur. Nec tamen probarim hac in parte desultoriam levitatem, ut quis aut uno anno aliquoties barbæ habitum mutet, aut vir statæ ætatis, solitus à prima lanugine barbam promittere, quo seculo se similem reddat, derepente, quasi à barbitonfore suo, veluti Medea, cum Pelia recoctus foret, deglabratus totus, mentoque depili prodeat. De popularibus suis hoc fatetur summus Salmasius, l. d. pag. 593. *In mea Gallia sapius vel in anno forma barba novatur*. Ad levium hominum modulum ut identidem aliquis sese componat, non patitur virtus illa, quæ ab Ethicis vocatur gravitas, imo neque Scriptura. Apostoli verbum est, Rom. 12. 2. *Ne vos configurate* (*συναχματιζέσθε*) *seculo isti*.

Dum in pilis occupor, simul ad fucos propellor, de quibus deinceps XVIII hac Exercitatione agam, quod coma non minus quam barba adulterari

Z z 2

jam



jam olim consueverint. Nullum vero colorem fucis vel ipse Quintilianus invenerit, modo ab iis removeris illa, quæ corpori mundando duntaxat serviunt. *Natura enim homo mundum, & elegans animal est*, juxta Stoicum Romanum Epist. 92. Atque, qui cum Diogene gloriam ex sordibus captant, pulchrum sibi ducunt, quod homine ex parte exuto, similes scarabæis esse affectent. Fuci autem varii sunt, ex iisque rebus fere præparantur (fidem facere potest vel unus Annæ Cortesiæ libellus de Fucis) quæ faciei cutem, loco nitoris temporarii, postremo deformatione multiplici mulcant. Iis accendi debet *panis madidus* Othonis Imp. de quo Sueton. in vita illius cap. ult. *Quin & faciem* (inquit) *quotidie rasitare ac pane madido linere consuevit: idque instruisse à prima lanugine, ne barbatus unquam esset.* Modum describit Juven. sat. 6.

*Sed qua mutatis inducitur, atque fovetur,*

*Tot medicaminibus: coctaque filiginis offas*

*Accipit, & facies madide dicitur an ulcus.*

Inde idem Satiricus eadem Satyra: *Pane tumet facies: & iterum* Sat. 2.

*Et pressum in facie digitis extendere panem.*

Dici non potest, quam infelto ejusmodi fucis se Patres antiqui exhibuerint. Primo in Deum ipsum injurios esse pronunciant, quotquot iis delectantur. Inde Tertull. de Cultu fæmin. cap. 5. *In Deum delinquant, quæ cutem medicaminibus ungunt, genas rubore maculant, oculos fuligine collinunt.* Displicet nimirum illis plastica Dei: in ipsis redarguunt, reprehendunt artificem omnium. Reprehendunt enim cum emendant, cum adjuvant. Et Cyprianus tract. 2. de habitu Virginum: *Manus Deo inferunt, quando illud, quod ille formavit, reformare & transfigurare contendunt.* Si quis pingendi artifex vultum alicujus & speciem, & corporis qualitatem amulo colore signasset, & signato jam consummatoque simulachro, manus alicujus afferret, ut jam formata jam picta quasi peritior reformaret, gravis prioris artificis & justa indignatio videretur. Tu te existimas impune laturam tam improbæ temeritatis audaciam, Dei artificis offensam? Deinde illos exagitant, ut naturæ adversarios. Ambros. lib. 1. de Virgin. *Quanta hac* (inquit) *amentia est, effigiem mutare natura, picturamque querere, & dum verentur maritale judicium prodere suum? Prior enim de se pronunciat, quæ cupit mutare, quod nata est. Ita dum alii studet placere, prius sibi ipsa displicet.* *Quem judicem, mulier, veriore requirimus deformitatis tuæ, quam te ipsam, quæ videri times? si pulchra es, quid absconderis? si deformis, cur te formosam esse*



esse mentiris, nec tuæ conscientia, nec alieni gratiam erroris habitura? Eoque, tertio, non dubitant fucos infectari, ut & equa diaboli. Tertullianus l. d. Reprehendunt artificem omnium mulieres, cum emendant, cum adjiciunt, utique ab adversario artifice sumentes additamenta ista, id est, diabolo. Nam quis corpus monstraret mutare, nisi qui & hominis spiritum malitia transfiguravit? ille indubitate hujusmodi ingenia concinnavit, ut in nobis quodammodo manus Deo inferret. Quod nascitur opus Dei est: Ergo quod fingitur, Diaboli negotium est. Atque, ut Jesabel in Scriptura notatur cum suis medicaminibus 2. Reg. 9. 30. ita, quotquot unquam Deum timuerunt mulieres, eadem cane & angue pejus infectata fuerunt. Hieron. de virgin. serv. ad Furiam: Non habuit. (Magdalena poenitens) orbes stibio fuliginatos. Pluribus de fucis in genere non ago, ne videar post Homerum Iliadem velle scribere. Eorum usum Christianis, sive viris, sive sceminis, nulla ratione & prætextu concedendum esse, jam olim prolixè, argumentis è Scriptura & Patribus adductis, ostendit Theologus Incomparabilis Petrus Martyr ad 2. Reg. 9. quæ dissertatio & inserta est ejusdem locis Communibus.

Occasione vero fucorum in genere, non possum non obiter quoque XIX. notare fucos capillares. Duplices vero illi sunt, qui censuram merentur. Priori loco occurrunt capilli tincti, quorum exemplum dedit Medea, secundum Clementem Alexand. lib. 1. Strom. præ aliis eam sequentibus Pathicis, quorum coma in modum sceminarum probrose tingi solet, ut recte observavit Barthius lib. 4. Advers. cap. 3. Nec hic constiterunt exempla, ad has dementiae lineas, præter sceminas, circa comam alias insanire solitas, ipsis viris, imo principibus accedentibus. De sceminis testis potest esse vel unus Ovidius lib. 3. de arte Amandi:

*Fœmina caniciem germanis inscit herbis,*

*Et melior vero, quaritur arte color.*

Atque viros idem factitasse, è Spartiano discere est, qui refert, quod cum Adrianus Imp. cuidam canescenti quiddam negasset, eidem iterum petenti, sed infecto capite, responderit: Jam hoc patri tuo negavi. Ne tangam Martialis jocum, qui sic ludit in Lentinum:

*Mentiris juvenem tinctis, Lentine, capillis,*

*Tam subito corvus, qui modo cygnus eras.*

Nec Romani principes abhorrerunt, quorum multi inaurandis capillis studuerunt. Capitolinus in Vero: Dicitur tantam habuisse curam capillorum florum, ut capiti auriamenta respergeret, & in Commodo:

Z z 3

Capillo



Capillo semper fucato, & auri ramentis illuminato. Trebell. in Gallieno Crinibus suis scobem asperfit. Flavus color aurum arguit, quem & meretrices comæ ambire solent. Hinc famosa illa Messalina apud Juvenalem sat. 6. fornicem adit:

*Nigrum flavo crinem abscondente galero.*

Verba Scholiastis post adferemus. Eo respexit Maro lib. 4. Æneid. quando ita de Didone: Nondum illi flavum Proserpina vertice crinem abstrulerat. Ad quæ ita Servius: Matronis nunquam flava coma dabatur, sed nigra. Didoni ergo datur ut turpi. rotundo muliebris capitis tegumento, in modum galeæ facto, quo utebantur meretrices flavo, nam nigro crine matrona utebantur.

- XX. Alteri capilli destinati centuræ, postea fusius explicandæ, sunt alieni, ad ornatum capiti aptati. Hieron. ad Demetriadem, supra quoque adductus: Cerussa ora distinguere, ornare crinem, & alienis capillis turritum verticem struere. Apulejo crines attexti sunt. Ita enim lib. 11. Miles. Et attextis capite crinibus &c. sceminam mentiebatur. Aliis empti. Mart. lib. 12. epigr. 23.

*Dentibus atque comis, nec te pudet, uteris emptis,*

*Quid facies oculo, Lalia, non emitur?*

Ovid. lib. 3. de Arte:

*Fœmina procedis densissima crinibus emptis,*

*Proque suis, alios efficit are suos.*

Verbum affigere de his crinibus, quos sutiles vocat, usurpavit Tertullianus de cultu fœmin. verba proxime adducuntur. Firmicus apponere lib. de Prof. relig. Qui alienis crinibus appositis, fictam & compositam pulchritudinem mentiantur. Talium capillorum πλέγμα, galerus & galericulus à Latinis vocatur. Tertull. l. d. Affigitis præterea nescio quas enormitates sutilium atque textilium capillamentorum, nunc in galeri modum quasi vaginam capitis & operculum verticis, nunc in cervicem retro suggestum. Suet. in Oth. cap. ult. Munditiarum vero pæne muliebrum: vulso corpore, galericulo capiti propter raritatem capillorum adaptato & annexo, ut nemo dignosceret. Schol. Juven. sat. 6. Galero: crine suppositio. Alias caliendrum dicitur. Scholiastes vetus Horatii ad Serm. 1. Caliendrum dicitur ornatus capitis mulierum, quo ad exornandos crines utuntur: vel, suppositus crinis, quem pro naturalibus capillis accipiebant. Agnoscit hanc vocem Glossarium, in quo ita lego:



lego: *Caliendum*, κασιμιον κεφαλῆς. Græci habent varia nomina, quibus idem innuunt, ex quibus præcipua, πηκνήνη, περικέμιον, έντελχον, καὶ πελιδίον. Julius Pollux lib. 2. Onom. cap. 3. ἐκαλέατο δέ τι καὶ πηκνήνη, καὶ περικέμιον πελοιδόν, & γοναιζιμονον, ἀλλὰ καὶ ἀνδρῶν. οἱ ένδεδωκεν τελχῶν έχοντες, εἰς κέμης λόγον περὶ τῆς σι. πέν δ' αὖτῶν, καὶ έντελχον ὠνόμαζον. Vocatur etiam quedam coma, apposititia, quæ non modo mulierum, sed & virorum est: & qui raros capillos habent, ipsa instar capillorum utuntur. hanc vero etiam έντελχον nominaverunt. & iterum lib. 10. cap. 41. καὶ πηκνήνη καὶ καὶ περικέμιον. καὶ ὡς Ἀ' εἰσοφάνης έν γηρυτιδίη, περὶ θετον καὶ περικέμιν. Insuper galericum, & fictitiam comam. Vel apposititium secundum Aristophanem in *Gerytade*, & apposititiam. Doctissimus Salmasius ad Hist. Augustam existimat aliud non esse *caesariem*. Certe sic legas apud Hesychium: καισαρία, περικεφαλαία. Quid vero ἡ περικεφαλαία sit, Glossarium docet, in quo ita legas: περικεφαλαία, Galea. At galeam coincidere cum galero, idem Salmasius nos docuit ad Solinum, & Terull. de Pallio; fidem quoque faciente Juvenalis Scholiaste, ut ante audivimus.

Sed his missis, utrumque hoc comæ lenocinium Patres admodum XXI. insectantur. Et quantum ad tinctos capillos, ad eos referri debent sequentia Tertulliani verba de cultu scæminarum. cap. 6. Video quædam & capillum croco vertere. Pudet etiam eas nationis suæ; quod non Germanæ aut Gallæ sunt procreata: ita patriam capillo transferunt: male ac pessime sibi auspicantur flammeo capite, & decorum putant, quod inquinant. Crocum capiti suo mulier Christiana ingerit ut in aram. *Hæc ille*. Cyprianus de Habitu virginum cap. 13. Audaci conatu & sacrilego contemptu crines tuos inficis. Malo præfatio futurorum, capillos jam tibi flammeos auspicaris, & peccas, pro nefas! capite, id est corporis parte meliore. *Hactenus Cyprianus*. Idem lib. de Lapsis cap. 4. Corrupta barba in viris, in scæminis forma fucata. Adulterati post Dei manus oculi, capilli mendacio colorati. *Hæc iterum ille*. Qui duo, quando colore hoc capillis induto, scæminas Gehennam auspicari dicunt, consentientem habent Hieronymum, cujus hæc clara verba Epist. ad Marcellam: Ne caput gemmis oneres, nec capillum irruces, & illi aliquid de Gehennæ ignibus auspicaris. Clemens vero Alexandrinus lib. 3. Pædag. oratione ad senes directæ, hæc per interpretem proloquitur: Nec ergo pili sunt tingendi, nec cani colorandi. Neque enim vestem variare concessum est: & maxime ætatis senium.

&amp;







dem illud jam olim habitum fuisse indecorum, atque præbuisse materiam variorum dictiorum; imo ipsum Deum filiabus Sionis, tanquam probum insigne, minari calvitium, Es. 3. 25. Interim tamen illius patronus Deus debet agnosci, qui impunitum non dimittet eum, qui calvis maledixerit, ut testatur historia Elifai, 2. Reg. 2. 23. Ne jam dicam, Synefium peculiari scripto laudes Calvitiei celebrasse, atque Hieronymo teste, ipsum Socratem, Græcorum sapientissimum, calvum fuisse. Imo, dato, Deum, calvitium ut probum in hominibus quibusdam velle conspici: non tamen propterea ipsi, quæ sitis exuviis latronum & meretricum, de eo obliterando laborare deberent, sed potius dicere cum Propheta, *indignationem Iehova feremus*, Mich. 7. 9. Nihil vero, five pro capillitii tinctura, five pro galericulo prætexere possunt, qui, aut quæ, illud capiti suo aptant, nullam aliam ob causam, quam ut aliis speciosiores videantur. Certe tinctura ejusmodi (ut priori loco eandem considerem) non potest non Deo displicere, cum eidem quam maxime probrosa sit. Pathetice Tertullianus lib. de Cultu scæmin. *Sed enim* (inquit) *Dominus ait*, (Matth. 5. 36.) Quis vestrum potest capillum atrum ex albo facere, aut album ex atro? Hæc que revincunt Deum. Ecce, inquit, pro albo vel atro, flavum facimus gratiæ faciliorem: quamvis atrum ex albo conantur facere, quas pœnituit ad senectutem usque vixisse. Pro temeritate! Erubescit ætas exoptata votis, furtum confitetur, adolescentia in qua delinquimus, suspiratur, occasio pravitatis interpolatur. Absit à sapientiæ filiabus stultitia tanta. Senectus cum plus occultari studuerit, plus detegitur. Hæc est æternitas nostra, *de capitis juventute*. Et tamen *τεχνομαχοι* antehac, cum sibi dictaturam adhuc sperare auderent, infestiores fuerunt iis ex utroque sexu, qui comam alebant, quam, quos videbant prima juventutis face, per aspersi pulveris lenocinium, mentiri senes, capitis sive picem, sive mullum transformando in nivem. *μεσφασιν*, quæ iustitiæ & sobrietati satisfaciât, invenire quoque non possunt, qui ab emptis & assutis capillis formæ commendationem emendicant; quum enim ipsis scæminis, quibus permixtum est *κομῶν*, edicat Paulus ne *cincinnis* se ornent, 1. Tim. 2. 9. atque Petrus Apostolus testetur earum *ornatum non consistere in nodis capillorum*, 1. Petr. 3. 3. sane, nulla ratione excusari possunt, quicunque securi interioris ornatus, primo in adornando galero, & deinde in eodem capiti aptando, occupantur. Et tamen capitæ, hac ratione instructa, rugas Theologicas simul audent ostentare, atque



atque è sacro suggestu detonare in seculi vitia. Etenim scio, quantum libertatis circa *indifferentia* Christiano, de libertate sua edocto, competat, & multa ex illis, quæ hominem extrinsecus afficiunt, consideranda esse pro ratione regionis & temporis; ingenue tamen profiteor, me non videre, quomodo alienæ hæ capitis exuviæ exculari possint, quum omni ævo, apud omnes nationes eadem exosæ fuerint. Judicium Ovidii, & Martialis supra exhibuimus. In Anthologia occurrit Epigramma Lucilii in quandam Nicyllam, quæ emerat galericulum atrum, ut dissimulata senectute, canos suos velare posset. Quod ita habet;

Τὰς τριχὰς ὧν Νικυλλὰ πνὲς βάπτειν σε λέγουσιν,

Ἀς σὺ μελαινοτάτης ἐξ ἀγορᾶς ἐπέσω.

Adrianus Junius libel. de Coma cap. 1. Latine sic reddidit:

*Fingere te perhibent quidam, Nicylla, capillos;*

*Quos mercata atros ipsa foro extuleras.*

## EXERCITATIO XXV.

DE

## Vestibus, &amp; luxu circa illas.

1. **I**N vestitu observatur inaffectata humilitas quod ad materiam, formam, & numerum.
2. Debeantne forma differre vestes viriles & femineæ? Fusc inquiritur in legem Deut. 22. 5. Quam caremonialem fuisse probatur, simul allata ratio vindicatur à Reynessii exceptionibus.
3. Occurritur rationibus D. Franc. Iunii Theologi summi, quibus evincere conatus fuit legem hanc Caremonialem esse.
4. Examinantur illa, quæ in contrarium Reynessius adduxit.
5. An forma vestium debeat esse gentilis, ita ut nihil peregrini in ea noceat? Simul expenditur locus Tzephania cap. 1. vers. 8.
6. Quot numero vestes aliquis habere debeat?
7. Quomodo vestium luxui occurrere debeat, per supremas Potestates, maxime in Fœderato Belgio?
8. Rationes adferuntur, cur, quanto ocus grassanti huic luxui per sepe edicta suprema Belgii potestates obviam ire debeant?
9. Iterum, per modum Appendicis, Lex Deut. 22. examinatur.

Post



**P**ost comam, & illius fucos, ad vestimenta me converto, I. circa quæ, velut turpitudinis indelebilis insignia, non modo convenit probare animum modestum, sed etiam humilem. Nam, ut non incommode dicit Chrysost. hom. 28. in Genes. *Iussit Dominus primas parentes togis pelliceis vestiri, in perpetuam memoriam, quod inobedientes fuerimus Domino.* Eoque si audire convenit Christum, Matth. 11. 29. edicentem: *Discite à me, quia mitis sum & humilis corde:* nã, multo magis humilitatem hanc probare convenit, in amictu, qui est signum inobedientiæ & prævaricationis nostræ in primo parente Adamo. Nec tamen propterea affectandæ sunt sordes, aut Diogenis alicujus cultus. Convenienter Hieronymus Epist. 3. ad Nepotian. *Vestes pullas æque devita ut candidas; ornatus & sordes pari modo fugiendæ sunt: quia alterum delicias, alterum gloriam redolet.* Quo vero Christiano hic constet ratio, in affectata humilitas attendenda est circa tria; materiam scilicet, formam & numerum vestium. In materia iterum considerari potest substantia, illique adjunctus color. Circa substantiam peccatur non modo, quando tantum illius est pretium, ut id inæquale sit censui & vocationi illius, qui inde vestes sibi adornat; verum etiam (ut recte hæcenus notavit Teelingius Concione 1. de Vestitu pag. 36.) quando illa, licet non admodum pretiosa, tam fragilis est, ut brevissimo temporis spatio conteratur, atque in fragmina varia dilacerata, nulli amplius usui servire potest. Mirum vero, quam jam olim hominum curiositas & ambitio hic luxuria re consueverint. Pathetice Nilus in Ascetico: *In vestitu non contenti iis, quæ ad tegendum sunt necessaria, primum lanas emunt excellentiores, & velleris eligunt florem. Deinde transeunt ad mixta, quæ ex lino & lana contexta sunt. Mox serica cupiunt, & ea primo quidem simplicia, tum præ aliis & animalibus, atque historiis distincta.* Interea tamen attendi hic debet regionum diversitas, atque quæ in quoque loco natura ad vestiendum attribuit, licite usurpantur, modo non excedatur modus. Si in Belgio, modicæ sortis fœmina, quotidie serico & tenuissimo gossypio indueretur, jure merito censuram incurreret: quum tamen citra ambitionis & fastus notam, in habitu ex tali materia confecto, se ostentare queant matronæ Italæ, Persicæ, & Sinenles. Hinc quoque non collegeris, redeundum esse ad pelles, licet Deus Opt. Max. primis nostris parentibus, postquam lapsi essent, ex illis primas vestes confecerit: atque populi ad Septentrionem, iis adhuc hodie, quod alia materia destituantur,



uti consueverint. Quo respicit Hieronymus, quando Epist. 3. dicit: *Et pellitorum turba populorum, qui mortuorum quondam feriis (lego inferiis) hominem immolabant.* Quare & Gothi, Sarmatae, aliique populi cum pellibus apud Ovidium, Lucanum, & Sidonium Apollinarem exhibentur. Calci Romani similem habitum amarunt. Unde Propert. lib. 4.

*Curia, prætexta qua nunc nites alta senatu,  
Pellitos habuit, rustica corda, patres.*

Seneca ep. 110. existimat quidem pelles, cum aliis, quæ natura suggestit, homini vestiendi sufficere posse. Sic enim loquitur: *Frigus intollerabile est corpori nudo. Quid ergo? nunquid non pelles ferarum & aliorum animalium à frigore satis abunde defendere queunt? non corticibus arborum pleraque gentes tegunt corpora? non avium pluma in usu vestis conferuntur? non hodieque magna Scytharum pars tergis vulpium induitur, ac murium, quæ tactu mollia, & impenetrabilia ventis sunt? Sed ubique natura neque tales arbores concedit, neque pellium, & plumarum abunde. Linum, & lanam, ipse Deus vestitui hominum destinavit Deut. 22. 11. iisque in Aarone vestiendi usus est. Ne dicam, apud ipsos populos, qui pellibus amiciuntur, earum, ad fastum & ambitionem usque, notari posse delectum. Accedo ad colores, quibus tingi solent panni, qui materiam vesti præbent. Iis, candidum colorem, & artificii nescium, si excipias, Clemens Alexandrinus quam infestus est. Sic legas apud illum Pædag. 3. *Candidis ac minime curiosis ac operosis vestibus uti est convenientissimum.* & paulo post: *Tinctura itaque Sardiniaca & alia omphacina, seu oleagina, & alia viridis, rosacea, & coccinea, & alie innumerabiles tinctura excogitatae sunt à perniciosis delectationibus, quo fit ut ad visum jam conferatur vestis, non ad integumentum.* Quæ tamen simpliciter admitti non possunt. Colores variegati, speciatim hyacinthinus, purpureus, & coccineus notantur in vestibus Aaronis, ab ipso Deo ordinatis, Exod. 28. certo indicio, colorum diversitatem aliter in vestitu reprehendi non posse, quam quatenus aut animi fastum aut levitatem arguit. Atque, ut pastores in vestitu tum graves tum humiles esse debent, neutiquam vero circa eum, præter vocationis suæ rationem, plus æquo curiosi; ita illis, ratione omnium locorum & temporum, pullam, sive atram, vestem non concessero. Modo audivimus Hieronymi iudicium de veste pulla devitanda. Si vero pressius adhærere volumus N. T. albæ vestes potius convenient mysteriorum sacrorum dispens-*



dispensatoribus, quod in iis tum exhibuerit gloriam suam Christus, Matth. 17. 2. ad modum symboli, pro illis, qui cum eo æternum regnabunt, Apoc. 3. 4. tum etiam, quod arguant puritatem & innocentiam, Dan. 7. 9. Apoc. 3. 18. Quam ob causam, recenter baptizatos, olim quoque albis vestibus indui consuevisse, patet ex Tertull. de Cor. Mil. Ne jam dicam, Sacerdotes Idolorum, secundum varios, videri *Gemarim* dictos 1. Reg. 10. 22. & 1. Reg. 23. 5. quod nigris vestibus amicerentur, fidem faciente Kimchio ad Tzeph. 1. 4. ubi eadem vox occurrit. Interim neque patrocinari volo albo verbi Ministrorum amictui, in sacris alicubi, apud Reformatos quoque, ab his frequentari solito, aut aliquid (quod perpetuo sit observandum) definire. Nigrum pastorum habitum probandum esse existimo, ubi color ille gravitatem & animum dimissum signat, modo hi ipsi non insidientur illorum ex suo ordine libertati, qui, aut, pro ratione regionum, in quibus vivunt, alterius coloris vestibus utuntur, aut, pro re nata, atque ad prodendam libertatem, quam per Christum consecuti sunt, vestem alio colore imbutam induunt. Color in belluis, à Deo vestitis seu plumis, seu squamis, seu pellibus, multiplex occurrit: potestque homo vario quoque colore vestes suas tingere, dummodo non adhibeat colorem, quo, aut animi levitas prodi solet, aut, qui insolens sit in illa gente, inter quam moratur. Nolim vero simpliciter hic arguere colorum in eadem veste differentiam, quasi illa redolet aut idololatriam, aut Antichristianismum, ut non nemo quoque ex Orthodoxis Theologis existimat, motus loco Ezech. 23. 13. 14. & Apocal. 17. 3. 4. 5. in illis enim textibus, ut habitus Idololatrarum describitur, ita non est propositum Spiritui Sancto nobis abominabilem reddere ejusmodi habitum, ratione coloris, sed duntaxat docere, quomodo ex eo idololatræ & idola queant agnosci. Diversi quoque colores in amictu Aaronis (ut modo diximus) notati fuerunt. Spiritus Sanctus alibi idola nobis exhibet aurea Es. 40. vers. 19. argentea, Astorum 19. vers. 24. ænea, Dan. 5. vers. 4. lapidea & lignea, Deuternom. 4. vers. 28. nec tamen propterea aurum, argentum, æs, lapides, & ligna nobis vult esse abominationi. Quoniam vero huc devenimus, verbo aliquid annotare debemus de colore purpureo, materiæ vestium conciliato, (sub eo comprehendendo colorem quemcunque elegantem & pretiosum) quem ex-  
ecrandum esse, aliquis concludere posset, (progrediendo scilicet



secundum principia virorum, alias egregiorum, quibuscum modo nobis negotium fuit) eo quod purpureis vestibus idola sua ornare consueverint idololatraz, Jerem. 10. 9. Olim autem (ut notissimum est) color purpureus habitus fuit pretiosissimus, atque Regibus peculiaris erat, sic tamen ut in Orientalibus regionibus, Tyro proximis, unde color hic solet peti, frequentatus pariter fuerit in cultu, à quibuscunque opibus præpollentibus. De Tyriis ipsis manifestum est ex Ez. 27. 7. atque eorum exemplum opulentiores in Judæa, ex more gentis, secutos fuisse, patet ex Parabola Luc. 16. 19. Cujus Parabolici divitis purpura & byssum, præter Christi institutum, ut in luxum quasi vestium declamare possint, absque ratione DD. Postillistæ arguunt: neque enim Christus eum notat, quod purpura & bysso amiceretur, & victitaret splendide; sed, quod secundum securitatem carnalem, non attendendo scilicet *confractionem Iosephi*, Amos. 6. 6. hoc faceret quotidie. Convenienter Lutherus in Conc. super hoc Evangelio: *Ceterum dives iste non eo nomine arguitur, quod delicatis cibis & eleganti vestitu usus sit. Quando etiam complures olim sancti Reges & Reginae, splendido cultu ornati fuerint, utpote Solomon, Hester, David, Daniel, &c. sed quod cor suum illa inbiaret, requireret, illisque impendio afficeretur. Ipse quoque omne gaudium, solatium, voluptatem denique omnem in his quæreret, & plane in his idolum sibi statueret. Quod Christus hac voce quotidie subindicat.*

- II. Succedit consideranda vestium forma, cujus ratione, initio quaeritur, an illa respectu dignioris & sequioris sexus debeat esse distincta? Nota lex Dei est Deut. 22. 5. *Ne esto instrumentum virile super feminam, neque induito vir vestem femina: nam abominationi est leboya Deo tuo, quisquis facit ista.* Cui consentit Synodus Gangrensis, quæ can. 13. anathemate ferit mulierem, quæ fuerit *usa vestimentis virilibus*. Cæterum de lege Dei, non omnium idem est iudicium: multi censent eam Ceremonialem esse, ac proinde respicere solos Judæos. Placet hoc quoque τὸ πρῶτον D. Salmasio, qui ita in Tract. de Coma pag. 585. *Hæc lex (inquit) ex jure Gentili Hebræorum per Moysen dato descendit, non ex naturali. Non amplius in usu apud eos erant pelliceæ vestes, quales primis hominibus Deum ipsum fecisse, ille ipse Moyses scripsit. Ipsa sane natura satè distinguit utrumque sexum, sed aliis rebus quam vestium ornatu diverso, aut comæ cultu disparili.* Dissentit Franc. Junius, qui l.d. dictam legem ad jus naturale refert. Cui priusquam respondeo (siquidem Salmasii sententia omnino probanda) aliorum sententias referre convenit. Ergo Ambrosius,



fius, exemplo Clementis Alexandrini, legem hanc mystice interpreta-  
tur. Sic enim lib. 4. Epist. 15. *Arbitror* (inquit) *quod non tam de veste,*  
*quam de moribus, dixerit hæc lex, vel de usibus atque artibus, quod alius vi-*  
*rum, alius sceminam deceat actus.* Josephus lib. 4. Orig. cap. 8. ad disci-  
plinam militarem refert. Quomodo & Paulus Fagius hoc loco in Pa-  
raphrasi Chaldaica annotavit, duntaxat vetari, ne mulieres cum viris  
proficiscantur in militiam, more Orientalium populorum; aut ne se  
exponant periculo pudicitiae, neve cetera virorum officia obeant, sed  
familiam curent: quanquam ibidem alias quoque interpretationes re-  
fert. Joannes Seldenus vir doctissimus, Judaicorumque rituum consul-  
tissimus, in libel. Aureolo de DIs Syris Syntag. 2. c. 4. adducta autho-  
ritate Maimonidis ex More Nebochim, trahit ad idololatriam Pagani-  
cam, qua viri in honorem Veneris vestes muliebres inducebant, & vice  
versa mulieres in honorem Martis arma vestesque viriles. Alias vox  
Ebræa *Celi*, quæ ibi occurrit, non modo hoc loco, verum alibi quoque  
à LXX. Interpretibus redditur per *τὴν αὐτὴν*, sive *ἀγγελίαν*; licet sæpe quo-  
que notet vestimenta, atque hæc significatio, quæ placuit etiam Inter-  
pretibus Belgis, commode præsentī loco aptari possit, quum proxi-  
me sequatur vox *Simlath*. Nec tamen propterea hæc lex definit esse  
Cæremonialis: salvo siquidem aliorum judicio, putem hanc ipsam le-  
gem comparandam esse cum legibus Dei, Lev. 15. vers. 15. & seqq.  
ubi agitur de viro gonorrhæa laborante, & scemina menstruata. Cum  
uterque enim quæ mas, quæ scemina quoque, immundam redderet non  
modo vestem, sed cubile quoque, in quo jacuerat; nã quis potuisset  
facile impurus reddi, ignarus alterutrius infirmitatis, si promiscua ve-  
stium permutatio fuisset concessa. Ut vero interdicto de gonorrhæa &  
menstruis, Judæi admonebantur de castimonia colenda in ipso ma-  
trimonio; ita comminatio addita legi de vestibus non commiscendis,  
ostendit, quam serium Deo hoc interdictum sit. An vero interdictum  
hoc, mysterii quid circa Christum innuerit, postea liquere poterit.  
Quæ interim contra rationem, quam duntaxat probabilem conjectu-  
ram habere volui, (quam multa circa explicationem Scripturæ non  
compellimur ignorare?) pag. 197. Reyneffius adducit, hætenus me  
movere non possunt, ut sententiam mutem. Dicit quidem 1. *Vir quo-*  
*que viri, & mulier alterius mulieris vestem induere non debuisset, ibi enim*  
*idem est periculum.* Concedo totum; hoc enim colligere est ex lege  
Lev. 15. Pergit (2.) *tum vir mulieris (inquit) vestem tangere non debuisset,*



non enim induendo, sed & tangendo polluebat se. Imo, ut tangendo polluebat se, sic Deus pronunciat Deut. 22. 5. *abominationi sibi esse eos, qui diversi sexus vestimenta commiscant.* Quod enim iniquationis periculum subesset, Deus, ut ostenderet, populum suum ne quidem immunditiei periculo se exponere debere, legem hanc tulit. Quod vero profanum foret, eas vestes induere, quas non licebat tangere, Deus voluit severam hanc comminationem Legi suæ superaddere. Instat Reynessius: *Tum, 3. viro lotas mulieris vestes induere licuisset, & viceversa, mulieri virorum; tum enim erant pura.* Sed sciendum est, virorum gonorrhœam & mulierum profluvium provenisse à morbo: quum, pro menstruo, velut ordinario profluvio, mulier solemniter non expurgaretur. Quod ergo uterque, qua mas qua fœmina incerti forent, quando obvenire posset hæc ex morbo infirmitas, cessat Reynessii cavillatio. *Tum 4. maritus (inquit) suæ uxoris, quam sciebat menstruo non laborare, & uxor sui mariti, quem sciret non laborare gonorrhœa, vestimenta induere potuisset.* Jam responsum est: lex non tam respiciebat menstruum mulieris profluvium, quam morbidum. Quod ergo qua maritus qua uxor incerti essent, paroxysmi, Deus quam severe vestium permutationem prohibuit. Deniq; sic loquitur: *Et, 5. permutatio vestium saltem ante maturam ætatem licita fuisset.* Aliquid esset, si, ratione singulorum hominū pubertatis initium eadem temporis periodo definitum foret. Sed quam natura (loqui ita fas sit) ratione non modo marium, sed & fœminarum hic sit ludibunda, in vulgus quoque notum est. Eoque Deus, ut quam serium munditiei studium populo suo commendaret, strictas & severas hæc leges tulit. Quarum scopum si intuear, impetrare à me non possum, ut hæc sententiam mutem.

III Nec contrarium suadere possunt rationes, quas habet ὁ μέγας & alias, D. Franc. Junius in Analyti hujus loci. Initio sic loquitur: *Qui putaverunt præceptum esse ceremoniale, ii profecto causam (ut vocant) fundamentalem hujus ceremonie non adferunt, qua certo constare possit, &c.* Resp. Rationem sufficienter nos adduxisse credimus, quam putamus hæc sufficere debere. Pergit: *Naturalis honestatis censendum est, quod hic dicit Moses, nec virilia instrumenta mulieribus aptanda, nec viris maliebria: quia ementiuntur naturam, & honestatem naturalem oppugnant, qui tantum sibi auctoritatis tribuunt, ut sexus discrimina confundant sive serio sive joco fiat & histrionice.* Resp. Lubens do, ipsum quoq; Clementem Alexandrinum lib. 3. Pædag. cap. 3. sic loqui: *Turpissimum profecto*



fecto fuit existimatum, non apud Romanos tantum, sed & in Græcia & apud alias quoque, licet barbaras, nationes antiquitus, si viri muliebres vestimentum assumerent. Sed, quod pace Scriptoris *περὶ μαθημάτων* dictum sit, fallitur hic Clemens non una vice. De Romanis fateor, aliquando apud eos fuisse conjunctum cum turpitudine, non modica sed enormi, si vir indueret vestes muliebres, (probat P. Faber lib. 1. Semestr. cap. 15.) atque Romæ meretricibus probri loco datam fuisse togam, jam olim à viris doctis observatum fuit. Interim nego idem obtinuisse in Græcia. Pallium viris & fœminis commune fuisse, vel ex Diogene Laërtio constare potest, qui refert, Xantippen cum pallio sui Socratis consuevisse in publicum prodire; atque cum Christiani Romæ quoque nexu mancipioque pallium sibi vindicassent, fœminæ eorum eo quoque uti instituerunt, ut supra *ὅς ἐν παρόδῳ* ex Paulino me observasse memini. velabant vero illo caput. Hieron. Ep. 12. Solent quadam, cum futuram virginem sponderint, pulla tunica eam induere, & survo operire pallio, auferre linteamina. & Epist. 8. ad Demetriadem: *Vili tunica induitur, viliori tegitur pallio.* Ambros. porro d. l. suam ætatem respiciens, notat, Græco more influxisse, ut fœmina virilibus quasi succinctioribus tunicis uterentur. De Barbaris vero testis est Julius Pollux lib. 7. Onomast. cap. 2. *ὅτι οἱ βαρβάροι καὶ ταῖς ἀνδρογυναικείαις τῶν ἐσθῆτων ἔχουσιν:* quod & barbari etiam muliebribus vestibus delectarentur. Et speciatim de Germanis Tacit. libel. de Morib. German. cap. 10. *Nec alius fœminis quam viris habitus.* Hæc cum ita se habeant, argumento sunt (ut pro meis adoptem verba D. Salmassii lib. de Coma pag. 588.) *discrimen hujusmodi non à natura descendere, quoniam non sit omnium gentium. Quæ apud alios erunt muliebres, apud alios viris convenire videbuntur. Longæ vestes putantur mulieribus magis accommoda. Totus Oriens vestifluus muliebriter quasi amicitur.* Interim in honestatem peccarit, quisquis cum Clodio voluerit habitum alterius sexus induere, ut aut commodius & tutius satisfacere possit suæ libidini, aut alii alicui sceleri vacare. Ne dicam manifesto periculo, se qua mares qua fœminas exponere, quando cum veste videntur sexum mutasse. Atque sic hunc locum intellexit in Notis Munsterus: *Si mulier (inquit) sese misceat inter milites ad bellum procedentes, exponit se periculo magno violanda pudicitia. Idem sentiendum de masculo. Nihil igitur aliud hic præcipitur, quam ut mulieres & viri distinctas habeant vestes, & occasio tollatur multorum malorum.* Quanquam, boni publici causa, à lege hac licuisse recedere ipse D. Junius fatetur: huc

Bbb

enim



enim spectant hæc ejusdem verba : *Sin honestas hæc cum publica utilitate concurrat, aut cum gravi ulla necessitate privata aut publica, tum publicæ utilitati & necessitati honestatem oportet cedere.* Exempla varia habet Camerarius Cent. 2. cap. 39. & 41. & Centur. 3. D. Junio unus adhuc aries reliquus, ita enim deinceps : *Huc pertinet ratio, quam adducit Moses, quum pronunciat, quisquis facit ista, eum esse abominationi Jehovæ Deo nostro : tanquam si diceret non posse non abominari Deum homines ejusmodi, qui naturam naturalemque honestatem & ordinem ita conturbant.* Sed, ex hac ipsa clausula Seldenus contendit, ritum aliquem profanum, seu Idololatricum vetari ; quod talis comminatio plerumque spectet in *S. literis idolatriam.* Quod & certissimum ; nam Idolatriam abominationi esse Jehovæ, patet ex Deut. 7. 25. & 12. 31. & 17. 4. & 27. 15. Ps. 104. 40. aliisque locis. Interim mandatis ceremonialibus quoque similis additur comminatio : *Ne mactato Jehovæ Deo tuo bovem aut pecudem in qua sit vitium, res ulla mala ; nam abominationi Jehovæ Deo tuo est,* Deut. 17. 1. Quod videret Reynessius, D. lunij rationes minus sufficientes esse, atque fateri deberet, nos convenienter iis occurrisse, pag. 195. novas rationes excogitavit, quo posset evincere eam pertinere ad Leges naturæ. Primo ita argumentatur : *Lex hæc nullum habet respectum ad Christum venturum, ut omnes ceremoniæ.* Col. 2. 16, 17. Quando dicit Apostolus l. d. occasione dierum festorum, quod fuerint umbra futurorum, at corpus Christi : non hoc vult innuere, omnes veteris Testamenti ceremonias, præcise Christum respexisse & in illo completas fuisse ; sed pertinuisse partim ad Christum, ut ab eo complendas, partim ad Ecclesiam ipsius, & conditionem ejusdem. Unde & Paulus legem (Exod. 12. 15.) de non comedendo fermentato pane septem primis Paschæ diebus, applicat ad fideles, quando dicit 1. Cor. 5. 7. *Expurgate vetus fermentum, ut sitis nova conspersio, &c.* Atque sic veteres, explicantes legem Ceremonialem, moralem significationem passim consueverunt in suis Commentariis. Eoque dicere possumus, sufficere, si lex hæc Ceremonialis aliquid adumbravit, quod sive ad Christi Ecclesiam, sive ad membra illius pertineret. Hugo Cardinalis in Glossa huc trahit præceptum Apostoli 1. Tim. 2. 12. *Mulier docere non permitto :* & forte non incommode. Quid si dicamus quoque, Christi personam, quæ duabus subsistit naturis, per hanc legem quadantenus adumbrari. Ut enim secundum Divinam naturam (quemadmodum Patres loquuntur) est *ἀνθρώπος*, & secundum humanam



nam *amirag*; ita is, qui ut mediator quid participat de utroque quasi sexu, &que inconfusas tamen has naturas sustinet, atque in Israël inconfusa esse debebant marium & sceminarum vestimenta. Secundo sic instat: *Christus nec vita nec morte implevit hanc legem, ut quidem omnes caeremonias*. Difficile fuerit Reynessio probare, omnes caeremonias Veteris Testamenti Christum in sua propria persona implere debuisse: nec hoc ullibi Scriptura docet. Interim lubens do, recte colligi ex loco Col. 2. 17. omnes caeremonias velut umbras, post exhibitum Christum, tanquam corpus, cessare debere. Sed simul hinc colligo, legem hanc ut Caeremonialem, non posse amplius obstringere nos Christianos sub N. T. Tercio sic progreditur: *Natura docet hanc legem, itaque caeremonialis non est*. 2. ad Cor. 11. 14. 15. Quum tota hæc argutatio Reynessi, quam prolixè deducta pag. 196. nitatur falsa Glossa loci 2. Cor. 11. & nos supra quam prolixè locum illum examinaverimus, verbum hic non addo. Quarto & postremo ita insurgit: *Pericula hanc legem exigunt, mox enim horrenda sequitur confusio, si eodem vir & scemina utatur vestimento, &c.* Quasi vero natura, aliis characteribus, velut genitivis notis, quam vestibus, non distinxerit mares à sceminis. Ut periculorum horum Reynessius posset esse securus, supra abunde providimus.

Ut ergo concludam, si per morem regionis, maris & sceminæ vestes IV. indiscretè fuerint, absque conscientia scrupulo consuetudini illi accedere poterit Christianus. An vero in comœdiis, vestium permutatio institui queat, alibi inquiram. Hic solum ingenue profiteor, me non videre, quomodo viri quidam graves eo maxime nomine abrogata velint Spectacula, quod in iis per vestium confusionem jus naturæ violetur, non cogitando legem, quam proponit Moyses, esse Caeremonialem.

Deinde, occasione formæ, quæ vesti aptari debet, quæritur, an illa V. vernacula & quasi propria cuique genti debeat esse, ut nihil circa illam peregrini notetur? Affirmativa sententia pluribus, iisque non incelebribus Theologis jam olim arrisit, qui moti fuerunt loco Prophetæ Tzephanig, cap. 1. vers. 8. sic edicentis: *Et erit in die maculationis Domini, animadvertam in principes & filios Regis, & in omnes qui induti sunt indumento peregrino*. Cæterum inter ipsos Rabbinos, circa sensum huius loci non convenire, testis est R. David Kimchi, ad illum locum sic commentans: *Exponit Pater meus p. m. quum viderent aliquem, cui prevallere poterant, insigni veste indutum, eam rapiebant ab illo, & ipsimet induiebant*



bant eam. Sapiens vero Aben Esra exponit vestimentum peregrinum contra-  
 rie universo populo, via superbia, ne quis homo similibus vestibus indueretur.  
 Et sunt qui exponunt vestimentum, cultum idolorum: sic Ionathan & c. & c.  
 & omnes qui conveniunt ad colendum idola. Sunt praterea, qui exponant:  
 homines, qui volunt videri separati & sancti, induuntque vestem peregrini-  
 nam, quæ diversa est à veste aliorum hominum, ut alii queant eos agnoscere,  
 quod sint separati, interim via ipsorum sunt mala. Rabbiorum mentem  
 paucis proposuit Munsterus, in Notis Biblicis ad hunc locum, ita scri-  
 bens: Per vestitum extraneum quidam intelligunt eos, qui gestabant vestes  
 ab aliis sublatas. Alii exponunt vestes ad superbiendum factas. Sunt alii, qui  
 intelligunt Pharisæicos homines seu hypocritas, qui peculiari veste simulabant  
 se coram hominibus justos & sanctos, cum intra essent lupi rapaces. Prete-  
 rea, quum hæc conditio sit hominum in hoc terrarum orbe exulan-  
 tium, quin vix toto seculo elapso dominum mutant; Deo Opt. Max.  
 qui est cæli & terræ dominus, regna transferente, Dan. 2. 21. aliter vix  
 fieri potest, quin oboriatur quædam peregrini cultus necessitas, victo-  
 re aut præscribente habitum sibi vernaculum, aut ipsis victis, sive  
 subactis populis, quo placeant victori, ad hujus amictum se compo-  
 nentibus. Adhæc regiones, quæ mercatura florent, atque non minus  
 per suos cives longinquas regiones adeunt, quam ab incolis universi  
 ferme terrarum orbis frequentantur, ægre sibi cavere possunt, quin  
 peregrini cultus aliquid admittant, iis, qui ex longinquis regionibus  
 redeunt, habitum quem ibi assumpserunt, in patria quoque circumfe-  
 rentibus, quod cogitent eo redire, unde venerunt. Eoque si de pere-  
 grina veste præcedens locus sit intelligendus, cogitandum, eos, qui  
 hic arguuntur peregrini cultus, simul assumpsisse mores peregrinos.  
 Convenienter Junius & Tremellius ad d. 1. Omnibus delitiis & vanitati  
 student, palamque ostendunt in vestis exoticis moribus & vestibus. Specia-  
 tim, vestes peregrinæ hic arguuntur, quod arguerent collusionem  
 cum idololatriis, prout ostendit comparatio hujus commatis 8. cum  
 versibus 4. & 5. quibus Propheta antea idololatriam reprehenderat.  
 Consentit Hieronymus, qui licet allegorice totum hunc locum inter-  
 pretetur, ratione tamen habita sensus literalis, dicit: Et super omnes qui  
 induti sunt veste peregrina, hoc est, qui pro Dei cultu venerati sunt idola.  
 Quæ interpretatio in Scriptura quoque fundamentum habere videtur,  
 siquidem Ezech. cap. 23. vers. 15. Israëlitarum idolis Babyloniorum fa-  
 cientes, representantur in habitu Babyloniorum & Chaldeorum. Ver-  
 ba



ba ex versione Junii & Tremellii ita habent: *Videns homines expressos in pariete, imagines Chaldaeorum expressas judico, accinctos cingulo lumbis suis, redundantes coloris ad capita sua, specie ducum omnes: secundum similitudinem Babyloniorum, Chaldaeorum, ut in solo natali suo; amasiam egis cum eis.* Calvinus licet locum hunc intelligat de forma vestis, quam Propheta culpet ut peregrinam, in Exegesi tamen ostendit se aliter eam non insectari, quam quatenus aut sociam habet molliem, aut qui ea utuntur, intendunt placere peregrinis, qui sunt diversæ religionis. Operæ pretium fuerit ascribere integrum locum, qui ita habet: Contextus non patitur de aliis intelligere quam de aulicis hominibus, quoniam delitiæ magna ex parte erant in vestitu. Nam quod dicit Christus, experientia omnium temporum nimis verum esse docuit, qui mollibus vestiuntur in aulis Regum esse. Et probabile est, aulicos stulta affectatione subinde mutasse vestes: sicuti ubi homines sumtuosi videri appetunt, excogitant quotidie varios modos perdendæ pecuniæ. Etiam si plusquam oportet splendide vestiti fuerint, putant tamen fere hoc esse sordidum, gestare integro mense eandem vestem. Et quo magis appareat ipsorum prodigalitas, etiam mutant formas vestium: hæc affectatio hodie plus satis in mundo grassatur. Sed jam seculo Prophetæ, quantum conicere licet, etiam homines aulici, & qui in populo dominabantur, vestes ita mutabant, ut magis venditarent suas lautitias, & essent in admiratione apud simplices & miseros homines. Hæc autem ambitio non est simplex, sed simul trahit secum aliorum contemptum. Exprobrant enim hoc modo pauperibus divites, se solos esse dignos hac varietate & copia. Non sufficit quod & pro suo commodo vestiti sint, deinde accedit ad usum ornatus & splendor: sed libenter alios omnes nudarent & quia pudet hoc eos facere, tamen quantum in se est, supervacua copia jactant se solos dignos esse ornatu. Non mirum igitur est, si Dominus tam asperè illis minetur. Jam quum vitium hoc successu temporis minus auctum fuerit, notabilis est hic locus Prophetæ. Et quo magis luxuriant homines, & sese profundunt ad istam varietatem, quæ testis est superbix ipsorum, discamus restringere affectus carnis nostræ, ne ad immodicas lautitias transiliant: & qui opibus abundant, contenti sint tamen mediocritate, præsertim vero abstineant ab ista preposterâ affectatione, quam haud dubie objurgat Propheta. Potest tamen fieri ut tunc Judæi asciverint novas & insolitas vestium formas ex remotis locis: quemadmodum hodie Turcico habitu sese oblectant Galli, quia illis nimis



est commercii cum Turca. Sic etiam tum occupaverat animos illius populi perversa cupiditas, ut vellent Chaldaeos demereri, & quodammodo sibi familiares reddere similitudine ornatus. Et hoc potest colligi ex loco Ezechielis, ubi eos comparat vel scortis, vel stultis amatoribus. Quemadmodum enim scorta depingunt sibi amatores in parietibus, & idem etiam faciunt scortatores & adulteri: sic exprobrat Ezechiel Judæis, quod ita exarserint perverso studio ineundi fœderis cum gente Chaldaica, ut in cubiculis haberent depictas imagines. Non dubium est, quin etiam vestitum imitati fuerint, ut ostenderent se in maximis bonis deputare, si possent esse eorum amici & fœderati. *Hæc Calvinus.* At, redeundo ad formam vestis, illa sic cujusque regionis consuetudini respondere debet, ut simul exacta sit ad regulam frugalitatis, modestiæ, & vocationis, in qua unusquisque à Deo constitutus est. Nec tamen certo hæc definiri à quoquam potest. Consultum quidem est, moribus antiquis vivere, nescio tamen an prudens haberi debeat, qui voluerit aut vestitu Patriarchas exprimere, aut pallium suum exigere ad Pauli penulam. Convenienter D. Teelingius l. d. pag. 40. *Als een satsoen slechts nieu en ongewoonlijk is, soo is het onsfichtelyck. Dat yemant van ons sich nu vroude kleeden gelijck de Patriarch Abraham, of den Apostel Paulus sich magh gekleest hebben, het soude onsfichtelyck gevonden vverden. De gevvoonte vermach in dese materie veel, als slechts een satsoen niet en is veeltoych, noch lichtveerdich, so maeckt het de gevvoonte goet.* Consentit non minus Salmasius, quam distinctius hæc explicat, quando Epist. de Coma pag. 641. ita loquitur: *In forma non minus quam in materia vestium vulgo peccatur. Et nulla ferme est qua non argui queat vanitatis & ultra necessitatem superflui. Mos est, qui excusationem in talibus potest dare. Et cum tyrannus sit, quod plurimos vel omnes in eundem consensum trahat, eo mitius ac moderatius ejus imperium redditur, quod nisi esset, longe pejus de ista re in se consulerent homines, si omnes suo se arbitrio vestire cogerentur. Nec interim tamen eidem assentior, quando pag. proxima dicit: Sed cum homines ipsi mutant, & totus cum illis orbis, cum omnia vertantur, quid periculi est & vertumnos esse nos in vestibus? Imo, vir summe, periculi plurimum. Desultoria hæc levitas non solum injuria est locutis, sed plurimum quoque temporis in se convertit, quod alias nos redimere vult Apostolus, Ephel. 6. 16. Nec oportet, ut modo quoque ex eodem Apostolo notabamus, nos *ἀποκαταστήσω* huic seculo: quod faciunt, quicumque corporis sui habitum identidem componunt ad modum*



DE VESTIBUS, ET LUXU CIRCA HAS. 383

dum seculi, in horas mutari soliti. Sane, quicumque omni tempore solliciti sunt, ut vestes compositas habeant ad presentem seculi modulum, fere minimum temporis impendere solent ornatui interiori, atque raro cogitare, qua ratione se ornare possint *operibus bonis*: quod tamen tam expresse precipit Apostolus, 1. Tim. 2. 10. Quamvis, secundum Flaccum lib. 1. ep. 17.

*Omnis Arisippum decuit color, & flatus, & res.*

Non æque tamen hoc decorum est Christi discipulo, qui se exhibere non debet similem Chamæleonti. Quomodo vero malo huic endemio convenienter occurrere possit Magistratus, modo expendemus.

Ubi antea egerimus de vestium numero, cui Christianus quoque VI. studere non debet. Christus Matth. 10. 10. prohibuit quidem discipulis suis, *comparare duas tunicas*: cæterum duntaxat pro circumstantia illius temporis, quo illos ablegabat ad annuncian- dum Evangelium, doceretque, (ut recte observatum fuit à Chrysostomo) ut abdicata omni cura & sollicitudine rerum hujus seculi, præsertim vero superfluitate & luxu, se totos Divinæ providentiæ committerent, muneri- que suo omnibus animi viribus intenderent. Alias, ipsum Christum plures vestes, quam unicam tunicam habuisse, patet ex Joan. 19. 23. Paulum quoque præter vestes, quibus in peregrinationibus indutus erat, amplius *φελόν*, sive penulam, possedisse, ipse innuit 2. Tim. 4. 13. Atque ordinario Judæos tunica superinduisse pallium, colligere licet ex concione Christi, Matth. 5. 40. Ne dicam, Aaroni vestium synthesis à Deo ipso aptatam fuisse. Præterea, non est simpliciter illicitum, præter vestes quotidianas, alias habere, in arca reconditas, quæ per certam occasionem solummodo induantur. Vestes nuptiales memorantur, Matth. 22. 11. lugubres, 2. Sam. 14. 11. viduitatis, Gen. 38. 14. 15. militares, Jes. 59. 17. atque Simpson, dubio procul secundum consuetudinem in Israël receptam, triginta mutandas vestes ei promisit, qui ænigma à se propositum solvisset, Jud. 14. 13. Ergo interdicitur duntaxat ille superfluus vestium numerus, qui cum solam animi molliem moresque corruptissimos arguat, neque corpori munien- do servit, neque rei licitæ, atque in societate politica distinguendæ, levissimum indicium facit. Hunc luxum per Prophetam Jesaiam cap. 3. olim serio ipse Deus arguit: quem locum cum pathetice admodum vestium luxui moderno applicuerit D. Teelingius d. t. pag. 36. non pigebit exhibere verba illius, quæ ita habent: *De ommehanghselen onser klee-*



kleederen, als daer sijn Gordelen, Schoeriemen, Koufsebanden, &c. die moeten niet te over-tolligh sijn, die en behoorden ja niet meer te vreesen, dan de noot vereyscht. Iohannes hadde sijn kleed, ende sijn gordel, om dat op te schorten, ende dat vvast al: Soo desgelijcx den Vorst Eliakim, Esa. 22. 21. &c. Hier tegen sondigen de gene vvelcke daer so veel slockflackerijen om het lijf hangen: sy hebben Fardegalen, Porte-fraesen, Goude Naelden, Geseenten, Peerlen, haere gulden Braeletten, haere Poignetten, Onderkragen, lange Lobben, Kantten, haere Sluyers, Flitteren, Musscheliaet-knoppen, Brey-naet, Naelden-vverck, Passementen, Boorden, Koorden, Borduyselen, ende ick en vveet niet vvat ydelheden meer, so dat sy daer gaen, als met een heele Kraem op haer lijf, ende sijn so toegemaect, dat almen vvilde d'ydelheyd selve schilderen, men geen ander patroon soude hebben te soecken. Hier tegen vaert de Heere seer bestelijck uyt Esa. 3. ende vvil dat niet overlsen, noch verschonen, selve niet in de boosche lof-vrouwen, ende eedelse dochteren Zions; vvelcke het Paleys des Coninx vvas, 2. Sam. 5. 7. 8. 9. Quamquam vero ex his vestium appendiculis, quæ à Propheta commemorantur, quædam videri possent ulum habuisse, atque hoc hodie pretextatur vulgo ab hominibus huius seculi; eo ipso tamen reprehendi merentur, quod corpori aptentur, ideo, ut ei gratiam queant conciliare, aliorumque oculos in se convertere. Egregie Hieronymus Epist. de vetando Contubernio: Caliga (inquit) ambulantis nigella ac nitens stridore ad se juvenes vocat; papilla fasciis comprimuntur; & crispanti angulo angustius pectus arctatur; capilli vel in aures desluunt; palliolum interdum cadit, ut candidos nudet humeros; & quasi videri noluerit, celare festinat, quod volens detexerat. Et quando in publico, quasi per verecundiam operit faciem, lupanarium arte id solum ostendit, quod aperte ostensum magis placere potest. Nec minus eleganter quam vere Cyprianus de Discipl. & habitu virginum: Ornamentorum ac vestium insignia & lenocinia formarum non nisi prostitutis & impudicis feminis congruunt; & nullarum fere pretiosior cultus est, quam quarum pudor vilis est. In Apocalypsi cap. 17. describitur meretrix illa perditâ, cum qua fornicati sunt reges terre, amicta pallio purpureo & coccino, adornata auro & lapidibus pretiosis (hæc alias, ut supra notavimus, non sunt simpliciter arguenda, recte tamen notantur in Babylonica meretrice, quod, hoc habitu laboraret inescare incolas terræ) tenens poculum aureum in manu sua.

VII Interea tamen à supremis potestatibus huic in amictu luxui, velut endemio alicui morbo, occurrendum foret: maxime hoc agere deberent



rent moderatores Belgii foederati. Pro dolor! ad summum insolentia hæc inter nos accessit, atque præterquam quod Deum jam diu, ut ut longanimum, ad iram provocavit, amplius gravis est reipublicæ & familiis. Dum enim ancillæ ipsæ, curti sui census ignaræ, filias-familias æmulari student, atque hę patrimonium instar Biantis secum portant, parentes comedunt, obstrictis eorum nominibus non modo mercatoribus pannariis, verum sartoribus quoque & compticibus, à quibus quotidie secundum omnigenos modulos deformantur, cum se ornari quam cultissime existimant. At, si hac ratione privatum parvum reddatur, quomodo commune magnum esse poterit? Remedio opus esse, omnes judicant: quale vero esse debeat, prudentissimi quoque ambigunt. De legibus vestiariis multa à multis dicta sunt; sed, quum nulla lex unquam tam circumspecta sit, ut non in illius fraudem plurima facta fuerint, haut video, quomodo sufficiens remedium à legibus ejusmodi sperare liceat. Et tamen remedio & quidem tempestivo opus est, quod quicunque reipubl. huic liberæ præjudiciosum esse censent, ne de libertate judicant pessime; siquidem licentia, libertatem ut plurimum mentiens, neque conflare debet cum Dei legibus, neque ulla ratione gravis esse saluti qua publicæ, qua privata. Quinque quę hic suadeam, duntaxat occurrunt. Quælicet forte ludibrio quibusdam sint futura, tamen proponam. Initio offerunt se illi, qui in illustri fastigio positi sunt, quorum vita ut debet censura esse; ita eorundem exemplum ad formandos subditorum mores maximum momentum adfert. Si ergo hi præsumpserint, in cultu corporis quam morose attendere ad frugalitatem, modestiam, gravitatem, & constantiam; atque ad easdem regulas strictissime exegerint universam suā familiam, subditi, qui perpetuo magistratus in oculis habent, erubescant provocare illos, quibus, ad conciliandam auctoritatem, ipse Deus conspectiorem cultum assignavit. At, quid quotidie in hęc provinciis (deplorandum hoc cum maxime) fieri videmus? Ubi primum dignitas aliqua, sæpe aut per ambitum, aut fato Metelli, viro alias mediocri aut novo, contigerit, universæ familię facies mutatur. Uxor, liberi, non modo affectant habitum nobilium, verum etiam generosorum, & Illustrium; atque, quicquid otiosorum hominum petulantia quotidie pro innovanda forma vestium linearum, lancearum, & sericarum excogitat, secure imitantur, *modos*, quos crepant assiduo, non ad patrimonii modulum, (hic sæpe vix modicus) sed ad præsumptæ vanitatis (conceptę

Ccc.

circa



circa paternam dignitatem) regulas exigendo: Paterfamilias (qui, si hisce ineptiis se non oblectet, ad illas saltem connivet) dum videt se parem non esse sumptibus, qui suis in ædibus fiunt, subsidium quærit à suo munere; at neque hujus modica emolumenta alendæ tantæ vanitati sufficiunt: Ergo quæstui haberi resp. incipit; munera contra juramentum, quod præstitum, accipiuntur; peculatu maculantur manus & conscientia; factiones in repub. aluntur; novorum negotiorum delegationes excogitantur; in summa ea fiunt, quæ arguere solent reip. corruptissimam. Utinam vero horum omnium malorum fomes quam primum tolleretur, atque de eo tollendo, serio cogitarent illi, qui non minus disciplinam domus suæ, quam reip. salutem sartam tectam præstare debent. Secundo loco cogitare hi ipsi Patriæ Patres deberent, harum regionum salutem magnam partem consistere in artibus mechanicis, maxime operibus illis, quæ texturæ subsidio conficiuntur, quæ uti jam olim per universum terrarum orbem solita sunt distribui, ita hisce regionibus singularem existimationem procurarunt. Sed, ex quo luxur circa vestitum prædominari cœpit, artifices operum linearum, laneorum, & sericorum pariter servire instituerunt hominum corrupto judicio, atque merces suas ita adulterare, ut non modo panni in his regionibus confecti, alibi, velut modis multis corrupti, pessime audiant, verum etiam infimi ordinis homines in holoserico se ostendant, quod, per mangonium multiplex, illud haut multo majori pretio comparari queat, atque vulgaris pannus. Eoque, opera per magistratum danda esset, ut operum textilium constituerentur accurati censores, qui quam diligenter curarent, ut, tum ratione formæ, tum materiæ, & textrina, non nisi probe exalciata hæc ipsa prodirent; quo grandiori eorundem pretio inferioris sortis homines tam deterrentur, quam exteri invitarentur, ad hæc ipsa opera expetenda, non quidem in usus vulgi, sed illorum, quibus initio destinari solent. Quum vero reip. per tributa, quibus nulla ratione hæc ipsa carere potest, sit succurrendum; ut non opprimantur tamen tenuiores, sed, quantum fieri possit, subleventur; tertio res pretiosiores, quibus, ad luxum vestiarium, homines vulgo abuti solent, majoribus oneribus gravandæ forent, quo tum multi deterreantur ab iis comparandis, tum etiam ærario consulatur: cumque nulla tributa magis, quam hæc ipsa, quæ pro pannis solvuntur, interverti in Belgio soleant, deliberandum serio foret de mediis, per quæ omnes fraudes, multiplices sane, præcaveri possint.



possint. Ne quoque circa gemmas & margaritas, suas fortunas (ut hodie in his provinciis fieri videmus) ipsi ex plebe homines dilapident, tributi nomine, ab emptoribus tertia pretii pars, venditoribus soluti, amplius ærario pendi deberet, constitutis exploratoribus, qui non minus ad contractus gemmarios attendant, quam ad eos, qui in suos usus monilia comparare instituerint. Quod vero experientia doceat, propterea quamplurimos luxuriosius se amicare, quod merces lanceas, lineas, & sericas ab institoribus die cæca emere possint; *Quarto* ratione pannorum & ornamentorum pretiosorum, quæ non oportet vulgaria esse, statui deberet, non audiendos esse institores mercatoresque, si in diem has suas merces vendiderint illis, qui in proprios usus easdem convertere voluerint; relicta mercatoribus credendi licentia, duntaxat circa magnariam venditionem, factam propolis, atque illa, quæ necessarii solummodo usibus destinata sunt. Petulantia vero hominum in mutanda forma vestitus, quæ, ratione pileorum & calceorum quoque, admodum desultoria & ferme intolerabilis est, *Quinto* in ordinem redigi & frænari poterit, si modo probe ordinatæ fuerint opificum tribus, speciatim sartorum, sutorum, pileonum, phrygionum, & nodulariorum, conveniatque inter Curatores earundem, (qui & in protectione Magistratuum esse debent) de tolerandis nullis, nisi qui sancte promiserint, se religiose leges tribuum, in quas adoptati fuerint, observaturos esse. Inter has vero leges sit hæc prima, circa formam vestitus nihil mutandum esse, nisi suffragio contribulium: in mutationem vero haut facile veterani consentient, quod, alias per omnem ætatem, discipuli esse debeant, quotidie ex Gallia redeuntibus novis opificibus, suæ simplicitati ad mores antiquos compositæ, confundendæ studentibus. Idem observari deberet circa sartrices, linteam supellectilem tractantes, atque complices alias, quæ per ingenium suum, circa novarum formarum excogitationem perpetuo occupatum, quæstui non modo habent scemineam petulantiam, verum exenterant quoque loculos patrumfamilias, quod hi, ut domi omnia tranquilla sint, cogantur ut plurimum muliebri impotentia obsequi.

Utinam vero quanto ocyus supremæ in Belgio potestates hic evigilarent! Venimus ad summum. Et petulantia infimæ quoque plebis, circa vestium desultoriam atque sumptuosam levitatem, ipsi reip. gravis est. Nam 1. quum intersit reipub. subditos locupletes habere, per hunc luxum, dum alter alteri non vult cedere, non modo mediæ



conditionis familiæ, sed splendidiore quoque, ad incitas rediguntur. 2. Ex sequiori sexu, ut corpore quæstum faciant, multis hæc ipsa petulantia suadet. Dum enim desperant de splendidiore cultu, per bonas artes consequendo, scortatorum libidini semet velut victimas offerunt, quò in publico cum suis vestibus se ostentare queant. 3. Ancillæ, quomodo heris suis quid intervertere possint, noctes atque dies meditantur; quod ex annua mercede eum corporis ornatum consequi non possint, quem æqualibus invident. 4. Non modo cives mediocres versuram facere coguntur, sed & primariis familiis oriundi nobiles, dum nomina faciunt apud mercatores pannarios, sartores, sutores, comptores, comprices, &c. Quando vero contingit, illos fortunis suis excuti, non modo multi boni viri solutione sua destituuntur; verum, qui per luxum vestiarium ad pauperiem redacti sunt, sæpe notantur graves esse diaconis, aliisque pauperum curatoribus. 5. Per hunc luxum ordines in repub. confunduntur, quos tamen distinctos esse convenit. Dum enim alter alteri circa cultum non vult cedere, superiores ab inferioribus, nobiles ab ignobilibus distingui non possunt, quos tamen discretos esse oportet. 6. Sed, quod dolendum maxime, quum ab utroque sexu, ab omnis ordinis hominibus, ab omni ætate, in hoc fœderato Belgio adeo impense cultui studetur, virtuti, &, quod caput, pietati non litatur. Evigilent ergo tandem supremi reip. moderatores. Et, quod hætenus putarunt non coërceri posse malum, adversus illud in præcedentibus expedita remedia proposita esse deprehendent.

IX Quæcunque autem hætenus disserui de vestimentis, & ratione compescendi eorum luxum, subjecta sint iudicio eorum, qui sensus non minus habent exercitatos ad discretionem boni & mali, quam inter judicandum affectibus suis moderari possunt. Atque, ne quem forte male habeat, quod legem Deut. 22. ceremonialem esse velim, rogo eum, antequam me damnare instituat, rationes, quas adduco, expendat: quas si quis distinctius consideraverit, videbit, quam convenienter legem illam adduxerint Philo Judæus lib. de fortit. Josephus lib. 4. Antiq. cap. ult. & Cyprianus Ep. 37. Nec eum offendet magnopere Canon. 13. Synodi Gangrensis, in quem supra quoque digitum intendebamus, ira enim Latine habet: *Si qua mulier, propter eam, quæ existimatur pietatis exercitationem, vestem mutet, & pro solita veste muliebri, virilem sumat, Anathema sit.* Quanquam neque hic Canon simpliciter arguit mulierem, virilem habitum induentem, sed si hoc faciat. *Ag.*



τοῦτο ποιεῖν δὲ οὐκ ἔστιν, ut Græca verba habent. Certe, si hæc lex debeat cenſeri moralis, atque ſecundum literam intelligi, omnes marium & mulierum veſtes, ſi non materia & forma ſimul, ſaltem hæc ſola differre debebunt: quod tamen nunquam in ulla gente uſitatum fuit, ne quidem apud ipſos Romanos. Nonius Marcellus, de genere veſtimentorum agens: *Togis*, inquit, *non ſolum viri, ſed etiam ſœmina utebantur.* Ulpianus leg. 23. ff. de auro & arg. leg. *Veſtimenta* (inquit) *omnia aut virilia, aut muliebria, aut communia, aut familiaria. Communia ſunt, quibus promiſcue utitur mulier cum viro: veluti, ſi ejuſmodi penula palliumve eſt, & reliqua ejuſmodi, quibus ſine reprehenſione, vel vir vel uxor utatur.* Nec aliter receptum fuit in Græcia. Suidas in dictione *Theramenes*, *cothurnum*, ait, *tam viris quam ſœminis communem fuiſſe.* & Julius Pollux lib. 7. Onom. cap. 13. commemorat veſtimenta, quibus mulier cum viro promiſcue utebatur. Atque ſi percurrerimus omnes gentes, idem cognoſcemus. Ergo hæcenus maneo in mea ſententia, legem dictam habendam eſſe cæremonialem. Sed ſatis de veſtibus.

## EXERCITATIO XXVI.

DE

Denudatione colli, partiumque  
vicinarum.

1. *S*tatus controverſia deſinitur.
2. *S*pleraſque gentes, varias corporis partes non texiſſe, oſtenditur.
3. *O*mnia corporis membra non ſunt aque probroſa, ut tegi debeant.
4. *T*ertullianus prævit Doctõribus Præciſiſtis.
5. *R*eſpondetur ad locum 1. Cor. 11.
6. *A*tteni hic debet loci conſuetudo.
7. *O*ccurritur ſpeciatiim iis, quæ contra uberum denudationem, ex more gentis alicubi receptam, attulit Reyneſius.

**S**uper eſt, ut hæc Exercitatione agam de denudatione colli, & vicinarumque partium, frequentari à ſexu ſœmineo alicubi ſolita. D. Voetius part. 3. Diſp. Quintæ de Excell. Mundi, Th. ult. eam naturæ adverſari exiſtimat, quod hæc doceat, talem impudentiam, laſciviam, & lenociniam non decere pudorem, modeſtiam, & gravitatem ſœminei ſexus; eoque arguit ſerio Alſtedium, Theologum alias Orthodoxum, quod aſ-



lentiendo Azorio in Theologia Casuum, hæc habeat: *Femine possunt gestare nuda pectora, aut uti veste adeo tenui, & pellucida, ut pectora sint perspicua: si hoc sit more receptum in aliqua provincia.* Sed, ut fatear, quod res est, non video equidem cur scuticam promeritus sit Alstedius. Ne vero aliquis ansam calumniandi inveniat; hætenus assentior D. Voetio, censuram, eamque gravem mereri illas, quæ aliud suadentibus consuetudine & Genio regionis, cælique facie, circa hanc ordinario occurrente, partes collo propinquiores non modo denudant, verum etiam omnigenis lenociniis colorant & adulterant, fautoresque mundi, filia primogenita diaboli, cenferi debere, qui hoc in filiabus suis, viventibus in his regionibus, tolerare possunt. Eoque probò, quæ Reynessius conscribillavit. pag. 199. & seqq. pro exaggeranda hac petulantia foeminarum, alium in finem mamillas nudatas non ostentantium, quam ut sint incentiva libidinis. Interea tamen ratione omnium locorum, idem non est censendum, nec existimandum, adversari naturæ omnium populorum, quod non convenit aliquibus gentibus propter suum solum & cælum; aut adversari naturæ hominum in communi consideratorum, quod indecorum est sexui foemineo, speciatim virginibus. Prout hætenus recte statuere videtur Alstedius. Nautæ nostrates toto ferme pectore nudato incedunt, à primis annis ad hoc assuefacti; quibus nemo tamen propterea censuram destinaverit, quod villosa eorum pectora libidinis incentiva cenferi haut mereantur. Hoc non carere crimine, putat Reynessius, pag. 200. sed quomodo probabit? Nec tamen, ut *συκοφανσι* Reynessius, à nautis (an aliter illi pectus detegant, quam lascivæ quædam apud nos foemine, cum Reynessio tam accurate non attendi) argumentor ad foeminas idem facientes, præter consuetudinem loci. Quum ostendere solum velim, recte Alstedium monuisse, loci habendam esse rationem.

- II. Præterea de Foeminis cascorum Germanorum ita Tacitus cap. 17. libel. de Morib. Germ. *Femine (inquit) partem vestitus superioris in manicas non extendunt, nude brachia ac lacertos, sed & proxima pars pectoris patet.* Lacedæmone, ubi legislator agnoscitur sapientissimus ille Lycurgus, in pompis & ludis, tum pueri, tum virgines nude exhibebantur, atque mulieribus omnibus vestes citra genua finiebantur; quare & Julius Pollux illis tribuit *χιτώνας*. Atque, ne quis putet Lycurgum, velut bonum quem Homerum, quum ita scisceret, dormitasse, audiat Plutarchum, in vita illius, ita per interpretem loquentem: *Detractioni virgi-*



DE COLLI, ET PARTIUM VICINARUM, NUDATIONE. 38E

virginum nihil inerat obsceni, cum qua conjuncta verecundia erat, aberat libido: sed simplicem assuetudinem & studium boni habitus conciliabat, gustumque semina praebebat Spirituum non inertium, quod societate nec ipsa virtutis & gloria excluderentur. Imo, ipse Plato, sapientissimus alias legislator lib. 2. de LL. convenientiam ætatis ad matrimonia, definiri vult per judicem, nudos omnino mares, nudatasque usque ad pubem fœminas inspicientem. Hæc facti esse clamat Reynessius p. 201. cæterum adversari juri. Sed probatum hoc oportuit: quam ficulneæ enim sint rationes, quas in contrarium Reynessius adfert, postea ex earum examine liquere poterit. Interim, quod Plato sanxit, aliquando apud ipsos quoque Romanos, rigidos alias honesti antistites, receptum fuisse, ignorare nos non sinit ipse Justinianus Imp. in Instit. s. 1. *Quibus modis tutela finitur*. Miror vero, lcc. quoque eminentissimos, fidem sui Triboniani hic suspectare, quum multa fuerint apud Romanos recepta, quorum liquida memoria apud Scriptores non superest. Triboniano vindicando sufficit vel unus Quintilianus, qui Declam. 279. exhibens judicem, cognoscentem de pauperis filio, quo scelerate dives aliquis abusus fuerat, hæc inter alia habet: *Postea nudari filium, atque in conspectu judicum constitui coëgisset*. Dilutum vero est dicere, hoc à Rhe-tore esse confictum. Quasi vero, circumspcctissimus Fabius potius non respexerit antiquam consuetudinem. Præterea, quis putet frontem usque adeo periisse Justiniano, & Triboniano, (eam licet alias posuisse videantur, prout alibi ostendimus) ut ausi fuerint bis meminisse hujus antiqui ritus, (si credimus viris doctis) per somnium Tribonianæ um è Platonis republ. traducti, atque Romanis afficti? Ego certe, qui neque Jurisconsultus sum, neque Jurisconsulti filius, in animum meum inducere nulla ratione unquam potero, ut hoc credam: maxime cum ipse Imp. l. ult. *Cod. quando tut. vel cur. esse des.* gloriatur, quod refecerit indecoram observationem in examinanda majorum pubertate, & indagationem corporis inhonestam. Nec refert, inhonestam ab Imperatore (cui nos libenter accedimus) censerî talem corporis denudationem. Olim secus videbatur Romanis, alium adhuc olentibus, & rigidioribus moribus præditis. Sed his missis, tota ferme Africa, & America, major Asiæ quoque pars, adhuc hodie sic amicitur, ut utriusque sexus ratione, totum ferme pectus & collum nuda prominent.

Verum quidem est, à lapsu probrosam in homine esse nuditatem, III. at non pariter omnium membrorum ratione. Membra, in quibus le-dem.



dem quasi statuerit pudor, tangit Augustinus lib. 14. de Civit. Dei cap. 17. Ex hoc omnes gentes, inquit, quia ab illa stirpe procreata sunt, usque adeo tenent institutum, pudenda velare, ut quidam Barbari illas corporis partes nec balneis nudas habeant, sed cum earum integumentis lavent. Et paulo post de Gymnolophistis: Per opacas quoque India solitudines, cum quidam nudi philosophentur, unde Gymnosophista nominantur; adhibent tamen genitalibus tegumenta, quibus per cætera membrorum carent. Atque hinc passim nuditas, & caro nuditatis in Scriptura pro pudendis accipitur. Exempla occurrunt Gen. 2. 22. 1. Sam. 20. 30. Lev. 18. 6. & seqq. Ez. 22. 10. Exod. 28. 42. Extremo vero furore correpti fuerunt Adamitæ, cum non modo cætera corporis velamina, verum etiam illa, quibus *τὰ ἀνδρῶν* contegi solent, abjicerent. Homericus Ulysses Iliad. Z. nihil æque probrosum viro existimabat posse accidere, quam totum γυμνῶσθαι, seu nudari: unde, haud absque ratione, Adamianos talpis cæciores esse pronunciat Epiphanius lib. 2. Hæres. 52. Julianus & Pelagiani reliqui, cum negarent peccatum originale, negabant quoque genitalia inhonesta esse, & comparabant reliquis membris. Unde ita Julianus apud August. lib. 4. contra Julianum cap. 16. Sic enim nostra membra sunt formata, ut alia verecundia, alia libertate gauderent. Sed valide eum reprimat Augustinus per Historiam Genesios. Respondet quidem Julianus, non impudentiam, sed inscitiam in causa fuisse, cur primi parentes se non tegerent. Nam ad solertia humana operam, ut se tegerent, agebat, quæ nondum in illis erat. At, hoc merito deridet Augustinus lib. 5. contra Julian. cap. 2. Inde enim fit consequens (inquit) ut ante peccatum inertes, peccato autem factos credas esse solertes. Nam illico post peccatum, consuerunt folia ficus, & fecerunt sibi perizoniata. Obiciebat præterea Julianus, membra, quæ à nobis teguntur, etiam si ad ea, propter peccatum nec erubescamus, adducebatque Balbum, qui apud Cicer. lib. 2. Nat. Deorum, dicit, in corpore nostro loca digestionis remota fuisse à sensibus, quod, ut dicit Augustinus lib. 5. contra Julian. cap. 8. verum quidem est, quia sensus nostros ea qua digerimus, non alligant, sed offendunt. Propterea, pars, qua egeruntur, naturaliter aliis partibus extrinsecus prominentibus occultatur. Eoque pars infimæ sedis, solummodo quia inamœna est, occultatur. Egregie idem Augustinus lib. 4. contra Julian. cap. 12. Alia sunt (inquit) qua honorem ingerunt sensibus, quod deformia sint; alia quæ pudorem mentibus, etiam si formosa sint. Quia illa offendunt delectationem, commovent autem ista libidinem, vel



vel libidine commoventur. At hic ipse Augustinus, qui pudori & continentię contra Julianum constanter patrocinatus est, neutiquam tamen pudorem offendit aut in collo, aut in pectore.

Tertullianus Montani deliriis effascinated, ut pręvit, quemadmo- IV.  
dum alibi docet, Pręcistis nostris, ita non modo fęminas, sed, & virgines videri potest velari voluisse, non modo colli & pectoris ratione, verum toto capite, in lib. de velandis virginibus: in quo licet sollicitet Scripturam, naturam, & jus Gentium, more tamen hominum nostrorum toto calo errat. Miror interea, cur hi ipsi non audiant Doctorem suum. Certe hac pathetica oratione, elegantiam Africanam spirante, obsignat illum libellum: Oro te sive mater, sive soror, sive filia, virgo, secundum annorum nomina dixerim, vela caput. Si mater, propter filios: si soror, propter fratres: si filia, propter patres: omnes in te ætates periclitantur. Indue armaturam pudoris, circumda vallum verecundię, murum sexui tuo strue, qui nec tuos emittat oculos, nec admittat alienos. Adimple habitum mulieris. Ut statum virginis serves, mentire aliquid ex his quę intus sunt, ut soli Deo exhibeas veritatem, quamquam non mentiris nuptam. Nupisti enim Christo: illi tradidisti carnem tuam, illi sponsasti maturitatem tuam. Incede secundum Sponsi tui voluntatem. Christus est, qui & alienas sponfas & maritas velari jubet, utique multo magis suas. Sed & vos admonemus alterius pudicitię mulieres, quę in nuptias incidistis, ne sic à disciplina velaminis exolescatis, ne quidem in momento horę, ut quia rejicere illam non potestis, alio modo destruat, neque tectę, neque nudę incedentes. Mitris enim & lanis quędam non velant caput, sed contegunt, à fronte quidem protectę, qua proprie autem caput est, nudę. Alię modice linteolis, credo ne caput premant, nec ad aures usq; demissis cerebro tenus operiuntur. Misereor, si tam infirmo auditu sunt, ut per tegmen audire non possint. Sciant quia totum caput mulier est. Limites & fines ejus eousque porriguntur, unde incipit vestis. Quantum resoluti crines occupare possunt, tanta est velaminis regio, ut cervices quoque ambiantur. Ipsę enim sunt, quas subjectas esse oportet, propter quas potestas supra caput haberi debet, velamen jugum illarum est. Judicabunt vos Arabię fęminę ethnica, quę non caput, sed faciem quoque ita totam tegunt, ut uno oculo liberato, contentę sint dimidiam frui lucem, quam totam faciem proficere. Mavult fęmina videre, quam videri. Hęc Tertullianus. Sed bonum Tertullianum deceiverunt matronę

D d d

trone



tronæ Carthaginienses, quæ quum olim caput velare solitæ essent, existimavit, virgines earundem ad antiquum morem stricte revocandas esse.

- V. Simul abusus multoties est testimonio Apostoli 1. Cor. 11. qui mulieres Corinthiacas in sacris voluit esse velatas, non quod absolute hoc foret necessarium, sed, quod ex ratione gentis, à sexu sequiori, illo ritu ordinario maxima prodi soleret reverentia, & subiectio; ob quam causam quoque voluit viros aperto capite orare. Nam, ut recte observavit Doctissimus Capellus in Spicilegio ad hunc locum Apostoli, Canon de habitu precantium eo tendit, quod sit *precandum eo habitu, quo solent homines reverentiam suam & cultum testari erga magnates & principes huius seculi. Qui variat pro locorum & temporum varietate.* Nec displicent ea, quæ deinceps habet de Velamine mulierum. *Verba viri docti hæc sunt:* Sane ut operæ pretium forte esset civilem illum & antiquum velandi scæminas, quum in publicum prodeunt, morem etiamnum hodie inter nos obtinere, uti in longe maxima orbis terrarum parte adhuc obtinet: ita optandum etiam forte foret praxin τοῦ ἐν ᾧ huius Apostolici Canonis, quatenus scæminas spectat, etiamnum hodie in Ecclesia Christiana ubique obtinere. Sed quandoquidem vetus ille mos civilis, velandi scæminas quum prodeunt in publicum, jam pridem inter Christianos Europæos occidentales exolevit, contrariusque mos vulgo inolevit, ita, ut jam facies scæminarum non modestiæ & verecundiæ gratia, vel necessitatis causa, ob nimiam cæli inclementiam, veletur, (imo vero hodie velamen illud luxus & delicatæ mollietiei manifestum est argumentum) propterea non videtur jam τοῦ ἐν ᾧ huius Canonis importune atque intempestive urgendum, sed videndum potius, quid in civili consuetudine obtineat, indeque quid deceat, vel minus deceat in Ecclesia, hac in parte, iudicandum est. Et quando (uti dictum) velare faciem hodie multis in locis luxus & mollietiei potius, quam modestiæ & verecundiæ est argumentum, illæ iis in locis potius dammandæ & coarguendæ sunt, quæ in sacris concionibus faciem velant, quam quæ audiunt aperto vultu, utpote quæ velamine illo apertam prodant mollietiem & luxum, non verecundum pudorem. *Hactenus Capellus.* Nec velamentum, ab Apostolo Corinthiis scæminis commendatum, quod apud eas receptum esset, à natura suadetur, cum Apostolus v. 14. *naturam*, seu φύσιν (quocunque tandem modo vocabulum illud eo loco debeat accipi) adducat pro coma, velamentum ratione Corinthiarum



thiarum vers. 13. urgendo solummodo ut *πρόπον*. Nam revera *πρόπον* erat, ut Corinthia matronæ Deum velato capite honorarent, quum tali habitu pro more gentis summam reverentiam & subjectionem testari sint solitæ. Apud ipsos Romanos, summo aliquando probro fuit, si fœmina totum caput velasset. Testis Plutarchus in Quæstion. Rom. ita per interpretem loquens: *Mulieribus, omnino non licebat, caput obnubere.* (*ἐπικαλύπτειν τὸν κεφαλῶν*) Etenim narrant historiæ, primum omnium Sp. Carbilium uxori nuncium remisisse ob sterilitatem, secundum Salpitiū Gallum, quod suam vidisset veste attracta caput tegere. Dissentit Valerius Maximus lib. 6. cap. 3. Horridum, inquit, C. quoque Sulpitii Galli maritalē supercilium: nam uxorem dimisit, quod eam capite aperto foris versatam cognoverat; abscessa sententia, sed tamen aliqua ratione munita. Lex enim, inquit, tibi meos tantum præfuit oculos, quibus formam tuam approbes. At ego Plutarcho, in his longe accuratiori, malo credere. Errata Valerii Historici sine numero, jam olim notavit Sebastianus Corradus vir doctissimus. Nam ordinario matronas Romanas caput non velasse, hinc claret, quod hoc ab iis tum demum fieret, quando sacris operaturæ essent. Hinc Varro lib. 4. de LL. Ricam, ait, à ritu dictam, quod Romano ritu sacrificium fœmina cum faciunt, capita velant. Ad hoc virgines, tum Romæ, tum Carthagine capite prodiisse relictæ, ignorare nos non sinit Tertullianus, quando l. d. sic de matronis loquitur: *Sed virgines volunt sola capitis nuditate.* & Maro lib. 2. Æneid.

---- Circum pueri, innuptæque puella,

*Sacra canunt.*

Innuptæ, hoc est, non velatæ: nam nubentes, ut notissimum, flammæum sumebant, quod totum caput, imo ipsam frontem quoque, velabat. Isidor. lib. 9. Etymol. cap. 8. *quod tegetetur caput, nuptia dicta.* Juvenal. Scholiastes ad Satyr. 6. *flammea, genus amictus, quo se cooperiunt mulieres die nuptiarum: est enim sanguineum, propter ruborem custodiendum.* Eo per omnem ætatem utebatur Flaminica, à qua & ipsum flammæum nomen habet. Hinc Verrius Flaccus apud Plin. lib. 21. Nat. Hist. cap. 8. *Flammeum nuptia amiculum vocabant, non quidem à flammæ colore, sed quia flaminica, cui divortium facere non licebat, eo perpetuo utebatur.* Post nuptias, ut vel solæ statux evincunt, matronæ apud Romanos aut vitta crines constringebant: unde Tibullus lib. 1. Eleg. 6.

*Sit modo casta doce, quamvis non vitta ligatos*

*Impediat crines, nec stola longa pedes.*

Ddd 2

aut



aut utebantur caliptra, vertici tegendo serviente. Paulus Festi abbreviator: *Caliptra genus vestimenti, quo caput operiebant.* Atque tum censentur proprie esse velatę: aut, ut Gręci loquuntur, κεκαλυμμένοι. Eodem videtur respicere Plutarchus loco dicto sic loquens: συνητέρερον ἢ καὶ μὲν γυναῖξιν, ἐκεκαλυμμέναις, πῶς ἢ ἀνδράσιν, ἀκελύπτους εἰς τὸ δημόσιον περιέναι. *Solent fere mulieres telis, mares nudis caputibus in publicum progredi.* Qui locus ne confligat cum præcedentibus Plutarchi verbis, sic est intelligendus, quod verticem, seu crines, velare consueverint matronę Romanę quoque, non vero frontem, quam Sulpicius apertam esse volebat. Redeundo vero ad Pauli locum, recte observatum fuit à Dn. Salmasio in Epist. de Coma pag. 687. Apostolum non voluisse, ut scēminę Corinthiorum omni tempore velatę forent, sed duntaxat cum sacris interessent: quod neque Tertullianus in dicto libello contendit, ut perperam nonnulli eidem affingunt. Siquidem ut recte quoque monuit ὁ πένν Salmasius, quum apud Carthaginienses maritata scēminę in sacris caput velarent, voluit Tertullianus, hoc quoque ab omnibus virginibus fieri: cum hoc aliquę duntaxat facerent, quas vocat *virgines Dei*, oppositas *virginibus hominum*; quę licet in vicis propter Ethnicos velarentur, in ipso tamen cętu Christianorum nudato stabant capite. Prout jam olim in argumento illius libelli recte observavit Beatus Rhenanus, & cuius attentius libellum illum legenti patebit: eoque verba ex Afro Scriptore superius adducta, ut jure opposita illis, quibuscum nobis circa pectus scēmineum est negotium, ita revera tamen ex Tertulliano ipso, habita ratione instituti ipsius limitari debent. Nec Dn. Heinsius ad præsentem Apostoli locum auspicato satis adducit Dionem Chrysostomum ex Tarsensi Priori, quasi, Apostolus propterea voluerit Corinthias velatas in publicum prodire, quo similes redderentur suis Tarsensibus, quę usque adeo velatę incedebant, ut ne facies quidem aspicientibus pateret. Nam, ut circa Tarsenses, hoc, velut singulare, notat Dion, ita indicio est, reliquas in Gręcia matronas in publico velari non consuevisse: ut recte observatum est à Salmasio ibid. pag. 684. Quo loco ut anubus solum mitram vindicat, ita, ex Servio addo, eam amplius gestari consuevisse, à scēminis famę non nimium bonę. Verba doctissimi Grammatici ad vers. 216. lib. 4. *Æneid.* hæc sunt: *Mitra. Hoc est incurvo pileo: de quo pendeat etiam baccharum tegimen.* (forte *buccharum tegimen*) Sane quibus effeminatio crimini dabatur, etiam mitra eis adscribe-



DE COLLI, ET PARTIUM VICINARUM, NUDATIONE. 397  
*scribatur: multa enim lectio mitras proprie meretricum esse docet.* Unde &  
 Juven. sat. 3.

*Picta lupa barbara mitra.*

Mitram vero superiorem capitis partem, neququam vero frontem  
 quoque velasse, clare ex Tertulliani verbis, antea adductis, patet. Nec  
 μαφάρον, quod ex Achmete ὀνδρακρίτη urget Dn. Heinſius l. d. evin-  
 cit, omnium ſcēminarum in Græcia capita velata fuiſſe. Nam, licet hic,  
 ex illius ſublatione in ſomnio exhibita, ſcēminæ viduitatem augure-  
 tur; conſtat tamen, quam ὀνδρακρίτης in his & ſimilibus ludere conſue-  
 verint. Ne dicam, hoc μαφάρον quoque, quod velandis etiam mo-  
 nachis, loco cuculli in Græcia ſervire ſolet (prout notatum eſt à ſum-  
 mo viroſum, Meurſio in Lex. Græco-Barbar.) potuiſſe eundem uſum  
 in Græcia, labenti ævo, exhibere, quem flammeum apud Romanos,  
 ſponſas ſolummodo velare ſolitum, ut modo probatum eſt. Sed, ne  
 miſſum adhuc faciamus Apoſtoli locum, (quem ſecundum velamen-  
 tum, ratione Corinthiacarum ſcēminarum ſolummodo intelligendum  
 eſſe, ad ſignificandam ſubjectionem earum erga viros, recte viderunt  
 Petrus Martyr, Gualterus, Beza, Diodatus, & Jacobus Laurentius,  
 citati à Rev. D. Revio de uſu Capillitii cap. 5.) comma ejuldem ca-  
 pituli XVI. non evincit illud, quod ſolam Eccleſiam Corinthiacam con-  
 cernebat, ex institutione Apoſtolica in omnibus Eccleſiis receptum  
 fuiſſe, ac proinde adhuc hodie obſervandum eſſe, ut contendit Epiſ-  
 copius in ſuis Quæſtionib. du. 64. Nam, quando dicit Apoſtolus:  
*Quod ſi quis videtur contentioſus eſſe, nos ejulmodi conſuetudinem non ha-*  
*bemus, nec Eccleſia Dei:* hoc non vult innuere, ſufficere adverſus vitili-  
 tigatores, cum quibus nolit contendere, quod *ipſa & Eccleſia Dei ſic*  
*ſtatuant;* ſcilicet viros aperto capite, mulieres vero velato, orare &  
 prophetare debere. Neque enim verba Apoſtoli ſic ſunt interpretanda  
 cum Lyrano: *Nos non habemus ejulmodi conſuetudinem, nec Eccleſia Dei;*  
 nempe ut mulieres aperto, viri teſto capite prophetent. Sed potius,  
 cum Chryſoſtomo, Hieronymo, & Ambroſio, quem plerique re-  
 centiores ſequuntur: *Nos non habemus ejulmodi conſuetudinem, ne-*  
*que Eccleſia Dei:* nempe, ut præſtate velimus cum quoquam con-  
 tendere. Unde non inconcinne Toſſanus, Theologus Orthodo-  
 xus, ad hunc ipſum locum: *Verſu 16. inquit, conſuſio eſt hujus lo-*  
*ci, Eccleſiam à contentionibus, & φιλονεικίαι, quæ eſt ſchiſmatum ma-*  
*ter, debere eſſe alienam, & ſatis eſſe Apoſtolo reſpondere, quid ratione illius*  
*loci,*

Ddd 3

loci,



loci, ordini & decoro esset consentaneum. Contrarium quoque non collegeris ex commate x. ubi Apostolus vult, mulierem potestatem habere in capite propter Angelos. Nam, ut per Angelos, frustra quibusdam dissentientibus, non possunt alii intelligi, nisi Angeli boni; ita Apostolus non modo vult à mulieribus Corinthiacis observari decorum, ne contristentur Angeli, qui sunt actionum nostrarum testes, (ideo & monemur sancte ambulare in conspectu Dei, & Domini Iesu Christi, & electorum Angelorum, 1. Tim. 5. 21.) Sed ratione earundem velato capite in Ecclesia Corinthiaca subjectionem testantium, speciatim mentio fit Angelorum, quod hi, tum præcant exemplo subjectionis; siquidem non modo vocantur *ἀγγέλους πνεύματα* Heb. 1. verl. ult. verum etiam ministrare Deo dicuntur Dan. 7. 10. usque adeo ut se vocent *συνδούλους* nostros Apoc. 22. 9. qui nobis præcant exemplo subjectionis & obedientiæ, efficiendo verbum *Iehova* & auscultando voci verbi eius Pl. 103. 20. Tum etiam, quod simili quasi ritu subjectionem suam erga Deum testentur, *alīs binis contegendo faciem suam*, in mystica visione Iesaiæ, cap. 6. 2. Quicquid viris doctis quoque videatur, tempore Apostoli ubique mulieres non velabantur.

VI Tandem ut ad lineas, à quibus jam diu exspatiatus sum, redeam, sicut ratione velandi capitis, attendi debet consuetudo cuiusque loci; ita idem statuendum est de pectore, quemadmodum recte vidit accuratissimus Alstedius. Certe, Scriptura nusquam, aut pectus, aut ubera sceminea pudendis accenset, ut hæc omnino velari debeant. Quis credat quoque, illas tunicas pelliceas, quas primis nostris parentibus, post tristem lapsum, paravit & aptavit ipse Deus, pariter contexisse pectus & ubera? Nec est quod aliquis dicat, hæc, si denudata sint, præbere scandalum, atque esse incentivum ad libidinem. Quod lubens quidem do, verum esse ratione locorum, ubi ejusmodi denudatio non est recepta, maxime si accedant fuci & lenocinia, & strictura illæ mamillarum, incendendæ libidini præ ceteris servientes, apud eos qui veneri magis sunt dediti. Alias usurpavero illud Tertulliani, ex libello jam antea adducto de Vel. Virgin. *Bonæ res neminem scandalizant, nisi malam mentem*. Atque nuditatem corporum humanorum, per se non accendere libidinem, docet Joannes Lerus Theologus Reformatus, à Genevensibus Theologis, inter quos tum erat ter maximus Calvinus anno 1555. cum Villagagnone missus in Brasiliam, ad annunciandum Evangelium. Postquam enim cap. 8. Hist. Navig. in Brasil. prolixè egisset



egisset de nuditate non minus virorum, quam fœminarum Brasili-  
 arum, tandem pag. 96. *huc subjicit*: In eos aliquid dicendum videtur,  
 qui, aut opinantur tacite, aut etiam scriptis mandarunt, commercium  
 illud adeo frequens cum Barbaris, nudis ac præsertim cum fœminis, ad  
 lasciviam & libidinem provocare: dico igitur, quamvis in speciem  
 nuditas illa concupiscentiæ esca non immerito censeatur, tamen, ut  
 res ipsa comprobavit, inculta illa nuditate certum est, multominus  
 opinione viros ad libidinem pellici. Itaque ausim asseverare, splendi-  
 dum illum cultum, fucos, supposititias comas, capillos calamiistratos,  
 ampla illa & tanto artificio complicata, amictoria pretiosa, mammi-  
 laria, laciniatas & undantes vestes, cæteraque hujusmodi, quibus fœ-  
 minæ nostrates tam sedulo formam mentiuntur, plura incommoda &  
 mala parere, quam faciat Barbararum nuditas, tametsi forma ab illis  
 non vincatur. Ita ut si pluribus, servato decoro, hæc persequi liceret,  
 efficacissimas huic sententiæ meæ subjicerem rationes, refutatis omni-  
 bus argumentis, quæ in contrariam partem afferri possint. Ac, ne diu-  
 tius immorer, eorum testimonium hic appello, qui mecum in Bra-  
 siliam navigarunt, quique utrasque conspexerunt. *Huc usque Lelius.*  
 Quem, licet fingat noster Reynessius pag. 201. duntaxat comparative  
 loqui, ex toto tamen Discursu ipsius, hoc palam est, eum recte cense-  
 re nuditatem corporis per se, non esse libidinis incentivum; ac proin-  
 de, nec toto genere debere censi malam. Pectoris & faciei nuditas  
 minus sæpe animum corruptum arguit, atque utriusque velamen:  
 quomodo quædam, ut jam antea ex Hieronymo cognovimus, jam  
 olim in publico quasi, per verecundiam operiebant faciem, lupanarium arte  
 id solum ostendendo, quod aperte ostensum magis placere posset.

At despiciamus tandē quibus argumentis noster Reynessius probare VII.  
 labores, juri quasi gentium adversari, si fœminæ nudatis mamillis in  
 publicū prodeant. Primo sic argumentatur: Repugnat (inquit) pudicitia,  
 ut fœmina nuda gestet ubera, idque non modo à parte detegentis fœmina, sed  
 & spectantis viri. Fœmina quid aliud agunt, nisi ut sese viripotentes, imo vi-  
 rivolentes, & forma non spernendas publice depradicent? &c. simul adducit  
 pag. 203. duos Scripturæ Textus. Nam Ezech. 23. 3. ita dicitur: *Quæ*  
*scortantes in Ægypto in pueritia sua scortabantur, ibi compressa fuerant ubera*  
*eorum, ibi subegerant mammas virginales.* & Hof. 2. 2. *Amoveat adulteria*  
*è medio uberum suorum.* Resp. 1. ne calumnietur Reynessius, aut alius  
 aliquis exemplo illius, duo in antecessum præsupponenda esse conten-  
 do:



do: Nempe sic ubera à fœminis denudari secundum consuetudinem gentis, favente ei cœli genio, ut simul nulla lenocinia per petulantiam fœmineam accedant. 2. Hoc si fiat ergo simpliciter, atq; ex more gentis, ut sit à fœminis Afris, Americanis, & Asiaticis multis: nego, quod per se arguat aut immodestiam aut impudicitiam. 3. Hoc neutiquam arguunt duo hi Scripturę textus, quos ut Reynessio Ravanelli Bibliotheca suppeditavit, ita tanquam vir bonus ea quoque superaddere debuisse, quę observantur à dicto Ravanello, apud quem in voce *Ubera* sic lego: *Impudicitia meretricum apparet in earum facie, quam fucant, & uberibus, quę exornant.* Speciatim vero ad locum Hof. 2. 2. hæc Tarnovius observat: *Genus loquendi desumptum est à meretricibus & adulteris, quę fucus illinunt faciem, & pectus circa ubera ornant variis κεκμηλίοις, quod comptiores appareant, amatoresque suos magis alliciant, ac inflamment.* ο παύ Dn. Rivetus, pro illustratione præsentis loci, adducit locum Proverb. 7. 18. ubi ita habet vulgatus Interpres, *inebriemur uberibus:* verum *dodim*, quod occurrit in Originali Textu, non debet explicari per *mammas*, sed per *amores*; prout factum est à Lxx. Syro, Aquila, Symm. Theod. Chaldæo, Luthero, Junio, &c. *Secundo* ita instat Noster: *Qua nuda ubera gestat mulier, ea juxta præceptum Pauli ornata non est* (1. Tim. 2. 9.) *amicu honesto, cum verecundia & modestia. Quam enim hic verecundiam, quam modestiam vel Argus deprehendat?* Resp. 1. Concedo lubens, nullam hic verecundiam, nullam modestiam notari posse, si quę instar Messalinę auratas ostendet papillas Juv. Sat. 6. vers. 122. aut cum meretricibus apud eundem ibid. vers. 490. attingat mamillas, aut etiam ad pelliciendos amatores, alium quem fucum adhibeat: sed, si quę ex more gentis absque ullo lenocinio nudatis mamillis incedat, eam animum pariter modestum, & verecundum, probare non posse, pernego. 2. Præcipue in viris & fœminis oculi ad libidinem duces sunt: & juxta Græcos η ὁδὸς ἐστὶν λαβὴ τοῦ πάθος ἐστὶ: imo juxta Petrum Apostolum, quorundam oculi sunt μεσοὶ μοιχαλίδος, 2. Pet. 2. 14. ergo concludas cum nostro homine, oculos quoque velandos esse, tum à viris tum à fœminis. Si quę in ea quoq; gente, ubi fœminę pro more mamillas denudant, ratione illarum lasciviat, haut magis reliquis præjudicare potest, atque lascivi adulteri oculi, verecundo aliorum obtutui. 3. Apostoli locus respicit vestitum, & nobis neutiquam obesse potest, quum verecundiam & modestiam ab iis quoque exigamus, quę ex more gentis mamillas suas absque lenocinio denudant.

Tertio



DE COLLI, ET PARTIUM VICINARUM, NUDATIONE. 401

*Tertio argumentatur Reynessius pag. 204. Quæ semina nuda gestat ubera, ea & totum ventrem, genitiva parte duntaxat excepta, nudum gestare posset: Idcirco enim ei nudum pectus gestare conceditur, quod pudenda regendaque partibus generationis & digestionis comprehendere dicant, uti supra Augustinum citabat vir doctus, est sic & totus venter, & dorsus & femora, denudare licitum erit. Lepida profecto verecundia! Resp. 1. Dispar ratio est: partes enumeratæ, genitivis partibus vicinæ, si denudarentur, hæc commode tegi non possent. 2. Mulier infantem lactans verecunde, in hominum extraneorum quoque præsentia, ubera sua detegere potest, ut proli potum det, haut verecunde tamen femora. 3. Lumbis, & femori ipsa Scriptura partes generandi delegare solet, Heb. 7. 10. Genes. 35. 11. Genes. 46. 26. Exod. 1. 5. non æque vero uberibus: neque enim ad generationem quid conferunt, quamvis homini genito alendo serviant. Eoque Deus, inter quasdam gentes, fœminis ubera adeo ampla concessit, ut ab iis, supra humeros projectis, infantes, lac sugendo, pendere possint. Quis sapientissimum artificem Deum hic non arguat, si mamillæ æque præcise tegi debeant, atque partes generationi destinatæ? Quarto ita cornicatur: *Ubera tactui exponi non debent, vidimus enim supra id reprehensum in Israël, quod ubera mammalque virginales primi passa esset, itaque non licet ea nuda gestare.* Resp. 1. Quid de loco Ezechielis, in quem Noster hic digitum intendit, sit existimandum, supra vidimus. 2. Do lubens, fas non esse nudata mulieris ubera per lasciviam, affectata licet gravitas *περίφρων* inveniat, contrectare; sed quæ consequentia, ergo non licet eadem nudare, secundum loci consuetudinem, ea lege, quam antea præsinivimus? Mulieres mentum in patria nostra denudatum in publico quoque ostentant: non tamen extra censuram foret Rev. D. Reynessius Noster, si, vel leviter quoque, ad modum blandæ columnæ, manum suam substerneret mento suæ ancillæ. 3. Distinguendum est inter tactum simplicem, & inter contactum lasciviæ. Hic illicitus plane est, non tamen (ut puto) peccaret aliquis, si araneam, uberibus fœminæ, lactantis suum infantem, insidentem, verecunde apprehenderet, & interficeret. 4. Impudicus tactus, ut detestandus est; ita Scripturæ familiare est per verbum *tangendi*, congressum venereum innuere. Noti sunt Textus Gen. 20. 6. Gen. 26. 11. Prov. 6. 29. 1. Cor. 7. 1. Eoque si contactus*

Ecc

in



in speciem simplex, non modo circa fœminæ ubera, sed quodcunque quoque corporis membrum, V. C. manus, eum in finem instituatur, ut ad huncce contactum quasi, per mentis destinationem, libido relationem habeat, contactus execrabilis haberi debet. *Quinto* & postremo hæc offendo: *Ubera nuda gestare vanum est & leve, atque inde quoque offendiculum parit, si qua enim mulieris levitas ex vestium forma colligi possit, profecto ex hac summa, &c.* Resp. 1. Hæc ex præcedentibus ultro concidunt. 2. Vanitati, lasciviæ, & inverecundiæ absit ut patrociner: ubicunque hæc circa denudata ubera notari possunt, eorum denudationem execror; sed, ubi ex simplicitate gentis hæc ipsa recepta est, citra censuram esse debet. Non ego lasciviæ fœminarum apud nos, quæ ad summum venit, unquam vel per somnium patrocinari studui: solummodo laboravi vindicare τὸν πόρνον Alstedium ab iniqua censura D. Voetii, Dictatoris illius (sed citra suffragium populi) Theologici: quod an auspiciatò aggressus fuerim, judicent alii.

## EXERCITATIO XXVII.

D E

## Pœna simplicis furti.

1. **P**œna Capitalis, qua fures simplices afficiuntur, non adversatur legi Divine.
2. Inquiritur prolixè in judicium Davidis 2. Sam. 12. quod & sententia nostra vindicatur.
3. Nec justitia distributiva contraria est.
4. Reynesii rationes diluuntur.
5. Consentit vero juri Romano, multarumque aliarum gentium, pœna hæc.
6. Scrupulis variis porro occurritur.
7. De pœna Abigeatus.

I. **D**E pœna simplicis furti, cum venia multorum Orthodoxorum Theologorum, & Icc. aliquanto distinctius, citra odium, atque solius veritatis amore, hac Exercitatione ex Scriptura, & Juris Romani ac Gentium antiquitatibus, breviter agere decrevi, expensurus, an illud, prout



prout à vi atque rapina est distinctum, convenienter & ex iustitiæ præscripto per Magistratum poena capitali castigetur? Neque enim dubium est, quin fures impœnitentes regno cælorum sint exterminandi, clare illud edicente Apostolo. 1. Cor. 6. Quod quidam ex Orthodoxis Theologis, speciatim Piscator, Zepperus, & Amesius, ex Icc. autem uterque Matthæus, Bacchovius, alique, pecuniaria duntaxat poena illud expiari voverint, incurrerunt censuram quorundam Theologorum Augustanæ Confessionis, eamque acerbam admodum. Ita enim Meisnerus in Philosophia Sobria part. 1. sect. 2. cap. 4. qu. 3. Nonnulli ex Calvinianis erga fures intempestive sunt benevoli. Brogmannus in loco de Lege, postquam quæsisisset: *An fures jure iusto puniantur suspendio, aliave poena capitali?* Sic respondere incipit: *De qua questione lis nobis est cum schola Calviniana: quippe qua non concedit ut simplex furtum poena capitali puniatur.* Sed cogitare hi ipsi debuissent, sententiam quorundam Orthodoxorum, quos minus candide ut Calvinianos traducunt, prolixè & fervide propugnatam fuisse à Wolfgango Frantzio, Theologo Wittebergenfi, in eximio opere de Interpret. Scripturæ, atque pag. 515. ab eo citari ipsum Lutherum, qui anno 1524. d. 2. Maij, his verbis in quadam Epistola ad Spalatinum usus fuerit: *Pœnam furibus nemo statuit æquius, quam is qui creavit omnia Deus; qui populo suo inter ceteras leges civiles hanc sanxit quoque Exod. 2. ut duplum, quadruplum, quintuplum redderetur à fure pro qualitate furti, moreretur autem qui hominem esset furatus, quod si non haberet, ipse venderetur. Quam legem & Salomo in Proverbiis probat, ubi dicit, furem posse substantia vendita sese redimere, adulteram vero animam perdere, utinam hac lex reciperetur.* Ut vero distincte atque ordine agam, primo expendam, an ex præscripto legis Divinæ, nulla ratione simplici furto capitis supplicium irrogari possit? Deinde inquiram, quid ratione iustitiæ distributiæ, & tertio quid ratione juris Romani & Gentium hic sit statuendum? Atque ut incipiam à lege Divina, quæ & sapientissimum agnoscit Legislatorem, & pariter perfectissima est, hoc, velut principium, hic præsupponi volo, leges Politicas à Deo per Moysen populo Israëlítico latas, & quales legibus moralibus esse habendas, quatenus iis subest naturalis ratio, nec determinatæ sunt ad specialem aliquam circumstantiam, concernentem duntaxat illum populum, & politiæ formam, quam placuit in regione, multis benedictionibus locupletata, ipsi Deo præscribere. Alias leges Politicæ & forenses Mosaicæ, quatenus sunt juris particula-



ris, & distinctive Judæorum à Gentibus, propter specialem politiæ & regionis rationem, abrogatæ sunt per adventum Christi in carnem. Quo fundamento jacto, libenter deinde agnosco, legem Dei de simplici furto proponi à Mose Exod. 22. comm. 1. ubi ita sancit supremus Legislator: *Si quis furatus fuerit bovem aut ovem, & occiderit, vel venderit, quinque boves pro uno bove, & quatuor oves pro una ove.* Ex quibus verbis patet, pœnam furti simplicis, (quod & declaratur exemplo bovis & ovis, eo, quod Israëlita pecuariam facerent, atque eorundem fortunæ potissimum in pecoribus consisterent) modo fuisse quintupli, modo quadrupli. Nam ideo pro uno bove, furto ablato, quinque restitui debuerunt, non vero quatuor tantum, ut pro ove: propterea quod ex labore bovis, majus commodum acquiri soleat, quam ovis, ut non inconvenienter ad hunc locum observavit R. Mejer, haut multum dissentiente Theodoret. Sed, ut hæc ipsa lex, plene intelligi queat, dupliciter considerari debet. 1. Ratione suæ naturæ. 2. Ratione circumstantiarum, quas, pro variatione atque intensiōe pœnæ, ipse Deus attendi voluit. Illo modo si consideretur, non potest non in ea aliquid agnosci, quod peculiariter respexit populum Israëliticum, atque promissiones, eidem sub definita regiminis forma, ab ipso Deo factas & præstitas. Quod, ut pateat, duo mihi dari velim. Scilicet, gravius esse furtum atque minus in republ. tolerandum, simul gravius castigandum, si tum singulariter per illud lædatur is, cui factum fuerit, tum etiam fur damnum, quod alicujus fortunis intulit, sarcire non queat. Quod si quis concedere noluerit, rogarim tantum eum, distinge mecum expendere dignetur illa, quæ leguntur 2. Sam. 12. Unde ex lege contrariorum, non poterit non mihi quoque concedi: Furtum esse censendum levius, atque mitiori pœna castigandum, si per illud tum minus lædatur ille, cui furto res fuerit ablata, tum etiam in proclivi sit furi, si non hoc tempore, saltem aliquando, certo restituere cum usuris ipsam sortem, à se furtive interversam. Posterius hoc attendendum & quidem quam diligenter, circa populum Israëliticum, cui lata fuit lex, modo adducta. Deus in terra Cananæa non modo universitati illius populi, sed singulis etiā in eo opipare prospexerat, partim per distributionem sufficientis agri, partim etiam per singularem fecunditatem ipsius soli: præterea, si quis fortunis laberetur, eas iterū consequi poterat anno Jubilæo magno Levit. 25. Deo quā scrupulose non minus præcavente, quam lege quoque lata scisciente, ne foret quis egens in medio populi, Deut. 15.



Deut. 15. 4. Atque, si forte alicui quid furto subductum foret, atque fur deprehenderetur, non poterat damno mastrari, sed lucro amplo, nimirum quadruplum consequendo pro simplo ablato. Nec periculi quid domino rei furtivæ suberat, in lucro hoc consequendo à fure; si enim præsentis tempore solvendo non esset, vendebatur, ad hoc ut dominus rei furtivæ consequi posset suum sive quintuplum, sive quadruplum. Verba legis Dei sunt clara, sic enim legitur Exod. 22. vers. 3. juxta versionem Junii & Tremellii: *Fur omnino rependito, si non est ei, vendetur pro furto suo.* Priusquam progrediar, rogo eos, quorum viscera igni misericordiæ pro furibus estuant, in timore Dei mecum expendant, quæ proportio fuerit, inter simplex furtum, & servitutem in quam fur abripiebatur, si non posset pro re furtiva, sive quintuplum, sive quadruplum restituere? Leg. 209. ff. de R. I. dicit Ulpianus I. c. *Servitutem mortalitati fere comparamus.* Apud Philon. Jud. lib. *quod omnis probus liber*, citatur hic versus Senarius ex veteri poetâ ἀδελφῶν:

Τὸς ἐστὶ δολὸν, τοῦ θανάτου ἀφροντίς ὢν;  
*Quis servus est, mortem qui potest temnere?*

Unde & Cic. Philipp. 10. *Mors civitatibus Romanis semper suis servitute potior.* Voluit vero sapientissimus Deus, hæc ipsa servitute in medio populi sui furtum expiari, licet hæc poena ordinaria foret (ut colligere est Genes. 43. 18. & 44. 16. 17.) apud Ægyptios, à quorum tamen moribus, populum suum alias quam alienissimum esse volebat. Sed, ut præcedentia ratione poenæ, furto apud Israëlitas definitæ per ipsum Deum, arguerunt aliquid, quod peculiare in illo populo agnosci debebat; ita hæc ipsa servitus, peculiarem rationem habebat à parte Israëlitarum: siquidem fur non poterat vendi nisi in Israël, (cumque Herodes alienigenis quoque eum vendi voluisset, maximi motus sunt concitati, ut videre est apud Josephum lib. 16. Antiq. Jud. cap. 1.) atque tum clementer more aliorum servorum erat habendus, tum etiam septimo anno manumittendus, juxta legem Dei, Deut. 15. 12. Licet interim intermedio tempore servitus utut videretur lenis, ei tanquam res dura incubuerit; nam servum versari debuisse in perpetuo metu accipiendarum plagarum, abunde patet ex locutione Spiritus Sancti, alicubi mentionem facientis servilis timoris, speciatim Rom. 8. vers. 15. Nec quenquam movere debet, quod Maimonides apud Seldenum de Jure Nat. & Gent. lib. 6. cap. 7. contendat, moribus

E e e 3

recep-



receptum fuisse, ut fur tam diu duntaxat serviret, quam pretium rei furtive reddidisset, non vero & quadruplum, quintuplumve; quum interim servire debuerit, si solvendo non esset. Quis ergo, nisi adversus veritatem obfirmatus plane fuerit, ultro non fateatur, ratione pœnæ, furto inter Israëlitas per Deum definitæ, aliquid, per omnia referendum ad legem Forensem, qua talem, adhærere æque, atque ex parte forensis est, licet subsit morale aliquid, quod perpetui agnoscendum est juris, lex de Usuris, occurrens Deut. 23. quæ infra copiosissime cum Deo à nobis examinabitur. Explicata natura ipsius legis de furto, accedo ad rationem circumstantiarum, ob quas furti pœna per ipsum Deum intendi potuit. Atque, ut ex hoc eodem capite, sive Exod. cap. 22. vers. 2. liquet, *Si fur inventus fuisset effodiens, & foret percussus & mortuus, non erat percussor morti obnoxius.* In Codice Sanhedrim cap. 8. hujus legis hæc redditur ratio, interprete Doctissimo Coccejo: *Qui cum perfossorio ingreditur alienam domum, judicatur ob id, in quod prolapsurus erat.* Quod idem D. Coccejus pag. 69. porro ex Ebrais sic elucidat. *Certum est, neminem hominem de bonis suis concessurum. Iste igitur sic cum animo suo decernit. Si vadam, dominus ædium mihi obfisset, neque finet me. Si obfisset mihi, occidam eum.* Iam lex ait: *Qui te invadit, animo eadem faciendi; occupes eadem licet.* Monet amplius docere Maimonidem, quando effractor jam parat abitum, si testes haberi possint, occidi jure non posse: sed ad restitutionem obligari. Scio Junium & D. Piscatorem legem hanc ita interpretari, quasi de nocte duntaxat effossor potuerit occidi, non vero de die, atque hoc colligere ex versu proximo tertio, ubi dicitur: *Si sol ortus fuerit ei, cædis reus esto.* Sed hoc nobis non obstat, siquidem hæcenus patet, potuisse propter circumstantias ita intendi pœnam furti, ut redderetur capitalis. Alias non improbamus hæc Augustini, Quæst. in Exod. *Intelligitur (inquit) tunc non pertinere ad homicidium si fur nocturnus occiditur, si autem diurnus, pertinere. Poterat quippe discerni quod ad furandum, & non ad occidendum venisset, & ideo non deberet occidi.* Quandoquidem hic ex textu ipso certum manet, eum, qui poterat licite occidi, habitum fuisse non ut homicidam & latronem, sed, ut furem. Præterea, furi pœna intendebatur, ratione objecti. Atque initio ratione hominis furto ablati, sive ratione plagii, occurrit hæc lex Exod. 21. 16. *Qui furatus fuerit aliquem, vendideritque illum, & inventus fuerit in manu ejus, moriendo morietur.* Cujus legis Franzius l. d. pag. 516. hanc reddit rationem: *Qui furaba-*

tur,



tur, (inquit) hominem inter Israëlitas, citra dubium ad peregrinos Ethnicos eum detulit, adeoque corpus & animam ipsius vendidit & perdidit in aeternum. Sed, licet hoc dubium exile videatur Franzio, mihi tamen ingens est. Nam, cur non surreptus liber homo, idemque infans, potuerit à Judæo inter ipsos fratres divendi? Certe, cum in Israël ali- quis ob æs alienum cum universa familia vendi potuerit, cur non potuerit plagiarius prætexere, infantes, quos venum inter suos populares exponere volebat, à se subductos fuisse debitori cuidam? juxta illud, quod legimus 2. Reg. 4. 1. Eoque putarim potius, propterea plagium ex Dei voluntate ultorem gladium habuisse, quod liber homo servituti, quæ nihil à morte distat, manciparetur. Porro sacrilegium, quod proprie est furtum rerum sacrarum, capitale fuisse, patet ex exemplo Achanis apud Josuam cap. 7. 25.

Denique pro circumstantia, tum rei furtivæ, tum eorum quoque, I. I. quibus furto aliquid ablatum erat, furto decerni potuisse pœnam capitalem, abunde patet ex iis, quæ leguntur 2. Sam. 2. Locus integer secundum versionem Junii & Tremellii ita habet: *Quapropter misit lebova Nathanem ad Davidem, qui ingressus ad eum dixit ei: duo homines erant in civitate quadam, unus dives, alter vero pauper. Diviti erant greges & armenta multa admodum: Pauperi autem nihil quicquam, nisi agna una parva, quam emerat, quam alebat, ut educaretur secum & cum filiis suis pariter: de frusto panis ejus comedeat, & de poculo ejus bibebat, denique erat ei tanquam filia. Sed adveniente viatore ad virum illum divitem; pepercit accipere de grege suo, aut de armento suo, quod pararet viatori qui venerat ad se: accipiens vero agnam viri illius pauperis, paravit eam illi viro qui venerat ad se. Tunc David accensus ira in virum illum valde, dixit Nathani, ut vivit lebova, reus mortis est vir ille, qui fecit hoc. Agnam quoque ipsam rependito quadruplum, eo quod fecit rem hanc, & eo quod fecit hanc, & eo quod non pepercit. Quod Davidis judicium, exactum ad singulares circumstantias, ne qua ratione nobis prodesse queat, varia ab iis sunt excogitata, quibus propositum est præfractæ tutari hanc thesin: Quod justitiæ ratio non permittat, ut aliquis ob simplex furtum ultimo supplicio afficiatur. Exceptiones ordine expendam, quo pateat, quantum ponderis illis insit. Atque initio noto, fautores contrariæ sententiæ exceptiones excogitasse multas, quod diffident de unius alteriusve sufficientia. At, ut funiculus ex arenis contortus, sit validus & ligando equo sufficiat, non effecerint centum millia arenularum, juxta*

Perfi-



Perficum proverbium. 1. Dicunt ergo: Davidem pronunciasse mortis reum esse illum, cujus furtum distincte, & definite, exponitur, secundum calorem iracundiæ, non vero ex præscripto iustitiæ. Sed hanc responsionem, meram conjecturam esse, abunde innuit D. Piscator in sua Diatriba de Abrogatione legum Mosaicarum, præfixa Comm. in Exodum, ita siquidem loquitur: *Fieri potuit ut iudicaret David contra legem Divinam, abreptus scil. pravo aliquo affectu. Sicut certe ei evenit, quum ex ira juraret, se deleturum familiam Nabalis: quod propositum iniquum fuisse, ipse postea, à Nabalis uxore sapienter admonitus, agnovit. Et in isto quoque iudicio ferendo, David ira accensus fuisse scribitur in furem illum, contra quem sententiam ferebat: veruntamen non tali ira, quali in causa Nabalis. Ibi enim erat vindicta privata, quod se injuria affectum putabat: hic autem publica, quod, ut iudex, egre ferebat injuriam uni è subditis illatam. Assentitur tamen Piscatori & præter D. Amesius, præceptor alias honorandus lib. 5. de Conf. cap. 52. §. 3. Sed distincte respondeamus? Dico ergo: 1. A posse ad esse, non valere consequentiam, iis quoque notum est, qui nondum ære lavantur. 2. Non est verisimile, Davidem, ira abreptum, præcipitem sententiam tulisse: siquidem, ut hæcenus per subductionem quasi Spiritus Sancti, peccatorum vetero indormierat, ita ad propositionem primam Nathanis excitari cœpit, & incallescere eodem illo Spiritu, quem Psal. 51. renovari desiderarat. 3. Nathan Propheta ad Davidem missus, ut eum hac parabola proposita ad seriam resipiscentiam deduceret, sane debuisset ex officio Davidem arguere, si in ipsa parabola *παράβολα*, hoc est, limine impigisset. 4. Omnino, David ut iudex debuisset hic gravius deliquisse, (si modo unquam probari possit eum circa hoc iudicium deliquisse) atque, cum contra Nabalem iræ suæ plusculum indulgeret. Neque enim ira hominis privati, æque multum incommodi circa se habet, atque iudicis, ejusdemque regis. Notus textus Regum sapientissimi Salomonis, Prov. 16. 14. *Nuncii excandescuntia Regis, sunt nuncii mortis*. 5. Non omnis ira est illi-cita: potest enim aliquis irasci, nec tamen peccare, juxta Apostolum Eph. 4. 26. In parabola, Ipse rex, qui repræsentat Deum, dicitur *iratus* fuisse, cum juberet immisericordem servum tradi tortoribus, Matth. 18. 34. 11. Dicunt, Davidem pœnam capitis decrevisse vii, inter furandum exercitæ, neutiquam vero furto, pro quo voluerit quadruplum restitui. Unde ita D. Piscator. l. d. *Satis mihi est, Davidem pœnam capitis statuisse non in ipsum furtum, sed in vim, quæ furto sus-**



rat adjecta. Similiter Franzius l. d. *Morte omnino dignam censet non nisi istam tyrannicam crudelitatem*. D. Amelius quoque l. d. *David*, inquit, *sententiam illam ferens, non simplex furtum respexit, sed summam crudelitatem divitis furis, vel potius raptoris in proximum pauperem grassantis*. Habet quoque inter alias hanc responsionem D. Antonius Matthæus Junior in nitido opere de Criminibus pag. 87. Resp. 1. Sed dico Davidem duntaxat respexisse circumstantias furti simplicis, atque propter illas, tanquam judicem justum & circumspectum, morti hunc furem adjudicasse. Ut sic statuam, prævit D. Rivetus, cujus hæc verba Comm. ad Decal. pag. 364. *Cum David pronunciavit furem, qualem eum describebat Nathan, 2. Sam. 12. 5. esse reum mortis, respexit ad circumstantias, crimen aggravantes. Ergo fuit in iudicium potestate positum, ut pro illarum varietate penas vel augerent, vel minuerent*. 2. Cedo vero in textu unum verbum, quod arguat vim adhibitam fuisse ab hoc parabolico fure, eodemque divite. Verbum Ebræum *Vaukkabb*, descendens à *Lakabb*, notat simpliciter accipere & ferre, nec ullam violentiam arguit. 3. Velim vero indicari parallelum locum, ex quo pateat, violentum furem, præter capitis supplicium, sustinuisse amplius pœnam quadrupli. Sed, cum ratione præsentis loci, hic Parabolicus fur dives esset, amplius in pœnam quadrupli à Davide condemnatus fuit, & quidem merito, quo homini pauperi succurreretur, qui præter hanc unicam agnam, aliud non habebat. *Inst.* Sed dicit D. Piscator l. d. *Duo pœnarum genera distincte duplici illo delicto opposita à Davide fuisse, ex ipsis verbis patet, ubi ait: eo quod fecit rem hanc (nempe quod agnam vicino abstulit) & eo quod non pepercit: id est, quod in agna illa auferenda vim adhibuit, & quidem contra hominem pauperem, idque in auferenda re unice chara*. Resp. 1. At, ubi non parcere in Scriptura notat vim & violentiam? Verbum *bbamal*, quod ibi occurrit signat quidem clementia uti: sed mox qui clementia non utitur, pariter vim adhibet? Sic dicitur quoque *Jes. 9. 19. ubi idem verbum occurrit: Nemo in fratrem suum clementia utetur*. Neutiquam tamen inde concluderis, hosce immisericordes homines simul fuisse raptores & oppressores, nisi pari ratione volueris concludere: Sacerdotem & Levitam læsisse hominem, cujus in parabola *Luc. 10.* fit mentio, eo quod clementiam non exercuerint. 2. Hoc vero loco David reddit rationem suæ sententiæ: summa enim erat iniquitas, quod cum dives hic pepercerat suo gregi, pariter non pepercerit unicæ agnæ hominis pauperis, sed eam abegerit, ut eam

F ff

aptaret



aptaret usibus mensuræ. 111. Martyr ad præsentem locum ex mente quorundam ita commentatur: Dicunt, inquit, istam dicendi formulam Davidis, non sic accipiendam quasi plecti capite voluerit, sed ad emphasin exprimendam hyperbole usum esse: quasi dicat, posset videri reus mortis, non quod capitali supplicio eum affici vellet, &c. Hic ego video Spiritum Sanctum esse abusum lingua Davidis, quemadmodum proverbio dicitur: ἡ γλώσσα αἰμαρτάνουσι τ' ἀληθὴ λέγει. Non multum recedit D. Matthæus l. d. sic loquens: Dici potest, hyperbolico dicendi genere usum Davidem, ut exprimeret improbitatem huius furis, qui cum dives gregis esset, agnam unicam interceperat pauperi. Resp. 1. In omni Parabola occurrit πρῆτασις & ἀπίδοσις, atque hæc illi respondere debet: eoque, ut Nathan non hyperbolice, sed vere dixit, Davidem virum mortis esse, existimandum quoque est, non hyperbolico dicendi genere, sed vero ac iusto iudicio, furem divitem, eumque Parabolicum à Davide adjudicatum fuisse capitis supplicio. 2. Lubens do, non ambigendum esse, quin Scriptura utatur hyperbole, æque atque aliis tropis, ut recte monuit Augustinus lib. 16. de Civ. Dei cap. 2. interea tamen in locutionibus propriis non est fingenda hyperbole, sive κατ' αὐξήσιν, sive etiam κατὰ μειώσιν. 3. Ut Nathan, loco Dei, velut Iudex, sententiam pronunciavit in Davidem; ita David quoque, ut Iudex sententiam tulit & pronunciavit in furem Parabolicum, atque per eum, in semetipsum. At, quis unquam somniavit, Iudicem, quando pronunciat sententiam, uti locutionibus hyperbolicis? Davidem vero pronunciaſſe sententiam ut iudicem, patet ex adjecta ratione, quam cum D. Piscatore modo examinavimus. 1v. Hæc amplius excogitavit D. Matthæus l. d. pro exceptione quasi nova: *Peculiari id instinctu Dei factum est, ut David in ista verba prorumperet, atque suam ipse sententia caderet, juxta illud vulgatum Græcorum: ἡ γλώσσα αἰμαρτάνουσι τ' ἀληθὴ λέγει: Ipse enim filius ille & vir mortis erat.* Resp. 1. Hactenus probo, quod Vir consultissimus, non exscripserit quidem P. Martyrem, sed interpolaverit duntaxat, licet minus auspicato, ut dein liquebit: saltem vir candidus Martyris fecisset mentionem. Turpe siquidem est, nolle profiteri per quem profeceris. 2. Variæ quidem responsiones adferri possunt in Theologicis controversiis, ratione certi loci Scripturæ, qui controversus sit: verum illæ debent consentire, ne utiquam autem dissentire; multo minus ita esse ordinatæ, ut una alteram interimat. Vir eximius antea dixerat, præ ira, Davidem præcipitem hanc sententiam tulisse; at nunc, ex ingenii sui pharetra adducit Dei instinctum.



instinctum. Quomodo hæc duo consentire possunt? Certe, antea hæc duo non conciliabuntur, quam Christus & Belial in concordiam fuerint redacti. 3. Interea hic agnoscimus, ut omnino debemus agnoscere, Dei instinctum, & quidem singularem: quoniam enim Sp. Sanctus, sub nubibus Davidicis aliquandiu occultatus, ad orationem Nathanis, se rursus in Davide promptum exhibuit, æque atque in Eliseo postea, ad sonum fidium; certo est credendum, ut jam antea monui, hoc ipsum iudicium Davidis, circa furem Parabolicum, non quidem proxime in Davidem, sed per istum furem mediate, in Davidem ipsum pronuntiatum esse: Ac consequenter, hoc iudicium fuisse consentaneum Divinæ voluntati, simulque ostendere, quomodo secundum explicationem Sp. Sancti (hic universæ Scripturæ est author) per Davidem, intelligi debeant Dei leges de pœna simplicis quoque furti. 4. Reynessius quoque noster suam dexteritatem circa hunc locum, ne qua ratione mihi faveat, ostendere voluit. Omissis vero verborum *ἀνευθρῆς*, quas profundit, duo potissimum habet, examine utrunque digna. *Primo* p. 210. hæc offendo: *Gratis supponitur hic agi de furto, quod neque ex propositione Parabola, neque ex ejus applicatione liquet; non vocatur furtum, non dicitur clam & ignorante domino factum, sed agna veluti gremio domini erepta.* Resp. 1. At contrarium jam patuit ex præcedentibus. 2. Reynessius ostendere deberet intervenisse rapinam: at ne *γὰρ* quidem occurrit. Virorum egregiorum conjecturæ, præconceptæ opinioni subservientes, non sunt genuinæ Scripturæ interpretationes. *Secundo* ita insurgit: *Nathan Davidem non furti, sed raptus & homicidii convincere volebat, atque idcirco parabola horum tendere credi debet; ille Uriam, velut agnam è gremio Bathseba rapuerat, & occiderat; ille non ob furtum, sed ob homicidium & adulterium reus mortis fuit; ille Bathseba, quod ei per gladium Ammonitarum eripuerat, quadruplum reddidit, se scil. ei, & regnum filio.* Resp. Sed bonus noster vir, hæc ipsa evertendo, contra seipsum sententiam dicit. Ita enim paulo ante loquitur: *Furtum proprie nec vim includit, nec fit sub oculis domini, ut hic factum innuitur.* Quid vero ipse Nathan ad Davidem dicit? d. cap. verl. 12. expressa hæc verba occurrunt: *Quia tu fecisti clam; etiam ego facturus sum rem hanc coram toto Israël, & coram sole.* Clam scil. David abduxerat Bathsebam, & consequenter instar furis, ipso Reynessio iudice. Eoque, ut parabola facti Davidis respondeat, qui agnam abstulerat, non raptor sed simplex fur haberi debuit, ac con-

Fff 2

sequenter



sequenter David pœnam irrogari voluit non ob rapinam, sed simplex furtum. 5. Et postremo Franzius l. d. hanc novam exhibet responsionem: *At quis hodie furem agna, criminali & capitali quidem pœna afficiendum existimaret?* Resp. 1. Existimavit vero hoc Sp. Sanctus, per Davidem, Divino instinctu præditum, loquens, ut modo agnovit ipse D. Matthæus. 2. Circumstantiæ delicta vel attenuant, vel aggravant. Agna hæc unicum viro pauperi solatium erat, atque dives amplo gaudebat grege, è quo plurimas oves accipere potuisset: nulla autem erat ratio, cur pauperi suam unicam agnam eriperet, nisi propositum ei fuisset, hominem afflictum satis, ad desperationem adigere. 3. Verum quidem est, quod agna, qua talis, si erepta fuerit, non mereatur capitis supplicium: si tamen concurrant circumstantiæ, quas hæcenus consideravimus, ejus interversio capitalis esse potest. Atque hæc sunt illa, quæ hæcenus expendere voluimus è Scriptura V. T. (locum enim Prov. 6. minus scopo nostro servire putamus) quæ, an non liquido evincant, simplici quoque furto, si circumstantiæ concurrant, pœnam capitalem, per judicem, Deum timentem eumque prudentem, decerni posse, omnes illi judicent, in quibus modo judicium non laborat.

- III. Nec pœna capitalis, furto simplici è Scriptura vindicata, adversatur justitiæ distributiæ, uti passim clamatur. Audio quidem dici, quod nulla proportio intercedat inter τὰ βιωτικά, seu bona secularia, & hominis vitam; at hoc, quod ad modum quasi axiomatis jactatur, neque justitia vindicativa Dei agnoscit, neque sana quoque ratio. Ut à priori incipiam, seu justitia, quam in hoc seculo Deus in maleficos, ad alios deterrendos, exercet; certe axioma vulgare est falsum, nec, ut universaliter verum, admitti potest. Quam diro supplicio non fuit affectus Achan, cum omnibus suis filiis, filiabus, bobus, asinis, & gregibus? Jos. 7. At quæ proportio inter illud intercedit, & togam Babylonicam, ducentos siclos argenti, atque lingulam auream quinquaginta siclorum? Ananias & Sapphira, horæ momento prostrati atque letho dati fuerunt, Act. 5. propterea, quod aliquid intervertissent ex eo pretio, quod totum sibi servare potuissent. Cui mortalium hic constiterit ratio proportionis? Atque, ut propius ad furtum accedam, quæ proportio intercedit inter ædium nocturnam effractionem, & presentaneam interfectionem hominis, de cujus tamen proposito occidenti non poterat certo constare? Et tamen ipse Deus, ut paulo ante audivimus, pronunciat ejusmodi cædem justam esse. Sed, qui à nobis in alia omnia hic ab-

cunt,



cunt, ut suum axioma in statu permaneat, inveniunt quasi præsidium in Scriptura, Satana ipso edicante Iobi cap. 2. 4. *Quicquid est viro, daturus esset pro se ipso.* Resp. 1. Ego alias legi apud Scholasticos, qui hic Augustinum sequuntur, quod ne quidem diabolo, quando vera loquitur, fides sit habenda, eo, quod intendat, ex Dei permissione, aliquem decipere. 2. Sententia hæc diabolica, valet duntaxat apud diaboli filios, qui cum non sustineant spem melioris vite, omnia præ hac caduca & ærumnosa vita vilia ducunt: quum filii Dei ex Christo, qui est os veritatis, didicerint, quod, *qui velit animam suam invenire, eandem perdat*, Mat. 10. 39. sciantque, *se debere animas deponere pro fratribus*, 1. Joan. 3. 16. imo aliquando, cum scilicet gloria Dei hoc exigit, vitam suam vilem ducere, *nulla illius habita ratione*, ut dicitur de Epaphrodito, Phil. 2. 30. ipsis interea cum Paulo perpetuo optantibus *dissolvi, & esse cum Christo*, Phil. 1. 23. 3. Diabolum patrem mendacii arguunt saniores ex Ethnicis. Seneca verbum est, Epist. 70. *Non omni pretio vita emenda est.* Quomodo & Cælius dixit apud Senecam Patrem Suas. 7. *non qualibet mercede vitam redimendam esse.* Ut vero ulterius liqueat, proportionem, ex lege iustitiæ, aliquando intercedere inter bona huius seculi, atque hominis vitam, casus, qui illud suadent, non quidem absolute, sed secundum certas definitasque circumstantias considerari debent, quemadmodum à Davide factum fuisse, jam antea nobis patuit. Nam, licet in genere verum sit, quod monet Philosophus lib. 1. Polit. cap. 5. nempe *πὸν πλεονεξία ἐστὶν ὁ ἐργαζόμενος οἰκονομικῶν ἢ πολιτικῶν*; in specie tamen instrumenti huius necessitas comparet, si, fortunarum tum modulus, tum possessor simul considerentur. Pauper Davidicus unam duntaxat possidebat oviculam, quacum se oblectabat, quam cum furto interverteret dives, quicquid solatii homini pauperi esset, subductum ibat. Ponamus similiter, viduam, cui soboles est numerosa, (exempla plurima vel una civitas Amstelodamensis suppeditare potest) possidere quinquaginta florenos, servientes diurnæ mercaturæ, quam exercet circa poma, singulis biduis & à propolis emi, & magna voce per urbem divendi solita, lucro interim serviente, tenui quidem, cæterum honestæ familiæ onerosæ sustentationi; atque illos quinquaginta florenos, circa vespæram magna cum molestia coactos, furto auferri à decoctore, qui eos porro in popinis & gancis intra paucos dies abliguriat; an non sacerrimus hic fur, quantum in se jugulum præcidit, non minus afflictæ matri, quam parvulis illius liberis? Singulis eorum cum Sophocle in Philoctete

EFF 3.

excla-



exclamantibus: *πῶς γὰρ ἔσται βίωσις ἢ αἰδ' ἐν ἀνθρώποις τρέφεται*: Unde mihi victus erit? Quis enim aëre victitare potest? Qui vivendi subsidia intervertit, ipsam vitam eripere censetur, siquidem secundum Aristotelem lib. 1. Polit. cap. 5. *Fieri non potest, ut vivatur sine alimento*. Verum quidem est, viduam hanc cum suis parvulis ostiatim mendicando victum rogare posse: at quam durum hoc est iis, qui per omnem ætatem labore manuum suarum sese honeste sustentarunt? *Malim moriri meos, quam mendicari*, dicit Plautus in fragm. Vidulariæ. Ponamus amplius hunc casum: Sit aliquis, quem Magistratus constituerit quæstorem orphanorum, atque is, postquam suam familiam splendide & luxuriose per plures annos de alieno habuerit, versuram faciat, emigrando in locum ignotum, atque intervertendo omnes fortunas plurimorum afflictorum puerorum, qui, cum antea de suo vivere potuerint, deinceps pendere debeant ab aliena misericordia, atque miserandum in modum ætatem transigere. Si Magistratus Christianus, ejusmodi furi, qui destinato consilio, tot innoxiiis hominibus, extremam perniciem procurat, tantum, ut suo ventri secute servire queat, patibulum destinaret, nã, quantum ego cenfeo, justitiæ per omnia satisfaceret. Ut vero ante diximus, ratione loci & status publici, considerandas esse leges, latas populo Israëlítico de furtis; ita, quorundam quoque populorum ratio, statulque familiæ & politiæ inter illos receptæ, exigunt, ut fortum simplex morte quoque mulctetur, quod scil. talis reip. membra, duriter per loci Genium agentia, tum difficillime fortunas aliquas sibi acquirant, tum etiam occasionem commodam non habeant, easdem tuto aut custodiendi, aut asserendi adversus injurias, à furibus inferri solitas. Quo in casu publicam pacem fures violant: quandoquidem nemo censeri potest res mobiles, quas possidet, tutæ custodiæ commisisse. Convenienter Bodinus lib. 6. de Republ. cap. ult. pag. 1202. *Apud Tartaros* (inquit) *& Moschoritas levissima furta morte puniuntur; quia rarissima sunt oppida & in tuguriolis aut casis humilibus fortune cujusque posita sunt. Quin etiam apud Indos qui sunt ad Occasum, fures verubus aut varris transfigi mor erat, priusquam Hispani regiones illas subegissent: quia tenui filo tantum prædia divisa erant; quæ qui transfigeret aut perumpere, gravissimo scelere obligari credebatur. Qui & juris divini & humani consultissimi audiunt, recte statuerunt, rationem pœnarum non præcise esse exigendam ad proportionem culpe, adeo, ut ratio pœnæ exacte respondeat rationi culpe, sed potissimum esse æstimandam ex fine, sive bono publico: siquidem,*



liquidem, ut huic facto rectoque præstando invigilant potissimum legum-latores, ita per irrogationem poenarum capitalium, non tam intendunt perniciem delinquentium, quam potius exemplum ad omnes transcurum. Inde Philosophus lib. 2. Polit. cap. ult. agens de legibus Pittaci, qui unus fuit è septem Græciæ Sapientibus, ita per Interpretem loquitur: *Ejus hæc lex est propria, ut ebrui duplo majorem quam fisci poenam luant, si quem pulsaverint: nam eo quod plures sint ebrui, quam fisci, qui petulant alios ledant, non ad veniam spectavit, quæ ebris potius sit habenda, sed* *ὡς τοὺς οὐκ ἐγὼν*, hoc est, utilitatem. Atque hinc eleganter & erudite quoque Augustinus lib. 21. de Civ. Dei cap. 11. eorum sententiam convellit, qui existimabant injustum esse, ut aliquis damnaretur poena æterna, pro peccatis exiguo tempore perpetratis. Et huc omnino referri debet, quod habet Claudius Saturninus Leg. 16. §. 9. & 10. ff. de Pœnis: *Evenit, (inquit) ut eadem scelera in quibusdam provinciis gravius plectantur: ut in Africa messium incensores, in Musia vitrum: ubi metalla sunt, adulteratores moneta. Nonnunquam evenit, ut aliquorum malefactorum supplicia exacerbentur, quotiens, nimium multum personis grassantibus, exemplo opus sit.* Eleganter & vere Symmachus lib. 2. ep. 13. *Tantum denuo legibus severitatis addendum est, quantum flagitia creverunt.*

Ne rationes hæc, justitiæ patrocinentur in poenæ capitalis irrogatio- IV. ne, Reynessius noster pag. 206. hoc argumentum intorquet: *Aut enim suspendetur fur. 1. ob injuriam illatam, 2. aut ob damnum illatum, 3. aut quia solvendo non est, 4. aut quia incorrigibilis est, 5. aut ob consequentiam, ne furibus repleatur civitas.* Resp. 1. Seposita tertia ratione, quam nos non curamus, ob omnes has causas fur suspenditur, accedente pacis publicæ violatione, quam fures præsumuntur temerare, dum nulli per eos licet securo esse suarum possessionum. 2. In poenæ irrogatione (prout patet ex antecedentibus, atque è subsequenteribus ulterius cognosci poterit) quid loci & subditorum ratio ferat, attendi debet. Eoque si subditorum fortunæ mobiles arctiori custodia (ut furum securæ sint) contineri non possint, qui iis insidiantur ut eripiant, à poena non deberent esse eximii, quam magis merentur, qui amplius has fortunas ereptum eunt. *Secundo dicit: Per mortem furis etiam damnum non sarcitur, quod per vitam & laborem ejus posset.* Resp. Sed hic non attenditur solum damnum quod dedit, verum potissimum, quod violant pacem publicam. *Addit tertio: Tum certe in crucem ferri non deberet, si & injuria remissa, & damnum restitutum foret.* Resp. Quamvis hac ratione satis-

fiat



fiat privato cui damnum datum est, non tamen iudici satisficit, qui cavere debet, ne cui impune pacem publicam violare fas sit. *Quarto* ita argumentatur: *Cur quæso qui per fraudem magistratui tributum eripit, & damnum multo majus infert, etiam publice deprehensus, scalam non ascendit, si propter damnum pendeat fur?* Resp. Ut nulla ratione à furto excusandos putem (quidquid vulgo quoque videatur) veſtigialium defraudatores, ita in illos gravius quid (si fæpius deprehensi fuerint) statui publice interesset. Interim hi pretium quod interverterint una cum multa solvendo, satisfacere utcumque possunt: quum non nisi per fraudem peccent. At alteri fures, dum temerant loca, quæ tutæ custodiæ servire deberent, pacis publicæ violatores haberi merentur. V. C. Si crumenisecca, ceu sector zonarius rustico extorqueat crumenam de collo ipsius pendulam (olim apud Romanos hoc quoque receptum fuisse, ex pluribus Plauti locis constat) an non temerat publicam securitatem? Cui enim tutum erit pecuniam circumgestare, si ne quidem secure ea servari queat in marsupio, à collo pendulo? *Quinto* laborando furem sarcire posse damnum, quod dedit, infert. At jam responsum est, præter damnum, attendi pacis publicæ violationem, item alia, ex circumstantiis delicti dijudicanda. *Sexto*, ne fur suspendatur ut incorrigibilis, ita pag. 207. loquitur: *Membra corporis sanè ita coerceri possunt, ne iis ad furtum fur abuti possit: relegetur modo Amsterodamum, ad celebrem illam domum disciplinariam.* Resp. Sed illa ipsa domus, quæ S. Raspi fanum est, exempla suggerit hominum, ulque adeo corruptorum, ut manus quoque sibi præciderint, ne laborare possent. Præterea cum perpetuus carcer morti adæquetur, iudex mortem furibus irrogare potest, ne resp. damnum sentiat perditissimos hosce fucos alendo. Denique ita dicit: *Cur non nominis Divini vitiatore, sabbati profanatore, fornicatore, ebrioso, calumniatore, vel viciis deprehensi, tolluntur in altum?* At contra hos leges non esse latas, aut si latæ sint, executioni non mandari dolemus. Sufficit iniustitiæ hæcenus legem argui non posse, quæ furibus laqueum destinant.

V. Cum hac pœna capitali, furto statuta, conspirat jus Gentium, quod, depositis Indis, Tartaris, & Moschis, si æstimetur ratione populorum, præ aliis morum elegantia & ingenii sagacitate conspicuorum, per omnia favet sententiæ nostræ. Ut incipiam ab Atheniensibus, notæ sunt Draconis leges, atque temperamentum Solonis, quo earundem duritiem edulcavit. Gell. lib. 11. cap. ult. *Draco Atheniensis* (inquit)

vir



vir bonus, multaue esse prudentia existimatus est, jurisque divini & humani peritus fuit. Is Draco leges, quibus Athenienses uterentur, primus omnium tulit, in illis legibus furem, cujusmodicunque furti, supplicio capitis puniendum esse, & alia pleraque nimis severe censuit sanxique. Ejus igitur leges, quoniam videbantur impendio acerbiores, non decreto jussuque, sed tacito illiteratoque Atheniensium consensu oblitterata sunt. Postea legibus aliis mitioribus à Solone compositis usi sunt. Is Solon ex septem illis inclutis sapientibus fuit, is sua lege in fures, non, ut Draco antea, mortis, sed dupli poena vindicandum existimavit. Sed, neque Solonis leges, quas optime intellexit Demosthenes, furem capitis supplicio exemerunt. Ita vero loquitur interprete Wolfio, in Orat. contra Timocratem: Atque Solon, (inquit) cui nec ipse Timocrates, se ferendarum legum licentia conferendum esse censuit, nusquam id egit, ut ejus generis homines impune & secure grassari possent; sed in hoc potius intentus fuit, ut vel non delinquerent, vel ut delictorum poenas darent, legemque tulit: Si quis interdum supra quinquaginta drachmas furatus fuerit, abduci liceat ad undecim-viros. Si quis vero noctu quodcumque tandem surripuerit, eum & occidere, & inter persequendum vulnerare, & ad undecimviros, si cui lubet, abducere fas esto. Convicto autem eorum facinorum, propter quæ in vincula licet abripi, non liceat datis vadibus satisfacere pro furtis, sed mors poena esto. Ac si quis è Lyceo, aut ex Academia, aut Cynofurge vestem, aut lagunculam, aut quicquam aliud minimi pretii, aut aliquod vasculum è gymnasiis aut portibus surripuerit, supra decem drachmas, etiam his morte poenas esse luendas constituit. Si quis vero privato judicio furti convictus fuerit, ei licere duplum solvere æstimatæ litis: penes vero judices esse, furem propter argentum ad quinque dierum totidemque noctium vincula damnare, ut omnes eum vinctum esse videant. Etiam has leges paulo prius audivistis. Censuit enim flagitiosum hominem, non tantum rapinis restitutus, esse liberatum (quia magnum furum proventum eo quidem pacto fore censuit, si celato furto fruerentur, deprehenso tantundem duntaxat solverent, quantum sustulissent) sed cum duplum oporteret solvere, tum in vinculis habitum, supra multam hanc, quod vitæ reliquum fuerit, exigere cum infamia. *Hactenus per interpretem suum Demosthenes.* Placuit vero hunc locum, prolixiorem licet, hic exhibere, tum quod Demosthenes juris Attici consultius fuit, tum etiam, ut patere queat, si quem alium, Solonem, furibus infestissimum fuisse. Etenim quid durius, quam

G g g

capitis



capitis supplicium illi decernere, qui è publico loco *ὑπὲρ δέκα δραχμῶν*, hoc est, vix quatuor Carolinos florenos, furto abstulerit? De balneariis, aliorumque publicorum locorum, furibus idem testatur Philosophus Sect. 9. Probl. 14. ubi quærit, *cur si quis ex balneis furatus fuerit, aut ex palastra, aut ex foro, aut ex aliquo huiusmodi loco, morte, qui autem ex domo privata in duplo furti pretio condemnatur?* Ratio vero, quam ibid. adducit, non displicuit quoque Plauto, quando Rud. 2. 3. ita loquitur: *Qui it lavatum in balneas, ibi cum sedulo sua vestimenta servat, tamen surripiuntur. Fur facile quem observet, videt: custos, qui fur sit, nescit.* Romanis eadem sententia sedisse videtur. Notum illud Catulli in Vibennium: *O, furum optime balneariorum, Vibenni pater.* Quicquid aliis quoque videatur, antiquorum Romanorum leges nihilo mitiores legibus Atheniensium fuerunt. Ante jus xii. Tabularum furtum capitale fuisse, ignorare nos non sinit Servius Grammaticus doctissimus. Qui ad vers. 205. sive ad hæc verba lib. 8. *Æneid. At furis Caci mens efferat, sic commentatur: Pro ingenti scelere, furis nomen posuit. Capitale enim crimen apud majores fuit, ante pœnam quadrupli.* Eadem verbotenus habet Isidorus lib. 5. Origin. cap. 26. solitus Servium exscribere. Imo per ipsas LL. xii. Tabularum, furtum capitale fuisse, ignorare nos non sinit Theophilus Justiniani Paraphrastes §. 5. Instit. de perpet. & tempor. act. ita loquens per interpretem: *Lex (dicit) xii. Tabularum, cum furti actionem daret, capitalem in furem pœnam constituit. Prætor vero pecuniariam.* Certe Tab. ii. ita sancitum fuit: *Si nox furtum faxit, sium aliquis occidit, jure cæsus esto.* Tribonianus l. 4. §. 1. ff. ad Leg. Aquil. adducto Caji testimonio, persuasum vellet, hanc conditionem de interficiendo fure nocturno xii. velut Tabulis additam fuisse: *Ut tamen id ipsum cum clamore testificetur.* Sed aliud suadent Cicero, Seneca, & Augustinus, quibus mens Duodecim fuit exploratissima. Ita quippe Cicero Orat. pro Milone: *xii. Tabula nocturnum furem quoquomodo: diurnum autem, si se telo defenderit, interfici impune voluerunt.* Senec. lib. 10. Controv. ult. *Lex, quæ nocturnum furem occidi jubet, quoquomodo jubet, non de damnato tantum, sed de fure loquitur.* Augustin. qu. 11. super Exodum: *Hoc & in legibus antiquis secularibus invenitur, impune occidi nocturnum furem quoquomodo: diurnum, si se cum telo defenderit. Iam enim plus quam fur est.* Sumptum quippe hoc caput Legis fuit, ex LL. Solonis, quarum modo ex Demosthene mentionem fecimus. Ulpianus Rhetor ad dictum Demosthenis locum hanc rationem reddit:



ἐν νύκτι καὶ δύνανται πρὸς βοήθην καλέσαι αὐτοὺς. Caterum, quam durum est,  
 cuilibet privato potestatem facere occidendi furem nocturnum, de  
 cuius intentione ulteriori constare neutiquam potest? Lex Divina (ut  
 supra audivimus) furem nocturnum, amplius ut efflorem considera-  
 bat. Ponamus vero, patrem familias negligentiorē, fores non clau-  
 sisse, atque aliquem ex prætereuntibus, qui nunquam furto maculave-  
 rit manus suas, favente nocte invitari ad auferendum aliquid ex ædi-  
 bus tam male custoditis, an licebit alicui ex domesticis, impune eum  
 occidere? Sed hoc tamen non minus permittit jus x 11. Tabularum,  
 quam Lex Solonis. Imo, sic censuit quoque Democritus: nam teste  
 Stobæo, Serm. 42. statuit innocentem habendum, qui nocturnum  
 furem, aut latronem, manu, jussu, aut sententia occiderit. Cedo hic  
 proportionem inter delictum & pœnam? Tribonianus furibus, ut po-  
 stea videbimus, faventior, in partes sollicitato Ulpiano leg. 9. ff. ad LL.  
 Coton. de Sicariis, mitigare hanc pœnam aggressus est, sic enim Ulpia-  
 num ipsum scilicet introducitur: *Furem nocturnum si quis occiderit, ita  
 demum impune fuerit, si parcere ei sine periculo suo non potuit.* Fateor, per  
 leges Prætorias pœnam simplicis furti factam fuisse pecuniariam, ut  
 modo nos docuit Theophilus, at, non audio hunc, quando porro l. d. sic  
 loquitur per interpretem: *Quoniam ergo jus quod ex Legge x 11. Tabularum  
 venit, propter asperitatem explosum est, (ἀλλὰ τὸν τεχνύτην κατὰ φρονίην)*  
 & magis jure Prætorio utimur (justum enim erat, ut qui in pecunia læ-  
 sisset, & in pecunia plecteretur) ideo Prætoriam furti actionem vocamus. Ne-  
 go enim, asperius hoc jus penitus explosum esse. Nam valuit primo in  
 castris. Testis est author gravissimus Polybius lib. 6. cap. 35. ubi sic  
 per interpretem: Tenentur milites quidem (inquit) Tribunos observare,  
 iisque auscultare, Tribuni vero Consulibus. Et habet Tribunus pote-  
 statem multæ dicendæ, pignoris capiendi, virgis aut fustibus cædendi:  
 idem jus est Præfectis in socios. Fuste autem percutitur etiam is, qui  
 aliquid e castris fuerit furatus, item qui falsum testimonium dixerit.  
 Hac Polybius. En, ut fustuarium castris furto statutum fuisse dicat?  
 Erat vero ἡ ξυλοκοπία, seu, fustuarium, secundum eundem Polybium,  
 Pœna hujusmodi. Tribunus fustem capit, eoque condemnatum quasi attingit  
 solum, quo facto, omnes legionarii, qua fustibus, qua saxis, inibi intra castra  
 ut plurimum quidem fontem necant: sed, & si qui evaserint, non tamen salvi  
 propterea sunt. Nam qua illis salus, quibus in patriam quidem redire non  
 licet? & quos necessariorum nemo ausu recto recipere? In ipsis x 11. hujus  
 G g g 2 supplicii



supplicii mentio fit, quod indicante Tab. v. 11. speciatim subibant, infamium carminum auctores. Horat. lib. 2. ep. 1.

— quin etiam lex

*Pœnaque lata, malo quæ nolle carmine quenquam*

*Describi: vertere modum, formidine sustis,*

*Ad bene dicendum delectandumque redacti.*

Ad capitales vero pœnas pertinet, fuisse feriri, ut liquet ex l. 7. §. 1. ff. ad l. Aquil. leg. 1. §. 17. ff. ad Sc. Silianian. & l. 8. §. 1. ff. de pœnis. Ex quibus ll. patet, eodem ferme loco haberi fustem, atque gladium & telum. Deinde rigor LL. x 11. Tabularum obtinuit perpetuo in agris: testis siquidem est Constantinus Harmenopyl. lib. 6. Prochir. cap. 5. jus semper fuisse furem nocturnum in agris occidendi, etiamsi miles esset, at in urbe non nisi telo uteretur. Verba illius sic Latine habent: *Furem nocturnum extra urbem licet occidere, etiamsi miles sit: eundem vero in urbibus non licet occidere, nisi telum circumferat.* Cujus rei hæc est ratio, quod frequentia & civium conspectus injuriæ inferendæ occasionem tollat, solitudo afferat, arg. l. ult. ff. Quod met. causl. Quo facit quoque illud Ciceronis oratione pro Cæcinnâ: *Si quantum (inquit) in agro, locisque desertis audacia potest, tantum in foro atque in judiciis impudentia valeret, &c.* Ergo, per leges Prætorias, non omnimodo, sed ex parte solum temperatus fuit rigor LL. x 11. Tab. quas enervavit penitus nimia clementia Imp. Justiniani, aut verius Triboniani erga fures indulgentia. Nam Novel. 134. in fine sic decernit Imperator: *Pro furto nolumus omnino quodlibet membrum abscindi: sed aliter eum castigari. Fures autem vocamus, qui occulte & sine armis hujusmodi delinquant.* Eos vero qui violenter aggrediuntur aut cum armis, aut sine armis, in domibus, aut itineribus, aut in mari: pœnis eos legalibus subdi jubemus. Et tamen clementissimus hic Imper. qui tam diligenter cavet, ne corporali pœna afficeretur fur, voluit *ἡδρονόμους*, sive, manus præcisione illum mulctari, qui aut succidisset vitem alteramve arborem ad collitigantes pertinentem, aut, qui sepem alterius inutiles reddidisset, ut docet nos idem Harmenopylus lib. 6. Prochir. tit. 5. & 7. Ergo, alterutra ex manibus fuerit secundum iustissimum Justinianum amittenda, si quis duntaxat inutilem reddiderit alterius sepem: interim citra metum quoque corporalis castigationis, licebit pauperi viduæ omnem suam substantiam eripere, atque eam ad ignominiosam vitam transponere, & ad quotidiani victus, neque non amictus corporis inopiam adigere.



adigere, ut cum inopia iugo, ad mortem usque prematur opprobrio ignominiae, prout idem Imp. loquitur Novella proxima. Amplius, quæ ratio, quod Imp. observavit leges x 11. Tabularum, ratione arborum cæsarum, ne utique tamen eas observari voluerit ratione furis nocturni? Per x 11. enim Tabulas capitale erat, alienas arbores succidere: ut patet ex Cui comment. ad LL. x 11. Tab. adducto l. 2. ff. Arbor. furt. cæsar. Unde & Servius in Comm. ad 8. Eclog. Virg. ad hunc versum; *Atque mala vites incidere falce novellas*, sic inter alia commentatur: *Fur erat autem capitale supplicium, arbores alienas incidere*. Lubens agnosco hic meam cæcitatem, nec perspicere possum, quomodo hac in parte iustitiæ distributiæ sua ratio constet. Ut vero redeam ad x 11. tabulas, secundum illas, diurnum quoque furtum longe severius castigatum fuisse, quam permisit clementissimus Justinianus, amplius non patitur nos ignorare A. Gellius, deinceps lib. 11. cap. ult. ita loquens: Ex cæteris autem manifestis furibus liberos verberari addicique iusserunt ei, (*Decemviri* scil.) cui factum furtum esset, si modo id luci fecissent, neque se telo defendissent: Servos item furti manifesti prensos verberibus affici, & è saxo præcipitari: Sed pueros impuberes Prætoris arbitratu verberari voluerunt, noxamque ab his factam sarciri: *Hactenus Gellius*. Quæ si aliquis aliquanto diligentius voluerit expendere, jus x 11. Tabularum, furtum quoque simplex, severissime castigasse videbit, atque favere illi sententiæ, quam iuri Gentium consentaneam esse, defendimus. Quod vero à x 11. Tab. postea per jus Prætorium fuerit recessum, ne utique factum est, intuitu iustitiæ, ut persuasum vellet Theophilus. Nam per LL. hæc (quæ à Tacito lib. 3. Annal. vocantur *finis æqui juris*) bene humano generi prospectum fuit, ut ipse Imperator Justinianus dicit in initio l. 14. *Cod. de Legit. hered.* Quare ne utique argui possunt aut iniustitiæ, aut iniquitatis. Sed rigor antiqui carminis castigatus est, quod hoc exigeret mutata reip. facies. Nam, ut eleganter adversus Favorinum, Legum harum asperitatem incusantem, apud Gell. lib. 20. Noct. Att. cap. 1. Sextus Cæcilius *disserit*: Nec ideo contemnas legum istarum antiquitates, quod plerisque jam ipse populus Romanus uti desierit: non enim profecto ignoras legum oportunitates & medelas pro temporum moribus & pro rerum publicarum generibus, ac pro utilitatum præsentium rationibus, proque vitiorum, quibus medendum est, fervoribus, mutari atque flecti, neque uno statu consistere; quin ut facies cæli & maris, ita rerum atque fortunæ tempestatibus variantur. *Hac eo loco Cæcilius.*

Ggg 3.

Scil.



Scil. quo tempore Roma cœpit divitiis affluere, atque universi orbis thesauros mœnibus suis concludere, minus curari cœpit furtum. S. P. Q. R. existimavit satis esse, furtum pecuniaria multa castigare, quod civibus universus ad sarcindum damnum orbis pateret: quam ob causam quoque leges sumptuariæ, speciatim Licinia & Fannia abrogatæ sunt. Atque, ut prudenter eodem loco Cæcilius disserit: *Omnia hac oblitterata & operta sunt civitatis opulentia, quasi quibusdam fluctibus exastuantis*. Ut enim leges pœnis firmanter boni publici ergo; ita perpetuo attendi debent status & conditio ipsius reip. prout antea & in genere ostendimus, & in specie verum esse evicimus, ratione ipsarum Dei legum. Et hæcenus quidem Athenienses, ac Romanos, severissimos, etiam usque ad capitis supplicium, furti vindices fuisse, ex iis, quæ diximus, patet. Eorum exemplum secuti fuerunt antiqui Scythæ, quibus non sine ratione applicare licet, quod Tacitus de Germanis dicit cap. 19. *Plus ibi boni mores valuerunt, quam alibi bona leges*. Ita autem de illis Justinus lib. 2. cap. 2. *Nullum scelus apud eos furto gravius: quippe sine tecti munimento pecora & armenta habentibus, quid saluum esset, si furari liceret?* à Scytharum antiquorum institutis non recedunt moderni Tartari, eorundem poster, de quibus speciatim consulendus est *Matth. à Michovv. lib. 1. de Sarmatia Asiatica, cap. 6.* Item, plerique Americæ incolæ, quos verosimile est Scythicæ originis esse: quomodo speciatim *Gonzal. Oviedo lib. 5. Hist. Ind. cap. 3.* notat de incolis insulæ Hispaniolæ, quod fures, ob levissimum quoque furtum, acuminato palo, per corpus transfixo, imponere consueverint. Qui apud Phryges agriculturæ instrumentum furripuisset, morte mulTABATUR: apud Lycios vero, si liber homo furtum perpetrasset, pœna servitutis ei irrogabatur, prout de utrisque testatur *Nicol. Damasc. libel. de Morib. Gent.* Apud antiquos Cimbros extant Frothonis 111. leges, quibus ut furibus ultimum supplicium irrogatum est, ita speciatim furti pœna recidebat in eum, qui furi ignoverat, prout testis est Pontanus lib. 1. Hist. Dan. Apud antiquos quoque Hungaros, juxta decreta S. Stephani lib. 2. cap. 41. tertium furtum capitale erat. Legibus Wisigothorum, ut patet ex lib. 7. tit. 2. §. 13. mulTæ pecuniariæ verbera fuerunt addita, ita quippe verba legis habent: *Cujuslibet rei furtum, & quantalibet pretii astimatione taxatum, ab ingenuo novies, à servo vero sexties, ei, qui perdidit, sarcietur, & uterque reus C. flagellorum verberibus coerceatur. Quod si aut ingenuo desit unde componat, aut dominus componere pro servo suo non annuat, persona, qua*



qua se furti contagio sordidavit, servitura rei domino perenniter subjacebit. Secundum LL. Gundebaldi Burgundionum Regis, abigeatus morte punitur tam in ingenuo, quam servo, omne autem furtum simili poena in servo. Dic vero hic proportionem, qui eam tam exacte urges. Quæ omnia si quis attentam mente expenderit, haut irascetur Friderico Enobarbo Imp. quod restem furibus, emendari nesciis, destinavit, *libr. Post. de Feud. tit. 27. §. Si quis quinque*: maxime, si notaverit, Imperatorem, legem illam, pro obtinenda Pace, attemperasse turbulentis bellorum motibus. Quam severitatem in castris quoque idem Imp. firmissime exerceri voluit. Ita enim Guntherus Ligurinus poeta, supra seculum, quo vixit, cultus lib. 7. ex mente hujus ipsius Barbarossæ:

*Servus deprensi convictus crimine furti,*

*Si fur ante fuit, probrosa morte peribit:*

*Sin minus, abrado signatus vertice frontem,*

*Verbera dura furet, castrisque fugatus abibit,*

*Ni fuerit domini spoliis, armiisque redemptus.*

Nec est, quod aliquis irascatur quoque Carolo v. Imperatori justissimo, quas enim, sive meis Ultrajectionis, sive aliis populis leges tulit, examinandas ante dedit Icc. & viris summis, quos plurimos semper circa se habere solet. Eadem alias ratione, idem irascatur Illustrissimis & Potentissimis Ordd. federati Belgii, siquidem lege militari tertia, omnibus furtis indiscriminatum, à militibus commissis, ultimum supplicium, sive poenam capitalem, decernunt. Paucorum Icc. sententia privata, exacta imprudenter ad privatam sententiam quorundam Theologorum, alias Orthodoxorum, non potest ulla ratione præjudicare tot rationibus, jam antea adductis. Atque Martyris, Musculi, Dançi, Junii, Piscatoris, Riveti, & Amesii authoritati, quam, exemplo Patris, sollicitat D. Antonius Mattheus F. opponere licet authoritatem Calvinii, & Melancthonis, (pro nostra sententia concessam ab eodem D. Matthæo) quod hi duo, magno suo merito haberi mereantur *πῶς ὁν ἀδικῶν ἀντιέχει.* Quid quod Aristoteles noster, qui calculo ipsorum adversariorum suorum, Philosophiæ Practicæ consultissimus fuit, in nostram sententiam inclinat. Sect. 29. Probl. 16. ita lego: Cur furri mors est poena; injuria vero, existente majori injustitia astimare oportet poenam, aut poenam pendere? An quod injuriam facere, humana est passio, & omnes plus, aut minus eam participant: furari autem non est necessarium. Et quia dum nititur furari, & injuriam inferre, praeligit. Miror vero D. Matthæum Junioem, in partes suas



suas sollicitare quoque Grotium, non ante consultis suis Theologis, qui vivo quoque Grotio, per me Socinianismum eidem affricare laborarunt. Certe Sociniani, qui, per magistratum sanguinem effundi nolunt, & proinde carnifices quoque execrantur, furtum nolunt esse capitale crimen, ut speciatim patet ex eorum Falciculo, evulgato à D. Cloppenburgio. At interim furtum, præ ullo alio crimine semper probrosum fuit habitum, & viri generosi mortem furto prætulerunt. Ex plurimis, quæ ad manum sunt, adduco unum Orofium lib. 4. Hist. adv. Gent. cap. 13. sub finem ita loquentem: *Fabius Censorius Fabium Butronem filium suum furti insimulatum interfecit, dignum scilicet facinus, quod pater vel parricidio plectendum duceret, quod ne leges quidem, nisi multa pecunia, aut ad summum exilium, circa quemlibet hominum censuerunt.*

- VI. Quum hæcenus ergo evictum fuerit, simplici furto, ex justitiæ quoque præscripto, capitis supplicium decerni posse, amplius despicendum de *extenuatione*, quæ hic possit ad modum temperamenti adhiberi: qua occasione simul occurremus variis objectionibus. Videntur vero Legislatores, non minus convenienter, quam prudenter, quod æquum & justum definivisse, quando laqueum decernunt illi demum, qui postquam bis poenas ob furtum perpetratum dederit, tertia vice iterum in simili delictoprehenditur. Contra quod moderamen, non video cur disputare instituerit D. Antonius Mattheus Junior, Ic. alias accuratus, in *Tract. de Criminibus*, pag. 103. & seq. Audio quidem dici: *Posito, incorrigibilem è medio tollendum esse, unde certi sumus, esse incorrigibilem, qui tertium furatus est.* Sed respondemus 1. Hoc, quod vir eximius solummodo hypothetice supponit, simpliciter verum agnosci debet, servitque tranquillitati humanæ societatis. Quod liquet ex ipsa analogia juris Divini, quo patri datur actio, usque ad judicium lapidationis, adversus filium prodigum, qui nulla paterna correptione emendabatur, Deut. 21. vers. 18. & seqq. Verba Textus ita habent: *Si cui fuerit filius contumax & rebellis, qui non auscultat voci patris sui & voci matris sue; quamvis castigaverint eum, tamen non auscultat illis: Ideoque prehendentes eum pater ejus & mater ejus; producerint eum ad Seniores civitatis sue, & ad portam loci sui dicentes Senioribus civitatis sue, filius noster iste contumax & rebellis non auscultat voci nostra: comeffator & ebriosus est: Tunc obruent eum omnes cives ejus lapidibus, ita ut moriatur, & tolles malum illud è medio; ut omnes Israelitæ audiant & timeant.* Audio quidem Reynesium nostrum pag. 207. sic cornicantem: *Lex hæc intentum non probat: sed ob scelera damnabant, quod*



*quod domi rebellis esset, foris bonorum dilapidator.* At quis non misereatur hominis, quod legere non potuerit illa, quæ in ipso Textu occurrunt? An non ipsa Parentum querela de filio ut immorigero, eo vergit, ut eâ, judici oblata, significare velint, filium suum immorigerum, ideo ad iudices à te deferri, quodd eidem castigando ipsi amplius non sint pares? 2. Ternarii numeri (quem Pythagoras, ut ex Jamblichio constat, titulo *trīs dixys* condecorare solet) circa furem mortis supplicio afficiendum, ideo dici potest, haberi à Legislatoribus rationem, quod ipsa Scriptura, tres quatuorve defectiones, multarum loco habere consueverit. Notum illud Amosi cap. 1. *Propter tres defectiones Damasci, &c.* Atque, in eadem Scriptura, *ter* illud fieri dicitur, quod crebro fit, Job. 33. 29. 2. Cor. 12. 8. & alibi. 3. Liceret mihi inferre adversus virum egregium, furem ne quidem ultimo supplicio afficiendum esse, quando septies & octies quoque pœnas dederit, quod possit adhuc superesse spes emendationis: sed, an interea licebit homini, publice inutili, grassari in fortunas alienas? Quum constet, multos ex hominibus trium literarum, virgas & forfices non curare, atque vix vincula iis coercendis sufficere, cum & validissima quoque perrumpere sciant. 4. Legislatores ex tertio furto animum furis incorrigibilem arguentes, pariter providere voluerunt, ne per eum ulterius humana societas læderetur, quam integram præstare ante omnia illi ipsi debent. Pergit D. Matthæus atque ita loquitur: *Si ob damnum tertium, si ob tertiam injuriam nemo capite punitur, cur ob tertium furtum furi gula frangatur? non enim levius omne damnum furto est.* Leg. illud quæ situm 32. D. ad legem Aquiliam *furtum plerisque injuriis levius.* Resp. 1. Hæc esse imparia: nam damnum potest magis præcaveri quam furtum. Damnum, quod sæpius culpa quam dolo committitur, ab inferente facilius sarcitur, quam à fure (in quo merus dolo) recuperari queat res furtiva. 2. Atque hinc in d. l. 32. quæ nobis nequaquam officit, dicitur à Gajo, *interdum ratione damni leviolem causam delicti esse; veluti si culpa, & non dolo, damnum daretur:* quum, innuente aperte Ic. in furto semper dolo interveniat. 3. Neutiquam in dicta lege furtum & damnum adæquantur, sed ratio inquisitionis, si scilicet à familia fuerit aut damnum datum, aut furtum commissum: nam ut furtum familie sarcit dominus, ac si unus liber idem commisisset, *ne ex uno delicto tota familia dominus careat;* ita ob hanc eandem causam, simili ratione dominus damnum sarcit, à tota familia datum. Adeo, ut non inconvenienter Gl. huc referat vulgatam regulam: *Ubi eadem ratio, ibi idem jus.*

H h h

Instat



Instat vir Celeberrimus, atque ita deinceps scribit: *Sed imprimis mover l. 4. Cod. de serv. fugit. ubi Constantinus eum, qui tertium servum alienum celasse convictus erit, non capite, sed tribus aliis servis, vel sexaginta solidis mulctat; cum tamen certum sit, toties furtum eum admittere, quoties fugitivum celat, l. 1. D. de fugit. Resp. 1.* At hoc nequaquam me movere potest, quum Tribonianus, qui non nisi multa pecuniaria furtum expiari voluit, non potuerit aliam poenam statuere ei, qui alienum servum tertio celabat. Nam, ut tertio furto, per Tribonianum, non nisi multa pecuniaria definita fuit, ita non potuit non idem quoque Tribonianus, quo sibi constaret, nec contradiceret, locum dare Constantini Constitutioni. 2. *Imprimis vir eximius moveri posset hoc argumento, si is, qui alienum servum celat, fur improbius foret. Sed hoc non dicit Ulpianus in d. l. 1. ubi hæc duntaxat lego: Is, qui fugitivum celavit, fur est.* Postremo D. Matthæus ita argumentatur: *Ne militaris quidem disciplina tertium deprehensum mortem irrogat, sed ei, qui ter ob idem admissum jam mulctatus erat, ut scribit Polybius lib. vi. Cum autem disciplina militaris civili longe asperior sit, cur non quartum potius furtum, quam tertium, capite puniendum censuerunt interpretes?* Resp. 1. Quid statutum vero sit legibus Militaribus Dan. Ordd. modo innuimus, atque consuli potest den Artikel-brief. Amplius, ex Polybio jam diu est quod ostenderimus, apud ipsos Romanos furto castrensi statutum fuisse fustuarium. 2. Ergo consequens est, Polybium esse intelligendum de militaribus delictis levioribus. 3. Furti tolerantia in fure, qui habitum furandi contraxit, animum ad furandum fere ei addit, ut experientia quotidiana constat. Atque hæc sunt rationes. Ic. dum viveret summi, quas citra odium, cujus causas procul habeo, breviter & modeste examinare volui. Assentior vero lubens eidem, quando patrii statuti moderamen ~~extremum~~ commendat, exhibendo simul hæc illius verba: *Ob tertium furtum fur omnino suspenditor, nisi commiseratione ætatis, aut alia pregnantis de causa judici aliter visum sit.* Sed, ut facile largior, inter justas causas referri posse tria furta levia; ita voluisssem, vir in scribendo accuratus, definivisset, an judex necessario semper cogatur habere respectum ætatis minorennis, ad mitigandam poenam, an vero hoc faciat libere? Quæ enim in utramque partem discutit Maranta part. 4. dist. 1. num. 84. hætenus mihi satisfacere non possunt. Præterea, non injuria alicui oboriatur hic scrupulus, an hoc etiam ferreo seculo, atque sub mundi senectam, minorennis ætatis, quod ad diminuendam poenam, speciatim quoque furti, a judice



à judice ratio haberi possit? Notum illud Horatii lib. 3. Od. 6.

*Damnosa quid non imminuit dies?*

*Etas parentum peior avis, tulit*

*Nos nequiores, mox daturos*

*Progeniem vitiosorem.*

Atque de sua ætate jam olim scripsit *Marfil. in l. infans. ff. ad leg. Corn. de Sica.* quod infantes sexto ætatis sue anno callidiores, & doli capaciores essent, quam olim fuerant anno decimo quinto. Quomodo & Jodocus Damhouderus in *Praxi Criminali* cap. 84. num. 5. dicit: *Nostri quoque comperimus temporibus, quod in iis pueri nequiores sunt, & viciis magis dediti, quam priscis fuerant temporibus.* Ego hæcenus ἐπεὶ, alio forte tempore plenius hanc quæstionem excussurus. Ut vero redeam ad poenam furti, ne capitalis illa evadat, ita differunt Sociniani, in *Compendiolo Socinianismi*, evulgato & refutato per D. Cloppenburgium: *Pœnas capitales in furibus minime admittunt, (scilicet Sociniani) quos potius, more apud Turcas & Persas recepto, vellent alia leviori pœna affici: ut videlicet mitella, vel notabili aliqua veste amicti, publicas vias insaurarent, aut aliis ejusmodi laboribus, vel ad tempus, vel in perpetuum addicerentur.* Resp. 1. Haut mirandum, assedas Socini, hæreticorum primipili, infestos esse capitali furum supplicio, siquidem in universum ipsi Magistratui gladium, scelerum vindictam, eripiunt. Ita quippe loquuntur hi iidem: *Docent, Christiano quidem licere Magistratum gerere, modo non utatur gladio, ad fundendum sanguinem: quia putant in N. T. non licere fidelibus, ut quenquam morte afficiant.* 2. Remedia correctoria, quæ capitali supplicio substituuntur apud Mossemanos, mox quoque locum habere non possunt per universum terrarum orbem. Una quoque gens, non potest alterius gentis qua libertati, qua moribus, in poenarum irrogatione, præjudicare: quum in coërcendo, non tam res quæ violantur, quam qualitas delicti sit attendenda, an videlicet & quatenus remp. & salutem communem lædat, ad cujus conservationem omnes leges sunt referendæ, ut præclare ex *VV. sēmb. in parat. ff. de furt. num. 15.* ostendit Sande lib. 5. Decis. Fris. Tit. 9. def. 9. Atque si ratione poenæ una gens alteri possit legem definire, absurdè, imò sæpe ridiculæ legis autoritas attendenda erit. Burgundionum veterum hæc lex fuit: *Si quis canem, vel fixum, vel segutium aut petrunculum præsumpserit involare, jubemus ut convictus, coram omni populo posteriora ipsius osculetur.* Sed, quis observationem hujus legis aliis in

H h h 2

exem-



exemplum commendare voluerit? 3. Inter nos recepta sunt ergastula, haut leviora opere metallico, ad quod olim fontes condemnari solent. Experientia vero constat, paucos emendari: qui enim ad certos annos durissimo labore in iis exerciti quoque sunt, quando dimittuntur, deteriores fere exeunt, atque mox ad ingenium redeunt. 4. Quid quod omne illud, quod ergastularii laborando lucrantur, cedat ergastulorum curatoribus, non vero iis, quibus furto res fuerit subducta; quum tamen his ante omnia satisfieri deberet, secundum hypotheses horum hominum, stricte inhærentium literę legis Divinę, quam cæremonialem ex parte agnoscendam esse, antea evicimus. 5. In summa, ut finiam, quemadmodum in irrogatione pœnarum, earum quoque quę speciatim furtum concernunt, semper attendi debet quid reip. ratio & salus exigant; ita cogitandum quoque (ut jam antea notabamus) sub hanc mundi senectam, asperioribus remediis opus esse. Ut enim recte per Interpretem Diodotus apud Thucydidem lib. 3. disserit: *Veri simile est mitiores pœnas olim in maxima scelera constitutas fuisse. Sed cum temporis progressu violarentur, ad mortem pleraque processerunt.* Eoque, si forte aliquando videatur ratione pœnarum occurrere ὑπερβολικόν τι (quod notat in Davidis iudicio, 2. Sam. 12. Procopius Gazęus à Meursio editus) impetrari debet rationi loci & temporis.

VII. Priusquam missam facio hanc de furti pœna Excitationem, verbo expendere debeo rationem Abigeatus, quod crimen nollet capitali supplicio affici D. Matthæus, tum l. d. tum etiam in eodem opere de Criminibus pag. 232. quod neque Dei lex ultimum supplicium decernat, neque jus Civile quoque. Sed in Dei lege de re furtiva, pecudum duntaxat mentio fit, quod in illis fortunę Israëitarum consisterent; eoque, quę de pœna furti antea diximus, volumus applicari speciatim Abigeatui. De iure Civili major est controversia. Notum est rescriptum Adriani, hisce Ulpiani quasi verbis à Triboniano in Pandectis exhibitum l. d. de Abigeis: *De abigeis puniendis ita D. Adrianus consilio Utica rescripsit: Abigei cum durissime puniuntur, ad gladium damnari solent; puniuntur autem durissime non ubique, sed ubi frequentius est id genus maleficii, alioquin & in opus, & nonnunquam temporarium dantur.* Cujacius lcc. alpha, cui assentitur D. Matthęus, producto Ruffino, lib. 13. Observ. cap. 10. probat hoc, quod sequitur, genuinum D. Adriani rescriptum fuisse: *Ideoquo puto apud vos quoque sufficere genus pœnæ, quod maximo huic maleficio irrogari solet, ut ad gladium abigei dentur: aut si quis tam notus & tam gravis in abigendo*



abigendo fuit, ut prius ex hoc crimine aliqua poena affectus sit, hunc in metal-  
lum dari oportere. Atque simul infert, per gladium in rescripto D. Adria-  
ni, non esse intelligendum ultimum supplicium, sed ludum gladiato-  
rium. Quod nos libentissime damus: neque enim putamus Adrianum  
aliam poenam in animo habuisse. Sed hoc dicimus, Tribonianum more  
suo, interpolasse D. Adriani rescriptum, atque gladium (falso prætexen-  
do auctoritatem D. Adriani) de poena durissima, seu capitali omnino  
esse intelligendum, qua Justinianus cum suo Triboniano voluerit Abi-  
geatum expiari. Nam, ex mente horum Duumviorum, (ut jam diu ab  
aliis est observatum) non posse intelligi ludum gladiatorium, inde patet,  
quod Justinianus probavit rescriptum Constantini leg. unic. Cod. de Gla-  
diat. de gladiatoribus penitus tollendis. Iis, qui sic nobiscum respon-  
dent, sequentia l. d. sive pag. 234. regerit D. Matthæus: *Frustra timent,*  
*ne gladii verbum otiosum sit: cum & ludis antiquatis, id tamen verbum nos*  
*doceat, quanta huic crimini poena debeatur. Quanquam & pro certo sumunt,*  
*quod Cujacius eis non largitur: qui cruenta quidem gladiatorum spectacula, à*  
*Constantino sublata fatetur; ludum negat.* At hæc me parum movent. Nam  
1. respondeo, ludicrum V. C. foret, si iudex, qui nollet extare memo-  
riam ergastulorum, aliquem ad poenam ergastuli condemnaret. 2. Quan-  
quam Adrianus non putavit suum gladium, sive gladiatorium ludum,  
esse durissimam poenam; Tribonianus tamen gladium D. Adriani, è pro-  
pria sua mente interpretatus est, & intelligi voluit de poena durissima.  
3. Do lubens, lata à Constantino lege, de tollendis gladiatoriiis specta-  
culis, cujus meminit speciatim Eusebius lib. 4. de Vita Constant. mox  
ludum non fuisse eversum: quum sub Theodosio & Valentiniano, qui-  
dam meditati fuerint in eum gladiatores iterum introducere, atque spe-  
ciatim sub Constantio fuerint permitti hi ipsi ludi, ut patet ex Const-  
antii lege que est l. 3. Cod. Theod. de Paganis. Unde ipse quoque Augusti-  
nus queritur lib. 6. Confess. cap. 8. *Alypium suum, gladiatorii spectaculi*  
*inbiata incredibiliter abreptum fuisse.* Interim certum est, per Honorium,  
hoc est, ferme 1. x x x. annis ante Justinianum, & gladiatores, & lu-  
dum, penitus sublatum fuisse, ut fusc legere est apud Theodor. lib. 4.  
Hist. Eccl. cap. 26. adeo, ut Justinianus interpolator rescripti D. Adria-  
ni, per suum Tribonianum, per gladium non potuerit intelligere nisi  
ultimum supplicium.



## EXERCITATIO XXVIII. DE DE USURA TRAPEZITICA.

1. **C**onflictus non minus inter antiquos, quam recentiores Theologos, eosque Orthodoxos quoque intercedit, an usura ullo modo sint licite? Simul explicatur, quid sit usura.
2. Eas toto genere malas non esse ostenditur non minus ex Scriptura, quam ad ea responderetur, qua in contrarium adduci ex eadem solent.
3. Usura moderata & limitata consentanea sunt juri Naturali.
4. Modum iis definire debet Magistratus: ubi & agitur de Centesima & unciario fenore.
5. Mensa usuraria, quæ in Belgio exercentur, moderante & permittente easdem Magistratu, exercentur.
6. Imo alicubi exercentur ab ipso Magistratu.
7. Adeo, ut circa illas nihil occurrat, quod aut Scripturae, aut juri Naturali adversetur.
8. Unde neque magis sunt execranda, quam Montes Pietatis, si non his sunt meliores.
9. Responderetur ad ea, quæ vulgo in contrarium objici solent.
10. Eoque nulla est ratio, cur exercitores earum Mensarum, quæ tales, aut à sacra cœna, aut à Collegio Seniorum, & Diaconorum arceri debeant.
11. Atque idem judicaturos esse omnes æquos & moderatos Theologos, confiditur, etiam si cum suis D. Voetius obstrepat.
12. Quinam ad exercitium harum mensarum sint admittendi?
1. **Q**uanquam ò πάλιν Dn. Salmasius, non minus prolixè, quam solide, excusserit, quid æstimandum sit de Trapezitarum mensis, quibus D. Voetius à pluribus annis infestissimus est; non credo tamen vitio nobis datum iri, si hac Exercitatione breviter mentem nostram proposuerimus. A voce, ut incipiam, *usura* (ut pueris quoque notum est) ab usu nomen habet, &, ut sæpe pro usu in genere sumitur, ita, in numero multitudinis potissimum, ordinario pro usu



usu pecuniæ accipi consuevit. Alias *fenus* dicitur, non quod hæc vox usuræ sit synonyma, sed, quod per Synecdochen usuræ æquivalet, ut erudite observatum fuit à D. Salmasio Traët. de Usuris pag. 121. A Græcis dicitur *τοκον*, à verbo *τινω*: quia per usuras numus quasi numum progenerat. Ebræi duo potissimum usitata vocabula habent, atque ratione debitoris, considerato ordinario usuræ effectu, eam vocant *neschech* à *naschach*, mordere; quod arrodere consueverit facultates illius, qui usuras solvit: ratione vero creditoris, eam vocant *tarbith* à *rabba*, multus fuit; quod adaugeat opes illius, cui usuræ solvuntur. Usurarum rationem pulchre tetigit Flaccus lib. 1. Sat. 2.

*Dives agris, dives positis in fenore nummis.*

*Quinas hic capiti mercedes exsecat, atque*

*Quanto perditior quisque est, tanto & cuius urget.*

Quo in loco ut ipsam sortem caput vocat, ita sortis fructum, qui Latinis (ut diximus) *usura*, sive *fenus* est, mercedem dicit, cujus vocabuli alias proprie usus esse solet in locatione. Convenienter vero *usura* ex Salmasio l. d. pag. 270. describi potest; *Mercēs pro usu rei mutuatitiæ ex pactione præstanda*. Aut potius, quia merum mutuum non debet perpetuo respici: *Fructus debitus quasi ex iustitia, conferendus præter rem, quæ finito usu est restituenda*. Quidam, si non multi quoque Theologi, non modo distinxerunt inter Ebræorum *neschech* & *tarbith*, verum etiam inter Latinorum *fenus* & *usuram*. Sed præter iustam & sufficientem causam. Nam quamvis viri egregii, & inter illos Antonius Matthæus Senior, Ic. quantivis pretii, in Disputationibus Miscellaneis, dicat, *fenus esse lucrum petentium, quod de mutuo debitor à creditore exigit, usuram vero lucrum non esse, sed propter moram non solventium infligi*; fundamento destituitur. Eoque, sepositis hisce distinctionibus, plane inutilibus, & ad rem non facientibus, initio debemus expendere, an usura quoque licita sit, quam agere possimus de tali usura, qualem publica auctoritate (hoc enim perpetuo supponi debet) illi exercent, qui odio-fo nomine *Longobardorum* vulgo traducuntur. Fateor, Thesin admodum diligenter excussam fuisse à quatuor summis Theologis, nempe D. Rivero in Explicat. Decal. pag. 366. & seqq. D. Amesio lib. 5. de Conscient. cap. 44. §. 6. & seqq. D. Spanhemio Dub. Euangel. 127. & D. Cloppenburgio: vitio tamen nobis datum iri non credimus, si quædam, quæ à tantis viris dicta fuerunt, cum quodam superpondio repetierimus. Etsi vero diffiteri non liceat, præter Gentiles plurimos

(eorum



(eorum sententias exhibet D. Spanhemius d. 1. §. 3. quibus addendus Aristoteles lib. 1. Polit. cap. 6. & 7. item 4. Ethic. cap. 1.) antiquos Patres fœnori fuisse infestissimos, speciatim Basilium Magnum in Pf. 15. Gregorium Nyssenum Homil. 4. in Ecclesiast. Hieronymum in Pf. 54. & lib. 6. in Ezech. cap. 18. Augustinum in Pf. 36. Lactantium lib. 6. Instit. cap. 18. Ambrosium lib. de Tobia, cap. 13. Chrysostomum in cap. 5. Matth. & Bernhardum Epist. 322. quorum verba citantur partim apud Gregorium de Valentia Tom. 3. Disput. in Thomam sect. 5. quæst. 21. punct. 1. §. 2. partim apud Gerhardum Tom. 6. LL. CC. pag. 912. & seq. Quod vero Thomas Aquinas Scholasticorum Alpha 2. 2. a. qu. 78. art. 1. statuatur, *accipere usuram pro pecunia mutuata esse secundu- dum se injustum*: atque jus Canonicum 14. q. 4. cap. *Si quis oblitus*, usuris infestum se præbeat, omnes tum Scholastici, tum Canonistæ ἀσυνδον πλέον non modo usuris indixerunt; verum ut hæreticis quoque incele- menter dicunt omnibus, qui pro usuris legitimis unquam steterunt. *Inde hæc legas apud Gregorium de Valentia l. d.* In primis quidem ex fide certum est, Usuram hujusmodi esse peccatum. Ita enim est definitum in Clement. unica de Usuris, ex Concilio Viennensi sub Clemente v. ubi dicitur, esse puniendos tanquam hæreticos, qui id negent. Negant id autem Albanenses, teste Antonino 4. parte Theolog. tit. 11. cap. 7. §. 5. & schismatici Græci, ut refert Guido Carm. in Catalogo hereticorum. Sed falso & hæretice id isti negarunt. Sicut etiam impie & hæretice Carolus Molinæus in tract. de Commerciis & Usuris, præsertim initio, & quæst. 2. & quæst. 74. contendit non omnem hujusmodi Usuram esse peccatum, sed tantum eam, quæ sit *excessiva*, hancque solam in Scripturis damnari. Quod dogma plane hæreticum est, & non nisi imperitissimis argumentis &c. ab isto auctore propugnatum in illo suo tractatu, qui & sub ementito nomine Gasparis Caballini, Anno 1576. quasi Venetiis impressus sine ullo Typographi nomine in lucem editus est, nescio quibus usurariis obstetricantibus. *Hactenus ille.* Porro, à Pontificiorum Doctorum opinione in Papatu, instar articuli fidei adhuc obtinentis, non recedit Lutherus, cum primis illis Theologis, qui pro causa ejusdem, quæ ipsa Dei causa erat, sub initium Reformationis caput sacrarunt. Lutheri mens colligi potest, Tom. 1. in *serm. de usuris* fol. 188. & seqq. Tom. 7. *Germ. Ienens.* pag. 389. fac. 2. §. 2. quam (ut Lutheri ipsius sententiam) signantius expressit fidus ejusdem Achates Philippus Melanchton in Epitom. Philos. Moral. quæ edita est tum anno



anno 1542. tum anno 1557. in Catechismo edito anno 1543. item in Annotat. in Matth. publicatis anno 1558. (eoque ut aliena à Philippi mente, reijcio illa, quæ D. Cloppenburgius adducit è Consiliis Theologicis à Pezelio editis, quorum alias pleraque sunt supposititia) item Brentius in caput quintum Levitici pag. 125. fac. 1. §. 3. & fac. 2. q. 1. idem in Comm. in Pl. 15. ed. anno 1565. Urbanus Regius in suis locis Commun. edit. anno 1545. Hieronymus Wellerus in Comment. in Pl. 15. Quos omnes authores adducit Philippus Cæsar, Superintendens Gottingensis, qui peculiari tractatu anno 1569. omnem in universum usuram oppugnavit. Augustanæ confessionis Theologis accesserunt nonnulli quoque ex nostris, speciatim Musculus in Pl. 15. Quem non modo secutus fuit Andreas Hyperius, doctissimus Theologus Marburgensis, in eximio opusculo (editum hoc est cum aliis Opusculis Basileæ anno 1580.) de probatione sui ipsius ad Octavum Præceptum; verum ex Theologis Helveticis quoque Martinus Borrhaus Theol. Prof. Basileensis in Comment. ad Exod. cap. 22. & Benedictus Aretius parte 2. Problem. loco 50. quem locum, non dubitat pag. 631. obsignare hisce duabus Thesisibus: 1. *Cum usura nedum jure positivo, sed etiam utroque, tum veteri tum novo Testamento, tanquam in se mala, prohibita sint à Deo, quod nulla potestate etiam suprema dispensari possit, ut licite recipiantur: sequitur quod stipulatio usurarum est nullus momenti.* 2. *Sunt autem usurarii seu feneratores, quicunque ex pecunia mutuo data, vel minimum etiam obolum, vel haustum frigida aqua ex conventionem ultra sortem recipiunt.* Ex Theologis Anglis addi debent nominatim Joannes Juellus Episcopus Sarisburiensis, qui non modo peculiari diatriba, quæ inter opera illius occurrit, laboravit oppugnare omnis generis usuram, verum etiam peculiari præfatione condecoravit tractatum à Thoma Willsono adversus usuras editum. Idem fecit quidam Piæus in Tract. quem inscribit: *Spiritus usuræ adjuratus*; itemque in responso ad librum *ἀνώνυμον*, quo usura defendebatur, excuso anno 1604. in cujus Epist. Dedicatoria Author ex suis quoque, velut *ὁμόφρον* laudat Pouvellum. Amplius inter opuscula Postuma Lanceloti Andreæ Episcopi Vintoniensis, occurrit Determinatio Theologica, aliquando Cantabrigiæ habita, qua author laborat asserere, *Usuras, legitimas quoque, esse illicitas.* Denique circumfertur Tractatus Roberti Boltoni (sitne jam typis exscriptus, nescio) quo quam fervide omnis generis usuræ, citra ullam omnino distinctionem oppugnantur. A quibus non multum recedit Rever. D. Usserius Armachanus,



nus, in corpore Doctrinæ Divinæ ad Octavum præceptum. Nec tamen dixerim cum nonnemine, Reverendissimos Angliæ Episcopos, motos quasi autoritate juris Canonici, Usuris infestiores fuisse: quum fuerit hæc particularis quorundam ex hoc ordine sententia, æque, atque alios particulares Ecclesiæ nostræ Doctores in diversum abiisse, modo patuit. Cæterum hisce opponere convenit, præter rationes proxime proponendas, auctoritatem gravissimorum Theologorum Orthodoxorum, (nempe, Oecolampadii, Bucerii, Bullingeri, Calvinii, Vireti, Zanchii, Danæi, Tossani, Junii, Martinii, Keckermanni, Zepperi, Riveti, Amesii, & Wollebii) enumeratorum stricim à τῷ μακαρίῳ D. Cloppenburgio, in vestibulo Institut. Theologicæ de Fænore & Usuris. Quibus velut consentientes addi debent, Theologi Leidenenses in Synopsi Disp. 37. th. 34. Polanus in Syntagm. Theol. lib. 10. cap. 63. Tilenus Syntagm. part. 1. Disp. 49. Th. 27. & seqq. Scharpius in cursu Theolog. loc. comm. de Lege ad octavum Præceptum, aliique plures; qui omnes sub certis conditionibus & legibus, postea à nobis considerandis, usuras admittunt. Quum vero, præ aliis solide variis in locis hoc docuerit, (maxime in Responso peculiari de Usuris, quod occurrit in tomo Epist. edit. anno 1617. pag. 488. & seq. sive Epist. 383.) nunquam satis laudatus D. Calvinus, ipseque non minus odio Pontificiorum, quam Lutheranorum, ad modum scopi fuerit perpetuo expositus; iniquum in modum ab utrisque pariter exagitari cœpit: Pontificiis objicientibus, quod *sanctorum causam tuendam suscepit*, Lutheranis vero, nescio quæ non fingentibus, eorumque nomine, ad concitandam invidiam fabulante Huttono in præf. secundæ partis Respons. *quod duo ministri Geneve depositi exularint* (instigante scil. Calvino) eo, *quod usuram, quam status ille probat, dixissent illicitam*. At, ut ὁ πᾶν D. Rivetus, castigando Jesuitam Bailium, Pontificiis usque ad ἔχθραν os obturavit tract. 4. Cathol. Orthod. qu. 15. ita Lutheranis Calvino posthac obloqui tuto non licet, nisi pariter plurimis ex DD. suis voluerint detractum: siquidem cum Calvino idem sentiunt Chytræus & Pelargus in Comm. ad 23. cap. Deut. Heerbrandus & Schnepsius in Consil. Theolog. Bidenbachius Decad. 1. Conf. 4. & Dec. 6. Conf. 8. Hunnius in 2. Cor. 8. Gesnerus in Ps. 15. Hoë in Scripto Germanico anno 1617. Lipsiæ edito. Gerhardus Tom. 6. LL. Comm. pag. 911. & seqq. Backmeisterus Disp. 9. in Decal. Th. 38. & seqq. omnes citati à Meisnero, qui & part. 3. Phil. Sobr. cap. 6. qu. 1. prolixè contra Jesuitam de Valentia disputat. Quibus addi



addi possunt Tarnovius de Sacro Ministerio lib. 1. cap. 21. Jacobus Andreæ Smidelinus in quatuor Concionibus Ratisbonæ editis, Balduinus in Casib. Conscient. & denique Brochmannus in loc. Comm. tom. 2. Loc. de Magistratu, sect. ult. Ideo vero hunc Authorum quasi conflictum, in vestibulo hujus Exercitationis proponere placuit, non quod existimem ambigere licere, possitne secundum conscientiam aliquis usuram, seu fructus pecuniæ, alteriusve rei, ei æquivalentis exigere; Sed, ut liqueat, minus convenienter à quibusdam Theologis, uluris Trapeziticis bellum indici, ex hoc fundamento, quod complures Theologi, iisdem quam infesti fuerint: cum pari ratione possit inferri reditus vulgares pecuniæ creditæ non posse exigere, quod plurimi ex Theologis majorum gentium iisdem in universum adversati fuerint.

Quo vero liquido constare possit, usuras, prout jam ante à nobis definitæ sunt per *fructus*, quos *res* (postea restituendæ) *domino suo pro usu pariunt*, in universum non esse prohibitas, primo eas non adversari Scripturæ, ac deinde quoque æquitati naturali, cui, post Scripturam plurimum deferendum est, consentaneas esse, ostendemus usuri magis, ubi res exiget, aliorum Theologorum verbis, quam nostris. Atque initio quidem per ipsas leges Forenses populi Israëliti, quæ à Deo ipso, supremo legislatore populo suo promulgatæ fuerunt, aliquas usuras esse licitas, hinc manifestum: Quod, cum Deus prohibuerit Israëlitis contractum usurarium, qui mordeat debitorem, inire cum fratribus, permiserit tamen eundem inire cum extraneis. Textus expressus occurrit Deut. 23. 19. 20. ubi ita Deus per Moysen: *Ne dato in usuram fratri tuo, usuram pecunia, usuram cibi, usuram ullius rei, qua in usuram datur. Extraneo isti dabis in usuram, fratri tuo ne dato in usuram.* Ut reddant rationem differentię, quæ respectu Judæi inter fratrem atque extraneum debebat intercedere, ita breviter Interpretes Belgæ ad eum locum commentantur: *Om dat sy niet (extranei scil.) als de arme Israëlitien, door armoede, maer om haren koophandel ende trafycke met de Ioden handelden.* Et distinctius Franc. Junius Theologus summus in Explicatione Analytica hujus loci: *Usuris (inquit) ab egentibus fratribus exigendis Dominum interdicere, ac non simpliciter, demonstrant illæ ipse enumerationes quibus Moyses utitur, quum dicit, usuram pecuniæ, nimirum fratri egenti data, & usuram cibi, vel cibarii, id est, rerum ad victum pertinentium, denique usuram ullius rei, qua quis rodi potest, quum in egestate est vers. 19. postremo autem versus argumento confirmatur, quum dicit Moyses: extraneo in usuram dabis; nimirum quia extranei in Iudæam*



*mercimoniorum causa commebant; non est autem usura in commerciis plane illegitima: sed fratri, qui non commercii causa, sed egestatis, mutua commoda à fratre accipit, usuram imperari vetat expresse Deus, adjecta promissione, vers. 20. At, quæcunque tandem ratio legi huic sublit, hoc certum est, atque extra omnem dubii aleam, quicquid in contrarium quidam excipere voluerint (quibus solide & sufficienter occurrit Meisnerus l. d.) usuram in se simpliciter non esse malam, quod Deus ipsi suo populo permiserit eam exigere ab extraneis. Ut enim ex limitatione legis, rem aliquam permissive concedentis, juxta Guil. Parisiensem, recte inferre licet, eam simpliciter non esse illicitam, quod modus, rem sua natura malam & illicitam, nulla ratione possit efficere bonam atque licitam: ita quam convenienter inferre licet, usuram non esse toto genere malam atque illicitam, ne quidem secundum forenses Moïsis leges, quod illius exercitium ipsis Israëlitis Deus permiserit, ratione extraneorum. Quæ limitatio, sane ratione furti (ei non dubitarunt quidam accensere contractus usurarios) neque locum habere potest, neque ab ipso quoque Deo in sua lege adhibetur: quod toto suo genere furtum malum sit, nec ullo in casu (quamvis secus visum fuerit quibusdam Casuistis Pontificiis) possit reddi licitum. Unde & Thalmudistæ apud Seldenum lib. 6. de Jure Natur. & Gent. cap. 10. non modo dicunt, tam affirmativum esse hoc præceptum *saniori mutuum dabis Gentili*, quam negativum mandatum, quod proxime præcedit, *fratri saniori mutuum non dabis*: Verum etiam (verba sunt Seldeni d. l. pag. 721.) *rationem reddunt quare signarius hæc permissio adjecta sit legi sacra de sanore, non item legibus de rapina & furto. Quoniam scilicet furtum & rapina nunquam & nullibi, &c. non illicita. Nec minus veritum Gentilis bona furari aut surripere quam Israëlita. Scilicet, ex jure universali & omnium communi, cui derogari noluit heic Numen. Sed vero sanus contrahitur tam ex consensu pariter accipientis quam dantis, adeoque ita contractu hominum nititur libero, ut ex jure universali seu Naturali nihil omnino ei obflare velint. Atque, ut hætenus patet, per ipsam legem Moïsis licuisse Israëlitis mutuum ad usuras dare Gentilibus, sive extraneis; ita ex eadem lege constat, contractum usurarium nulla ratione adversari legibus charitatis: siquidem is ipse Deus, qui per legem specialem permittit suo populo, ut usuras posset exigere ab Extraneis, sive à Gentilibus, illi pariter injunxit, ut non modo extraneos diligeret, Levit. 19. 34. Deuter. 10. 18. 19. verum etiam sibi quam scrupulose caveret ab eorundem oppressione, Exod. 22. 21. item 23. 9. Levit. 19. 33. certissimo**



certissimo documento, tantum abesse, ut is opprimatur, à quo, ex lege  
 justitiæ, usuræ exiguntur, ut amplius cum hac ipsa exactione quam ami-  
 ce conspirare queat sincera proximi dilectio. Ne procedat hoc argu-  
 mentum, variæ excogitatæ sunt à Scholasticis exceptiones. I. *Dicunt*,  
 non fuisse permittum Judæis exigere usuras ab omnibus extraneis, sed ab  
 iis solum, quos erant bello extirpaturi. Quod innuere quoque videtur  
 Zepperus, quamvis alias legitimas usuras permittat, quando lib. 4. de  
 LL. Forens. cap. 25. sic loquitur: *Quia exterminari & subjugari à populo*  
*suo gentes voluit Deus, earumque facultates ad ipsos derivari, usuras quoque ab*  
*iisdem exigi concessit, imo voluit, tanquam medium, quo arrose, & nervis omni-*  
*bus destitutæ æque exutæ, in populi sui potestatem facilius redigerentur, juxta*  
*proverbium: Qui mutuo accipit, fit servus creditori. Quemadmodum enim*  
*peculiari privilegio concessum fuit populo Dei spoliare Ægyptios, pretiosissimæque*  
*iporum vasa & suppellectilia auferre, ut furti tamen non tenerentur: ita simi-*  
*li privilegio usuris Chananæos opprimere concessum ipsis fuit. Habebant enim*  
*contra illos jus belli.* Resp. 1. Sed hæc Exceptio est valde diluta licet pro-  
 ea quoque sollicitetur Ambros. in lib. de Tobia cap. 15. Sic enim Moysis  
 verba restringenda forent, ad eos Cananæos, seu peregrinos, qui per  
 Israëlitas armis forent subigendi. Sed verba Moysis sunt generalia, nec  
 ullibi apud Moysen comparet differentia inter hos duplices Cananæos.  
 2. Ipse textus manifesto ostendit (fatentibus Thalmudistis ipsis, apud  
 Seldenum, loco d.) opponi *extraneos* indefinite fratribus. 3. Falsum est,  
 usuram, quam poterant Israëlita ex ipsius Dei permissione exigere ab  
 extraneis, servasse eorundem oppressioni, quæ, ut modo patuit, omni-  
 modo interdicta erat Judæis. Dilucidus est textus Exod. 22. 21. *Pere-*  
*grino vim ne facito, nec opprimito eum.* Quem locum quamvis Abrabaniel,  
 & nonnulli alii, interpretati fuerint de peregrino, qui religionem suam  
 mutaverat, & factus erat Profelytus; quam convenienter tamen D.  
 l'Empereur lib. de LL. pag. 92. ex Salomone Jarchi contendit, *per pere-*  
*grinum intelligendum esse hominem, qui in ista provincia natus non est; sed*  
*ex alia provincia venit, ut ibi habitaret.* 4. Deinde, ut recte dicit Spanhe-  
 mius, *hæc restrictio retorqueri potest in Scholasticos, sic enim & hodie aliqua*  
*usura licita foret, illa nimirum, quæ exigitur ab illis, quibuscum bellum gerere*  
*licet.* II. Dicunt, ad tempus duntaxat Israëlitis permittum fuisse, usuras  
 ab extraneis exigere, æque atque propter cordis duritiem, iisdem per-  
 missum erat divortium. Atque huc derivatur autoritas Hieronymi,  
 cujus hæc sunt verba in cap. 18. Ezechielis: *In principio, inquit, legis*



à fratribus tantum sanus tollitur; in Propheta ab omnibus usura prohibetur: In Evangelio virtutis augmentum est, præcipiente Domino, Feneramini his, à quibus non speratis recipere. Inde & Borrhaus, Theologus Basileensis quantivis pretii Comment. in xxii. Exod. Tempora (inquit) alia alio tempore & aliis congruunt. Israëlitis ut suas, quas duxerant uxores, si displicere cepissent, repudiare, & alias, quod naturæ consentaneum, interprete Christo, non erat, ducere fas erat: sic sanus in extraneos exercere permittebatur, quod hi digni putarentur, qui durius quam domestici & religionis consortes tractarentur, ut fuerunt jam olim Chananai ad servitium & exilium semel destinati. Resp. 1. Ut inter Prophetas & Moysen nullus intercedere conflictus potest; ita neque illa, quæ à Moysen sub certa conditione velut licita fuerunt permessa, ulla ratione per Prophetas, in Moysen quasi præjudicium, potuerunt reddi illicita, quemadmodum paulo distinctius ostendetur, quando ad Prophetarum loca respondebitur. 2. Neque existimandum, Christum in N. T. perfectiora mandata suis dedisse Sectatoribus, quam in lege Moysen proposita fuerunt: prout recte Orthodoxi omnes prætendunt adversus Socinianos. 3. Si toto genere mala foret omnis usura, nullo casu permitti posset (prout antea distincte fuit ostensum) illius exercitium: quod tamen ratione extraneorum, ipse Deus Israëlitis adeo dilucide permittit, ut cæcus haberi debeat, qui ausit contendere, illud sibi non liquere. 4. Male cum usura committitur divortium, ex levi causa; quod nulla lege Moysen fuit permissum, licet Deus illud non puniverit. Quamvis interim diffitendum non sit, verba Moysen Deut. 24. 1. exhibentia duntaxat hypothesein facti, per modum narrationis propositam, pro lege & quidem positiva, jam Malachiæ tempore, (ut videre est in illius Prophetia cap. 2. vers. 15. & 16.) apud duræ cervicis Judæos explicata fuisse. Videatur Theologus vere incomparabilis Franc. Junius in Analyt. Expl. d. l. Deuteronomii. 5. Ad hoc lata differentia intercedit inter divortia ex levi causa, atque inter usuras: illa pugnant cum fide conjugii, atque habent intrinsecam turpitudinem, adversantem legi naturali, quod de usuris neutiquam dici potest. 111. Ex mente Scholarum quorundam Gregorius de Valentia sic excipit. *Iudæi etiam Gentibus sanerando peccaverunt in ea re contra naturale præceptum, quamvis impune, &c. Et videtur posse colligi ex eo, quod David Psal. 71. inter alia beneficia, quibus Messias debuit impertiri Iudæos, illud etiam commemorat: Ex usuris & iniquitate redimet animas eorum.* Resp. 1. Valentia accedit Chemnitius in LL. communibus apud Meisnerum, quando conten-



dit, Israëlitas ab extraneis usuras potuisse exigere *in foro soli*, non vero *in foro poli*. Sed hæc *exceptio* per omnia mihi videtur esse diluta. Siquidem verba Moſis (qui agnoſci hic debet ſupremus populi Iſraëlitici Legiſſator) arguunt à parte Dei liberam, nec ulla ratione reſtriſtam, permiſſionem. Quæ Deus ipſe autem permittit, cenſeri omnibus modis licita debent. 2. Nec Valentia ulla ratione favet comma 14. Pſalmi LXXII. ubi licet Vulgaris Interpres, ſecutus LXX. Senes, *uſuras* habeat, earum tamen loco, urgente textu Originali, ſupponi debent doli, ſive fraudes. Quamvis & ipſe Auguſtinus, quem ſequitur Bellarminus, allegorice eo in loco *Uſuras* interpretatus fuerit. Videatur Doctiſſimus Amama in Antibarbaro ad eum locum. 17. Hotomannus Ic. alias egregius lib. 2. de Uſuris, cap. 3. apud Meiſnerum, cenſet, duntaxat *jure talionis permiſſum fuiſſe Iudeis uſuras exigere à Cananæis ſive ab extraneis*, quod ipſi Cananæis quoque pro mutua pecunia uſuras ſolvere deberent. Reſp. 1. Hæc gratis dicuntur, ubi enim Scriptura tacet, nos incertis conjecturis indulgere non debemus. Maniſteſtiſſimum vero è Scriptura eſt, ex permiſſione ipſius Dei, licuiſſe Iſraëlitis ab extraneis uſuras exigere. 2. Dato, jure talionis, Iſraëlitæ à Cananæis potuiſſe uſuras exigere, illud interim manebit certum, hoc ipſum eos potuiſſe facere ex conceſſione ſanctiſſimi Dei, qui nihil aut concedere aut permittere ſolet, quod non ſit juſtum atque conforme ſuæ Sanctitati. 3. Ad ea, quæ per modum *ἐν ῥέοντι* ratione divortii ex levi cauſſa urgeri ſolent, jam antea reſponſum. Atque ſemper hic obſervandum, latam differentiam inter tolerantiam, atque permiſſionem: Deus toleravit quoque Polygamiam Patrum prioris fœderis, eo, quod non reipſa, atque pro merito caſtigaverit: nunquam vero ſpeciali lege illam permiſit, (ut uſuras) minime probavit. Pari ratione dici poſſet Deus toleraſſe ebrietatem Noachi, atque inceſtum Lothi, quod ſevere neutrum puniverit. Quæ tamen nihil commune habent cum Uſuris, quas ab extraneis exigere, ſpeciali ad hoc lege lata, Deus Opt. Max. conceſſit. V. Munſterus denique Theologus eximius, atque antiquitatum Judaicarum conſultiſſimus, præcunte Ambroſio l. d. in Notis ad præſentem Deuteronomii locum ſic commentatur: *Quamquam mihi videatur hæc uſura, de qua hic agitur, ſolum conceſſa erga ſeptem illas gentes, quarum univerſam facultatem dominus Iſraëlitis tradidiſſet, & authoritatem dedit, ut quocunque poſſent extorquerent modo. Inſit ut occiderent & proſtigarent eas, captivas abducerent, bona earum diriperent & ſpoliarent, ſicut & in Egyptios dedit illis poteſtatem,*

us



*ut spoliarent eos.* Resp. 1. Sed hæc est conjectura viri summi. Ubi Scriptura nihil determinat, nostrum quoque non est determinare, nec limitationes Dei præceptis debent affingi, si easdem non agnoscat ipse Spiritus Sanctus. 2. Dato, licuisse Israëlitis usuras accipere duntaxat à septem gentibus; hætenus nihilominus sequetur, usuram nec esse habendam toto genere malam, nec eam quoque à Deo simpliciter prohibitam: quod enim simpliciter est illicitum, atque adversarium Dei legi, ratione nullorum hominum potest evadere licitum, prout antea innuebamus. Et hæc dicta sufficiant circa hanc legem, in qua licet aliquid politici, ratione fratrum & extraneorum occurrat, evidenter tamen ostendit, non omnem usuram juri naturali adversari; & frustra eos esse, qui contendunt, permissionem usurariam, ratione extraneorum, Israëlitis factam, non *juris*, sed *facti* esse: quum legem hanc aliter intellexerint Josephus, & Philo Judæus, citati à Grotio ad com. 35. cap. 6. Lucæ. Qui non plane negligendus, quando de ratione distinctionis inter Israëlitam & extraneum l. d. sic commentatur: *Cum finitimi plerique Judæorum ex mercatura magnum quæsum facerent, ut Sydonii, Tyrii, accola maris rubri, Egyptii, sanus in illos permitti summam habebat rationem. Nam & aliorum populorum legibus odiosissimum est sanus, quod in agricolas exercetur.* Nec ea, quæ ordinario è Scriptura adducuntur, Thesi, quam hætenus defendimus, adversantur. Dicitur quidem Ps. 15. vers. 1. juncto vers. 5. *Iehova, quis commoraturus est in tentorio tuo? Quis habitaturus in monte sanctitatis tua? Qui pecuniam suam non exponit sanori.* Sed Resp. 1. Dici posset in Ebreo esse *Benefischech*, atque hunc locum posse accipi de usura rodente & mordente, nisi Lxx. hic haberent *ἐν τῷ τόκῳ*, atque nos hic differentiam non agnosceremus. 2. Placent apprime ea, quæ habet R. Kimchi ad hunc locum, citatus à Muis in Comment. *Ita vero ille:* David hic & Ezechiel 18. non prohibuerunt, nisi quod Lex prohibuit. Lex vero usuram non prohibuit nisi cum Israëlita, non autem cum alienigena, cum quo licita est, ex Deuter. 23. 19. ubi legitur, *Non fenerabis fratri tuo sanus pecunias, sanus tibi, sanus cuiuscunque rei qua sanori dari solet.* v. 20. *Alieno fenerabis; fratri autem non fenerabis.* Qui locus minime est intelligendus de rapina, furto, re amissa, quæ retineatur, aut re per vim surrepta. Nam alienigenæ non licet vim ullam inferre, aut ejus bona diripere, aut fortunas expilare. De usura tantum, quæ ipso volente & sciente acquiritur, est accipiendus iste locus: est enim licita. Nam cum Israëlita teneatur alterum Israëlitam devincire, mutuum autem absque fœnore beneficium sit,



fit, & interdum majus quam donum, siquidem multos pudeat dono accipere, non item mutuo, non sic Israëlita cum Gentili tenetur facere. Is enim non tenetur beneficium in hunc conferre, nec suam pecuniam gratis mutuare: siquidem ut plurimum ejusmodi homines Israëlitis sunt infensi. Verum procul dubio, si Israëlita quispiam à gentili beneficio sit affectus, tenetur ille quoque hunc beneficio afficere. Atque prolixior hic esse volui, (*inquit Kimchi*) ut haberes quod Nazarenis (*Christianos sic vocat*) responderes, qui dicunt non distinxisse Davidem inter Israëlitam & Gentilem, sed omnem usuram prohibuisse. Verum (*inquit idem*) absurdum est dicere, prohibuisse Davidem id, quod Moyses Magister meus verbis Dei permiserit: cum dictum sit in Lege, Deut. 12. 32. *Quicquid ego precipio vobis, custodieris ut facias: non addes ad illud, neque diminues ex eo.* Haec tenus Kimchi ex mente & interpretatione Muisii. 3. Quum & alia præcepta moralia limitatè in hoc Psalmo debeant accipi, atque speciatim comm. 3. bis *proximi* mentio fiat, qui Ebreis *Karob*, & alias *vicinum* notat, *amr ved novod*, convenienter hic vox eadem potest repeti. 11. Objicitur locus Ezech. 18. 17. ubi sic legunt Junius & Tremellius: *A paupere retrahat manum suam, usuram aut faenus non accipiat.* Sed ad hunc locum jam in antecessum respondit Kimchius, atque explicationem debet accipere è proximo versu. *Abstulerit rapinam à fratre*, ejusdem Prophetæ cap. 22. 12. *Usuram & faenus accipis, & quæstum facis à proximis tuis fraude.* Adeo, ut certum sit, aliam usuram non prohiberi etiam ab Ezechiele, quam quæ per Israëlitas à fratribus exigebatur. 111. Urgeri solet locus Proverb. 28. 8. ubi arguitur ille, *qui auget substantiam usura & faenore.* Sed, 1. ut videtur Salomon commate illo loqui de tali viro, de quo dicit, eod. cap. vers. 22. *quod acceleret ad substantiam*; ita, certissimum est, hunc ipsum in usuris exigendis neque rationem personarum (quæ tempore Salomonis, secundum rationem legis, ut Cæremonialis, distingui debebant) neque modi, aut quantitatis usurariæ, habuisse. 2. Speciatim hoc loco à Salomone arguitur is, qui usuras iniquè exigebat à *tenuibus*: siquidem proxime dicitur, quod hujus hominis substantia reditura sit ad eum, qui gratiosè esset *largiturus tenuibus*, quos scilicet per iniquas suas usuras antea oppresserat; quomodo & idem Salomon Prov. 13. 22. dicit, *justo recondi opes peccatoris.* At qua ratione usuræ, certis in casibus, non possint exigi à pauperibus, infra commodius explicabitur. 1v. Et quidem præcipue, in contrarium urgeri solet dictum Christi, Luc. 6. 35. *Diligite inimicos vestros, benefacite, & mutuum date,*

K k k

μνδév



μηδὲν ἀπελπίζοντες. At, ut respondeam, parum, aut nihil præsidii, in illo relictum iis, qui Usuræ universim infesti sunt. Nam, ne exscribam jam illa, quæ centies millies ab aliis circa hunc ipsum locum sunt dicta, atque transcripta toties, Resp. 1. Antecedens paradoxum hujus commatis abunde evincere, Christianum genuinum ita debere esse affectum, ut tam paratus sit, si modo exigat Dei gloria, mutuum dare citra non minus fortis quam ulurarum rationem, atque paratus debet esse *benefaciendo quoque inimicos suos diligere*. Nam utraque propositio est indefinita, quæ simpliciter universali non potest æquivalere, haut magis, atque hæc, quæ vers. 30. ejusdem capituli occurrit, ubi Christus dicit: *Cuius petenti abs te, dato*. Nam, ut hæc propositio debet restringi ad eos pauperes, quos eleemosynis nostris sublevare debemus; ita præceptum de diligendis inimicis debet restringi ad inimicos privatos, neuti quam verò extendi ad hostes Dei & reipi ac consequenter præceptum de mutuo dando restringendum ad pauperes, quos, extreme afflictos, mutuum dando sic sublevare debemus, ut nihil omnino ex illo mutuo expectemus, siue sortem, siue usuras. Alias est præceptum Apostoli, *Nemini quicquam debete*, Rom. 13. 8. atque, qui mutuum accipiunt, si potestatem restituendi habeant, non solum illud, quod mutuo datum est, restituere debent, verum etiam attendere, quid vice ἀντιδωρεῖν debeatur, quod pecunia nostra ad tempus aliquod caruerimus, ne quod aliis fuit relaxatio, nobis fiat afflictio, 2. Cor. 8. 13. Qui contendunt hic interdici omnibus usuris, frustra post Victorinum Strigelium, in Notis ad hunc locum, urgent verbum δανείζειν: siquidem, ut ὁ πᾶν D. Salmasius recte observavit lib. de Modo Usurarum pag. 298. δανείζειν utrumque genus mutationis comprehendit, gratuita & fœnebris. Eoque, non necessum fuit, quo fors quoque comprehenderetur, per Christianorum liberalitatem una cum usuris donanda pauperibus. Christus, loco τὸ δανείζειν, debuerit uti aut verbo δίδοναι, aut δωρεῖσθαι. Quamvis & hoc dici queat, cum D. Spanhemio, omnem erogationem, quam suadent charitas & benevolentia, ratione retributionis, quam promissit Deus, non esse δώρημα, sed δάνεισμα proprie sic dictum. Notum siquidem illud Salomonis; *Mutat lebova, qui gratiose largitur tenui; & beneficium ipsius rependet ipsi*, Prov. 19. 17. 2. At, omnibus quam diligenter expensis, mihi præ ceteris placet interpretatio Viri, dum viveret, summi, D. Ludovici de Dieu; qui habita ratione vocis ἀπελπίζειν, atque significationis ordinariæ, quam habet apud Hellenistas, & ad quam Syrus quoque Interpres attendit, eam non intransi-

re,



ve, sed *transitive* accipit, ita ut hoc loco idem significet, atque aliquem ad desperationem adigere; sensus autem sit hujus locutionis, *μηδὲν ἀπελπίζειν*, atque *nullius rei spem praevidere*, illi scilicet qui voluerit à nobis mutuari. Atque sic Lucæ verba (prout observavit quoque D. Spanhemius) per omnia respondebunt verbis Apostoli Matth. 5. 43. *τὸν θέλοντα ἀπὸ σὺ δανείσεσθαι, μὴ ἀποσπερῆς*: *Volentem mutuari abs te, ne aversator*. Secus censet Grotius, acceditque Vulgato Interpreti. At quisque suo sensu fruatur. Sufficit nobis, hæcenus ostendisse, usuram, quatenus à nobis descripta est, non adversari Scripturæ, sed amicè respondere, quum ipse Deus suo populo, à quo tamen singularem sanctimoniam exigebat, eandem ratione certarum personarum, sive extraneorum, permiserit.

Nec naturali æquitati, aut sanæ rationi quoque, Usura adversatur; III. imo perquam amice, quicquid plurimis in contrarium visum fuerit, utriusque respondet. Argumentis duntaxat paucis utar, quo deinceps *ἀνασκευαστικῶς* quoque agere possim. Atque I. consentiunt usuræ, hæcenus indefinite à nobis considerandæ, naturali æquitati, cujus hanc regulam præscripsit ipse Christus Luc. 6. 31. *Quæcunque volueritis, ut faciant vobis homines, ita & vos facite eis*. Si enim cum ratione æstimemus, nobis *ἀντιδωρὸν* τι deberi, si quis cum lucro ad tempus pecunia nostra usus fuerit, cur simile *ἀντιδωρὸν* alii denegemus, si pariter ad compendium nostrum ejusdem pecunia usi fuerimus, aut, si compendium certum non fecerimus, saltem præsentī necessitati, quæ exitium nobis minabatur, subsidio mutui fuerimus exempti? Dubio procul autem ea, quæ ad modum τὸ ἀντιδωρὸν accipi possunt, licite quoque in stipulatum deducuntur. II. Si Apostolus, loco, hac ipsa Exercitatione citato, sive 2. Cor. 8. 13. ne quidem eleemosynas nobis cedere vult *eis δέψιν*, sive in afflictionem nostram vergere: multo minus in afflictionem mutuantis mutuum cedere debet. Cedet vero in afflictionem multiplicem, si nomine usurarum nihil aut accipere aut stipulari liceat. Ut multa omittam, quæ fule hoc loco tum enumerari, tum deduci possent; qui aliis suam pecuniam mutuam dedit, semetipsum privavit commoditate præsentī pecunia comparandi illa, quæ familiæ *πρὸς τὸν βίον* sunt necessaria. III. Apostolus attendendo non tam Christianam charitatem, quam illud quod ratio naturalis dicitur, 2. Cor. 12. 14. innuit, parentes debere *τοῖς τέκνοις* *δοτεῖν*, sive, *liberis suis thesauros colligere*. At, quomodo hoc fieri poterit, si parentes, quicquid, sive pecuniæ, sive frumenti, sive



sive aliarum rerum habent, petentibus gratuito utendum dederint. Certe tantum abest, ut possint aliquid, in futuros usus liberorum suorum recondere, carebunt sepe non modo sua pecunia, verum & multis rebus necessariis, quod destituantur pecunia, qua illas tempestive sibi comparent. Eoque, quo huic suo muneri, simul & *divino & naturali ordini* satisfaciant (ita quippe censet Musculus ad superiorem locum) si quæ habent talenta (ut in parabola ipse Christus Luc. 19. 23. loquitur) *dent ad mensam*, quo, suo tempore ea cum scœnore possint exigere, atque hac ratione, juxta Apostoli admonitionem, τῶν οἰκείων ἀργυροῖν, 1. Tim. 5. 8. IV. Si licet alicui pecuniam credere, hypothecæ loco, certo fundo cum annuis suis fructibus substituto, nã, neglecto tali fundo hypothecario illiusque fructibus, usuras quoque stipulari licet. Quo argumento cum utatur quoque τῶν πλείων Calvinus in Responso de Usuris, quod occurrit inter ejusdem Epistolas, non pigebit illius verba hic exhibere, *Ita ergo ille*: Sit aliquis dives & amplis fundis ac redditib. præditus, & minus numatus tamen. Sit alius mediocriter dives & non quidem ad alterius illius opes accedens, sed cui tamen amplior sit prælens pecunia. Hic igitur cum sua pecunia lubenter fundum ipse empturus sit sibi, rogetur ab illo ditore, ut mutuam illi det pecuniam. Posset quidem qui mutuum dat, ita stipulari sibi redditum pecuniæ suæ, ut fundus ex illa emptus ipsi in hypothecam subjiceretur, donec sua ipsi pecunia redderetur (atque ita sibi melius consuleret) sed fructu pecuniæ sive usura contentus erit. Cur igitur primus ille contractus sine hypotheca ad pecuniæ fructum tantum damnabitur, alter sub hypotheca fundi empti & cum redditu, annuo longe asperior probabitur? & quid aliud est quam puerorum instar ludere cum Deo, cum de rebus ex verbis nudis, ac non ex eo quod inest in re ipsa judicatur? Quasi ex forma ipsa verborum virtutes vitiave discerni debeant. *Hactenus Calvinus*. V. Quum homo homini natus sit, atque nemo sibi soli quoque sufficiat, sed indigeamus omnes mutuo subsidio; etenim, quo perpetuo invenire possimus illos, qui juvare nos velint mutua pecunia, (qua opulentiores sæpius indigent, quam tenuioris conditionis homines) ἀντιδωκεν loco moderatas usuras mutuanti solvere convenit, ut non una modo vice, sed quoties necessitas laboranti familiæ nostræ incubuerit, tales invenire possimus, qui mutua pecunia præsentī nostræ necessitati succurrere velint. Gnarum hoc erat Proclo, homini licet Grammatico, qui ex interpretatione, ita Latine loquitur ad vers. 348. τῶν ἑργῶν Hesiodi: *Non modo, (inquit) quantum accipimus, reddere debemus*



mus, sed cum auctario aliquo pro virili nostra. Hoc enim faciet, ut rursus in egestate constituti consequamur, à vicino opem ferente. In minoribus contractibus non relata gratia obstat nobis, ne in majoribus gratificationem mereamur, nosque ut ingratos & beneficio indignos traducit. Rationibus hisce plures alias superaddere liceret, nisi hæ pauce instar omnium esse possent. Quæ in contrarium adducuntur, levia admodum sunt, & talia, ut semetipsa evertant, si modo iudicio sano probeque subacto exhibeantur. Ex quibus argumentis, duo solummodo, quod speciem aliquam præ se ferant, non tam nostris quam aliorum verbis diluamus. 1. Urgeri solet, exemplo Chrysostomi & Ambrosii, à pluribus argumentum Philosophi, qui lib. 1. Polit. cap. 7. pronunciat pecuniam sterilem esse, eoque sic arguunt: Si pecunia, vel per centum annos cistæ inclusa, nullos fructus parit, nã iniquum est, ut quis, qui modico duntaxat tempore ea usus fuerit, nomine illius usuras solvat. Respondere vulgari huic argumento lubet Calvini verbis, l. d. sic loquentis: Ratio (dicit) Ambrosii, quam etiam affert Chrysost. non est magni momenti. Pecunia non parit pecuniam. Quid mare? quid domus ex cujus locatione pensionem percipio, an ex tectis & parietibus argentum proprie nascitur? Sed & terra producit, & mari advehitur quod pecuniam deinde producat, & habitationis commoditas cum certa pecunia parari commutative solet. Quid si igitur plus ex negotiatione lucri percipi possit, quam ex fundi cujuscvis proventu, an feretur, qui fundum sterilem fortasse colono locaverit, ex quo mercedem vel proventum recipiat sibi, qui ex pecunia fructum aliquem perceperit, non feretur? & qui pecunia fundum acquirit, an non pecunia illa generat alteram annuam pecuniam? Unde vero mercatoris lucrum? ex ipsius, inquires, diligentia atque industria. Quis dubitat pecuniam vacuum inutilem omnino esse? neque qui à me mutuam rogat, vacuum apud se habere, à me acceptam, cogitat. Non ergo ex pecunia illa lucrum accedit, sed ex proventu. *Hactenus Calvinus.* Non inconvenienter quoque Grotius in Annotat. ad locum ex capite v. l. Lucæ, jam antea examinatum responder. Verba ita habent: Multi (inquit) ut probent illicitum esse omnem quæstum ex usu pecuniæ, aut rei similis, alteri concessio, dicunt pecuniam natura sua esse sterilem. Sed in hoc argumento manifestus est *ἀσθενισμός*. Dicitur enim pecunia sterilis natura, non quod jus naturæ id præcipiat, sed quod hominum industria non ipsa natura tali fructui originem dedit: quomodo & domus natura est sterilis, cujus tamen pensiones iniquè à domino percipi nemo dixerit. *Hæc*



Grotius. 2. Dicitur solet, *mutuo dominium transferri, ac proinde fructum rei ponere dominum esse debere*. At, præterquam quod dici posset, *τοῦ πρὸν* D. Salsum, argute, & forte non inconvenienter, ostendisse, mutuum non esse alienationem, amplius pro meis adopto verba D. Grotii, loco proxime laudato ita loquentis: *Ista (inquit) subtilitas vocum ad æquitatem naturalem nihil facit*. Nam in rebus quæ genere recipiunt functionem, ut pecunia, frumentum, vinum, jus illud ad recipiendum idem genere est vice domini. Fatentur autem omnes plus eum recipere, qui statim aliquid recipit, quam qui multo post tempore, ob utilitates eas quas secum fert *ἡ φυσικὴ κατοχή*, quod non minus in mutuo quam in re commodata procedit, si rei momenta, non verborum apices, sectamur. Hoc ipsum autem quod in temporis mora situm est, haud dubie æstimari ac proinde & in stipulationem deduci potest. Nam si cui dem mutua centum, & paciscar ut alio tempore mihi det itidem centum mutua, quæ est vera *ἀντιπαράλη*, quomodo iniqua probabitur magis esse hæc pactio, quam si bovem vicino ad opus ruris commodem, ea lege, ut idem aliquanto post mihi tantundem præstet? Jam vero illa iterum mutuum dandi obligatio, ut res omnes, communi mensura, id est, pecunia æstimari potest. Dicat natura, non teneri quenquam prodesse alteri cum detrimento suo. Ac is qui pecunia ad tempus caret in gratiam alterius, poterat eam in agros aut domos impendere ac medii temporis percipere fructus, quos si quis dicat incertos, illud ipsum tamen incertum, ut omnis alea, suum habet pretium, ita ut vendi quoque soleat. *Haec enim iterum Grotius*. Reliqua quæ moveri solent, tum occasione regulæ per Christum supra propositæ, tum ratione benevolentiae, quæ gratuito quasi exerceri debeat, talia sunt, ut in adversarios pro veræ sententiæ assertionem retorqueri possint, quemadmodum ex antecedentibus colligere potest.

- IV. Pergimus igitur ad usurarum modum. Quem non necessum fuit sub priori fœdere definiri, aut ab ipso Deo immediate, aut mediate, per antecessores populi Israelitici, siquidem, ut antea patuit, in populo Israelitico alius usus usuræ non fuit, quam quatenus eam exercere licuit adversus extraneos; quos, pro oeconomia Ecclesiæ, tum temporis, Dei statuta, pecuniaria uni Israël, non respiciebant. Neque Christus rationem usuræ definire debuit. Ut enim regnum illius non fuit de hoc mundo; ita ipse cum ratione dixit, *Quis me vobis iudicem, aut partitorem præfecit?* Luc. 12. 14. Unde prudentissimus Calvinus convenienter in Harmonia, ad hunc ipsum



ipsum locum dicit: *Voluit Dominus inter politica hujus mundi imperia & Ecclesiae regimen discernere.* Scilicet officium est Magistratus Politici, tum irrogare, tum accipere tributa, Matth. 17. 25. atque, ut subditorum officium est, *solvere tributa*, Rom. 13. 6. ita vicissim Magistratus, quantum in se, curare debet, ut subditi tributis solvendis sufficiant, quod facit, dum talem usurarum modum definit, qui non premat quidem illos, qui mutuum pecuniam accipiunt, juvet tamen plurimum eos omnes, qui mutuo pecuniam dando, ex illius usuris agitare debent. Optandum quidem foret, in societate humana, ipsum usurarum nomen ignoraretur, omnesque, quod ad τὰ βιώτικα sibi possent sufficere; sed, quum hoc ἡτλημα imputari debeat laplui primorum nostrorum parentum, qui se suosque posteros ejecerunt Paradiso, sufficiente alias omnia πρὸς ἀνάγκην exhibere; officium Magistratum est, hoc ipsum tali ratione circumscribere, ut neque fraudetur mutuum rogantium deficientia, neque etiam deterreatur, sæpius decepta, mutuantium facilitas. Ad duo vero non minus attendere debent Magistratus, qui leges ferunt, quam subditi, qui gloriam ex solo obsequio possunt consequi. Initio, imo ante omnia Magistratus prospicere debent, ne quis, neglectis legibus, hac in parte, pro animi sui desiderio, usuras exigere scenusque exercere queat. Sapiens quidem legislator fuit Solon, non tamen ei constitit ratio, quum, teste Lysia Orat. 1. contra Theomnestum, sic sciliceret: *Usurarum ex pecunia senerata percipiendarum is modus esto, quem cupit ipse senerator.* Etenim homines natura habendi avidi sunt, atque, si ipsorum cupiditas nullis legum repagulis circumscribatur, invitante lucro, ulterius illa se extendet, quam eo se progressuram esse antea existimaverat: quod lucrum fallax sit, & illud quod accessisse videtur, spem faciat novi, cujus fines in incerto sunt. Eoque secundo, Magistratus debent modum usurarum determinare, attendendo rationem tum temporis, tum loci, tum etiam periculi, quod subire possint ordinario, qui pecuniam, aut aliquid, quod eidem sit analogum, mutuo dare præsumperint. Loci & temporis propterea, antequam cogitetur à Magistratu de periculo, ratio haberi debet, quod omni tempore in omnibus locis æque copiose sese offerre non consueverint illa, quæ ordinario in mutui contractum veniunt. Quod ut pateat, statum reip. Romanæ propositurus sum, ita ut pariter hujus nostri Belgii ratio cognosci possit. Atque, Romæ non eandem usurarum quantitatem perpetuo observatam fuisse, ignorare nos non finit Tacit. lib. 6. Annal. cap. 16. *Primo duodecim tabulis sanctum.*



fancitum, ne quis unciario fenore amplius exerceret, cum antea ex libidine locupletium ageretur, dein rogatione tribunicia ad semuncias redacta: postremo petita versura. Ceterum occasione hujus loci, anxie inter viros doctos disquiritur, quodnam sit scenus unciarium? Quibusdam placet, fuisse levissimum, adeo ut responderet duodecimæ parti centesimæ, quæ cum esset usura maxima, singulis mensibus duodecimam sortis partem, annuatim vero duodecim in centuriam, capiebat. Aliis vice versa placet eam confundere cum ipsa centesima. Ne jam dicam de intermediis quibusdam sententiis, quæ ut viris minus celebribus placuerunt, ita minus ponderis iis adest. Pro posteriori opinione stant Scaliger, Hottomannus, Adrianus Junius, Manutius, Thomasius, Jacobus Godofredus, alique plures. Pro priori Budæus, Antonius Augustinus, ὁ πένυ D. Salmasius, & Celebrerrimus D. Gronovius: qui licet profiteatur se ὁ μὲν φησὶν esse Salmasio, totus tamen est lib. 3. de Pecun. vetere cap. 13. in vellicandis illius rationibus. Quod cum passim faciat toto isto libro, multis oborta est suspicio, virum alias modestum nullam aliam ob causam Commentarium de Scæstertio sub incudem revocasse, quam ut ab excessu huic suo ἐνεργέτη, cui prima famæ auspicia debuit, insultare posset: aliis interim ridentibus, quod facile sit muribus quoque, mortui leonis barbam vellere. Nolo hoc tempore patrocinari Salmasio, nec examinare ea, quæ eidem mortuo objicit Gronovius: novi utrumque hominem, nec omnia quoque Gronoviana talia esse, quæ prope Phidiæ Minervam collocari mereantur, ut forte alia occasione ulterius ostendam. Dissimulare interim non possum, me compelli non minus à Salmasio quam à Gronovio in alia omnia dilcedere, atque in ea esse sententia, ut credam unciarium scenus idem plane esse cum centesima. Ut ita statuam, has adfero rationes. Quum apud omnes sanæ mentis homines in confesso sit, in ea repub. quæ subditos habet pauperes, & æris indigos, usuras esse grandiores, quam ubi subditi opibus & pecunia abundant: quis persuasum habeat, eo tempore, quo Roma circa matrem suam adhuc luctabatur, (ut cum Floro loquar) atque fasces suos ultra Italiam nondum extenderat, annuatim modo unam centesimam sortis partem, modo iterum unam ducentesimam sortis partem solutam nomine usuræ fuisse? atque cum ea ipsa Romuli urbs ferme ὅλη τῆς οἰκουμένης opes mœnibus suis complecteretur, centesimam usuram fuisse ordinariam, atque duodenas centesimas partes sortis, citra querelam quoque anno penlas fuisse? Imo, quis sibi persuadeat, plebem Romanam indignatam fuisse, quod ex præscripto xii. Tabularum, usuræ loco,



loco, quoque anno, unam centesimam sortis partem solvere debuerit, atque T. Manlio Torquato & Cn. Plautio Coss. decennio post, semunciarium fœnus ex uncario fieri debuerit, quod hoc plebi nimis grave foret; siquidem Liv. lib. 7. cap. 16. uncarius fœnus ad M. Duillii rogationem (quæ decennio solum ante lata erat) post x i. tabulas refert. Verba hæc sunt: C. Marcio, Cn. Manlio Coss. de uncario fœnore à M. Duillio Tribunopl. rogatio est perlata: & plebs aliquanto cupidius eam scivit, accepitque. Si possit exemplum dari ullius nationis, quæ adeo & argenti fuerit inops, & usurarum impatiens, ut potuerit sortem accipere sub conditione solvendi annuatim centesimam duntaxat istius partem, eaque usura insignis adhuc oneris rationem habuerit, lubens fatebor, hisce rationibus nihil momenti inesse. Interea rogo viros doctos, tum eas expendant, tum etiam comparent cum illis, quæ proxime dicturus sum. Testatur Capitolinus de Antonino Pio, tanquam aliquid singulare & sine exemplo, quod fœnus trientarium exercuerit, ut patrimonio suo plurimos adjuvaret. Quod Pii exemplum, teste Ælio Lampridio, non modo secutus fuit, verum etiam superavit optimus Imp. Alexander Severus. Nam & ille fœnus trientarium, sed ita exercuit, ut pauperibus plerisque sine usuris pecunias ad agros emendos dederit, reddendas de fructibus. At, quorsum ut singulare quid, notatum fuisset, ab utroque Principe exercitum fuisse fœnus trientarium? si uncarius & semunciarium fœnus, à primis ferme reip. incunabulis legibus definitum, ita accipi debeat, ut uncarius fœnus sit duodecima pars centesimæ, semunciarium vero duntaxat vigesima quarta. Certe, si cētum denarii ad fœnus trientarium dati annuatim quaternos denarios pariant, & usurariæ clementiæ documentum singulare exhibeant, nā multo maiorem clementiam evincere debet fœnus uncarius, ad quod, (modo credamus viris eximiis) si crediti fuerint eidem centū denarii, annuatim singulos solummodo denarios profundent creditori. Quis vero credat, ratione trientarii fœnoris, tum Antonini Pii, tum etiam Alexandri Severi moderationem laudaturos fuisse Capitolinū & Lampridium, si fœnus uncarius, acceptum ē mente virorum doctorum, jam olim ipsis xii. Tabulis definitū fuerit? Nec hæc, quam propugno, sententia recedit à principiis, quæ viri vere summi recte monent esse attendenda. Nam omnino præsupponendum est, apud Romanos usuras fuisse menstruas, & pecuniam fœnebrem ad cuiusque mensis Kalendas repeti potuisse, (quod hætenus robur addit meo argumento,



quoniam enim paupertina adhuc rep. pecuniæ occurrebat sterilitas; usuræ adeo grandes erant, ut fors quoque mense posset repeti) si enim aliunde hoc non constaret, vel ex uno Plutarcho manifestum esset, qui in libello, περὶ τοῦ μὴ δέειν δαυεῖς ἐδδξ, ostendit, sceneratores, diem Calendarum, omnium alias augustissimum, consuevisse reddere nefastum & odiosum sua acerbitate. Deinde, & hoc præsupponi cupio ex eorundem principiis, usuram Centesimam apud Romanos fuisse maximam, atque mensuram reliquarum minorum usurarum, usque adeo, ut haberi debuerit *as* quasi usurarius, juxta *Salmas. de modo Usur.* pag. 269. Quid vero frequentius, quam elegantia ergo, rem unam eandemque, & totius & partis nomine, insigniri? Ratione Centesimæ usuræ, (cui nos, ob rationes antea allatas, contendimus omnino *ἀπὸ πρῶτον* respondere *sanus unciarium*) quoque mense una pars sortis, ad centenas partes redactæ, solvebatur; sed, cum anni cujusque forent duodeni menses, illique responderent assis usuræ Centesimæ, etenim cur non, ratione habita assis, ut annui, menstruum sanus (illius ejusdemque scil. assis) unciarium dici potuerit? Lego quidem hæc in libro Cl. & Celeberrimi Dn. Gronovii, (quem alias maximi facio) qui inscribitur, *De pecunia Vetere* pag. 492. *Ridendum vero, assis nomine censerī annum, menses uncias.* Sed, ut illa verba, indignissima modestiæ Dn. Gronovii, opponuntur sententiæ τῶ παύ Dn. Hadriani Junii Batavi, viri, dum viveret, doctissimi, atque in scriptis suis longe accuratissimi; ita velim arbitrentur omnes, qui forte hæc legent, an non Dn. Gronovius Gronovii fuerit oblitus, quum proxime (rationem scil. hujusce risus allaturus) ita scriberet: *Sane ubi annus as, mensis uncia, bimestre sextans, tres menses, quadrans, & deinceps: sed quid hoc ad usuras? nihilo magis quam ad cyathos sextarii, aut ad pedes jugeri, aut hereditatis consortia. An usura sunt partes anni? Reditus pecunia sunt currentibus anni articulis multiplicati: dicuntur autem uncia, sextantes, quadrantes, non anni, sed centesima ratione.* Quæ, velut minime coherentia, ut collabantur, (1.) sumatur dumtaxat, quod verbis præcedentibus ipse Dn. Gronovius dicit: *Reditus (inquit) pecunia sunt currentibus anni articulis multiplicati;* atque deinde, *dicuntur uncia, &c. centesima.* Ergo, ut secundum anni articulos (hoc est, ex nostra sententia, menses) usuræ olim distributæ fuerunt, atque annum usurarium (ipso Dn. Gronovio fatente) exhibuit Centesima, ita menstrui Centesimæ reditus, respondentes anni majoribus, sive duodenis partibus, usuram annuam Synecdochice convenienter exhibere



bere potuerunt, maxime, quod denominatio huius usuræ ab uncia, ex-  
amissim responderet tempori, quo pecunia scænebris & collocari &  
exigi solet. Verba sunt ipsius Dn. Gronovii loc. d. pag. 481. & seq.  
*Itaque sic centesimam usurarum vel commodi nomine, &c. quoque dicere, huc  
respicientes, quod mense quovis pars centesima assis, seu unus in centum, de-  
cem in mille, pro usu pecunia aliena merces prastaretur.* Ex quibus ego Da-  
vus pro simplicitate mea colligo: ergo ratione cujusque mensis, qui  
usurarum ratione, assis Centesimæ respondebat, potuisse usuram aliàs  
Centesimam dictam, unciariam convenientissime dici; quam argu-  
menta antea à me adducta, pro vero sensu *senoris unciarum*, talia sint, ut  
à nullo cum ratione everti possint. 2. A ratione viri Eximii, ut po-  
tuisset abesse illud *sane*; ita sextarii, ut & jugeri, haut magis ad rem fa-  
ciunt, atque aut galea pedi, aut caliga capiti vestiendo servit. Res hæ,  
suo peculiari modo mensurabiles, non solent habere certum as, cujus  
ratione sic in duodenas partes debeant distribui, ut, duodena cujusque  
anni parte, pars pariter duodena exhibenda sit: quemadmodum hoc  
volens nolens Dn. Gronovius de usura Centesima, & parte illius men-  
strua, sive uncia fateri cogitur. Porro, apud τὸν τοῖς μέγιστον, eundem-  
que ἐν τοῖς ἀγίοις Dn. Salmasium in Præf. de Fœnore Trapezitico, con-  
tra nostram sententiam, hætenus vindicatam, sequens argumentum  
offendo: *Si unciaria usura centesima est, ut censuit Scaliger cum Adriano,  
&c. juxta eam expositionem semunciarum fœnus idem fuerit ejus semissali.*  
*Cur igitur semuncias pro semissibus dixit Tacitus? Atqui semis assis est di-  
midia pars, id est, sex uncie, ac semuncia uncia dimidium.* Imo, quid ni se-  
munciarum fœnus ob rationes jam dictas respondeat usuræ semissi?  
atque duodenæ Tacito semuncie, quoque mense solvendæ, conficiant  
semissem assis annui, sive Centesimæ? Quod vero aliæ usuræ pariter  
secundum propriam denominationem non referantur & ad singulos  
menses, & ad annum annalem, sive ad annum Centesimæ, ratio est, quod  
non occurrant æque commoda vocabula, atque se offerunt ratione  
centesimæ secundum annum considerandæ, & unciarum semunciarum-  
que ratione secundum menses singulos, & tamen ad proportionem  
Centesimæ, sive assis usurarii, aptarum vulgo denominari. Sed pro-  
greditur l. d. οὐ πένυ D. Salmasius: *Unciarum (inquit) usurarum men-  
tio etiam in jure Digestorum, ut docuimus, &c. in libro de Modo usurarum.*  
Respicitur autem à viro summo l. Titium, sive lex 47. §. 4. ff. de Ad-  
ministr. & peric. tutorum, ubi sic Scævola l. c. loquitur: *Præfectus le-*



gionis ita testamento cavit: Volo, ut sit in arbitrio tutorum filii mei, si voluerint hujus summe uncias inferre usurarum nomine, ita, ne nummi dispargantur. Quaro, si apparuerit pecunia fenerata à tutoribus, judicio tutela uncias usuras, an vero eas quas stipulati sunt, præstare debeant? respondi. Si secundum voluntatem defuncti elegerint usurarum præstationem, neque pupilli nomine in fœnus dedissent: id præstatur, quod testamento voluisset. Cujus legis occasione ita commentatur vir egregius, in erudito alias opere de modo Usurarum pag. 289. Ut ne mirum sit, si asses usuras etiam dixere ut Plinius loco quem supra correximus, quemadmodum & semisses & quincunces, & trientes. Unciæ igitur usuræ sunt, cum nummus unus fœnoris in centum nummos sortis annuus infertur. Uncias inferre usurarum nomine, dixit Scævola de unciario fœnore. At voluissim vir summus legem hanc interpretatus fuisset non secundum præconceptam opinionem, sed mentem ipsius Scævole. Do lubens, usuras unciarias, vocari posse usuras uncias, sed, an propterea usura unciaria debeat adeo remota esse ab usura centesima, ut hujus duodenam solummodo partem complectatur? Testator, qui pupillis suis per tutores consultum volebat, pecuniam collocarat commode, nempe ad usuram centesimam, sive usuram unciariam, cujus pecuniæ usum cum ambiissent Tutores, offensi sunt onere usurarum, atque minores usuras stipulari voluerunt. Etenim, cum ex sententia viri summi, unciarum fœnus, duntaxat fœnusculum, sive fœnus levissimum haberi debeat, quæ fuerit ratio, quod tutores, quorum est commodis pupillorum invigilare, illud, quod minimum fœnus agnosci debebat per stipulationem adhuc minus redere voluerint? Unde & P. Manutius in Comm. ad lib. 5. Cic. ep. 6. Si centesima, vel unciaria, vel semunciaria in anno solveretur quis tantulo quæstu pecuniam suam collocasset? Ulterius pergit vir egregius, atque loco proxime adducto ita loquitur: De hujusmodi unciis usuris accipiendus Seneca locus lib. 3. de tra, quod nemo adhuc visus est animadvertisse, ubi usuræ haud millesimæ meminit his verbis: Quid si propter usuram haud millesimam, valetudinarius fœnerator distortis pedibus, & manibus ad comparandum non relictis clamat, ac per vadimonia asses suos in ipsis morbi accessionibus vindicat? Loquitur de usura, ut apparet tum minimi modi, propter quam, ut rem levem, mirum sit, valetudinarium fœnematorem distortis chiragra podagraque manibus ac pedibus tantopere astuare. Non potest alia esse quam unciarii fœnoris, quam haud millesimam contempnimus appellat, quia non sit revera millesima. Viro egregio, ne putet sibi pal-

mam



mam & gloriam inventæ hujus interpretationis deberi, præiverat jam olim Lipsius, ad d. l. Senecæ, qui occurrit lib. 3. de Ira cap. 35. ita scribens: *Ea sane (usura scilicet) cum millesimo mense fors æquabatur, haud longe est ab Unciali usura: cui miror hoc avo, & tam feruida avaritia fuisse locum.* Sed, quis Genius qua Lipsio, (qui in materia de usuris alias sequi solet *κατὰ νόδα* Antonium Augustinum) qua Dn. Salmasio suggestit, hanc *usuram*, vix *millesimam*, cuius meminit Stoicus Romanus, aut legibus, aut moribus Romanis debere receptam fuisse? Certe, hoc fideiculis non extorseris ipsis Senecæ verbis. Quid si, dicit Seneca, aperte innuendo, à se fingi casum hominis ad extremas sordes avari & iracundi. Nos Philosophi, Tyronibus artis Logicæ, inculcare quam diligenter solemus axioma in Scholis decantatissimum: *Conditionalis propositio nihil in esse ponit.* Secundum quod, si considerentur Senecæ verba, luce meridiana clarius patebit, *usuram vix millesimam*, quæ ex mente Senecæ, non nisi Chimæra, aut *ens rationis* est, nihil commune habere cum *usura uncia*, aut *unciali*. Atque sic solidissime nos evicisse confido adversus viros summos, *usuram uncariam* eandem omnino esse cum *usura Centesima*, & viros egregros debuisse antea diligentius attendere rei Romanæ statum, quo tempore per leges XII. Tab. introducebatur scænus uncium, quam illud distinguerent ab *usura Centesima*. Fateor lubens, me Criticorum & indoctissimum, & imperitissimum, & obsecrissimum esse, nec explicandæ pecuniæ veteri tantum temporis tribuisse, atque Celeberrimum Dn. Gronovium; propterea tamen non probavero omnia, quæ vir diligens in opere nupero, eoque laborioso proponit: quem ut spero, libero hoc meo iudicio haut offensum iri, ita eum rogo, secum ante omnia in concordiam redeat. Siquidem in Præf. ad Lect. ita lego: *Materiam lentam difficilemque subigendo crebro & tractando ita emollivi, ut quadam, ad qua nec ego, nec quisquam, quod scirem, aspirarat, plana & certa mihi redderem.* Cum quibus quomodo cohæreant illa, quæ sub finem operis occurrunt, vix video. Ita quippe de hoc suo scripto ipse Author: *Et tamen plus parte tertia libri, jam moto pralo, jam Trepidantibus operis, in summis temporis angustiis, die omni inter publicas privatasque recitationes & officia urbana exacto, matutinis vigiliis aut horis, quibus olim corpus curabant, bis quoque sepe impeditis exemptisve minutatim ac guttatim natum est.* Nisi forte numerius partus, canis festinanter parientis, simul haberi debeat scætus.

LII 3.

probe.



probe limatus atque formatus. Si luberet hoc agere, & gloriolam captare (præfiscine dixerō) ostendere possem virum vere eximium, quem agnosco Criticorum alpha, in hoc ipso opere amplius quam centies dormitasse, maxime ubi Dn. Salmasium, quem ipse in Præf. vocat *virum eruditione principem*, aut vellicat, aut exagitat. Si compellar hoc agere, faciam, ut confido, cum venia viri Celeberrimi, qui videri posset animum addidisse, quod suam Præfationem his verbis obliquet: *Fructuere, & bonis nostris favere, malis indulgere; non ut disimules, (cupio & ipse me, & si qui à me infcio deduci possint, ab errore liberari) sed, quod non visa magis quam tua interest, ut liberaliter & eleganter castiget.* Sed hæc hæc tenus. Redeundum tandem est ad lineas. Ergo apud Romanos, usura Centesima, cui respondebat fœnus unciarium, ordinario agnoscebatur usura maxima; (extraordinaria siquidem fuit Centesima duplex, & triplex) eaque major per leges non fuit concessa. In Belgio nostro non eadem semper fuit, ob commerciorum differentiam, usurarum ratio. Sub initium motuum, per Hispanos excitatorum, admissa quodque est Centesima, & ad multos annos Usuræ septunces & besiales quodque in frequenti usu fuerunt: hodie semissales vel quincunces fere obtinent, Hollandiam si excipias, ubi Usuræ trientales admodum frequentantur, quod ex ærario, per Ordines illius provincie, grandiores usuræ solvi non consueverint. In definienda usurarum quantitate Magistratus attendere perpetuo debet, ut jam antea quoque innuebamus, rationem temporis, & conditionem subditorum suorum. Simul Magistratus in definienda usurarum quantitate considerare debet periculum, quod ordinario adeunt illi, qui mutuam pecuniam dant. Atque hanc ob causam fœnus nauticum perpetuo grandius fuit. Nam, quamvis creditores ipsi una mare ingredi non consueverint, & in portu maneat, nihil secius *ἡ ἐν πῶλοντι ἐν θαλάσσει*, hoc est, in mari periclitantur, non vita, sed pecunia, quam crediderunt: cuiusque adeo periculum ipsos respicit, tam in sorte, quam in usuris, ut loquitur Dn. Salmasius lib. de modo Usurarum pag. 197. Notum siquidem illud Taciti lib. 14. Ann. *Nihil tam capax fortuitorum, quam mare.* Itemque illud Propertii lib. 3. eleg. 5.

*Ventorum est quodcunque paras, haud ulla carina*

*Consenuit, fallit portus & ipse fidem.*

Quid quod illi ipsi, quibus pecunia creditur, ex pecunia illa ordinario majus lucrum percipere consueverint. Unde & Aristoteles dicit lib. 1. Polit.



Polit. cap. 7. *Navigatio* ( πλείω πορίζει τὴν ἐπικαρτίαν ) plus emolumenti affert. Atque hinc omni tempore, apud omnes gentes, usura nautica major terrestri consuevit esse. Nec tamen propterea injustitiæ argui potest. Unde Guido Papæ in fine Decis. 572. dicit: Quod sint permixta usura nautica, facit incertitudo & periculum: nam plerumque propter incertitudinem quedam permittuntur: quasi certa essent, non permetterentur. Et Molinæus comment. de usur. q. 2. n. 91. Quod justissimum sit scenus nauticum liquet propter multitudinem & magnitudinem periculorum que versantur in mari: & propter exiguitatem & utilitatem pretii videlicet centesima respectu tantorum & continuorum periculorum totius sortis. Quod vero quis miretur imprimis, rigidi illi honesti satellites, Cynici & Stoici quoque, probro sibi non duxerunt, hoc genus Uluræ exercere. De Menippo, qui professione Cynicus fuit, ita lib. 6. per interpretem Diogenes Laërtius: Refert (inquit) Hermippus diuturnum feneratorum fuisse, vocatumque ex re ἡμεροδοξοῦν tandem. Namque nautica ulura scenerari solere & pignori accipere, ut pecunias complexus cogeret. Apud eundem lib. 7. sic lego: Ajunt Zenonem Citticum plus quam mille talenta habuisse, quum venit in Græciam, eaque nautis scenerari solitum. De Catone Majori, Philosophorum non modo Romanorum, sed omnium quoque Stoicorum severissimo, ita pariter per Interpretem suum Plutarchus in illius vita: Usus est (inquit) etiam scenore, quod maxime omnium culpatur, nautico, idque in hunc modum. Eos, quibus pecuniam mutuo dabat, multos ad societatem jubebat vocare. Cum navicularii quinquaginta, totidemque navigia convenissent, is Quintionis liberti opera (is enim debitoribus in navigatione & negotiatione socium se præbebat) unam partem habebat: ita non de tota negotiatione in discrimen veniebat, sed de exigua ejus parte magnum lucrum exspectabat. Et tamen hic ipse Cato est (sunt verba τοῦ πλάτωνα Dn. Salmasii lib. de modo Ulur. pag. 378. & seq.) qui scenerari idem esse quod hominem occidere palam prædicabat, & sceneratores furibus esse peiores cives pronunciabat. Addo, eum in vestibulo libri de R. R. sic profari: Majores nostri sic habuerunt, & ita in legibus posuerunt, furem dupli condemnari, feneratorum quadrupli. Quanto peiorem civem existimaris feneratorum, quam furem hinc licet astimare: atque prævisse Columellam, ut in Præf. libri ejusdem argumenti, inquireret in scenerationis quali turpitudinem. Quod si vero candide voverimus omnia arbitrari, hoc nauticum scenus, longe probrocius esse discemus, quam quod exercere videntur nostrates Trapezitæ, de quibus infra pluribus acturi sumus.

Ob



Ob rationes vero, quas modo tetigimus, fœnus hoc nauticum apud Græcos specialibus legibus definitum non fuit, ut erudite ostendit Salmasius cap. 5. de modo Usurarum pag. 188. & 218. Nec apud ipsos quoque Romanos, quo liceret contrahentibus, prout majus aut minus apparet maris periculum, ita majores, aut minores usuras stipulari ac promittere, ut notat idem Salmasius l. d. cap. 9. pag. 380. Atque frustra valde est Bodinus quando lib. 5. de Republ. cap. 2. sic scribit: *Gabinia lex maximas usuras definiit in nautico fœnore propter periculi prærium, quinquagesimo mense.* Scilicet dicere vult, per hanc legem usuram nauticam fuisse quinquagesimam, ut terrestris erat centesima. Sed debuisset antiquum Authorem nominasse, qui hoc testaretur. Certe est ἀπαρτημα μνημονικόν: atque ex ipso jure Civili patet contrarium. Innuere hoc ipsum videntur verba Imp. Justiniani sic sciscitantis l. 26. §. 1. Cod. de Usuris: *In trajectitiis contractibus, vel specierum fœnori dationibus, usque ad centesimam tantummodo licere stipulari, nec eam excedere, licet veteribus legibus hoc erat concessum.* Eadem pariter mente dixit Paulus l. c. lib. 2. Senient. tit. 14. §. 3. *Trajectitia pecunia propter periculum creditoris, quamdiu navigat navis, infinitas usuras capere potest.* Primus Imp. Justinianus fœnus hoc nauticum in imperio Romano ad centesimam reduxit in l. ult. Cod. de Usur. i. e. ut una uncia singulis mensibus, atque ita duodecim pro centum toto anno præstarentur. Et hæc legitima usura dicta est, ut est in Scholio veteri lib. 23. Basilic. tit. de usuris. Νόμιμος τὸν ἐστὶ ἀγορευτικὸν τὸ δανείζοντος ἢ τοῦ ἐπὶ τῷ δάνειον ἐκαστοῦ. *Usura legitima ejus qui trajectitiam pecuniam trans mare vehendam fœneratur, id est, cum periculo suo, centesima est.* Licet idem Imp. Nov. 106. approbaverit quasdam pactiones in fœnore nautico receptas, quibus contrahentes usuram centesimam excedebant; postquam convocatis naucleris, ex iis didicisset, modos esse varios talium mutuum. Atque, si credimus Cujacio ad Novell. 106. & 110. quem sequitur Gudelinus lib. 3. de Iure Novissimo. cap. 3. non tamen constitit sibi Imperator, sed Novell. 110. abrogaverit Novell. 106. reducta centesima, juxta leg. 26. §. 1. Cod. de Usur. Quamvis non ignorem Salmasium cap. 9. de modo Usur. pag. 377. Novellam 110. ita explicare, ut ea plane abrogatam velit centesimam, atque antiquam licentiam circa fœnus nauticum reductam esse, quam bene non inquirō. Sufficit pro iis, quæ postea erunt dicenda, rationem fœnoris nautici obiter hic exposuisse, quod sane fuit ingens, ut non immerito dixerit Petronius:

Qui



*Qui pelago credit, magno se senore tollit.*

Postquam expendimus, quomodo Magistratus in definiendo modo Usurarum duo attendere debeat; considerare duo similiter debemus à parte eorum, qui mutuam pecuniam alii credunt. Initio hic admodum mihi probantur ea, quæ habet Grotius ad cap. 6. Lucæ, *ubi sequentia lego*: Ut autem sciatur, quantum recipi æquitas permittat, non est spectandum, ut quidam censent, quantum lucri faciat qui pecuniam sumfit, sed quantum ei absit qui alteri pecuniam numeravit: sicut in emtione quoque & in aliis contractibus, nunquam æstimatio facienda est ex eo quod intersit accipientis, sed ex eo quod absit danti. Absit autem tantum, quantum quisque pro vitæ suæ genere ex pecunia compendii facere potest ac solet: puta ex agris, ex domibus, ex mercatura, de tracta æstimatione periculi, quod in aliis rebus majus, in aliis minus est, ita ut fieri inter mercatores solet in contractu averse periculi quem assurationis vocant. *Hæc Grotius.* Atque hæc mihi videtur esse causa, cur non licuerit Episcopis & Clericis per Conciliorum quorundam canones usuras exercere: nam ut non licebat illis *negotiationis quaestiosa nundinas aucupari*, ita non licebat quoque illis *usuris multiplicantibus se- nus augere*; licet utrumque suo tempore factitatum fuisse ab illis, qui sacro ordini erant ascripti, conqueratur Cyprianus *Serm. de Lapsis*. Scilicet, indecorum est Episcopo, sese immiscere negotiis hujus seculi, atque in præjudicium sui muneris mercaturæ vacare: eoque, quum non possit è pecunia (si quam habeat) tantum quaestum facere, atque mercatores; ne iniquum quoque est, ut tantum usuræ quoque percipiat, atque ordinarii mercatores. Et tamen novi Pastores in Belgio, qui pecuniam suam nulli credere volunt, nisi usuras semisses stipulati fuerint, quum tamen ordinario duntaxat receptæ sint usuræ quincunces, & trientales: quod an æquum sit, ipsi viderint. Certe iis minus competunt usuræ semisses, atque usuræ centesimæ & bessales Trapezitis, quos tamen hoc nomine exagitant. Sed, ut hoc obiter tangam, (fussissime alias id factum à Dn. Salmasio l. d.) per antiquos Conciliorum canones non nisi Episcopis & Clericis usuris fuit interdictum. Verba sunt Grotii loco proxime adducto: Solis his, qui in Ecclesia munere aliquo conspicui erant, quos dicunt *τὰς ἐν κερτοῖς*, is quaestus interdicatur canone Apostolico, ut vocant, XLIV. Laodicensi IV, Niceno XVII, Africano V, & XVI. Causa fuisse videtur, quod hi, qui in sacro erant ordine, non tantum crimine

M m m

omni,



omni, sed & suspicione avaritiæ vacare deberent. Ita enim loquuntur Afri patres dicto canone v. *Quod in Laicis reprehenditur, id multo magis debet in Clericis prædamnari.* Quin dicto canone xvi. simul cum scenore prohibetur episcopis, presbyteris, diaconis, procuracionem rerum alienarum suscipere, aut aliorum causis patrocinium præstare, addita ratione, quod non deceat eos, qui sacræ militiæ nomen dederint, sæculi rebus implicari. *Hæc iterum Grosius.* Velim autem omnes illi, ex ordine Ecclesiastico, qui Trapezitis se exhibent Vatinios, diligenter non modo legere, verum etiam meditari instituant dictum Canonem quintum. Inscríbitor *περὶ ἀπληστίας*, sive, *de Avaritia.* Deinde, quotquot pecuniam suam scenori exponunt, strictè observent leges de Usuris à Magistratu latas, nec eas ulla ratione violent: atque, si affluant opibus, quo *ἐπιεικής* habeantur, & levissimam quoque avaritiæ suspicionem à se amoliri possint, minus potius nomine usurarum stipulentur, atque per leges est permíssum.

- V. Definito modo usurarum (cujus supremum arbitrium Magistratui deferendum) ulterius despiciendum, ut ad principalem quæstionem propius accedere possimus, quidnam arbitrari conveniat de usura Trapezitica, in fœderato Belgio passim permíssa, in cujus gratiam præcedentia præmisimus. Illius descriptionem graphicam proponere laboravit Dn. Johannes Cloppenburgius in Institutione de Usuris: in quo laborioso Tractatu, licet ratione Thesios, hætenus examinatæ, nobis sit *ὁμολογηθῆναι*, ratione hypotheseos tamen dissentit, atque cap. x. dicti Tractatus pag. 55. 56. & 58. *ita loquitur*: Hoc nomine merito odiosa & infamis est, quippe contraria & naturali, & divino, & humano juri, praxis istorum fœneratorum, qui superiori sæculo obtinebant in Italia, atque ibi exercebant improbissimum & barbaricum scenus. Vigebat illic & à nonnullis Italiæ principibus, infidelibus, & sociis furum (Esai. i.) authorata erat, multis (inquit *Carolus Molinæus*) etiam doctoribus precio pariter redemptis subscribentibus, in quibus *Alexander*, usura plus quam improba, vel continens duas solidas centesimas & semissem (h. e. 30. annua in centum) vel horribilior continens triplicem solidam centesimam & tertiam partem centesimæ (h. e. 40. annua in centum) vel idoneis pignoribus acceptis, vel sub hypotheca bonorum debitoris, pignoribus non traditis, cum facultate de trimestre in trimestre bona etiam immobilia debitoris pro libitu distrahendis: tamque efferi fœneratores, non solum sic alliciebantur, sed etiam conducebantur.



ducebantur à Regulis Italiæ, de (*hæc nimium quam exaggerantur*) miseris civium prædis tam turpiter, & scelerate, negotiantibus: quin etiam sic conducebantur à potentibus Prælati Ecclesiasticis, legatis à Papa & Episcopi vicariis. Et quod adhuc turpius & sceleratius, permittentur, atque authorabantur, earundem improbiſſimarum usurarum improbioreſ uſuræ. Horum ſceneratorum Italoꝝ proſapia ſunt, qui hodie paſſim in Ciſalpinis regionibus, in quibus plurimum commercia vigent, officinas inſtituunt, in quibus cuilibet petenti mutuo dant, accepto pignore, quo non ſolum de ſorte ſecuri ſunt, ſed etiam de uſura tanta, quæ ultra locationem domus, & ſtipendia operarum & ſervorum qui pignora curant, uberem fructum & inſigne lucrum certo adferat: puta dupla ſolida centeſima & beſſe circiter (ſive plus minus 32. annua in 100.) ubi, ut jam vidimus, Imperatoriæ leges *Iuſiniani*, ne mercatoribus quidem in ſola pecuniæ negotiatione illa, quæ ſit extra jacturæ aleam, permittunt Beſſali ſcœnore amplius exercere. *Hæſſenus Cloppenburgius*. & paulo poſt: *Fœneratores hi vocantur Longobardi, ab Italia provincia ex qua primo Alpes tranſcendiſſe videntur, ad iſtius quaſtus aucupium, prætextu officioſitatis in pauperes, exercendum. Hiſ accenſeri debent Iudæi, &c.* Cogitare aliquis poſſet, huic orationi, quod authorem virum Theologum agnoſcat, nihil falſi ſubelle, maxime quod ille ipſe in eodem Tract. pag. 160. perſuaſum cupiat, ſe nihil *pro modulo* ſcripſiſſe, quod non pariter ſcripſerit *ex conſcientia*, volente & jubente *Reverenda Synodo* (Belgicarum) *Eccleſiarum*; eaque talia eſſe, quæ muniant *praxin* earundem Eccleſiarum. Sed, ex illis, quæ ad modum Cenſuræ, aut verius modeſtæ *Stricturæ*, à nobis ſuccincte annotabuntur, liquere poterit, viros Theologos quoque, à veritatis lineis, quando iis ſibi videntur inſiſtere, aberrare poſſe. Ergo notamus 1. Virum egregium & Reverendum, fruſtra admodum eſſe, quando *Uſurarios Italos* (ſane in libera republ. non tolerandos) quos aliquando foverit *Alexander vi. Papa*, vult eoſdem eſſe cum illis *Trapezitis*, de quibus deinceps acturi ſumus. Illi immorigeri erant, at noſtri, qui à Magiſtratu admittuntur, ad ejuſdem leges rigide componere ſe debent. 2. Vir Reverendus, cum ſuis Belgis potiſſimum ſcripſerit *Tractatum de Uſuris*, (unde & primitus prodiit vernaculo idiomate) in *Trapezitarum* Belgicoꝝ originem penitus inquirere debuiffet, Dn. *Salmaſius* pag. 587. *Tract. de Trapez. Fœnore*, digitum duntaxat intendit in *Zypæum*, *Canonicum Antverpienſem*: facere vero non poſſum, quin

M m m 2

pro-



prolixiorum ex illo locum in gratiam Lectoris mei exhibeam. Ita ergo ille loquitur in *Tract. de jure Pontif. novo lib. 5. tit. de Usuris, pag. 470.* Invenio (*inquit*) in Concordatis Ducis Brabantiae & Dominorum de Grimbergen, *An. 1297.* hos stipulatos, ut in sua ditione eis jus foret habendi Lombardum, quod mero jure & citra pactum eis non licuisset. Et ideo has esse puto argentarias, quae à Frederico recensentur inter Regalia. In *usibus feud. tit. quae sint Regalia.* non vetus argentariorum munus, de quo *l. 4. & passim D. de edendo.* Nam & reliquae Regaliorum voces *d. 1.* & jura vel nihil sonant Romanum, vel ab eo longo intervallo secernuntur: quamquam ex instituto tamen etiam suo argentarii foenerabantur, sed tam aliorum pecuniam quam suam collocabant, quasi publici ministri *d. l. 4.* ideoque ad edendum rationes cogeantur, & ex solo pacto usurę eis debebantur, *Nov. de arg. contract. 136. §. quia vero legem* (quale aliquid in diplomate Philippi Pulchri *an. 1499.* refertur) cum aliis non nisi ex stipulatione debeantur *l. si tibi in prin. D. de pact. l. 3. C. de usur.* Itaque Johannes Dux Brabant *anno 1312.* Lombardos sub sua salvagardia constituit, & cognitioni suę reservavit, tabulis legum Brabant. *den Landtschaert.* ut & concordata Brab. *§. de crim. usur.* & formam exercitii verisimiliter præscripsit. Philippus Pulcher d. diplomate quibusdam Mercatoribus, ut vocat, scenebrium mensurarum exercitium permisit non tantum, sed & præmiis & privilegiis invitavit. *Hac Zypaeus.* Quę dilucide ostendunt initio, quam parum sit tribuendum viro Rever. quando instituit Historicum agere. 3. Ut non diffidendum, quosdam ex his mensariis, originem trahentes aut ex Gallia Cisalpina, aut ex Pedemontano agro, in vulgus tulisse Lombardorum nomen; ita putarim illud in Belgio frequentari cœpisse, quod initio solito majores usuras hi ipsi Trapezitæ, sive mensarii exigerebant. Nam jam olim usitatum fuit majoribus nostris, quicquid solito grandius esset, vernaculo idiomate *Lombardsch* vocare. Pueris quoque nota sunt *Lombardsche Eye, Lombardsche hinne, Lombardsche noot,* &c. 4. Carolum v. Papæ observantissimum Imperatorem quam infestum fuisse hisce Trapezitis non miror: sed, si hoc dicerem, eundem Imperatorem dira quoque edicta promulgasse adversus eos, qui in Belgio Reformatæ religioni à Luthero vulgo denominatæ, duntaxat favebant, atque Jacobum Latomum, & Ruardum Tapperum hæreticę (sic salutarī volebant) pravitatis Inquisitores, suspectasse haud unum ex hisce Mensariis, tanquam faverent isti religioni, imo plures quoque ex hoc ordine



ordine (ut alias ostendam) negotium Reformationis haut segniter per Belgium promovisse, nihil à veritate alienum dicerem. 5. Notanda vero insignis Caroli v. licet Imperatoris alias laudatissimi, hac in parte hallucinatio; nam quum d. 10. Aprilis anno 1510. (quo tempore tantus Princeps adhuc sub Tutoribus erat) mensæ scēnabres sublatae essent per Belgium, ipse per Edictum anno 1545. die 30. Ianuarii, easdem iterum admisit: sed addidit, ut (sunt verba Zypæi in Notitia Juris Belgici) *scēnabrem mensam excercentes, partemve in ea aut administrationem habentes, divinis officiis non intersint, alioquin privilegium amittant, & ut publici usurarii puniantur.* Quod sane summam sapit iniquitatem: nam, ut loquitur Excellentiss. Dn. Salmasius, (qui hoc ipsum Edictum consideravit) lib. de Fœnore Trapez. pag. 400. *Mira profecto lex, permittere erectionem mensarum mutationis, quasi ad bonum publicum institutarum, & infamia notare atque à sacra synaxi arcere, qui eas excercant. Oportet illum professionem hanc, quæ talem mereri penam ei visa est, contra jus divinum ac morale facere putasse. Quod fita putavit, cur permisit publice excerceri, quod contrarium legibus Divinis esset?* 6. Hi, sive Trapezitæ, sive argentarii, sive mensarii, non sunt fœneratores privati, sed publici: quomodo jam olim differentiam intercessisse inter Trapezitas, sive fœneratores privatos & publicos, recte statuit ὁ πάλαι Dn. Salmasius in Præf. de Fœnore Trapez. ubi sequentia lego: Fœneratores ubique locorum, olim duorum generum fuere, privati nimirum & publici. Unicuique privato semper licuit pecuniam suam excercere, & ex ea quæstum facere legitimis usuris, ubi lex modum earum finivisset, aut placitis ubi liberum esse sivist. Hi δὲ αὐτοὶ, Græcis appellati, Latine *fœneratores*. Publicos Græcia *τεγοπῆζιτας* nuncupavit, à mensis quas in foro positas cum nummis in his publice expositis habebant, ut omnibus fœnerato accipere volentibus, pecunias expensas ferrent. Latini eosdem vocant *Mensarios*, aut *Argentarios*, atque etiam *Nummularios*. Privati fœneratores similes sunt hominibus privatis, qui res in agro suo natas, vinum, triticum, oleum, legumina, & alias quascumque fruges, liquidas aridasve vendunt, cum plus ex illis colligant quam consumere domi possunt. Ita privati fœneratores pecuniam suam, ne sibi otiosa esset, in quæstu ac reditu habebant, si quando ea abundarent. At fœneratores publici erant, ut mercatores nunc quoque publici sunt, qui emunt ut vendant, & vendunt ut alia iterum vendenda emant, & sic indefinenter merces

M m m 3

habent



habent vanales. *Huc usque Salmasius.* 7. Constituuntur vero nostri Trapezitæ à Magistratibus, quibus jus est eos constituendi, qui & iisdem non modo leges præscribunt, quas stri&issime observare debent; verum etiam annum Canonem iis fere imponunt, ad modum recognitionis, filco solvendum. Legibus illis non minus definitur, quantum usuræ nomine, supra pignora, exigere possint ipsi Trapezitæ, verum etiam scrupulose cavetur securitati & commodis eorum, qui pignoribus oblati mutuum à Trapezitis accipiunt: adeo, ut neque ante elapsum justum tempus pignora sub hasta possint distrahi, neque etiam quid interverti in fraudem debitorum de pretio, quod cogi contigerit ex pignoribus distractis: quæ, si contigerit in auctione publica majori pretio distrahi, quam Trapezitæ, nomine fortis & usuræ, debeatur, quod superest, restitui debet illis, quorum pignora bene vendi contigerit; qui, si sese non offerant, aut, post inquisitionem institutam, inveniri non possint, superfluum illud non in suum commodum Trapezita convertit, sed Curatoribus pauperum offert. Saltem offerre debet; probaruntque hac in parte suam fidem sæpius probæ notæ menlarii, inter quos complures confido occurrere, qui Deum ex animo metuant. A quibusdam si hic peccatum fortè fuerit, (quod liquido probari deberet) non imputandum est ipsi ordini, sed aliquibus, qui agnosci debeant maculæ & opprobria ordinis, per se innoxii. Nam ut usurpem iterum verba Dn. Salmasii ex eadem Præf. *Quamvis autem in trapezitarum ordine sint etiam improbi multi, ut in aliis professionibus, quia tamen persona habentur publica; non vitio professionis sunt, sed suo, si qui sunt mali. Sic etiam Tabelliones, & Notarii publici, falsarii nonnulli reperiuntur. Et publicani multi iniqui, legum contortores, & bonorum extortores, quibus hodierni trapezita, si qui improbi existunt, similiores videntur.* 8. Quæ si observentur, patebit, quam iniqui illi sint Censores ordinis alias inculpati, qui non verentur eos furibus & latronibus accensere. Sane longe candidiorem se hic exhibet Franciscus Zypæus, Juris Canonici licet Doctor, & proinde juratus Papanorum dogmatum Antistes, quando l. d. pag. 483. *ita loquitur:* Neque enim recte sentiunt, qui hos menfarios, usurarios publicos, vel Lombardos, latronibus comparant, ac turib. quibus sumptus in res latrocinii, aut furto, sublatas impensas exigere non licet, l. i. *C. de infant expos.* Neque enim contra justitiam peccant usurarii, quatenus indemnitatem suam, non lucrum, stipulantur, exiguntque. *Hac iterum Zypæus.*

At,



At, misso non minus Zypzo, quam Dn. Cloppenburgio, (cui ut VI. opponere debuimus præcedentes *stricturas*, ita earundem occasione Trapezitarum nostratum, qui personæ publicæ, conditionem exposuimus) deinceps notari volumus, usque adeo honestum esse ordinem Trapezitarum, ut à pluribus annis in variis Hollandiæ & Zelandiæ urbibus, Magistratus ipsi illud factitarint, quod alias per Trapezitas, in subditorum suorum commodū, exequi solent. Speciatim hic commemorari debet Magistratus Harlemensis, Amstelodamensis, Goudanus, Roterodamensis, Hornanus, Veteraquinensis, Medioburgensis, & Vlissinganus. Quod usque adeo probatur ipsi Dn. Cloppenburgio in Tract. Latino de Ulura pag. 66. ut cap. xi. sic loquatur: Laudabilis est ille conatus, quo in nonnullis civitatibus Magistratus cogitarunt de remedio, quo profligata illa praxi *Longobardorum*, ita consuleretur pauperibus & indigentibus, ut non necessum haberent in similes piratas incidere: videlicet publice mutuata pecunia sub leviori, quantum fieri id posset, usura. *Hac Dn. Cloppenburgius*. Ne vero aliquis existimet, Magistratus dictarum urbium, per singularem moderationem usurarum, tacite iniquitatis condemnare Trapezitas, qui alibi à Magistratu jus Mensæ conducunt, obiter hoc loco, & tamen bona fide explicabo, quænam ratio utrarumque mensarum sit quod ad usuras. Ergo usque in hunc diem, Harlemi, Amstelodami, Roterodami, Hornæ, Medioburgi, & Vlissingæ pro minoribus pignoribus, centum florenis non valentibus, annuatim solvi solent seni deni floreni & quini stuferi; quantum quoque ex similibus pignoribus, usuræ ratione, concessum est cogere Trapezitis, mensas habentibus, Arnemii, Ultrajecti, Amisfurti, Daventriæ, & Groningæ, nisi quod Ultrajecti & Amisfurti è pignoribus, non valentibus ultra quatuor florenos, in annum tantum percipi possint deni floreni. Goudæ, secundum antiquam consuetudinem, Magistratus, qui ipse per suos delegatos curator est scænebris mensæ, ex omnibus indistincte pignoribus, pretium centum florenorum non excedentibus, in centuriam florenorum annuatim percipit unum & viginti florenos ac tredecim stuferos, ex reliquis vero pignoribus majoribus cogitur usura centesima. Veteribus Aquis, ubi similiter, quemadmodum antea dictum est, ab ipso Magistratu mensa curatur, indifferenter ex omnibus pignoribus redactis ad centum florenos, quotannis nunc solvuntur 21. flor. & 13. stuferi. Pignora, pertingentia usque ad quadringentos & septuaginta quinque

At,



que florenos Hornæ, ad quingentos Medioburgi & Groningæ, & ad sexcentos Vlissingæ, in florenorum centuriam, quoque mense usura nomine pariunt senos denos stuferos; quum Ultrajecti quinīs quibusque hebdomadis pro centum florenis solvantur octodecim stuferi, annua usura surgente ad novem florenos. In omnibus autem jam dictis civitatibus, pignora quingentos aut sexcentos florenos excedentia, senis quibusque hebdomadis pariunt centesimum nummum. Placuit in gratiam Lectorum, paulo distinctius hæc proponere, (quæ vera esse, si necessitas urgeat, per publica documenta probare possum) ut subsequētia dijudicari commodius queant, publiceque constet, clementius cum tenuioris sortis hominibus non agi in illis locis, ubi ipsi Magistratus scænebres mensas curant. Verum quidem est, anno 1656. Magistratus Amstelodamenses & Roterodamenses, utcunque minuisse usuras antea receptas, atque ab hoc tempore habita ratione majorum pignorum, 100. vel 500. flor. obstrictorum, inæquales quasi haberi posse mensas reliquorum Trapezitarum; ceterum, hoc nequicquam causæ Trapeziticæ, (quam justissimam esse subsequenti sectione probabo) præjudicare potest. Siquidem quinque sunt, quæ hic distincte considerata veniunt. 1. Integrum est Magistratibus, & Bancis Mercatorum, tantum pecuniæ scænebris suæ mensæ destinare, quantum temporis ratio & necessitas mutuo rogantium efflagitaverint; quum Trapezitæ ipsi sæpe mutuam pecuniam, sub usuris haut modicis, accipere cogantur. 2. In illis urbibus, longe majori quantitate pecunia mutuo datur, quam alibi. 3. Ibidem in ædibus publicis scænebres mensæ habentur; quum Trapezitæ grandi pretio ut plurimum convenientes ædes, aut conducere, aut emere cogantur. 4. Trapezitæ ut plurimum annum quoque canonem Magistratui loci solvere tenentur. 5. Ibidem Trapezitæ, quum consequi solent ad certos duntaxat annos jus exercendi mensam, iis elapsis de integro Privilegium impetrare, variosque sumptus facere coguntur. Quæ omnia si quis exacte consideret, & pariter computet mercedem famulorum, quos in familia sua Trapezitæ alere debent, quo commode omnibus, qui mutuum rogant, prospici possit, liquebit, ab iis vix percipi usuras, quæ excedant ordinarium usurarum modulum.

VII. Hisce præmissis, ordine xlii. argumenta proponam, justitiam causæ Trapeziticæ liquido evincētia, quæ, ut defecata mente discutiantur, obtestor illos, qui hæc forte lecturi sunt. I. Lubet argumentari à pari.

Nam



Nam si in republ. V. C. pistores, aromatarii, & caupones, (de his antea egi) similesque, habeantur, & ut putatur, merito, honesta personæ, ac boni cives, cur non pariter Trapezitæ quoque, de quibus loquimur? Nam hi usurarum & lucri sui modum strictissime definitum habent, adeo, ut impune eum violare non possint: cum plerique illorum, de quibus loquimur, pro arbitratu pretium suarum mercium & augere possint, & sæpe sic augeant, si non mercibus adulteratis quoque, ut brevissimo temporis spatio rem maximam faciant. Nec est, quod quis dicat per usuras Trapezitarum pauperes magis premi. Certe, si luberet omnia ad vivum refecare, pateret, in Belgio nullos esse æque graves pauperibus atque Pistores, (ut ut sæpe membra fiant Senatus & Consistorii) maxime in iis locis, (observatur hoc in Hollandia) ubi inquilinis non est permittum proprium panem domi coquere. Ego, qui vivo Groningæ, ubi civibus omnibus jus est sui panis coquendi, testari possum de mea familia, (quàm ex Dei benedictione numerosam habeo, octonis hoc tempore, & antea novenis & denis, duntaxat liberis in illa occurrentibus) quod si forte, per impedimenta molendinaria, è pistrino compellar panem secundarium petere, tantum panis dalerò simplici mihi comparare non posse, quantum alias florenò mihi ex mea farina adornare soleo. Ne dicam, illum panem (omnium civium calculo) multo deteriorem esse eo, quem in usum suarum familiarum, illarum sive patres, sive matres adornari curant. Cur virorum Reverendorum zelus non fertur æque contra pistores, sane inexcusabiles, atque contra innoxios Trapezitas? Non credo iis parci, quod haberi debeant homines illustres. In ordinem vilium & sordidorum artificum à Julio Firmico lib. 3. Astr. cap. 12. rediguntur. II. Iterum à pari sic argumentor: Publicani non sunt meliores Trapezitis, & ad summum hisce æquales censei debent: & tamen eorum vocationem, modo strictè ipsi inter muneris sui limites maneant, probavit Joannes Baptista Luc. 3. v. 13: siquidem autoritate publica cogunt tributa, quæ fas est Magistratui solvere, Rom. 13. v. 7. Sed quid aliud faciunt Trapezitæ, qui pariter autoritate publica multis profunt, & quotidie, mutuum dando, plurimos præsentaneo exitio eripiunt: quum tributa, quæ Publicanis solvuntur, semper onerum rationem habeant. Parcatur ergo illis à Viris, quibus inest *πινός* *Σύλα*, quandiu munere suo legitime funguntur, & Publicanorum exemplo, *amplius non exigunt, quam constitutum est.* III. Porro à pari

Nnn

ita



ita argumentor, ut componi velim contractum cambii, cum usura Trapezitica. Nullus haecenus in dubium vocavit Collybistarum vocationem, aut arguere, nedum coena Domini arcere illos sustinuit, qui pecuniam Collybo curant: quod sine collybo salva vix esse queat mercatura. At, quis usque adeo rerum imperitus, ut ignoret lucrum quod collybistae percipiunt, longe excedere usuras Trapeziticas, atque saepe eo usque surgere, ut non quidem intra annum, sed intra mensem, (quid mensem dico? unam, alteramve hebdomadam) fortis quintam partem, si non amplius quoque, excedat. Cedo rationem, cur flagella promeriti sint Trapezitae, qui multis modis utiles sunt, & scutica Collybistis ne quidem intentetur? I V. Iterum à pari lubet argumentari, producto foenore nautico, cui respondere *Bodemariam*, inter Mercatores Belgas receptissimam, recte vidit *ὁ πρῶτος* Dn. Salmasius Dissert. de Foen. Trapez. pag. 95. quam immane illud saepe non crescit, impatiens legum & modi omnis? & tamen nulli unquam vitio datum fuit, quod foenus hoc exercuerit. Quae ergo ratio, quod Trapezitae nostrates magis vapulare debeant, quam hujusce foenoris exercitores? V. Simili modo adhuc progrediendo, cum Trapezitis nostris contendo Mercatores omnes. Insolens alicui videatur, quod haec occurrant in indice subiecto Dissert. Dn. Salmasii de Foenore Trapez. *Mercatores sequiores Trapezitis*: interim hoc effatum est verissimum. Siquidem mercatores quarumcunque mercium intendunt unum lucrum, nullis legibus definitum, & pro animo ab avaritia subactum, ut plurimum immane; cum Trapezitae, quia à Magistratu constituuntur, ut publice prosint, legum vinculis subint, & amplius neque exigere neque lucrari possint, quam leges permittunt. Ne dicam jam, prodolor! nimis quam verum esse, quod Salvianus scriptor Christianus dixit lib. 3. de Gubern. *Quid aliud est cunctorum negotiantium vita, quam fraus atque perjurium?* Quis tamen ex Dnn. Theologis instituit haecenus turbare mercatorum conscientias; eosque aequè inquietare usque ad exclusionem à coena Domini, atque bonos, nullique graves Trapezitas? Quid vero dicent Adversarii Nostri, praeter rationem fervidiores, si in societate Ecclesiae suae, pariter habuerint Nobiles, qui exercitio Mercaturae vacent? Nota lex. 3. Cod. de Comm. & Mercator. qua Imp. Honorius & Theodosius ita decernunt: *Nobiles natalibus, & honorum luce conspicuos, & patrimonio ditiores, perniciosum urbibus mercimonium exercere prohibemus.* Quam legem, ne pro



pro instituti presentis ratione, videar frustra adduxisse, consuli velim Gothofredum in Notis. VI. Omisso loco à pari, deinceps argumentor ab insigni commodo, quod cujuscunque ordinis homines, maxime pauperiores, è commoditate mensarum Trapeziticarum percipiunt, si certo quo casu (sæpe vero hoc contingit) pecuniæ inopia laborent. Ex pluribus, qui in mundo sunt, unum duntaxat casum notasse suffecerit. Ergo, consideretur V. C. Civitas Ultrajectina, ubi duntaxat semel quaque hebdomada, feria nempe septima, aut die Saturni, agitur mercatus; sumatur quoque tenuis conditionis civis, cui licet onerosa sit familia, hebdomadatim tamen senos florenos lucrari possit; eos vero duntaxat, à mercatoribus, quibus inservit, accipiat die Saturni circa vesperam; velit vero hic ipse, qui præsumitur esse frugi, tempestive familiæ suæ prospicere de necessariis; non possit autem, quod pecuniam suam nondum acceperit: ut vero commodis suis consulat, à Trapezita, oblato pignore, accipiat quinque florenos, quibus die mercatus ea comparet, quæ si postea à propolis petere debeat, sex floreni non suffecerint: &c. pignus vero suum, die Lunæ, solutis paucis duntaxat obolis, repetat. Ceddò, an non mensæ Trapezitica subsidio, admodum consulatur huic patrifamilias, qui paulatim ad mendicitatem necessario adigi debebit, si non illi in tempore succurrerit mensa Trapezitica? Utique verum est, quod dicit Dn. Salmasius de Fcen. Trapez. pag. 601. *Tenuis, inquit, & inopes, quia sæpius pecuniam in numerato non habent, nec presentem mercatori possunt solvere, si quæ in diem differtur solutio, ea pretio impensiore solita est compensari. Et sic usuras ille mercator, qui expectat à paupere emptore, exigit interdum haut leviores, quam quas Trapezitis accipere Magistratus permittit.* Eoque, longe præstat, per subsidium mensarum Trapeziticarum, presenti pecunia, ea, quæ *ὁρεῖς τοῦ βίου*, emere. Nam licet Trapezitis usuræ quoque solvi debeant, ratione tamen temporis diminui possunt, ubi acceperit pecunia; quum propolis omnino illud pretium solvi debeat, quod initio promissum erat, iis per anticipatam solutionem, nihil de rigore stipulati pretii remittentibus. VII. Quum contingat haut raro, ipsis quoque opulentioribus, ut pecuniæ inopia laborent, eam autem ad usuras ordinarias accipere non possint, & tamen eadem pro tempore necessario indigeant, si non occurrat mensæ scænebris facultas, quæ pignori alias offerri possent, magno damno dominorum, vendi debebunt; quod semper neque emptores inveniant, neque emptores quoque

N n n 2

ordinarii



ordinarii pecuniam habeant. Contingit ergo, minoris distrahi illa, quæ, in pignus si oblata fuissent Trapezitæ, ampliorem pecuniæ summam domino suo tam certo procurassent, quam in ipsius dominio mansissent, reditura per commodam occasionem in ejusdem domum. VIII. Si Trapezitæ tabernæ scēnebres claudere cogantur, nā tenuioris conditionis hominibus ad laqueum res redierit, iisque cum fame atque extrema rerum omnium inopia misere luctandum fuerit. Nam, cum secundum vaticinium Christi, ultimis hisce temporibus, jam diu *refrigeris charitas*, Matth. 24. 12. atque unusquisque sibi, suisque commodis duntaxat studeat, si in mensa scēnebri tenuioris sortis homines solatium per oblata pignora non invenient, nullibi id invenient: quum, præ verecundia æque erubescant mendicare, quam propinquis quoque suis necessitatem, qua pro tempore premuntur, exponere; & vix audent in loco publico, pro necessario subsidio frontem ponere, eum adeundo per alios, quibus, mutatis sæpe nominibus, pignora sua committunt. IX. Qui intempestivus pudor per alios adeundi Trapezitæ domum, quæ tamen sola præsentaneum subsidium, & solatium, suppeditare & potest & debet, novum nobis argumentum suppeditat. Homines siquidem præpostere verecundi operam aliorum in offerendis Trapezitæ pignoribus, ut plurimum duplo carius redimunt, quam gratiam Trapezitæ, ad cujuscunque servitium & solatium omni tempore paratissimi: siquidem, ut pignus modicum ad paucas solum hebdomadas apud hunc relinquunt, solvendo usuræ nomine unum alterumve stufesum; ita, qui frequentando Trapezitæ domum aliis vicariam operam præstant, pro oblatione cujusque pignoris, ab ejusdem dominis ex consuetudine binos stufesos accipere solent, atque tantundem quando id luunt. Etenim, si per Dñn. Theologos, quorum officium est promovendis honestis proximi commodis invigilare, commendarentur mensæ scēnebres, nullus eas accedere erubesceret, minorique damno afficerentur, qui sæpe earundem subsidio nulla ratione carere possunt. X. Quod hujusce vitæ ratio usurarum subsidio nullatenus carere possit, plurimorumque civium hic status sit, ut non nisi oblatis pignoribus pecuniam accipere possint: omnino præstat, ibi exhiberi pignora, ubi eorum & securitati consultum est, atque creditum cupiditas in ordinem per leges redacta, metu Censuræ perpetuo castigari potest. Certe experientia constat, in iis urbibus, ubi publica scēnebres mensæ non notantur, per privatorum avaritiam, con-



tra omnem charitatem, cives magis exedi, atque ubi hujus ordinis mensæ per Magistratum publica autoritate & constitutæ & ordinatæ sunt. XI. Tantum abest, ut Trapezitæ traduci mereantur ob ea, quæ jam notata sunt, honorari cum maxime deberent, atque contra quorumcunque injurias per Magistratum defendi. Justiniano ipso Imp. teste, qui ut Novella 136. agit de argentariorum (quibus per omnia respondent nostri Trapezitæ) contractibus, ita inter alia hæc habet de illis cap. 3. *Neque enim justum est, ut qui tam largiter pecunias suas profundunt, non item primum & extra omnem controversiam positum ordinem in rebus pecunia sua comparatis teneant.* & cap. 4. sub finem: *Nam qui omnibus propemodum indigentibus opem ferre parati sunt, hos itaque per ejusmodi minutias injuriam perpeti justum non fuerit.* XII. Sed, argumentum ad hominem (ut loquuntur) causæ Trapeziticæ patrocinatur manifestissime. Scilicet, quia Theologi, (qui Trapezitis bellum perpetuum indixerunt, eos pro re nata traducendo,) non modo parant Magistratibus, qui per se mensas exercent, verum etiam utroque pollice probant eorundem institutum, quo hac ratione consulant suis civibus; omnino liberant Trapezitas ab omni culpa, atque eorundem causam, ut ut vulgo odiosa habeatur, per omnia justificant. Cur enim hic locum habeat, quod de seculo, quo vivebat, queritur Juvenalis Sat. 3.

*Nam quod turpe bonis, Titio, Sejoque, decebat Crispinum.*

Et non potius valeat illud, quod habet antiqua formula: *Idem Accii, quod Titii.* Sane, quod Magistratus per leges juris Divini & Naturalis facere potest, aliquis facere quoque potest nomine ipsius Magistratus, si ab hoc, ad illud faciendum, legitime constitutus fuerit. Quoniam Magistratui licet tributa irrogare, licet ei quoque Publicanos constituere, qui tributa cogant: nec hæcenus censuræ obnoxia esse potest Publicanorum professio, qua talis. Magistratum vero non peccare, si quasi fiduciarium operam præstet Trapezitis, atque per se in usum civium mentem exercent, fateri cogitur ipse Dn. Glöppenburgius Traët. sæpius citato cap. xi. pag. 72. *ita loquens:* In quo quia præsumitur Magistratus liberaturus bona fide suam conscientiam; non debet pius & laudabilis conatus, ex sinistra præsumptione aliqua odiosus aut injustus censeretur. Ex his autem liquet, piam posse esse pauperum sublevationem, etiam cum negotiatione veræ & formalis usuræ, quandoque illud sentiunt in suum emolumentum: Ac consequenter nullam

N n n. 3.

dari



dari posse justam causam, quare tantum sit toleranda & non probanda negotiatio illa, saltem ut actus civilis licitus & honestus. *Haftenus Cloppenburgius*. Imo nec dissentit ipse Dn. Voetius, dum in jam adductum Dn. Cloppenburgii iudicium, publica quasi Synodi auctoritate munitum, illud approbando, digitum intendit; *Parte 2. Disp. de Usur. Th. ult. & in Notis ad supplicem Mensariorum Trajectensium libellum, Rei iudicatae insertis, pag. 32.* Præiherat utrique Excellentissimus Dn. Macco-vius, qui ut jam anno undetrigesimo huius seculi, singulari occasione invitante, pro solita facilitate instituit Trapeziticum negotium excu-tere, ita, si res exigeret, ostendere possem, Theologum vere egregium & accuratissimum, atque Præceptorem meum jucundissimæ memo-riæ, sæpius postea factum fuisse, se, per Respondentis singularem præ-cipitantiam, ad Thesium Antitrapeziticarum propositionem publi-cam accessisse. Interim Viro summo & præceptori fautorique pluri-mum honorando d. Disp. qu. 2. Th. 8. hæc exciderunt: *Illud remedium, quale Amstelodamenses adhibuerunt, legitimum & laudabile esse concedimus.* Quæ hæctenus nobis & instituto nostro abunde sufficiunt. At, ne va-leat Majoris Propositionis consequentia, Dn. Cloppenburgius l. d. pag. 73. ita loquitur: Verum enim vero, his non obstantibus justæ sunt causæ non tolerandi, ut privati menlas erigant, in quibus promiscue cuivis petenti mutuum dent, sub usura: nam etsi forte hodie constet de privati alicujus danistæ bona fide & benigna tractatione debitorum; non tamen debitores semper esse possunt in tuto: quia frequenter usu venit, privatos aliis acerbioribus cedere, vel heredibus avidis relinque-re, vel mores & affectus mutare. Deinde menlæ illæ erigi non possunt absque ædium conductione & operarum ac servorum stipendiis; quæ gratis præstare non aucta eo nomine usuræ quantitate, non est privati. Eo autem onere gravari pauperes privato arbitrio, non decet, & Reip. interest, ne privato danistæ liceat, qui quamdiu id fieri poterit, in pri-vatum emolumentum, sumptus necessarios non verebitur multipli-care, & sub leviori usura multum æris alieni constare, ut de graviore usura à pauperibus solvenda ipse ditescat, & super lucretur. *Hæc ille.* Respondeo 1. Dolere me, quod scapham scapham vocare de-beam: hæc Gravissimi Dn. Theologi enstasis tribus hellebori ju-geris expiari non potest. Nam quorsum confunditur hypothesis cum Thesi? Non est quæstio quid aut faciant, aut facere præsumperint, aut ratione suorum heredum perpeti possint, hi, illive Trapezitæ: sed



sed quid existimandum sit de eorum vocatione, & vitæ genere, in quo versantur? Hypothesis deinceps, infra, Sectionibus tribus postremis hujus Exercitationis tam moderate à nobis excutietur, ut nulli levissimus quoque scrupulus superesse queat. 2. Etiam si onera centuplo graviora subire forte hi illive Trapezitæ debeant, legibus tamen, à Magistratu sibi præscriptis, subesse debent, usque adeo, ut ne latum quidem unguem ab illis possint discedere, quin Censuram, & multam, si non sæpe infamiam quoque, incurrant. Cum Trapezita, quem hic format Vir alias doctus, componatur Publicanus, qui & legere & scribere nesciat: etenim is pluribus ministris & adjutoribus indigebit atque ille, qui & notare & literas didicerit; sed, an ille propterea poterit plus exigere, quam publice à Magistratu fuerit constitutum? Nemo sanus dixerit, nec ratione hujulce publicam, ullus, sanæ modo mentis fuerit, instituerit traducere Publicanorum stationem. 3. Calus facti & juris, ut toto cælo distant, ita neutiquam attendendum, quid fiat à Trapezitis, sed quid fieri debeat. Ergo hætenus contra verba Dn. Cloppenburgii, in statu manet hoc duodecimum nostrum argumentum. Instantiæ, ab aliis, adversus illud vulgo adferri solitæ, convenientius à nobis infra examinari poterunt Sectionibus proximis.

Ut hætenus ergo constat, Trapezitas nostros, ratione vocationis VIII. suæ consideratos, seu potius Trapeziticam negotiationem inculpabilem esse, nec dignam, quæ tam acerbe, ut hætenus fuit factum, per ipsos quoque Theologos traducatur; ita proxime considerare convenit Montes pietatis, mensis Trapeziticis analogos, atque primitus in medio regno Papano, seu in Italia erectos, ad hoc ut possent inservire usibus tenuioris conditionis hominum. Quum enim Papæ satellites viderent eam esse conditionem hominum in hoc mundo degentium, ut non possent societatem suam absque usurarum subsidio salvam incolumemque præstare, nec tamen usuras auderent permittere, ne quid existimationi Juris Canonici & Domini Papæ discederet, excogitarunt Montes pietatis, ad quos pro accipiendo mutuo indigentiores confugerent, nec tamen usuras solverent pro usu ipsius pecuniæ, sed pro opera eorum, qui Montes curant. Quod ut liquidius pateat, lubet adducere Cajetanum, ad quem ut & antiquiores Scholasticos, ne quidem moderni Jesuitæ solent divertì, nedum ut à nostris negligantur. Inter illius Opuscula, Tom. 2. Tractatus Sextus inscribitur *de Monte Pietatis*: atque cap. 1. hunc in modum res & nomine



*& inventione admiranda describitur: Mons Pietatis (inquit) in multis jam Italiae populis erectus, &c. vocatur summa quædam pecuniæ ad perpetuum usum pauperum deputata, hoc modo: Compatientes divini verbi prædicatores aliqui inopiæ multorum pauperum, quorum facultates (quia non semper in promptu habere contingit unde suis provideant necessitatibus) ab Hæbreorum usuris vorantur, induxerunt populum, ut pietatis intuitu oblatione voluntaria quisquis quod sibi placeret, offerret, quatenus ex multis oblatis una quædam fieret nummorum summa, conservanda integre ad hoc, ut pauperi cuique mutuari possit, unde sibi provideat. Et quoniam charitate plena res est hæc, fructuosa fuit prædicatio, adunataque est pecunia multa sub communibus custodibus reposita, quæ Mons pietatis dicitur. Quumque modum convenientem & perpetuum, &c. rectores civitatis statuere vellet, statuerunt bonos cives ad hoc exequendum cum his capitulis. Primò, quod custodiant dictam pecuniam, & stent parati ad mutuum egentibus tot aureos (puta tres ad summum) & intra tantum non plus temporis (puta annum) restituendo, & hoc ut bonum possit esse communis. Secundò, quod pignora ab accipientibus mutuum sumant, & suo periculo custodiant in domo ad hoc conductâ, & restituentibus intra annum reddant, non restituentium vero publice vendant, & ex venditione pecuniam exigent reddendam domino venditi pignoris deducto prius eo, quod Monti debet, & horum omnium & totalis suæ administrationis rationes scriberent, & redderent. Et hoc totum fit, ut perpetuus possit esse Mons, & futuris pauperibus prodesse. Tertiò, quod ultra pecuniam mutuam exigant secundum numerum librarum singulis mensibus tot denarios à prædictis debitoribus, ita quotquot libras aliquis mutuo susceperit à Monte, tot denarios singulis mensibus, quibus illas retinet, dare teneatur. Et hoc non ut aliquid ultra sortem Monti accedat, sed pro recompensatione operarum, custodum, & ministrorum qui publico pauperum bono in sumpradiis cum suo periculo, & labore deserviunt, & expensarum quæ pro pensione domus & emptione librorum & cæteris ab eisdem fiunt. Hæc sunt capitula Montis pietatis. *Hactenus Cajetanus.* Originem Montium horum tangit Dominicus Sotus lib. 6. de Justitia & Jure qu. 1. art. 6. fol. 192. *ita scribens:* Institutum hoc Montis Pietatis in Italia centum ab hinc annis ortum est. Nam Pius II. primus ejus refertur adprobator. Et postea à Lateranensi Concilio sub Leone X. iterum*



iterum fuit receptus : cuius utique extat approbationis bulla. *Hæc Sotus.* An vero hi Montes probari debeant, non convenit inter ipsos Doctores Pontificios, qui non modo dissentiunt ratione quorundam accidentium & circumstantiarum, circa hos ipsos Montes occurrentium, verum etiam totius instituti ratione. Certe, Cajetanus offensus maxime eo, quod pro usu pecuniæ mutue, quasi pro opera Curatorum pecuniam illam elocantium, necessario quid solvi debeat, suum Tractatum hisce verbis obsignat : *Ex rationibus ergo propriis iustitiæ commutative, & iustitiæ distributive, clarum jam cuilibet patet, non solum quod nullo prædictorum modorum iniustitia macula abest à capitalis Montis huius, sed etiam quod quocumque alio modo casus formetur, iustitia aequalitas non servatur.* Cajetanum sequuntur Sotus l. d. & Sylvester in summ. de Usura §. qu. 4. Vice versa montes hosce propugnant acerrime Azorius part. 3. Inst. Mor. lib. 5. cap. 8. Toletus lib. 5. Instit. Sacerd. cap. 38. Gregorius de Valentia Tom. 3. Dis. 5. qu. 23. punct. 3. Medina de Usuris, qu. 10. Navarrus Tract. de Usuris, num. 53. Atque præ omnibus aliis Lessius qui Apologiam pro his Montibus scripsit, *Appendicem scil. ad dub. 23. cap. 20. lib. 2. de Iust. & Iure.* Inter Reformatos non una quoque de hisce Montibus est sententia: minime illos probandos censet Meisnerus, Augustana Confess. Theologus in Philos. Sobr. Sect. 1. Quæst. Ethic. cap. 6. pag. 409. & seqq. Viceversa eos commendat D. Riverus in Comment. ad Decal. Tr. de Usuris: postquam enim expoluisse conflictum Pontificiorum Doctorum circa hosce Montes, tandem pag. 387. sic concludit: *Tale quid (inquirit) si publica cura & privatis beneficiis in Rebuspubl. constitueretur, non existimaremus ministros à republ. & communitate delectos, quibus assignarentur pro ratione laboris sui, necessaria stipendia, vel contra conscientiam suam peccare, vel contra æquitatem & honestatem: proinde aliquam infamiam incurere, qui publico inservientes, publica auctoritate acciperent, quod eis assignaretur ab aquis estimatoribus, quorum statuta non transgredierentur.* Distinctius mentem suam expressit D. Cloppenburgius, qui Instit. de Usuris, cap. 11. postquam è Pontificiis Doctoribus Montes hosce delineasset, & pariter eorundem conflictum notasset, pag. 70. hæc subiicit: *Non tamen censemus tolerabilem tantum, sed etiam justam & licitam, I. Quia non fit ad mordendum, sed efficaciter ad benefaciendum non solum solventi pro ea vice, sed etiam eidem eum alias indiguerit, vel aliis pariter egentibus. II. Quia nec pecunia illa seu Sors,*



ex qua mutuum datur, est privati alicujus danistæ, nec amplius eorum, qui eam legarunt vel donarunt: sed mutuatarii ad eam jus acquisiverunt; quorum est propterea, tanquam jus habentium ad Montem illum, eam suis expensis conservare. *Hactenus iterum D. Cloppenburgius.* Dum viris his assentiri credo Celeberr. D. Voetium in Disp. de Usuris, quam, dum hæc scribo, ad manum non habeo, alias, more mihi consueto, verba exhibuissem. At, si Montes Pietatis, eorumque curatores censuram non merentur, imo multis modis calculo trium Celeberrimum Theologiæ Doctorum, probari merentur, cur inclementer dicitur mensis scænebris, atque Cœna Domini arcetur Danistæ quales? Certe, à Montibus Pietatis nullus pecuniam mutuam accipere potest, nisi oblato pignore, atque hoc hæcenus probavit ipse Cajetanus; deinde pro usu mutux pecuniæ usuræ satis grandes ab omnibus promiscue solvuntur. Ne enim ea exscribam, quæ ab aliis jam sunt exhibita, non ibo extra Belgium Hispanicum, cui gratulatur Zypæus, quando I. d. Juris Pontificii Novi pag. 489. *sic scribit:* Enimvero exercitium Mensariorum, & graves populo usuras, propellere ceperunt Montes pietatis, qui in his ditionibus instituuntur. Quamvis enim non gratis omnino mutuuntur, quia nondum ex donativis & elemosynis acervus aliquis pecuniæ (id est mons) conflatus sit, qui mutuum petentibus gratis omnino erogari possit, ut alibi accidit, atque in aliquibus Belgicæ locis: gratis tamen eatenus mutuuntur, ut nulum iis lucrum ex mutuo possit accedere, sed solæ impensæ, sumptusque ab iis repeti, qui commodum percipiunt ex mutuo Montium, quos æquum omnino est indemnes servari: quod ipsum anno 1617. Archiepiscopi Mechliniensis, & Cameracensis, & omnes Episcopi Provinciæ Mechliniensis probaverunt. *Hæc Zypæus*, qui tamen in Notitia Juris Belgici, Tit. de Usuris, fatetur, quod per Montes Pietatis in Belgio, tantum adhuc onus debitoribus incumbat, *ut debeant quotannis decem in. centum solvere.* Cum primitus erigerentur per Belgium, quotannis quindecim floreni solvebantur, quos hodie in Brabantia usuræ nomine adhuc solvi debere affirmant, qui à Montibus hisce subsidium implorarunt. Sane, quocunque se verterint viri Reverendi, si licite erigi queant Montes Pietatis, licite quoque erigi possunt Mensæ scænebres.

IX. At tandem despiciamus, quænam Mensis scænebris, & Danistis earundem Curatoribus objici solcant? Omnia ordine colligam. I. Dicitur,



citur, & acerbè exaggeratur, quod Trapezitæ, promiscue ab omnibus usu-  
 ras exigant, non distinguendo pauperes, quorum tamen ratio haberi debeat.  
 Sic enim loquitur D. Spanhemius Tom. 3. Dub. Euang. 127. pag.  
 671. *Si tales, à quibus exigitur sœnus, egeni sint & pauperes, usura ista est*  
*Nescech, illius stipulatio injusta, illius exactio iniqua, illius exactores prædo-*  
*nes.* Sed pathetica hac oratione viri Eximii, nos parum, qui causæ ju-  
 stitiæ confidimus, commoveri possumus. Nam 1. respondeo: Cur er-  
 go Theologi Orthodoxi, D. Rivetus, D. Cloppenburgius, & D. Voet-  
 tius probant Montes pietatis, in quibus, citra respectum, pauperiores  
 pro mutua pecuniæ securitate & usu, æque pignus offerre, ac usu-  
 ras solvere debent, atque opulentiores? 2. Cur D. Maccovius, D.  
 Cloppenburgius, & D. Voetius multique alii per omnia probant in-  
 stitutum Magistratuum Belgicorum, per se mensas scœnebres curan-  
 tium, cum ibi quoque nulla ratio pauperum habeatur? 3. Cur viri  
 zelotæ zelum suum non convertunt in pistorum gentem? quam ut  
 constet nimium quantum lucrari, ita eodem pretio vendunt panes suos  
 pauperioribus & ditioribus: nec quærit pistor ex eo, cui vendit panem  
 suum, quantum possideat? licet sæpe pecuniam, qua eum sub vesperam  
 emit, de die mendicando collegerit. 4. Imo, cur iidem DD. Theo-  
 logi melius non informant supremas Potestates, quibus irrogandi tri-  
 buti jus competit? illud enim pauperrimos quosque cives maxime  
 premit. Atque pro dolor! hoc quoque tempore, inter nos quoque ni-  
 mis quam verum est, quod habet Salvianus scriptor Christianus & di-  
 sertus lib. 5. de Gubernat. *ita loquens*: Sicut in onere novarum indi-  
 ctionum pauperes gravant, ita novorum remediorum opitulatione su-  
 stentant. Sicut tributis novis minores maxime deprimuntur: sic re-  
 mediis novis maxime sublevantur. Imo par est iniquitas in utroque.  
 Nam sicut sunt in aggravatione primi pauperes, ita in relevatione po-  
 stremi. Si quando enim defectis urbibus minuendas in aliquo tributa-  
 rias functiones, Potestates summæ existimaverunt: illico remedium  
 cunctis datum, soli inter se divites partiuntur. Quis tunc pauperum  
 meminit? quis ad communionem beneficii humiles & egestuosos vo-  
 cat? quis eum qui primus est semper in sarcina, vel ultimo esse loco pa-  
 titur in medela? Et quid plura? Tributarii omnino pauperes non pu-  
 tantur, nisi cum his tributum cumulus imponitur. Extra numerum autem  
 tributariorum sunt, cum remedia dividuntur. *Hactenus Salvianus Mas-*  
*siliensis.* 5. Usura mordet non modo pauperes, sed etiam divi-  
 tes,



tes; siquidem ei applicari potest Pœnorum proverbium, qui ratione tributorum, apud Procopium dicunt, *Non minus molestum esse comatis, quam calvis, velli.* Cæterum cum ea comparare convenit infinita com-  
moda, quæ fors, cujus ratione usuræ solvuntur, procurat mutuum ac-  
cipienti. Tenuis conditionis homo, cum per Danistam abducatur à  
ponte, prope quem alias cava manu stipem accipere deberet, eum ob-  
stringit ad gratitudinem, quam præstat, quando, ubi è luto emerse-  
rit, sortem restituit, & paululum amplius usurarum nomine exsolvit.  
Ergo cum morsu hoc usurario qui identidem urgetur, comparari de-  
bet multiplex illud commodum, quod fors à Danista accepta procu-  
rat debitori. Alias per omnia nobis placet, quod dicit Paulus I. c. l. 6.  
*ff. de Usuris & fructibus*: Nempe, *Iniquum esse usuras ab eo exigere, qui fru-  
ctus non percepit.* 6. Molestiam, in exsolvenda sorte sæpe vergentem  
ad quandam quasi impotentiam, illis, quibus pecunia fuit credita, in  
memoriam revocare deberet id, quod à Davide jam olim fuit dictum  
Psal. 37. 21. *Mutuo accipit improbus, sed non potest reddere.* Scilicet, mul-  
ti, qui fortunis propter incuriam & quotidianum luxum elapsi ferme  
sunt, adire solent Danistam, & omnia, sæpe non sua quoque, oppigne-  
rare, quæ, dum tempestive non possunt redimere, extremam fingunt  
pauperiem, irascuntur, & inclementer dicunt Danistæ, cum Ambro-  
sio quasi declamando lib. de Tobia cap. 9. in innoxium Danistam, &  
sæpe ingeminando: *Hic veneni pocula melle illevis, us sub grato odore moro  
lateat, atque illita calicis ora vim fraudis abscondat.* Sed, hi homines, qui  
soliti sunt ipsos Theologos circumvenire, (ut persuasissimum habeo,  
ab iisdem deceptum fuisse suo jam ævo Ambrosium) sibi metipsis im-  
putare debent, quod beneficium sibi videatur maleficium, quodque  
sibi, propria culpa applicare debeant illud Columellæ ex Præf. libri  
de R. R. *Feneratio etiam his invisæ, quibus succurrere videtur.* 7. Nec ob-  
stat lex Dei Exod. 22. 23. & Levit. 25. vers. 35. 36. 37. Siquidem  
uterque locus interpretationem accipere debet ex loco Deuter. 23. 20.  
atque sic explicari, quod non licuerit Israëlitis, secundum specialem  
rationem politicæ suæ, fratri attenuato & pauperi pecuniam ad usuras  
dare, quum tamen permissum esset extraneis scenerari; adeo ut hæc le-  
ges inter se collatæ referri debeant ad jus Politicum Israëlitarum. Asti-  
pulator Dn. Hoornebeck, licet causæ Trapeziticæ infestorem ante  
hac se præbuerit, nam lib. 7. contra Jud. cap. 7. postquam tria hæc lo-  
ca inter se composuisset, pag. 527. hæc subjicit: *Non in hac aut illa so-*  
luta.



tum re, sed quacunque fratri scenerari illicitum fuit: non ita gentili. Illi mutuo dandum sine scenore fuit; huic non item. Namque alia & plura quidem illi debebant, qua non huic. Alias, per specialem legem Politicam, permiffum fuit Israëlitis fratrem obaratum servitio mancipare. Nota ipsa Dei sanctio Lev. 25. 39. *Quum facultatibus attenuatus frater tuus se vendiderit tibi, ne exerceto eum servitute servili. Tanquam mercenarius, tanquam inquilinus esto apud te; usque ad annum jubilai serviet apud te.* 8. *Nescis*, quacunque usuram notans, æque ac *Tharbish*, non speciali qua ratione mordet, sed eo modo, quo quacunque usura morsum exercet. Unde R. Salomon ad Exod. 22. 25. rationem hujus nominis reddens, interprete Christophoro Cartvvrigho ita commentatur: *Quod sit infestus morsus serpentis, qui morsu suo infert livorem parvum pedi alicujus, ita ut non sentiat; statim autem diffundit se usque ad verticem ejus. Ita etiam usura neque sentitur, neque cognoscitur, donec ita ascendat, ut magnas alicujus facultates diminuat.* 9. Pauperes, quos de nostro, nihil ab illis aut expectando, aut stipulando, sublevare debemus, sunt aut mendici, aut mendicis proximi, (hoc est, in tali statu, ut nisi eos sublevaverimus, mendicare cogantur) quorum egestati quando per liberalitatem nostram succurrimus, censetur eleëmofynas dare: ad quas ut constringit nos Christiana charitas, ita quilibet nostrum, ut censetur professione Christianus, cogitare debet quod dicitur, 1. Joh. 3. 17. *Qui habuerit mundanum victum, & videris fratrem suum cui aliquo sis opus, & clauserit viscera sua coram eo, quomodo charitas Dei manet in eo?* Atque, nisi hoc factum quoque fuerit à Trapezita, næ gravissime delinquet contra charitatem Christianam. Interim tamen, si mendicus ad mensam veniat, non quidem petens eleëmofynam, sed offerens pignus, atque super eo mutuam rogans, haut magis tenetur Trapezita ei gratuito dare, atque panes suos pistor dare eidem mendico, quando, ut erogat diurnam stipem, ingreditur ipsius domum. Ut enim illi, qui mendico stipem pecuniariam dederunt, censentur, illam eum in finem dedisse, non ut eam arcæ includeret, sed ut illius subsidio, quæ ad victum necessaria, sibi compararet; ita, qui mendico sive vestem, sive aliud quid, quod pignoris rationem habere possit, dederit, non videtur impedisse, ut pignus illud Danistæ offerret, sed potius eum in finem dedisse, ut si eadem re non indigeat, ad regendum corpus, possit Trapezitæ offerre, quo pecuniâ, quam ab illo mutuam acceperit, sibi panem comparet. 11. Contra Trapezitas, eorumque publicas scenebres



mensas hoc vulgo urgetur: *Quod promiscue ab omnibus, pauperrimis quoque pignus accipiant, saepe vestes, quibus corpus contra aëris injurias munendum sit, tantum ut securitati crediti caveatur: hoc vero iniquissimum esse.* Respondeo autem 1. Sed cur boni viri ergo admittunt Montes pietatis? siquidem nullius indigentis succurrunt, quam qui in securitatem crediti pignus offerre possit, quod hactenus probatum quoque fuit ab ipso Cajetano. 2. Cur iidem approbant Mensas fœnebres, quarum curatores sunt ipsi Magistratus? haut clementius ibi agitur cum pauperibus, atque apud Danistam. 3. Qui vestibus necessariis se exuunt, ut mutuam pecuniam ad mensam accipiant, ea, ut plurimum sibi non comparant panem, sed saepe (ut experientia constat) cervisiam aut tabacum. Quare vero Trapezita ejusmodi pignus oculis misericordiae respiciat? 4. In ipso Israëlítico populo usitata fuit pignoris exactio etiam usque ad cubilis subductionem Prov. 22. 26. 27. *Ne sis inter percutientes manum fidejubendo, neque inter fidejubentes pro debitis. Si non sit tibi ad reddendum, ut quid tollet creditor lectum tuum, qui est subter te?* Ad quæ posteriora verba sic *Ἐξέφεζε* Doctissimus Mercerus: *Cur tua culpa committas, ut si solvendo non sis, tibi lectus tuus, si nihil aliud habeas, unde id pro quo te vadem & sponsores interposuisti, exolvatur, subtrahatur cum summo damno & ignominia, ut jam non habeas, ubi cubes?* Dicit quidem Thomas Cartwrightus ad hunc locum, *arctius est vinculum debiti, quam depositi.* Sed, hoc facilius dicitur, quam probatur: sufficit nobis pignus pro debito extorqueri potuisse, usque ad subductionem lecti. Quid ni enim accipiat quoque lectus tanquam pignus in securitatem crediti? Nam simul ac mutuam pecuniam accipero, fio debitor. Deinde honorificum magis mihi est, ultro pignus offerre, quam cum ignominia id mihi extorqueri. 5. Leges Dei de pignore, Exod. 22. vers. 26. 27. Deut. 24. vers. 10. 11. 12. & seqq. non absolute prohibent pignoris captionem, sed ratione fratrum Israëlitarum, certi duntaxat pignoris, illius scil. quo tam necessario indiget, ut eo nulla ratione carere queat: V. C. talis vestis quam quis solam habeat, ut si ea careret, se non posset contegere, qualis solet esse vestis viduæ, Deut. 24. vers. 17. quæ & respicitur, Amol. 2. vers. 8. Deinde *meta & catillus*, Deut. 24. 6. Sic vero, ratione partis superioris & inferioris circumscribitur mola, quam in pignus cedere non potuisse, quod illius subsidio panem sibi adornarent, ex Flav. Josepho post plures alios observavit D. Salmasius de Fœnore Trapez. pag. 716. Ex Job.



Job. cap. 24. vers. 3. addi potest: *Afinus*, quo orphanus utitur ad colendum agrum suum, & *vacca*, è cuius lacte victum sibi comparat vidua. Recte vero D. Salmasius de Fœnore Trapez. pag. 715. observavit, in captione pignoris hanc differentiam observari solum debuisse, non vero in spontanea ejusdem oblatione, verba illius hæc sunt: At non licet cuivis ea pignora capere de suo debitore quæ ablata ipsum in magnum incommodum aut damnum conijciant, aut sine quibus forsitan victum non possit quærere. Qui enim capit pignus ut debitorem suum ad solutionem adigat, nec tempora respicit debitoris, nec utilitatem, nec commoditatem, omnium securus dum pecuniam ab illo suam extundat. *Hæc Salmasius.* 6. Præterea hæc leges, quæ (ut jam dictum) respiciunt pignoris captionem, non vero spontaneam ejusdem pro mutuo oblationem, solummodo ratione Israëlitarum, non vero extraneorum attendi debebant. Pro quibus si Israëlita quoque fidejussisset, valebat illud Salomonis, Prov. 20. 16. *Cape vestem ejus, qui spondit pro extraneo*: nec discernebatur inter vestem necessariam, & quascunque res alias. Eoque hic agnosci quoque debet aliquid Politici. 7. Quomodo & Politici quid occurrit in lege Dei, ratione restitutionis vestis necessariæ oppigneratæ, Exod. 22. 27. per quam ut convenientissime, cum Doctissimo Fagio, intelligitur tegumentum nocturnum, ante solis occasum domino suo restituendum, ita valde placent ea, quæ habet in Annotat. ad cap. 24. Deut. vers. 13. Eximius Theologus Ebræus, Sebastianus Munsterus. *Verba hæc sunt*: Non dormies. Hoc est priusquam dormitum vades, restituas illi pignus: ut sit pulvinar super quo caput reclinare solet. Et si quæris: quid igitur prodest tunc auferre pignus, quando ille coopus habet? Respondent Hebræi, quod propter pignus illud, debitum in anno septimo non remittitur. *Hæc Dn. Munsterus.* 8. Valde convenienter Dn. Salmasius, toties à nobis in hac controversia citatus, urget locum Deut. xv. 7. & 8. ubi ita legit Munsterus: Si fuerit in te pauper unus ex fratribus, intra unam portarum tuarum, in terra tua, quam Dominus Deus tuus dat tibi: non obfirmabis cor tuum, neque contrahes manum tuam à fratre tuo paupere. Sed aperiendo aperies illi manum tuam, & mutuum dabis pro penuria ejus, qua ille laborat. Cæterum Pagninus vertit: *Accepto pignore mutuo dabis.* Quomodo & vers. 6. ejusdem Capituli vertit: *Accepto pignore mutuo dabis gentibus.* Franzius, Augustanæ Confessionis Theologus non indoctus, lib. de Interpretat. Scripti. ut notat quædam Sphal-



Sphalmata versionis Pagniniana, ita pag. 31. respiciendo hæc tria hujus capitis commata, dicit: *In Hebraeo non extat accepto pignore*. Sed, (ut recte observavit Excellentissimus D. Salmasius de Fœnore Trapezit. pag. 729.) aliud evincit verbum *ghnabat*, quod in Hiphil ut notat, *sub pignore mutuo* dare, ita ter hic recurrit. Notarat hoc jam antea in Lexico suo Cl. Buxtorfius, & Schindlerus in Lex. Pentaglotto: atque manifesto idem evincit vox, quæ à radice derivata censetur *gnabot*, nam citra ullius contradictionem pignus significat, ipso Munstero, in suo Lexico, fatente. Et cur non sub pignore Israëlita opulentior pauperiori mutuo dare potuerit? quum pignus illud, si esset vestis necessaria aut simile aliquid, ante Solem occasum debuerit restitui: &, ut jam antea ex Munstero nitente autoritate Rabbinorum audivimus, alium in finem neque captum, neque oblatum fuerit, quam, ne annus Jubilæus cujuscunque gr̃is alieni abolitionem spondens, hujusce crediti, proprie dicti, abolitionem offerre videretur. 111. Contra Trapezitas, velut fluctus, aut aries decumanus *urgetur ratio usurarum, quæ solitis grandiores Trapezita*, quam ordinario solvi videantur. At Respondeo 1. Interim tamen Trapezita, qui agnoscendus ut persona publica, non potest pro arbitratu usuras intendere, sed componere sese debet ad leges, à Magistratu, qui jus habet eum constituendi, latas. Magistratus autem officium est, ut antea solide fuit evictum, arbitrari de modo & quantitate usurarum. 2. Sed, in Montibus Pietatis quoque, eo usque ordinarius usurarum modulus exceditur, ut hodie in Brabantia adhuc annuatim dena quina (prout supra notatum fuit) in centena, usurarum nomine pendantur. 3. An non Magistratus quoque, qui scenebres mensas exercent, excedunt ordinarium modulum? 4. Cur admittitur scenus Nauticum, in quo modus nullus servatur, quodque, quando videtur maxime contractum, si non excedat Usuras Trapeziticas, iis saltem æquale agnosci debet? 5. Cur cum scenore, quod Trapezitæ facere videntur, non componuntur sumptus, quos non possunt non subire, quo omnibus è Mensa, quam habent quasi redemptam, possint inservire? 6. Cur non exagitur pariter Pistorum, aromatariorum, atque similium Institorum, lucrum? longe enim excedit lucrum, à Trapezitis ordinario percipi solitum. Nec volo cavillationi alicujus servire, quod supra videat innuisse, Pistores quoque circa panum suorum distractionem excedere pretium publice definitum: quum certum sit, hoc ab iis fieri, etiam tum, quando aut definitum pondus diminunt,



minuunt, aut furfures, similemve heterogeneous substantiam nimis largiter pani, qui integer esse deberet, admiscunt. Quod an non fiat, illi inquirent, qui sese gerunt pro Conscientiarum non minus Turbatoribus, quam Tranquillatoribus. IV. Objicitur Trapezitis, quod mensa subsidio, atque mutuū dando, nimium quantum lucentur. Resp. 1. Sed plus lucrari non possunt, quam Magistratus illi qui scēbres mentas exercent: de quorum lucro cum sollicitus esset D. Cloppenburgius, Institutione de Usuris cap. 11. pag. 71. & seqq. ita commentari instituit: *De cetero (inquit) discendum videtur, quemadmodum privati debent etiam labore manuum sortem suam augere, in illum finem, ut habeant unde impertiantur indigentibus: sic Magistratum augendo Fiscum praesertim ex usura illa mutuatitia, curare ut habeat quod liberalius, ingruente aliqua annona charitate, vel alia publica calamitate, impertiatur indigentibus, non dato tantum mutuo, sed etiam eleemosyna.* 2. Collybistae, atque qui nauticum scēnus exercent, multo plus saepe lucrantur. Nec refert quod spem eorum mare & venti saepe evertant, quum Vulcanus haut raro infestus fuerit Trapezitarum mensis. 3. Cur eadem ratione non exagitantur à viris zelotis Pistores, quos antea consideravimus; imo mercatores omnes, & quotquot subitaneis divitiis affluere notantur? Notum illud Salomonis Prov. 28. 20. *Præceptum ad ditescendum non erit impunis.* 4. Contigit haut raro quoque, ad ultimas paupertatis lineas redigi Trapezitas, adeo, ut censei non possit Trapezitis quarto modo proprium esse, ditescere atque rem maximam facere. Aequē illi benedictioni Divinae sociare debent laborem & sedulam suam industriam, atque quilibet alii mercatores. Nam ratione horum quoque, non valet modo, quod Salomon habet Prov. 10. 4. *Manus sedulorum dicitur: sed, conjungi quoque debet quod idem habet comm. vigesimo secundo Capituli ejusdem: Benedictio Iehova ipsa dicitur.* V. Jactatur identidem, *per Trapezitas admodum premi pauperes, & ad extremam egestatem deducti.* Resp. 1. Sed, cur hoc solis Trapezitis exprobratur, & non pariter quoque Magistratibus, Trapezitarum vicariam operam, (prout antea patuit) variis in urbibus Hollandiæ & Zelandiæ exhibentibus? 2. Imo, cur non objicitur hoc quoque Pistoribus? à quibus saepius panes emi, quum nunquam hactenus, ex Dei benedictione, à Trapezita vel mutuam pecuniam rogarim. 3. Quod multi tempestive pecuniam mutuam Trapezitis restituere non possint, atque sic pignora sua recipere, imo ne quidem usuras solvere, non imputari debet Trapezitis



zitis, nihil amplius, quam constitutum est, exigentibus; sed propriæ eorum malitiæ, occultoque Dei iudicio, eandem castiganti. Notum illud Davidis supra adductum, Psal. 37. 21. *Mutuo accipit improbus, sed non potest reddere.* Quum vice versa ratione iustorum, eorumque qui Deum timent, verum ut plurimum sit, quod promittit Deus Deut. 15. vers. 5. 6. *Si diligenter auscultaveris voci Iehova Dei tui, observans ut facias totum præceptum hoc, quod ego præcipio tibi hodie. Nam Iehova Deus tuus benedicit tibi, quemadmodum locutus fuerat tibi: adeo ut mutuare possis gentibus multis, & tu non habebis opus mutuari.* 3. Etenim, cum plurimi, quemadmodum jam antea patuit, per Trapezitas, subsidii plurimum consequantur, (quod tamen dissimulatur à juratis eorundem adversariis) nã, extremam sapit iniquitatem quod incommoda, per accidens duntaxat obvenientia, in præiudicium tot commodorum, identidem objiciantur. VI. Mensæ Trapeziticæ notantur ut *furum atque prodigorum quorumcunque asyla*: scil. quod illi res furtivas apud Danistam ut plurimum oppignerare consueverint, hi vero oblato pignore, Mensarum subsidio semper gulæ suæ fomenta invenire queant. Resp. 1. Atqui, idem obijci posset mensis, quas ipsi Magistratus exercent. 2. Pari jure aurifabris inclementer dicas, atque republ. exterminandos proclames, siquidem sæpe tum anulos furtivos haut iusto pretio emerunt, scyphosque argenteos, quos decoctor quis, uxoris suæ abaco subduxerat. 3. Certe subsidio mensarum Trapeziticarum multoties non minus fures detecti fuerunt, quam res furtivæ legitimis suis dominis restitutæ: siquidem curatores earum, (modo indicium fuerit factum) tantum abest, ut rem furtivam in pignus recipiant, eam detinent, quo domino suo restitui possit, simulque notant personas, quæ rem ejusmodi oblatum veniunt, quo Prætor rerum capitalium in eas inquirere possit. 4. Porro, quod ad decoctores, & ganeones, lubet amplius hic exhibere illa, quæ occurrunt apud Excellentissimum D. Salmasium Dissert. de Foen. Trapez. pag. 731. At mihi (*inquit*) compertum est, non plures esse ex illa hominum opificum fæce ganeones & popinones, in illis locis, quæ trapezitas habent, quam in illis civitatibus ubi nulli sunt. Si qui pecuniam non habent ex istis lurconibus quam consumant, vestes suas, aut uxorum, ipsi tabernario & cauponi oppignerant, aut etiam vili vendunt. Oppigneratas iidem caupones pro minimo pretio retinent, aut aliis addicuntur vilissimo, auctoritate iudicis. Nunquam deest occasio & facultas profundere sua volentibus, etiam



etiamsi Trapezitarum commoditas eis non præsto sit. Tametsi hæc mensa impelleret proclives ad tubercinandum, aut eos adjutaret, non propterea tamen subtrahenda esset, bene illa utentibus. Propter abusum paucorum, non debet tolli usus plurium. Latro æque ense accingitur ac viator: hic ad tutelam sui, ille ad perniciem viatorum. Non idcirco tamen gladius adimendus viatori, quod eo abutitur latro. *Hætenus D. Salmasius. VII.* Tanquam ingens crimen Trapezitis obicitur, quod distractis, post justum detentionis tempus, pignoribus, si quid residui fuerit, sibi retinere consueverint, nec Dominis pignorum restituerent. Resp. 1. Palmarium, id antehac fuit argumentum Celeberrimi D. Voetii; at, qui omnium quam gnari sunt, eum præsidium à mendaciorum Danista accepisse, à pluribus annis docuerunt: cumque Nob. Paulus Voet patri succurrere laborasset, adducta, pro puerili sua sapientia, muliercula Heuldana (quales, licet quotidianæ esse consueverint in quorundam Pastorum ædibus, vivis tamen coloribus delineantur ab Apostolo 1. Tim. 5. vers. 13.) anno 1652. à Constante Alethino usque adeo prostitutus est, ut nisi filio æque atque patri à multis annis frons periisset, utrumque pudere deberet, Ultrajecti in circulis honestorum virorum conspici. 2. Qua vero ratione secundum ordinariam Belgii praxin in Pignorum distractione procedi consueverit, jam anno quadragesimo hujus seculi, ex rei veritate exposuit idem D. Salmasius in Dissert. de Fcen. Trapez. pag. 746. & seq. sic loquens: Auctione publice habetur ad pignora mensæ distrahenda quater in anno. Ei præest non Trapezita ipse, sed ille qui publicum hoc munus habet in urbe & officium, ut auctiones curet, iisque præsit. Hastæ quasi magister est, & vocatur Belgice, *Boelhuyt-meeſter*. Pignora mensæ distrahenda curat, ut & alia bona quæcunque in civitate publice hastæ subiciuntur. Ex redacta summa pignorum divenditorum solvit Trapezitæ sortem & usuras. Si quid *ὑπερέχει*, proprietario, si quando adest, redditur. Si nullus est, qui suum ex hyperocha pignoris venditi vindicet, auctionis præfectus id tradit alii publico munere fungenti, qui ab Eleëmofynis dicitur, & Eleëmofynariæ rei præfectus est. Belgæ vocant *Huyſitten-meeſter*. In aliis quibusdam civitatibus hæc summa, quæ redit ex hyperocha pignorum distractorum, traditur in manus personæ eque publicæ, cui nomen est *Rentmeeſter*. Hæc iterum idem D. Salmasius. Quibus hoc solum addi debet, quod Ultrajecti & alibi, circa hyperocham idem facere consueverit ipse Mensarius, quod Ley-



da ordinario fieri solet ab auctionum praefecto. VIII. Urgetur admodum, atque plebi potissimum inculcatur, quod Liturgia Ecclesiae Trapezitas coena Domini arceat, dum excludit faeneratores. Resp. 1. Scio, à nonnullis sollicitas esse varias editiones Psalteriorum Gallicorum, in quibus subiecta Liturgia, Gallicis Ecclesiis cum Belgicis communis, nullam mentionem faeneratorum faciat: Sed, cum eorundem meminere & vetustiores & meliores Editiones, non potest quis tali responsione niti. 2. Eoque, quæro quis viris Reverendis, qui Trapezitarum ordini infestissimi sunt, dixerit per faeneratores intelligendos esse Trapezitas? 3. Faenerari (ut prolixè docuit D. Salmasius in Dissert. de Fœn. Trapez.) est vocabulum μέσσην, prout vox Tyranni quoque. Et faeneratores, iis, qui usuram omnem putarunt illicitam esse, sunt omnes illi, qui pecuniam ad usuras dant. Inde Augustinus in Psal. 36. *Si faeneraveris (inquit) hominem, id est, si mutuo dederis pecuniam tuam, à quo plus quam dedisti expectes, non pecuniam solum, sed aliquid plus quam dedisti, sive illud triticum sit, sive vinum, sive oleum, sive quodlibet aliud, si plus quam dedisti, expectes accipere, faeneratores.* 4. Similiter Belgica nostra vox *VVoecker*, ut & *VVoeckenaer* per se est vox indifferens, licet exemplo vocis Tyranni, in malam partem jam olim accipi consueverit, sed, citra omne præjudicium Trapezitarum. Inspiciantur notæ accuratissimæ Interpretum Belgarum ad Matth. 25. 27. 5. Eoque, per faeneratores Liturgia non intelligit alios, quam qui in exigendis usuris excedunt modum, per leges Magistratum definitum: quod cum non fiat à Trapezitis nostris, nã iniquissimum est, Liturgiam de illis interpretari. 6. Videntur vero Theologi, qua Galli qua Belgæ, in Liturgia speciatim magis faeneratorum, quam mendacium loquentium voluisse meminisse, (licet expresse hi regno cœlorum exterminentur Apoc. 21. 27.) quod Ecclesiae Reformatae, non minus apud Lutheranos, quam apud Pontificios eo nomine male audirent, quasi cuique pro arbitratu foras exercere permitterent. IX. A Belgii Synodis particularibus aries magis minax Trapezitis intentatur: quasi hanc paucæ ex illis Trapezitarum causam condemnarint. At Respondeo. 1. Nolle me sollicitate majorem propositionem, atque ostendere, quantum auctoritatis Theologi Reformati consueverint deferre venerabilibus ejusmodi Conventibus. Ego, ut conscientia & veritate fretus, hasce Exercitationes evulgavi, ita non minus hanc ipsam, quam reliquas præcedentes subijcio lubens iudicio Synodorum è Reformatis Theologis, iisque.



iisque piis & eruditis, collectorum, modo agatur ex ordine, nec antea  
 five condemner five absolvar, (prout antehac mihi per seculi artes  
 contigit) nisi prius auditus fuero. 2. Putem, haecenus à venerandis  
 ejusmodi Confessibus non tam consideratam fuisse Thefin, quam hy-  
 pothesin, atque rationem magis habitam fuisse horum illorumve Tra-  
 pezitarum, quam Professionis Trapeziticæ in communi. Nam tere  
 disquisitum solummodo fuit de admissione Trapezitarum ad mensam  
 Domini: non potest vero ad quæstionem talem convenienter respon-  
 deri, quin, (uti postea liquebit) simul attendantur varia requisita,  
 concernentia magis conditionem personarum, quæ petant admitti ad  
 sacrum Epulum, quam Thefin principaliter atque absolute considera-  
 tam. Quod, ut in timore Domini atque *ἀπερροπολήτως* aliquando  
 fiat, summo opere optandum. Quid quod Ven. Classēs, & Synodi parti-  
 culares expensis omnibus, speciatim habita ratione Decreti, quod 30.  
 Martii 1658. ab Illustr. ac Præpot. DD. Hollandiæ & West-Frisiæ  
 Ordd. factum, Artic. vi. Synodi Leydenfis, eodem anno habitæ, est  
 insertum, Mensam scænebrem tenentes Arnhemii, Leydæ, Hagæ-  
 comitis, Briellæ, Wourdæ, Vianæ, Zuyvallis, & alibi, ad S. Domini  
 mensam admiserint. Videantur Acta Synodi Noort-Holland. habitæ  
 1656. Alckmarix, Artic. 1. item Zuyd-Holland. anno 1659. Goudæ  
 Artic. xi. Rotterodami anno 1660. Artic. vii. Gallo-Belgiæ, anno  
 anno 1659. Noviomagi, Artic. xxvi. X. Jactatur, Trapezitas  
 à Magistratu Reformato non aliter admitti, quam maleficos necessarios,  
 atque eorundem mensas eodem loco habendas esse cum lupanaribus, quæ  
 Romano Pontifici sint vectigalia, si non ab eodem elocentur.  
 Resp. 1. Qualiter Romanus Papa Lupanaria admittat, quibus non-  
 nemo ex Jesuitis patrocinari instituit, nostra non refert: eorum  
 tolerantiam pluribus ex ipsis Pontificiis displicuisse, ostenderunt  
 jam dudum viri summi, D. Rivetus ad Decal. & in Jesuita Vapulan-  
 te cap. 16. D. Molinaus in Hyperaspiste lib. 1. cap. 15. quos exscribere  
 non lubet, quod eorum scripta omnium manibus terantur. 2.  
 Sed, si mensæ Trapezitarum similes lupanaribus, cur Magistrat-  
 us non arguuntur, ut lenones, quod per se hæc mensas exer-  
 ceant? Imo, quod invitent Trapezitas per diplomata, Typis quo-  
 que exscripta (& in hebdomadariis Novellis, extra Belgium ex-  
 currere solitis, summatim relata) ad conditum diem adesse ve-  
 lint, atque jus mensæ redimere, ut sæpius factum fuisse, ipsis il-



lis Diplomatibus exhibitis ostendi posset. Certe præ ipso Romano Pontifice fuerint Magistratus nostri detestabiles: nam quamvis ille tolleretur lupanaria, eaque vectigalia sibi reddat, nunquam tamen auditum, quod ea elocet, aut lenones invitet ad ea conducenda. 3. Si Magistratus aliquid in se illicitum, atque adversarium Dei legi, pronunciet esse licitum, (quod tamen nolim applicari presenti casui) illiusque ratione cum aliis contrahere velit, nã in duplici culpa hæret, tum quod illicitum pronunciet esse licitum, tum etiam, quod viros bonos simplicesque hac ratione labore circumvenire. 4. Atque multo magis hoc in casu argui merentur ipsi Verbi Divini ministri, si ad hoc ipsum, quod fit à Magistratu, conniveant, conversoque zeli sui impetu in eos, quos Magistratus pelliciendo decepit, se similes exhibeant illis, quibus Propheta Ezechiel cap. 13. vers. 18. dirum illud vix pronunciat, quod *consuerent pulvillos pro omnibus axillis brachiorum*. 5. Fateor lubentissime quædam Magistratum subinde permittere, quæ contra animi ipsius sententiam sint; nam licet præsumatur Christianus Magistratus nullo delectari vitio, nihilominus varia permittit, hoc est, modo certa quadam ratione fiant, non punit: neque vero eo fit ut probeat illa, etiam certa illa ratione facta, sed quia aliter malo obviam iri non queat. Sed, hoc non potest dici de mensis Trapeziticis: siquidem primo probari deberet, iis vitii aliquid inesse, quod hætenus evinci non potuit. Præterea, quæ Magistratus hac ratione in aliis quasi tolerare compellitur, ipse nulla ratione designat. Minime vero Ministri verbi Divini hæc ipsa in Magistratu tolerare deberent, atque interim detestari usque ad infernalem condemnationem in iis, qui talia fere fecerint ex Magistratus permissione. Quicumque autem hoc ex Ministris faciunt, quicquid etiam prætexant, sunt *πρὸς πολήπται* contra admonitionem Apostoli Jacobi cap. 2. vers. 9. *Si personam respiciitis, peccatum committitis, & redarguimini à Lege veluti transgressores*. Atque hæc sunt illa, quæ ordinario Trapezitis solent objici. Arbitramini vos, qui hæc legitis, an hæc talia & tanta sint, ut eisdem Celeberrimus D. Voetius debuerit (sequor hic fidem Constantis Alethini, viri optimi, quod caream ad præsens tempus tam celebris Theologi Theſibus de Usuris) ideo tam acerbè *inſectari*, dicendo: Nefarias ipsorum mensas, asyla, & allicia furum, filiorum prodigorum, Apiciorum qui delitiis, cupiditiis, nec non crapula, ebrietate &c. sua quavis occasione abliguriunt; quamvis inter abusus hæc referri posse, qui in Montes pietatis etiam optime



optime constitutos possint cadere, fateatur: Trapezitas, pignoribus ad præstitutum tempus divenditis & forte cum lucro sibi inde restituto, residuum, si quod sit, possessoribus non restituere, sive ipsi illud in suo lucro deputent, sive fisco aut ærario pauperum impertiant; qua injuria & crudelitate nihil cogitari posse crudelius: Illos ergo proprie & κατ' ἐξοχὴν usurarios manifestos, infames, fures, coram Deo scil. & in foro conscientiarum: Eisdem jure canonico ab ecclesiastica sepultura excludi: Iis nullas domos à Christianis locandas, nec permittendum ut conductas inhabitent, &c. Sanguisugas, qui magnam si non maximam partem pauperum exsucto sanguine, tam splendide vivunt: Peregrinas Harpyas, quibus innoxii cives misere expositi: Incudem & sentinam omnium peccatorum, quæ hic concurrunt: Genuinos φιλαργύρους, qui absolute volunt ditescere, contra 1. Timoth. 6. & cum putent se ab aliis spoliari non desunt proximum tamen spoliare: Conscientiam Trapezitarum instar Sodome elata manu & coram sole peccatum suum cum mensa omnibus prostituere, & non obscure in eo gloriari. Hac D. Voetius, teste Authore libelli, qui inscribitur, *Theologi cujuspiam Paradoxi filius, denuo retusus*, qui excusus est Ultrajecti, Anno 1652. Voetianis hisce flosculis, petitis è loco communi Ignorantie & calumniæ, oppono ea, quæ habet Theologus, Voetio non inferior, ac quondam Academiæ Leydenfis Professor Lambertus Danæus lib. 4. Polit. Christ. cap. 2. pag. 297. ubi *sequentia offendo*: Propter pravam artificis abusum (*inquit*) legitimus artis usus damnandus aut prohibendus non est Lev. 19. vers. 13. Deut. 24. vers. 14. Matth. 10. vers. 11. Jac. 5. vers. 4. Ex quo fit, ut nummulariorum, argentariorum, item & Collybistarum (qui & Trapezita dicuntur) *ars in rep. etiam pia possit exerceri*, sive nummos duntaxat commutent, quod faciunt Collybistæ, sive pecuniam dent mutuam sub fœnore, seu accessione (quæ usura dicitur) quapiam, quæ publico Magistratus edicto constituta sit. Neque vero nos movet, quod Trapezitæ sunt à Christo ex templo Dei ejecti, Matth. 21. vers. 12. Neque enim illic suam artem exercere debent. Verum propterea non sunt iidem jussi à Christo totis Hierosolymis, vel è Republ. vel urbe facessere, & excedere. Eadem enim ratione nulli mortales ementes & vendentes essent in Rep. pia tolerandi. Nam eos quoque ex Templo ejecit Christus, Joan. 2. vers. 14. Quod autem Aristoteles eas Trapezitarum artes improbat, quas idem vocat χρηματιστικάς, quia non putat eam esse naturalem victus querendi, aut quæstus



quæstus facendi rationem, frustra est. Tam enim censenda est hæc *Trapezitarum Ars legitima (modo sit moderata Magistratum edictis)* victus quærendi & quæstus facendi ratio, quam ex opera quavis, & industria à nobis præstita, Nehem. 5. *Hæc Danaus.*

- X. Ut ergo constat Trapezitarum ordinem, qua talem vitio carere; ita dubium nullum est, quin Trapezitæ, si alias expleant partes hominis vere Christiani, atque in suo munere fideliter versentur, non tantum admitti queant ad sacram Synaxin, verum etiam iavitari, & si forte hac in parte fuerint negligentiores, moneri, meminisse velint, Dominum mandando dixisse, *Hoc facite ad mei commemorationem*, 1. Cor. 11. 24. Nulla est ratio, cur illi magis arceantur, quam Publicani, Pistorum, Collybitæ, & Mercatores omnes, imo, quam ipsi Magistratus; quum constet plurimos ex his non modo hoc agere, quod Trapezitæ faciunt, verum etiam Trapezitas invitare, in commodum suorum civium mensas velint tum redimere tum exercere. In honestissima quoque vocatione, aliquis subtiliter sic se gerere potest, ut multis modis impingat in octavum Præceptum. Quæ latentia peccata in suis ovis scrutari & arguere deberent DD. Theologi, nec genuinos frangere in Professionem Trapeziticam, per se, ut ex antecedentibus patet, innoxiam per omnia. Præit viris Reverendis Andreas Hyperius, Theologus quantivis pretii, in libello aureo, jam antea quoque citato, *de Probatione sui ipsius, occasione octavi Præcepti pag. 364.* sic scribens: *Mercator.* Num mercaturam exerceat magis avaritia ductus, & ut opes immensas corradat, quam ut mediocres facultates ad vitæ usus necessarias sibi paret, aut publice succurrat civium societati? Num pactus fuerit cum aliis easdem merces vendentibus de certo & magno pretio, quo singuli vendere debeant? unde necessario caritas in publico sequitur. Num cum aliis societatem, ut vocant, injens, lucrum aliquantum retinuerit sibi, illos hac in parte fraudans? Num vendens ei qui non potest in numerato pecuniam vel merces rependere, sed, petit sibi credi ad certum tempus, sive, ut loquitur, terminum, nomine crediti ac dilationis merces suas pluris, quam par est, æstimaverit? Num præsentem pecuniam triticum vel vinum, post aliquantum tempus tibi tradendum emeris, sed minori pretio, quam æstimabantur tunc, cum facta est emptio, vel, etiam probabile erat postea æstimanda? veluti si pro decem aureis emeris, quod certum est paulo post dividendum aureis duodecim, aut quatuordecim. Num commutando mer-



merces pro mercibus, ab altero merces exegerit, quas compertū habuit pluris omnino constare, quam illā quas ipse dedit? Num emerit merces vitiatas exiguō pretio, ea spe, ut revendat pro non vitiatas, & quidem eo pretio, quo non vitiatæ venderentur: vel, num vitiatas sciens & consulto permiscuerit aliis non vitiatas? Num emerit res furto aut raptu ablatas, sciens vel suspicans tales esse? Num dolum aliquem malum verbis vel factis adhibuerit, quo & facilius & pluris divenderet? Num vestigalia, quæque ejus generis sunt, ubi & quomodo debuit exolverit? Num in commutatione de pretio, & quidem inusitato pactus sit? Num alia quadam forma commutationis fuerit usus, quam quæ publice recepta est, & inter commutantes plurimum usurpata. *Proxenetæ, id est, conciliator.* Num mediator fuerit in contractibus, quos sciret esse iniquos, nempe cum usura (*scil. excedente modum à Magistratu definitum*) conjunctos, vel quovis pacto propter latentem dolum damnosos? Num alterum contrahentium callidis verbis induxerit ad id perficiendum, cujus eum postea, ubi damnum senserit, debeat pœnitere? Spectant nimirum proxenetæ frequenter alterius tantum ē contrahentibus & suum privatum commodum. *Thesaurarius, Quæstor, Tutor.* Num pecuniam publicam vel principis, apud se depositam, ad suum privatum lucrum aliquando expenderit, negociando videlicet, & mutuo dando, &c. *Uxor.* Num partum non suum supposuerit, vel adulterio conceptum mariti sui legitimum filium nominarit? Hæ proles aliis partem hæreditatis, subinde & totam hæreditatem abjurant. Quare multo gravissimum peccatum hic designatur. Num quid infcio & invito marito donarit, alienarit, vel abligurrierit? *Opifices.* Num artem exerceant, in qua adulterantur & vitiantur plerumque res, aut facile aliquid aufertur, ut qui fieri quippiam mandat, animadvertere minus possit? In quo genere sunt sartores, &c. Num conducti ad aliquid operis faciendum, fideliter & quantum debebat laborarint? *Agricola.* Num decimas, servitia, ceteraque id genus, bona fide dependerit? Num in pratis vel agris vicinorum, deducendo eo pecora, abducendo rivos aquarum, vel alio quovis modo damnum intulerit? Num passus sit sua negligentia vel malitia fundum aliqua in parte vitari, aut boves, equos, ædificia, ceteraque lædi, unde damnum redit ad fundi dominum? *Argentarius.* Num miscuerit metalla artificio alchymix, vel alia ratione, atque ignobile spuriumque vendiderit pro nobili & vero? *Qui lanificium*



*cium exercet.* Num vendiderit pannos è viliori lana contextos, tanquam ex præstantiore? Num in tinctura panni sciens inesse vitium, studiose id dissimularit? Num pannum, non plene paratum, vendiderit tanquam plene paratum? Num operis suis, ut pectentibus, nentibus, textentibus, fullonibus, ceterisque, quos semper habere multos oportet, persolverit juxta conventa & pacta? *Oenopola.* Num vinum aut quemcunque potum talem vendiderit, qualem accepit, id est, sine ulla admixtione aquæ vel aliarum rerum: deinde num iuxta mensura, &c. *Lanius.* Num carnes morbidæ animantis vendiderit pro carnibus sanæ animantis? Item, num pondere iusto, &c. Item, num hircinas pro arietinis exposuerit? &c. *Pistor.* Num arte ac studio effecerit, ut panis graviore esset pondere? Num farinam ab aliis allatam permutarit, deteriore exponens in locum præstantioris? Num fursuris plus quam par est, in farina reliquerit? *Hæc Hyperius.* Cur viri Reverendi, quos remotissimos esse convenit ab omni *περὶ πολλῶν*, æque solliciti non sunt de conscientia Mercatorum, Proxenetarum, Thesaurariorum, Quæstorum, Pistorum &c. atque Trapezitarum? quorum vocationem exagitant, quoniam cum eam non noverint, atque sepositis affectibus examinare non possint, sufficere putant, ad excusandam maledicentiam, quod Trapezitæ publice sint exosi; atque apud plebeculam male audiant. Inter omnis generis Mercatores, & Opifices, imo inter ipsos Theologos, pro dolor! quidam inveniuntur, qui *ingeniose* sint *nequam*, ut de Curione loquitur Vellejus Paterculus: atque si cuncta diligentius luberet excutere, inter eos, quos nominavi, invenirentur haut pauci, qui asperius & intolerabilius scænus exerceant, quam ulli per Belgium argentarii aut Trapezitæ. Ego in patria urbe novi N. N. qui (ut ut sit *præcipuus* exemplo Pharisaorum circa illa, quæ in hominum oculos incurrunt) per multos annos tam ingeniose & subtiliter scivit exercere scænus sumptuarius, ut uxor ipsius, clam eo, intra annos septem tot millia florenorum seponere sciverit, quæ sufficerent emendis speciosis ædibus. Si quis quærat, quænam fuerit hæc scænerandi ratio? paucis expediam. Aliquam-multi pueri Triviales, & subinde juniores quoque studiosi in convicium recipiebantur, qui, quod putarentur admitti in domum sanctam, quæ officina audiret pietatis & omnigenæ virtutis, pretium solito majus annuatim promittebant, atque inter conditiones contractus hæc erat, quod per se-  
rias,



rias, ultra quintam anni partem sibi vindicantes, singuli domi apud parentes, aut amicos vivere deberent. Et tamen currebat annus, nec de convictu illiusque lautitiis quisquam erat sollicitus, quod ipsius domus præsumpta sanctitas, atque patris familias rigor non crederentur alias dapes exigere, quam quæ quondam Curiis atque Fabriciis apponi solent. Præterea prandii literati hæc erat lex Philosophica; *Plenus venter non studet libenter*. Cæna vero exigebatur ad hæc regulam Medicorum; *Ut sis mane levis, sit tibi cæna brevis*. Interim meus hic homo æque feliciter rei suæ Ultrajecti consuluit, atque haut alius intra viginti annos. Et ne quis existimet eum ipsum amplam hæreditatem, à majoribus relictam, secum Ultrajectum detulisse; assevero satis lacram fuisse rei domesticæ carinam, cum primum in illam, sibi suisque filiis vere beatam, urbem appelleret; atque ad plures annos ita vitam & studia instituisse, ut annuatim milleni floreni non suffecerint locupletandæ Bibliothecæ, & instruendis conviviis, quæ plura uno anno domi suæ adornare solet, atque ego intra decennium. Si quis expectet, ut subtilis hujus sceneratoris nomen prodam, frustra est: quamvis certum sit, eundem Ultrajecti sic notum esse, ut, quo inveniri possit, opus non sit Diogenis laterna. Non ideo adduco hoc exemplum, quasi existimem fas non esse ex Convictoribus lucrum facere; sed, quod neque commutativæ neque distributivæ justitiæ consentaneum sit, ut quis stipuletur precium pro octo decemve hebdomadis, quibus victum daturus non sit, cum cæteroquin plusquam abunde pro convictu accipiat. Et tamen qui hæc faciunt, absque ullo scrupulo aut Ecclesiæ aut conscientiæ suæ, non modo ad sacram cænam admittuntur, verum etiam in vulgus Sancti habentur. Soli Trapezitæ, qui & multo minus lucrantur, & tot millibus hominum publice profunt, nihilque faciunt præter id, quod à Magistratu præscriptum est, indigni per quosdam obstinatos, indocilesque homines habentur, qui percipiant Christianorum tesseram. Quis non exclamet cum Poëta?

*O cæcas hominum mentes, ô peiora cæca!*

Ut non admiserim (quemadmodum antea ex Hyperio patuit) quoscunque Mercatores ad cænam Dominicam; ita neque quoscunque Trapezitas, (quis enim non fateatur inter eos quosdam quoque occurrere, qui mereantur haberi probra sui Ordinis) sed eos solummodo, qui fideles fuerint in vocatione sua. Circa quos, exemplo Hyperii, speciatim consideraverim sequentia. 1. Usurarum nomine amplius

Qq 2

non



non exigant, quam à Magistratu est constitutum. 2. Justo pretio pignora sibi obnoxia reddant, nec, oblato minori pretio, lucrum ex pignorum distractione intendant. 3. Offerentibus pignora non persuadeant, ea in continenti sibi potius vendant, quam sub usuris oppignerent. 4. Justo tempore pignora detineant, nec ea antea distrahi curent. 5. Non colludant cum illis, qui res furtivas pignoris loco offerunt. 6. Quod pignore distracto præter sortem & usuras superest, bona fide dominis pignoris restitui curent. 7. Nimis ambitiosos se non exhibeant circa mensarum redemptionem, nec animum habendi avidum prodant, ad redimendum jus mensæ sive ad annos plurimos, (nisi gravis causa, quæ publicè improbari non possit, urserit) sive etiam annis privilegii nondum elapsis, de subsequendis sint solliciti. 8. Si ipsis largiter à Deo sit benedictum, & de suo agitare possint, tenuioris conditionis hominibus mensam potius relinquunt, quam in illius affectatione avaritiam suam prodant. 9. Quod plurimum lucrari credantur, præ aliis, liberalitatem Christianamque charitatem manifestam reddant in distribuendis eleemosynis. Qui ex Trapezitis hæc quam diligenter attenderint, suamque vocationem (omnino in se honestam) in timore Dei Opt. Max. vita inculcata exornaverint, quicquid clametur quoque, merentur, ubi rationem reddiderint fidei suæ, ad cœnam Domini admitti. Atque, si Ecclesiæ aliquo tempore sese probaverint, ceperintque agnosci digna illius membra, pariter adoptari in ordinem Seniorum & Diaconorum: in quo enim agnoscuntur omnia requisita vivi Ecclesiæ Christianæ membri, si modo instructus fuerit sufficienti cognitione Mysteriorum Divinorum, convenienter sustinere potest personam, sive Senioris Ecclesiæ, sive Diaconi. Scio obmurmuraturum esse vulgus Belgarum, atque opinionem inveteratam, cæterum haustam ex iniquo decreto Caroli V. oppositurum esse huic sententiæ, solidissimis rationibus suffultæ; nec vulgus modo, verum quosdam quoque pertinaces atque indociles Theologos, quorum quasi nomine D. Doctor Voetius parte 2. Conf. Theol. pag. 180. pronunciat, eos, qui patrocinantur Trapezitarum, seu Argentariorum vocationi, velut honestæ, *Dat sy versetten de oude palen van d'algemeyne Leere ende Kerckelycke practijcke; hoc est, Quod dimoveant antiquos limites Catholica doctrine, & Praxios Ecclesiastica.* Sed idem omnino crepant Canonistæ & Casuistæ ratione Usuræ in communi considerata: cujus exercitio ut omnibus interdici queat (vestigiis eorundem insistentibus.



bus quibusdam, ut antea patuit, non modo Augustanæ Confessionis Theologis, verum etiam nostræ quoque Professionis) jactant quoque, & forte quam speciose, Concilia, Patres, & Universalem Ecclesiæ consensum. Celeberrimus Theologus alias docere & clamare solet, omnes, minimas quoque, reliquias fermenti Papani extirpandas esse, atque nihil dum relinquendum, quod redoleat Papismum, seu, Antichristianismum. Sed, cur hac in parte veteres quoque avias non laborat de pulmone revellere? Certe, quicquid aut ipse dixerit, aut alius pro illo, hoc certum, ideo Trapezitas, tot modis publice utiles, in vulgus haberi quasi sacros & abominabiles, quod jam olim hoc crediderint majores nostri, sub Papatu, eaque sententia propagata sit ad posteros, Theologis quibusdam, ut quidem oportuit, (Deus novit causas) eam non eximentibus, at, sibi interim plaudentibus Papanis, eandem potius confirmantibus. Sed, cur Domini mei, antecedens hujus doctrinæ pariter non inculcant, nempe, omnes in universum usuras esse illicitas? Hoc enim docet jus Canonicum, & hæc est communis illa doctrina, à Papatu scilicet derivata, cujus partem licet solum crepant, totam tamen docere deberent. At, si bene noverim quosdam ex hoc ordine, semisses potius quam quincunces usuras hoc ipso tempore accipere maluerint. Quod vero ad Edictum Caroli V. supra illud ex parte expendimus, atque periniquum esse obiter ostendimus. Deinde (sunt verba Excellentissimi D. Salmasii de Fœnore Trapez. pag. 404.) *quid Carolus ille sua sanctione decrevit, quod non prius jure Pontificio sanctum fuerit? Immo ideo id ita sanxit Carolina constitutio, quia idem jam Pontificum decretis pridem fuit statutum, quibus derogare hodie nefas habent Imperatores ac principes Christiani, qui Ecclesiæ Romanæ addicti sunt.* Et deinde pag. 405. & seq. *idem sic loquitur: Si infames trapezitæ quia contra vetitum Juris Canonici faciunt fœnus exercendo, qui minus infamia notandi privati, & in his maxime Pastores, qui similiter contra juris ejusdem regulas pecuniam suam dant fœnori? Si vetus jus Canonicum, quale Conciliorum provincialium & Oecumenicorum decretis stabilitum est, in usum revocaretur, quod novo & Pontificio canonico longe antistare credendum est, vereor, ne magis infames ex eo habendi sint ministri altaris, qui fœnore Laicis licito locant pecuniam, quam ipsi Trapezitæ, etiam si in fœnore exercendo præscripta legum non observent. Eo jure nemini plebejo vetitum legitur fœnus. Ergo ne Trapeziticum quidem. Ne censuræ quidem Eccle-*



fiaticæ obnoxii facti, qui modum in eo excederent & improbum fœnus exercerent. At ministris altaris, & omnibus in ordinem Ecclesiasticum allectis, argentum ad usuram dare prohibetur, & cum pœna etiam depositionis: *Hactenus D. Salmasius*, qui, quod dixerat, etiam probat initio ducto à Canonibus Apostolicis, Clementi vulgo tribui solitis. Atque utinam hæc tandem serio attendere vellent illi ex Theologis, qui, ut in auditorum suorum animis confirment errorem sub Papatu à maioribus jam haustum, haut aliter crepant Consensum Catholicum & praxin Ecclesiæ universæ, (sed sic Papanæ Ecclesiæ imprudenter vindicant titulum Catholicissimi, quem alias oppugnant) atque suam Magnam Dianam quondam Ephefi.

XI. At bonum factum, quod alicubi à pluribus quoque annis Theologi & Pastores Belgici sapere cœperint, atque transire ad meliorem mentem, Trapezitas, mensarumque sænebrium exercitores, de quorum vita inculcata liquebat, admittendo ad cœnam Dominicam. Quæ aliquoties typis sunt excscripta, atque transcripta quoque ab aliis, non lubet hæc tempore iterum exhibere. Utinam aliquando in Synodis per doctos & veritatis studiosos Theologos non modo hæc de Trapezitis quæstio, sed etiam alia, de quibus disputo, plenius in timore Dei discuterentur. Hoc scio, talibus rationibus tum singulas, tum in universum omnes meas determinationes circumdatas atque munitas esse, ut certum mihi sit, nullos iis adversaturos esse, exceptis solummodo, quibus propositum fuerit pertinacia atque animo adversus veritatem obfirmato sententias semel arreptas tutari, nec Deo, qui est ipsa veritas, atque veritatis antistes & promotor, gloriam dare. Nec tamen pro eo me gero, qui possit tranquillare sive Trapezitarum, sive Canonico- rum, aut quorumcunque aliorum conscientias. Hoc est solius Dei, de quo dicere licet cum Elihu apud Jobum cap. 34. 29. *Quum ipse tranquillat, quis inquietabit?* Theologi possunt duntaxat consilia suggerere, & media, quibus possit domesticus hic testis placari. Quæ statio nobilior Pastoratu in Ecclesia? Si tamen quis eo sua studia destinet, ut tanquam Pastor ab hominibus æstimari possit, & otiosam transigere vitam, optimum hoc vitæ genus non tranquillabit ipsius conscientiam, sed eidem cedit in laqueum sive tendiculam. Pietatis ipsius exercitiis si admixta fuerit hypocrisis, conscientia non sananda sed vulneranda serviunt. Atque, ut verbo quid moneam de Trapezitis, quamvis vitæ genus, quod profitentur, nihil habeat adversarium legi Dei,



Dei, si ipsi tamen solum intenderint divitias, conscientiam lædunt, atque, si hoc in vulgus constet, haut magis merentur ad cœnam Dominicam admitti, quam manifestarii avari. Verum siquidem illud Apostoli verbum 1. Tim. 6. 9. 10. *Qui volunt discescere, incidunt in tentationem & laqueum, & cupiditates multas amentes & damnosas, quæ demergunt hominem in exitium & perniciem. Siquidem radix omnium malorum est amor pecuniæ: quam quidam dum appetunt, aberrarunt à fide, & se ipsos undiquaque transfixerunt doloribus multis.*

Possem hic subsistere, & pariter huic de Trapezitis Tractatui finem XII. imponere, nisi quædam adhuc monenda esse dictaret conscientia. Initio vero hoc observari velim, licet Trapezitarum professio in se sit honesta, non tamen pariter omnes honeste æquè ac licite eidem posse nomen dare. Publicanorum Professio in se est honesta, nihilque vitii continet, non tamen permitti quibuscunque atque cujuscunque professionis viris potest, ut in locatione vectigalium digitum tollant. Romæ præesse publicæ officinæ vile & abjectum perpetuo est habitum, ut liquido pater ex lege Constantini Imper. sive princ. l. 1. Cod. de natural. liber. Atque ibidem longe alienum fuisse habitum à dignitate militiæ, mercimonia exercere, innuit l. 12. Cohortalis in fine C. de Cohort. lib. 12. Unde Ambros. lib. 1. de Off. cap. 36. *Si quis Imperatori militat, (inquit) à suspensionibus litium, actu negotiorum forensium, venditione mercium, prohibetur humanis legibus: quanto magis, qui fidei exercet militiam, ab omni usu negotiationis abstinere debet?* Sidonius Apollinaris lib. 1. ep. 8. plures rerum absurdarum ἀντισέως colligens, *Negotiatores (inquit) militant, milites negotiantur, student pila senes, alea juvenes.* Vice versa mercatoribus militia interdicitur l. 12. Cod. tit. 35. imo gladium gestare prohibentur, nisi cum peregre abeunt, eumque sellæ alligatum lib. 2. de Feud. tit. 27. §. Si quis rusticus. Solis militibus usus armorum relictus, paganis non permittitur, Nov. 8. in fine, præter cultellos brevis, quos nemo in usum belli assumpserit, Nov. 85. in fin. Erant quippe exarmatores, quos Justinianus Nov. 8. ἀφωπλιστοὺς vocat, id est, qui privatis hominibus arma habere non permitterent, interprete Juliano, Nov. 15. §. 60. Sed ne aberremus à mercatoribus, minutarii & propolæ addicti lucro viles censentur, arcenturque à dignitatibus, l. 6. De dignit. lib. 12. atque Thebani neminem, qui mercaturam exercuisset, sinebant ad remp. capeffendam accedere, nisi decem anni intercessissent, teste Arist. lib. 3. Pol. cap. 3. Qui-



Quibus omnibus consideratis, atque diligenter expensis, aliquis non sine ratione procedere posset à Mercatoribus ad Trapezitas, atque ita inferre: Si aliquibus ex consuetudine loci probrosa est Mercatura, aliquibus quoque ex ratione ejusdem consuetudinis, cui ne lex Principis quidem cum efficacia obniti potest, videtur interdicens esse mensæ exercitio. Sed, hoc argumento nolumus in præsens tempus inhærere; verum argumentari potius ab Autoritate Spiritus Sancti, ita proloquentis per Apostolum Paulum 1. Cor. 7. vers. 24. *Unusquisque in quo vocatus fuit, fratres, in hoc maneat apud Deum.* Supra quem locum hunc in modum commentatur *Theologorum Orthodoxorum princeps Calvinus*: Hoc caput est, (*inquit*) unde reliqua ducuntur, ut quisque vocatione sua contentus, eam sequatur, neque alio transvolare appetat. Vocatio in Scripturis est, legitima vivendi ratio: habet enim relationem ad Deum vocantem, nequis hac sententia abutatur, ad stabilienda vivendi genera, quæ impia aut vitiosa esse constat. Sed hic quæritur, an Paulus statuere aliquam obligationem velit? hoc enim sonant verba in speciem, suæ quemque vocationi devinctum esse, ut ab ea desciscere non debeat. Atqui id nimis durum esset, fartori non licere aliud opificium discere, mercatori non licere transire ad agriculturam. Respondeo, hanc non esse intentionem Apostoli: vult enim tantum corrigere inconsultam cupiditatem, quæ nonnullos sollicitat ad mutandum statum sine justa causa; sive id superstitione, sive alio impulsu faciant. *Hæc Calvinus.* Quæ hætenus sufficiunt nobis, qui laboramus quam circumspèctissime procedere in quæstione practica, variorum judiciis discussa. Nam licet censeamus, Professionem Trapeziticam (ut ex præcedentibus patet) quam honestam esse; non tamen putamus aliquem V. C. Juris aut Medicinæ Doctorem, similemve, qui alias de suo commode agitare possit, nec privata quædam ratio, (quam certum est intervenire posse) eundem stimulet, haut magis ad hoc nostrum, idemque controversum vitæ genus provolare posse, atque ad vectigalium redemptionem: pro qua obtinenda, si similis aliqua persona digitum tolleret, ut caput suum objiceret variis calumniis, credereturque rei faciendæ nimium quam studere; ita putamus quoque idem eventurum, haut absque justa suspicione, si similis pariter præsumpserit mensæ assidere, atque argentariam facere. Novi alias, in Belgio quam controversum fuisse, usque ad defatigationem Consistoriorum, possitne Diaconus, imo *Æditi-*  
mus,



mus, esse Publicanus? imo alicubi quoque arrisisse negativam sententiam. Non quod crederetur Publicanorum statio esse incompatibilis (præ hoc Scholastico vocabulo non occurrit commodius) cum functione sive Diaconi, sive Aeditumi; sed quod tales (quum possent commode de suo agitare) præsumerentur inter Publicanos nomen quoque suum profiteri voluisse, nullam aliam ob causam, quam ut possint lucrum quam maximum facere: quum tamen expresse Apostolus 1. Tim. 3. 3. & 8. Presbyteris atque Diaconis præcipiat, *ne turpem questum faciant*; qui talis evadit non modo ratione objecti, verum etiam a parte subjecti, considerati secundum suam eamque propriam vocationem. Licitum equidem est, vendendo sive sinapium, sive sulphurata, per urbem discurrere, (absit tamen ut argentarios, quorum ordinem multis Privilegiis Justiniani seculo auctum fuisse docet D. Salmafius p. 587. hisce scrutariis adæquare velim) atque clamorosa voce ad hæc merces emptores quoscumque invitare; at, si apud nos hoc faceret per suos filios, filiasve, sive verbi Divini Minister, sive Consul, sive Juris, Medicinæve Doctor, næ putaretur grande scandalum dare, multosque graviter offenderet: nam verissimum illud Pauli cñiatum, *Non omnia, que licent, conducunt, aut ædificant*, 1. Cor. 6. 12. & 10. 23. Multo magis vero offenderet Christianam societatem aliquis, ex iis, qui jam nominati sunt, si intenderet per concessionem publicam monopolium exercere sive sinapii, sive sulphuratorum: quæ quanquam vilia sint, & putentur non admittere spectabiles viros, ut mercatores, talia tamen sunt, quibus Societas humana, secundum Belgium considerata, haut magis carere potest, atque subsidio mensarum Trapeziticarum destitui illi ex tenuibus non modo civibus, verum etiam mediocribus, quibus perpetuo præsens pecunia non suppetit. Atque, ut hoc in casu Monopolium probrosum magis videtur (& quidem merito) quam ipsa vilium mercium distractio; ita secundo loco putem serio despiciendum, an semper conducatur quoque reipub. ut privilegium concedatur exercendi monopolium Trapeziticum? Certe, quandiu illud placet Magistratibus, usque adeo ut aliquos ad redimendum hoc privilegium invitent, non peccant illi ipsi, qui privilegium hoc instar Publicanorum redimunt, modo quam diligenter attenderint ad illa ipsa, quæ antea definiti pro Trapezitarum munere. Sed, quum hoc tempore, quo Deus tam clementer adhuc Belgio benedicit, nomine reip. multis in locis ipsis viduis & Orphanis amplius



plius loco usurarum annuatim non solvantur, quam quaterni floreni in centuriam; atque leves hæ usuræ valde incommode accidunt iis, quibus præter suos redditus haut admodum amplos, alia commode, & citra alicujus onus, vivendi media non suppetunt: Deliberationi subijcio, an non Magistratus in majoribus urbibus, ubi hætenus mensæ Trapeziticæ receptæ fuerunt, serio deliberare debeant, an non, siue per elocationem, siue per administrationem ordinatam, hæc ratio iniri possit, ut tum afflictis & pecuniæ inopia laborantibus civibus consulatur, per mensas, ad moderatum usurarum modum redactas, tum etiam viduis, orphanis, similibusque ita, ut dum raenæ ex eorundem pecuniis sustentantur in commune commodum, ipsi minimum usuras quincunces, si non semisses, accipiant? Interim nihil definitio, contentus hæc, pro liberatione conscientiæ, ad deliberandum proposuisse. Adversus hæc fungus noster Reynessius nihil reponere scivit, quam argumenta jam antea exarmata. Quod vero fatum fuerit hujus de Trapezitis controversiæ, & pariter ipsius Reynessii, occasione illius, plene edisseritur in Priori Præfatione.

## EXERCITATIO XXIX.

DE

## Comicis &amp; Tragicis Spectaculis.

1. **P**remisso generali Proloquio, probatur Antiquorum Patrum institutum, adeo severè Ludos Scenicos, & histriones arguentium.
2. Haut meliora censei debent spectacula à vulgo histrionum certo pretio edi solita.
3. Ejusmodi histriones, olim, merito infames habiti fuerunt.
4. Quare & nemo Christianorum talibus spectaculis interesse potest.
5. Non tamen simpliciter omnia in universum spectacula sunt improbanda; sed quadam, sub certa conditione, admitti possunt.
6. Quæ conditiones accurate tum pensantur, tum limitantur. Speciatim ratione materiæ.
7. Dein ratione modi.
8. Enumeratis omnibus conditionibus, concluditur.
9. An possit Magistratus in Urbe sua ordinarium Theatrum erigere?

I. Si



**S**I quis mortalium, monente Apostolo, 2. Corint. 4. 2. I. execror *τὴν νεκρὰν τῆς αἰχμῆς*; atque, quicquid etiam demerentiant homines, (quorum calumniis à primis vitæ annis velut pila fui, ex singulari Dei directione) audeo cum eodem Apostolo, ead. ep. cap. 8. com. 21. dicere, quod annitar procurare honesta non solum in conspectu Domini, sed etiam in conspectu hominum. Nec tamen ea censeo mox inhonesta, quæ talia pronuntiat zelus Pharisaicus, aut etiam pro honestis habeo, quæ idem ille, pro applausu populari procurando, quam impotenter & importune urget. Regula honesti, ut & iusti, infallibilis Lex Dei est; quæ sola meretur haberi norma castigatissima, neutiquam vero hominum, suis sæpe affectibus indulgentium, iudicium. Proloquio hoc utor, imo hic uti debeo, quod sciam multis ægre fore quod scribere sustineam de Comicis & Tragicis spectaculis, quædam ex illis, ut licita propugnando. Circumspecte vero hic mihi progrediendum est. Eoque initio pronuncio, jure merito antiquos Patres suos auditores interdixisse Scenæ, atque compulisse in baptismo ei, ut & reliquæ pompæ renunciare. Quo pertinet illud Tertulliani de Spectac. cap. 4. Cum aquam (inquit) ingressi, Christianam fidem in legis sua verba profiteamur, renuntiassè nos diabolo, & pompæ, & angelis ejus, ore nostro contestamur. Et clarius adhuc Salvianus lib. 7. de Provident. In spectaculis quadam apostatatio fidei est à symbolis ipsius, & cælestibus sacramentis lethalis pravaricatio. Quæ est enim in Baptismo salutari Christianorum prima confessio? Quæ scilicet, nisi ut renuntiare se diabolo, ac pompis ejus atque spectaculis & operibus protestentur? Nam spectacula & pompæ etiam juxta nostram professionem opera sunt diaboli. Nec præter rationem ita censuerunt primitivi Doctores. Si quidem primo erant palæstræ abominandæ idololatriæ. Inde sic Cyprianus lib. de Spectaculis: Scriptura (inquit) omnia spectaculorum genera damnavit, quando idololatriam sustulit, ludorum omnium matrem, unde hæc vanitatis & levitatis monstra venerunt. Quod enim spectaculum sine idolo? quis ludus sine sacrificio? quod certamen non consecratum mortuo? Quid inter hæc Christianus fidelis facit, si idololatriam fugis? quid loquitur qui jam sanctus, si de rebus criminosis voluptatem capit? Quis contra Deum superstitiones probat, quas amat, dum spectat? Caterum sciat hæc omnia inventa Daemoniorum esse, non Dei. Præterea secundo erant officinæ quarumcunque libidinum. Patheticè præ aliis Salvianus lib. 6. de Dei

R r 2

Provid.



Provid. Quicquid immandiciarum est hoc exercetur in Theatris, quicquid luxuriarum, in palestris. Quicquid immoderationis in Circis. Quicquid furoris, in caveis. Alibi est impudicitia, alibi lascivia, alibi intemperantia, alibi insania. Ubique demon, imo per singula ludorum loca universa demonum monstra. Gnarum erat ipsi Seneca Gentili licet, sic enim ep. 7. ad suum scribit Licinium: Nihil (inquit) est tam damnosum bonis moribus, quam in aliquo spectaculo desidere. Tunc enim per voluptatem facilius vitia surrepunt. Hinc apud Ciceronem mimicum idem est, quod obscenum. Locus occurrit notissimus lib. 2. de Orat. Vitandum est (inquit) oratori utrumque, ne aut scurrilis jocus sit, aut mimicus. Nec falluntur admodum qui Etymologia vocis obsceni ad scenam referunt. Argumenta habent, præter eos qui ex Patribus citati modo sunt: A. Gellius Noct. Att. lib. 20. cap. 3. Justinianus Imp. Nov. § 1. non longe à principio; atque qui hos similesque Authores integris manipulis adducit Albericus Gentilis Tract. de Spectac. fabul. Hæ duæ palmaria rationes, plures alias primitive Ecclesiæ Doctoribus suggererunt, ut non modo instituerint detonare atque integros libros scribere in illos, qui præsumerent ludis Scenicis interesse; sed eosdem monuerunt quoque decretis Synodicis, iisque severis, maxime Clericos, in partes simul venientibus Principibus Christianis, ferendo leges civiles, quæ eodem facerent. Quod ab aliis sæpius factum fuerit, supersedeo tum in loca Patrum huc spectantia, tum in decreta Conciliorum, tum etiam Principum leges Civiles digito intendere.

II. Sed, non modo abominanda fuerunt scenica spectacula, quæ adeo severe antiqui Patres arguerunt, verum talia quoque putanda sunt, quæ vulgus histrionum, lucri colligendi ergo, adhuc hodie exhibere solitum est. Nam præterquam, quod 1. Actores ipsi, ut plurimum homines viles, bonarumque artium ignari sint, qui exosi laborem, hoc vitæ genus sectando, publice probant, quod φιλόδονοι μωρόν ἢ φιλόδοτοι sint, voluptatum magis quam Dei amantes, contra admonitionem Apostoli, 2. Tim. 3. 4. Amplius (2.) quodcumque argumentum tractare instituerint, hoc faciunt ad oblectandum, & exhilarandum suos spectatores: quum tamen Christiani, qui gaudebunt post hoc seculum, quando in mundo sunt, magis invitentur ad luctum. Unde Tertullianus de Spectac. cap. 18. Vicibus (inquit) disposita res est: nunc illi (Gentiles) latantur, nos constictamur. Seculum, inquit Christus, gaudebit, vos tristes eritis. Lugeamus ergo, dum Ethnicus gaudet, ut, cum lugere cæperint, gaudeamus, ne pariter nunc gaudentes, tunc quoque pariter lugeamus. Delica-



tus es, Christiane, si & in seculo voluptatem concupiscis. Aut, si Christianus gaudere velit, in Domino gaudeat, juxta admonitionem Apostoli Phil. 3. 1. Quod gaudium quale & quoduplex sit, postea ex Patribus plenius explicabitur. 3. Luxuriant Histriones si non verbis spurcis, probrosis, & contumeliosis, saltem otiosis. Ut olim, teste Scalig. lib. 1. de Re Poët. cap. 6. ita & hodie, familiare est huic hominum generi, aculeatis dictis, quos libet lacerare, contra Dei interdictum, qui sic sancit Levit. 19. 6. *Non eris criminator, nec susurro in populo.* Deinde orationem suam nisi spurcis verbis condierint, non existimant se decore personam sustinuisse. Et tamen aliud monet Apostolus Coloss. 3. 8. *Deponite verborum obscenitatem (αἰσχρολογία) ab ore vestro.* Eph. 4. 29. *Nullus sermo putris (λόγος σαπρός) ex ore vestro egreditor.* & c. 5. 4. *μωρολογία, ἢ ὑπερηγανία* operibus carnis accensetur. Dato vero hæc abesse, diffiteri tamen non licet, plurima otiosa verba profundi. Christi tamen nostri Salvatoris verbum est, Matth. 12. 36. *Dico vobis quoniam omne verbum otiosum, quod locuti fuerint homines, reddent rationem de eo in die judicii.* 4. Ordinario horrendis dejectionibus, & juramentis è gentilismo petitis totum Theatrum personat, quod execrandum esse, quis non videt? 5. Gestibus si non impudicis, saltem mollibus, & cingendo dignis ornare similem orationem gestiunt. At, secundum Clementem Alexandrinum lib. 2. Pæd. c. 5. æque culpandi sunt, qui *ridiculam corporis figuram induunt*, atque *qui verbis studere esse ridiculi.* 6. Hujusmodi spectacula avertunt homines, ad deteriora semper proclives, à rebus seriis, atque multum temporis suffurantur, quum tamen *dies nostri palmares sint*, Ps. 39. 6. & ut dicitur Job. 14. 2. 3. *homo instar floris, simul ac egressus est, succidatur, & velut umbra fugiat.* Quod applicare licet ipsis actoribus: quibus & dictum est, ab Apostolo 1. Cor. 7. 29. *oportunum tempus est angustum in posterum.* 7. Ut quotidiana docet experientia, hæc spectacula sunt oculorum flagella, atque illa pretio edunt, everricula pecunie, quam tenuioris sortis homines in usus longe meliores erogare possent. 8. Ob has & similes rationes, ne quidem saniores ex Gentilibus in repub. sua spectacula hujus ordinis admittere voluerunt. Sic Massilienses, teste Val. Maximo lib. 2. c. 6. nullum aditum Mimis in scenam dabant, ne, cum eorum argumenta majori ex parte stuprorum continerent actus, talia spectandi consuetudo, etiam imitandi licentiam sumeret. Lacedæmonii quoque neque comædias spectabant, neque tragædias, ne, quemadmodum Plutarchus ait in Apoph. Lacon. neque serio, neque joco audirent eos, qui legibus adversa dicerent. Nec alia mens fuit



priscorum Romanorum. Testis est Corn. Nepos, scriptor gravis in Præf. sic loquens: *Magnis in laudibus tota fuit Gracia, victorem Olympiam citari. In scenam vero prodire & populo esse spectaculo, nemini in eisdem gentibus fuit turpitudini: Quæ omnia apud nos partim infamia, partim humilia, atque ab honestate remota, ponuntur.*

- II. Ex iis, quæ jam dicta sunt, facile patet, quid de Fabularum Actoribus sit existimandum? Vocantur histriones: sic dicti, siue quod ab Histris id genus sit adductum, vel, quod dicti fuerint, quasi Historiones, quod soliti essent fabulas historiarum perplexas exhibere. Eos Roma Tiberius exturbavit, teste Dione Cassio lib. 57. Idem respiciens Tacitus, sic loquitur lib. 4. Annal. *Postremo Cæsar de immodeſtia histrionum retulit; multa ab iis in publicum seditiose, sæda per domos tentari. Et mox: Pulsi tum histriones Italia.* Eodem Principe decretum, teste hoc ipso Tacito lib. 1. Annal. cap. 77. *Ne domos pantomimorum Senator introiret.* Amplius jam olim Histriones inhonesti haberi solent. Egregie Terullianus lib. de Spectaculis: *Manifeste (inquit) damnant ignominia & capitis minutione, arcentes, curia, rostris, senatu, equite, cæterisque honoribus simul ac ornamentis. Quibus quanta perversitas? Amant quos multant, depreciant quos probant. Artem magnificant; artificem notant. Quale iudicium est, ut ob ea quis offuscetur, per quæ promeretur? Imo quanta confessio est mala rei, quarum actores, cum acceptissimi sint, sine nota non sunt? Quum etiam humana recordatio etiam obſtrepente gratia voluptatis, damnandos eos censeat ademptis bonis dignitatum in quendam scopulum famositatis, quanto magis Divina iustitia in ejusmodi artifices animadvertit?* Et August. l. 2. de Civ. Dei, cap. 13. *Romani hominibus scenicis nec plebeiam tribum, quanto minus senatoriam curiam dehonestari sinunt?* Imo tales habiti fuerunt infames. Verba sunt Ulpiani l. 2. §. 5. ff. de his qui not. inf. *Eos enim, qui quæstus causa in certamina descendunt, & omnes propter præmium in scenam prodeuntes, famosos esse Pegasus & Nerva filius responderunt.* Eoque rarum est elogium, quo Roscium Amerinum condecorat Cicero, quem histrionem ita peritum dicit, ut solus esset dignus, qui in scenam deberet intrare: ita virum bonum, ut solus esset dignus, qui eo non deberet accedere. Quem locum, turpitudinem scenæ arguendo, sit profert Augustinus lib. 1. de Conf. Evangelist. *Nonne cum Roscium quendam laudaret histrionem, ita peritum dixit, ut solus esset dignus, qui in scenam deberet intrare: ita virum bonum, ut solus esset dignus, qui eo non deberet accedere: quid aliud apertissime ostendens, nisi illam scenam esse tam turpem, ut tanto minus ibi homo esse*



esse debeat, quanto magis fuerit vir bonus? Dubito quoque an alterum detur exemplum histrionis ultima etate resipiscentis, atque habet Jonstonus lib. 16. rer. Britannicarum ad annum 1614. Ricardus Alanus, (inquit) Archimimus, omnium personarum imitator effectorque peritissimus, ludos in scena miscere solitus est, delectationis causa. Is personam Regis ferens, imitansque composito gestu corporis, motuque, Artifex ejusmodi fuit, ut solus dignus videretur, qui in Scena spectetur; ac publicis Spectaculis magnas opes comparavit. Profecta aetate scenicas artes, & indecora Senectuti studia, damnavit. Et ut Scena maculam elueret, proripuit se Spectaculis, & Ptochodochium Dulvici instituit; quod ipse regendum praecipua cura suscepit; Reditibusque ampliavit, ac xxiv. Pauperum numero, ex utroque sexu. Addit mox idem Author. Quis prater hunc, facile inveniri potest, qui Reip. profuit? Reliqui Libidinum exemplis, non modo Scenam, sed vitam, etiam communem, infecerunt; ac Spectaculorum varietate civium animos corruperunt; eaque res conciliavit vulgi favorem; bonorum omnium Invidiam concitavit. Inde Jus Canonicum tales non admittit ad sacros Ordines & maritum. d. 33. imo ne quidem ad sacram Synaxin, de consecr. dist. 2. Huc pertinet Ep. 61. Cypriani, quae inscripta est Eugratio, seu, ut alii legunt, Euchratio: Consulendum (inquit) me existimasti, quid mihi videatur de histrione quodam; qui, apud vos constitutus, in ejusdem adhuc artis sua dedecore perseverat; & magister, & doctor, non erudiendorum, sed perdendorum puerorum, id quod male didicit, ceteris quoque insinuat; an talis debeat communicare nobiscum? Puto, nec Majestati divina, nec evangelica disciplina congruere, ut pudor, & honor Ecclesia tam turpi, & infami contagione foedetur. Huc facit quoque canon. 62. Concilii Illiberitani, qui ita habet: Si auriga, aut pantomimi, credere voluerint, placuit, ut prius artibus suis renuntiarent; & tunc demum suscipiantur, ita ut ulterius ad eas non revertantur. Quod si facere contra interdictum tentaverint, projiciantur ab Ecclesia. Histrionibus adhuc nequiores erant, quae in Novel. 51. seu in Authent. audiunt scenica. Per eas enim intelligere convenit meretrices post peractas fabulas, in theatro promiscue prostitui solitas. Isidorus lib. 18. Orig. cap. 29. Idem, inquit, Theatrum, idem & prostibulum, eo, quod post ludos exactos, meretrices ibi prosternerentur. Tertull. de Spect. c. 17. Ipsa etiam prostibula (inquit) publica libidinis hostia in scena proferuntur, plus misera in praesentia seminarum, quibus solis latebant, perque omnis aetatis, omnis dignitatis ora transducuntur, locus, stripes, elogium, etiam quibus opus non est, pradicatur. Sedebant vero, dum recitabatur in scena, ut Tertullianus,



tullianus ibid. innuit. Cum traducerentur, tum earum, stipes, locus, genus, & similia prædicabantur. Plautus in Prol. Pœnuli: *Scortum exoletum ne quis in proscenio sedeat.*

- IV. Talibus vero spectaculis, editis ab ejusmodi histrionibus, extra seculum quoque Paganicum consideratis, nemo interesse potest salva conscientia, qui modo religiosus atq; Dei timens haberi cupit. Nam I. quamvis Aristoteles lib. 3. Eth. cap. 10. non videatur admittere *ἀνομιάν* aliquam, circa voluptates visus & auditus; eò quod convenientem temperantiæ materiam non inveniatur circa hos duos sensus: hoc tamen, (in consilium advocata Scriptura) non nisi comparative intelligi potest. Ea siquidem per Apostolum Petrum taxat illos, qui oculos plenos habent adulterii, 2. Petr. 2. 14. item, qui auribus pruriunt, 2. Tim. 4. 3. atque amplius docet, *avertere oculos, ne videant vanitatem*, Pl. 119. 37. & exemplo Jobi *fadus pangere cum oculis*, Job. 31. 1. qui & cap. 12. vers. 11. docet, quod *auris debeat verba probare, prout palatum cibi gustum*. Nos Christiani vero (ut verbis utar Tertulliani lib. de Spect. cap. 17.) *impudicitiam omnem amoliri jubemur*. Hoc igitur modo etiam à Theatro separamur, quod est *privatum consistorium impudicitia*, ubi nihil probatur, quam quod alibi non probatur. Et paulo post idem Tertullianus: *Quod si nobis omnis impudicitia execranda est, an liceat audire, quæ loqui non licet? Cum etiam scurrilitatem & omne vanum verbum judicatum à Deo sciamus, cur aque liceat videre, quæ indicare flagitium est? cur quæ ore prolata communicant hominem, ea per oculos & aures admissa non videantur hominem communicare? cum spiritui appareant aures & oculi, ne possit mundus præstari, cujus apparitores inquamantur? Nec est quod, quis dicat se ad hujus ordinis spectacula eadem ratione accessurum esse, ut Cato ad Floralia, qui venit, ut discederet. Audiat enim Chrysostomum ita proloquentem per Interpretem Hom. 1. in Plal. 50. Audiant (inquit) curiosi, qui pulchritudines considerant alienas, qui spectaculis insaniant in Theatris, ad excusanda peccata dicunt: Spectamus quidem, sed nihil nocemur. David talis & tantus læsus est, & tu te putas non posse lædi? ille nocumentum passus est, qui tantam habebat spiritus gratiā & te quomodo credere potero sine vulnere evasisse? & ille quidem in solario domus suæ, tu autem in theatro, ubi & locus condemnat animam sapientis, in quo cum tanta sint præcipitia, tanta corruptela, quomodo possum tibi credere quod à talibus bestiis vulneratus non sis? Nunquid lapideus es, aut ferreus? Igni conjungeris & non ardebis? Exemplum observatu dignum habemus apud Augustinum lib. 1. Confess. cap. 8.*



cap. 8. de Alipio ejus contubernali, qui licet abhorreret à spectaculis, ac invitatus à familiaribus semel duntaxat ad ludum gladiatorum pertractus esset, ita tamen fasciatus fuit, ut postea absque spectaculis vitam sibi acerbam putaret. *Spectavit*, (inquit) *clamavit, exarsit, abstulit inde secum insaniam, qua simularetur videre non tantum cum illis, sed etiam pra illis, à quibus erat adductus.* 2. Quod non provenit scandalum, si homines, professione Orthodoxi, adhuc dignitate conspicui, spectatores & applausores sint talium actuum. Quam vero grave sit infirmis offendiculum praeberè, docet Christus Matth. 18. vers. 7. Certe Tertullianus lib. de Spectac. cap. 24. inde probat manifestum esse scandalum, quod suo ævo ex repudio spectaculorum agnoscerentur Christiani. Illi (dicit) *jam nobis renuncient, an liceat Christianis spectaculo uti?* At quin hinc vel maxime intelligunt factum Christianum, de repudio spectaculorum. Itaque negat manifeste, qui, per quæ agnoscitur, tollit. *Quid autem spei superest in hujusmodi homine? Nemo in castra hostium transiit, nisi projectis armis suis, nisi destitutus signis & sacramentis principis sui, nisi pactus simul perire.* 3. Quot & quanti non fiunt sumptus? & quantum pecuniæ non erogatur in hanc faciem hominum, qui theatrales ludos exhibent? quæ tamen aut in pauperes erogari, aut aliis rebus tum necessariis, tum utilibus, bono publico impendi potuisset. Inde Augustinus ad cap. 16. Johannis: *Donare* (dicit) *res suas histrionibus, vitium est immane, non virtus. Qui enim venatori (histrioni) non homini donat, inquit idem in Psal. 102. sed arti nequissima. Nam si homo tantum esset, & venator non esset, non donares: honoras in eo vitium, non naturam.*

Nec tamen simpliciter improbari merentur spectacula, quæ in se V. cum sint adiaphora, sub certis conditionibus, à gravissimis Theologis admittuntur. Instar omnium sit ó πένν Dn. Rivetus, qui postquam in Quæst. ad Decal. prolixè disputasset adversus vulgaria spectacula, à quæstuariis histrionibus exhiberi solita, tandem *hac subiicit*: Quæ tamen ita volumus intelligi, non ut plane definiamus nulla ratione licere, sub ulla conditione, Drama aliquod instituere, aut aliquando honestæ oblectationis causa, & exercitii gratia, adolescentes aliquos producere, qui argumentum, quod bonis moribus conveniat, arte aliqua elaboratum, pluribus spectantibus, inter se tractent, & hac ratione se ad dicendum informant: scimus enim viros graves aliquando in talibus argumentis

Sff

versa.



versatos fuisse; non quæ mimis, histrionibus, & quæstuariis istis nebulonibus, qui omnia etiam sacra profanant, acritanda darent; sed quæ pueri ingenui, exercitii honesti gratia, peragerent. Qua de re in disciplina Ecclesiastica Ecclesiarum Reformatarum Galliarum constitutio habetur, quam hic apponemus, & quæstionem hanc finiemus. Sic autem habet. *Non licebit fidelibus, interesse Comædiis, Tragediis, mimis, moralitatibus aut similibus ludis, actis publice vel privatim; cum omni tempore id inter Christianos prohibitum fuerit, tanquam bonis moribus noxium. In primis vero cum profanatur scriptura. Si tamen aliquando in collegio aliquo utile judicetur, ut juvenus aliquam historiam repræsentet, tolerari poterit; dummodo ex Scriptura non desumatur, quæ non ludis sed prædicatione inculcari debet; ea etiam conditione, ut id raro fiat, & adhibito consilio classis Ecclesiastica, cui primum compositio communicabitur.* In his, quæ aliquando cum aliis constitui & probavi, nunc acquiesco. *Hactenus Rivetus, cujus sententiæ ut & decreto Ecclesiarum Gallicarum, ita hæcenus accedo, ut putem fas mihi esse, allatis solidis rationibus, respectu quorundam, in alia omnia discedere. Ut vero pateat, fas non esse ulli, simpliciter quæcunque spectacula, in se sane Adiaphora, condemnare, quadruplici genere argumentorum illud comprobandum venit. Primum desumptum est à materia, quæ est honesta atque gravis, simul decora atque loco & tempori conveniens, quæ sic tractatur, ut serviat honestati morali tum excitandæ tum fovendæ. Secundum, respicit finem, qui non est alius, quam honesta oblectatio, quæ oritur ex viva repræsentatione eorum, quæ serviunt concitandis affectibus, ad amorem rerum honestarum, & serium odium omnium eorum, quæ turpia sunt. Nam cum ratione dictum est à Dionysio Halicarnassæo: *Comædiam sub ludicra larva philosophari.* Inde recte monet Aristoteles lib. 7. Polit. cap. 17. quod ludi tales esse debeant, ut sint imitationes eorum, quæ postea serio sunt facienda. Et Cicero Orat. pro Sex. Roscio: *Hæc conficta à Poëtis arbitror esse, ut effectos nostros mores in alienis personis, expressamque imaginem nostram vita quotidiana videremus.* Quicquid aliis videatur, ego non video, cur, cum liceat repræsentationes rerum vere gestarum legere, pariter non liceat, repræsentationes earundem vivas videre atque audire? Tertium concernit multiplices fructus, qui redundant in actores, modo personam suam convenienter sustinere sciverint: comparare siquidem sibi possunt, non modo notitiam rerum variarum atque experientiam, verum etiam singularem tum memoriæ tum elo-*

quii



quii in publico promptitudinem, adhuc gestus moresque comptiores atque magis decoros. Quod postremum ignorasse non videtur Terullianus lib. de anima, cum liberale & decore compositum corporis solum *scenam corporis* dixit. Nam elegantem & convenienter compositam convenit esse hominis faciem in Theatro, utpote omnium oculis propositam. Sic & Philostratus lib. de vit. Sophist. in Polemone notat σκηνην, ἢ ἐς τὰς μελέτας ἐχρήσατο: per scenam intelligendo corporis modum & compositionem. *Quantum*, seu postremum complectitur multiplices usus, qui redundare possunt in ipsos spectatores & auditores, qui, si modo animo fuerint attento, unius alteriusve horæ spatio plura cognoscere possunt, altiusque animo imprimere, quam privatim longo tempore atque multo labore. Quod neque ignarum fuit Imperatori Justiniano, s. 9. Instit. de grad. cognat. *Magis veritas* (inquit) *oculata fide, quam per aures animis hominum insigitur*. Præterea sæpe actores quam artificiose perstringunt vitia inveterata publice; grafantia, quod alii certe vix tanta cum *παρρησία* auderent. Nec absque fructu: prout contigit circa Reformationis initia in Anglia, uti observavit vir pietate atque doctrina conspicuus Johannes Foxus in Historia Ecclesiæ Anglicanæ. Similiter in Belgio comædiæ, à viris doctis scriptæ, cum exhibentur quam graphice in Theatro Babylonis turpitudinem, haut parum sub initium Reformationis quam plurimos commoverunt, nec minus cum fructu spectatorum prostituerunt Antichristianam doctrinam, quam Orthodoxam veritatem eidem oppositam asseruerunt. Ita Guilielmus Gnaphæus vir doctus, & constantissimus Confessor, scripsit Acolastum, sive, de filio prodigo Comædiam, item Hypocrisin, quæ Tragi-comædiæ rationem habet. Institutum illius multi postea secuti fuerunt. Non omnibus tamen æque successit. Exemplo sit Antonius Scorus Antverpianus, de cuius comædia, sub Frederico II. Electore Palatino exhibita in Academia Heidelbergensi, ex re est audire Hubertum Leodium lib. 13. Annal. *sic loquentem*: Composuerat comædiam Antonius Scorus Antverpiensis, qui in Heidelbergensi Gymnasio bonas literas profitebatur, & suis pueris, quos privatim docebat, domi inter paucos & in privato conclavi recitandam dederat. In ea erat Eusebia, sive Religio, quæ hospitium querens apud Magnates, nusquam admittebatur, sed prætexente quolibet negotium, repudiabatur: tandem ad rusticos & pauperem plebeculam divertens, gratum invenit domicilium. Facinus ingens ad-

Sff 2

missum



missum illico perfertur ad Cæsarem, & piaculum sanguine diluendum proclamatur. Quare postposita omni mora, ad Principem Palatinum scribi mandat, ut gravissime non solum in auctores, sed in omnes, qui vel factio vel dictio id ludicrum juvissent, animadverteret, vel ipse Cæsar ad suum officium pertinere arbitraretur, curare, ne scelera remaneant impunita. Quo enim loco futuros Magnates, si fugere & proscribere Religionem in scenis decantarentur? Moverant prima statim facie non parum literæ Principem, qui omnium prorsus inscius erat. Facta autem diligenti inquisitione, deprehendit rem, eo, quo dixi modo, se habere: aufugit Scorus, aliquot pueri majusculi ab Academia Rectore carceribus coerciti: reliquæ innocenti turbæ quid faceret? *Huc usque Leodius.*

VI. Sed quanquam spectacula, ut Adiaphora, hæcenus *κατὰ τὴν* probanda esse, sufficienter evicisse videor; sic conditiones, sub quibus admitti possint, aliquanto diligentius definiendæ esse videntur. Atque, initio ratione materiæ occurrit difficultas non levis, an scilicet ea possit esse historia sacra, aut suppeditari à Scriptura? Supra ex Riveto exhibitum fuit decretum Ecclesiarum Gallicarum, quo illud per omnia improbat: ei accedunt plurimi ex Orthodoxis, qui existimant sacra cum devotione esse exhibenda, minime vero repræsentari ad excitandam hilaritatem, prout in Theatro solitum est. Quorum rationi hæcenus non obloquor. Sed, quis ita in Scriptura hospes, qui ignoret, præter mere Theologica, in ea doceri quoque Moralia, & speciatim Politica: variasque, quæ in illa occurrunt, historias, si ad vivum exhibeantur, mirum quam servire posse componendo homini sive ad honestatem moralem, sive etiam, ad vitam in Republ. commode & inculpate transigendam? Quæ historiæ, quando convenienter exhibentur, nequiquam ad ludum transferuntur, aut profanantur, sed ad vivum sic spectantibus repræsentantur, ut non possint non spectatores tum amore honesti accendi, tum etiam odio rerum turpium inflammari: quod illius non minus jucundi fructus, quam harum Tragici exitus vivis quasi coloribus delineantur. Atque si ipse Spiritus Sanctus Proverb. 7. ut deterreat hominem à fornicando, mores mulieris adulteræ cum omnibus turpitudinis circumstantiis voluit repræsentare; cur non pariter quoque in eundem finem historia sacra exhiberi & quasi delineari penicillo possit? Si enim licet pictoribus, ratione usus seu Oeconomici seu Po-

litici



litici illas in tabula delineare; cur non pariter quoque liceat eas per vivos homines convenienti elocutione & actione representare? Quicquid aliis videatur, à me nunquam impetrabo, ut simpliciter nefas esse pronunciem, argumentum sacrum artificiose in Comœdiam aut Tragicœdiam redigere. Probatur mihi, ratione sacrarum historiarum, non vero ulterius, quod habet Cornelius Schonæus, quondam Gymnasiarcha Goudanus, author Terentii Christiani, in Prologo sui Nehemiæ, ubi comparans actores suarum fabularum cum verbi Divini præconibus, non inconcinne dicit:

*Quod hi in sacris adibus è suggestu docent,*

*Hec nos spectandum proferemus plenius.*

*Magis, ni fallor, mens vobis movebitur,*

*Cum rem, uti gesta est, cernetis exhiberier.*

Schonæi exemplum, qui varias sacras Historias seu socco, seu coturno induit, imitati sunt plurimi. Buchananus Jephthen, & Joannem Baptisten scripsit. Nicodemus Frischlinus Rebeccam. Georgius Macropedius, Lazarum Mendicum, Asotum, Susannam. Rochus Honardus Thamaram Tragicœdiam, & Mosen Nomenclasten. Hugo Grotius Adamum Exulem. Daniel Heinsius Herodem Infanticidam: alique plures (quos commemorare longum foret) alias Historias sacras simili ratione tractarunt. Quæ absque piaculo scribi possunt, ut per homines in Theatro exhibeantur, cur quoque exhiberi non possent? Audio quidem dici, Actores sæpe orantes introduci, preces histrionicas non debere esse, quod veri adoratores *in spiritu & veritate* orare debeant, Johan. 4. vers. 23. Sed, quis iis dixit, actores pios & graves non posse cum devotione in ipso Theatro Deum invocare, ex mente personarum sacrarum, quas pro tempore sustinent? In quam multos, qui tamen membra Ecclesiæ habentur, non quadrat illud Apostoli Jacobi cap. 4. 3. *Petitis, & non accipitis, eo quod male petatis, ut in voluptates vestras insumatis.* Cor precantis intuetur solus Deus: atque, ut pro concione Sacra (spero semper devote) Verbi Divini minister sæpe precatur (addita sua quoque Paraphrasi) sive ex mente Davidis, sive Danielis, sive alterius Sancti, (imo ipsius quoque Christi) cur non pariter pius actor, sustinens personam hujus illiusve Sancti, devote precari

§§ 3.



precari posset in Theatro, è quo suos spectatores laborat erudire non modo, sed & meliores dimittere? Miror vero illos, quibus hujus ordinis argumenta usque adeo displicent, ferre non modo posse ut pueris teneris in Schola Terentius prælegatur, sed ut integras quoque ejusdem fabulas memoriæ, pro illa ætate tenacissimæ inscribant. Audiatur de iis Augustinus lib. 1. Confess. cap. 16. quod caput ut habet hanc inscriptionem *in lascivas Fabulas*, ita ibidem inter alia hæc habet: Hinc verba discuntur, hinc acquiritur eloquentia rebus persuadendis sententiisque explicandis maxime necessaria. Ita vero non cognosceremus verba hæc, imbrem aureum & gremium, & fucum & templa cœli, & alia verba quæ in eo loco scripta sunt, nisi *Terentius* induceret nequam adolescentem, proponentem sibi Jovem ad exemplum stupri, dum spectat tabulam quandam pictam in pariete, ubi inerat pictura hæc: Jovem quo pacto Danaæ misisse ajunt in gremium quondam imbrem aureum fucum factura mulieri. Et vide quemadmodum se concitat ad libidinem, quasi cœlesti magisterio. At quem Deum (inquit) qui templa cœlo summo sonitu concutit, ego homuncio id non facerem? Ego vero illud feci, ac libens. Non omnino per hanc turpitudinem verba ista commodius discuntur, sed per hæc verba turpitudine ista confidentius perpetratur. Non accuso verba quasi vasa electa atque pretiosa: sed vinum erroris quod in eis nobis propinatur ab ebriis doctoribus, & nisi biberemus, cederemur, nec appellare ad aliquem judicem sobrium licebat. *Hactenus Augustinus*: cujus exemplo Chrysostomus Hom. 1. in Psalmum quinquagesimum invehitur quoque in Terentium, dum ejusdem Chæream insectatur. Eoque in ipsa primitiva Ecclesia loco Paganicarum Fabularum, Christianæ Comædiæ pueris prælegi cæperunt. Ex re est audire Sozomenum lib. 6. Histor. Tripart. cap. 37. *Apollinaris* (inquit) cum esset doctus & simul ingeniosus, pro Homeri poemate, versibus Heroicis Hebraicam conscripsit antiquitatem usque ad Imperium Saul, & viginti quatuor libris opus omne divisit, unicuique libro nomen literæ ponens, secundum Homericam lectionem. Fecit autem & aliud opus secundum Mœnandri fabulas, Comædiæ similitudine comparatas, imitatus etiam Euripidis Tragædias, & Lyram Pindari. Et (ut absolute dicam) ex divinis scripturis argumenta sumens, omnes Encyclicas lectiones tempore parvo composuit, numero, virtute, moribus, conscriptione, charactere, & dispositione, Græcis valde pares. Interim circa ea, quæ hæc-



hactenus videor sufficienter probasse, cautela quædam observanda sunt. I. Mysteria & dogmata mere Theologica neququam numericis Comicis comprehendenda: angusta quippe nimis sunt nec æque atque Historica argumenta representari possunt. II. Nihil heterodoxi admisceri debet, ut vulgo fit à Jesuitis, qui per fabulas (iis exhibendis asuefaciunt suos discipulos) virus Antichristianæ doctrinæ spectatori- bus quam amabile reddere laborant. III. Deus, qui est invisibilis & omnipotens, neququam est exhibendus, nec opera ipsius arguentia infinitam potentiam sunt representanda. IV. Christus quoque temere producendus non est: nam licet induerit hominem, atque ut homo in terra fuerit conversatus, tamen humanæ ejusdem naturæ inseparabiliter perpetuo Divina fuit conjuncta; nefas vero est, ejusdem miracula, quæ edidit per Dei digitum, sibi natura competentem, velle æmulari. V. Angelos quoque non exhiberem: licet enim sint creaturæ, sunt tamen *πνεύματα*, Hebr. 1. & corpora, in quibus subinde comparuerunt, fuerunt duntaxat externæ exuviæ, ad eorundem naturam nullatenus pertinentes. Amplius ratione materiæ quæritur, an argumentum fictum, sive, fabula, aut parabola possit esse argumentum Theatri? Teste Plutarcho in Laconicis Instit. Lacedæmonii comœdias & tragœdias non audiebant, *ne, vel serio, vel joco contra leges dicentibus aures præberent*. Tali argumento minus æquus quoque est Scriptor cæteroquin gravissimus Dionysius Halicarnassæus, ita enim per Interpretem lib. 2. Antiq. Rom. cap. 20. *Græcorum fabulis exigua insunt bona, nec multis prosunt, nisi qui scopum earum accurato examine cognoverit: quæ quidem sapientia paucis contigit*. Item Seneca lib. 1. de Benef. cap. 4. *Ista ineptia Poëtarum relinquatur, quibus aures oblectare propositum est, & dulcem fabulamnectere*. Cæterum cum placuerit Deo ipsi, sub Veteri quoque fœdere populum suum de statu regiminis edocere per Apologum de arboribus Regem eligere volentibus, Jud. 19. Davidem ad resipiscentiam adducere per argumentum fictum de divite cui multæ oves, & paupere cui unica erat agna, 2. Sam. 12. apposite quoque proponatur fabula de carduo & cedro, 2. Reg. 14. vers. 9. Christus vero Doctor Novi Testamenti per parabolas auditores suos, alias quam rudes, ut plurimum erudire, atque è tenebris ad lucem Evangelii perducere instituerit: omnino statuendum, ficta quoque argumenta exhiberi posse, modo per ea obtineri convenienter queat scopus fabularum, quarum publicam exhibitionem permittimus.

Quod



Quod enim de fabulis Æsopi dicit Max. Tyrius Dissert. 33. hic usur-  
 pari potest: *Καὶ ἀμύμηκται ἐν τοῖς λόγοις τέτοις νῦν βεβήχως, ἀνιψόμενός*  
*τι τῶν ἀληθῶν.* Breviter moralem sensum continent hæc fabula, occulteque  
 quasi innuunt veritatem.

VII. Ratione modi agendi quæri quoque solet, an actores fabularum scæ-  
 xus dignioris, induere queant habitum scæmineum? Negativa senten-  
 tia placet multis, quos movit Lex Dei Deut. 22. 5. At quæ illius mens  
 sit, fusc expendimus supra Exercit. xxv. nec putem eam obstat quic-  
 quam receptæ consuetudini. Tantum vero abest, ut hac ratione immi-  
 neat periculum ab abominanda illa turpitudine, quam tangit vere-  
 cunde Apostolus Rom. 1. vers. 27. grandius longe periculum immi-  
 net, si puellæ aut virgines (quod sæpe actio personam scæmineam exi-  
 gat) Juvenibus in Theatro permisceantur. Certe flamma fumo est  
 proxima. Exemplum habet Jesuita Mariana in libro de Spectacu-  
 lis; quum enim in Hispania esset histrio concinne Christum exhibere  
 solitus, & scæmina quæ ordinario Magdalenam poenitentem represen-  
 tabat, tam arcta inter eos coaluit amicitia, ut aliquando in adulterio  
 deprehenso fuerint. Ne jam dicam à talibus virginibus, si pulchriores  
 & comptiores fuerint, non levè quoque periculum imminere specta-  
 toribus. Recte Sirachides cap. 9. 5. *Virginem ne studeas habere notam,*  
*ne quando offensionem subeas.*

VIII. Hisce præmissis, ordine proponi debent conditiones, sub quibus  
 quædam spectacula, ut licita, putem admitti posse. Ergo I. Materia,  
 sive sacra, sive profana, sive vera, sive ficta, serviat non corrumpendis,  
 sed emendandis Spectatoribus. II. Ea tractetur caste, verecunde,  
 decore, & graviter. III. Absint turpiloquia, execrationes, juramen-  
 ta temeraria, multo magis repræsentationes rerum obscenarum. IV.  
 Actores neque ore, neque oculis, neque ullo gestu exhibeant quid  
 lascivi. V. Exhibeantur tempore opportuno, hic siquidem cum maxi-  
 me cogitandum est illud Salomonis Eccles. 3. 4. *Tempus est flendi, &*  
*tempus ridendi: tempus plangendi, & tempus saltandi.* Ut enim secundum  
 Horatium lib. 4. Od. 12.

*Dulce est (adde, honestum) desipere in loco.*

Ita ex admonitione Apostoli Rom. 12. 15. convenit gaudere cum gau-  
 dentibus, & flere cum flentibus. VI. Exhibeantur quoque raro: nam  
 præterquam quod rarior usus magnas voluptates commendat, non  
 convenit, homines à negotiis vitæ quotidianæ avocare ad Theatrum,  
 ne



ne similes reddantur populo Romano, qui dulcedine spectaculorum quotidianorum plectus, secundum Satyricum, præter Panem & Circenses nihil cepit optare. 7. Actores fabulis ediscendis, & compositione actionis nimis non distrahantur. 8. Non adhibeantur sub finem ludii lascivientes, aut mimi mordaces, qui excitando effusum risum, suffocent virtutis fomitem, quem fabulæ exhibitio post se relinquere debet. Minime comptiores virgines, aut Psaltria. Notum est illud Sirachidis Ecclesi. 9. 4. *Cum Psaltria ne sis assiduus, ne capiaris institutis illius.*

Ex iis, quæ hæcenus dicta sunt, facile respondere licet ad quæstio. IX. nem, quæ queritur, an probandum sit institutum alicujus Magistratus, qui in magna sua urbe constituit Theatrum, in quo quaque hebdomada binæ ternæve exhibeantur fabulæ, pro quarum spectaculo, qui admitti velint, solvant certum pretium, cessurum usibus pauperum? Quicquid quidam hic jactant, neutiquam à viro pio probari potest, ac deplorandum est, quod Magistratus, cæteroquin prudens, institutum non mutet. Ne repetam ea, quæ dicta sunt, Quatuor amplius cogitari velim. 1. Non video, quo colore, in urbe ubi vicinus vicino laborandi exemplum dat, cives, maxime Juvenes invitari possint ad ea, quæ non nisi hominum otiosorum laxamenta sunt. 2. Quum à tot annis passim orbis Christianus tam graviter à Deo castigetur, imo illi ipsi urbi judicium Dei incubuerit, (si non incumbat adhuc) plurimis quotidie ex ejusdem inquilinis, sub manu Dei ingemiscuntibus, quis (in quo modo mica pietatis fuerit) non stomachetur, quod de anno in annum, absque ulla intermissione, pateat Theatrum? Gravis est comminatio illius Dei, (*qui est ignis consumens* Heb. 12. vers. ult. *quique non irridetur*, Gal. 6. 7.) quæ occurrit apud Amosum cap. 6. vers. 3. & seqq. *Va longe repellentibus diem mali, &c. modulantibus ad præscriptum nabliti, qui sicut David, excogitant sibi instrumenta Musica, &c. neque assiciuntur egritudine propter confractionem Iosephi. Idcirco migrabunt inter primos migraturos: tunc cessabit amovebiturque designatio redundantium.* 3. Inspiciantur quoq; Actores, & qui Moderatores audiunt Scenæ. Sintne sufficienter cõpositi ad illas lineas, quæ definitæ cum ratione sunt? qui ad eos connivent, eisdemque foveant, etiam explorare debent, quæ ab iis fiunt, nam rationem suo tempore Deo reddent tum suæ vitæ, tum regiminis, tum etiam horû, circa quæ nimium quâ indulgent. Homines vitæ profani, atq; scenæ lucelli ergo (quod ut dimensum accipiunt) addita, coq; spectaculorû frequentiam optantes, neutiquam idonei Actores

T t t

(propter



propter illa, quæ antea sunt dicta) haberi possunt. 4. Utinam observarentur quoque illa, quæ in Theatro representant? Similes sese exhibent circumforaneis histrionibus, quos supra notavimus; simul existimant sibi concessum esse privilegium, ut non modo inferioris ordinis hominum, sed Superiorum quoque errata & ἀμαρτήματα impune possint γεωγίζεν, atque ante ora spectatorum cum fœnamento scurrilium facetiarum traducere. Non proponerem hæc, nisi publice nimis quam nota forent. Vellem animadverterent illi, qui & potestatem habent coercendi, & ad quorum probum pertinet tolerantia talis Theatri. Ambigunt viri prudentes, unde foveatur ejusmodi tolerantia, nimis quam Spartana. Qui existimant se omnia perirari posse, eam imputant putide obsequiosæ adulationi eorum, quorum venter per Theatrum sustentatur. Sed, estne Magistratum prudentium attendere ad præconia Histrionica? Alia mens erat Trajano Casari, de quo ita Plinius in Panegyrico, quem ei dixit: *Et quis (inquit) jam locus misera adulationis manebat, cum laudes Imperatorum ludis etiam, & comestationibus celebrarentur, saltarenturque, atque in omne ludibrium effeminatis vocibus, modis, gestibus frangerentur? Sed illud indignius, quod eodem tempore, in Senatu, & in Scena, ab histrione, & a consule, laudabantur. Tu procul à tui cultu ludicras artes removisti. Seria ergo te carmina, honorque æternus Annalium, non hac brevis, & pudenda prædicatio, colit. Quin etiam tanto majore consensu in venerationem tuæ theatra ipsa consurgunt, quanto magis de te scena silebunt.* Nero ob animum efferatum, monstrum habetur jure merito: & tamen, sub ejus imperio, ipsi Histrionum fautores in carcerem fuere deducti. Testis Tacitus lib. 13. Annal. cap. 28. ita scribens: *Inter Vibullium prætorem, & plebis tribunum Antistium, ortum certamen, quod immodestos fautores histrionum, & à prætore in vincula ductos, tribunus omitti jussisset. Comprobavere Patres, incusata Antistii licentia.* En! Senatus Rom. alias circumscriptus, non improbane Nerone, qui cæteroquin scenæ erat adidicior, censuit histrionum fautores carceri mancipandos esse. Utinam cogitent viri Summates! Nec sententiam muto, quod ejusmodi histriones censeantur prodesse pauperibus. Generalis est Apostoli regula: *non sunt facienda mala, ut veniant bona*, Rom. 3. vers. 8. Atque vix pauperibus, imo curatoribus eorum præ cæteris, si egestati aliter succurri non queat, quam per peccatorum veſtigalia. Providio Deus, cujus hæc Lex occurrit Deut. 23, vers. 18. *Ne inserto mercedem*

ſorti



DE MUSICA ORGANICA IN TEMPLIS. 315  
scorti aut pretium canis in domum Iehovæ Dei tui, pro ullo voto. Ille idem  
Deus hoc persuadeat Unctis suis!

## EXERCITATIO XXX.

DE

# Musica organica in Templis.

1. **O**ccasio hujus controversiæ in Belgio notatur. Priusquam Controversiæ status formatur, ostenditur quam infeliciter D. Voetius, qui hic dissentit, Authores aliquos citaverit.
2. Musica instrumentaria in V. T. instituta & ordinata fuit à Davide, ex præscripto Prophetarum ipsius.
3. Quomodo cantus publicus in Ecclesiis N. T. fuerit receptus?
4. Inquiritur, quando Musica instrumentalis recepta fuerit in Ecclesiis N. T. quid sit *ψαλμωδία*?
5. Non videtur Organum in Occidentalibus Ecclesiis receptum fuisse, ante annum Christi 766.
6. Pontificii multa nobiscum desiderant circa cantum quoque vocalem.
7. Distinctius exponitur, quænam circa cantum Ecclesiasticum debeant attendi.
8. Organum Musicum, Phonauci vicem in Ecclesia supplere posse.
9. Quod tamen non est simpliciter necessarium.
10. Respondetur ad argumenta D. Voetii, quæ ipse directa vocat.
11. Occurritur indirectis D. Voetii rationibus.
12. Exarantur D. Voetii rationes, secundum ipsum, ad hominem.
13. Quatenus D. Voetio faveant, decreta quarundam Synodorum Belgicarum?

**N**emo usque adeo in Belgio peregrinus est, qui nesciat? I. Ecclesias Orthodoxas in felici illa regione, ab anno quadregesimo primo hujus seculi inquietari cœpisse per illos, qui cum sint *ἰδιογλώσσους*, rerum in se Adiaphorarum alium usum non permittunt, nisi qui examissim respondeat præconceptæ suæ opinioni, pro qua retinenda vadimonium quoque deferere vellent. Eo anno Belgico idiomate libellum de Usu atque abusu Organorum ediderat Vir vere Nobilis D. Constantinus

T t t 2

Hugens



Hugens, Toparcha in Zulichem, tum temporis Illustrissimo Principi Aurico HENRICO FREDERICO à Secretis & consiliis. Quo cum notasset varios abusus Organi Pneumatici, in variis Belgii Ecclesiis pulsari soliti; erudite contendit, (si modo statuatur retinendum esse) debere moderari Plalmodiam, per imperitiam vulgi, sæpe quam inordinatam. Libellus hic ut à Magnifico Authore missus fuit ad varios, ita ex Theologis Belgis eum approbarunt *ὁ πρῶτος* D. Johannes Polyander, Theologus Primarius in Academia Leydensi, Ludovicus de Dieu, & Abrahamus Heidanus, viri summi & celeberrimi, ibidem tum verbi Divini ministri: atque ex reliquis Professoribus, viri toto orbe inclyti, Daniel Heinsius, Adolphus Vorstius, & Jacobus Golius, præter alios plurimos viros, vere egregios, qua Ecclesiasticos, qua Politicos, quorum responsa simul edita sunt eodem anno. Consultus quoque erat D. Gilbertus Voetius, Theologus Ultrajectinus; at iudicium suum pro tempore suspendit, contentus sic rescripisse 8. Eid. Martias 1641. *Iudicium meum, voluissem nunc quidem per scribere, nisi impedirent alie quaedam meditationes, quarum editio nunc urgetur: Et accuratori diatribæ, aliquando publicandæ, totum hoc, quicquid est, reservarem.* Quod promiserat, præstitit quoque vir Rev. eodem anno proponendo duas Disputationes, habitas d. 3. & 10. Julii de *Organis & cantu Organico in sacris Resp. Ioanne Heimenbergio*, hoc tempore ibidem pastore Reverendo. Statum vero controversiæ Th. 3. sic format: *Queritur an Musica instrumentalis, seu cantus organicus, sive seorsim, sive Musica vocali immixtus, sit aut necessaria, aut saltem utilis pars cultus publici in Ecclesia: seu, an sit aut pars, aut actus religionis; saltem conditio, requisitum, medium, adminiculum religionis publice aut communiter in Ecclesia N. T. exercenda, idque ex iure Divino?* Ut vero ipse negative responderet; ita, pro statumina sua sententia, more & fide solita (hoc est Voetio-Punica) adducit varios Theologos, Orthodoxos quasi, qui sibi hic sint *ὁμόψυχοι*. Priusquam vero ipsum controversiæ statum definimus, ex re fuerit quosdam ex his Theologis adduxisse, quo tum pateat, qua fide Vir Rev. eos adduxerit, tum etiam ut status controversiæ secundū illos convenienter constitui queat. Incipere à Calvino, nisi ipse Nobil. D. Hugenus libelli sui p. 73. & seq. ostēdisset, eū non simpliciter infestū esse organis, sed sub hac solū hypothesi, quatenus non faciūt ad ædificationem. Eoq; accedo proximo ad Musculum, qui ut à viro Rev. laudatur ex Comment. ad c. 14. ep. I. Pauli ad Corinthios, sic sequētia solummodo offendo ad vers. 7. *Quo ins*



usu tempore Pauli fuerint apud Corinthios tibia & ciithara; non constat, ut opinor: notas tamen & usitatas vulgo fuisse, satis ex illo patet, quod ab illis argumentatur hoc loco Apostolus. &c. (tuto hæc omitti possunt, quod respiciant varios ulus instrumentorū Musicorum inter diversas gentes) Non est autē ut hoc Apostoli loco defendamus delicias organorum musicorum, templis Papistarum subintroductas, quas sane nunquam probassent, ne Ethnici quidem, severioris disciplina studiosi. Danæus dein adductus ex Isagog. part. 4. cap. 26. nihil, quod favere possit, habet, quam subsequenter verbis continetur: Apparet certe jam inde ab ipsis Apostolorum temporibus morem consuetudinemque cantandi in Ecclesia fuisse publice receptum, non qualis quidem hodie est in Ecclesiis Papisticis. Beza in Theſibus quas proposuit Lutheranis in Colloquio Monpelgardenſi, habito anno 1586. hæc habet: Quod attinet ad Organa Musica, Musicen minime damnamus: sed ubi cantatur harmonice quod mente non intelligitur, res ipsa ostendit, quid inde consequatur: nempe ut paulatim magna pars cultus Dei in cantiunculas mutetur, & non Dei verbo mentes pascantur, sed inanibus sonis aures mulceantur. Et deinde in Annotationibus ad notas Marginales Jacobi Andree: Musicæ absit ut legitimus usus, tum ad honestam oblectationem, tum in primis ad canendas Deo laudes comparatum, reprehendamus. Sed neque talis oblectationis causa sacros habent conventus Christiani, neque nobis unquam persuaserit, D. Andreas, ut ipsius monitis potius obsequamur, quam Apostolum audiamus, qui, si merito peregrinarum linguarum usum absque interprete in Ecclesiastico cætu prohibuit, multo minus sonos illos Musicæ Harmonicæ, quibus aures solæ, iis qua cantantur nullo modo, ne ab iis quidem qui cantant plerumque intellectis feriuntur, in Ecclesia tolerasset. Perkinſus pariter productus in Probl. Theol. pag. 365. hæc solummodo habet: Instrumenta Pneumatica ortum habuerunt circa ann. Dom. DCLX. Platina in Vitaliano. vel anno DCCCXX. Aimonus de gestis Franc. lib. 4. cap. 114. Navarrus in lib. de Oration. & Horis Canon. cap. 16. ait, temporibus Aquinatis usum Organorum nondum receptum fuisse. Cantus modulatio improbatæ est à Gregorio lib. 4. epist. 44. de gestis Synodi habitæ in Urbe. Piscatoris verba in Observationibus ad Psalmum xxxiii. sunt qua sequuntur: In congregatione Ecclesiastica decet Deum laudare cantu. Sed queritur, an in Novo Testamento ad cantum Ecclesiasticum adhibenda etiam sint instrumenta Musica, ut adhibebantur tempore Davidis, & deinceps in Veteri Testamento? Ratio dubitandi est, quod ille canendi modus videtur fuisse pars pædagogicæ Mosaicæ. Respon-



deo: Quum talis canendi modus nusquam à Deo præceptus sit, nec vetitus, apparet natura sua ἀδιαφορον esse. Sed interim videtur, Novo Testamento magis convenire cantus simplex vocalis: quippe ad quem solum Paulus hortatur fideles Ephesios, Ephes. 5. vers. 19. Item fideles Colossenses, Colos. 3. vers. 16. Nam etsi in dicto ad Ephesios utitur verbo ψάλλειν, quod significat canere fidibus: tamen videtur & significare cantum, quo Psalmi sacri canuntur ore. *Hactenus Piscator.* Rivetus autem in Prolegomenis ad Psalmos, sic commentatur: Usus Organorum pro re adiaphora habemus; quamvis ex Ecclesiis omnino sublatum magis probarem, ne *veniant ad templa nonnulli, non tam religionis gratia, quam ut videant & audiant quod oblectet.* Quo nomine taxat gentes Lactantius Instit. lib. 2. cap. 7. & Erasmus, magnum Bataviæ ornamentum; in annot. ad cap. 14. 1. ad Cor. conqueritur, operosam quandam & theatricam musicam in sacras aedes fuisse inductam, qualem non opinatur in Græcorum aut Romanorum Theatris auditam unquam fuisse. Omnia tubis, lituis, fistulis, & sambucis perstreperere. Tolerari potest, quod in quibusdam Ecclesiis Belgii Reformati, organa cantum communem populi dirigunt, ne ex multorum ignorantia oriatur dissonantia. Cavendum tamen, ne, tali prætextu, iterum abusus redeat. *Hac quoque Rivetus.* Pareum, & Copenium Theologos Palatinos, pariter à D. Voetio citatos, Organico cantui infestiores fuisse, nemo mirabitur, si observaverit eos membra fuisse illius Ecclesiæ, quæ Organa in universum è templis proscripserat. Idem existimandum est de τῷ ἐν ἀγίοις D. Altingio, quondam Collega, qui vestigiis eorum utpote Collegarum suorum in Academia Heidelbergensi insistit, in Exegesi Confessionis Augustanæ: interim nunquam audiui, quod hic vir Reverendus, qui per plures annos fuit Senior Ecclesiæ Groninganz, huius praxin fuerit infectatus: nam hic, à quo tempore publice recepta fuit Orthodoxa religio, Organum perpetuo direxit & ordinavit cantum Ecclesiasticum. Ita viri prudentes pro diverso loco & tempore de iis, quæ in se sunt Adiaphora, diversas opiniones fovere solent. Idem existimandum est de Zeppero, in hac controversia præ aliis ad suffragium vocato ab Authore Altaris Damasceni, D. Voetii Hyperaspiste. Tilenum minus moror, quod cum scriberet illa, quæ non minus D. Voetio quam Authori Altaris Damasceni arrident, ad statum suæ vocationis in Academia Sedanensi eadem composuerit; nullus autem dubito, quin Organorum,



norum, quæ antea improbaverat, cœperit esse fautor maximus, ex quo fermentatam Parænesin scribere sustinuit pro Hierarchico in Anglia regimine: mirandum autem summopere, quod D. Voetius huic Ecebolii socio aliquid tribuere sustineat, quum virulentum ejusdem scriptum contra Quinquarticulos Synodi Dordracenæ articulos, usq; ad opprobrium Authoris, satyrice, adhuc Ecclesiæ Heusdanę duntaxat Minister, exagitaverit. Interim, ex ipsis hisce Theologis, laudatis à D. Voetio, quatuor hæc conscripta colligere licet. 1. Quod Organorum in concione sacra usus sit Adiaphorus. 2. Quod iis non liceat uti ad aurium delicias, quemadmodum fieri solet in templis Papiisticis. 3. Quod horum Organorum usus non sit institutus ab ipso Christo, aut Apostolis ipsius: aut etiam receptus fuerit in primitiva Ecclesia. 4. Quod organa legitime possint tolerari ad moderandum cantum Ecclesiastici cœtus, futurum alias dissonum. Principalis vero quæstio est hæc: *An in Ecclesiis Reformatis Organa Pneumatica, graviter & convenienter ordinata, servire possint moderando cantui cœtus Ecclesiastici, alias dissonos modulos exhibere soliti?* Ad quam Quæstionem ut affirmative respondeo; ita responsionem nostram tam solide (præmissis tamen nonnullis) cum bono Deo astruam, ut simul omnibus D. Voetii argumentis æque solide responsurus sim.

Nolo vero hic differere de laudibus Musicæ tum vocalis, tum instrumentalis, ab aliis hoc sæpius factum fuit, & minus scopo meo convenit. Qua occasione Musica instrumentalis in sacris ipsius Veteris Testamenti recepta fuerit, ante omnia expendere convenit. Atque, ut Deus per Mozen ordinavit cultum Cæremonialem, ita tubas argenteas dedit sacerdotibus, Num. 10. 1. 2. quibus convocabatur plebs ad concionem, principes ad consultandum de Republ. simul iis signum dabatur ad movenda castra. Plebem convocantes utraque clangebant, Principes una: si vero essent movenda castra, clangebant cum vociferatione. Præterea in usum anni Jubilæi Levit. 25. 9. sonabat יובל Iobel, qui sive fuerit tuba, sive cornu arietis, sive sonus cujuscunque cornu productior, sive etiam productior tubæ clangor, nostra non refert: interim videri potest consultissimus linguarum Orientalium Fullenius lib. 4. Miscell. cap. 8. Hoc certum est, ex ordinatione Dei per Mozen, qui integre cultum cæremonialem ordinavit, nullum fuisse instrumentorum Musicorum in sacris populi Israëliti. Primus David Rex, sub finem regni sui (scu, ut non male observat

Usserius



Uterius in Chronol. anno illius quadragesimo) eum instituit. Quum enim esset amarus Psalmis inter Israëlitas, 2. Sam. 23. vers. 1. constituit quosdam ad ministerium musicum in domo Dei, 1. Chronic. 6. 31. qui prophetarent, (hoc est, omnia in Musicis peragerent, ex praescripto Davidis, qui iis, ut Propheta, Psalmos praescripserat: ita enim haec vox quoque accipitur Efd. 3. vers. 10. 11. 2. Chron. 29. vers. 25.) citharis, nablis, & cymbalis, 1. Chron. 25. vers. 1. atque adeo incumbere Musica in domo Dei cum cymbalis, nablis, & citharis ad ministerium Dei, vers. 6. Ut vero haec ordinatio uni Davidi est attribuenta, quare & dicitur Nehem. 12. vers. 24. de Levitis cantoribus, quod laudarent & celebrarent ex praescripto Davidis, viri Dei; ita simul audio Theologum, alias summum, Rainoldum Lect. 187. ad Apocryph. libb. quod David hoc fecerit ex singulari praescripto Domini & Prophetarum ejus. Nam quanquam in confesso est, Davidem fuisse regem, atque ad illius officium spectasse, ut in domo Dei omnia decenter & ordine fierent, 1. Cor. 14. vers. 40. atque ipse de se ipso sic loquatur, Psal. 119. vers. 99. 100. Omnibus doctoribus meis intelligentior fio, quia testimonia tua meditatio mea sunt: senibus prudentior sum, quia mandata tua custodio: ac proinde pro sua experientia sacra, canendi vices potuerit distribuere inter Levitas, quod judicaret hoc servitutum non minus ordini, quam Dei gloriae; ex speciali tamen revelatione, quae facta fuerat suis Prophetis, hoc fecit, prout patet luce meridiana clarius ex 2. Chron. 29. vers. 25. ubi de Ezechia loquitur Scriptura: Restituerat autem Levitas in domo Iehova cum cymbalis, cum nablis, & cum citharis ex praecepto Davidis, & Gadis videntis regii, & Nathanis Prophetae: nam à Iehova praeceptum illud erat per Prophetas ejus. Nec tamen hoc nobis obesse, postea patebit, quod Musica haec instrumentaria haut magis typi rationem habuerit, atque ipse ordo, quem inter Levitas Regius vates constituit. An vero haec Musica servierit ruditati populi Israelitici, deinceps suo loco expendendum quoque erit.

- III. Accedendo ad N. T. in eo non nisi pro exercitio privato fidelibus cantus iungitur. Patet ex omnibus locis, in quibus cantus fit mentio. 1. Cor. 14. vers. 15. Apostolus de seipso loquens dicit: Psallam spiritu, psallam etiam intelligentia. & Ephes. 5. vers. 18. 19. ita fideles, qui erant Ephesi, alloquitur: Ne inebriamini vino, in quo luxur est, sed implemini spiritu: loquentes inter vos (ἐαυτοῖς) psalmis & hymnis & cansionibus spiritualibus, canentes ac psallentes in corde vestro, Domino.

Simi-



Similiter ad Colossenses loquitur cap. 3. 16. *Sermo Christi inhabitet in vobis copiose cum omni sapientia, docendo & admonendo vos (ἐαυτοὺς) psalmis, & hymnis, & cantionibus spiritualibus, cum gratia canendo in vestro corde Domino.* Nec non Apostolus Jacobus cap. 5. 13. *Bono animo est aliquis psallat.* Hæc omnia respiciunt Christianorum exercitia privata, neutiquam vero illa, quæ peragenda erant in conventu Ecclesiastico. Prout recte vidit Petrus Martyr in Comment. ad cap. 14. Epist. 1. ad Corinth. disputans enim de cantu Ecclesiastico, postquam adduxisset præcedentia Pauli verba ex Epistola ad Ephesios, hæc subjicit: *Ubi videas, Christianos admoneri, ut sibi ipsis & in cordibus suis canant. Ideo quoad sacros cantus, nihil inde evincitur.* Nec audio Beza qui Eph. 5. ἐαυτοὺς, explicat, per ἀλλήλους, ut sensus sit inter vos mutuo, & respiciatur cantus in cœtu: quomodo & fallitur circa locum ad Colossenses. Eoque cantus simplex in Ecclesia non quidem præscriptus fuit ab Apostolo, sed invaluit ex consuetudine. Ut gnarum quoque erat Augustino. Inde apud eum legas lib. 10. Confess. cap. 33. *Adducor canendi consuetudinem approbare in Ecclesia.* Receptus autem primitus fuit in Ecclesiis Orientalibus, ex Occidentalibus Mediolani secundum antiphonas cum primitus usurpante Ambrosio. Testis est idem Augustinus lib. 9. Confess. cap. 7. quo ut refert, quæ viderit Mediolani, ita hæc inter alia habet: *Tunc hymni & psalmi ut canerentur secundum morem Orientalium partium, ne populus mœroris tœdio contabesceret, institutum est: & ex illo in hodiernum retentum, multis jam ac pene omnibus gregibus tuis, & per cetera orbis imitantibus.* Mos autem in Orientalibus Ecclesiis invaluit non diu post tempora Apostolorum. Testis est Plinius Junior, Bithyniæ & Ponti Pro-consul, in famosa illa epistola ad Trajanum, quæ est 97. lib. 10. quam respiciens Tertullianus in Apolog. cap. 2. sic loquitur: *Plinius secundus, cum provinciam regeret, damnatis quibusdam Christianis, quibusdam gradu pulsus, ita tamen multitudine perturbatus, quid de cætero ageret, consuluit tunc Trajanum Imperatorem, allegans, præter obstinationem non sacrificandi, nihil aliud se de sacris eorum comperisse, quam cœtus antelucanos, ad canendum Christo & Deo, & ad confederandam disciplinam, homicidium, adulterium, fraudem, perfidiam, & cetera scelera prohibentes.* En! ut mentionem faciat cantus, in antelucanis cœtibus frequentari soliti. Eodem respicit Hieronymus in Chronico Eusebii, quando sic scribit ad annum MM CXXIII. qui decimus est Trajani: *Plinius Secundus quasivit de*

V u u

Traja-



Trajano, quid facto opus esset, nuncians ei prater obstinationem non sacrificandi, & antelucanos cœtus ad canendum cuidam Christo ut Deo, nihil apud eos reperiri. Ita vero canebant, ut se invicem canendo provocarent. Unde Tertullianus in Apologet. cap. 39. postquam de Agapis dixerat, subjungit: *Post aquam manualet, & lumina, ut quisque de Scripturis Sanctis, vel de proprio ingenio potest, provocatur in medium Deo canere.* Ac similiter scribit in secundo ad Uxorem libro: *Quod non modo faciebant in Agapis, sed & ordinariis conviviis.* Testis est Cyprianus lib. 2. epist. 2. (hæc est ad Donatum Epistola, è qua utpote culta & pexa Augustinus lib. 4. de Doctr. Christ. cap. 14. petit exemplum splendidæ & jucundæ dictionis) quando ita loquitur: *Sonet psalmus convivium sobrium: ut tibi tenax memoria est, vox canora, aggregere hoc munus ex more. Magis charissimos pascet, si sit nobis spiritalis auditio, proleat aures religiosa mulcedo.* Serius recepti fuerunt Psalmistæ: quod eorum officium fuerit, refert Isidorus, quando dicit lib. 2. de Eccles. Offic. cap. 13. *Ad Psalmistam pertinet officium canendi, dicere benedictiones, psalmos, laudes, sacrificii responsoria, & quicquid pertinet ad cantandi peritiam.* & cap. superiori illos refert ad antiquos illos Psalmistas, qui soli continuis diebus in templo canebant candidis induti stolis, ad vocem respondente choro. Plurimi illi erant in Ecclesia, maxime Constantinopolitana, quorum præcipuus à Justiniano Novel. 3. vocatur *πρωτοψάλτης*, à Latinis *primicerius cantorum*, ut à pluribus jam notatum est.

- IV. An, præter simplicem cantum, instrumentalis quoque in Ecclesia primitiva ex consuetudine (prout alter quoque) receptus fuerit, inter viros doctos contenditur. Exulasse è templis vulgo contendunt probare ex Justino Martyre, qui quæst. 107. à Gentib. proposita ita loquitur interprete Perionio: *Canere non omnino pueros decet, sed canere cum inanimis instrumentis, & cum saltatione & crotalis.* Itaque ex templis explosus est & sublatus usus instrumentorum ejus generis, aliorumque quæ pueris digna sunt. Ne jam dicam cum Possævino, non videri hoc opus centum & quadraginta sex quæstionum ad Justinum ut Authorem referendum esse: amplius, non simpliciter cantum Organicum in templis Justinus condemnat, sed levem, lascivum, atque superstitiosum; ideo dicit *μετὰ ὀρχήσεως καὶ χοροῦ.* Nam ad instrumenta Musica veteres quoque Christianos Dei laudes celebrasse, testis locupletissimus est Prudentius, poeta Christianus, in Apotheosi vers. 454. & seqq.

Quic-



Quicquid in are cavo reboans tuba curva remugit;  
 Quicquid ab arcano vomit ingens spiritus haustu;  
 Quicquid casta chelys, quicquid testudo resultat;  
 Organa disparibus calamis quod consona miscent;  
 Emula pastorum quod reddunt vocibus antra;  
 Christum concelebrat, Christum sonat, omnia Christum,  
 Muta etiam, fidibus sanctis animata, loquuntur.

Imo persuasissimum habeo, hoc docuisse ipsum Apostolum Paulum ad Ephesios I. d. siquidem non modo dicit ἁδοντες, sed addit ψάλλοντες, quæ sane Synonyma haberi non possunt. Ita & Coloss. 3. meminit distincte ψαλλόντων, ὕμνων, καὶ ᾠδῶν. De quorum differentia ex antiquis consulantur Hieronymus ad Eph. 5. & Chrysostomus ad Coloss. 3. ex recentioribus Beza ad posteriorem. Quanquam vero Syrus Eph. 5. pro eodem habuit ἁδεν καὶ ψάλλεν: differunt tamen, & Apostolus aliquid per ψάλλεν voluit innuere, quod non est ἐν τῷ ᾀδει. Quid vero ψάλλεν sit docebit tum ejus Etymologia, tum Glossarium, illud explicans. De illa ita Author Etymologici Magni: ψάλλεν, ἐπὶ τῶν χορδῶν τῆς λύρας, καὶ τὸ ψᾶν τὸ περιστρέφω, ἢ περιγυῶν ψάλλω. Ubi expresse innuit, ψάλλεν idem esse, atque chordas Lyrae, aut alterius instrumenti Musici pullando leviter tangere. In Glossario vero hæc occurrunt: ψάλλω, Nablizo, Psalmizo. ψάλλειον, Sambucum. ψάλλης, Nablío, Psalta. quæ abunde confirmandæ meæ opinioni serviunt.

Nec tamen in Ecclesia Christiana, pro publico quasi usu, primis V. seculis recepta est Musica organica. Fatentur ipsi Pontificii, titulo antiquitatis alias nimium quam addicti. Alios ne producam, unus Bellarminus instar plurium aliorum fuerit. Qui lib. I. de bon. operib. cap. 17. sub finem his verbis suam de Organis quasi Ecclesiasticis sententiam proponit: Nos fatemur usum instrumentorum musicorum non ita convenire perfectis & imperfectis, & ideo in Ecclesia sero admitti cepisse: primum enim tempore Vitaliani Pontificis circa annum Domini DC LX. Organorum usus in Ecclesia esse cœpit, si Platinæ credimus; si vero fidem habere volumus Aimonio lib. 4. de gestis Francorum, cap. 114. non ante Ludovici Pii tempora, id est, post annum Domini DCCC XX. Organa in Ecclesiis audita sunt. Hæc Bellarminus. Baronius σύγχρονος Bellarmino, atque si quis alius in Antiquitatibus Ecclesiasticis, versatissimus, Organum ex Oriente in



Occidentem advectum fuisse testatur ad annum à C. N. 766. per legatos Constantini Copronymi, quo tempore in Gallia Synodum agitatabat Pipinus. Hæc nos admittimus, atque ut admissa deprehendantur scopo nostro servire, deinceps per distinctas assertiones convenit proponere, quod circa cantum non minus simplicem, quam Organicum, prout in cæteris Ecclesiasticis frequentatur, eadem ipsi Pontificii arguere soleant.

VI. Ergo, referente Bochello lib. i. Decretorum Ecclesiæ Gallicanæ, Concilium Bituricense, celebratum in Galliis anno 1584. ita statuerat: *Crescente Ecclesia canendi & psallendi ritus publice, primum in Orientalibus, demum in Occidentalibus Ecclesiis, receptus est, & observatus: ad movendum & excitandum præsertim languentium & torpentium animorum affectum.* Atque Concilium Senonense jam anno 1528. sic decreverat: *In Ecclesiis, prætextu Musici cantus, non sunt audiendæ publicæ cantilene, & lascivæ.* Et iterum in Concilio Burdegalensi anni 1582. *Ab organis, & omni Ecclesiastico cantu, quavis Musica, lascivum quippiam & vulgares cantilenas, aut levitatem, similesque ineptias referens, omnino arceatur: sed gravis ubique sit, & divinis laudibus accommodata; ut ea circumstantium fidelium animi, ad majorem pietatem, devotionem, ac religionem inardescant.* Synodicis hisce decretis astipulantur ipsi Pontificii Doctores, illi saltem in quibus vel mica ingenui pudoris superfuit. D. Rivetus Cathol. Orthodox. tom. 2. qu. 36. præter Cajetanum produxit Lindanum, Ruremundanum Episcopum lib. 4. Panopl. cap. 78. graviter hæc insectantem, atque serio deplorantem, inter alia hæc proloquendo: *Unde illarum (ait) magis admiror constantiam Ecclesiarum, quæ istum prævidentes divini cultus abusum, semel musicam illam choro maluerunt excludere, uti Trajectensis & quod audio Lugdunensis: quam illarum (respicit alias Ecclesias) veneror magnificam, quam ipsi putant & jactant adeo majestatem, qua Dei chororum omni phonaſcorum syntagmate, vocum omnis generis discrimine, imo & tubarum clangore, cornutorum stridore, alioque strepitu vario, ne quid prætermittere videantur, quod cantici verba semel obscuret, sensumque sepeliat & obruat, sibi præclare videantur impleſse.* Astipulatur ipse Bellarminus: scribens enim in Psal. 46. hæc inter alia subjicit: *Significatur per vocem, Sapienter, ut Augustinus & Chrysostomus admonent, ut qui Psalmos canit, intelligat quod canit, & ex intelligentia mysteriorum moveatur affectus pietatis in Deum: in qua re videtur hac tempore non leviter peccari ab iis, qui officium canendi in Ecclesia susceperunt.*



runt. Et clarius adhuc, circa Titulum ejusdem Psalmi, mentem suam explicat quando dicit: Titulus admonet filios Core, quibus dabatur Psalmus canendus, ut intelligant quæ canunt, & ut auditores intelligere faciant. Quæ Admonitio cantoribus Ecclesiasticis memoria commendanda est. Cantus enim in Ecclesia spiritui deservire debet, & non soli aurium oblectationi. Nam sicut qui intelligenter & devote canunt, animos audientium rapiunt, ita qui Theatrales modulos in Ecclesiam invehunt, de domo Dei, scenam mundi faciunt. Hæc vero admonitio non minus concernit Musicam vocalem, quam Instrumentalem: ratione cujus si ipsi Pontificii culpent omne illud, quod scenam redolet, nã pariter quoque idem multo magis Reformatis displicere debet. Nam, suo jam seculo, recte Hieronymus, commentans in cap. 5. ad Ephes. scripsit: *Audiant (inquit) adolescentuli, audiant quibus officium est in Ecclesia psallendi, ne in morem Tragedorum dulci medicamento fauces & gustur illinant, & ne theatrales moduli audiantur in Ecclesia.*

Ipsius autem Musicæ vocalis ratione plura adhuc alia præcavenda VII. sunt, quæ præ aliis tangit Martyr ad cap. 14. ep. 1. ad Corinth. sic scribens: Fuit antiquitus in Ecclesia munus infimum, plebi, psalmista, & lectori delegatum: nunc vero supremas videtur partes obtinere. Alterum præterea cavendum est vitium, ne (*cantus scil.*) majores & meliores partes divini cultus occupet. Quod fit, ubi nimius habetur, ita ut doctrinæ ac institutioni jam quodammodo locus non pateat. Nam hodie sæpe videmus fieri in magnis solemnitatibus, ut propter multas cæremonias & prolixam musicam, conciones differre oporteat in meridiem, ubi homines somnulosi sunt, & parum attentī. Ad hæc videndum, ut cantus non sit adeo fractus & confragosus, ut perceptionem sententiarum impediat. Neque etiam committendum est, ut cantoribus tanta stipendia dentur, ut opes exhauriantur, quas & ministeriis utilioribus, & pauperibus, impendere oporteret. Hæc Martyr. Ut hæc autem præcaveri debent; ita alia, à parte cantus, (de objecto illius nolo jam dicere) ut legitime instituendi, monente ipsa quoque Scriptura, observari debent. 1. Præcipuum cantus instrumentum debet esse cor, prout patet ex locis Ephes. 5. & Coloss. 3. superius jam productis. Non quasi lingua muta esse debeat; sed quod cordis præparatio præcedere debeat linguam, in Divinum aliquod Canticum erumpentem. Inde regius Psalmista, quotiescunque se ad canendum accingit, non solum vocem parat, aut lyram; sed



cor præ istis, & ante istas. Inde dicit Psal. 57. vers. 8. 9. *Paratum cor meum, Deus, paratum cor meum; cantabo, & psalmum dicam Domino: Exurge psalterium, & cithara, &c. & Psal. 71. vers. 22. 23. Celebrabo te instrumento Nablii, psallam te cithara, o Sancte Israël, cantabunt labia mea, quando psallam tibi, & anima mea, quam redemeris.* Sic simul corde canebat beata Virgo, quum in hæc verba prorumperet: *Magnificat anima mea Dominum, & exultat Spiritus meus in Deo servatore meo.* Convenienter Bernardus serm. 52. de modo bene vivendi: *Cum in conspectu Dei (inquit) cantas psalmos & hymnos, hoc tracta in mente quod cantas in voce; non aliud cogites, aliud cantes. Si aliud cantas in mente, & aliud cantas in voce, perdis fructum laboris tui. Si corpus tuum stat in Ecclesia, & foris vagatur mens tua, perdis mercedem tuam. Unde dicitur: populus hic labiis me honorat, cor autem eorum longe est à me. Sicut enim ait Apostolus: Psallam spiritu, psallam & mente. Cantabo ore & corde. Bonum est etiam cum sono vocis, & hymnis, & psalmis, & canticis spiritualibus glorificare Deum. Sicut orationibus juvamus; ita Psalmorum modulationibus delectamur.* 2. Ut autem quis corde cantare queat, cor ante omnia expurgatum esse debet. Qui enim corde impuro Deo canere præsumunt, in illos quadrat illud Bernardi, de interiori domo, cap. 50. *Cantas, ut placeas populo magis quam Deo; frangis vocem, frange voluntatem; servas consonantiam vocum, serva & concordiam morum.* 3. Si quis corde sic composito cantet, aliter fieri non potest, quin pariter affectus ejusdem ad cantum componantur, atque per eum mirifice aliquando afficiantur. Testis de semetipso Augustinus, ita loquens lib. 9. Confess. cap. 6. *Quantum flevi in hymnis & canticis tuis, suave sonantis Ecclesia tua vocibus commotus acriter? Voces illa influebant auribus meis, & eliquabatur veritas tua in cor meum, & ex ea aestuabant affectus pietatis, & currebant lachryma, & bene mihi erat cum eis.* Observatu quoque dignum est, quod refertur de Thoma à Kempis in vita illius: *Dum psalleret (dicitur) vultu semper in cælum sublato, sacro Enthusiasmo afflatus, dulcedine nimirum Psalmorum incredibili captus, & extra se raptus advertebatur: sic ut nonnunquam calcibus non terræ bereret infixus, sed summis duntaxat pedum digitis solum contingens, reliquo corpore in cælum subvolare, ubi animo & desiderio agebat, meditaretur, &c.* 4. Quo commovendis affectibus cantus serviat, illud, quod canitur, debet intelligi ab illo, qui canit: atque hoc est *canere intelligentia*, prout supra vidimus ex Apostolo 1. Cor. 14. in Græco est *ψάλλον τῷ νοῦ*. Respice



re videtur Apostolus ad Psalmum, 47. vers. 8. Ubi dicitur *Psallite* קְרַנְתִּים, quod licet aliter accipiant, recte tamen exposuisse videntur LXX. senes, per *συνέσις*, sive *intelligenter*: quasi innuere voluerit Psalmista, ita canendum esse, ut cantus intelligentiam adferat tum canenti, tum audientibus. 5. Providendum cum primis ne precatio- nes, quas subinde David ut Propheta, dirigente eum Dei Spiritu, in Dei inimicos vibravit (nominatim Psalm. 35. 69. 109.) appli- cemus inter canendum, ex animi malignitate nostris inimicis. Hic si- quidem valet Christi dictum, Luc. 9. vers. 55. *Nescitis cujus spiritus sitis*. 6. Cantus debet fieri *ἐν χάριτι*, ut loquitur Apostolus ad Co- loss. 3. Quamquam vero hoc quidam sic intelligunt, ut cantus fieri de- beat cum gratiarum actione, atque sic Apostolus idem voluerit dice- re, quod dixerat Ephes. 5. vers. 19. Rectius tamen cum Theophy- lacto hoc sic exposueris, quod *in gratia*, idem sit atque *cum gratia & venustate*. & sic *χάρις ἀντὶ χάριτος* accipitur, hac eadem Epistola cap. 4. 6. 2. Corint. 1. vers. 15. Ephes. 4. vers. 29. 2. Thess. 2. vers. 16. Atque, ut publicus in Ecclesia cantus gratosus foret, in primitiva quoque Ecclesia, constitutis ad hoc choris, provisum fuit. Orig- nem primam tangit Suidas, ita loquens: *χορός τὸ σύστημα τῶν ἐν ταῖς ἐκκλησίαις ἀδόντων. διηρέθησαν ὃ οἱ χοροὶ τῶν ἐκκλησιῶν εἰς δύο μέρη ἐπὶ Κωνσταντίνου τοῦ υἱοῦ Κωνσταντίνου τοῦ μεγάλου, καὶ φλαβιανῆ ἐπισκόπου Ἀντιο- χείας, διχῆ τὰς Δαβιδικὰς ψαλμοὺς ἀδόντες. ὅπερ ἐν Ἀντιοχείᾳ πρῶτον ἐρξάμενον, εἰς πάντα περλήθη τῆς οὐκ ἐμένης τῆς πέρας.* Chori, sive catus *canentium in Ecclesiis, in binas partes distincti sunt, sub Constantio Con- stantini M. filio, & Flaviano Episcopo Antiocheno, bifariam Davidicos Psal- mos canentes: quod Antiochiæ primum ceptum, postea in omnes mundi fines exiit.* Inde Patres sæpe choros psallentium nominant. Speciatim Chrysostomus Hom. 14. ad 1. Timoth. ubi etiam nocturnorum hym- norum meminit, in Monasteriis contari solitorum à Monachis, qui à Præsede suo excitati è somno confisterent in templo τὸν ἅγιον ἐπισά- μενοι χορόν. Qui cantus licet publice fuerit receptus, plusculum ta- men artificii habet. Eoque mihi placeret cum primis quod de Atha- nasio Episcopo Alexandrino refert Augustinus lib. 10. Confess. cap. 33. *his verbis*: Tutius (*inquit*) mihi videtur, quod de Alexandrino Episcopo Athanasio sæpe mihi dictum commemini, qui tam modico vocis flexu, Lectorem Psalmis sonare faciebat, ut pronuncianti vicini- or esset, quam canenti. Verum tamen, quum reminiscor lachrimas

meas,



meas, quas fudi ad cantus Ecclesiæ tuæ, in primordio recuperatæ fidei meæ, & nunc ipso eo commoveor, non cantu, sed rebus quæ cantantur, cum liquida voce & convenientissima modulatione cantantur, magnam instituti hujus utilitatem rursus agnosco. Ita fluctuo inter periculum voluptatis, & salubritatis experimentum, magisque adducor, non quidem irretractabilem sententiam proferens, cantandi consuetudinem in Ecclesia probare, ut per aurium oblectamenta infirmior animus in affectum pietatis assurgat: quum tamen mihi accidat, ut me amplius cantus, quam res, quæ canitur, moveat, pœnaliter me peccare confiteor, & tunc mallem non audire cantantem. *Hac Augustinus.* Quo tamen gratia cantui Ecclesiastico, atque si ita loqui liceat, Veneres procurari possent, constituit primitiva Ecclesia Psalmistam, de quo jam antea egimus. Illius officium erat, operam dare, ut cantus harmonicè & convenienter procederet. Non improbandum est, quod habet Baronius Tom. I. Annal. ad annum LX. *Sed quoniam* (inquit) *imperitia canentium sæpius accidebat, ut harmonicum &c. Ecclesiasticæ dignitati congruentem cantum in composito vocum sono corrumpere; (in quos jure Chrysostomus declamat;) necessariò Ecclesiasticis legibus provisum est, ne præter cantores, ad hoc opus ascriptos, quique pulpitum ascendunt, & de Codice legunt, quis in Ecclesia legeret.*

VIII. Si ergo cantus modulatus in Ecclesia receptus fuerit, atque in *regulâ* institui debeat, moderante illum Phonnasco, seu Præcentore, atque is, in majoribus maxime templis, secundum modulationem quam instituit, ab omnibus exaudiri non possit, quo idem finis obtineatur, ne utiquam peccabitur, si Organum Musicum grave atque minime voluptuosum, pro eodem fine consequendo, adhibitum fuerit. Tale censetur esse Organum Pneumaticum, in Reformatorum multorum templis pulsari quoque solitum. Cui non admodum dissimile fuisse videtur, quod describit Hieronymus Tom. 9. epist. 18. ad Dardanum sic de illo loquens: *Ex duabus* (inquit) *elephantorum pellibus concavum conjungitur, & per duodecim fabrorum sufflatoria comprensantur, per quindécim cicutas areas, in sonitum nimium, quem in modum tonitruum concitat: ita ut per mille passuum spatia sine dubio, sensibilibus utique, & amplius audiatur. Sic apud Hebræos de Organis, quæ ab Ierusalem, usque ad montem Olivæ, & amplius sonitu audiuntur, comprobatur. Falsi sunt, qui existimant Juvenalem Sat. 6. hujus ordinis Organa respicere. Hæc quidem apud eum lego:*



*Si gaudet cantu: nullius fibula durat,*

*Vocem vendentem Prætoribus: organa semper*

*In manibus: densi radiant testudine tota.*

At neutiquam hæc consentiunt cum Hieronymi Organo: multo minus cum nostro. Non inconvenienter enim vetus Scholiastes, quisquis fuerit: *Organa dicit citharas eorum, quos amant.* Ut enim in præcedentibus Poëta egerat de Cithara, ita huic Organi nomen aptare potuit. Ilidorus lib. 3. Origin. *Organum*, (inquit) *vocabulum est generale vasorum omnium muscorum.* Hoc autem cui folles adhibentur, alio Græci nomine appellant. *Ut autem Organum dicatur: magis ea est vulgaris consuetudo Græcorum.* Nec putarim, Veteribus instrumentum Musicum, per omnia Organo moderno respondens, cognitum fuisse: ut hactenus non male judicat D. Voetius Th. I. Ut ut sit interim, nulla ratio obstat, cur Organum modernum in grandioribus maxime templis non possit servire moderando cantui, futuro alias dissono, maxime si auditores sono illius assueverint, atque absque illo confuse canant. Si enim Musica Ecclesiastica putatur ad ædificationem convenienter institui, secundum modulos Musicæ artificialis, eosque varios, & sæpe nimium quam difficiles, atque monente ipsa Scriptura canere oporteat secundum gratiam: rationi equidem consonum per omnia est, ut instrumentum Musicum nihil habens lascivi (quale est Organum nostrum) illud agat, quod minus convenienter & decore præstari possit à Phonasco. Atque hic genuinus Organorum in templis usus est, ut recte notavit Nob. D. Hugenius, qui multiplicè eorum abusum, in Ecclesiis maxime Belgicis receptum, admodum pathetice exagitat. Inter Reformatos Theologos, idē antea egerat vir suo seculo summus Martinus Bucerus, in suo Cōmentario ad Psalmos, edito sub nomine Aretii Felini; commentans enim in Psalm. xxxiii. *hæc inter alia habet:* Recepit ante paucos annos Ecclesia, ad sacros hymnos varia Musices Organa, sed utinam ita ut David omnes uterentur, nimirum non ad inanem oblectationem aurium, sed, &c. ad sedandum quod animæ harmoniam turbat, ad excitandum ipsam, quo expeditior & ferventior beneficia Dei consideret, religiosi affectibus accensa. Hoc si studeretur, verborum oportebat primam curam haberi, & horū tantum gratia ut vocum, ita & organorū modos, nepe, quo & penitus expendere, & majore ardore cū audirentur, tū dicerentur, adtemperari. Jam partem sacrarum cantionū omittimus, auscultantes modulis Organorum: quod tamen

X x x

ferri



ferri poterat, eo quod interim sacra verba, mens modulatione illa excitata, apud seolvere possit, si ea modulatio sic institueretur, ut verborum perpensionem acueret, & intenderet. Sed quod dictu horrendum, passim obtinuit, ut Ecclesiarum musici, pro sacris hymnis, spurcissimarum cantionum melos in organis modulentur, quibus non solum inani, sed pernitiola simul, voluptate lenones & lenę oblectantur, & integriores adhuc animi ad libidinem proliciuntur. O impia supinitas, ad hæc non sum mopere consternari & perterrefieri, quicunq; Christo nomen dederunt, nedum Ecclesiarum proceres! Sub nomine enim Jesu Christi crucifixi, in loco illi sacro, in cœtu illorum, quos ille sanguine suo redemit, pro salario, quod pro ipsius cultu perfolvitur, nihil aliud quam Veneri sacrificari, castas sanctorum aures ac mentes prophanari, titillari quosque perditissimos. *Hactenus Bucerus.*

- IX. Nec tamen contendero necessarium esse, ut in Templis sint Organæ. Ubi enim assuevit populus absque illis canere, nec infelicitè, parci potest sumtibus, qui plus quam ordinarii requiruntur, tum in ipsum Instrumentum Musicum erogandi, tum eum, qui illud pulsant. Absœonum vero mihi videtur, ut majori salario conducatur opera aliqujus Musici, eò, quod scite Organum pulsare queat, quam verbi Divini ministri, cæteroquin docti & pii. Usus Organi adiaphorum reliquero, secutus judicium venerandæ Synodi Zuyt-Hollandiæ habitæ Delphis anno 1638. art. 50. Cæterum ubi Organum in templo jam constitutum, nefas omnino est, eo abuti. Abusus varios, eosque enormes notavit Nobiliss. D. Hugenus in suo libello, aliquoties laudato. Probrosus autem modulos profanos, carnalique voluptati excitandæ duntaxat servientes, exprimere. Nec ferendum, ut demum pulsetur, quando concio sacra dimittitur, ob usum politicum. Indignatur eo nomine ipse Zepperus lib. 4. de Lege Mosæica cap. 9. adductus quoque ab Authore Altaris Damasceni pag. 494. *In quibusdam (inquit) Ecclesiis reformatis Organa illa retinentur, non autem nisi omnibus cultus divini partibus peractis, & demisso cœtu Ecclesiastico, pulsantur ad finem Politicum, propter illos, qui ex hoc sono & numeris oblectationem quandam quarunt, quibusque huic instrumentali Musica interesse liber. Fateor quidem, templis nostris nullam per se competere sanctimoniam; interim tamen, cum sint usui sacro destinata, & Christiani in iis compareant, ut rationabili suo cultu defungantur, non sunt destinanda uibus profanis, nec etiam, nisi forte necessitas urgeat, uibus civilibus.*

Probo



DE MUSICA ORGANICA IN TEMPLIS. 531

Probo hæcenus quod habet Bernardus serm. 1. in Dedic. Eccles. adductus quoque à D. Hugenio : *Quid lapides isti ( inquit ) sanctitatis habent ? habent utique sanctitatem , sed propter corpora vestra . An vero corpora vestra sancta esse quis dubitet , quæ Templum Sancti Spiritus sunt , ut sciat unusquisque vas suum possidere in sanctificatione ? Itaque sancta sunt anime propter inhabitantem Spiritum Dei in vobis : sancta sunt corpora propter animas ; sancta est etiam propter corpora domus .* Eoque minime ferendum , ut templum transformetur in *ἀεγλω* , ( sic Græci vocare solent locum , in quem confabulandi gratia homines ociosi veniebant ) atque congerronibus , si non pejora agentibus , delitiæ Organi exhibeantur , non sonantis cantiones quidem sacras , sed sæpe profanas , si non verniles quoque . Si templum habeat Organum , simul illi præfectus sit peritus moderator , & certe usui commodiori destinari non potest , quam ut moderetur cætus Ecclesiastici cantum . Eoque non improbandum institutum Ecclesiæ Leydenfis , quæ ante annos non ita multos , Organa , abrogato ulu minus sacro , psalmos & Dei laudes sonare compulit . Nec tamen ( ubi populus scite canere solitus est ) suaserim , ut Organum introducatur : ne putetur canentium attentio & devotio alia non esse , quam quatenus ab inanimato Instrumento Musico dirigitur . Quod ipsum iteratò repeto , atros invidiæ dentes veritus . Hanc nostram sententiam hæcenus sic deductam , tam æquam & moderatam esse existimo , ut , ratione rei in se adiaphoræ , commodior ne quidem excogitari possit .

Cæterum nihil hæcenus egerimus , nisi pariter responderimus ad ar. X. gumenta D. Voetii . Eavero non admetitur solū Lectori credulo , manipulo , sed modio , imo trimodio : atque , ut videatur magis terribilia esse , distributa quasi per legiones , in acie producit . Numero enim argumenta directa , rationes indirectas , & ab absurdo , item argumenta indirecta , *καὶ ἀνὰ ἄλλω* , & Authoritates . Singulas classes lustrabo , imo & singula argumenta , in quaque classe occurrentia . Ergo . I. *Argum. directum* occurrens Th. iv. hoc est : *Christus & Apostoli , aut Apostolica Ecclesia , tali Musica non sunt usi , nec docuerunt ea uti , ad maiorem devotionem , aut perfectionem aliquam cultui Ecclesiastico adferendam .* Resp. Sed pari ratione concludat vir Rever. Ecclesiam non debere habere templa , minime quæ ritu Papano sunt ordinata : iis siquidem non modo caruit Ecclesia tempore Apostolorum , sed aliquot quoq; sæculis post . Ad hoc certum est , Christianos sincera devotione , & infucata pietate magis conspi-



conspicuos fuisse, quo tempore conventus suos agitabant, sive in pri-  
vatorum ædibus, sive etiam in speluncis. Ratione externorum Eccle-  
siæ rituum, reliquit nobis Christus, per Apostolum Paulum, hanc ge-  
neralem regulam, 1. Cor. 14. vers. ult. *Omnia decenter & ordine fiant.*  
Conveniens autem judicaverunt quædam Ecclesiæ Orthodoxæ, ut can-  
tum moderetur Organum Pneumaticum. Quid hic peccatum? II. *Ar-  
gum.* his verbis proponitur: *Quia non tantum non excitat, auget, & con-  
firmat spiritualem & rationalem animi devotionem ac cultum; sed contra ea  
impedit, frangit, dispargit, emollit & infirmat; dum animi vires & inten-  
tionem, per insensibilia illa, ad sensibiles & inferiores delectationes abducit.*  
Resp. Conceditur de Musica illa molli, & nimis quam artificiosa, quæ  
in Papatu, adhibitis variis instrumentis Musicis exercetur, neutiquam  
vero de illa, quam secundum cantum gravi modulatione exhibet Or-  
ganum. De illa solummodo locutus fuit Cajetanus, cujus authorita-  
tem deinde vir Rever. ostentat. III. *Arg.* est hoc: *Quicquid in cultu pu-  
blico nec adificat, nec aptum est ædificare Ecclesiam, illud non est adhiben-  
dum: quamvis in se esset præstantissimum: sed talis est Musica organica; Ergo.*  
Probatur Major ex 1. Cor. 14. 12. 16. 17. 19. 26. Probatur minor, quia dum  
organum aut solum aut per antiphonas canit, non intelligit Ecclesia aut mode-  
rationem *μετὸ φωνῶν* aut verba sacra, quibus modulatio illa dicitur aptata,  
& consequenter non potest dicere Amen. Resp. Majorem concedimus ab-  
solute. Non æque tamen minorem: quæ licet militet adversus Papa-  
nos, nimis quam delicatum cantum per choros canentium in Templis  
suis exhibentes, dum plebs interim conticescit: non tamen Organum,  
pro quo hic dicimus, applicari potest: hoc enim moderatur vocem ca-  
nentium. Eoque si licitum est in cœtu fidelium secundum artem psal-  
mos canere, cur non Organum in gratiam rudiorum & Musicæ impe-  
ditorum, possit præformare modulos, inter canendum observandos?  
Atque ut statuitur non turbari assa voce canentium devotio, si inter  
canendum ad modulos Musicos ex artis præscripto attendant: sic parti-  
ter existimandum est, neutiquam promiscuæ turbæ devotionem tur-  
bari, quando Organum præeundo illi ostendit, quomodo cantum rite  
secundum leges instrumentalis Musicæ componere debeat. Si debeat  
simpliciter admitti quod pro sua Minori vir Rev. adducit, cantus per  
Davidem ab ipso Deo præscriptus adhiberi non debuisset. Quicquid  
etiam vir Rev. existimet, haud falsum Bernardum fuisse censeo, quum  
lib. de modo bene viv. sic scriberet: *Quamvis dura sunt corda secularium*  
homi-



hominum, statim ut dulcedinem Psalmorum audierint, ad amorem pietatis convertuntur. Sunt multi, qui suavitatem Psalmorum compuncti, peccata sua lugent. IV. Argum. sic proponitur: Quicquid fertilis occasio est multorum malorum, & obnoxium multis abusibus; illud in cultu publico non est adhibendum, siquidem sit adiaphorum, aut saltem per se non necessarium aut ita utile: Sed tali est Musica Organica. Resp. At, cur ergo connivetur ad tam enormes Organi abusus? siquidem apud ipsos reformatos, in templo sacris exercitiis destinato, fere servire solet oblectandis hominibus hujus seculi, interea aut obambulantibus, aut simul etiam de rebus hujus seculi secure confabulantibus. Abusus qui facile præcaveri possunt, nulla ratione usui rei alicujus legitimo quicquam derogare possunt.

Succedit secunda acies viri Reverendi, complectens rationes indire-  
ctas, petitas ab absurdis consequentibus, inter quas hæc I. Quia redolet  
Iudaismum, seu cultum peculiarem infantilem, & OEconomicum V.T. & pari  
jure posset in Ecclesias N.T. introduci tintinnabula Aaronis, Exod. 28. 34. 35.  
tuba argentea sacerdotum, Num. 10. 2. 3. cornua Iobeli, Lev. 25. 9. cytha-  
ra, nablia, cymbala, cum Levitis cantoribus, 1. Paral. 25. 1. & atque adeo uni-  
versus cultus æconomicus. Resp. 1. Notandum probe est, neutiquam Deum  
per Moysen, qui tamen legem Cæremonialem tulit, præscripsisse usum  
Musice instrumentalis: sed eum introduxisse Davidem ex speciali Dei  
mandato, prout supra vidimus. 2. Certe, ego putarim, Israëliticum  
populum tempore Moysi magis egisse ætatem infantilem, atq; tempo-  
re Davidis: adeo ut frustra sit vir egregius, quando commentatur de  
Israëliitarum cultu infantili. 3. Quæcunque observata fuerunt circa  
cultum sacrum, ab Israëlitis, non pariter sunt abrogata: sed eatenus  
duntaxat, quatenus fuerunt Typica. Alias pariter intuleris Christianis  
hæc fas esse, habere templa, aut candelabra pensilia pro usu nocturno-  
rum sacrorum. Quæ serviunt commoditati exercitii sacri, censenda  
sunt communia esse Israëlitis & Christianis. II. Ratio his verbis com-  
prehensa est: Quia est *νακροζήλια* Ethnica & cū eorum cultu convenit. Quod  
absurdū. Gentiles enim ut ludos & spectacula, sic & Musicā immiscebant suis  
solēnitatibus & sacris. Resp. 1. Idē Davidi quoq; objici potuisset. 2. Ut  
diabolus amat esse Dei simias, sic Gentilibus varios ritus, in sacris quasi  
ab iis observandos, cū ridiculo sæpe auctario præscripsit, quod ordinati  
essent ab ipso Deo, quē sperabat se hac ratione posse prostituere. 3. Non  
omnia quæ Gentiles fecerunt, mox sunt improbanda: siquidem multa  
fecerunt ex legis Naturalis præscripto, quæ bonū donū Dei est. 4. At ea

XXX 3.

exem-



exemplo Gentilium fieri non debent, quæ aut conjuncta sunt cum Dei profanatione, aut cum carnis lascivia. Quod & Petrus docet, quando priori epistola cap. 4. vers. 3. sic loquitur: *Sufficit vobis præteritæ vitæ tempore, quæ libent Gentibus, perpetrassè, incedendo in lasciviis, cupiditatibus, vinolentiis, comestationibus, comotationibus, & nefariis illis simulacrorum cultibus.* III. Sic pergit vir Rever. *Sequeretur, & multa alia sensibilia & carnalia, in gratiam aliquorum carnalium aut rudium, qui illis afficerentur, in publicum cultum introducenda; tripudia scil. theatra, ludos, & quæcunque aurium, ac oculorum, oblectamenta.* Resp. 1. Non sequitur: atque jam antea cavimus accurate, ne cantus ulla ratione serviat demulcendis auribus. 2. Quod si, ratione habita modulorum Musicorum, (est notissimum) multi psalmi in Ecclesiis Belgicis decantantur secundum modulos cantilenarum alias profanarum, cur pariter modulos illos (ne cantus evadat dissonus) Organum moderari non potest? Aut enim moduli artificiales à Psalmis abesse debent, (maximè tales) aut etiam Organum tales modulos ordinare potest. IV. *Sequeretur (dicit) Ecclesiam & Apostolicam & antiquam per tot secula fuisse minus devotam, aut saltem minus attentam ad excitandam auditorum suorum, præsertim rudiorum & infirmiorum, devotionem.* Resp. 1. Cogitandum fuisset, primitivam Ecclesiam Apostolicam longo tempore sub cruce ingemuisse, nec omnia, propter persecutiones, potuisse circa exercitium cultus publici usurpare. Quare longo tempore templis quoque caruit, quæ subsequenter subsecutis seculis ut rite atque ordine sunt extracta, ita illa, hoc adhuc tempore, convenienti Ecclesiarum, Orthodoxarum quoque, usui serviunt. 2. Pari ratione vir Rev. contendat Ecclesiam Latinam deformatam fuisse per Ambrosium, quando in eam introduxit cantum alternum, innuente ipso August. lib. 9. Confess. cap. 7. atque multo ante Ecclesiarum Græcarum devotionem obtorpuisse, ab iis siquidem Ambrosius cantum hunc, cujus & meminit Basilii Magni Epist. 63. accepit. 3. Existimem vero Organum, serviens moderando simplici cantui cætus Ecclesiastici, potius recipiendum esse, quam Antiphonas. V. Ita vir Rev. progreditur: *Sequeretur exercitia pietatis publicæ seu Ecclesiastica (inter quæ est doxologia, seu laudatio Dei per psalmos & hymnos) posse fieri sine Ecclesia, & restringi ad certas quasdam personas, ad id peculiariter quasi deputatas & consecratas, Organistas scil. & illis subinde adjunctos cornicines, & Musicos, seu pueros chorales.*



*chorales.* Resp. 1. Mirum, serium Theologum usque adeo ineptire circa consequentias. Pari ratione concludat, posse exercitia pietatis publica, restringi ad Lectores & Cantores, quos ipse hactenus Ecclesia exterminare nondum instituit. 2. Organista cum suo Organo, ex nostra hypothese, (quæ pariter est Nobilissimi D. Hugonii) exercitiis sacris, iisque publicis destinatur, ad hoc ut Præcentori succurrat in moderando cantu totius cœtus Ecclesiastici. Si ad cantum moderandum legitime Præcentor adhibetur, nã adhiberi quoque commodè potest Organista. VI. Ita argumentatur ab absurdo quasi D. Voetius: *Sequeretur, universam Ecclesiam, propter carnales & rudiores quosdam, esse privandam tanto temporis spatio nobilissima & præstantissima ratione adducendi homines ad Deum, quæ est per prædicationem, lectionem, orationem, intelligibilem & communem psalmodiam. Sed absurdum pretiosas conventuum publicorum horas iis dilapidari, & animas famelicis meris fursuribus seu follibus & vento inflatas potius, quam pastas dimitti.* Resp. 1. Mirum, Virum doctum abasum Organi eodem loco habere cum usu legitimo, pro quo nos duntaxat scribimus & disputamus. 2. Quæ Erasmus, & alii, à viro Rever. ad suffragium vocati, in Papanis culparunt, nos jure summo arguimus. 3. Si Organum, serviens ordinarii cantus moderationi, ea ratione, quam jam antea delineavimus, adhibeatur, ne ipse quidem Mœmus, quid invenerit, quod cum ratione arguat.

Sequitur apud virum Reverendum tertia classis rationum, com- XII. plectens argumenta indirecta, aut, ut illa vocat, καὶ ἀνέγνωτον, seu ad hominem. Eam quoque lustrare convenit; ut vero vir Rev. hic velites collocavit, ita despiciendum an plus, quam triarii ipsius, jam repulsi, possint. Ergo sic I. progreditur: *Figuratio ista & περιστροφὴ αὐτῆς cantus instrumentalis repugnat simplicitati, introversioni spirituali, abstractioni, & mentis nuditati, atque elevationi ab externis & corporeis, quam tantopere devotis commendantarii.* Resp. 1. Sed pari ratione vir Rev. argumentetur adversus illos, qui alta voce canunt, nostrumque Psalterium modulis Musicis exuat. Si hi legitime adhibeantur, atque qui in Ecclesia canunt, ad vitandam confusionem, vocem suam secundum illos, ad præcavendam confusionem, componere debeant; rite atque ordine quoque Organum adhiberi potest: illius siquidem subsidio succurritur plebi, iisque qui Musicæ imperiti sunt, ad hoc, ut citra confusionem canere queant. 2. Quod artem (V. C. Rhetoricam,



toricam, aut Musicam) redolet, mox quoque non servit attentioni & mentis devotioni turbandæ: mentem piam cum arte componere posse devotionem ipse Spiritus Sanctus ostendit, per Jobum & varios Prophetas passim allegorice, & oratione admodum figurata, loquendo. II. Argumentum indirectum est hoc: *Repugnat simplicitati, & caute moderationi antiquæ Ecclesiæ in usurpando cantu vocali & intelligibili: quæ tanta fuit, ut, etiam tempore Augustini Episcopi Occidentales essent, qui nullum cantum reciperent.* Resp. 1. Quæ de temporibus quasi Augustini vir Reverend. jactat, dubito, an ex Augustino, aut ex alio quo antiquo Scriptore probare possit. Provocat vir Reverend. ad Pichium: sed is ad manum non est, atque vereor ne imposuerit. 2. Sed dato, quasdam Ecclesias publicum cantum rejecisse, atque adhuc rejicere, (neque enim ad usum publicum in Nov. Test. commendari, abunde probavimus supra sect. 3.) quid inde evincetur? Neque enim putem virum Reverend. inde inferre velle, cantum in Ecclesiis aboleri debere. 3. Atque si admittit usum cantus, suo modo artificiosi, cur non pariter admittat Organum, quod in rudiorum gratiam artificiosos modulos moderetur? III. *Repugnat (inquit) simplicitati cantus; quem nec fractione, nec harmonica vocum multiplicatione figurari, atque ita homines ab attentione abduci voluerunt tam antiqui, quam ipsi pontificii.* Resp. 1. Nullus ex antiquis simpliciter improbat cantum artificiosum, sed eum qui (ut supra vidimus, nec aliud docentibus authoribus, quos vir Reverend. pro se citat) responderet Musicæ Theatrali. 2. Si valere debeat hoc viri egregii argumentum, simul tollat modulos artificiosos à Psalterio, atque quemque in cœtu Ecclesiastico jubeat suo more, atque secundum proprios modulos canere. IV. *Quia (inquit) alia instrumenta Musica non sunt usurpanda in Ecclesia, ut sancit Cæremoniale Episcoporum lib. 1. cap. 23. Ergo à pari nec organa, nedum confragosa Musica Organica.* Resp. 1. At consequentia hæc à pari nullo modo procedit. Nam Organum nihil ut lascivi circa se habet, ita eodem loco censer non potest cum reliquis instrumentis Musicis. 2. Ut in cantu facto nihil lascivi esset, ejectis aliis instrumentis Musicis, frequentari cœpit Organum: quod &que Papani commendant, atque pleræque Ecclesiæ nostræ frequentant. V. Et postremo suos adversarios sic incescit D. Voetius: *Quia non inbarent venerandæ antiquitati, quod unice tamen affectare se ubique prætexunt, sed manifeste novitates, & levitates Græcorum, antiqua & gravi*



gravi devotioni hac in parte preferunt. & deinde prolixè disquirunt circa primam Organi originem. Resp. 1. Non invitus concessero, Organum esse inventum Græcorum: sed cur proinde ipsi Levitatis arguuntur? Pari ratione omnem Philosophiam rejicias, velut *Benqua* Græculorum. 2. Ne quid levitatis in cantu Ecclesiastico notaretur, prudenter excogitatum fuit Organum. 3. Templà serius à Christianis ædificari cœperunt: Ergo Dominus Voetius concludat, ea everrenda esse. 4. Quod ad illa, quæ ad modum supellectilis, usui Ecclesiastico inserviunt, per novitatem procurare sæpe possunt commoditatem. Quod speciatim circa Organum notandum. 5. Eoque dato, à Vitaliano demum, circa annum à C. N. 770. Ecclesiis Occidentalibus procuratum fuisse usum Organi, quid inde aliud evicerit vir Reverend. quam serius humanam industriam Musicum instrumentum excogitasse, quod convenienter servire possit moderando cantui Ecclesiastico. Balthasar Lydius senior, dum viveret Ecclesiæ Dordracenæ minister, vir doctus, atque instructissimæ Bibliothecæ possessor, Belgice cum notis edidit tractatum Francisci Alaers de Traditionibus Ecclesiæ Romanæ, atque occasione Organorum, à Vitaliano quasi introductorum hæc annotat: *Belangende de Orgelen in de Kerkke, vvy bekenmen geerne, dat op Musicale Instrumenten Godt oock kan gedanckt vvorden, volgens ontalijcke plaetsen der H. Schrifsture: maer dit behoort daer in vvaergenomen te vvorden, dat geen andere dingen als geeslelijcke lof-gesangen daer op gespeelt vvorden, ende dat met een statige Musijcke, ende niet met sulck een lichtveerdige trippel en dans Musijcke, dat de voeten daer licht van vvorden, daer nochtans de Geest in Godt, met een Godsalige vreughde, behoorde opgetrocken te vvorden.* Quid æque ex mente nostra dici posset? Atque hic Lydius, quandiu per fata licuit, arctissimam cum D. Voetio familiaritatem coluit. Nulla ergo est ratio, cur ejusdem autoritas apud hunc ipsum quoque non admittatur.

Postremo Rev. vir, more sibi consueto, argumentatur ab autoritate. XIII. At, quantopere ei faveant authores, quos produxit, in antecessum jam expendimus. Præsidi plus habere videtur in quibusdam decretis Synodorum Belgicarum, præ cæteris can. 50. Syn. Dordr. an. 1574. & Synodi Medioburgensis an. 1581. habitæ responso ad qu. 34. At his parum moveor: siquidè primo respondeo, in dictis Synodis quædam esse decreta, quæ unanimiter à plerisque Ecclesiis in Fœderato Belgio hodie improban-

Y y

tur.



tur. Ut Ecclesia erat novitia, nondum stabilita, multis calumniis atque adversariorum insidiis obnoxia, plurima pro tempore displicuerunt, quæ postea utiliter atque ad ædificationem recepta fuerunt. Speciatim Synodus Dordracena can. 24. improbat manuum impositionem circa confirmationem novorum ministrorum, can. 42. preces ministrorum recedentes à solita liturgia, can. 51. conciones vespertinas, can. 55. visitatores ægrorum, qui non fuerint Ecclesiæ ministri, can. 64. trinam aspersionem in Baptismo; atque can. 75. stando potius cœnam Domini communicandam, quam sedendo, contendit. Idem existimandum est de Organis, quæ, ut pro illa temporis circumstantia placuit templis ejicere, ita postea aliæ in Belgio Synodi, (quemadmodum supra vidimus) consenserunt in ea, utpote adiaphora. 2. Si omnia diligenter expendantur, liquebit, placuisse Organa propter abusum abrogare. Ita enim habet canon 50. dictæ Synodi: *Aengaende het spelen der Orgelen in de Gemeenten, houdmen dat het gantsch beboord afgeset te vvesen, volgens de leere Pauli 1. Cor. 14. vers 19. Ende al hoe vvel men het alnoch in sommige deser Kercken, alleen in 't eynde der pradicatien gebruyckt, op 't scheyden van den volcke, soo dienet nochtans meest om te vergeten vvatmen te voren gehoort heeft: ende is te besorgen, dat het hier naer tot superstitie sal gebruyckt vvorden, gelyck het nu tot lichtvaerdigheyd dient; d'vvelck soo 't afgeschafft vvare, men soude de Aslmoessen bequemelycker aen de deuren in 't uytgaen des volckx, versamelen, dan datmen sulckx in 't midden der Predicatie, tot groote bindernisse des Dienstes, doen moet.* Quæ hic improbat Synodus, nos pariter improbamus, & ante nos D. Hugenus. Si Synodo constitisset de commodiori Organorum usu, dubio procul eundem commendasset. Interim dies diem docet. 3. Cogitare aliquis posset, nonnullos, ut conderetur hic Cædico adversus Symmistas prævaluisse, simul in templis suis Organis caruisse, & forte (Deus novit!) reliquis suis Symmistis eorum usum invidisse: Pastores siquidem ipsi (in veneranda licet Synodo compareant) homines sunt. Bremæ agnitus fuit Pastorum Senior Johannes Capito, vir cæteroquin doctus, Zelotes, & pius: Brugis in Flandria Ecclesiam Orthodoxam paverat eo ipso tempore, quo caninam suam eloquentiam, celebratissimi nominis Franciscanus, Cornelius.



DE MUSICA ORGANICA IN TEMPLIS. 539  
 melius Adriani, domo Dordracenus, exercebat. Hic ipse autem Capi-  
 to, cum in suo templo, Martino sacro (in quo ordinario docebat)  
 Organum non haberet, quotidiano convivio illud solitus erat ince-  
 sere, usque adeo, ut vocaret Utriculariam fistulam diaboli: at cum  
 munificentia Senatus in suo quoque templo Organum esset constitu-  
 tum, ipse non invenire condigna elogia, vocare modo melodiam An-  
 gelorum, promulgidem gaudii cœlestis, & quæ non alia? Ita variant  
 sæpe hominum judicia pro temporis varietate. Nec tamen eum in  
 finem hoc propono, quasi volupe mihi sit venerandi senis Manes in-  
 quietare: sed, quod narrationem hanc, quam scio verissimam es-  
 se, à scopo alienam haud fore existimarem. Et tantum quoque de  
 Organis.

## EXERCITATIO XXXI.

DE

### Reformatione quasi Intensiva.

1. Quid intelligi debeat per Reformationem Ecclesiæ? qua quatenus Ma-  
 gistratus conveniat, ostenditur.
2. Quomodo processerit reformatio Ecclesiarum Belgicarum?
3. Primi Reformatores, fermentum Papanum expurgantes, multa falsæ  
 dogmata defalcare debuerunt.
4. Ut in Dogmaticis, ratione Ecclesiarum Belgicarum, non est opus ulterio-  
 ri Reformatione; sic accurate expenditur, quid de Reformatione ri-  
 tuum sit statuendum.
5. Distinctiones Reynesii, de Reformatione intensiva, expenduntur.
6. Falsum est, quod ad Theoriam doctrinæ, multa adhuc in Ecclesiis Belgi-  
 cis reformanda esse.
7. Qui intensive cupiunt reformare, an inquirere non debeant, quo usque  
 antecessores sui processerint?
8. An liceat ubique ulterius Ecclesiam reformare, quam ab antecessoribus  
 est factum?

Yyy 2

9. EXA-



9. *Examinantur capita intensiva Reformationis D. Voetii.*10. *Quid monstri D. Voetius alat prae-textu intensiva Reformationis?*

- I. **P**Assim non modo superioribus Exercitationibus notare debui Praeclatiorum praeposterum zelum, in promovenda (ut loquuntur) Reformatione intensiva; verum eo nomine vapulare quoque debui à Reynessio, qui, ut pro ingenii male compositi petulantia mihi insultare posset, sustinuit suo more, sive quam inepte, peculiari Diatriba agere de Reformatione intensiva adaugenda. Quod ex re sit, de ea quoque conceptus meos proponere debeo, simulque occurrere iis, quæ meo homini, secundum suam consuetudinem, per submissas schedulas Doctor Giffertus Voetius suppeditasse videtur. Ergo ante omnia expendere convenit, quidnam illud ipsum sit, de cuius distinctione queritur? Illud ergo nomen fert Reformationis: quæ vox, quando circa sacras seu Ecclesiastica usurpatur, accipi debet pro restauratione doctrinæ & cultus sacri secundum Dei verbum, procurata ab illis, quorum interest. Convenienter vero D. Voetius lib. 3. Desper. Causæ Papæ tus Sect. 3. pag. 753. hic duos actus distingui vult, atque priorem statuit esse, *judicare errores, detegere veritatem apud hominum conscientiam, eosque instruere de necessitate emendationis, tum in vita privata, tum etiam in publico cultu.* Alterum, seu succedaneum esse, ipsum corpus & speciem Ecclesiæ, ad modulum emendati cultus, aliter ac denuo transformare, atque architectari, adhibita jurisdictione & disciplina necessaria. Ut vero facile viro Rever. accedo, contendenti priorem institui posse, non modo à quovis ministro, verum etiam à quocunque privato; ita, eodem non admodum refragante, alterum pertinere contendo ad officium solius Magistratus. Laudabile exemplum occurrit in Rege Josia, qui 2. Chron. 34. 30. & seqq. cultum Dei collapsum instauraturus, templumque & regnum ab idololatria repurgaturus, ascendit in domum Iehovæ, omnesque viri Iebudæ, & habitatores Ierusalaimorum, cum Sacerdotes & Levitæ, tum totus populus à maximo usque ad minimum: & legit ipsis audientibus omnia verba libri federis, qui inventus fuerat in domo Iehovæ. Deinde stans Rex in statione sua, pepigit sedus ipsum coram Iehovæ; & sequuturum Iehovam, & observaturum præcepta ejus, testimoniaque ejus & statuta ejus ex toto corde suo, & ex toto animo suo, præstando verba federis ipsius.



ipſus, qua ſcripta ſunt in libro illo. Sane hæc inſignis eſt legitimæ Reformationis idea, vivumque pii Reformatoris ſpeculum, ad præſcriptum verbi Divini, tam ſe, quam cultum Dei reſormantis, neque dextrorſum neque ſiniſtrorſum deſſectentis. Similiter Joſaphatus Rex, regno confirmato, Eccleſias purgari & inſtitui curavit, miſiſ præſectis ſuis, cum Levitis & Sacerdotibus, qui docuerunt in Iehuda, habentes ſecum librum legis Iehova; & obiverunt omnes civitates Iehudæ, docentes populum, 2. Chron. 17. verſ. 7. 8. 9. Ut viri Principes hoc officio ſuo defungantur inſtare debent Miniſtri verbi Divini: atque ſi hi ſimiles forte ſe exhibuerint mutis canibus, nihilominus tamen illi, quod muneris ſui eſt, exequi debent; exemplo regis Joas, qui cunctantes ſacerdotes non ſolum increpat dicens: *Quare non reſtauratis domum Dei?* 2. Reg. 12. 7. verum ejuſdem quoq; reſtaurandę curam in ſeipſum recepit. Atque hoc pertinere ad officium Magiſtratum, docent Patres, agnoſcunt plerique quotquot ante Lutherum quoque ad opus Reformationis anhelarunt. Quod ad illos verbum Auguſtini eſt tract. 11. in Johan: *Mirantur* (inquit) *quia commoventur poteſtates contra diſſipatores Eccleſia deſtandos: ſed ſi non commoventur, quomodo rationem redderent de imperio ſuo Deo? Intendat charitas veſtra quid dicam, quia hoc ad reges ſeculi pertinet, ſcilicet Chriſtianos, ut temporibus ſuis ſemper velint pacatam Eccleſiam matrē ſuam habere, unde ſpiritualiter nati ſunt.* Item Leo Epicoſopus epiſt. 75. ad Leonem Imperatorem: *Debes* (inquit) *Imperator incunctanter advertere, regiam poteſtatem non ſolum ad mundi regimen, ſed maxime ad Eccleſia præſidium tibi collatam.* Similiter Iſidorus lib. 3. de ſummo bono, cap. 53. *Cognoſcent principes ſeculi, Deo debere ſe rationem reddere, propter Eccleſiam, quam à Deo tuendā ſuſcipiunt. Nam ſive augeatur pax & diſciplina Eccleſiæ, ſive ſolvatur: ille rationem ab eis exiget, qui eorum poteſtati Eccleſiam ſuam credidit.* Illorum vero votum huic doctrinæ fuiſſe conſonum, abunde conſtat ex Catalogo Teſtium veritatis. Nam & Theodoricus à Nyem ad Status Eccleſiaſtici reformationem Imperatorem advocavit: ut Franciſcus Zabarella ſcripſit Imperatoris eſſe Concilium contra Papam cogere, ne Eccleſia periclitaretur: & Johannes Picus denique Maximilianum Imperatorem cohortatus eſt, ut pro impoſito ſibi munere, curam Eccleſiæ reſormandę ſuſciperet.

Quorſum hæc tam alte accerſantur, haud abſq; ratione aliquis que-  
ret? Plurimum vero reſert, quo pateat, quid cenſendum ſit, circa Reformationem.



mationem, per totam passim Europam, à tempore Lutheri, ceu anno 1517. institui cœptam? Ecclesiæ facies tum temporis deformatissima erat, atque non modo doctrina erat corruptissima, verum & ritus in sacris publicis recepti: ne quid dicam de moribus Cleri, quorum pudebat moderatiores in ipso Papatu. Qua ratione processerit Reformatio, otiosum est hoc loco exponere. Centies millies hoc factum est ab aliis: atque nos aliquando, si modo annuerit Deus, occasione historiæ Ecclesiasticæ Belgicæ, confidimus nos plurima distinctius, quam hætenus factum fuit, explicaturos esse. Hoc solum observari velim, Pontificiorum, qui ipso Papa consentiente, videbantur in Reformationem qualemcunque consentire, aliam intentionem fuisse, quam eorum, quos singulariter excitatos Deus peculiari sui Sp. Sancti dimenso bearat. Nam illi, ut ut viderentur Reformationem urgere, non tamen ultra mores, atque rituum quorundam appendices progredi volebant. Quæ tamen convenienter emendari non poterant, nisi emendata antea legitime ipsa doctrina. Clamabat quidem in ipso Concilio Tridentino, (videatur Paulus Servita lib. 7. Histor. Trident.) Cardinalis Lotharingus, *necessarium esse ut Reformatio instituatur ab Alpha usque ad Omega; & ex re publica fore, si auferrentur è Concilio Episcopi ad Quinquaginta, quod se semper opponerent recte consultis.* Quam fervide quoque pro Reformatione institerit Carolus V. Imperator, & post eum Ferdinandus I. ex Sleidano atque Thuanò notum: plurimis interim viris doctis, moderatis, ac prudentibus consilia sua communicantibus. At, quam parum ipsorum Imperatorum molimina & vota valuerint, constat ex eventu Concilii Tridentini. Circa doctrinam nihil immutatum fuit, atque circa ritus quam paucissima. Causam si quis quærat, reddet ut Propheta (vixit siquidem longo tempore ante Lutherum) Theodoricus Niemenfis de Unione Ecclesiæ Tract. 6. cap. 33. *Sicut (inquit) sacerdotes Iudæorum ad eam devenerunt dementiam, ut dicerent, regem non habemus nisi Casarem: eodem modo jam diu timui & timeo, quod nostri sacerdotes dicere possint, regem non habemus, nisi Pontificem.* Interim, Deo benedicente, feliciter processit opus Reformationis, considerandum pro instituto præsentis, duntaxat ratione doctrinæ, & rituum. Mores enim reformandi erant per cooperationem Spiritus Sancti, juxta doctrinam à quovis privatim, non tam Theoretice, quam



DE REFORMATIONE QUASI INTENSIVA.

543

quam practice perceptam: quum ipsa Magistratuum Edicta, sanguine licet scripta, exemplo legum Draconis, nihil hic possint, nisi cum efficaci *ἐννευγεία* Spiritus Sancti ipse homo operetur.

Quod ad Reformationem doctrinae, ut Ecclesia depurganda erat III. à fermento Papano, quo corrupta erat universa doctrina Apostolica; ita non tam quid addere debebant primi Reformatores, quam multum, quod superfluum erat, refecare. Peccat siquidem in Excessu Romana Synagoga. Non diffitendum quidem eam confiteri Christum humani generis Mediatorem, Ecclesiae Sacerdotem, & Caput supremum. Sed interim, præter hunc, Sanctos quoque cœlites pro mediatoribus, Presbyteros suos pro Sacerdotibus, Papam pro Ecclesiae capite & sponso habet, & ab omnibus haberi jubet. Præter sacrificium crucis cruentum, semel peractum, altarium quoque suorum oblationes, & quotidiana sacrificia Missatica, eademque incruenta, obtrudit. Præter Domini Jesu sanguinem, peccatorum *ἰλασμήριον*, expiationem pariter peccatorum, Martyrum quoque sanguine & perpeffionibus, adhuc vi ignis cujusdam subterranei (qui fabulosus per omnia est) perfici docet. Præter Baptismi lavacrum, Eucharistiaeque alimentum, sui quoque olei, balsamique unctionem, & aularis confessionis mysterium, necessario à fidelibus expeti atque adhiberi imperat. Summum Deum sic adorât & precatur, ut Eucharistiae sacramentum una quoque adorari, Angelos, & sanctorum hominum superflites Spiritus invocari, ab omnibus velit. Fide hominem peccatorem sic justificari docet, ut in partes quoque vocet bona opera. Corruptum quidem per labem Originalem fatetur esse hominem, ut tamen pariter ei superesse velit vires, æque ad faciendum bonum atque malum. Cultum Evangelicum ita probat, ut multiplices insuper caremonias, quorundam ciborum abstinentiam, dierum ac temporum observationem, aliaque hujus, generis non pauca, suorum conscientias imponat, & pro veris Dei cultibus venditet. Præter sacras Scripturas, quas cum Orthodoxis in Canone censet, eadem quoque fide varios libros Apocryphos, multasque traditiones *ἀγνεύει* admisit. Præter cœlestis regni requiem, quam piis promittit, aliam nescio quam infantibus, absque sacro baptismo mortuis, in limbo vitam constituit. Denique præter paratum improbis in Gehennæ cruciatum, ipsos quoque pios, & fideles, similes & congeneres pœnas.



pœnas in Purgatorio luere, affirmat. Hęc & alia ejusdem farinae dogmata, verã, certaque antiqui Christianismi fidei, ab hominibus perperam adjecta, primi Reformatores falce verbi Divini feliciter rescuerunt. Et quamvis ubique locorum eadem ratione Reformatio non processerit, atque arte diaboli inter eos ipsos, qui hoc præ aliis agebant, etiam quid simultatum excitatum fuerit; consenserunt tamen in iis, quæ extirpanda erant, atque retinendis illis, quæ ad salutem sunt necessaria, ut evincunt eorum publicæ confessiones: quæ licet diverso tempore & occasione à variis sint conscriptæ, inter illas tamen amicus consensus intercedit, prout docet Syntagma Confessionum, quod Geneva editum est anno 1612. Anabaptistæ, quos præ eodem cum Lutero tempore produxit ex Orco diabolus, itemque Antitrinitarii, quorum antesignani sunt Sociniani, gesserunt se quoque pro Reformatorebus, atque ejicere laborarunt fermentum Papanum, sed, ut se pariter similes esse probarent Thracio illi agricolæ, qui cum vidisset vicinum extrema vitium amputare, eas ad radicem usque rescuit. Neque enim ea solum, quæ addiderant Papani sanæ doctrinæ, verum necessaria etiam ejusdem capita everterunt. Evincunt dogmata quæ negant: Speciatim de Trinitate, de attributis Dei infinite perfectis, de æterna Deitate Christi, de personalitate Spiritus Sancti ut veri Dei, de vera Christi humanitate, de sacrificio illius expiatorio, de Originali peccato, de obsignatione sacramentorum, de pædobaptismo, de officio Magistratus, de resurrectione eorundem numero corporum, & similibus aliis: quibus Sociniani, ut negativam suam Theologiam quam plausibilem redderent hominibus hujus sæculi, hunc colophonem imposuerunt: *Scele-  
ratissimos quosque securos esse posse æternarum Inferni pœnarum, quod non  
ens sint, quum improbi sint annihilandi.* Quæ dogmata ut omnes in orbe Christiano Reformati æque atque Pontificii detestantur; ita Reformati Theologi subscribere solent formulis publici in doctrina consensus, Belgæ speciatim Confessioni Belgicæ, Catechesi Heidelbergensi, & Canonibus Synodi Dordracenæ; quibus ut Ecclesia Belgica, velut Reformatæ, distinguitur ab Ecclesia Pontificia, ita illi, qui subscribunt hisce consensus formulis, (nisi perjuri velint haberi) non possunt urgere ulteriorem Reformationem, quod ad dogmatica.

Ex



Ex his liquere evidenter credo, frustra illos esse ex Theologis Belgis, qui jactant quod ad Dogmatica, ulteriorem Reformationem, seu, ut habet eorundem formula, Reformationem intensivam requiri. An, ratione rituum Ecclesiasticorum, convenienter talem Reformationem urgeant, ulterius deinde examinandum est. Neutiquam quidem diffitendum est, quosdam ex Reformatorebus primis, circa eorundem sive abrogationem, sive emendationem nimis quam largos fuisse. Adeo, ut forte recte dixerit Adr. Saravia in Præf. suorum operum: *Dico (inquit) primis Ecclesiarum Reformatorebus accidisse, quod caducas ades resarcituris solet: qui cum undique pleraque putrida & vitiosa conspiciant, quamvis intra ades, pulchra conclavia & plures necessario partes sint, quas servatas vellent, tamen quia coherent putridis & labantibus, quæ emendatione habent opus, dirui & emendari posse diffidunt, nisi simul omnia demoliantur.* In quos, sive Reformatores, sive Ecclesias ab iis reformatas, hæc quadrent, examinare jam nolo. Circa ritus & Ecclesiæ regimen illud à viris prudentibus cum ratione cogitari solet, quod habet Socrates lib. 5. Hist. Eccl. cap. 21. ita per Interpretem loquens: *Cujusque Religionis & sectæ varii sunt ritus, licet eadem de illis habeatur opinio. Etenim qui in eadem fide consentiunt, iidem in ritibus & caeremoniis inter ipsos discrepant.* Quod, ut convenienter attenderunt Theologi Helvetii in sua Confessione c. 27. ita, ibidem ad suffragium vocato hoc ipso Socrate, hunc Canonem Theologicum exstruunt: *Quod si in Ecclesiis dispares inveniantur ritus, nemo Ecclesias existimet ex eo esse dissidentes.* Equum vero est ut Ecclesie, ritibus à se invicem dissidentes, se mutuo etiam tolerant: atque quæ videntur firmiores esse, imbecillioribus succurrant. Quomodo Paulus Rom. 14. 1. jubet nos *eum assumere, qui in fide infirmus est.* Atque prævit hic suo exemplo, nonnullos summa lenitate ferens, tametsi aliter in quibusdam sentientes: *Quicumque (inquit Phil. 3. 13.) perfecti sumus hoc sentiamus; & siquid aliter sapitis, & hoc vobis Deus revelabit.* Dubitandum non est, quin error aliquis fuerit tum illa fidei infirmitas, tum hæc sentiendi, sive sapiendi diversitas; quam utramque tamen Paulus ferri vult. Quanto non magis vero tolerandi sunt, qui circa ritus dissentiant. Præterea caeremoniæ in Ecclesia receptæ, vel consensu Ecclesie universalis à longo tempore sunt receptæ, vel à particulari aliqua Ecclesia frequentantur. Hæc est ipsius Augustini distinctio Epistol. 118. ad Januarium: *Alia toto terrarum orbe observantur, quæ (inquit) dantur intelligi, vel ab ipsis Apostolis, vel plenariis Conciliis commen-*

Zzz

data



data atque statuta retineri, secuti quod Domini passio, & resurrectio, & ascensio in cælum anniversaria solemnitate celebratur. Alia per loca terrarum regionesque variantur. Utraque vero inviolabiliter observare fas est, ut prudenter eodem loco idem Augustinus monet. Sic enim de priori genere, si quid, inquit, horum tota per orbem frequentat Ecclesia, hoc quin ita faciendum sit disputare, insolentissima insania est. Recte quoque de posteriori. Totum hoc genus liberas habet observationes, nec disciplina ulla est in his melior gravi prudentissimoque Christiano, quam ut eo modo agat, quo agere viderit Ecclesiam, ad quamcunque sorte devenit: quod enim neque contra fidem, neque contra bonos mores injungitur, indifferenter est habendum, & pro eorum, inter quos vivitur, societate servandum. Quin & prudentissime hoc monet. Ipsa mutatio consuetudinis, etiam qua adjuvat utilitate, novitate perturbat. Utinam observarent nostri homines! qui quoniam subscriptione manuum suarum consensum promittunt in observationem rituum, seu caeremoniarum Ecclesiasticarum; non video qua ratione, se hic audent gerere pro novis Reformatoribus. Certe quod monet Apostolus 1. Cor. 14. vers. 40. non est insuper habendum. Vult vero ille, ut omnia fiant *ὡς ὁ κοινὸς ὁμιλῶν, ὡς ἡμῖνες, καὶ κατὰ τὰς ἐκκλ.* Notatu quoque dignissima est admonitio Hieronymi in Epistola ad Licinium: Ego (inquit) te illud breviter admonendum puto, traditiones Ecclesiasticas, qua fides non officiant, ita servandas, ut à majoribus tradita sunt, nec aliorum consuetudinem aliorum contrario more subverti.

- V. Hisce praelibatis, expendi proxime debet, quid Reynessius, atque sub ejusdem persona D. Voetius monstri alat, sub titulo *Reformationis intensivæ*. Nolo hic historiam contexere, atque pandere illa omnia, ( *ἡλικὴ πολιτικὴ* secundum fatum Metellorum favente ) quæ tanto scilicet Theologo, velut alteri ( sed Heusdano- Ultrajectino ) Calvino incrementum, non minus privatim quam publice, procurarunt, quod ab anno 1634. se ostentare sustinuerit pro Reformatore intensivo. Satis mihi est, quod hanc suam intensivam Reformationem ( neque ratione dogmatum, neque rituum, valentem titivillitio ) prostituat per hominem ineptissimum. Ne vero conqueri possit quicquam neglectum esse, omnia minutatim & exscribam, & simul, quæ exscripta fuerint, examinabo. Atque ut initio homo meus, à suo Pythagora edoctus, præmittit quatuor distinctiones, priusquam ex illis conclusiones eliciat, illas in antecessum & proponere.



ponere & expendere convenit. Ita ergo loquitur pag. 77. lepidi sui  
 Judicii: Ante omnia vero prænотandum est. 1. Reformationem intendi  
 posse, vel supra quam docuere Doctores & Pastores: Vel supra quam reti-  
 nuit & didicit vulgus. 2. Vel supra quam vere illi docuerunt; vel supra  
 quam nos scire possumus eos docuisse. 3. Vel ut cognitio intensive augea-  
 tur: Vel ut praxis pietatis. 4. Vel ut intensio fiat in uno loco: Vel ut in  
 omnibus & singulis. Ad quæ sic ordine respondeo. 1. Inepte confun-  
 dit ipsam intensivam Reformationem cum ejusdem successu & appli-  
 catione. Certe tempore Pauli non omnes crediderunt Euangelio: ita  
 enim ipse testatur Rom. 10. vers. 16. *Sed non omnes (inquit) aus-*  
*cultarunt Euangelio.* Esaias enim dicit, Domine quis credidit sermoni no-  
 stro? Et tamen perpetuo verum mansit hoc ejusdem dictum: *Etiamsi*  
*nos aut Angelas à celo euangelizet vobis, præter id, quod euangelizavi-*  
*mus, anatema esto.* Atque ne quis forte ex Pseudo-Apostolis, qui  
 jam tum plurimi erant, sibi ad Reformationem intensivam aliquid  
 superesse opinaretur, expresse dicit, 1. Cor. 3. vers. 10. 11. *Secundum*  
*gratiam Dei qua data est mihi, ut peritus Architectus fundamentum statui:*  
*alius autem superadificat.* Porro quisque videat quomodo superadificet. Nam  
 fundamentum aliud nemo potest statuere, præter id quod positum est, quod est  
 Iesus Christus. Quo in loco ut Apostolus distinguit inter se, utpote  
 fundatorem, aliosque qui super illud fundamentum ædificabant; ita  
 manifeste ostendit, fundamentum, bene si positum fuerit, intensio-  
 nem non admittere, etiamsi (ut innuit vers. 12.) quidam superadifi-  
 cent aurum, argentum, lapides pretiosos; alii vero ligna, fenum, stipu-  
 lam. 2. Vulgi diversa superædificantis fundamento, seu doctrinæ  
 Evangelicæ per Reformationem depurgatæ, in Reformatione nul-  
 la est habenda ratio, prout patet ex Esaiæ cap. 53. cujus verba præ-  
 dicationis suæ successui applicuit ipse Christus Johan. 12. (3.)  
 Reformatis hoc tempore constat, quænam doctrina fuerit primorum  
 Reformationum, eorumque qui proxime eos insecuti fuerunt, partim  
 ex publicis Confessionibus, partim ex privatis eorum scriptis. Eoque  
 factum suum produnt, quicumque prætexentes ignorantiam doctrinæ,  
 à primis Reformationibus traditæ, intensive ex suo sensu reformare Ec-  
 clesias hoc tempore præsumunt. 4. Quando intenditur praxis pieta-  
 tis, non mox intenditur Reformatio. Homines è præscripto verbi Dei  
 instituere possunt publicam Reformationem tum doctrinæ, tum ri-  
 tuum; non pariter vero in eorum potestate est reformare mores, atque



intendere praxin pietatis. Suadere hoc quidem possunt secundum doctrinā, argumentis quoque; ex ipsa doctrina deductis, non tamen actua-  
lem vitę emendationem procurare: sed necessum est adit specialis  
*ἐπέχει* Spiritus Sancti, siquidem hic valet, quod dicit idem Apostolus,  
1. Cor. 3. 6. *Ego plantavi, Apollos rigavit: sed Deus dedit crescendi vim.*  
5. Mirum admodum, hominem hunc, qui pręsumperat agere de Re-  
formatione intensiva, meminisse locorum, quorum ratione, non qui-  
dem intensive, sed extensive Reformatio instituitur.

- VI. Proxime despiciendum est, quasnam conclusiones ex lepidis hęc  
distinctionibus Reyneffius eliciat. *Primam* pag. 78. hęc verbis pro-  
ponit: *Certum Ecclesiam in omni loco amplius reformari debere quam re-  
ceptum est, non modo quod ad Theoriam, sed & quod ad praxin.* De Refor-  
matione quod ad praxin, jam dictum est: sed, si quod ad Theoriam ip-  
sa pariter intendi debeat, da, mi homo, exemplum. Nisi forte (ut ex  
subsequentibus videor colligere) per Theoriam intelligas cognitio-  
nem Theoreticam, qua instructi esse debeant futuri vitę eternę here-  
des. Atque sic confundis ipsam reformatam doctrinam cum applicatio-  
ne ejusdem per ministerium Evangelii, instrumentaliter hic conside-  
randum. Ne vero Noster videatur rationibus destitui, quatuor ex ordi-  
ne proponit, quę expendi pariter merentur. 1. Hęc verbis concipi-  
tur: *Tot defectus, & imperfectiones, videmus, ut intensio Reformationis  
summe sit necessaria.* Non enim multi duntaxat infirmi, valetudinarii &  
dormientes, sed & velut *Cretenses*, Mendaces, malę bestię, ventres pi-  
gri, quos ut moribundos sanari, ut deformes intensive reformari necesse est. At,  
quid hęc *πῆγες ἰπῶν*? An ergo Cretenses, qui doctrinam Evangelicam  
practice in vita sua plene & perfecte non exprimebant, eā pariter semi-  
plene edocti fuerant? Quum Apostolus ex Epimenide hoc iis applicuisset,  
Tito sic pręcipit: *Eos redarguito pręciso, (ἀπολόγους)* hoc est, acriter  
reprehendito eorū inveterata vitia, quo extirpari queant. Simul addit:  
*Ut sani sint in fide,* Tit. 1. 13. illa scil. fide, quam per sanam doctrinam  
acceperant. Mores scil. secundum doctrinam fidei per acrem redargu-  
tionem Paulus emendari vult, doctrinę vero Evangelicę, per quam  
fides ingenerata erat, solummodo sanitatem urget: ne scil. per *Judaicas  
fabulas, & pręcepta hominum* adulteraretur. Eoq; non suadet hic inten-  
sivam ejusdem Reformationem, verum vindicias duntaxat. Alias valet  
illud, quod idem Apostolus dicit suo Timotheo, 1. Tim. 4. 16. *Permane  
in istis,* Si Ultrajectini Reformatores intensivi probaverint, se doctri-  
nam



nam Orthodoxam in illa Ecclesia adulteratam invenisse, forte titulum Reformatorem tulerint. 2. Ita argutatur Reyneffius: *Scimus etiam non omnia recepta esse, quæ à Doctores proposita sunt. Multis non manentibus in iis, quæ audierunt. Multis è prima charitate excidentibus. Quos cum revocari necesse sit, reformatio intensive augebitur, etiamsi nihil doceatur extra ea, quæ antea proposita sunt.* Resp. 1. Ratione dogmaticorum hoc accidisse Ultrajecti, antequam illam sibi & suis beatam urbem ingrederetur intensivus Reformator Voetius, si probaverit Reyneffius, pariter evicerit apostasiam sex verbi Divini ministrorum, quos ibi Calvinus (scil. Heusdanus) invenit. 2. Ex Apostolo cap. 1. ad Titum jam probavimus (admisso quoque tali casu) non opus fore nova Reformatione intensiva, ceterum solummodo vindiciis Reformationis semel feliciter institutæ. Alias in infinitum posset procedere hæc intensiva Reformatio, & tandem deveniretur ad falcem agricolæ Thracii quam antea Socinianis vindicavi. 3. Sic progreditur: *Ipsi etiam Reformandi intensivam Reformationis desiderant, dum se sanctorum minimos, peccatorum maximos fatentur, qui iustitiam esuriunt, atque ad perfectionem tendunt, ut sint perfecti, sicut pater ipsorum in cælis est.* Concedo totum: siquidem hæc nihil ad rem faciunt. Quisque fidelis secundum Reformatam doctrinam (quæ efficacissima est ad veræ pietatis praxin) magis atque magis vitam suam reformare debet juxta illud, qui *sanctus est sanctificetur adhuc*, Apoc. 22. 11. Sed hæc sanctificationis intensio nihil commune habet cum Reformatione intensiva de qua agimus: atque ad hanc verbi Divini ministri aliud conferre non possunt, quam ut Reformatam doctrinam, quæ est *agnitio veritatis secundum pietatem*, Tit. 1. 1. prudenter & efficaciter applicent. 4. Sic intendit suum argumentum: *Idque exinde, quod omnia hic ex parte tantum esse sciunt. Sed frustra hoc evincere laboro, ad quod efficiendum integra biblia data sunt.* Ut homo Dei perfectus sit. Ad quod promovendum totum ministerium institutum, Eph. 4. 11. 12. Resp. At hic merus est *νοκκυσμός*. Sanctificatione secundum doctrinam concedo ex parte se habere, non æq; vero doctrinam Reformatam, ad promotionem & intensivam sanctificationis facientem. Nam si doctrina Reformatam examullim cõsentit cū doctrina Apostolica, quod in ea amplius intensivæ reformetur, nõ occurrit, nisi quis pariter imperfectionis voluerit arguere *προβόλευον* ipsū. Si in doctrina ut Reformatam (hæc agnosci debet velut quid *ἐκλυτον*) quis adhuc hiatus, aut nevus occurrat, ex Scriptura corrigendus esset, & cum novi hi Reformatores intensivi indicare deberent.



Nec favere potest Reynessio Apostoli Pauli autoritas. Agnosco hæc illius verba, *Ex parte cognoscimus, ex parte prophetamus*, 1. Cor. 13. 9. sed instituto nostri hominis non cōducunt. Nam illud *ἐκ μέρους* referri debet, ut ex subsequentibus commatibus illius capitis patet, ad futurum statum gloriæ. Nec confertur (vellent hoc hi Reformatores) status initialis Reformationis, cum progressivo seu ulteriori: sed est collatio præsentis & futuri status circa cognitionem Dei & rerum divinarum. 2. Quæ garrit de promotione Ministerii, concedimus si sano sensu intelligantur. Ministri moderni debent promovere reformationem extensivè, & simul quoque omnibus modis operam dare, ut doctrina Reformatæ efficaciter per vitæ seriam emendationem exprimat. Sed hoc dum agunt, non possunt agnosci intensivi Reformatores. Si deformata fuerit doctrina, potest verbi Divini Minister eam reformare, quod facit dum eam ex Scriptura emendat: simul ipse adjurus à Magistratu, potest reformare cæremonias, seu ritus Ecclesiasticos. Nihil vero potest per se (quanquam ejus ministerium necessarium agnosci potest) circa applicationem doctrinæ Reformatæ pro reformatione morum suorum auditorum. Quando enim omnia etiam egerit, sæpe exclamare tamen debet cum Esaia: *Quis credit prædicationi nostræ: & brachium Iehovæ in quo revelatur?* Quam Esaia exclamationem non modo Paulus, sed & ipse Christus suæ concioni applicuit, prout supra annotavimus.

- VII. Sequitur secunda Reynessii nostri conclusio, proposita pag. 79. hisce verbis: *Nemo aliquod officium è verbo Dei populo propositurus, tenetur inquirere utrum prædecessores ejus idem docuerint: ne alioqui ipsorum limites incautus transeat.* Resp. 1. Hoc axioma Voetianum *dis Agg. præst.* recedit à regula Apostoli Pauli, cujus hoc est verbum Heb. 13. 7. *Memores estote ductorum vestrorum, qui loquuti sunt vobis sermonem Dei: quorum imitamini fidem, contemplantes quis fuerit exitus conversationis ipsorum.* Observandum vero est, quod non dicat, qui loquuntur vobis sermonem Dei, respiciendo tempus præsens; sed, qui locuti sunt vobis sermonem Dei; (*ἐλάλησαν ὑμῖν τὸν λόγον τῆς Θεῆς*) habendo scil. rationem antecessorum præteritorum. Nec falluntur admodum, qui existimant speciatim Apostolum respicere primos N. T. Martyres. 2. Imo hoc suadet prudentia Politica; nedum magis idem suadere deberet prudentia Ecclesiastica. Quæcunque in Societate humana velut nova occurrunt, ob corruptum hominum hujusce sæculi ingenium, pariter eos excitare atque



atque commovere solent ad turbas, seditionesque, per quas ordinario tranquillitas publica admodum periculose turbari solet. 3. Eoque quisquis ex Reformatis verbi Divini ministris voluerit censerī prudens, nec haberi turbo, ante omnia, contra quam D. Voetius, cum suo Reyneffio, docet, diligenter inquiret, quo usque sui antecessores fuerint progressi. Si attendatur Reformationis historia, ex ea nimis quam manifeste patet, propterea eos quam maximas difficultates (si non persecutiones quoque) incurrisse, quod viderentur novam doctrinam proponere atque urgere. 4. Atque hanc ob causam Christus, ejusque Apostoli (præ omnibus aliis vero Paulus) suam quoque doctrinam passim per testimonia V. T. confirmant. At, ne videatur Reyneffius sine ratione loqui, quatuor proponit argumenta, è quibus hoc primum: *Non enim Apostoli (inquit) in concionibus Ethnicorum, neque in Synagogis Iudeorum, primo inquirebant, quid Sacerdotes, quid scribe ante eos docuissent. Sed simpliciter Divinam proponebant veritatem, atque addebant, ut sibi à vana conversatione à patribus tradita, caverent.* Resp. 1. Alia ratio concionum ab Apostolis habitatum ad Gentiles, & alia earundem ad Judæos. Illis simpliciter veritatem annunciabant, his vero, in testimonium advocatis Mose & Prophetis, eandem atruebant. Unde de semetipso Paulus testatur, quod *testificatus fuerit tum parvis tum magnis, nec quicquam dixerit extra ea, quæ Propheta ac Moses futura prædixerunt, Act. 26. 22.* 2. Apostoli ita Judæos laborarunt abducere à vana conversatione, tradita à patribus, ut simul eosdem deduxerint ad Mosen & Prophetas, velut antecessores suos, qui eandem doctrinam Evangelicam, licet obscurius docuissent. 3. Similiter si forte alicubi in orbe Reformato populus descivisset à primorum Reformatorum doctrina, monendus ante omnia esset, cogitare velit, unde desciverit. *Secundo* ita instat Reyneffius: *Nam veritas divina propter se, & mandatum Dei doceri debet, sive eam docuerint prædecessores, sive non.* Ite, docete. Et vix illis qui non fecerint. Resp. Concedo hoc lubens, si prædecessores aut corrupte, aut non integre doctrinam veritatis proposuerint: at si illam docuerint complete & pure, ut comprehensa est certâ consensus formulâ, scilicet Confessione, aut Catechesi, aut etiam utraque, illi, qui formulæ tali subscripserunt, attendere debent ad illud quod Timotheo suo præcipit Paulus: *Permanere in istis.* Eo ipso enim præsumuntur tali consensus formulæ subscribere, quod nolint ab ea recedere. *Tertio* sic procedit: *Sapissime cateroqui tacendum foret, imo toties, quoties prædecessores, quæ docuissent, scripta non*

reli-



reliquissent, &c. Resp. At vanus hic tuus metus est: quid enim antecessores, ab evulgandis quoque propriis scriptis alieniores, docuerint, constare potest ex publicis. Consensus formulis, quas quidam eorum condiderunt, alii vero, iisdem subscribendo, approbarunt. *Quantum*, & simul postremum argumentum, pro cruda hac assertionem, sic proponitur: *Cum tamen id nobis, hac in re, juris videatur, quod praedecessoribus: Illi potuere veritatem, quam propositam ignorabant, docere, quid ni & nos?* Resp. Hic proponuntur demum arcana fraudulentum cordis. Scilicet meus D. Voetius, illiusque pulli, & male educati imberbesque adolescentes, (sed caput *Spiritu Podagrigo* turgidum habentes) æque, apud posteritatem cupere æstimari, atque primi Reformatores. Tantundem quippe se præstare posse confidunt, si non amplius. Sed an putas Nonster, eos, qui proxime insecuti fuerunt primos Reformatores, cum iisdem paria fecisse? Aut an ipse hoc de se, & suis, spondere sustinet? Convenienter usurpavero verba Apostoli, Heb. 12. 4. *Nondum ad sanguinem usque resististis.* Ego certo persuasum habeo, hos intensivæ Reformationis clamosos patronos, haut quaquam mereri vel cum primis Reformatorebus componi: prout certum quoque est, vel ipsos proximos eorundem successores paulatim descivisse.

VIII. Occasione horum argumentorum, usque adeo lepide aptatorum secundæ conclusioni, meus homo (at præmonente Voetio) audet hanc tertiam Conclusionem pag. 80. tam impetuose inferre, atque si promotionem Doctoralem consecutus esset in Academia, quæ Ultrajecti notatur prope Nicolai. Formula illius hæc est: *Ecclesiam quovis in loco amplius reformare licet, quam scire possumus active docuisse alios.* Simul mox hanc quasi primam rationem subjicit: *Atque ita quidem quarumvis scientiarum & artium Doctores columnas sibi Herculis erigi non patiuntur, sed tendunt quousque possunt.* Papæ! Antequam respondeam, compellor exclamare: adeste lorarii, & hunc Herculem furiolum vincite probe, ne postquam effregerit fenestellas sui sacelli in quo, quando clamor maximè est, cum Diogene vix numerat novem Musas, se præcipitet in Leccam. Cæterum, ut jam cavi meo homini, quid sibi volunt hæc aliud, quam quod animal illud *πᾶντοφον* Voetius cum suis filiis, illiusque dilectiores discipuli debeant & novam Confessionem, & novam Catechesin, & novam Liturgiam Belgis præscribere? ut audiant scilicet Reformatorebus absolutissimi, referantque præmium decimi tertii laboris Herculis. Quis non obstupescat ad hunc meorum Dominorum factum!



factum! At usque adeo eos excæcavit Diva Præcitas, ut ignorent illud Spiritus Sancti effatum: *Deus superbis resistit, submissis autem dat gratiam*, Jacob. 4. 6. & Petr. 5. 5. Invektivæ Reynessii proxime sequentem & me quasi concernentes, &, ut videtur, vice condimenti superadditæ haut magis movent, atque aut voces phreneticorum, aut hominum præsupercilio Campano insanientium. Deum modo rogo, homini meo, suisque adjutoribus saniozem mentem largiatur. Accedo interim ad alteram rationem, aptatam Herculeæ assertioni. Ira verò nostrum *ἐγὼ & Διὸς*. Non etiam (inquit) omnia possumus omnes. Neque verbum Dei exhaustum est. Non nego fundamenta satis ampla posita, necessariaque proposita esse. Sed pernego in iis subsistendum, atque ea quæ utilia sunt, & ad bene esse faciunt proponenda non esse. Ne amplius pueri simus, & pueri maneamus, omisso elementis eloquiorum Dei, laborandum ut profus adolescamus in Christo, & viri fiamus ad mensuram plenæ staturæ Christi. Omne ergo non tantum consilium, sed & verbum Dei proponere licet, ut intensius augeatur Reformatio. Resp. Quis Hercules (exceptos interim velim illos, quos Nolter, cum suis adjutoribus, Genealogiæ suæ inseruit) hoc turpitudinis stabulum, longè sordidius sane quam Augiæ fuit, expurget? Pauca solum notabo, ut meus homo cum suo Voetio, si modo frontem retinuerint, erubescat. 1. Injurius summopere est in primos Reformatores, qui formulas Consensus, sub capitis sui periculo condiderunt, (quibus tamen & Voetius & ipse subscripserunt) quasi non omnia fuerint complexi, quæ Reformanda erant. 2. Absolvit Remonstrantes, quibus meus Voetius in tot suis scriptis vitio vertit, quod voluerint circa Confessionem Belgicam, & Catechesin Heidelbergensem, aliquid mutari. 3. Injurius est in omnes Ecclesias Belgicas, quas (si homini huic credimus) paverint ministri pueri, antequam scilicet ille *δὲ παῖς* Voetius, ex ministro Ecclesiæ Heusdanæ factus Ultrajectinæ Academiæ Professor, inciperet insolentes Theses proponere. 4. Cruda hominis oratio officit potissimum Ultrajectinæ Ecclesiæ pastoribus: quasi scilicet illi ante adventum novi Reformatoris Voetii, auditoribus suis non proposuerint omne Dei consilium. Quod homo hic apertis tibiis canit, credunt istius cæci admiratores, ex quibus nuper quis (sed præ omnibus aliis *ποδομανής*) hic Groningæ profiteri non erubuit, scotomate eos percussos esse, qui non probent omnia, quæ facta fuerint à Reformatore Voetio. Pergit tertio: *Nemo quoque est* (in-

Aaaa

(in-



(inquit) qui ignoret, tempora mutari & nos in illis; cum tempore vero, casus particulares nascuntur infiniti. Quum autem institutiones, adhortationes, reprehensiones, presenti Ecclesie statui accommodanda sint, fieri non potest, ut semper intra predecessorum terminos bareamus, illi se suo rerum statui accommodarunt, nos nostro. Quid agitas homo? An intendis auditores tuos transformare in Ecebolios? Aliud est applicatio doctrinae, aliud ejusdem reformatio. Pro differentia temporum & personarum licet prudens Ecclesiae doctor doctrinam diversimode applicet, non censetur tamen eandem intensive reformare. Postremo sic frugittit eadem pag. Plerunque etiam scire non possumus, aliud in particulari propositum esse, quam receptum videmus. Vix enim millesimus quisque scripta relinquit, quae vivus docuit. Imo forsitan ne millesima quidam pars, eorum quae dicta sunt, scriptis mandata. Multa, scio, scripta exstant, tam in theoria quam in praxi. Sed num unus Pastor ea omnia ad unguem habere potest, & attendere ne quidquam iis superaddat? Quin imo si omnia illa in particulari quavis Ecclesia urgenda sint, an ulla erit quae intensive non reformabitur? Ineptiae pueriles. 1. Quid antecessores docuerint, constat ex publicis Confessionibus: quas ut sapiens verbi Divini Minister longe praeferre debet quorumcunque quoque Doctorum scriptis, ita illas, non vero haec sibi ut Cynosuram proponere debet. At, quid accidit? quod dicit Gaspar Laurentius Theologus Genevensis in Praefatione praefixa Harmoniae Confessionum: Quamvis Confessiones fidei Ecclesiarum Reformatarum tanta auctoritate fuerint instituta, ut ad eas tanquam ad tabulas authenticas recurrendum fuerit, quo prisca primavaque dignosceretur fides: nihilominus à paucis leguntur: Vix apud bibliopolas inveniuntur: quavis privatorum scripta parantur: ex quibusvis aliis potius, quam ex his publicis testificationibus, de Religione dijudicatur. 2. Si quis accuratius voluerit explorare, quod homo noster intendit, publicae fidei Confessiones, maturo consilio à pluribus Theologis elaboratae, rebus rejiculis & nihili accenseri posthac debebunt. 3. Imo, neglectis publicis Confessionibus, quisque somnium sui ingenii (saepè nimium quam petulantis!) velut musteum intensivae Reformationis dogma, Ecclesiis Orthodoxis obtrudere impune poterit.

IX. Propositis atque deductis hisce conclusionibus, Noster pag. 82. & seq. septem deinceps proponit capita, circa quae quasi intensiva sua Reformatio occupari debeat, sed quae pariter ei confundendo cum  
maxi-



maxime servant. Ergo hoc primum caput: *Ut cognitio sit amplior, magna etiamnum hodie multorum ignorantia.* Resp. 1. Concedo hoc lubens: sed an propterea opus est intensiva Reformatione? An vero potius extensiva, simulque prudenti applicatione Reformatæ doctrinæ? Ut Ecclesiæ cognitio sit amplior, pendet post Deum partim à Doctoribus & Antecessoribus ejusdem, partim quoque ab ipsis Auditoribus: qui nisi ruminati fuerint, quæ audiunt, simulque se similes exhibuerint Berceensibus Actor. 17. vers. 11. perfluent, Hebr. 2. vers. 1. Paulus hac quidem invectione incessit Hebræos: *Quos oportuit pro temporis ratione doctores esse, rursus opus est doceri, quia sint elementa initii eloquiorum Dei,* Hebr. 5. vers. 12. Non tamen de novo opus Reformationis aggitur, contentus negligentes suos auditores sic monuisse: *Omisso qui in Christo rudes inchoat sermone, ad perfectionem feramur,* &c. Hebr. 6. vers. 1. Quo loco perfectio non debet accipi de Reformatione intensiva, sed profectu cognitionis in doctrina jam antea Reformatæ & ab Apostolo prædicata. 2. Ut cognitio non modo plebis, sed multorum quoque ministrorum foret amplior, optandum esset. Interim haud absque ratione dixit Apostolus, *Cognitio inflat, charitas vero ædificat,* 1. Cor. 8. vers. 1. Circa quem locum ex re fuerit consuluisse Irenæum lib. 2. de Hæres. cap. 45. Cognitio ampla rerum. Theologicarum sæpe numero nimium quam securos genuinæ praxios pietatis, non modo reddere solet vulgus, sed & ipsos pro dolor! Theologiæ Professores. Accedo ad secundum caput intensivæ Reformationis: *Ut (inquit) cognitio certiorinatur fundamento, videmus homines ex crebro auditu compagem quandam cognitionis conservare, cuius sæpe nullam partem ex Scr. S. demonstrare possent.* Resp. 1. Quod vovet noster homo, pariter votum nostrum est. Sed quid hoc ad intensivam Reformationem? Doctrinam Reformatam, prout proponitur in formulis consensus, si quis legitimè sibi applicuerit, ulteriori Reformatione non fuerit opus. 2. Ut hunc in finem Exercitia Catechetica instituuntur, omnibus modis probo. Cæterum vereor admodum, an quæ quotidie Ultrajecti instituuntur ad hunc pariter scopum vergant. Certe quæstiones extravagantes, privatæ Catechizantium opinioni & scopo ut plurimum servientes, tantum abest ut servant confirmandæ fundamentalium articulorum doctrinæ, in animis vulgi, per eas intrancantur ipsi Theologiæ studiosi. Ex iis, qui talibus solum doctoribus operam dederunt, paucissimi notantur, qui



bus competat elogium, quod per Spiritum Sanctum Apollos accepit, qui licet solum catechumenus esset, dicitur tamen *potens fuisse in Scripturis*, Actor. 18. vers. 24. Sequitur *tertium* caput hujus Reformationis: *Ut cognitio* (inquit) *sit magis sensitiva, experimentalis, ut scilicet sentiant rem sic esse, quomodo esse in verbo Dei dicitur: sic fide purificari corda, sic fidem per charitatem efficacem, sic fideles sua salutis certos esse.* &c. Resp. Hęc rursus plane sunt ἀπεσδιόνοια. Sensitiva, simulque experimentalis cognitio, quam fingit, pendet, post Deum, (à quo expectanda est hęc ἀληγοφασία fidei) à diligenti observatione cujusque fidelis, attendentis non modo ad motus Spiritus Sancti, (quos ut plurimum multi negligere solent) cordisque sui secundum illos dispositionem; verum etiam ad efficacem applicationem doctrinę Reformatę, quam prudens verbi Minister modo hac, modo illa, ratione instituit, pro auditorum differentia, ex admonitione Apostoli Judę vers. 22. 23. *alios quidem habito delectu commiserantes: alios vero metu servando.* Quartum caput hoc est: *Ut cognitio* (dicit) *sit magis effectiva: calumnias horrenda peccata esse satis norunt omnes, satis novat Schoockius, quam sterilis tamen sit hac cognitio, quivis Schoockii libellus docere potest.* Resp. Nihil hic occurrit, quod non aliquoties jam notatum fuerit: ut cognitio magis sit effectiva, non pendet ab intensiva Reformatione Ecclesię, sed ab applicatione ejusdem, prout aliquoties jam notatum est. Quę mihi per calumniam applicare laborat, dijudicanda Deo relinquo. Ei uni constat, egone ovicula aquas calumniatorias turbarim, an vero Voetius cum suis filiis & adiutoribus, qui hoc adhuc tempore mihi insidiantur ut lupi vespertini. Nihil scripsi unquam, quod non simul & defendere possim, & paratus sim. Quintum caput hisce verbis profertur: *Ut ne charitas quid malis* (inquit) *suspicietur, dubia benignius interpretetur, atque optima quaque de piis credat. Hodie quoties quis se ad placitum nostrum, & mores aliorum non componit, ille hypocrita, legis praco, praecliffa audit, & nescio quid moliri creditur.* Resp. 1. Hęc eodem pertinent, nec quicquam prodesse possunt. Si vero ex hoc quoque capite intensiva Reformatio agnosci debeat, optandum foret, Domini mei eam quam scrupulose circa se exercere instituerent: hactenus siquidem soliti sunt non modo privas personas à se dissentientes condemnare, verum etiam integras Ecclesias. Legantur modo Voetii Theses adversus regimen & ritus Ecclesię Anglicanę, qualis sub Rege Carolo I. agnoscebatur.



2. Si hoc genuinum foret caput Intensiva Reformationis, non posset non iis quoque placere moderatio: verum per allusionem ad vocem Belgicam *modder* (vox hæc uvidum lutum notat) ordinario in eorundem Schola vocatur *Modderario*. Gratulor vero mihi cum maxime, quod hæc aurea virtus nacta fuerit præconem Cl. D. Hoornbeeck. Ne enim hic ea representem, quæ exhibuit ex Ambrosio & Blofio, ipse inter alia in Epist. Dedicat. præmissa Institutionibus Theologicis sic loquitur: *Usus (inquit) verae moderationis necessarius & salutaris. Absque quo nullum constare regimen potest, disciplina sive in Ecclesia, sive in Politia nulla.* Utinam observarent intensivi nostri Reformatores. Sextum caput fuerit, quod sequitur: *Ut patronus malorum nemo sit. Vix ullus hodie est adeo male nequam, quin plures patronos, quam Thebæ portas inveniat. Neque mala adeo est causa, quam non quispiam defendendam sumas.* Resp. Quæ ante toties dixi, hic iterum repetita cupio: cum hæc nihil faciant ad Reformationem intensivam. Opotandum foret, Nostri Reformatores ratione hujus capitis à semetipsis inciperent & viderent mantica, quod in tergo est. Sed, pro dolor! similes sunt Manio Horatiano, qui ita de semet: *Egommet mi ignosco.* Quod vero poëta proxime subjicit, illud velim noster Reyneffius cum suis adjutoribus probe meditetur:

*Cum tua pervideas oculis mala lippus inunctis,  
Cur in amicorum vitiis tam cernis acutum,  
Quam aut aquila, aut serpens Epidaurius?*

Deveni Deo dante ad ultimum caput intensivæ quasi Reformationis, hisce verbis à Reyneffio propositum: *Ut cupiditates ulterius mortificentur.* Quod cum ejusdem sit farinæ cum præcedentibus, verbum non superaddo.

Atque sic quidem hætenus expendimus nostri tenebrionis mentem de intensiva Reformatione Ecclesiæ; cui, ut persuasissimum habeo, præmansum cibum à D. Voetio in os ingestum esse, ita hic subdole admodum mentem suam de hac intensiva Reformatione occultavit, prout *νεφελὰ τῆς αἰγῆς* latebras querere solent. In quatuor maxime Intensiva Reformationis capitibus viri zelus hætenus occupatus fuit. 1. In reformando Ecclesiæ regimine, quo excludi optaret Magistratum politicum: inde (ut aliquoties publice ostendi) felices in publica Disputatione ausus fuit prædicare Ecclesias Gallicas,

A a a a 3

utpote



utpote ad supremum apicem Reformationis evectas, quod earum moderamen plane independens esset à Potestate politica: atque certum est, ejus armigerum Teelingium, ministrum Ecclesiæ Ultrajectinæ pro concione publica nuper adhuc (innuo annum 1659.) voluisse persuasum, nefas esse ut Delegati politici intersint Synodis; ad Magistratum tum demum devolvi negotia Ecclesiastica, si quando de iis non potuerit inter ipsos ministros convenire. Quid anno 1660. adversus Magistratum quoque quidam ex Ultrajectinis Pastoribus moliti fuerint, postquam constituti essent duo commissarii Politici, qui ad iniquitatis molimina, à Voetianis pastoribus in Consistorio ipso cudi solita, attenderent, publice notum est: ut neque postera secula latebit, quomodo mitissimus alias Magistratus adactus sit, ad quosdam è turbonibus castigandos. 2. In extirpandis reliquiis quasi Papatus; inde adeo fervide disputatum contra Jus Patronatus, (invito tamen Papa receptum in Ecclesia) contra Canonicos Ultrajectinos, contra Societatem Marianam Sylvaeducensem, denominationes templorum à Sanctis, &c. 3. In componenda quasi Ecclesia ad simplicitatem Apostolicam: atque hinc laboratum de abrogandis Festis anniversariis, exterminandis Organis è templis, &c. 4. In strictiori explicatione Decalogi, atque adia phorum rigida definitione secundum præconceptam & cedere nesciam opinionem. Patet ex evulgatis scriptis contra usum trapeziticam, promissiores virorum capillos, &c. ne jam dicam de controversiis motis de sanctificatione diei Dominici. Hæc capita noster Reynessius enotare debuisset, utpote propius pertinentia ad intensivam Reformationem, quam ea, quæ enotavit. At pudit tum eum, tum ipsius adjuutores: quibus cum ratione applicueris illud, quod habet Tertullianus adversus Hermogenem cap. 1. *Loquacitatem facundiam existimant: impudentiam constantiam deputant: & maledicere singulis officium bona conscientia judicant.* Nec moveor, quod sectatores multos habeant: nam, ut loquar cum eodem scriptore de Præscript. cap. 2. *De quorundam infirmis atibus habens quod valent, nihil valentes si in bene valentem fidem incurrans.*

EXER.



## QUA

## Disquiritur, an homini jus Naturale dicter, sacrificandum esse?

1. **Q**uinam pro Affirmativa sententia stent?
2. **N**egativa vero probatur, ex primo sacrificio Abelis & Caini.
3. **E**adem sententia placuit antiquis Patribus, nominatim Eusebio: plurimis Theologis Reformatis, imo & Pontificiis.
4. **A**rgumenta, è Scriptura in contrarium vulgo adduci solita, leve momentum habent.
5. **U**nde Gentiles sacrificare didicerint, ostenditur.
6. **S**apientissimi Gentilium viderunt, Deum victimis, qua talibus, placari non posse.

**N**on videar solis Pedestribus controversis innutritus I. esse, hac Exercitatione quaestionem momenti haut tralatitii, quæ Sacrificandi institutum & antiquitatem concernit, in timore Dei, quod singularem usum habeat, excutere decretum est. Quæritur autem, an jus ipsum Naturale, siue illud Jus, quod homini natura insitum, & cum eo quasi naturum est, prævia ratione, ei dictarit, Deo, pro Ipsius propitiatione, à sacrificia offerenda esset? præv. Grotius in Tractatu de Satisfactione, haut uno nomine commendando, postquam non per omnia infeliciter communem Christianorum fidem de redemptione peccatorum per sanguinem Domini Jesu Christi, *meis* unici, è Scriptura tuitus esset cap. 10. in medio ferme sic loqui instituit: Quamquam autem hæc sufficere poterant, libet tamen ex communi Gentium notitia, aut potius ex vetustissima traditione per omnes terras diffusa, sacri expiatorii naturam paulo uberius explicare. Quin ante legem Moysi, sub statu legis naturalis qui dicitur, sacrificia fuerint, dubitari non potest, quorum ritus à Deo traditos hi, qui diluvio superfuere, per terras omnes dispersi ad posteros transfuserunt: mansitque aliquandiu non tantum apud Semis, sed & apud Iaphe-ri, (forte & Chamis) posteros incorrupta religio, donec plurimum ideoque salutarum Deorum cultus in ejus locum succresceret. Idem docet, digitum in-

ten-



tendendo in hoc suum Scriptum, in Observationibus ad cap. iv. Genes. Pontificii Doctores ut Missæ sacrificium abominandum tutari queant, atque imperitis facilius persuadere, sacrificia pertinere quoque ad religionem & cultum Christianorum, præsupponunt velut principium, cultum Sacrificiorum acceptum ferendum esse ipsi lumini naturæ, & instinctui divinitus ingenito: ut videre est apud Gregorium de Valentia lib. 1. de Missæ Sacrif. cap. 4. & Bellarminum lib. 1. de Missa, cap. 20. Imo, quidam ex Orthodoxis Theologis, disputantes contra Socinum, quod evincant necessariam fuisse satisfactionem pro peccatis, argumentum petunt ab universali omnium hominum conscientia, dicente quasi ἱλαστικὰ sacrificia offerenda esse pro peccati, & poenæ, quæ illi cohæret, expiatione. Adeoque nuper in quadam Inaugurali Disputatione Candidati Doctoratus Theologici, quæ inscribatur, de Satisfactionis Christi necessitate & veritate, offendi sequentia: *Nonne Conscientiæ naturalis naturali rationis luce collustrata dictamen, non fieri peccatorum expiationem nisi interveniente aliqua satisfactione; quam cum à pecudibus pro delictis hominum præstare non posse viderent, humana potius vita exhibere destinaverunt?* Quæ cum mihi crudiora esse videantur, atque minus exalciata, operæ pretium fuerit, in timore Domini aliquanto distinctius excutere.

- II. Cum constet vero duplicia fuisse sacrificia, ὁλοκαυστια & ἱλαστικὰ; sub ipsa mundi incunabula, utraque Adami filii Cain & Abel obtulerunt. Sic enim legitur Genes. 4. vers. 3. 4. 5. *Fuit autem post dies multos, quum obtulit Kain de fructu terræ munus Iehovæ. Et ipse quoque Abel obtulit de primogenitis gregis sui & de adipe eorum: respexitque Iehovæ ad munus ejus. Ad Kainum vero & ad munus ejus non respexit.* Cujus sacrificii commentarius peti debet ex Epistola ad Hebræos, Apostolo cap. 11. vers. 4. sic loquente: *Abel per fidem (πίσει) majoris pretii sacrificium obtulit Deo quam Cain: per quam testimonio fuit ornatus, quod esset justus, testimonium Deo perhibente de donis ejus.* Quem locum si diligenter consideraverimus, duo suggeret, argumenta non minus perspicua quam efficacia. 1. Dicitur Abelus per fidem obtulisse sacrificium. Quod si per fidem, habuit ergo revelatum Dei verbum, non modo quod sacrificandum esset, sed etiam quomodo sacrificandum esset. Nam fides est ex auditu, auditus autem per verbum Dei, Rom. 10. vers. 17. Præterea, ut pro meis adoptem verba τὸ μακροῦ D. Cloppenburgii ex luculento ejus Tractatu, qui inscribitur Schola Sacrificiorum pag. 58.

A. C. 1750



Ἀσύγκτα sunt in Religione, Fides & ἐθελοθρήσκεια. Hæc enim habet  
 τὰ ἐνάλλαλα καὶ διδασκαλίας τῶν ἀνθρώπων quibus nixa est, Coloss. 2.  
 vers. 22. 23. quarum ἡ ἐξέδοσις seu Traditio irritum facit, τὸ ἐνθολὸν  
 τοῦ Θεοῦ, mandatum Dei, Matth. 15. vers. 3. 6. Illa autem nititur reve-  
 latione Divina voluntatis, ut qui cultus Deo ex fide præstatur, sit obe-  
 dientia, qua Deo vocanti paremus, cum πληροφορία promissionis, qua  
 remunerationem speramus, Hebr. 11. vers. 1. 6. Phrasis itaque illo ca-  
 pite frequens (πίσει) per fidem, complectitur, & voluntatis & mandati  
 divini cognitionem, qua docet se illa λαβεῖν coli, atque eam remunera-  
 re velle, & obedientiam cum fiducia promissionum Divinarum. Utrum-  
 que explicatius habetur eodem capite vers. 7. ubi de Noacho sermo est;  
 πίσει χρηματίσθεις Νῶε, ἀλαβηθεῖς. Per fidem dicitur Noachus parasse  
 Arcam; quomodo? χρηματίσθεις, Oraculo edoctus de voluntate Divina, &  
 salutis spe; deinde ἀλαβηθεῖς pio timore & tremore Deo obediens. Rur-  
 sum vers. 8. ubi de Abrahamo sermo est, πίσει, καλούμεν· Ἀβραάμ  
 ὑπήκασεν: Per fidem dicitur Abraham abiisse in locum, quem Deus ipse in  
 hereditatem destinarat: quomodo? καλούμεν· ὑπήκασεν: Audiens Deum  
 vocantem, obediit Dei mandato. 2. Aque firmum argumentum Apo-  
 stolus post Mosen exhibet, quando testantur uterque, Abelis sa-  
 crificium Deo placuisse præ Caini sacrificio. Deo autem nihil placet,  
 nisi quod ipse aut præceperit, aut, si non præceperit, sal-  
 tem non improbet. Notum illud Esaïæ cap. 1. vers. 11. 12. 13.  
 Quis requisivit hoc à manu vestra? &c. Et Psal. 106. vers. 39. Pol-  
 luerunt se operibus suis, & fornicati sunt in adinventionibus suis. Sa-  
 pienter & pie Cyprian. de singul. Cleric. Non nostro, sed Dei arbi-  
 trio, eligenda sunt iustitiæ exercitamenta. Si quis quærat, cur non re-  
 spondebo: quanquam hoc ex Apostolo responderi possit, Cai-  
 num fide destitutum fuisse; & hoc, forte non inepte, ratio su-  
 peraddiderit, eum obtulisse sacrificium Eucharisticum, cum de-  
 buisset propitiatorium. Amplius, si alius quærat, à quo Abelus  
 fuerit edoctus, ut sacrificaret? Non dubito dicere, eum edoctum  
 fuisse ab Adamo parente suo. Quæ ipsius Pererii Jeluïtæ ad  
 hunc locum est sententia, siquidem expresse fatetur, ritum sacri-  
 ficando Abelem didicisse ex Patre Adamo, qui id à Deo doctus, itidem  
 filios suos docuerat. Ad quæ verba hæc subjicit Dominus Rivetus

Bbbb

Exercit.



Exercit. 42. in Genesin: *Vera est responsio, nec aliter placuisset Deo sacrificium Abelis, quandoquidem rejicit omnem ἡγελοῦς Χρεια.*

- III. Argumentum geminum, suggestum à Paulo exponente sacrificium Abelis, instar sexcentarum rationum esse potest. Quod nos vero urgeamus contra Pontificios & Socinianos cum Theologis Orthodoxis accuratioribus, jam olim docuit Eusebius lib. 1. Euangel. Demonstrat: cap. 10. ubi de piis Deoque dilectis Patribus loquitur, qui τῶν Ἀβελ ζώων θυσίαν obtulisse memorantur: τέττε ἡ τὸν λογισμόν ἡγάμα ἐῖναι ἡ τὸν τυχόντα, ἡ δὲ ἀνθρώπινως κεινημένον, κατὰ θυσίαν δὲ ἐπίνοιαν ὑποβεβλημένον. *Ad id faciendum (inquit) non fortuito consilio, nec humano motu vel ratiocinatione, sed divinitus suggesta cogitatione eos inductos fuisse, existimo.* Cur vero Deus λύτρον voluerit esse sanguinem animalium, proxime docet: ἐπεὶ δὴ γὰρ ἑώρων, μεγάλης ἀνθρώποις θρασυταίαις δὲν εἰς ἄποκαθαρσιν τῶν θνητῶν πλημμελημάτων, λύτρον τῆς αὐτῶν σωτηρίας τῇ καὶ ζωῆς καὶ ψυχῆς χορηγῶν προσφείλεσθαι ἡγάγοντο· ἐπεὶ γὰρ μηδὲν κρείττον καὶ τιμιώτερον τῆς οὐκείας ψυχῆς καθεστῆναι ἔχοντες, ἀλλὰ ταύτης πῶς τῶν Ἀβελ τῶν ἀλόγων ζώων προσήγον θυσίαν, τῆς σφῶν ψυχῆς ἀντιψυχῆς προσκομιζόντες. *Cum intelligerent (ex Divina scilicet revelatione) ad peccatorum mortalium purgationem maximum obsequium cultumque (Numinis) requiri, lytrum pro salute impetranda Deo vita animaeque datori persolvendum esse existimabant.* Nihil autem habentes sua ipsorum anima praestabilius, aut pretiosius, quod dedicarent, interim animalia rationis expertia sacrificabant, pro anima sua vitam animalium Deo offerentes. Atque hanc ob causam Philippus Melanchthon, mundi illud miraculum in Exam. Theolog. sacrificia vocat *opera à Deo praecepta.* Atque hoc sensisse quosdam ex Gentilibus, abunde constat ex Historia Numae Pompilii sacrorum apud Romanos conditoris; (quod ipse sacrificaverit, à Pacato Drepanio in Panegyrico post Ovidium vocatur *sacrificus*) siquidem non nisi monitu Deae Egeriae, cujus assiduis congressibus fruebatur, sacra se instituisse finxit, Val. Max. lib. 1. c. 3. Romanisque persuasum erat, ipsum Jovem cum informasse, quomodo sacrificandum esset, quod ex Antiatis lib. 2. prolixè recenset Arnobius lib. 5. adv. Gentes. sub initium. Pertinet huc quoque insignis locus Platonis, ita loquentis in Epinomide: τέτων πάντων νομοθέτης, ὅστις νῦν κέκληται καὶ τὸν βροχύτατον, ἔπειτα μὴ τολμήσῃ καινοπομεῖν, ἐπὶ θεοσέβειαν, ἥτις μὴ σαφὲς ἔχει πῶς, τρέφει πόλιν εὐνοῦ. καὶ μὴν ἐδὲ ὧν ὁ πάτερ ὁ νόμος εἴρηκε πρὸς θυσίων ἀποκαλύψαι, μηδὲ τοσοῦτα πᾶν εἰδῶς ὥστερ ἐδὲ οὐ δύνατον εἰδέναι τῇ θνητῇ τῶν τοιούτων πέρι. *Horum omnium legislator, quibus*



vel minimum mentis habeas, nunquam quicquam in religione audebit innovare, ne ad quosdam videlicet minus certos commodosque religionis ritus civitatem suam convertat. Nec vero qua patria lege vel consuetudine de sacrificiorum ritibus fundata sunt, movebit aut impediet sua imperitia conscius: quum videlicet intelligat rerum tantarum mysteria in naturam humanam cadere non posse. Quod urgeo vidit ipse Jesuita Suarez (à D. Riveto quoque adductus) part. 3. summ. Thomæ, art. 1. distinct. 71. sect. 8. Nul- lum (inquit) est naturale preceptum, ex quo sufficienter colligi possit, deter- minationem illius, ad talem modum, cultus scilicet per sacrificium, esse omnino necessariam ad morum honestatem.

Nec contrarium suadet Propheta Micha, ut nonnemo vult: legi- IV. tur quidem apud eum cap. 6. vers. 6. 7. *Quanam re instructus veniam ante Jehovah, incurvabo me honorem habens Deo excelsio: veniamne ante eum cum holocaustis, cum vitulis anniculis? An accepta haberet lebova millia arietum? myriadas torrentium olei? an darem primogenitum meum pro defectione mea? fructum ventris mei pro peccato anima mea?* Sed quis hinc exculpserit ex instinctu naturalis luminis, & meræ rationis, hominem collegisse, Deum iratum placari velle per sacrificiorum & holocaustorum oblationem? Propheta introducit hic loquentem hypocritam, eumque non Gentilem, sed Judæum, cui indicarat verba sua, statuta sua, & jura sua, Psal. 147. 19. qui existimabat sufficere, si externum solummodo cultum, qui consistebat in oblatione sacrificiorum, Deo præstaret, ne- scius, potissimum requiri rationalem atque internum cultum, absque quo alter nequaquam Deo probabatur, ut patet ex sequenti commate octavo: cum quo conferri debent loca Matth. 6. 1. & 15. 8. 9. Rom. 12. 1. Matth. 23. 23. Nec ad rem facit, quod Propheta mentionem faciat *primogeniti offerendi*: siquidem ἐπεὶ οὐκ ἔστιν ἱεὺς hoc persuaserat Israëlitis, qui (ut æmuli quasi viderentur Patriarchæ Abrahami) videntur primi quoque abominando hoc sacrificio Deo litasse, atque Gentilibus exemplum præbuisse, (ut postea liquebit) filios suos comburendo in valle Hinnomi, Jos. 15. 8. 2. Reg. 17. 17. & 21. 6. & 23. 10. 2. Chron. 28. 3. & 39. 6. Jesh. 30. 32. 33. Jerem. 7. 31. & 19. 6. 32. 35. Nec est, quod quis dicat, lumen Naturæ, post lapsum in homine reliquum, dic- tare Deum honorandum esse sacrificiis: ei enim ipse Deus respondet Psalmo 1. vers. 9. & seqq. *Non accipiam de domo tua juvencum, de caulis tuis hircos: quum mea sit omnis bestia silvestris, jumenta in montibus mille, &c. Sacrifica Deo laudem, & redde Excelsio vota tua. Sacrificia omnia Ty- pica*

B b b b 2



pica fuisse, & adumbrasse unicum sacrificium Christi, ut agni immaculati, certissimum est: & licet Deus ante Christum exhibitum requisiverit sacrificia, ad p̄ta figurandam redemptionem & reconciliationem per illum peragenda; non tamen hęc ipsa Sacrificia potuerunt facere expiationem proprie dictā, prout distincte docet Apostolus Heb. 10. 1. & 4.

- V. Si quærat aliquis, unde ergo didicerint Gentiles Diis suis victimas offerre? Respondebo cum Domino Riveto l. d. *Partim ex κακοζήλῳ, qua mundus in quibusdam solus imitari Ecclesiam, partim instigante Diabolo, varia sacrificia & varii ritus etiam apud Ethnicos observabantur.* Diabolo vero non modo, (qui homicida est ab initio, Joh. 8. 44.) verum etiam ipsis Israëlitis, qui videntur primitus ab eo seducti esse, placuit ἀνθρώπων θυσίαι, quod illa ab ipso Deo videretur præcepta esse Abrahamo, cui, ut filium unigenitum Isaacum offerret, ipse Deus injunxerat, Genes. 22. Exemplum Jephthæ pariter laudari posset, (Jud. 11.) modo constaret filiam eum immolasse, & non potius perpetuæ virginitati devovisse. Ego hic ἐπέχω, nec etiam convenit inter viros maximos: pro utraque quoque sententia plausibilia argumenta adducuntur. Interim confusionem utriusque Historiæ, qua Abrahami, qua Jephthæ sapit Gentilium Iphigenia (videatur vel unus Euripides in Iphigenia in Aulide) ea cum esset offerenda à patre Agamemnone, juxta oraculū pro salute Græcorum, morti per Dianam, quæ substituebat cervam, (hinc Dianæ posita hęc antiqua Inscriptio: ΑΡΤΕΜΙΑΙ ΑΥΑΙΑΙ ΖΩΤΕΙΡΑ) erepta fuit. Nomen & sexus redolent historiā Jephthæ: Iphigenia enim est vera Jephthigenia. Catastrophen autem de substituta pecude pro humana victima, sapit catastrophen Sacrificii Abrahami, qui loco Isaaci arietem immolavit. Juxta Demarathum & Dorotheum ad suffragiū vocatos à Clemente Alexandrino in Protreptico, Erechtheus suam filiam Proserpinæ, Marius vero suam quoque Diis Avernuncis immolasset. Ut sit vero, videntur primi Israëlitarum, κακοζήλῳ sacrificii Abrahami (Isaacus, si immolatus quoque fuisset, non potuisset vel suum peccatū expiare, quod merus homo esset; eoque substitui debuit Aries in typum sacrificii Christi) filios suos Molochi obrulisse. Secuti fuerunt eorum exemplum populi finitimi: & quidem primi ut videntur Tyrii, de quibus ita Curt. lib. 4. cap. 3. *Sacrum quoque, quod quidem Diis minime cordi esse crediderim, multis seculis intermissum, repetendi auctores quidam erant; ut ingenuus puer Saturno immolaretur. quod sacrilegium verius quam sacrum, Carthaginenses à conditoribus traditum, usque ad excidium urbis suæ fecisse dicuntur.* Tyriorum exemplū idem egerunt Taulanti, Strab. l. 3. Gaditani, Pausan. lib. 3. Massagetae, testē



teste Mela l. 2. c. 1. Tauri, Oros. lib. 5. c. 1. pluresq; alii populi, ordine adducti à Tyraquel. ad Alexan. ab Alexand. l. 6. Genial. diar. c. 26. & Ludovico Vive ad August. de Civ. Dei l. 7. c. 19. item Elmenhorstio ad Minucium Felicem. Præ cæteris detestanda fuit Germanorum crudelitas, de qua ita Cicero Orat. pro Fonteio: *Si quando aliquo metu adducti Deos placandos esse arbitrantur, humanis hostiis eorum aras ac templa funestant, ut ne religionē quidē colere possint, nisi eam ipsam prius scelere violarint. Quis enim ignorat, eos, usq; ad hunc diem, retinere illam immanem ac barbaram consuetudinem hominum immolatorum?* Eadem de illis perhibet Cæsar lib. 6. de B.G. & Strabo l. 4. Geogr. Adeo vero pertinaces hujus consuetudinis fuerunt, ut, teste Procopio l. 9. de Bello Gothico, ne quidē, Christiani cum essent, eam intermittere potuerint. Horrendum quoq; est exemplum, quod Cedrenus in Theodosio Adramytteno narrat de Pergamenis, ad Christum jam conversis, & à Saracenis obsessis: siquidē *Magi cujusdam instinctu, prægnantem mulierem dissecuerunt, fœtuque in cacabo elixato, quotquot militare vellent, in exsecrando hoc sacrificio manicas dextrarum suarum intingere debuerunt.* Adeo verum est judicium Polybii lib. 1. c. 81. nullam inveniri belluam crudeliorem homine. Et tamen adhuc hodie ἀνθρώπων ἰσχύς recepta est inter omnes ferme Gentiles, quotquot in Asia, Africa, & novo orbe Americano notantur, quemadmodū prolixè ostendi posset, si institutum nostrum pateretur. Primi ex gentibus decreto publico barbarum hunc morem abrogarunt Romani. Ita enim de iis Rinius lib. 30. Natur. Hist. c. 1. D. C. LVII. *demum anno Urbis Cn. Cornelio Lentulo & P. Licinio Crasso Coss. Senatusconsultum factum est, ne homo immolaretur, palamque in tempus silur sacri prodigiosi celebratio, &c.* Non satis æstimari potest, quantum Romanis debeat, qui sustulere monstrum in quibus hominem occidere religiosissimum erat. Atq; ut hoc fieret, monuerat Plato, ita & loquens per interpretem, & simul edicens ut Legislator in Protagora: *Neque leges nostræ (inquit) homines sacrificari permittunt, &c.* Sed tamen ipsi Romani, qui præ aliis gentibus sancti & clementes, imo, & humani sanguinis parci videri voluerunt, frequenter gladiatorios ludos exhibere solent, atq; in Illustrium virorum funeribus plura eorum paria committere, ut, Inferias quasi defunctis persolverent. Quomodo & hodie Barbaris, qui inter Gentiles adhuc censentur, consuetum est, captivorum ab hostibus sanguine placare Manes defunctorum, quando his feralia sacra persolvunt. Fateor, hæc si attendamus, cum Grotio plausibiliter in speciem colligi posse, Gentes, sacrificia hæc, abominanda licet, & olim obtulisse, & hodie



hodie adhuc offerre, ut satisfaciant illi Enti, qualecunque etiam fingere voluerint) quod Numen censent, in eum finem, ut placatum habeant. Sed, ut nesciunt, & nesciverunt, quodnam sit fundamentum & fulcrum victimæ ut expiatoriæ (omnes si occiderentur homines, minimum hominis alicujus (τοῦ Δεία) peccatum expiare non possent) ita hic aliud præceptum non possunt adducere, quam vetustam, imo immemorabilem majorum suorum consuetudinem, quæ destituta instinctu rationis (sane hic non sufficientis) exigi debet ad κακοζηλίαν, de qua jam fuimus locuti.

- VI. Quod fundamentum expiationis, quum ignotum esset illis, qui inter Gentiles sapientissimi habebantur, sacrificia, expiatoria licet, animus nisi purus, integer, atque illibatus foret, nulli usui esse existimarent. Patet vel ex uno Porphyrio lib. 2. de Abstinencia. Statius lib. 1. Theb.

Superosque in vota fatigant

Inachida, qua cuique domus, sacrique facultas,

Hi fibris animoque litant, hi cespite rudo,

Nec minus auditi, si mens accepta moveretur.

Seneca lib. 1. de Benef. cap. 6. Nec in victimis quidem, licet opima sint, auroque præfulgeant, Deorum est bonos; sed pia ac recta voluntate venerantur. Itaque boni etiam farre ac fritilla religiosi sunt; mali rursus non effugiant impietatem, quamvis sanguine multo cruentaverint. Quomodo & Aristoteles Rhet. ad Alex. cap. 3. testatur: Deos non sacrificiorum sumptibus, sed sacrificantium pietate potius delectari. Verba Græca sunt elegantia: ὁρνεῖν τὸς θεῖς χαίρειν τοῖς δαπάναις τῶν θυμένων, αἰσθάνεσθαι τοῖς δαπαναῖς τῶν θυόντων. Plura superaddi possent testimonia, nisi pauca hæc instar plurium haberi possent: Eoque hanc Exercitationem hic finimus.

EXER.



## EXERCITATIO XXXIII.

### Efus carniū quando à Deo fuerit concessus?

1. **C**ommunis est sententia ipsorum Rabbīnorum, homini in statu innocentie, solos terra fructus, neutiquam vero carnes animalium pro alimento à Deo concessas fuisse.
2. Dei præceptum de victu hominis in statu innocentie, pertinens ad leges positivas, examinatur.
3. Occurritur argumentis, quibus, Dei præceptum attendendum non esse, videtur suaderi.
4. Ex Dominio quod homini in statu innocentie in animalia concessum est, non licet colligere, ei fas fuisse, pariter vesci carnibus illorum animalium.
5. An in statu innocentie, animalia, quadrupedia quoque, carnibus abstinuerint?
6. An in statu lapsus, hominibus Antediluvianis licuerit carnibus vesci?   
 *Negativa sententia, ut communior, jure potior habetur.*
7. Occurritur argumentis, propositis à Curcellæi adversario.
8. De Abelis sacrificio, ratione efus carniū, quid existimandum sit?
9. An contrarium suadeant pelles hominum, ante diluvium, amictui servientes?
10. Nec præsidium adversarie sententie accedit, à distinctione animalium in munda & immunda.
11. Periculum quoque non erat metuendum, à nimio incremento animalium mutorum.

**Q**uod nuper viderim quendam, qui Curcellæi sententiam I. de esu sanguinis & suffocati sibi examinandam proposuit, multum pulveris voluisse concitare, ut probaret virum doctissimum & egregium, (dolendum licet sit, quod alibi ab Orthodoxi consensus lineis recesserit) inauspicato hanc Hypothesin statuisse: *Quod homini fas non fuerit in statu innocentie carnibus vesci; continere haut quaquam me quivi, quin, omissis reliquis ex tali principio deductis, (quæ hæcenus suo auctori relinquo) aliquid dicerem,*



dicerem, pro communi sententia, non rejicienda propterea, quod persuasissimum habeam, quàm liquido ex Scriptura patere, homini in statu innocentiae alimenti vice solummodo *mensam sine succo & sanguine*, (Varronis verbo utor) sive, terræ fructus à Creatore & Conservatore Universi concessos fuisse. Jure merito videor hanc sententiam communem vocare posse, quod eam amplectantur Rabbinii & antiqui Ecclesiæ Doctores omnes, Pontificii sine numero, atque ex Orthodoxis Theologis plerique. Ut à Patribus incipiam, Tertull. Epist. de Cibus Judaicis: *Cibus primus hominibus solus arborum fuit satus, aut fructus*. Hieronymus lib. 1. adv. Jovianum: *Ab exordio conditionis humane nec carnibus vescabantur*. Basilii M. Hom. 11. in Hexaëm. (si tamen hæc Homilia ad illum referri debeat, sunt enim qui Gregorio Nysseno tribuant, apud quem quoque est Orat. 2. concepta quasi ad hæc verba: *Faciamus hominem*.) Non dixit (*inquit*) dedi vobis pisces in cibum, dedi vobis pecora reptilia, quadrupedia. Neque enim in eum usum hæc creavi, *inquit*, verum primaria illa legislatio esum indulsit fructuum: neque dum enim Paradisi domicilio censebamur indigni. *Hæc Nyssenus*. Atque ne plures Authores advocem, audiatur modo Franciscus Junius in Prælectionibus ad vers. 29. cap. 1. Genes. *Convenit* (*inquit*) *inter omnes, secundum primam illam creationis legem victum hominis fuisse ἀναγκαῖον, ut circumscrIBitur hoc versu diserte*. Merito addit illud *diserte*, verba enim Textus præceptum Dei ipsius complectentia, clariora sunt, quàm ut cavillandi ansam præbere possint. Ita enim habent: *Et dixit Deus, Ecce, dedi vobis omnem herbam seminantem semen, quæ est in superficie totius terræ, & omnem arborem in qua est fructus arboris, seminantem semen: vobis futura est cibo*. Quod ut pateat, præceptum ipsum, aliquanto distinctius, proxime considerandum est.

- II. Atque in irio lubens concedo, præceptum hoc esse ex ordine illorum, quæ Scholastici præcepta *positiva* vocare solent, oppositive ad *moralia*: mutabile enim fuit atque respexit duntaxat hominem in statu Integritatis, quum adhuc inquilinus foret Paradisi; cum præcepta *moralia* habeantur perpetua & immutabilia. Nihil vero hoc prodesse illis, qui à communi sententia in alia omnia abeant, solo studio contradicendi, postea liquebit, ubi omnia aliquanto distinctius prius expendimus. Ergo 1. notetur, quòd Deus hominem creavit post omnia alia animalia, ut non modo manifestum est ex cap. 1. Genesios, sed & repetitur sub initium capitis proximi. 2. Homo primus,

sive



five Adam, simulac creatus erat, à Deo collocatus est in horto Edenis, five in Paradiso, Genes. 2. vers. 8. In quo ut feliciter agitare posset, 3. dicitur vers. 9. & 10. quoddam ibi germinaret è terra quavis arbor, desiderabilis ad aspectum, & bona ad cibum: simul procederet fluvius ex Edene ad irrigandum hunc hortum; qui porro describitur, quoddam se divideret in quatuor capita. 4. Postea, quibus usibus omnes hæc arbores, inter quas etiam arbor scientia boni & mali, destinatae sint, Moses ex ore Dei proponit. Atque initio notari debet, quod Legi, quam Deus fert de futuro hominis cibo, præmittatur Prologus, seu Præfatio complectens benignitatem Dei, juxta quam permittitur homini liberrimus usus omnium herbarum, arborum, & fructuum arborum: Ita enim legitur Genes. 1. 29. *Ecce dedi vobis omnem herbam seminantem semen, quæ est in superficie totius terræ, & omnem arborem in qua est fructus arboris, seminantem semen.* Et Genes. 2. 16. *De fructu omnis arboris hujus Horti libere comedes.* Præceptum vero ipsum continetur his verbis, in dicto versu undecicesimo juxta versionem Junianam: *Vestrae ad comedendum erunt.* Vel: *Vestra erunt in escam.* Manasses Ben Israël in Conciliatore suo, Qu. 10. in Genesin, non sine ratione monet, attendendum esse illud leohla: (in escam) quod cum occurrat quoque proximo versu, ubi agitur de alimento belluarum, singularem videtur vim habere. In locum Manassis Curcellæus digitum quoque intenderat: nos tanti illum putamus, ut hic exhiberi integer debeat, qui ita habet: R. Selomoh, Aben Ezra, R. Moses Gerundensis, R. Bahyd, R. Nissim, Ihac Karus, Ihac Arama, Ihac Abravanel, & R. Moseh Alchech, &c. sequuntur opinionem R. Johanan, & Rab in Gemara Sanhedrin cap. 7. & Rabot cap. 34. in eo consentiunt, Adamo nefas fuisse comedere animalia: ac propterea S. Scripturam hunc in modum interpretantur. Postquam Dominus benedixit Adamo, eumque supra cuncta animalia constituit, addidit continuo, quamvis imperium in ea habiturus esset, non tamen id fore domini instar, sic ut pro libitu iis velceretur; quippe jam cuique viventium assignasse alimenta sua. Et ideo dicere illis: *Ecce dedi vobis omnem herbam seminantem semen, quæ est in superficie omnis terræ. Et omnis arbor in qua est fructus arboris, seminans semen, vobis erit in escam.* Atque hic finem imponi iis, quæ Adamo assignantur ad victum. Sequi autem alterum versum, quo dicitur: *Et omni bestia terræ, & omni volucri cæli, omnibusque reptantibus super terram, in quibus est anima vivens, omnes herbas virides in escam.* Ubi videamus, animalibus pro alimento dari

Cccc

dari



dari herbas, & olera. Quia in re, ut notat Iſhac Abravanel, demonſtravit Dominus Adamo, etiam quantum ad eſcam, illius conditionem conditione animalium meliorem fore; quandoquidem illi, & ſemina, & arbores concederentur, beſtiis ſolæ herbæ. Favet valde huic opinioni, quod ſub ſinem cuique horum verſuum ſubjicitur vox *leobla* (*in eſſam*) quod clare oſtendit agi hic de duobus alimentorum generibus, de quibus jam dictum eſt. Et juxta hanc ſententiam, non licuit Adamo veſci animalibus. *Huc uſque Manasse*. Quum ergo occurrat hic diſtinctum præceptum, ut oſtendimus, & juxta illud certum cibi genus homini in domicilio, quod incolebat, præſcribatur; non poteſt non inde quoque colligi interdictum juxta regulam, quam Theologi monere ſolent obſervandam eſſe in explicatione Decalogi: *In affirmatione negatio, & in negatione affirmatio oppoſita comprehenditur*. Cujus hoc eſt principium, quod Deus non ſolum abſtinentiam à malo, verum etiam efficientiam boni poſtulet. Deus ſapientiſſimus & clementiſſimus, qui nulla ratione cenſeri poteſt Author lapſus primorum parentum, ut norat, quid ratione alimenti, communibus noſtris parentibus, Creatoris ſui imaginem adhuc circumferentibus, conduceret, pro ſua ſapientia cibum definivit, convenientem non minus ipſorum ſtatui, quam reſpondentem arbori exploratoriæ ſcientiæ boni & mali, ſimulque arbori ſacramentali, quæ à vita nomen habebat. Quod niſi tanti putaſſet, qui ipſa Sapiencia eſt, legem non tuliſſet Prologo quoque firmatam.

- III. Nec deliquit Curcellæus, hoc cum ſtatuere: nec etiam quæ obijciuntur evertendæ rationi noſtræ, aliquanto uberius deductæ, ſufficere poſſunt. Duo tamen video obijci. I. Ita diſſeritur contra Curcellæum: *Carnibus veſci ſua natura neque bonum neque malum eſt, ſed in genere illorum, quæ adiaphora vocamus*. Reſp. 1. *Adiaphora* quedam, eſt moralis: (Exercitatione prima fuſius à nobis conſiderata) ſed præter illam Phyſica quoque agnoſci debet. De Auguſto, Suetonius lib. 1. cap. 53. juſſe Oppio teſtis eſt, fuiſſe *circa cibum indifferentem*. quæ *Adiaphora* ut concedi poteſt homini ſano & ſuæ ſpontis: ita neutiquam permittenda ægro: minime arbitrante Medico: qui ſi V. C. febricitanti carnes bubulas, aut pernas, in diſtam præſcripſerit, tantundem fecerit, ac ſi boletos Claudiano præparaſſet. Deus hominis primi creator, imo juxta phraſin Scripturæ Luc. 3. verſ. ult. *pater*, quid filio ſuo conduceret, norat optime, adeoque ratione alimenti, ei proſpexit ut Medicus.

2. *Adiaphora* hæc ſunt talia, & agnoſci debent tamdiu, quàm de illis



illis Lex non fuerit lata, aut à Deo, aut à Magistratu, Dei in hoc mundo vicario. Si Theologus, ita argumentans oculos reflexisset ad animalia munda, ab immundis per Legem Cereemonialem distincta, omisso *νενομισμένην τῆς ἀλλοφροσύνης*, Legem Dei, antea excussum, melius intellexisset. II. Ita pergit: *In his Testimonium negativum S. Scriptura, nullam habet vim persuasionis. Atqui hoc Testimonium mere est negativum.* Non expressit Deus hoc verbum jus vescendarum carniū: Ergo interdixit. *Si hac iusta argumentandi ratio, tum fas mihi fuerit inde concludere: in statu innocentie ne quidem vini, aliūve potus usum fuisse. Nam hac concessione Deus saltem cibum Protoplastis locavit.* Resp. 1. Testimonium negativum Scripturæ, simpliciter non esse admittendum nullus Christianus, nedum Theologus, dixerit; illi siquidem sua stat ratio in illis, quæ ad Salutem sunt necessaria: quomodo recte inferitur, nullum esse Purgatorium, itemque Sanctos non esse invocandos; ideo, quod in Scriptura nullibi hoc dicatur aut præcipiatur. 2. Miror Theologiæ Doctorem putare, Curcellæum negative fuisse argumentatum. Tirones Logici hic forte notarent defectum non modo Logicæ artificialis, sed & naturalis. Deus, ut antea patuit, per legem positivam, affirmative se habentem, definivit victum homini, in statu innocentie incolenti Paradisum: adeoque homo, ut Dei filius, illi præcepto præcise obedire tenebatur, & quicquid sub cibo concessio non continebatur, eo omnino abstinere debebat. Quod si Medicus ægro suo præscribat victum tenuem, an eger inde collegerit, sibi non licere velci pernisi, brassica salita, similibusque eo quod definite talibus Medicus non interdixerit? Lex positiva, juxta quam, ut antea patuit (nec rationalis homo aliud colligere potest) homini pro primævo suo statu definita fuit certa victus ratio, præcise ab illo æque observanda fuit, atque abstinere debuit fructu tum arboris exploratoricæ, tum arboris sacramentalis. 3. Illatio quasi absurda, (eò quod homo, si valeat argumentum Curcellæi, inconcussus hætenus, pariter abstinere debuerit potu, speciatim vini) absurditatem arguentis manifestissime prodit. Quis enim ita in Scriptura rudis, ut ignoret, juxta stylum Sp. Sancti, sub pane comprehendendi ordinario illa omnia, quæ homini ad vitæ hujus sustentationem sint necessaria? Adeoque, Deus destinando victum, potum in Paradiso quoque, qui irrigabatur à quatuor fluviis, destinasse videtur. Ne dicam, fructus arboreos, per succos suos, qui mundo recenter creato, in paradiso erant elegantissimi, & fami & siti (naturaliter hætenus pro

Cccc 2

statu



statu primigenio considerari debent.) sedandæ abunde suffecisse: atque dubio procul existimandum est, reliquis arboribus paradisi sociatam fuisse vitem, cujus fructu certe scienter primævi parentes uti frui scivissent, nisi primigenia felicitate excidissent. Postea Curcellæi adversarius amplius se gerit pro vate, adeo ut & divinare ausit. Ordine omnia examinabimus, quò pateat, quàm temere se quidam ausint gerere pro vatibus, cum non sint vatium filii. Ita autem profatur: *Sed & divinare licet, quamobrem in hac concessione nulla facta carnum mentio. Protoplasti soli in Paradiso agitabant. Plantarum autem proculdubio tanta & varietas, & ex suavitate delectatio, & salubritas, & preparandarum facilitas, præ his ut carnes satiare deberent.* Resp. 1. At hoc argumentum *κατὰ τὸ βίαιον* ita retorquere licet: Quoniam Deus, qui agnosci debet sapientissimus, domicilium, primævis parentibus nostris destinatum, omnigenis plantis & ad necessarios usus & ad honestam voluptatem abunde sufficientibus, instruxit, eosdem iis non minus voluit contentos esse, quàm ipsi quoque non concupiscendo *τὸ ἔτερον*, contenti esse debuerunt; quodd Deus positiva amplius lege definite sanciverit, hæc (nulla mentione facta aliorum eduliorum) iis à se in alimentum assignata esse. 2. Ut graviter deliquerunt Israëlita, præter Mannam, qua tandiu pasci fuerant, concupiscendo carnes, Numer. 11. etiam si Deus expresse non edixerat, eos sola Manna debere contentos esse, quæ uniformis cibi rationem habebat: Ita existimandum est, Protoplastos, offensuros fuisse Deum, si carnes in Paradiso comedissent, maxime, quod Deus speciatim illis commendasset fructus Paradisi, non tantum *varios*, sed etiam (ut fatetur Curcellæi adversarius) *suaves, salubres, & preparatu faciles.* Pergit Vates: *Medicum hic, (inquit) ita loquar, se Deus Protoplastis gessit consulentem quid potissimum tanta in copia affluente ciborum, quæ & etiam oculis faceret, sanitati conduceret. Non, quid vel permitteret vel interdiceret, explicavit, sed quid potissimum conduceret.* Resp. 1. Deus non potest, ratione legis, quam urgemus, & à qua progredimur argumentando pro Curcellæi & nostra sententia, simpliciter agnosci ut consulens Medicus, sed ut Legislatores, qui cum Adami esset dominus, pro sua potestate ei præscripsit dietam. 2. Medicus, cui serium est per dietam curare ægrum, non debet solum ab ægro, qui ad valetudinem priorem anhelat, agnosci ut consiliarius, sed pro domino qui & jus habeat cogendi, ac cui proinde debeat obsequi, si non minus ipse damnari velit voti, quam Medicus exoptat suo voto satisfieri queat. Norat Seneca,

Epist. 253



Epist. 25. ita loquens. *Nec desperaveris* (inquit) *diutinos agros posse sanari, si contra intemperantiam steteris, si multa invitos & facere coegeris & pati.* Vetus verbum est: *Qui optime conjecerit, vatem perhibebo optimum.* Ergo tertiam quoque conjecturam audiamus, & postea examinemus: *Sed & hanc liceat mihi* (inquit) *conjecturam promere.* Plantarum ingens erat multitudo, ex secunda terra matre satarum. Bruta autem animantia vix probabile est creata nisi par in qualibet specie. Hac igitur nondum multiplicata sub exordium mundi tractanda prabere Deus noluit, cum esset abunde ciborum & copia & satietas. Placere hoc video etiam Iustino Martyri in Resp. ad quæst. 49. Orthod. Inde autem religiosum aliquod interdictum frustra quisquam conficere satagat. Resp. 1. Fallitur si putet Iustino Martyri hanc sententiam sedisse, Adamum sponte abstinuisse usu animalium, quod in quaque specie unum tantum par à Deo creatum esset. De Adam abstinencia *ἐδὲ γὰρ* apud Iustinum. Qui solummodo existimat, in unaquaque animalium specie unum par creatum fuisse. Quæstio unde quinquagesima ita apud Iustinum proponitur: *Quomodo doceri potest, duas tantum bestias & pecora, marem ac feminam in mundi ortu prolata esse in lucem: quandoquidem nonnulli religionis nostra in ea sunt sententia, ut hoc confirmet, Deum non ex eorum, quæ expertia sunt rationis, pallibus, tunicas primis hominibus dedisse.* Cui quæsito sic respondet: *Si in omni genere (inquit) sunt generis principia, & generis principia Dei opera sunt, quæ autem subiecta sunt generis principiis, opera sunt naturæ semine atque ortu extantia: perspicuum est, Deum uniuscujusque generis non fecisse nisi par unum: maris ac femine: Tunicas autem pelliceas fecit Deus non more hominum, sed opificis arte. Neque enim castis bestiis, contextisq; & confutis earum villis ac pellibus tunicas fecit, sed ut opifex fecit ipsas tunicas pelliceas.* At, hæc non servire instituto Adversarii Curcellæi, nec convenienter adducta esse, quivis videt. 2. Quod, si maximum quoque candorem voluerimus admittere, illud, quod suffragante quasi Iustino, ut certum præsupponitur, è Scriptura nullatenus ut tale admitti poterit. Nam, animalia in unaquaque specie bina duntaxat à Deo creata fuisse, gratis, & *ἀπὸ γῆς καὶ ὕδατος*, seu absque Scriptura, dicitur. Aquarum solummodo, quas pisces pro domicilio nati sunt, habeatur ratio. Dei hoc effectivum verbum fuit Genes. 1. vers. 20. *Abunde progignunto aqua reptilia animalia.* An vero existimabimus Dei Omnipotentis voluntatem executivam in aquis fuisse largiorem, quàm in aëre, & terra? Sed, quid tum responderimus ad hoc argumentum? Si animalia terrestria, bina secundum speciem, ab initio



tio à Deo solummodo producta fuerint, illa pro domicilio acceperunt aut tantum paradysum, aut extra paradysum suam quoque mansionem. Hoc si admittatur, atque concedatur, extra paradysum quoque suam stationem accepisse, conjectura præcedens evanescit, & frustra spontanea Adami, absumpturi aliàs integras animalium species, abstinentia commendatur. Sed, si bina animalia, sexu differentia, pro arbitratu Creatoris, ab initio Paradiso conclusa fuerint, necessum fuerit longe maiorem Terræ partem ante hominis lapsum caruisse inquilinis animatis: atque obveniente hominis *Συνοικήσις*, oportuerit, non modo homines, sed & animalia terrestria horto Edenis per Angelos ejici. quod cum nullibi Scriptura dicat, putarim Augustini opinionē lib. 12. de Civ. Dei cap. 21. potiozem habendam, juxta quam statuuntur plura animalia, quàm bina juxta speciem, per Orbem terrarum à Deo initio fuisse distributa. Unde & Gregorius Nyssenus lib. de hominis Opificio considerans mundi faciem, ante hominis quoque exortum: *Atque baud dubie* (inquit) *universa tum armenta, quibus nutu suo vitam Deus largitus erat, singulari voluptate affecta exultabant, gregatimque cum aliis sui generis per sylvas obvagabantur.* Verum, ne à lineis recedamus, quem admodum abunde jam liquere confido, illius conjecturas, qui adeo acriter aggressus est Curcellæum, non valere titivillitio: ita pariter confido, certum debere statui, illud, quod non minus mihi quàm Curcellæo placet, nempe: Protoplastos, propter expressum Dei mandatum, cæde animalium abstinere debuisse. Rationem à Mose productam, quæ & expressum Dei mandatum continet, jam proposuimus & vindicavimus: reliquæ Curcellæi rationes nos non tangunt, adeoque neque de Vindictis solliciti sumus.

- IV. Accedimus ad Examen argumenti, quo non modo suaderi, sed & persuaderi contendunt, homini in statu Innocentiæ, jus atque fas fuisse, animalia mactare, & ventri suo destinare. Petunt vero illud à dominio, quod homini à Deo concessum est, & cujus Moses Genes. 1. vers. 26. hisce verbis meminit: *Et dixit Deus: Faciamus hominem secundum imaginem nostram, secundum similitudinem nostram, qui dominetur in pisces maris, & in volucres cæli, & in omnes bestias reptantes super terram.* Huic argumento ut ingens pondus inesse prober, missis conjecturis variis, quas antea proposuerat; (dignæ non sunt, quæ vel proponantur, quod ipse Author iis diffidat) pag. 19. ita profatur: *Hoc validius, quod non aliud dominium homini integro concessum, quàm quod à diluvio repetitum;*



situm; saltem non angustius. Alias Deum offendendo, meliorem conditionem suam reddidissent, quam ante lapsum fuerit. Id quod ipsi Curcellao absurdum satis visum, pag. 17. Repetitur autem jus Domini ita habet Genes. 9. vers. 2. Timor vestri terrorque inesto omnibus bestiis terræ: omnibus volucribus cæli: tum omnia quæ calcant humum: tum omnes pisces maris in manum vestram traditi sunt. Omne reptile quod vivum est, ad comedendum vobis esto: ut viridem herbam illis, sic omnia dedi vobis. Hic vide. Repetitur dominium olim etiam Protoplastis concessum: & paulo quidem explicatius. Illius autem domini pars manifeste collocatur in esu concessio reptilium & omnis carnis. Ergo etiam in statu innocentia ea pars concessi domini fuit, ut, si adlubesceret, carnibus vescerentur. Quid ultra contendimus? Resp. 1. Vetus verbum est: Mendacem oportet esse memorem. Paulo ante noster Curcellai adversarius metuebat animalium secundum species interitui, si homo in statu innocentia, quod bina tantum creata essent, illa comedisset. At securus hujus incommodi, quod videret utile esse, contendit jus primo homini concessum fuisse, quæcunque animalia occidendi, atque in usus suos convertendi. Hoc certe est ex eodem ore calidum & frigidum efflare. 2. Quod est *ἡ ἀνομιὰ*, & præ cæteris controversum, velut certum & probatum supponitur. Quæritur scilicet an eadem ratione dominium homini contigerit in animalia post Diluvium, quemadmodum hoc illi concessum erat in statu innocentia? Negat Curcellæus, & nos cum illo. Dominium quod in primævo statu concessum homini, in eo constitit potissimum, quod animalia naturaliter dominium debentia homini, imaginem Dei circumferenti, ad illum ultro accesserint, atque proprium suum nomen acceperint. Convenienter Chrysostomus hom. 14. in Genesin: Factum autem hoc est, (inquit) non ut discamus illius sapientiam solum, sed, ut & symbolum domini per nominum impositionem cognoscatur. Nam & hominibus mos est hoc facere in signum domini, ut cum servos emerint, ipsorum nomina mutent. Unde & Adamum instruit, ut, omnibus brutis tanquam dominus nomina indat. & postea: Vidisti consummatam potentiam? vidisti domini auctoritatem? perpende cum aliis etiam hoc, quod & leones, & pardi, & vipera, & scorpii, & serpentes, & alia omnia etiam illis truculentiora, ad illum quasi dominum omni cum subiectione acceperunt, & nomina acceperunt, nec ullum istorum veritus est Adam. Ac, quamquam post diluvium, hoc dominium iterum delatum est homini, non tamen respondit priori. Cum diminutum admodum sit, quod ad usum & executionem



cutionem. Præterquam enim quod multa sint grandia animalia, homini quàm terribilia, ut leones, tigres, pantheræ, lupi, &c. à vilissimis quoque animalculis (quod renuant domari) incommodi plurimum persentiscit; vel muscæ, pulices, & culices testes esse possunt: atque plus noxæ & incommodi perciperet, nisi dominium (sed circumscriptum) Deus iterum stabilivisset post diluvium. 3. Fide minus bona citatur Curcellæus, quasi pag. 17. dixerit, homines post peccatum meliorem reddidisse suam conditionem: si statuatur, per lapsum acquisivisse usum animalium in cibum. Verba ipsius hæc sunt: *Ab surdum enim foret existimare, ipsos, Deum offendendo, conditionem suam meliorem, quàm ante lapsum fuisset, reddidisse: si tamen, hac carnes edendi licentia, melior conditio dici potest, quæ cupiditatem quidem explet, sed primæ hominis excellentiæ repugnat.* Quibus posterioribus verbis (quæ ingenuus disputator haut quaquam dissimulare debuisset) aperte Curcellæus innuit, non debere referri *νεοφύλακον* ad meliorem hominis conditionem. Quod, ut pateat, paulo uberius declarari debet: maximè quòd homo noster in hoc videatur constituere arcem suæ causæ. Si ergo illa mensa, merito beata censeri debeat, quæ paratu facilis est, nã illa, quam fructus arborei exornant, præferri debet illi, quæ laboriose, utut opipara quoque censeatur, structa est. Norat Horatius, qui voti sui summam proponens lib. 1. Od. 31. ita fatur:

*Premant Calena salce, quibus dedit*

*Fortuna messem: dives & aureis*

*Mercator exsiccat culullis*

*Vina Syra reparata merce*

*Diis charus ipsis: quippe rer & quater*

*Anno revisens æquor Atlanticum*

*Impune: me pascunt oliva,*

*Me cichorea, levesque malva.*

*Frui paratis, & valido mihi*

*Latoë dones.*

Claudianus lib. 1. in Rufinum.

— tibi quarit inanès

*Luxuries nocitura cibos: mihi donat inemptas*

*Terra dapes.*

Atque inter vota Martialis lib. 10. ep. 47. occurrit:

*Convictus facilis; sine arte mensa.*

Hoc



Hoc est quod Græci poetæ dicere solent, τὸ βῆτα ζῆν: & quo respiciens Hesiodus in vestibulo τῶν ἔργων dicit:

Ἐν μαλακῇ τε καὶ ἀσφοδελῇ μέγ' ὄνειδος.

Præterea, quod post diluvium carniū esus hominī concessus fuerit, non arguit hominis felicitatem, sed potius imbecillitatem. Quum enim initio sufficerent ipsi alendo ea, quæ terra suppeditat, mundo magis consenscente, & hominis ætate quoque decrescente, validiores cibi, quales scilicet animalia suppeditant, concedi debuerunt. Monuit enim Hippocrates lib. 6. Epid. Comm. tex. 21. τὰ ἀσθενέστερα σιλῖα, ὀλιγοχρεόντων βιόλω ἔχει. Imbecilles cibi exiguam vitam præstant. Quid quod ex esu carniū, maxime si immoderate sumantur, multi morbi proveniant, atque omnis generis carnes ab omnibus æque commode digeri non possint. Exemplo sit vel sola suilla caro, quæ hominibus urbanis otiosisque quam noxia est. Adeoque quicquid huic Theologiæ Doctōri visum quoque fuerit, haut frustra fuit Curcellæus, cum pag. 10. adducta Ovidii autoritate, poneret in parte felicitatis humanæ, quod illa ætate, quam Poetæ auream vocare solent, potuerint hominibus sufficere illa, quæ ex terra nascebantur. 4. Gratis proinde dicitur, quod Deus post diluvium repetierit dominium, prout concessum fuerat in statu integritatis. In iterata legis promulgatione aliquid antea concessum repetitur, simul, ut mentio fiat rei alterius, quæ ut concessa non tam arguere possit hominis felicitatem, quàm potius miseriam, prout circa esum carniū liquido nos jam ostendisse credimus iis, qui sapiunt. Adeo, ut frustra inferatur *quintò*, hominī in statu primigenio fas quidem fuisse vesci carnibus, sponte tamen abstinuisse. Nam quare homo sponte abstinerit? Scriptura causam non suppeditat: atque delira rationis amussis nullatenus attendi potest. In Thesi generaliter noster Theologiæ Doctōr supponit pag. 19. licuisse hominī in statu innocentie vesci carnibus & quibuscunque reptilibus; cæterum sponte abstinuisse, tam quod præ carnibus hominī faterentur fructus arborei: tum etiam quod, in quaque animalium specie bina solummodo creata essent. Sed quare feterunt carnes animalium? non certe ratione gulæ, quæ in homine primigenio non potuit non fuisse ordinatissima, quia in illo ipso, ratione status, nihil dum erat irregulare, sive anomalum: sed, quod gnatus esset Divinæ legis sibi propositæ, abstinuit. Bina individua in quaque animalium specie à Doctōre Theologo ad sui confusionem sollicitantur. Aut bene aut male

D d d d

gene-



generaliter argumentatur. Si male, sufficit ἀπαλογία. Si bene, generale atque non limitatum privilegium, frustra per conjecturam non rationabilem circumscribitur. Vere dicere possum, hanc conjecturam non esse rationabilem: quod illi adversetur descriptio Paradisi à Mose proposita Genes. cap. 2. vers. 8. quo cum dicatur Deus *ornasse hortum plantis*, nulla omnino mentione facta animalium, recte intuleris, plantas ex Dei pariter præcepto, secundum quod hætenus argumentando processimus, præ animalibus, homini in cibum concessas fuisse: adeo, ut hic frustra fingatur abstinentia ultronea, fundamentum nullum omnino habens. Cum illi pariter, qui ab ea argumentantur, secum collidi debeant, quandiu hæc non conciliarint: Juxta leges creationis executioni à Deo potenter mandatas, mundum in statu innocentie animalium abunde habuisse pro nutriendo homine; atque hunc tamen animalibus debuisse abstinere, quod in unaquaque specie bina solummodo occurrerent.

- V. Qui existimant, inconvenienter præceptum Dei de fructibus arboris, homini in cibum concessis, à nobis antea adductum esse, solent, velut ἀπολογία ex suo sensu, urgere, quod pariter concludi debeat, mutas pecudes, easdemque quadrupedes ad eandem victus formulam redactas esse: quod illud Deus vers. 30. cap. 1. Genesios manifestò innuere videatur. Verba ex versione Tremellio-Juniana sic habent: *Omnes autem bestis terra, & omnibus volucris cæli, omnibusque reptantibus super terram, in quibus est anima vivens, dedi omnes herbas virides ad comedendum, & fuit ita.* Curcellæus, qui aliquid ad hoc quasi ἀπολογία respondisse videri poterat, ne prævaleat, ipsius Adversarius pag. 31. ita profatur: *Quadrupedia, quæ silvestria sunt, eademque serrata dentibus, teste Philosopho, carnibus omnia vescuntur. Herbas tamen tangunt, cum morbo laborant. Canes herba ingesta evomunt, atque ita purgantur. Lupos etiam terram comedere, cum fament, testatur Aristot. de hist. Anim. lib. 8. cap. 5. quem, si libet, consule. In Arca Noachi fieri potest, ut congruas cuique cibos ante Noachus paravit. Certe carnes pro carnivoris, à sapienti Noacho præparatas censuere olim Origines hom. 2. ad cap. 6. Gen. & Butæ de arca Noæ. Sed & novimus esse fructus quosdam communes, quibus etiam carnivora pasci queant, ut ficus & castanæ. Eiusdem generis animalia verum est non eodem se ubique cibo sustentare. Id vero totum est vel à casu, vel à consuetudine, quò immutatum temperamentum, quod hic pæne utramque paginam facit. Resp. 1. Author agnoscit in casu necessitatis animalia fera, vitare posse*



posse herbis, iisque quæ tellus suppeditat. Et quanquam negandum non est, multarum ferarum proprium cibum esse carnes aliorum animalium, quæ venando capiunt: quid tamen obstat, quò minus cum Abulensi qu. 34. in cap. 1. Genes. dicamus: *Divina providentia factum fuisse, ut aliquanto tempore ab esu carnium fera carnivora abstinerent; ne, alioqui facile, nondum per generationem sufficienter multiplicatis animalibus, species aliqua interiret.* 2. Maxime, cum probabile admodum sit, ita accidisse in Arca, tempore Diluvii Noachici. Quicquid visum fuerit Authori cum Buteone. Noachus, si feris animalibus prospicere debuisset, quo tempore in Arca delitescabant, de carnibus, utique carnes illæ recentes esse debuissent, quum constet salitis carnibus feras omnes abstinere: at, recentes carnes facile putredinem contrahunt, adeoque intolerabili fœtore arcam universam replevissent. Nec dici potest, viva animalia feris carnivoris in pabulum cessura in arcam introducta fuisse, eum qua mundorum qua immundorum animalium, in arcam deducendum numerus à Deo præcise definitus fuerit. Præterea, post Diluvium exhibebatur quædam quasi mundi *παλιγγενεσία*, atque animalia, quæ arca exibant, juxta suas species ad pauca erant redacta individua, septena scil. si agnoscerentur munda: quam facile autem universum ovium, caprarum, & boum genus extingui potuisset, si leonibus, lupis, trigris, pantheris, ursis, &c. Deus capistrum non imposuisset? Atque, ut frænavit ora famelicorum leonum, ne Danieli nocerent; aliquanto etiam tempore post, quàm Noachus arca exivisset, feras avertebat ab animalibus, quibus aliàs inhiant, atque compulit acquiescere in herbis, quibus singulari ratione pasci fuerant in Arca. Sententia mea placuit quoque Basilio Magno, qui ut hom. 11. prolixè eam deducit; ita haud abs re fuerit, eum per interpretem *Latine loquentem exhibere*: Non dixit, (*inquit*) dedi vobis pisces in cibum aut pecora: neque enim in eum usum hæc creavi. Primaria enim legislatio esum tantum indulgit fructuum. Etenim nobis in commune cum feris cæterisque animalibus collatus est fructuum esus: cum tamen nunc paucas ferarum liceat videre, ali fructibus. Nam quo tandem fructu pasci se panthera sustineat? quis fructus cedat leoni in cibum? Attamen feræ istæ, tantisper dum jugum legis naturæ pascæ sunt, vitam tolerabant esitatione fructuum. Hominem autem cum prænosset Deus post Diluvium nequaquam sibi ab inconcessis cibis temperaturum, concessit quovis cibo vesci. Nam de animalibus loquens cum homine: *Omnia hæc, inquit,*

D d d d 2

quasi



*quasi olera virentia tradidi vobis.* Per hanc nobis indultam concessionem, & animalia quæque pari libertate donata sunt quidvis impune edendi. Ex eo tempore crudis Leo vescitur: vultur hianti rostro cada- vera affectat. Neque enim vultur id habuit ab exordio suæ creationis: nullum enim eatenus reperiebatur morticinium, quo se nutricarent vultures. At ne id quidem sinebat natura in suo consistens vigore. Ne- que tunc venatores conficiendis feris operam dabant: neque dum id studio erat hominibus, cum nec feræ suam rabiem exertis in homines dentibus exercerent: ut quæ necdum essent crudivoræ. Inolevit deinde consuetudo vulturibus victum quærendi ex morticinis cadaveribus: ab initio autem & vulturibus, & aliis, quæ nunc sunt carnivora, cygno- rum in morem indiscreta erat & eadem omnibus vivendi ratio. Pra- tenses tantum herbas animal omne sibi attondebat & depascebatur. Ejus rei insigne & in canibus liceat videre. Dum enim student sibi ip- sis mederi, eos videas identidem depasci gramen: non quod alendo car- ni gramen conveniat, sed quia citra operam humanæ disciplinæ, doctricæ tantum natura, ad id bruta confugiunt, quod sibi naturali instinctu sentiunt usui futurum. Velim reputes tecum, istiusmodi tum fuisse ani- malia (quæ hodie vides cruda vesci carne) ut vi imaginativa apprehenderint herbam omnem sibi collatam in cibum, convenientem sibi & salubrem esse: atque ob eam causam eo cibo contenta, alia aliorum vitæ non insidiabantur. *Hac Basilius.* Quod dicit de animalibus, quasi in statu primævo feritatem suam non exercuerint in perniciem aliorum animalium, placuit quoque Flavio Josepho, lib. 1. Antiq. Jud. cap. 2. ubi existimat, in statu innocentie nullum inter animalia fuisse dissidium. Quod quamquam non difficulter concesserim circa tempus innocentie, quo onus peccati ut nondum premebat hominem; ita neq; illius sensus aliqua ex parte derivatus erat in mutas pecudes, ut contigit post lap- sum. Interim quædam animalia à prima sui origine fera agnoscenda esse, negare non licet; alioqui natura illorum debuisset immutata fuisse. Quamquam vero simile est, ut ostendimus quoq; de tempore à Di- luvio proximo, Divina virtute aliquamdiu cohibitam fuisse esteratam hanc naturam, quo minus se in actum exereret, ne infirmiora anima- lia, juxta totam speciem præda fierent rapacium ferarum.

VI. Tantum de priori quaesito. Putarim vero ex præcedentibus manife- sto liquere, primævos nostros parentes, in statu Innocentie, ob Dei definitum mandatum, quo usus fructuum præcipiebatur, carnibus ab-  
stinere.



stinere debuisse. Alterum *κατέμεινον* est an in statu lapsus ante Diluviū  
licitum quoque fuerit carnibus vesci? de quo noster Doctor pariter cum  
Curcellæo contendit cap. 3. Nos, ut libere sententiam nostram dica-  
mus, putamus distinguendum esse inter illa quæ sunt facti, & ea, quæ  
sunt juris. De facto (ut loquuntur) homines ante diluvium carnes come-  
disse, & quidem inordinate, nos ignorare non patitur conditio illorum,  
qui vocantur *חֲבֵרִים*, quorum crudelitas & abominanda libido cum di-  
stincte à Mose describantur Genes. 6. ita dubitare non licet, quin hæc  
carnium usum in victum suaserit, & illa forte tum sanguinis, tum car-  
nium crudarum: quom constet, & multis exemplis probari possit, bar-  
baros, eosque qui rationi minus parent, non magis abhorreere à carnis  
crude usu, quàm à libamine sanguinis. Major difficultas est, quantum  
permisum fuerit jure Divino. Quum lege post Diluvium lata Gen. 9.  
Carnium usus demum legatur à Deo sancitus esse, eademque lege pro-  
hibeantur, quæ facti inordinati erant, videtur valde probabiliter con-  
cludi, tum demum facta fuisse licita, quæ illicite antea non modo fiebant,  
verum etiam inordinate & irregulariter. Quanquam vero judico cum  
Riveto Exerc. 58. in Genesin, parū referre, an statuatur, fas fuisse ante  
Diluvium quoque vesci carnibus; negativa tamen sententia (dissentiente  
licet Riveto l. d.) potior mihi videtur, tum ob illa, quæ jam dicta sunt,  
tum etiam, quod argumentis, quibus affirmativa sententia nititur, tan-  
tum momentum non inest, atque vulgò quidem jactatur. Ad quorum  
argumentorum examen priusquam accedo, in antecessum notetur, ne-  
gativam sententiam communiter placuisse Judæorum Doctoribus, quo-  
rum sententia haut levis haberi debet. Verba sunt Seldeni, à Curcellæo  
quoque p. 24. adducta, ex lib. 3. de Jure Naturali, cap. 8. *Prima atatis ho-*  
*minibus, (inquit) id est, qui Noachum præcesserant, carnis esus permissus*  
*non est, ut Ebraei statuunt. Vide Bereschith Rabba, Parash, 34. Iosephum Albo,*  
*lib. Ikarim, part. 3. cap. 14. 15.* Quibus plerique tum Patres, tum Doctores  
non minus Pontificii, quàm Reformati, paucis exceptis, accedunt.  
Priusquam vindico Curcellæi responsiones ad argumenta vulgo pro  
affirmativa sententia urgeri solita, expendendum est argumentum  
D. Riveti, quod l. d. hisce verbis proponitur: *Postquam (inquit)*  
*homo è Paradiso ejectus, terram cum sudore colere coactus fuit, & greges pas-*  
*cere, neque licentiam edendi, neque ejusdem esum actualem, homini denega-*  
*ri debere, videtur nobis magis probabile; etsi non dubitemus non adeo*  
*large usum fuisse, ut postea factum est.* Resp. 1. probabile videri posset,  
D d d 3, nisi



nisi ipse Deus homini formulam dicere præscripsisset, in qua cum illa solummodo, quæ è terra nascuntur, occurrunt, multò probabilius est usque ad seculum Noachi, seu, seculum novum, carniæ esum non fuisse licitum. 2. Quum Deus homini, jam lapso, terræ cultum solummodo committeret, edicendo Gen. 3. vers. 17. *Maledicta est terra propter te, cum dolore comedito proventum ejus omnibus diebus vitæ tue*; longe convenientius colligitur, voluisse Deum, ut homo, qui jam paradiso exulabat, vesceretur duntaxat illis, quæ è terra nascuntur. Apud Theologum celeberrimum videri posset adhuc aliud argumentum his verbis proponi: *Certe non videtur (inquit) homini post diluvium plus datum fuisse potestatis in animalia, ratione usus, quàm initio mundi. Cum plena enim dominatio ipsi concessa fuisset, videtur etiam concedendum, potuisse hominem vesci carnibus.* Procederet hoc, nisi Deus specialem legem de hominis victu tulisset. In quo constiterit ratio dominii ante diluvium, supra declaravimus plene. Nec dici posse, hominis conditionem meliorem fuisse post diluvium, quàm in ipso statu innocentie, convenienter videmur diluisse. Nisi aliquis putet, ægri conditionem ideo censendam esse meliorem, quod fas ipsi sit è pharmacopolio comparare medicamenta. Carnibus post diluvium homo vesci debuit, quò succurreretur hac ratione imbecillitati corporis magis atq; magis fatiscientis: æque ac homo valetudinarius, ne mortis imperio succumbat citius, considerato non tam decreto Dei, quàm ordinaria Naturæ periodo, præscribente medico (Deum ad modum quasi Medici considerandum hic esse, jam antea diximus) ea comedit, quæ sibi pro conditione dubie valetudinis maxime conducunt.

VII. Reliqua argumenta, adduci solita, pro permisso ante Diluvium *φάγῃς*, quàm sint solida, & quàm auspicio à Curcellæo expensa, patebit ex comparatione responsum à Curcellæo adversario excogitarum. Non necessum vero est, iterum sollicitare argumentum *ἄνεσθαι* (hac loquendi formula hic ipse pag. 34. utitur) quod desumptum est à dominio concessio ante Diluvium in omnia animalia: Dominii siquidem permissio non opponi, sed componi debet cum lege positiva de victu definito in ipso innocentie statu lata. Quæ lex ut restricta duntaxat fuit ad illa, quæ è terra nascuntur; ita non licet illius interpretationem accersere à Dominio homini in animalia concessio, quòd in formula ipsius nulla prorsus mentio fiat, comedendorum animalium. Nec favere potest repetita Dominii formula Genes. 9. vers. 2. nam ipsa



ipsa Lex tali quasi formula sancita, non debet censerī tam renovata, quā nova. Utraque manu largimur, post diluvium ulterius laterculum dicetæ humanæ (ab oleribus scilicet ad animalia) extensum fuisse; sed quis inde cum ratione possit inferre, ante diluvium, integra manente altera lege, de comedendis solummodo illis, quæ terra suppeditabat, pariter jus fasque fuisse, in usum mensæ, animalia mactare? Quisquis, cui contraria sententia tanti momenti videri posset, hæc verset ut voluerit: si modo juxta rationem progredi voluerit, fateri debebit, ante diluvium perpetuo debere constare rationem Legi, cujus aliquoties jam fecimus mentionem, nec à Decreto Post-Diluviano, quo ulterius Dicetæ fuit dilatata, quicquam in illius præjudicium decerni potest. Argumentum *secundum*, valide urgeri solitum, desumptum est à sacrificiis, quorum usus fuit ante diluvium, speciatim à sacrificio Abelis. Cumque ex victimis oblati partes quædam cedere consueverint Ministris sacrorum, contendunt, negari non posse, ante Diluvium usum carniū fuisse receptum. Ad ea, quæ argumentum in Thesi completur, ita responsum fuit à Curcellæo: *Male consequentiam duci à seculis Diluvium consecutis, ad ea, quæ antecesserunt. Mores perpetuis mutationum vicissitudinibus fuisse obnoxios. Quæ responsio ne valeat, ita illam premit Adversarius. Atqui primo Apostolus, cum dicit, eos, qui altari adsident, de altari participare, non quid hoc vel illo tempore factum sit, explicat, sed respicit ad τὸ ἐπιχρῆς καὶ πρῶτον, ad illud, quod justum & æquum fuit. Sacerdotes jugulabant, excoxiabant, secabant, coquebant. Quod operosum est. Æquum igitur fuit ut pro mercede portionem sibi decerperent. Hinc Apostolus infert, non esse stipendiis præcones Evangelii fraudandos. Doleo, oculo fugiente inspectum fuisse Apostolum. Ut variis argumentis 1. Cor. 9. probare laborat, æquum esse, ut ministris Ecclesiæ stipendia solvantur; ita alloquens Corinthios, ut Scripturæ filios, ac proinde non ignaros eorum quæ in Lege Moysi præcipiebantur com. 13. dicit: *An nescitis eos, qui sacris operantur, ea, quæ ex sacrario sunt, edere? & qui altari adsident, cum altari participare? Ita etiam Dominus constituit iis, qui Evangelium annunciant, ut ex Evangelio vivant. Apostolo propositum esse, probare, non inferiorem esse conditionem ministrorum Evangelii, quā V. T. quivis videt. Ministris vero V. T. non κατὰ τὸ ἐπιχρῆς subsidia vitæ concessa fuisse; sed juxta expressum Dei mandatum, innuit idem Apostolus, manifesto respiciens Legem Deut. 18. vers. 1. ubi ita Deus præcepit ratione Levitarum: *Ex igne absumentis Iehova, & de possessione ejus***

come-



*comedunto.* Quam legem non esse referendam ad jus naturale, sed mere positivam esse habendam, innuit ratio ibid. ad modum Præfationis addita: *Ne esto sacerdotibus Leviticis, toti tribui Levitica pars & possessio cum reliquo Israël.* Quam Legem quoque considerans Francif. Jonius in *Analyti*, occasione Quæstionis, quam movet, an ergo sacerdotibus fuerit interdictum omni possessione? *Primo* respondet, institutum *ceremoniale fuisse.* Quod hætenus nobis sufficit, & non minus servit firmandæ Curcellæi responsioni, quam diluendæ huic Instantiæ: nam, si hoc institutum fuit Cærimoniale, nequaquam urgeri potest circa tempus Ante-Diluvianum: quo cum non essent certi & definiti Sacerdotes instituti, ita neq; opus fuit, ut sacrificantes aliquas partes ex victimis sibi reservarent, quæ in victum cederent. Nec, ante latam legem Cærimonialem, aliud observatum fuisse, unquam probabitur: (sacrificium Abelis, cum pertineat ad argumenti hypothesin, alias considerabimus.) Ingeminatur quidem, ab Adversario Curcellæi, factum Patriarchæ Jacobi Gen. 3. vers. 54. sed inconvenienter. Lego quidem hæc pag. 39. *Imo cum ante Moysicam legem convivium ex sacrificio celebravit Patriarcha Iacob Genes. 31. 54. non potuit ille ritus non manare ab antiquissima traditione.* Cæterum haut quaquam memovere possunt: siquidem verbum *ἑσθῆναι*, quod ibi occurrit, teste ipso Buxtorfio in *Lexico*, promiscue significat & sacrificare, & mactare. D. Pilcator, quem Belgæ Interpretes sequuntur, vertit, *Mactavit animalia.* & porro in *Notis* hæc adjicit: *Videlicet ad convivium συνδησιον.* Nam hæc ad sacrificia referri primum nihil opus est: secundo vero absurdum est, quum bona fide Iacob Labanem ad sacrum epulum cum omnibus cognatis invitare & admittere non potuerit. Nam et si Moses sacerum suum admisit Exod. 18. fecit, quia jam conversum ad Deum esse, ex sermonibus & ratione ipsius intellexerat. *Hebræa* autem vox non habet solam sacrificandi, sed & mactandi significationem, ut 1. Sam. 28. 24 & 1. Reg. 19. 21. & alibi passim. quemadmodum accipitur ad Quæv. Græcorum, Matt. 22. 4. & Ioann. 10. 10. quæ hætenus nobis sufficiunt, simulque confirmant Curcellæi Responsionem.

VIII. Hypothesi argumenti, examinari jam cœpti, censetur servire sacrificium Abelis, quasi ille pinguiore partes suarum victimarum Deo obtulerit, reliquas vero comederit. At, meras conjecturas hæc esse postea liquebit. Abelis sacrificium pertinuisse ad holocausta, quæ tota igni absumebantur, censuit Curcellæus: nec admodum prima fronte refragari videtur Adversarius, licet pag. 41. in hæc verba erumpat: *Non fuisse holo-*



holocaustum ex rebus ipsis pater. Obrulit enim de pinguedinibus gregis. Quod duplicem sensum recipere potest: vel, sacrificasse oves pinguiore, vel pinguedinem ovium. Si prius, non constat Habeli laus, nisi graciliores in cibum proprium servavit. Si posterius, quod collata lege Levit. 6. 12. pene certum, necessum fuerit, a lipam sacrificasse, reliquias epulo *ὑπομῖνον* consumpsisse. Resp. 1. His, quæ sine teste & ex conjectura dicuntur, oppono initio ea, quæ habet doctissimus Piscator, quem & Interpretes Belgici in Notis ex parte secuti sunt. Ergo ad vers. 4. cap. 4. Genes. *hec inter alia habet: Et de adipe eorum.* וְהָאֵדָמָה בְּכֹרֶת. In Hebræo pronomen affixum est generis fœmin. quia convenit cum nomine בכורֶת. Potest autem hoc bifariam accipi: vel proprie, quod singulariter obrulerit Deo adipem ovium vel caprarum, sicut expresse de sacrificiis privatorum eucharisticis præcipitur Levit. 3. vel metaphorice, ut per adipem primogenitorum intelligantur primogenita præstantissima. Sic enim adeps apud Hebræos usurpatur, ad significandum quod in quaque re alente optimum est. Sic adeps olei, & adeps multi Num. 18. vers. 12. item adeps terræ, infra 45. vers. 18. item adeps tritici, Psal. 147. 14. *Respexitque Iehova ad Hebelum.* i. e. favorem suum ei significavit certo signo. Sicut homines vultu favorem significant. Metaphora. Apostolus Heb. 11. 4. sic exponit, quod Deus testimonium perhibuerit de donis Abelis, h. e. signo visibili declaravit, illa sibi placere. Probabile est autem, illud signum fuisse ignem, cœlitus delapsum, quo sacrificium ejus combustum sit: ex collatione exemplorum, Aharonis, Davidis, Salomonis, Eliæ. *Hactenus Piscator.* 2. Concedamus quoque omnia, quæ audacter sumit Curcellæi adversarius, non tamen demonstraverit illud, quod intendit. Quæ enim consequentia? Si Abelus immolavit pinguiore suas pecudes, graciliores servavit in victum. Potuit enim servasse eum in finem, ut ex illis lac & lanam perciperet, vel ut fœtifierent, atque alio tempore iterum pingue sacrificium Deo offerre posset. Adipem duntaxat sacrificasse Abelum dubium est, ac gratis dicitur illud *pene certum esse.* Imo imolarit duntaxat adipem, unde colliges vitum pium, cui non poterat excidisse Lex lata de comedendis terræ fructibus, carnibus ex victimis reliquis instituisse vesci? Curcellæi adversarius sæpius profitetur, se existimare, licet carniū usus concessus esset ante Diluvium, viros tamen pios iis abstinuisse. 3. Recte colligit Piscator, probabile admodum esse, igni cœlitus delapso victimas Abelis ablumptas fuisse. Quod distinctius, ex collatione variorum

Eccc

Scriptu-

sed mere  
ionis ad-  
fessio cum  
onius in  
ibus fuc-  
remionale  
da Cur-  
instituti  
e. Dila-  
tuti; ita  
reserva-  
oniam  
elis, cum  
gemina-  
obi Gen.  
Imo cum  
ba Iacob  
aditione.  
וְהָאֵדָמָה, quod  
cat & sa-  
quuntur,  
et ad con-  
est: se-  
epulum  
Moses so-  
e, ex ser-  
bet solam  
Reg. 19.  
it. 22. 4.  
nfirmant  
re sacrifi-  
Deo ob-  
te postea  
ni ab-  
refragari  
non fuisse  
holo-



Scripturę locorum, itemque comparatione phrasium probat Franzius Disp. Quinta de Sacrificiis Th. 3. & seqq. Quod si admiseris, valde probabile est, Abelis sacrificium holocaustum eque fuisse, ac Salomonis, de quo ita legitur 2. Paral. 7. vers. 1. *Quumque absolvisset Salomon orare, illico ignis descendens à cœlis absumpsit holocaustum & sacrificia.* Nec curanda *evangelis*, quæ occurrit pag. 42. *Sed fac omnino* (inquit) *sacrificia Antidiluvianorum holocausta fuisse. Non frangit vim argumenti. Nihil ei in Deo sacrari potest, quin sit in usu hominum. In sacrificiis enim suam obligationem testabantur. Hinc devoverunt merito id, quo omnium maxime in hac vita sustentanda sunt quotidie usi. & pag. 43. Non potest autem optimum & præstantissimum esse, nisi maxima utilitate offerentem matet: Hæc dicuntur ἀρετὴ τῆς ψυχῆς. In offerendis sacrificiis satisfieri debuit voluntati divinæ, & probanda potissimum obedientia fuit: unde testatur ipse Deus Oz. 6. vers. 6. *Se benignitate delectari non sacrificio. atque auscultare est melius sacrificio, attendere, adipe arietum, 1. Sam. 15. vers. 22. Tantum vero abest, ut probarit Deus sacrificantes ex utilitate, qua se quasi mulctabant; ne victimæ damno cederent eas offerentium, succurrere voluit pauperibus, speciali ad hoc lege lata, cujus fit mentio Levit. 12. vers. 6. & 8. quæque allegatur Luc. 2. vers. 24. unde Francisc. Junius in Analyfi ad d. caput xii. Levitici: Cura- tio (purgationis scilicet à puerperio) post justum tempus adhibenda exponitur duobus modis: prior est in eos, qui commode potuerunt sumptus ferre; ut agnum in holocaustum, & columbam aut turturem in sacrificium pro peccato fisterent coram Domino vers. 6. ritumque purgationis sacerdos perficeret: Posterior in tenuiores (vers. 8. expresse dicitur; Quod si non assequatur manus ejus pro parva pecude, quantum satis est) nempe duas columbas, aut duos turtures, unum in holocaustum, alterum in peccatum exhiberent. 4. Frustra ergo, ratione sacrificantium, attenditur utilitas, quâ se in Dei quasi gratiam voluerint mulctare. Inepte vero inde concluditur ea, quæ Deo in sacrificium offerebantur, insignem utilitatem offerentibus debuisse contulisse, & consequenter Abelerem sacrificantem pingues victimas, se, ut Deo gratum sacrificium offerret, defraudasse multis animalibus, quæ alias mensæ suæ destinare potuisset: Dici enim posset se defraudasse ratione fructus, (modo oves obtulerit) speciatim lana & lacte. 5. Cur vero sacrificium Abelis Deo placuerit, præ sacrificio Caini, distincte indicat Apostolus, quando dicit Hebr. xi. vers. 4. quod per fidem majoris prei-**

sacrificii



sacrificium Deo obtulerit, quam Cain: scil. cum propitiatio per fidem sit in sanguine, edicente eodem Apostolo Hebr. 9. 22. 23. Abel voluit ante omnia offerre Sacrificium ἱλαστικόν: c. ius cum securus fuerit Cainus, contentus sola oblatione Eucharistica de fructu terræ, non potuit obtinere iustitiæ Dei, quæ ex fide est, testimonium. Consentit Curcellæi adversarius, hætenus præ illo agnoscendus Orthodoxus, quando pag. 41. dicit: In quo igitur καὶ ἐγὼ καὶ ὁ ἁγίος πνεῦμα ὁ ἁγίος πνεῦμα Habelis prerogativa? si non in eo, quod ἱλαστικὸν cum Deo negotium curavit, quam supine neglexit Cainus.

Homines Ante-diluvianos velci pariter consuevisse carnibus, **tertio IX.** hoc argumento probari solet, prout fide non mala proponit illud Curcellæus pag. 33. Deus vestes Adamo & Eva post peccatum ex pellibus conficiens, ad eorum nuditatem tegendam, exemplum dedit ut postea pelles quoque in eundem usum adhiberentur. Non est autem verisimile, ipsum carnes animalium, quæ excoriari permittebat, tanquam inutiles abjici voluisse, sed potius indulgisse ut in alimentum cederent. Curcellæi responsio sequentibus verbis continetur: Exuvia (inquit) animantium, quæ Deo in sacrificium fuerant oblata, retineri poterant ad vestimenta faciendâ, vel eorum, quæ fato suo, cui omnia naturaliter sunt obnoxia, perierant, atque etiam ferarum & aliarum bestiarum, quarum carnes non comeduntur, ut leonum, luporum, canum, felium, & aliarum ejusmodi. Quicquid ejus sit, Deus concedendo hominibus ut corpus suum animantium corio tegerent, ostendebat, se non improbare, ut id commoda aliqua ratione ipsis detraherent. Sed, nullo adhuc indicio patefecerat, sibi placere ut eorum carnibus vescerentur: longeque satius erat, carnes quantumvis delicatas & ad edendum optimas abjicere, quàm, invito & non largiente Deo, illas usurpare. Adversus hæc, multa verba quidem profundit Curcellæi ad examen, omittendo τὰ πάρεργα, paucis expendemus. Initio pag. 44. hæc lego: *Maſtari igitur animantia debuerunt? Quid ergo de carnibus fieri debuit? Comeſtæ haud dubie fuerunt, non rejectæ. Si rejectæ, non igitur fuerunt κλίσμα Θεοῦ καλόν, i. Timoth. 4. vers. 4. Resp. Cardio rei in hoc vertitur, quomodo apud Apostolum intelligi debeat κλίσμα Θεοῦ καλόν. Locutio illa est generalis, atque ut potest extendi ad omnia, quæ Deus creavit; ita tamen apud Paulum intelligi debet ἐν τῇ ὑποθέσει, atque pro subiecta materia: scil. ratione ciborum, quos Deus condidit ad participandum cum gratiarum actione, ut dicitur*  
Eccc 2 vers. 3.



vers. 3. Sed tales cibi sunt illi, quos Deus concessit ad edendum, non vero quibus Deus aut explicite aut implicite interdixit. Probari ergo ante omnia debuisset, voluisse Deum ab hominibus Ante-diluvianis *carnes participari cum gratiarum actione*. Quod quamdum non fit, æque fas fuit hominibus Ante-diluvianis, de quibus controvertitur, reliquias victimarum abjicere, atque quodcunque morticinum aut caro suilla à Judæis, ex ipso Dei mandato, abjici solet. Secundo, quod dixisset Curcellæus, animalium quoque *fato suo defunctorum exuvias in usum vestium adhiberi* (ante Diluvium scilicet) potuisse: pag. 44. ita insurgit: *Afferit, non probat, potuisse. Eadem igitur facilitate rejicitur. Imo indignum & Deo & homine, vestitum conficere & inducere ex νεκρῶν, morticino animalis.* Resp. 1. Per iniquitatem summam Curcellæo objicitur deficientia probationis: cum hic ipse adversarius longe plura in toto hoc discursu assumat, quam aut probet, aut probare possit. Homo Christianus, maxime Theologiæ Orthodoxæ Professor & Doctor debet esse ἐπιεικής: hæc verò ipsa ἐπιεικεία suadet, ne plus ab adversario sententiæ nostræ exigamus, quam aut ipsi præstare possimus, aut à nobis exigi velimus. 2. Nescio cur pronuncietur indignum esse non minus homine, quam Deo, ut homo vestiatur *morticino animalis*. Ergo meus homo nunquam induat vestes laneas, certus siquidem sit lanæ à vivis ovibus detonsæ, non minus in Belgio & Germania, quam in Anglia & Scotia, admisceri consuevisse lanam ovium suo fato defunctorum. 3. At quæ ignominia hinc in Deum redundare potest? qui pro singulari sua sapientia, (modò nos possemus sapere) & in victu, & in amictu nostro, ratione omnium partium, voluit nos commonefieri mortalitatis nostræ: quum nihil edamus, nisi jam antea mortuum fuerit, nec quicquam ad amictum nostrum adhiberi possit, in quo non symbolice mortis imago manifesto representetur. Ostendi antea deberet, absolute morticinum Deo esse abominabile, si usibus amictus nostri destinetur. 4. Sed, attendatur mecum locus Apostoli Heb. 11. 37. Toto illo capite ut Paulus totus est in recensendis fidelibus, velut per indicem; ita quosdam recenset, qui singulari ratione suam probaverint fidem per constantem professionem, eò, quod *περὰ νόμον ἐν μηλωταῖς ἐν ἀγροῖς δερμασιν ὕσσαντο*. *Defuturi* (omnibus scilicet rebus necessariis) *oberraverint cum ovillis & caprinis pellibus*. Quibus verbis non obscure innuit, quosdam ex Dei filiis, quibus mundus non erat dignus, per desertum, & silvas oberrasse, suamque nuditatem texisse & ovillis.



ovillis & caprinis pellibus fortuito ibi inventis, atque derelictis à feris, quæ oves quidem & capras, non vero pellium exuvias, comedere solent. Quare & Josephi fratres patri suo miserunt tunicam versicolore m hirci sanguine tinctam, qua visa ita secum Jacob à filiis circumventus: *Tunica filii mei est, bestia mala devoravit eum: omnino discerpis est Ioseph.* μηλωτὶ vero proprie notat pellem ovium. Licet ita in Glossario legatur: μηλωτὶ pellis. Convenienter vero observavit Curcellæus, plerasque pelles, quæ amictui cedunt, consuevisse detrahi animalibus, quorum carnes in mensa aversemur. Si quæ regio, certe Russia, pelles omnis generis, & inter illas, multas, quæ pretiosissimæ habentur, suppe- ditat: sed, aut paucissimæ, aut certæ nullæ feræ notantur, quarum carnes pariter delicias palato exhibeant. Olim galeæ ex pellibus fieri solent; cæterum pellibus talium animalium, quorum carnes pertinebant ad res rejiculas: nam erant vel κυνέαι, quæ confectæ erant è pelle canina, vel λυκέαι, quæ è lupina, vel apud Homerum Il. lib. 9. λυκιδέαι, quæ è pelle mustelina. Quid quod juxta doctiores Grammaticos ipsæ γαλέαι videantur nomen habere ἀπὸ τῆς γαλῆς, quæ vox selem signat. Adeo ut per argumentum, desumptum à pellibus animalium pertinentibus ad vestitum, usus licitus carniū, nulla evidenti consequentia, inferri possit.

Quartum argumentum, ab adversarij sententiæ patronis propositum, X. est hoc: Ante diluvium jam locum habebat distinctio animalium in munda & immunda, ut apparet ex Genes. 7. vers. 2. 3. Munda autem sunt illa, quæ Deus in lege pro talibus haberi voluit, & in alimentum Israëlitis indulgit; immunda contra Levit. 11. Deuter. 14. Ad quæ Curcellæus Respondet: Distinctionem istam sub lege non factam fuisse tantum propter esum, ut scirent Israëlites quibus vesci possent, & à quibus abstinere deberent: sed etiam propter sacrificia, ut sanctissimo Deo, & omnis immunditiæ ofori, nihil nisi mundum offerretur, & ab ejus cultu id, quod vel minimam impuritatis speciem haberet, removeretur. Ad postremum autem hunc finem, seu ad sacrificia, solum respici in loco Genes. 7. ubi mundorum & immundorum animalium fit mentio, inde recte colligitur, quod cum Deus cap. 9. esum carnis permittit, distinctionem istam ne verbo quidem attingit, & nullam prorsus animalium speciem, sed tantum sanguinem, seu carnem cum sanguine, excipit. Hactenus Curcellæus. Contra quæ ita insurgit Curcellæi adversarius pag. 47. Quia in naturali usu munda, ideo ad sacrificandum adhibita. Non contra.

Eccc 3.

Quia



Quin & ponderari velim, delectum ciborum figurasse exclusas gentes à communione fœderis externi. Hinc delectu ciborum sublato, & concessa facultate macerandi in Divina visione, Petrus conclusit: Nunc ex veritate cognosco, quod non sit personarum respectus apud Deum; sed in omni gente, qui timet Deum, & operatur iustitiam, Deo acceptus est Actor. 10. vers. 11. 12. &c. cum vers. 34. 35. Atqui ante diluvium reiectas esse gentes à communione Ecclesie, & externa ejus societate, non constat. Resp. 1. Solidam vero rationem mihi attulisse videtur Curcellæus, cur ante Diluvium quoque observatum fuerit discrimen inter munda & immunda animalia. Cui superaddo duntaxat suffragium Piscatoris, qui Genes. 7. vers. 2. ad hæc verba: *Ex pecudibus mundis*, in Scholiis superaddit hanc observationem: *Id est, aptis ad sacrificia: sicut in lege Moysi designatum est.* Hinc apparet discrimen illud mundorum & immundorum patribus quoque illis ante Diluvium fuisse indicatum. Cuinam vero ex filiis Adam, si non Adamo ipsi, discrimen hoc Deus indicarit, varieg sunt conjecturæ. Nec admodum refert scire, 2. Minus inconvenienter vero animalia censentur Gen. 7. vocari munda & immunda ratione victus, quomodo neque probari possunt, quæ habet Curcellæi Adversarius pag. 47. *Distinctio inter munda & immunda non fuit ex Divino mandato propter pietatem & religionem inducitur, sed homines ea immunda duxerunt, quorum naturaliter nausea capti fuerunt.* Quod si ita foret, definite non constaret, quænam munda, quænam vero immunda animalia forent. Chryf. Homil. 24. in Genesin: *Considera (inquit) quomodo in nonnullis locis ab aliquibus abstinere aliqui, ut immundis & non probatis, aliqui illis ipsis vescuntur, consuetudine se ad hoc inducente.* Vel circa solam suillam carnem hoc patet, quæ Judæos, ut abominabili abstinuisse, gnarum quodque erat Tacito, qui ita, fallus licet circa rationem lib. 5. Histor. *Sed abstinere, memoria cladis, quod ipsos scabies quondam turpaverat, cui id animal obnoxium.* Nec tamen Physice sus pertinet, sive ad ζῷα ἀνόσιμα, (ut loquitur Josephus) sive, ad τὰ ἀνάσχετα, ut loqui amant LXX. Senes: cum alimentum commodissimum homini conferat. Verbum est Medicorum Patris, sive Hippocratis lib. de Affectionibus: *τὰ δὲ βέλαια εἰς καὶ ἐνέχουσιν μὲν, καὶ ἰσχυρὰ παύσονται.* *Suilla carnes, & ad bonum habitum & ad robur conferunt.* à cujus judicio non dissentit genuinus ipsius interpres Galenus lib. 7. Meth. cap. 6. *τροφικώτατον ἐν ἐν ὅλων, ὡς ἴσμεν ἐδεσμάτων, χύρσιον κρέας.* *Omnium, quos morimus, ciborum, maxime alit caro suilla.* Adeoque adversarius Curcellæi



cellei hic debuisset distinguere inter munditiam *naturalem*, *moralem*,  
*atque figuralem*. Multa dicere possem, & si inde fama quærenda esset,  
 vario symmate multiplicium citationum omnia extendere: Sed, quod  
 nihil velim detractum illi, per quem gratus profiteor me profecisse,  
 eum unum pro me adducam, qui est Theologorum Orthodoxorum  
 Coryphæus, Franciscus Junius, quique in sua Analyfi ad cap. undeci-  
 mum Levitici *sequentia habet*: Ex natura est munditia vel immundi-  
 tia duobus modis; subjective, ut loquuntur, aut effective, ita liceat  
 dicere brevitate causa. Subjective munditia est secundum quam res  
 à natura munda est in se; ut contra immunditia, qua res à natura est  
 in se immunda. Sed quia naturæ duplex est ratio; communis, quæ  
 fuit ante peccatum purè; & singularis, quæ ex peccato hominis cor-  
 rupta est; hinc fit, ut, respectu naturæ communis, nihil creatum non  
 sit mundum: nam aspexit Deus quicquid fecerat, ecce autem erat  
 bonum valde, Genes. 5. Respectu vero naturæ singularis, ex facto  
 hominis vanitati mancipatæ, (ita loquitur Apostolus Rom. 7.) ea-  
 dem, quæ secundum naturam communem bona sunt, contigit ma-  
 la esse, vel immunda esse secundum naturam singularem ipsorum.  
 Hinc fit, ut sùs ex natura communi munda, & diptas ex natura singu-  
 lari, immunda fuerit habita. Atque hæc quidem subjective munda.  
 Effective autem immunda sunt, secundum eandem rationem naturæ,  
 communiter aut singulariter consideratæ, quæ suam immunditiam  
 in alia quoque transferunt; ut (exempli causa) si de diptade, bufo-  
 ne, aut angue dixeris. Alioquin certa est Pauli sententia 1. Timoth. 4.  
 omnia piis sanctificata esse: & Tit. 1. omnia munda mundis; quem-  
 admodum Deus Petro ostendisse dicitur Act. 10. Jam de altera par-  
 te videamus. Ex instituto, ea ipsa quæ munda sunt, tamen immun-  
 da censei solent. Instituti autem causæ sunt in hoc genere aut natu-  
 rales, aut morales, aut figurales: naturales sunt, quum à natura fun-  
 damentum habent; ut exempli causa, ad cibum quædam ex natu-  
 ra adhibentur, & quædam natura horret. Illud est evidens per se,  
 nec opus ut exemplis ostendamus. Morales sunt, quæ conjun-  
 ctam honestatis, & æquitatis, rationem habent; ut exempli cau-  
 sa, quum Deus Israëlitis peregrinantibus clavum seu ligonem esse  
 jubet, quo excrementa sua in sinum terræ effossæ condant, Deu-  
 ter. xxi. 1. Figurale est, quod ad certam aliquam significationem  
 pertinet, quam nec rei natura, nec morum nostrorum ratio simplici-

ter



et postulare, cuiusmodi pleræque hic sunt ceremoniæ. Triplex autem harum ceremoniarum respectus fuit, in tactu, in cibo, & sacrificio. In tactu quicquid immundum fuit, idem cibo & sacrificio immundum censebatur. Ad sacrificium maxima munditia desiderabatur. Has autem munditias ( paulo curiosior hoc in loco futurus sum, ut semel locum explicem ) homines inde à peccato aliquo modo observarunt : naturales & morales, naturæ instinctu quodam; sacras & ad sacrificia pertinentes, singulari revelatione. Neque enim dubium est, quin Adamo ipsi Deus spem venturi Christi ingenerans, res ad sacrificium mundas ostenderit, ut inde à principio humanum genus in peccatis perditum ad spem salutis in Christo symbolis excitaret: qua ratione Gen. 6. Deus Noacho mandans, munda, id est, apta ad sacrificium ab immundis se crevit, & plura aliis in arcam intromitti voluit. Jam de his rebus, quæ lege immundæ pronunciantur, videndum est. Ac primum quidem tenendum illud est, non agi de immunditiâ naturali aut morali propriè & per se, sed de figurali; alioquin cur res multas quæ naturâ non sunt immundæ, Deus interdixisse diceretur? Sed fortasse dixerit quispiam, saltem ex causis naturalibus sunt distinctiones istæ, siue iis causis quæ naturales dicuntur simpliciter, siue moralibus. Priorem sententiam Christianis objecit Porphyrius & alii, physicæ aut medicæ rei magis dantes operam, quam Theologicæ: posteriorem alii usurpaverunt qui singulares affectiones istorum animantium cum affectionibus humanis comparaverunt, qua in re non admodum feliciter ( iudicio meo ) non pauci ex Orthodoxis patribus sese occuparunt. Restat igitur, ut figuralem munditiam dicamus esse, secundum quam velut symbolo externo Deus populum suum à cæteris gentibus secerni voluerit. Nam quod excessum aut defectum caloris aut humoris ( ut vocant ) radicalis adferunt quidam, id à Porphyrio est: neque probabile est, Deum his modis, medicam rem in rebus sacris curavisse. Moralia qui minutatim adferunt, ii operam videntur ludere: quia nec Deus ad singularem rationem animantium videtur respexisse in communi lege, nec si quis vellet certò confirmare de singulis posset, aut quæ animantes hic significentur Hebræis vocibus ( probabiliter quidem posset, sed non certo ) aut quod amplius est, qua ratione ad hanc significationem alias adhiberi Deus præceperit, & alias minimè. *Hac Iunius*, in cuius sententia hætenus acquiesco.

XI. Superest quintum & postremum argumentum, quod *ita proponitur apud*



apud Curcellaum p. 35. Si illicitum (*inquit*) fuisset ante diluvium animalia ad edendum mactare, in adeo immensum excrevisset numerum, ut terram popularentur & fruges consumerent, hominesq; in periculo versati essent, ne aut fame perirent, aut saltem magna ciborum ad vitam suam sustentandam requisitorum penuria laborarent. Id autem est absurdum, & curæ, quam Deus de humano genere habet, repugnans. *Ad que ita respondet Curcellaus:* Incommoda ista minime fuisse metuenda, si ve cicuria & domestica spectes animalia, si ve fugacia & quæ in agris degunt. Nam quod ad domestica attinet, ut sunt oves, capræ, boves, &c. quamvis fecunditate præstent, non tamen valde absq; hominum peculiari cura & labore multiplicantur; ita ut sibi ipsis relicta, magnam partem morbis peritura, aut feris in prædam cessura essent, sicut minutos pisces à majoribus devorari cõperimus. Et quod ad fugacia, ut sunt cervi, damæ, lepores, &c. experientia quoq; docet contrarium. Nam etiam in locis ubi nemo illa persequitur & capit, non adeo multiplicantur, ut terram repleant, & homines ejus fructibus privent. *Hac Curcellaus.* Adversus quæ ita insurgit Curcellai adversarius p. 48. Non negem (*inquit*) accedente hominum cura facilius multiplicari. Argumento fuerit pecuaria apud diversas gentes. Absq; tamen illa fuisset multitudo animalium, & exuberantia molestiam creasset. Ergo feris carnes in prædâ cessuræ? Quidni igitur etiam hominibus? Non est, cur conditionem deterioreni fingamus hominis, quàm bestiarum. Neq; facile quisquam habere fidem potest dicenti, etiã in illis locis, ubi nemo feras persequitur, & cubilibus suis excutit, non adeo multiplicari. *Fidem facit Germania* Gradivo tã diu lacerata, & pœne in vastitiæ data. Cujus cultui arte & industria postliminò quæsito quantum noceant turmatim irruentes ferae, & segetes vastantes, compertum satis est. *Hactenus ille.* Resp. 1. Juxta nostra principia, at præter legē Dei, in animalia grassati quoq; fuerunt dubio procul illi, qui vocantur *Nephilim*: sed, inde non licet argumentari à factò quorundã hominum ad jus, iis à Deo concessum. Nulla quoq; consequentia à feris ex raptò viventibus, ad homines: pari enim ratione concludas, instar ferarum, homini quoque fas esse ex raptò vivere. 2. Multa animalia non fecificare, nisi accedente hominum industria certissimum est, adeoque ea, multiplicata quoque, nullam, aut saltem exiguam noxam inferre potuerunt filiis Dei, cum hi, memores Divini mandati, præcaverint facile, ne multiplicarentur: nullaque ratio haberi debeat filiorum hujus seculi, qui, ut in vetitum perpetuò niti sunt soliti; ita nihil præjudicii Divinæ legi, cujus

F f f f

cujus



cujus memoria apud pios perennabat, procurari potuit per horum inobedientiam. 3. Pauca ex feris animalibus (de cervis, apris, & leporibus patet) satis & segeti incommodare solent: atque timidiora & imbecilliora ex illis cedere solent in prædam robustiorum. Notum illud:

*Torva leona lupum sequitur, lupus ipse capellam.*

Atque hic in testimonium vocari potest Groenlandia, & nova Zembla, ubi ut occurrit copia cervorum & vulpium; ita iidem oppositi sunt prægrandes ursi. 4. Nec segeti semper à cervis, & similibus animalibus, ubi quoque admodum multiplicata sunt, incommodum grande imminere poterat, quod mundus, animalibus per partes & successive completus, longe lateque pateret: simul animalibus abunde spatii superesset, in quod, citra singularem hominum noxam, excurrerent. Et hæc quidem dicta sint, non tam pro vindictis Curcellæi, quàm ad argumenta, quæ vulgo solent, ut Gorgones, ostentari. Curcellæi adversarius verborum abunde licet profuderit, parum tamen roboris & nervorum iis conciliare quivit. Adeoque dicimus cum pientissimo Piscatore ex Observationibus ad ix. caput Genesios: *Quod Deus* (inquit) *post diluvium, carniū quoque esum hominibus concessit: argumentum est bonitatis ejus, & paternæ cura erga homines: quibus hoc subsidio prospectum voluit: sive quod fructibus terra, initio in cibum concessis, non amplius tanta inessent ad alendum vires, ut ante Diluvium, seu quod videret, vires corporis humani paulatim imminutum iri, ac proinde firmiore alimenio opus fore. Hanc igitur Dei bonitatem gratis animis agnoscamus & prædicemus.* Rabbini varias quoque rationes reddunt hujus permissionis. Apud Seldenum lib. 7. c. 1. ita lego: *Quoniam* ajunt alii (inquit) *in rerū initiis fructus arborum, agrorum, satorum, aliarumque rerum è terra crescentium ex ipsa creatione uberes fuere, unde commodissime nutriri possent homines. Nec aliter se res usque ad diluvium habuit. Statim autem post Diluvium ob rerum ejusmodi inde inopiam, necessarium hoc fuisse indultum, ne fame aliter homines tunc periissent.* Alii rationem petunt ex eo, quod fructus terra post Diluvium peiores multo quàm ante. Alii aliter. *Quæ de re consulas Commentarios Rabbīnicos in Genesim.* Quibus hoc solum addo: cum impii quidam ante Diluvium, voluptatibus & ventri suo nimium quàm addicti, carnes instituisent, Cycloperum, aut potius ferinum in morem, comedere: Deus promiscue pro sua bonitate post Diluvium ita usum carniū permisit, ut simul tamen interdixerit sanguine & suffocato. Quum præcessissent enim mali mores, hæc bona Lex à Deo condita fuit.

A.D.



## A D D E N D A.

**E**X multis quæ addenda essent, hæc pauca suffecerint. Pagina ergo 357. lin. 16. post hæc verba, *quis non admittendum esse statuat?* Sequentia legantur: Tantum vero abest, ut dici possit, juxta Regium Psalmistam, omnem verticem comatum abominationi esse Jehovæ: quædam ex gentibus notantur, quod essent *ῥῥῥ* ceu attenuatæ, aut extremificatæ & quidem secundum angulum, nam additur vox *תאבא*. Quod quanquam multi ex Rabbinis interpretantur de remotissimis gentibus, quæ habitabant in angulo deserti; Hieronymus tamen accipit de Arabibus, quibus moris erat comam rotunde attondere. Idem judicium est Junii, quem sequuntur Interpretes Belgæ. De hac tonsura Arabum ita Herodotus in Thalia, citatus quoque à Junio: *Dicuntur (inquit) Arabes tondere sui capillamenti comam, ut ipse Dionysius tonsus est: tondentur autem in subrotundam formam, circumradentes tempora.* Ad dictum verò Jirmejæ locum hæc habet Theodorus Mopsvestenus: *Σαρακεννοὶ τὴν κόμην καὶ τὸ ὀπίθεν μέγεθος ἑῶντες μόνον ἀποκείρουσιν τὸ μέγεθος ἐπὶ τὸ μέτωπον, οἱ εἰσὶν καὶ νῦν λεγόμενοι γενίλιδοι. Comam ad occipitium promittentes Saraceni, partem solummodo tondent, quæ fronti imminet; hos hodie gentiles vocamus.* Prophetam indefinite Gentiles intellexisse non dixerim, sed potius respexisse Arabes. Interim modo Saracenico Hunni quoque & Massagetæ tonderi solent. Procopius Cæsariensis in Historia Arcana Alemannii pag. 31. τῶν δὲ ἐν τῇ κεφαλῇ τελεχῶν τὰ ἑμπεριότερα ἄλλα ἐς τὰς κρυτάφας ἀποτεμόμενοι τὰ ὀπίθεν ἀποκείρουσιν σφίσι λόγῳ ἐδίνει ἑῶν, ἀπὸ τῶν οἱ Μασσαγέται, διὸ δὴ καὶ ἐκινὸν τὸ τοῖστον εἶδος ἐκάλεον. *Sincipus capillitio ad tempora usque nudarunt, coma ad occipitium promissa, ut Massageta solent, nulla lege diffuere, quare & hunc habitum Hunnicum appellaverunt.* Quæ si cum antecedentibus componantur, patebit, Deum execrari non quidem capillum, sive intonsum, sive attonsum, sed quatenus arguit mores, sanctissimæ suæ legi adversantes.

Pag. 363. linea ante penultima, post verba, *Seculo isti*, amplius addantur, *quæ sequuntur*: Putare aliquis posset Deum circa barbæ sive tonsuram, sive rasuram, nec non tonsuram capillorum, aliquid definitivisse, quum Deus Levit. 19. vers. 27. ita sanxerit: *Ne circumcidere pilos ad latus capitis vestri: neque corruptito latus barbæ tuæ.* Sed, præterquam quòd huic præcepto Rabbinum suam superstitionem sociarant,

Ffff 2

restrin-



restringentes illud ad novaculam, secluso forfice; quum tamen Clemens Alexandrinus lib. 3. Pædag. cap. 3. barbam, non novacula, sed uni forfici velit subesse; illud mere cæremoniale est habendum. Non inconvenienter per omnia, serius præ vulgo Rabbiorum Aben Ezra ad dictum locum: *Ratio* (inquit) *præcipiendi de capillo, & Barba, est, ut essent dissimiles gentibus. Et quia crinis capitis & barbæ est ad decus creatus, non convenit eum corrumpere. Sunt qui dicant id pertinere ad luctum mortui.* Apposite Calvinus in Commentario: *Quamvis medium id esset* (inquit) *per se, Deus tamen noluit populo suo liberum esse: ut tanquam pueri ex parvis rudimentis discerent, se non aliter fore Deo gratos, nisi exteris & præputiatis essent prorsus dissimiles, ac longe abessent ab eorum exemplis, præsertim vero ritus omnes fugerent, quibus testata fiebat religio.* Constat vero sacrorum apud Gentiles ministros, consuevisse orbiculari figura aut caput circumtondere, aut illud radere. Nec falsus est Lilius Giraldus Dial. 11. quando existimat, Deum voluisse, ut populus suus quam alienus esset à vanissimis Ægyptiorum superstitionibus, ad quas, ob diuturnam in terra illa mansionem, maxime videbantur proclives esse. Notissimum vero est, sacerdotes Isidis, magnæ Ægyptiorum Deæ, non modo consuevisse caput suum circumtondere, sed ad vivam quoque cutem radere, unde & passim calvi vocantur. Apul. lib. 11. describens pompam Isiacam, hæc inter alia habet: *Tunc influunt turbæ, (inquit) sacris divinis initiatæ, viri scæminæque omnis dignitatis & omnis ætatis, lintæ vestis candore puro luminosi: illæ limpido tegmine crines madidos obvolutæ, hi capillum derafi funditus, vertice prænitentes.* Hæc Apulejus. Similiter Lampridius in Commodio: *Sacra Isidis coluit, ut & caput raderet. Anubin portaret, &c.* Ne plura testimonia jam cumulem, comparentur hæc, cum illis, quæ habeo pag. 358. & 359. atque liquido patebit, nihil, quod Christianos obstringere possit, multo minus hoc tempore debeat, à Deo præceptum esse circa tonsuram sive capillorum, sive barbæ.

Pag. 428. post art. 6. Dissertationis de Pœna simplicis furti, licebit amplius sequentia, quod serviant vindicandæ meæ sententiæ, *inserere*: Quum nuper declamari audiverim contra meam sententiam à quodam, cui ad tempus Privilegium obtigerat, ut solus loqui posset, non possum non occurrere duobus argumentis, quæ quàm invidiose contra meam sententiam torquebantur. Prius tale ferme, si ad formam redigatur, erit: *Si parendum est Deo, in Decalogo dicenti, non furaberis: ipsius*



ipsum quoque audire debemus, furto pœnam pecuniariam destinantem. Idem enim ille Deus, qui Mosi dedit utramque tabulam, propositam Exod. 20. complectentem decem verba, per eundem suum administrum hanc legem tulit Exod. 22. vers. 1. *Si quis furatus bovem aut parvam pecudem, machaverit aut vendiderit eam, quinque boves rependito pro uno bove, & quatuor pecudes gregis pro una pecude.* Sed, respondeat pro me solus Franciscus Junius, non modo Theologus summus, verum etiam cum viveret Leydæ, omnium judicio Professor diligens, industrius, sobrius, & rerum suarum quàm satagens. Hic in Analytica Explicatione Exodi, ad caput XXI. *sequentia habet:* Tradita morali lege (*inquit*) tanquam rivos illius ducens in Ecclesia sua, judicia eò pertinentia præscribit, tribus capitibus 21. 22. 23. Eorum judiciorum summa inscriptio est caput 21. vers. 1. &c. Inscriptione (ut de vers. 1. pauca dicamus) ostendit Deus, jura Israëlitis præscribi à se in repub. eorum observanda. Quorum duplex est ratio: una, communis pro natura juris secundum se simpliciter considerati: altera singularis pro natura hominum temporumque illorum, secundum quæ etiam jura, communi ratione nixa, temperari determinationibus, conclusionibus; & circumstantiis necesse est. Horum prius demonstratur his verbis. *Hæc judicia illa sunt; posterius illis, quæ propones iis, puta Israëlitis convenientia. Hæcenus Junius.* Adeoque, in hoc argumento, consequentia nulla, vel ab Argo ipso, qui totus erat oculus, observari potest. Neque enim illud, quod respectum habebat ad solam Politiam Israëliticam, ulla specie probabilitatis extendi potest ad Respublicas in communi consideratas. Illis, quæ jam antea proposui, & fusius deduxi, superaddo solummodo insignem locum Theologi Docti & Celeberrimi, scil. Martini Chemnitii, qui in locis Communibus Titul. de Lege pag. mihi 225. & 226. *sequentia habet:* Quæritur, an justum sit fures punire suspendio, cum Lex divina hanc pœnam non constituerit? Sed vera responsio est: Constitutiones Mosaicæ, nostras Politicas non obligare, quæ facinorosis recte possunt pœnas imponere, pro ratione illius regulæ, ut communis pax & tranquillitas conservetur, malum de terra auferatur, audacia reprimatur: ut cæteri timorem habeant. Multis enim grassantibus, opus est exemplo. Et ipse Deus in politia Mosaica ostendit, pœnas furti, pro circumstantia rei ablata, posse vel mitigari vel exasperari: quidam quadruplum, quidam quintuplum

Ffff 3

reddant,



reddant, quidam venundentur, quidam morte mulcentur. Item constituit, furem, in quo animus grassandi præsumitur, recte posse etiam extra iudicium occidi. Et notabile est, quod Salomon Prov. 6. vers. 31. (*hunc locum paulo post præsius expendemus*) indicat progressu temporis etiam in Politia Mosaica, furta non potuisse poena Mosaica coerceri, sed magistratum constituisse, ut quidam septuplum redderent, quidam confiscatione omnium bonorum. Hæc fundamenta ostendunt rationem, quod potuerit poena furti asperior constitui. Citatur dictum Chrysostomi: *Ubi damnum resarciri potest, non esse homini adimendam vitam*. Sed, qui furatus est hominem, licet posset restituere, tamen lege Mosaica morte punitur. *Huc usque Chemnitius*. Circa locum Proverb. 6. varii ex Interpretibus ambigunt: ne vero aut Chemnitio aut nobis faveat, vir, dum viveret summus, atque linguarum Orientalium peritissimus D. Sixtinus Amama lib. 3. Anti-barbari pag. 896. multis obnuitur: quæ non possumus non quoque & proponere, & examinare. Verba viri egregii *ita l. d. habent*: Cum vero hic dicat Salomon, *septuplum reddet*, colligunt, ejus seculo poenam furti exasperatam fuisse: ac proinde, ut loquitur Thomas prima secundæ, ad præcepta judicialia potuisse à Regibus additionem fieri secundum exigentiam temporis. Quamvis vero longe diversa sint, poenam aliquam non capitalem aggravare, & poenam non capitalem convertere in capitalem: tamen ne illa quidem potestas ex hoc loco stabiliri potest. Id quod jam jam apparebit. Adhuc, si iudiciale distinguas à morali & cæremoniali, negatur diserte, leges illas, quæ transgressoribus moralium legum poenas decernunt, judiciales esse: quales sunt præter leges de poena furti, leges de adulterio, & filio rebellis, Deut. 21. & id genus alia. Valebitque & hic illud Jurisconsultorum, *Accessorium sequi suum principale*. Hactenus D. Amama. In quibus ut multa occurrunt examen merentia; ita ordine præcipua expendemus. Ab ultimo vero initium faciam. Eoque primo dico, simpliciter asseri non posse, poenas corporales hujus seculi, quibus Deus munivit Decalogum, apud omnes homines, sub quacunque reip. conditione æque admitti debere. Fatemur quidem, Deum, qui leges Politicas populo Israëlito præscripsit, sapientissimum esse Legislatorem; interim delicta quædam ratione circumstantiarum illius reip. poterant vel graviora, vel leviora esse quàm alibi. Populo suo cum Deus in terra Canaan largam benedictionem addixisset, furtum non poterat



iis eque grave esse, atque populo in regione sterili in tuguriis minus  
 firmatis habitanti. Adeoque poena levior furi Israëlítico destinata, non  
 potest in regione contradistincta æq; servire furto coercendo. Nam 1.  
 quia regio sterilis est, is, cui sit furtum, magis leditur. 2. Res ipsius  
 mobiles, magis expositæ sunt furto, quod minus illas queat custodi-  
 re. 3. Fur in tali regione vivens restitutioni & rei furtivæ, & multæ  
 pecuniariæ, minus sufficit. Vice versa, cum ipsi Israëlites qui diu in  
 Ægypto morati fuerant, obnoxii admodum essent Idololatriæ, Deus  
 morte Idololatriam expiari voluit, Exod. 22. vers. 20. Deuter. 17.  
 vers. 2. Quis tamen inde intulerit, eam ubique locorum exercendam  
 & observandam? Restrictio est ipsius Dei Deuter. 17. vers. 2. *Si in-  
 veniatur (NB) in medio tui, in aliqua de portis tuis.* Unde non incon-  
 venienter Rivetus ad Exod. 22. vers. 20. *Id, quod hac lege sancitur, ad  
 populum Israëlitis referebatur, non ad gentes extra temp. illam. Gravius enim  
 erat crimen Israëlitarum, quibus Deus se communicaverat, fœdere cum iis  
 inito.* Habet ergo vir egregius *Exercit.* Secundo per errorem argumen-  
 tatur à poena homicidii, & adulterii, ad poenam furti. Homicidii & ad-  
 ulterii apud omnes gentes par est ratio, non æque vero furti. Ut enim  
 jam ostensum est, circa hoc varietas maxima accidere potest. Adeoque  
 existimamus, homicidis & adulteris ubique locorum vindicem gla-  
 dium destinandum esse, cumque propter illa, quæ antea disputata fue-  
 runt, licere quoque stringere in fures, si suadeant status & conditio-  
 reip. *Tertio* seposito filio rebeli, vir doctissimus adducere potius de-  
 buisset legem Dei, Exod. 21. vers. 16. *Qui maledixerit patri suo, aut  
 matri, morte moriatur.* Quam & vindicat à falsa glossa Phariseorum  
 D. Jesus Christus, Matth. 15. vers. 4. Quis vero existimet eam in u-  
 sum revocandam & rigide observandam esse, cum contingat sæpe (te-  
 ste ipso Apostolo Paulo Ephes. 6. 4.) liberos per parentes *μαρογυρισθω*,  
 seu, *exacerbari*? Adeoque non est putandum simpliciter verum esse,  
 quod dicit vir egregius, de poena accessoria, eque morali censenda,  
 atque præcepta moralia sunt. *Quarto* quod mirum videtur viro cele-  
 berrimo, de poena non capitali, conversa in poenam capitalem, occa-  
 sione ipsius furti ostendimus in ipsa Exercitatione, cum iudicium Da-  
 vidis expendere. Atque hoc neque novum, neque injustum esse,  
 quivis, si Leges militares attenderit, cognoscere potest. In castris,  
 maxime quando miles est in expeditione, multa censentur capitalia es-  
 se, quæ tamen in milite præfidiario ultimo supplicio non castigantur.

Sed



Sed, quâ ratione Chemnitio locum Salomonis eripere nitatur D. Amama, *despiciamus*: Salomonis scopus iste est, (*inquit*) ut adulterium invisum reddat adolefcenti, proposito præsentissimo periculo, in quod se præcipitem dat. Hoc illustrat & amplificat, comparando poenas adulterii & furti, conferendo item ipsa delicta inter se. Fur, inquit, non tam invisus est, quàm adulter, præsertim si ex necessitate furetur, nec etiam, licet extra illum casum, tanto afficitur supplicio. Furto enim coercendo non alia destinata poena est, quam restitutio dupli, vel quadrupli, vel quintupli pro ratione circumstantiarum, ne tum quidem, cum sæpius idem delictum iterat. Furatur septies? reddit septies. Usque dum universam domus suæ substantiam exhauriat: vel ut Jun. ex qualibet substantia domus suæ reddat: vel, si legi satisfacere non potest, reddat omnia quæ habet, aut, si nihil habet, in servitutem asseratur. Vitam ei nec dominus rei ablata, nec iudices ex lege Divina possunt adimere. At in mœcho aliter se habent omnia. Si vel semel deprehendatur, & privato & publico jure, de ejus honore & vita actum est. *Hac iterum Dn. Amama. Resp. 1.* Si pariter fures & mæchi considerentur coram Dei tribunali, æquales censerī debent: *Nam neque mæchi, neque fures regni Dei hereditatem possidebunt* 1. Cor. 6. 9. 10. (2) Fateor, juxta legem judicalem Dei, mitius puniri furem, quàm adulterum: item convenienter illud septies referri ad actus furti iteratos. Sed, quid interim fiet his verbis Salomonis? *Qualibet substantia domus suæ reddit.* Scio doctissimos interpretes hic supponere casum, quasi fur occurrerit extreme pauper, qui toties furando, quo posset se eximere, profuderit totam suam substantiam. Sed, hujus suppositionis ne fugiens quidem vestigium in Textu occurrit. Cur non liceat dicere, eum deprehensum sæpius, adeo exacte luere illud, quod furando abstulit, ut excutiat omnibus suis fortunis, nulla habita ratione, sufficiantne multa, nec ne? Quod hætenus juxta Chemnitium non immerito cenleatur tempore Salomonis superadditum esse legi Dei. Sed hoc nos parum curamus, cum validius longe argumentum suppeditarit nobis judicium Davidis, quod proinde quoque, neglecto hoc Salomonis loco, superius in ipsa Exercitatione prolixius discussimus. Accedo ad alterum Declamatoris argumentum, quod hoc erat: *Julius Clarus queritur, fures ultimo supplicio affici, adulteros verò plerisque in locis poena duntaxat pecuniaria mulctari. Quod cum iniquissimum sit, concludebat fures potius mulctandos, adulteros autem gladio puniendos esse.* At, qui tam emaces  
sunt



sunt in comparandis libris, si æque diligentes essent in iisdem legendis, ignorare haut possent, magnum illum Alciatum ad leg. 42. de V. S. sic scripsisse: *Hodie in his civitatibus, quæ male instituta sunt, major pecunia, quam morum ratio habetur, furesque laqueo strangulantur, adulteri mulctantur pecunia.* Sed, quæ Alciatus notat, nos quoque judicamus digna esse censoria virgula. Adulteris destinamus gladium, patimur fures duntaxat ad mulctam pecuniariam solvendam adigi, modò censetur ex justitiæ præscripto collo eorum laqueus indi, si ratio reip. & temporis illud exigat. Dolet nobis, quòd juxta sensum carnis, homines hujus seculi adeo perverse inter adulteros atque fures distinguant, adeoque haut piget hoc loco exhibere verba Theologi haut de trivio, Dn. Thomæ Cartvrichthi, qui in Commentario ad Salomonis locum, jam antea expensum, *sequentia habet*: Furem omnes (inquit) exagitant, & convitiis incessunt, flagitribam appellantes: una mensa cum illo vivere renuunt, uno poculo bibere, ulque adeo, ut vestes fere ejus abhorreant; denique carceri & morti tradunt. Contra verò in adulterio nihil hujusmodi: non modo non exprobrant; sed ne abstinent ab ejus consortio. Quis unquam de furto suo jactabit? atqui sæpe inventi sunt, qui de suis adulteriis, cum pulchra præsertim, aut nobili scæmina gloriatur. Tanto autem magis hæc judicii perversitas apud nos locum habet, quanto scelus adulterii à pœna fere omni immunius est; cum tamen furtum severissime vindicetur. Interim tamen Deus sententiam suam non mutabit: quo minùs adulteros deteriores judicet, & suppliciis exquisitoribus puniat; utcunque homines statuant. *Hæc enim ille.* Adeoque, ut argumento satisfaciam; uno verbo respondeo, non valere consequentiam ab iis, quæ sunt facti, ad illa, quæ sunt juris. De facto quidem, lenius agitur cum adulteris, capitis licet reis: licet interim non peccetur ratione furum, si illis, reip. conditione atque circumstantiis suadentibus, laqueus destinetur. Non probo verò, quæ Alciatus eodem loco habet: *Potest ita distingui, ait, ut defendamus furtum non natura, sed civili lege probrum esse, adulterium vero etiam natura: nam leguntur fuisse aliqui populi, apud quos furari impune licebat, ut Aegypti, quod ex Aristotele Iuriconsulto Aulus Gellius tradit. Lacedæmoniis certe etiam laudi dabatur, esse furem, nec deprehendi.* Resp. 1. Respicit locum Gellii lib. 11. Noct. Att. cap. ult. ubi Aristot. hoc non minus de Lacedæmoniis, quàm Aegyptiis affirmat: de Lacedæmoniis idem testante Plutarcho in vita Lycurgi. 2. Dato quoque, plures gentes rebus honestis fur-

G g g g

tum



tum accensuisse, non desinit tamen propterea turpe esse. Quum hic sit cogitandum, quod de gentibus in communi testatur Apostolus Paulus, *Quod Dei veritatem* (per lumen scilicet naturæ, aut verius reliquias ejusdem, post lapsum in mente adhuc radiantem) *transmutarint in falsitatem*, Rom. 1. 25. Nunquam hæc scripsisset Alciatus, nisi putasset sibi licere ingenioso esse in dispungendo. Lex vero xlii. (quæ est Ulpiani) de V. S. ita habet: *Probrum & opprobrium idem est: probra quadam natura turpia sunt, quadam civiliter, & quasi more civitatis; ut puta furtum, adulterium, natura turpe est.* Scilicet, post furtum ita dispungere voluit IC. summus, ut posset referri ad probra civilia. Sed, obstant exempla quæ postea adfert Ulpianus, tutelæ nempe, &c. imo obstat definitio furti, Inst. de obl. quæ ex delicto nasc. §. 2. *Furtum est contravertatio fraudulosa, lucri faciendi gratia, vel ipsius rei, vel etiam usus ejus, possessionisve, quod lege naturali prohibetur est admittere.* Et hæc quidem addenda fuerunt, pro vindictis meæ sententiæ de pœna simplicis furti: imo hæc debebam Declamatori. Hi, similese si aliquid se dignum præstare velint, à tergo, mulierum in modum, non certent convitiis, aut in popinis adversus nostram sententiam, quæ omnium telorum secunda est, insurgant: sed examinent totam Exercitationem nostram ab initio ad finem; & quantum profecerint, orbis literatus judicare poterit, ubi nobis licuerit, per Dei gratiam, respondere.

Pag. 464. lin. 13. post, Rotterodamenses, addo: item Harlempjeses anno 1661.

INDEX



# N D E X

Locorum Scripturæ aut incidenter, aut ex professo,  
explicatorum.

Cap.	vers.	pag.	Cap.	vers.	pag.	Cap.	vers.	pag.
Genes.						Post. lib. Reg.		
2.	21.	574.	12.	2.	193.	18.	16.	49.
2.	29.	569.	15.	7. & 8.	478. 490.	Pr. lib. Chron.		
4.	4.	585.	18.	1.	583.	25.	1.	520.
9.	2.	582.	22.	5.	374.	Post. lib. Chron.		
27.	37.	226.	23. 19. & 20.	435. 440.	15.	17.	197.	
31.	54.	584.	24.	1.	439. 438.	20.	33.	198.
44.	5.	286.	10. 11. & seqq.	478. 479.	32.	12.	198.	
Exod.			Jof.			Hez.		
15.	20.	322. 323.	18.	21.	87.	6.	19.	134.
21.	16.	406. 599.	21.	0.	44.	Esth.		
22.	1.	404. 597.	Lib. Jud.			1.	8.	314.
20.	599.		6.	19.	195.	9.	21. & 22.	134.
21.	437.		Pr. lib. Sam.			23.		133.
25.	476. 477.		10.	9.	195.	Job.		
26. & 27.	478. 479.		Post. lib. Sam.			2.	4.	412.
23.	12. 102. 106. 112.		12. 1. & seq.	407. & seq.		Pfal.		
Levitic.			18.	9. 355. & 356.		15.	1. & 5.	440.
8.	0.	359.	19.	24.	358.	16.	4.	200.
12.	6.	586.	21.	2.	87.	45.	14.	42.
15.	15.	375.	Pr. lib. Reg.			47.	8.	527.
19.	27. 338. 595.		7.	14.	83.	68.	22.	356.
23.	7.	102.	15.	5. 197. & seq.		23. & seqq.	322. 323.	
	32.	106.	14.	197.		72.	14.	439.
25.	35. 36. & 37.	476.	18.	49.		92.	0.	118.
27.	15. 16. & 21.	44.	19.	10.	195.	106.	32.	561.
Deuter.			20.	28.	191.	116.		
5.	20. 102. 106. 115.		22.	43.	197.			

GGGG 2



Cap.	vers.	pag.	Cap.	vers.	pag.	Cap.	vers.	pag.
116.	13.	304.	Tzephan.			Ep. ad Rom.		
133.	2.	359.	1.	4.	373.	1.	4.	72.
134.	2.	167.	8.	379.	380.	12.	12.	74.
Proverb.			Euang. Matt.			2.	14.	350.
6.	31.	598.	10.	10.	383.	8.	26.	248.
22.	26. & 27.	478.	11.	19.	305.	12.	13.	323.
27.	10.	278.	14.	6.	325.	13.	5.	22.
28.	8.	441.	15.	3.6.	561.	14.	ult.	18.
31.	4.	11.	16.	23.	31.	15.	4.	75.
Lib. Cantic.			17.	17.	46.	Pr. Epist. ad Corinth.		
3.	11.	340.	23.	20.	120.	2.	6. & seqq.	79.
Jes.			24.			5.	9.	82.
7.	14.	117. 118.	Euang. Marc.			7.	24.	496.
40.	1.	74.	14.	38.	103.	8.	12. & 13.	292.
58.	13.	111.	Euang. Luc.			9.	13.	583.
Jerm.			1.	54.	248.	9.	14.	43.
9.	26.	338.	2.	37.	116.	10.	22.	55.
25.	23.	338.	6.	35.	441. & seqq.	10.	21.	252.
38.	0.	233.	7.	5.	226.	11.	4. & 22.	306.
49.	32.	338.	10.	34.	127.	11.	10.	398.
Ezech.			14.	1.	118.	13.	13.	395.
3.	11.	77.	16.	23.	122.	14.	14.	344. 394.
18.	17.	441.	18.	8.	83.	11.	15.	345.
23.	13. & 14.	373.	19.	19.	374.	16.	16.	397.
Hof.			22.	35.	90.	23.	23.	251.
2.	2.	399. & 400.	Act.			25.	25.	163.
17.	17.	200. & 201.	3.	6.	42.	28.	28.	247.
Amos.			14.	23.	246.	13.	9.	550.
6.	7.	59.	18.	3.	83.	14.	15.	520. 521.
Micha.			19.	31.	184.	14.	21.	19.
4.	6.7.	563.	20.	7.	103.	Post. Epist. ad Corinth.		
				35.	248.	3.	16.	70.
							6, 14.	



I N D E X					
Cap.	vers.	pag.	Cap.	vers.	pag.
6.	14.	80.	Pr. Ep. ad Timoth.	5.	13.
13.	10.	27.	2.	8.	167.
Ep. ad Gal.			3.	2.	222.
4.	10. & 11.	145.	16.	55.	
5.	21.	323.	4.	4.	587.
6.	10.	89.	5.	8.	95.
Ep. ad Eph.			17.	246.	
3.	19.	518. 523.	Ep. ad Hebr.		
Ep. ad Philip.			3.	58.	
2.	1.	253.	5.	4.	222.
Ep. ad Colof.			6.	4.	73.
2.	16. 17.	378.	11.	1. 6.	561.
	22. 23.	561.	13.	37.	588.
3.	16.	521. 523. 527.	13.	7.	550.
Pr. Ep. ad Theff.			13.	17.	23.
3.	14.	248.	Epist. Jacob.		
			1.	27.	259.
			3.	7.	350.
			15.	37.	133.
			Post. Ep. Pet.		
			2.	13.	251.
			Apocalyp.		
			17.	3. & segg.	373.
			Ex libris Apocryphis.		
			I. Machab.		
			4.	59.	133.
			II. Machab.		
			15.	37.	133.

## I N D E X

Auctorum, qui in his Exercitationibus citantur.

A.		
A	Bbotus.	177.
	Aben Ezra.	597.
	Accursius.	328.
	Egidius.	9.
	Alianus.	267. 309.
	Alstedius.	390. 398.
	Henr. Alting.	158. 170. 288. 518.
	Amama.	439. 598.
	Ambrosius.	46. 49. 95. 96. 113. 222. 226.
	Amesius.	10. 102. 103. 104. 106.
		107. 113. 296. 298. 403. 408.
		409. 423. 431. 434. 506.
	Ammianus Marcellinus.	100. 197.
		335. 360. 362.
	Antonius Augustinus.	448.
	Apulejus.	343. 346. 366. 596.
	G B B B 3	
	Aristo-	



# I N D E X.

*Aristoteles.* 11. 279. 334. 413. 414.  
 415. 418. 423. 432. 454. 487.  
 495. 504. 566.  
*Averius.* 330. 433.  
*Arnobius.* 325. 562.  
*Aristophanes.* 346.  
*Asconius Pedianus.* 286.  
*Athanaus.* 59. 285. 309. 324.  
*Arhanasius.* 122.  
*Aurelius Victor.* 360.  
*Aufonius.* 142.  
*Author Altaris Damasceni.* 10. 14.  
 134. 139. 238. 518. 530.  
*Augustinus.* 17. 25. 45. 78. 50. 55.  
 61. 94. 105. 126. 136. 139.  
 142. 143. 148. 161. 162. 166.  
 179. 221. 269. 291. 298. 308.  
 325. 328. 392. 393. 406. 410.  
 413. 415. 418. 429. 432. 439.  
 502. 504. 510. 521. 522. 526.  
 527. 534. 536. 541. 545. 574.  
*Author questionum vulgo Iustino Mar-*  
*tyri attributarum.* 166.  
*Azorius.* 473.

## B.

*Bachovius.* 403.  
*Balduinus.* 259. 435.  
*Balmfordus.* 295.  
*Baronius.* 141. 523. 528.  
*Barthius.* 324. 365.  
*Basilius Magnus.* 3. 30. 324. 351. 432.  
 568. 579.  
*Beka.* 204.  
*Bellarminus.* 10. 44. 456. 523. 524.  
 560.  
*Bernhardus.* 35. 86. 258. 271. 308.

314. 315. 432. 526. 531.  
*Bez.* 12. 46. 95. 153. 161. 170.  
 176. 181. 184. 185. 201. 247. 249.  
 252. 344. 517. 521. 523.  
*Bisterveldius.* 74.  
*Bochellus.* 524.  
*Blondellus.* 62. 245.  
*Bodinus.* 279. 414. 456.  
*Iohannes Bollius.* 257.  
*Boltonus.* 299. 433.  
*Boquinus.* 170.  
*Borrhaus.* 433. 438.  
*Bossus.* 328.  
*Briffonius.* 166.  
*Brochmannus.* 152. 180. 403. 435.  
*Martinus Bucerus.* 256. 434. 529.  
*Buchananus.* 509.  
*Budeus.* 448.  
*Bullingerus.* 434.  
*Burnathus.* 10.  
*Buxtorfius.* 134. 357. 480. 584.

## C.

*Julius Caesar.* 335. 565.  
*Cajetanus.* 9. 471. 473. 474. 524.  
 532.  
*Calvinus.* 20. 25. 26. 48. 73. 74.  
 51. 90. 95. 103. 112. 118. 119. 135.  
 136. 138. 146. 149. 170. 176. 178.  
 207. 214. 223. 228. 292. 296.  
 305. 316. 381. 398. 423. 434. 435.  
 444. 445. 446. 496. 516. 596.  
*Camerarius.* 378.  
*Camero.* 37.  
*Canonerius.* 301.  
*Capellus.* 120. 165. 170. 341.  
 394.

*Casau-*



# I N D E X.

*Casaubonus.* 56. 57. 61. 125. 185.  
 250. 324.  
*Carvrichtus.* 71. 118. 278. 280.  
 304. 329. 477. 478.  
*Cassiodorus.* 86. 123.  
*Cato.* 455.  
*Catullus.* 418.  
*Cebes.* 4.  
*Cedrenus.* 565.  
*Chamierus.* 27.  
*Chassanans.* 187.  
*Chemnitius.* 201. 438. 597.  
*Chrysostomus.* 20. 25. 26. 48. 73. 74.  
 51. 90. 95. 103. 112. 118. 119.  
 135. 136. 138. 146. 149. 170. 176.  
 178. 207. 214. 223. 228. 292.  
 296. 305. 316. 381. 398. 423. 434.  
 435. 444. 445. 464. 496. 523.  
 527. 575. 590.  
*Cicero.* 2. 3. 5. 101. 128. 283. 329.  
 337. 346. 352. 392. 405. 418.  
 420. 500. 502. 506.  
*Claudianus.* 333. 336. 576.  
*Clemens Alexandrinus.* 3. 126. 143.  
 309. 325. 328. 346. 347. 354.  
 355. 360. 362. 365. 367. 372.  
 376. 501. 564.  
*Cloppenburgius.* 560. 561.  
*Cocceius.* 406.  
*Columella.* 206. 455. 476.  
*Codex Iustinianus.* 84. 110. 131.  
 186. 204. 260. 266. 421. 426.  
 429. 456. 460. 462. 466. 495.  
*Codex Theodosianus.* 49. 60. 84. 109.  
 187. 429.  
*Commenus.* 143.  
*Constantinus Porphyrogeneta.* 185.

*Coppenius.* 170. 304. 323. 518.  
*Cornelius Nepos.* 326. 502.  
*Cornelius à Lapide.* 190. 192.  
*Sebastianus Corradus.* 395.  
*Andreas Cranius.* 46.  
*Iohannes Crocius.* 285. 288.  
*Cujacius.* 185. 361. 428.  
*Curtius.* 335. 564.  
*Cyprianus.* 97. 212. 214. 215. 347.  
 364. 367. 384. 388. 457. 499. 503.  
 522. 561.

## D.

*Dalleus.* 361.  
*Damasceus.* 422.  
*Dambouderus.* 427.  
*Daneus.* 48. 114. 170. 242. 244.  
 257. 272. 327. 423. 434. 487. 517.  
*Davenantius.* 177.  
*Demosthenes.* 248. 417.  
*Demarius.* 147.  
*Deodatus.* 170. 397.  
*Ludovicus de Dieu.* 442. 516.  
*Digeila.* 185. 186. 187. 389. 405.  
 415. 418. 419. 420. 421. 425. 426.  
 427. 451. 460. 476. 502.  
*Diodorus Siculus.* 206. 335.  
*Dion Cassius.* 502.  
*Donatus.* 124.  
*Dresserus.* 203.  
*Druftus.* 95. 135. 194. 341.  
*Duarenus.* 236.  
*Durandus.* 9.

## E.

*Epiphanius.* 16. 113. 141. 252. 268.  
 269. 392.

*Erasmus*



F N D E X.

Erasmus. 95. 251. 518. 535.  
Eugraphius. 124.  
Eusebius. 105. 141. 166. 185. 188.  
210. 271. 325. 419. 562.  
Huslachi. 10. 324. 325. 334.

F.

**F** Faber. 377.  
Fagius. 375. 479.  
Fayus. 167. 170. 246.  
Figureus. 170.  
Filescus. 209.  
Flaman. 54.  
Florus. 448.  
Forbesius. 246.  
Foxus. 507.  
Frantzius. 403. 406. 409. 412. 479.  
Freberus. 330.  
Frischlinus. 509.  
Fulgentius. 57.  
Fullenius. 519.

G.

**G** Alenus. 206. 590.  
Gatakerus. 295. 297. 298. 314.  
Gersomus Bucerus. 246.  
Gerson. 24. 25. 26. 236.  
A. Gellius. 2. 124. 337. 360. 416.  
421. 500.  
Gesnerus. 434.  
Gnapheus. 567.  
Goldastus. 175. 204.  
Golius. 516.  
Gomarus. 29. 30. 73. 104. 135. 145.  
170.  
Dionysius Gothofredus. 467.  
Iacobus Gothofredus. 55. 57. 84. 184.

185. 186. 188. 448.  
Gregorius de Valentia. 432. 438. 473.  
560.  
Gregorius Magnus. 35. 55.  
Gregorius Turonensis. 104.  
Gronovius. 448. 450. 451. 453.  
Grotius. 251. 324. 424. 445. 446.  
457. 509. 559. 560.  
Gruterus. 124.  
Gualterus. 397.  
Guido Papa. 455.  
Guntherus. 423.

H.

**H** Allus. 177.  
Hammondus. 252.  
Constantinus Harmenopolus. 420.  
Dionys. Halicarnassensis. 267. 506. 511.  
Heda. 206.  
Heerbrandus. 434.  
Heidanus. 516.  
Heinsius. 248. 397. 509. 516.  
Heymenborgh. 54. 516.  
Heliodorus. 333.  
Helmichius. 257.  
Hemmingius. 158. 179. 276. 288.  
Daniel van Hengel. 54.  
Herodianus. 248.  
Herodotus. 192. 311. 334. 335. 342.  
350. 353. 595.  
Hesychius. 3. 124. 248. 324. 347. 367.  
Heurnius. 91.  
Hieronymus. 8. 10. 30. 47. 55. 72.  
76. 100. 112. 141. 146. 191. 247.  
259. 268. 300. 308. 313. 343. 345.  
347. 349. 362. 365. 366. 367. 368.  
371. 372. 377. 380. 384. 397. 399.  
432.



# I N D E X.

423. 437. 521. 525. 528. 546. 568.  
*Hilarius.* 101.  
*Hippocrates.* 577. 590.  
*Honardus.* 509.  
*Horatius.* 337. 339. 363. 420. 427.  
 431. 512. 576.  
*Hootnbeeck.* 476. 557.  
*Hortensius Landus.* 358.  
*Hottomannus.* 336. 439. 448.  
*Constantinus Hugens.* 515. 529. 530.  
 535.  
*Hugo Cardinalis.* 378.  
*Huttonus.* 434.  
*Hyperius.* 95. 205. 256. 263. 433.  
 488. 490. 491.

## I.

**I**gnatius. 104. 247.  
*Iosephus.* 135. 356. 375. 404. 478.  
 581.  
*Isidorus Pelusiota.* 104. 142. 261.  
 269. 276. 325. 351. 352. 395.  
 418. 503. 522. 529. 541.  
*Ionstonus.* 503.  
*Irenaeus.* 555.  
*Iuclius.* 433.  
*Iulius Firmicus.* 346. 362. 366.  
 465.  
*Adrianus Iunius.* 352. 358. 370.  
 448. 450.  
*Franciscus Iunius.* 43. 44. 77. 170.  
 199. 359. 380. 400. 423. 435.  
 438. 441. 568. 584. 586. 595.  
*Ius Canonicum.* sapissime.  
*Iustellus.* 250.  
*Iustinus.* 323. 360. 422.  
*Iustinus Martyr.* 522. 573.

*Iuuenalis.* 68. 268. 336. 348. 351.  
 352. 359. 364. 366. 397. 469.  
 528.

## K.

**K**eckermannus. 434.  
*Kilianus.* 202.  
*Kimchius.* 343. 440. 441.  
*Kimedorcius.* 170.  
*Kuchlinus.* 170.

## L.

**L**actantius. 100. 142. 432. 518.  
*Laërtius.* 2. 5. 41. 377. 455.  
*Lampridius.* 129. 212. 596.  
*Lancelottus.* 232.  
*Laurentius.* 397. 554.  
*L'Empereur.* 437.  
*Lerius.* 398.  
*Leodius.* 507.  
*Leo Episcopus.* 541.  
*Lesius.* 473.  
*Libanius.* 45. 46. 67.  
*Lindanus.* 524.  
*Lindenbrogius.* 202.  
*Lipsius.* 5. 453.  
*Livius.* 449.  
*Lucanus.* 333. 337.  
*Lucianus.* 337.  
*Lutherus.* 258. 400. 432.  
*Lydius.* 537.  
*Lyranus.* 43. 248.

## M.

**M**acarius. 34.  
*Maccovius.* 470. 475.  
*Macrobius.* 329. 341.  
*Macropedius.* 509.

Hhhh

Manaf-



# I N D E X.

*Manasses Ben Israël.* 569.  
*Manutius.* 448. 452.  
*Mayanta.* 426.  
*Maresius.* 71. 173. 190. 288. 289.  
 302.  
*Marnixius.* 317.  
*Marsilius Patavinus.* 212.  
*Matth. à Michovv.* 422.  
*Ant. Matthæus senior.* 241. 403. 431.  
*Ant. Matthæus junior.* 409. 410. 412.  
 423. 424. 425. 426. 428. 429.  
*Martialis.* 68. 165. 336. 365. 366. 576.  
*Martyr.* 113. 193. 194. 365. 397. 410.  
 521. 525.  
*Maximus Tyrius.* 192. 512.  
*Medina.* 473.  
*R. Mejer.* 404.  
*Meyfnerus.* 403. 434. 436. 438. 473.  
*Mela.* 565.  
*Melanthon.* 257. 423. 432. 564.  
*Mercerus.* 96. 478.  
*Meursius.* 397.  
*Molanus.* 258.  
*Molineus.* 172. 432. 455. 485.  
*Mortonus.* 177.  
*Morus.* 347.  
*Muis.* 359. 440.  
*Munsterus à Vorlage.* 330. 377. 380.  
 439. 479.  
*WVolfgangus Musculus.* 79. 122. 248.  
 270. 423. 433. 444. 516.  
*Abrahamus Musculus.* 270. 301.

## N.

*Navarus.* 473.  
*Nazianzenus.* 4. 38. 41. 142.  
 205. 309. 326. 330.

*Nicephorus.* 362.  
*Nicolaus Le Maître.* 225.  
*Novella Iustiniani.* 210. 212. 214.  
 420. 456. 460. 469. 495. 500.  
 503. 522.  
*Theodericus à Nyem.* 541. 542.  
*Nyssenius.* 355. 432. 568. 574.

## O.

*Oecolampadius.* 198.  
*Olevianus.* 170. 270.  
*Oppius.* 8.  
*Origenes.* 268.  
*Orosius.* 424.  
*Oviedo.* 422.  
*Ovidius.* 192. 203. 328. 335. 337. 351.  
 365. 366.

## P.

*Pacatus Drepanicus.* 562.  
*Panormitanus.* 232.  
*Pareus.* 49. 73. 140. 148. 170. 182.  
 251. 518.  
*Parkerus.* 178. 179.  
*Matt. Pastor.* 288.  
*Paterculus.* 311. 490.  
*Paulinus.* 142. 145.  
*Paulus de Citadinis.* 266.  
*Pausanias.* 564.  
*Parkinsius.* 103. 517.  
*Petronius.* 346. 456.  
*Philostratus.* 335. 337. 507.  
*Philo-judaus.* 388.  
*Piccolomineus.* 6. 7.  
*Pindarus.* 166.  
*Piscator.* 25. 95. 152. 185. 356. 403. 406.  
 408. 409. 423. 517. 584. 585. 594.  
 Plato.



# I N D E X.

Plato. 183. 267. 286. 309. 565.

Plautus. 124. 125. 274. 286. 414.

418. 504.

Plinius. 337. 344. 363. 395. 565.

Plinius Iunior. 100. 210. 303. 521.

Plutarchus. 41. 259. 267. 310. 334.

343. 345. 368. 390. 395. 396.

450. 455. 501. 511.

Polanus. 71. 434.

Polyander. 170. 516.

Polybius. 419.

Pollux. 324. 349. 367. 377. 389. 390.

Pontanus. 422.

Posidius. 53.

Prideauxius. 104. 177.

Procopius. 565.

Procopius Caesariensis. 595.

Professores Leydens. 116. 136. 234. 434.

Preperius. 129. 372. 454.

Prudentius. 84. 101. 349. 522.

Prynnius. 302.

## Q.

Quintilius. 271.

Quintilianus. 41.

## R.

Rainoldus. 520.

Ravanellus. 190.

Revis. 332. 397.

Reuterus. 170.

Richardus Vincentius. 9. 345.

Rittershusius. 214.

Rivetius. 42. 48. 104. 163. 157. 170.

190. 195. 198. 252. 306. 321.

327. 409. 423. 431. 434. 473.

475. 485. 505. 506. 508. 518.

524. 561. 599.

## S.

Sadeel. 151. 257.

Sallustius. 257. 329.

Salmasius. 173. 185. 188. 250. 332.

340. 341. 345. 348. 349. 351.

355. 359. 361. 362. 363. 367.

374. 377. 382. 396. 430. 431.

442. 446. 448. 450. 451. 453.

454. 455. 456. 457. 459. 461.

466. 467. 478. 479. 482. 483.

484. 493. 497.

Salvianus. 312. 313. 351. 352. 466.

475. 499.

Ioan. a Sande. 427.

Adr. Savaria. 545.

Satyrus. 513.

Sartorius. 332.

Savaro. 362.

Scaliger. 124. 448. 501.

Scharpius. 434.

Schindlerus. 480.

Scholiafles. 346. 395.

Schonæus. 509.

Schoranus. 170.

Scorus. 507.

Scorus. 6. 7.

Screvelius. 255.

Sculdetus. 74. 170. 176.

Seldenus. 64. 119. 375. 378. 436.

437. 581. 594.

Seneca. 6. 127. 313. 328. 352. 358.

353. 372. 413. 418. 453. 500.

511. 566.

Senguerdus. 289.

Septuaginta Interpretes. 125. 359.

439. 527.

## H 2

Servinus.



# I N D E X.

*Servinus.* 44.  
*Servita.* 542.  
*Servius.* 124. 325. 341. 366. 396. 418. 421.  
*Sextus Empiricus.* 3. 4. 5.  
*Sidonius Apollinaris.* 336. 360. 495.  
*Smidelinus.* 435.  
*Sochnius.* 170.  
*Socrates.* 45. 136. 171. 244. 545.  
*Solinus.* 193. 335.  
*Sotus.* 472. 473.  
*Sozomenus.* 45. 510.  
*Spanhemius.* 144. 161. 176. 177.  
 431. 437. 442. 443. 475.  
*Statius.* 333. 348. 566.  
*S. Stephani.* 422.  
*Stobaeus.* 419.  
*Strabo.* 40. 192. 324. 335. 344. 564.  
*Strigelius.* 248. 442.  
*Stuckius.* 300.  
*Sturmius.* 170.  
*Suarez.* 563.  
*Suetonius.* 127. 327. 335. 366. 470.  
*Suidas.* 4. 329. 346. 389.  
*Sulpitius Severus.* 94. 262.  
*Sylvestre.* 473.  
*Symmachus.* 123. 415.  
*Synesius.* 334. 369.  
*Synodus Doradracena.* sapissimè.

## T.

**T***Acitus.* 164. 335. 377. 390.  
 421. 422. 447. 454. 502.  
 514. 590.  
*Tassinus.* 298.  
*Tarnovius.* 435.  
*Teckmannus.* 54.  
*Teelingius.* 118. 119. 262. 265. 280.

286. 298. 371. 382. 383.  
*Tertullianus.* 35. 55. 59. 100. 112.  
 113. 119. 141. 142. 166. 168.  
 174. 179. 186. 210. 325. 342. 348.  
 349. 360. 361. 362. 364. 365.  
 366. 367. 368. 373. 393. 395.  
 396. 398. 499. 500. 502. 503.  
 504. 505. 507. 521. 558. 568.  
*Theodoretus.* 31. 356. 360. 404. 429.  
*Theodorus Mopsvestenus.* 595.  
*Theophylactus.* 14. 42. 96. 355. 527.  
*Tholozanus.* 114.  
*Thomas Aquinas.* 6. 7. 8. 9. 24. 131. 432.  
*Thomasius.* 448.  
*Thomas à Kempis.* 526.  
*Thucydides.* 428.  
*Thysius.* 170.  
*Tibullus.* 395.  
*Tilenus.* 162. 434. 518.  
*Tiraquellus.* 565.  
*Toletus.* 473.  
*Tossanus.* 95. 158. 214. 215. 397. 434.  
*Tostatus Abulensis.* 579.  
*Trelcatius.* 170.  
*Tremellius.* 359. 380. 441.  
*Triglandius.* 48. 170.  
*Turnebus.* 124.  
*Turretinus.* 170.

## V.

**V***alerius Maximus.* 123. 310. 395.  
 501. 562.  
*Varro.* 206. 337. 348. 352. 353. 395.  
*Udemannus.* 125. 332.  
*Viretus.* 434.  
*Virgilius.* 193. 363. 366. 395.  
*Vitruvius.* 193.



# INDEX

Vives. 565.  
Voetius. sæpissimè.  
Vorsius. 516.  
Vossius. 203.  
Ursinus. 170.  
Usserius. 104. 177. 433. 520.

W.

Walaus. 71. 104. 107. 110.  
112. 115. 170.  
Vvellerus. 433.  
Vvesembecius. 427.  
Vvilsonus. 433.  
Vvisfenbach. 190.

Vvollebius.

X.

Xenophon. 192. 248. 286. 335.

Z.

Zabarella. 541.

Zanchius. 149. 152. 157. 170.

177. 253. 434.

Zepperus. 160. 178. 226. 403. 434.

437. 518. 530.

Zonaras. 210.

Zosimus. 62. 101.

Zypæus. 459. 460. 461. 462. 474.

# INDEX

Verborum, & rerum præcipuarum.

A.

**A**bel à quo didicerit Deum sacrificiis honorare, 561. illius sacrificium  
cur Deo placuerit præ sacrificio Caini ibi & 586. An comederit  
ex suis victimis quasdam partes, 584. Abelis sacrificium igni,  
cælitus delapso, absumtum fuisse videtur, 586.  
Abigeatus poena an sit capitalis de Jure Civili Romano, 428.  
Abominationi Jehovæ quoque est, qui impingit in legem Cæremonia-  
lem, 378.  
Absalon à Joabo interfectus, capillis non fuit implicatus arbori, sed capite  
tenus, 356.  
Joh. Acronius qualis fuerit, 255. ejusdem Acronii libellus de jure Patrona-  
tus qualis sit. *ibid.*  
Actio humana quotupliciter possit considerari, 7. nulla humana penitus  
mala est, *ibid.* humana quatenus bona sit. *ibid.* humana bona considera-  
ri potest vel in actu signato vel exercito, 8. humana quomodo sit me-  
dia, 9. humana omnis in actu exercito vel bona vel mala est. *ibid.* habita  
ratione finis, etiam si sit indifferens, individualiter tamen bona vel ma-  
la evadit, 10. indifferens quando bona vel mala evadit ratione finis, con-  
siderari debet finis externus, 11.

Hhhh 3

Actionis



# INDEX VERBORUM ET

- Actionis indifferentis nulla circumstantia potest esse indifferens, ad hoc  
 ut ipsa bona reddatur, 12.  
 Actiones Adiaphoræ omnes per circumstantias bonæ vel malæ evadunt, 14.  
 impiorum omnes Deo displicent, *ibid.* Adiaphoræ tres gradus habent, 16.  
 licitæ, ut fiant illicitæ, 312.  
 Actiones quasdam humanas esse Adiaphoras probatur, 6.  
 Adeptus notat Hebræis quiddam in re aliqua est præstantissimum, 585.  
*Adiaphora* idem quod adiaphorum, 3.  
 Adiaphoria naturalis quæ 570. ut differat à morali, 16.  
 Adiaphorum vox in Scriptura non occurrit, 2. à Stoicis frequentatum, *ibid.*  
 refertur vel ad iudicium, vel ad illa circa quæ iudicium occupatur, 3. ju-  
 dicium practicum suspendit, *ibid.* objectivè consideratum, 4. objectivè  
 consideratum, vel se habet juxta Theoriam, vel praxin, *ibid.*  
 Adiaphora considerata juxta intellectum Theoreticum, 3. objectivè pra-  
 ctica dicta sunt, 4. à Stoicis morosè nimis distincta, 5. quædam sunt  
*πρὸς τὴν θεωρίαν*, quædam *πρὸς τὴν πράξιν*. Hæc iterum sunt in triplici differentia,  
*ibid.* redduntur bona, vel mala per legem Dei positivam, 12. vel certo so-  
 lum tempore sunt libera, vel semper, 17. vel considerantur absolute, vel  
 ratione personarum, *ibid.* aliter consideranda secundum regenitos, aliter  
 consideranda secundum irrogenitos, 18.  
 in Scriptura habent fundamentum generale, *ib.* per accidens fiunt necessa-  
 ria, 27. seu à Senatu Ecclesiastico, seu Politico ordinata, tempore neces-  
 sitatis intermittere possunt, *ibid.* propter abusum non sunt penitus abrogan-  
 da, 149.  
 Adiaphora nec appetimus, nec averfamur, 6. an circa ea, ne scandalum de-  
 tur validorum potius, quam invalidorum habenda ratio sit, 37.  
 Adiaphorum genus vel à Deo præceptum, vel prohibitum est, 17. ratio-  
 ne, scire debemus, quid à Deo sit præceptum, vel vetitum, 18. ratione, si-  
 des præferri debet charitati, 27. ratione, necessaria præferenda minus ne-  
 cessariis, 27. ratione, infirmi de illorum usu sunt erudiendi, 28.  
 Adiaphoris quomodo quilibet uti debeat, 26.  
 Adiaphoristæ Hæretici iidem, qui Antinomi, 3.  
 Administratio Civilis & Ecclesiastica differunt, 20.  
 Adversariis est contradicendum, si nimis præfractè leges de Adiaphoris ur-  
 geant, 27.  
 Ætatis minorennis quomodo iudex respectum habere debeat, 426.  
 Agapæ fuerunt privatæ institutionis, 251.  
 Agnocyta Hæretici, 165.  
 Amelius refutatur, 12. 13. permittit, ut die Dominico ad tempus modicum  
 circa temporalia occupemur, 107. die Dominico permittit exercitium  
 jaculatorium, 113. à Voetio incommode adducitur, 298.  
 Ambrosius quid senserit de poculis votivis, 299.  
 Ambulatio quædam licita die Dominico, 118. cum alterius uxore æque scan-  
 dalosa ac saltatio, 319.  
 Ana-



# RERUM PRÆCIPUARUM.

Anabaptistæ & Sociniani in reformando nimis multa refecuerunt,	544.
Angeli à Gentilibus vocabantur proprie, qui renunciabant sibi Deos vivos,	58.
boni, Dei ministri sunt. 398. in Theatro convenienter non exhiben-	tur,
Anglicanæ Ecclesiæ non sunt idololatricæ, quod plures dies Festos obser-	vent,
Animalium amplius quam unum par Deus creavit,	137.
Animalium distinctio in munda & immunda qualiter ante Diluvium obtri-	573.
nuerit, 589. Quotupliciter hæc distinctio observanda sit, 591. Animalia	fera, & homini noxia, quomodo contigerit nimium non multiplicari; si
statuatur, homini ante Diluvium non fuisse licitum illorum carnibus	vesci,
Anser delicatus est cibus,	594.
Anseres Martinialibus apud Germanos & Gallos jam olim solent comedi	206.
ob causam magis politicam, quam ex superstitione,	206.
Aristoteles quid sint apud Paulum,	249.
Antinomis Author non faver,	70.
Aristoteles quid sit,	442.
Aræ in montibus per gentiles collocari solent, 193. quod imitati Israëlitar,	ibid.
Argumentum multorum ab Excelsis ad illa, quæ putant esse idololatriæ in-	strumenta, non procedit,
Argumento Rhetorico nullum pondus inest,	200.
Argumentorum numerus in causa nimis liquida non debet aliquem terre-	239.
re,	221.
Aristoteles furti poenam mortem statuit,	413.
Aristoteles quid fuerint,	252.
Aristoteles quid sit,	324.
Arsarchæ qui sint juxta Beza & Interpretes Belgicos, 184. fuerunt Sacer-	188.
dotes provinciales, 186. propria insignia habebant, ibid. post Constanti-	187.
nium M. occupabantur in spectaculis edendis, 187. quidam Christiani &	314.
Pauli Apostoli amici fuerunt,	249.
Arsarcharum munus hæreditarium fuit,	350.
Assueri convivalis lex qualis fuerit, & quid de ea sit existimandum,	47.
Assueri quid sit,	43.
Astoria quid sit,	499.
Avaritia personarum Ecclesiasticarum in augendo ecclesiæ thesauro, præ-	75.
cipue Monachorum, ibid. quod jam olim deplorarunt ipsi Clerici, quæ	499.
tamen avaritia incrementum sumpsit, cum invaluisse opinio de merito,	B. Ba-
ibid.	
Auditorum fidelium, quam infidelium curam diligentior V. D. Minister	
gerere debet,	
Authoris vivendi institutum,	



# INDEX VERBORUM ET

## B.

- Bachanalia qualia sint habenda, 205.  
*Βαχλίζειν* quid sit, 324.  
 Baptismus proprie est immersio, 59.  
 Barba quomodo sit alenda, 345. Aaronis qualis fuerit, 339. à Christianis ut  
 ali consueverit, 360.  
 Barbam totam an viri possint abradere, 357. detondebant Israëlitarum nisi tem-  
 pus luctus occurreret, 338. quomodo hoc debeat intelligi, *ibid.* 596. ut a-  
 luerint Impi. Romani, 360. ut aluerint viri in Imperio Romano, 361.  
 quomodo aluerint primævi Christiani, *ibid.* in luctu solent submittere  
 Gentiles, *ibid.*  
 Beza, Genevensis licet Theologus, probat festa N. T. 153. nimis vehemens  
 fuit in exagitanda Papanorum superstitione, 201.  
 Bibere in salutem alicujus ad ebrietatem execrandum est, 286. licet cum vo-  
 to, 304. vinum bibere quid significet juxta Scripturam, 505.  
 Bibendo quot modis peccari possit, 11.  
 Bodemeria, 466.  
 Boltonus non arguit simpliciter formulam, qua bibitur in alicujus salutem,  
 299. ejusdem liber Ultrajecti excusus, 299.  
 Bona hujus seculi non debentur absolute Ecclesiæ, 42. Ecclesiæ non simpli-  
 pliciter debentur, sed tantum ex æquitate. 43. carnalia Ecclesiæ non pos-  
 sunt censerì patrimonium Christi, quod tum agnoscunt saniores Pontifi-  
 cii, tum etiam è Scriptura patet, 46. carnalia Ecclesiæ non sunt sacra, quod  
 sacris usibus destinantur, *ibid.* Ecclesiæ non sunt, quod de illis votum fo-  
 ret, 47. Ecclesiæ legari non debent, nisi Magistratu probante, 49.  
 Bonorum Pseudo-sacrorum superfluum, an impendi debeat conversioni  
 Gentilium, 90.

## C.

- Cæremoniæ sunt Adiaphora Ecclesiastica, 15. non debent confundi cum  
 ipso Dei cultu, *ibid.* Ecclesiastica quid sint, *ibid.* in Ecclesia quare ob-  
 servantur, 16. V. T. quando post Christum debuerint aboleri, 17. inuti-  
 les rejiciendæ sunt, nec habendæ Adiaphora, 20. non debent cumulari, 26.  
 eadem, in omnibus Ecclesiis Reformatis non sunt sperandæ, nedum, ur-  
 gendæ, 17. vel sunt universales, vel particulares, 545.  
 Cæremonias, si Deus in verbo suo nihil præceperit, Ecclesia ordinare po-  
 test, 15.  
 Cæremoniarum qualis debeat esse modus secundum Calvinum, 26.  
 Cæsaries quid sit, 367.  
 Calendrum quid sit, 366.  
 Caliptra quid sit, 396.  
 Calvinus quid senserit de diebus Festis, 138. quomodo usuras admittat, 434.  
 Calvitium non est adeo turpe, cum ejus patronus Deus sit, 369.  
 Calviniani iniquè arguuntur, ac si in fures forent benigniores, 403.  
 Candi-



# RERUM PRÆCIPUARUM.

Candidati Ministerii an præmio invitandi ut obeant legationem Euange-  
 licam apud Indos, 92.  
 Canitiei decus, 368. ea non dissimulanda, *ibid.*  
 Canon significat pensionem annuam, 60.  
 Canonicus à Canone dictus, 60.  
 Canonici Ultrajectini à furto remotissimi, 50. Ultrajectini hoc nomen fe-  
 runt, non cum respectu ad functionem Ecclesiasticam, sed canonem, seu  
 pensionem annuam, *ibid.*  
 Cantus in N. T. præcipitur tantum pro usu privato, 520. in Ecclesia dun-  
 taxat invaluit ex consuetudine, 521. antiquorum Christianorum qualis  
 fuerit, 522. Organicus publicè primis seculis non fuit receptus in Eccle-  
 siis Christianis, 523. Ecclesiasticus qualis esse debeat, 525. Ecclesiasticus  
 qualis maxime probandus sit, 527.  
 Capilli promissi qualiter hic sint considerandi, 332. sparsi qui sint, *ibid.*  
 sparsi triplices erant, 333. laxi & sparsi, compitque muliebriter, indi-  
 gni viro sunt, 346. in frontem dimissi censuram merentur, 347. Absalo-  
 nis quales, 355. inaurati, 365. alieni qui sint, & quæ nomina ferant, 366.  
 Capillos promittere gentile fuit multis populis, 332. alienos capiti suo apta-  
 re inconueniens & indecorum, 347. colorare non licet, *ibid.* tinctos &  
 apppositos Patres acriter insectantur, 367.  
 Joh. Capito pastor Bremensis, quondam Brugenfis, 538.  
 Capitula Canonicorum Ultrajectinorum immunia sunt ab omni Papano fer-  
 mento, 62.  
 Carnibus animalium an licuerit vesci in statu innocentie, 567. concluditur  
 affirmative, 568. quæ & communis sententia, 568. probatur ex Mose *ib.*  
 & seqq. iis an ultro, cum vesci potuissent, Protoplasti abstinerint, 572.  
 Carnium esus multos morbos progignit, 577.  
 Carnibus non licuit quoque vesci à lapsu usque ad Diluvium, 580. Deus spe-  
 ciali lege hoc permisit *ib.* licet impii quidam ante Diluvium carnibus vesci  
 instituerint, *ibid.*  
 Carnium esum liberum cur post Diluvium Deus homini indulerit, 594.  
 Casus conscientie respicientes avaritiam Ministrorum Ecclesie, 263.  
 Catechesis Palatina Festos dies approbat, 139. Belgica an aduersetur Festis,  
 ab Ecclesiis Reformatis observari solitis, 159.  
 Catechizationes Ultrajectinae quales, 555.  
 Caro scenus nauticum exercebat, 455.  
 Caupona unde dicta, & quid significet, 123. definito tempore aperiendæ  
 & claudendæ essent, 129. definito loco constituendæ forent, 129. die Do-  
 minico ut ubique possint claudi optandum, 130. sub quibus conditioni-  
 bus die Dominico patere queant, 131.  
 Cauponarum numerus definiendus esset, 129. honestarum exercitores reci-  
 pi possunt inter Ecclesie membra, 130.  
 Chori quid sint, 325. canentium quando in Ecclesia fuerint constituti, 327.  
 Chorum in Dei populo qualis usus fuerit, 326.

liii

Christus



# INDEX VERBORUM ET

Christus quo anni die natus sit, incertum, 143. videtur promissam comam aluisse,	339.
Christi nativitate annua festivitate celebrari æquū est, 144. coma qualis, 354.	308.
Christianus non potest mundo exire,	308.
Christiani vita periculis plurimis exposita,	308.
Christiani primitivi Judæorum & Gentilium consuetudines secuti fuerunt, 251. olim inde agnoscebantur, quod spectaculis non interessent,	505.
Cibi imbecilliores vitam abbreviant,	577.
Cibo cur votum non addatur,	287.
Cimbri severissimi furti vindices,	422.
Circumstantia quælibet actionem humanam malam reddere potest,	11.
Circumstantiæ actionum humanarum quæ sint, 11. actiones humanas variant, <i>ibid.</i>	
Circumtonsi qui,	353.
Civilitas morum æstimanda juxta consuetudinem gentis,	293.
Clemens Alexandrinus annexus fuit Christianos in Cynicos & Stoicos transformare,	360.
Clericis quando capillis & barba interdictum sit, 362. quare non licuerit scenerari,	457.
Cloppenburgii <i>απολλογισία</i> in causa Trapezitica,	470.
Cloppenburgio circa rem Trapeziticam, & Trapezitas non constat per omnia ratio,	459.
Coactio quædam est exemplaris,	122.
Cœna Dominica recte Festis anniversariis celebratur,	161.
Cogere quid significet, <i>Luc. XIV. vers. XXIII.</i>	122.
Cognitionis Theologicæ augmentum, quod necessarium est, non pertinet ad Reformationem intensivam,	555.
Collatores minus commode confunduntur cum Ecclesiarum patronis,	213.
Collybistarum quæ sit ratio,	466.
Coma proluxior non adversatur naturæ, 334. quomodo viris sit pro velamento, 348. virilis moderatè crispa sit, 354. & barba nutriri possunt pro ratione temporum & locorum, 363. ejusdem luxus in quo consistat, 347.	
Comam servi non alebant, 334. Lacedæmonii cur aluerint, 335. Israëlitarum alebant, 337. alebant Philosophi, 338. moderatè ornare sceminis licet,	346.
Comatus vertex quis sit in <i>P/LXVII</i> .	356.
Communione cum Papatu non colit, qui fert titulum in Papatu receptum,	55.
Comœdiæ argumentum quomodo possit esse fabula ficta,	511.
Comœdiarum materia quatenus possit esse sacra,	508.
Conciones vespertinæ per Synodos Belgicas abrogatæ, 117. Funebres am merito sint abrogatæ in Fœderato Belgio, 294. vespertinæ quatenus improbatæ sint à Synodis Belgicis, <i>ibid.</i>	
Conciones omnes sacras Christianus die Dominico audire non tenetur, 117.	Con-



# RERUM PRÆCIPUARUM.

Confessiones Ecclesiarum raro leguntur,	544.
Confessionum Syntagma commendatum,	544.
Conscientias quidam inquietant, dum videri volunt tranquillare, §. i. solus	544.
Deus tranquillare potest,	494.
Consensus formulæ & Confessiones ostendunt, quænam Ecclesiæ doctrina	552.
fuerit,	552.
Consolationis soli fideles capaces sunt, 76. huic verbi Divini Minister præ-	74.
cipue intentus esse debet,	76.
Consolari sic potest V. D. Minister ut simul admoneat,	76.
Constantinus M. fana Gentilium non donavit Christianis, 45. bona quasi	181.
sacra Gentilium fisco suo vindicavit, <i>ibid.</i>	312.
Constantini Porphyrogenetæ error circa Afiarchas,	88.
Consuetudini pius quando refragetur,	204.
Contrahere licet cum heterodoxis,	314.
Conventus Arelatensis Moguntiam translatus fuit,	315.
Conversatio fidelium cum infidelibus sæpe præbet occasionem horum con-	278.
versioni, 85. quorundam hominum est fugienda, 316. & quatenus est	282.
fugienda,	282.
Conversari licet cum infidelibus.	283.
Convivia agitare licitum est, 275. vicinorum quatenus probanda sint, 278.	68.
vicinorum non omnia sunt inordinata, 282. per convivia nihil decedit	344.
in nuptiis Pastorum,	348.
Convivorum quorundam inordinatus luxus nihil derogat legitimis convi-	185.
viis,	121.
Cophini quid essent, & quare olim à Judæis gestarentur,	129.
Corinthii quomodo velato capite precari debuerint, 341. eorum mores	567.
corruptissimi erant,	487.
Corporis inspectio an Romæ ratione pubertatis recepta fuerit,	441.
Crines foeminarum convoluti qualiter se habeant,	570.
Cujacius docuit Bezam, qui sint Afiarchæ,	63.
Cultus omnis Dei, à Deo debet esse præceptus, 15. religiosus spontaneus	78.
esse debet,	64.
Curia sobriis committenda est,	77.
Curcellæus qualis,	191.

D.

Danæi iudicium de Trapezitis,	487.
Danæi quid sit,	441.
Decalogi præcepta affirmantia includunt negationem, & contra,	570.
Dendrophori qui fuerint,	63.
Desperationi provocandæ in alicujus animo nullus V. D. Minister intentus	78.
esse debet,	64.
Deus verus Jupiter à Paulo vocatur,	77.
Dei irati signum est, quando non mittit aliquos, qui peccata arguant,	191.
Diabolus Dei simius,	191.

Iiii 2

Diaco-



# INDEX VERBORUM ET

- Diaconi per Scripturam non vocati ad juris Ecclesiastici exercitium, ad illud tamen in Belgio admittuntur, 222. quomodo suffragium habeant in Belgio circa vocationem Ministrorum, *ibid.* an & quomodo admitti debeant ad electionem Ministrorum Ecclesiae, 244. olim solent inservire administrationi coenae Dominicae, 249. instar Presbyterorum nunquam Evangelium annunciarunt, 250. cum cena Dominica administraretur soliti clamorem edere, *ibid.* non respondent Levitis, 252. non pertinent ad Senatum Ecclesiasticum, 252. juxta Apostolum Paulum non sunt personae Ecclesiasticae, 253. quomodo sibi gradum struant ad alia officia, 254.
- Diaconorum, ex institutione Apostolica, munus est, pauperum curam gerere, 244.
- Dies Dominicus vocatur dies Solis, 99. non incipit à nocte, 102. sanctificari debet usque ab aurora, 103. quare ita vocetur: sive *ήμέρα κυριακή*, 104. non deformatur, si in illum Festum inciderit, 140.
- Dies & menses quomodo Paulus prohibeat observari, 146.
- Diei Dominici profanatio praecavenda à magistratu, 99. sanctificatio quamdiu duret, 105. sanctificatio in quo consistat, 116.
- Die Dominico à quibus operibus sit feriandum, 106. famuli & ancillae ab ordinario labore feruari debent, 115. quali convivio interesse liceat, 118. an licite Magistratus permittant navium & curruum statam profectionem, 120. & cauponis quomodo vinum aut cervisia peti possit, 130.
- Disciplina Ecclesiastica quare in Ecclesiis Belgii non exerceatur, 76.
- Diversoria qualia sint improbanda, 124. qualia in rep. Magistratus possit tollerare, 126. necessaria sub quibus conditionibus à Magistratu debeant admitti, 127.
- Dives in Evangelio Lucæ xvi. qualiter ratione purpuræ & byssi arguatur, 374.
- Divortium quomodo Israelitis fuerit permissum, 433.
- Doctorum consensui non facile est obnitendum, 253.
- Dominium in animalia an homini aliud concessum fuerit ante Diluvium, quam post illud, 575. ante Diluvium in quo constiterit, *ib.* post Diluvium quatenus agnosci debeat diminutum, 576.
- Domui suae prospicere, quid sit juxta Paulum 1. Tim. v. 95.
- Dordracena Synodus quid statuerit de diebus Festis, 139. contra Voetium vindicatur, 218.
- Dubia re quomodo sit abstinendum, 303.
- E.
- Ecclesia N. T. non est deterior Ecclesia U. T. eo quod non habeat definita bona seculi, 43. N. T. non indiget necessario bonis immobilibus, *ibid.* N. T. non possidet fundos ante tempora Constantini M. 44. quicquid in bonis secularibus possidet jure humano possidet, 45. militans non potest iisdem ritibus astringi, 170. ut gubernetur necessum, 175.
- Ecclesiae Anglicanae regimen non fuisset exagitandum à Transmarinis, 175. militantis perfectio summa frustra in hoc mundo speratur, 181. rationalis cultus, non pendet à modo vocandi ipsius ministros, 233.

Ab



# RERUM PRÆCIPUARUM.

- Ab Ecclesia non est discedendum propter leves illius nevos, 142.  
 Ecclesiæ N. T. post Constantinum M. ditari cæperunt per legata, 45. Belgi-  
 cæ qua occasione initio dies Festos proscripserint, 138. Belgicæ quando  
 circa usum Adiaphororum cæperint turbari, 515. Ecclesiæ primitivæ qua-  
 re caruerint Musica instrumentali, 534.  
 Ecclesiæ Belgicas diu exercuerunt controversiæ de Sabbato, 59.  
 Ecclesiasticæ constitutiones ad duas regulas debent esse exactæ, 18. debent  
 conformes esse Dei verbo, 19. de Adiaphoris quâdo vitiose reddantur, *ibid.*  
 Ecclesiasticæ leges, violatæ, licet mox peccatum non implicent, tamen in-  
 conveniens quid procurant, 25.  
 Ecclesiasticis legibus de Adiaphoris & Cæremoniis, quicunque est prudens  
 se subicit, 25.  
 Edere & bibere debet homo ad Dei gloriam, 10. dirigi possunt ad exercitia  
 pietatis, 306.  
 Elias Propheta quale Altare extruxerit, 196.  
 Encænias quæ sint, 202. qua talia non improbanda, 204.  
 Episcopus æqualis est presbytero, 172.  
 Episcopi sub initium primitivæ Ecclesiæ à presbyteris fuerunt distincti, 173.  
 Anglicani quam distincti sunt à Papanis, 176. qua occasione presbyteris  
 fuerint prælati, 79.  
 Episcoporum Anglicanorum particularia peccata non sunt toti ordini im-  
 putanda, 177.  
 Episcopale Ecclesiæ Anglicanæ regimen non traducendum temere, 172. &  
 hoc summi Theologi tolerabile putarunt, 173.  
 Episcopus notatus, 397.  
 Ergastulorum, furibus destinatorum, quæ sit ratio, 428.  
 Erranti per imprudentiam non est fides deferenda, 183.  
 Evangelium Legi præferre est Apostolica doctrina, 72. nam est causa in-  
 choans, conservans, & consummans sanctificationis, *ibid.*  
 Evangelista ad Gentiles, quibus indigeat, 93.  
 Excelsus Gabaon, 195.  
 Excelsa quid fuerint, 190. differunt à montibus & collibus, 194. duplicia fue-  
 runt, *ibid.* in quibusdam Deus, in aliis idola colebantur, *ibid.* quædam ad  
 tempus Israëlitis permessa fuerunt, *ibid.* idolis exstructa nullo modo tole-  
 rari possunt, 196. nulla fuerunt juris privati, 199. Ea ab Achabo destructa  
 fuisse Elias Propheta deploravit, 199.  
 Ezechie privilegium fuit à Deo concessum, quod omnia excelsa potuerit  
 abolere, 198.  
**F**Abulæ Æsopi quales, 512. Terentii an juvennti convenienter propo-  
 nantur, 510.  
 Fabularum in theatro actores qualiter vestes scemineas induere possint, 512.  
 Feræ carnivore an semper pasci debeant carnibus, 578. & seq.



# INDEX VERBORUM ET

- Festum Paschatis Christiani antiquissimum, 140. Nativitatis recentius, 143.  
 Ascensionis recentissimum est, 144. Purim, 133. Encæniorum, *ibid.* Pu-  
 rim ut celebretur à Judæis, 134. Circumcisionis antiquæ Ecclesiæ igno-  
 tum fuit, 145. & supplet locum Epiphaniæ, *ibid.* Epiphaniæ quod fue-  
 rit, *ibid.* Nicolai, aut trium Regum nulla ratione à Reformatis observa-  
 ri potest, 207.  
 Festum Encæniorum Christus honoravit, 135.  
 Festa V. T. an omnia à Deo fuerint instituta, 147. N. T. juxta præscriptum  
 verbi Divini sunt instituta, 148. commemorativa non sunt necessariò  
 celebranda illo die, quo aliquid acciderit, 149. quæ observant Ecclesiæ  
 Reformatæ plurimum à Papanis distant, 158.  
 Festa in memoriam beneficiorum Christi Ecclesia primitiva instituit, 136.  
 eadem convenienter Ecclesiæ Reformatæ observant, *ibid.* omnia N. T.  
 qui volunt abrogata, similes sunt Manichæis, 148.  
 Fæstorum N. T. finis non est mysticus, 157. N. T. rationem licet quidam  
 Theologi probe nou intelligant, non tamen abroganda, 158.  
 Fæsti dies institui possunt ab Ecclesia, 133. incidunt vel in diem Domini-  
 cum vel in alium, 134. Fæsti quidam dies ut observentur ab Orthodo-  
 xis, 162.  
 Fideles in certis casibus cum infidelibus fœdus percutere possunt, 83.  
 Finis internus actionis humanæ non cadit sub deliberationem, 11.  
 Flammeum unde dictum sit, 395.  
 Fructus terre saluberrimum cibum præbent, 576.  
 Fœmina Ministrum Ecclesiæ præsentare potest, 228.  
 Fœminæ viris immixtæ, an possint tripudiare, 322.  
 Fœminis an vinum concedendum, 310.  
 Fœnus an sit synonymum usuræ, 431. unciarium quid sit, 448. unciarium  
 idem cum Centesima, *ibid.* semunciarium, 449.  
 Fœnoris unciarîi computandi ratio, 450.  
 Fœneratio invisa illis quoque, quos juvat, 476.  
 Fœneratores quales notentur in Liturgia Ecclesiarum Belgicarum, 484.  
 Frediani qui fuerint, 63.  
 Fridericus Ænobarbus furibus emëndari nesciis restim destinavit, 423.  
 Fuci nulla ratione sunt liciti, 364. capillares quotuplices sunt, 365.  
 Fucis patres quam infesti, 364.  
 Fucorum ratio, 364.  
 Fundamentum in moralibus malum, mox mala consequentia non pro-  
 bat, 225.  
 Fur in Israël non poterat vendi alienigenis, 405. nocturnus juxta leges  
 Romanas semper in agris occidi poterat, 420. an recte ob tertium fur-  
 tum suspendatur, 424.  
 Furi an David decreverit pœnam capitalem, 407.  
 Fures ex lege Mosis poterant vendi, quod durum admodum, 405.  
 Furtum capitale fuit legibus Atticis, 417. in castris apud Romanos sem-  
 per



# RERUM PRÆCIPUARUM.

per capitale fuit, 419. crimen admodum probrosum est, 424.  
Furti poena apud Israëlitas intendi poterat, 406. simplicis poena capitalis non  
adversatur iustitiæ distributivæ, 412. poena intendi debet pro diverso  
reip. statu, 414. poenam apud Romanos leges prætoriæ mitigarunt, 419.  
Furti poena apud Israëlitas respexit speciatim illorum Politiam, 597.  
Fuisse feriri est capitalem poenam subire, 420.

## G.

**G**alea idem quod galerus, 367.  
Galeæ olim ex pellibus factæ, 589.  
Galerus & galericulus quid sit, 366.  
Galericulus capiti non est aptandus, ut formæ decus quæeratur, 369. non  
convenit capiti Christiani, nedum Theologi, 370.  
Galli ænei ob Physicam rationem turribus imponi videntur, 202.  
Ganeum quid sit, 124.  
Gangrensis Synodi canon de vestibus explicatus, 388.  
Gatakerus disputationem Voetii de fortibus solide refutavit, 295.  
Genevates quales choreas proscripserint, 320.  
Genevensis Ecclesia quo zelo omnes dies Festos proscripserit, 118.  
Genibus incumbentes Christiani precari solent, 166.  
Gentiles habiti sunt, qui noluerunt Papam Romanum agnoscere caput Ec-  
clesiæ, 94.  
Gentiles qui convertent nihil minus curare debent quam bona huius secu-  
li, 90.  
Gentiles saniores non probant sacrificia, nisi puro animo oblata, 565.  
Gentilium superstitioni quomodo Patres docuerint renunciandum, 55. om-  
nia facta materialiter non fuisse mala, 305.  
Gibbonitæ inter Israëlitas habitantes, fuerunt reliquiæ Paganicæ, 87.  
Gladii quando meminit Justinianus, non ludus gladiatorius, sed ultimum  
supplicium intelligi debet, 429.  
Gonorrhea morbida occultum vitium est, 376.  
Gravitas ficta quorundam juxta Marnixium scandalosa magis quam salta-  
tio, 320. Ministrum Ecclesiæ commendare debet, 257.  
Græci multas vestes habebant communes maribus & fœminis, 389.  
Gronovius quomodo se gerat adversus mortuum Salmasium, 448. libimet  
contrariatur, 453.  
Grotius notatur, 254.

## H.

**H**einsius notatus, 390.  
Helfricus Ulricus Hunnius qualis fuerit, 52.  
Heterodoxi adoptari possunt in collegia politica, quæ jurisdictionem  
non exercet: si permittat consuetudo, § 1. tales boni cives esse debent, *ibid.*  
non



# INDEX VERBORUM ET

- non nisi per accidens confirmantur in sua heterodoxia, si æstimentur à Reformatis, 86. possunt esse ministri Magistratuum Orthodoxorum, 87.  
 Ioannes Heurnius Euangelista in India Orientali, qualis, 91.  
 Hieronymus quid senserit de poculis votivis, 300. à Voetio male citatus, *ibid.*  
 Histronis respicientis exemplum, 503.  
 Histrones ordinarii infames merito habendi, 502. unde sint dicti, *ibid.* eos nullo loco Romani habuerunt, *ibid.*  
 Histronibus quam infestum est jus Canonicum, 503. aliquid donare peccatum est grande, 505.  
 Homini post lapsum concessio esu carniū, an contigerit beneficium, 581.  
 Honesti regula Lex Dei est, 499.  
 Hoornbeeck circa usuram Trapeziticam sibi non constat, 476.  
 Constant. Hugens de Organo libellum Belgicum scripsit, 515.  
 Hypocritæ multi transeunt ad visibilem Ecclesiam, 85.  
 I.  
 Idolatriæ sunt graves Ecclesiæ, 161.  
 Idololatriæ qua talis reliquiæ extirpandæ sunt, 205.  
 Jejuna non licebat, in primitiva Ecclesia, die Dominico, 112.  
 Jesuitæ quomodo infestentur pocula votiva, 301.  
 Jesuitarum Patriarchæ Pharisei, 301. concediæ quales sint, 511.  
 Illicitum in se nulla ratione fieri potest licitum, 440. nequidem per Magistratus permissionem, 486.  
 Imperatores Romani an dicti sint Pontifices Maximi, 17.  
 Indifferens idem quod adiaphorum, 3.  
 Infamia publica potest esse sine peccato, 350.  
 Infideles negotiis huius vitæ gerendis sepe felicius sufficiunt, quam fideles, 83.  
 Infirmi in fide, nec dociles circa adiaphora, tolerandi sunt, 28.  
 Infirmi fratres quinam sint habendi, 291.  
 Infitores multi in Belgio Trapezitis similes sunt, 465. olim viles habiti, ut & propolæ ac minores mercatores, 495.  
 Iphigenia dicta quasi Jephthigenia, 564.  
 Iter Sabbathicum quale fuerit, 119. Iter ingressi in ipso itinere Sabbathum sanctificare possunt, 120.  
 Iudæi dicti Cistiferi, 68. in sacris caput velabant, 343. in nuptiis suis hodie tripudiant, legis licet observantissimi sint, 326.  
 Jugum cum Pontificiis æquale non est subeundum, 80.  
 Franc. Junius refutatur, 374.  
 Jus Patronatus cur ab Authore consideretur, 208. originem suam non trahit à Papa, 209. quando primum cæperit agnosci, 209. debet accerri usque à seculo Justiniani Imperator. 210. quid sit, 212. in quo consistat formalis illius ratio, *ibid.* quamvis præstaret sublatum esse, tolerabile tamen est, 213. juri populi non adversatur, 214. in Belgio foederato ibi solummodo toleratur, ubi receptum est, 219. legitime exercitum



# RERUM PRÆCIPUARUM

exercitum censuræ Ecclesiasticæ non subest, 220. in Belgio per Synodum Nationalem Belgicam toleratum, non potest abrogari per Synodum provincialem, *ibid.* in Belgio nihil incommodi patitur à Remonstrantia quarundam particularium Synodorum, 221. in Belgio libertati Ecclesiæ nihil derogat, 225. ubiq; in Belgio fundamento moraliter malo non nititur, 226. quot modis acquiratur juxta Canonistas, 227. diversum est à jure ad pastorum, *ibid.* in Belgio nihil derogat confirmationi ministri, *ibid.* non potest juxta Canonistas exerceri ab illis quos notat religio, 229. ob speciem mali, quæ fingitur, in Reformatis Ecclesiis non est abrogandum, 230. ex abusibus non est æstimandum, *ibid.* ab Orthodoxis in Belgio vendi non deberet, 231. per se nihil derogat perfectioni Ecclesiæ, *ibid.* quomodo secundum Canonistas extinguatur, 232. an sit novum, 234. invito Papa Romano quatenus coaluerit, 235. in Belgio alicubi observatum nihil derogat libertati Belgicarum Ecclesiarum, 236. in Thesi consideratum aliud est ab eodem in Hypothesi spectato, 241. quomodo sit exercendum ex mente Authoris, 256. non debet vendi, 266. Jus Patronatus Author agnoscit ut nævum Ecclesiarum Belgicarum, sed qui deleri vix possit, 209. male Voetius statuit pendere à concessione Ecclesiastica, 211. qui habent, varia nomina à jure Canonico ferunt, 213. non fundat sola templi exstructio, 226. turbant avaritia & ambitio, 261. quomodo Author propugnaret, 265. Juris Patronatus exercitium non potest apud Orthodoxos iis concedi, qui heterodoxi sunt, 229. fundamentum non est Papæ Hierarchia, 237. Juri Patronatus favet Synodus Dordracena, 215. Jure Patronatus in Belgio Ministri non nisi idonei eligi possunt, 228. à jure ad factum argumentatio non procedit, 235.

## K.

**K**αθηλίκον quid significet, 128.  
 Καθηλίκον quid sit, 128.  
 Καθηλίκον quid sit, 342.  
 Kermessen an sint Encænæ, & unde nomen habeant, 202.  
 Κορνα quid significet apud Paulum, 344. qualiter mulieribus Paulus permittat, 345. sæpe idem quod superbire, 346.  
 Κτήτορες qui sint, 213.

## L.

**L**acedæmone corpus magnam partem nudabant virgines, 390.  
 Λαοπάδιον quid sit, 394.  
 Laodiceno Concilio quantum sit deferendum, 324.  
 Latronum coma intonsa & aspera, 333.  
 Levitas vitanda circa tonsuram capillorum & barbæ, 363. item in vestitu, 382.  
 Levitæ quæ possederunt, jure Emphyteutico tenuerunt, 44.  
 Lex Moralis mores non ordinat efficienter, 73. Dei Deut. xxxi. vers. v. de

K k k k

distin-



## INDEX VERBORUM ET

- distinctione vestis virilis & foemineae sitne moralls an caeremonialis, 374.  
 Moſis Politica de furto, ut puniendo, peculiarem habuit respectum ad  
 populum Iſraeliticum, 404. de filio immorigero, qui lapidandus, quo-  
 modo fit intelligenda, 425.  
 Legis Moralis usus tempore Euangelii, 70. Ministri inconuenienter affe-  
 ctant esse, verbi Divini ministri, *ibid.*  
 Leges Magistratus ut obligent conscientiam, 12. quae conscientiam obli-  
 gent, 22. Divinae simpliciter obligant conscientias, non vero humanae,  
*ibid.* Magistratus qualiter conscientiam obligent, *ibid.* Ecclesiasticae  
 haut magis conscientiam obligant, quam Leges Magistratus, 23. Caere-  
 moniales quatenus Christum respexerint, 378. Moſis Politicae, quate-  
 nus adaequatae sint legibus Moralibus, 403. XII. Tabularum duriores  
 quoque fuerunt in fures diurnos, 421.  
 Legibus Magistratus de Adiaphoris parere oportet, 23.  
 Lombardi qua occasione in Belgio innotuerint, 460. unde nomen habent,  
*ibid.*  
 Lombardis Carolus V. Imp. quam infestus fuit, 460. & circa eos aliquanto  
 iniquior, 461.  
 Ludi quales Dominico die sint permessi, 114.  
 Lugentibus poculum apud Iudaeos propinari solet, 304.  
 Lupanaria non debet Magistratus in Rep. tolerare, 126.  
 Lusus Schaccorum à nullo improbatus aequae ac aleae lusus multa circa se in-  
 commoda habet, 297.  
 Lufum aleae simpliciter Calvinus non improbat, 296.  
 Lutherani habent quidem Superintendentes, & tamen detestantur Hierar-  
 chiam Papanam, 180.  
 Lydius, Voetii quondam amicus, favet Organis in templo Dei laudes sonan-  
 tibus, 537.

## M.

- M**accovius, Authoris praeceptor, qua occasione Trapeziticae controver-  
 siae implicitus fuerit, 470.  
 Magistratus an possit suos subditos cogere, ut die Dominico sacris concioni-  
 bus interfint, 121. usurarum modum determinando ad quae debeat at-  
 tendere, 447. Christianus non potest habere Theatrum promiscuis spe-  
 ctaculis serviens: ne quidem si redundet in usus pauperum, 513.  
 Magistratus quod sit officium in rebus Ecclesiasticis, 21. officium in quo  
 sit distinctum ab officio ministrorum Ecclesiae, *ibid.*  
 Magistratui Ecclesiastico per L.L. Adiaphora ordinanti obsequendum est, si  
 non creetur praerudicium Legi Dei, 14. qua tali non convenit eligere &  
 ordinare Ecclesiae ministrum, 212.  
 Magistratus in Belgio rem Trapeziticam tractantes minus onerum ferunt  
 atque ordinarii Trapezitae, 464.  
 Malum.



# RERUM PRÆCIPUARUM.

Malum bene positum quid sit,	242.
Manichæi vino infestissimi erant,	291.
Μαφόριον quid sit,	397.
Mardochæus an fuerit Propheta,	134.
Marnixius Aldegondæ Dominus quid senserit de choreis,	317.
Martinalibus an possit anser comedi,	205.
Martinus Turonensis Episcopus vulgo S. Martinus jam olim in summa ve- neratione fuit apud Gallos, Belgas,	206.
Matthæus J.C. singularissimus contra jus Patronatus Ultrajecti declamans Voetio nihil profuit,	241.
Justinus Martyr an doceat Musicam instrumentalem templis proscriptam fuisse, 522. non docet Adamum abstinuisset carnibus animalium, quod Deus duo solum paria creasset,	573.
Medicus præscribens dietam, non solum considerandus est ut consiliarius, 572.	
Mercada,	203.
Μηλαστήριον quid sit,	589.
Mercatorum qualia consueverint esse peccata,	488.
Mercaturâ quibus interdictum sit,	466.
Mensarum ministerium, quod Diaconis incumberebat, diversum erat ab Agapis,	251.
Meretrices flavum capillitium affectabant,	366.
Minister Verbi inter concionandum potiore fidelium, quam hypocrita- rum rationem habere debet, 73. quando arguit peccata mox consolari debet, 77. liberos, & familiam suam Deo ante omnia commendet, 97. juxta jus Petronatus quomodo in conscientia potest esse certus, 214. conchæ similis, 258. an & quatenus praxin Medicam exercere possit, 271.	
Ministri ex Schola Ultrajectina quales, 78. Ecclesiæ divitiis colligendis studere non debent, 96. ab avaritia alienissimi esse debent, 262. an pos- sint vacare exercitio artis Mechanicæ, 267. olim à Gentilibus irrisi sunt, quod vacarent exercitio artis Mechanicæ, 268. qualibus conviviis inter- esse possint, 276. quomodo se gerere debeant in conviviis, 280. conve- nienter interesse possunt conviviis cum heterodoxis, 281. quidam Ec- clesiæ minus decori se gerere notantur,	274.
Ministris Ecclesiæ quædam non licent, quæ tamen permixta sunt vulgo di- ctis Clericis, 458. non sunt obtrudendæ uxores,	259.
Missaticum,	203.
Missæ vox quid notet in communi,	201.
Mitra indumentum anile & meretricium,	396.
Moderationis veræ usus necessarius juxta Hoornbeeck,	557.
Monachi profugi haut temere ad ministerium promovendi,	258.
Montes pro cultu sacro Gentilibus quoque placuerunt, 191. eos Deo præ- aliis locis placere Judæi existimant,	193.

Kkkk 2

Montes



# INDEX VERBORUM ET

Montes & collas suo cultui Deus speciatim vindicavit,	191.
Montes pietatis an sint probandi non convenit hic inter Doctores Pontificios, 473. illorum qualis ratio sit, 471. circa illos non unus quoque sensus est Theologorum Reformatorum,	473.
Morticinorum pelles an Israël vestiendis servire potuerint,	588.
Musica Organica quatenus contenditur non applicanda usui Ecclesiastico, 516. Instrumentalis circa sacra à Mose non est instituta, 519. Ecclesiastica Christianorum male ad Gentiles refertur,	533.
Musica instrumentalem sacris David primus admovit, 519. David hoc fecit ex speciali revelatione, 520. Instrumentalem sub quibus conditionibus in templis admiserint Synodi Gallicæ,	524.
Musici instrumentis Dei laudes veteres Christiani laudare solebant,	523.
Mutuo an transferatur dominium,	446.
Mysterii vox in se est abominanda, 55. vocis Etymologia,	57.
N.	
Naziræi intonsi erant,	339.
Nefchech an differat à Tharbitb,	477.
Nocturni Ecclesiæ cætus olim liciti, postea prohibiti fuerunt,	100.
Nocturna Sacra suspecta: à Deo non imperata: & legibus quoque prohibita,	101.
Nominibus Paganicis prudenter Apostoli sunt usi, speciatim Paulus,	61.
Nova omnia sunt plausibilia,	559.
Novitii ad Ministerium haut temere promovendi sunt,	256.
Nudæ partes, quæ in homine teguntur, juxta quam differentiam sint considerandæ,	392.
Nuditas an post lapsum in homine probrosa sit, 391. partiû genitalium maxime probrosa est,	392.
Nundinæ anniversariæ admodum profunt civitatibus, in quibus agitantur,	204.
Nutrire barbam aut comam quid notet,	363.
O.	
Opinio vagæ lectionis multis opinionem eruditionis parit,	40.
Organum Musicum pro moderando cantu æque licite adhibetur atque Psalmista, aut Phonascus, 528. Pneumaticum an veteribus notum fuerit, ibid. Musicum non pertinet ad legem Moysi ceremonialem, 533. Musicum æque in cultu sacro admitti potest atque moduli in Psalterio,	536.
Organi in templis abusus suo jam seculo notavit Bucerus, 523. in Papatu abusus non officit usui ejusdem legitimo,	532.
Organa Musica non sunt in templis simpliciter necessaria,	530.
Orarium quid fuerit,	250.
Osculum quid sit,	324.
Osculum sanctum quid sit,	329.
Oscula	



# RERUM PRÆCIPUARUM.

Oscula promiscua Belgarum sunt magis scandalosa, quam Germanorum tripudia, 327. promiscua illicita sunt testibus antiquis Patribus, 328. magis sunt libidinis incentiva, quam saltationes, 329.

**P**aganis Imperatores Christiani templa sua non reliquerunt, quod in illis abominanda fierent, 62.

Pallio quoque matronæ Christianæ amiciebantur, 361.

Πολυπεριουσία minime convenit Theologis, 169.

πυρροχέον quid sit, 125.

Panis madidus fuci vicem præstare solet, 364.

Papani peccant in dogmatum excessu, 543.

Papana superstitio per nominaliter Orthodoxis in memoriam revocatur, ut eam detestentur, 67.

Parentes quomodo de bonis secularibus liberis debeant prospicere, 96.

Partes corporis velandæ aut tegendæ sunt pro ratione loci & temporis, 390.

Pascha unde descendat, 141.

Paschatis pervigilium in primitiva Ecclesia receptum, 141. tempore Christiani non jejunabant, 142.

Patresfamilias quid die Dominico domi agere debeant, 116.

Patres quidam infesti fuerunt rasuræ barbæ, 362.

Patronus Ecclesiæ Reformatus an jus patronatus salva conscientia possit exercere, 243.

Patrono Ecclesiæ Author nunquam vocationem concessit, prout Reynesius mentitur, 228.

Patroni Ecclesiæ non sunt Episcopi, 230. non debent accipere munera pro pastoratu, 160. juxta jus Canonicum res Ecclesiæ administrare non possunt, 236.

Patronis non convenit plus quam jus præsentandi Ministrum, 223.

Patronatus Clericalis quomodo in Belgio federato sit proscripius, 237.

Pauli Apostoli tempore mulieres ubique non velabantur, 398.

Pectus denudatum sceminæ quatenus scandalosum sit, 398.

Pecudes an ante hominis lapsum carnibus abstinere debuerint, 579.

Pecunia quomodo sit sterilis, 445.

Pedes attollebant Christiani primævi inter precandum, 355.

Pelles vestiendis antiquis Romanis inserviebant, 372.

Pentecostes Festum, 142. festo veteres Christiani non jejunabant, nec genua flectebant, 143.

περιβόλαιον quid sit, 348.

περιερίδω quid sit, 353.

Pervigilium Paschale antiquorum Christianorum, 100.

Pervigilii Paschalis tempore lumina solent accendi, 142.

Phryges & Lycii furti severi vindices, 422.



# INDEX VERBORUM ET

- Phil.* notat aliquando iudicium rationis naturalis, 349  
 Pignus pro debito apud Israelitas poterat exigi, 478. quomodo capi possit  
 juxta Leges Mosaicas, *ibid.* ejusdem alia est ratio si sponte offeratur, quam  
 si capiat, 479.  
 Piscator mala fide à Voetio citatur, 152. dierum Festorum observantissi-  
 mus fuit, 160.  
 Piscatio qualis die Dominico licita sit, 114.  
 Pistorum in Belgio graves maxime pauperibus sunt, 465. homines viles sunt,  
*ibid.*  
 Plato nullam religionem probavit, nisi quam Dii præscripsissent, 565.  
 Plebis suffragia in mandandis Ecclesiæ muneribus à Concilio Laodiceno  
 improbata sunt, 212.  
 Plebi non est consultum, indefinite permittere, ut vocet Ministros Eccle-  
 siæ, 215.  
 Plutarchi locus explicatus, 396.  
 Poculum an memoriæ amicorum consecrari possit, 286. consolationis, 304.  
 votivum semper non provocat ebrietatem, 313.  
 Poculo non semper votum additur ut evacuetur, 287.  
 Pocula sanitatis noxia ut plurimum valetudini sunt, 285. sanitatis sobria à  
 quibus admissa, 290. à Voetio admissa qualia sint quæritur, 303. votiva  
 non efficiunt solemnibus precibus pro magistratu, 304. quomodo habeant  
 speciem mali, 305.  
 Poculis vorivis qua intentione liceat abstinere, 290.  
 Poena delictorum non tam ex culpa, quam ex fine æstimanda est, 414.  
 Poenæ quatenus intendi possint, 598.  
 Poenis asperioribus sub mundi senectam opus est, 428.  
 Poena homicidii & adulterii cur deberet esse apud omnes gentes capitalis,  
 non vero poena furti, 599.  
 Polybius quando tertium crimen militare non vult fuisse capitale, intelli-  
 gi debet de levioribus delictis, 426.  
 Popina quid sit, 124.  
 Potestas Ecclesiastica & Politica in quibus convenient & differant, 24.  
 Praxis pietatis pendet à peculiari operatione Sp. Sancti, 548.  
 Præcisi circa charitatem esse debemus, 51.  
 Prædia Levitarum quomodo vendi potuerint, 233.  
 Presbyteri ut elegerint ministros Ecclesiæ, 212.  
 Præsentatio Ministri Ecclesiæ quomodo cohæret cum jure Patronatus,  
 211. quid sit, 212. diversa est ab electione, 223. facta à patrono nihil de-  
 rogat libertati Ecclesiæ, 224. non est ipsa vocatio, 240.  
 Precari an liceat in Scena, 509.  
 Preces an stando dicendæ, 165. in iis quis corporis gestus sit adhibendus,  
 165.  
 Proportio an intercedat inter bona secularia & hominis vitam, 412.  
 Guil. Prynne qualis fuerit, 302.

Ψ 222. 117



## RERUM PRÆCIPUARUM.

**P**salterium quid sit, 523.  
**P**salmistæ officium, 528.  
**P**salmistæ serius in Ecclesiis recepti, qui, 522.  
**P**urpureus color quatenus in veste probandus sit, 373.

### Q

**Q**uies die Dominico seu Sabbatho imperatur quoque ob finem Politicum, 106. Sabbathina ratione Judæorum fuit quoque quid Cæremionale, *ibid.*

### R

**R**ahab fuerit meretrix, an mulier cauponaria, 125.  
**R**atio apud Romanos ignominiosa erat, 317.  
**R**asura in foeminis ignominiosa erat, 343. à Deo in populo suo simpliciter non fuit improbata, 359. Papanæ novitia est, 363.  
**R**ecreationi quali die Dominico liceat vacare, 111.  
**R**ebus licitis quando sit abstinendum, si peccatum illis societur, 308.  
**R**eformati in Gallia sunt membra Parlamentorum in quibus plerique sunt Pontificii, 84. eadem facere possunt ob usum Politicum, quæ Pontificii ob usum supersticiosum, 207.  
**R**eformatores primi multum detraxerunt fermento Papano, 543.  
**R**eformatio in sacris quid sit, 540. illius duo sunt actus, *ibid.* Ecclesiæ quatenus pertineat ad Magistratum, 540. Ecclesiæ quomodo à tempore Lutheri processerit, 542. morum pertinet ad Sp. Sanctum, *ibid.* intensiva, quod ad dogmatica est necessaria, 545. circa ritus qualis requiratur, *ibid.* intensiva Voetii qualis, 546. intensiva non debet confundi cum illius successu, 547. intensiva tum non itenditur, quando praxis pietatis intenditur, *ibid.* intensiva quomodo juxta Voetianos intensive procurari debeat, 548. intensiva distinguenda ab illius vindictis, 548. intensiva distincta est ab intensione sanctificationis, 549. intensiva Voetii vera quatuor capitibus constat, 557.  
**R**eformationi in doctrina Pontificii semper refragati fuerunt, licet circa mores & ritus eam semper admiserint, 542.  
**R**egeniti vel sunt in fide firmi vel infirmi, 18.  
**R**egimen hominis vel spirituale vel politicum est, 21. Ecclesiarum, quæ consentiunt in fidei dogmatibus non est arguendum à Theologis, 169.  
**R**egula conscientiæ & prudentiæ ordinat adiphora, 27.  
**R**eynessius hodierna convivia censet esse compotatorum chaos, 275. mala fide citat Fr. Junium, 199.  
**R**eynessii Sycophantia 213. & passim mala fides in citanda Scriptura, 192. item sæpius Ejusdem Spurcities, 287.  
**J**acobus Reyngouts qualis fuerit, 88.

Res



# INDEX VERBORUM ET

Reslicitæ quomodo evadant illicitæ, 309. illicitæ secundum consuetudinem quatenus sint considerandæ,	311.
Resipiscentia est fructus Evangelii, non Legis, 71. ejusdem renovatio efficacius secundum Evangelium, quam Legem urgetur,	72.
Reticulum quid sit,	352.
Rigor legum adversus fures Romæ temperatus fuit, quod multa esset facies reip.	421.
Ritus qui hostes veritatis in superstitione confirmant non sunt Adiaphori, 20. & mores pro diversitate loci & temporis differunt, 321. diversi in Ecclesiis ejusdem confessionis esse possunt,	545.
Ritibus Ecclesiasticis, si non sint contra bonos mores, nemo Christianus refragari potest,	546.
Rivetus examinatur circa esum carniū ante Diluvium,	581.
Riveti error circa excelsa,	198.
Romani prohibuerunt sacrificia humana,	565.
Romani saltationibus dediti fuere, 329. antiqui intonsi erant,	337.
Romanis legibus furtum initio capitale fuit,	418.
Rusticum opus quomodo die Dominico exerceri possit,	110.

## S.

Sabbatum Judæi inchoarunt à vespera,	102.
Sacerdotum nomen tempore Justiniani quoque viri quam spectabiles tulerunt,	188.
Sacram viam rogare quid sit,	207.
Sacrificia luminis naturæ an sint accepta ferenda? negativa sententia probatur, 560. & seq. & quidem è Scriptura. 562. Autoritate Patrum, & Theologorum Orthodoxorum.	
Sacrificia humana exemplo Abrahami Patriarchæ primitus Israëlitarum obtulerunt suo Molocho, 564. ab iis didicerunt primo vicini iis Tyrii, & dein aliæ gentes,	ibid.
Sacrificare unde didicerint Gentiles, 563. & seq. In illis potissimum Deo probanda fuit obedientia, 586. nec vero simile est Deum tantum honorari voluisse ex illis, quæ homini utilissima erant,	586.
Sacrificantes ante Diluvium, an ex iis comederint,	583.
Sacrificantes in Excelsis Jehovahæ dedicatis non merentur haberi idololatæ,	197.
Sadeel mala fide à Voetio citatur,	151.
Salmasius notatus, 363. 382. Ejusdem levis error,	360.
Salomon quomodo Abiatharum deposuerit,	234.
Saltatio optimi instituti potest esse comes, 318. in se adiaphora est, 318. 322. solitaria virorum Zelotypiæ à Marnixio imputatur, 319. juxta Marnixium non derogat authoritati viri gravis,	ibid.
Saltationes nostræ veterum saltationibus moderatiores videntur Marnixio,	319.



# RERUM PRÆCIPUARUM.

319. mollès à Scriptura solummodo prohibentur, 325. pro usu gentis decernende, 326. ab antiquis patribus Christianis in publicis solemnitatibus permittæ fuerunt, *ibid.*
330. Saltatores an & quatenus apud Romanos infames fuerint, 330.
195. Samuel sacrificavit in excelso extra Silo, 195.
287. Santea quid sit, 287.
303. Santeæ Reformate an dentur, 290. an possint admitti, 303.
- Scandalum vox Græca facta Latina, 29. quid proprie significet, *ibid.* est vel internum vel externum, 30. externum quid sit, *ibid.* externum nimis angustè definitum ab Hieronymo, *ibid.* externum est vel datum vel acceptum, 31. datum alias activum dicitur, *ibid.* datur ratione rei adia-phoræ, 33. circa Adiaphora quoque præcavendum, *ibid.* acceptum quid sit, *ibid.* acceptum male à Reynessio statuitur tertia species Scandal, 34. acceptum vel est humanum vel diabolicum, 35. humanum vel est pio-rum, vel impiorum, sed infirmorum, *ibid.* acceptum piorum infirmorum quid sit, 36. acceptum quomodo pii superent, *ibid.* diabolicum, *ibid.* an dari possit ab illo, qui docet aliquid, quod Scripturæ est consentaneum, 37. qua datum, qua acceptum, vel publicum, vel privatum est, 38. ut-rumque distinguendum quoque ratione personarum, *ibid.* quam scrupu-lose sit præcavendum, *ibid.*
32. Scandali dati ratione ut offendantur, qui sunt extra Ecclesiam, 32. ratione ut offendantur, qui sunt in Ecclesia, 33.
32. Scandalum aliquis dat vel destinato consilio, vel non destinato consilio, 32. qui dant, quomodo agendum sit cum illis, 33.
32. Scandalo dato nemo debet offendi, 32. offenduntur qui vacillant iudicio, *ibid.* in scandalo consideranda quatuor, 30.
507. Scena corporis quid sit apud Tertullianum, 507.
503. Scenicæ mulieres quæ sint, 503.
- Schoockio, Authori hujus libri, justissimus Deus triumphum concessit de Ad-versariis, 51.
- Schyta eorumque posterii furti acerrimi vindices sunt, 422.
507. Ant. Scori Comcedia qualem successum habuerit, 507.
8. Scotus negavit aliqua dari Adiaphora, 6. ejusdem argumentis occurritur, 8.
181. Senatus Ecclesiasticus Palatinus vindicatur, 181.
336. Servi non poterant esse Monachi, 336.
106. Servilia opera quæ sint, 106.
- Sociniani cur furtum nolint esse capitale, 424. quæ remedia furibus desti-nent, 427. Eorundem impia doctrina, 544.
417. Solon furibus quam infestus fuit, 417.
499. Spectacula qualiter antiqui Patres arguerint, 499. pretio edi solita dete-standa sunt, 500. Comica improbata sunt à Romanis antiquis, 501. Hi-strionica optimos quoque corrumpere apta sunt, 504. non merentur simplicitate improbari, 505. sub quibus conditionibus licite admittan-tur, 512.
- LIII Specta-



# INDEX VERBORUM ET

Spectaculorum licitorum fructus varii sunt,	506.
Spectaculis Histrionicis salva conscientia nemo interesse potest,	504.
Spectaculis honestis Reformata doctrina in Belgio promota fuit,	507.
Stabulum quid significet,	127.
Stantes precabantur Gentiles,	165.
Status controversiæ genuinus de promissis capillis,	334.
Stoici & Cynici foenus nauticum exercuerunt,	455.
Sublatio manuum non est statio,	167.
Suillarum carnijum quæ ratio,	590.
Superintendentes an tolerari possint in Ecclesiis Orthodoxis,	178.
Supersticio vel est Theoretica, vel Practica,	20.
Synodi Belgicæ an adversentur Organis in Templo,	537.
Belgicæ priores multa pro tempore probarunt, quæ hodie unanimiter improbantur,	538.
Synodalibus decretis quantum ponderis infit,	556.

## T.

TAberna quid significet,	124.
Taffinus non arguit morem præbibendi apud Belgas receptum,	298.
Teelingius non est simpliciter infestus poculis votivis,	298.
Templum aliquod præstat vocare S. Petri, quam simpliciter Petri,	65.
Templi voce an abstinuerint antiqui Christiani,	294.
Templa supersticiosa à Pontificiis fuerunt Sanctis dedicata, 65. Paganorum per Christianos Imperatores hominibus privatis locari solent, 67. à Sanctis denominari qua ratione Author probet, 68. à privatis quoque Christianis sub Justiniano Imp. extrui coeperunt, 210. ea non habuerunt primitivi Christiani, 210. sed seculo demum quarto Christiani sunt indepti,	ibid.
Tertullianus Paganorum fana nomine proprio insigniri patitur, 65. falsus est circa virgines velandas,	394.
Testimonium Negativum Scripturæ an & quatenus sit recipiendum,	571.
in Theatro qualis materia licite possit repræsentari & qua ratione,	506.
Theodosius M. Paganos ad honores promovit,	84.
Theologus, pacis studiosus, in Ecclesia hac visibili multa tolerare debet,	213.
Theologi Lutherani varii usuras probarunt, 414. quidam in Belgio exercant foenus intolerabilius Trapezitico, 490. Belgici melius sentiunt hoc tempore de Trapezitis, atque olim, 494. Palarini cur infestiores sint Musicæ instrumentali Ecclesiasticæ, 518. prudentes pro diversis locis in quibus vivunt aliter de adaphoris arbitrantur,	518.
Theologica dogmata numeris comicis comprehendendi non debent,	511.
Θεοποιον ab Apostolo Paulo Moses vocatur,	58.

© 1711



# RERUM PRÆCIPUARUM.

506. *Si* vox in se turpis est, 59.  
 504. Tilenus qualis fuerit, 518.  
 507. Togâ apud Romanos tum viri tum fœminæ utebantur, 389.  
 127. Tolerantia circa jus Patronatus cogitari varia potest, 219. mutua circa er-  
 165. ronea requiritur, 545.  
 334. Tonsura qualis Dei populo definita fuerit, 338.  
 455. Tonsura Arabum qualis, 595. Illa Dei populo interdictum fuit, *ibid.*  
 167. Tonsura Hunnorum, Saracenorum & similium populorum qualis fuerit, 595.  
 590. Tonsura illa Deo displicet, quæ arguit mores legi suæ adversantes, 595.  
 178. *Tegre* aliquando cibum notat, 252.  
 20. Trapezita dum mutuum dat, distinguere non tenetur inter divitem & pau-  
 537. perem, 475. non tenetur mendico gratis mutuum dare, 477. conve-  
 nienter non fuerit is, quem Deus ad aliud vitæ genus vocavit, 496.  
 538. Trapezitæ in Belgio diversi ab iis, qui fuerunt tempore Alexandri VI. Pa-  
 556. pæ, 459. sunt fœneratores publici, 461. in Belgio constituuntur à Ma-  
 124. gistratu, 462. & quidem juxta certas leges. *ibid.* in Belgio haberi me-  
 298. rentur viri honesti, 463. Belgici pauperioribus quam utiles, 467. pro-  
 298. sunt quoque opulentioribus, *ibid.* multo extremo exitio eximunt, 468.  
 65. recta potius, quam per alios, adeundi, *ibid.* convenienter componuntur  
 294. cum Argentariis, 469. iniquè exagitantur à quibusdam Theologis Bel-  
 300. gis, *ibid.* si intralinearum se contineant, non premunt pauperes, 481. an  
 67. ea mensa fœnebris tantum ac vulgo jactatur lucrari possint, *ibid.* non reti-  
 100. neant residuum ex pignoribus distractis, 483. Reformati in Belgio sunt  
 abue- admissibiles ad cœnam Dominicam, 485. honesti, invitandi essent ad  
 11. sacram cœnam, 488. quod publicè sint exosi, traducti sunt à quibusdam  
 11. Theologis Belgis, 490. quales ad cœnam Dominicam admitti debeant,  
 11. 491. probi, possunt esse Diaconi & Seniores Ecclesiæ, 492. cur in Bel-  
 11. gio vulgo sint exosi, 493. peccant si solum lucrum intendunt, 495.  
 11. Trapezitarum personalia peccata non imputanda ordini, 462. causa liqui-  
 11. dis rationibus astringitur, 464. mensæ male componuntur cum lupanari-  
 11. bus, Romæ à Papa permitti solitis, 485.  
 11. Trapezitis similes mercatores, 466. Belgicis haut magis inclementer dici  
 11. potest, atque Montibus pietatis, 474. non est proprium quarto modo,  
 11. ditescere, 481. Belgicis non adversatur Liturgia Ecclesiarum Belgica-  
 11. rum, 484. quare particulares quædam Synodi adeo infestæ fuerint, 484.  
 11. Trapeziticæ mentæ an sint azyla furum, & prodigiorum, 482. usuræ non  
 11. sunt æquo grandiores, 480.  
 11. Trapeziticam artem qui non possint profiteri, licet in se sit honesta, 491.  
 11. rem tractant quidam per Belgium Magistratus, 463. rem tractantes in  
 11. Belgio Magistratus clementiores non sunt ordinariis Trapezitis, 464.  
 11. Triboniani erga fures indulgentia, 420.  
 11. Tributa pauperes maxime premunt, 476.  
 11. Tridbergenses nundinæ, 204.  
 11. Tripudia Germanorum non omnia sunt mollia, 327.  
 11. LIII 2 Tripu-



# INDEX VERBORUM ET

- Tripudiis modernis Author non patrocinator ut nimis mollibus, 327.  
 Tripudiatioria ars multum curæ & attentionis exigit, 330.  
 Turri an vice campanilis imponi possit Gallus, 340.  
 Tutuli qui, 348: non possunt confici ex alienis capillis, 349.  
 Tympanorum qualis olim usus fuerit in choreis, 323.  
 V.  
 Valentiniāni Adiaphoristæ erant, 3.  
 Valerius Maximus à Plutarcho dissentit, 395.  
 Vbera fucata ac denudata arguunt impudicitiam, 400. denudata ubique  
 locorum foeminarum non arguunt impudicitiam, *ibid.* homini nutriendo  
 licet serviant, non tamen generando, 401. Ubera foeminea quatenus li-  
 ceat contingere, *ibid.*  
 Vēstigialium defraudatores fures sunt, 416.  
 Velabant caput apud gentiles, qui sacra faciebant: non tamen hoc erat re-  
 ceptum apud Græcos, 341. velabant quoque caput foemine, non viri in  
 publico, 343.  
 Velare caput probro ducebatur foeminis apud Romanos, 395.  
 Velari non solent virgines, 353. quatenus virgines voluerit Tertullianus,  
 393. mulieres ut voluerit Paulus, 394.  
 Verbi Dei auditores commonefieri debent suorum antecessorum, qui præ-  
 cesserunt, 551.  
 Vestis Ministrorum Ecclesiæ alba deberet esse, 373. Ministrorum Ecclesiæ  
 nigra quatenus probanda sit, *ibid.* peregrina ut prohibeatur à Deo *Traph. I.*  
*vers. VII.* 379. debet respondere modestiæ & frugalitati, nec non cu-  
 jusq; vocationi, 382. ejusdē forma ut consuetudini debeat respondere, *ibid.*  
 Vestes viri & foemineæ num ratione formæ debeant esse distinctæ, 374. ma-  
 rium & foeminarum apud Israëlitas inconfusæ quid significaverint, 378.  
 solæ non distinguunt politicè mares & foeminas, 379. secundum nume-  
 rum ut sint considerandæ, 383.  
 Vestium materia qualis debeat esse, 371. materia varia esse potest pro loco-  
 rum varietate, *ibid.* quis color debeat esse, 372. forma qualis esse debeat,  
 379. appendices destinatæ acquirendæ gratiæ in oculis aliorum illicite, 384.  
 luxui supremæ Potestates, speciatim in Belgio Foederato resistere debe-  
 rent, 385. luxus quare in Belgio Foederato sit frænandus, 387.  
 Vestes hominum ante Diluvium an fuerint confectæ ex pellibus victimis  
 detractis, 387.  
 Vestes viriles & foemineas non discrevit natura, 377. quatenus licet in pi-  
 gnus recipere, 478.  
 Vestiariarum legum loco in Belgio quidnam observari possit, 385.  
 Vestitus humilitati animi respondere debet, 371. arguit inobedientiam pri-  
 morum parentum, cujus nos quoque consortes sumus, 371. non necessa-  
 rio debet esse fordidus, ut est humilis, *ibid.*  
 Vibrissæ an arguant ferociam, 332.  
 Victus homini in statu Innocentiæ à Deo ordinatus, quomodo sit intelli-  
 gendus, 571.  
 Victum



# INDEX VERBORUM ET

Victum homini in statu Innocentiæ Deus, ut Medicus ordinavit,	571.
Vinum quomodo exhibendum & quibus, 309 qua mensura sit bibendū,	310.
Vinum gentium quare Judæi non debuerint bibere,	310.
Vini usu an aliquis Christianus sibi in perpetuum interdiceret possit,	310.
potatores validi magisne peccent an infirmi,	311.
Viri ornandæ comæ studere non debent, 351. vittis comas subfringere non debent, 352. iis inconueniens est ornatus muliebris,	351.
Visui & auditui quomodo juxta Scripturam sit invigilandum,	504.
Vita vel est <i>φύκη</i> , vel <i>πιδυμένη</i> , 26. an omnibus aliis rebus sit semper præferenda,	413.
Ungues ut liceat ultra cutem extendere,	357.
Vocatio sæpe in Scriptura debet accipi pro præsentatione ministri Ecclesiastici,	213.
Voces non sunt semper æstimandæ secundum originem,	59.
Vocibus in se abominabilibus Sp. Sanctus non abstinet,	56.
Voetius cum suis iniuste debacchatus fuit in Canonicos Ultrajectinos, quasi mala fide bona vulgo Ecclesiastica possiderent, 50. patitur templa à Sanctis denominari, 66. censet Heterodoxis aliquando à Magistratu liberum religionis suæ exercitium concedi posse, 89. pervertere infelicitèr studet mentem Synodi Dordracenæ, probantis dies festos, 155. adversatur Synodo Dordracenæ, 163. sibi ipsi adversatur circa Canonicos Ultrajectinos, 189. audacter nimis interpretatur decretum Synodi Dordracenæ de jure Patronatus, 216. admittit juris Patronatus exercitium sub certis limitationibus, <i>ibid.</i> in exercitio juris Patronatus sibi adversatur, 217. reprehendendo jus Patronatus, arguit multorum fidelium in Belgio Pastorum ministerium, 231. qua fide citet Authores, 299. 301. 516. an cuius relinquat suum iudicium circa pocula votiva, 302. mentas Trapeziticas inique traducit,	486.
Voetio præsentia semper displicent, 238. sectatorum turba non est invidenda,	558.
Vossius arat vitula Fr. Junii,	362.
Usura quid sit, 431. non est simpliciter mala, 436. non adversatur naturali æquitati, 443. est quoddam <i>νέμει</i> , 447. vix millesima, 453. Trapezitica quæ sit, 458. non minus divites, quam pauperes mordet, 475. omnis mordet,	477.
Usuræ infecti sunt plerique Augustanæ confessionis Theologi, Theologi multi Helvetici, & Angli, 433. legitime quinam ex Theologis faveant, 434. an adversetur Christus,	442.
Usuram non prohibent David & Ezechiel, nisi, quæ exigebatur à fratribus,	441.
Usuræ menstruæ apud Romanos fuerunt, 449. nauticæ reliquis grandiores, 454. definiendæ non ratione accipientis, sed mutuantis, 457. Trapezitica per Italiam primordia, 459. Trapezitica an & quomodo pauperes premant,	465.
Usurarum modum Magistratus definire debet, 447. ratio in Belgio quæ, 454.	



# RERUM PRÆCIPUARUM.

quantitas ratione periculi quoque definienda, 454. justam molestiam  
 sæpe percipiunt mutuantes, 476.  
 Usuris quomodo Israëlitis interdictum, 435.  
 Usuras quare Israëlitarum non potuerint exigere à fratribus, 435. sed ab extra-  
 neis potuerint, 437. 440.  
 Usurarius contractus non adversatur charitati, 436. huic tamen infesti sunt  
 multi Patres, Scholastici, Jus Canonicum, & Lutherani, 432.  
 Willebrordus an debeat haberi Papista, 204.  
 Zanchius mala fide à Voetio citatur, 152.

## LECTORI SALUTEM.

Quod liber hic, qui ante biennium Typographo oblatus fuit, absente Auctore typis  
 exscriptus fuerit, hinc inde quædam errata irreperunt: grandiora tamen eruditi  
 Typographi diligentia præcauente. Eminentiora, quæ se nobis obtulerunt, ex  
 hoc Syllabo restituantur.

Pag. 3. lin. 3. leg. expendenda. ibid. 33. ipso quoque intellectu. 4. 5. interpretem. 5. 32. ἀδελφοί. 39.  
 10. 34. gloriosa. 11. 5. eadæ. ibid. 18. considerata. 17. 1. opus. ibid. 28. vestī. 18. 21. irregenti.  
 19. 29. vers. 9. 20. 19. sentire. ib. 24. Ecclesiasticæ. 21. 1. mirificæ. 22. 6. obstringere. 23. 32. Tu-  
 blicanus. 24. 21. cunque. ib. 33. pro Civilem pone Ecclesiasticam. 25. 25. obtruduntur. ib. 35. viola-  
 tione. 34. 11. sæpe. 37. 34. pro seica leg. solido cibo. 54. 15. Quandoquidem. 55. pen. Norat. 64. ult.  
 alius. 68. 26. cephini. ib. 30. solum. 69. 12. praxin. ib. 27. pedagogo. 72. 1. denominatio. 74. 35. N.  
 76. 17. turpia pro tristia. 81. 22. certat pro tertias. 83. 23. pone 3. pro 18. 85. 27. dele in. 96. 23.  
 generationem. ib. 32. ut pro in. 97. 27. Pl. 146. vers. 9. 102. 25. 20. pro 14. 106. 24. 20. pro 15.  
 ib. pen. Exod. 109. 31. sua. 111. 14. γαργάρες. 115. 29. 20. pro 14. 128. 17. equidem pro etenim.  
 141. 14. dele qui. 144. 31. Ascensionis. 190. 32. trium virorum. 231. 13. Miror. 237. 6. Cessante.  
 241. 20. post verbum Matthai adde hac verba; parum subsidii occurret: 258. 19. idonei. 262. 10.  
 vendunt. 265. 30. approbatam. 290. 21. ineptire. 291. 25. derogare. 294. 7. licitis. 297. 29. copie-  
 sius. 311. 5. fluvii. 318. 10. cithara. 324. 20. ἀλγῶν. 325. 21. ἐρχόμενοι. 331. 9. controversia.  
 ib. 21. casaries. 334. 11. proponit. ib. 19. simpliciter. 349. 27. ἡγεμονιστοί. ib. 35. διδάσκει. 352.  
 16. Phosylidū. 353. 21. ἀγέλης. 354. 12. cinninos. 370. 5. Equidem pro etenim. ibid. 24. non esse.  
 405. 17. ἀφ᾽ ὧν. 407. 16. pro 2. Sam. 2. pone 2. Sam. 12. 416. 17. scire. ib. 30. leges. 420. 8.  
 Silanian. 424. pen. Israëlita. 427. 24. Musselmanos. 428. 9. quam quasi caremonialem. 429. 28.  
 qua. 441. 18. fœnus. 446. 10. φουσκῶν. 447. 10. ὑπὸ ἡμέρᾳ. 451. assem. 453. 19. egregios. 456. 14.  
 Sentent. 460. 16. Brabantia. 468. 15. alias. 471. 13. publicani. 476. 29. 25. pro 22. 479. 33.  
 illi. 485. l. 20. anno 1656 ibid. l. 21. in fin. dele anno 499. i. 16. merito. 520. l. 24. præcepta.  
 521. 13. cum primitus. 527. 29. cantari solitorum. 529. 23. poster. 532. 23. omnia sunt pertur-  
 bata, ita vero legendum: delictorum confessionem harmonicam & suavem, per choros cantantium in  
 templis, edentes & exhibentes, dum plebs interim conticescit. 536. 8. Occidentales. ib. l. ult. præ-  
 sexuerunt. 540. 19. indicare. 543. 3. ἐσθλῶν. ib. l. 16. sanguine. 548. 4. Spiritus. 552. vel cum  
 primis Reformatoribus componi. 555. 21. securum. 560. 5. acceptum. 566. 23. Rhet. lib. 1. 577.  
 30. Sensus plane perversus: Quod præ fructibus arboris fœterent carnes. 579. 17. πωλίζεσθαι.  
 ib. l. 21. tigribus. 584. 15. Genes. 31. 54. pag. 595. l. ult. sociarunt. Erratum etiam multoties est  
 circa literarum transpositionem: quomodo V. C. a pro æ, & vicissim æ pro a: e pro æ & vice versa n:  
 pro u, atque iterum u pro n: item n pro m, at denique s pro r. vel etiam r pro s: occurrunt, quæ om-  
 nia suo Marte & citra pulveris jactum Eruditus Lector corriget: modo litari Humanitati, atque in  
 oculis habuerit librorum Fatum.

F I N I S.




lestiam  
476.  
435.  
extra-  
7. 440.  
sti sunt  
432.  
204.  
152

re typia  
eruditi  
unt, ex

160. 297.  
rregeniti.  
32. Tu-  
5. viola-  
64. ult.  
35. N.  
96. 23.  
pro 15.  
o etenim.  
Cessante.  
62. 10.  
9. copie-  
troverfia.  
cel. 352.  
non esse.  
420. 8.  
429. 28.  
456. 14.  
479. 33.  
praecepto.  
t. pertur-  
ntium in  
ult. pra-  
vel cum  
1. 577.  
p. 297.  
litoties est  
e versa n.  
que om-  
atque in







KONSERVIERT DURCH  
ÖSTERREICHISCHE FLORENZHILFE  
WIEN

0056444-16